

中医儿科名著集成

郭善敏 主编

年月 日 出版



R272
81
0301308



ISBN 7-5080-0789-1



9 787508 007892 >

ISBN 7-5080-0789-1 · 14

定价：8.00元

历代中医名著文库

中国中医药学会文献学会

中国中医药文化研究会

全国医古文研究会

中医儿科名著集成

主 编 郭君双

副主编 杨俊杰

华夏出版社

图书在版编目(CIP)数据

中医儿科名著集成/郭君双主编. - 北京:华夏出版社,1997.5

(历代中医名著文库)

ISBN 7-5080-0789-1

I. 儿… II. 郭… III. 中医儿科学-文集 IV. R272-52

中国版本图书馆 CIP 数据核字(97)第 06555 号

华夏出版社出版发行

(北京东直门外香河园北里4号 邮编:100028)

新华书店经销

机械工业出版社印刷厂印刷

787×1092 1/16开本 49.75印张 1300千字

1997年5月北京第1版 1997年6月北京第1次印刷

印数1-5000册

定价:88.00元

(本版图书凡印刷、装订错误,可及时向我社发行部调换)

历代中医名著文库

名誉主编 张文康

学术顾问 (以姓氏笔划为序)

马继兴 王志川 王绵之 傅敏流
史常水 吕炳奎 刘渡舟 李金庸
余瀛鳌 张灿理 陈可冀 陈即
尚志钧 施秉那 钱超塵 郭霭春
程莘农 董建华 焦树德 任志远

总 策 划 王智钧 ~~王智钧~~
主 编 高文铸 ~~高文铸~~
副 主 编 李俊德 ~~刘日一 张 伟~~
编 委 (以姓氏笔划为序)

于伯海 牛兵占 刘日一 伊广谦 刘更生
李俊德 张 伟 张年顺 张瑞贤 胡晓峰
徐又芳 高文铸 郭君双 黄龙祥 盛维忠
蒋力生

《历代中医名著文库》序

高文铸

成功之道，读书为要。不管做任何学问，都是如此。古往今来，凡是在某一学科有成就的人，莫不是学富五车，满腹经纶。怎样读书？先哲早有明训：第一要精，第二要博。“精”就是专门深入，精研细读；“博”就是广泛浏览，博极群书。精博相兼，成功就在眼前。

学习中医当然也不例外。医圣张仲景“勤求古训，博采众方”，撰成《伤寒杂病论》千秋不朽；药圣李时珍“岁历三十稔，书考八百余家”，著成《本草纲目》万代永传。要想成为一代名医，就要多读书，读好书，好读书。古今一理，中外皆同。

科学是有继承性的，特别是中医这门实践性很强的学术，需要多少代人的不断摸索和积累。古人在实践中摸索积累的临证经验，主要依靠中医文献作为载体延续发展。书以记文，文以载道，道以育人。历世流传的中医典籍，便是仁人志士步入医学殿堂的阶梯。

学以致用，困知勉行。读书与实践，相辅相成，二者不可偏废。作为一个医生，读书必须结合临证，临证不能脱离读书。历观古今名医的成长道路，都毫不例外地把读书与临床实践紧密地联系在一起。他们通过勤奋读书，反复实践，不断总结，又各自把读书心得和临证治验记录下来，成为我们取之不尽、用之不竭的文献宝藏。

面对这些浩如烟海的中医典籍，盲目阅读或漠然置之都是不足取的。正确的态度应该是对这些浩瀚的文献进行系统梳理，科学分析，深入钻研，由博返约，去粗取精，发扬光大。这样才能避开前人走过的弯路，把前人宝贵的经验继承下来，从而在更深的层次上探索未知的境界。尤其在受到西医的强烈冲击，中医临床实践机会相对减少的今天，师法古代名医名著则更加不可或缺。

为了弘扬中华民族文化，广泛传播和充分利用祖国医学这份宝贵遗产，满足广大中医药工作者读书、临证的需要，在华夏出版社社长兼总编辑王智钧先生、常务副社长兼副总编辑张伟先生的精心策划和卫生部副部长兼国家中医药管理局局长张文康先生、中国中医研究院党委书记房书亭先

生、中国中医药学会副秘书长李俊德先生的大力支持下,由中国中医药学会文献分会、中国中医药文化研究会、全国医古文研究会联合聘请有关专家学者,在传世的近万种中医古籍中,经过反复论证,严格筛选,编纂了这套《历代中医名著文库》丛书。

《文库》以历代流传广、社会影响大、临床实用价值高为选书原则。根据中医学学术发展的演变规律、当今中医药学的学科建制和中医药古典医籍的保存现状,共分为十二大类,计有《医经病源诊法名著集成》、《伤寒金匱温病名著集成》、《本草名著集成》、《方剂名著集成》、《针灸名著集成》、《内科名著集成》、《外伤科名著集成》、《妇科名著集成》、《儿科名著集成》、《五官科名著集成》、《综合类名著集成》、《医案医话医论名著集成》。所收著作均以中小部头为主,大部头著作则单本刊出。每类《集成》少则收书十余种,多则二十余种,基本上代表了本学科古典医籍中最精华的部分。

《文库》以完整保存古籍、方便今人阅读、有利于学术研究为整理准绳。每种入选书目均以初刻本或最佳版本为底本,保持内容的完整性,不删一字一图。整理以点校为主,校注文字力求简明扼要,不作繁琐考证。每种入选著作均写有点校说明,叙述本书的著述缘起、成书过程、书名由来、体例结构、内容梗概、学术源流、学术评介、版本流传,以及后世研究概况、本次点校方法。每类《集成》书前撰写前言一篇,充分叙述本学科的学术发展历史、所涵盖的内容和学术特点、主要典籍及其存亡流传演变,以及本次整理情况。每类《集成》书后附有“来收名著书目提要”,条贯群书,部次甲乙,辨章学术,考镜源流,以引导读者了解和利用更多的典籍。从整体上看,每类《集成》既是该学科历代医籍的选粹,又是研究该学科学术内容的文献通鉴,具有永久的收藏和使用价值。

孔子曰:“吾尝终日不食,终夜不寝,以思,无益,不如学也。”

俗谚曰:“求人不如求己,求师不如求书。”

《历代中医名著文库》是您的良师益友,置诸座右,恒而学之,它将使您步步走向成功。即使博雅之士,大方之家,插架翻检,知而后读,亦为治医之一助。

1997年元旦于中国中医研究院

前 言

中医儿科学是以胎儿、婴幼儿、少儿为对象,研究其生长发育、预防、保健和疾病治疗的一门学科。它伴随着医药学的发展而发展,在历史进程中逐步形成了一门独立学科,具有自己的理论体系、特殊的诊察方式和证治规律。它的形成是我国各民族人民共同与疾病做斗争的经验总结,同时,它又是历代儿科医家心血智慧的结晶,它始终担负着提高华夏民族下一代身体素质的重任,为疾病康复做着贡献。

儿科素称“哑科”,以小儿不通语言,不能自述病情,而且经脉细微,难以按循,因而使医家常感为难,故素有“宁治十男子,莫治一妇人,宁治十妇人,莫治一小儿”之叹。儿科学的发展历史不同于成熟较早的内科、妇科、外科,而是经历了漫长的萌芽时期、积累奠基时期,直到宋代,学科体系才逐步形成,至明、清逐渐走向成熟发展时期。

(一) 萌芽时期(商周至秦汉)

我国是世界上具有优秀文化传统的国家,历来崇尚慈幼养老的仁爱美德,重视对小儿的胎教和育养,为儿科学的形成提供了良好的社会风气。

早在殷周甲骨文中,有关“子”字的记载,均与婴儿期特有的颅骨发育有关。甲骨文中有关“子”字的写法,有似于草之初芽,又犹如小儿颅囟未合,头发稀疏的形象。其他古文字如“囟”、“颠”(从首),均与小儿头骨发育形态有关。

约成书于周代的《周礼·地官》中有“以保息六,养万民。一曰慈幼,二曰养老,三曰振穷,四曰恤贫,五曰宽疾,六曰安富”之记载,并将爱护小儿放在首位,规定十四岁以下,国家不征役,有利于少儿养育。春秋战国是我国传统文化的奠基时期,诸子蜂起,从不同角度阐述君子修身、齐家、平天下的道德修养,其中也包含对小儿的早期教育,《贾谊新书·胎教》:“凤凰生而有仁义之意,虎狼生而有贪戾之心,两者不等各以其母。”指出母亲的举止道德,直接影响胎儿或婴幼儿,并以周文王母之胎教为圣训,说明优秀人才的培养,应从胎儿期开始实施。

《史记·扁鹊传》:“闻秦人爱小儿,即为小儿医。”这是最早记载儿科医生的文献。《史记·仓公传》记述了淳于意诊治儿科医案二则,以下气汤治愈小儿气膈反胃病,以芫花煮水治疗蛲虫病(蛲虫团)。汉·王符《潜夫论·忠贵》:“婴儿有常病,贵臣有常祸,父母有常失,人君有常过。婴儿常病,伤饱也。”“哺乳太多,则必掣痲而生痲。”

在这些早期非医学书籍中,可以发现部分有关小儿护养、疾病诊疗的记载。秦汉之际,是我国医学成熟奠基时期,《五十二病方》、《黄帝内经》、《神农本草经》、《伤寒杂病论》、《武威汉代医简》等书,代表了当时祖国医学的发展水平。

《黄帝内经》中有关儿科生理、病理的记载,如《灵枢·逆顺肥瘦》认为:“婴儿者,其肉脆血少气弱。”《灵枢·论疾诊尺》:“婴儿病,其头毛皆逆上者,必死。耳间青脉起者,掣痲。大便赤瓣飧泄,脉小者,手足寒,难已。飧泄,脉小,手足温,泄易已。”注意了小儿望诊,包括面上、耳上经脉、及排泄物的观察。这些论述具有原则性的指导作用。约成书于西汉的《五十二病方》,其中“胎产书”的“禹问幼痲”对胎儿发育过程的描写与后世十月养胎法、胎产发育诸说,有相近的说法,而更为古朴原始。反应了上古时代人们对胎儿期的认识与大自然(植物、动物)社会有深邃广阔的联系,也是古代胎教说普遍存在的真实写照。该书还记载了婴儿索痲、魅病的证治。成书于东汉早期的武威医简,引录

《黄帝治病神忌》：“人生一岁毋灸，二岁毋灸腹，三岁毋灸背，四岁毋灸头，五岁毋灸足，六岁毋灸手，七岁毋灸胫，八岁毋灸肩。”这是针对北方小儿逆时针灸的习俗，而作的某些规定。结合《灵枢·逆顺肥瘦》“婴儿者，其肉脆血少气弱，刺此者，毫针，浅刺而疾发针，日再可也”的记载，进一步证实了秦汉之际盛行小儿针灸治疗疾病的史实。

尽管祖国医学理论体系奠基于此期，然而从发展的广度、深度上看，儿科尚属萌芽发展时期。

(二) 积累与奠基时期(魏晋南北朝至唐)

自汉王朝覆灭，中国进入三国鼎立、南北分争、五胡十六国的政治上割据的时期。战争频繁，社会动荡，疫病流行，人的健康受到巨大威胁，刺激了医学的快速发展。民族迁徙、文化渗透，促进了南北文化交流。隋代出现统一局面，唐代是我国封建社会的鼎盛时期，书法绘画艺术光辉灿烂，人体明堂图谱、本草图谱、石刻等在此时出现。

1. 魏晋南北朝

此期涌现出一批有影响的医家及著名的医学论著。《三国志·华佗传》记载了华佗治疗“东阳陈叔山小男二岁得疾，下利常先喘”症，华氏诊断为母亲怀妊后，阳气内养，而乳汁虚冷，使儿受寒所致，采用四物女宛丸而愈。皇甫谧《针灸甲乙经》引录《明堂孔穴针灸治要》的内容，记载了小儿惊痫、咳嗽、吐泻等杂病的治疗。王叔和《脉经》涉及小儿脉法问题，认为“小儿气脉快疾，一息七八至曰平”是正常生理脉象。东晋丹鼎派养生家葛洪，主张积极预防和治疗小儿疾病，在《肘后方》一书中，提倡初生小儿可服甘草、朱蜜以吐出恶汁，三日后可与米汁饮，以开肠胃助谷神。小儿变蒸以三十二日一变，宜用古方紫丸、黑散下其热。变蒸之说与后世《诸病源候论》、《小儿药证直诀》观点基本一致。陈延之《小品方》引录《少小杂撰方》内容，治疗小儿伤寒咳嗽的紫菀汤，治小便不通的地肤子汤，治病后渴的麦门冬汤，均是由复方药味组成的方剂，而且还反映了早期简单的外用剂型，如羊肝外贴治赤眼，黄柏乳浸点眼等。

北魏造像是当时绘画与雕塑成果的结晶，其中不乏医学内容的反映。洛阳龙门石窟约开凿于公元500年左右，刻有著名的龙门药方，约有140余首，包括内、外、妇、儿、五官科等疾病药方。有些内容《千金》、《千金翼》有所引录。

2. 隋唐

隋王朝灭周，结束了中国长期分裂的局面，采取了一系列巩固中央集权的政治措施，合并散乱的州郡，使“存要去闲，并小为大”，以便于统一管理。废除九品中正制，招贤纳士，建立县学、州学，直接向中央选拔优秀人材，利用天然河道和旧故道，开凿网络南北的大运河，加强了经济文化的交流，注意对历代典籍收集贮藏，其藏书规模，在《隋志》中一览无余，许多珍贵医籍目录得以流传至今。如医学图谱大量出现，针灸方面有《黄帝流注脉经》(梁有明堂流注六卷)、《明堂孔穴图》三卷，本草方面有《神农明堂图》等。儿科著作有《杂用丸散酒煎薄帖膏汤妇人少小方》、俞氏《疗小儿方》、《疗少小杂方》、范氏《疗小儿药方》、王末《小儿用药本草》、徐叔向《疗少小百病杂方》等，可见儿科方书极为丰富。

此期在医学理论方面也有意大贡献，巢元方等人奉敕编纂《诸病源候论》一书，全面而详细地记载了内、外、妇、儿、五官等临床学科的病候表现、病因机理及养生导引按摩法等，是我国历史上第一部病候学和病理学专著。其中论述儿科病257条，包括伤寒、温病、惊痫、变蒸、宿食、痢疾、疥癣、鹅口、丹毒等，小儿内科杂病、新生儿疾病、外科、五官科等疾病的范畴，尊定了后世儿科病理学、症候学的基础。

隋朝在历史上只有短短三十余年的时间，然而给我们留下了许多宝贵的医学遗产，特别是医学

书目,享用至今,使我们得以了解魏晋以来医学发展的胜迹。

李唐王朝的建立,使我国各民族的融合和中外经济文化交流,达到顶峰。丝绸之路,海上交流,带来了东西方(印度、波斯、日本、朝鲜)文化精华,民族之间和亲、宗教上(佛、道、儒)互相包容,影响着医学体系的变化,不单纯采用阴阳五行说理方法,注意从脏腑功能上归类疾病,辨证论治。对于新病种,引进地、水、风、火理论作病因解释,这些内容在此期医学著作中,均有所反映。

此期,儿科学作为一种专业,其人才由国家派专人进行培养。据《旧唐书》记载,设医博士,主要教授诸生医术,学习《本草》、《甲乙》、《脉经》,然后按体疗(内科)、疮肿(外科)、少小(儿科)、耳目口齿、角法等专业分科培养人才。孙思邈以人之性命至尚的观点,注意“生民之道”的医学探讨,特别重视小儿,在他的著作《备急千金要方》儿科卷序例中,申明自己的观点:“夫生民之道,莫不以养小为大。……今斯方,先妇人、小儿,而后丈夫耆老者,则是崇本之义也。”该书收录唐以前医学文献,如《小品方》、《肘后方》、《病源》、《甲乙》等书内容,并结合自己的经验,论述小儿疾病如惊痫、客忤、伤寒、咳嗽、癖结胀满、痈疽瘰疬、杂病等8个门类,述方252首,改变了过去方书有论无方,或有方无论的撰著方式,代之以以病为纲、按病附方的编纂方法,便于学习使用。王焘《外台秘要方》则采用类书辑录体方式,在儿科卷选用《千金》、《张文仲方》、《崔氏纂要方》、《范汪方》、《小品》、《肘后》、《删繁》、《延年》、《古今录验》等书的内容,论病87种,载方416首,是唐代又一部医学文献汇萃之作。

隋唐时期的几部重要医学文献问世,特别是有关儿科内容的丰富,为儿科学的形成,做了大量的文献积累,对于本学科的研究范畴、疾病的种类等方面,起到了重要的奠基作用。

(三)学科体系形成时期(五代至宋至金元)

五代时期,后蜀、吴越等国,政治经济相对平稳,文化较为发达,在印刷术方面居于领先地位。后蜀韩保升《蜀本草》、李珣《海药本草》、吴越日华子《日华子本草》相继问世,成为宋代重修本草的重要来源。其中《日华子本草》记载了蓝实味苦甘冷,无毒,治小儿壮热、热疳;钩藤治疗小儿客忤胎风;郁李根作汤浴治小儿发热;大青治小儿身热、风疹、天行热疾。《海药本草》记载了真珠母治小儿麸豆疮人眼,茺萸治孩子疳泻,得诃子、豆蔻良;奴会子(芦荟)主治小儿无辜疳、瘦损病。这些内容反映了当时儿科用药范围有所扩展,不断吸收了外来药物治疗一些儿科疑难病。

宋太祖赵匡胤建立宋朝以后,在政治上推行儒家孔孟仁爱主张,提倡文治,先后建立了安济坊、福田院、慈幼局、漏泽园等慈善机构,收养弃儿、老疾孤穷者,并颁布《诸路提举司置广惠仓修胎养令》,严禁民间生子弃杀,并令各司每月供给钱粮收养。在医事制度方面,分设九科:大方脉、风科、小方脉、产科、眼科、疮肿、口齿兼咽喉、金簇兼书禁、金簇兼伤折。作为小方脉的儿科,招生人数与大方脉、风科相当,以见其重视程度。公元992年朝廷诏集王怀隐等人编纂《太平圣惠方》一百卷,其中儿科12卷,论病240余种,基本收集了五代、宋初以来的儿科医方医论。国家建立了御药院、尚药局,和剂局、惠民局,京都还有许多私人药铺、风药铺、孩儿药铺,当时的医药盛况,在《清明上河图》中,十分生动逼真。

北宋医家钱乙(公元1032—1119年?),字仲阳,其祖父与五代吴越王钱俶同祖,宋初纳土归附宋朝,族人迁徙到山东郓州。其父颢擅长针术,云游海上不归,钱乙从姑父吕氏学医。年长后学识广博,不为一师,精研《内经》、《伤寒》、《本草》,垂儿科医疗四十余年,名闻朝野,授予翰林医官太医丞。公元1119年,许昌宣教郎阎孝忠,敬仰钱氏已久,广为搜采钱氏的方论,编成《小儿药证直诀》,以传播钱乙的学术思想。书中记载了钱乙对小儿生理的认识:“五脏六腑,成而未全,全而未壮”。病理上以五脏论虚实与主病:“心主惊,肝主风,脾主困,肺主喘,肾主虚”。分述心、肝、脾、肺虚实病理表现,指出肾无实证主虚。治疗原则:虚则补母,实则泻子。制定了五脏补泻方剂,如导赤散、泻青膏、益黄散、泻黄散、补肺散、泻白散、地黄丸等。他对疮疹候的临床表现、治疗大法、以及对疳证的病理分析,

都成为后世儿科赖以遵循的原则。

此期还刊行了我国第一部疮疹专著,即东平董汲所著《备急小儿斑疹方论》。钱乙曾为之序,称道此举谓“是予平昔之所究心者,而予乃不言传而得之”,深感此书的重要性。

自钱乙医论发表以后,儿科专著在南宋时期陆续问世。刘昉《幼幼新书》是儿科文献中的大型类书,收录了《颅凶经》、《钱乙方论》等为代表的百余种早期儿科文献,《石壁经》、《风髓经》、《惠眼观证》、《龙木论》等书的珍贵内容,展示了本学科体系形成时期翔实的资料价值。该书记载了唐代王超《仙人水镜图诀》有关小儿三关指纹望诊的内容,同时也汇集其他医家指纹诊法不同观点,补充了小儿切脉与面上望诊的不足,成为后世儿科特殊的望诊辅助手段。佚名《小儿卫生总微论方》一书,在钱乙学术观点的基础上,引录当时著名医家的经验,全面论述了儿科病证的诊疗方法,并介绍了小儿骀指、兔唇、先天畸形的治疗。金亡归宋,安徽宿州医家陈文中,著有《小儿痘疹方论》、《小儿病源方论》,重点阐发自己对痘疹病源的认识及治疗方剂、小儿护养十法等。反对不分表里、不察色脉便用牛黄、朱砂、脑麝镇心之品,主张温补固护元气。陈氏之说是引起后世儿科各学派分化的肇端,而且自董汲、陈文中痘疹专著问世,使痘疹病的研究形成了儿科专著的一个分支,一直延续到清末。

宋代理学的提倡,促进了学术上的思辩。《局方》用药香燥,以及医者套用成方的墨守陈规的作法,阻碍了临床医学的发展,于是刘河间、张洁古、李东垣、朱丹溪等医家,纷纷著书立说,申张自己的见解,传授门徒,形成各自的医学流派。刘河间以《内经》运气学说为宗,倡导热论病机说,在《宣明论》“小儿门中”,认为“小儿纯阳,热多冷少”,“初生儿骨肉脆软,肠胃细微,肌肤滋润,筋骨轻微”,不宜护养过厚,否则“成壅滞热病”。对急惊病理的认识,认为是由于少阴君火暴逆,与厥阴风木相搏而致,主张从心肝论治,用龙脑地黄膏、分肢散、朱砂丸等。对小儿痘疹,他主张病在少阳,宜通表安和五脏,防风汤主之,并改造钱乙百祥丸为枣变百祥丸,缓和大戟之猛烈,治疗斑疹秘结者。《儒门事亲》、《金匱勾玄》等书中,认为儿科四大证是“惊、疳、吐、泻”,成因有二:过饱、过暖。对小儿体质特点,提出“肝只是有余,肾只是不足”,故小儿科肝病多。其生理特点:“人生十六岁以前,血气俱盛,如日方升,如月将圆,惟阴不足,肠胃尚脆而窄”。故注意小儿护养,是预防疾病的关键。张洁古取法于刘河间运气学说、钱乙脏腑虚实治法,根据药物归经及脏腑病机遣方用药,丰富了方剂学的理论基础。他撰著《医学启源》一书,以钱乙的地黄丸、泻青丸、安神丸、泻心汤、导赤散、益黄散、泻黄散、泻白散、阿胶散等,做为五脏补泻的标准方剂。在儿科论述中宗钱氏说,对痘疹的治疗,提出“慎不可以投以寒凉利脏腑之剂,使疮不能出,其祸不可测”。注意小儿体质特点,不拘泥“攻下”的家法。张氏易水派的另一代表人物李东垣,在其著作《东垣试效方》、《脾胃论》、《内外伤辨惑论》等书中,对于儿科观点,宗钱氏调理脾胃的思想,重视对小儿脾胃元气的护养;对钱乙益黄散进行分析评价,认为此方为脾胃虚寒者所设,了香辛热助火,青陈皮泻金,非益脾土之剂,并创制新益黄散、黄芪汤、升阳益血汤、厚肠丸、补阳汤、塌气退黄汤、中满分消丸等,增补了儿科补脾胃的新方剂。

此期儿科专著有《活幼口议》、《活幼心书》,对当时流传较广的儿科专著中的方剂、医家论病进行了评述复议。医学发展推动了儿科的进步,自五代南宋至金元以来,儿科学无论从诊断方法上、疾病种类上、用药原则上、方剂数量上、文献规模上,都具有明显进步,标志着儿科已经成为一个独立的临床学科。

(四)学科成熟完善时期(明清)

明朝统治者总结了元末农民起义的历史教训,制定了农民归耕制,鼓励开荒,永不征税,实行屯田制(军屯、民屯、商屯),对恢复农业生产起到积极作用;提倡种桑、麻、棉等经济作物,对手工业者采取优惠政策,促使纺织、印染、造纸、造船、制陶工业有了很大的发展。这些资本主义萌芽经济,使商业空前繁荣,商贾云集,水上陆路贸易频繁,加强了对外交流,我国四大发明传入西方,而西方的

资本主义思想随之商队、传教士的到来,开始向我国文化的各个方面渗透。

政治上明朝取消中书省和丞相,分权于吏、户、礼、兵、刑、工六部。建立太医院,负责朝廷的医疗工作,同时掌管医疗法规。凡医术十三科,皆医官、医生、医上专科肄业。十三科:大方脉、小方脉、妇人、疮疡、针灸、眼、口齿、接骨、伤寒、咽喉、金镞、接摩、祝由。医生来源于医家子弟,故此期医家多为父子、兄弟相传。薛铠与薛己、龚信与龚廷贤、祁坤与祁洪源、万筐与万全,皆父子、祖孙相传为医,盛寅与盛宏兄弟相传为医。这些医家的医学专著中有新的体会、新的理论,使此期儿科发展日趋完善而成熟。

出身于世医的万全(密斋),著有多种儿科专著,如《万氏保命歌括》、《育婴家秘》、《片玉痘疹》、《幼科发挥》等书。他重视小儿鞠养、早期智力开发教育,并继承钱乙、李东垣、朱丹溪的证治名方,配合祖传抱龙丸、琥珀抱龙丸、肥儿丸等验方的应用,对于小儿伤风、发搐惊风、痰嗽、泄泻均有可靠的疗效。薛己总结父亲的经验写成《保婴撮要》,论病九十余种,并附以验案,是儿科病案学研究的重要史料。浙江世医名家王銮,汇萃诸家之说,著有《幼科类萃》,论病28门,涉方300余首。接受西方思想较早的医家王肯堂,著有《幼科证治准绳》,以五脏分类编写儿科疾病,并汇以诸家之说,有似于现代按人体系统分类疾病的组合法,是明代一部有价值的儿科专著。又有鲁伯嗣的《婴童百问》,是有关婴幼儿护养、疾病治疗等方面问题的问答式论著,被誉为“保护婴幼之全书”。秦昌遇针对当时儿科医籍中偏寒偏热之过激理论,著有《幼科折衷》,持论平正面实用。

此期痘疹影响较大的专著,是翁仲仁《痘疹金镜录》,由于其议论简约,证治详实明确,成为明清两代医家主要学习的痘疹专著。鉴于小儿服药困难,注意使用外治法,或推拿手法,治疗儿科常见病,成为明代儿科临证的又一特点,如《针灸大成》附《小儿按摩经》,在儿科面上分部望诊基础上,分属脏腑。按摩部位附以“要穴图”,以及手掌(阴阳)、内外关、八卦方位、三关六脑等图谱,运用手法进行治疗疾病。此外,还记载了小儿针灸的部分内容。后世推拿文献的日益增多,使儿科推拿成为推拿科的重要组成部分。

清代初年多沿用明制,医学分为十一科:大方脉、小方脉、伤寒、妇人、疮疡、针灸、眼、咽喉、正骨、痘疹、口齿。嘉庆后口齿并入咽喉,痘疹并入儿科。

浙江世医名家谈金章的《诚书》,是结合《内经》的理论阐述儿科脉法、天行疫病,以及组方原则的一部儿科专著。对深入儿科理论研究有积极的意义。夏鼎承父业,有许多新颖的见解和疗法,著有《幼科铁镜》,该书主张审苗窍,以知脏腑,反对三关指纹诊法。在治疗方面结合推拿、针灸特点,创立小儿灯火灸的外治法。沈金鳌《幼科释谜》,引述先贤医论,对儿科诊断与疾病的治疗,进行探源析流,诠释儿科之迷津。陈复正《幼幼集成》对儿科三关指纹诊法,提出“浮沉分表里,红紫辨寒热,淡滞定虚实”的望诊原则,至今为儿科所采用。同时他对历代儿科痘、搐、惊风进行详尽辨说,有一定的特点。

此期痘疹治疗进入了较为发达的时期,其标志即免疫学思想的自觉应用。自康熙帝《庭训格言》推行皇子种痘以来,到公元1742年《医宗金鉴·种痘心法》问世,基本确定了采用人痘接种的方法来预防天花病发生。尽管此期有多种痘疹专著问世,如《痧疹集解》、《痘疹定论》、《种痘新书》等书,其中记载了部分有关人痘接种的方法,但由于传本问题多,故资料可靠性令人质疑。惟国家刊行的《医宗金鉴·种痘心法》具有学术权威性。该书详尽介绍种痘历史,以及具体接种的步骤,是一部重要的痘疹接种文献。其他如麻疹、水痘的治疗,此期已有一套成熟的经验,做为儿科四大证的麻、痘(天花)已基本控制,标志着儿科学在明清时期走向完善成熟。

十九世纪以来,医学形成了西医、中西汇通、传统中医三种力量并存的局面,中医儿科医家不断地适应这种形势,以自己特有的理论为指导,治愈了许多儿科疑难证,为世人所瞩目。特别是新中国

成立以来,中西医儿科工作者团结一致,重视儿科保健与疾病的预防、治疗,对许多威胁儿童生命及健康的传染病,如脊髓灰质炎、麻疹、天花、肝炎等,采用免疫学方法进行预防接种,有效地控制了疾病的发生。然而科学技术的发展,先进诊断技术的应用,疾病的种类增多,固有的常见多发病仍然困扰着儿科临床,依然是中医儿科工作者应继续探索的方向。了解历史,是为了更好的明天,发掘古代优秀的中医药遗产,服务于今天的医疗实践,仍是一项不容忽视的重要工作。

《中医儿科名著集成》一书,本着继承发扬、古为今用的古籍整理原则,针对儿科发展史中占有重要地位的医着,选取其中影响大、流传广,对儿科具有特殊理论意义,或临床价值,或文献价值的历代儿科专著,共计十种:《颅凶经》、《小儿药证直诀》、《小儿卫生总微论方》、《小儿病源方论》、《活幼口议》、《婴童百问》、《幼科发挥》、《幼科铁镜》、《幼幼集成》、《幼科释谜》。我们对这些儿科专著进行多方面的考察,包括书的作者状况、学术价值、古今流传及现代研究状况等,在此基础上,选取精善之版本为底本,参校了众本及他书引文的旁校资料,通过四校法,指出衍、脱、误、到之处,对难字、词进行简明注释,严格保留底本的历史风貌。对文字处理的基本原则是,将原来的繁体字一律改为规范的简化字,中药名采用今通行写法,对考证明确的古今字、遗假字迳改本字,少见的通假字,出注语训释。由于各书情况不尽相同,详细的处理意见参见各书的校注说明。

据新版《全国中医图书联合目录》记载,儿科医籍约有 1117 种,其中儿科通论 430 种,痘疹类专著 687 种,而且综合性医书中仍保留有大量儿科内容,为了体现儿科发展的历史轨迹,我们除选用历代名著十种外,另设附录《未收儿科名著提要》,共著录二十种书目提要,重点介绍儿科专著形成前,综合性医书中的儿科状况,以及后世有影响的儿科专著、痘疹专著,主要介绍书名、作者简况、成书年代、内容结构、学术特点、版本状况等内容。

郭君双

1997 年 3 月

总 目 录

颅凶经	(1)
小儿药证直诀	(11)
小儿卫生总微论方	(55)
小儿病源方论	(245)
活幼口议	(265)
婴童百问	(343)
幼科发挥	(441)
幼科铁镜	(501)
幼幼集成	(545)
幼科释谜	(697)
附 未收儿科名著提要	(773)

颇凶经

中古至五代·佚名
郭君双 校注

校注说明

《颅凶经》是我国最早记录幼儿疾病的专著。由于历史久远,多有亡佚,其佚文、遗训散见于晋唐五代的医籍或道家著作中。

该书作者系托名师巫,又作巫彭或巫方,盖源于古代神话中的人物。《山海经》:“大荒之中,有山名曰丰,沮玉门,日月所入,有灵山,巫咸、巫即、巫盼、巫彭、巫姑、巫真、巫礼、巫抵、巫谢、巫罗,十巫从此升降,百药爰在。”言群巫在此山采药往来上下。隋代太医博士巢元方有“中古有巫方,立小儿《颅凶经》,以占夭寿,判疾病死生”的说法,认为该书成书大约在中古(商周)时期。

宋代文人刘岐,在公元1119年间为儿科医家钱仲阳写传时,谓“乙(钱乙)始以颅凶方著山东”,并述及专著有《伤即论指微》、《婴童论》,却未及此书。此“颅凶方”,似指钱氏擅长治疗婴幼儿疾病这门方术,而且称著山东地区。南宋时期荆湖南路安抚使刘昉,广集前世、近世方书,认为“《颅凶经》世传为黄帝之书。至周穆王时,师巫得之崆峒洞,今不可考。”在其编辑《幼幼新书》中,摘录了此书大部内容,为此书存世提供了传本依据。另外,自《宋史·艺文志》开始著录此书的书名。

这些文献的记录,证明了《颅凶经》成书的上限在中古,下限不晚于五代,因为宋代已见有此书的流传。

关于书名解题与内容讨论,首先从字源上分析其本义,然后结合实际传本内容来分析,更切题目。颅,《说文》:“顷颅,首骨也。”段注:“顷颅即髑髅。”“颅”通“卢”。颅,指头骨而言。凶,《说文》:“头会,脑盖也。”《内则正义》注:“凶,其字象小儿脑不合也。”又“儿”字,《说文》:“孺子也。从儿,象小儿头凶未合。”颅凶二字的含义,应指凶门未合的婴幼儿,使用于医学典籍,更具有小儿解剖生理学的特定含义。

书名解题的直接依据,是此书原叙:“颅凶者,谓天地阴阳化感颅凶,故受名也。”“天地大德,阴阳化功,父母交和,中成胎质。”从而构成人类初始形态。然而,子处母腹,胎禀各异,儿有肥、瘦、壮、弱之分。且后天失养,或医者之过,致使小儿阴阳之气或有太过不及,患有惊疳,丹瘤之病候。此书“通究古言,寻察端由”,“真凭辨证,乃定生死。”正是此书的经旨所在。

全书二卷,包括初受气、脉法、病证、惊痫癩证治、疳痢证治、火丹证治、杂证。所及医方58首。

该书版本主要有二个系统:一是宋代刘昉《幼幼新书》引文本(简称《新书》本。该系统由宋刊本、明抄本、日人抄本组成)。二是清代据《永乐大典》辑录本(包括《函海》本、光绪本等)。本次整理以函海本为底本,旁校本为《新书》本、光绪本。对原底本脱误进行了适当的增补删除,如①原叙、论初受气,原脱据补;②卷下原在“火丹证治”前,今据内容,设置在“惊痫癩证治”之前;③增补脱肛方两条。从而使该书更为完备,接近古貌,有助于儿科工作者阅读应用。

校注者

1996年11月

目 录

卷 上

原叙..... (4)
 论初受气..... (4)
 脉法..... (4)
 病证..... (4)

卷 下

惊痫癫证治..... (6)
 瘖痢证治..... (6)
 火丹证治..... (8)
 杂证证治..... (9)

颅凶经卷上

原叙^①

夫颅凶者，谓天地阴阳化感颅凶，故受名也。尝览黄帝内传，王母金文，始演四叙二仪阴阳之术，三才一元之道。探御灵机，黄帝得之升天，秘藏金匱，密固《内经》，百姓莫可见之。后穆王贤上师巫于崆峒洞^②，得而释叙天地大德，阴阳化功，父母交和，中成胎质。爰自精凝血室，儿感阳兴，血入精宫，女随阴住。故以清气降而阳谷生，浊气升而阴井盛。此二者，二仪互换，五气相参。自睹玄机，非贤莫趋，谓真阴错杂，使精血叙而成殃。

阳发异端，感荣卫，合而有疾，遂使婴儿缠养，惊候多生。庸愚不测始末，乱施攻疗，便致枉损婴儿。吁哉，吁哉，遂究古言，寻察端由，叙成疾目，曰《颅凶经》焉。真凭辨证，乃定生死，后学之流，审依济疾。

论初受气^③

天和大清，降乘赤海，则谓真一。元气乘之，则母情光槐，荡漾炽然，是阳盛发阴，当妊其男也，六脉诸经皆举其阳证。所谓妊衰不胜脏气，则触忤而便伤。妊胜而气劣，则母疾三五月而发，皆随五脏。心脏干，而以口苦舌干；肺脏竭，而多涕发寒；肝脏斜，而服酸多睡；脾脏发，而呕逆恶食；肾脏困，而软弱无力。脏妊气平，则和而无苦。胎若劣而强得脏养，至生亦乃多疾。

二仪纯阴之证，升杂真一者，谓阴发阳，则父情博，妊当成女也，六脉诸经皆发阴证。若血盛气衰，则肥而劣气。若血盛血衰，则瘦而壮气。余脏妊之气皆同男说。

孩儿子处母腹之内，时受化和之正气，分阴阳之纪纲。天地降灵，日月而化万物以生成，随其时变，大理清纯至一，化成祥瑞之基。全真道

一，故生成焉。一月为脉，精血凝也。二月为胎，形兆分也。三月阳神为三魂，动以生也。四月阴灵为七魄，净镇形也。五月五行分，脏安神也。六月六律定，脐姿灵也。七月精开窍，通光明也。八月元神具，降真灵也。九月宫室罗布，以生人也。十月气足，万象成也。太一之真在头，月泥垣，总众神也，得诸百灵，以御邪气。淘异万类，以静为源，是知慎终静远，即以守恬和，可以保长生耳。故小儿之瘦疴，盖他人之过也。

脉法

凡孩子三岁已下，呼为纯阳，元气未散，若有脉候，即须于一寸取之，不得同大人分寸。其脉候未来，呼之脉来三至，吸之脉来三至，呼吸定息，六^④至，此为无患矣。所言定息，呼气未出，吸气未入，定息之中又至，此是平和也。若以大人脉五至取之，即差矣。如此七至已上，即为有气。或脉^⑤如弓之张弦，此为有风^⑥，并可依后方合药治之。或七至已下，此为冷候，亦宜依后方合药疗之。或诊候取平，或忽而不见，沉浮不定，伏益根平者，此为神鬼之病。且合求祟，续宜使药。或桃柳枝汤浴，煎饮于为使，一两颗桃心。

孩子脉，呼吸十五至以上，三至以下，皆死矣。

病证

初生小儿，鹅口撮噤，并是出胎客风着颅

① 原叙：此叙原脱，据《新书》、光绪本补。

② 崆峒洞：相传为黄帝问道于广成子之处。事见《庄子·在宥》。

③ 论初受气：此篇题原无，据《新书》补。

④ 六：原作“”，据《新书》改。

⑤ 脉：此下《新书》有“浮”字。

⑥ 风：原作“气”，据《新书》改。

脐,致有此。可以小灸三壮,及烙之愈。

初生小儿至夜啼者,是有瘀血腹痛,夜乘阴而痛,则啼。

初生小儿一月内乳痢如胶,是母寒气伤胃所致也。

初生小儿一月内乳痢如血,是母胸有滞热所作也。

初生小儿一月内两眼赤者,亦在胎之时,母吃炙烤热而壅滞,气入胎中熏儿脑所致也。

小儿温热,皆因从气实而转胃气,然若下之,气平即愈,气虚则生惊而变痫。

小儿惊痫,一从虚邪客热,相转而生其候,当用补养安和即愈,加以性冷及太过,即死。

小儿哕、逆、吐,皆胃气虚。逆气客于脏气而作,当和胃养气。至如下冷,即极。

小儿霍乱吐逆,皆胃气与阴阳气上下交争而作,当用分和补药调养,即愈。余皆死。

小儿客忤无辜,皆因客人所触,及暴露星月,小儿嫩弱,所以此候多恶。

小儿:一、眼青揉痒,是肚疳。二、齿焦,是骨疳。三、肉色鼻中干,是睛疳。四、皮干肉裂,是筋疳。五、发焦、黄,是血疳。六、舌上生疮,是心疳。七、爱吃泥土,是脾疳。

孩子肌骨肥实,皮肤白,无故烦渴,此是小时奶猛冲损肺,但依后方内用甘草、人参合饮之。若气急甚,胸胀起,鼻连眼下睑青色,呻吟之声者。此必死之兆,不得与药。

孩子利如泔酸者,难效。利如鹅鸭血者,脾已烂损,不宜与药。

孩子凡有诸色疾苦,但眼睑下垂牵,必定死矣。

孩子疔,皆难效,或发无时,即口噤咬牙作声,此必死矣,呼为沥瘡疔,亦名为锁肠疔。

孩子渴,吃乳食,夜啼作声,此即是腹肚痛。

孩子无故摇头,此是脑顶痛。

孩子吃乳食,皆出,此是脾冷。

孩子无故肚大项细,四肢消瘦,筋脉骨节起,自是小来少乳,嚼食与吃早,成骨热疔劳,先宜与保童丸吃。续与柴胡鳖甲饮^①。

孩儿头面胸膊肌厚臂胫细瘦,行走迟者,是

小时抱损。

孩子鼻流清涕,或鼻下赤痒,此是脑中、鼻中疔极,宜用后方青黛散,吹鼻,兼傅下赤烂处^②。

已上并诊候孩子疾状。孩子气脉未调,脏腑胞薄,腠理开疏,看脉以时,依方用药。

孩子或夏中热时,因乳母沐浴,多使冷水,奶得冷气,血脉皆伏,见孩儿气未定,便与奶,使孩子多胃毒,及赤白两般恶痢,此乃是乳母之过。凡浴后,令定息良久,候气定,揉与之,即令无患。

师巫烧钱,乳母须预祝之。勿令着水喷儿,皆令惊热入心,转成患害,切细慎之。

凡孩子自生,但任阴阳推移,即每六十日一度变蒸。此骨节长来,四肢发热,或不下食乳。遇如此之时,上唇有珠子如粟粒大,此呼为变蒸珠子,依后方退热饮子疗之,不宜别与方药^③。

① 饮:此下原有“保童丸方,见一切疔门中。柴胡饮子方,见行迟门中”注文,为《新书》注文,与本书无涉,故删。

② 处:此下原有“方见疔疾,吹鼻门中”注文,为《新书》注文,故删。

③ 药:此下原有“颅凶以下,六十日为一变,《巢氏病源》以三十二日一变,说有不同,故兼存者”注文,为《新书》注文,故删。

颅凶经卷下

惊痫癫证治

牛黄丸 治小儿胎惊及痫或心热。

牛黄 龙齿 马牙硝 铁焰粉各等分

上为细末。炼蜜丸如梧桐子大，每日乳食前，热水调破一丸，灌下。令母忌口。

又**牛黄丸**^① 治孩子惊热入心，拟成痫疾，而色不定，啼哭不出，潮热无度，不吃乳食，大段眼翻露白，手足逆冷，呼唤不应。

牛黄研 大黄 独活各一分 升麻 琥珀炙、别研 大麻仁别研，各半两

上为末，蜜丸如梧桐子大，空心热水下一丸，顿服之。食后，再服一丸。至十岁加金银箔各五片，忌煨炙毒物。

虎睛丸 治孩儿风痫、惊啼不吃乳。

虎睛一只 犀角 子芩各等分 梔子仁 大黄各十分

上五味为细末，炼蜜丸如梧桐子大。惊啼不吃乳，乳汁下七丸。风痫，米饮下五丸至七丸。儿小减丸数，取利为度。忌毒物。若有虚热，加知母六分。

又**虎睛丸** 治小儿孩子二十四种惊痫，壮热，抽掣脚手，呕吐，夜啼，眼肿。

虎睛二只，《圣惠》用一对 梔子仁 茯苓各二分 牛黄少许，《圣惠》用一两 大黄各四分 犀角末，一分，《圣惠》用二两 人参一分，《圣惠》用一两 钩藤四分 黄芩一分，《圣惠》用二两 蛇退七寸，烧灰，《圣惠》用一分

上为末，蜜丸如黍米大，空心热水下，随年丸。轻者一服，重者三服。乳汁下亦得。《圣惠》热水下。忌奶母一切生冷、油腻、毒物。

痢疾方 治孩子惊痫不知、迷闷、嚼舌、仰目。

牛黄一大豆

上为细末，研和蜜水服之。

二十二味虎睛丸^② 治孩子从一岁至大，癩发无时，口出白沫，小便淋漓不和。

虎睛一只，右眼佳，曝干，酒浸令黄色 真珠 蜂房各三钱 麻黄二分，去节 钩藤三分 铁精 防葵 大黄 子芩 龙齿 银屑 梔子仁 羌活各四分 柴胡 升麻 白藓皮 雷丸烧令赤 人参各二分 细辛一分半 蛇皮五寸，炙 石膏五分 蚱蝉四枚，去翅、足，炙

上为末，蜜丸如赤豆大，四五岁五丸，日再服。大儿十丸，浓煎米饮下。忌生冷油腻。

疳痢证治

保童丸 治小儿孩子诸色疳候，或腹内虚胀，惊痫、头发立、常咬手指、脊疳、脊劳、臂胫细弱，仍立不得。及鼻下常赤，清涕涎流不止，舌上生疮、脑疳、口疳、腹上筋脉。

虎睛半只 朱砂 麝香各一钱 牛黄 龙脑 巴豆 芎藭 桔梗 枳壳 檀香 茯神 人参 当归 羌活 代赭 鹤虱 白术各半两

上为细末，下香砂、巴豆拌^③匀，炼蜜丸如梧桐子大。一岁至五岁，每日一丸，十岁每日两丸，空心米饮下。但稍知孩子病甚，即加药与之。孩子未较，乳母忌生冷油腻，炙煨毒鱼，大蒜米醋。

又方 治孩子疳痢，诸色疳，并一十五种病状：一腹大，二皮肤黑黄，三骨节粗，四眼赤，五口赤，六鼻中生疮，七头发黄，八咬指甲，九爱吃土，十爱吃甜食，十一身热，十二头大，十三脐凸，十四项细，十五面无光。并宜常服保童丸方。

① 又牛黄丸，此方《新书》多“绿豆粉”一味。

② 二十二味虎睛丸：原脱后“二”字，据此方药味及《新书》补。

③ 拌：原脱，据《新书》补。

朱砂半分 牛黄 麝香 蟾酥各少许 阿魏二分

上先将朱砂於净器中研如粉，入诸药。一时，以蒸饼为丸，忌羊血等。

又方 治孩子疳气，或酿肚胀上筋脉，头大项细，吃物不知足，夜中即起，腹内长鸣。

大黄一两 陈橘皮二两，酸醋二合浸，二日晒干 蛻螂二十个，去翅、足、子，热烧醋安之，以杯盖地上，去火毒，候冷，取出炒过。

上为末，蜜丸如梧桐子大，每日空心熟水下十丸，忌如常。

紫霜丸方 治小儿五疳、兼腹肚^①胀、疳气烦闷，或时燥渴。

大黄 黄连 代赭各二分 朱砂 麝香各少许 杏仁去皮尖，别研 肉豆蔻 巴豆去皮，以冷水浸，别研，各一两

上为细末，蜜丸如赤豆大。每眼，空心米饮下一丸，五岁十岁只可服五丸，临时加减。忌冷水油腻、炙博。

朱砂丸 治孩子疳痢，辨虫颜色，定吉凶。

朱砂半石莲大 阿魏如朱砂大 蝙蝠血三二滴 蟾酥少许

上为细末，以和少许口脂调，先桃柳校煎汤浴儿后，看小儿大小，以绿豆大填儿脐中，后用纸片，可脐中贴之，用青衣盖儿。看虫出来，黄色轻，青黑色重。

青黛散 治孩子鼻流清涕，或鼻下赤痒。

青黛一钱 芦会半钱 地龙半钱 朱砂一字 瓜蒂半钱 细辛一钱 宣连半钱

上为细末，和合，吹鼻中，入麝香少许。

保童丸

朱砂 麝香 新蟾酥各等分

上研合成剂，盒子内盛，丸如麻子大。又于一盒子内，浸一丸，以筋头点入鼻中，亦名回命丸。但孩子病甚，即与吹之，或得七喷，可以治之。五喷即甚，三两喷必死矣。此不可深著水浸，临时人水亦不畏。

益脑散^② 治孩子脑疳鼻痒，毛发作穗，而色赤。

地榆炙 虾蟆烧，各一分 蜗牛壳二十一个

青黛 石蜜各二分 麝香二大豆许

上为末，吹鼻，当有黄水出，忌甜物。

胡黄连丸 治孩子热疳。

胡黄连 蟾酥各等分

上为末，蜜丸如绿豆大，五岁，熟水送下二丸。

调中丸 治孩子诸疳，或热攻冲心，肺气急，昼夜有汗，日渐羸瘦，不吃乳食。

柴胡 茯苓 人参 木香 桂心 大黄湿纸裹煨 枳壳面炒，去皮瓤 甘草炙 鳖甲醋炙，各等分

上为末，蜜丸如梧桐子大，每岁两丸，至五岁三丸，熟水下。忌如常。

地黄煎方 治孩子疳劳，肺气热，咳嗽，四肢渐瘦，心肺干。

生地黄汁五两 蟾酥 生姜汁 蜜各一两 鹿角胶半两

上先将地黄汁安锅内，慢火煎，手不住搅。约五六沸，下酥，又五六沸，下蜜，次下胶，又下姜汁；慢火煎，候如稀汤即住火。每食后两度，共与一匙头，忌毒物。

又方 治孩儿疳蚀口齿，齿龈宣露，臭秽不可近。

葶苈炒 梧桐律等分

上为末，以腊月猪油调，微煎作膏，取柳木筋子，绵裹，微微温药，时烙。

又方 治孩子疳蚀唇鼻，及诸疮。

硫黄 干漆 文蛤

上等分，烧灰稍烟尽。研为末，入麝子末少许，以帛拭疮脓血，后用药干掺之立效。

又方 治孩子初患诸色痢及微有疳气。

枳实^③ 不限多少，炒令黑、拗破、看内外相似

上为散。空心米饮下半钱，以岁加减，服之忌如常。

又方 治孩子赤白痢。

阿胶 赤石脂 枳壳面炒 诃子核炮、半熟，

① 肚，原脱，据《新书》补。

② 益脑散：原作“益脑丸”，据《新书》及用法改。

③ 枳实：原脱，据《新书》补。

各半两 龙骨 白术一分

上为末。一岁二岁，空心米饮下半钱。

又方 治孩子冷毒疳痢，白脓疳。瘦弱不吃食，腹痛。

青木香一分 黄连半两

上为末，蜜丸如梧桐子大。一岁以上，空心熟水下一丸，三岁五岁服二丸。药性热者，不宜多服，忌生冷。

温脾散 治孩子水泻利并脾冷，食乳不消，吃乳频吐。

附子 干姜 甘草炮，锉，各半两 白术一两

上为末，空心米饮下半钱。忌鲜鱼毒物。

治孩子脱肛方^①

用苦葫芦一个并子细捣，时时水调服之。切忌动风之物。如泻血、用括楼一个，慢火烧令热，细研为末，熟水下一钱。

又方^②

大黄二两 木贼草一分，炙 白矾半两，烧灰
上为细末，空心，米饮下半钱。

火丹证治

黄帝问岐伯曰：后生少稚，多被恶疾，丹毒二品，若何分之？岐伯曰：阳解百年。一十以上为毒，一十以下为丹。丹毒一也，随其大小分别之。治之有毒至，依方万无一差。喻人间男女皆遭丹毒至，依此枉死者复何限哉？良由信邪师之语，仍被恐之，愚昧之人，勿与下手，请依方用。今出此图形状如后。（按此图今佚）

伊火丹，从两肋起。

神灶丹，从肚起。

尿灶丹，从踝起。

胡吹灶丹，从阴囊上起。

天火丹，从腹背遍身起。

天雷丹，从头项起。

燹火丹，从背甲起。

胡漏灶丹，从脐中起。

废灶丹，从曲臂起。

神气丹，从头背上起。

上灶丹，从阴踝起。

朱黄丹，赤豆色，遍身上起。

萤火丹，从耳起。

野灶丹，从背脊起。

鬼火丹，从面上起。

伊火丹，从两肋起。

上用猪粪烧灰，并铁槽中泥拌、调、涂之，日三。

神灶丹，从肚起。

上用土蜂巢、杏仁、膩粉、生油调涂，立差。

尿灶丹，从踝起。

上用屋四角头茅草，烧灰，使鸡子白调涂之。

胡吹灶丹，从阴囊上起。

上用水茄窠下泥和苦酒，涂之。

天火丹，从腹背遍身起。

上用桦皮白末，和生油调涂之。亦用赤石脂，羊脂调涂之。

天雷丹，从头项起。

上用附子、葱末拌赤脂涂。又用灶下土，鸡子白调涂。

胡漏灶丹，从脐中起。

上用屋漏水调灶中上涂之。

废灶丹，从曲臂起。

上用屋四角茅草灰，鸡子白调涂之。

神气丹，从头背上起。

上用牯牛骨烧灰，羊脂涂之。

土灶丹，从阴踝起。

上用屋四角茅草、灶横麻及鸡子白，调涂之。

朱黄丹，赤豆色，遍身上起。

上用慎火草捣，持汁和酒调涂之。

萤火丹，从耳起。

上用慎火草捣汁涂之。

野灶丹，从背脊起。

上用柔香茸、蒴擢、赤小豆末、涂之立差。

鬼火丹，从面上起。

① 治孩子脱肛方：原脱，据《新书》补。

② 又方：原脱，据《新书》补。

上用灶下土,鸡子白调涂之,立差。

燂火丹^①,背甲起。

用生麻油和猪槽下泥,涂之。

杂证证治

平和饮子 治小儿初生,可日与之。

人参 茯苓 甘草炙 升麻以上各一分

上以水一白盏,煎至一合半。已来时时与之。乳母忌食油腻。满月及百晬以来,加之。临时冷,加白术,热加硝^②各半钱。

又方 治孩子脐中不干。

白矾一钱,煨过 龙骨一分

上为细末,入麝香少许。每次使拭脐干,掺之,用帕裹避风。

青木香散 治孩子阴囊或如疝肿胀。

狐阴一双,炙 蒺藜炒 地肤子 昆布 枳壳 槐子炒,各一分

上为末。一岁二岁,空心眼米饮下一钱。

又方 治孩子蛔虫咬心痛,面伏地卧,口吐清水痰涎。

槟榔 苦楝根 鹤虱炒,各半两

上为末,空心热茶下一钱,以意加减。忌粘食。

杏仁丸 治孩子或渴,此是蛔虫伤。

杏仁去皮尖 膩粉各一分

上为末,每用唾丸,空心米饮、茶任下二丸。

又方 治孩子赤游肿,或如丹,烦渴,浑身赤瘤壮热。

绿豆粉 铅白霜

上细研,芸苔汁调涂之。

又方 取铅霜法:将铅来子石上,打令薄,掘地作坑,同铅片大,以杵捣坑实,满坑着醋,以铅盖定,经一宿,去取霜如珠子大,和药使之。如烦渴,以后方^③服。

解热饮子

麦门冬 小芦根 竹叶 干葛末,捣 漏芦 犀角屑各等分

上用水四合半,合煎一合,无问食前后,徐徐与之。

消石散 治孩子身上无故肿,但觉肉色赤热。

消石 大黄 绿豆各等分

上为末,每用时,随肿大小,取君达根研汁,调涂肿上。如有恶物,即看有点子,以膏贴之,四面以散子熨之。若无君达根,即用鸡子白或车前根叶亦得。

又方 治孩子胎中受风,长后或满身生疮痒如疥劳,或如饮饱痒疮。

葱白 硝 臭黄 硫黄各等分

上用油半两,烧令热,下少许蜡,先剥葱白三茎,细切,待油热,即泼葱上,细研,续下硫黄、臭黄、硝,更研之,旋涂。

茴香散 治孩子赤眼,并胎热及疳障多泪。

茴香 冬青胆阴干 生甘草各等分

上为细末,每洗眼时,取药一分,水一盏煎,一二沸后温洗之。或孩儿长大,即加药并水。

引子方 孩儿用药洗眼后,可更眼之。

知母 黄芩 青箱子 地蛹子 秦皮 车前子 山梔子 独活各等分

上药以水五合,煎二合,去滓,温服,忌食如常。

又方 治孩子聾耳。

白矾半两,烧过 龙骨 铅丹烧,各一分 麝香少许

上为末,以绵裹竹枝子净,探脓水。以一小豆大药敷之。别以绵裹塞。慎之勿令见风。

又方 治小儿聾耳。

石硫黄制

上为细末,以掺耳中,日一夜一。

又方 治孩子小便不通。

茯苓 通草 冬瓜子 车前子各等分

上以水四合,药二两,煎一合半,作二服,忌油腻。

侧柏散 治孩子风热。

侧柏 郁金 干蝎 天南星 子芩 大黄

① 燂火丹:此下证治原脱,据《新书》补。

② 硝:原脱,据《新书》补。

③ 方:原脱,据《新书》补。

己上各半两

上为末，治风及惊，温酒下。退热，每夜熟水下半钱。

柴胡饮子 治小儿行迟，小儿伤抱，脚纤细无力，行止^①不得，或骨热疳劳，肌肉消瘦。

柴胡 鳖甲米醋涂，炙 知母 桔梗 枳壳
面炒，去瓤 元参 升麻

上药等分，并细锉，每日煎时，三岁以下取药半两，水五合，煎二合，去滓，分二眼，空心食前后各一眼。忌毒物。饮后用澡浴方。

澡浴方

苦参 茯苓皮 苍术 桑白皮 白矾各半两 葱白少许

上药锉细。每浴时，取一两，沸水三升浸药后，通温，与儿浴之。避风于温处妙。

又方 治小儿数岁不能行。

取葬家未开户，盗其饭食来，以哺之。不过三日，便起行，勿令人知之。

^① 止：《新书》作“立”。

小儿药证直诀

宋·钱乙 著

宋·阎孝忠 辑

郭君双 校注

校注说明

《小儿药证直诀》一书,是我国现存最早的儿科专著。系宋人阎孝忠纂辑钱乙的儿科方论而成,约成书于公元1119年。

钱乙(1037~1119年?)字仲阳,祖居钱塘,其祖父与五代吴越王钱俶同祖,宋初迁居山东郛州(今东平县)。父钱顛擅长针灸医术,东游海上不归。钱乙幼年随姑父吕氏学医,精研《内经》、《伤寒》、《本草》,于书无所不窥,不为一师,为方博达,垂儿科医疗四十余年,名闻朝野。元丰中为长公主治疾有功,授翰林医学赐緋,后升至翰林医官太医丞。钱氏所著医书有《伤寒论指微》、《婴童论》等,今均散佚未见。

此书辑者阎孝忠(一作季忠),字资钦,河南开封人,宋大观年间任许昌宣教郎。其幼时患多种疾病,曾获钱乙的医治而愈,故敬仰已久,积虑几十年,广泛收集民间散在钱氏方,或医论,或场肆抄本,精心校勘删订,汇集成册。全书三卷,上卷医论,中卷病案,下卷诸方,末附录阎氏方论,以示有别。由于此书编辑泾渭分明,绝无掠人之美,故为世人认同。读钱氏书,必推此书,因为它基本保存了钱乙的医学特色。

该书所反映的钱乙学术思想:①阐发《内经》理色脉的经旨,注意儿科而部望诊,以测知五脏病变。运用脏腑学说统领儿科常见疾病,具有谨守病机万举万当的病理学意义。治疗中又能以五行生克规律,解决疑难病证及预后,并取得成功的疗效。②深谙仲景辨证论治大法,能够化裁古方,创制新方,为后世医家所推崇。钱氏借用《金匱》崔氏八味丸,化裁后为地黄丸,治疗肾怯失音、囟不合等证,今天已成为医家补肝肾不足的首选方剂。其他如创制五脏补泻方:导赤散、泻青膏、益黄散、泻黄散、泻白散、补肺散、白术散等,主治明确、药味少,受到临床各科医家的喜爱,远远超出儿科应用范围,足以显示钱乙组方的科学性。③重视脾胃的思想,在所记二十三则病案中,有七则是从调治脾胃入手,如治疗吐泻发热等疾病,突出他的学术特征,乃至影响金元医家张元素、李东垣等人,成为易水学派学术源头。

《小儿药证直诀》一书,在儿科发展史上占有重要地位,流传广泛。自宋以来,多有整理刊刻,有《宋志》八卷本,《直斋书录解题》三卷本,《幼幼新书》类书本;元明二朝,有省翁《活幼口议》拾遗本,熊宗立的类证本,薛己校注本;清初少有流传,唯陈世杰起秀堂仿宋刊本,至乾隆修四库全书已未见完本,故从《永乐大典》辑出,付武英殿活字版刊行,即聚珍本。

综合上述流传状况,可分为三个版本系统:一是八卷本,包括宋本(未见);一是熊宗立《类证钱氏小儿方诀》(简称《类证》)三卷本,包括薛己校注本、陈世杰起秀堂本、聚珍本、周学海本;一是类书本,包括《幼幼新书》(简称《新书》)、《医方类聚》(简称《类聚》)等。

本次整理选用底本为周学海本,对校本为陈氏起秀堂本、聚珍本,他校本为《新书》、《类证》、《类聚》、《活幼口议》等。

对底本存在的问题处理如下:①正文中有首尾拼凑者,据本校、他校,予以指正删除。②正文中有大段脱落者,据众本校补。③正文有方名而诸方不存者,据众本补入。④周氏附方拾遗十五首,据校迁出二首入正文,考明他书八首,保留出注。⑤难懂字、词予以简要注释,明显误字迳改,冷僻通假字出注说明。

点校者

1996年冬

原 序

医之为艺诚难矣，而治小儿为尤难。自六岁以下，黄帝不载其说，始有《颅凶经》，以占寿夭死生之候，则小儿之病，虽黄帝犹难之，其难一也。脉法虽曰八至为和平，十至为有病，然小儿脉微难见，医为持脉，又多惊啼，而不得其审，其难二也。脉既难凭，必资外证，而其骨气未成，形声未正，悲啼喜笑，变态不常，其难三也。问而知之，医之工也。而小儿多未能言，言亦未足取信，其难四也。脏腑柔弱，易虚易实，易寒易热，又所用多犀、珠、龙、麝，医苟难辨，何以已疾？其难五也。种种隐奥，其难固多。余尝致思于此，又目见庸医妄施方药而杀之者，十常四五，良可哀也！盖小儿治法，散在诸书，又多出于近世臆说，汗漫^①难据，求其要妙，岂易得哉！太医丞钱乙，字仲阳，汶上人。其治小儿，该括古今，又多自得，著名于时。其法简易精审，如指诸掌。先子治平中登第，调须城尉识之。余五六岁时，病惊疳癪，屡至危殆，皆仲阳拯之良愈。是时仲阳年尚少，不肯轻传其书。余家所传者，才十余方耳。大观初，余筮仕^②汝海，而仲阳老矣。于亲旧间，始得说证数十条。后六年，又得杂方。盖晚年所得益妙。比于京师，复见别本。然旋著旋传，皆杂乱。初无纪律，互有得失，因得参校焉。其先后则次之，重复则削之，讹谬则正之，俚语则易之。上卷脉证治法，中卷记尝所治病，下卷诸方，而书以全。于是古今治小儿之法，不可以加矣。余念博爱者，仁者之用心，幼幼者圣人之遗训，此惠可不广耶！将传之好事者，使幼者免横夭之苦，老者无哭子之悲，此余之志也。因以明仲阳之术于无穷焉。

宣教郎大梁阎季忠序

① 汗漫，泛而不实也。《金史·高汝砺传》：“汗漫陈说，莫能详尽。”

② 筮仕，原指古人做官上任前，占卜以测吉凶，后引申为入官。

四库全书目录提要

臣等谨按：《小儿药证真诀》三卷，宋大梁阎季忠所编钱乙方论也。乙，字仲阳，东平人，官至太医院丞，事迹具《宋史·方技传》。乙在宣和间，以巫方氏《颅凶经》治小儿，其著于时，故季忠集其旧法，以为此书。上卷论证，中卷为医案，下卷为方。陈振孙《书录解题》、马端临《文献通考》，并著录。明以来旧本久佚，惟杂见诸家医书中。今从《永乐大典》内掇拾排纂，得论证四十七条，医案二十三条，方一百一十有四，各以类编，仍为三卷，又得阎季忠《序》一篇，刘岐所作《钱仲阳传》一篇，并冠简端，条理秩然，几还其旧，疑当时全部收入，故无大佚脱也。

小儿经方，千古罕见，自乙始别为专门，而其书亦为幼科之鼻祖。后人得其绪论，往往有回生之功。如六味丸方，本后汉张机《金匱要略》所载崔氏八味丸方，乙以为小儿纯阳，无烦益火，除去肉桂、附子二味，以为幼科补剂。明薛己承用其方，遂为直补真阴之圣药。其斟酌通变，动契精微，亦可以概见矣。

阎季忠，《永乐大典》作阎孝忠，然《书录解题》及《通考》皆作季忠，疑《永乐大典》为传写之讹，今改从诸家作“季”。刘岐，字斯立，东平人，挚之子也。有《学易集》，别著录。所撰乙传与《宋史·方技传》略同，盖《宋史》即据此传为蓝本云。乾隆四十五年十一月恭校上。

总纂官内阁学士臣纪昀

光禄寺卿臣陆锡熊

纂修官翰林院编修臣王嘉会

学海初读武英殿聚珍本《小儿药证直诀》一书，仰见圣天子抚育至德，被及萌芽。岂第宣圣少怀之义，而当日诸臣搜采之勤，亦可谓能上体皇仁，而不遗余力者矣。急将付梓，以广其传，庶几薄海呱呱脱子天枉，亦儒生穷居草野，宣布德意，上酬高厚之一端也。旋复于书肆得所为仿宋刻者，其次第颇异。而后附有阎季忠《小儿方》、董汲《斑疹方》^①各一卷，夫当诸臣搜采之日，天下藏书之家，莫不争相献秘笈。卒未得是书真本，而今乃复见于世，岂非古人精气有不可磨灭者欤？是书原刻阎名作“孝忠”，“真诀”作“直诀”，今未敢易也。“聚珍本”往往有阎氏方论误入钱书者，今依朱本，则各得其所矣。其药味分量间有不同，今各注于本方之末。至《薛氏医案》本已为薛氏所乱，不足引证云。

光绪十七年辛卯长夏内阁中书周学海谨记

^① 董汲《斑疹方》，本次整理未予收入，内容见书末《未收名著提要》。

钱仲阳传

钱乙，字仲阳。上世钱塘人，与吴越王有属^①。假^②纳土，曾祖斌随以北，因家于郓。父颢，善针医，然嗜酒喜游。一旦匿姓名，东游海上，不复返。乙时三岁。母前^③亡，父同产姑，嫁医吕氏，哀其孤，收养为子。稍长读书，从吕君问医。吕将歿，乃告以家世。乙号泣，请返迹父。凡五六返，乃得所在。又积数岁，乃迎以归。是时乙年三十余。乡人惊叹，感慨为泣下，多赋诗咏其事。后七年，父以寿终，丧葬如礼。其事吕君，犹事父。吕君歿，无嗣，为之收行葬服，嫁其孤女，岁时祭享，皆与亲等。乙始以《颅凶方》著山东。元丰中，长公主女有疾，召使视之，有功，奏授翰林医学，赐绯。明年，皇子仪国公病瘕疾，国医未能治。长公主朝，因言钱乙起草野，有异能，立召入，进黄土汤而愈。神宗皇帝召见，褒谕，且问黄土所以愈疾状。乙对曰：以土胜水，木得其平，则风自止；且诸医所治垂愈，小臣适当其愈。天子悦其对，擢太医丞，赐紫衣金鱼。自是戚里贵室，逮士庶之家，愿致之，无虚日。其论医，诸老宿莫能持难，俄以病免。哲宗皇帝复召宿直禁中。久之，复辞疾赐告，遂不复起。

乙本有羸疾，性简易嗜酒。疾屡攻，自以意治之辄愈。最后得疾愈甚，乃叹曰：此所谓周痹也。周痹入脏者死，吾其已夫！已而曰：吾能移之，使病在末。因自制药，日夜饮之，人莫见其方，居亡^④何，左手足挛不能用，乃喜曰：可矣！又使所亲登东山，视菟丝所生。秉火烛其下，火灭处，斫之，果得茯苓，其大如斗。因以法啖之，阅月而尽。由此虽偏废而气骨坚悍，如无疾者。退居里舍，杜门不冠履，坐卧一榻上，时时阅史书杂说，客至酌酒剧谈。意欲之适，则使二仆夫舆之，出没间巷，人或邀致之，不肯往也。病者日造门，或扶携襁负，累累满前。近自邻并，远或百数十里，皆授之药，致谢而去。

初，长公主女病泄痢，将殆，乙方醉，曰：当发疹而愈。驸马都尉以为不然，怒责之，不对而退。明日，疹果出，尉喜以诗谢之。

广亲宗室子病，诊之曰：此可无药而愈。顾其幼曰：此儿旦夕暴病惊人。后三日过午无恙，其家恚曰：幼何疾？医贪利动人乃如此。明日果发病甚急，复召乙治之，三日愈。问：何以无疾而知？曰：火急直视，心与肝俱受邪。过午者，心与肝所用时，当更也。

宗室王子病呕泄，医以药温之，加喘。乙曰：病本中热，脾且伤，奈何以刚剂燥之？将不得前后溲。与石膏汤，王与医皆不信，谢罢。乙曰：毋庸复召我。后二日，果来召，适有故不时往。王疑且怒，使人十数辈趣之，至曰：固石膏汤证也。竟如言而效。

有士人病咳，面青而光，其气哽哽。乙曰：肝乘肺，此逆候。若秋得之可治，今春不可治。其家祈哀，强之与药。明日，曰：吾药再泻肝而不少却，三补肺而益虚，又加唇白，法当三日死。然安谷者过期，不安谷者不及期，今尚能粥。居五日而绝。

有妊妇得疾，医言胎且堕。乙曰：娠者五脏传养，率六旬乃更。诚能候其月，偏补之，何必堕。已而子母皆得全。

又乳妇因大恐而病。病虽愈，目张不得瞑。人不能晓，以问乙，乙曰：煮郁李酒饮之，使醉则愈。所以然者，目系内连肝胆，恐则气结，胆衡不下，惟郁李去结，随酒入胆，结去胆下，目则能瞑矣。如言

① 有属：指有宗属关系。据《宋史·世家三》所记，钱氏先祖缪曾为彭城王、吴越国王。

② 假：即钱徽，名弘徽，因避宋太祖“弘殷”之讳，改为假。

③ 前：《广韵》：“前，先也。”

④ 亡：音义同“无”。

而效。

一日,过所善翁,闻儿啼。愕曰:何等儿声?翁曰:吾家孛生二男子也。乙曰:谨视之,过百日乃可保。翁不怍。居月余,皆毙。

乙为方博达,不名一师。所治种种皆通,非但小儿医也。于书无不窥,他人靳靳守古,独度越纵舍,卒与法合。尤邃本草,多识物理,辨正缺误,人或得异药,或持疑事,问之必为言。出生本末,物色名貌,退而考之,皆中。末年孛痹浸剧,其嗜酒喜寒食,皆不肯禁。自诊知不可为,召亲戚诀别,易衣待尽。享年八十二,终于家。所著书有《伤寒论指微》五卷,《婴童论》百篇。一子早世,二孙今见为医。

刘岐曰:乙非独其医可称也,其笃行似儒,其奇节似侠,术盛行而身隐约,又类夫有道者。数谓余言:曩学六元五运,夜宿东平王冢巅,观气象,至逾月不寐。今老且死,事诚有不在书者,肯以三十日暇从我,当相授。余笑谢弗能。是后,遂不复言。呜呼!斯人也,如欲复得之,难哉!没后,余闻其所治验尤众,东洲人人能言之,剽^①其章章者著之篇。异时史家序方术之士,其将有考焉。

河间刘岐撰

^① 剽(duō多),割取也。《新唐书·卢景亮传》,“剽治道之要,著书上下篇。”

目 录

卷 上

- | | | | |
|--------|------|----------------|------|
| 脉证治法 | (21) | 伤风自利 | (25) |
| 小儿脉法 | (21) | 伤风腹胀 | (25) |
| 变蒸 | (21) | 伤风兼脏 | (25) |
| 五脏所主 | (21) | 伤风下后余热 | (25) |
| 五脏病 | (21) | 伤寒疮疹同异 | (25) |
| 肝外感生风 | (21) | 初生三日内吐泻壮热 | (25) |
| 肝热 | (22) | 初生三日以上至十日吐泻身温凉 | (25) |
| 肺热 | (22) | 初生下吐 | (25) |
| 肺盛复有风冷 | (22) | 伤风吐泻身温 | (26) |
| 肺虚热 | (22) | 伤风吐泻身热 | (26) |
| 肺脏怯 | (22) | 伤风吐泻身凉 | (26) |
| 心热 | (22) | 风温潮热壮热相似 | (26) |
| 心实 | (22) | 肾怯失音相似 | (26) |
| 肾虚 | (22) | 黄相似 | (26) |
| 面上证 | (22) | 夏秋吐泻 | (26) |
| 目内证 | (22) | 吐乳 | (26) |
| 肝病胜肺 | (22) | 虚羸 | (26) |
| 肺病胜肝 | (22) | 咳嗽 | (27) |
| 肝有风 | (22) | 诸疳 | (27) |
| 肝有热 | (23) | 胃气不和 | (28) |
| 肝有风甚 | (23) | 胃冷虚 | (28) |
| 惊痫发搐 | (23) | 积痛 | (28) |
| 早晨发搐 | (23) | 虫痛虚实腹痛附 | (28) |
| 日午发搐 | (23) | 虫与痫相似 | (28) |
| 日晚发搐 | (23) | 气不知 | (28) |
| 夜间发搐 | (23) | 食不消 | (28) |
| 伤风后发搐 | (23) | 腹中有癖 | (28) |
| 伤食后发搐 | (23) | 虚实腹胀肿附 | (28) |
| 百日内发搐 | (23) | 喜汗 | (28) |
| 急惊 | (23) | 盗汗 | (29) |
| 慢惊 | (24) | 夜啼 | (29) |
| 五痫 | (24) | 惊啼 | (29) |
| 疮疹候 | (24) | 弄舌 | (29) |
| 伤风 | (25) | 丹瘤 | (29) |
| 伤风手足冷 | (25) | 解颅 | (29) |
| | | 太阳虚汗 | (29) |

胃怯汗	(29)	胡黄连丸	(38)
胃啼	(29)	兰香散	(38)
胎肥	(29)	白粉散	(38)
胎怯	(29)	消积丸	(38)
胎热	(29)	安虫散	(38)
急欲乳不能食	(29)	紫霜丸	(38)
龟背龟胸	(29)	止汗散	(38)
肿病	(30)	香瓜丸	(38)
五脏相胜轻重	(30)	花火膏	(39)
杂病证	(30)	白玉散	(39)
不治证	(30)	牛黄膏	(39)
		牛黄丸	(39)
卷 中			
记尝所治病二十三证	(32)	玉露丸又名甘露散	(39)
		百祥丸一名南阳丸	(39)
卷 下			
诸方	(36)	牛李膏一名必胜膏	(39)
大青膏	(36)	宣风散	(39)
凉惊丸	(36)	麝香丸	(39)
粉红丸又名温惊丸	(36)	大惺惺丸	(39)
泻青丸	(36)	小惺惺丸	(39)
地黄丸	(36)	银砂丸	(39)
泻白散又名泻肺散	(36)	蛇黄丸	(40)
阿胶散又名补肺散	(36)	三圣丸	(40)
导赤散	(36)	小青丸	(40)
益黄散又名补脾散	(36)	小红丸	(40)
泻黄散又名泻脾散	(36)	小黄丸	(40)
白术散	(37)	铁粉丸	(40)
涂凶法	(37)	银液丸	(40)
浴体法	(37)	镇心丸	(40)
甘桔汤	(37)	金箔丸	(40)
安神丸	(37)	辰砂丸	(40)
当归散	(37)	剪刀股丸	(40)
泻心汤	(37)	麝蟾丸	(40)
生犀散	(37)	软金丹	(41)
白饼子又名玉饼子	(37)	桃枝丸	(41)
利惊丸	(37)	蝉花散	(41)
栝蒌汤	(38)	钩藤饮子	(41)
五色丸	(38)	抱龙丸	(41)
调中丸	(38)	豆卷散	(41)
塌气丸	(38)	龙脑散	(41)
木香丸	(38)	回生散	(41)

- | | | | |
|-------------|------|-------------------|------|
| 梓朴散 | (42) | 黄芪散 | (45) |
| 褊银丸 | (42) | 虎杖散 | (45) |
| 牛黄膏 | (42) | 捻头散 | (45) |
| 五福化毒丹 | (42) | 羊肝散 | (45) |
| 羌活膏 | (42) | 蝉蜕散 | (45) |
| 郁李仁丸 | (42) | 乌药散 | (45) |
| 犀角丸 | (42) | 二气散 | (45) |
| 异功散 | (42) | 葶苈丸 | (46) |
| 藿香散 | (43) | 麻黄汤 | (46) |
| 如圣丸 | (43) | 生犀磨汁 | (46) |
| 白附子香连丸 | (43) | 大黄丸 | (46) |
| 豆蔻香连丸 | (43) | 使君子丸 | (46) |
| 小香连丸 | (43) | 青金丹 | (46) |
| 二圣丸 | (43) | 烧膏丸 | (46) |
| 没石子丸 | (43) | 败毒散 | (46) |
| 当归散 | (43) | 木瓜丸 | (46) |
| 温白丸 | (43) | 大黄丸 | (46) |
| 豆蔻散 | (43) | 附录一·拾遗方 | (47) |
| 温中丸 | (43) | 青金丹 | (47) |
| 胡黄连麝香丸 | (43) | 生犀散 | (47) |
| 大胡黄连丸 | (43) | 镇心丸 | (47) |
| 榆仁丸 | (44) | 凉惊丸 | (47) |
| 大芦荟丸 | (44) | 独活饮子 | (47) |
| 龙骨散 | (44) | 三黄散 | (47) |
| 橘连丸 | (44) | 人参散 | (47) |
| 龙粉丸 | (44) | 槟榔散 | (47) |
| 香银丸 | (44) | 黄芪散 | (48) |
| 金华散 | (44) | 地骨皮散 | (48) |
| 安虫丸 | (44) | 兰香散 | (48) |
| 羌薤散 | (44) | 傅齿立效散 | (48) |
| 胆矾丸 | (44) | 蚶皮丸 | (48) |
| 真珠丸 | (44) | 附录二·阎氏小儿方论 | (49) |
| 消坚丸 | (45) | 治法 | (49) |
| 百部丸 | (45) | 治小儿急慢惊 | (49) |
| 紫草散 | (45) | 治小儿吐泻 | (49) |
| 秦艽散 | (45) | 金液丹治小儿吐泻虚极 | (49) |
| 地骨皮散 | (45) | 惊风或泄泻等 | (49) |
| 人参生犀散 | (45) | 治小儿急惊方搐 | (49) |
| 三黄丸 | (45) | 治急慢惊 | (49) |
| 治凶开不合、鼻塞不通方 | (45) | 治小儿实热疏转 | (49) |

- | | | | |
|---------------------|------|-----------------|------|
| 治小儿惊风痰热 | (49) | 治虫咬心痛 | (51) |
| 治小儿疮疹伤食相似 | (50) | 治脾胃虚寒吐泻冷痰 | (51) |
| 治小儿疮疹 | (50) | 治外肾肿硬成疝 | (51) |
| 治小儿脾胃虚弱 | (50) | 钩藤膏 | (51) |
| 小儿治法 | (50) | 魏香散 | (51) |
| 药方 | (50) | 地黄散 | (51) |
| 升麻葛根汤 | (50) | 治热痢下血 | (52) |
| 惺惺散 | (50) | 菖蒲丸 | (52) |
| 消毒散 | (50) | 鸡头丸 | (52) |
| 黄柏膏 | (50) | 羚羊角丸 | (52) |
| 胡荽酒 | (50) | 全蝎散 | (52) |
| 四圣散 | (50) | 和中散 | (52) |
| 蓝根散 | (50) | 紫苏子散 | (52) |
| 治疮疹倒靥黑陷 | (50) | 赤石脂散 | (52) |
| 治伏热在心或误服热药龙脑丸 | (50) | 柏墨散 | (52) |
| 甘露饮子 | (51) | 至宝丹 | (52) |
| 白虎汤 | (51) | 紫雪 | (53) |
| 调肝散 | (51) | 理中丸 | (53) |
| 治疮疹入眼 | (51) | 五苓散 | (53) |
| 治疮疹入眼成翳 | (51) | 附子理中丸 | (53) |
| 治口疮 | (51) | 金液丹 | (53) |
| 治脓耳 | (51) | 青州白丸子 | (53) |
| 治蓄热梔豉饮子 | (51) | 小柴胡汤 | (54) |

卷上 脉证治法

小儿脉法

脉乱不治，气不和弦急，伤食沉缓，虚惊促急，风浮，冷沉细。

变 蒸

小儿在母腹中，乃生骨气，五脏六腑，成而未全。自生之后，即长骨脉，五脏六腑之神智也。变者，易也。《巢源》云：上多变气^①。又生变蒸者，自内而长，自下而上，又身热，故以生之日后，三十二日一变。变每毕，即情性有异于前。何者？长生腑脏智意故也。何谓三十二日长骨添精神？人有三百六十五骨，除手足中四十五碎骨外，有三百二十数。自生下，骨一日十段而上之，十日百段。三十二日计三百二十段，为一遍。亦曰一蒸。骨之余气，自脑分入髓中，作三十二齿。而齿牙有不及三十二数者，由变不足其常也。或二十八日即至，长二十八齿，以下仿此，但不过三十二之数也。凡一周遍，乃发虚热，诸病如是。十周则小蒸毕也。计三百二十日生骨气，乃全而未壮也。故初三十二日一变，生肾生志。六十四日再变生膀胱。其发耳与尻冷。肾与膀胱俱主于水，水数一，故先变。生之九十六日三变，生心喜。一百二十八日四变，生小肠。其发汗出而微惊。心为火，火数二。一百六十日五变，生肝哭。一百九十二日六变，生胆。其发目不开^②而赤。肝主木，木数三。二百二十四日七变，生肺声。二百五十六日八变，生大肠。其发肤热而汗或不汗。肺属金，金数四。二百八十八日九变，生脾智。三百二十日十变，生胃。其发不食，肠痛而吐乳。此后乃齿生，能言知喜怒，故云始全也。太仓云：气入四肢，长碎骨于十变。后六十四日长其经脉，手足受血，故手能持物，足能行立也。经云：变且蒸，谓蒸毕而足一岁之日也。师曰：不汗而热者，

发其汗，大吐者，微下，不可余治。是以小儿须变蒸。脱齿者，如花之易苗。所谓不及三十二齿，由变之不及。齿当与变日相合也，年壮而视齿方明。

五脏所主

心主惊。实则叫哭发热，饮水而摇聚珍本作搐；虚则卧而悸动不安。

肝主风。实则目直，大叫，呵欠，项急，顿闷；虚则咬牙，多欠气。热则外生气，温则内生气。

脾主困。实则困睡，身热，饮水；虚则吐泻，生风。

肺主喘。实则闷乱喘促，有饮水者，有不饮水者；虚则哽气，长出气。

肾主虚，无实也。惟疮疹，肾实则变黑陷。

更当别虚实证。假如肺病又见肝证，咬牙多呵欠者，易治，肝虚不能胜肺故也。若目直、大叫哭、项急、顿闷者，难治。盖肺久病则虚冷，肝强实而反胜肺也。视病之新久虚实，虚则补母，实则泻子。

五脏病

肝病，哭叫，目直，呵欠，顿闷，项急。

心病，多叫哭，惊悸，手足动摇，发热饮水。

脾病，困睡，泄泻，不思饮食。

肺病，闷乱哽气，长出气，气短喘息。

肾病，无精光，畏明，体骨重。

肝外感生风

呵欠，顿闷，口中气热。当发散，大青膏主

① 上多变气：今本《病源》作“变者上气”。

② 开：聚珍本、《类聚》作“闭”。

之。若能食，饮水不止，当大黄丸微下之。余不可下。

肝 热

手寻衣领及乱捻物，泻青丸主之。壮热饮水，喘闷，泻白散主之。

肺 热

手掐眉目鼻面，甘汤桔汤主之。

肺盛复有风冷

胸满短气，气急喘嗽上气。当先散肺，后发散风冷。散肺，泻白散、大青膏主之。肺不伤寒则不胸满。

肺虚热

唇深红色，治之散肺。虚热，少服泻白散。

肺脏怯

唇白色，当补肺，阿胶散主之。若闷乱气粗，喘促哽气者，难治，肺虚损故也。

脾肺病久，则虚而唇白。脾者肺之母也，母子皆虚，不能相营，故名曰怯肺，主唇白。白而泽者吉，白如枯骨者死。

心 热

视其睡，口中气温，或合面睡，及上窜咬牙，皆心热也，导赤散主之。

心气热则心胸亦热，欲言不能而有就冷之意，故合面卧。

心 实

心气实则气上下行涩，合卧则气不得通，故

喜仰卧，则气得上下通也。泻心汤主之。

肾 虚

儿本虚怯，由胎气不成，则神不足。目中白睛多，其颅即解凶开也，面色白眇白。此皆难养，纵长不过八八之数。若恣色欲多，不及四旬而亡。或有因病而致肾虚者，非也。又肾气不足，则下窜，盖骨重惟欲坠于下而缩身也。肾水，阴也，肾虚则畏明，皆宜补肾，地黄丸主之。

面上证

左腮为肝，右腮为肺，额上为心，鼻为脾，颞为肾。赤者，热也，随证治之。

目内证

赤者，心热，导赤散主之。

淡红者，心虚热，生犀散主之。

青者，肝热，泻青丸主之。浅淡者补之。

黄者，脾热，泻黄散主之。

无精光者，肾虚，地黄丸主之。

肝病胜肺

肝病秋见一作日晡。肝强胜肺，肺怯不能胜肝，当补脾肺治肝。益脾者，母令子实故也。补脾，益黄散；治肝，泻青丸主之。

肺病胜肝

肝病春见一作早晨。肺胜肝，当补肾肝治肺脏。肝怯者，受病也。补肝肾，地黄丸；治肺，泻白散主之。

肝有风

目连扎不搐，得心热则搐。治肝，泻青丸；治心，导赤散主之。

肝有热

目直视不搐，得心热则搐。治肝，泻青丸；治心，导赤散主之。

肝有风甚

身反折强直不搐，心不受热也，当补肾治肝。补肾，地黄丸；治肝，泻青丸主之。

凡病或新或久，皆引肝风，风动而上于头目，目属肝，肝风入于目，上下左右如风吹，不轻不重，儿不能任，故目连扎也。若热入于目，牵其筋脉，两眦俱紧，不能转视，故目直也。若得心热则搐，以其子母俱有实热，风火相搏故也。治肝，泻青丸；治心，导赤散主之。

惊痫发搐

男发搐，目左视无声，右视有声；女发搐，目右视无声，左视有声；相胜故也。更有发时证。

早晨发搐

因潮热，寅、卯、辰时身体壮热，目上视，手足动摇，口内生热涎，项颈急。此肝旺，当补肾治肝也。补肾，地黄丸；治肝，泻青丸主之。

日午发搐

因潮热，巳、午、未时发搐，心神惊悸，目上视，白睛赤色，牙关紧，口内涎，手足动摇。此心旺也，当补肝治心。治心，导赤散、凉惊丸；补肝，地黄丸主之。

日晚发搐

因潮热，申、酉、戌时不甚搐而喘，目微斜视，身体似热，睡露睛，手足冷，大便淡黄水。是肺旺，当补脾治心肝。补脾，益黄散；治肝，泻青

丸；治心，导赤散主之。

夜间发搐

因潮热，亥、子、丑时不甚搐，而卧不稳，身体温壮，目睛紧斜视，喉中有痰，大便银褐色，乳食不消，多睡，不纳津液。当补脾治心。补脾，益黄散；治心，导赤散、凉惊丸主之。

伤风后发搐

伤风后得之，口中气出热，呵欠，顿闷，手足动摇。当发散，大青膏主之。小儿生木怯者，多此病也。

伤食后发搐

伤食后得之，身体温，多睡多睡，或吐不思食而发搐。当先定搐，搐退，白饼子下之，后服安神丸。

百日内发搐

真者不过三两次必死，假者发频不为重。真者内生惊痫，假者外伤风冷。盖血气未实，不能胜任乃发搐也。欲知假者，口中气出热也。治之可发散，大青膏主之，及用涂囟浴体法。

急惊

因闻大声或大惊而发搐，发过则如故，此无阴也。当下，利惊丸主之。

小儿急惊者，木因热生于心。身热而赤引饮，口中气热，大小便黄赤，剧则搐也。盖热盛则风生，风属肝，此阳盛阴虚也。故利惊丸主之，以除其痰热。不可与巴豆及温药大下之，恐蓄虚热不消也。小儿热痰客于心胃，因闻声非常，则动而惊搐矣。若热极，虽不因闻声及惊，亦自发搐。

慢惊

因病后，或吐泻脾胃虚损，遍身冷，口鼻气出亦冷，手足时痲，昏睡，睡露睛。此无阳也，括萎汤主之。

凡急慢惊，阴阳异证，切宜辨而治之。急惊合凉泻，慢惊合温补。世间俗方，多不分别，误小儿甚多。又小儿伤于风冷，病吐泻，医谓脾虚，以温补之；不已，复以凉药治之；又不已，谓之本伤风，医乱攻之。因脾气即虚，内不能散，外不能解。至十余日，其证多睡露睛，身温，风在脾胃，故大便不聚而为泻。当去脾间风，风退则利止。宣风散主之。后用使君子丸补其胃。亦有诸吐利久不差者，脾虚生风而成慢惊。

五疔

凡治五疔，皆随脏治之。每脏各有一兽并，五色丸治其病也。

犬疔：反折，上窜，犬叫，肝也。

羊疔：目瞪，吐舌，羊叫，心也。

牛疔：目直视，腹满，牛叫，脾也。

鸡疔：惊跳，反折，手纵，鸡叫，肺也。

猪疔：如尸，吐沫，猪叫，肾也。

五疔重者死，病后甚者亦死。

疮疹候

而燥腮赤，目胞亦赤，呵欠顿闷，乍凉乍热，咳嗽嚏喷，手足稍冷，夜卧惊悸多睡，并疮疹证，此天行之病也。惟用温凉药治之，不可妄下及妄攻发、受风冷。

五脏各有一证：肝脏水疱，肺脏脓疱，心脏斑，脾脏疹，归肾变黑。

惟斑疹病后，或发痲，余疮难发痲矣。木胜脾，木归心故也。若凉惊，用凉惊丸；温惊，用粉红丸。

小儿在胎十月，食五脏血秽，生下则其毒当出。故疮疹之状，皆五脏之液。肝主泪，肺主涕，

心主血，脾为裹血。其疮出有五名：肝为水疱，以泪出如水，其色青小。肺为浓疱，如涕稠浊，色白而大。心为斑，主心血，色赤而小，次于水疱。脾为疹，小次斑疮，其主裹血，故赤色黄浅也。涕、泪出多，故脓疱、水疱皆大；血营于内，所出不多，故斑疹皆小也。病疮者，涕泪俱少，譬胞中容水，水去则瘦故也。

始发潮热三日以上，热运入皮肤，即发疮疹，而不甚多者，热留肤腠之间故也。潮热随脏出，如早食潮热不已，为水疱之类也。

疮疹始发之时，五脏证见，惟肾无候，但见平证，耳尻凉，耳凉是也。尻耳俱属于肾，其居北方，主冷也。若疮黑陷，而耳尻反热者，为逆也。若用百祥丸、牛李膏各三服不愈者，死病也。

凡疮疹若出，辨视轻重。若一发便出尽者，必重也；疮夹疹者，半轻半重也；出稀者轻，里外微红者轻；外黑里赤者微重也；外白里黑者大重也；疮端里黑点如针孔者势剧也。青干紫陷，昏睡，汗出不止，烦躁热渴，腹胀，啼喘，大小便不通者困也。凡疮疹当乳母慎口，不可令饥及受风冷。必归肾而变黑，难治也。

有大热者，当利小便；有小热者，宜解毒。若黑紫干陷者，百祥丸下之；不黑者慎勿下。更看时月轻重，大抵疮疹属阳，出则为顺，故春夏病为顺，秋冬病为逆。冬月肾旺又盛寒，病多归肾变黑。又当辨春脓疱，夏黑陷，秋斑于，冬疹子，亦不顺也，虽重病犹十活四五。黑者无问何时，十难救一。其候或寒战噤牙，或身黄肿紫，宜急以百祥丸下之。复恶寒不已，身冷出汗，耳尻反热者，死病也。何以然？肾气大旺，脾虚不能制故也。下后身热气温，欲饮水者可治，以脾土胜肾，寒去而温热也。治之宜解毒，不可妄下，妄下则内虚多归于肾。若能食而痲头焦起，或未黑而喘实者，可下之。身热，烦渴，腹满而喘，大小便涩，而赤，闷乱，大吐，此当利小便；不差者，宜宣风散下之。若五七日痲不焦，是内发热，热气蒸于皮中，故疮不得焦痲也。宜宣风散导之，用生犀磨汁解之，使热不生，必著痲矣。

疮疹由内相胜也，惟斑疹能作搐。疹为脾所生，脾虚而肝旺乘之。木来胜土，热气相击，动子

心神，心喜为热，神气不安，因搐成痫。斑子为心所生，心生热，热则生风，风属子肝，二脏相搏，风火相争，故发搐也。治之当泻心肝补其母，括萎汤主之。

疮黑而忽泻，便脓血并痂皮者顺，水谷不消者逆。何以然？且疮黑属肾，脾气本强，或旧服补脾药，脾气得实，肾虽用事，脾可制之。今疮入腹为脓血及连痂皮得出，是脾强肾退，即病出而安也。米谷及泻乳不化者，是脾虚不能制肾，故自泄也，此必难治。

伤 风

昏睡，口中气热，呵欠顿闷，当发散，与大青膏解。不散，有下证，当下，大黄丸主之。大饮水不止而善食者，可微下。余不可下也。

伤风手足冷

脾脏怯也，当和脾后发散。和脾，益黄散；发散，大青膏主之。

伤风自利

脾脏虚怯也，当补脾，益黄散；发散，大青膏主之。未差，调中丸主之。有下证，大黄丸下之。下后服温惊丸。

伤风腹胀

脾脏虚也，当补脾，必不喘后发散，仍补脾也。去胀，塌气丸主之；发散，大青膏主之。

伤风兼脏

兼心则惊悸。

兼肺则闷乱，喘息哽气，长出气，嗽。

兼肾则畏明。

各随补母，脏虚见故也。

伤风下后余热

以药下之太过，胃中虚热，饮水无力也。当生胃中津液，多服白术散。

伤寒疮疹同异

伤寒男体重、面黄；女而赤、喘急、憎寒。各口中气热、呵欠顿闷、项急也。疮疹则腮赤燥、多喷嚏、悸动、昏倦、四肢冷也。伤寒，当发散之。治疮疹，行温平之功，有大热者解毒。余见前说。

初生三日内吐泻壮热

不思乳食，大便乳食不消或白色，是伤食。当下之，后和胃。下用白饼子，和胃用益黄散主之。

初生三日以上至十日吐泻身温凉

不思乳食，大便青白色，乳食不消，此上实下虚也。更有兼见证：

肺，睡露睛、喘气。

心，惊悸、饮水。

脾，困倦、饶睡^①。

肝，呵欠、顿闷。

肾，不语、畏明。

当泻，见儿兼脏，补脾，益黄散主之。此二证，多病子秋夏也。

初生下吐

初生下，拭掠儿口中秽恶不尽，咽入喉中故吐，木瓜丸主之。凡初生，急须拭掠口中令净，若啼声一发则咽下，多生诸病。

^① 饶睡，即多睡，《广雅》，“饶，多也。”

伤风吐泻身温

乍凉乍热，睡多气粗，大便黄白色，呕吐，乳食不消，时咳嗽，更有五脏兼见证，当煎入脏君臣药，化大青膏，后服益黄散。如先曾下，或无下证，慎不可下也。此乃脾肺受寒，不能入食也。

伤风吐泻身热

多睡，能食乳，饮水不止，吐痰，大便黄水，此为胃虚热渴吐泻也。当生胃中津液，以止其渴，止后用发散药。止渴多服白术散，发散大青膏主之。

伤风吐泻身凉

吐沫，泻青白色，闷乱不渴，哽气，长出气，睡露睛，此伤风荏苒轻怯，因成吐泻。当补脾后发散。补脾，益黄散；发散，大青膏主之。此二证，多病于春冬也。

风温潮热壮热相似

潮热者，时间发热，过时即退，来日依时发热，此欲发惊也。壮热者，一向热而不已，甚则发惊痛也。风热者，身热而口中气热，有风证。温壮者，但温而不热也。

肾怯失音相似

病吐泻及大病后，虽有声而不能言，又能咽药，此非失音，为肾怯，不能上接于阳故也。当补肾，地黄丸主之。失音乃猝病耳。

黄相似

身皮、目皆黄者，黄病也。身痛，膊背强，大小便涩，一身尽黄，而目指爪皆黄，小便如屋尘色，看物皆黄，渴者难治，此黄疸也。二证多病于

大病后。别有一证^①，不因病后，身微黄者，胃热也。大人亦同。又有而黄，腹大，食土，渴者，脾疳也。又有自生而身黄者，胎疸也。古书云：诸疸皆热，色深黄者是也；若淡黄兼白者，胃怯、胃不和也。

夏秋吐泻

五月十五日以后，吐泻，身壮热，此热也。小儿脏腑，十分中九分热也。或因伤热乳食，吐乳不消，泻深黄色，玉露散主之。

六月十五日以后，吐泻，身温似热，脏腑六分热四分冷也。吐呕，乳食不消，泻黄白色，似渴，或食乳或不食乳。食前少服益黄散，食后多服玉露散。

七月七日以后，吐泻，身温凉，三分热七分冷也。不能食乳，多似睡，闷乱哽气，长出气，睡露睛，唇白多啞，欲大便，不渴。食前多服益黄散，食后少服玉露散。

八月十五日以后，吐泻，身冷无阳也。不能食乳，干啞，泻青褐水。当补脾，益黄散主之。不可下也。

吐乳

吐乳，泻黄，伤热乳也。吐乳，泻青，伤冷乳也。皆当下。

虚羸

脾胃不和，不能食乳，致肌瘦。亦因大病或吐泻后，脾胃尚弱，不能传化谷气也。有冷者，时时下利，唇口青白；有热者，温壮身热，肌肉微黄。此冷热虚羸也。冷者，木香丸主之。夏月不可服，如有证则少服之。热者，胡黄连丸主之。冬月不可服，如有证则少服之。

^① 证：此下聚珍本、《类聚》有“生下百日及半年”七字。

咳 嗽

夫嗽者，肺感微寒。八九月间，肺气大旺，病嗽者，其病必实，非久病也。其证而赤、痰盛、身热，法当以葶苈丸下之。若久者，不可下也。十一月、十二月嗽者，乃伤风嗽也，风从背脊第三椎肺俞穴入也，当以麻黄汤汗之。有热证，面赤、饮水、涎热、咽喉不利者，宜兼甘桔汤治之。若五七日间，其证身热、痰盛、唾粘者，以褊银丸下之。有肺盛者，咳而后喘，而肿，欲饮水，有不饮水者，其身即热，以泻白散泻之。若伤风咳嗽五七日，无热证而但嗽者，亦葶苈丸下之，后用化痰药。有肺虚者，咳而哽气，时时长出气，喉中有声，此久病也，以阿胶散补之。痰盛者，先实脾，后以褊银丸微下之，涎退即补肺，补肺如上法。有嗽而吐水，或青绿水者，以百祥丸下之。有嗽而吐痰涎、乳食者，以白饼子下之。有嗽而咯脓血者，乃肺热，食后服甘桔汤。久嗽者，肺亡津液，阿胶散补之。咳而痰实，不甚喘，而面赤，时饮水者，可褊银丸下之。治嗽大法：盛即下之，久即补之，更量虚实，以意增损。

诸 疳

疳在内，目肿，腹胀，利色无常，或沫青白，渐瘦弱，此冷证也。

疳在外，鼻下赤烂，自揉鼻^①，头上有疮不著痂，渐绕耳生疮。治鼻疮烂，兰香散。诸疮，白粉散主之。

肝疳，白膜遮睛，当补肝，地黄丸主之。

心疳，而黄颊赤，身壮热，当补心，安神丸主之。

脾疳，体黄腹大，食泥土，当补脾，益黄散主之。

肾疳，极瘦，身有疮疥，当补肾，地黄丸主之。

筋疳，泻血而瘦，当补肝，地黄丸主之。

肺疳，气喘，口鼻生疮，当补脾肺，益黄散主之。

骨疳，喜卧冷地，当补肾，地黄丸主之。

诸疳，皆依本脏补其母及与治疳药，冷则木香丸，热则胡黄连丸主之。

疳皆脾胃病，亡津液之所作也。因大病或吐泻后，以药吐下，致脾胃虚弱亡津液。且小儿病疳，皆愚医之所坏病。假如潮热，是一脏虚一脏实，而内发虚热也。法当补母而泻本脏则愈。假令日中发潮热，是心虚热也，肝为心母，则宜先补肝，肝实而后泻心，心得母气则内平，而潮热愈也。医见潮热，妄谓其实，乃以大黄、牙硝等诸冷药利之。利既多矣，不能禁约而津液内亡，即或疳也。又有病癖，其疾发作，寒热饮水，胁下有形硬痛。治癖之法，当渐消磨，医反以巴豆、硃砂等下之。小儿易虚易实，下之既过，胃中津液耗损，渐令疳瘦。

又有病伤寒，五六日间有下证，以冷药下之太过，致脾胃津液少，即使引饮不止，而生热也。热气内耗，肌肉外消，他邪相干，证变诸端，因亦或疳。

又有吐泻久病，或医妄下之，其虚益甚，津液燥损，亦能或疳。

又有肥疳，即脾疳也，身瘦黄，皮干，而有疮疥。其候不一，种种异端，今略举纲纪：目涩或生白膜，唇赤，身黄干或黑，喜卧冷地，或食泥土，身有疥疮，泻青白黄沫水，利色变，易腹满，身耳鼻皆有疮，发鬓作穗，头大项细极瘦，饮水，皆其证也。

大抵疳病当辨冷热肥瘦。其初病者为肥热疳，久病者为瘦冷疳。冷者木香丸，热者胡^②黄连丸主之。冷热之疳，尤宜如圣丸。故小儿之脏腑柔弱，不可痛击，大下必亡津液而成疳。凡有可下，量大小虚实而下之，则不至为疳也。初病津液少者，当生胃中津液，白术散主之。惟多则妙。余见下。

① 自揉鼻：原作“目燥，鼻”，据《类聚》、《新书》改。

② 胡：原脱，据卷下胡黄连丸主治补。

胃气不和

面皤白无精光，口中气冷，不思食，吐水。当补脾，益黄散主之。

胃冷虚

而皤白色，瘦^①弱，腹痛不思食。当补脾，益黄散主之。若下利者，调中丸主之。

积 痛

口中气温，面黄白，目无精光，或白睛多，及多睡，畏食，或大便酸臭者，当磨积，宜消积丸；甚者，当白饼子下之。后和胃。

虫痛^{虚实腹痛附}

而皤白，心腹痛，口中沫及清水出，发痲有时，安虫散主之。小儿本怯者，多此病。

积痛、食痛、虚痲，大同小异。惟虫痲者，当口淡而沫自出，治之随其证。

虫与痲相似

小儿本怯，故胃虚冷，则虫动而心痲，与痲略相似，但目不斜，手不搐也。安虫散主之。

气不和

口频撮，当调气，益黄散主之。

食不消

脾胃冷，故不能消化。当补脾，益黄散主之。

腹中有癖

不食，但饮乳是也。当渐用白饼子下之。

小儿病癖，由乳食不消，伏在腹中，乍凉乍热，饮水或喘嗽，与潮热相类，不早治，必成疳。以其有癖，则令儿不食，致脾胃虚而热发，故引饮水过多，即荡涤肠胃，亡失津液，脾胃不能传化水谷，其脉沉细，益不食，脾胃虚衰，四肢不举，诸邪遂生，鲜不瘦面成疳矣。余见疳门。

虚实腹胀^{肺附}

腹胀由脾胃虚，气攻作也。实者闷乱喘满，可下之，用紫霜丸白饼子。不喘者虚也，不可下。若误下，则脾气虚，上附肺而行，肺与脾子母皆虚。肺主目胞腮之类，脾主四肢，母气虚甚，即目胞腮肿也。色黄者，属脾也。治之用塌气丸渐消之。未愈渐加丸数，不可以丁香、木香、橘皮、豆蔻大温散药治之。何以然？脾虚气未出，腹胀而不喘，可以散药治之。使上下分消其气，则愈也。若虚气已出，附肺而行，即脾胃内弱，每生虚气，入于四肢面目矣。小儿易为虚实，脾虚不受寒温，服寒则生冷，服温则生热，当识此勿误也。胃久虚热，多生疸病，或引饮不止。脾虚不能胜肾，随肺之气上行于四肢，若水状；肾气浸浮于肺，即大喘也。此当服塌气丸。病愈后面未红者，虚衰未复故也。

治腹胀者，譬如行兵战寇于林。寇未出林，以兵攻之，必可获；寇若出林，不可急攻，攻必有失，当以意渐收之，即顺也。

治虚腹胀，先服塌气丸；不愈，腹中有食积结粪，小便黄，时微喘，脉伏而实，时饮水，能食者，可下之。盖脾初虚而后结有积。所治宜先补脾，后下之，下后又补脾，即愈也。补肺恐生虚喘。

喜 汗

厚衣卧面额汗出也，止汗散主之。

① 瘦：原脱，据聚珍本、《类聚》补。

盗汗

睡而自汗出，肌肉虚也，止汗散主之。遍身汗，香瓜丸主之。

夜啼

脾脏冷而痛也，当与温中药，及以法襁之，花火膏主之。

惊啼

邪热乘心也，当安心，安神丸主之。

弄舌

脾脏微热，令舌络微紧，时时舒舌。治之勿用冷药及下之，当少与泻黄散，渐服之。亦或饮水，医疑为热，必冷药下之者，非也。饮水者，脾胃虚，津液少也。又加面黄肌瘦，五心烦热，即为疳瘦，宜胡黄连丸辈。大病未已，弄舌者凶。

丹瘤

热毒气客于腠理，搏于血气，发于外皮，上赤如丹，当以白玉散涂之。

解颅

年大而囟不合，肾气不成也，长必少笑。更有目白睛多，眦白色瘦者，多愁少喜也。余见肾虚。

太阳虚汗

上至头，下至项，不过胸也，不须治也。

胃怯汗

上至项，下至脐，此胃虚。当补胃，益黄散主之。

胃啼

小儿筋骨血脉未成，多哭者，至小所有也。

胎肥

生下肌肉厚，遍身血色红。满月以后，渐渐肌瘦，目白睛粉红色，五心热，大便难，时时生涎，浴体法主之。

胎怯

生下面色无精光，肌肉薄，大便白水，身无血色，时时哽气多哕，目无精彩，当浴体法主之。

胎热

生下有血气，时叫哭，身壮热如淡茶色，目赤，小便赤黄，粪稠，急食乳，浴体法主之。更别父母肥瘦，肥不可生瘦，瘦不可生肥也。

急欲乳不能食

因客风热入儿脐，流入心脾经，即舌厚唇燥，口不能乘乳，当凉心脾。

龟背龟胸

肺热胀满，攻于胸隔，即成龟胸。又乳母多食五辛亦成。儿生下客风入脊，逐于骨髓，即成龟背。治之以龟尿点筋骨。取尿之法，当莲叶安龟在上，后用镜照之，自尿出，以物盛之。

肿病

肾热传于膀胱，膀胱热盛，逆于脾胃，脾胃虚而不能制肾，水反克土，脾随水行，脾主四肢，故流走而身面皆肿也。若大喘者重也。何以然？肾大盛而克退脾土，上胜心火，心又胜肺，肺为心克，故喘。或问曰：心刑肺，肺本见虚，今何喘实？曰：此有二，一者肺大喘，此五脏逆；二者肾水气上行，旁浸于肺，故令大喘。此皆难治。

五脏相胜轻重

肝脏病见秋，木旺肝强胜肺也，宜补肺泻肝。轻者肝病退，重者唇白而死。

肺病见春，金旺肺胜肝，当泻肺。轻者肺病退，重者目淡青，必发惊。更有赤者，当搐，为肝怯，当目淡青色也。

心病见冬，火旺心强胜肾，当补肾治心。轻者病退，重者下窜不语，肾虚怯也。

肾病见夏，水胜火，肾胜心也，当治肾。轻者病退，重者悸动当搐也。

脾病见四旁，皆仿此治之。顺者易治，逆者难治。脾怯当面赤黄，五脏相反，随证治之。

杂病证

目赤兼青者，欲发搐。

目直而青，身反折强直者，生惊。

咬牙甚者，发惊。

口中吐沫水者，后必虫痛。

昏睡善嚏悸者，将发疮疹。

吐泻昏睡露睛者，胃虚热。

吐泻昏睡不露睛者，胃实热。

吐泻乳不化，伤食也。下之。

吐沫及痰，或白、绿水，皆胃虚冷。

吐稠涎及血，皆肺热，久则虚。

泻黄、红、赤、黑皆热，赤亦毒。

泻青白，谷不化，胃冷。

身热不饮水者，热在外；身热饮水者，热在

内。

口噤不止则失音。迟声亦同。

长大不行，行则脚细。

齿久不生，生则不固。

发久不生，生则不黑。

血虚怯为冷所乘，则唇青。

尿深黄色，久则尿血。

小便不通，久则胀满，当利小便。

洗浴拭脐不于，风入作疮，令儿撮口，甚者，是脾虚。

吐涎痰热者，下之；吐涎痰冷者，温之。

先发脓疱，后发斑于者，逆。

先发脓疱，后发疹于者，顺。

先发水疱，后发疹于者，逆。

先发脓疱，后发水疱多者，顺；少者，逆。

先水疱，后斑于多者，逆；少者，顺。

先疹于，后斑于者，顺。

凡疮疹只出一般者，善。

胎实面红，目黑睛多者，多喜笑。

胎怯面黄，目黑睛少，白睛多者，多哭。

凡病先虚，或下之，合下者先实其母，然后下之。假令肺虚而痰实，此可下。先当益脾，后方泻肺也。

大喜后食乳食，多成惊痫。

大哭后食乳食，多成吐泻。

心痛吐水者，虫痛。

心痛不吐水者，冷心痛。

吐水不心痛者，胃冷。

病重，而有五色不常；不泽者，死。

呵欠面赤者，风热。

呵欠面青者，惊风。

呵欠而黄者，脾虚惊。

呵欠多睡者，内热。

呵欠气热者，伤风。

热证疏利或解化后，无虚证，勿温补，热必随生。

不治证

目赤脉贯瞳入。

凶肿及陷。
鼻干黑。
鱼口^①气急。
吐虫不定。
泻不定精神好。
大渴不止,止之又渴。

吹鼻不喷。
病重口干不睡。
时气唇上青黑点。
颊深赤如涂胭脂。
鼻开张。
喘急不定。

^① 鱼口:指张口喘呼之状犹如鱼口。

卷中 记尝所治病二十三证

李寺丞子，三岁，病搐，自卯至巳。数医不治，后召钱氏视之。搐目右视，大叫哭。李曰：何以搐右？钱曰：逆也。李曰：何以逆？曰：男为阳而本发左。女为阴而本发右。若男目左视，发搐时无声，右视有声；女发时，右视无声，左视有声。所以然者，左肝右肺，肝木肺金，男目右视，肺胜肝也；金来刑木，二脏相战，故有声也。治之，泻其强而补其弱。心实者，亦当泻之，肺虚不可泻。肺虚之候，闷乱哽气，长出气，此病男反女，故男易治于女也。假令女发搐目左视，肺之胜肝，又病在秋，即肺兼旺位，肝不能任，故哭叫。当大泻其肺，然后治心续肝。所以俱言目反直视，乃肝主目也。凡搐者，风热相搏于内，风属肝，故引见之于目也。钱用泻肺汤泻之，二日不闷乱，当知肺病退。后下地黄丸补肾，三服后，用泻青丸、凉惊丸各二服。凡用泻心肝药，五日方愈，不妄治也。又言：肺虚不可泻者何也？曰：设令男目右视，木反克金，肝旺胜肺，而但泻肝，若更病在春夏，金气极虚，故当补其肺，慎勿泻也。

广亲宅七太尉，方七岁，潮热数日欲愈，钱谓其父二大王曰：七便潮热方安，八使预防惊搐。王怒曰：但便七便愈，勿言八使病。钱曰：八使过来日午间，即无苦也。次日午前，果作急搐。召钱治之，三日而愈。盖预见目直视而腮赤，必肝心俱热，更坐石机^①子，乃欲冷，此热甚也。肌肤素肥盛，脉又急促，故必惊搐。所言语时者，自寅至午，皆心肝所用事时。治之，泻心肝补肾，自安矣。

李司户孙病，生百日，发搐三五次。请众医治，作天钓或作胎惊痛，皆无应者。后钱用大青膏如小豆许，作一服发之。复与涂凶法封之，及浴法，三日而愈。何以然？婴儿初生，肌骨嫩怯，被风伤之，子不能任，故发搐。频发者，轻也。何者？客风在内，每遇不任即搐。搐稀者，是内脏发病，不可救也。搐频者，宜散风冷，故用大青膏。不可多服，盖儿至小，易虚易实，多即生热，

止一服而已，更当封浴，无不效者。

东都王氏子，吐泻，诸医药下之至虚，变慢惊。其候，睡露睛，手足瘈疢而身冷。钱曰：此慢惊也。与括萎汤。其子胃气实，即开目而身温。王疑其子不大小便，令诸医以药利之。医留八正散等，数服不利面身复冷。令钱氏利小便。钱曰：不当利小便，利之必身冷。王曰：已身冷矣，因抱出。钱曰：不能食而胃中虚，若利大小便即死。久即脾肾^②俱虚，当身冷而闭目，幸胎气实而难衰也。钱用益黄散、使君子丸，四服，令微饮食。至日午果能饮食。所以然者，谓利大小便，脾胃虚寒，当补脾，不可别攻也。后又不语，诸医作失音治之。钱曰：既失音，何^③开目而能饮食？又牙不紧，而口不紧也。诸医不能晓。钱以地黄丸补肾。所以然者，用清药利小便，致脾肾俱虚，今脾已实，肾虚，故补肾必安。治之半月而能言，一月而痊也。

东都药铺杜氏，有子五岁，自十一月病嗽，至三月末止。始得嗽而吐痰，乃外风寒蓄入肺经，令肺病嗽而吐痰，风在肺中故也。宜以麻黄辈发散；后用凉药压之即愈。时医以铁粉丸、半夏丸、搐银丸诸法下之，其肺即虚而嗽甚。至春三月间尚未愈，召钱氏视之。其候面青而光，嗽而喘促哽气，又时长出气。钱曰：痰困十已八九。所以然者，面青而光，肝气旺也。春三月者，肝之位也，肺衰之时也。嗽者，肺之病。肺之病，自十一月至三月，久即虚痿。又曾下之，脾肺子母也，复为肝所胜，此为逆也，故嗽而喘促，哽气，长出气也。钱急与泻青丸，泻后与阿胶散实肺。次日面青而不光，钱又补肺，而嗽如前，钱又泻肝，泻肝未已，又加肺虚，唇白如练。钱曰：此病必死，

① 机(wù勿)：原作“机”，据聚珍本、《新书》改。即凳了。

② 肾：原作“胃”，据文意及聚珍本、《新书》改。

③ 何：原脱，据聚珍本、《类证》、《新书》补。

不可治也。何者？肝大旺而肺虚绝^①，肺病不得其时而肝胜之。今三泻肝而肝病不退，三补肺而肺证犹虚，此不久生，故言死也。此症病于秋者，十救三四；春夏者，十难救一。果大喘而死。

京东转运使李公，有孙八岁，病嗽而胸满短气。医者言肺经有热，用竹叶汤、牛黄膏各二服治之，三日加喘。钱曰：此肺气不足，复有寒邪。即使喘满，当补肺脾，勿服凉药。李曰：医已用竹叶汤、牛黄膏。钱曰：何治也？医曰：退热、退涎。钱曰：何热所作？曰：肺经热而生嗽，嗽久不除生涎。钱曰：本虚而风寒所作，何热也？若作肺热，何不治其肺而反调心？盖竹叶汤、牛黄膏，治心药也。医有惭色。钱治愈。

东都张氏孙，九岁，病肺热。他医以犀、珠、龙、麝、生牛黄治之，一月不愈。其证：嗽喘，闷乱，饮水不止，全不能食。钱氏用使君子丸、益黄散。张曰：本有热，何以又行温药？他医用凉药攻之，一月尚无效。钱曰：凉药久则寒不能食。小儿虚不能食，当补脾，候饮食如故，即泻肺经，病必愈矣。服补脾药二日，其子欲饮食。钱以泻白散泻其肺，遂愈。张曰：何以不虚？钱曰：先实其脾，然后泻其肺，故不虚也。

睦亲宫十太尉，病疮疹，众医治之。王曰：疹未出。属何脏腑？一医言胃大热，一医言伤寒不退，一医言在母腹中有毒。钱氏曰：若言胃热，何以乍凉乍热？若言母腹中有毒发，属何脏也？医曰：在脾胃。钱曰：既在脾胃，何以惊悸？医无对。钱曰：夫胎在腹中，月至六七则已成形，食母秽液，入儿五脏。食至十月，满胃脘中，至生之时，口有不洁。产母以手拭净，则无疾病。俗以黄连汁压之，云下脐粪及涎秽也。此亦母之不洁，余气入儿脏中，本先因微寒入而成。疮疹未出，五脏皆见病症，内一脏受秽多者，乃出疮疹。初欲病时，先呵欠顿闷，惊悸，乍凉乍热，手足冷痹，面腮燥赤，咳嗽时嚏，此五脏证俱也。呵欠顿闷，肝也；时发惊悸，心也；乍凉乍热，手足冷，脾也；而面腮赤，咳嗽，肺也。惟肾无候，以在腑下，不能食秽故也。凡疮疹乃五脏毒，若出归一证，则肝水疱、肺脓疱、心斑、脾疹，惟肾不食毒秽而无诸证。疮黑者属肾，由不慎风冷而不饱，内虚

也。又用抱龙丸数服愈。其别无他候，故未发出，则见五脏证，已出则归一脏也。

四大王宫五太尉，因坠秋千发惊搐，医以发热药，治之不愈。钱氏曰：本急惊，后生大热，当先退其热。以大黄丸、玉露散、惺惺丸，加以牛黄、龙、麝解之。不愈。至三日，肌肤上热。钱曰：更二日不愈，必发斑疮。盖热不能出也。他医初用药发散，发散入表，表热即斑生。本初惊时，当用利惊药下之，今发散乃逆也。后二日，果斑出。以必胜膏治之，七日愈。

睦亲宅一大王，病疮疹，如用一李医，又召钱氏。钱留抱龙丸三服，李以药下之。其疹稠密，钱见大惊曰：若非转下，则为逆病。王言李已用药下之。钱曰：疮疹始出，未有他证，不可下也。但当用平和药，频与乳食，不受风冷可也。如疮疹三日不出，或出不快，即微发之；微发不出即加药，不出即大发之。如大发后不多，及脉平无证者，即疮本稀，不可更发也。有大热者，当利小便；小热者，当解毒。若出快，勿发勿下，故只用抱龙丸治之。疮痂若起，能食者，大黄丸下一二行即止。今先下一日，疮疹未能出尽，而稠密甚，则难治，此误也。纵得安，其病有三：一者疥，二者痈，三者目赤。李不能治，经三日黑陷，复召钱氏。曰：幸不发寒而病未困也。遂用百祥丸治之，以牛李膏为助，各一大服，至五日，疮复红活，七日而愈^②。若黑者，归肾也。肾主胜脾，土不克水，故脾虚寒战则难治。所用百祥丸者，以泻膀胱之腑，腑若不实，脏自不盛也。何以不泻肾？曰：肾主虚，不受泻。若二服不效，即加寒而死。

皇都徐氏子，三岁，病潮热，每日西则发搐，身微热而目微斜，反露睛，四肢冷而喘，大便微黄。钱与李医同治。钱问李曰：病何搐也？李曰：有风。何身热微温？曰：四肢所作。何目斜露睛？曰：搐则目斜。何肢冷？曰：冷厥必内热。曰：何喘？曰：搐之甚也。曰：何以治之？曰：嚏惊丸鼻中灌之，必搐止。钱又问曰：即谓风病，温壮搐

① 绝：原作“热”，据聚珍本、《新书》改。

② 各一大服……七日而愈：此十六字原脱，据聚珍本、《新书》补。

引，目斜露睛，内热肢冷，及搐甚而喘，并以何药治之？李曰：皆此药也。钱曰：不然。搐者肝实也，故令搐。日西身微热者，肺潮用事。肺主身，温且热者，为肺虚。所以目微斜、露睛者，肝肺相胜也。肢冷者，脾虚也。肺若虚甚，母脾亦弱，木气乘脾，四肢即冷，治之当先^①用益黄散、阿胶散。得脾虚证退后，以泻青丸、导赤散、凉惊丸治之。后九日平愈。

朱监簿子，五岁，夜发热，晓即如故。众医有作伤寒者，有作热治之，以凉药解之不愈。其候多涎而喜睡。他医以铁粉丸下涎，其病益甚，至五日，大引饮。钱氏曰：不可下之。乃取白术散末煎一两，汁三升，使任其意取足服。朱生曰：饮多不作泻否？钱曰：无生水不能作泻，纵荡不足怪也，但不可下耳。朱生曰：先治何病？钱曰：止渴治痰，退热清里，皆此药也。至晚服尽。钱看之曰：更可服三升。又煎白术散三升，服尽得消愈。第三日又服白术散三升，其子不渴无涎。又投阿胶散，二服而愈。

朱监簿子，三岁，忽发热。医曰：此心热。腮赤而唇红，烦躁引饮。遂用牛黄丸三服，以一物泻心汤下之。来日不愈，反加无力、不能食，又便利黄沫。钱曰：必经虚而有留热在内，必被凉药下之，致此虚劳之病也。钱先用白术散，生胃中津，后以生犀散治之。朱曰：大便黄沫如何？曰：胃气正，即泻自止，此虚热也。朱曰：医用泻心汤何如？钱曰：泻心汤者，黄连性寒，多服则利，能寒脾胃也。坐久众医至，曰实热。钱曰虚热。若实热，何以泻心汤下之不安，而又加面黄颊赤，五心烦躁，不食而引饮？医曰：既虚热，何大便黄沫？钱笑曰：便黄沫者，服泻心汤多故也。钱后与胡黄连丸治愈。

张氏三子病，岁大者，汗遍身；次者，上至顶，下至胸；小者，但额有汗。众医以麦煎散，治之不效。钱曰：大者与香瓜丸；次者与益黄散；小者与石膏汤。各五日而愈。

广亲宅四大王宫五太尉，病吐泻不止，水谷不化。众医用补药，言用姜汁调服之。六月中服温药，日益加喘吐不定。钱曰：当用凉药治之。所以然者？谓伤热在内也。用石膏汤三服，并服

之。众医皆言：吐泻多而米谷不化，当补脾，何以用凉药？王信众医，又用丁香散三服。钱后至曰：不可服此。三日外必腹满身热，饮水吐逆。三日外一如所言。所以然者，谓六月热甚，伏入腹中而令引饮，热伤脾胃，即大吐泻。他医又行温药，即上焦亦热，故喘而引饮，三日当死。众医不能治，复召钱至宫中，见有热证，以白虎汤三服，更以白饼子下之。一日减药二分，二日三日，又与白虎汤各二服，四日用石膏汤一服。旋合麦门冬、黄芩、脑子、牛黄、天竺黄、茯苓，以朱砂为衣，与五丸竹叶汤化下，热退而安。

冯承务子，五岁，吐泻，壮热，不思食。钱曰：目中黑睛少而白睛多，面色皤白，神怯也。黑睛少，肾虚也。黑睛属水，本怯而虚，故多病也。纵长或，必肌肤不壮，不耐寒暑，易虚易实，脾胃亦怯。更不可纵酒欲，若不保养，不过壮年。面上常无精神光泽者，如妇人之失血也。今吐利不食，壮热者，伤食也，不可下。下之虚入肺则嗽，入心则惊，入脾则泻，入肾则益虚。此但以清积丸磨之，为微有食也。如伤食甚则可下，不下则成癖也。实食在内，乃可下之，下^②毕，补脾必愈。随其虚实，无不效者。

广亲宫七太尉，七岁，吐泻，是时七月。其证全不食而昏睡，睡觉而闷乱，哽气，干哕，大便或有或无，不渴。众医作惊治之，疑睡故也。钱曰：先补脾，后退热。与使君子丸补脾；退热，石膏汤。次日又以水银、硫黄二物下之，生姜水调下一字。钱曰：凡吐泻，五月内，九分下而一分补；八月内，十分补而无一分下。此者是脾虚泻。医妄治之，至于虚损，下之即死。当即补脾。若以使君子丸即缓。钱又留温胃益脾药止之。医者李生曰：何食而哕？^③钱曰：脾虚而不能食，津少即哕逆。曰：何泻青褐水？曰：肠胃至虚，冷极故也。钱治面愈。

① 母脾亦弱……治之当先：此十字原脱，据聚珍本、《新书》补。

② 下：原脱，据聚珍本、《新书》补。

③ 哕(yē 噎)：聚珍本、《类证》作“哕”。《活人书》：“干呕者，令人所谓噎也。”哕、噎义近。

黄承务子，二岁，病泻。众医止之，十余日，其证便青白，乳物不消，身凉，加哽气、昏睡。医谓病困笃。钱氏先以益脾散三服，补肺散三服。三日，身温而不哽气。后以白饼子微下之，与益脾散二服，利止。何以然？利本脾虚伤食，初不与大下。措置^①十日，上实下虚，脾气弱，引肺亦虚，补脾肺，病退即温，不哽气是也。有所伤食，仍下之也，何不先下后补？曰：便青为下脏冷，先下必大虚，先实脾肺，下之则不虚，而后更补之也。

王附马子五岁，病目直视而不食，或言有神祟所使，请巫师视神烧纸，病不愈。面钱至，曰：脏腑之疾，何用求神？钱与泻肝丸愈^②。

辛氏女子，五岁，病虫痛。诸医以巴豆、干漆、硃砂之属，治之不效。至五日外，多哭而俯仰睡卧不安，自按心腹，时大叫。面无正色，或青、或黄、或白、或黑，目无光而慢，唇白吐沫。至六日，胸高而卧转不安。召钱至，钱详视之。用茺萸散三服，见目不除青色，大惊曰：此病大困，若更加泻，则为逆矣。至次日，辛见钱曰，夜来三更果泻。钱与泻盆中看，如药汁，以杖搅之，见有丸药。钱曰：此子肌厚当气实，今证反虚，不可治也。辛曰：何以然？钱曰：脾虚胃冷则虫动，面今反目青，此肝乘脾，又更加泻，知其气极虚也。而丸药随粪下，即脾胃已脱，兼形病不相应，故知死病。后五日昏笃，七日面死。

段斋郎子，四岁，病嗽，身热，吐痰，数日而咯血。前医以桔梗汤及防己丸，治之不愈。涎上攻，吐、喘不止。请钱氏，下楸银丸一大服，复以补肺散^③补脾^④散治之。或问：段氏于咯血肺虚，何以下之？钱曰：肺虽咯血，有热故也。久则虚痿，今涎上潮而吐，当下其涎，若不吐涎，则为^⑤甚便。盖吐涎能虚，又生惊也。痰实上攻，亦能发搐，故以法只宜先下痰，而后补脾肺，必涎止而吐愈，为顺治也。若先补其肺，为逆耳！此所谓识病之轻重先后为治也。

郑人齐郎中者，家好收药散施。其子忽脏热，齐自取青金膏，三服并一服，饵之。服毕，至三更泻五行，其子困睡，齐言子睡多惊，又与青金膏一服，又泻三行，加口干身热。齐言尚有微

热未尽，又与青金膏。其妻曰：用药十余行未安，莫生他病否？召钱氏至，曰：已成虚羸。先多煎^⑥白术散，时时服之，后服香瓜丸，十三日愈。

曹宣德子，三岁，而黄，时发寒热，不欲食而饮水及乳。众医以为潮热，用牛黄丸、麝香丸，不愈。及以止渴干葛散，服之反吐。钱曰：当下白饼子，后补脾。乃以消积丸磨之，此乃癖也。后果愈。何以故？不食，但饮水者，食伏于腕内不能消，致令发寒，服止渴药吐者，以药冲故也，下之即愈。

① 措置：原作“措置”，据聚珍本改。措置，处理也。

② 王附马子……与泻肝丸愈：此四十九字医案，原脱，据聚珍本、《类证》、《新书》、《薛氏医案》补。又此处原有“睦亲宫中十大王，疮疹”之病案，系伪造，乃本卷第十案例，“睦亲宅一大王病疮疹”，与卷上“疮疹候”拼凑而成，故删。

③ 散：原作“汤”，据卷下方名主治及聚珍本、《新书》改。

④ 脾：原作“肺”，据卷下方名主治及聚珍本、《新书》改。

⑤ 为：原作“不”，据聚珍本、《新书》改。

⑥ 多煎：原作“用煎”，据聚珍本、《新书》改。

卷下 诸方

大青膏 治小儿热盛生风，欲为惊搐，血气未实，不能胜邪，故发搐也。大小便依度，口中气热，当发之。

天麻末，一钱 白附子末，生，一钱五分 青黛研，一钱 蝎尾去毒生末 乌蛇梢肉酒浸焙干取末，各一钱 朱砂研 天竺黄研

上同再研细，生蜜和成膏，每服半皂子大至一皂子大。月中儿梗米大。同牛黄膏、温薄荷水化一处服之。五岁以上，同甘露散服之。

学海案：“聚珍本”蝎尾、蛇梢肉各五分，有麝香研，同朱砂、竺黄各一字匕。方末附录云《阎氏集宝生信效方》内小儿诸方，言皆得于汝人钱氏，其间大青膏无天麻，有大青生研一分，其余药味，分料和制，与此皆同。其方下证治云：治小儿伤风，其候伸欠顿闷，口中气热，恶风脉浮，比此为详。只用薄荷汤下。

凉惊丸 治惊疳。

草龙胆 防风 青黛各三钱 钩藤二钱 黄连五钱 牛黄 麝香 龙脑各一字

而糊丸粟米大，每服三五丸，金银花汤下。

粉红丸 又名温惊丸

天南星腊月酿牛胆中百日，阴干，取末四两别研，无酿者，只锉炒熟用 朱砂一钱五分，研 天竺黄一两，研 龙脑半字，别研 坯子胭脂一钱，研，乃染胭脂

上用牛胆汁和丸，鸡头大，每服一丸，小者半丸，沙糖温水化下。

泻青丸 治肝热搐搦，脉洪实。

当归去芦头切焙秤 龙脑焙秤 川芎 山梔子仁 川大黄湿纸裹煨 羌活 防风去芦头切焙秤

上件等分为末，炼蜜和丸，鸡头大，每服半丸至一丸，煎竹叶汤同沙糖温水化下。

学海案：“聚珍本”方后附录云，王海藏《斑疹》改误云，东垣先生治斑后风热毒，翳膜气晕遮睛，以此剂泻之，大效。初觉易治。

地黄丸 治肾怯失音，凶开不合，神不足，目中白睛多，而色眊白等方。

熟地黄八钱 山萸肉 干山药各四钱 泽泻 牡丹皮 白茯苓去皮，各三钱

上为末，炼蜜丸，如梧子大，空心，温水化下三丸。

泻白散 又名泻肺散 治小儿肺盛气急喘嗽。

地骨皮 桑白皮炒，各一两 甘草炙，一钱

上锉散，入梗米一撮，水二小盏，煎七分，食前服。

学海案：“聚珍本”甘草作半两。

阿胶散 又名补肺散 治小儿肺虚气粗喘促。

阿胶一两五钱，麸炒 黍粘子炒香 甘草炙，各二钱五分 马兜铃五钱，焙 杏仁七个，去皮尖炒 糯米一两，炒

上为末，每服一二钱，水一盏，煎至六分，食后温服。

导赤散 治小儿心热，视其睡，口中气温，或合而睡，及上窜咬牙，皆心热也。心气热则心胸亦热，欲言不能，而有就冷之意，故合而睡。

生地黄 甘草生 本通各等分

上同为末，每服三钱，水一盏，入竹叶同煎至五分，食后温服。一本不用甘草，用黄芩。

益黄散 又名补脾散 治脾胃虚弱及治脾疳，腹大，身瘦。

陈皮去白，一两 丁香二钱，一方用木香 诃子炮去核 青皮去白 甘草炙，各五钱

上为末，三岁儿一钱半，水半盏，煎三分，食前服。

泻黄散 又名泻脾散 治脾热弄舌。

藿香叶七钱 山梔子仁一钱 石膏五钱 甘草三两 防风四两，去芦切焙

上锉，同蜜酒微炒香为细末，每服一钱至二钱，水一盏，煎至五分，温服。清汁，无时。

学海案：“聚珍本”山梔仁一两，甘草三两云一作三分。方后有附论石膏文云：南方以寒水石

为石膏，以石膏为寒水石，正与京师相反，乃大误也。盖石膏洁白，坚硬有墙壁，而寒水石则软石则软烂，以手可碎，外微^①青黑，中有细文，方书中寒水石则火煅用之。石膏则坚硬不可入火，如白虎汤用石膏，则能解肌热，破痰，治头痛。若用寒水石则误矣。又有一等，坚白全类石膏，而方敲之，亦皆成方者，名方解石也，可代石膏用之。南人有不信此说者，季忠尝相与同就京师大药肆中，买石膏、寒水石、方解石三种，又同诣惠民和剂局，及访诸国医询之，皆合此说。乃信季忠顷编《保生信效方》，已为辩论，恐小儿尤不可误，故复见于此。

白术散 治脾胃久虚，呕吐泄泻，频作不止，精液苦竭，烦渴躁，但欲饮水，乳食不进，羸瘦困劣，因而失治，变成惊痛，不论阴阳虚实，并宜服。

人参二钱五分 白茯苓五钱 白术五钱，炒
藿香叶五钱 木香二钱 甘草一钱 葛根五钱，渴者加至一两

上吹咀，每服三钱，水煎，热甚发渴，去木香。

学海案：“聚珍本”葛根二两，余并一两。

涂凶法

麝香一字 薄荷叶半字 蝎尾去毒为末，半钱，一作半字 蜈蚣末 牛黄末 青黛末各一字

上同研，用熟枣肉剂为膏，新绵上涂匀，贴凶上，四方可出一指许，火上炙手频熨，百日内外小儿，可用此。

浴体法 治胎肥、胎热、胎怯。

天麻末二钱 全蝎去毒为末 朱砂各五钱
乌蛇肉酒浸焙干 白矾各二钱 麝香一钱 青黛三钱

上同研匀，每用三钱，水三碗，桃枝一搦、叶五七枚，同煎至十沸，温热浴之，勿浴背。

甘桔汤 治小儿肺热，手掐眉目鼻面。

桔梗二钱 甘草一钱

上为粗末，每服二钱，水一盞，煎至七分，去滓，食后温服。加荆芥、防风、名如圣汤。热甚加羌活、黄芩、升麻。

安神丸 治面黄颊赤，身壮热，补心。一治

心虚肝热，神思恍惚。

马牙硝五钱 白茯苓五钱 麦门冬五钱
干山药五钱 龙脑一字，研 寒水石五钱，研 朱砂一两，研 甘草五钱

上末之，炼蜜为丸，鸡头大，每服半丸，砂糖水化下，无时。

当归散^② 治小儿夜啼者，脏寒而腹痛也。而青手冷，不吮乳者是也。

当归 白芍药 人参各一分 甘草炙，半分
桔梗 陈皮不去白，各一分

上为细末，水煎半钱，时时少与服。又有热痛，亦啼叫不止，夜发，面赤唇焦，小便黄赤，与三黄丸，人参汤下。

泻心汤 治小儿心气实，则气上下行涩，合卧则气不得通，故喜仰卧，则气上下通。

黄连一两，去须

上为末，每服五分，临卧取温水化下。

生犀散 治目淡红，心虚热。

生犀二钱，锉末 地骨皮自采佳 赤芍药
柴胡根 干葛锉，各一两 甘草炙，五钱

上为粗末，每服一、二钱，水一盞，煎至七分，温服，食后。

白饼子 又名玉饼子 治壮热。

滑石末一钱 轻粉五钱 半夏末一钱 南星末一钱 巴豆二十四个，去皮膜，用水一升，煮干研细

上三味，捣罗为末，入巴豆粉，次入轻粉，又研匀，却入余者药末，如法令匀，糯米粉丸，如绿豆大，量小儿虚实用药。三岁以下，每服三丸至五丸，空心，紫苏汤下。忌热物，若三五岁儿，壮实者不以此为，加至二十丸，以利为度。

学海案：“聚珍本”巴豆二十四粒，余并二钱。

利惊丸 治小儿急惊风。

青黛 轻粉各一钱 牵牛末五钱 天竺黄二钱

上为末，白面糊丸，如小豆大，二十丸，薄荷

① 微：原作“维”，据《新书》、《类聚》改。

② 散：原作“汤”，据聚珍本、《类聚》及剂型改。

汤下。一法炼蜜丸，如芡实大一粒，化下。

括萎汤 治慢惊。学海案：《本草纲目》引此云，治慢惊带有阳证者。白甘遂即蚤休也。

括萎根二钱 白甘遂一钱

上用慢火炒焦黄色，研匀，每服一字，煎麝香薄荷汤调下，无时。凡药性虽冷，炒焦用之，乃温也。

五色丸 治五痛。

朱砂五钱，研 水银一两 雄黄一两 铅三两，同水银熬 珍珠末一两，研

上炼蜜丸，如麻子大，每服三四丸，金银、薄荷汤下。

学海案：“聚珍本”金银下有“花”字。金银能镇心肝，安魂魄，正治惊痛，今入多以金银器煎汤下药，斯乃古义。“花”字衍也。前凉惊丸方下，亦有“花”字并衍。

调中丸

人参去芦 白术 干姜炮，各三两 甘草炙，减半

上为细末，丸如绿豆大，每服半丸至二、三十丸，食前温水送下。

塌气丸 治虚胀如腹大者，加萝卜子名塌丸子。

胡椒一两 蝎尾去毒，五钱

上为细末，面丸粟米大，每服五七丸至一、二十丸，陈米饮下，无时。一方有木香一钱。

木香丸 治小儿疳瘦腹大。

木香 青黛另研 槟榔 豆蔻去皮，各一分 麝香另研，一钱五分 续随子去皮，一两 虾蟆三个，烧存性

上为细末，蜜丸绿豆大，每服三、五丸至一、二十丸，薄荷汤下，食前。

胡黄连丸 治肥热疳。

川黄连五分 胡黄连五钱 朱砂一钱，另研

以上二物为细末，入朱砂末，都填入猪胆内，用淡浆水煮，以杖于铍子上，用线钓之，勿著底，候一炊久取出，研入芦荟、麝香各一分，饭和丸如麻子大，每服五、七丸至二、三十丸，米饮下，食后。一方用虾蟆半两不烧

兰香散 治疳气，鼻下赤烂。

兰香叶菜名，烧灰，二钱 铜青五分 轻粉二字

上为细末，令匀，看疮大小干贴之。

白粉散 治诸疔疮。

海螵蛸三钱 白芨三分 轻粉一分

上为末，先用浆水洗，拭干贴。

消积丸 治大便酸臭。

丁香九个 缩砂仁二十个 乌梅肉三个 巴豆二个，去皮油心膜

上为细末，面糊丸黍米大。三岁以上三、五丸；以下三、二丸。温水下，无时。

安虫散 治小儿虫痛。

胡粉炒黄 槟榔 川楝子去皮核 鹤虱炒，各二两 白矾铁器熬，一分 干漆炒烟尽，二分 雄黄一分 巴豆霜一分

上为细末，每服一字，大者半钱。温米饮调下，痛时服。

学海案：“聚珍本”无干漆、雄黄、巴豆霜。

紫霜丸 治消积聚。

代赭石煨，醋淬七次 赤石脂各一钱 杏仁五十粒，去皮尖 巴豆三十粒，去皮膜心出油

上先将杏仁巴霜入乳钵内，研细如膏，却入代赭、石脂末，研匀，以汤浸蒸饼为丸，如粟米大。一岁服五丸，米饮汤下；一二百日内儿三丸，乳汁下。更宜量其虚实加减，微利为度。此药兼治惊痰诸证，虽下不致虚人。

学海案：“聚珍本”无赤石脂。

止汗散 治六阳虚汗。上至顶，不过胸也，不须治之。喜汗，厚衣卧而额汗出也，止汗散止之。

上用故蒲扇灰，如无扇，只将故蒲烧灰研细。每服一、二钱，温酒调下，无时。

香瓜丸 治遍身汗出。

大黄瓜黄色者一个，去穢 川大黄湿纸裹煨至纸焦 胡黄连 柴胡去芦 鳖甲醋炙黄 芦荟 青皮 黄柏

上除黄瓜外，同为细末。将黄瓜割去头，填入诸药置满，却盖日，用杖子插定，漫火内煨熟，面糊丸，如绿豆大。每服三、二丸，食后，冷浆水或新水下；大者五、七丸至十丸。

学海案：“聚珍本”更有黄连，又云各等分。

花火膏 治夜啼。

灯花一碟

上涂乳上，令儿吮之。

白玉散 治热毒气客于腠理，搏于血气，发于外皮，上赤如丹，是方用之。

白土二钱五分，又云滑石 寒水石五钱

上为末，用米醋或新水调涂。

牛黄膏 治惊热。

雄黄小枣大，用独茎萝卜根水并醋，共大盏煮尽甘草末 甜硝各三钱 朱砂半钱匕 龙脑一钱匕 寒水石研细，五钱匕

上同研匀，蜜和为剂，食后，薄荷汤温化下半皂子大。

学海案：“聚珍本”无朱砂，有郁金末、绿豆粉。分量亦别：雄黄、甘草、甜硝各一分，寒水石一两，郁金、脑子各一钱，绿豆粉半两。

牛黄丸 治小儿疳积。

雄黄研，水飞 天竺黄各二钱 牵牛末，一钱

上同再研，面糊为丸，粟米大，每服三丸至五丸。食后，薄荷汤下。并治疳消积，常服尤佳，大者加丸数。

玉露丸 又名甘露散 治伤热吐泻黄瘦。

寒水石软而微青黑，中有细纹者是 石膏坚白而墙壁手不可折者是好，各半两 甘草生，一钱

上同为细末，每服一字或半钱、一钱，食后，温汤调下。

百祥丸 一名南阳丸 治疮疹倒靥黑陷。

用红牙大戟，不以多少，阴干，浆水软去骨，日中曝干，复内汁中煮，汗尽焙干为末，水丸如粟米大。每服一、二十丸，研赤脂、麻汤下，吐利同，无时。

牛李膏 一名必胜膏 治同前方。

牛李子

上杵汁，石器内，熬膏^①，每服皂子大，煎杏胶汤化下。

宣风散 治小儿慢惊。

槟榔二个 陈皮 甘草各半两 牵牛四两，半生半熟

上为细末，三二岁儿，蜜汤调下五分，已上

一钱，食前服。

麝香丸 治小儿慢惊、疳等病。

草龙胆 胡黄连各半两 木香 蝉壳去剑为末，干秤 芦荟去砂秤 熊胆 青黛各一钱 轻粉 脑麝 牛黄各一钱，并别研 瓜蒂二十一个，为末

上猪胆丸如桐子及绿豆大。惊疳，脏腑或秘或泻，清米饮或温水下，小丸五、七粒至一、二十粒。疳眼，猪肝汤下；疳渴，焗猪汤下亦得。惊风发搐，眼上，薄荷汤化下一丸，更水研一丸滴鼻中。牙根疮、口疮，研贴。虫痛，苦楝子或白茺萸汤送下。百日内小儿，大小更不通，水研封脐中。虫候，加干漆、好麝香各少许，并入生油一两点，温水化下。大凡病急则研碎，缓则浸化，小儿虚极、慢惊者勿服，尤治急惊痰热。

学海案：“聚珍本”分脑麝为龙脑、麝香二味，无青黛、轻粉、芦荟、熊胆四味。

大槿槿丸 治惊疳百病及诸坏病，不可具述。

辰砂研 青礞石 金牙石各一钱半 雄黄一钱 蟾灰二钱 牛黄 龙脑各一字，别研 麝香半钱，另研 蛇黄三钱，醋淬五次

上研匀细，水煮，蒸饼为丸，朱砂为衣，如绿豆大。百日儿每服一丸，一岁儿二丸，薄荷温汤下，食后。

小槿槿丸 解毒。治急惊，风痲，潮热及诸疾虚烦，药毒上攻，躁渴。

腊月取东行母猪粪烧灰存性 辰砂水研飞 脑麝各二钱 牛黄一钱，各别研 蛇黄西山者，烧赤，醋淬三次，水研飞，干用半两

上以东流水作面糊丸，桐子大，朱砂为衣，每服二丸，钥匙研破，温化下。小儿才生，便宜服一丸，除胎中百疾，食后。

学海案：“聚珍本”脑麝分为二物。云：猎粪、辰砂各半两，龙脑、麝香各二钱。

银砂丸 治涎盛，膈热实，痰嗽，惊风，积，潮热。

水银结砂子三皂子大 辰砂研，二钱 蝎尾去

① 熬膏：原作“密封”，据起秀堂本改。

毒为末 硼砂 粉霜各研 轻粉 郁李仁去皮焙
研为末 白牵牛 铁粉 好腊茶各三钱

上同为细末，熬梨汁为膏，丸如绿豆大。龙脑水化下一丸至三丸。亦名梨汁饼子，及治大人风涎，并食后。

学海案：“聚珍本”好腊茶作“好蜡”，恐误。又蝎尾、硼砂、郁李仁、粉霜、牵牛、轻粉作“各一钱”，铁粉、好蜡作“各三钱”。

蛇黄丸 治惊痫。因震慑、恐怖、叫号、恍惚是也。

蛇黄真者三个，火醋淬 郁金七分，一处为末 麝香一字

上为末，饭丸桐子大。每服一二丸，煎金银磨刀水化下。

三圣丸 化痰涎，宽膈，消乳癖，化惊风、食痢、诸疳。小儿一岁以内，常服极妙。

小青丸

青黛一钱 牵牛末，三钱 膩粉一钱
并研匀，面糊丸，黍米大。

小红丸

天南星末，一两，生 朱砂半两，研 巴豆一钱，取霜

并研匀，姜汁面糊丸，黍米大

小黄丸

半夏生末，一分 巴豆霜一字 黄柏末，一字
并研匀，姜汁面糊丸，黍米大。以上百日者各一丸，一岁者各二丸，随乳下。

学海案：“聚珍本”小青丸作青黛一分，牵牛末三分，膩粉二钱。小红丸巴豆作二钱。小黄丸黄柏作半钱。

铁粉丸 治涎盛，潮搐、吐逆。

水银砂子二分 朱砂 铁粉各一分 轻粉二分 天南星炮制去皮脐，取末一分

上同研，水银星尽为度，姜汁面糊丸，粟米大，煎生姜汤下，十丸至十五丸、二三十丸，无时。

银液丸 治惊热，膈实呕吐，上盛涎热。

水银半两 天南星二钱，炮 白附子一钱，炮

上为末，用石脑油为膏。每服一皂子大，薄荷汤下。

学海案：“聚珍本”有龙脑半钱，轻粉一钱，蝎尾廿一枚炙去毒，上同研匀，石脑油丸如绿豆大。每服二三丸，乳香汤下，大者稍加，无时。

镇心丸 治小儿惊痫，心热。

朱砂 龙齿 牛黄各一钱 铁粉 琥珀 人参 茯苓 防风各二钱 全蝎七个，焙

上末，炼蜜丸如桐子大，每服一丸，薄荷汤下。

金箔丸 治急惊涎盛。

金箔二十片 天南星挫炒 白附子炮 防风去芦须焙 半夏汤浸七次，切焙干秤，各半两 雄黄 辰砂各一分 生犀末半分 牛黄 脑麝各半分，以上六物研

上为细末，姜汁面糊丸，麻子大，每服三、五丸至一、二十丸，人参汤下。如治慢惊，去龙脑，服无时。

学海案：“聚珍本”作牛黄、龙脑、麝香各半钱，雄黄、辰砂各二分，余同。

辰砂丸 治惊风涎盛潮作，及胃热吐逆不止。

辰砂别研 水银砂子各一分 天麻 牛黄五分 脑麝别研，五分 生犀末 白僵蚕酒炒 蝉壳去足 干蝎去毒炒 麻黄去节 天南星汤浸七次，焙切，干秤各一分

上同为末，再研匀，熟蜜丸如绿豆大，朱砂为衣，每服一二丸或五七丸，食后服之，薄荷汤送下。

学海案：“聚珍本”天麻一分，龙脑、麝香、牛黄各五钱。余同。

剪刀股丸 治一切惊风，久经宣利，虚而生惊者。

朱砂 天竺黄各研 白僵蚕去头足炒 蝎去毒炒 干蟾去四足并肠，洗炙焦黄为末 蝉壳去剑 五灵脂去黄者为末，各一分 牛黄 龙脑并研，各一字 麝香研，五分 蛇黄五钱，烧赤，醋淬三五次，放水研飞

上药末共二两四钱，东流水煮，白面糊丸，桐子大。每服一丸，剪刀环头研，食后薄荷汤化下。如治慢惊，即去龙脑。

麝香丸 治惊涎潮搐。

大干蟾^①二钱,烧另研 铁粉三钱 朱砂
青礞石末 雄黄末 蛇黄烧取末,各二钱匕 龙
脑一字 麝香一钱匕

上件研匀水浸,蒸饼为丸,如桐子大,朱砂
为衣。薄荷水下半丸至一丸。无时。

学海案:“聚珍本”铁粉作轻粉。

软金丹 治惊热痰盛,壅嗽膈实。

天竺黄 轻粉各二两 青黛一钱 黑牵牛
取末 半夏用生姜三钱同捣成曲,焙干,再为细末,各
三分

上同研匀,熟蜜剂为膏。薄荷水化下,半皂
子大至一皂子大,量儿度多少用之。食后。

学海案:“聚珍本”竺黄、轻粉各半两,一作
二两,青黛作一分。余同。

桃枝丸 疏取积热及结胸,又名桃符。

巴豆霜 川大黄 黄柏末,各一钱一字 轻
粉 硃砂各五分

上为细末,面糊丸,粟米大。煎桃枝汤下。一
岁儿,五、七丸;五七岁,二、三十丸。桃符汤下亦
得。未碎儿,三、二丸,临卧。

学海案:“聚珍本”黄柏下云各一分一字。

蝉花散 治惊风,夜啼,咬牙,咳嗽,及疗咽
喉壅痛。

蝉花和壳 白僵蚕直者酒炒熟 甘草炙,各
一分 延胡索半分

上为末,一岁一字,四、五岁半钱。蝉壳汤
下。食后。

钩藤饮子 治吐利,脾胃虚风,慢惊。

钩藤三分 蝉壳 防风去芦头切 人参去头
切 麻黄去节秤 白僵蚕炒黄 天麻 蝎尾去毒
炒,各半两 甘草炙 川芎各一分 麝香一分,别
研入

上同为细末,每服二钱,水一盞,煎至六分,
温服,量多少与之。寒多加附子末半钱。无时。

学海案:“聚珍本”麝香作一钱,按上称三
分、一分,“分”字皆读去声,今宜改作钱字。麝香
一分,“分”字如字读乃合。方后加附子末半钱,
加于二钱剂中也。

抱龙丸 治伤风、瘟疫,身热昏睡,气粗,风
热痰寒壅嗽,惊风潮搐,及蛊毒、中暑。沐浴后并

可服,壮实小儿,宜时与服之。

天竺黄一两 雄黄水飞,一钱 辰砂 麝香
各别研,半两 天南星四两,腊月酸牛乳中,阴干百
日,如无,只济生者去皮脐,透炒干用

上为细末,煮甘草水和丸,皂子大,温水化
下服之。百日小儿,每丸分作三、四服;五岁一、
二丸;大人三、五丸。亦治室女白带。伏暑,用盐
少许,嚼一、二丸,新水送下。腊月中,雪水煮甘
草和药尤佳。一法用浆水或新水浸天南星三日,
候透软,煮三、五沸,取出乘软切去皮,只取白软
者,薄切焙干炒黄色,取末八两,以甘草二两半,
拍破,用水二碗浸一宿,慢火煮至半碗,去滓,旋
旋洒入天南星末,慢研之,令甘草水尽,入余药。

豆卷散 治小儿慢惊,多用性太温及热药
治之,有惊未退而别生热症者;有病愈而致热症
者;有反为急惊者甚多。当问病者几日?因何得
之?曾以何药疗之?可用解毒之药,无不效,宜
此方。

大豆黄卷水浸黑豆生芽是也,晒干 板蓝根
贯众 甘草炙,各一两

上四物同为细末,每服半钱至一钱,水煎去
滓服,甚者三钱,浆水内入油数点煎。又治吐虫,
服无时。

龙脑散 治急慢惊风。

大黄蒸 甘草 半夏汤洗薄切,用姜汁浸一
宿,焙干炒 金星石 禹余粮 不灰木 青蛤粉
银星石 寒水石

上各等分,同为细末,研入龙脑一字,再研
匀,新水调一字至五分,量儿大小与之。通解诸
毒,本旧方也,仲阳添入甘松三两枝,藿香叶末
一钱,金芽石一分,减大黄一半,治药毒吐血,神
妙。

治虚风方**回生散**^① 治小儿吐泻或误服次
序药,脾虚生风,因成慢惊。

大天南星一个,重八九钱以上者良

上用地坑子一个,深三寸许,用炭火五斤,
烧通赤,入好酒半盞在内,然后入天南星,却用
炭火三、二条,盖却坑子,候南星微裂,取出锉

① 回生散,原脱,据目录补。

碎，再炒匀熟，不可稍生。候冷为细末，每服五分或一字，量儿浓煎生姜、防风汤，食前调下，无时。

又方梓朴散^①

半夏一钱，汤洗七次，姜汁浸半日晒干 梓州厚朴一两，细锉

上件米泔三升，同浸一百刻，水尽为度，如百刻水未尽，加火熬干，去厚朴，只将半夏研为细末。每服半字、一字，薄荷汤调下。无时。

褊银丸 治风涎，膈实，上热及乳食不消，腹胀喘粗。

巴豆去皮油心膜研细 水银各半两 黑铅二钱半，同^②水银结砂子 麝香五分，别研 好墨八钱，研

上将巴豆末并墨再研匀，和入砂子、麝香，陈米粥和丸，如绿豆大，捏褊^③。一岁一丸，二、三岁二、三丸，五岁以上五、六丸，煎薄荷汤放冷送下，不得化破。更量虚实增减，并食后。

牛黄膏 治热及伤风疔热。

雄黄研 甘草末 川甜硝各一分 寒水石生飞研，一两 脑于一钱 绿豆粉半两

上研匀，炼蜜和成膏，薄荷水化下，半皂子大，食后。

学海案：“聚珍本”寒水石作一分，一作一两，有郁金末一钱，此与前牛黄膏小异。“聚珍本”作生黄膏。

五福化毒丹 治疮疹余毒上攻口齿，躁烦，亦咽干，口舌生疮，及治蕴热积，毒热，惊惕，狂躁。

生熟地黄焙秤，各五两 玄参 天门冬去心 麦门冬去心焙秤，各三两 甘草炙 甜硝各二两 青黛一两半

上八味为细末，后研入硝、黛，炼蜜丸如鸡头大。每服半丸或一丸，食后，水化下。

羌活膏 治脾胃虚，肝气热盛生风，或取转过，或吐泻后为慢惊，亦治伤寒。

羌活去芦头 川芎 人参去芦头 赤茯苓去皮 白附子炮，各半两 天麻一两 白僵蚕酒浸炒黄 干蝎去毒炒 白花蛇酒浸，取肉焙干，各一分 川附子炮去皮脐 防风去芦头切焙 麻黄去节

秤各三钱 豆蔻肉 鸡舌香即母丁香 藿香叶 木香各二钱 轻粉一钱 珍珠 麝香 牛黄各一钱 龙脑半字 雄黄 辰砂各一分，以上七味各别研入

上同细末，熟蜜和剂旋丸，大豆大。每股一二丸，食前，薄荷汤或麦冬汤温化下。实热、急惊勿服，性温故也。服无时。

学海案：“聚珍本”白花蛇下云各一两，木香上有沉香一味。后附辨鸡舌香文云：古今论鸡舌香同异纷纷，或以为番枣核，或以为母丁香，互相排抵，竟无定说。季忠以为最为易辨。所以久无定说者，惑于其名耳！古人名药，多以其形似者名之，如乌头、狗脊、鹤虱之类是。番枣核、母丁香本是二物，皆以形似鸡舌，故名适同。凡药同名异实，如金樱、地锦之类，不足怪也。如鸡舌二类，各有主疗。番枣核者，得于乳香中，今治伤折药多用之。母丁香即丁香之老者，极芳烈，古人含鸡舌香，乃此类也。今治气温中药多用之。所谓最易辨者如此。

郁李仁丸 治襁褓小儿，大小便不通，惊热痰实，欲得溏动者。

郁李仁去皮 川大黄去粗皮取实者，锉，酒浸半日，控干，炒为末，各一两 滑石半两研细

上先将郁李仁研成膏，和大黄、滑石，丸如黍米大。量大小与之，以乳汁或薄荷汤下，食前。

犀角丸 治风热痰实面赤，大小便秘涩，三焦邪热，腑脏蕴毒，疏导极稳方。

生犀角末一分 人参去芦头切 枳实去瓤炙 槟榔半两 黄连一两 大黄二两，酒浸切片，以巴豆去皮一百个，贴在大黄上，纸裹，饭上蒸三次，切，炒令黄焦，去巴豆不用

上为细末，炼蜜和丸，如麻子大。每服一二十丸，临卧熟水下，未动，加丸。亦治大人，孕妇不损。

异功散 温中和气，治吐泻，不思乳食。凡小儿虚冷病，先与数股，以助其气。

人参切去顶 茯苓去皮 白术 陈皮锉

① 梓朴散：原作“虚风又方”，据目录改。

② 同：原脱，据聚珍本，《新书》补。

③ 褊：古通“扁”。

甘草各等分

上为细末，每服二钱，水一盞，生姜五片，枣两个，同煎至七分，食前，温量多少与之。

藿香散 治脾胃虚有热，面赤，呕吐涎嗽，及转过度者。

麦门冬去心焙 半夏曲 甘草炙各半两 藿香叶一两

上为末，每服五分至一钱，水一盞半，煎七分，食前温服。

学海案：“聚珍本”有石膏半两。

如圣丸 治冷热疳泻。

胡黄连 白茺萸去扇炒 干虾蟆五枚，锉，酒熬膏

上为末，用膏丸如麻子大，每服人参汤下。二、三岁者，五七丸；以上者，十丸至十五丸。无时。

白附子香连丸 治肠胃气虚，暴伤乳哺，冷热相杂，泻痢赤白，里急后重，腹痛扭撮，昼夜频并，乳食减少。

黄连 木香各一分 白附子大二个

上为末，粟米饭丸，绿豆大成黍米大，或服十丸至二、三十丸，食前，清米饮下，日夜各四五服。

豆蔻香连丸 治泄泻，不拘寒热赤白，阴阳不调，腹痛肠鸣切痛，可用如圣。

黄连炒，三分 肉豆蔻 南木香各一分

上为细末，粟米饭丸，米粒大。每服米饮汤下，十丸至二、三十丸，日夜各四五服，食前。

小香连丸 治冷热腹痛，水谷利，滑肠方。

木香 诃子肉各一分 黄连半两，炒

上为细末，饭和丸绿豆大。米饮下十丸至三五十丸，频服之，食前。

二圣丸 治小儿脏腑或好^①或泻，久不愈，羸瘦成疳，宜常服^②。

川黄连去须 黄柏去粗皮，各一两

上为细末，将药末入猪胆内，汤煮熟，丸如绿豆大。每服二、三十丸，米饮下。量儿大小加减，频服，无时。

没石子丸 治泄泻白浊，及疳痢、滑肠、腹痛者方。

木香 黄连各一分。一作各二钱半 没石子一个 豆蔻仁二个 诃子肉三个

上为细末，饭和丸麻子大，米饭下。量儿大小加减，食前。

当归散 治变蒸有寒无热。

当归二钱 木香 官桂 甘草炙 人参各一钱

上咬咀，每服二钱，水七分盞，姜三片，枣一枚去核，同煎服。

温白丸 治小儿脾气虚困，泄泻瘦弱，冷疳洞利，及因吐泻，或久病后慢惊，身瘦羸。

天麻生半两 白僵蚕炮 白附子生 干蝎去毒 天南星锉，汤浸七次，焙，各一分

上同为末，汤浸，寒食面和丸，如绿豆大，丸了仍与寒食面内，养七日取出。每服五七丸至二三十丸，空心煎生姜米饮，渐加丸数，多与服。

豆蔻散 治吐泻烦渴，腹胀，小便少。

豆蔻 丁香各半分 舶上硫黄一分 桂府白滑石三分

上为细末，每服一字至半钱，米饮下，无时。

温中丸 治小儿胃寒泻白，腹痛肠鸣，吐酸水，不思食，及霍乱吐泻。

人参切去顶焙 甘草锉，焙 白术各一两，为末

上姜汁面和丸，绿豆大。米饮下一、二十丸，无时。

胡黄连麝香丸 治疳气羸瘦，白虫作方。

胡黄连 白茺萸去扇，各一两 木香 黄连各半两 辰砂另研，一分 麝香锉研，一钱

上为细末，面糊丸绿豆大。米饮下五、七丸至十丸；三五岁以上者，可十五丸、二十丸。无时。

大胡黄连丸 治一切惊疳，腹胀，虫动，好吃泥土生米，不思饮食，多睡，吼哇，脏腑或秘或泻，肌肤黄瘦，毛焦发黄，饮水，五心烦热。能杀虫，消胀进食，治疮癣，常服不泻痢方。

胡黄连 黄连 苦楝子各一两 白茺萸去

① 好，《类证》本作“止”。

② 宜常服，原脱，据聚珍本、《类证》补。

扇半两，秋初三分 芦荟另研 干蟾头烧存性，另研，各一分 麝香一钱，另研 青黛一两半，另研

上先将前四味为细末，猪胆汁和为剂，每一胡桃大，入巴豆仁一枚置其中，用油单一重裹之，蒸熟，去巴豆，用米一升许蒸，米熟为度，入后四味为丸。如难丸，少入面糊丸，麻子大。每服十丸、十五丸，清米饮下，食后、临卧、日进三两服。

榆仁丸 治疳热瘦瘁，有虫，久服充肥。

榆仁去皮 黄连去头，各一两

上为细末，用猪胆七个，破开取汁，与二药同和入碗内，甑上蒸九日，每日一次，候日数足，研麝香五分，汤浸一宿，蒸饼同和成剂，丸如绿豆大。每服五七丸至一、二十九，米饮下，无时。

大芦荟丸 治疳杀虫，和胃止泻。

芦荟研 木香 青橘皮 胡黄连 黄连 白芫荑去扇秤 雷丸破开，白者佳，赤者杀人，勿用 鹤虱微炒，各半两 麝香二钱，另研

上为细末，粟米饮丸绿豆大。米饮下二十九，无时。

龙骨散 治疳渴。

砒霜 蟾酥各一字 粉霜五分 龙骨一钱 定粉一钱五分 龙脑半字

上先研砒粉极细，次入龙骨再研，次入定粉等同研，每用少许傅之。

橘连丸 治疳瘦，久服消食和气，长肌肉。

陈橘皮一两 黄连一两五钱，去须，米泔浸一日

上为细末，研入麝香五分，用猪胆七个，分药入在胆内，浆水煮，候临熟以针微扎破，以熟为度，取出，以粟米粥和丸，绿豆大。每服十丸至二、三十丸，米饮下，量儿大小与之，无时。

龙粉丸 治疳，口疮，走马疳。

草龙胆 定粉 乌海肉焙秤 黄连各二分

上为细末，炼蜜丸，如麻子大。米饮下一、二十九，无时。

香银丸 治吐。

丁香 干葛各一两 半夏汤浸七次，切焙 水银各半两

上三味，同为细末，将水银与药同研匀，生

姜汁丸，如麻子大。每服一、二丸至五七丸，煎金银汤下，无时。

金华散 治干湿疮癣。

黄丹煨，一两 轻粉一钱 黄柏 黄连各半两 麝香少许

上为末，先洗，次干掺之，如干癣疮，用腊月猪脂和傅，如无，用麻油亦可，加黄芩、大黄。

安虫丸 治上、中二焦虚，或胃寒虫动及痛。又名苦楝丸方。

干漆三分，杵碎炒烟尽 雄黄 巴豆霜一钱

上为细末，面糊丸，黍米大，量儿大小与服，取东行石榴根煎汤下，痛者煎苦楝根汤下，或芫荑汤下五、七丸至三、二十丸，发时服。

芫荑散 治胃寒虫痛。

白芫荑去扇秤 干漆炒，各等分

上为细末，每服一字，或五分、一钱，米饮调下，发时服。

上方杜壬《养生必用方》同。杜亦治胃寒虫上。

胆矾丸 治疳，消癖进食，止泻和胃，遣虫。

胆矾真者一钱，为粗末 绿矾真者二两 大枣十四个，去核 好醋一升

以上四物同煎，熬令枣烂和后药。

使君子二两，去壳 枳实去囊炒，三两 黄连 诃黎勒去核，各一两，并为粗末 巴豆二七枚，去皮破之

以上五物同炒令黑，约三分干，入后药。

夜明砂一两 虾蟆灰存性，一两 苦楝根皮末，半两

以上三物再同炒，候干，同前四物杵罗为末，却同前膏和人白中，扞干下。如未成更入枣，亦不可多，恐服之难化。太稠，即入温水，可丸即丸如绿豆大。每服二、三十丸，米饮温水下，不拘时。

真珠丸 取小儿虚中一切积聚、惊涎、宿食、乳癖。治大小便涩滞，疔腹胀，行滞气。

木香 白丁香真者 丁香末，五分 巴豆仁十四个，水浸一宿，研极腻 轻粉各五分，留少许为衣 白滑石末，二钱

上为末，研匀，湿纸裹烧，粟米饭丸麻子大。

一岁一丸，八九岁以上至十五岁服八丸，炮皂子煎汤放冷下。挟风热难动者，先服凉药一服，乳癖者，减丸数，隔日临卧一服。

消坚丸 消乳癖及下交奶，又治痰热膈实，取积。

硃砂末 巴豆霜 轻粉各一钱 水银砂子
两皂子大 细墨少许 黄明胶末，五钱

上同研匀，入面糊丸，如麻子大。倒流水下，一岁一丸，食后。

百部丸 治肺寒壅嗽，微有痰。

百部三两，炒 麻黄去节 杏仁四十个，去皮尖，微炒，煮三五沸

上为末，炼蜜丸如芡实大，热水化下，加松子仁肉五十粒，糖丸之，含化大妙。

紫草散 发斑疹。

钩藤钩子 紫草茸各等分

上为细末，每服一字，或五分、一钱，温酒调下，无时。

秦艽散 治潮热，减食，蒸瘦方。

秦艽去芦头，切焙 甘草炙，各一两 干薄荷半两，勿焙

上为粗末，每服一二钱，水一中盏，煎至八分，食后温服。

地骨皮散 治虚热潮作，亦治伤寒壮热，及余热方。

地骨皮自采佳 知母 银州柴胡去芦 甘草炙 半夏汤洗十次，切焙 人参切去顶，焙 赤茯苓各等分

上为细末，每服二钱，姜五片，水一盞，煎至八分，食后温服，量大小加减。

人参生犀散 解小儿时气寒壅、咳嗽，痰逆喘满，心忪惊悸，脏腑或秘或泄，调胃进食。又主一切风热，服寻常凉药即泻而减食者。

人参切去芦，三钱 前胡去芦，七钱 甘草炙 黄，二钱 桔梗 杏仁去皮尖略爆干为末秤，各五钱

上将前四味为末，后入杏仁，再粗罗罗过。每服二钱，水一盞，煎至八分，去滓温服，食后。

三黄丸 治诸热。

黄芩半两，去心 大黄去皮，湿纸裹煨 黄连去须，各一钱

上同为细末，面糊丸绿豆大或麻子大。每服五七丸至十五丸、二十丸，食后，米饮送下。

治凶开不合、鼻塞不通方。

天南星大者，微炮去皮，为细末，淡醋调，涂帛上，贴凶上，火炙手频熨之。

黄芪散 治虚热盗汗。

牡蛎煨 黄芪 生地黄各等分

上为末，煎服，无时。

虎杖散 治实热盗汗。

上用虎杖锉，水煎服。量多少与之，无时。

捻头散 治小便不通方。

延胡索 川苦楝各等分

上同为细末，每服五分或一钱，捻头汤调下，量多少与之。如无捻头汤，即汤中滴油数点，食前。

羊肝散 治疮疹入眼成翳。

上用蝉蜕末，水煎，羊子肝汤调服二三钱。凡痘疮才欲著痂，即用酥或面油不住润之，可揭即揭，若不润及迟揭，疮硬即隐成瘢痕。

蝉蜕散 治斑疮入眼，半年以内者，一月取效。

蝉蜕去土取末，一两 猪悬蹄甲二两，罐子内盐泥固济，烧存性

上二味研，入羚羊角细末一分拌匀。每服一字；百日外儿五分；三岁以上一、二钱。温水或新水调下，日三、四，夜一、二，食后服。一年以外难治。

乌药散 治乳母冷热不和及心腹时痛，或水泻，或乳不好。

天台乌药 香附子破，用白者 高良姜 赤芍药

上各等分为末，每服一钱，水一盞，同煎六分，温服。如心腹疼痛，入酒煎。水泻，米饮调下。无时。

二气散 治冷热惊吐反胃，一切吐利，诸治不效者。

硫黄半两，研 水银二钱半研，不见星，如黑煤色为度

上每服一字至五分，生姜水调下或同炒，结砂为丸。

葶苈丸 治乳食冲肺，咳嗽，面赤、痰喘。

甜葶苈隔纸炒 黑牵牛炒 汉防己 杏仁
炒，去皮尖，各一钱

上为末，入杏仁泥，取蒸陈枣肉和捣为丸，如麻子大，每服五丸至七丸，生姜汤送下。

麻黄汤 治伤风发热、无汗、咳嗽、喘急。

麻黄去节三钱，水煮去沫，漉出晒干 肉桂二钱
甘草炙，一钱 杏仁七个，去皮尖，麸炒黄，研膏
每服一钱，水煎服。以汗出为度，自汗者不宜服。

生犀磨汁 治疮疹不快，吐血衄血。

生犀磨汁

学海案：“聚珍本”有生犀散云，消毒气，解内热。用生犀磨浓汁，微温饮一茶脚许，乳食后，更量大小加减之。与此方同而治异。

大黄丸 治诸热。

大黄 黄芩各一两

上为末，炼蜜丸如绿豆大。每服五丸至十丸，温蜜水下。量儿加减。

使君子丸 治脏腑虚滑及疳瘦下利，腹肋胀满，不思乳食。常服，安虫补胃，消疳肥肌。

厚朴去粗皮姜汁涂焙 甘草炙 诃子肉半生半煨 青黛各半两，如是兼惊及带热泻入此味，如则变疳不调，不用此味 陈皮去白一分 使君子去壳一两，面裹煨熟，去面不用

上为末，炼蜜丸，如小鸡头大，每服一丸，米饮化下。百日以上、一岁以下，服半丸。乳汁化下。

青金丹 疏风利痰。

芦荟 牙硝 青黛各一钱 使君子三枚
硼砂 轻粉各五分 蝎梢十四枚

上末，磨香墨拌，丸麻子大。每三丸，薄荷汤下。

烧青丸 治乳癖。

轻粉 粉霜 硃砂各一钱 白面二钱 玄精石一分 白丁香一字 定粉一钱 龙脑十字

上同一处，研令极细，滴水和为一饼，以文武火烧熟勿焦，再为末，研如粉面，滴水和丸如黄米。每服七丸，浆水化下。三岁以下服五丸，量儿大小，加减服之。此古方也。

败毒散 治伤风、瘟疫、风湿，头目昏暗，四肢作痛，增寒壮热，项强睛疼，或恶寒咳嗽，鼻塞声重。

柴胡洗，去芦 前胡 川芎 枳壳 羌活 独活 茯苓 桔梗炒 人参各一两 甘草半两
上为末，每服二钱，入生姜、薄荷煎，加地骨皮、天麻，或咬咀，加蝉蜕、防风。治惊热可加芍药、干葛、黄芩；无汗加麻黄。

学海案：“聚珍本”方末无“加地骨皮”。以下有云，此古方也。钱氏加甜葶苈半两，薄荷叶半两，名羌活散，盖陶氏注也。

木瓜丸^① 止吐。

木瓜末 麝香 膩粉 木香末 槟榔末各一字

上同研，面糊丸，如小黄米大。每服一、二丸，甘草水下，无时服。

大黄丸^② 治风热里实，口中气热，大小便闭赤，饮水不止，有下证者，宜服之。

大黄，一两，酒洗过，米下蒸熟，切片晒干 川芎一两，锉 甘草一分，锉炙 黑牵牛半两，半生熟炒

上为细末，稀糊和丸，如麻子大。二岁每服十九，温蜜水下，乳后服，以三唐利为度；未利加丸数再服。量儿大小虚实。

① 木瓜丸，此方原脱，据卷上“初生下吐”及周氏附方拾遗，补于此。

② 大黄丸，此方原脱，据卷上“伤风自利”及周氏附方拾遗，补于此。

附录一·拾遗方

学海案：“聚珍本”较此本少凉惊丸名司方异、粉红丸、阿胶散、涂凶法、浴体法、甘桔汤、利惊丸、消积丸、花火膏、百祥丸、牛李膏、宣风散、蛇黄丸、镇心丸名同方异、抱龙丸、五福化毒丹、当归散、安虫丸、茺萸散、入参生犀散、羊肝散、葶苈丸、生犀磨汁、使君子丸、青金丹名同方异、烧膏丸，共二十六方，而别有木瓜丸、青金丹、生犀散与生犀磨汁，方同治异、龙脑膏、梔豉饮子、白虎汤、大黄丸名同方异、镇心丸、钩藤膏、魏香散、凉惊丸、独活饮子、三黄散、入参散、槟榔散、黄芪散名同方异、地骨皮散名同方异、兰香散、傅齿立效散、蚬皮丸共二十方。其间龙脑膏、梔豉饮子、白虎汤、钩藤膏、魏香散五方，已见阎氏书中，余十五方^①未知何出？附录于此，以备习是业者有所采焉。

青金丹

青黛研 雄黄飞研 胡黄连各半两 白附子炮制，二钱 水银一钱，与膩粉同研 膩粉水银同研 熊胆用温水化入 芦荟研 蟾酥研入，各一分 麝香半分 龙脑研 朱砂飞研 铅霜研和一字

上为细末，令匀，用熬过猪胆汁浸，蒸饼和丸，如黄米大。退惊治风，化虫杀疳，除百病，进乳食，治一切惊风天钓，目睛上视，手足搐搦，状候多端。用药一丸，温水化滴鼻中，令嚏喷三五次，更用薄荷汤下二丸即愈。如久患五疳，腹胀头大，四肢瘦小，好吃泥土，不思乳食，爱咬指甲，时捋眉毛，头发稀疏，肝上青筋，及又患泻痢，并用米饮下二丸。如鼻下赤烂，口齿疳虫并口疮等，同乳汁研二丸，涂在患处。疳眼雀目，白羊肝一枚，以竹刀子批开，入药二丸在内，以麻缕缠定，用淘米泔煮熟，空腹食之。仍令乳母常忌鱼腥、大蒜、鸡、鸭、猪肉等。此药若隔三二日一服，永无白疾，不染横夭之疾。此古方也，钱氏独麝香比此加倍。

生犀散 消毒气，解内热。

生犀凡盛物者，皆经蒸煮，不堪用，须生者为佳

上一物，不拘多少，于涩器物中，用新水磨浓汁，微温饮一茶脚许，乳食后，更量大小加减之。

镇心丸 凉心经，治惊热痰盛。

甜硝白者 人参切去芦末 甘草炙取末 寒水石烧，各一两 干山药白者 白茯苓各二两 朱砂一两 龙脑 麝香各一钱，三味并研碎

上为末，熟蜜丸鸡头大。如要红，入坯子胭脂二钱，即染胭脂是也。温水化下半丸至一、二丸，食后。

凉惊丸

硼砂研 粉霜研 郁李仁去皮焙干为末 轻粉 铁粉研 白牵牛末各一钱 好腊茶三钱

上同为细末，熬梨为膏，丸绿豆大。龙脑水化下一丸至三丸。亦名梨汁饼子。及治大人风涎，并食后服。一本无白牵牛末

独活饮子 治肾疳臭息候良方。

天麻 木香 独活 防风各一钱 麝香少许，研细末和入

上每服一钱匕，小者半钱，麦门冬熟水调下。

三黄散 治肾疳崩砂^② 候良方。

牛黄 大黄 生地黄 木香 青黛各等分，为末

上每服一钱匕，熟水调服。

人参散 治肾疳溃槽候良方。

肉豆蔻炮 胡黄连 人参 杏仁炒 甘草炙，各等分为末

上每服一钱匕，小者半钱，温熟水调服。

槟榔散 治肾疳宣露候良方。

木香 槟榔 人参 黄连 甘草炙，各等分为末

^① 余十五方：据卷上内容，木瓜丸、大黄丸当属钱氏方，故摘出附方中，今存十三方。

^② 崩砂，口气臭、齿黑谓之崩砂。见此附方兰香散条。

上每服一钱，小者半钱，熟水调服。

黄芪散 治肾疳腐根候良方。

黄芪蜜炙 牛黄 人参 天麻 蝎去毒
杏仁炒 白茯苓 川当归 生地黄洗 熟干地
黄洗，各等分为末

上每服小者半匕，煎天门冬熟水调服，麦门冬亦得。

地骨皮散 治肾疳，龈腭牙齿肉烂腐臭，鲜血常出良方。

生干地黄半两 真地骨皮 细辛各一分
五倍子炒令焦二钱

上为末，每用少许傅之，频之功效，多不妨。议曰^①：本经所载，疳证有五，谓五脏所受，故得其名。今述肾疳一脏，有五证候者，最为要急，不可同常。此疾具陈有五种，候传迅疾可畏，乃知走马之号不诬。初发之时，儿孩口臭，上干胃口，气息臭郁；渐进损筋，龈肉生疮，或肿或烂，其齿焦黑；又进，从牙槽内发作疮疱，破溃脓烂；又进，热逼人脉，常血出，其热注久，牙龈腐坏，槽宽齿脱，六七岁孩落尽，不复更生，岂可治疗！今以妙方，宜速与随其传变而理，不待疾作而后药也。

兰香散 治小儿走马疳，牙齿溃烂，以至崩砂出血齿落者。

轻粉 兰香末，各一钱 密陀僧半两，醋淬为末

上研如粉，傅齿及龈上，立效。议曰：婴孩受病，症候多疳，良由气郁三焦，疳分五脏，内有肾经，常虚得疳，名之曰急，以走马为喻，治疗颇难。此等征：初作口气，名曰臭息；次第齿黑，名曰崩砂；盛则龈烂，名曰溃槽；又盛血出，名曰宣露；重则齿自脱落，名曰腐根。其根既腐，何由理之？嗟乎！豪家育子，哺以甘肥，肾堂受之虚热，或因母在难月，恣食厚味，令儿所招，俱非偶然而作。今将秘方述于后。

傅齿立效散

鸭嘴 胆矾一钱匕，煨红研 麝香少许

上研匀，每以少许傅牙上。又一方用蟾酥一字，加麝香和匀傅之。议曰：血之流行者荣也，气之循环者卫也。变蒸足后，饮食之间，深恐有伤

于荣卫而作众疾。其或气伤于毒，血伤于热，热毒攻之，虚脏所受，何脏为虚？盖小儿肾之一脏常主虚，不可令受热毒，攻及肾脏，伤乎筋骨。惟齿受骨之余气，故先作疾，名曰走马，非徐而作。所宜服药，甘露饮、地黄膏、化毒丹、消毒饮。其外证以前件立效散及麝酥膏傅之。切忌与食热毒之物。此疳不同常证，医宜深究保全为上。若用常方，难于痊愈。

蚬皮丸 治小儿五疳，八痢，乳食不节，寒温调适乖违，毛发焦黄，皮肤枯悴，脚细肝大，颅解胸陷，渐觉尪羸，时发寒热，盗汗，咳嗽，脑后核起，腹内块生，小便泔浊，脓痢淀膏，扞眉咬指，吃土甘酸，吐食不化，烦渴并频，心神昏瞽，鼻赤唇燥，小虫既出，蛔虫咬心，疳眼雀目，名曰丁奚。此药效验如神。

蚬皮酒浸去骨，焙 白茺萸去皮 黄连去须
胡黄连各一两半 青黛半两为衣

上件研为细末，猪胆汁面和丸，如粟米大。每服三十丸，用饭饮吞下，食后，临卧，日进三服。

^① 议曰：本书存“议曰”八方：独活饮子、三黄散、人参散、槟榔散、黄芪散、地骨皮散、兰香散、傅齿立效散。此八方见载于《活幼口议》。

附录二·阎氏小儿方论

宋大梁 阎孝忠著

余家幼稚多疾，率用钱氏方诀，取效如神。因复研究诸法，有得于心，如惊、疳等。钱钟阳之未悉者，今见于下，并以仲阳传^①附卷末。

治 法

治小儿急慢惊

小儿急慢惊，古书无之，惟曰阴阳痫。所谓急慢惊者，后世名之耳。正如赤白痢之类是也。阳动而速，故阳病曰急惊；阴静而缓，故阴病曰慢惊。此阴阳虚实寒热之别，治之不可误也。急惊由有热，热即生风，又或因惊而发，则目上目扎^②，涎潮搐搦，身体与口中气皆热，及其发定或睡起，即了了如故。此急惊证也。当其搐势渐减时，与镇心治热药一二服《直诀》中麝香丸、镇心丸、抱龙丸、辰砂丸及至宝丹、紫雪丹之类。候惊势已定，须臾以药下其痰势《直诀》中利惊丸、软金丹、桃枝丸之类，或用大黄、朴硝等药。利下痰热，心神安宁即愈。慢惊得于大病之余，吐泻之后，或误取转致，脾胃虚损，风邪乘之凡小儿吐泻不止，必成慢惊宜速治。似搐而不甚搐，此名瘈瘲，似睡而精神慢，四肢与口中气皆冷，睡露睛，或胃痛而啼哭如鸦声。此证已危，盖脾胃虚损故也。

治小儿吐泻

凡小儿吐泻，当温补之。余每用理中丸以温其中，以五苓散导其逆五苓散最治小儿吐，连与数服，兼用异功散等温药调理之，往往便愈。若已虚损，当速生其胃气，宜与附子理中丸，研金液丹末，煎生姜米饮调灌之。惟多服乃效服至二三两无害。候胃气已生，手足渐暖，阴退阳回，然犹瘈瘲，即减金液丹一二分，增青州白丸子一二分，同研如上服。以意详之，渐减金液丹，加白丸子，兼用异功散、羌活膏、温白丸、钩藤饮之类，调理至安。依此治之，仍频与粥，虽至危者，往往

死中得生，十救八九。

金液丹治小儿吐泻虚极

金液丹治小儿吐泻虚极最妙。沈存中《良方》论金液丹云：新见小儿吐利剧，气已绝，服之复活者数人，真不妄也。须多服方验。

惊风或泄泻等

惊风或泄泻等诸病，烦渴者，皆津液内耗也。不问阴阳，宜煎钱氏白术散，使满意取足饮之，弥多弥好。

治小儿急惊方搐

凡小儿急惊方搐，不用惊扰，此不足畏。慢惊虽静，乃危病也。急惊方搐，但扶持不可擒捉。盖风气方盛，恐流入筋脉，或致手足拘挛。

治急慢惊

治急慢惊，世人多用一药。有性温性凉，不可泛用，宜审别之。又治慢惊药，宜去龙脑，纵须合用，必以温药为佐，或少用之。

治小儿实热疏转

凡小儿实热，疏转后如无虚证，不可妄温补，热必随生。

治小儿惊风痰热

治小儿惊风，痰热坚癖，能不用水银、轻粉甚便，如不得已用之，仅去疾即止。盖肠胃伤，亦损口齿。

① 仲阳传：周学海氏已将此传移于卷前。

② 扎：《新书》作“插”，义近。扎，进也。

治小儿疮疹伤食相似

治小儿壮热昏睡、伤风、风热、疮疹、伤食皆相似。未能辨认，间服升麻葛根汤、惺惺散、小柴胡汤甚验。盖此数药通治之，不致误也，惟伤食则大便酸臭、不消化、畏食或吐，宜以药下之。

治小儿疮疹

小儿耳冷尻冷，手足乍冷乍热，面赤，时嗽嚏，惊悸，此疮疹欲发也。未能辨认，间服升麻葛根汤、消毒散，已发、未发皆宜服，仍用胡荽酒、黄柏膏。暑月烦躁，食后与白虎汤、玉露散；热盛与紫雪；咽痛或生疮，与甘桔汤、甘露饮子。余依钱氏说。大人同。

治小儿脾胃虚弱

小儿多因爱惜过当，往往三两岁未与饮食，致脾胃虚弱，平生多病。自半年以后，宜煎陈米稀粥，取粥面时时与之；十月以后，渐与稠粥烂饭，以助中气，自然易养少病。惟忌生冷、油腻、甜物等。

小儿治法

小儿治法，大概与大人同，惟剂料小耳。如升麻葛根汤、惺惺散等，虽人皆知之，仓卒亦难检，今并载于下。钱氏已有方者，今不复录。

药方

升麻葛根汤 治伤寒、温疫、风热，壮热、头痛、肢体痛，疮疹已发未发，并宜服之。

干葛细锉 升麻 芍药 甘草锉炙，各等分

上同为粗末，每服四钱，水一盞半，煎至一盞，量大小与之，温服，无时。

惺惺散 治伤寒时气、风热，痰涌、咳嗽，及气不和。

桔梗 细辛去叶 人参切去顶焙 甘草锉炒
白术 白茯苓去皮 瓜蒌根各一两

上同为细末，每服二钱，水一盞，入薄荷五叶，煎至七分，温服，不拘时。如要和气，入生姜

五片同煎。一法用防风一分，用川芎一分。

消毒散 治疮疹未出或已出，未能匀遍，又治一切疮。凉膈去痰，治咽痛。

牛蒡子二两 甘草半两，锉炒 荆芥穗一分

上同为粗末，每服三钱，水一盞半，煎至一盞，温服，不拘时。

黄柏膏 治疮疹已出，用此涂面，次用胡荽酒。

黄柏去粗皮，一两 甘草四两 新绿豆一两半

上同为细末，生油调，从耳前至眼轮，并厚涂之，日三、二次。如早用，疮不上面，纵有亦少。

胡荽酒

胡荽细切四两，以好酒二盞，煎一两，沸入胡荽再煎，少时用物合定放冷

上每吸一、二口，微喷，从顶至足匀遍，勿喷头面，病人左右常令有胡荽，即能辟去汗气，疮疹出快。

疮疹忌外人及秽触之物，虽不可受风冷，然亦不可拥遏，常令衣服得中并虚凉处坐卧。

治疮疹出不快及倒靨，**四圣散**。

紫草茸 木通锉 甘草锉，炒 枳壳麸炒，去穰秤 黄芪切焙，等分。

上同为粗末，每服一钱，水一中盞，煎八分，温服，无时。

又方 **蓝根散**

板蓝根一两 甘草三分，锉，炒

上同细末，每服半钱或一钱。取雄鸡冠血三、二点，同温酒少许，食后同调下。二方无证勿服。

治疮疹倒靨黑陷。

人牙烧存性，研入麝香少许

上每服三钱。温酒少许调下无时。

又方

小猪儿尾尖取血三、五点，研入生龙脑少许

上新水调下，食后。

治伏热在心，昏瞽不省，或误服热药，搐热冒昧不知人，及疮疹倒靨黑陷。

生梅花脑子研半字或一字

上取新杀猪心一个，取心中血同研作大丸，

用新汲水少许化下。未省再服。如疮疹陷伏者，温酒化下。

甘露饮子 治心胃热，咽痛，口舌生疮，并疮疹已发未发并可服。又治热气上攻，牙龈肿，牙齿动摇。

生干地黄焙秤 熟干地黄焙秤 天门冬 麦门冬各去心焙秤 枇杷叶去毛 黄芩去心 石斛去苗 枳壳麸炒去穢 甘草锉，炒 山茵陈叶

上各等分，为粗末，每服二钱，水一盞，煎八分，食后温服。牙齿动摇，牙龈腥热，含嗽涎，并服。

白虎汤 解暑毒烦躁，身热，痰盛，头痛，口燥大渴。

知母一两半，焙干秤 甘草半两，锉，炒 石膏四两 白粳米八钱

上同为粗末，每服三钱，水一盞，煎至八分，食后，温冷随意服。气虚人加入人参少许同煎。

疮疹太盛，宜服此**调肝散**。令不入眼。

生犀锉取末，一分 草龙胆半钱 黄芪半两，切 大黄去皮，二钱 石膏半两 桑白皮自采焙干 钩藤钩子 麻黄去节，各一分 括萎去皮 甘草炙，各等分

上为粗末，每服二钱，水一盞，煎半盞，食后，时时温服少许。

治疮疹入眼。

马屁勃半两 皂角子十四个 蛇皮半两

上入小罐子内，盐泥固济，烧存性，研细，温酒调下一二钱，食后服。

又方 治疮疹入眼成翳。

括萎根半两 蛇皮二钱

上同细末，用羊子肝一个，批开入药末二钱，麻缠定，米泔煮熟，频与食之，未能食肝，令乳母多食。

又方

蝉壳末

上用水煎羊子肝汤，调服二、三钱。

凡豆疮才欲著痂，即用酥或面油不住润之，可揭即揭去。若不润及迟揭，疮痂硬即隐成瘢痕。

治口疮。

大天南星去皮，只取中心如龙眼大，为细末。

上用醋调，涂脚心。

治脓耳。

白矾火飞，一钱 麝香一字 坯子胭脂染胭脂也，一钱

上同研匀，每用少许。先用绵裹杖子，撮净掺之。

治蓄热在中，身热狂躁，昏迷不食。

豆豉半两 大梔子仁七个，槌破

上共用水三盞，煎至二盞，看多少服之，无时。或吐不吐，立效。

治虫咬心痛欲绝。

五灵脂末，二钱匕 白矾火飞，半钱匕

上同研，每服一、二钱，水一盞，煎五分温服，无时。当吐出虫。

治脾胃虚寒，吐泻等病，及治冷痰。

齐州半夏汤浸七次，切焙，一两 陈粟米三分，陈粳米亦得

上以咀，每服三钱，水一大盞半，生姜十片，同煎至八分，食前，温热服。

治外肾肿硬成疝。

干蚯蚓为细末

上用唾调涂，常避风冷湿地。

钩藤膏 小儿服中极痛，干啼后偃，名盘肠、内吊。

没药研 好乳香水中坐乳钵，研细秤 木香 姜黄各四钱 鳖子人十二个

上先将下三味同为细末，次研入上二味，炼蜜和成剂收之。每一岁儿，可服半皂子大，余以意加减，煎钩藤汤化下，无时。次用魏香散。

魏香散

蓬莪茂半两 真阿魏一钱

上先用温水化阿魏，浸蓬莪茂一昼夜，焙干为细末，每服一字或半钱，煎紫苏米饮，空心调下。

地黄散 治心肝壅热，目赤肿痛生赤脉，或白膜遍睛。四边散漫者犹易治，若暴遮黑睛，多致失明，宜速用此方，亦治疮疹入眼。

生干地黄切焙秤 熟干地黄切焙秤 当归去芦头，切焙秤，各一分 黄连去须，一钱 木通一钱半

玄参半钱 甘草一钱半，锉，炒 防风去芦头，焙
羌活 生犀末 蝉壳去土木贼 谷精草 白
蒺藜去尖 沙苑蒺藜各一钱 大黄去皮，取实者，
锉，略炒，一钱

上为细末，每服一字或半钱，量大小加减。
煎羊肝汤，食后调下，日三夜一。忌口将息。亦
治大人。

治热痢下血。

黄柏去皮，半两 赤芍药四钱

上同为细末，饭和丸麻子大，每服一、二十
丸下，大者加丸数

治心气不足，五六岁不能言，**菖蒲丸**。

石菖蒲二钱 丹参二钱 人参切去顶焙，半
两 赤石脂三钱 天门冬去心焙秤 麦门冬去心
焙秤，各一两

上同为细末，炼蜜丸绿豆大或麻子大，温水
下五七丸至一、二十丸，不计时，日三四服，久服
取效。又有病后肾虚不语者，宜兼服钱氏地黄
丸。

鸡头丸 治诸病后不语。

雄鸡头一个，炙 鸣蝉三个，炙 大黄一两，取
实处湿纸裹煨熟 甘草一两，锉炒 木通半两 当
归去芦头，切焙，三分 黄芪切焙 川芎 远志去
心 麦门冬去心焙，各三分 人参切去顶，焙，半两

上同为细末，炼蜜丸小豆大。平旦米饮下五
丸，空心，日三、四，儿大者加之。久服取效。鸡、
蝉二物，宜求死者用之，不可旋杀。孙真人所谓
“杀生求生，去生更远”，不可不知也。

治肾虚或病后筋骨弱，五、六岁不能行，宜
补益肝肾，**羚羊角丸**。

羚羊角尖细而节密者是，锉取末 生干地黄焙
秤 虎胫骨敲破，涂酥炙黄 酸枣仁去皮，秤，炒
白茯苓各半两 桂去皮，取有味处，不见火 防风去
芦头，切焙 当归同上 黄芪切焙，各一分

上同为细末，炼蜜和成剂，每服一皂子大，
儿大者加之，食前温水化下，日三四服，取效。

治惊风、中风，口眼喎斜，语不正，手足偏
废不举，**全蝎散**。

全蝎去毒，炒 僵蚕直者，炒 甘草 赤芍药
桂枝不见火 麻黄去节 川芎 黄芩去心，各
三钱 天麻六钱 大天南星汤浸七次，去皮脐，切

焙，三钱

上为粗末，每服三钱，水一盞半，姜七片，煎
七分，温服，无时，量大小与之，日三四服。忌羊
肉。

和中散 和胃气，止吐泻，定烦渴。治腹痛，
思食。

人参切去顶，焙 白茯苓 白术 甘草锉炒
干葛锉 黄芪切焙 白扁豆炒 藿香叶各等分
上为细末，每服三钱，水一盞，干枣二个去
核，姜五片，煎八分，食前温服。

紫苏子散 治咳逆上气，因乳哺无度，内挟
风冷，伤于肺气；或呵气未定，与乳饮之，乳与气
相逆，气不得下。

紫苏子 诃子去核，秤 萝卜子 杏仁去皮
尖，麸炒 木香 人参切去须，各三两 青橘皮
甘草锉炒，各一两半

上为细末，每服一钱，水一小盞，人生姜三
片，煎至五分，去滓，不计时，温服，量大小加
减。

赤石脂散 治痢后气下，推出肛门不入。

真赤石脂拣去土 伏龙肝各等分

上为细末，每用半钱，傅肠头上，频用。

柏墨散 治断脐后为水湿所伤，或翻袍^①
湿气伤于脐中，或解脱风冷所乘，故令小儿四肢
不和，脐肿多啼，不能乳哺，宜速疗之。

黄柏炒 釜下墨 乱发烧，各等分

上为细末，每用少许傅之。

至宝丹 治诸痛急惊，心热卒中客忤，不得
眠睡，烦躁，风涎搐搦，及伤寒狂语，伏热呕吐，
并宜服之。

生乌犀屑 生玳瑁屑 琥珀研 朱砂细研
水飞 雄黄以上各一两，细研水飞 金箔五十片，一
半为衣 银箔五十片，研 龙脑一分，研 麝香一
分，研 牛黄半两，研 安息香一两半，为末，以无灰
酒飞，过滤净，去砂石，约取一两，慢火熬或膏

上生犀、玳瑁，捣罗为细末，研入余药令
匀，将安息香膏以重汤煮凝成，和搜为剂。如干，
即入少熟蜜，盛不津器中，旋丸如桐子大。二岁

① 翻袍，即包裹婴儿之被毯，犹今之襁褓。

儿服二丸，人参汤化下，大小以意加减。又治大人卒中不语，中恶气绝，中诸物毒，中热暗风，产后血运，死胎不下。并用童子小便一合，生姜自然汁三、五滴，同温过，化下五丸，立效。

紫雪 治惊痫百病，烦热涎厥，及伤寒，胃热发斑，一切热毒，喉痹肿痛。又治疮疹，毒气上攻咽喉，水浆不下。

黄金十两 寒水石 磁石 滑石 石膏各四两八钱，并捣碎

以上用水五升，煮至四升，去滓，入下项药：

玄参一两六钱，捣碎 木香捣碎 羚羊角屑 犀角屑 沉香各半两，捣碎 升麻一两六钱，捣碎 丁香一钱，捣碎 甘草八钱，炙铤

以上八味，入前药汁中，再煮取一升五合，去滓，入下项药：

消石三两一钱，芒消亦得 朴消一片，精者

以上二味，入前汁中，微火上煎，柳木篦搅不住手，候有七合，投在木盆中半日，欲凝，入下项药：

朱砂三钱，飞研 麝香当门子一钱一字，研

以上二味，入前药中搅匀，寒之两日。

上件成紫色霜雪，每服一字至半钱，冷水调下，大小以意加减。咽喉危急病，捻少许于咽立效。又治大人脚气，毒遍内外，烦热不解，口中生疮，狂易叫走，瘰疬毒厉卒死。温症，五月五疰，大能解诸药毒。每服一钱至二钱，冷水调下，并食后服。

理中丸 治吐利不渴，米谷不化，手足厥冷。

人参去芦，铤 白术铤 干姜炮 甘草炙铤，各一两

上为末，炼蜜和丸鸡黄大，每服一丸，水一大盏化开，煎及七分，连滓放温服。小儿分为三服，大小以意加减，食前。

五苓散 治霍乱吐泻，燥渴饮水，小便不利。

泽泻二两半，铤 木猪苓去皮价铤，一两半 官桂去皮，一两 白茯苓一两半，铤 白术一两半，铤

上为细末，每服一钱，温汤调下，渴燥，新水

调服，大小以意加减，不以时候。

附子理中丸 治脾胃寒弱，风冷相乘心痛，霍乱吐利转筋。

人参去芦 白术铤 干姜炮 甘草炙铤 黑附子炮去皮脐，各一两

上为细末，炼蜜和一两，作十丸，每服一丸，水一中盏化开，煎及七分，稍热服，食前。小儿分作三、二服，大小以意加减。

金液丹 治吐利日久，脾胃虚损，手足厥逆，精神昏塞，多睡露睛，口鼻气凉，欲成慢惊风者。又治大人阳虚阴盛，身冷脉微，自汗吐利，小便不禁。

舶上硫黄十两，先飞炼去砂石，秤，研为细末，用砂合子盛令八分满，水和赤石脂封缝，盐泥固济，晒干。露地先埋一水罐子，盛水满，坐合子在上，又以泥固济讫，常以三斤火，养三日三夜足，加顶火一煨成，候冷取药

上以柳木捶乳钵内，研为细末，每服二钱，生姜米饮调下，大小以意加减，多服取效。大人药末一两，蒸饼一两，水浸，去水，和丸。桐子大，晒干。每服五十丸至百丸，米饮下。并空心连并服。

又方 范文正宅

硫黄不以多少，淡黄透明者为上，飞炼去砂石，研为细末，用有盖砂罐子一个，取水中田字草或益母草，捣淤土，成泥，更入纸筋同捣，固济。罐子贵不破，晒干盛硫黄末在内，可不满二指，于露地深画十字，放罐子在中心，使底下通透四面，用炭约四、五斤，匀火煨，不盖罐子顶，时时揭觑，候化为汁，速去四面火，用湿土埋一宿，次日，取出于北荫下，不见日气处掘坑子，药一、二尺，将罐子去盖，倒埋一宿，次日取出，和罐入汤内煮五十沸，漉出取药

上以柳木捶乳钵内，研如粉面相似。小儿因吐泻之后，变成慢惊风者，每服一二钱，生姜米饮调下，并服取效。大人阴证伤寒，脉微欲绝，以水浸，无盐蒸饼，和丸，桐子大，晒干，每服五十丸或百丸，米饮下并空心服。

青州白丸子 治小儿惊风，大人诸风。

半夏七两，生 天南星三两，生 白附子二两，生 川乌头半两，生，去皮脐

上捣罗为细末，以生绢袋盛，用并花水摆。

未出者，更以手揉令出，如有滓更研，再入绢袋摆尽为度。放瓷盆中，日晒夜露，至晓弃水，别用井花水搅，又晒，至来日早，再换新水搅。如此春五日，夏三日，秋七日，冬十日。一法四时只浸一宿。去水晒干后如玉片，研细，以糯米粉煎粥清，丸绿豆大。每服三、五丸，薄荷汤下；大人每服二十九，生姜汤下。瘫痪、风温酒下。并不以时候服。

小柴胡汤 治伤寒温热病，身热恶风，头痛、项强、四肢烦疼、往往寒热、呕、哕，痰实，中暑，疟病，并宜服。

柴胡去芦，八钱 半夏汤洗切焙，二钱半 黄芩去心 人参去芦 甘草炙锉，各三钱

上为粗末，每三钱，水一盞半，生姜五片，枣一枚擘破，同煎及八分，滤去滓，放温，分作三、二服。大小以意加减，并不以时候，日三夜二。

小儿卫生总微论方

宋·佚名

杨俊杰	阎琪	主校
唐本春	陈桂华	参校

校注说明

《小儿卫生总微论方》，成书于1156年前，不著撰者名氏。据南宋太医局何大任序“齐鲁大臣，史失其名”推测，作者当为山东人。另第七卷末自记“编伤寒类证论方，亦颇详备”，考现存《伤寒类证》三卷，初刊于金大定，作者为宋云公，其自序中称该书“得之异人”，盖即《小儿卫生总微论方》之作者，可见作者不惟精于儿科。此书1216年由南宋太医局刊行。

全书二十卷，共载证论一百余条，述一百七十余证，附方一千余首。较系统地总结了南宋以前的儿科学成就。卷一，首列“医工论”，对医生提出“正己”、“正物”的要求，如此方能“事必济而功必著矣”。次列“禀受论”、“初生论”、“洗浴论”、“断脐论”、“初生不乳论”、“脐风撮口论”等，论述小儿之禀受，新生儿不乳、脐风撮口、梗舌等病之证治。对于小儿脐风撮口，明确指出是由于断脐不慎所致，与成人破伤风为同一种疾病，这在病原菌未发现以前，能有这样的判断，实可惊人。在“断脐论”中指出切戒用冷刀断脐，而是采用多种有效的良好方法，对预防感染，保护初生儿的健康起到了积极的作用。卷二，列“五气论”、“乳母论”、“慎护论”、“食忌论”、及“诸般色泽纹证论”等，论述婴儿的调护喂养和色泽、指纹的诊断及五脏主病等问题，提倡讲究卫生、预防疾病。卷三至卷十六为小儿特有病惊痫、变蒸、诸疳、食气积癖、夜啼以及咳嗽、黄疸等小儿内科杂病。卷十七至卷二十为小儿外科、五官科、皮肤科疾病，论述了小儿癩疔、肠痈、耳、目、疥癣、鳞体等疾病的证治。总之，本书篇幅众多，内容丰富，上溯《内经》、《伤寒论》，广采《千金方》、《圣济总录》、《小儿药证直诀》等论，所论繁而有绪，条理分明。每论先论病因、病机，次论临证表现、证候归类，继之论治疗原则大法，然后论方药。“其论理至精至密，其制方至详至备，盖自人之成形，以至成童，纤悉之证，莫不毕具”，所谓保卫其生，总括精微，故名曰《小儿卫生总微论方》。本书在儿科专书中较受推重，《四库全书》称之为“保婴之要书”，李序谓“诚医家之宝鉴，活幼之指南”，故又名《保幼大全》，对儿科发展作出了很大的贡献。

本书刊行于嘉定丙子九年(1216年)，至明后多次印行。现存版本有：明弘治二年(1489年)李延寿刻本、明万历十四年(1586年)徐桓重刻本、《四库全书》本、1924年萧延平兰陵堂刻本、日本抄本、中国医学大成本、1958年上海卫生出版社铅印本、1990年人民卫生出版社点校本等。本次整理，以明弘治二年李延寿刻本为底本，以萧氏兰陵堂刻本(简称“兰陵堂本”)、《四库全书》本(简称“四库本”)为校本，以《千金方》、《诸病源候论》、《小儿药证直诀》为他校本，校注方法按本集成统一要求处理。另将本书有关问题说明如下：

1. 底本原文卷十三“食气积癖论”下“为，癖癥乃食饮所作。经言积者阴气也，聚者阳气也。……若下痢者，更与调养其中”共358字，错置子同卷“诸虫论”下“而药丸随粪下，即脾胃已脱，兼形”之后，兰陵堂本同，今据四库本移至“食气积癖论”下。

2. 底本原文卷第八及卷第十七中有多处因抄刻装订致前后内容整版倒错者，今据兰陵堂本调整。

3. 方剂用法中的方位词“右”，按横排习惯改为“上”。

4. 原书正文标题与目录不一致，原书方剂名称亦未见于目录，此次整理依据正文对目录重新编次，为方便检索，论、方均见于目录。

校注者

1996年12月

保幼大全序

《保幼大全》即《小儿卫生总微论方》之别名也。以其制方著论，详审精密，故复名之曰《保幼大全》。予素颇有志于济物，见医家书，每喜蓄之。挥使^①郑君和精于小儿医者也，与予友善，予扣其所以精于医之故，乃出是书焉。予阅是书之异于寻常也，又扣其所以得之之故，则曰相传农人得之于古冢中，于是求以录之。郑君无难色，遂以全集授予，录而珍藏诸笥者有年矣。间遇小儿疾，按方试之，往往得奇验。一日，偕宣城令李君宗仁询民瘼，会于公所，语及是书。宗仁又乐于济物者也，即取而刊之，以广其传，不数月而成。噫，予窃禄明时，无补于吾民尚矣。使一二孩提之意，得因是书而济万分之一于危迫仓卒之际，予之素心，宁不亦少慰乎。若其为术之高下，明者当自得之，盖不待予言者，姑序其所自云。

弘治己酉中秋旦京闈戊子乡贡进士宁国府通判世族济南朱臣时佐书

^① 挥使：明代地方官名，指挥使的省称。

保幼大全序

《保幼大全》者，予同寅朱君时佐之所藏以寿世者也。其论理至精至密，其制方至详至备，盖自人之成形，以至成童，纤悉之证，莫不毕具，惜乎著之者失其名耳。相传谓得之古墓中，虽未必然，而用之疗疾，靡有不效，诚天地间一奇书也。君携至宣城，谋与李令宗仁，绣梓以传于四方。且请于序诸首，予惟传曰，如保赤子，赤子甚不易保也。而是书亦未易得之，得之者不私于一家一邑，而欲传之于四方，且将以及后世，使凡赤子皆得所以保之之道，而安然于长大寿考之域。二君子之用心，不亦公且溥^①矣乎。夫保赤子，即所以保民也。使保民者，真能如保赤子，而民有未安者，吾未之信也。是为序。

弘治二年己巳酉秋七月望日赐进士出身中顺大夫直隶宁国府知府天台范吉以贞书

^① 溥(pǔ 普)：广大，普遍。

小儿卫生总微论方序

余先君有《小儿卫生总微论方》二十卷，家藏甚久，今六十余载矣。不知作者谓谁，博加搜访，未当闻此书之流播也。自婴初育以至成童，所谓保卫其生，总括精微，视古今方书极为详尽。仁哉，著书者之心也。宗族亲旧间，幼稚有疾，余每口传指授，效如影响。又取其可以通用于大人者，增汤剂而用之，尤为神异，岂此书不言之妙，有待于余而发耶，乌可掩为一家之宝，而不与人共之。于是集二三同志，订正其誊写之舛，镘于行在^①太医局，以广其传。得此者敬而用之，当知余言不缪。或未免画蛇添足之讥，不暇顾矣。吁！齐鲁大臣，史失其名，恨不得详其人也。

嘉定丙子^②立春日和安大夫特差判太医局何大任序

① 行在，皇帝出游时的临时住所或临时国都之称。

② 丙子，原作“丙午”，嘉定无丙午，据柯巖改。

柯 跋^①

《小儿卫生总微论方》二十卷。宋嘉定丙子，何氏刊行于行在太医局。序中已言不知作者谓谁，卷中多引《圣济经》及钱仲阳方论，盖宋南渡后隐君子也。第七卷末，自记编伤寒类证诸方，亦颇详备。考伤寒类证三卷，初刊于金大定，宋氏谓得之异人，至明虞山赵氏复刻，附人仲景全书。今其书具在，条件分明。俾读长沙书者，犁然有当，盖不独精于幼科，而其名亦不著，可不谓贤与。此书一名《保幼大全》，当是明人所改，范氏书目以为明朱臣编，盖偶记刊书姓名耳。明刻脱误甚多，传世渐少，兹请武昌馆长萧孝廉北承，详加校订，重为梓行。仲阳心法，实亦推阐无遗矣。

宣统二年三月三日武昌柯逢时

① 柯跋：原无，据兰陵堂本补。

后 序

医书有云：宁医十男子，莫医一妇人，宁医十妇人，莫医一小儿，是小儿为医家最难也。其为业既难，而其方书传于世者无几。扁鹊、华佗，世不恒有，后之业小儿医者，将焉所持循哉？宁国通守朱公，一日与愚萃于公所，出所藏小儿方书一部，且曰是书也，昔有人得之古冢中。以献津要，往往愈疾，有奇验。若职居子民，刊布以济人，是亦仁爱之一端也。愚领阅之，未详作者何人。其分类著论，因论著方，既详且备。诚医家之宝鉴，活幼之指南，世不可无者也。于是命工镌梓，以永其传，以溥其济。抑先哲有云，不为宰相，必为名医。以国之功，足以济世故耳。然一医之所济有限，而是书流布，将济天下后世以及于无穷，朱公之功不浅矣。公名臣，字时佐，世族济南，起家乡进士云。

弘治己酉孟秋之吉赐进士文林郎宣城知县前河南道监察御史济南李廷寿书

目 录

卷第一

医工论	(80)
禀受论	(80)
初生论	(80)
回气论	(80)
洗浴论	(81)
断脐论	(81)
烙脐饼子	(81)
封脐散	(81)
胡粉散	(82)
相视寿夭论	(82)
初生服药论	(82)
中寒论	(83)
初生不乳论	(83)
通关散	(83)
脐风撮口论	(83)
金两黄散	(83)
定命散	(83)
胎中病论	(84)
梗舌	(84)
气闭	(84)
鹅口	(84)
保命散	(84)
垂痈	(84)
如圣散	(84)
重腭重龈、重舌	(84)
乌贼骨散	(84)
蓐疮	(85)
口噤	(85)
立圣散	(85)
囟啼	(86)
养脏汤	(86)
矾石丸	(86)
血癖又名胎积	(86)
胎积丸	(86)
胎赤	(86)

二金散	(86)
胎惊	(86)
胎怯	(87)
胎肥	(87)
肥热	(87)
天麻浴汤	(87)
不治病	(87)

卷第二

五气论	(88)
心	(88)
芎胜丹	(88)
菖蒲丸	(88)
肝	(88)
麝茸丹	(88)
羚羊角丸	(88)
赤芝散	(89)
乌犀丹	(89)
脾	(89)
丁香散	(89)
香瓜丸	(89)
粉法	(89)
肺	(89)
肾	(89)
玉乳丹	(89)
乳母论	(90)
慎护论	(91)
食忌论	(91)
大小论	(92)
诸般色泽纹证论	(92)
诸色泽候	(92)
画目死生色	(93)
诸处纹状候	(93)
五脏主病论	(94)
诸形证候	(94)
诸死绝候	(95)

卷第三

变蒸论 (97)

 变蒸赋 (97)

 治方 (98)

 紫丸 (98)

 黑散子 (98)

 粉香散 (98)

 熨法 (98)

脉理论 (98)

 死证脉 (99)

 诸般病脉 (99)

诸身热论 (99)

 阎孝忠论 (100)

 孙真人论 (100)

 诸治方 (100)

 胜金散 (100)

 金花散 (100)

 秦艽散 (100)

 地骨皮散 (100)

 凉肌丸 (100)

 牛黄膏 (101)

 克效散 (101)

 镇心丹 (101)

 梨汁粥 (101)

 龙齿散 (101)

 人参牛黄散 (101)

 青金丹 (101)

 犀角丸 (101)

 四顺饮子 (101)

 甘露散 (101)

 牛黄散 (101)

 除热汤 (101)

 凉肌粉 (101)

 赤膏 (102)

 猪胆丸 (102)

 牛黄膏 (102)

 四顺清凉饮子 (102)

 惺惺散 (102)

 红绵散 (102)

 六神散 (102)

银白散 (102)

升麻葛根汤 (102)

小柴胡汤 (102)

龙胆汤 (102)

粉方 (102)

桔梗 (103)

小黑膏 (103)

薄荷散 (103)

卷第四

惊痫论上 (104)

 欲发搐 (104)

 已发搐 (104)

 发搐逆顺 (105)

 发搐阴阳 (106)

 发搐真假 (106)

 惊痫杂论 (107)

卷第五

惊痫方下 (108)

 治惊欲发搐方 (108)

 定心膏 (108)

 琥珀丹 (108)

 生葛饮子 (108)

 钩藤饮子 (108)

 参苓散 (108)

 茯神散 (108)

 辰砂金箔散 (108)

 牛黄散 (108)

 雌黄丸 (108)

 急风膏 (109)

 消惊膏 (109)

 神效朱砂丸 (109)

 剪刀股丸 (109)

 治风痫方 (109)

 蛭螂散 (109)

 麻黄蝎梢散 (109)

 芎犀散 (109)

 葱汤丸 (109)

 人参化风膏 (109)

 鸡苏散 (109)

 皂荚煎丸 (109)

- | | | | |
|--------------|-------|-------------|-------|
| 榴梅散····· | (110) | 牛黄膏····· | (113) |
| 大青膏····· | (110) | 保生丸····· | (113) |
| 牛黄膏····· | (110) | 一字散····· | (114) |
| 甘露散····· | (110) | 蠹鱼膏····· | (114) |
| 治惊痫方····· | (110) | 琥珀散····· | (114) |
| 蝉壳散····· | (110) | 僵蚕散····· | (114) |
| 镇心膏····· | (110) | 治阴搐慢惊方····· | (114) |
| 金银丹····· | (110) | 犀角散····· | (114) |
| 安神汤····· | (110) | 银白散····· | (114) |
| 镇惊丸····· | (110) | 青金膏····· | (114) |
| 治食痢方····· | (110) | 睡惊丸····· | (114) |
| 真珠丸····· | (110) | 附子散····· | (114) |
| 蚶螂散····· | (111) | 羌活膏····· | (114) |
| 大青丸····· | (111) | 温白丸····· | (114) |
| 银汤丸····· | (111) | 钩藤饮子····· | (114) |
| 妙圣丹····· | (111) | 七圣丸····· | (115) |
| 蟾酥丸····· | (111) | 天浆子散····· | (115) |
| 灵朱丸····· | (111) | 七神丹····· | (115) |
| 三痢丹····· | (111) | 天南星煎丸····· | (115) |
| 治五脏五畜痢方····· | (111) | 五灵脂丸····· | (115) |
| 五色丸····· | (111) | 蚬壳膏····· | (115) |
| 露蜂房散····· | (111) | 必救丹····· | (115) |
| 治偏搐方····· | (111) | 大金散····· | (115) |
| 双剑金····· | (111) | 熏陆香丸····· | (115) |
| 双金散····· | (112) | 如神散····· | (115) |
| 保寿散····· | (112) | 天雄膏····· | (115) |
| 治阳搐急惊方····· | (112) | 妙圣散····· | (116) |
| 软红膏····· | (112) | 天麻钩藤汤····· | (116) |
| 朱粉丹····· | (112) | 喝起散····· | (116) |
| 百灵丸····· | (112) | 生银散····· | (116) |
| 天浆子丸····· | (112) | 豆卷散····· | (116) |
| 朱砂散····· | (112) | 龙脑散····· | (116) |
| 白金散····· | (112) | 银白散····· | (116) |
| 七宝牛黄丸····· | (112) | 羌活膏····· | (116) |
| 水银丸····· | (112) | 大天南星散····· | (116) |
| 小朱砂丸····· | (113) | 辰砂膏····· | (117) |
| 至圣膏····· | (113) | 丙丁散····· | (117) |
| 牛黄散····· | (113) | 麝香牛黄丸····· | (117) |
| 蚶螂散····· | (113) | 麝香饼子····· | (117) |
| 四圣散····· | (113) | 圣脾散····· | (117) |

天麻膏·····	(118)	接生如圣丸·····	(123)
牛黄丸·····	(118)	啄木散·····	(123)
黑神丸·····	(118)	治诸痫通用方·····	(123)
青金丹·····	(118)	开关散·····	(123)
雄朱丹·····	(118)	蝎梢散·····	(123)
软金丹·····	(118)	定命丹·····	(123)
夺命大青金丹·····	(118)	人参茯神汤·····	(123)
定命丹·····	(119)	铁粉丹·····	(123)
麝香饼子·····	(119)	大惊丸·····	(123)
如圣散·····	(119)	睡惊丸·····	(124)
南星汤·····	(119)	猪胆半夏丸·····	(124)
南朱膏·····	(119)	天麻防风丸·····	(124)
朱金汤·····	(119)	神圣辰砂南星丹·····	(124)
如圣青金丹·····	(119)	蚬螂散·····	(124)
滚涎膏·····	(119)	白金散·····	(124)
牛黄丸·····	(120)	神授至圣保命丹·····	(124)
罢搐丸·····	(120)	青金定命丹·····	(124)
虎睛丸·····	(120)	治惊痫后余证方·····	(124)
乌蛇散·····	(120)	延寿散·····	(124)
治胎痫发搐真假方·····	(120)	回魂散·····	(125)
虎睛丸·····	(120)	仙乌豆·····	(125)
乌金膏·····	(120)	通关散·····	(125)
牛黄丸·····	(120)	天茄散·····	(125)
羌活膏·····	(120)	治惊痫兼别病方·····	(125)
银朱丹·····	(120)	麝香饼子·····	(125)
甲灰丸·····	(120)	乌梢丹·····	(125)
生摩膏·····	(120)	干漆芫莢散·····	(125)
朱砂散·····	(121)	绛朱丹·····	(125)
保生散·····	(121)	缓息汤·····	(125)
琥珀丸·····	(121)	青金丹·····	(125)
卷第六		如圣青金丹·····	(126)
惊痫别论·····	(122)	麝香丸·····	(126)
惊痫咬牙·····	(122)	夺命丹·····	(126)
治惊痫咬牙方·····	(122)	中风论·····	(126)
蝉花散·····	(122)	心肺中风·····	(126)
小镇心丸·····	(122)	风痉·····	(126)
治暗痫方·····	(122)	中风角弓反张·····	(127)
神乌散·····	(122)	中风口噤·····	(127)
异圣散·····	(122)	中风拘挛不随·····	(127)
日应丹·····	(123)	中风口眼喎斜·····	(127)

- | | | | |
|---------------|-------|-------------|-------|
| 中风瘖不省····· | (127) | 小珍珠丸····· | (131) |
| 治心肺中风方····· | (127) | 欢喜散····· | (131) |
| 半金散····· | (127) | 红绵散····· | (132) |
| 比圣丹····· | (127) | 坯煎散····· | (132) |
| 白花蛇散····· | (127) | 千金丸····· | (132) |
| 治风痉方····· | (127) | 茯苓散····· | (132) |
| 通圣散····· | (127) | 枳实散····· | (132) |
| 天南星膏····· | (127) | 竹沥····· | (132) |
| 二证同治方····· | (127) | 真珠散····· | (132) |
| 乌犀煎····· | (127) | 秦艽煎····· | (132) |
| 夺命散····· | (128) | 藕汁蜜····· | (132) |
| 乌蛇散····· | (128) | 葛根汤····· | (132) |
| 治中风角弓反张方····· | (128) | 百合散····· | (132) |
| 归魂散····· | (128) | 黄芩散····· | (132) |
| 水银丸····· | (128) | 犀角散····· | (132) |
| 治中风口噤方····· | (128) | 石燕散····· | (132) |
| 石膏汤····· | (128) | 葛根汁····· | (132) |
| 羌活紫汤····· | (128) | 立应散····· | (132) |
| 雀矢丸····· | (128) | 金汁蜜····· | (132) |
| 治中风拘挛不随方····· | (128) | 神白散····· | (132) |
| 独活黄芪汤····· | (128) | 香墨丸····· | (133) |
| 赤箭汤····· | (128) | 地黄汁····· | (133) |
| 治中风口眼喎斜方····· | (128) | 麦门冬汤····· | (133) |
| 防己汤····· | (128) | 一捻金散····· | (133) |
| 二圣散····· | (129) | 润肺散····· | (133) |
| 全蝎散····· | (129) | 赤芍药散····· | (133) |
| 朱砂丸····· | (129) | 葶良汤····· | (133) |
| 治风瘖不省方····· | (129) | 灵砂膏····· | (133) |
| 槐子煎····· | (129) | 四味人参汤····· | (133) |
| 急风散····· | (129) | 附子姜朴丸····· | (133) |
| 愈风汤····· | (129) | 半夏汤····· | (133) |
| 卷第七 | | | |
| 伤寒论····· | (130) | 芦根饮子····· | (133) |
| 银白散····· | (131) | 小半夏汤····· | (133) |
| 甘露散····· | (131) | 三黄散····· | (133) |
| 安胃丸····· | (131) | 大麦苗汁····· | (133) |
| 香壳散····· | (131) | 人参柴胡饮子····· | (133) |
| 灵砂散····· | (131) | 黑龙散····· | (134) |
| 天麻防风丸····· | (131) | 鸡白调散····· | (134) |
| 人参化风膏····· | (131) | 茵陈散····· | (134) |
| | | 绛雪丹····· | (134) |

商陆散..... (134)
 甘桔汤..... (134)
 黄柏蜜..... (134)
 黄芩汤..... (134)
 胜金饼子..... (134)
 生熟散..... (134)
 芫花熨法..... (134)
 蓝靛..... (134)
 苦参酒..... (134)
 黄连汤..... (134)
 栀子仁汤..... (134)
 乌仙散..... (134)
 烧附散..... (135)
 茱萸熨法..... (135)
 牛蒡根汁..... (135)
 玉女散..... (135)

卷第八

疮疹论..... (136)
 升麻葛根汤..... (139)
 消毒散..... (139)
 紫草饮子..... (139)
 化毒汤..... (139)
 人参散..... (139)
 紫草如圣汤..... (139)
 腊胭脂..... (139)
 黄柏膏..... (139)
 胡荽酒..... (139)
 鼠粘子汤..... (139)
 紫草散..... (139)
 必胜散..... (139)
 龙脑膏子..... (139)
 安斑散..... (140)
 快斑散..... (140)
 抱龙丸..... (140)
 犀角地黄汤..... (140)
 木香汤..... (140)
 猪胆醋..... (140)
 莱菔汁..... (140)
 紫茸汁..... (140)
 活血散..... (140)

蝉蜕饮子..... (140)
 四圣散..... (140)
 川芎升麻汤..... (140)
 解毒汤..... (140)
 黑龙散..... (140)
 白虎化斑汤..... (141)
 神通散..... (141)
 如圣散..... (141)
 七神散..... (141)
 宣毒膏..... (141)
 猪血脑子..... (141)
 人齿散..... (141)
 白丁母散..... (141)
 桃胶汤..... (141)
 百祥丸..... (142)
 牛李膏..... (142)
 调肝散..... (142)
 兔肝丸..... (142)
 龙蛤散..... (142)
 煎柿散..... (142)
 仙灵脾散..... (142)
 珍珠散..... (142)
 浮萍散..... (142)
 蛇蜕散..... (142)
 仙术散..... (143)
 煮肝散..... (143)
 如圣汤..... (143)
 紫雪..... (143)
 通关散..... (143)
 甘露饮..... (143)
 青黛..... (143)
 败毒散..... (143)
 牛黄散..... (143)
 升麻汤..... (143)
 青金散..... (143)
 消凉饮子..... (143)
 神朱散..... (143)

卷第九

吐泻论上..... (144)
 吐衄现附..... (144)

- | | | | |
|------------|-------|------------|-------|
| 泻····· | (144) | 四圣丸····· | (150) |
| 吐泻····· | (145) | 四顺饮子····· | (150) |
| 伤风吐泻····· | (145) | 乳吮散····· | (150) |
| 伤食吐泻····· | (145) | 马通汁····· | (150) |
| 冷热吐泻····· | (146) | 葛根粉····· | (150) |
| 霍乱吐泻····· | (146) | 白鱼灰散····· | (150) |
| 卷第十 | | | |
| 吐泻方下····· | (148) | 丁香散····· | (150) |
| 治吐方····· | (148) | 圣白丸····· | (150) |
| 木瓜丸····· | (148) | 白术散····· | (150) |
| 塌气丸····· | (148) | 附子散····· | (151) |
| 和胃膏····· | (148) | 滑石散····· | (151) |
| 白附子丸····· | (148) | 坯莲散····· | (151) |
| 羌活膏····· | (148) | 白茅散····· | (151) |
| 托养丸····· | (148) | 白附散····· | (151) |
| 朱砂丸····· | (148) | 油滴散····· | (151) |
| 紫霜丸····· | (148) | 二白锉散····· | (151) |
| 三香丹····· | (148) | 五香半夏丸····· | (151) |
| 四季散····· | (148) | 定吐香银丸····· | (151) |
| 集香散····· | (149) | 龙虎救生丹····· | (151) |
| 人参白术散····· | (149) | 枇杷叶汤····· | (151) |
| 人参藿香散····· | (149) | 定命丹····· | (151) |
| 藿香散····· | (149) | 五倍子散····· | (151) |
| 万安丹····· | (149) | 壁钱汤····· | (151) |
| 圣石散····· | (149) | 麻仁汁····· | (151) |
| 厚朴散····· | (149) | 丁香散····· | (151) |
| 人参膏····· | (149) | 生姜汤····· | (152) |
| 楠皮汤····· | (149) | 羊粪酒····· | (152) |
| 温脾散····· | (149) | 羊乳····· | (152) |
| 香参汤····· | (149) | 鹿角粉····· | (152) |
| 三黄散····· | (149) | 枇杷叶汁····· | (152) |
| 槐花散····· | (149) | 玉真散····· | (152) |
| 丁香益胃汤····· | (149) | 消乳丸····· | (152) |
| 人参桂姜汤····· | (149) | 蟾粪饮····· | (152) |
| 白术汤····· | (150) | 芦虫汤····· | (152) |
| 香朴散····· | (150) | 治泻方····· | (152) |
| 坯莲丸····· | (150) | 粟煎汤····· | (152) |
| 清膈饮子····· | (150) | 惺惺散····· | (152) |
| 灯花丸····· | (150) | 白附子丸····· | (152) |
| 双金丸····· | (150) | 羌活膏····· | (152) |
| | | 人参生犀散····· | (152) |

- | | | | |
|------------|-------|------------|-------|
| 诃子汤····· | (152) | 阿胶丹····· | (155) |
| 诃黎豆蔻丹····· | (152) | 助胃丹····· | (155) |
| 肉豆蔻散····· | (152) | 火轮散····· | (155) |
| 益脾散····· | (152) | 木香散····· | (155) |
| 川椒丸····· | (153) | 豆蔻香连丸····· | (155) |
| 柏叶····· | (153) | 小香连丸····· | (155) |
| 乌姜丸····· | (153) | 石榴汁····· | (155) |
| 龙香散····· | (153) | 四色丸····· | (155) |
| 如圣散····· | (153) | 木香白术散····· | (155) |
| 温脾散····· | (153) | 六神散····· | (155) |
| 二和丸····· | (153) | 豆蔻丸····· | (156) |
| 还肌散····· | (153) | 黄连茱萸散····· | (156) |
| 和中散····· | (153) | 缓中丸····· | (156) |
| 附子散····· | (153) | 回阳散····· | (156) |
| 赤石脂丸····· | (153) | 艾黄熨法····· | (156) |
| 豆蔻丸····· | (153) | 治吐泻方····· | (156) |
| 建胃散····· | (153) | 异功散····· | (156) |
| 顺胃丹····· | (153) | 参苓散····· | (156) |
| 建中丹····· | (153) | 团参散····· | (156) |
| 茱萸散····· | (154) | 和中散····· | (156) |
| 乳香豆蔻丸····· | (154) | 益中汤····· | (157) |
| 香矾丹····· | (154) | 沉香散····· | (157) |
| 二白丸····· | (154) | 观音散····· | (157) |
| 温白丸····· | (154) | 人参散····· | (157) |
| 没石子丸····· | (154) | 白术散····· | (157) |
| 银白散····· | (154) | 半夏汤····· | (157) |
| 干姜散····· | (154) | 张涣七香丸····· | (157) |
| 椒红丸····· | (154) | 丁香安胃丸····· | (157) |
| 乌药散····· | (154) | 温中丸····· | (157) |
| 白石脂散····· | (154) | 糯米汤····· | (157) |
| 柏皮丸····· | (154) | 进食丸····· | (157) |
| 清胃散····· | (154) | 不二丸····· | (157) |
| 香石散····· | (154) | 感应丸····· | (157) |
| 分水车前散····· | (154) | 豆蔻散····· | (158) |
| 白术膏····· | (154) | 藿香散····· | (158) |
| 香连散····· | (155) | 香石散····· | (158) |
| 草节汤····· | (155) | 三和散····· | (158) |
| 樗根散····· | (155) | 乌烬散····· | (158) |
| 厚朴散····· | (155) | 大七宝散····· | (158) |
| 香蟾散····· | (155) | 建脾膏····· | (158) |

- | | | | |
|-------------|-------|----------------|-------|
| 人参汤····· | (158) | 黄连丹····· | (161) |
| 苍术汤····· | (158) | 必效丸····· | (161) |
| 人参调胃膏····· | (158) | 雄黄散····· | (161) |
| 快膈散····· | (158) | 艾叶汤····· | (161) |
| 白术膏····· | (158) | 阿胶丸····· | (161) |
| 丁香丸····· | (158) | 酒煎汤····· | (161) |
| 丁香散····· | (158) | 三神丹····· | (161) |
| 斗门散····· | (159) | 木香炒连丸····· | (161) |
| 七宝散····· | (159) | 金锁散····· | (162) |
| 香连丸····· | (159) | 赤脂丹····· | (162) |
| 治霍乱不止····· | (159) | 小桃花丸····· | (162) |
| 寡妇荐草····· | (159) | 香连丸····· | (162) |
| 香豆散····· | (159) | 木香黄连丸····· | (162) |
| 吐泻后证附····· | (159) | 四神散····· | (162) |
| 醒脾散····· | (159) | 檲皮汤····· | (162) |
| 碧香丹····· | (159) | 二色丸····· | (162) |
| 丁香黄芪散····· | (159) | 御米汤····· | (163) |
| 香茂散····· | (159) | 罌粟丸····· | (163) |
| 中和散····· | (159) | 三乌丸····· | (163) |
| 卷第十一 | | | |
| 八痢论····· | (160) | 固肠丸····· | (163) |
| 治冷痢方····· | (160) | 健胃丹····· | (163) |
| 玉肠散····· | (160) | 妙应膏····· | (163) |
| 厚朴丸····· | (160) | 金华散····· | (163) |
| 乌骨散····· | (160) | 木香三使汤····· | (163) |
| 蓝汁····· | (160) | 乌金散····· | (163) |
| 马齿汁····· | (160) | 治积痢方····· | (163) |
| 石莲散····· | (160) | 软金丹····· | (163) |
| 胡黄连丸····· | (160) | 大尊重丸····· | (163) |
| 治赤白滞痢方····· | (160) | 朱砂万应丸····· | (163) |
| 罌粟饮子····· | (160) | 针头丸····· | (164) |
| 三奇汤····· | (160) | 烧青丸····· | (164) |
| 治热痢方····· | (160) | 治痞痢方在痞疾之下····· | (164) |
| 胜金丸····· | (160) | 治蛊毒痢方····· | (164) |
| 当归散····· | (160) | 育肠汤····· | (164) |
| 槐花散····· | (161) | 缓肠汤····· | (164) |
| 圣效散····· | (161) | 犀角散····· | (164) |
| 厚肠丸····· | (161) | 地榆丸····· | (164) |
| 白梅饮子····· | (161) | 地榆樗皮丸····· | (164) |
| 三物散····· | (161) | 地榆散····· | (164) |
| | | 白头翁散····· | (164) |

地黄汁·····	(165)	二肝丸·····	(169)
治休息痢方·····	(165)	金灵散·····	(169)
鲋汤丸·····	(165)	生力散·····	(169)
神安丸·····	(165)	治痞泻痢方·····	(169)
樗根散·····	(165)	赤石脂散·····	(169)
治诸痢杂证·····	(165)	二圣丸·····	(169)
龙骨散·····	(165)	竹茹丸·····	(169)
青黛散·····	(165)	六神丹·····	(169)
冬瓜汁·····	(165)	如圣丸·····	(169)
乌梅饮·····	(165)	木香散·····	(169)
楮叶汤·····	(165)	硫黄丸·····	(170)
黄柿饼·····	(165)	金粟丹·····	(170)
养胃丹·····	(165)	橘香丸·····	(170)
脱肛论·····	(166)	木香芥粒丸·····	(170)
鳖头丸·····	(166)	麝香丸·····	(170)
赤石脂散·····	(166)	吴婆散·····	(170)
蛛丹散·····	(166)	水蓼丹·····	(170)
茺萸丹·····	(166)	龙骨汤·····	(170)
二金散·····	(166)	丁香散·····	(170)
缩沙散·····	(166)	茺蔚粥·····	(170)
白矾丸·····	(166)	蔷薇汁·····	(170)
斗门散·····	(166)	胜金丸·····	(170)
卷第十二			
五疳论·····	(167)	薤糯饼·····	(170)
治五脏疳方·····	(168)	樗白棋子·····	(170)
地黄丸·····	(168)	樗根米泔汁·····	(170)
熊胆天麻丸·····	(168)	木香使君丹·····	(171)
夺命丹·····	(168)	君子丸·····	(171)
朱黄丹·····	(168)	青黛散·····	(171)
黄堊丸·····	(168)	赤虎丸·····	(171)
木香煎·····	(168)	漏芦煮肝散·····	(171)
肉豆蔻丹·····	(168)	君子散·····	(171)
香连散·····	(168)	厚脾丸·····	(171)
麝香丹·····	(168)	虾蟆丸·····	(171)
灵妙丹·····	(168)	治诸疳虫动方·····	(171)
石绿散·····	(168)	肥儿丸·····	(171)
蛙鸡灰散·····	(168)	芦荟丸·····	(171)
桃白散·····	(169)	麝香黄连丸·····	(172)
如圣丹·····	(169)	榆仁丸·····	(172)
乌金膏·····	(169)	雄黄丹·····	(172)
		干漆散·····	(172)

- | | | | |
|------------|-------|-------------|-------|
| 使君子散····· | (172) | 芦荟丸····· | (176) |
| 三根散····· | (172) | 鳖血煎丸····· | (176) |
| 猪肚丹····· | (172) | 捉疳丸····· | (176) |
| 绿矾丸····· | (172) | 消疳丸····· | (177) |
| 除毒丹····· | (172) | 熊胆麝香丸····· | (177) |
| 治诸疳方····· | (173) | 香蟾散····· | (177) |
| 五疳保童丸····· | (173) | 五疳丸····· | (177) |
| 龙香散····· | (173) | 桃柳汤····· | (177) |
| 圣功散····· | (173) | | |
| 使君子丸····· | (173) | 卷第十三 | |
| 二香青蟾丸····· | (173) | 诸虫论····· | (178) |
| 芦荟丸····· | (173) | 使君子····· | (178) |
| 橘连丸····· | (173) | 红桃散····· | (178) |
| 熊胆丸····· | (173) | 龙胆汤····· | (178) |
| 蜗牛壳····· | (173) | 三角散····· | (178) |
| 香蟾丹····· | (173) | 木香桃仁丹····· | (178) |
| 夜明砂丹····· | (173) | 夺命丹····· | (179) |
| 紫霜丸····· | (174) | 乳香丸····· | (179) |
| 如圣丸····· | (174) | 干漆散····· | (179) |
| 鳖甲黄连丸····· | (174) | 椴皮汁····· | (179) |
| 熊胆丸····· | (174) | 抵圣散····· | (179) |
| 金瓜丸····· | (174) | 胜丸子····· | (179) |
| 肥肌丸····· | (174) | 雷丸散····· | (179) |
| 香蟾丸····· | (174) | 胡粉牛黄丸····· | (179) |
| 牛黄煎····· | (174) | 补胃膏····· | (179) |
| 黄连丸····· | (175) | 香雷散····· | (179) |
| 芦荟丸····· | (175) | 化虫丸····· | (179) |
| 龙胆丸····· | (175) | 川楝丸····· | (179) |
| 粉糖丸····· | (175) | 芫荽散····· | (179) |
| 龙粉丸····· | (175) | 五灵脂散····· | (180) |
| 香葛散····· | (175) | 绿矾丸····· | (180) |
| 熊胆丸····· | (175) | 蜂窠蛹子····· | (180) |
| 推水散····· | (175) | 槟榔散····· | (180) |
| 覆蚕丸····· | (175) | 碧金散····· | (180) |
| 鸡肉煎丸····· | (175) | 化虫丹····· | (180) |
| 蝎虎丹····· | (175) | 黑金散····· | (180) |
| 香甲汤····· | (176) | 黄金散····· | (180) |
| 大麝香丹····· | (176) | 胡粉丹····· | (180) |
| 回命散····· | (176) | 猬皮散····· | (180) |
| 还肌散····· | (176) | 棕榈散····· | (180) |
| | | 神蟾谷精丹····· | (180) |

食气积癖论····· (180)	卷第十四
半两丸····· (181)	心腹痛论····· (185)
三棱汁····· (181)	木香丸····· (185)
三棱煎丸····· (181)	蓬茂散····· (185)
姜橘丸····· (181)	宽中汤····· (185)
调中散····· (181)	当归木香丸····· (185)
益胃丹····· (181)	当归丸····· (185)
楠木汁····· (182)	乳香汤····· (185)
益儿丸····· (182)	温胃丸····· (185)
益脾散····· (182)	橘香汤····· (185)
消食丸····· (182)	乌药散····· (185)
大麦面····· (182)	鲤鱼肠····· (185)
香橘丸····· (182)	钩藤膏····· (185)
惺惺丸····· (182)	魏香散····· (185)
小沉麝煎丸····· (182)	阿魏丸····· (185)
消乳丹····· (182)	乳香蝎梢丸····· (186)
蝎梢丸····· (182)	桃符丸····· (186)
大真珠丸····· (182)	腹胀论····· (186)
小真珠丸····· (182)	家宝塌气丸····· (186)
葱汤丸····· (183)	褊银丸····· (186)
水晶丹····· (183)	厚朴丸····· (186)
北亭丸····· (183)	分气丸····· (186)
消坚丸····· (183)	胡粉盐····· (186)
神妙丸····· (183)	韭根汁····· (186)
妙香丸····· (183)	半夏丸····· (186)
灵砂丹····· (183)	塌气丸····· (187)
蒜贴膏····· (183)	塌气丸····· (187)
神应散····· (183)	塌气丸····· (187)
丁香饼子····· (183)	五百丸····· (187)
软银丸····· (183)	白术膏····· (187)
丁香散····· (183)	豆蔻散····· (187)
白丁香散····· (184)	托养丸····· (187)
三棱散····· (184)	木香丸····· (187)
圣饼子····· (184)	葛根汁····· (187)
鼠肉汁粥····· (184)	桂心丸····· (187)
圣效丹····· (184)	赚气丸····· (187)
大腹汤····· (184)	肿病论····· (187)
牛黄鳖甲丸····· (184)	款肺散····· (188)
丁香散····· (184)	熊胆丸····· (188)
	槟榔丸····· (188)

绯绶丸…………… (188)
 内消丸…………… (188)
 红粉散…………… (188)
 通草散…………… (188)
 圣饼子…………… (188)
 金华散…………… (188)
 葶苈丸…………… (188)
 郁李仁丹…………… (188)
 海蛤散…………… (188)
 杏仁膏…………… (189)
 虚羸论…………… (189)
 丁香黄芪散…………… (189)
 集香煎…………… (189)
 国老丸…………… (190)
 咳嗽论附痰饮上气…………… (190)
 金华散…………… (191)
 藿香散…………… (191)
 紫金丸…………… (191)
 杏仁煎…………… (191)
 生姜煎…………… (191)
 款冬花丸…………… (191)
 麦门冬汤…………… (191)
 五味子汤…………… (191)
 人参半夏汤…………… (191)
 款肺散…………… (191)
 皂荚豉汤…………… (192)
 露蜂房散…………… (192)
 葶苈散…………… (192)
 诃子膏…………… (192)
 生姜浴汤…………… (192)
 一捻金散…………… (192)
 惺惺散…………… (192)
 保肺丸…………… (192)
 贝母汤…………… (192)
 菖蒲煎…………… (192)
 绛朱丹…………… (192)
 人参犀角散…………… (192)
 油滚丸…………… (192)
 龙爪散…………… (192)
 辰砂半夏丸…………… (193)

五珠丸…………… (193)
 百部丸…………… (193)
 露蜂房丸…………… (193)
 缓息汤…………… (193)
 白术五味汤…………… (193)
 桔梗汤…………… (193)
 淡竹沥…………… (193)
 木香半夏丸…………… (193)
 白蚬壳散…………… (193)
 五灵脂丸…………… (193)
 人参半夏丸…………… (193)
 马兜铃丸…………… (193)
 百合汤…………… (193)
 爽神汤…………… (194)
 苏香汤…………… (194)
 蝉壳汤…………… (194)
 神曲汤…………… (194)
 白金丹…………… (194)
 前胡半夏丸…………… (194)
 犀角丸…………… (194)
 枳壳汤…………… (194)
 温脾丸…………… (194)
 丁香汤…………… (194)
 麻黄汤…………… (194)
 马通粟粒丸…………… (194)

卷第十五

黄疸论…………… (195)
 三黄散…………… (195)
 子芩散…………… (195)
 韭根汁…………… (195)
 丁香散…………… (195)
 蔓菁子汁…………… (195)
 猪苓通草散…………… (195)
 栝蒌根汁…………… (195)
 双连丸…………… (195)
 茅煎汤…………… (195)
 螺肉酒…………… (195)
 驴乳汁…………… (195)
 客忤论…………… (195)
 麝香乳…………… (196)

辟邪膏	(196)	升麻汤	(200)
三疰论	(196)	柴胡人参散	(200)
虎头枕	(196)	紫苏饮	(200)
千金汤	(196)	沉香鳖甲丸	(200)
豆豉丸	(197)	柴胡黄连膏	(201)
鳖头散	(197)	黄芪散	(201)
雌黄丹	(197)	虎杖散	(201)
立效散	(197)	黄连粉	(201)
神功散	(197)	龙胆粉	(201)
雄麝散	(197)	牡蛎粉	(201)
麝犀汤	(197)	犀角饮子	(201)
甘草汤	(197)	不语论	(201)
宝灵丹	(197)	菖蒲散	(201)
桔梗丸	(198)	桂散	(201)
夜啼论	(198)	渴论	(201)
蒜香膏	(198)	莲汤散	(201)
当归丸	(198)	香葛汤	(202)
龙角丸	(198)	葛根汤	(202)
芎藭散	(198)	凉肌丸	(202)
灯花丸	(198)	葛根饮子	(202)
万金散	(199)	神蛎散	(202)
当归散	(199)	血溢论	(202)
三黄丸	(199)	槐花散	(202)
红桃散	(199)	华盖散	(202)
绿霞散	(199)	紫参散	(202)
前胡丸	(199)	黄连散	(202)
牛黄膏	(199)	甌带灰	(202)
安神丸	(199)	车前散	(203)
虎睛散	(199)	神白散	(203)
明砂丸	(199)	青龙丹	(203)
麝香散	(199)	地黄散	(203)
铁涎膏	(199)	戎盐丸	(203)
七宝轻青丹	(199)	苦竹叶汁	(203)
甌带法	(200)	噤法	(203)
马骨末	(200)		
诸汗论	(200)	卷第十六	
沉香黄芪散	(200)	寒热论	(204)
苁蓉丸	(200)	人参前胡散	(204)
木槿花	(200)	秦艽汤	(204)
牡蛎散	(200)	香甲散	(204)
		二姜丸	(204)

- | | | | |
|------------|-------|-------------|-------|
| 冬瓜汁····· | (204) | 白术膏····· | (208) |
| 疟病论····· | (204) | 朱砂散····· | (208) |
| 桃仁汤····· | (204) | 葵石散····· | (208) |
| 灵豆膏····· | (204) | 鸡肠草散····· | (208) |
| 藿香汤····· | (204) | 郁李仁丸····· | (208) |
| 朱衣使者····· | (204) | 芎黄散····· | (208) |
| 万金丹····· | (205) | 朱粉丹····· | (209) |
| 知母丸····· | (205) | 木通铤散····· | (209) |
| 恒山汤····· | (205) | 红绵散····· | (209) |
| 乌梅丸····· | (205) | 郁李仁膏····· | (209) |
| 茶清散····· | (205) | 五淋论····· | (209) |
| 鬼见愁····· | (205) | 琥珀丸····· | (210) |
| 草果子汤····· | (205) | 蒲黄散····· | (210) |
| 弄舌论····· | (205) | 五粉丹····· | (210) |
| 人参知母散····· | (205) | 二胶散····· | (210) |
| 泻黄散····· | (206) | 葵子散····· | (210) |
| 魁病论····· | (206) | 二石散····· | (210) |
| 虎骨丹····· | (206) | 卷第十七 | |
| 骨蒸论····· | (206) | 癩疔论····· | (211) |
| 秦艽散····· | (206) | 海蛤散····· | (211) |
| 地骨皮汤····· | (206) | 胜金桃仁膏····· | (211) |
| 麦煎散····· | (206) | 川楝子丸····· | (211) |
| 连芫散····· | (206) | 荆三棱散····· | (211) |
| 腹皮青黑论····· | (206) | 三香昆布丸····· | (211) |
| 二圣散····· | (206) | 五等丸····· | (211) |
| 难乳论····· | (207) | 蜘蛛散····· | (212) |
| 五福化毒丹····· | (207) | 五粉散····· | (212) |
| 大小便论····· | (207) | 阴肿生疮论····· | (212) |
| 金花散····· | (207) | 桃仁丸····· | (212) |
| 柏子仁膏····· | (207) | 胡连散····· | (212) |
| 人参荆芥汤····· | (207) | 腋气论····· | (213) |
| 木香粗散····· | (207) | 绿银散····· | (213) |
| 木通散····· | (207) | 凶门肿陷论····· | (213) |
| 滑石散····· | (207) | 滞颐论····· | (213) |
| 如圣散····· | (208) | 温肺丸····· | (213) |
| 八正散····· | (208) | 温脾散····· | (213) |
| 冬葵子散····· | (208) | 肠痈论····· | (214) |
| 捻头散····· | (208) | 针刺误伤论····· | (214) |
| 葶苈散····· | (208) | 诸物梗喉论····· | (214) |
| 僵蚕散····· | (208) | 磁石····· | (214) |

通气散·····	(214)	箭虫散·····	(221)
大圣玉屑无忧散·····	(214)	红绵散·····	(221)
疣子论·····	(215)	油引散·····	(221)
诸虫咬蜚论·····	(215)	绵裹散·····	(221)
扑坠损伤论·····	(215)	眼目病论·····	(221)
蒲黄散·····	(216)	博金散·····	(221)
伏神丸·····	(216)	洗心散·····	(222)
三黄散·····	(216)	洗肝散·····	(222)
灵龟散·····	(216)	四顺散·····	(222)
没药丸·····	(216)	清凉膏·····	(222)
虎骨散·····	(216)	地黄散·····	(222)
四黄散·····	(216)	玄精石散·····	(222)
药毒论·····	(216)	羌菊散·····	(222)
玄胡索散·····	(216)	决明丸·····	(222)
矾茶散·····	(216)	镇肝散·····	(222)
龙脑散·····	(216)	真珠膏·····	(222)
卷第十八			
头上诸病论·····	(218)	复明散·····	(223)
头疮·····	(218)	千金仙术散·····	(223)
玄精石散·····	(218)	四仁膏·····	(223)
栝萎散·····	(218)	井泉石散·····	(223)
淡豉散·····	(218)	目病别论·····	(223)
黄连散·····	(218)	鼻中病论·····	(223)
胡粉膏·····	(218)	辛荑散·····	(223)
软疔·····	(218)	菊花散·····	(224)
如圣膏·····	(219)	蒺藜子散·····	(224)
秃疮·····	(219)	犀角升麻散·····	(224)
耳中诸病论·····	(219)	清肺膏·····	(224)
耳聋·····	(219)	面上疮论·····	(224)
通鸣散·····	(219)	唇口病论·····	(224)
乌麝汤·····	(220)	葵根散·····	(224)
菖蒲丸·····	(220)	青液散·····	(225)
蓖麻膏·····	(220)	绿云散·····	(225)
耳中鸣痛·····	(220)	槟榔散·····	(225)
耳中肿疮出脓汁·····	(220)	血余散·····	(225)
龙朱散·····	(220)	牙齿病论·····	(225)
矾香散·····	(221)	桃红散·····	(225)
蓝花散·····	(221)	麝香散·····	(226)
麝香散·····	(221)	甘露散·····	(226)
桃红散·····	(221)	藁本散·····	(226)
		舌病论·····	(226)

卷第十九

咽喉病论	(228)
铁粉散	(228)
蛇蛻散	(228)
定命散	(228)
犀角散	(228)
绿云散	(229)
如圣汤	(229)
龙石散	(229)
如圣丸	(229)
通关散	(229)
射干汤	(229)
金露膏	(229)
荆芥桔梗汤	(229)
项瘰论	(229)
昆布丸	(230)
恶核瘰疬论	(230)
皂角膏	(230)
水晶丹	(230)
如圣散	(230)
紫檀散	(230)
胡麻丸	(230)
龟胸论	(231)
百合丸	(231)
龟背论	(231)
松药丹	(231)
手足拳挛论	(231)
薏苡仁丸	(231)
海桐皮散	(231)
风痕瘾疹论	(231)
防风汤	(232)
三奇散	(232)
麝犀丹	(232)
疥癣论	(232)
雄黄膏	(232)
碧粉散	(232)
金疮论	(233)
天蛾散	(233)
追风散	(233)
汤火伤论	(234)

麻子膏 (234)

卷第二十

疳疮论	(235)
泽泻散	(235)
青金散	(235)
黄连散	(235)
芦荟散	(235)
石胆散	(235)
龙骨散	(235)
龙脑膏	(236)
熊胆膏	(236)
蟾蜍散	(236)
兰覆散	(236)
三白散	(236)
定效散	(237)
痈疔论	(237)
雄黄膏	(237)
龙角散	(237)
忍冬散	(237)
乳香膏	(237)
沉香散	(237)
鸡舌香散	(238)
恶疮论	(238)
木香散	(239)
马苋散	(239)
乌金散	(239)
浸淫疮论	(239)
雄黄膏	(239)
苦瓠散	(239)
四生散	(240)
熨浆疮论	(240)
生地黄膏	(240)
冻疮论	(240)
黄柏膏	(240)
疔疮论	(240)
龙脑散	(241)
漆疮论	(241)
化毒散	(241)
垂柳膏	(241)
月蚀疮论	(241)

螻蛄疮论·····	(241)	漏芦汤·····	(244)
水毒论·····	(242)	麻黄汤·····	(244)
赤游肿论·····	(242)	塌汤·····	(244)
防己散·····	(242)	消毒散·····	(244)
木通散·····	(242)	鳞体论·····	(244)
截毒散·····	(242)	疵靨论·····	(244)
诸丹毒论·····	(243)		

小儿卫生总微论方卷第一

医工论

凡为医之道，必先正己，然后正物。正己者，谓能明理以尽术也；正物者，谓能用药以对病也。如此，然后则事必济而功必著矣。若不能正己，则岂能正物，不能正物，则岂能愈疾！今冠于篇首，以劝学者。

凡为医者，性存温雅，志必谦恭，动须礼节，举止^①和柔，无自妄尊，不可矫饰，广收方论，博通义理，明运气，晓阴阳，善诊切，精察视，辨真伪，分寒热，审标本，识轻重。疾小不可言大，事易不可云难，贫富用心皆一，贵贱使药无别。苟能如此，于道几希；反是者，为生灵之巨寇。

凡为医者，遇有请召，不择高下远近必赴。如到其家，须先问曾请未曾请师，即问曾进是何汤药，已未经下，乃可得知虚实也。如已曾经下，即虚矣。更可消息参详，则无误矣。又治小儿之法，必明南北禀受之殊，必察土地寒温之异，不可一同施治，古人最为慎耳。

禀受论

人禀父母精血化生，故《内经》有曰：阳施阴化，谓之有于。《圣济^②经》言：方其受授之初，一月血凝，二月胚胎兆，三月阳神为魂，四月阴灵为魄，五月五行分五脏，六月六律定六府，七月七精开窍，八月八景具全，九月气足象成，十月百神集备，至日满而生也。又云一月如珠露，二月若桃花，三月形象成，四月男女分，五月脏腑具，六月筋骨全，七月魂生而动左，八月魄长而动右，九月三转身，十月足而生，未知其所出。其始有谓之妊者，以其阳始而阴任之也；有谓之胚者，以其未成为器而犹坯也；有谓之胞者，以其已为正阳而阴包之也；有谓之胎者，以食于母而为口颐也；有谓之娠者，以其有时而动也；有谓之怀者，以其有身而

依也。原夫此象^③者，皆阳始阴任在有形之先，次由五行而后化成也，故曰阴阳具而五行立矣。且阴之所任者，壬也，一阳壬兆，则人乃肇生。命门主生气之原，精所藏焉。壬，阳水也，合丁之阴火而生丙，故有命门。然后生心，心主血，神所藏焉。丙之阳火，合辛之阴金而生庚，故有心。然后有肺，肺主皮毛，魄所藏焉。庚，阳金也，合乙之阴木而生甲，故有肺，然后生肝，肝主筋，魂所藏焉。甲为阳木，合己之阴土而生戊，故有肝。然后生脾，脾主肉，意所藏焉。戊为阳土，合癸之阴水而生壬，故有脾，然后生肾，肾主骨，志所藏焉。故肾与命门一也。此阴阳五行，夫妇生化，自然之理也。人之赋禀，自受气至胎化，自成形至生养，亦皆由焉。

初生论

儿才生出母腹中，急当举之，便以绵絮包裹，抱大人怀之温暖。虽暑月亦不可遽去绵絮，须渐渐减去之。盖乍出母腹中，不可令冒寒也。又急以绵裹手指揩拭儿口眼中周围秽血，皆令尽净，不可令人口眼也。若举迟，失于包裹，则令儿中寒。若秽血得人口眼，则令儿生病。其证候方论并在后。

回气论

儿才生出母腹中，哭声迟者，急以葱白细鞭其背，呼父小名，即啼。又儿才生下，气欲绝，不能啼者，必是难产或冒寒所致，急以绵絮包裹其儿，顿放大人怀中温暖；若已包裹，须更添之，令极温暖。且未得断脐，将胞衣置炭火上烧之，仍

① 止，原作“乃”，据兰陵堂本改。

② 济：原缺，据兰陵堂本补。

③ 象：原作“众”，形近致误，据兰陵堂本改。

捻大纸，却^①盛蘸油点著于脐带上，往来遍燎之，以脐带连脐，得火气由脐入腹故也。更以热醋汤捋洗脐带，须臾则气回啼哭，然后如常洗浴断脐。此法甚良，救者甚多。

洗浴论

儿才生下，须先洗浴，以荡涤污秽，然后乃可断脐也。若先断脐，则浴水入脐而为脐疮等病。及浴水须人药预先煎下，以瓶贮顿，临时旋暖用之，不犯生水即佳。并已后浴之，亦用药煎汤，拣所宜时日则大良矣。凡浴，宜用寅卯酉日，若初生不值，但于日中选此三时，如时亦不值，唯忌壬午、丁巳、癸巳日时大凶，而与避之，余皆可也。今具煎汤用药下项：

用猪胆汁汤浴儿，则不患疮癣，皮肤滑泽。

用金银、虎骨、丹砂煎汤，则辟邪恶去惊。单用虎骨亦得。

用李叶切半升煎汤，则解肌热去温壮。

用白芷二两，苦参三两，挫碎煎汤，则去诸风。

用蒴藋、葱白、胡麻叶、白芷、藁本、蛇床子煎汤，退热。

用苦参、黄连、猪胆、白芨、杉叶、柏叶、枫叶煎汤，去风。

用大麻仁、零陵香、丁香、桑椹、藁本煎汤，治诸疮。

用金银、桃奴、雄黄、丹砂煎汤，则辟邪除惊。

用益母草煎汤，治疥癣诸疮。

凡煎汤，每用水一斗，人药煎至七升，去滓，适寒温用之。冬不可太热，夏不可令冷，须调停得宜，乃可用之。儿自生之后，须依时洗浴，以去垢污，又不可数数。若都不洗浴，则皮肤毛落，多生疮疥。凡洗浴时，于背上则微微少用水，余处任意，即不可极淋其背，亦不可久坐水中，则引惊作病，切须慎之。如常能依法用之，令儿体滑舒畅，血脉通流，及长少病，无不验也。

断脐论

儿生下，须当以时断脐。若不以时断脐者，则令脐汁不干而生寒，为脐风之由。断脐之法，当隔单衣，以牙咬断之，将暖气呵七遍。若用刀断之，须用剪刀，先纳怀中暖透，然后方用，不得使用冷刀，多致伤脐生病，宜切戒之。其断脐带，当令长至足趺，或云当长六寸。若太短则伤脏，令儿腹中不调，若太长则伤肌，令儿皮枯鳞起。才断脐讫，须用烙脐饼子安脐带上，烧三壮，炷如麦大。若儿未啼，灸至五七壮。灸了，上用封脐散封裹之。法须槌治帛子令柔软，用方四寸许，上置新绵厚半寸，及上置药末，适紧慢以封之。如不备其药，即用极细熟艾一块，置于上封之，但不令封帛紧急，急则令儿吐衄，又须常切照顾，勿令温^②著及襁褓中，亦不可令儿尿湿，恐生疮肿及引风也。

烙脐饼子

豆豉 黄蜡各一分 麝香少许

上以豆豉为细末，入麝研均，熔蜡和剂，看大小，捻作饼用。

封脐^③散

雄鼠粪七枚，两头尖者是 干姜枣大 甑带鸡子许，三味同烧灰 绵灰半两，别烧，称 绯绵灰别烧，称，半分 胡粉三钱，炒黄 麝香少许

上同研极细末，每用半钱至一钱，傅脐上封之，永不患脐疮肿。如已因风温患疮肿者，看脐带落与未落，依此用药便瘥。

儿已封裹脐了，一切如法。得数日许，忽然怒啼，似衣中有刺者，此乃脐燥，还刺其腹故也，当与解之，易去故帛药物，更换裹之。如无此证，亦于十日许解视，换时须避风冷。若遇冬月，左右置火，于温暖处换之。至于寻常换衣用粉，亦当如是。若失于照顾，致伤脐患者，具方于后。

治小儿初生，脐未落时，肿痛水出：

① 却：原作“脚”，据兰陵堂本改。

② 温：原作“温”，据兰陵堂本改。

③ 脐：原作“射”，据兰陵堂本改。

上取故緋绢烧灰，研细末傅之。

治小儿脐中汁出不止，赤肿。

上以白石脂为细末，炒令微暖傅之，日三四。

治小儿脐疮。

上以甑带烧灰，研细末，猪膏和傅，或以桑皮汁傅乳上，吮儿饮。

又方 以东壁上土傅之，治历年不瘥者，伏龙肝亦得。

又方 以当归为细末，傅之。久不瘥者，用之神效。

治赤肿或脓血清水出者。

又方 以马齿苋叶烧灰，研末傅之，或以露蜂房烧末傅之。

又方 以干蚶皮火煨为灰，研末，傅之佳。

又方 以黄柏为细末傅之，治久不瘥者。

治小儿脐赤肿：

杏仁半两 猪颊车骨中髓七钱半

上先研杏仁极烂，和髓傅之。一方研杏仁如脂，和体中膏傅。

治小儿因剪脐，伤外风，致脐疮久不干。

白矾煨 白龙骨煨，等分

上同研为细末，傅之，少少用。如无两味，但得一味亦可。

又方 以绵烧灰，研为细末傅之，新旧皆可。

治小儿脐疮，湿不瘥，若至百日即危极，胡粉散。

胡粉一钱，细研 干姜烧灰，一钱，细研 白石脂烧存性，称一钱，细研

上同为细末，每用一字或半钱，傅上。

凡小儿患脐疮未愈，不可乳令大饱。大饱则令儿脐风。

相视寿夭论

儿生下，洗浴断脐之后，当视其寿命长短，成人不成人。

儿生，身不收者死；儿生鱼口者死；儿生，股间无生肉者死；儿生，汗血者死；儿生颐下破者

死；儿生囊下白或赤者皆死；儿生，阴不起者死；儿生，身如凝血若无皮者死。

儿生，脐小不寿；儿生，声绝而复扬急者不寿。

儿初生，目自开者不成人；儿初生，头四破者不成人；儿初生，啼声散者不成人；儿初生，身软如无骨不成人；儿初生，啼声深者不成人；儿初生，头毛不周匝不成人；儿初生，汗出不流不成人；儿初生，小便凝如脂膏者不成人；儿初生，常摇手足者不成人。儿初生，枕骨不成，能言而死；儿生，膝骨不成，能偃而死；一云尻骨。儿生，掌骨不成，扶伏而死；儿生，踵骨不成，能行而死；儿生，髌骨不成，能立而死。

儿初生，阴大而与身色同者成人；儿初生，脐中无血者成人。

儿初生，啼声相连延属者寿；儿初生，卵下缝通达而黑者寿；儿初生，身体鲜白而长大者寿；儿初生，额上有旋毛者好寿。儿初生，目视不正，数动或哭而豺声者，非佳人。儿初生，发稀少者不听人教。

初生服药论

儿初生，出母腹，揩拭口眼净，洗浴了。断脐毕，棚包讫，且未得与乳，当用好甘草一中指节许，擘碎，以水三蚬壳，煎二蚬壳，以绵缠指，蘸与儿吮之。若吐出恶汁为佳；若服二蚬壳不吐，即无秽物，不须更服也。此法不问儿虚实壮怯，皆须服之。

次看形色，若面色红润，啼声响快者，用擘破黄连，以汤浸取浓汁，调朱砂末，抹儿口中打尽腹中旧粪，方可与乳。又法，以汞粉半钱，旋旋吮儿，良久，脐粪乃下为佳。故《圣济经》云：凡儿初生，恶血未纳者，拭以绵指；吞而在胸膈者，吐以甘草；入而在腹内者，利以黄连汞粉，皆所以革污秽也。次用好朱砂一大豆许，细研水飞，炼蜜一蚬壳，看稀稠和膏，分三剂。每用一剂，乳汁化，时时滴儿口中，三日内服尽即止。姚和众云：成炼朱砂，能温肠胃，壮血气也。一日只可一豆许，勿得过也，分三次用。次用真牛黄一大豆许，

细研，以炼蜜酸枣大，和成膏，每用一大豆许，乳汁化下，时时滴儿口中。姚和众云：能去惊，辟邪恶之气。若儿形色不实，怯弱者，不宜服之。如胎热或身体色赤黄者，宜多服，此法在三日外也。

中寒论

儿才生，举迟，或断脐晚^①者，令儿冒冷，故寒中之也。又先断脐，后洗浴，则水气得人之，或洗时水气所干，亦为中寒之候。其证腹中绞痛，天札啼呼，面青黑，尿清白，当以当归末为粉，著于絮上，灸而熨脐腹，日日频熨，至啼止脐干为度。仍不可灸令大热，恐引惊也。

初生不乳论^②

初生洗浴、断脐、糊包、革秽污、下脐粪都了，经曰：不饮乳，及不小便者，此因难产。或包裹举迟，中寒，或被风邪微干，伤动脏气所致。有此候者，多为撮口，治不可稍缓。

通关散 治初生儿不饮乳，及不小便。

以石银器中贮奶汁二合，入四破葱白一寸，煎取一合，药注子分灌之，服尽立效。

脐风撮口论^③

儿自初生，至七日内外，忽然面青，啼声不出，口撮唇紧，不能哺乳，口青色，吐白沫，四肢逆冷，乃脐风撮口之证也。此由儿初生剪脐，不定伤动，或风湿所乘。其轻则病在皮肤，而为脐疮不瘥；其重则病入腑脏，面为脐风撮口，亦如大人因有破伤而感风，则牙关噤而口撮，不能入食，身硬，四肢厥逆，与此候^④频同。故谓之脐风撮口，乃最恶之病也。《千金》有曰，小儿忽患脐风撮口者，百无一活，皆坐视而毙，良可恻。有一法极验，但世罕有知者。凡遇其患，则看儿齿断上有小泡子如米状，急以温水蘸熟绵子，裹手指，轻轻擦破，即口便开而安。又方，视小儿口中上下断间，若有白色如豆大许，便以指甲于当中

掐之，自外达内，令匝至，微有血出亦不妨。又于白处两边尽头，亦依此掐，令内外气断，不必直破人指甲矣，恐太甚则伤儿。此二法相类，《子母秘录》云：于掐破处以蜈蚣末傅之，大良，及有治方集之后。凡儿产时，诸物但令开口勿闭，以灰撮口，口噤也。

治小儿断脐之后，不慎照管，致风湿所乘，令儿不能乳哺，名曰脐风。宜速疗之，不久则为撮口也。

当归去须，半两，洗，焙 天浆子去壳，三个，微炒 乱发一钱，烧灰

上为细末，入麝香一字许，时时傅脐。

又方 黄柏锉 釜下墨煤 乱发烧灰存性 上各等分，同为细末，用一字或半钱傅之。

治小儿脐疮不瘥，因风传变，欲为撮口或为发病者，**金两黄散**。

川黄连去须，一分，为末 胡粉一钱，研 龙骨一钱，煨红，研

上同为细末，每用少许，傅之，时时用。

治小儿剪脐中风，唇青撮口，吐白沫，四肢冷，**定命散**。

赤足蜈蚣半条，酒炙，令干 川乌头尖三个，生麝香少许

上为末，入麝研匀，每服半字，煎金银薄荷汤调灌。

治小儿初生撮口。

蛇蜕皮一分，微炒 钩藤一分 干蝎稍一分，已上先细末 朱砂一分，别研，水飞 麝香半钱，别研 真牛黄半钱，别研

上同研细，拌匀再研。每服一字，取竹沥一两，同乳汁调灌下。一方只蛇蜕、朱砂、麝香各一分，每用半字，滓调涂口中，日五七次。

又方 以盐鼓置脐上灸之。

又方 以夜合花枝，浓煎汁，拭口并洗。

又方 于儿口旁，先刺^⑤令见血，碎雀瓮汁

① 晚：原作“脱”，形近致误，据兰陵堂本改。

② 论：原脱，据兰陵堂本补。

③ 论：原脱，据目录补。

④ 候：原作“后”，音同致误，据兰陵堂本改。

⑤ 刺：原作“利”，形近致误，据兰陵堂本改。

涂之。

又方 生捣鼠妇，并雀瓮汁相和，调涂抹口中，渐渐乳，得效。鼠妇乃湿生虫也。

胎中病论

儿自生下，至一腊前后有病者，多是未生之前，在母胎妊之时，母食毒物，胎有所感，至生下之后，毒气发而为病。又有母于妊娠之时，失于固养，气形勿充^①，疾疢因之。故《圣济经》言，病生于中者，与生俱生也，今叙于后。

梗舌

儿才生出母腹，因与揩拭口中恶物，便仔细看儿口中，如有皮膜，似芦苇管中之膜，裹定儿舌，或连舌根者，此名梗舌。乃胎毒所攻而生。或母于妊娠时，爱食飞禽之物，感而所致。便须急以指甲刺破剥去之，揩拭血净，用烧白矾灰细细，傅半绿豆许。若不摘去，则梗其舌而不能语，令儿哑也。及日数多，亦不能去也。

气闭

儿初生一两日间，有大小便不通，腹胀满而欲绝者，此胎毒之气郁闭所致也。便急令一妇人，用温水先漱口了，后吸啞儿前后心，并脐下及手足心，共七处，各五七次，以赤口红色为度，须臾气散，则自通矣。不尔，即无生意也。有此候，用此法，可谓再生。

鹅口

儿自初生，至七日内外，因胎毒上攻，于舌上生白屑如米，连口两角，生黄疮，及舌下有膜，如石榴子大，令儿声不发者，名曰鹅口。

治小儿鹅口，保命散。

白矾一分，烧 马牙硝半两，研细 朱砂一分，研细，水飞，干

上同研匀细末，每用一字，取白鹅粪，以水搅取汁调之。先以手指缠乱发，揩拭儿舌上口角颊中，去垢秽净，然后用药傅之令遍。缠发揩时，以井花水沾用，或以绵缠指头，沾栗麸汁用。

治小儿鹅口不能乳。

以马牙硝，研细，遍掺舌上下两颊口角内外患处，日三四次。

又方 以桑白皮汁，和胡粉傅之。

又方 以鸡腔中黄皮烧灰研细，乳和傅之。

又方 以白鹅矢汁灌口中。

又方 以黍米汁傅之。

又方 以全蝎七枚，先用薄荷汁浸过，后用薄荷七叶裹之，文武火炮过，焙令干，研末，更入黄丹，同研匀细，熟蜜和为膏，傅病处。

垂痈

儿自初生，至七日内外，因胎毒上攻，血气不敛，儿口中上颚连喉舌，生物如芦箨盛水之状，或作疱，在悬壅之前，塞其气路不通，令儿危殆，名曰垂痈。又儿生下即死者，多此病也。入少知之，当急视之。凡遇是病，便以指甲摘破，或以绵缠长针，留尖如粟米许刺之，令儿气泄则活，其疱破则出青黄血水，使用帛子搵拭，及用盐汤蘸帛撮揩令净。若入喉，即伤儿，慎之慎之。如一刺复作者，再刺。

治垂痈，如圣散。

铅霜一分，研细 真牛黄一分，研细 大阴玄精石一分，研细 朱砂一分，研细，水飞，日干

上件再同研匀，入白龙脑细末半钱相和，每用抄一字至半钱，掺儿口中。

重腭重龈、重舌

儿初生，至七日内外，因胎毒上攻于儿口中，若发于腭上作肿，作两重之状，名曰重腭。若发于上下齿龈两傍，肿如叠龈者，名曰重龈。若发于舌上肿起，初更生一小舌者，名曰重舌。肿闷作痛，今儿多啼，不能哺乳而妨碍。

治重腭重龈。

上以蛇蜕皮烧灰，研细末傅之。

又方 治如前。

上以生蒲黄末傅之。

乌贼骨散 治重舌肿闷，妨碍吮乳。

^① 充，原作“克”，形近致误，据兰陵堂本改。

乌贼骨一两 干蛭螂半两,烧灰 蒲黄半两,
研 枯白矾灰一两,研

上和研如粉,每用半钱,以鸡子黄调涂肿
上,咽津不妨。

又方 治如前。

上以蛇蛻皮为末,干捻傅舌下患处,不一时
便消,不能饮乳者,用之得能饮,或以鸡羽蘸淳
醋展药拈舌下。

又方 以木兰皮长一尺,广四寸,削去粗
皮,以醋一升,渍之取汁,注患处。

又方 以伏龙肝研细末,牛蒡汁调傅,或以
衣鱼涂舌上。

又方 以马牙硝末涂舌下,日三。

又方 以三家屠肉,切如指大以摩舌上。

又方 以黄丹豆许,纳管中,吹舌下。

又方 以蒲黄傅之,不过三次,瘥。一方微
炒,以纸铺地上,出火毒,研罗细末,先用温水,
蘸帛裹指,轻轻接掠,后掺药。

又方 以桑白皮煮脓汁,涂乳上吮儿。

治重舌^① 妨闷欲死。

上以乱发烧灰,研细末,以傅舌下,频频用。
或烧簸箕皮傅上。

又方 治如前。以鹿角炙,适温热熨之。或
如米粒大安舌下。

又方 以小豆煮汁,和鹿角灰傅之日三。或
以赤小豆末醋和傅舌上。

又方 以露蜂房烧灰,研细末,醋和膏傅
之。

毒 疮

儿自初生,至七日内外,因胎毒攻发,身生
疮者,名曰毒疮。谓在产草上生疮也。

治毒疮。

上以黄连为细末,先用生麻油涂盏子内,将
黄连末遍掺油止,倒合在铍三脚子上,下用艾叶
火熏令极干,刮聚,再入生油、膩粉各少许,和膏
傅之。

又方 以泽兰心细嚼傅之。

又方 以葵根烧灰傅之。

治小儿初生三日,头而生疮缘起,身体壮

热,多啼。

升麻 柴胡去苗 石膏各一分 甘草 当归
去须,各半两

上咬咀,每服一钱,水半盏,煎至二分,去
滓,时时与,量儿大小加之。

治小儿初生,毒中生热疮。

上以鸡子五枚,敲破,去白,只取黄,又以乱
发如鸡子黄许,二味相和,铍子中煎熬,取汁涂
之。更用苦参末傅之,甚奇。刘禹锡云,项在武
陵生子,毒内便有热疮,发於臂腿,蔓延半身。初
用他药无益,状候至重,昼夜啼号不乳。因阅《本
草》有云,乱发合鸡子黄煎,消为水,疗小儿惊热
下痢。注云,去痰热百病。又鸡子,《本草》云疗
热疮,因用之立效如神。煎法,鸡子黄,乱发,初
入铍,煎时甚干,少顷发焦,遂有液出,旋取置一
磁碗中,以液尽为度。

口 噤

儿自初生,至七日内外,忽口噤不能乳,腹
急多啼,下青黑粪,或口生疮如粟米,名曰口噤。
此证牙关急而口噤,与撮口相似。然撮口证面色
青,啼声不出,口吐白沫。此口噤证,面色赤而多
哺,口不吐白沫,所以异也。此缘儿在母腹中时,
为风热伤胎所致。故《圣济经》曰:风热伤胎,生
而口噤也。《千金》云:赤者为心噤,白者为肺噤。

治初生儿口噤不开,不收乳,立圣散。

干蜘蛛一个,去足,取新竹沥,入蜆壳中浸一宿,
炙焦,为末 干蝎梢七个,为末 膩粉一钱

上同研匀细末,每服一字,乳汁调,滴儿口
中,时时用。

又方 以鹿角粉、大豆末等分研细,乳和,
涂乳上,令儿吮服。

又方 以生草一分细锉,水一盞,煎至六
分,去滓放温,分数次灌儿口中,令吐出痰涎秽
物,后取猪乳汁点儿口中,瘥。亦治撮口。

又方 以真牛黄少许研细,淡竹沥调一字
灌之。次以猪乳滴口中。

又方 以赤足蜈蚣去足,炙黄为末,以猪乳

^① 舌:原脱,据兰陵堂本补。

调半钱，分三四次温灌之。一方同雀瓮不开口者五枚，烧灰研细末，饮调服一字。

又方 以白僵蚕二枚为末，蜜和，傅儿口内。如无，以原蚕鹅二枚，炙黄代之，亦治撮口。

又方 以雀矢白，水和丸麻子大，乳服二丸，鸡矢白亦佳。一方，鸡矢白枣大，绵裹，水五合，煮二沸，分服。

治小儿口噤体热。

上以青竹茹三两，醋一升，煎取三分之一，温分数服。

治小儿口噤，牙关不开。

上以天南星一个，煨熟，急用纸封角，莫令透气，却以纸裹，近上尖处，剪一窍子鸡头大，令热气出，于鼻孔中熏之，牙关立开。亦治撮口。

囟 啼

儿自初生已来，身色青白，无血色，好啼哭，昼夜不止，身体仰而僵，夜则甚，腹满不乳，大便青白，昼夜僵啼，诸药不效者，此名囟啼。乃儿未生已前，在胎胞中时为风冷伤而所致。故《圣济经》曰，风冷伤胎，生而囟啼。《千金》有云，小儿有胎寒，则腹痛囟啼，时时吐衄，或腹中如鸡子黄，按之如水声，便没没而后出，不急治，多变为痼。

治小儿胎寒囟啼，**莽脏汤**。

当归去芦，一两 沉香 丁香 白术 桂心 川芎各半两

上为细末，每服一钱，水一盞，姜二片，煎半盞，去滓，滴儿口中。

治小儿忽患腹痛，天矫汗出者，亦胎寒也^①。出《千金》。

上以黎^②叶煮浓汁七合，分三四次服。

又方 以当归为末，每用一小豆许，乳汁调下，日二夜一，病儿大添之。

又方 以柏子仁为末，每服一钱半，温水调下。

治小儿胎寒，囟啼，发痛，**矾石丸**。

上以马齿矾，火煨半日为末，枣肉和丸黍米大，每服一丸，乳汁送下。量儿大小增损，以瘥为度。有痰亦去，神良。兼腹胀，不嗜食，大便青黄

色。

血癖又名胎积

儿未生之前，在母腹中，藉母经血以滋养焉。至生下时须拭去口中恶血，及用药下尽儿腹中秽血之粪，方才饲乳。若于生时，揩拭儿口中恶血不净，吞咽入腹。或腹中旧有秽粪，不曾下之，或下之不尽，因而成癖，故名曰血癖。又名胎积。至生下百日内外，儿生头疮，眼目赤涩，小便如血，口中气急，身体紫色，腹胀躁烦，多啼不乳。

治小儿血癖，**胎积丸**。

白丁香二十一个 轻粉半钱 滑石半钱 乳香半钱 巴豆三十个，针串灯上烧焦，微存性

上为末，糊丸黍米大，每一二丸，看虚实大小与服，煎柳心七个，汤放温送下，连一二服，粪下恶物是效。亦令乳母服和气药调养饲儿，若儿服药后吐不止，大便不通，而黑气喘者死。

胎 赤

儿自生下，至开眼已后，眼两眦及眼眶赤烂，名曰胎赤。此因儿生时稍难，留带时久，或不慎照顾，致恶血入于儿眼，又或生下时，揩拭儿眼边恶血不尽，亦令人儿眼，溃浥以生是病，不急治之，则至长不瘥。

治小儿胎赤眼，**二金散**。

黄连去须，一钱 黄柏一钱

上先为粗末，用奶汁同浸一宿，焙干收之，每用少许，以新绵裹荆芥汤浸之，放温，时时频洗。

胎 惊

儿在母腹，未生之前，因有所惊，胎内感之。至生下百日以来，儿心神不宁，睡卧不醒，壮热躁烦，啼哭无时，上视发搐，面青腰直，撮口缩腮，粪青黄水者，此名胎惊。方论著于惊疾门之中。

① 亦胎寒也；《千金》作“名曰胎寒方”。

② 黎：《千金》作“梨”。

胎 怯

儿自生下以来,而无精光,肌肉脆薄,大便白水,身无血色,时时哽气多哕,目黑睛少,羸多哭,此胎怯也。宜天麻浴汤治之。

胎 肥

儿生下肌肉厚,遍身血色红润,至满月以后,渐渐肌瘦,目白睛粉红色,五心热,大便难,时时生涎,此胎肥也。更看父母肥瘦,肥不可生瘦,瘦不可生肥,亦宜天麻浴汤。

胎 热

儿生下有血气,时叫哭,身壮热,如淡茶色,目赤,大便黄赤,粪稠,急食乳,此胎热也。治亦宜天麻浴汤。

治小儿胎怯、胎肥、胎热等诸疾,天麻浴汤。

天麻二钱 蝎尾去毒,为末 朱砂末 白矾末各半钱 麝香一字 乌蛇肉酒浸,去皮,焙干,为末 青黛末各三钱

上为末匀,每服三钱,水三碗,桃枝叶五七条,煎十数沸,带热浴之,勿得浴背,汤须适温热用。

治小儿胎热,或乳母饮食粗恶辛苦,乳汁不起,儿色如淡茶黄色,瘦瘠不为肌肤,四肢痿蹇,服之充悦健壮。

芍药二两半 柴胡去苗,二两 鳖甲 茯苓去黑皮,各一两半 人参去芦 大黄各一两 甘草干姜各半两,如热,即用枳实

上为末,炼蜜和丸,大豆大,百日至一岁儿服一丸。乳服,日二,量儿大小增减。

不治病**胎内十二证**

一双瞽,二双眇,三骈拇,四六指,五体残,六肢废,七独肾,八喑哑,九缺唇,十社老,十一挛拳,十二侏儒。

胎外十二证

一睛凸,二近视,三鼻鼈^①,四耳返,五结喉,六项瘻,七舌短,八节弹,九龟胸,十驼背,十一膝并,十二交胫。

小儿卫生总论方卷第一终

^① 鼈(wèng 瓮),鼻子堵塞不通气。

小儿卫生总微论方卷第二

五气论

儿自胎孕以至生成，皆禀五行而分五脏，故自五气以生五态，而各不同。《圣济经》言：五行孕秀有异宜，五态委保有殊气，冲和均赋，体性潜异者，盖母气胎育，有盛衰之虚实，故其子生也，有刚柔之勇怯。又经云：心气虚而语晚，肝气微而行迟，脾气弱而肉瘠，肾气怯而解颅，如此之类，悉皆是矣。然五脏之气，禀受殊异，其於怯弱者，圣人亦有方药，以补养之矣。

心

心气盛者，则伶俐，早言笑，形神清而多发。心气怯者，则性痴而迟语，发久不生，生则不黑。心主血，发为血之余，怯则久不生也。心系舌本，怯则语迟也。治小儿生下无发，以鲫鱼烧灰末，和酱傅之即生。

治小儿发久不生，**菖胜丹**。

当归去芦，一两 生于地黄去苗土，一两 芍药一两，已上并为末 菖胜一合，别研 胡粉半两，别研

上同研匀细，炼蜜和丸黍米大，每服十粒，煎黑豆汤下。兼化涂头上。量大小用。

又方 以楸叶中心子杵烂，绞汁涂之。

又方 以羊屎烧灰，淋汁，同豉汁洗之。三日一次，不过三^①次即生。

又方 治血热，发薄不生，以桃柳煎汤，入猪胆汁和，沐头，发自生。

治小儿心气不足，从小至数岁不能言，**菖蒲丸**。

石菖蒲二钱 人参去芦，焙，半两 丹参去芦，一钱 天门冬去心，焙，一两 麦门冬去心，焙，一两 赤石脂三钱

上同为细末，炼蜜丸绿豆大，温水下五七丸，至十余丸，量大小增损。日三，久服取效为

度，无时。

又方

菖蒲一两，一寸九节者良 远志甘草水煮，去心，一两 桂心一两 黄芪半两 人参去芦，半两 黄连去须，半两 酸枣仁汤浸，去皮，半两

上为细末，炼蜜和丸，如鸡头实大，每服一二粒，煎生姜汤化下，无时。

又灸法 灸心俞三壮，灸两足踝三壮。

又方 治五六岁不语，此心气不足，舌本无力，不能发转故也。一云：风冷伤于少阴。以赤小豆为末，酒和涂舌上，神效。以社坛馀胙酒，与饮少许。

肝

肝气盛者，则矫健而早行立，肝气怯者，则长不能行而脚细，名曰鹤膝。肝主筋，怯则筋弱，故长不能行也。又或眉久不生，眉属肝，肝气不荣，故眉久不生也。何以知眉属肝，且五脏皆有毛。其发属心，心为火，火性炎上，故发生上抢也；须属肾，肾为水，水性润下，故须生下顺也。是以女人皆无外肾，故无须也；毛属肺，肺在五脏之上而主外，故毛生皮肤之外也；眼睫属脾，眼轮亦属脾，脾在右偏，故睫斜生眼轮之上也；眉属肝，肝在左偏，故眉斜生眼睫之上也，左为上，右为下，所以眉在上而睫在下也。

治小儿从小至数岁不能行，**麝茸丹**经大验。

麝香研 茄茸酥涂，炙黄 生于地黄去苗土 虎胫骨酥涂，炙黄 当归去芦，洗焙 黄芪锉，各半两

上为细末，用羊髓二两，煮烂和丸黍米大，每服十丸，磨沉香汤送下，乳前，日三服。

又方 **羚羊角丸**

羚羊角用尖细密者，锉取末 虎胫骨敲破，涂酥，炙黄 生于地黄去苗土，焙 酸枣仁去皮，炒

① =，兰陵堂本作“十”。

称 白茯苓去黑皮,各半两 桂去粗皮,不得见火
防风去芦,切,焙 当归去芦,切,焙 黄芪切焙,各
一分

上为细末,炼蜜和剂,每用一皂子大,食前
温水化下,日三,儿大者加之。

又方 以五加皮为末,饮服之。取葬家未门
户盗食哺之,日三,便能起行。

又灸法 小儿自小至五岁不能行者,灸两
足踝各三壮。

又灸法 小儿鹤膝脚细,不能行者,灸膝眼
三壮。

治小儿生下无眉毛,欲得生者。

以七月中,采乌麻花,不拘多少,阴干为末,
以生乌麻油浸,每夜傅之。

治小儿眉毛眼睫,因癬退不生,名乳颊癬,
赤芝散。

野油花旋覆花是也 赤箭天麻苗 防风去芦,
各等分

上为细末,先洗癬净搵干,以好油调涂之,
后服乌犀丸。

犀末一钱 猪牙皂角二钱,末 干蟾末三钱
龙脑少许

上为细末,龙胆汁和丸绿豆大,每服一丸,
温水下,量大小加减。

脾^①

脾气盛者,肌肉厚而色紫,耐壮而乳多。脾
气怯,则肌虚而喜汗,汗多则肉瘠。脾主肌肉,怯
则肌虚,虚则营卫衰,故汗多而肉瘠也。

治小儿脾怯多汗,丁香散。

陈皮一两 青皮去穰 诃子肉去核 甘草各
半两 丁香二钱

上为细末,每服二钱,水一盏,煎六分,食前
温服,儿小分之。

治小儿喜汗,香瓜丸。

大黄瓜黄色,出种子者 川大黄湿纸裹,煨纸
焦 胡黄连 柴胡去芦 青皮去瓢 鳖甲醋炙黄
黄柏去粗皮 芦荟去芦,各等分用

上将黄瓜割顶去瓢,以诸药为细末,填瓜内
至满,却将顶盖口,杖子签定,慢火内煨熟,取药

并瓜研之,如皮研不烂则去之,干却入面糊,和
丸绿豆大,每服三二丸,乳后冷浆水下。儿大加
之。

粉法

黄连去须 牡蛎火煨 贝母各七钱

上为细末,以米粉一升,同研匀粉身,与丁
香散同用。

肺

肺气盛者,肌肤莹白滑腻,发细黑浅,肺气
怯则肌肤沮败。若无皮而血凝,故《宝鉴》亦名血
凝。孙真人言,小儿出腹,肌肉犹是血也,渐渐坚
化。肺主皮肤,肺气不充则血沮败,不成肌肤,故
若无皮毛而血凝。面目绕鼻口悉黄,闭目撮面,
口中干燥,四肢不能伸缩,哭无声,不吮乳,此皮
毛不敛也,多是不育。《千金》治以龙胆汤。方具
于后。

治初生儿血凝,皮肉不敛,哭无声,不吮乳。
以胡粉研细,酒和涂之,干即再。

又方 以白僵蚕为末,煎汤,适寒温浴之。

又灸法 初生儿血凝。

以脐四边,各去脐半寸,并鸠尾下五处,各
灸三壮。

肾

肾气盛者,凶小而合早,牙齿早生;肾气怯
者,解颅而凶不合,牙久不生,生则不固,面惨,
目睛多白。肾主骨髓,脑为髓海,怯则脑髓不成,
故凶解而不能结也。解颅不瘥,而百病交攻,极
难将护,此最为大病矣。又肾主骨,牙乃骨之余,
怯则牙久^②不生也。

治小儿解颅,玉乳丹。

钟乳粉依法炼者,半两 熟干地黄依法蒸者,
半两 柏子仁半两 当归去芦,半两 防风去芦,分
钱 补骨脂一分,拣净,微炒 或加黄芪,茯苓亦得

① 脾:此下原有“虚汗”二字,诸本均同,衍文,据前后文
例删。

② 久:原作“文”,形近致误,据兰陵堂本改。

上为细末，人钟乳粉、柏子仁拌匀，炼蜜和丸，黍米大，每服十丸，煎茴香汤送下，乳后。

又方

细辛去苗 桂心各半两 干姜七钱半

上为细末，以乳汁和傅缝上，干即后傅，儿面赤即愈。

又方 以蛇蜕皮炒焦为末，用猪颊车骨中髓，调傅缝上，日三。一方，只用猪颊髓。

又方 以驴蹄烧灰，研细末，生油和傅缝上，以瘡为度。

治小儿凶不合。

生撮足骨半两 白敛半两

上为细末，以乳汁和贴缝上。

又方 以龟甲煮汤，适寒温渍之，不得用黑者。

治小儿凶不合，鼻塞不通。以大天南星微炮去皮，为细末，淡醋调，摊非帛子上贴之，仍炙手热，频熨立效。

治小儿凶不合，凶肿凶陷并主之。

蛇蜕皮半两，烧灰，细研 防风去芦 白芨
大黄湿纸裹，煨纸焦，各一分

上为细末，入青黛一分，同研极匀，每用半钱，用猪^①胆汁调匀，将纸一片，依大小长短，剪一纸花子，摊药在上，仍于四边各留少白纸，用淡醋糊涂遍，以贴病上，不住以温水润动，一伏时换。一方防风一两半，柏子仁、白芨各一两，为末，乳汁和傅凶上，十日知，二十日愈，日一易之。

又法治小儿解颅凶不合，作头巾子与裹，遮护之，久面自合。《千金》云：良法也。

治小儿齿久不生，以雄鼠屎三十枚，日一枚拭齿僵即生。其尿两角尖者，乃雄鼠屎也。一云用雌鼠屎，两头圆者若。

又方 以黑豆三十粒，于牛粪火内烧令烟尽，细研，人麝香少许，再研匀细，用针挑不生齿处，令血出，以药末搽上，不得见风。忌醋，多年不生者，用之极效。

又方 以尿^②坑中竹木，正旦刮屑涂之即生。

乳母论

儿生自乳养者一切不论。若令乳母乳养者，必择其人，若有宿疾，狐臭瘰癧，上气喘嗽，疥癬头疮，龟胸驼背，鼻齁紧唇，痴聋暗哑，颠狂惊痛，疽痈等疾并不可令乳儿也。

凡乳母乃血气化为乳汁，则吾惟善恶悉由血气所生。应喜怒饮食，一切禁忌并宜戒慎。若纵性恣意，因而乳儿，则令儿感生疾病也；若房劳乳母，则令儿瘦醉，交胫不能行；若醉以乳儿，则令儿身热腹满；若蓄热乳儿^③，则令儿变黄，不能食；若怒作乳儿，则令儿惊狂上气；若吐下乳儿，则令儿虚羸气弱。是皆所忌也。

凡每乳儿，乳母当先以手按散其热。然后与儿吮之。若乳惊汁涌，恐儿咽乳不及虑防呛^④噎则辄夺之，令儿少息，又复与之。如是数反则可也。又当视儿饥饱节度，一日之中，知几乳而足量以为常，每于早晨，若有宿乳，须当捻去。若夏月不去热乳，令儿吐哕，冬月不去寒乳，令儿咳利。又若儿大喜之后，不可便乳，令儿惊痛；若儿大哭之后，不可便与乳，令儿吐泻；又乳母不可太饱，恐停滞不化；若太饱，则以空乳令吮则消。

凡每乳儿，乳母当以臂枕儿头，令儿口与乳齐，乃乳之。不可用膊，即太高，令儿饮乳不快，多致儿噎。又乳母欲寐，则夺去其乳，恐睡着不觉，被乳填沃口鼻，另生其他事，又且不知儿饥饱也。

凡儿生六十日，目瞳子成，能识人。百日，任脉反覆。一百八十日，尻骨成，能独坐。二百日，掌骨成，能匍匐。三百日，脑骨成，能独立。三百六十日，膝骨成，能移步。乳母常须依时按节，续续教引，使儿能会，此是定法也。即不得常常抱持，过时都不教引，致令儿筋骨弛堕，又恐成腰脚之疾也。

① 猪：同“豕”，指雄性的牲畜。

② 尿：原作“屎”，据兰陵堂本改。

③ 儿：原作“丸”，据兰陵堂本改。

④ 呛：原作“枪”，据兰陵堂本改。

慎护论

凡乳母慎护养儿，乳哺欲其有节，襁褓欲其有宜，达其饥饱，察其强弱，适其褻薄，循其寒燠，盖自有道，不可不知也。

凡儿自初生至满月，宜常常时取猪乳汁滴儿口中，令咽，最为佳妙。又以珍珠末一大豆许，用蜜一蚬壳和之，分三次或四次，每十日内外与一次，涂儿口中，安心神，镇魂魄。

凡儿生肌肉未成，不可与暖厚新绵之衣，当与故絮帛薄衣。若与新绵厚暖，则蒸燠生热，筋骨缓弱，故《圣济^①经》云：襁褓者衣欲旧帛，绵欲故絮，非乃恶于新燠，亦资父母之余气，以致养焉。

凡乳母，若遇天和无风之时，当抱儿在日中嬉戏，使数见风日，则血凝气刚，肌肉硬密，堪耐风寒。若藏帟帐之内，重衣温暖，譬如阴地草木，不见风日，则脆软不任，易为伤损，故《圣济经》言：重衣温厚，帟帐周密，宜与减损，甚则伤皮肤害血脉，是生多疾也。

凡儿常令薄衣，虽冬月，但令著两夹衣，及衲衣之类。若极寒，即渐加旧絮衣。人家多务爱惜，乃以新绵厚衣，温养过宜，适以为害。薄衣之法，当从秋习之，若至来春稍暖，须渐减其衣，不可便行卒减，恐令儿伤中风寒。

凡儿于冬月须着帽项之衣，夏月须着背褡。及于当脊，更衬缀一重，以防风寒所干。谓诸脏之俞，皆在于背故也。又常令乳母，每日三时摸儿项后筋两辘之间，名曰风池，若热，即须熨之，令微汗则愈。谚云“戒养小儿，慎护风池”者是也。

凡儿于春时，不可覆头裹足，致阳气不得出泄，则发热矣。

凡儿常当看覷^②消息，无令身体有汗。若汗出则致腠理虚，而以受风寒。昼夜寤寐，皆当慎之。须审天气冷暖，衣复厚薄，及以治之。

凡儿不可抱于檐下洗浴，又不可当风解脱，恐为寒干。又啼哭未断，不可与乳。冒冷冲寒，不可哺饲，恐为食伤。又不可近神佛之前，驴马

之畔。又不可令儿见怪异之物，及各门异户不相识之人，恐为客忤。

凡儿生三日之外，当与少哺。姚和众云，以粟米煮粥，饮研如乳汁，每日与半蚬壳许，以助谷神，导达肠胃。孙真人云，以粳米饮，七日外与三大豆许，慎不可杂与药吃。巢氏云，儿生满三十日后，当哺少物，如二枣核许。至五十日，如樱桃许。至百日，如大枣许。若乳少，当以意增之，不可多与，恐不能胜，别生病矣。若乳多，不消哺食者，亦须少少与之，以壮肠胃。儿大稍稍增之，当有常剂。《圣济经》亦云：儿生三日用饮，过三日用哺，哺之以赖谷气也。哺之多少，量日为则。如是则五脏得养，而胃气壮矣。今之养小儿者，多务爱惜过当，往往至二三岁，尚未与食，致脾胃虚弱，体力怯软，平生多病。若在半年之后，宜煮陈米稀粥与之。十月以后渐与稠粥烂饭，以助中气，则自然易养少病。惟忌生冷油腻荤茹甜物。

凡小儿乳哺，既有常剂。若忽尔却乳哺少者，此是腹中少有不和也，便当与微微下之。若都不肯食，但饮少乳者，此伤重，要下之，不可不下也。若不与下，则生寒热，或为吐利，及为癖积，脉大者发痛，皆不早治之由也。孙真人亦曰：小儿寒热，亦当下之，乃瘥。又小儿乳哺不能无痰癖也，常当节适之。若稍不进乳食，便以微药克化，紫丸最妙。方在后。不得行驶药转利，又不得为无事而迁延，致病大即难治尔。小儿微患，便与微下，则损不甚而易愈矣。若于春夏之时有疾。《千金》云立夏后。切不可妄行吐下，及微疾亦不可乱行针灸。盖针灸伤经络，吐下损腑脏故也。若误行转泻，则使下焦虚而上焦热，变成大病也。故巢氏有言，小儿春夏，自非甚病，决定不可吐下者是也。

食忌论

凡小儿有不可食之物，不可不知，今具于

① 济：原缺，据兰陵堂本补。

② 覷（qù 去），细看。

后。

小儿不可多食栗子，令儿气弱行迟，热食则气壅。

小儿不可食蕨菜，令儿立则无力，久不能行。

小儿不可食芡，令儿不能行。

小儿不可食黍米、鸡肉、胡瓜，令儿腹中生虫。《经验方》云：小儿未断乳，食鸡肉令儿腹生蛔虫。

小儿不可食越瓜，令儿发痼疾。

小儿不可食麦，令儿发落。麦是荞麦也。

小儿不可食菘菜，令儿脐下痛。

小儿不可食鲟鱼，令儿生癥癖。

小儿不可食炒豆、猪肉，令生气壅致死。

大小论

经言：六岁已上者为小儿，十八已上者为少年。据此之言，则十八已下者皆为小儿也。此乃古之所论尔。以今时校之，则时世相异，理或未当。且《礼》云：男子三十日壮有室。又曰男子三十而娶。是古之男子，皆三十已上方娶，故十八以下，得为小儿之称。今之时则不然，男不过十五而娶，至十八已有生一二子者，岂得为小儿也。以今时言之，当以十四以下为小儿治。其十五已上者，天癸已行，婚冠既就，则为大人治耳。

诸般色泽纹证论

经云：小儿六岁已还者，经所不载，有病难治，无承据之事^①也。详之，此谓婴儿未能言者，有病则无由问其所若，故无承据也。若能言者，必能问之，小儿岂有六岁尚不能言者哉。其不能言者，唯一二岁儿也。故先贤言婴儿未能言者，最为幼小。有病则肌肤未全，寸关不辨，变蒸交互，气血细微。若凭诊切，实难明晓，惟在观其形色，参其证候，乃知病之所在者矣。其观视之法，须要安神定志，勿令情意惑乱，不得于儿哭断之时，睡起之际，则色不正矣。须于辰时之后，巳时之前，夏即未热，冬即未温，外色不杂，内气闲

雅，乃可向明而观察之也。《圣济经》曰：通识之士，必察刚柔勇怯，视其盛衰虚实，适以寒温，平以阴阳，病之轻重缓急，随证以治之，不必蔽于难治也。诸所论繁紊，难以执据，今采其当者，叙而次之。

诸色泽候

面上五脏部分色：左颊主肝，右颊主肺，额上主心，鼻上主脾，一云唇口。颐上主肾。色青为风，色赤为热，色黄为食，色白为气，色黑为寒也。

面上五脏四时色：经言：五脏之色，皆外荣于面，故死生疾病系焉。肝主春，其色青，心主夏，其色赤，脾主长夏，其色黄，肺主秋，其色白，肾主冬，其色黑，是谓五脏之色。随四时各荣于面也。其色不深不浅，应常光润者为和平也。若色重深者，其脏实；浅淡者，其脏虚。

面上五脏生死色：经曰：滋荣者，其色生，青如翠羽，赤如鸡冠，黄如蟹腹，白如豕膏，黑如鸟羽。枯夭者，其色死，青如草兹，赤如衄血，黄如积实，白如枯骨，黑如臭煤。

面上五脏部分相乘色：肝色青者本色也，赤者心乘肝也，黄者脾乘肝也，白者肺乘肝也，黑者肾乘肝也。心色赤者本色也，青者肝乘心也，黄者脾乘心也，白者肺乘心也，黑者肾乘心也。脾色黄者本色也，青者肝乘脾也，赤者心乘脾也，黑者肾乘脾也，白者肺乘脾也。肺色白者本色也，青者肝乘肺也，赤者心乘肺也，黄者脾乘肺也，黑者肾乘肺也。肾色黑者本色^②也，青者肝乘肾也，赤者心乘肾也，黄者脾乘肾也，白者肺乘肾也。

面上五脏四时相乘色：经言：青赤见于春，赤黄见于夏，黄白见于长夏，白黑见于秋，黑青见于冬，是谓五脏之生，五行相继也，为病轻；若肝色见青白，心色见赤黑，脾色见黄青，肺色见白赤，肾色见黑黄，是谓真脏之色，五行相克也，为病重。

① 事：原缺，据兰陵堂本补。

② 色：原作“心”，据兰陵堂本改。

面目死生色

《内经》曰：凡病面黄目青，面黄目赤，面黄目白，面黄目黑者，皆不死。《圣济经》云：脾真为本，而面黄必生者，以真气外荣故也，若面青目赤、面青目白、面青目黑、面黑目白、面赤目青者，皆死，谓无脾色外荣，而真气已绝故也。

鼻上色

《圣济经》曰：鼻端青为腹冷，黑为水气，白为无血，黄为胸寒，赤为有风，鲜明为留饮。

目内色

赤者心热，淡红者虚热，青者肝热，浅淡者肝虚，黄者脾热，无精色肾虚。

《金匱》死色

凡小儿病者，有黑色满面，或绕口入口，或延眉绕目，或暗人中者，皆死。有青色延面，连目入耳者死，目无精光，眼中有物，如横红针者死。

《外台》死色

凡小儿病者，面上有青黑色，如纱盖定，从发际至印堂者，不以疾状浅深，六十日死；至鼻柱者，一月死；至人中者，十日死，满面者，即日死。

诸处纹状候

耳后完骨上，有青脉如线三两路，卧不静者，此痢疾候，当刺掐破令血出，以为小治。若自肿破者，死候也。

手大指后，白肉鱼际之上，有筋络色青黑者，胃中有寒，赤黄者有热，赤青黑杂者寒热，若青而小短者少气。

叉手外，手大指第二指之间虎口上，有筋脉如线，看其颜色曲直，以诀其病，若纹直者是惊，曲者是伤，沉隐为风，曲外有冷，曲内为食。

歌曰：

虎口青纹直，情知四足惊，
黑色元因水，赤乃火飞禽，
淡红人惊发，湾紫有伤寻，
外冷内为食，沉稳定风生，
长大疾须重，短小得安平，
但看叉手处，病候验虚真。

第一指上仄三节，名曰三关。小儿有男左女右看之，有八般筋脉纹状，以验其病，名曰八片锦。最下一节，名为气关，有纹过者，病才觉重，诸病既生，则气不调顺，故名气关也。

第二节，名为风关，有纹过者，须发惊风，渐加困重，故名风关也。

第三节，名为命关，有纹过者，则病极面命危，故名命关也。



鱼刺形，主初惊。在气关主壮热吐泻；

在风关，主初惊才发；在命关，惊极难治。

歌曰：

形如鱼刺是初惊，遍体如汤面色青，
吐泻躁烦如似此，通肠和气便惺惺。




垂针形，主泻痢。在气关，主伤冷吐泻；在

风关，泻传惊风；在命关，惊传慢惊风极候。

歌曰：

形如悬针泻利多，发惊身热定违和，
此病若变惊风慢，命关已度是沉痾。



水字形，主肺惊。在气关，涎痰咳嗽虚

积；在风关，发惊喘哽涎；在命关，困不治。

歌曰：

形如水字肺家惊，虚积相传面色青，
膈上有涎须与治，命关若过更无宁。



乙字形，又曰中曲主食惊。在气关，主

食伤吐痢；在风关，传变风，乙形属肝，肝刑于脾；在命关，传慢脾风，不治。

歌曰：

形如乙曲病因肝，眼慢惊喘瘕痲偏，
冷积为伤传变此，慢脾风已度三关。



去蛇形，主内实外虚。




来蛇形，主

外实内虚。蛇中卷形，内外俱虚。此数样皆曲虫，又曰曲蛇，在气关，主疳积；在风关，主劳带惊；在命关，不治。

歌曰：


形如蛇曲病因深，脾积疳劳又带惊，
未过二关宜早治，若过三关更莫论。

 长者弓形，短者环形，主疳积。在气关，吐逆疳热，吃泥土；在风关，疳极羸瘦；在命关，不治。

歌曰：

形如环弓疳气黄，好食泥土是寻常，


 此病早求良医治，三关已到命飞扬。

 乱纹形主虫痢。在气关，主气不和，有

虫积，食诸生物；在风关，主虫咬，心腹痛；在命关，病因极难治。

歌曰：

纹乱纵横虫上寻，晓夜啼唬不可憐，
神佛求遍都无应，安虫取积得康宁。

 珠形死候。此候不拘^①三关上下，见者皆为死候。

歌曰：

琉^②珠死候不须医，便是沉痾莫疗之，
三关若见都体^③望，安排后事更无疑。

诸纹总歌：

鱼刺初惊候，悬针泻痢多，
水纹惊肺积，乙样是肝讹，
曲虫惊疳病，环弓一论过，
乱纹虫咬甚，琉珠病已痾。

五脏主病论

诸形证候

肝 脏

肝主风。肝病实，则目直叫哭，呵欠顿闷项急，治当泻之。肝病虚，咬^④牙多欠，口中气热，则外生风^⑤，口中气温，则内生风^⑥，治当补之。肝热^⑦则扞衣捻物，热甚则目直视^⑧不搐，风主动，又风淫末疾，热即风动于四末，故手扞衣捻物也。热入于目，牵其筋脉，则两眦俱紧，不能转视，故目直也，治当泻其心肝。肝有风则目连扎，风甚则身反折强直不搐，凡病新久皆引风，风动

止于头目，目属肝，风入于目，则目上下左右如风之吹，不轻不重，儿不能任，故目连扎也。风甚则风入于筋脉，筋脉紧急，故身反强直也，治当泻肝补肾。肝有热有风，甚则皆见惊证，不搐者，谓未得心热故也。若心热乘于肝，则子母俱有实热，风火相搏，面乃发搐，其抽掣之势，如风荡火也，治在惊疾门之中。若肝热扞衣捻物，壮热饮食喘闷者，肺乘之也，治当泻肺。肝于四时，冬相春王，夏衰秋绝，若在春肝王之时，早晨亦同，反见肺病乘肝者，是肺强肝怯也，治当泻肺补其肾。今肝虚补肾者，母能令子实也，甚则宜补其肝，或子母补之俱补。轻者肺病退则愈。重者目中淡青，必发惊。若更有赤者，当发搐也，谓怯则目淡青色。有心热则赤，故当发搐。肝虚实皆主风，若外感生者，则呵欠顿闷，口中气热，治当发散。若能食饮水不止者，当微下之，余不可下也。

心 脏

心主惊。心病实，则叫哭发热饮水，惕跳上窜发搐，治当泻之，心病虚，则卧面悸动不安，手足摇纵，治当补之。心病虚实皆主热^⑨，心实则喜仰卧，谓心气实则气上行涩，若合面卧，气则不通快，故喜仰卧，使气得上下通也，治当泻之。心热则视其口中气温，或合面卧而就冷，及上窜咬牙也。谓心热则胸亦热，儿虽不能言，有就冷之意，故合面卧也，治当泻热。若邪热乘心，则为惊啼，治当安神。心于四时，春相夏王，秋衰冬绝。若在夏心王之时，日中亦同，反见肾病乘心者，是肾强心弱也。治当补其肝心，泻其膀胱，今肾强而泻膀胱者，谓肾主虚而无实，泻其膀胱之腑，则脏不得盛也。轻者肾病退则愈，重者悸动不已，当发搐也。

脾脏胃附

脾主困。脾病关，则困睡身热，饮水能食，治

① 拘，原作“俱”，音同致误，据兰陵堂本改。
② 琉：兰陵堂本作“流”。
③ 体：原作“砵”，形近致误，据兰陵堂本改。
④ 咬：原作“前”，据兰陵堂本改。
⑤ 风：原缺，据兰陵堂本补。
⑥ 风：原缺，据兰陵堂本补。
⑦ 肝热：原作“肝气”，据兰陵堂本改。
⑧ 视：原脱，据兰陵堂本补。
⑨ 热：兰陵堂本作“搐”。

当下之。脾病虚，则身温四肢冷，吐泻生风，治当补之。脾寒者夜啼，脾属阴冷，即夜间发痛，故儿啼哭，治当温中。脾热者弄舌，脾热则舌络紧，故时时舒吐也，或时饮水，热则津液少故也，治当分解其热，不可用凉药下之。医者多疑其饮水为热，便以凉药下之，加面黄肌瘦，五心烦热，则为疳也，治在疳疾门中。若不因脾热大病未已，弄舌者凶也。又脾脏冷热皆主吐泻困倦。若吐乳色黄者伤热，吐乳色青者伤冷，四时之间，秋冬春三时皆冷多，唯夏暑时有热多。

胃附 胃热者，若吐泻昏睡露睛者虚热也，若吐泻昏睡不露睛者实热也。胃久虚热，多生疳病，胃冷者，若吐痰沫白绿水，不食腹痛，或泻青白利，谷不化者，胃虚冷也。若胃虚怯有汗者，但上至项，下至脐也。若面皤白无精光，口频撮，口中气冷，不思食者，胃不和也。又小儿筋骨未成，血脉未全，自小多啼哭者，胃啼也。脾胃二者，腑脏表里，人之司命，故同病也。肺于四时，王在四旁，证四季月。若于王时，反见他脏病乘脾者，是脾弱也。如春季三月木位土王之时，见肺来乘之。秋九月金位土王之时，见肝来乘之之类是也。他仿之。治当补弱为强，随证治之。轻者所乘之脏病退则愈，重者而目赤黄，脾怯也。

肺 脏

肺主喘。肺病实，则身温闷乱，气促喘急。治当泻之。肺病虚，则身热哽气，长出气。治当补之。肺热则手陷眉目鼻面，甚则吐稠涎，及咯血者。久则肺虚，治当补之。若虚热则唇深红色。治当解热。若实则涎痰潮吐。治宜下涎。肺气盛而热，又复有风冷者，则胸满气闷乱，喘嗽上气。当先治肺后散风冷。若肺只伤风者，不胸满也。但只散风。又肺有虚实寒热咳嗽者，并于咳嗽门论之。肺于四时，夏相秋王，冬衰春绝。若在秋肺王之时，日迭时同。反见肝^①病来乘肺者，是肝强脾怯也。肺怯则唇色白，若病而闷乱气粗，喘促哽气者难治，为肺虚损也。唇白者谓肺脾病久也。肺为肺之母，母子皆虚，不能相营了，故名曰怯。治当补脾肺而泻其肝也。轻者病退则愈，重者唇白枯者死，白泽者吉。

肾 脏

肾主虚。肾病无实，唯斑疮。肾实则变黑陷，

余无实病。肾病虚，则身冷无精光，畏明，体骨重，盖肾气不足，则下窜而骨重，惟欲坠于下而缩身也。又肾属水，阴也，虚则畏明。若因他病致肾虚者非也。又肾虚者，谓本怯，由胎气不成，精神不足，目中白睛多，面皤白无光，多解颅。此皆难养，纵长不过八八之数。若恣色欲，多不及四十而亡也。治并当补之。肾于四时，秋相冬王，春衰夏绝。若在冬肾王之时，夜半同。反见心病来乘肾者，是心强肾弱也。治当泻心而补肾。轻者心病退则愈，重者下窜不语。肾怯虚也。

凡病必视其新久虚实，假令肺病又见肝^②证，若咬^③牙多欠者则易治，谓肝虚不能乘肺也。若目直叫哭，项急顿闷者则难治，谓肺病久则虚，肝强而实，反胜其肺也。虚则补其母，实则泻其子。又病必视其五脏衰王时候，参其相乘胜负虚实，其顺易治，微邪是也。逆者难治。贼邪是也。五脏相反，随证治之。

凡病先虚，或已经下之，有合下之者，必先实其母，后下其子也。假如肺虚而痰实，此可下之证，当先益其脾，后乃泻肺也。诸病仿此。

凡病有热者，或疏利解化之后，无虚证者，勿得用温补之，若用之，热必随生。

诸死绝候

乔岳五脏绝歌

心脏 吐泻变为痢，血黑渴难当。心主血，心绝则血色变黑。虚燥而发渴。肌瘦难行坐，虚舌不缩藏。心主舌，绝则不能收。两脸如脂赤，痢久则面当无色，今面色反如脂者，心绝则虚阳上发也。无语口生疮。心主舌，绝则不能语。若向夏中得，更莫细思量。

肝脏 眼目时时涩，浑身似醉人，频频只要睡，心烦又多瞋。肝主目，绝则不能开，故涩而只要睡。又肝主筋，力绝则如醉人，不能举也，又肝主怒，绝则多怒不止也。唇白眼胞肿，狂躁足啼声，东方应此候，病则不宜春。

① 肝：原作“肺”，据兰陵堂本改。

② 肝：原作“肺”，据兰陵堂本改。

③ 咬：原作“前”，据兰陵堂本改。

脾脏 面色黄时好,不可见相传,体弱憎寒甚,虫行觅食餐。脾主肢体,绝则体弱。又脾绝则肾逆乘之,故发热憎寒,脾绝则胃热,故虫不安而上吐出。吃乳唇无力,齿露盖时难。脾主唇,绝则不能收掩其齿,又不能吮乳。眼倾休下药,眼眶属脾,绝则倾陷。免更住人间。

肺脏 肺候应白色,莫使见绝形,鼻青孔燥黑,腹胀眼胞倾。肺主鼻,绝则肺逆乘之,而色青,又肺绝则无涕,故孔黑燥也,肺主眼胞,绝则陷之。项直喘气急,胸凸没回声,肺主气,绝则喘急项直,以引气也。气绝则胸中满凸,但有出气而无回气也。秋间逢此候,四方别托生。

肾脏 冷汗时时有,尿多夜里惊,肾绝则阴阳相离,故冷汗出而小便不禁,精者神之舍,绝则精神离,故夜里多惊,肾属阴,夜亦属阴故也。遍身生粟疥,手足冷如冰,阳尽不能充暖故也。项倒头难举,面黑没精神,肾绝则天柱骨倒,面目皆黑无精神也。此候应壬癸,冬得殒其身。

王叔和死证歌

眼上赤脉,下贯瞳人。凶门肿起,兼及作坑。

鼻干黑燥,肚大青筋。目多直视,都不转睛。指甲黑色,忽作鸦鸣。虚舌出口,啮齿咬人。鱼口气急,啼不作声。蛔虫既出,必是死形。用药速急,十无一生。

钱乙死证

泻不定,精神好;大渴不定,止之又渴;吹鼻不喷;病重口干不睡;时气唇上青黑点;颊深赤如涂胭脂;鼻孔开张,喘急不定,面有五色,不常不泽。

诸般死证

病困汗出,如珠不流。头毛上逆,唇口枯干,口鼻冷气。头足相抵,卧正如缚,四肢垂弹^①,手足掌冷。

通真子死候歌

凶陷唇干目直视,口中冷气卧如痴,身形强直手足软,掌冷头低尽莫医。

小儿卫生总微论方卷第二终

^① 弹(duǒ朵):垂下貌。

小儿卫生总微论方卷第三

变蒸论

小儿在母腹中,胎化十月而生,则皮肤、筋骨、腑脏、气血虽已全具,而未充备。故有变蒸者,是长神智,坚骨脉也。变者易也,蒸者热也,每经一次之后,则儿骨脉气血稍强,精神性情特异,是以《圣济经》言,婴孺始生,有变蒸者,以体具未充,精神未壮,尚资阴阳之气,水火之济,甄陶以成,非道之自然,以变为常者哉。故儿自生,每三十二日一次者,以人两手十指,每指三节,共骨三十段,又两掌骨共三十二段,足亦如之。以应之也。太仓公曰:气入内,支长机骨于十变者,乃是也。《圣济经》又曰:变者上气,蒸者体热。上气者,则以五脏改易,面皆上朝脏真,高于肺也。体热者,则以血脉敷荣,阳方外固,为阴使也。故变蒸毕而形气成就者也。亦由万物之生,非阴阳气蕴热蒸,无以荣变也。儿自生三十二日为第一变者属肾,又三十二日再变且蒸者属膀胱,肾与膀胱为表里,共六十四日也。其变则耳与骹骨皆冷者,肾为水,水数一,故为变蒸之始也。又三十二日为第三变属心,又三十二日为第四变且蒸属小肠,心与小肠为表里,共一百二十八日也。其变则汗出而微惊者,心为火,火数二,故为变蒸之次二也。又三十二日为第五变属肝,又三十二日为第六变且蒸属胆,肝与胆为表里,共一百九十二日也。其变则目不开而赤者,肝为木,木数三,故变蒸之次三也。又三十二日为第七变属肺,又三十二日为第八变且蒸属大肠,肺与大肠为表里,共二百五十八日也。其变则皮肤热,或汗或不汗者,肺属金,金数四,故为变蒸之次四也。又三十二日为第九变属脾,又三十二日为第十变属胃,脾与胃为表里,共三百二十日也。其变则不食腹痛而吐乳者,脾为土,土数五,故为变蒸之次五也。后又六十四日复一大蒸。四次积二百五十六日。大蒸毕,凡五百七十六日,大

小变蒸数足,其血脉充荣,则手受血而能握,足受血而能步,此亦手足之应也。其变蒸之候,体热微惊,耳冷骹冷,上唇头有白泡起,若鱼目珠子,脉乱或汗或不汗,不欲食,食则辄吐,目白者重,目赤黑者,微闭而不开,至变蒸了,自然明矣。其轻者五日面衰,重者十日而衰,或先期五日,或后之五日,或十日之中,热乃除耳。若热甚连日不歇,不得惊动,勿令旁边人多而语杂,不可妄行灸刺,但少与紫丸微利之,则热便止矣。或用孙真人、《肘后》黑散子、粉香散调治亦可,唯不可余治。若伤寒时行温病,及惊热温壮等候,虽与变蒸频皆相似,耳热骹热,唇上无白泡珠,乃为他病,各从其证为治。若于变蒸内有寒,加之寒热交争,脐腹天矫,啼不止者,熨之则愈。

变蒸赋

看病婴儿,先明四时。既有变蒸之状,还如温壮之推。寒热初来,慎一七而方退;周期未满,当四八以重期。原夫魂魄将成,筋骸始荣,开舒腠理,遍彻奇经。运用而阴阳以正,往来而血气初平。顿觉精神婴婴,全然有异;未知蒸变一一,仔细须明。肝者干也,东方所属。为木象之三数,发形证于两目。浑身壮热,令瞳子以无辉;遍体昏沉,为神魂面未足。四数于金,二由在火,咳嗽频频,汗珠颗颗。两日间嚏喷仍加,数夜里虚惊又可。暗增骨髓,学反复以番身,渐长性情,畏傍人而恋我。脾土五呼,肾水一称,谷气暗引,精志时增。乳哺甘甜尻骨成面独坐戏,经络流利掌骨具而匍匐能。次后筋脉之稍更,膝踝之渐变。气血先荣于四肢,光彩遂滋于满面。亭亭立犹未稳,喽喽语尚声颤。手足受血,移步行而堪怜;耳目遍神,意智生而可羨。斯由呼吸以定,肌体乃厚。两气而外阳内阴,一息而人鼻出口。期来应节,自然腑脏充盈;将养乖宜,致得风邪甚有。于是发竖无润,乳嘔吐口,珠起丹唇,冷浸骹耳。或肠鸣而微利,或惊啼面勿喜。经云:蒸即蒸血

肉之坚，变即变形神之正矣。

治方^①

紫丸 治小儿身热，变蒸不解，及温壮伤寒，乳哺失节，宿滞痰癖，腹满吐衄，便利不调等疾。亦治食痢，先寒后热。

代赭石火煨，醋淬，十次 赤石脂各一两 巴豆三十个，去皮、心、油 杏仁五十粒，去皮、尖

上上二味为细末，下二味捣成膏，相和更杵二千下相得。若硬，入少蜜，同杵作剂，密器中收之。三十日儿，服麻子许分丸。乳汁送下，候食顷之后，方与少乳，勿得多与，至日中当小利，即除热。若未除，明旦更一服。百日儿，小豆许。以此准量加减。夏月多热，喜令发疹。每二三十日，辄一服甚佳。

黑散子 治婴小身热，变蒸不解，及挟时行温病。

麻黄去根、节，二分 大黄一分 杏仁一分，去皮，二分，和皮用

上都烧存性，为细末。每服一字或半钱，量大小加减，以水半银盏，煎少许，须抱儿于暖避风处，连进二三服，取微汗，候身凉，以粉香散扑之。一方只炒黑用。

粉香散

蚌粉不以多少，研极细，水飞过 麝香少许，研上匀末，用锦裹，扑粉儿身。如已凉，胃气未和，不快美乳，服观音散。方在后。

熨法 治小儿变蒸，内有寒加之。发寒热交争，脐腹夭矫而痛，啼不止。

灶中灰 食盐

上二味，量其相等和匀，炒令热，以重帛裹，适温热熨儿，仍不可太热，恐惊烙儿也。

已上凡儿于变蒸之内，若遇身热脉乱，汗不出，不欲乳食，乳食后辄吐者，必审其日数，度是变蒸之时者，虽有是证，无所苦也。陈知军云：小儿变蒸，但以四君子汤加茯神与服。其方白术、人参、茯苓、茯神各半两，甘草炙三钱，同末，薄荷汤调下一钱，慎不可余治，及服惊药，恐冷伤胃气也。

脉理论

凡儿粟受脏腑气血，荣卫形体，虽有生皆全，然于未语之前，变蒸之际，则血气未充，肤革未固，筋骨未坚，脉状未成，若有病也，难为诊切，又难访问，是以先贤言婴小之病难治者，以无承据也，故立其观视形色之法焉。儿自生，积五百七十六日，大小变蒸数毕，则气血荣，精神异，筋骨壮，脉理全，然后方可诊切，又能言问也，或以谓小儿之脉与壮老不同者，是不达诊治之大体也，凡脉之长短迟速，在因形以别之，不必拘于至数。经言，小儿脉多雀斗，要以三部为主。其脉小数小细者平也，诸家所言甚众，今择其当者具之。孙真人云，小儿之脉，固难分表里，今撮其要者，不出数条。

其总目歌曰：

小儿有病须凭脉，一指三关定其息。小儿臂短，难以布其三指以分三关也，以一指诊之。

浮洪风热数为惊，虚冷沉迟实有积。

浮脉为风，秋得之曰平。余时得之，主伤寒，头疼壮热。或夜热昼凉，咳嗽嚏喷，鼻塞清涕，呕逆不食。歌曰：

浮为风兮秋日平，余中风寒头目疼。

壮气夜极鼻清涕，嚏喷咳嗽吐食频。

洪脉为热，夏得之曰平。余时得之，主风热壅盛，身体温壮，疮疡血泄。歌曰：

洪为应候夏时和，余须发热壮温多。

风壅作惊或疮肿，有时泄下血滂沱。

数脉为惊，春得之曰平。余时得之，主惊风抽掣。脉数小者，多睡惕跳，直视怕怖，盗汗非时，咬牙吐舌，微吐喘息。脉数大者，一两日间，必发搐搦也。歌曰：

数为惊候春日长，余时小数睡惊扬。

喘息直视舌颜吐，大数潮搐发沉殃。

沉迟为虚冷，冬得之曰平。余时得之，主脾胃虚弱，泄泻滑肠脱肛，吐痢不止，日渐尪羸，以成脾困，或作疳劳。歌曰：

① 治方：兰陵堂本作“变蒸治方”。

沉迟之脉冬日安,余时脾胃弱虚言。

泄泻滑肠肛脱出,吐利疝羸瘦变疳。

实脉为积滞,四时得之,皆主食伤积聚,面黄腹胀,发焦烦渴,吐衄腹痛。歌曰:

实脉含伤积滞言,壮热腹胀发毛干。

吐痢肚疼或为癖,四时无异一般看。

《宝鉴》四时脉,谓春弦、夏洪、秋浮、冬沉。四季缓,各推其王相表里以察其病,假令春得弦而浮者,病在表在腑,为阳为顺,病则易治;若得弦而沉者,病在里在脏,为阴为逆,病则难治。余时仿之。

王氏脉歌曰:

小儿乳后辄吐逆,更兼脉乱无忧虑。

弦急之时被寒缠,脉缓即是不消乳。

紧急细弱亦少苦,虚濡邪气惊风助。

痢下宣肠急痛时,浮大之脉归泉路。

《脉经》曰:小儿之脉疾,一息七八至曰平,不及曰损,太过曰至。

通真于歌曰:

小儿三岁至五岁,呼吸须将八至看;

九至不安十至困,短长大小有邪干。

又曰:

小儿脉紧是风痛,沉脉须知乳难化,

腹痛紧弦牢实秘,沉缩有热在骨间。

死证脉

脉来三动而止不见者死,脉来速如弓弦硬直者死,脉来瞥然不见者死。歌曰:

三动而止不来凶,速硬如弦劲在弓,

瞥然至而反不见,皆为死脉定由宗。

诸般病脉

脉弦者为风寒,弦数者为疳;脉急者为气不和或为客忤;脉紧者为痛,紧数者惊痫;脉浮者为风,浮紧者惊风;浮大者伤寒,浮虚者盗汗,浮数者风热;脉伏者为气滞;脉缓脉细者皆为冷为乳不化;脉虚脉濡者为虚弱为惊,虚濡者慢惊风,虚紧者伏热,脉沉重者为有积,沉数者骨间冷,一云骨间热。沉迟者虚冷,沉缓者伤食;脉牢紧者癖聚,牢实者肠秘;心脉满大、肝脉小急者

惊痫,心脉数小者疳淋,数急者热。寸口脉直上直下者为惊;寸口脉大小脉不匀乱者变蒸;左手寸口无脉,心痛中热,呕逆口疮,或咳嗽,喉中哽声,头汗出而热,此乳母食冷以乳儿所作也,又脉乱者吐逆;右手寸口无脉,胸满短气,吐逆噫啰,喉中响,此乳母抱儿冲冒风寒所作也。

凡脉如雀啄而紧者风痛。

凡脉大小不依部次者恶候。

凡小儿脉疾,呼吸八至曰平,九至曰病,十至曰困。

凡小儿脉虚者病亦虚,轻手得也。脉实者病亦实,重手得也。故急惊脉促急,慢惊脉虚微。

诸身热论

凡小儿有病,皆须身热,其证不一,今条而具之。

小儿于某时间发热,过时即退,至来日依时发热,昼夜同。此为潮热,欲发惊也。小儿身热,但一向壮热不已者,此为壮热,甚则发惊也。

小儿身热,但温而不甚壮热,此为温热。

小儿身热,口中气热,叫哭无时,呵欠顿闷,而目青色,此为风热,甚赤发惊。

小儿身热,饮水悸惕,手足摇动,上视弄舌,印内青筋见,掌中赤,怕物生涎,此为惊热。

小儿身热,面赤时久不退,睡觉颠叫,气急发渴,胸高涎壅,此为积热,与壮热相似,但胸高涎壅为异,乃脏腑积蕴热毒,三焦膈腕壅滞也。又摇头顶硬者,亦三焦膈腕壅也。

以上皆甚则发搐。治在惊痫门中。

小儿身体发热,气促鼻塞,清涕嚏喷,寒毛立,眼泪出,或出痰水,此为伤寒。治在伤寒门中。

小儿身热,时发时退,退但肚热,或夜发热,面黄腹胀吐泻,乳食不化,粪酸臭异常,此为食伤。治在伤食门中。

小儿夜发热,晓即如故,多涎喜睡,此肺虚发热也。此与食伤夜发热相似,须要识之。况二证余候各皆不同,食伤者可下,肺虚者不可下。下之则失津液,发渴引饮。昔钱乙治朱监簿子五岁,夜发热,晓即如故。众医作热,以凉药解之不

愈，其候多涎喜睡，又以药下其涎，病益甚，至五六日，大引饮，请乙治之，乙曰：不可下，乃取白术散煎汤三升，使任意取足服。朱曰：饮多不作泻否。乙曰：无生水不能作泻，纵利亦不足怪，但不可下耳。朱又曰：先治何病？乙曰：止泻治痰，退热清神，皆此药也。服尽，又作两次与服，其于不渴无痰，又投阿胶散二服而安。是此证也，钱乙方本集载之。小儿每早食后发热，至夜则凉，此为血热。治方在后。小儿身热，形瘦多渴，饮食不为肌肉，此为疳热。治在疳门中。

小儿血气旺盛，发渴引饮，大便黄坚^①，小便赤少，四肢身体翕然而热，此为胃实热也。治宜下之。

小儿身热微惊，耳冷颧冷，上唇头有白泡起，如鱼目珠子，或汗或不汗，此为变蒸。治在变蒸门中。

小儿身热，昏睡惊悸，喜嚏喷，耳尻冷，此为疮疹候。治在疮疹门中。此与食伤变蒸相似。伤寒耳尻皆热，变蒸唇上有白疣泡珠于为异。

小儿身热者，更有内外，在内者多饮水得之，在外者多因风寒得之。钱氏有云：小儿身热饮水者热在内，身热不饮水者热在外，此大概之验也。在内者宜下之，在外者宜散之。

若小儿积蕴内外，伤感表里，浑身俱热，颊赤口干，小便赤，大便焦黄少者，先以四顺清凉饮于，利动脏腑，热即退矣。既而复热者，是里热已解，而表热未去，复以惺惺散，或红绵散加麻黄，微发其汗，表热乃去。既去又复发热者，世医尽不能晓，再下再表，皆为不可，误伤多矣。此表里俱虚，气不归元，阳浮于外，所以再发热也，但以六神散和其胃气，则收阳归内，身便凉矣。

阎孝忠论

小儿壮热，伤风温疫，伤寒风热，疮疹伤食，率皆相似，未能辨认之间，但与升麻葛根汤、惺惺散、小柴胡汤服之，甚验。盖此数药通治之，不致误也。惟伤食者，则大便酸臭，乳不化，畏食或吐，宜与微下之。

孙真人论

小儿内外气盛，眠时小惊或微觉伤风伤食，

又虑变蒸身热者，但以紫丸方已在煎变蒸门下，或龙胆汤为治。此二药无所不疗，虽微利动，以减盛气，亦不虚人。小儿粪黄而臭者，此腹中有伏热也，宜服龙胆汤。若粪白而酸臭者，此挟寒不消也，宜服紫丸。但少与，令内消，甚者小增，令微稀溏，皆须节乳哺一两日，令胃气平和。若不节，则病易复，复则复下，伤其胃气，令腹胀满，若至再三下之，则过伤矣。

诸治方^②

治小儿潮热温壮，**胜金散**。

雄黄一钱，水飞 白附子半钱 甘草半两，炙
芍药半两，水煮十沸，焙干 南星半两，炮 荆芥穗一分

上为末，每服半钱。水一小盏，入薄荷三叶，煎至五分盏，去滓温服，无时。

治小儿潮热发躁，**金花散**。

川大黄一两 秦艽去芦，半两

上为末，每服一字，或半钱。水一小盏，入青蒿三两叶，葱白二寸同煎，至五分盏，去滓温服。若变骨蒸劳气，用童子小便浸青蒿、葱白煎药。

治小儿潮热减食蒸瘦，**秦艽散**。

秦艽去芦，切，焙 甘草炙，各一两 干猫儿薄荷叶半两，切，焙

上为末，每服一二钱。水一中盏，煎至五分盏，去滓，食后温服。

治小儿虚热潮作，亦治温壮，及解伤寒，**地骨皮散**。

知母 柴胡去芦 甘草炙 半夏汤洗七次，切，焙 人参去芦头 地骨皮去骨 赤茯苓去黑皮，各等分

上为末，每服二钱。水一盏，生姜五片，煎至六分，去滓，食后温服，量大小加减。

治小儿温壮身热，脸赤烦渴燥闷，**凉肌丸**。

龙胆草去芦，二两 玄参去芦，一两 当归去芦，洗净，一两

上为细末，炼蜜和丸绿豆大，每服二十九。

① 坚：原作“紧”，据兰陵堂本改。

② 诸治方：兰陵堂本作“身热治方”。

竹叶汤下，儿大增之，无时。

治小儿温壮风热，**牛黄膏**。

寒水石四两，煨出火毒 雄黄一两，水飞 山
梔子仁一钱半 甘草一分，炙 牙消一两 铅白
霜半两

上为细末，入麝香少许，炼蜜和旋，取皂子
许，薄荷水化下，乳食后。

治小儿温壮风热，睡卧不稳，咳嗽喘急，**克
效散**。

龙脑薄荷叶二两 白僵蚕去丝、嘴，半两，微炒
玄胡索去皮，半两

上为末，每服半钱，或一钱。蜜汤调下，无
时。

治小儿风热惊热，眠睡不安，**镇心丹**此胡御
带秘方，许宣赞传。

铁粉一分 蛇黄一两，煨，醋粹七次 代赭石
半两，煨，醋粹十次 马屁勃半两 麝香一分，别研

上为细末，炼蜜入糊，丸如小豆大，每服一
粒。磨剪刀环水化下，食后，亦治惊痫发搐。

治小儿风热昏塞，躁闷不食，**梨汁粥**。

上以鸭梨三枚切碎，以水二升，煮取汁一
升，去滓，入粳米一合，煮粥食之。

治小儿惊热如火，亦治温壮，**龙齿散**。

上以龙齿为末，调服，或以烂龙角研浓汁，
服一二合。

又方 **人参牛黄散**

上以人参，牛黄等分为末，以薄荷水调下最
佳。

又方 治如前。

上以竹沥二合，温之，分三四服，无即刮竹
茹，以醋煎温服。

治小儿积热啼叫，三焦壅滞，**青金丹**。

青黛四两 甘草二两，生末 蝉壳去足，一两，
末 麝香一钱，研 辰砂一分，研，水飞 牛黄别研
脑子各三铢 龙齿末半两 天竹黄半两

上为细末，以饴糖和丸鸡头大，每一粒分四
服，温水化下，无时。

治小儿积热痰实，三焦蕴毒，及风热而赤，
大小便秘涩，**犀角丸**。

生犀末一分 人参去芦，半两 黄连去须，一

两 枳实去穰，半两，炒 槟榔半两 大黄二两，酒
浸，切片，以巴豆一百个去皮，贴在大黄上，纸裹，火上
蒸三次，切碎，炒黄焦，去巴豆，只用大黄

上为细末，炼蜜和丸，如麻子大，每服一二
十九丸，临卧时熟水下，未利加丸数，疏导极稳。

治小儿诸热，**四顺饮子**。

地骨皮去骨 防风去芦，并叉枝 山梔子去壳
取仁 连翘各等分

上为细末，每用一钱或二钱，水一小盏，入
灯心、竹叶少许，煎至五分盏，放冷服，无时。

治小儿诸热，**甘露散**。

牙消一分 龙脑薄荷叶一两 大黄半两 甘
草半两，炙 芎藭一分 雄黄一分，水飞

上为末，每服半钱，蜜水调下，无时。

治小儿诸热烦躁，**牛黄散**。

上郁金大者，湿纸裹，慢火煨熟为末，入牛
黄少许，冷水调下，大者一钱，小者半钱，无时。

治小儿身热不痊。

上以熟汤研郁李仁，如杏酪，一日服二合。

又方

上以鸡卵一枚，和白蜜服之。

小儿于立夏之后，有病身热者，慎勿妄为吐
下，但以除热汤浴之，除热粉粉之，赤膏摩涂之。
出《千金》。

除热汤

上以白芷根苗、苦参^①等分为粗散，用清浆
水煎，更入盐少许，以浴儿，浴毕用粉粉之。

又方

白芷、苦参、秦皮煎汤，或无众药，但得一味
煮汤皆可。

又方

上切李叶一升，水七升，煎至五升，适温暖
用之燥浴，或只用楮叶亦可。

凉肌粉

上以白芷、枫叶、藁本、苦参、黄连等分为细
末，每用三钱，以蛤粉二大块，同研匀细，人生绢
袋子，每浴了，以扑身遍，令匀。亦治夏月伏喝，
遍身生赤痱子，用之极妙。

① 参：原脱，据兰陵堂补。

赤膏

丹砂 雷丸 芒硝 戎盐 大黄各三两

上切碎，用苦酒半升，浸四物一宿，以炼成猪脂一斤煎，三上三下，去滓，入芒硝成膏，每用以摩心下，及涂脐中。

治小儿血热，早食后发热，至晚则凉，**猪胆丸**。

胡黄连 宣黄连去须，各半两 赤芍药一两

上为细末，以猪胆汁和成剂，却入在胆皮中，悬铤上，用浆水煮，勿令浆水入，煮熟取出，丸如绿豆大，每服三十丸，米饮汤下。食后临卧日三，有生瘰疬一证，亦早食后身热，颇相似，但以鼻衄泄泻，宜审辨之。

牛黄膏 治小儿疳热引饮，亦治伤风湿壮。

雄黄研，水飞 甘草末 川甜硝各一分 郁金末一钱 脑子一钱，研 寒水石生，一两，飞研 绿豆粉半两

上同为细末，炼蜜和成膏，每用半皂子大，薄荷汤化下，食后。

治小儿里热，头昏颊赤，口内热，小便赤，大便少，要微挨动脏腑即安，**四顺清凉饮子**。又治睡卧不宁，五心烦热，四肢抽掣，及乳哺不节，并寒温失度，热久连绵，欲发惊痫，目赤口疮，疮疹余毒。

大黄湿纸裹，煨熟，一方生用 当归去须，洗 赤芍药 甘草炙，各等分

上为末，三岁上儿每服一钱。水一盞，煎至七分盞，分二服，更量大小加减，食后温服。

治小儿外热，要微发汗即愈，**惺惺散**《良方》名桔梗散。治小儿风热，及伤寒时气，疮疹发热等。

桔梗去芦 细辛去苗 人参去芦 甘草炙 白茯苓去黑皮 栝蒌根 白术各等分

上为细末，每服一钱匕，水一小盞，入薄荷三叶，同煎至六分，去滓温服。凡伤寒温壮，变蒸疮疹未辨，皆可服。

治小儿风湿体热，头目不清，**红绵散**。

白僵蚕去丝、嘴，二两，炒 天麻一两 天南星二两，薄切作片子，油炸黄 苏木节二两半，别研

上为细末，每服一钱，水一小盞，入绵少许，

同煎至五分盞，去滓温服。若伤风有表证发热者，于本方中入去节麻黄半钱同煎。若有里热，心躁烦渴者，入滑石末半钱同煎。

治小儿发热已经汗下仍热者，**六神散**。

人参去须 白茯苓去黑皮 干山药 白术 甘草炙 白扁豆

上为细末，每服一钱，水一小盞，入枣一枚，擘破，生姜三片同煎，至五分盞，通口服。此药用处甚多，治胃冷加附子，治风证加天麻，治诸利加罌粟壳。若服之热犹未退，更与银白散治之。

银白散

干山药 白术 白茯苓去黑皮，各半两 知母 人参去芦 白扁豆 甘草炙 升麻各一分

上为细末，每服一钱，水一小盞，枣一个同煎，至五分盞，温服。无时。

治小儿温壮惊风，及伤寒身体发热，或作疮疹，于初身热未辨之间，并宜服此**升麻葛根汤**。

干葛细锉 升麻 芍药 甘草炙，各等分

上为粗末，每服二钱，水一小盞，煎至五分盞，去滓，温服。无时。

治如前，**小柴胡汤**。

柴胡去苗，二两 黄芩 人参去芦，各三分 半夏六钱，一字，汤浸七次 甘草三分，炙

上为粗末，每服二钱，人生姜三片，枣一枚，水一小盞同煎，至五分盞，去滓温服。无时。

治小儿自出腹来，血气实盛，发热不歇，及食不消，变蒸不解，客忤鬼气，温壮寒热，并诸惊痫，悉皆主之，**龙胆汤**。

龙胆去芦 钩藤 柴胡去苗 黄芩 桔梗去芦 芍药 茯神去木 甘草炙，各一分 蛭螂二个，去翅、足，炙焦 大黄一分，锉碎，微炒。《千金》一两，疑太多

上为粗末，每服一钱，水一小盞，煎至五分，去滓温服。无时。

治婴小壮热，未能服药者，**粉方**。

寒水石 芒硝 滑石 石膏 赤石脂 青木香 大黄 甘草 黄芩 防风去芦、叉枝 芎藭 麻黄根各等分

上为末，每用药末三合，入牡蛎粉一升，细蛤粉亦可，相和再罗细，用以粉儿，日二次。

桔梗^① 治小儿风热温壮，或伤寒时气，疮疹未发，并宜服之，仍兼小黑膏服尤善。

桔梗去芦 细辛去苗 人参去芦 栝蒌根
白术 甘草 川芎 白茯苓去黑皮，各等分

上为末，每服二钱。水一盏，入生姜三片，薄荷三叶同煎，至七分盏，三岁已下儿作四服，无时。

小黑膏

川乌 南星各一枚，大者

上入一小瓶子内，用湿纸密搭封口，慢火烧之。候火灭取出，削取中心所存白处，如皂子大用之。须烧数枚，择中度者方用为末。次入薄荷叶、玄参末各五钱匕，研匀，炼蜜和成剂。每用旋攀^②，豆许丸之，葱白汤下，频频服。若筋脉或缓或急，加乳香同葱白汤下之。

治小儿发热极甚，因伏留心经，昏冒不省，或误服热药，畜热所致，用之神效。

以生梅花脑子半字或一字，取新杀猪心中血一两滴，同研作一丸，新汲水少许化下，大良。未省，即再服一粒。

治小儿惊热，以水磨犀角汁服之。

薄荷散 治小儿风热温壮及伤寒、伤风、疮疹未辨之间，皆可服之。

薄荷叶 藿香叶去土 荆芥穗 甘松去土
白芷 防风去芦，并叉枝 川芎 桔梗去芦
白僵蚕去丝、嘴 甘草炙 藁本去土，各一两 细辛去苗，半两

上为末，每服一钱，茶调温服。亦治大人风气不顺，头面风等疾，大能清利头目，止昏眩，聪明耳目。

小儿卫生总微论方卷第三终

① 桔梗，疑“梗”下脱“散”字。

② 攀(jué决)：同“绝”，断绝，折断。

小儿卫生总微论方卷第四

惊痫论上

欲发搐

小儿惊痫者，世俗之总名，须分轻重也。轻者但身热面赤，睡卧不安，悸惕上窜，不发搐者，此名惊也。重者上视身强，手足拳，发搐者，此名痫也。其发搐之病，最为重大。必有因渐，亦有将发之候，以明之也。养小儿之家，若能辨之，求治于未发之前，不惟易愈，又不至于危殆，今集欲发搐候下项。

目上视喜惕者，欲发搐也；身热项强，常汗出者，欲发搐也；手足喜振掉者，欲发搐也；摇头弄舌者，欲发搐也；喜欠目直面青者，欲发搐也；潮热或壮热不歇者，欲发搐也；睡中时笑，或狂语言，手足摇动者，欲发搐也；鼻中燥，大便小便不利者，欲发搐也；发上逆啼，而暗色不变者，欲发搐也；身热吐哕喘粗者，欲发搐也；噫气下而妄怒者，欲发搐也；鼻口青，喜松悸者，欲发搐也；咬牙甚者，欲发搐也；目直色赤或青者，欲发搐也；瞳子卒大异常者，欲发搐也；而色青黄，上窜气急者，欲发搐也；眼斜视者，欲发搐也；咽乳不和或噎乳，唇舌紧者，欲发搐也；涎盛膈壅，呀呷有声者，欲发搐也；卧而不安，身热不乳，数惕恍者，欲发搐也；体热口中气亦热，面目青，呵欠顿闷者，欲发搐也；掌中赤，印内青筋见，怕物生涎者，欲发搐也；吐利不止，厥痢时起者，欲发搐也；唇口颊腮赤，手足心皆喜冷者，欲发搐也；目痴昏闷，撮口吐舌者，欲发搐也；身热小便难，或目直视，或视不精，皆欲发搐也。

孙真人曰：小儿睡眠不稳，或身热之时，见有诸小惊之证，辄紫丸微下之，减其盛气，令终不病痫发搐也。月用一次甚佳。方已在前变蒸门中。

已发搐

发搐之候，世俗所说者多矣，有言一证属一脏，一证属一腑。乔岳歌曰：小儿惊候有多般，不显根源见病难；睡裹咬牙惊人肾，非时吊眼病归肝；夜啼到晓元因肺，唇白而青一般看；前后心烦四肢热，面红如火向心间；干呕吃水脾惊患，脉微气喘一同言。汉东王氏言：非时吊眼惊人肝，睡后咬牙惊人肾，夜啼到晓惊人小肠，而青乍白惊入胆，气喘吃水惊人肺，而红脸赤惊入心，五心烦热惊入脾，喉中锯响惊人大肠，干呕无时惊人胃，睡中啼哭惊人三焦。如此之类，言至百种，丛脞^①无据，何以为治。又有言惊发三次为痫者，第一次发，两太阳左右青脉朝眼。第二次发，山根青脉见。第三次发，眼下脸连金匱青脉见。又言发搐而赤，指内青纹见者为痫。又云耳后完骨上青脉如线者为痫。此等之论，亦为臆说。大抵不发搐者为惊，发搐者为痫也。《千金》论痫证，大体只分三种：一曰风痫，因解脱衣袂，触冒风邪而作。其证先屈指如数乃发，口中气热，呵欠顿闷，手足摇动，治当发散；二曰惊痫，猛闻大声，或扑扑惊怖而作。其证先叫啼乃发，心神不宁，不可下之，下之内虚，则病益盛，治当安神去热；三曰食痫，因乳哺失节，或有积而作癖。其证先不乳而吐，先寒后热乃发。其证身体或温或热，多睡喜唾，吐逆腹胀。故小儿有癖积，脉大者必发痫，治当下之。此三种内，风惊二痫，时时有之，食痫者十中无一，下之便愈。详此三种，虽诸病皆能变痫，莫不缘于风惊食之所作也。又《内经》有云：五脏主五畜，其间发重者，各见其象。肝为犬痫，目直视，身反折，手拳犬鸣；心为马痫，张口摇头，背强硬马叫；一云心为羊痫，目瞪吐舌羊叫。脾为牛痫，目痴腹满牛叫；肺为鸡痫，摇头反折，手纵搐搦鸡叫；肾为猪痫，目

^① 丛脞，陆龟蒙《笠泽丛书序》：“丛脞，犹细碎也。”

横身直如尸，吐沫猪叫，已上论痫发者，乃诸书精要也。然不若钱乙所论发搐者，乃心肝二脏为病也，其理有据而妙。肝主风，心主火，风火相加，发而为搐。前论小儿诸病，新久皆能变痫发搐者，以人有病，则饮食退减，脾胃不旺，肝必凌之。引动肝风，肝又主掣，若不得心火，则不能发搐。又人有病，则气血错乱，心神不宁，引动心火，心又主惊，若不得肝风，亦不得发搐也。须肝心二脏相为子母，俱有实热，风火相搏，惊掣相持，乃能发搐。其状亦如风之火荡，焰炽掣然也。故肝心二脏为病之源，余脏虽不正主，亦有相乘兼见之证。及所发亦有其时，假如钱论潮热变发搐，在早晨寅卯辰时者，此肝用事之时也。身体壮热，目上视，手足摇动，口生热涎，项颈强急，此肝旺也。钱治补肾泻肝，是谓补其母而泻其子也。发搐在日中巳午未时者，此心用事之时也。心惕目上，白睛赤色，牙关紧急，口内涎生，手足摇动，此心旺也。钱治泻心，心热退则肝母亦不能旺，是谓子能令母虚也。发搐在日晚申酉戌时者，此肺用事之时也。目微斜视，不甚搐而喘，身热睡露睛，手足冷，大便黄水。钱治泻其肝心，而补其脾。发搐者心肝实为病之源，故泻之；手足冷，大便黄水者，脾虚候也，故补之。发搐在夜间亥子丑时者，此肾用事之时也。不甚搐，眠卧不稳，身体温壮，目睛紧斜，喉中有涎，大便银褐色，乳食不消，多昏不纳津液。钱治但泻其心而补其脾。且心肝二脏为病之源，今独泻其心，而不泻其肝者，此本因潮热所作，发在肾用事之时，是肾虚心热极甚也，故但泻其心，热退则肝亦平矣。若更泻肝，则肾转虚矣。其大便银褐色，乳食不消，不纳津液，皆脾衰之证，故补其脾也。以上四脏，分主十二时，脾脏为兼见之证。此潮热发搐，治则惟泻心肝者，盖二脏俱实，为病之源故也。其肺脏有虚实之证，见虚则补，见实则泻。况发搐是心火旺所作，而肺金实证亦罕，惟偏搐者有之，外肾脏但主虚而无实，见其虚则补之。《内经》有云：虚则补其母，实则泻其子，先补其母，后泻其子。子能令母虚，母能令子实。钱乙论此发搐元由，为治次第，乃谓得圣人之经旨深意也，可谓出类拔萃矣。今更以钱论三事参

之，一者发搐逆顺，二者发搐阴阳，三者发搐真假，及各于逐项之下，以钱治法为证，后学之士，将此二事，参推五脏，审别形候，察其虚实，观以时刻，依法为治。则小儿发搐之病，无以外也。

发搐逆顺

男发左搐，或手大指屈外，或目左视，无声者顺也。若发右搐，或手大指屈内，或目右视，有声者逆也。女发右搐，或手大指屈内，或目右视，无声者顺也。若发左搐，或手大指屈外，或目左视，有声者逆也。顺者相胜也，左肝为木，右肺为金，一负一胜，故无声也；逆者战也，二脏俱实，木金相击，故有声也。顺者易治，逆者难治；男逆稍易，女逆极难。更当参其发时，以补泻为治。昔钱乙治李寺丞子三岁，发搐自卯至巳，目右视，大叫哭。乙见曰：逆也。男为阳，本发左视无声则顺，右视有声则逆。所以然者，左肝木也，右肺金也，逆则二脏相战，金木相击，而有声也。治乃泻强补弱。假令女发搐，目左视，是肺来胜肝，肝不能任，故哭叫也。当泻其肺，后治其心，续治其肝。若病在秋，日酉时同。肺兼旺位，当大泻其肺。若病在春，早晨时同。此肝旺之时，尚不能胜肺，是肺强而肝大弱也。当补其肝肾，大泻其肺。若男发搐目右视，是肝来胜肺而叫哭，当泻其肝心。若病在春夏，早晨日中时同。肝心旺时，当大泻其肝。若病在秋，日哺时同。此肺旺之时，尚不能胜肝，是肝强而肺极虚也，当补其肺，大泻其肝。所以言目反视者，乃肝主目也。凡搐则是风热相搏于内，风属肝，故引见于目也。今此病男反女，故稍易治于女也。先泻其肺，不闷乱，以知肺病退也；后补其肾，续治其肝心，五日而愈。乙又治徐氏子三岁，每日酉发搐，身微热，目微斜露睛，四肢冷而喘，大便微黄。请乙与一李医同治。乙问李曰：病搐何如？以何药治之？李对不当。乙曰：搐者心肝实也。身微热者，日酉肺用事之时，肺主身温，今且热者，肺虚也。目微斜露睛者，肝肺相乘胜也。四肢冷者，脾虚也。肺若虚甚，则脾母亦弱，木气乘之，四肢即冷。治当先补脾肺，得脾虚证退，然后治其心肝，九日乃愈。此亦逆搐，肝肺相乘，目斜者必当右视也。今举

此以明逆顺为治之法尔。

发搐阴阳

天吊附阳搐，脾风附阴搐。

小儿发搐，为急慢惊者，古书无有，惟曰阴痫阳痫。所谓急慢惊者，乃后世名之也。以阳动而速，故阳搐曰急惊；阴静而缓，故阴搐曰慢惊。此阴阳惊痫发搐之别也。

阳搐者，身大热，而赤引饮，口中气热，大小便赤黄，眼上视连扎，手足搐急，牙关紧噤，项背强直，涎潮响，此因心热极则生风，风属肝，心肝子母，风火搏炽，动而发搐也，及其发定，则了然如故。此阳盛阴虚，治当利惊以除风热，不可与巴豆药大下之。恐畜虚热不消，小儿痰壅积热于心，因闻大声，或误惊触，则动而发搐。若热极者，虽不因闻声惊触，亦自发搐。小儿本实者，多此候也。

天吊附

小儿心膈壅滞，涎盛热积，不得宣通。或因母饮酒食肉无度，致烦毒之气，流入於乳，因以乳儿，令儿宿滞不消，热毒乘心，发为惊搐，眼目翻腾，壮热不休，甚者爪甲皆青，状若神祟，俗谓之天吊。此非天能吊人，以其眼吊上视，故取童名之。况小儿发搐，未有不眼上者，实亦阳搐之候也，治宜去涎热。昔钱乙治广亲宅七太尉弟八使者发阳搐，自寅至午，于未发前。钱乙见其目直视而腮赤，此心肝俱热。更坐石杵子就冷，此热甚也。又肌体素肥而本实，其脉急促，发搐自寅至午，皆心肝用事之时，治乃泻其心肝，而补其肾，病遂得愈，此亦泻强补弱也。

阴搐者，身温而眇白，手足似搐不搐，但时时瘈疢，昏昏似睡，而无精神，眼露睛微微上视，或胃痛而啼作鸦声，或不能啼哭，唇口白色，脉沉弱，此因大病之后，或吐泻过甚，致脾胃虚损而生风，荏苒乃成，此阴盛阳虚，治当补其脾胃，泻去肝风，小儿虚弱，虽不因吐泻取转，直发阴搐者亦有之。本怯者多此候也。

慢脾风附

小儿因伤风冷，或病吐泻，医以温药补之不已，复用凉药治之又不已，本谓伤于风冷，医乱治之，致脾虚而内不能散，外不能解，至十余日，

其证昏睡露睛，大便不聚而泻，此脾虚风入，风在脾胃之间，故大便不聚而泻。时瘈疢，身体四肢口鼻中气皆冷。小儿亦有困惊所传，或诸病久变，见此证者，皆因脾胃虚怯，而生风所为也，故俗谓慢脾风矣。实乃阴搐之危候，治当去脾间风，风退利止，以补脾胃。昔钱乙治王氏子病吐泻，他医以药下之，至虚变阴搐，其候睡露睛，手足瘈疢而身冷。乙见曰：此慢惊也。与药以实脾胃，即开目身温。王疑其子不大小便，又令他医以药利之，而复身冷，尚欲令乙利小便。乙曰：不当利，利之必身冷。王曰：已身冷矣。乙曰：不能食而胃中虚，若利大小便，使脾肾俱虚，当闭目身冷即死，今此儿幸胎气实而难衰。乙复补脾胃，则微能饮食。所以然者，谓利大小便，脾胃虚寒，当补脾而不可别攻也。后不语，他医作失音治。乙曰：既失音，何开目而能饮食？又牙不噤而口不紧？他医不能晓。乙曰：此因用清药利小便，致脾肾俱虚，今脾已实，肾尚虚故也，遂以药补肾。及依法为治，半月能言，一月而痊。

发搐真假

真者，儿在母胎中时，血气未全，精神未备，则动静喘息，莫不随母，母调适乖宜，喜怒失常，或闻大声，或有击触，母惊动于外，儿胎感于内。至生下百日以来，因有所犯。引动其疾，则身热吐衄。心神不宁，睡卧昏腾，噪啼无时，因青腰直，手足搐搦，口撮腮缩，目瞪气冷，或眼闭胶生，或泻青黄水，是胎痫也。是内脏感病，发为真搐，然亦发稀而难治，不过三两次必死矣。

假者，儿生出母腹，百日以来，肌肤嫩怯，血气软弱。被外风伤之，入客于内。每遇则儿不能任，故发搐搦。口中气热，呵欠嚏喷，此风痫之候。重者亦不呵欠嚏喷，与胎痫相似。然发频者轻，轻则易歇故也，治当发散。昔钱乙治李司户孙，生百日来发搐，日三五次。请众医治，或作热天吊，或作胎惊，或作惊痫，治皆无应。后请乙治，乙曰：婴儿初生，肌骨嫩怯，被风伤之，儿不能任，故发搐也。然频发者轻，以客风在内，每遇不任，即搐轻则易歇，故发频也。搐稀者，是内脏发病，不可救也。乙用微剂以散风邪，兼涂凶浴

法，治之乃愈。仍不可多服，盖儿至小，易为虚实，多即生热，止一服而已。兼用封，无不效。已上钱乙所用方，并本集载之。

惊痫杂论

凡小儿急惊，虽搐甚不用忙扰，亦不足畏。慢惊虽微搐切当救，乃危候也。方搐之时，但与扶持，慎勿擒捉。盖风气方盛，恐流人筋脉，致手足曲戾不随，或成拘挛。

凡小儿急惊，阎孝忠云：当其搐势减时，与镇心治热药一二服，如麝香丸、抱龙丸、辰砂丸、紫雪之类，候惊势已定，用药下其痰热，如麝香丸、软金丹、桃枝丸之类，如此则心神安宁即愈。

凡小儿慢惊，若因吐泻，已成虚损者，阎孝忠云：当与速生胃气，以理中丸，并研金液丹末，煎生姜米粥调灌之，多服乃效。候胃气生，手足渐暖，四肢犹然瘳痲，即减金液丹一二分，增青州白丸子一二分同研，如上服，渐渐以意减金液丹，加白丸子，兼用异功散、羌活膏、钩藤饮之类调理，频频与粥，虽至危者，往往死中得生。

凡小儿急慢惊，阴阳异证，切宜辨而治之。急惊合用凉药，慢惊合用温药。世人多用一药，不能分别，误小儿多矣。殊不知药性自有温凉，岂可泛用！初虞世谓治阴阳痫，寒温药性，当于方中用时增损，则无失矣。又阎孝忠言，慢惊药中宜去龙脑，纵须合用，必以温药为佐，或少少用之，惟凉故也。

凡小儿于天阴雷发声之时，必掩塞其耳，或

作杂声以乱之，恐猛闻大声而发搐。

凡小儿发搐，时醒而身软者为痫，若发搐不时醒，身硬者为瘥，又名曰瘥。乃中风之候。论在中风门。

凡小儿惊痫泄泻等诸病，烦渴者皆津液内耗也。不问阴阳，煎钱氏白术散，使任意取足饮之，弥多弥好。

凡小儿惊痫药中，能不用水银、轻粉者尤佳。如不得已而用之，仅去其疾即止。盖小儿肠胃易损，亦伤口齿。今所集之方，多不用银、粉，如须用之者，当依此酌量减损。

凡小儿欲生疮疹，有发搐者，当从疮疹为治。余诸病有与惊痫相兼，可以一方为治者，依法用之。若不可以一方为治者，则各用所主药，相兼治之。

凡小儿惊，蛭螂为治第一，世医多不学，未见有用者，若用之，须择不伤水者，伤水即不堪用。去其头、翅、足，炙令焦，乃入药。

凡小儿吐泻后，精神困顿，多睡不吃乳食，四肢逆冷，欲变成痫者，以神曲为末，入脑麝各少许，温水调服。若已成痫，哭如鸦声，而色青黄，手足瘳痲，咽中不利，更入朱砂同末服之。若变痫滑利者，以曲末蜜丸如鸡头大，温水化下。

又一方曲末一两，琥珀、甘草各二钱，朱砂、雄黄各一分，同末，蜜丸如鸡头大，名太乙丹，治小儿百病。

小儿卫生总微论方卷第五

惊痫方下

治惊欲发搐方

定心膏 治诸热，安心神，截惊痫欲发。

生葛根取汁，半合，如无生者，干葛细锉，水浸，慢火熬取汁 竹沥半合，依法旋取 大麻仁一分，三味同研 绿豆粉一两，别研 朱砂半两，研，飞 牛黄一钱，研 麝香一钱，研

上同和如稀粥，更入少绿豆粉，相拌得所，石臼中杵三二百下，成膏丸鸡头子大。每服一丸，煎人参汤化下，量大小增减用。无时。

琥珀丹 治如前。

琥珀一两，令研 白僵蚕去丝，嘴，炒，半两 腊月牛胆制天南星一两 天麻一两 白附子半两 香白芷半两，已上先为细末 朱砂一两，研，水飞 龙脑一钱，研

上拌匀，炼蜜丸，如鸡头子大。每服一丸，煎人参、薄荷汤化下，量大小增减用。无时。

生葛饮子 治热极不已，欲发惊痫。

生葛汁一合 竹沥一合 牛黄如杏仁许，别研上相和，每服半合，量大小与之，无时。

钩藤饮子 治发热时时戴眼，口吐涎沫，欲发痫搐。

钩藤半两 蚱蝉七枚，去翅、足，微炒 人参去芦，一分 黄芩一分 大黄一分

上粗末，每服一大钱。水一盞，煎至六分，入竹沥半合，再慢煎数沸，下牛黄一小豆许，细研入之，搅匀放温，量大小与服，得微汗为妙。乳母忌蒜面炙煨之物。

治小儿心胸积热毛焦，睡中狂语，欲发惊。

朱砂半两，研，水飞 牛黄六分

上同研如粉，每服一钱，摩犀角水调服，量大小与之，无时。

治小儿热盛，夜后狂语，欲发惊。以竹沥，一岁儿连夜饮二合，少少频与，儿大以意加之。无

时。

参苓散 治小儿忽作惊状，目上视，手足强，未可服惊药，宜先与此服之。

人参去芦 茯苓去黑皮，各半两 甘草一分，炙

上为末，每服一钱。温汤调下，食空服。

茯神散 治小儿烦热心悸，手足摇动，欲发惊痫。

茯神去心内木 龙齿研细 牛黄别研 犀角屑各半两 寒水石一两 石膏研，飞，一两 川大黄一钱

上为粗末，每服一钱。水一盞，煎至五分，去滓，入竹沥半合，更煎一两沸，量大小与服，无时。

又方 治如前。

茯神去心内木 龙齿研 升麻 甘草炙，各半两 寒水石 石膏研，飞 麦门冬去心

上为末，每服一钱，水一盞，煎至五分，去滓，入竹沥半合，更煎一二沸，量大小与服，无时。

辰砂金箔散 治小儿心膈邪热，神志不宁，悸惕烦渴，睡卧不稳，弄舌啮齿，痰实咳逆，咽嗑不利，欲发惊痫。

辰砂七钱，研 桔梗去芦，五钱 人参去芦，三钱 白茯苓去皮，三钱 蛤粉八钱 牙硝枯，三钱，研 甘草二钱半，炙 脑子半字 金箔二片

上为细末，百日已下儿用半字至一字，薄荷水调膏涂舌上，令自咽。百日上儿或大便涩者，蜜汤调一字与服。一岁上者半钱。咽喉肿痛，口舌生疮者，以少许搽病处，咽津必效。

牛黄散 清心凉膈。截惊痫欲发、已发。

牛黄半两，细研 朱砂一分，研，水飞 麝香一分，别研 蝎梢一分，末 天竺黄一分，研 钩藤一分，末

上同拌研匀。每用一字。新汲水调下，无时。

雌黄丸 治眼直恶声，嚼舌吐沫，欲发惊

痛。

雌黄一两，研，水飞 黄丹一两，微炒 麝香一钱，研

上同研细，用牛乳半升，熬成膏和剂，丸绿豆大，每服三丸，温水下，日三，如无牛乳，用羊乳亦得。

急风膏 利胸膈，清心神，截欲发、已发惊痛。

朱砂半两，研，水飞 天浆子十四个，微炒，取虫，去壳，为末 腻粉一钱，研 青黛一分，研 干全蝎十四枚，为末

上拌研匀细，入龙脑细末半钱，再同研匀，用软饭剂成膏，丸皂子大。每服一粒，煎人参、荆芥汤化下，无时。

消惊膏 治小儿风热涎盛，截除惊痛，安镇心神，定宁搐搦，利膈腕，去壅滞。

龙脑半钱 朱砂研，水飞 天南星 白附子生末 天麻末 蝎梢末 半夏汤洗净，生为末，各二钱 水银结砂子、腻粉各一钱

上同匀细，用石脑油盏内重汤煮过，搜和药末为剂，丸如黑豆大。每服一二丸，薄荷汤化下，更量大小加减服，无时。

神效朱砂丸 治小儿温壮，惊风积热，一切壅滞，能化痰清神，利膈消惊截搐。

朱砂研细，水飞 腻粉各一分 连六金箔七片 干蝎十个，全者 天麻一分 白附子一分，炮 半夏汤洗七次，去滑，焙干，一分 白僵蚕炒去丝、嘴，一分

上同为细末研匀，煮枣肉和如小豆大。每服二丸，煎荆芥、薄荷汤化下，无时。

剪刀股丸 治小儿惊风欲发，未见的证，但先服一丸，无不消退，用之常验。

五灵脂去砂石，一分 干蝎紧小全者 龙脑别研，半钱 干蟾净洗，去五脏、四足，慢火炙，令黄色，一分 牛黄别研细，一钱 蛇黄火煨煨醋淬七次，别研如粉，半两 白僵蚕直者，去丝、嘴，毕，微炒用 天竺黄别研细，半两 朱砂研，一钱，水飞 麝香别研，半钱

上顺手研令极细，糊丸樱桃大。每服一丸，金银、薄荷汤，以剪刀股研化服之，三岁下者，只半丸，无时。

治风痲方

蛭螂散 治小儿风痲发搐。

干蛭螂三分，微炒 天麻半两 防葵半两 蝎梢一分 蕨灵仙半两，洗，焙，已上先为末 川芒硝 天竺黄各一分，二味同研细

上同拌匀为散，每服一字或半钱，乳香汤调下，量大小加减与服。无时。

麻黄蝎梢散 治如前。

麻黄去根、节、半两 蝎梢十四个

上将二味碎之，用薄荷叶裹遍，外更用纸裹了，于水蘸湿，慢火中煨纸及叶干透，取出为末，每服半钱，金银、薄荷汤调下，无时。

芎犀散 治风痲多困不省。

川芎、犀角屑^① 独活去芦，各半两 蝎梢 人参去芦 天麻各半两

上为细末，每服半钱，温酒调下，无时。

葱汤丸 治风痲发搐，痰盛壅热。

天南星炮裂为末，炒，一钱 蝎梢一分，微炒 半夏一分，汤洗七次 寒水石煨熟为末，一分 朱砂半钱，水飞 僵蚕炒，去丝、嘴，一分

上为细末，面糊丸绿豆大。烧葱白泡汤送下三五丸，量大小加减，无时。

人参化风膏 治风痲发搐，涕咳无时。

天麻一两，酒浸 全蝎十四个，微炒 僵蚕去丝、嘴，微炒 人参去芦 川芎 白附子各半两 羌活去芦 独活去芦 防风去芦并叉枝，各一分

上为细末，炼蜜丸如皂子大，每服一丸。荆芥汤化下，量大小与之。无时。

治小儿风痲：

以鳖甲去裙襴，炙黄杵末，每服一钱，乳汁调服之。或以蜜和丸。如小豆大，服之亦可。无时。

鸡苏散 治小儿风痲。

鸡苏 木贼 荆芥

上各等分，为细末，以茶清调下半钱或一字。无时。

皂荚煎丸 治如前。

^① 屑：原作“散”，据四库本改。

肥嫩不蚱^① 皂角十钱，去皮棱，以水二大碗，接汁至滓无味，将汁熬成膏，别研 虢丹不拘多少，干熨斗内，簇熟灰火，煨至炭过，吹去其灰

上研虢丹为细末，量其所用，入皂荚膏和剂，丸绿豆大。每服五七丸。温汤送下，乳食前。

榴梅散 治如前。

以大石榴一枚，割顶去子，剝作瓮，入全蝎五个在内，却以顶盖之，纸筋槌黄，泥封裹了，先用微火炙干，渐加大火煨通赤，良久去火，放冷去泥，取其中焦者，细研为散。每服半钱，乳调下，搐者服之便定，不会服者灌之。儿稍大，用防风汤调下。无时。

大青膏 治风痲发搐。

青黛一分，研 麝香一字，别研 天麻末，一分 白附子末，生，一钱半 蝎尾去毒，一钱 朱砂半钱，研，水飞 乌蛇肉酒浸一宿，去骨，焙，取末，一钱半 天竺黄五分

上为细末和匀，生蜜调膏，每用：月中儿梗米大，百日儿半皂子大，一岁儿一皂子。同牛黄膏温薄荷水化开一处服之。五岁上者，同甘露散一处服之。

牛黄膏

雄黄小枣大，一块，用独茎^②萝卜根同醋一大盏，煮至醋尽为度 甘草三钱，末 川甜硝三钱 朱砂末半钱，别研，水飞 龙脑一字 寒水石五钱，末，并炒

上为细末研匀，蜜和剂，温薄荷水化，如前法服之，无时。

甘露散一名玉露散。

寒水石半两，嫩而带青中有细文者是 石膏半两，坚白者，有墙壁者 甘草生，一分

上同为细末，每服一字或半钱，温汤调下，食后。

治惊痲方

蝉壳散 治惊痲热盛发搐。

蝉壳去土，半两，微炒 人参去芦，半两 黄芩一分 茯神一分 升麻一分，已上细末 牛黄一分，别研 天竺黄一钱，研 牡蛎粉一分，研

上同匀细，每用半钱，煎荆芥、薄荷汤调服，无时。

镇心膏 治惊痲发搐热盛闷乱。

远志甘草水煮，去心，一两 防己半两 茯神去心内木，半两 人参去芦，半两 大黄半两，微炮，已上细末 辰砂研，飞，一两 雄黄一分，研，水飞 金箔三十片，细研 银箔三十片，细研 龙脑一钱，细研

上拌匀，炼蜜和膏，每服一皂子，薄荷汤化下，无时。

金镇丹 治惊痲发搐，安神定志，解烦热，化痰涎。

羌活去芦 人参去芦 茯苓 川芎 山药 南星 蛇黄火煨，醋淬七次，别研，各一两 蜈蚣三分，炙 脑子一钱 乳香一分 全蝎一分 雄黄水飞，一分 蝉壳去土 僵蚕炒，去丝，嘴 铁粉各半两 麝香一钱 朱砂半两，为衣

上为细末，麦糊和丸，作二三等丸子，随大小量丸数服，无时。

安神汤 治惊痲搐搦，精神伤动，心意不宁。

白茯苓一两 白鲜皮一两 葛蒲一两，九节者 人参去芦，一两 远志甘草水煮，去心，一两 石膏半两，研 甘草一分 犀角末一分

上为细末，每服一钱。水一盞，去心麦门冬少许，煎至五分，去滓放温，时时与服。

镇惊丸 治惊痲发搐，中焦壅热痰盛。

茯神去皮及心内木 人参去芦 防葵 铁粉研 朱砂研，水飞，各半两 雄黄研，水飞 犀角屑 龙齿别研 大黄蒸，各一分 牛黄研 龙脑研，各一钱 金银箔各三十片

上为细末，炼蜜和丸小鸡头大。每服半丸或一丸，薄荷汤化服。量大小加减，无时。

治食痲方

《千金》用紫丸方。具前变蒸门中。

真珠丸 治食痲发搐。

滑石末三钱 轻粉三钱 干蝎七个 巴豆四十个，去皮膜，出油尽用 半夏曲末二钱 南星末，一钱 麝香少许

① 蚱(zhòng 重)：虫咬，被虫咬残。

② 独茎，兰陵堂本作“独蒜”

上为末，蒸饼和丸绿豆大。一岁下者一丸，上者二丸，葱汤下。乳食前。

蚘螂散 治食痢发搐，身热，眼上视。

干蝎 白附子 朱砂各一钱，研，水飞 膩粉半钱 巴豆二十四个，去皮膜，出油。一云不出油，研天浆子三个，去壳 麝香一字

上同研细，每用一字，薄荷汤调下，量大小虚实加减，乳食前。

大青丸 治食痢发搐，及有惊积。许宣赞方

青黛炒，五钱 蜈蚣一对，全者，微炒 蝎二十一个，全者，微炒 巴豆二十一个，去皮、心膜，出油尽

上为末，用鹅梨汁煎，绿豆粉作糊，和丸豌豆大，每服一丸，酒一匙，水一匙，薄荷汁少许，同化下。食痢或急惊发搐，服之立效，乳食前。

银汤丸 治如前。

天南星醋煮透，切，焙干，为末，炒，一钱匕 棘冈子十四个，去壳 巴豆十四个，去皮心，出油尽 雄黄末炒，一钱匕 蝎梢十四个 朱砂末五分

上为细末，煎薄荷汤调面作糊，丸如黍米大。每服五丸，煎金银汤下，乳前食，更量大小加减。

妙圣丹 治食痢发搐，利胸膈。

蝎梢四十九个，微炒 木香一分 代赭火煨，醋淬十次，一分 牙硝一分 大黄一分，炮，已上先为末 膩粉半钱，研 朱砂半两，研，水飞 麝香半钱，别研 脑子半钱，研 巴豆七个，去皮心，纸裹，出尽油

上为细末，滴水和丸黍米大。每服三五丸，沉香汤下，乳食前。

蟾酥丹 治食痢毒盛，汤药不下。

蟾酥一分 真珠末一分 甘遂一分，慢火煨黄 牡蛎粉一分 犀角末一分 巴豆七个，去皮心，出油尽 杏仁一分，麸炒，去皮尖，细研 麝香一分，研

上拌研匀细，糯米饭和丸黍米大。每服三丸，煎荆芥汤放温送下，量大小加减，乳食前。

灵朱丸 治食痢乳食不消，心腹壅滞，四肢抽掣。

五灵脂去砂石 朱砂研，水飞，各一分 巴豆百枚，去皮心，研，纸裹，去油

上同研细如粉，烧粟米饭和丸黄米大。一二岁儿，温水下二丸。取或利或吐效。更在量大小加减服之，乳食前。

三痢丹 治痢证发，未能分辨，皆可治之。

黑锡一两 水银半两，二味同结沙子，研极细 蝎梢半两 木香半两 天南星半两，炮烈 僵蚕去丝、嘴，半两，炒黄 人参去芦，半两 半夏半两，汤洗七次 防风去芦并叉枝，半两

上为细末，石脑油半盏，研极细，入麝香一钱，脑子半钱，各研细，与药末拌匀，枣肉和丸黍米大。每服三五丸至十丸，煎荆芥、薄荷汤下，无时。

治五脏五畜痢方

治肝病犬痢，伏日取犬齿，水磨汁服。

又方 取犬颌骨为末服。

治心病羊痢，三月三日，取羊齿，水磨汁服。

又云心病马痢，取马齿，水磨汁服。

又方 取马毛烧灰为末，水服。一云马蹄。

治脾病牛痢，取牛齿，水磨服。乌牛齿最佳。

又方 取白牛屎中豆服之。

又方 烧蹄末服。

又方 取牛鼻中木，烧灰服。

治肺病鸡痢，取白鸡脑，水调服。

治肾病猪痢，五月五日，取猪齿，水磨汁服。

又方 取猪乳服。

五色丸 治五脏五种痢并主。

朱砂半两，研，水飞 水银一分 雄黄一两，研，水飞 真珠末一两，令研极细 铅三两，同水银熬

上为末，炼蜜和丸麻子大。每服三四丸，煎金银、薄荷汤下，无时。

露蜂房散 治五种痢发搐，口吐涎沫。

露蜂房一两，洗净，焙干 石菖蒲一两，九节者良 桂心半两 远志甘草水煮，去心，半两 人参去芦，半两 牛黄一分，研 杏仁汤浸，麸炒，去皮、尖，研，一分 朱砂一分，研，水飞

上同为细末，每用半钱，麝香汤调下，无时。

治偏搐方

双剑金 治惊痢偏搐。

赤足蜈蚣一条 紫色大螳螂一个

上晒至干。以利刀当脊分切作两半，各逐左右，别研为细末，不得交错，各用贴子盛之。于贴子上号记左右，遇其患者，每用一字许，鼻内任搐之。左治左，右治右。俱搐者，任右则右住，任左则左住，左右任皆住。

双金散 治如前。

上以蜈蚣一条大者，去头足尾，用真酥涂。慢火上炙黄。置枯子，面南用快竹刀子当脊缝中分割作两半，用两贴子号记左右字，不得交差，差则误矣。又以麝香一钱，亦分左右两处，先将左分一半在左字贴内，与蜈蚣同研作细末，却入左字贴内盛讫。次将右分一半入在右边贴内，与蜈蚣同研作细末，却入右字贴内盛讫，不得相犯。每遇病者，眼睛吊上，止见白睛，搐搦不省，不能出声者，用细苇筒子置药少许在中，随搐者左右鼻孔中吹之，用药不可多，若眼吊全未下，即添些小，以意度量，其眼随手便下，搐亦便止。余同上法，二方相犯。

保寿散 治惊痫偏搐。

雄黄研细，水飞 茯苓去黑皮 人参去芦，各一分 朱砂半两，研，飞 牙硝一钱

上细匀，每用半钱，熟水调下，一岁用一字，无时。

治阳搐急惊方

软红膏 治急惊瀉搐涎盛。

天南星一两，生，为末 朱砂半两，研，水飞 水银一分，用真石脑油半盏，同研细 干蝎梢四十九个，为细末

上拌匀。人脑麝各一钱，再研枣肉和剂。人石臼中杵三五百下，丸如皂子大。每服一丸。煎薄荷汤化下，神验。无时。

朱粉丹又名鹤顶丹 治急惊壮热，吐涎发搐。

朱砂半两，水飞 膩粉一分 蝎梢半两，微炒 巴豆七个，去心，皮，膜，出油尽用。一方只用五个

上为细末。糊丸黍米大，每服三两丸，煎桃仁汤下。一方无巴豆，但作散，每服半钱，汤使如前，无时。

百灵丸 治急惊，化涎定搐。

黑铅一分 水银一分，二味同结砂子 天南星一分，炮裂 白附子一分，炮裂 干蝎一分，微炒 天麻一分 蝉壳去土，一分，微炒 麝香一钱，研 牛黄一分，研

上为末匀细，糯米饭和丸黍米大。温酒下三丸。量大小加减服，无时。

天浆子丸 治急惊发搐。

天浆子十四个，有虫者去壳 牛黄一分，别研 麝香一钱，研 白附子一钱，炮裂 犀角末一分 半夏一分，汤洗七次 蟾酥一钱 猪胆一个

上为细末，入猪胆汁和剂，如汁少，入少面粉丸黍米大。每服三五丸，薄荷汤下。无时。

朱砂散 治如前。

朱砂一分，研，水飞 膩粉半钱 麝香半钱，研 芦荟二钱，别研 胡黄连一钱 蝎梢七个 白附子二钱 金箔七片 僵蚕十个，去丝、嘴，炒 赤足蜈蚣一条，炙 甘草二钱，炙

上为细末，二岁上儿半钱匕，已下者一字，金银薄荷汤调下，三岁上者一钱匕，如口噤不开，灌人鼻中，无时。

白金散 治如前。

天南星一两，大者四破之 朴硝一两半 白矾一钱 甘草半两

上为粗末，用水五盏，慢火一处煮，水尽为度，焙干为细末，入朱砂末一钱拌匀，每用半钱，煎金银薄荷汤，放温调下，无时。

七宝牛黄丸 治急惊目睛上视，手足发搐。

朱砂水飞 粉霜别研 轻粉 雄黄研，水飞，各一钱 牛黄半钱，别研 脑子一字，研 麝香一字，研

上为细末，糯米粥和丸小豆大。二岁下儿半丸，上者一丸。金银、薄荷汤磨化服之。月内儿一丸分四服，百日者分三服。看儿大小壮怯，及病势轻重，以意加减，无时。

水银丸 治急惊，痰壅发搐，闷乱口噤。

水银一分，入枣肉少许，同研至星尽 膩粉一分，研 南星一分，炮裂 干蝎一分，微炒

上为末，再用枣肉和丸黍米大。每服五七丸，乳香汤下，量大小加减，无时。

小朱砂丸 治急惊发搐痰壅。

朱砂一分，研，水飞 巴豆三十个，去心皮、膜，出油令尽 半夏汤洗七次，焙干为末，抄二大钱 杏仁五个，热灰内炮过，汤浸去皮尖，炒黄

上为细末，面糊和丸绿豆大。二岁儿一丸，荆芥薄荷汤下，三岁加一丸，五岁者三丸，如有惊在内者，利动至病尽，药丸乃出，如无惊者，药不下也。甚妙而稳，乳食前。

至圣膏 治急惊发搐，手拳紧，多睡啼叫，烦热膈实。

朱砂一分，水飞 天南星腊月牛胆制，用半两 铁粉一分，水研 蝎梢十四个 续随子去皮，四十九个 脑麝各少许

上为细末，炼蜜和丸绿豆大。薄荷温汤化下一丸，如涎多加轻粉半钱，更量大小加减。无时。

牛黄散 治急惊搐搦壮热，膈壅痰盛。

干全蝎七个 巴豆二粒，去皮 轻粉半钱 雄黄二钱，水飞 川蔚金一分，锉，用皂荚半铤，揉汁煮过，炒至干用 朱砂一钱，水飞

上为细末，人脑麝各少许，每用一字，薄荷汤下。或得吐泻，或得睡汗，皆愈。如牙关噤，即先用药掺开，然后服之。开噤方在后。

蚬螂散 治急惊风潮搐。

以全蝎中紧实者，去尾尖上毒，炒焦为末，每服一钱。浓煎防风汤调下。予相识王宣教讳循理。一子病惊搐，得此方治安。渠恐再发，遂与常服之。《妙选》同与乌蛇散服之，尤佳。

四圣散 治一岁至五六岁儿，急惊潮搐。

天浆子一枚，去壳 朱砂二豆许，研，水飞 全蝎一枚 麝香一小豆大

上同研膏，每服少许，薄荷温水化下，无时。

治小儿卒得急痢。

钩藤 甘草炙，各半两

上锉碎，以水五合，煮取二合，分八服，日五夜三。

治急惊风搐痰盛。

天浆子三个，去壳，生用 干蝎七枚，生用 朱砂一钱，水飞

上同为末，软饭和丸粟米大，每服二丸，荆芥汤下。不计时。量大小加减。

又方 治如前。

以全蝎一枚，薄荷四叶裹合，火上炙，令薄荷叶焦，同研细末，分作四服，温汤调下，亦治大人风涎，只作一服，无时。

治急惊发痫，迷闷不省，嚼舌仰目瘖搐。

以真牛黄一大豆许，研细和蜜水服之。

以犀角末半钱匕，温水二合分服。

以真熊胆二大豆许，以乳汁或竹沥服之。能去心中涎，即愈。

以虎睛研末，以水调灌之，量大小与。一方用一豆许，炙干研末，猪乳三合和之，绵缠蘸浸，与儿吮之，频频，以多为佳。

治小儿卒惊，似有痛处，而不知疾状。

以刺雄鸡冠血，滴少许，入儿口中。

治小儿初发惊搐，壮热痰壅，呕吐不止。

蝎一枚，炙焦 麻黄一尺，不去节 薄荷四叶，炙焦

上为细末。量大小用药，以水六分，煎一呷温服。

牛黄膏 治惊风邪热，痰盛膈壅，时发潮搐，痰嗽不时，上视咬牙。服之退惊化涎，凉膈镇心，祛邪止嗽，美进乳食。

牛黄别研 人参去芦，各一钱 甘草炙，二钱 牙硝枯 朱砂研，水飞，各半钱 雄黄一钱半，水飞 蛤粉三钱半 金箔一片 银箔一片 龙脑少许

上为细末，炼蜜和剂，每九钱重分作一十九丸，以金箔为衣，每服一丸，温薄荷水化下，乳后。

天吊附

治孩意天吊痢搐。

以东行桑根取汁与服，亦能傅鹅口疮。

保生丸 治天吊搐搦壮热，脏腑壅滞。

蝎五枚，生 天南星一枚，炮裂 巴豆七枚，去皮、心

上于清明时初夜，将药露北极下一宿，明旦杵罗为末，以豉四十九粒，口含不语，津润至脱去皮，研烂和丸黍米大，随年丸数，温水下，乳食前。

治天吊备急涂顶法。

川乌末一钱，生 芸藿子末三钱，生

上用新汲水调涂，贴顶上，立验。一方用稀糊调涂凶上。

一字散 治天吊眼上，能退风爽神。

大天南星半两，微炮裂 蝉壳去土，一分，微炒
干蝎一分 僵蚕去丝、嘴，一分

上为细末，次入荞麦面一分，用酸石榴一个，去穰子留壳，将诸药入在内，盐泥封裹，于灶内慢火烧至泥干燥为度，取出，再研极细，每服一字，温酒调下，无时。

鳧鱼膏 治天吊目睛上视，手足唇口搐掣。

上以鳧鱼儿干者十个，湿者五个，用乳汁相和研烂，再入乳汁少许灌之。

琥珀散 治天吊惊风发搐。

琥珀末一分 真珠末一分 朱砂末半分
铅霜半分 赤芍药一分半

上拌匀，每服一字，煎金银、薄荷汤调下，无时。

僵蚕散 治天吊目上视发搐。

白僵蚕去丝、嘴，炒，半两 马牙硝半两 蔚金半两 干蝎半两

上为末，每服一字，乳汁调下，急者服半钱，无时。

治阴搐慢惊方

犀角散 治吐泻变慢惊，发瘵疾。

犀角屑一钱 白术二两，水煎 甘草半两，炙
橘皮半两，去白

上为细末，每服半钱，水一盞，入金银、薄荷煎至七分，温服。连进三服，无时。

银白散 治吐泻生风，发慢惊瘵疾，此药涤涎醒脾去风。

上用大天南星一个，重一两者，换酒浸，七伏时取出，置新瓦上，周围以炭火炙令干裂，顿于地上，去火毒，用瓷器合之，候冷取出。杵罗为末，次入朱砂细末一分拌匀，每服半钱，荆芥汤调下，早晨午前各一。

青金膏 治因吐泻变慢惊瘵疾。

乌蛇肉一分，酒浸一宿，焙干 蝎梢一分 天麻一分 白附子一分 大附子一分，炮裂，去皮、脐

青黛一分，研 麝香一钱，研 天竺黄一钱，研

上为细末，入研药拌匀，炼蜜和膏，丸皂子大。煎人参、薄荷汤化下，量大小与服。无时。

睡惊丸 治慢惊身热，瘵疾昏倦。

朱砂末，一钱，水飞 香墨末，一钱 青黛一钱，末 芦荟末，一钱 膩粉一钱 龙脑半钱，别研使君子二个，去壳为末

上拌匀细，寒食面作糊，和丸桐子大。薄荷汤化下一丸。无时。

附子散 治慢惊身冷，瘵疾昏困。《保生》名辰砂散。

大附子一枚，重九钱，上者，生用。去皮、脐 天南星二钱，生用 半夏沸汤洗七次，用二钱 白附子一钱半 朱砂二钱，研，水飞 麝香一钱，研

上为末同匀，每服一字，薄荷汤调下，无时。

羌活膏 治脾胃虚面生风，或因吐利，或取转过度，发为慢惊。

羌活去芦 川芎 人参去芦 白附子炮 赤茯苓去皮，各半两 天麻一两 僵蚕去丝、嘴，酒浸，炒黄，一分 干蝎去毒，炒，一分 附子炮，去皮、脐，二钱 白花蛇酒浸，肉炒干，称，一分 防风去芦，并叉枝，二钱 牛黄研，一钱半 麻黄去根、节 肉豆蔻面裹煨 藿香叶去土 沉香 鸡舌香母丁香也 木香各二钱 真珠末研 麝香各一钱半 轻粉一字，研 脑子半字，研 雄黄研，水飞 辰砂研，水飞，各二钱半

上为细末同匀，炼蜜和剂，旋丸如大豆许。每服一丸，薄荷汤或去心麦门冬汤下一二丸，量大小加减。若急惊者勿服。此药性温故也，服之无时。

温白丸 治脾困瘦弱，或因吐泻，或久病成慢惊，身冷瘵疾。

天麻半两 僵蚕炒，去丝、嘴，一分 白附子生，一分 干蝎一分，去毒 天南星汤洗七次，锉碎，一分

上为细末，以汤调食面作糊丸绿豆大。丸了，顿寒食面中养七日毕，取面用之。若急用，未足日数亦可用。每服五七丸至二十丸，量大小加减，生姜米饮下，空心服，看病势渐加丸数，多与服妙。

钩藤饮子 治阴痢多昏睡，手足冷，时瘵

痲，直视不乳。

钩藤钩子三分 僵蚕去丝、嘴，炒 川芎 甘草炙 蝉壳去土并头、翅、足，炙 蛇蛻炙焦黄，各一分 蛭螂三个，去头、翅、足，炙黄

上为末，每用二钱，水一盞，生姜五片，煎至七分，去滓，量大小与服。小者分三四次与服，不会服即灌之。若审是阴痢的，当用药末二钱，入炮过附子碎，用指面许，依前煎之，温服，日三夜一。急惊不用附子，服之无时。

七圣丸 治阴痢体虚，羸瘦多困。

乌蛇酒浸软，去皮骨，只取肉用 蝎梢 白僵蚕炒去丝、嘴 青黛 白附子各一分 蛭螂五个，去头、翅、足，炙令焦 蟾酥二皂子大

上为细末，炼蜜丸桐子大。如遇病者，先以半丸，汤泡薄荷水化开，灌儿鼻中，如得嚏则可医。以金银汤化下一丸，日二三，服之无时。若灌药不嚏，难治。

天浆子散 治阴痢昏困多睡，时时瘵痲。

天浆子三个，去壳用虫 白僵蚕三个，微炒 干全蝎三个，微炒

上为细末，每服一字，煎去根节麻黄汤调下，日三，得汗出为效，服之无时。

七神丹 治阴痢面青口噤，喉内涎吼，手足瘵痲搐搦。

朱砂研，水飞 牛黄研 羌活去芦，各一分 天南星半两，炮裂 麝香一钱，研 蝎尾炒 僵蚕去丝、嘴，炒，各七个

上为细末，以熟枣肉和丸绿豆大。薄荷汤下二三丸，儿小化服亦得，无时。

天南星煎丸 治阴痢慢惊瘵痲。

天南星一两，细锉，水二盞，慢火熬至半盞，去滓，再煎成膏 白附子半两，炮裂 天麻一两 干蝎一两

上下三味为细末，入膏和丸绿豆大。三岁儿二丸，五岁儿三丸，薄荷汤送下，日二服，无时。

五灵脂丸 治如前。

五灵脂去砂石 白附子生 天南星生 干蝎生 蝉壳去土，生，各一两

上为细末，用醋二盞，先以药末一两同熬成膏，入余药，和丸绿豆大。未满月儿以乳汁化下

一丸，二岁下二丸，大者以意加之，金银、薄荷汤化下，服毕，鼻上汗出是效，无时。

蚬壳膏 治如前。

上以蜈蚣一个，去头、翅、足，入麝香、轻粉各黄米许，同研极细，以新水少许就之，用蚬壳灌之，立效。

必救丹 治如前。

赤足蜈蚣一条，去头、足 蝎梢七个 生犀尖锉末，一钱 染坯半钱 朱砂半钱，研，水飞 麝香一字

上为细末，煎猪脂油丸黍米大，每服三五丸，用大金散下，无时。

大金散

辰砂水飞，五钱 真铁粉一钱 轻粉一钱 金箔一大片

上为细末，分作九服，如遇患者，将一服分二处，每一半，用意子小便并酒共半盞，煎三四沸，放冷，调药一半，送下必救丹，如行五里许，再一眼，约半日后，便下惊痰恶积便安。如已经取转虚者，即用并花水调大金散，下必救丹。须认是慢惊者，方可与服。立见其效。气虽绝，心头温者，灌下药，即醒。

熏陆香丸 治虚风慢惊，发搐瘵痲，安神魂，定心气。

血竭半两，细研 乳香一分，别研

上研细，于火上炙熔为丸。如干，即入少许水和，如酸枣核大。每服一丸，薄荷酒化下。兼治妇人产后血晕，不省人事，无时。

如神散 治如前。焦大官人方。

蜈蚣一条，全者，酒炙黄 蝎十四个，全者，微炒 辰砂一钱，水飞

上为细末，百日儿一字，荆芥汤调下，渐大，以意加之，无时。

天雄膏 治如前。

赤头蜈蚣一条，日晒干，却用好酒半盞、滴润，炙令脆 天雄一钱，慢火煨存性，研 白附子一钱，切，焙 朱砂半钱，研，水飞 细辛去苗，一钱 轻粉半钱 雄黄半钱，水飞 白术一钱，焙 郁金一钱 半夏一钱，洗净，生姜汁浸一宿，又洗，切，焙干

上为细末，入脑麝各少许，炼蜜和丸鸡头子

大。薄荷汤化下一丸，无时。

涂凶法 治阴痢慢惊。

上以天南星洗十遍，为细末，用生姜自然汁煮糊，调涂凶顶上。

妙圣散 治慢惊久不瘥，两手瘰疬，抽掣不定。

赤足蜈蚣一条，葱汁浸一日，焙干 草乌头尖十四个，薄荷、生姜自然汁浸一伏时，焙干，同为末 麝香一钱，研 龙脑半钱，研

上拌匀，每用半字，以小苇筒吹入儿两鼻孔中，候两手定时，方可兼服别药。

天麻钩藤汤 治因吐利，脾胃虚面生风，变慢惊。

钩藤三分 天麻 蝉壳去土 防风去芦并叉枝，切 人参去芦 麻黄去根、节 僵蚕去丝、嘴，炒黄 蝎尾去毒，炒，各半两 甘草炙 芎藭各一分 麝香一钱，研

上同为细末，每用二钱，水一盞，煎至六分，量大小与服，如冷多面青唇白、四肢冷，入附子末半钱，无时。

喝起散 治因吐泻生风，变慢惊，或作慢脾风。

半夏一两，汤洗七次，为末 生姜四两，研，取汁，和半夏末捏作饼，如稀入少面 朱砂水飞 滑石白矾生，各一分 没石于三个

上为末，每服一字，煎冬瓜汤调下，如一服醒，便止后服，无时。

生银散 治慢惊乍静乍动，手足瘰疬，时发时止。

生银末半钱，细研 蛇黄三分，煨、醋淬七次 黑铅一钱，水磨 天南星七钱，炮 磁石一钱，煨，醋淬十次 铁华粉二钱 朱砂一钱，水飞 麝香一钱

上为细末，每服一字，煎犀角屑汤调下，如见沉困者，用薄荷、乳汁调下，汗出为效。

治阴痢者，多用性温热之药。有至痢证已退未退之间，却生热证，或反为急惊者甚多。凡治病必当先问病者之家，所患几日，因何得之，曾服何药，如此详审，若服热药太过，可用解毒药治之，无不效者。

豆卷散 治阴痢慢惊，服温热药太多，而却生热证，反为急惊。

大豆卷黄水浸黑豆生芽是也，晒干时用 贯众板蓝根 甘草炙，各一两

上同为细末，每服半钱或一钱，白水煎，放冷服。甚者用药三钱。浆水入油数滴煎之，又治吐虫。无时。

龙脑散 治如前。

大黄蒸过 半夏汤洗，滑净，薄切，用姜汁浸一日，焙干，炒用 甘草炙 金星石 根星石 寒水石 禹余粮石火煨，醋淬 不灰木火煨 青蛤粉即青黛也

上等分为末，入龙脑一字再研，新水调下一字或半钱，量大小加减，此旧方也。钱乙入甘松两枝，藿香末一钱，金牙石一分，却减大黄一半。服之无时。

慢脾风附

银白散 治慢脾惊风危困者。

天南星末生姜自然汁和剂，捻作饼子，炙黄 白附子末薄荷自然汁和剂，捻作饼子，炙黄

上同为细末，每服半钱或一钱，煎冬瓜子汤调下。

羌活膏 治慢惊及脾风，身体冷，四肢硬，危急将不救者。

羌活去芦 独活去芦，并土 人参去芦 茯苓去皮 防风去芦并叉枝 桂去粗皮，先为末，各一钱 干蝎一钱，酒浸，炒研 水银半钱 硫黄半钱，与水银同研如泥，后入 麝香一字，研

上先研硫黄，次入麝香水银，研至无星极细，又入诸药末拌匀，炼蜜和膏丸皂于大。薄荷汤化下。保生治胃虚吐泻生风，羌活、天麻、防风各半两，人参、茯苓、蝎、桂各一分，朱砂、水银、硫黄各一分，服之无时。

大天南星散 治吐泻，或服转药过度。脾虚生风为慢惊，或作脾风危急之候。

上以天南星一枚，重八九钱至一两者，先掘一地坑，深三寸许，用炭火五斤，烧通赤，去火，入好酒半盞在内，然后入天南星。却用炭火三两条盖却坑子，候天南星微裂，取出锉碎，再炒令匀熟，不可稍生，放冷为细末，每服一字或半钱，

浓煎生姜、防风汤调下，无时。

又方 治如前。

梓州厚朴去粗皮，生姜制，一两，细锉 半夏一钱，汤洗七次，生姜汁浸半日，候干

上用米泔三升，同浸一百刻，周一伏时，以水尽为度。如至百刻水未尽，加少火熬干。去厚朴，只用半夏为细末，每服半字或一字，薄荷汤化下，无时。

辰砂膏 治阴痢搐掣昏困，传为脾风。

上以大附子一枚，重六七钱上，微炮去皮脐，于顶头剜一窍子，入粉霜、硃砂各半钱，却用取下附子末填满，于火上烧存性，次用天南星半两炮裂，蝎梢一分，羌活去节一分，朱砂半两研，同为细末，炼蜜和丸鸡头子大，每服一丸，麝香、薄荷汤入酒三两滴化服，无时。

丙丁散 丙日作曲、丁日制药。

天南星 乌蛇肉酒浸，去骨，各三钱 天麻 麻黄去根、节，各半两 大附子一枚，重半两上者，炮裂去皮、脐 全蝎一钱半 白附子三钱半 白僵蚕去丝、嘴，四钱

上为末，以水一升浸三日，滤去其滓，用寒食面一袋和匀，踏作曲。楮叶罨七日取出，以纸袋盛吊起，十四日可用。遇小儿吐泻，精神昏困，多睡不乳，四肢逆冷，欲发慢惊者，以曲一两为末，入脑子末一字，每服半钱或一钱，温水调下。若已发慢惊者，此五脏俱虚，皆受其病。心主血，病则血乱。肺主气，病则气并。肝主筋，病则抽掣。脾主困，病则昏困。肾主寒，病则身冷。故病者血乱气并四肢抽掣，吐泻昏困，唇口色白，身体冰冷，神情恹恹，面青喉响，哭如鸦声，将上件已成药，更入朱砂末一钱半，当拌匀，服依上法。若慢惊吐利，传为脾风者，用曲末一两，朱砂末一钱半，拌匀炼蜜和丸鸡头大，名丙丁膏。温水化下。又别以曲末一两，朱砂末、雄黄末各抄一钱，琥珀末、甘草末各抄二钱，拌匀，炼蜜丸鸡头大，名太乙丹。治小儿百病。此方陈易简家藏，服之无时。

阎孝忠云，小儿吐泻，脾胃虚而生风，以为慢惊，或传成脾风，大便不聚，至虚损危急者，当速生胃气，宜与理中丸，并研金液丹作末，煎生

姜米饮调灌之，多服乃效。服至二三两无害。候胃气生，手足渐暖，阴退，四肢犹然瘰疬，即减金液丹一二分，却用青州白丸子一二分，同研。如上法与服，以意详之，渐减金液丹，加白丸子，兼用异功^①散此乃温中正气，治虚吐泻药方，具吐泻门。羌活膏、温白丸、钩藤饮子之类，方并具前。依此治之，仍顿与粥食，虽至危殆，往往死中得生，十有七八。予于岳太尉处得一方，称自王运使所传，治小儿急慢惊风，吐泻不止，危不可治者，名为安胃丸。与上相似，大同而小异。

好青州白丸子三十粒 好金液丹三十粒 全蝎一枚，去刺 麝香少许

上同研为细末，以糯米饭和丸黍米大。每服三二十丸，煎萝卜糯米汤下，无时。

麝香牛黄丸 治小儿急慢惊风、慢脾风。

牛黄一钱，研 麝香一钱，研 蝎梢一钱，生乳香一钱，研 没药一钱，研 蜈蚣一条，酥炙 花蛇肉去骨，一钱，酒浸一宿 天南星二钱半，炮 草乌二钱半，炮去皮 天麻二钱半，锉研 防风去苗并叉枝，二钱半 雄黄半钱，研，水飞 朱砂八钱，研

上为细末，酒糊和剂，如皂子大。一岁至三岁儿每服一丸。研细煎金银、薄荷汤调下，七岁至十岁服二丸至三丸，煎人参汤调下。慢惊风细研三丸灌下，大有神效，无时。

麝香饼子 治小儿吐泻之后，脾虚生风，目睛斜视，背脊强硬，手足瘰疬，及治心肺中风，昏塞不省。此方与前方相犯而小异。

川乌炮，去皮脐，一分 天南星炮，一分 白花蛇酒浸一宿，去皮骨，取肉焙干用，一分 蝎梢一分 蜈蚣一条，去头、尾，以上先为细末 朱砂半分，研，水飞 麝香一分，研 乳香半分，研 铁粉半分，研 牛黄半分，研

上为末，同匀细，酒糊丸如鸡头大。捏作饼子，每服一二饼，煎人参、薄荷汤化下。

圣脾散 治慢脾风。

香附子炒、去皮、毛，一合 小黑豆一合，炒 甘草半分

上为细末，每服半钱，饭饮调下，无时。

① 功：原作“攻”，据兰陵堂本改。

急慢惊通用 治小儿急慢惊风，声已不出，危殆，命在须臾者。男左女右，屈中指在手心横纹当中点炷，及与乳头上同时下灸。壮如麦粒，甚者不过三壮，声回即止。此灸法，王运使传，妙。

天麻膏 治小儿急慢惊风，及慢脾风，搐搦瘕，错塞牙噤，一切恶候，及吐泻等疾。

全蝎一分 牛黄一钱，研 白附子四钱 天麻二钱 雄黄四钱，研，水飞 诃子去核，六钱 白术二钱 藿香叶去土，四钱 白豆蔻仁三钱 缩砂仁三钱 白僵蚕去丝、嘴、四钱，炒

上为细末，炼蜜丸如鸡头大，每服一丸，煎薄荷汤化下，甚者两丸。泄泻者煎冬瓜子汤下。呕吐者煎丁香汤化下。并不拘时候，更量大小，临时加减。亦看病之轻重用药则无失矣。

牛黄丸 治急慢惊，发歇不止。

牛黄研 天竺黄研 犀角屑 胡黄连各半两 芎藭 人参去芦 白茯苓 丁香 钩藤 龙齿研，各一分 麝香一钱，研 脑子半钱，研

上为细末，炼蜜和绿豆大。每服三丸。粥饮下，无时。

黑神丸 治急慢惊。

膩粉一钱半 香墨一钱 白面一钱 芦荟一钱 牛黄别研 青黛 使君子去壳，面裹煨熟用，各半钱 脑子一字 麝香一字

上为末，糊丸桐子大。每服半丸，薄荷水下要利动，服一丸。楚州小医王鉴，因此药致富。甚保惜之，未尝传人，予得之，乃睡惊丸小异耳。治惊极效。垂死，一服立瘥。无时。

青金丹 治如前。

雄黄末一钱 朱砂末一钱 铁粉二钱 乳香末一钱 南星末二钱 蝎微炒，二钱 轻粉 青黛各三钱 麝香一字 花头蛇一个，酒浸一宿，取肉炒

上为末，以梨汁和剂，分三等丸之，黍米、麻子、绿豆大。量大小与之一丸，薄荷水送下，煎金银汤亦得，无梨汁用薄荷汁。无时。

雄朱丹 治如前。

雄黄水飞 朱砂水飞，等分

上为细末，用白项曲蟥一条，放药中令缠

湿。以竹篾子刮下，丸如芥子大。每服三丸，金银、薄荷汤下。其曲蟥却须放了，不可坏死。服之无时。

软金丹又名圣力丹。 治小儿急慢惊风，三癩瘕，头项动摇，目睛上视，或牵斜偏搐，背脊强直，或反折如弓，口噤牙紧，或屈指如数，或温壮连绵，或服凉药过多。内生虚风，或因伤寒变搐发渴，或因吐痢生风为痢，一切诸证。乳食不进，昏冒不省，凡此急候，服之皆愈。但不喘急者，此药必效。如已喘急者，更须审详虚实。若涎实者，同水银丸化此药服之。二药引化惊涎，则潮搐立止。虚者但只服此药，即便放下眼来，如小儿涎热风热，有诸惊证，服之便瘥，更无变动。又治大人卒中风病，涎潮不省。此药神圣救人，不可具载。

牛黄别研 丹砂研，水飞 雄黄研，水飞 生犀挫末细，研 天麻 僵蚕去丝、嘴 半夏汤洗七次，为曲 蝉壳去土，汤洗净，焙 南木香 使君子取肉，各一分 肉豆蔻面裹煨 香墨各一分半 天南星炮裂 白附子炮裂，各三钱 膩粉一钱 水银三钱半，用黑铅三钱半准七钱，结砂子用半两 白花蛇 乌蛇二蛇取项后粗处肉，各一两，酒浸一宿，去皮骨，曝干不见火 螺青一两二钱 麝香一钱，研 龙脑半钱，研 附子一枚，炮裂去皮脐，虚者用之 蜈蚣中者二条，生用，须赤足佳 全蝎三十个 天浆虫二十五个，去壳 大槟榔二枚 丁香一钱半 蟾酥三皂子大 金箔 银箔各十五片

上为末，逐件旋入，研之细匀，用不蚰皂荚一铤，刮去皮弦，以好酒半升，浸一宿，接揉取汁，去滓。入石脑油三钱，银器内文武火煎十数沸，放冷，别炼蜜少许，投内和诸药得所。大者丸枣大，小者皂子大，别以金银箔为衣，每服一丸，金银、薄荷汤化下，涎实者用水银丸化下，小儿量大小与，大有神验。水银丸具谭氏方也，服之无时。

夺命大青金丹 治小儿诸惊。此东京西瓦内出瓷，马儿栗家方。

天竺黄一斤，末 墨二铤，不计大小，亦不得使尽 麝香一钱，研 朱砂一钱，研，水飞 水银半两 锡半两

上于铤内先熔锡化，入水银结砂子，乳钵内研开。次入诸药末研匀细，方用浓墨水和丸弹子大，以灰顿盆内铺纸，于纸上布药浥干。十岁儿一粒，分三四服。七八岁儿作四服。五六岁儿分六服。三四岁儿分十服。一二岁儿分十六服。新生百晬^①儿分三十服，并微利。常服者须隔旬日服一服。小儿风热发痢，潮搐涎盛嗽喘，并临时加减。如吐泻后生风，服亦不妨。此药性温，宜少服，并用汤化下。如煎汤不可犯铁器，入口如圣，服之无时。

治急慢惊发搐。

乳香半两，研 甘遂一钱

上同研细，每服半钱，乳香小便调下妙。

又方 治如前。

蝎梢二十一个 朱砂一皂子许，研，水飞 麝香一豌豆许

上同为末，每服一字或半钱，用赤小豆拌匀，薄荷温酒调下。无时。

定命丹 治急慢惊风，吊眼撮口，搐搦不定，壮热困重。

蟾酥一钱，干者酒浸一宿 干蝎七枚，全者 南星末一分 白附子末半钱 青黛半钱，研别为衣 麝香少许

上匀细末，粟米粥和丸绿豆大，别以青黛为衣。每服一丸，荆芥、薄荷汤下。服药后困睡无疑。凡病者先化半丸点鼻中，得嚏者必效。如新生儿用腻粉二捻，生油一滴，新水半茶脚，化一丸服之，取下胎中所受病，更无诸惊邪热，服之无时。

麝香饼子 治如前。

乌头蛇一对，酒浸一宿，取肉 蝎梢半两 白附子一两，炮 天南星一两，炮 白僵蚕一两，炒去丝、嘴 乳香半两，研 朱砂一两，研，水飞 天浆四十九个，去壳 麝香二钱，研 金箔十片

上为细末，炼蜜和丸桐子大，捏扁作饼子。用金银、荆芥汤化服，大小加减，无时，此便是除风膏。若以麦饭和丸，便是麦饭膏。此黑孩儿柏防御真方也。

如圣散 治如前。

白附子二钱 僵蚕炒去丝、嘴，一钱 全蝎二

钱，中者用面炒，去足留身、尾、甲 人参去芦，二钱 草乌半两，炮去皮 牙硝二钱 丁香一钱，不见火 腻粉半钱 天竺黄一钱 天南星米泔浸一宿浥干，称二钱 龙齿二钱 郁金一钱 脑 麝各少许 上为细末，十岁下儿半钱，以上者一钱，冷薄荷汤调下。如儿惊结，大小便不通，连进二三服，无时。

南星汤 治如前。

以大南星一枚，重四钱者，细研为末，用浆水一碗，冬瓜子四十九粒，同煎至一盞，去滓，取青汁半盞，分三服。病愈以四君子汤补之。一方每用南星末一钱上下，以水半盞，浆水半盞，或煎汁亦得，入生姜三片，冬瓜子数粒，煎至半盞以下，分二服。尤治慢惊，服之无时。

南朱膏 治如前。以大天南星二两为末，用腊月黄牛胆取汁和之。却入胆中，如胆汁少量可用之，睿干为细末，入朱砂末一钱，麝香少许，煎甘草膏子和剂，丸鸡头子大。每一岁半丸，熟水化下，量大小加减，如一胆盛南星末不尽，用二胆亦得，服之无时。

朱金汤 治如前。

以代赭石火煨醋淬十次，为细末，水飞过，日中晒干。每服半钱或一钱，煎真金汤调下，量大小与之，连进三服，儿脚胫上有赤斑点者，即是邪气已出，儿当安也。若无赤斑点出者，不可治也。服无时。

如圣青金丹 治忽发身热吐逆，变急慢惊潮搐。

龙脑一钱，研 麝香研 腻粉研，各一分 白面三钱 香墨一钱半，为末 青黛二钱，研 使君子去壳，二个，面裹，慢火煨熟为末 金箔 银箔各五片，研

上细匀末，滴水丸鸡头子大。慢惊用冷薄荷汤化下一丸，须臾便睡，睡觉立愈。更服三两服，急惊化下半丸，下涎一合以来，神效，无时。

滚涎膏 治慢惊风潮搐无时。

龙脑一字 朱砂一钱半，末 鹏砂末三钱 马牙硝五钱 铅霜二钱 水银二钱，结砂子 牛

① 晬(zui 最)：周年。又特指婴儿周岁或满百日。

黄一字 麝香一字

上同研，自然成膏，丸杨梅核大。梨汁化下一丸，量大小加减。无时。

牛黄丸 治急慢惊，发搐痰壅，及吐泻生风。

牛黄一钱 牛胆制天南星末一钱 滴乳香末一钱，令研 人参去芦，一分 天麻一分，去苗 防风去芦，去叉枝，一分 白假蚕炒，去丝、嘴，一分 茯神去心内木，一分 朱砂三钱，研，水飞 麝香一分 全蝎一分 脑子少许

上为细末，炼蜜和丸鸡头实大。荆芥、薄荷汤化下一丸，相宜加减，无时。

罢搐丸 治急慢惊发搐，牙关噤，身反张。

水银二钱 黑铅二钱，同水银结砂子 天麻半两，去苗 花蛇肉酒浸，炙，取肉，半两 人参去芦，半两 天南星半两，炮 白附子半两 干蝎半两，去毒 朱砂半两，水飞 青黛一分 脑子 麝香各少许

上为细末，石脑油研和，丸小麻子大，每服一丸，薄荷汤化下，无时。

虎睛丸 治急慢惊搐，涎热多睡，及诸恶证。

虎睛一对，碎切，酒浸一宿，焙干 通明天麻半两 白茯神去心内木，半两 白附子一分 天浆子五十个，炒黄，去壳 使君子一百个，去壳切碎，焙干 朱砂二两，水飞 全蝎半两，去毒 牛黄半两 天南星一两二钱，慢火炮裂 京墨半两，烧过 青黛半两 麝香 轻粉各一分

上同匀细末，酒糊丸桐子大。每服一丸，薄荷汤化下，有急病加作二三丸，极妙，无时。

乌蛇散 治急慢惊，搐如弓，危困难治，疗之者，此方主之。

乌蛇肉酒浸，去皮骨，三钱 赤足蜈蚣二条，去头足，醋浸，炙黄 全蝎二钱，去毒 天麻半两 白茯苓半两 黑附子半两，炮裂，去皮脐 白附子一分，炮 麝香少许

上为细末，每服半钱，用旧断并索煎汤调下，其效如神。如急用，无断并索，煎荆芥汤代之。无时。

治胎痫发搐真假方

虎睛丸 治自生蓐内至百日以来，壮热惊搐，凡发在百日内者，虽发搐真假相似，然发频者，多是外风伤之也。

虎睛一对，酒浸，微炙，取二个 牛黄一分，别研 朱砂一分，研，水飞 雄黄一分，研，水飞 麝香一分，研

上为细末，炼蜜和丸绿豆大。以乳汁研化三五丸。

乌金膏 治胎潮发搐频并。

乌蛇一条，水浸，去皮骨，只取肉，别用酒浸一宿，焙干 蚕纸一张，烧灰 蝉壳去土，半两 全蝎半两，上先为末 朱砂半两，研，飞 麝香半钱，研 脑子半钱，研 金箔三十片，细研

上拌匀，炼蜜和膏，丸皂子大。当每服一粒，煎人参、薄荷汤化开，服无时。

牛黄丸 治自生至百日以来，五脏多热，而发惊搐。

牛黄一分，令研 龙脑一分 黄芩末半两 朱砂半两，研飞 干蝎一分 犀角末半两

上同研如粉，粟米饭和丸麻子大。温水化一丸与服，无时。

羌活膏 治胎痫发搐，昏困不省。

羌活去芦，一两 乌蛇肉一两，酒浸一宿，焙干 独活去芦，一两 天麻半两 全蝎半两，去毒 白假蚕去丝、嘴，半两，炒 人参去芦，半两

上为细末，炼蜜和膏，每服一皂子大。麝香、荆芥汤化下，无时。

银朱丹 治如前。

干蝎一分，微炒 天浆子一分，微炒，去壳 朱砂半两，研，飞 牛黄一钱，研 露蜂房一分，微炒，为细末 水银一分，用黑锡一分结砂子 麝香半钱

上同拌匀，面糊和丸黍米大。每服三五丸，金银、薄荷汤化下，儿小乳汁化下亦得，无时。

甲灰丸 治生下便喜多惊。

上剪父母两手爪甲烧灰研细，面糊和丸麻子大，并花水化下一丸，无时。

生摩膏 治新生儿肌肤幼弱，为风邪所中，身体壮热，手足惊掣。

甘草 防风去芦并叉枝,各一两 白术二十铢
雷丸二钱半 桔梗去芦,二十铢

上收咀,以猪肪脂一斤,煎油入药,微火上煎之良久,视稠浊得所,膏成乃去滓,丸如弹子大。每服一粒,炙手摩儿百遍。寒者更热,热者更寒。小儿无病,早起常以摩囟上,及手足心,甚辟风寒之邪。

朱砂散 治一腊至月内儿发惊,转为慢惊。

朱砂一分,研,水飞 牛黄一分,别研 麝香一钱 干蝎十四个,微炒 天浆子十四个,麸炒色黄,去壳,取虫用

上各研细,一处再研极细散,每服半钱,乳汁调抹儿口中,以乳汁送下,无时。

保生散 治新生儿胎惊,此在母胎中时,因有所惊乃感,至生下百日之内,心神不宁,睡卧不醒,壮热躁烦,啼哭无时,面青赤,腰直身冷,搐缩口撮,或粪青黄水。

胡黄连半两,水煮 鹏砂研 铁粉 轻粉各一钱

上为末,每服一字,薄荷、乳汁调下,服之无时。服药后,有青赤物下是效,如无,隔日服琥珀丸。

琥珀丸

干全蝎二枚 琥珀令研 铁粉炒,各二钱
轻粉 南星炮 白附子炮,各三钱 龙脑半钱,研
上为末,酒糊和丸黍米大。薄荷温汤下一二丸。如服此药,眼反牙噤如鱼口者,乃死候也。服之无时。

治婴小初生未满月,惊著似中风欲死者,此方主之。以好朱砂用新汲水磨浓汁,涂五心上,神验。

治小儿新生中风。

以麝香一分,驴前背交脊上会中毛。拔取手指大许一把,以乳汁和令得所。于铜器中,慢火炒令焦燥,与麝香同研如粉,每服一字,乳汁调下,日三服。

小儿卫生总微论方卷第六

惊痫别论

惊痫咬牙

小儿惊痫发搐，有咬牙不休，及未发、发过时亦常咬牙者。予在行朝，有李统制一子，病症如是。遂请众医询治，有言是惊入于肾者。此乃乔岳汉东王先生歌中“睡里咬牙惊入肾”之句。其意谓牙为骨，骨入肾，故以言之，此常流无据语也。古书无有，亦无惊入肾之理，果用药无验，今详校其证，特为明之，乃足阳明之病也。足阳明为胃之经，起鼻交额，循鼻外，入齿中，还出侠口，环唇，下交承浆，过颐后，出大迎，循颊车，且发搐为风。风属木，胃属土，木能刑土，是以牙齿受风则痒，颊车邪干则紧，故使咬牙不休，以缓颊车之急，以解牙齿之痒也。治当去胃中风。

暗 痲

暗痲其病似惊痲，又似中风痲病。遇其发时，则暗地急，至令人僵仆，心神昏塞，志意迷闷，气乱不省，手足弹拨，战掉搐搦，喉中涎响，或吐痰沫，或作吼叫，其脉三部阴阳俱盛，每发远则终日或半日，近则一两时辰，发过便起，却如不病之人，俗呼谓之痲病。稍轻者谓之暗风，古人又云，小者发则为惊，大者发则为痲。小者气血怯嫩，发即难当而伤多，大者气血壮盛，发即易任而失少。

惊痲余证

小儿惊痲搐搦，至发定之后，有诸余证不退者，虽大势已罢，而病本尚在。或服冷热药过多，或汗下之失宜，故痲搐难退，而有余证也。

惊痲兼别病

小儿病久发搐，则五脏俱虚，并受其病，故发则血乱心气并肺搐搦，肝昏困脾体冷。肾又有因虚而别病兼发，或别病而因带惊痲。或有一方兼治之者，并采而具之。

治惊痲咬牙方

蝉花散 治惊风咬牙并夜咳嗽。

蝉花和壳去土 假蚕去丝、嘴、直者，酒浸，炒熟
甘草各一分 玄胡索去皮，半分

上为细末，一岁上儿一字，至三四岁者半分，煎去土蝉壳汤调下，无时。

小镇心丸 治诸惊咬牙不宁，大便色青。

朱砂水飞 铁粉 京墨各一两 脑子 麝香各一字

上为细末，陈米饭和丸绿豆大。每服二三丸，荆芥汤化下，无时。

治暗痲方

真熊胆半两，研 生天南星末，半两 粉霜一分 朱砂半两，研，飞 雄黄半两，水磨 脑子半钱，研 麝香一钱，研

上匀研细，用猪胆汁和丸粟米大。每服五七丸至十五丸，金银、薄荷汤下，无时。

神乌散 治暗风痲极妙。歌曰：

腊月乌鸦一个全，半两朱砂口内填，麻缠鸟嘴安瓶内，用瓶藏盛。盐泥固济火中安。膏干，火煨。黄昏上火天明住，用木炭，一称半。取出筛罗为末研，每服一钱麝酒下一日三服。服之十日定须痊。

又方 名同，治同前。

浑黑老鸦一个，全者 胡桃七枚 苍耳心子七个

上用一藏瓶，入逐药味在内，盐泥固济，木炭火煨烟尽为度。取出研细。每服一钱，空心热酒调下。如患疝气肾肿，阴囊偏坠，更入新生孩儿胎衣一副同烧，亦依上法，葱椒热酒调下，看大小加减。

异圣散 治痲病日发数次，诸药不能瘥。

猪蹄甲不以多少，净洗，去带毛处，锉碎，干锅内炒，令烟尽取出，于地上厚铺纸，薄摊其药，以盆盖之，

候三日，出火毒毕，为细末 金星石 银星石 青礞石各半斤，三石同入一合内，以马粪和泥，固济晒干，先用熟火渐渐烧之，次添炭火煨之，通赤取出，仍先令撒一地坑，深一尺，取药合在地坑内，用土盖埋二日，出火毒，为细末

上用猪蹄甲末二两，石末一两半，再研匀细，入生麻油半两，再研极匀，每服半钱。以浆水研百遍调下，空心食前服，小者减之。

日应丹 治痢病连年不瘥。

黑锡 硫黄 水银 铁粉各一两 金箔 银箔各三十片

上先将锡于铁铤内熔化，次入水银，不住手搅令匀，次入硫黄诸药，同炒搅匀，离火再炒良久，都倾出，用纸衬地上，顿一宿，出火毒讫，再研令匀细，以熟软粟米饭和丸绿豆大。每服五七粒，煎人参汤送下，无时。

接生如圣丸 治痢病暗风，年深不瘥。

赤石脂二两 硝石半两 白矾枯过，一分

上为细末，糯米粥和丸绿豆大。每服十丸十五丸，温水送下，食后，日三服，如日一次发者，服半月即愈。

啄木散 治多年痢病。

腊月啄木鸟一个，用无灰酒三升，先以瓦罐子一个，底铺荆芥穗叶厚一寸，上顿啄木鸟。又用荆芥穗叶盖一寸厚，倾酒在内，仍用纸封合，盐泥固济，炭煨之，候酒干青烟出为度。去火放冷，只取啄木鸟研为末，次入下项药。

石膏二两，煨研 铁粉用浆水半升煮尽，研细末，用一两 朱砂一分，研，水飞 附子一两，正坐^①者炮裂，去皮脐 麝香一分，研 脑子一钱，研

上同匀细末，每服一钱。先令病人呷温水三两口，以温酒一盞，先少许调药饮之，余酒送之，服毕便就枕睡少时，临发时一眼，候一两日更服一次。每两日一服。不过十服即愈。予有一亲姓王，患痢病十余年，发即涎潮，手足僵倦，颠仆不省，服此药百服而愈。小儿可减服。

又方 取芭蕉自然汁，时时呷一两口，甚者服及五升必愈。前有亲姓王，同服此得效。二者恐不可并^②。此亦治惊痢搐搦。邵通直云，加麝香尤妙。

治诸痢通用方

开关散 治诸痢潮发，牙关紧急，口噤不开，不能进药。

蟾酥一小片 铅白霜一字

上研令极细，用乌梅肉醮药，于两口角揩擦良久乃开，以进别药。

蝎梢散 治如前。

蝎梢七个 朴硝一钱

上同研细，每用一字或半钱揩牙，须臾即牙关口噤自开，然后进别药。

定命丹 治诸痢发搐壮热，昏塞不省。

蝎七个，微炒 天南星炮裂，为末，一分 白附子炮过，为末，半分 青黛半钱，研 蟾酥一钱，干者酒浸一宿 麝香一字，研

上为细末，粟米粥和丸绿豆大，别以青黛为衣。新生儿用细粉一捻，油两滴，新汲水一蚬壳，化药一米粒许与服。便当汞粉取下胎中旧粪，则惊热诸疾不生。若患惊痢困重者，用荆芥、薄荷汤化下一丸。得困睡无疑，至觉乃愈。但有患者，先化下一丸，滴入鼻中，得嚏者为必瘥，不嚏者难治。

人参茯神汤 治诸痢发搐，精神昏愤。

羚羊角屑 人参去芦 茯神锉，去心木，已上各一两 天门冬去心 白鲜皮已上各半两 天竺黄 甘草各一分

上为末，每服一钱，水一盞，入姜二片，薄荷三叶，同煎半盞，去滓温服，无时。

铁粉丹 治诸痢搐搦，包络有涎，胸膈不利。

铁粉一两，研 朱砂半两，研，飞 牛黄一分，研 干蟾一支，生姜自然汁浸一时，炙焦，为末 牛黄一分，研

上为细末，糯米饭为丸黍米大。每服三五丸，煎人参汤下，无时。

大惊丸 治诸痢发搐，神志昏乱，痰涎壅塞。

① 正坐：兰陵堂本作“正生”。

② 并：原作“痢”，据兰陵堂本改。

雄黄研飞，一钱 青礞石火煨，研，一钱 铁粉二钱半 朱砂研飞，三钱 蛇黄火煨，醋淬九次，研飞，二钱 虾蟆灰一钱半

上研匀，以水浸饼和丸桐子大，每服一九，煎薄荷水，磨剪刀股化下，日二三。此药治惊化涎，不用银粉，服之则无他苦，不拘时候。

睡惊丸 治诸惊痫搐搦，痰壅昏愤，咽膈不利。

铁粉研末，重罗 茯苓 蛇黄火煨赤，米醋淬七次，将醋煮干为度 使君子肉 天南星研为粉，以薄荷汁和为饼，炙干

上各称八钱末，入金银箔各一十片，麝香一钱，脑子半钱，拌研匀细，糯米稀糊丸皂子大，朱砂为衣。每用五岁上儿一九，分二服。三岁下儿分三四服。并薄荷汤磨下，无时。

猪胆半夏丸 治诸般痫搐。

上以半夏一两，汤洗七遍，用豕猪胆三个，取汁浸半夏于磁器中，日晒干，切片焙燥为细末，生姜自然汁煮面糊和丸桐子大。每服五七丸至十丸，煎麦门冬熟水下，食后临卧各一服，忌动风毒物，其效如神。

天麻防风丸 治一切诸痫，抽掣搐搦，精神昏愤，痰涎不利，及风湿邪热等疾。

天麻 防风去芦并叉枝 人参去芦，各一两 干蝎 白僵蚕去丝、嘴，并炒，各半两 朱砂水飞 雄黄各研 甘草炙，各一分 牛黄 麝香各研，各一钱

上为细末，炼蜜和丸桐子大。每服一二丸，薄荷汤化下。无时。

神圣辰砂南星丹 诸痫发搐，服之曾经大效。

上以天南星四十九个，一般大者。于五月五日，取活蝎四十九个，与南星同炖在一瓦器中盛之，用盐泥固济外边周密，吊于净室中，至腊日取出，拣天南星曾被蝎螫者用之。曾经螫者有小窍者为验，其不曾经蝎螫者不用。将可用南星，以酒浸一宿焙干，杵为末。次用好辰砂一分，真牛黄、麝香、龙脑各一钱，研细，一处拌匀，生姜汁和丸桐子大。每服一二粒，煎入参、薄荷汤化下。无时。

蚬螂散 治诸痫经验。

上以蚬螂三十枚全者，用一大石榴割开顶上，取去穰子，作一瓮子，入蚬螂在内，却以割下顶子盖之，纸筋黄泥固济，厚半指许。初近火炙，渐至干，入火烧令通赤，良久放冷，取其中焦黑者，细研为散。每服一字，乳汁调下，儿稍大用半钱，防风汤下，无时。

白金散 治诸痫潮发，不省困重。

白僵蚕去丝、嘴，直好者，半两汤洗。焙黄，为末 天竺黄一分，细研 真牛黄一钱，别研 麝香研 龙脑研，各半钱

上拌研匀细，每服半钱，生姜自然汁调灌服，无时。

神授至圣保命丹 治一切惊痫风痉中风，并胎惊内吊，腹肚坚硬，夜啼发热，急慢惊风，恶候困重，上视搐掣，角弓反张，倒仆不省，昏愤闷乱等疾。

全蝎十四个，青色者 朱砂水飞，二钱，好者 麝香半钱 防风去芦并叉枝，一钱 金箔十片，研 天麻二钱 白僵蚕去丝、嘴，直者，一钱 白附子二钱，好者 天南星一钱 蝉壳去三泥，二钱

上为细末，梗米饭和丸樱桃大，以朱砂为衣。初生儿半丸，周晬儿一九，乳汁或薄荷水下。三五岁有急候者用二丸，五七岁至十岁常服只一九，此药性平温，不冷不热，大能镇心神，退惊痫，安魂定魄，祛风逐邪，化涎消痰，甚有神效。世之名医，固多妙药，如或未得此方，请试合一料，验之方知。子细养小之家，能自合之。庶不为银粉药所误，兼缓急亦可救人，服之无时。

青金定命丹 治诸惊痫抽掣瘵疾等疾。

水银研膏 辰砂水飞 全蝎小者 天南星生 犀角屑各八分 天麻 白附子烧存性 白僵蚕去丝、嘴，直者，各一两 青黛半两 麝香二钱

上同为细末，先用煮熟枣肉与水银研膏，至无星为度。然后和药末，如硬，更入枣肉，候得所，即丸如鸡头大，每服一九，薄荷温汤下，无时。

治惊痫后余证方

延寿散 治痫搐止后，再被惊者，仍要发

搐。

鸡舌香一钱 黄芪一分，蜜炙黄 辰砂二钱，水飞 五灵脂去砂石，半钱，研

上为细末，婴小用一字，二三岁半钱，四五岁一钱，糯米饮调下，无时。

回魂散 治痢搐瘥后，多吐逆腹胀，气急不食，及罢惊之后，一切虚候皆主之。

人参去芦 茯苓去黑皮 甘草 白僵蚕去丝、嘴 朱砂水飞，各一分 白附子一钱半，炮 全蝎一钱 蝉壳去土，净洗，去足，二十个

上为细末，每服半钱或一钱，煎冬瓜子、薄荷、清米饮调下，量大小与之，乳食前。

仙乌豆 治因发惊痢之后，心神失守而痴。

虢丹二两 晋矾二两

上同为末，入一合子盛，先用蛤粉封口缝，后以盐泥固济，炭火煨通赤，放冷取出研末，以水一斗，黑豆五升，同药末于锅中煮至水尽为度，晒干，任意与食。服无时。

通关散 治惊痢退后，只是声哑不能言。

上以天南星炮裂为细末。婴小半字一字，二三岁至四五岁儿半钱。六七岁儿一钱。獭猪胆汁调服，咽下便能言语。昔钱乙治王氏子，慢惊退后不语，他医作失音治之，不瘥，乙曰：既失音，何开目而能食饮，又牙不噤而口不紧也。诸医皆不晓。乙曰：此前患惊痢时，曾用清药利大小便，致脾肾俱虚，今补脾实而惊已退，肾尚虚怯，不能上接于阳故也。遂以地黄丸补，数日能言。其方本集载之。

天茄散 治惊痢退后，筋脉不舒，不能行步，或因汗出惊退，而汗出不通所致。

茄种见霜者，半两，切碎，焙干 附子半两，炮裂，去皮、脐 羌活去芦，一分，焙

上为末，二三岁儿一字，五七岁半钱，七八岁一钱，麝香酒调下，日三，疾愈止服，不拘时候。

治惊痢兼别病方

麝香饼子 治慢惊因虚而风邪又从背俞袭之，入伤心肺之经，为相合之病成慢惊。本证之外，更加胸满短气，冒闷不省，汗出无时。外但心

肺中风者，见中风门中。

川乌头半两，炮去皮、脐 天南星半两，泡 白花蛇酒浸一宿，去皮骨，焙干，半两 干蝎梢半两 赤头蜈蚣二条，酒浸酥，炙黄，已上先为末 麝香半两，研 乳香一分，研 朱砂一分，研，飞 铁粉一分，研 牛黄一分，研

上同拌研匀细，酒糊丸鸡头实大。捻扁，每服一饼，人参、薄荷汤化下。

乌梢丹 治如前。

乌梢蛇水浸，去皮骨，二两 天浆子二十一个，微炒，去壳 天麻一两 防风去芦并叉杈，一两，锉 天南星一两，微炮 干全蝎一两，去毒 白附子一两，炮 大附子一枚，炮裂，去皮、脐 半夏一两，汤洗七次 人参去芦，一两

上都一处，好酒浸三宿，取出，焙干为细末。次用水磨雄黄一两，辰砂一两，同研细，水飞焙干，麝香二钱，龙脑一钱，各研细，与上件同拌匀，糯米饭和丸黍米大。每服五七粒至十粒十五粒，量大小加减，金银、薄荷汤送下，神验，不拘时候。

干漆芫荇散 治诸般虫证，传带惊痢，啮齿直视上窜，叫呼搐搦，渐成危急。

干漆杵碎，炒令烟尽即止 白芫荇去皮，各等分

上为末，每小者一字，大者一钱，米饮调下，日三，量大小加减，以瘥为度，乳食前。

绛朱丹 治惊痢涎痰，咳嗽啮满。

南星二两，炮 半夏三两，汤洗七次，去滑 白矾枯，过称，一两半 滑石二两，火煨通赤 铅霜半两，研

上为末，糊丸麻子大，朱砂为衣。每服十丸，生姜汤送下，乳食前。

缓息汤 治虚而生风，发搐喘满。此慢惊候。

桑白皮三两 白茯苓去黑皮，一两 白僵蚕去丝、嘴，一两 杏仁去皮、尖，炒黄，别研，一两，后入

甘草半两，炙 人参去芦，半两 桔梗去芦，一两，锉 白术一两 陈皮一两，去白

上为末，每服一钱，水一盂，入生姜三片，同煎至六分，去滓放温，时时呷之，此黑孩儿柏防御方也，服之便定。

青金丹 治诸痢诸疳诸虫泻痢等疾。

青黛二分，研 雄黄二分，研 朱砂二分，研
胡黄连二分 膩粉 熊胆温水化 芦荟各一分
白附子 脑子 麝香各半字 蟾酥一皂子大 水
银皂子大一块，同朱砂研无星

上为末同研，用猪胆汁熬过，浸少蒸饼和丸黄米大。一岁儿二丸，量大小增减，如诸痢潮搐，先以一丸，温水化破，滴鼻中令嚏，吊眼者自下，搐搦亦定，更用薄荷汤化下一二服。如变蒸寒热，亦薄荷汤化下。诸般泻痢，米饮下。诸疳，粥饮下。疳虫蛔咬，苦楝子汤下。疳蚀口疮鼻烂，乳汁研涂。疳眼雀目，白羊子肝一片，竹刀批开，研药作末，掺在肝片内，麻缠，米泔煮熟，空心服。乳母常忌鱼大蒜鸡鸭猪肉。

如圣青金丹 治一切风痢搐搦，及寒热腹痛，诸虫五疳八利，肚大脚细，泄泻无时，天吊胎惊，暗风痲病，热疳口疮等疾，悉能主之。

青黛半两 瓜蒂一分 朱砂一分，水飞 轻粉一分 蝉壳去土，三个 雄黄一分，水飞 芦荟一分 胡黄连一分 熊胆一分，化开 麝香少许

上为末匀细，用猪胆汁和丸桐子大。瓷合贮之，诸般惊痲风疾，搐搦上视，温水化一丸，滴鼻中，嚏喷立效。更用薄荷水化下丸。久患泄泻，腹胀肚大，脚细诸疳，米饮化下。余同前方。

麝香丸 治诸痲诸疳等疾。

草龙胆去芦 胡黄连去须，各半两 本香 蝉壳去土，一分 瓜蒂 龙脑 麝香 牛黄各一钱

上为末匀细，猪胆汁和丸，作两等丸，大者如绿豆，小者如黍米。治疳眼，用猪肝汤下五七丸至一二十丸，量大小用药增减。疳渴者，猪肉汤下。惊痲发搐上视，薄荷汤下。更研一丸，滴鼻中。牙疳鼻疳口疮，研末傅之。虫痛，煎苦楝汤或白茺萸汤下。百日内儿大便不遍，水研封脐中。诸虫证加干漆、麝香各少许，入生油一二滴，温水化下。惊疳或秘或泻，清米饮下，病急者研碎服之，病缓者漫化服之。若极虚慢惊者，不得与服。急惊痰热，尤宜服之。

夺命丹 治一切诸般惊风天吊，暗风痲病，胎惊发搐上视，身直背强，及治五疳肌瘦羸瘠，肚大脚细，发稀饶渴。又治便痲脓血，水谷不化，

洞泄下注，并温壮身热，口疮烦躁，叫啼等疾。

朱砂半钱，研，水飞 麝香研 麒麟竭研，各半钱 牛黄研 龙脑研 没药研 熊胆研 粉霜一钱，研 青黛三钱，研 使君子十个，去壳，面裹煨熟，为末

上相和，再研匀细，取井花水滴水为丸，如豌豆大。每服一粒，以薄荷自然汁半蚬壳许化开，入温汤半茶脚调匀服之，若诸疳泻痢不止，或惊热涎盛，吊眼发搐者，以三丸化下，更量大小加减。

治诸惊痲客忤，以麝香当门子一粒，好朱砂一块，如当门子大，同研极细，温熟水调下，未能服者灌之。

治惊痲夜啼，以仙人杖，安儿身边令睡。仙人杖乃笋欲成竹时立死者。

中风论

心肺中风^①

小儿血气柔弱，肌肉脆薄。若寒温失度，则肤腠开而为风邪所中。始著俞穴而行经脉，次随血气而入腑脏，促其所著，即生病焉。其入腑脏者，唯心肺二脏居膈膜之上，空隙之处，又俞穴亦在子午，故风乃易中，而有患者。其状昏困不省，手足抽掣，心胸满，气短多汗，此尤为急。大抵其余腑脏，皆居膈膜之下，叠实之处，又俞穴亦在于下，故风乃难中，而无患者。其入于经脉者，为病甚多。今采其有患者具之。

风痉^②

风痉者，一云风痲，风邪伤中阳经也。或因解脱，或脐疮未合，为风所伤，皆令发痉。其状口噤不开，项背身体强直，耳中策策而痛，一向昏惯不省，其脉如弦，直上下也。虽与惊痲相似，然发面时省身软者，惊痲也。若发不时醒，身硬强直者，风痉也。其卒然身痉者死。

① 心肺中风，原无，据目录补。

② 风痉，原无，据目录补。

中风角弓反张^①

风角弓反张者，亦由风伤阳经也。故令腰背反折，不能俯屈，如角弓之状，此亦颇似痉病。然痉病身体强直，此病身体反折，所以异也。

中风口噤^②

风口噤者，手三阳之筋入络颌颊，足阳明之筋上夹於口，风邪中於诸阳之筋，使机关变急不利，故使口噤不能开也。诊其脉迟者生。

中风拘挛不随^③

风拘挛及不随者，风邪寒热入於经络，搏於筋脉，筋脉受邪，冷则四肢拘挛，热则缓纵不随也。诊其脉，脉急细如弦者，筋急拘挛也。若脾脉缓弱者，四肢不随也。

中风口眼喎斜^④

风口眼歪斜者，由风邪入於颌颊之筋，其脉偏急，故令口眼歪斜，目不能平视，语不能正也。诊其脉浮而迟者可治。又云夜卧当耳有隙，因风入耳，亦令人口歪也。

中风瘖不省^⑤

风瘖不省者，由风邪先中於阴，病发於五脏。其状奄忽不知人事，喉中噫噫有声，舌强不能言，汗出身软，服下鼻两旁人中左右有色白，可治。若一黑一赤吐沫者，难治，汗不出体直者，死。

治心肺中风方

半金散 治心肺中风，昏困不省，心胸满闷，抽掣短气，汗出不休。

乌蛇肉酒浸，去皮骨，焙，一两 天麻一两 全蝎去毒，一两，炒 僵蚕去丝、嘴，炒，一两，为末 朱砂半两，研，飞 龙脑一钱，研

上为末，拌匀细，每服半钱，温汤调下，无时。

比圣丹 治如前。

干全蝎去毒，一两，微炒 羌活去芦，半两 白

附子半两 天南星半两，生 黑附子一枚，重半两上，炮裂，去皮、脐

上为细末，入膩粉一钱，研匀，炼蜜和丸绿豆大。每服五七粒，荆芥汤下，无时。

白花蛇散 治心肺中风，声不能出。

白花蛇腰以上者，酒浸去皮、骨、炙黄，一两 羚羊角屑一两 桂心一两 菖蒲一寸，九节者，一两 人参去芦，一两 川乌头半两，炮裂，去皮、脐，称

上为细末，每服一字或半钱，麝香、荆芥汤调下，并二三服，无时。

治风痙方

通圣散 治中风痙病，口噤体强，耳中策痛，发昏倦，不时省。

蝎尾二十一个，去毒 晚蚕蛾十四个 天浆子去壳，十四个 白附子半两，已上为末 朱砂一分，研飞 麝香一钱，研

上拌研匀，每服一字或半钱，薄荷汤入酒两滴调下。

天南星膏 治如前。

天南星一两，为细末，酒调，慢火熬成膏 赤头蜈蚣半两，酥炙 全蝎半两 乌蛇肉酒浸，去皮骨，半两，已上先为末 朱砂一两，研，飞 牛黄一分，研 麝香一分，研

上同匀细，入南星膏和剂，石臼中杵膏，软硬得所为度，每服一皂子大。薄荷自然汁，入酒一滴同化，服之无时。

二证同治方

乌犀煎 治心肺中风，及风痙病。

乌犀屑一两 天南星半两，微炮 白附子半两，炮 天麻半两 白花蛇酒浸，去皮骨，炙黄，半两 蝎桐半两，去毒

上为细末，用无灰酒两大盏，银器中同熬成

① 中风角弓反张：原无，据目录补。

② 中风口噤：原无，据目录补。

③ 中风拘挛不随：原无，据目录补。

④ 中风口眼喎斜：原无，据目录补。

⑤ 中风瘖不省：原无，据目录补。又“中”字系据前后文例补。

膏，每用皂子许，麝香汤化下，无时。

夺命散 治如前。

干蛇头一个，酒浸，炙黄取肉 赤头蜈蚣一条，
酥炙黄 干全蝎去毒，一分 麻黄去根节，一分
草乌头一个，去皮、尖，炒黄，已上为末 朱砂一分，
研 牛黄一分，研 龙脑一钱，研

上拌匀细，每服一字，温酒调下，无时。

乌蛇散 治如前。及治角弓反张，并一切诸
风之病。

乌蛇肉一两，生 石菖蒲一两，九节者良 天
麻半两 全蝎半两，去毒 假蚕炒，去丝、嘴，半两
附子一枚，半两者，炮裂，去皮、脐 羌活去芦，半
两 人参去芦，半两 半夏一分，汤洗，切片，炒黄
白附子一分，炮

上为粗末，每二钱，水二盏，生姜十片，薄荷
五叶，同煎至一盏，滤去滓，放温，时时滴口中。

治中风角弓反张方

归魂散 治中风腰背反折，如角弓之状。

蝎梢一钱半，炒 赤足蜈蚣半条，酥炙 水银
粉一字 川乌头尖二个，炒，令深黄色 白花蛇肉
酒浸，取炙黄，称，一钱 天南星切碎，生姜自然汁浸
一宿，焙干，称，半钱 脑子一字 麝香一字

上匀细末，三岁下儿一字，上至四五儿半
钱，金银、薄荷汤调下，量大小虚实加减，无时。

水银丸 治如前。

水银 蛇黄烧赤，米醋淬七次 轻粉三钱
雄黄研，水飞，各一分 生犀末半钱

上同为末匀，以青州枣肉和丸大豆大，一岁
儿蜜水化一丸，无时。

治中风口噤方

石膏汤 治中风口噤，颌颊紧急，冥冥如
醉。

石膏 独活去芦 川升麻各一两 麻黄去
根、节 桂枝 赤芍药 防风去芦并叉枝 细辛
去苗，各半两 甘草一分

上为末，每服一大钱，水一盏，入薄荷、竹叶
各数片，煎至五分，去滓温服，无时。

羌活紫汤 治中风口噤，身体强直。

上以羌活一两，去芦头锉碎，酒三升，浸一
宿，用黑豆一升，净淘，炒烟出，乘热就锅中以酒
药沃之，放温去滓，每服一注子灌之，日二三服，
无时。

雀矢丸 治中风口噤，声音不出，饮食不
下。

上取雄雀粪研末，糊丸麻子大。饮下三二
丸，薄荷汤亦得。大良。雀矢白亦佳。

又方 治口噤颌急，风中阳经。

上以白棘烧灰研为末，水调一钱匙服。

又方 治卒口噤不开。

上以附子末，芦管吹入口中。甚良。

治牙噤不开。

上以天南星一枚煨熟，乘热用纸封裹，不令
透气，仍于上尖处剪一鸡头大窍子，透气于鼻
中，立开。

治中风拘挛不随方

独活黄芪汤 治中风四肢拘挛。

独活 黄芪 酸枣仁汤浸一次，各一两 麻
黄去根、节 羚羊角屑 桑白皮锉 肉桂去粗皮
芎藭各半两

上为细末，每服一大钱，水一盏，入生姜、薄
荷各三片，煎至五分，去滓温服。无时。

赤箭汤 治中风半身不随。

赤箭一两 假蚕去丝、嘴，微炒，半两 白附子
半两 独活去芦，半两 麻黄去根、节 白花蛇酒
浸，去皮、骨，各半两 杏仁三十个，麸炒，去皮、尖，
研，后入

上同为末，每服一钱，水八分，煎入石榴皮
少许，煎至五分，温服，无时。

治中风口眼喎斜方

防己汤 治中风口眼喎斜，视不能平，语不
能正。

汉防己 川升麻 天麻 川芎各一两 桂
心 羚羊角屑 麻黄去根、节，各半两

上为细末，用杏仁一分汤浸，去皮、尖，炒
黄，研细，拌匀，每服一钱，水一盏，入生姜三片，
薄荷三片，同煎至五分，去滓稍热，时时与服。

二圣散 专治中风口眼歪斜。

蝉壳去土，一两，五月五日，取东南枝上者 寒食面一两

上同研匀细，每用半钱，以酃醕调摊薄纸上，如膏药花子，贴患处，左斜贴右，右斜贴左。如口正，急以水洗去之。

全蝎散 治中风口眼歪斜，语言不正，手足偏废不举。

全蝎去毒，炒 僵蚕去丝、嘴，直者，炒 川芎 黄芩 大天南星汤洗七次，去皮、脐，切，焙 甘草炙 桂不见火 赤芍药 麻黄去根、节，各三钱 天麻六钱

上为粗末，每服二钱，水一盏，生姜七片，煎至六分，温服无时。

朱砂丸 治中风口眼歪斜，筋急牵引。

朱砂半两，研，飞 干蝎微炒 天麻 白附子炮 牛黄 白僵蚕去丝、嘴，微炒 干姜炮，锉 麝香研，各一分

上为细末拌匀，软粳米饭和丸黍米大，每服三钱，乳汁送下，日三服，无时。

又方 名同，治同。

朱砂研，水飞 干蝎去毒，微炒 僵蚕去丝、嘴，微炒 天南星炮裂，各半两 白附子一分，炮

上为细末，糊丸绿豆大，一岁儿一丸，薄荷

汤下，随数加之，无时。

治风瘵不省方

槐子煎 治中风瘵困不省。

槐子微炒 白僵蚕去丝、嘴，微炒 防风去芦 白附子炮，各一两 干姜炮 麻黄去根、节 半夏汤洗七次，各半两，为末，熬膏 朱砂半两，研 牛黄一分，研 麝香一分，研 金箔二十片，研后入

上用好醋两大盏，与前药慢火熬成膏，次日药和匀成剂，丸绿豆大，每服五丸，温酒送下。量大小加减，牙关噤者，斡灌之。

急风散 治如前。

白附子四枚，大者去尖，生用 全蝎去毒，五枚，炙 天南星一个，锉，炙深黄色 半夏十个，汤洗七次，去滑尽 天麻一分 膩粉半钱

上为细末，每以一钱分四服，薄荷酒调下，立效。能治一切诸风，更量大小与之。

愈风汤 治如前。

香附子炒，揉去毛 川芎 羌活去芦，各等分 上为细末，每服一钱，水半盏，入酒两滴，同煎至七分，温服，急者汤酒调服。

小儿卫生总微论方卷第七

伤寒论

经曰：伤寒有五。有中风、有热病、有温病、有中温、有伤寒。其所苦各不同。此五者配入五气，随四时为病。故春风、夏热、秋燥、冬寒、中温，而伤寒则居一焉。其细论在伤寒类证集中。其四时之病，皆谓之伤寒者，乃总概之名也。内热病者，乃盛暑之时，炎热之气中人为病也。又名曰中暍。湿病者，乃雨露霜雾，烟岚水渍，湿气中人为病也。小儿无此二病。谓小儿不治家事，未有干办。早卧晚起，不致冲冒故也。外伤风、伤寒、温病，小儿有此三病。谓严寒、厉风、温气，无所不至，小儿肌肉脆软，气血柔弱，易为伤之故也。是三病者，其证其脉，不可诊切。儿稍大者，可切脉而别之。伤风之脉，阳浮而阴弱也。伤寒之脉，阴阳俱盛而紧涩也。温病之脉，行在诸经，未知何经之动，随其经之所在而取之也。若婴小未能诊切者，但看其形候耳。

伤风者，乃四时八方为厉之风伤人。其候昏睡呵欠顿闷，口中气热，或自汗恶风发热，鼻鸣干呕，热多寒少，面光而不惨，手足皆热，烦躁，治当发散。有饮水者，有能食者，有不能食者。其饮水能食者，可微下之，余不可下也。

伤寒者，乃冬时严寒之气伤人。入于腠理，当是之时，壮者气行而已。怯者则著而为病，其即发者为伤寒，至春发者为温病，一云在夏至之前，非时行温气之病。夏发者为热病。一云在夏至之后，非中暍之热病。其候而赤，浑身壮热，头痛体疼，鼻塞声重，清涕咳嗽，寒毛立，气促急，或呕吐白水。寒多热少，而色惨而不舒，手足指末微冷，不烦躁而恶寒。伤风者，不恶寒而恶风；伤寒者，不恶风而恶寒。其恶风者，当风而乃憎寒也。其恶寒者，虽不当风而亦自憎寒也。以此别之。治者若脉洪盛，身体壮热，头痛而赤，四肢暖者为阳证，宜汗之。若脉微细，身冷不甚，头痛体疼，面青四肢冷者

为阴证，宜温之。

温病者，四时之间，非节候邪气伤人。如春应温而反寒；夏应热而反冷；秋应凉而反热；冬应寒而反温。言此时通行此气为病，无少长略同，故名天行时气，又名时行温病。其候头痛身重，壮热体疼，与伤寒相似。但临时看其脉与其证，属何经受病，随经而分别^①之为治也。已上三病，通以伤寒为治。邪在外者，解之汗之。邪在内者，温之下之。当随证按法而行之。钱乙言伤寒男体重面黄，女喘急而赤。各憎寒，口中气热，呵欠顿闷项急，此乃不分伤风伤寒而概言之也。况伤风、伤寒，证候传变多端，自有专经可凭。孙真人云：治小儿与大人无异，惟减用汤剂极少耳。更有伤风寒而兼食者，俗呼谓之夹食伤寒也。其候壮热烦渴，鼻塞声重，四肢困倦，眼黄，腹中胀痛，涎唾呕逆，或呵欠顿闷，治者不先攻所伤，但先解表。候表解然后下之，则病与食皆去也。若不顾其表，便以药攻之，多致结痞也。又有因失饥而食寒饮冷，伤于脾胃，而中风寒。其候胸膈不快，腹胀而痛，而色唇口皆青，手足逆冷，脉沉细者，此寒伤于脾，病属太阴，庸工不识，以为胸膈不快，妄用针灸，或便投峻药，则胸膈愈不快而吐利，只一两日间，便致危殆。此不明之误，非其治也。所谓伤寒，本经药证甚多，难以具述。今采其小儿常所患者之方，及有所兼见之证，略为条叙。

伤风寒手足冷，身热，而赤头痛者，此脾怯也。宜先和脾，然后发散。伤风寒自利者，脾虚也。宜先补脾，然后发散。未瘥者先调顺其中，有下证者微下之，有惊者退之。

伤风寒腹胀而喘者，脾虚也。宜先补脾，去胀定喘。候喘定，然后发散。

伤风寒得下后，大势已退，而余热未解者，是下之太过，胃虚而热乘之故也。胃中虚热者，

^① 分别：原脱，据兰陵堂本补。

饮水无多，当生胃中津液，津液得生，则热与渴皆止矣。已上钱乙论其治方，本集载之。

伤风寒其热在外者为表病。若未入于里而下之太早，里虚气逆，热结胸中，坚硬而痛者，此为结胸。但若硬满而不痛者，此为痞气。若因饮水得者，则为水结。若三四日外，热入于里，则腹满痛，内实有燥粪者，当下之。若热入大肠，则为大便秘涩不通。若热入小肠，则为小便难涩不通。热入大小肠，则为大小便不通。热入脾胃，脾胃属土。候于肌肉，热盛蕴蒸于外则为发黄，热熏于心胸则为烦躁。津液耗减者，则为发渴。热上冲咽喉口舌者，则生疮疼痛。有血泄者，血得热则流溢妄行。从鼻出者，则为衄血；从口出者，则吐血；从大便出者，则便血；从小便出者，则遗血。若壮热未汗，躁喘鼻鸣，因衄一升数合而热得歇者，病则解矣。若出至二三升者，危矣。若热毒积满于内，不得时下，致毒乘瘀血，则烦盛发狂。若燥^①塞昏冒闷乱者，死。若胃有寒气相搏，则呕哕咳逆。若肺有寒相搏，则咳嗽气急。若气怯者，传变入阴，则四肢厥逆，而青体冷，下利清谷，并当随证施治。

钱乙论伤风、伤寒、疮疹、伤食、壮热、昏睡，一皆相似。若仓卒未能辨认之间，但与升麻葛根汤、惺惺散、小柴胡汤，此数药通治，甚验。

《圣惠方》云：婴孩伤寒，不可用性燥药发汗。燥加腑脏，热极伤心，则厥逆而难治。又不可用性热药，乃助阳。阳极则阴争，四肢汗出如油。手足或冷或热，多致发狂，颠痛搐搦，为难治。又不可用性寒药，寒则阳受其冷，则寒热相击，一向叫啼不睡，使热上冲于脑，则头骨缝开为难治。予流落钱塘，就馆于亲僚苏伯正防御家。伯正以医治伤寒名闻，予常观其用药次第。若小儿伤寒壮热，头痛体疼，脉大鼻塞声重，嚏咳呵欠，恶风憎寒，病在表可汗者，用银白散，热多者甘露散。有食饮宿滞，脾胃不和者，以安胃丸间服。胸膈不快者，以香壳散间服。烦渴饮水，或作寒热者，灵砂散间服。有惊者，天麻防风丸、人参化风膏。涎盛咳嗽者，小珍珠丸。如此施治，随手得愈者，十有八九。余一二者，乃病久传深，或已成坏证，方才请召，亦依法调治，乃得痊可。

其所用之药，多非古方，性不燥热，率皆温平，是谓达南北之异地，识寒热之所宜，深通古人治病之大体也。予尽得其方，今与诸方共叙于后。

银白散 治伤寒壮热，头痛体疼脉大，解表发汗，夹惊者皆可服。

上以煨熟寒水石半斤，研极细，入炒熟黄丹一钱半研匀，如淡即添入些小。以红粉色为度，每服一钱，生姜汤调下。未能饮者，稠调抹口中，以乳汁送下。无时。

甘露散 治伤风壮热，头疼体痛，解表发汗，及热多者。

上以好滑石二两研细，入甘草末半两拌匀。每服一钱，以浓煎萝卜汤调下。一方更有防风半两为末，同研匀，滑石可用桂府白色者妙。

安胃丸 乃化滞丹小丸子也。

香壳散 治伤寒心胸满闷不快。

上以橘皮洗去穢，为细末，每服一钱，生姜汤调下，乳前食。

灵砂散 治伤风寒温热，表里未解，头痛发热，口燥喘干，烦渴引饮，或水入即吐，小便不利，或作寒热，及汗出表解，而烦燥不止。

上以五灵数半两，入朱砂细末一钱，同研匀。每服一小钱，米饮调服。无时。

天麻防风丸、人参化风膏 二方俱具惊痫门。

小珍珠丸 治风壅痰实，利喘膈，除咳嗽，止烦热，清头目。

半夏汤洗七次，焙干为末，一两 白矾烧汁尽，研末，一两 寒水石煨通赤，出火毒，研，一两

上拌匀研细，而糊和丸，黄米、麻子、绿豆三等丸子，每服五七丸至十丸，温生姜汤下。食后量大小加减与服。

欢喜散 治伤风寒，发热头痛，无汗恶风，或温热鼻塞清涕，泪出嚏喷。

防风去芦并叉枚 人参去芦 甘草炙 天麻去芦 前胡去芦，各二钱半 细辛去苗 柴胡去芦，各一钱半 白茯苓去黑皮 桔梗去芦，各二钱 枳壳去穢，麸炒，二钱半 川芎三钱

上为细末，每三岁已上抄一钱，水六分，薄

① 燥：兰陵堂本作“郁”。

荷两叶，同煎三两沸，通口服，无时。

红绵散 治伤风寒及夹惊取汗。

麻黄去根、节 全蝎炒 大黄纸裹，煨熟，切，
焙 甘草炙 白附子 苏木锉，炒 天麻生，各一分

各为细末，一岁下儿服一字，已上儿半钱，四五岁一钱，水一小盏，以绵少许，裹药煎之，至绵红色即去绵。温服。

坯煎散 治伤风寒，夹惊潮发，头痛体热，咳嗽，手中冷。

麻黄去根、节，半两 人参去芦 茯苓 白僵蚕去丝、嘴 全蝎 天麻 白附子 甘草炙，各一分 朱砂二钱，研 川乌炮，去皮、尖，一钱半

上为末，每服半钱至一钱，水五分。入坯子胭脂一豆大，薄荷两叶，葱白一寸，同煎至四分，放温服，不拘时。

千金丸 治伤寒夹风夹惊夹食取微利。

朱砂末，一钱 全蝎七个，末 白丁香七个，末 腻粉一钱 麝香半钱

上为末匀，白饭和丸萝卜子大，薄荷汤下。一岁儿三丸，量大小加减，无时。

茯苓散 治伤寒数日，胸膈不利，调中养胃。

赤茯苓一两 陈皮三分 桔梗去芦，一两 甘草炙，半两

上为末，每服一钱，水六分，入生姜二片，煎至四分，温服无时。

枳实散 治伤寒已汗未汗，卒胸膈痞痛。

上以枳实麸炒黄为末，每服一钱或半钱，米饮调下。无时。

竹沥 治伤寒数日，烦躁不解。

上以竹沥新汲水各半茶脚和匀，服无时。

真珠散 治伤寒口干，心神烦躁。

真珠末研 龙脑研 牛黄研，各半钱 栝蒌根 茯神去心内木 朱砂研，各一分 牙硝 寒水石，半分

上为末匀，每服半钱，蜜水调下。无时。

秦艽煎 治伤寒心神烦躁，口干烦渴。

上以秦艽半两，去芦，细锉，用牛乳半盏，煎至六分，去滓放温，分三四服。无时。

藕汁蜜 治伤寒烦渴。

上以生藕捣取汁半茶脚许，入蜜一钱，调匀服，无时。

葛根汤 治伤寒发热烦渴。

葛根 人参去芦，各半两 麦门冬去心 白茯苓 甘草炙 泽泻各一分

上为末，每服半钱或一钱，水半盏，薄荷两叶，煎至四分，去滓温服，无时。

百合散 治伤寒腹中满痛。

上以百合半两，炒黄为末，每服半钱或一字，米饮调下，无时。

黄芩散 治伤寒五六日，大便不通，热躁闷乱。

黄芩 枳壳去穰，麸炒 大黄 大腹子各半两

上为粗末，每服一钱，水半盏，煎至四分，去滓服，不拘时。

犀角散 治如前。

犀角屑 川大黄炮 柴胡去苗，各半两 人参去芦，一分 朴硝 甘草各半分

上为末，每服半钱，水五分，入枣二个，煎至四分，去滓温服，量大小加减。

石燕散 治伤寒小便不通，小腹胀满。

上以石燕火煨为末，葱白汤调下一字，以通为度。无时。

又方 以萱草根煎汤，调五苓散服之，乳食前。

葛根汁 治伤寒衄血不止，以生葛根汁一小盏，分三四服即止，无时。

立应散 治如前。

蒲黄 干葛根末 石榴花焙干，末，各一分

上为细末，每服半钱或一字，生地黄汁调下，并二三服止。无时。

又方 以黄药为末，每服半钱或一字，新汲水调下，无时。

金汁蜜 治伤寒衄血，数日不止。

生地黄汁小半盏 白蜜小半盏 蒲黄半两

上和匀，微暖过，每服半茶脚许。无时

神白散 治伤寒吐血、衄血、咯血，大小便利血。

槐花一分，微炒 蛤粉半两

上同为细末，每服一钱或半钱，煎柳枝汤故温调下，如修合不及，但以柳枝为末，新水调下亦可。

香墨丸 治伤寒衄血，儿小不能服散药者。

上以好细墨为末，鸡子清和丸黍米大，每五七丸，饮下或灌之。

地黄汁 治伤寒吐血，心胸不利，烦渴不已。

上以生地黄杵绞取汁，量大小与之，亦治衄血。

麦门冬汤 治伤寒咳嗽喘急。

麦门冬去心 款冬花去枝梗 人参去芦 紫菀洗焙，各一两 桂心半两 甘草一分

上为末，后入杏仁二十枚，麸炒去皮尖，研细拌匀，每服一钱，水一盞，生姜二片，煎至六分，去滓温服。无时。

一捻金散 治伤寒风热咳嗽。

白僵蚕去丝、嘴，一钱 甘草半两，炙 延胡索去皮，一分

上为细末，每服一捻。薑汁调下。无时。

润肺散 治伤寒鼻塞，涎壅咳嗽，肺气不利，语声不出。

麻黄去根、节 人参去芦，各一两 杏仁麸炒，去皮、尖 贝母去心，麸炒黄，各一两 甘草炙，半两

陈皮去白，一分半 桔梗去芦，一分 阿胶蛤粉炒，如珠子大，用一分

上为末，每服一钱，水八分，煎至六分，去滓温服。无时。

赤芍药散 治伤寒阳证咳逆。

上以赤芍药沸汤浸七遍，每遍以瓦盆盖少时，数足取出，炒燥为末。每服一钱，豆豉三粒，生姜一片，水七分，煎至五分，放温服。无时。

葶苈汤 治伤寒寒多咳逆。

葶苈 良姜各等分

上为末，每服一钱，水六分，煎数沸，入醋少许，搅匀带热服。

灵砂膏 治伤寒脉数，热入胃呕吐。

泽泻二两半 桂去皮，一两 猪苓去皮 赤茯苓去皮 白术去芦，各一两半

上为末，炼蜜和膏鸡头大。每服一丸，生姜自然汁化破与服，只末用便是五苓散。亦治发热烦渴饮水，水入即吐，或小便不利，瘀热在里发黄，浓煎茵陈蒿汤调下，余病饮调。

四味人参汤 治伤寒脉迟，胃冷呕吐。

干姜炮 黄芩 黄连去须 人参去芦，各等分

上为粗末，每服一钱，水六分，煎至四分，去滓温服。无时。

附子姜朴丸 治伤寒寒多，呕吐，手足厥冷。

附子炮，去皮脐，半两 干姜一分，块 厚朴去粗皮，生姜制，一分

上为末，糊丸麻子大。每服五七丸，米饮下，无时。

半夏汤 治伤寒呕逆，不下乳食。

上以半夏半两，汤洗七次去滑，生姜一两，同锉碎，焙干。每服一钱，水一盞，煎至五分，去滓。时时与服。无时。

芦根饮子 治伤寒干哕，及反胃呕吐。

生芦根切碎 青竹茹各二合 糯米半合 生姜半两

上咬咀，先以水一升，煮干里鞋底，取半升，澄清。下药再煮，取二三合，随意服，量大小加减。

小半夏汤 治伤寒干哕欲死。

半夏 生姜各一两

上咬咀，以水一大盞，入药煎，留半盞，去滓，分数服。

三黄散 治伤寒发黄。

川大黄半两，锉，微炒 黄芩一分 黄连去须，一分

上为末，每服半钱，水六分，煎半。去滓温服，无时。

大麦苗汁 治如前。

上取大麦苗捣烂，绞汁与服，小麦苗亦得。

人参柴胡饮子 治体虚伤子寒邪，浑身壮热，头目昏重，项背拘急，肢体疼痛，干哕呕逆，或作寒热，发歇无时，烦渴不食。

人参去芦 柴胡去苗 白术 白茯苓 青

皮去穢 桔梗去芦 麦门冬去心 川芎 白芍药 甘草炙 桑白皮 升麻各等分

上为末，每服一钱或二钱，水一盞，乌梅一个，同煎至六分，量大小分服，无时。

治伤寒时气，头痛不可忍。

上以朴硝研细末，生油调涂顶上。

治伤寒毒攻手足痛者。

上以羊桃汁，新盐豉汁渍之。

黑龙散 治小儿伤寒在表，服冷药，寒伏于中，危困不得汗。

麻黄去根、节，三分 竹茹一分 苏木一分 蝎梢二十一个 乌龙土一分，乃火团也

上为末，每服半钱，水五分，煎至三分，温服无时。

鸡白调散 治伤寒伤风，发寒热似疟，久不瘥渐变骨间蒸热。

朱砂水飞 白矾枯 铁华粉 粉霜 铅白霜各一钱 轻粉 白附子各二钱 蝎梢六个 龙脑 麝香各少许

上为末，每服半钱，入鸡子白，并花水共约一茶脚，调匀服，无时。

茵陈散 治伤寒发黄不可下。

茵陈一两 白术半两 甘草半两

上为散，每服半钱，沸汤调下，小便不利者，加茯苓一两。

绛雪丹 治伤寒五六日，发黄，小便不利，烦躁热闷，饮水烦躁不解。

朱砂半两，研，水飞 硝石二两，研 龙脑少许

上同研匀细，白米饭和丸鸡头子大。沙糖水化下，量大小服。

商陆散 治伤寒咽喉肿痛。

上以商陆根切碎，杵烂炒熟，用手帕子裹之，熨肿处，冷即易之。

甘桔汤 治伤寒咽喉妨肿。

桔梗去芦，一两，米泔浸一宿，焙干用 甘草二两，炒

上为末，每二钱，水一盞，煎六分，放温冷，细细呷服。

黄柏蜜 治伤寒热毒，口舌生疮赤烂。

上以黄柏去粗皮，用蜜渍一宿，微煎过。含

之，咽汁勿绝。或以黄柏为末，同煎膏含之，量多少。

黄芩汤 治伤寒口舌诸病，舌黄舌黑，舌肿舌裂，舌上生芒刺，舌上出血，皆治。

黄芩三钱 赤芍药二钱 甘草二钱，炙

上咬咀，每二钱，水一盞，煎至六分，去滓温服，亦主鼻衄。

胜金饼子 治伤寒结胸气痞，并主之。

大黄半两 枳壳去穢，麸炒黄，净，一两

上为细末，炼蜜和剂，捏作饼子，如小钱大。结胸者用芒硝半钱，同生姜水化半饼或一饼服之。痞气者煎陈皮汤化下，无时。

生熟散 治伤寒结胸硬痛。

上以草乌头二个，一生一炮，同为末，生姜自然汁和匀为丸，如鸡头子大。每一丸用蜜汤化下。

芫花熨法 治伤寒因饮水，心下结痞硬痛，名水结。

上以芫花醋拌匀，慢火炒熟，用绵裹熨之，冷即易。再炒用，以效为度。

蓝靛 治伤寒热毒乘心，神志冒闷，烦躁昏乱。

上以蓝靛一字或半钱，新水调下。

苦参酒 治伤寒热毒，结在胸膈，六七日望死。

上以苦参半两锉碎，用酒一盞，煎至半盞，去滓放温，分三四服，连并服之，须臾吐出苦胆汁，立愈。

黄连汤 治伤寒热入肠胃，下痢脓血。

黄连去须，微炒，二两 黄柏一两，锉，微炒 阿胶一两，蛤粉炒 梔子仁半两

上为粗末，每服一二钱，水六分，煎至四分，去滓温服，无时。

梔子仁汤 治伤寒热毒攻于肠胃，下赤汁或如烂肉鸭肝，壮热腹痛。

梔子仁二十一个 豉二合 薤白一握，切

上以水二大盞，同煎至一盞，去滓，量大小分作数服，无时。

乌仙散 治阴证伤寒，四肢厥逆。

上以川乌不拘多少，童子小便浸，不计日

数,直至浸脱皮时,用水洗净切碎,晒至八分干,便以纸袋盛吊于当风处,用时旋取为末,腊茶调下半钱,量大小及病势与之。

烧附散 治伤寒阴盛隔阳,身冷厥逆,脉沉细,而烦躁体冷。

上以大附子一枚,半两者,入急火烧攻,微存中心二三分,取出。用瓷器合盖放冷为末,更入腊茶末一大钱,同研匀细。每服半钱,水一小盏,蜜少许。同煎半盏,去滓温服,服讫须臾,躁止得睡,汗出而解。

又一方 烧附末每一字或半钱,酒调下,频服取汗出,瘥。小儿本怯者,最宜服。

茱萸熨法 治伤寒阴证厥逆。

上以茱萸半升,酒和匀湿,用绢袋二枚盛,蒸令热甚,以熨脚心,冷即易之,候气通畅匀暖,

即止。

牛蒡根汁 治伤寒汗后,余热不退,烦躁发渴,四肢无力,不能食。

上以牛蒡根杵烂,绞取汁服,看大小多少与之。

玉女散 治伤寒汗后,潮热日发,诸药不效。

上以川乌一两,火炮去皮脐,为细末。每服一钱,水一盏半,入生姜七片,枣一枚,煎至四分,温服无时。

伤寒之病,传变证候甚多。予当编伤寒类证论方,亦颠详备,今集小儿伤寒截方,如或有证候未尽者,请照类证依法为治耳。

小儿卫生总微论方卷第七终

小儿卫生总微论方卷第八

疮疹论

疮疹之候，古今皆云大率与伤寒相似，然亦有小异也。其初觉之，头痛体重，而赤气粗，壮热多睡，惊悸呵欠，顿闷咳嗽，呕逆嚏喷，此皆同也。其疮疹者，不恶寒而恶热，而色与四肢俱赤，眼睛黄，手足厥，唇红，耳尖冷，尻骨冷，小便赤，大便秘，其脉三部皆洪数绝大不定，是其候也，此小异耳。伤寒者宜发散解之，疮疹者宜温平处方。惟不可妄发妄下，又不可令受风冷。其疮疹乃儿在母胎中之时，食母血秽，滋养儿五脏之气。至生下已后，其毒不拘何时，须当出矣。惟年小者，皮肤嫩软，疮出易。谓数岁已下者。若长大者，皮肤厚硬，疮出艰难。谓数岁已上者。然小儿所畜胎中秽毒，因中寒温，蕴发生热，三日已上，热运入皮肤。始如蚊蚤咬成赤点，或如沙粟、癩疹、风痕之类，渐渐出而作疮也。前人言疮疹有表里证，其疮皮厚，如赤根白头，渐加赤肿有脓，瘥迟者谓之痘，此谓里证，发于脏也。其疮皮薄，如水泡，破即易干者，谓之水痘，此为表证，发于腑也。此言虽简，然未尽善，此但言脓泡水泡二种，外斑疹又不知属何所主也。不若钱乙所论，其疮出有五名，以属五脏之液。其状有五象，以属五脏之色。肝为水泡主泪，以泪出清如水，其色青而大。肺为脓疱主涕，以涕出浊如脓，其色白而大。心为斑主血，其色赤而稍大。脾为疹主裹血，其色黄赤而小。肾为倒靨，其色黑。细说在后。诸脏内惟涕泪出多，故水泡、脓疱皆大。血营于内，所出不多，故斑疹皆小也。又病水泡脓疱者，涕泪俱少，以液从疮出故也。譬如泡中容水，水去则泡瘦矣。凡疮疹初欲出之时，则五脏证皆见，以热并动于五脏也。及至已出时，乃得归一脏者，以一脏受秽多而毒气盛也。亦有两证三证同出者，所受同而并发也。细说在后。昔钱乙治睦亲宅十太尉疹子，与众医坐

上问曰：疹未出何属？一曰胃热，一曰伤寒不退，一曰在母腹中时有毒。乙曰：若言胃热，何乍凉乍热？若言伤寒不退，七日之外，则为再经，何证不相应？若言母腹中之毒，今发属何脏？皆无以对。乙复曰：儿在母胎中，至六七月已成形，食母腹中秽液，入儿五脏，至十月即秽液满胃，至生时，儿口中犹有不洁。产母以物拭清，又以黄连、汞粉下其脐粪之秽，此母秽液不洁，余气在儿脏中，因遇寒温邪气相搏，而发热出成疮疹也。未出欲作之时，热动五脏，则五脏之证皆见，呵欠顿闷肝也；时惊悸者心也；乍凉乍热，手足冷者脾也；而颊赤，咳嗽嚏喷者肺也。惟肾无证，以其肾在腑下，不能食其胃液。其候平者，但尻冷耳冷者是也。尻耳俱属子肾，主北方，主冷故也。疮既出则归一脏，肝为水泡；肺为脓疱；心为斑；脾为疹；肾虽无证，其候恶者，疮变倒靨而黑陷，则归肾也。此由不慎风冷内虚所致，疮黑陷尻耳反热者逆也。今十太尉疹子无他证，当用平和药为治，用抱龙丸数服愈。其方在本集载之。

凡疮疹欲出者，身必发热。其发亦自有时，随脏所主。如早晨发热不已为水泡，日午发热不已为斑，哺时发热不已为疹，日晚发热不已为脓疱。发热三日已上，热运入皮肤即出也。其热重者疮亦重，其热轻者疮亦轻。方其身热疮未出之时，须审认证候子细，不可有误，误则为害大矣。且疮疹欲作之时皆身热，热则疮亦未出，热至三四日乃歇，疮方出也。若腹痛者，是腹中先出。眼涩者，是眼中先出。咽喉口舌痛者，皆^①先出也。若三日已后不出，或出快，热留肤腠之间故也。当以药微发之，止可服升麻葛根汤、抱龙丸之类，平平者药。或儿身不甚热者，与少胡荽酒饮之。此微发不出，即加药发之。即发之后，出不多，脉平无他证者，即是疮本稀也，不可更发。若不能审察病势轻重，但务多以热药发之，则热药

^① 皆，兰陵堂本作“嘴”。

熏蒸，疮出转难，别生热证。大小便不通，更以驶药下之，便致危殆，此误之甚矣。若疮欲发之时，有大热甚者，只可与利小便，如觉热极毒盛，服常药不可及者，宜微与利之，以减其毒，不可大利，须是子细，常与看觑，虽夜间亦不住用灯观照。若未有赤红点子出时，乃可与微利。若已有出者，则不可利也。钱乙有曰：身热烦渴，腹满而喘，大小便秘涩，面赤闷乱，大吐者，当利小便。不瘥者，微导利之。此亦疮疹未出之前，有此热湿之证，解面不减，乃可与微利之。张涣亦曰：疮疹未出，脉洪数甚大不定，而小便赤，大便秘者，此证正宜疏利。涣频年在禁中及在外治此证甚多，皆获安愈，亦与上证并同者也。若红点未出之前，无此热实之证者，亦不可利。朱肱曰：伤寒身热在表，固不可下，疮疹身热在表，亦不可下。盖伤寒与疮疹一体之病，是以伤寒证中有出疮疹之候也。世人不学，妄云疮疹初觉未出时，宜先利。其毒已出者，不可利。若出已定，脓血太盛者，亦可与利，此皆非也。大抵疮疹首尾皆不可下，此言甚善。医者当务从之，若能审察疮疹于未出之前，别无热毒之证者，不可与下。有热毒之证，轻者与利小便，重者利小便不减，方可与微下。若已出者，慎不可下。至出足已定，亦未可与下。须直候疮痂焦落，美饮食，能举动之后，方可与解余毒药下之。亦不可用驶药过多，如此则无误矣。是以疮疹变黑陷者，多因误投冷药，妄乱下之。及不慎风冷，乳食不饱，内虚脾弱所致也。故儿病疮疹，不得令受风冷，冬月必在暖处，夏月虽不可拥遏，亦须避其风凉，在凉荫处则可。又当频频喂饲乳食。常令饱足，无令饥饿，今俗辈多禁食饵。殊不知饥则内虚，脾胃气弱，别生他证也。且疮疹欲发之时，身必壮热，二三日渐凉，疮方始出，其出快，疮红肥，脉浮大而数者，毒气出也。若疮出多，却身热疼痛者，是内热外疮焮之所作，至出尽则凉也。庸工不明，见身热疼痛，以为热盛，便投凉药，致身反凉面疮出不快，变黑靨倒陷，脉沉细坏乱。到此病家方觉，医者拱手，如是天伤，诚可哀惜。昔仓公扁鹊论小儿疾证，汤药有可服不可服之别。宜先顺阴阳，次调荣卫，然后方利脏腑。古圣立言垂法，为

后世逆治之戒，岂可忽诸，故众病之中，惟疮疹切忌妄下为最。昔钱乙治睦亲宅一大王儿疹子，始用一李医，以药妄下之，其疹稠密，乃召乙。乙见大惊曰：若非转下，则为逆病也。王曰：已下之。乙曰：疹始出，未有他证，不可下。但用平和之药，频与乳食，不受风冷可也。如三日外，出不快者，当依次发之。有大热者，当利小便。如疮痂起能食者，微利一两行即止。今先下早，疮未出而稠密已盛，为难治，此误也。纵虽得安，其病有三：一者疥，二者痂，三者赤目。李不能治，经三日黑陷，复召乙。乙曰：幸不发寒，未致困也。盖疮黑者归肾，肾旺胜脾，土不能制水，脾虚寒战，则难治也。今未发寒，乃用药泻膀胱之腑。腑若不实，则肾之脏自不盛也，乃得安愈。或曰：何不泻肾？以肾主虚，而不受泻。若二服不效，加寒则死矣。乙之治方，本集载之。

凡疮疹欲作，有发惊搐搦者，以疹疮由热所生。心主热而为惊，又热则生风，风属肝。心肝二脏风火相搏，故发惊搐也。轻者疮出热去则自愈，重者亦当泻其心肝之盛也。又有因惊面发疮疹者，惊本亦由热作，治当退热定惊。庸工不明，更以热药发之，致发热入表，表热而斑出也。昔钱乙治四王宫五大尉，因坠秋千，发惊搐搦，前医以热药发散，不愈。召乙，乙曰：本乃急惊，后生大热，初当合用利惊药治之，今发散乃逆也。乙用药退解之，至三日肌肤尚热。乙曰：更二日不愈，必发疮疹，盖热不能出也。后二日果疮疹出，以药治之，七日愈。其钱乙治方，本集载之。

凡疮疹出有轻、重、逆、顺。轻重者，若只出一般，或出作数次者轻；若三两般同出，或一次便出尽者重；出稀者轻，出密者重；里红外肥者轻，外黑里赤者重，里外俱黑者大重。疮端里有黑点如针孔者，热剧也。青干紫陷，昏睡汗出不止，烦躁热渴，腹满面喘，大小便不通者，困也。逆顺者，先发脓疱，后发疹子者顺。先发水疱，后发疹子者逆。先发脓疱，后发水泡多者顺，少者逆。先发水泡，后发斑子多者逆，少者顺。先发疹子，后发斑子顺。先出疹子、斑子者，后必更出水泡、脓疱。先出水泡、脓疱者，后必不出疹子、斑子。盖以水泡、脓疱重面毒气出甚，斑子、疹子

轻而毒气出微，甚者必带了微者也，微者不带甚者故也。予家有数小儿，皆先出疹子，次出水泡，次出脓疱，共三次而已。其先出疹子者，或恐有斑子兼出，以斑疹相似。此两般乃子母之脏，故又轻重顺逆更看时月。大抵疮疹之病，在表属阳，出则为顺，不出则为逆。春夏病之则顺，秋冬病之则逆。又冬月肾旺寒冷之时，病者多归肾而变黑也。又当辨春脓疱，夏黑靛，秋斑子，冬疹子者，亦不顺也。病虽重，疮红肥犹当十活四五。若黑陷者，无问何时，十难救一。其候寒战牙噤，或身肿疮黑紫者，急以药泻膀胱之腑，以减肾气而救之。若服药后身热气温，欲饮水者可治。以脾气生而胜肾，寒冷去而温热生也。若服药之后，恶寒不已，身冷汗出。耳尻反热者，死候也。以肾大旺，脾虚不能制也。

凡疮疹出多，稠密遍身，其势太甚，儿甚苦之，及变黑倒靛不出者，急以猪血、脑子救之。沈存中侍郎有方，治疮疹欲发，及伏陷危困者，取腊月猪血，瓶盛，挂风中令干，每用半枣大，加生龙脑豆许，温酒下，甚效。予家有小女病伤寒，但腰痛，昼夜号哭，手足厥冷。日加昏困，形证极恶。予疑是倒发疮子，先不畜此药，急令就屠家处买少生猪血。时盛暑，投之血已败恶，无可奈何。遂多以龙脑和而灌之，一服遂得少睡，须臾一身疮点出，获安，不尔儿死。

凡疮疹若黑陷而忽泻，便脓血，并痂皮者，此却为顺也，如水谷乳食不化者逆也。何以然？且疮黑属肾，今脾气本壮，或旧服补脾药，脾气得实，肾虽用事，脾能制之。今虽入腹，为脓血及痂皮得出，是脾强肾退，即出而安也。若泻米谷乳食不化者，是脾虚不能制肾，则自泄也。此必难治。

凡疮疹若婴小及乳下儿病者，不可与稚一等为治，妄施汤药，小者宜少少服药，惟忌多服，多则反为累也。又令母慎口，又不可令儿失饥，避其风冷，及用药调理乳母为佳。若断乳儿患者，亦当审其轻重大小用药，如至八九岁以上，至十岁外者，方可施药也。

凡疮疹儿病大盛，遍身溃溃^①，脓血沾粘衣衾，睡卧不得，及有疮成片段无皮，或作窠穴，痘

痈脓血多。盛者用腊月黄牛粪，日干烧灰，铺一寸许厚，令在上卧之。及掺其疮溃无皮之处，即愈。一方用黑牛粪烧灰傅，亦得。

凡疮疹儿病而上有者，才脓出。急以真酥润之，频润为佳。才有痂，便揭去更润之，纵虽揭损，有少血亦不妨，但以酥或而油涂润之，若不润及揭迟，则疮痂干硬不落，有碍肉生，即隐成痂子也。此理昭然，人多不晓，反谓揭早成痂，其误也。

凡疮疹切忌杂人，恐有汗气狐臭触之，又不可令儿闻秽恶臭物也。故左右不可阙于胡荽，以胡荽能御汗气，及辟诸恶气故也。家有数儿，一儿既患，余儿次皆及之。便当为备以防之，以秽气转相传染也。儿能食者，可时与少葡萄食之。盖能利小便，及取恶秽出快之义也。

凡疮疹儿患者，切不可洗而。恐生水入眼，即损眼也。若初欲发时，验得的当，急以胭脂或药涂儿而目周围。令疮不上而入眼也。若疮入眼者是毒气入于肝经，上行于目。若疮初出时，觉眼肿痛，便与时时开眼看之。睛上无疮，即不妨矣。若有疮，须服药治之，睛破者无奈也。若疮干以后，无故眼肿痛者，是余毒不尽所攻也。又疮疹已发，及或入眼，切要慎口。止可食粥及鲫鱼、青鱼、鹤子，余鱼及猪羊等物皆不可食，最忌者鸡卵、鸭子。食之即目盲，漫若卵白之状，其应如神。

凡疮疹儿病出尽，至痂焦落，身已凉，喜饮食，能起动者，以清凉饮子浓煎，量大小与服，微利一两行，去其余毒即安，无后病也。若不下，则后恐发热为肿腮鼻衄下利，世人不用此法者，于此数证，或不能免也。

凡疮疹治疗之法，初觉之时，身热未出，证候未明，未能辨认者，与升麻葛根汤、消毒散服。若热二三日，证候已明者，则涂而目，辟秽气。若出快，别无他证者，平和药调之。出不快者发之，出太盛者散之，变黑靛者救之。又毒攻咽喉口舌，则肿痛生疮，毒冲心胸者，则烦渴躁闷；毒入大小肠，则大小便不通，或遗泻下血；毒攻肝经，

^① 溃：兰陵堂本作“烂”，义长。

则目生瘴翳。疮生于睛，则损瞳人。以至灭疮瘢，退余热，一切诸候，皆随证用药。其乳下儿患者，可令乳母同服其药，则病得易愈。

升麻葛根汤 治疮疹初觉未出，身热不能辨认，恐是伤寒惊风，变蒸温壮，疑惑之间，皆可与服。

升麻 葛根 芍药 甘草炙，各等分

上为粗末，每二岁上儿用二钱，水一盞，煎至六分，去滓温服。无时。

消毒散 治疮疹未出皆可服，未出即消毒，已出即减。

牛蒡子二两，炒，纸衬 甘草半两，锉，炒 荆芥穗一分

上为粗末，每服一大钱，水一盞，煎至五分，去滓温服。下利者不可与服。若咽喉肿痛者，尤宜服之。一方，更有防风一两，荆芥穗亦一两。此《千金方》中。

紫草饮子 治如前。

上以紫草二两细锉，用百沸汤一大盞沃之。

化毒汤 治如前。本方治疮疹欲出，浑身壮热，情意不佳，不思饮食，服之即内消。已出，十解六七。全出者，当日须三服，立效。

嫩紫草去粗梗 升麻 甘草炙，各半两

上锉如麻豆，以水二盞，糯米五十粒，同煎至一大盞，去滓放温，量大小，三四次与服。一方疮疹未出，服之内消。已出减轻，全出即当日焦痂，三服立效。

人参散 治疮疹才觉出便服，令稀少轻可。

人参 白术 贯众 甘草炙 羌活去芦，各等分

上为细末，每服一钱，水一盞，煎至六分。去粗，温服。无时。

紫草如圣汤 治疮疹才初出，便急与服之，令减毒轻可。乳下儿与乳母兼服之，断乳令自服。

紫草去粗梗，二两 陈橘皮去白、焙干，一两

上为末，每服一大钱，水一盞，人葱白二寸，煎至六分，去渣温服。无时。

腊酒脂 疮疹才初出，便用涂眼周围，以防疮子入眼也。左右悉涂之。

黄柏膏 又名护目膏。 疮疹才出，急用以涂面。从耳前眼眶边厚涂之，以防疮于人眼，及面作瘢痕。能早用，即能护目，及面上不生。若用迟，纵出亦少。涂毕后，可用胡荽酒喷发。

黄柏一两，去粗皮。一方用蜜炙，一方只锉碎用新绿豆一两，拣净，一方用一两半 甘草半两，生。一方用四两，分两少者出妙选，更有红蓝花一两；分两多者出钱氏，只三味，董汲方两

上为细末，用好生芝麻油调为膏，从耳前眼眶外及腮面涂之，日三五次。

胡荽酒 以胡荽四两细切。用酒三盞煎沸，沃胡荽，便以物合之，勿令透气。候冷，滤取胡荽焙干，以红绢袋子盛之，缝合。令乳母并儿带之，其酒吸一两口，从儿项下喷，及肩背胸腹四肢令遍，不得喷头面，余酒与乳母饮之为佳。能令疮出快速。《妙选》不论及喷，余皆并同。又于儿左右常令多多频带胡荽，能辟污秽之气故也。

鼠粘子汤 治疮初生，才作赤点。毒气未得透皮肤出作疮，恐出不快，面微发之。

鼠粘子二两，炒香 荆芥穗一两 甘草半两，炙 防风去芦并叉枝

上为末，每服二钱，沸汤调服，及利喉膈，化涎止嗽。一方只鼠粘子一两，甘草半两为末，每服二钱，水一盞，煎至八分，去渣温服。无时。

紫草散 治如前。

钩藤钩于 紫草茸等分

上为细末，每服一字或半钱，温酒调下。无时。此先微用药发之，经夕未出，加药发之。

必胜散 治疮疹出，未能遍匀，服之能透肌解毒，以牛蒡子不限多少。炒令香熟。为细末，每服一钱，人荆芥二穗，水一盞，煎至七分，放温服。无时。

龙脑膏子 治疮疹未透，心烦狂躁，气咽妄语，或如见鬼。

上以生龙脑半钱研细，旋滴猪心血和丸鸡头肉大，每服一丸。煎紫草汤化下，少时心神烦躁便定。得腮，疮于已发得透了，自然依常法取安。此方亦治黑陷伏匿者，如用以温酒化下。

又方 只用猪血一椀斗许，脑于一小块，研细，酒少许和服之，极有神效之验。此沈存中所

用之方也。

安斑散 治疮疹出快肥红，平调之。

川升麻 赤茯苓 绵黄芪 羌活去芦，各一两
人参去芦 枳壳去穰，麸炒 桔梗去芦 甘草
草各半两

上为细末，每服一大钱，水一小盏，入紫草、薄荷各少许，煎至五分去滓，温服无时。

快斑散 此方治病如前。

贯众一两，拣，洗净，焙干 赤芍药一两 甘草半两
川升麻半两 枳壳麸炒，去穰，半两

上为末，每服一钱，水一小盏，入竹叶七片，煎至五分，去滓温服。无时。其效如神。

抱龙丸 治如前。

天南星为末，用腊月牛胆汁和成剂，再酿荫百日而干，四两，只以浆水或新水浸天南星三日，候透软，煮三五沸取出。乘软去皮脐，只取白软者，薄切焙干，炒黄色为末，用八两。以甘草二两半，擘破，水二碗浸一宿，慢火煮至半碗，去粗，旋旋洒入天南星末内，慢慢研之，令甘草水尽，次入于余药。

天竺黄一两 雄黄一分，研，飞 辰砂半两，研，飞 麝香半两，研

上同匀末，煮甘草膏子和丸皂子大。温水化服。百日儿一丸，分三四服，五岁儿一丸。若用腊月中雪水煮甘草和药，尤佳。此药治伤风伤寒，温疫风热，痰实咳嗽，惊风潮搐，蛊毒中毒温壮，及室女白带。钱乙治疮疹出快红肥，只以此药平调，最好。

《小品》**犀角地黄汤** 治疮疹太甚，解散之。

赤芍药一分半 生地黄四两 牡丹皮去心，半两 犀角屑半两，无即以升麻代

上为粗末，每服二钱，水一小盏，煎至六分，去渣温服。有大热如狂者，加黄芩半两，更量大小与服。

木香汤 治疮疹太盛烦痛。

青木香一两 丁香 薰陆香 白矾各半两
麝香二钱

上为粗末，每服二钱，水一小盏，煎至六分，去渣温服。热盛者，加犀角屑半两，轻者去白矾，大效。

猪胆醋 治疮疹内发盛者。

醋四两 大猪胆一个取汁用

上合煎三四沸，每服半合上下，量大小与之，日四五服。无时。

莱菔汁 治疮疹出不快。

上以开花萝卜煎汁，时时与饮。

紫茸汁 治如前。

上以紫草茸水煎汁服。

活血散 治如前。

上以白芍药为末，每服半钱或一字，温酒调下。如只欲止痛者，温熟水调下。无时。

蝉蜕饮^① 子 治如前。

上以蝉蜕十枚，去泥土，洗净碎之，用水三大盏，煎至八分，去渣分二服。出不快者，带热服之。若出多，要消退者，放冷服之，神效。

四圣散 治疮疹出不快，小便赤涩，心腹胀满，一切恶候，亦治倒靨。

紫草茸一两 木通细锉，四两 枳壳麸炒，去穰，四两 黄芪炙，锉，半两 甘草半两

上为末，每服二钱，水一盞，煎至六分，去滓放温，时时呷之。

川芎升麻汤 治疮疹已出，未能匀遍，或毒气壅通，虽出不快，此药御风透肌，发疮甚效。

川芎 川升麻 当归去芦，洗净 白芍药各半两

上为粗末，每服一钱，水七分盞，煎至五分，去渣温服，不拘时候。

解毒汤 治脏腑蕴热，积毒发泄，斑疮稠密，脓血大盛，狂躁发渴，咽嗑不利，遍身溃溃^②，苦无全肤，不能转侧，疼痛不任。

生地黄四两 犀角屑 白芍药 牡丹皮去心，各半两

上为粗末，每服一钱，水七分盞，煎至五分，去渣放温服之。

黑龙散 治小儿疮疹才发，服冷药伏靨，三日间危笃，急进此药。

麻黄去根、节，三分 竹茹一分 蝎梢廿一个

① 饮，原脱，据兰陵堂本补。

② 溃；兰陵堂本作“烂”，义长。

苏木一分 乌龙土一分，乃火团也

上为细末，每服半钱，水五分，煎至三分，温服。

白虎化斑汤 治疮疹赤黑，出不快，毒盛烦躁，或云大虎汤，有为大人药者，殊不知孙真人言：大人小儿为治不别，但用药多少耳。

石膏四两，槌碎 知母一两半，钱 甘草炙，三分 人参去芦，半两

上为末，每服二钱，水一盞，入粳米二十粒，同煎至半盞，去渣温服，小儿量大小分减。初春深秋，冬月寒时，加枣煎服，并乳母兼服。大妙，断乳儿只自服。

神通散 治疮疹倒靨，伏陷不出，毒气稍轻，大小便通利者。

地龙紧者去土，微炒，一两 朱砂一两，别研 生于地黄一两，已上先为末

上同拌匀，每服一字，煎胡荽酒少许，同温汤调下。无时。

如圣散 治疮疹已生，反倒靨内陷，舌缩，啼声不出，腹胀肚急，一切恶证。

上用蛇蜕皮于灯焰烧。先用碗一支在下，才烧焰绝，放在碗内。急用碗一支覆之，不令透气，良久揭开，细研为末，每服一字或半钱，用藿香汤调下。若变红活时，则用牛蒡子炒熟为细末，每服二钱，水一盞，煎至六分，放冷澄清，以匙抄清汁，频频与服，能滋润咽喉肺经，大解疮毒。

七神散 治疮疹毒气内攻，黑紫倒陷伏靨，危恶之候。

腊月獾猪血新瓦罐盛，密封至渗泣干，称一两。余血依旧封收之，以备再合要用 牙硝一两 硼砂 牛黄 麝香 龙脑各一钱，细研别入

上拌匀研细，以瓷合贮之，每二岁儿用一钱，新水调服，利下恶物，疮子红活为度。

又一方，更有朱砂细末一钱，余并同，名救生散，治如上。甚者不过再服，神验无比。

又一方，无硼砂，却有膩粉、朱砂各一钱，研同匀，名无比散。小獾猪尾上血三五滴相拌，小者一字，乳汁调抹口中，大者半钱，新水调下，余并同。

宣毒膏 治如前，曾经大效，神妙。

朱砂一两，研，水飞 乳香一两，研 甘草细末，半两 牙硝半两，研 麝香一分，研 生龙脑一分，研

上于腊月八日，取獾猪尾后刺血一升，用新瓦盆盛，入诸药同拌搅匀。以一宽大旧竹筒，底留一节，都人在内。用纸数重密盖，紧系封合。却人筒口边通一窍子，以麻绳系垂在大粪坑屋梁上，至清明日取出曝干，更入龙麝各一钱，研细匀。滴水和丸皂子大，每服一丸，煎人参汤化下。若毒盛，疮子倒靨变黑，服之则红活而长。

猪血脑子 治疮疹黑紫，倒靨不出。

生龙脑一字，研细 猪尾上取血半蛤蜊壳

上二味相和。以帛子裹薄荷揉汁半合，调上件药匀，于汤中烫温，作一服饮之，神验。

一方，取小猪儿尾尖血三五滴，研生龙脑末少许，新水调下，治如前。

又一方，治疮疹黑靨恶候，医所不治者，用獾猪第二番血清半合，酒半合，研龙脑细末少许，和搅令匀，服之。利一两行，十救十人。大验。小者量与。

又一方，治疮疹发，心间有热，或误服热药，致畜热在心，昏冒不省人事，疮子黑靨。用新杀猪心一个，取心中血，以龙脑一字，同研合作一丸。新汲水化下，未省者再服。

又一方，治疮疹黑靨倒陷，于脑日收生猪血，新瓦瓶中密封，候自然渗泣至干。每用半钱许，研散。入麝香少许，同匀细，新水调下，其疮变红便出。已上数方，皆与沈存中龙脑膏相似，少有异尔，并经大验，今俱录之。

人齿散 治疮疹黑靨，发搐危困。

上以人牙齿三五枚，炙令黄。一方存性研为末，入麝香少许，每半钱，温酒少许调下。一方同乳香汤调下。沈存中言，屡见人用之效。

白丁母散^① 治如前。

上以白丁香为末，入麝少许，研匀，每服一字，米饮调下。无时。

桃胶汤 治如前。

上以桃胶煎汤，饮之大效。

① 白丁母散：兰陵堂本作“白母丁散”。

一方，以水熬成膏，温酒调下。无时。

又方 治如前。

上以黑狗一支，牢系住，不与物吃一两日。候肠中旧粪尽，与生粟米吃。候粟米粪下，于活水中净淘。只留化不尽米，曝干收之。每用二钱，再淘净，研为细末，入麝香少许，新水调下，顷刻间疮变红活。

百祥丸、牛李膏，钱乙用此二药，治疮疹恶候，见于皮肤之下不出，或出而不长。反变黑紫，倒靨内陷，一切危急。用百祥丸以泻膀胱之腑，减肾气不旺。用牛李膏为治，则病得从顺也。董汲云：汲小年自病此几殆，父母已不忍睨，服此牛李膏得安然。此方得子世甚久，惟收得不知早晚，故无效。今以收得，并叙载之。

百祥丸又名南阳丸。

上以红牙大戟，不拘多少阴干，浆煮熟去骨，日中曝干。复纳汁中煮汁尽，焙干为末，水和丸粟米大，每服一二十丸，研赤脂麻汤送下。无时，吐利是效。

牛李膏又名必胜膏。

上以牛李子不拘多少，须于九月后取之。乃野生道边，至秋结实，黑子成穗。九月后乃得成熟者，气全故也。烂研，绢滤取汁，于石银器中熬成膏，可丸时称，每膏二两，入研细麝香末半钱和匀。丸桐子大，每二岁儿一丸。或丸作皂子大，量大小分减用，以浆水煎杏胶汤化下。凡疮疹黑紫倒靨者，不过再服，当取下恶血，或如鱼子恶物，其闻黑陷于皮下者，即红大而出。

《保生方》论小儿疮疹，误服凉药太过。身冷疮陷，不红活，脉沉细者。急投金液丹，麻子大一二百粒，或有可生之意，至儿困极，则无及矣。方在和剂集中。

调肝散 治疮疹平调肝经，使毒气通流，疮不入眼。

生犀角锉屑，一分 草龙胆去芦，半分 黄芪半两，炙，锉 甘草一分，炒 大黄一分，炒过 桑白皮一分，炙，锉 钩藤钩子一分 麻黄一分，去根、节 石膏半两，研 栝蒌实半两，去皮

上为散，每服二钱，水一盏，煎至五分，去滓温服。无时。

兔肝丸 治疮疹入眼，初觉眼肿痛，便时时看之。若睛上无疮，即无害。若有时，须先服清凉饮子，每日食后一服。取微利以去其毒，然后服此二药并下方。虽有赤白障膜遮交其睛，但瞳子不破陷者，皆可治。

黄柏一两，去皮 苍术半两，米泔水浸一日 石决明一两，生

上为细末，煮兔肝烂捣，和丸绿豆大，每服三十丸，米泔水送下，食后临卧时服。

龙蛤散 与前药服。

龙胆草去芦 蛤粉等分

上为细末，每服二钱，猪猪肝半两，薄批掺药在中，以线缠定。用米泔于银石沙钵内，炭火慢慢煮，至肝熟为度。食后少顷食之，以汁送下。日三，须先清凉饮子利动，方服此二药必效。

煎柿散又名通圣散 治疮疹入眼。

谷精草去根 白菊花无即用甘菊 绿豆皮各一分

上为细末，每服一钱，用柿子一个，粟米泔一盏，同煎至水尽，取柿子吃之。日三，一月验。一云：浅者五七日效，重者半月日效。

仙灵脾散 治疮疹入眼。

仙灵脾 或灵仙去芦，等分

上为细末，每服半钱，米汤调下，食后。

珍珠散 治疮疹入眼，翳膜赤痛羞明。

栝楼根一两 蛇蜕皮全者，炙焦，一钱

上为末，用羊子肝一叶，批开去筋膜，掺药末二钱，麻缕缠定，米泔煮熟，任意食之。乳下儿未能食者，以肝研烂，和丸黄米大，生米泔下十丸，乳头喂亦可。日三，令乳母兼食之佳。

浮萍散 治疮疹入眼，痛楚不忍，恐伤其目。

上以浮萍草阴干为末，每服一二钱，用羊子肝半片，入盆子内，以竹杖于刺碎烂，投水半合，绞取肝汁调药服之。食后，不甚者，一服便瘥，若目已伤者，十服瘥。

蛇蜕散 治疮疹入眼，翳膜侵睛成珠子。

马勃一两 皂荚子十四个 蛇蜕皮全者一条

上人一小罐子内，泥封烧，不得出烟。烧存性，研为末，温水调下，食后。

仙术散 治疮疹入眼，生瘴膜丁子。先用朱砂、水银粉各一钱，粉霜三钱，一处拌匀。入一小砂锅子内盛讫，新盏一支盖口，黄土泥缝，炭火烧赤。少时取出，故冷收之。左眼有病，即取药一豆大，绵裹塞左耳中，右眼有病，塞右耳中。然后服此仙术散。

紫苏一两 苍术米泔浸一宿，焙，二两 谷精草去根，一两 青蛤粉一两

上为末，每用猪猪肝一片批开，掺药三钱在内，麻缕缠定。米泔熟煮，先于气上熏眼，然后食之。

煮肝散 治疮疹入眼，诸药不效。

青箱子 草决明 车前子 密蒙花各等分
上为细末，用羊子肝，竹刀薄批开，掺药二钱在内，荷叶裹，麻缕缠定。石器内煮熟，任意吃。

如圣汤 治疮疹毒攻咽喉肿痛。

桔梗去芦，一两 甘草一两，生 牛蒡子一两，炒 麦门冬去心，一两

上为末，每服二钱，沸汤点。细细呷，入竹叶煎之更妙，食后。

治斑疮入眼。

夜明砂半两 木香半两 淡竹叶半两

上为细末，每服半钱或一钱，并水调下，食后。

紫雪 治疮疹毒攻咽喉肿痛，水浆下难。方载於和剂集中。

通关散 治疮疹心经有热，烦躁发渴，口舌生疮，及大小便不通。

大黄 瞿麦 木通 山梔子仁 滑石 甘草各半两 地扁竹一两 车前子半两

上为末，每服一钱，水半盏，入紫草少许，同煎三两沸，放冷温服，乳前食。

甘露饮 治疮疹已发，热毒上冲，牙龈宣肿，不能嚼物，并乳母可俱服之。

生干地黄切焙 熟干地黄切焙 天门冬去心 麦门冬去心 枇杷叶去毛 黄芩去心 石斛去根 甘草炙 枳实麸炒，去穢 山茵陈叶去土，

各一两

上为末，每服二钱，水一盞，煎至七分，去滓温服。无时。

青黛 治疮疹热盛，心神烦躁。

上以青黛细研，每半钱，温磨刀水调下，日三。

败毒散 治如前。

白芍药 甘草炙 雄黄醋煮，水飞，各一分

上为末，每眼一字或半钱，蜜水调下。无时。

牛黄散 治疮疹毒气入胃，便血日夜无度，腹痛啼哭。

郁金一两 牛黄一钱

上研匀细，每二岁儿半钱，浆水半盞，煎至三分，和滓温服，日二。

升麻汤 治疮疹已愈，余毒未解，疮痂虽落，癍色黯惨，或凹凸肉起，宜用此灭癍消毒。

上以川升麻不限多少，细锉，水一大盞，煎至七分，取汁，以绵蘸，洗拭疮癍。

青金散 治疮疹愈而癍不消。

白蒺藜半两 山梔子半两 青黛半两，研 膩粉一钱，研

上拌匀，每用少许生麻油调涂癍上。

又方 治疮疹癍子。

上以密陀僧细研为末，水调夜涂，明旦洗之。

又方 以真玉时时磨疮疹癍子，久则平滑。

清凉饮子 治疮疹后解去余毒。

大黄湿纸裹，煨 当归 赤芍药 甘草炙，各等分

上咬咀，每服一钱，水一大盞，入薄荷两叶，同煎至半盞，去滓温服，食后。更看虚实，以意分减。

神朱散 治疮疹后解去余毒。

赤小豆二钱，炒 槐花二钱，炒 麝少许

上为细末，每服半钱或一字，温酒调下，临卧只一服，微利之。

小儿卫生总微论方卷第九

吐泻论上

小儿吐泻者，皆由脾胃虚弱，乳哺不调，风寒暑湿，邪干于正之所致也。其证不一，今条叙之。

吐哕呢附

吐逆自生下便吐者，此是儿初生之时，拭掠口中秽血不尽，因咽入喉故也。吐逆胸膈满闷气急者，此因儿啼哭未定，气息未匀，乳母忽遽以乳饲之。儿气尚逆，乳不得下，停滞于胸膈之间，因更饮乳。前后相沓，气不宜通，故气逆而乳随出之为吐也。宜调其气而止吐，古书亦曰：大哭之后食乳者，多成吐泻也。

吐逆腹胀喘息，乳不化，夹青水，面青唇白者，此因乳母冒寒取凉，食冷饮寒，致冷气入乳。变坏其汁，而不捨去，仍以饲儿。或能食者，因以冷物饲之，其冷乳冷食入腹，与气相搏，伤于脾胃，则气逆而吐也，其证若此。宜温胃止吐调气。若伤重有停滞者，以稳药磨化，不可驮下，恐脾胃愈虚而生风也。凡风冷变坏之乳，当捨去之，暂断乳儿。令乳母服药温腹，然后饲儿。若不捨去，非只令儿吐逆，肠胃虚者，冷因得入，亦下利也。

吐逆身热，吐奶成片子者，胃有热也。此因乳母冒热，或因饮酒，热入其乳，变坏其汁，而不捨出，仍以饲儿。或儿乘热哺啜，致热气入胃，与气相搏，致气逆而吐也。其证若此。如久有积热者，必四肢生疮，多渴而面黄。宜微下之。虚者以稳药磨化，后调其气。

吐逆身热，鼻青呵欠顿闷，口中气热，夜间发躁者，此伤风吐也。因解脱失宜，风冷袭之。搏於血气，故身热呵欠顿闷，口中气热也，气不得顺，故逆而作吐也，宜调气止吐，发散风冷。

吐逆唇黑，而黄多啼，有痰吐气臭者，此脾

胃有伤也。宜先下之，后调其气。

吐逆早晚发热，睡卧不安者，此惊吐也。心热则生惊，故睡卧不安。而神不宁也。心神不宁，则气血逆乱而吐也，宜与镇惊去热止吐。

吐逆面皓白无精光，口中气冷，口频撮，不思乳食，吐水者，胃气不和也，宜补脾胃。

吐逆痰涎色黄，稠粘上壅者，胃热也。若吐痰涎白绿，或吐沫者，胃虚冷也。热者宜微利之，冷者宜温补之。

吐逆痰涎及有血者，此肺热也。久则肺虚成痿。昔钱乙治段齐郎子四岁，身热吐痰，嗽数日而咯血，他医以桔梗汤、防己丸治之不愈，涎上攻，吐喘不止，遂请乙治。乙下漏银丸大服，复以补肺汤、补脾散为治。乙曰：此子咯血肺虚也，肺虽咯血，有热故也，久则虚痿。今涎上潮而吐，当下其涎。若不吐涎，则不甚便。盖吐涎能虚，又生惊也，痰实上攻。亦能发搐，依法只宜先下痰而后补脾肺。必涎止面吐愈，为顺治也。若先补肺为逆耳。乙所用药方，本集载之，此所谓识病之轻重先后为治也。

哕呢者，比吐逆异也。吐者乃邪搏胃气，逆面上行，谷不能传化，随气出也。哕者，但气逆而欲吐，吐则谷无所出，故俗谓干呕也。呢者，乃儿因吮乳汁过多，胃满面上溢出也，故俗呼谓之噎奶。当便与空乳令吮，即定。若频久吮之，亦能为病。

泻

泻色白者，冷泻也。此由小儿肠胃虚弱，因解脱风冷干之，或因食寒饮冷，入于肠胃，冷气相搏，为利下也。其色白面白，或腹痛者，并宜调中。若又伤风冷，前后重沓，冷甚则泻不止，而为泄注也。

泻色赤者，热泻也。此由小儿肠胃本挟虚热，而风冷乘之，入于肠胃之间，热气相搏，而为利下，故其色赤也。宜微下之，以导其热，后调其

气。

泻色乍赤乍白，或水或谷者，此冷热泻也。由小儿肠胃先因有冷，而复伤热，或先有其热，而复伤冷，肠胃宿虚，冷热交攻，而为利下，宜调其冷热，和养其气。

泻色黄赤红黑者，皆热也。赤黑者有毒。并微下之，然后调气。

泻色青，发热有时，睡卧不安者，此惊泻也。小儿粪黄，脾胃土之本色也。色青者，肝木为风，肝木来刑脾土，宜早治之。不尔，则变脾风，而发瘵疾，则难治也。所谓粪青者，须才便下，便色青是也。若初下时黄，良久乃青者非也。小儿安者皆然，不可认为青粪也。若泻色青白，谷不化者，此谓冷也。宜温补脾胃，发散风冷。

泻瀼^①下色赤白，腹大，上青筋见，发稀饶啼，或吃泥土，时有蛔虫，此疳泻也。宜止泻退疳。治方具于疳门之下。

泻多日，唇口及粪色皆白，粪颇多者，久因成冷，脾胃衰困，恐变脾风发痛，宜以药防备而温养，补助脾胃。

泻于暑热时多患者，谓时热及饮食皆冷故也。不伤于热，必伤于冷。若伤热伏暑而泻者，则心脏烦热，必小便不利，清浊不分，泻色赤黄，宜利小便，解暑热。若小便快而泻者，冷泻也。色必青白，谷不化，宜温脾胃止泻。

泻者不可急以热药止之，多变为痢而泻脓血也。当审察冷热证候，详度缓急施治之。

吐 泻

吐泻多病于春夏秋三时，惟冬时绝少者，盖吐泻皆因脾胃虚冷热所致。以冬时阳气在内，多食温暖，少饮水浆故也。设有患者，必因伤于乳食也。若春时病吐泻者，多因于风。夏时病者多因于热。秋时病者多因于冷。凡治吐泻者，必当参其时候，观其形证，察其温良寒热，如此则无误矣。

伤风吐泻

伤风吐泻，身温，乍凉乍热，呵欠顿闷多睡，口中气粗而热，大便黄白色，呕吐乳食不消，时

咳嗽，宜散风补脾。如先已曾经下，或无下证，慎不可下也。此由脾肺受寒，不能入脾也。更有五脏兼见之证。发散者，化大青膏服之。补脾者，后服益黄散，此钱乙所用药也。方在本集。

伤风吐泻，身热多睡，能乳，呵欠顿闷，口中气热，饮水不止，吐痰，大便黄水，此为胃虚，热渴吐泻也，当生胃中津液，以止其渴。钱乙用白术煎汤服之，然后发散风冷，亦用大青膏。又云，吐泻昏睡露睛者，胃虚热也；吐泻昏睡不露睛者，胃实热也。

伤风吐泻，身凉吐沫，泻青白色，呵欠闷乱，不渴，哽气长出，昏睡露睛，此伤风在苒轻怯，因成吐泻，当先补脾。钱乙先用益黄散，后发散其风，用大青膏。此二病于春冬多也。

伤食吐泻^②

吐泻乳食不化，其吐及粪，皆有酸臭气者，此伤食吐泻也。凡吐乳泻黄赤者，伤热乳食也。若吐乳泻青白者，伤冷乳食也。并宜微下之，后和胃气，虚者以缓化滞药渐磨化之。

吐泻在初生三日内，壮热不乳，大便乳不消化，或白色者，是伤乳，当微与下。后和胃气，虚者以缓化滞药渐磨化之。

吐泻在初生三日已上至十日，身温凉，不思乳，大便青白，乳不消化，此上实下虚也。更有五脏兼见证，泻其所实者，而补其脾胃虚者也。

吐泻有兼脏证者，兼肺则睡露睛喘气，兼心则惊悸饮水，兼脾则困倦饶睡，吐泻乃脾胃之本病。兼肝则呵欠顿闷，兼肾则不语畏明。

昔钱乙治冯承务于五岁，吐泻壮热，不思食。乙见儿目中黑睛少，白睛多，而色皤白。乙曰：此子必多病，而色皤白者，神怯也。黑睛少者，肾虚也，本怯而虚，故多病也。纵长成，必肌肤不壮，不耐寒暑，易虚易实，脾胃亦怯，更不可纵于酒欲，若不保养，不过壮年也。面上常无精神光泽，如妇人之失血也。今吐泻不食，壮热者，微有伤食也。又虚怯则不可下，下之虚。入肺则

① 瀼(náng囊):水流貌。兰陵堂本作“醲”。

② 泻,原作“乳”,据目录改。

嗽,人心则惊,人脾则因倦,入肾则加虚,但当以药磨化之,为微有食伤也。若重伤则须下之,不下则成癖也。若实食在内,乃可下也,下毕补脾必愈。随其虚实,无不效者。乙所用药,在本集载之其方。

冷热吐泻

吐泻在五月中已后,身壮热者,此热也。小儿脏腑中十分中九分热,此因伤热乳,或胃热入内,吐乳不消,泻深赤色,宜与解热,钱乙用玉露散。

吐泻在六月中已后,身大温而似热,脏腑中六分热四分冷也,呕吐乳食不消,泻色黄多白少似褐,或食乳,或不食乳,宜少补脾,而大解热,钱乙少用益黄散,多用玉露散。更宜审察冷热,如儿大热,泻色赤黄者,此热多。依五月中后治之。昔钱乙治广亲北宅四大王官五太尉,六月中吐泻,米谷不化。众医用温药,一日而加喘吐不定。乙曰:当用凉药治之,谓伤热在内也。众医皆言吐泻多而米谷不化,当补脾胃,何得用凉药。王信众医,又用补脾温药。乙曰:不可服。此三日外必腹满身热,饮水吐逆,三日外一如所言,谓六月热甚,伏人腹中,而令引饮,热伤脾胃,即大吐泻。他医又行温药,即上焦亦热,故喘而引饮,三日当死。众医不能治,复召乙,乙见有热证,以白虎汤三服,更以白饼子下之。一日减药二分。二三日又与白虎汤二服,四日用石膏汤,及旋覆、麦门冬、黄芩、脑子、牛黄、天竺黄、茯苓,以朱砂为衣,竹叶汤下五丸,热退而愈。乙所用方,本集载之。

吐泻在七月中已后,身温,脏腑中三分热,七分冷也。不能食乳多,似睡,闷乱,哽气长出,昏睡露睛,唇白,多噉而不渴。钱乙于食前令多服补脾益黄散。于食后少服解热玉露散,更宜相度冷热。若身大温,泻后黄者,依六月中已后为治也。昔钱乙治广亲七大尉七岁吐泻,是时七月,其证全不食而昏睡,睡觉而闷乱,哽气子呕,大便或有或无,不渴,众医疑睡,作惊治之不愈。乙曰:当先补脾而后退热,与四君子丸补脾,石膏汤退热。次日以水银、硫黄二物末之,生姜水

调下一字。乙曰:凡吐泻,五月内九分下而一分补,八月内十分补而无一分下,此者是脾虚泻,医妄治之,至于虚损,下之即死,故只当补脾。若以四君子丸恐缓。已又留温胃益脾药止之。有一李医问曰:何食而嘔?乙曰:脾虚不能食,津液少即噉逆。又问:何泻青褐水?乙曰:肠胃至虚,冷极故也。乙治而愈。其方本集载之。

吐泻在八月中已后,身冷,无阳也。不能食乳,干噉泻青褐水,钱乙只用益黄散补脾,不可下。

吐泻所论冷热月时,此钱乙以中原之地言也。今较之江浙,则气候不同。今江浙之地,二三月尚寒,四五月温暖,六月入伏之后才热,七月热盛,八月热尚未退。虽冬月晴多便暖,虽夏月阴多便寒,不可概以中原冷热时候,便为定论。经所谓东西南北之异地,温凉寒热之异宜,况每岁寒热,自随时令早晚,难以拘定月日也。候之者乘其至也,谓至其热则从热治,至其温则从温治,至其寒则从寒治,至其凉则从凉治,此乃随四时之气,各适其宜。

霍乱吐泻^①

吐泻于夏秋大热之时,伏暑伤冷,则心脏烦躁,小便不利,清浊不分,阴阳二气相干名曰气乱。乱于肠胃之间,名曰霍乱。其证乘热伤冷,气逆而喘,腹膨胀满,身热脉乱,头痛体疼,如伤寒之状,上即大吐,下即大泻,重则四肢厥冷,脚胫转筋。法当调顺其气,分别清浊,升降阴阳。若只伏暑吐泻者,则小便不利,其证虽与上证稍同而轻,非霍乱比,泻色赤黄,此但只名伏暑吐泻,不为霍乱也。治霍乱吐泻,若热多而渴者,五苓散。寒多不渴,而心腹身体疼痛,及烦躁渴不能饮者,可服理中汤。寒甚腹痛转筋,四肢拘急者,理中汤加附子。汗出恶寒,手足厥冷,下利清谷,内寒外热,脉微欲绝者,并四逆汤。已上诸证,并可与香薷散服之。以他药不能疗此证也。治伏暑吐泻,若小便不利,与五苓散利小便。及与香薷散解伏暑,坏莲散、救生丹止吐。

^① 霍乱吐泻,原脱,据目录补。

吐泻不拘何时，则令脾胃虚弱，多致生风，而为脾风慢惊也。以脾土衰而肝木来刑故尔，当先补脾胃，不令困弱，则风不生，而病易愈也。

吐泻已定未定烦渴者，皆津液内耗也，不问新久，宜煎钱乙白术散，使满意取足饮之，多即

愈好。不尔即津液内耗，而引饮不止，内生其热，外邪相干，则证变百端，以成他病，渐至危困也。

小儿卫生总微论方卷第九终

小儿卫生总微论方卷第十

吐泻方下

治吐方

木瓜丸 治自生下便有吐症。此因初生时，拭掠口中秽液不尽所致。

干木瓜末 麝香 膩粉 木香末 檳榔末 各一字

上研匀，而糊和丸，粟米大，每服一二丸，甘草水下，无时服。

塌气丸 治啼哭未定，便令食乳，气逆停滞，心胸满闷，气急吐逆。

巴豆三个，去皮，分为十片 胡椒十个 丁香十个 青橘十个，汤浸一宿，不去穢，每个入巴豆一片、胡椒一个、丁香一个，以麻缕缠之，余并同。

上用醪米醋一碗，煮药至醋尽为度。取出细切焙干，同研为末，粟米糊和丸粟米大，每一二岁儿三二丸，三四岁儿四五丸，饮下，日三服。此药利胸膈。然后复进观音散一二服补气。食前。

和胃膏 治啼哭饮乳，气逆噎塞，及胃虚气不升降，胸膈痞满，吐逆不时。

人参去芦 藿香叶去土 水银 枇杷叶先炙，去毛，生姜汁涂，炙令香熟 白茯苓各一两 甘草炙，皆各半两 肉豆蔻面裹煨熟 硫黄研细，入铁铤同水银一处拌匀，于火上炒，不住手研如泥，放冷，各半两

上同为末，次将硫黄、水银炒匀入之，再研匀细，炼蜜和膏。每一岁儿桐子许，生姜枣汤化下，量大小加减。亦治人翻胃，服一皂子许。

白附子丸 治伤风冷吐逆，及治粪青下泻。

白附子一分，末 蝎梢一分，研 舶上硫黄半两，研细

上先将半夏半两，汤洗净，生为末，生姜自然汁和剂，捻作饼子，小钱大，沸汤内煮至熟，取出研成膏，入三味药末和之，如干，添少汤，丸萝卜子大。每服二三十丸，米汤或乳汁送下。无时。

羌活膏 治伤风吐逆，亦能截痢定泻。

羌活去芦 独活去芦 人参去芦 白茯苓 防风去芦并叉枝 肉桂去粗皮不见火 全蝎炒，各一分 硫黄三钱 水银一钱，与硫黄同研，青色至不见水银星子为度

上同为细末，炼蜜和膏。每用量大小，旋掣，婴孩大豆许，三二岁鸡头大，五七岁儿龙眼大，并薄荷水化下。

托养丸 治伤食吐逆，心胸满闷，阴阳痞，手足厥冷，烦热躁闷。

硫黄 水银各半两，同研细不见星 附子半两，炮，去皮、脐 木香半两 当归去芦，洗净，半两，切，焙 大黄一两，湿纸裹，煨熟

上为细末，炼蜜和丸樱桃大。每服一粒，生姜汤化下。无时。

朱砂丸 治惊吐不止。

朱砂 乳香各一钱 半夏二十一个，洗净七次，姜汁浸一宿，切焙

上同为细末，姜汁糊丸黄米大。每服五七丸，乳香汤下。无时。

紫霜丸 治如前

朱砂半钱 杏仁三十个去皮、尖，炒黄

上同研细，糊丸麻子大。每服五七丸，桃心汤下，乳食前。

三香丹 治挟惊吐逆不止。

藿香叶去土 丁香各半两 麝香当门子，半钱，研 膩粉半分，研 半夏一钱，汤浸七次，焙干 龙脑半钱，研

上为末拌匀，生姜自然汁糊和丸黍米大。每服十粒，人参、薄荷汤送下。无时。

四季散 治惊吐及番胃^①，诸药不效者，服之立验。以好硫黄半两，研细，入水银一分，同再研至无星，如墨煤色，再用一钱或半钱，以生姜自然汁同酒各半同煎，用少许调药，空心服之。

① 番胃：同“翻胃”。

服毕覆卧，当自汗出乃愈。

集香散 治脾胃不和，气虚吐逆不食，渐成羸瘦。

丁香 沉香 木香 白术 藿香叶去土
制厚朴各半两 白茯苓 白豆蔻各一分

上为细末，入麝香少许拌匀，以水半升，蜜四两，大枣十五个，生姜十五片，于银器内慢火熬成膏，去姜、枣不用，以膏和药丸如皂子大，于当风处簪干。每服一丸，米饮化下。量儿大小加减，乳食前。

人参白术散 治胃气不和吐逆，不思乳食，亦治霍乱吐逆。

厚朴去粗皮，生姜制，二两 人参去芦 白术
半夏汤洗七次 陈皮去白，各一两

上为细末，每服一钱，水一小盏，生姜二片，煎至六分，去滓温服。

人参藿香散 治脾胃不和，吐逆不定。

人参去芦，一两，涂姜汁微炙 藿香叶去土，半
两 白术锉，炒 丁香 良姜 枇杷叶去毛，姜汁
涂，炙令香熟 甘草各一分，炙

上为细末，每服一钱，水一小盏，入木瓜一片，煎至五分，温服无时，去滓通口服。

藿香散 治脾胃气不和吐逆，心腹胀满。

藿香叶去土 半夏曲 甘草炙，各一两 陈
皮去白 厚朴去皮，生姜制，各二两 人参去芦
白术各半两

上为细末，每服半钱或一钱，水一小盏，生姜三片，煎至六分，去滓温服。无时。

万安丹 治胃虚伤冷吐逆。

半夏一分，汤洗七次，焙干 白术一分 附子
一个，炮制，去皮、脐 硫黄一分，研 朱砂半两，研，
飞

上上三味，先为末，入研药拌匀，生姜汁和丸黍米大，每服十粒，米饮下，乳食前。

圣石散 治如前。经验。

礞石四两，炭火烧一伏时 不灰石二两，炭火
烧一伏时 母丁香一两 木香一两 人参去芦，一
两 白茯苓一两 半夏半两，汤洗七次，焙干 真
阳起石半两，先同上为末 阿魏汤化去砂石，以面
成饼，焙干，一钱 巴豆 杏仁各十四个，并连皮灯
上烧作炭，略存性

上同匀细，汤泡蒸饼和丸荔枝子大。每服一粒，水一盞，入姜皂子大，擘破同煎至五分放温。时时服之。煎药须用银石器。

厚朴散 治胃冷气逆，吐不思食。

白茯苓一两半 肉豆蔻面裹煨，半两 厚朴
去皮，生姜制，一两 枇杷叶炙，去毛尽

上为细末，每服一钱，水一小盏，生姜二片，煎至六分，去滓空心温服。无时。

人参膏 治脾胃虚冷，乳食不化，吐逆连并，不喜乳食。

人参去芦 滑石 藿香叶去土，半两 丁香
一分 甘草二钱，炙 朱砂一钱半，研，水飞

上为末，炼蜜和膏，每用皂子大，米饮化下，无时。

楠皮汤 治胃冷吐逆，正气。

上以楠木皮煎汤汁服之。

温脾散 治寒湿吐逆。

厚朴去皮，涂姜汁炙，令香熟，一两 丁香 白
木 干姜各半两，焙 肉桂一分

上为细末，每服一钱，煎人参汤调下，无时。

香参汤 治寒痰吐逆。

丁香 藿香叶去土 丁香皮 人参去芦 白
茯苓各一两 青皮去穢 木香 甘草炙，各半两

上为末，每服一钱，水一小盏，生姜二片，煎至五分，去滓湿服，无时。

三黄散 治伤热吐逆。

五灵脂 大黄 雄黄各等分，研，水飞

上为细末，每服一字，磨刀水调下，无时。治热吐尤佳。

楠花散 治热吐不止。

皂角去皮，烧烟尽 白矾枯 槐花炒 甘草
炙，各等分

上为细末，每服一钱，白汤调服。无时。

丁香益胃汤 治胃虚挟热，吐逆不止。

丁香 人参去芦，各一两 桂去皮 大黄炮
黑黄色 河黎勒皮一分

上为细末，每服一钱，水一小盏，生姜二片，煎至五分，去滓湿服。无时。

人参桂姜汤 治热气不调吐逆，腹满胀痛。

人参去芦，三分 桂去皮 良姜各一两 甘

草半两，炙

上为细末，每服一钱，水一小盏，生姜三片，煎至六分，温服。无时。

白术汤 治吐逆热烦而渴，津液燥少。

白术 干葛根 人参去芦，各一两 木香 藿香叶去土 白茯苓 甘草炙，各半两

上为细末，每服一钱，水一小盏，生姜三片，煎至六分，去滓温服，或用生沸汤调下。无时。

香朴散 治冷热吐逆，调顺其气。

厚朴去皮，姜制，一两 人参去芦，一两 丁香半两 麦门冬去心，半两

上为细末，每服一钱，水一小盏，人生姜二片，枣一个，同煎至五分，去滓温服。无时。

坯莲丸 治一切冷热，吐逆不止。

半夏一两，汤浸洗七次，槌碎 胡椒一分，二味同炒紫黑色 丁香四十九个 莲子心一百个

上为末，姜糊和丸菜子大。每服三二十丸，煎坯子石莲汤送下。无时。

清膈饮子 治伏暑吐逆。

淡竹叶一两，去枝梗，只取叶，焙干 香薷一两 檀香半两 人参去芦，半两 半夏半两，汤洗七次，焙干 白茯苓半两 甘草半两 白梗米一合

上为粗末，每服一钱，水一小盏，煎至六分，去滓温服。时时加熟水服。

灯花丸 治伏暑吐逆，头目痛，四肢冷，烦躁不解。

半夏二两，姜制 硫黄一两 白善土一两

上为末，滴水和丸大豆大，每用一二丸，以针穿子灯上燎过，吐逆者盐艾汤下，烦躁者生姜汤下，四肢冷者热酒下，头痛者腊茶下，儿小者服一丸。

双金丸 治霍乱吐逆不止，又治番胃及沉积，赤白恶痢。

五灵脂去砂石，二两半，研 拣丁香一钱，为末 巴豆半两，去壳并心皮，细研，入上二味和匀

上以枣肉和丸黄米大。每用量大小虚实加减，二岁上五七丸，三岁上十丸，煎丁香藿香汤放冷送下。服药毕，须候两时辰，不得与乳食，候大便过一两次，服补药四圣丸。如吐后躁热，心间烦闷，服四顺饮子。此三药乃一宗也。儿本壮，

食伤积滞者，宜服。虚者更宜斟酌。

四圣丸

白豆蔻 肉豆蔻面裹煨 草豆蔻去皮 干姜炮 良姜 藿香叶去土 丁香枝杖各等分

上为末，醋糊和丸绿豆大。每服三十丸，煎人参或白术汤下。如止泻，米饮下，无时。

四顺饮子

地骨皮去骨尽 防风去芦并叉枝 山栀子仁 连翘各等分

上为末，每服一二钱，水一盞，生姜三片，煎至五分，去滓临卧温服。如大便秘涩，煎灯心、竹叶汤放冷服。亦治诸热，心胸烦躁懊闷。

乳吮散 治婴儿吐乳不定。

枇杷叶一分，去毛，炙焦黄色 母丁香一分

上为末，每服少许或半字一字，涂乳上吮儿，便止。

马通汁 治婴儿吐乳黄色。

上以新马粪一块绞汁，量大小分减灌之。

葛根粉 治小儿吐逆壮热，不下食。

上以葛根粉二大钱，水二合调匀，泻入沙罗中，侧转令遍，如荡粉皮法，重汤内煮令熟，以糜饮相和食之，亦治痢。

白鱼灰散 治百日内儿涎壅吐乳。

上以书中白鱼七枚，烧灰研细，乳汁调服一字与服。或傅在乳上吮之。

丁香散 治胃虚气逆，呕吐不定，霍乱不安，精神困弱。

丁香一分 人参半两 藿香叶去土，一分

上为末，每服一钱，水半盞，煎三五沸，入乳汁三五滴。更煎一两沸，带热服，无时。频频服效。

圣白丸 治小儿吐逆。

半夏半两，汤洗十次，竹刀切，作片子，焙令干 丁香半两

上子木白中同杵为末，生姜自然汁和丸麻子大。每服十丸十五丸，温汤送下。无时。

白术散 治小儿吐逆，或加喘促。

白术二两 干山药 白茯苓各一两 人参去芦 木香 白扁豆炮 藿香去土，各半两 甘草一分，炙

上为末，每服一钱，紫苏汤下。喘者陈皮汤下。无时。

附子散 治小儿虚风呵欠，吐逆涎盛。

白附子炮 南星炮，各半两 黑附子炮，去皮脐，一分

上为末，每服一钱，水一小盏，生姜二片同煎，仍不住手搅，煎至半小盏，分三服，量大小与，甚效。

滑石散 治胃热吐奶食。

白滑石 白善土好者，等分

上为末研匀，每服半钱，葱白煎米饮调下。

坏莲散 治一切吐逆及烦渴。

枇杷叶大者五片，洗刷去毛尽，涂蜜炙焦黄色
麦门冬去心，一分 紫苏叶四十九叶 丁香一百粒
石莲心一百个 藿香叶去土，半两 甘草一分，炙

上为末，每服半钱，煎坏子胭脂、石莲汤调下。无时。

白茅散 治吐逆不定。

丁香 花桑叶 人参去芦 藿香叶去土
白茅根锉，各一分

上为散，每服一钱，水一小盏，煎至五分，去滓，量大小分服，无时。

白附散 治小儿吐逆不定，虚风喘急。

白附子 藿香叶去土，等分

上为细末，每服半钱或一钱，米饮调下。无时。

油滴散 治小儿胃气虚冷，痰盛吐逆。

半夏大者十四枚，生 胡椒四十九粒

上为粗末，每服半钱，水一小盏，人生油七滴，煎至五分，去滓服。无时。

二白铤散 治小儿膈上痰壅，吐逆不食，渐生惊候，胸中满塞，咽嗑不利。

大天南星一个，炮裂，出火毒 大半夏四个，汤洗七次，去滑

上并铤作块子，以水一大盏半，人生姜七片，慢火煎至一呷服之，入冬瓜子同煎更妙。

五香半夏丸 治小儿膈满，气不升降，吐逆痰壅，或作咳嗽。

沉香 磨香 丁香 木香各一分 藿香去

土，半两，用叶 半夏汤洗七次，姜汁拌，炒黄，三两肉豆蔻面裹煨去净油 人参去芦 陈皮去白，各一分

上为细末，姜汁糊丸黄米大，每服三十丸生姜汤下，乳后。

定吐香银丸 治小儿脾胃气弱，挟子风寒，呕哕。亦治便青泄利。

丁香 干葛各一两 半夏汤洗七次，切焙水银后入，各半两

上上三味先为末，入水银研匀，生姜汁和丸麻子大，每服三五丸至十数丸，量儿大小与服，藿香汤下。无时。

龙虎救生丹 治一切吐逆，不下食。

水银半两 硫黄一两，二味同研细至无星为度
丁香半两 半夏曲一两 人参去芦，一分 天南星半两，炮 白附子一分，炮裂

上为末，生姜汁煮糊和丸萝卜子大。每服一二十丸，煎藿香汤下。伏热吐者，煎莲子心汤下。量大小服。又治妊妇阻病。立效。

枇杷叶汤 治一切吐逆烦渴。

枇杷叶一两，拭去毛尽，炙微黄 丁香半两
人参去芦，半两 甘草炙 白茯苓各半两

上为细末，每服半钱，煎紫苏汤上。无时。

定命丹 治一切吐逆不止。

巴豆十个，去油 丁香一两，炒黑色

上为细末，以煮酒蜡就剂，旋丸如绿豆大。每服三五丸，米饮汤下。腹胀，皂儿汤下。夜啼，朱砂汤下。儿本壮实者，有积食宜服。

五倍子散 治吐逆不定。

上以五倍子二个，一生一熟，甘草一寸，用湿纸裹煨，同为细末。每服半钱，米泔调下。立瘥。

壁钱汤 治如前。

上以壁钱窠煎汤饮之。一方用二七个，其虫似蜘蛛，作白幕如钱子壁上。土人呼为壁窠。

麻仁汁 治如前。此李谏议方，尝用极妙。

上以麻子仁二两杵烂，熬以水，研取汁，入盐少许，服之立效。

丁香散 治如前。

丁香 藿香去二 代赭石火煨醋淬,不计遍数,以易碎为度 甘草炙,各一分

上为末,每服半分,煎薄荷汤下。如吐泻,更与木香白术散同服。方具于治泻口中。

生姜汤 治吐逆,百药不瘥。

以生姜一两,细锉米豆大,将七合,于银器中煎取四合,空腹旋呷。大者和滓服。

羊粪酒 治无故吐逆酸水不止,或三五口,食后如此。

上以羊粪十颗,好酒二合,煎取一合顿服,未愈再服。更量大小加减。

羊乳 治哞哞,干呕烦热。

上以羊乳一升,煎至减半,分五服。无羊乳,只牛乳亦得。小者减之。一方与生姜汁合煎,牛乳二合,姜汁一合,银器中慢火煎五七沸,一岁儿服半合。

鹿角粉 治如前。

上以鹿角粉、大豆末等分相和,乳汁涂上,令儿吮服之。

枇杷叶汁 治如前。

上以枇杷叶拭去毛净,煮汁饮之,亦治咳嗽。

玉真散

白术半两 半夏七个,汤洗七次,为末,生姜汁制 胡椒半钱

上为末,每用半字,以水一呷调下,大者一字。

消乳丸 治饮乳过多,哞吐奶瓣不消。好令常服。

丁香 木香 青皮去穢,炒黄 肉豆蔻面裹煨 牵牛子炒黄,各半两

上为末,滴水丸针头大,每服三五丸,乳上沾吮服。

蟪粪饮 治哞乳不止。

上取田中曲蟪粪一两研末,空心米饮调下半钱匕,一二服立效,儿小减腹。

芦虫汤 治饮乳哞吐不入腹,取芦中虫二枚,煮汁饮之。须破芦取,虫似小蚕。

治泻方

粟煎汤 治肠胃受风寒,下泻不止,身体壮

热。

白术 当归去芦,烧培 川芎 人参去芦 肉桂去粗皮 芍药各一两

上为末,每服一钱,水一盞,入姜三片,粟米半匙,煎至米熟,去滓温服。

惺惺散 治伤风挟惊,下泻日久,脾困不食,及恐作脾风发病。

天麻半钱 全蝎半钱,炒 糯米一钱,微炒 甘草一钱,炙 木香一钱,炮 白扁豆一钱,炒 山药一钱,焙 茯苓一钱,微炒 人参一钱,微炒

上为末,婴孩一字,二三岁上儿半钱,水半银盞以下,枣半个,煎三五沸温服。

白附子丸、羌活膏 皆治伤风或惊,泄泻不止。方已具于吐门之下。

人参生犀散 治风寒惊悸痰嗽,服寻常药即泻。

前胡去芦,八钱 桔梗去芦,半两 人参去芦,三钱 甘草炙黄,二钱 杏仁去皮、尖,五钱末

上上四味为末,后人杏仁拌匀,粗罗罗过,每服二大钱,水一盞,同煎至八分,去渣温服。无时。

诃子汤 治伤冷泻不止。

诃黎勒皮 人参去芦 木香 白茯苓各一两 甘草炙 陈皮汤浸去白,各半两

上为末,每服一钱,水一小盞,人生姜二片,煎至五分,温服,无时。

诃黎豆蔻丹 治如前。

诃黎勒皮 草豆蔻仁各一两 白术 干姜 炮 川黄连去须 当归去芦洗,焙,各半两

上为细末,粟米饭和丸黍米大,每服十粒,汤饮下,无时。

肉豆蔻散 治胃寒下泻。

肉豆蔻面裹煨 白矾枯,各一两

上为末,温米饮调下一钱或半钱,空心服。

益脾散 治脾胃伤冷,泄泻腹痛,全不入食。

陈皮一两,去白 青皮去穢,半两 诃子肉半两 甘草锉炒,半两 丁香二钱 干山药二两

上为细末,每服一大钱,水一小盞,生姜三片,枣一个,煎至六分,去滓温服。与益儿丸间服

甚妙。

川椒丸 治夏月伤湿冷，泄泻不止。

川椒一两，去目，并闭口者不用，拣净，慢火炒香为度 肉豆蔻面裹煨，半两

上为细末，粳米饭和丸黍米大。每服十粒，米饮下，无时。

柏叶 治泄泻洞下。

上以柏叶煮汁服之，或焙干作末，煎服。

乌姜丸 治脾虚泄泻不入食。

生姜二两，切棋子大 黄连去须，二两，捶豆大，二味同炒紫黑色 肉豆蔻二十五个，每个入丁香二个，共五十个在内，论，别用生姜研烂取汁，和面裹煨熟。和面符之。

上同为细末，滴水和丸芥子大，每二三十丸，枣汤下，乳食前。

龙香散 治肠胃虚弱，滑泄无度，腹痛肠鸣，或疳泻不止。

当归去芦净洗 龙骨煨 赤石脂 乌鱼骨 白术 香白芷 人参去芦，各等分

上为细末，每服半钱至一钱，温米饮调下，乳食前。

如圣散 治伤热生风，聚泻不定，或时惊悸，睡卧不宁。

板蓝根肥者二两，麸炒，令黄色 丁香半两 甘草一两，炮 乳石一两半 并泉石一两半

上为细末，每服半钱，米饮调下，并服三服。立效。如惊风薄荷汤调下。

治小儿水谷不调。

上以枳实面炒黄枞末，米饮服半钱匕，二岁小儿一钱匕，量大小加减服。

温脾散 治泻泄食不化。

苍术半两，米泔浸一宿，去黑皮 甘草炙 厚朴去粗皮，生姜制 诃子炮 木香 干姜炮 茯苓 人参去芦 桔梗去芦，各一钱

上为末，每服一字或半钱，米饮调下；食不化者，紫苏、盐汤调；泻不止者，木瓜汤调下，乳食前。

二和丸 治泻不止。

黄连去须，一两 南木香一两，二物各半生半炒

上为末，醋糊和丸绿豆大，每服三四十九丸，米饮下，乳食前。

还肌散 治洞泻、聚泻、疳泻等肌肤瘦弱，乳食不进。

肉豆蔻一个 诃子三个去核 没石子一个，二味各用大麦面裹，慢火煨黄熟，勿令烟出

上为细末，每服半钱，米饮调下，如人行五里久，再一服，须用陈米饮下。神效。

和中散 治痰逆胃虚泄泻。

白术 陈皮去白 厚朴去粗皮，生姜制 甘草炙，各等分

上为细末，每服一大钱，水一小盏，生姜三片，枣一个，同煎至六分温服。一方更有藿香叶减半。

附子散 治胃寒泄泻不止。

上以半两附子一枚，炮裂去皮脐，为细末，每服一钱，水一盞，盐半钱，煎至五分温服。亦治洞泄，乳食前服。

赤石脂丸 治泄泻虚滑无度。

赤石脂 干姜炮，等分

上为末，糊丸麻子大。每服一二十丸，米饮下，空心服。

豆蔻丸 治泄泻，米谷不化。

肉豆蔻面裹煨，一两 木香 青皮去穢，炒黄，半两 黑牵牛一分，微炒

上为细末，滴水和丸黍米大。每服十丸，生姜米饮下，乳食前。

建胃散 治泄泻身热烦渴。

厚朴去粗皮，生姜制，一两 川黄连去须，一两 白术 肉豆蔻面裹煨，一两 缩砂仁半两 干姜半两，炮 木香半两

上为细末，每服一钱，水一小盏，入生姜、粟米各少许，煎至五分，去滓温服。无时。

顺胃丹 治泄泻虫烦腹痛。

白术 良姜 干漆炒烟尽 肉桂各一两 肉豆蔻面裹煨，半两

上为细末，面糊和丸黍米大，每服十粒，米饮下，乳食前。

建中丹 治泄泻腹痛多啼。

胡椒 蓬莪茂煨 全蝎一钱 肉豆蔻面裹

煨，半两

上为细末，面糊和丸黍米大。每服十粒，米饮下，乳食前。

茱萸散 治脾胃弱，食不消，泄泻无度。

吴茱萸拣净，半两，用盐二钱水一盞煮之，如此，换水煮十四次，各至水尽，遍数足，晒干，炒令紫黑色，甘草一两半，炙 陈皮去白，二两，炒令香熟。

上为细末，每服一钱或半钱，沸汤点服。无时。

乳香豆蔻丸 治泄泻不已，肠中有恶气故尔。

上用肉豆蔻一枚，研分两半，中间剝开，安乳香一皂子大在内相合，以线扎定，和白面裹如胡桃大，煨熟为末，陈米饭和丸绿豆大，每服二十丸，陈米饮下，空心食前。

香矾丹 治泄泻浸久不瘥。

白矾一两，慢火枯，研成粉 木香一两 河黎勒皮半两，微炒 酸石榴皮半两，炒黑

上为细末，炼蜜和丸黍米大。每服十粒，粥饮下，乳食前。

二白丸 治泄泻滑数不止。

白石脂 白龙骨煨，等分

上为末，滴水和丸黍米大，每服三五丸，紫苏、木瓜汤下，无时。

温白丸 治久患泄泻，脾虚不进饮食，或食讫仍前泻下，米谷不化。

白术一分半，米泔浸一时，切焙干 半夏一钱半，汤浸洗七次 丁香半钱，炒

上为细末，生姜自然汁糊丸黍米大，每半岁儿三丸，三五岁儿五七丸，淡生姜汤下，早晚各一。

没石子丸 治泄泻白浊及滑肠腹痛，亦治疝利。

木香 黄连去须，各一分 没石子一个 肉豆蔻二个，面裹煨 诃子肉三个

上为细末，饭和丸麻子大。米饮下，量大小加减与之。无时。

银白散 治脾胃不和，泄泻不止，不思饮食，身体烦热。

人参去芦 白茯苓 白扁豆炒熟 甘草炙

白术炒，各一分 罌粟米微炒，二钱，别研

上为末同匀，每服半钱或一钱，紫苏汤调下，无时。

干姜散 治水泻无度。

上以干姜末，粥饮调下半钱或一字，量大小与。

椒红丸 治如前。

上以椒二两去目，用醋二升，煮至醋尽焙干为末，糊丸绿豆大。瓷盒收之。每服十丸、十五丸，米饮下。

一方治婴小水泻奶疳，以椒一分，去目为末，酥调少少傅脑上。日三。

乌药散 治乳母冷热不调，变坏乳汁不好，儿因饮之，心腹时痛，下泻如水。

香附子研，拣白者 良姜 赤芍药 天台乌药各等分

上为细末，每服一钱，水一盞，煎至六分温服。心腹痛者，入酒少许同煎。只水泻者，米饮调下，量大小与服。

白石脂散 治水泻形羸，不胜大汤药。

上以白石脂半两，研如粉，和白粥空心与服。

柏皮丸 治热泻。

上以黄柏削去粗皮，焙杵为末，用薄米饮和丸粟米大。每服十丸，米饮下，食前。

清胃散 治挟热下泻频。

川楝子去核 黄柏炙，锉 地榆炙 当归去须，洗焙 黄连去须，炒

上各半两为细末，每服一钱，水一小盞，煎至六分，温服无时。

香石散 治伏热中暑，烦躁发渴泄泻，小便不利。

丁香 滑石 舶上硫黄 白芍药 甘草各等分

上为末，每服一钱，米饮调下，亦治吐泻。无时。

分水车前散 治暑月伤热暴泻，小水不分。

上以车前子为末，米饮调下半钱或一钱，量大小加减。

白术膏 治暑月中热泄泻，小便不利，腹满

气痞。

白术半两 白茯苓 人参去芦 滑石各一分
泽泻半两

上为末，炼蜜和膏。每用一皂子大，米饮化下。无时。

香连散 治伏暑泄泻，滑浊不分。

木香 川黄连去须，各一两 人参去芦 厚朴去粗皮，生姜制，各半两

上为细末，每服半钱或一钱，米饮调下，乳食前。

草节汤 治冷热不调下泻。

胡黄连半两 绵姜一两，炮熟

上为细末，每服半钱，草节汤调下，食前。

枳椇散 治水泻里急后重频数。

枳椇皮一两 枳壳半两，炒 甘草一分，炙

上为末，每服半钱或一钱，粥饮调下，立止。无时。

厚朴散 治洞泻注下。

河黎勒皮一两，炒 厚朴去粗皮、生姜制，一两
肉豆蔻面裹煨，一两 白术半两 干姜半两

上为细末，每服一钱，水一小盏，人生姜、粟米各少许，同煎至五分，去滓温服，食前。

香蟾散 治如前。

上于五月五日，取蟾一支，烧末，饮调一钱服之。儿小量减。食前。

阿胶丹 治洞泻暴注。

真阿胶一两，焙粉炒 干姜一两，炮 芍药半两
当归去芦，半两 川黄连去须，半两 肉豆蔻面裹煨，半两

上为细末，炼蜜和丸黍米大，每服十粒，粟米饮下，食前。

助胃丹 治洞注不止，手足冷。

附子一枚，重半两，炮裂，去皮、脐 硫黄半两
干姜半两 肉豆蔻面裹煨，半两 肉桂半两
白术半两

上为细末，面糊和丸黍米大。每服十粒，米饮下，食前。亦治泻脱危困。

火轮散 治虚滑洞泄注下，日夜无度。

附子一枚半两者，炮裂，去皮、脐 肉豆蔻半两，面裹煨 面姜一钱半

上为末，每服一字或半钱，陈米饮调下，乳食前。

木香散 亦治冷热不调下泻。

木香 黄柏蜜炙，各一两 人参去芦 缩^①砂仁各一两

上为细末，每服半钱，米饮调下，亦治痢。

豆蔻香连丸 治寒热失宜，阴阳不调，泄泻无度，腹痛肠鸣。

黄连去须，三分，炒 肉豆蔻面裹煨 南木香各一分

上为细末，粟米饭和丸粟米大。每服三二十丸，米饮下，日夜四五服，量大小与之如圣。

小香连丸 治冷热不调，水谷滑肠，泄泻腹痛，脾胃不和，乳食不化，皆治之。

木香 诃子肉各一分 黄连去须，半两，炒

上为细末，饭和丸绿豆大。每服一二十丸，米饮下，乳食前。一方更肉豆蔻三个，甘草一分，同为末。每服半钱，饮调下，名香连散。

石榴汁 治泻下五色。

上以酸石榴五个，同穰壳捣烂，绞取汁，每服半合，量大小与之。

四色丸 治泻青色。

硫黄 厚朴去粗皮，生姜制

上各等分为细末，糊丸黍米大。每服十五丸，米饮下，无时。

木香白术散 治下泻色青如涎，或如白沫。

木香 白术 陈皮去白 丁香各一分 麦麩炒黄，半两

上为末，每服半钱或一钱，水半盏，煎至三分温服，如吐泻，与前丁香散兼服。在吐门下。

六神散 治泻多日，粪色与唇口皆白，因成虚困，亦治洞泻吐利泄泻。

人参去芦 白茯苓 干山药 白术 白扁豆 甘草炙

上各等分为细末，每服一钱，水一小盏，生姜二片，枣一个，煎至六分，通口服。此药用处甚

① 缩，原作“宿”，据兰陵堂本改。

多，调气和脾胃大良，如治冷泻，宜^①用末二钱^②，附子末一钱匕煎之。分三四服。量大小与之。

又治风症加天麻，治痢加罌粟壳。吐泻者服之，以助胃气，防变痼病。

豆蔻丸 治伤乳食，脾胃不和，泄泻无度。

木香一分 肉豆蔻面裹煨，一个 草豆蔻
槟榔 青皮去穰 陈皮去白，各一分 京三棱一
两，炮，锉

上为细末，面糊和丸绿豆大。每服五七丸，姜汤下。无时。

黄连茱萸散 治伤乳食下泻。

黄连去须，一两 吴茱萸拣去枝梗，半两 干
姜二钱 巴豆肥大者一个，去皮

上锉细，同炒至焦黄，去巴豆不用，外为细末，每服一钱，煎陈米饮调下，日三，乳食前。

缓中丸 治有伤泄泻。

神曲炒黄 诃子皮炮，各半两 吴茱萸拣净
炒黑色，二两

上为末，炼蜜和丸麻子大。每服三二十丸，枣汤下。无时。

回阳散 治下泻虚极，或因服转药泻脱，四肢逆冷，目睛项强，大便不禁，心胸烦闷，不能乳食。

附子大者一个，炮，去皮脐 天南星大者一个，
炮过为末，生姜汁和作饼，焙干 木香一分 人参去
芦，一分 硫黄一分 朱砂一钱 麝香少许

上为细末，艾汤调半钱，乳食前服。

艾黄熨法 治泻脱困乏危笃。

蓖麻七个，去壳研如泥 熟艾半两 硫黄研
末，二钱

上拌匀，于脐上先铺纸，傅药在上，又用纸铺衬稍厚，用熨斗适温凉熨之，不可令熨斗大热，以脐内响为度。

治^③吐泻方

阎孝忠曰：凡小儿吐泻，多因寒冷，当温补之。余每用理中丸以温其中，五苓散以寻逆，五苓散治小儿吐尤妙，逆者吐也。连与数服，兼与异功散正气，温药调理之，往往便愈。若已虚损，当速生

其胃气，与理中丸，并研金液丹末，煎生姜米饮调灌之，惟多服乃效。服至二三两无害，得胃气生，手足渐暖，仍频与粥。虽至危者，往往死中得生，十有八九。金液丹治小儿吐泻虚极最妙。沈存中论金液丹。亲见小儿吐利剧，气已绝，服之得活者数人，真不妄也，须多服方验。若因吐泻生风，身冷痲疯，变慢惊者，论在于惊门具之。其理中丸、五苓散、金液丹方并在和剂集载之。

异功^④散 治吐泻虚冷病，先与数服正气，能温中和气进食。

人参去芦 茯苓去皮 白术 甘草炙 陈
皮各等分

上为细末，每服二钱，水一盞，生姜五片，枣二枚，同煎至七分，通口服，无时。

参苓散 治伤风冷脾胃不调，一切吐泻。

人参去芦 茯苓 白附子 羌活去芦 白
术各一分 肉桂 犀角镑屑 藿香去土 川芎
芍药 甘草各一钱

上为细末，每用半钱，金银、薄荷汤调下，无时。

团参散 治脾胃虚弱，气不调顺，伤于风冷，一切吐泻，手足厥逆。

人参去芦，二两 白术一两 白扁豆炒，一两
罌粟米四两，别研 山药三两 陈粟米三两，明
生姜自然汁浸三宿，取出晒干 白茯苓一两，去皮
木香三分 川芎一两半 乌药一两半，锉碎 甘
草三两，炙 厚朴去粗皮，生姜制，二两 白芷一两

上为细末，每服一钱，水一小盞，生姜三片，枣一个，去核同煎至半盞，温服，空心食前。

和中散 治三焦不调，停寒隔上，吐泻不定。

藿香去土 白豆蔻 人参去芦，各一两 木
香 丁香 干姜炮 厚朴去皮，生姜制，各半两
甘草一分

上为细末，每服一钱，水一小盞，入生姜三

① 宜：原作“以”，据四库本改。

② 二钱：兰陵堂本作“二钱匕”。

③ 治：原无，据前后文例补。

④ 功：原作“攻”，据兰陵堂本改。

片,煎至六分,温服无时。

益中汤 治脾胃不和,伤冷吐泻。

丁香半两 草豆蔻去皮,三个炒 人参去芦,半两 青皮去穰,半两 桂心一分 诃黎勒去核,一分

上为细末,婴孩一字,二三岁半钱,五六岁一钱,煎木瓜、紫苏汤调下,日三。无时。

沉香散 治脾胃不和,吐泻不进乳食。

沉香一分 丁香一钱,炒 木香半钱,炮 桂心半钱,不见火 甘草一钱,炙 茯苓一分 藿香去土,一钱

法如前方用。

观音散 治如前。

人参去芦 甘草炙 白扁豆炒 石莲肉去心,各一分 茯苓一钱半 白芷 黄芪槌碎涂蜜,炒 木香炮,各一钱 神曲二钱

上为细末,每服一钱,水半盏,枣半个,煎三两沸温服。无时

人参散 治如前。

人参 茯苓 石莲去心,各一分 甘草二钱,炙 黄芪半两,蜜炙

上为细末,每服一钱,水半盏,枣半个,煎三两沸温服。无时。

白术散 治胃气虚弱,吐泻发渴。

白术 人参去芦 木香 白茯苓 藿香叶去土 甘草炙,各一钱 干葛二分

上为末,每服一钱,水一小盏,煎至六分温服。无时。

半夏汤 治脾胃虚寒吐泻,及有冷痰等痰。

半夏好者一两,汤浸,洗七次,切,焙干 陈粟米三分,无,即用陈粳米亦得

上成咀,每服三钱,水一大盏,入生姜七片,煎至四分,温服。无时。

张涣七香丸 治吐泻不进乳,心腹胀满,小便不利。

青皮浸,去穰,称,一半生,一半炒用,一两 肉豆蔻半两,面裹煨令香熟 牵牛一两,炒

上为末,糊丸麻子大。每服二三十丸,生姜米饮下。无时。

治婴小吐泻。

乱发半两,烧 鹿角一分,末

上同研细,米饮服一钱,日三。

治婴小吐泻。

上以特猪屎烧为末,水调汁,少少与服。

丁香安胃丸 治小儿胃虚,气逆呕吐,泄泻烦渴欲饮,精神昏困。

肉桂半两 丁香 藿香去土 滑石 茯苓各一两

上为细末,炼蜜和丸鸡头大。每服一丸,温汤化下。无时。

温中丸 治胃寒泻白,腹痛肠鸣,吐酸绿水,不思乳食。

人参去芦 甘草炙 白术各一两

上为末,姜汁糊丸绿豆大。米饮下一二十丸。无时。

糯米汤 治吐泻不止。

糯米一百粒 木香 黄连去须,三味锉碎如米 上同炒至米焦黄,去木香、黄连不用,只以米为末,后用枇杷叶去毛净,焙干,等分,为末,和匀,白汤调半钱。无时。

进食丸 治伤饱乳食不消,壮热服痢胀满,吐哕无度。

木香 枳壳麸炒,去穰 当归去须,洗焙 代赭石火煨醋淬,不计遍数,以易碎为度,别研 朱砂研,飞,各半两 巴豆霜一分

上为末,糊丸黍米大。一岁儿一丸,温水下,无时。

不二丸 治伤食吐泻不止。

巴豆三十粒,去皮心膜,研细,别用好连半两,水浸浓汁,染纸二张,裹巴豆压去油 朱砂末一钱,水飞 寒食面一钱,炒

上同研细,滴水和丸绿豆大。新水磨化一丸,服无时。

感应丸 治脾胃虚怯,乳食过度,吐泻身热服满。

肉豆蔻仁四个,面裹煨 丁香末三钱 川姜末二钱 木香三钱 百草霜四分 杏仁二十八个,去皮、尖,别研,取霜 巴豆十四个,去皮、膜,出油尽,取霜 黄蜡二两,熔滤去滓,却入好酒同煮半时,放冷凝

上同为细末研匀，先熔炼蜡和药成膏，恐硬时更入油少许，每用旋丸如黍米大。三四粒温水下，乳食前。

豆蔻散 治伏暑伤热，吐泻烦渴，腹胀小便少。

硫黄一分 白滑石三分 丁香 白豆蔻面裹煨，各半分

上为细末，每服一字或半钱，米饮调下，无时。

藿香散 治伏暑冷热不调，吐泻不止。

藿香去土 白芷 丁香 缩砂仁各等分

上为末，每服半钱，沸汤点服。无时。

香石散 治伏暑烦躁，吐泻发渴。

丁香 滑石 硫黄 白芍药 甘草各等分

上为细末，每服半钱，米饮调下，无时。

三和散 治伏暑吐泻，津液燥少。

白茯苓一两 乌梅肉半两 干木瓜半两

上为细末，每服一钱，水一盞煎至五分，去滓温服。无时。

乌煜散 治中暑发渴，烦躁闷乱吐泻。

上以谷精草不限多少，烧存性，用器覆之，放冷研为细末，每服半钱或一钱，冷米饮调下。无时。

大七宝散 治霍乱吐泻。

木香炮 丁香炒 桂去粗皮，不见火 茯苓 人参 麻黄去根、节 诃子去核 当归去须土 甘草炙 大腹皮 川楝子去核 秦艽去芦，炒，已上各一钱 地榆二钱，炒 藿香去土，一钱半，炒 肉豆蔻一个，面裹煨

上为末，每婴孩一字，二三岁半钱，四五岁一钱，水半盞，入枣半个，煎数沸，温服。无时。

建脾膏 治霍乱吐泻。

丁香 藿香去土 人参去芦，各一两 沉香 木香各半两

上为细末，炼蜜和膏，每用鸡头子大，粟米饮化服。无时。

人参汤 治如前。

人参去芦，一两 厚朴去粗皮，生姜制，半两 甘草半两，炙 白术三分 生姜三分

上吹咀，以水一升二合，煮取半升，六十日

儿服一小合，百日儿分四服，周晬儿分二服，乳空服之，乳母忌生冷油腻。

苍术汤 治小儿霍乱吐泻。

人参去芦 芦薈各半两 扁豆藤二两 苍术一握

上为粗末，每服二钱，水七分，煎至五分，去滓温服，立验。无时。

又方 名同，治同。

人参一两 木瓜一个 苍术一握

上吹咀，量儿大小，用煎如前服。立效。

治小儿霍乱吐泻。

上以牛涎一合，灌儿口中，量大小加减。

人参调胃膏 治霍乱吐逆，服药不下，烦渴者宜先服此药。

人参去芦 白术 丁香各一两 干姜炮 甘草 赤茯苓各半两

上为细末，炼蜜和丸皂子大。每服一丸，热汤化破，以新水沉极冷即服。无时。

快膈散 治霍乱吐逆，服药多即吐，先服此药。

甘草半两，炙 良姜微炮 肉豆蔻面裹煨 丁香各一分

上为细末，每服半钱，新汲冷水调下。

白术膏 治伤暑伏热，头目昏痛，霍乱吐泻，烦躁作渴，小便不利，心胸满闷。

白术 泽泻各半两 茯苓 人参去芦 滑石各一分

上为细末，炼蜜和膏，每用一皂子大。煎麦门冬汤，放温化下。无时。

治霍乱不止。

上以河黎勒一枚，去核为末，沸汤研，顿服，如未瘥再作。

丁香丸 治霍乱吐泻，面青，四肢冷，虚汗出。

丁香 藿香去土，各一分 人参去芦，半两

上为末，炼蜜和丸麻子大。每服五丸，粥饮下。无时。

丁香散 治霍乱不食。

丁香一分 人参半两

上为粗末，每服一钱，水一小盞，煎五分，去

滓服。

斗门散 治霍乱吐泻转筋。

附子一枚，生 胡椒一百粒

上为末，每服半钱，浆水一小盏，煎至四分，

温服。

七宝散 治霍乱吐泻，腹内撮痛。

白术四两 人参去芦 白茯苓各半两 甘草一两，炮 草果子大者二个，炮过用 诃子四个，炮，去核 干姜一钱，炮

上为细末，每服一钱，水半盏，入枣一枚，姜二片，同煎至七分，带热服。三岁下者，药半钱，水半合煎之，泻不止，与香连丸间服。

香连丸 治冷热不调，霍乱吐泻，腹内疔痛。

黄连去须择尽，一两，杵碎，微炒 木香一分 诃子七个，炮，去核 肉豆蔻二个，面裹煨

上为细末，姜汁糊和丸绿豆大。每服十丸十五丸，米饮下，无时，日四五服。

治霍乱不止

寡妇荐草 治如前。小儿霍乱吐泻

上取寡妇荐草二七茎，煮饮之。

又方 上取蠨音啮螭音雍窠微炙为末，乳汁调下一字。乃螺赢虫。

又方 上取芹叶细切，煮熟汁饮之。任意多少，得止为度。

香豆散 治霍乱烦渴吐泻。

藿香去土 甘草一分 肉豆蔻面裹煨，各一两 白扁豆 人参去芦，各半两

上为末，每服一钱，水八分盏，入生姜二片，煎至五分，去滓温服。

吐泻后证附

醒脾散 治吐泻初定，脾胃虚弱，恐生风

者，便当与服。

上以天南星沸汤浸洗七次，为细末，一岁儿半钱匕，用河水七分盏，入冬瓜子七粒，同煎至半，放温，旋旋与之。

碧香丹 治吐泻后，大渴不止，不得眠睡，甚则变痞。

天竺黄 不灰木烧赤放冷 赤石脂 龙骨煨，各一两，先为细末 膩粉 定粉 铅白霜 蛤粉各一两，别研

上拌匀，入麝香半两，再研，滴水和丸鸡头子大。每用一粒或半粒，同鲍螺儿二个，细研，沸汤浸化。却用冷水沉极冷服，大渴即与，神验。

丁香黄芪散 治吐泻后，脾胃虚弱，不能饮食，渐或羸瘦，面色青白，或作痢，时下时止。

丁香 绵黄芪锉 人参去芦 白术 当归洗，焙 鳖甲醋炙黄，去裙襴，各一两 胡黄连 甘草炙，各半两

上为细末，每服一钱，水一小盏，入生姜二片，枣一个，同煎至五分，去滓温服，食前。

香茂散 治泻后，但胸中不快。

藿香去土 蓬茂炮，锉 茯苓焙，各等分

上为细末，每服半钱或一钱，白汤点服。无时。

中和散 治吐泻定后烦渴。

人参去芦 白茯苓 白术 甘草锉，炒 干葛锉 白扁豆炒 黄芪切，焙 藿香去土，各等分

上为细末，每服二钱，水一盏，枣一个去核，生姜三片，煎至七分，放温服。无时。

小儿卫生总微论方卷第十一

八痢论

小儿气血怯嫩，脏腑软弱，因触冒风寒，饮食冷热，以邪干正，致脾胃不和，凝滞停积，蕴毒结作，或水谷不聚，或脓血纯杂，变而为痢，其候有八：一曰水谷痢，谓便下粪稀，薄而不聚，驶利出易，水谷不化也。然虽是泻便时，亦觉里急后重，故为痢也。二曰冷痢，谓便下纯白脓也。三曰热痢，谓便下纯赤血也。四曰滞痢，谓便下脓血相杂也。五曰积痢，谓有积伤为痢，浸久或瘥而复发也。六曰痞痢，谓患痞瘕而下痢也。七曰蛊痢，谓如蛊毒，下紫黑血，或如赤豆汁，或如鸡鸭肝片也。八曰休息痢，谓下血黑黯，中有白物，如肠中之脂，或如烂鱼肠之状，此肠胃损伤，患者更休爱惜，故以名之，亦名休息者，谓患即无休息而至死也。凡痢若粥药不能进者，此便为死候也。治水谷痢方，已具前泻项之下。

治冷痢方

玉肠散 治冷痢初，即大便青色，后乃作脓。

白石脂 当归洗、蛤 丁香 白术各一两
草豆蔻去皮 厚朴姜制，各半两

上细末，每服半钱，粥饮调下。无时。

厚朴丸 治脏寒泄泻，下痢纯白，腹中绞痛，虚气胀满，手足逆冷。

厚朴姜制，半两 诃子半两，炮，去核 白龙骨半两 白矾半两

上用一罍盛之，盐泥固济，留一窍子，木炭火煨，烟息为度，取出为末，面糊和丸黍米大。每服十丸，米饮下。食前。

乌骨散 主治如前。

上乌鱼骨去皮，研细末，每服半钱，米饮调服，或炙黄用之，亦治妇人漏血。

蓝汁 主治如前。

上以蓝青取叶，捣令极烂，绞取汁略温，每服半合或一合。无时。

马齿汁 主治如前。

上杵生马齿菜绞汁略温，每服一合，入蜜一匙头许调匀，空心服。

石莲散 主治如前。

上以石莲不拘多少，去皮，用沙糖炒过为细末，每服一钱，米饮调下，乳食前。累验。

胡黄连丸 治血痢下多，久而不瘥，或作脏毒下血，带青黄色。

胡黄连炒 芫荽拣净，炒 夜明沙各一分

上末，猪胆汁和丸黍米大。每服十丸，陈米饮下，无时。

治赤白滞痢方

罍粟饮子 治赤白滞痢。

罍粟壳半两，蜜炙 人参去芦，一分 厚朴去粗皮，生姜制，一两 白茯苓半两 干姜一分，炮
乌梅三个，去仁，连核用 御米壳三个 阿胶三片，蛤粉炒焦，去粉

上同末，每服一钱，水酒各半盏，煎散沸，温服。乳食前。呕吐者不可服。

三奇汤 治白痢。

御米壳二两，涂蜜炙 酸石榴皮一两，涂蜜炙
阿胶半两，蛤粉炒，去粉

上细末，每服半钱，乌梅、甘草汤调送下，乳食前。

治热痢方

胜金丸 治热痢下血。

黄柏去粗皮，半两 赤芍药四钱

上末，饭和丸如麻子大。每服一二十丸，米饮下，乳食前。

当归散 治如前。

当归去芦并土，一分，焙 芍药一分，炒 黄连去须，一分，炒 枳壳一分，去穰，麸炒黄

上细末，每服半钱，水五分，煎至三分，温服。下血多者，入甘草一寸同煎，乳食前。

槐花散 治血痢不瘥。

槐花拣净，炒 地榆炒，各等分

上细末，每服半钱一钱，米饮调下，乳食前。

圣效散 治血痢久不瘥。

赤石脂一两，烧赤 白龙骨一两，煨 阿胶一两，锉，蛤粉炒，去粉 诃黎勒煨，去核，用半两 木香半两 黄连去须，半两 干姜半两，炮 甘草半两，炙

上细末，每服半钱，煎粟米饮调下，食前。

厚肠丸 治血痢肠虚。

黄连去须，炒 川楝子去核，各一两 木香 阿胶锉，蛤粉炒，去粉 当归去芦并土 吴茱萸去枝梗，微炒，各半两

上细末，粟米饭和丸黍米大。每服一二十丸，米饮下，食前。

白梅饮子 治血痢不止。

上以白梅一枚去核。盐水研烂，合蜡茶醋汤沃服之。昔陈应之治曾相痢血百余日，诸医不能疗，陈用此一啜而瘥。又梁相亦病痢血，应之曰，此挟水谷者，用三物散数服而愈。

三物散

胡黄连 乌梅肉 灶下土各等分

上末，每服一钱，蜡茶清调下，食前空腹温服。

又方 治热痢下血，频并不瘥。

上以白梅五个取肉，蜡茶二钱，同研匀细，每服一钱或半钱，白汤点服。或以醋汤沃服之，量大小加减。食前。

黄连丹 治如前。

黄连去须，二两 当归去芦并土，一两，洗、焙 白头翁去芦，三分 蔓菁根三分，洗、焙干 木香半两 川楝子面裹煨，去核，用半两

上细末，粳米饭和丸黍米大。每服十粒米饮下，乳食前，或十五粒。

必效丸 主治如前。

川黄连去须，二两 大枣半升 干姜一两 肉豆蔻一分，面裹煨香，去面

上细末，糊丸黍米大。每服五七丸，米饮下，

乳食前，儿大增之。

雄黄散 治肠胃虚冷，下痢频并，腹痛不可忍。

雄黄一分，研细，水飞 乳香一分，研细 白矾飞过，一钱，研细

上同研匀，每服婴孩一字，二三岁半钱，陈米饮调下，日三服。乳食前。

艾叶汤 治虚冷下痢白脓。

艾叶一两，微炒 当归去芦并土，一两 干姜一两，炮 木香半两 诃黎勒煨，去核，用半两

上细末，每服一钱，水一小盏，入粟米少许，同煎至五分，去滓温服，食前大小以意加减。

又方 治如前。

上以蜡茶一钱，入热醋少许调服，乳食前。大小以意加减。

又方 治如前。

上以沙牛角膠烧存性为末，粥饮调下一钱或半钱，乳食前。

阿胶丸 治如前。

赤茯苓 赤芍药各一两，为细末

上以米醋煮阿胶一两，和丸绿豆大。米饮下一二十丸，乳食前。

酒煎汤 治肠胃虚冷，泄泻不止，变成白痢。

甘草半两，炙

上粗末，每服二钱，水一盏，生姜三片，枣一个，煎至半盏，去渣放温，量大小加减服，赤多者加黑豆十粒同煎。

三神丹 治如前。

上以肥大无尖草乌头三个，各去皮，一个生，一个炮熟，一个烧作黑灰，同为细末，而糊丸如萝卜子大。每服三粒，水泻并花水下，白痢干姜汤下，赤痢甘草汤下，赤白滞痢干姜、甘草汤下。食前。

木香炒连丸 治脾胃虚弱，寒湿冷热相搏，清泄下痢赤白。

黄连二两，粗，好折开如金色者，锉匀如豆大，又用生姜四两，净洗亦匀切如豆大，同入石银器中炒，不住手搅，贵得匀也，炒至生姜焦脆，去姜不用，只用黄连 诃子煨，去核，用半两 木香半两

上同细末，以湿纸包粟米饭，慢火煨，水脉溜取出，和药丸如绿豆大。每服二三十丸，食前米饮下，神效。

金锁散 治赤白滞痢，日久不瘥。

黄连去须，一分，用茱萸一分同炒，去茱萸不用，只用黄连 厚朴去粗皮，半两，生姜制

上同细末，婴孩一字，二三岁半钱，紫苏、木瓜汤调下，日三服，食前。

赤脂丹 治如前。

赤石脂 干姜炮 肉豆蔻各一两，面裹煨香，去面用

上细末，面糊丸黍米大。每服十粒，米饮下，食前。

治小儿下痢脓血。

草澄茄一两 破故纸半两，炒黄 黄连去须，半两 木香一分

上细末，每服半钱，陈米饮调下，食前。日二服，量儿加减。

治小儿风邪所干，下痢频并，里急后重。

以天南星一两，生为末，每服半钱，水二盏，生姜十片，米十粒，煎至半盏，温服。食前。

治小儿久痢脏毒，下脓血不止。

以好大枣一个去核，入黄丹半钱，硃砂一皂子许，膩粉十文，并研细置枣肉内，用大麦面裹，慢灰火中炮香熟，去面并枣皮了，研极细，入少软饭，丸如麻子大，量儿大小加减丸数，煎槐花汤下，甚者二服定。食前。

小桃花丸 治小儿赤白痢。

赤石脂 龙骨煨 密陀僧 定粉 黄丹炒 紫黑色用

上等分，醋糊丸绿豆大，每服十丸十五丸，米饮下，乳食前。

治赤白诸痢，以蜂房烧末饮服，量大小与。

又以鸡肠草取汁一合，和蜜温服良，以云母粉半两，更研极细，量儿大小加减。煮白粥拌匀，空腹食之。

又以胡粉熟蒸，熬令色变，饮服之。亦治无辜痢良，大小以意加减。

治久痢不瘥，以没石子二个，锉熬令黄，研细，作馄饨食之。

治小儿诸痢，**香连丸**。

黄连去须 龙骨煨 白石脂 川姜炮 枯矾各一两

上末，以粟米粥和丸麻子大。每服三十丸，米饮下。乳食前。量大小与服。

木香黄连丸 治冷热相杂，下痢赤白，里急后重，腹痛绞撮，及肠胃气虚，暴伤乳哺。

木香 黄连去须，各一分 白附子尖二个炮

上细末，粟米饭和丸绿豆大，或黍米大。每服十丸至二三十丸，量大小与之，食前米饮下，日夜三四服。

四神散 治诸般赤白痢。

当归去芦并土，焙 干姜炮 黄柏炒 黄连去须、炒，各等分

上四味，各自为末。如水谷利，各用半钱和匀。量儿大小，一钱至半钱，浓煎乌梅汤调下。赤痢者，加黄柏倍之；白痢者加干姜倍之；后重里急肠痛者，加黄连倍之；腹中绞痛者，加当归倍之。并空心食前服。沈存中言，予家常作此药，最获大效。

槲皮汤 治如前。

上以新槲皮不拘多少，去外黑皮，细切晒干。每服二钱，水一盏，煎至半盏，去渣更煎如膏，量大小温服。立瘥。食前。

又方 治如前。

以鸡子一个取清，摊连纸一张令遍，晒干，叠作四重，包撮乌梅十个，有肉好者，安熨斗内，炭火烧烟欲尽，存性取出，顿一碗中，上用盖子合之，候冷研细，更入水银粉少许和匀。量儿大小，分三五服，空心并花水调下，如服微利。止后服。

二色丸 治如前，神^①。

吴茱萸拣去枝梗，二两 黄连去须，二两 巴豆四十九个，去皮

上同子铍子内炒令黄赤色，去巴豆不用。只将上而二味，各自为末，而糊和丸，如萝卜子大，看大小紧慢，加减丸数。如白痢只服茱萸丸。赤痢只服黄连丸。白多赤少者，多服茱萸丸。赤多

① 神，兰陵堂本无此字。

白少者，多服黄连丸，少服茱萸丸。赤白相等者，中半服之。

御米汤 治如前。

御米十八，和壳用 甘草二钱，炙 当归去芦，洗焙，一分 黄连去须，一分

上末，每服一钱，米饮调下，乳食前。

罌粟丸 治如前。

罌粟壳一两，蜜炒 酸石榴皮烧存性，四钱 甘草半两，炙 阿胶一钱，锉，蛤粉炒，去粉

上末，炼蜜和丸小鸡头肉大。每服一丸，水六分盏化开，煎至四分温服，乳食前。

三乌丸 治如前。

川乌一个 草乌一个 巴豆七个

上各烧及九分，同研细，酒煮黄蜡熔化，入少好油拌和，搅匀成膏，每用旋丸绿豆大。每服三丸，看大小加减。血痢黄连汤下，白痢干姜汤下。水谷痢倒流水下。赤白痢干姜、甘草汤下。

固肠丸 治赤白滞痢，多日不瘥，渐成羸瘦。

黄连去须，二两 木香二两 半夏二两，汤洗七次 干姜二两，炮 赤石脂二两，火煨五次 厚朴去粗皮，二两，生姜制 白术二两

上为细末，而糊和丸黍米大。每服十丸，米饮下，乳食前。

健胃丹 治赤白等痢疾，日久羸。

黄连去须，锉、微炒，一两 白龙骨半两 白石脂半两 神曲半两，炒 乌梅肉半两，炒干 干姜半两，炮 白矾枯，一分

上细末，醋糊和丸黍米大。每服十粒十五粒，米饮下，乳食前。

妙应膏 治久痢赤白诸药不效。

密陀僧半两，末 黄丹半两，研 定粉半两，研，已上三味，同于铤子内，以醋拌匀，用火熬如茶褐色 诃黎勒皮 木香各一两，并末 巴豆十粒，去皮膜，压油尽 砒霜半钱，研 麝香一钱，研

上同研匀细，先以黄蜡四两，慢火熔化，入药拌匀熬成膏，每用旋丸黍米大。未啐儿一粒，二三岁儿二粒，四五岁三粒，六七岁五粒，血多冷甘草汤下，脓多温艾叶汤下，临卧服，忌热物，亦治积痢。

金华散 治滞痢多时，羸瘦休弱不堪，疾势困重。

上好黄连为细末，每服一钱，水一小盏，煎至半盏，入蜜少许，和匀，放温服之，日五六服，食前。

又方 治如前。

上以麻子一合，炒香熟为末，每服一钱，温蜜浆水和服，立效。

木香三使汤 治赤白久痢，拖延时月，至天寒不断。

上以木香方寸许，黄连半阿，水半升同煮至水干，去黄连不用，只将木香薄切焙干为末，分三服。第一服橘皮汤调下，第二服陈米饮下，第三服甘草汤调下。乳食前。

乌金散 治赤白滞痢及有所伤下痢。

上以青州枣不拘个数，去核入白矾末满，以纸裹煨，存性为末，每服半钱，米饮调下，未愈宜增之。如赤者，更入好茶半钱同调服。白者不用。

治积痢方

软金丹 治久积成痢。

砒霜 雄黄研，水飞 巴豆去皮、膜

上三味等分，各研细末，先以黄蜡看多少，于石银器内炭火熔化，入药末，竹篦子左右手各搅四十九遍，如此七次数足。取下火，乘软搓成小铤，以油单裹置新瓷器中，要用火烘软，旋丸如粟米大，或如萝卜子大，三五粒，量大小病势加减。赤痢，温薑汁下；白痢或赤白杂下，并米饮下，乳食前。

大尊重丸 治虚中有积，肠滑下痢，里急后重，脐腹疼痛。

粉霜三钱 黄丹半两 定粉半两 硃砂半两 膩粉二钱 京三棱末一两 白面五钱，少即量添些小

上为末，同匀，滴水和丸，晒干，炭火上炒令烈焦，再杵罗为末，枣肉和丸绿豆大。每服一二丸，米饮下，乳食前。

朱砂万应丸 治积痢久痢滞痢，一切诸痢，多日不瘥。

朱砂末一钱 硃砂末一钱 巴豆七个，去皮

膜 蜡二枣大许

上于铤子内，先熔蜡化，入巴豆熬至黑焦，去巴豆不用，却入上二味，搅极匀，放凝为剂。如用，旋丸如绿豆大。每服三丸，白痢艾汤下，赤痢黄连汤下，赤白痢黄连、艾汤下，水谷痢新水下，乳食前。

针头丸 治如前。

朱砂半钱 砒一钱 巴豆七个，用油煎 硫磺只使骰子大，研末，更用蜡为丸

上旋丸针头大，每服一丸，米饮下。量儿大小，加减丸数。食前。

烧膏丸 治诸积痢。

轻粉二钱 玄精石一分 霜粉一钱 硃砂一钱

上为末，入白面二钱拌匀，滴水为剂，捻作饼子，文武火烧熟，再研为细末，滴水为丸芥子大。浆水下三四丸。

一方，保州邵廉访方无硃砂，却有龙脑一字，余并同，亦不烧，只为末，水浸蒸饼，丸麻子大，一岁儿一丸，二三岁二丸，四五岁三丸，六七岁五丸，并夜深空腹冷水送下。如虚中沉积，泄利脓血交下，腹痛烦渴，百药不效，不敢取转者，服之便愈，并不动气，忌一切生冷油腻毒物。又名瑞白丸。

治痢痢方在痢疾之下。

治蛊毒痢方

育肠汤 治蛊痢下血，如豆汁赤水腹痛。

罌粟壳五两、细锉，蜜水洒匀，炒黄 地榆 槐花蜜拌，炒赤 厚朴去粗皮，生姜制 甘草炙 橘皮去白 酸石榴皮 当归去芦，洗焙 白芍药 五倍子去其中虫、各一两三钱 阿胶蛤粉炒，二两，去蛤粉

上为粗末，每服二钱，水一盞，入陈梗米二十粒，汤一块，皂子大，煎至五分，去滓温服。食前。

缓肠汤 治蛊痢如前。

人参去芦 白术 当归去芦并土 白茯苓 厚朴去粗皮，生姜制 白芍药 甘草炙，各一两

阿胶蛤粉炒，去蛤粉 黄芪蜜炙 陈梗米炒，各二两 御米壳三两，蜜炙黄

上为粗末，每服二钱，水一盞，入生姜三片，枣一个，同煎至五分，去滓温服，空腹食前。日三服。

犀角散 治蛊痢如前。

犀角屑 地榆锉 黄连去须，锉，微炒 柏叶微炒 黄柏微炙 黄芩 当归去芦土，洗净，微炒 赤芍药取叶 生地黄各一两

上为细末，每服一钱，粥饮调下，乳食前。

地榆丸 治蛊痢，肠中畜毒，下血如豆汁，或诸恶物。

地榆一两，多锉 黄连去须，一两 干蓝叶一两 川升麻一两 川楝子去核，半两 苦楝子去核，半两

上为细末，软饭和丸如黍米大。每服十丸，米饮下，量大小加减，乳食前。

地榆罌皮丸 治如前。

地榆四钱 罌根白皮三钱 白芍药一钱半 阿胶蛤粉炒，去蛤粉，一钱 当归去芦，洗净，一钱 乌梅肉二钱半 木瓜一钱半 枳壳去穰麸炒黄，一钱 茯苓一钱 肉豆蔻一个，面裹煨，去面 甘草二钱，炙 木香一钱 绵姜半钱，炮 金樱子二钱 人参去芦，半钱

上为末，炼蜜丸麻子大。每服三二十丸，米饮下，乳食前。

地榆散 治蛊毒痢下血，或如鸡鸭肝片，腹痛不止。

地榆一两 甘草半两，炙 赤芍药一两 柏叶一两，微炒 茜根一两 当归去芦，洗净，一两，微炒 河黎勒煨用皮，一两 黄连去须，微炒，一两

上为粗散，每服二钱，水一小盞，煎至六分，去滓温服，乳食前。

白头翁散 治蛊毒痢，如鸡鸭肝片，随脓血而下。

白头翁去芦 黄连去须，微炒 茜根锉，焙 苏枋木锉 故鼓皮炙焦，各一两 犀角屑半两 地榆半两，炙，锉 甘草一分，炙

上为细末，每服一钱，水一小盞，煎至六分，去滓温服。乳食前。

地黄汁 治蛊痢畜毒下血。

上以生地黄汁一升，分四五服量大小与服，食前立效。

治休息痢方

鲈汤丸 治休息痢，下五色脓血，如烂鱼肠，无粪，肠中搅痛。

粉霜一钱 轻粉一钱 朱砂一钱，研末 礞砂一钱，研 白丁香末四钱 乳香半钱，研 巴豆七个，去皮心，不出油

上为末和匀，蒸去皮，枣肉为丸粟米大。婴儿二三丸，二三岁儿四五丸，旋丸，儿大者丸如麻子大。鲈汤送下，日三服，及与调胃气药间服大良。亦治积痢蛊痢脏毒痢。

神安丸 治如前。

砒霜一字 龙骨二字，煨 乌鱼骨三字 赤石脂二字 茯苓三字 黄连去须，三字 定粉三字 干姜三字，炮 黄丹三字，火飞

上为细末，入麝香少许拌匀，饭和丸黍米大，每服五丸，轻粉汤下。亦治诸痢，赤者甘草汤下，白者干姜汤下，赤白杂者干姜、甘草汤下。

樽根散 治积年毒痢，无休息。

樽根白皮大眼树是也，取北阴下根一截，擘破用之，无北阴下者亦可 诃子七个，取皮去核。

上用河水三升，煮取一升，去滓，时时呷服，利住，吃淡粥，饮乳将息。

治诸痢杂证

龙骨散 治下痢体热烦渴。

白龙骨一两，煨 茯神三分 人参去芦，三分 胡黄连半两 茅根三分，锉 麦门冬去心，焙三分

上为散，每服一钱，水一小盏，煎至五分，去滓服，乳食前。

青黛散 治下痢发渴不止。时举方。

青黛一分 干藕节一两 密陀僧半两 汉罗乃旱螺，一分

上为末，每服半钱，米饮调下，无时。

冬瓜汁 治如前。

上杵冬瓜汁饮之。

乌梅饮 治如前。

乌梅十个，去核 麦门冬一分，去心 蜜二两半

上分为五七服，用水一小盏，煎半盏，入蜜搅匀服之，无时。

楮叶汤 治下痢发渴，得水饮便呕逆不止。

上以楮叶炙令黄者，用浆水半升浸之，候水绿色去叶，以木瓜一个切碎，纳汁中，煮五七沸，去木瓜，放温细细服，无时。

治婴小下痢，腹大且坚。

上以衣中白鱼摩腹上。

治小儿热，下黄赤汁沫，及鱼脑杂血，肛中疮烂，坐蟹生虫。

黄连去须土 柏皮炒 苦参 鬼白 独活 去芦 橘皮 芍药 阿胶蛤粉炒，去蛤粉，各半两

上为末，以蓝汁及蜜和丸小豆大。日服五丸至十丸。冬时蓝汁，用子一合为末，入药内。

治小儿久痢脓汁，温蟹生疮。

上以艾叶一味，每服二钱，水一盞，煎至半盞，去滓温服，更量大小加减。乳食前。

治小儿下痢，腹胀坚硬。

上以故衣带多垢者切碎，水三升，煮取一升，分服。

治小儿卒暴下痢以小鲤鱼一头，烧灰末之，米饮调下。

以鸡子和黄蜡作煎饼与服。

又以林檎楮子同杵，取汁服，以意服之。

黄柿饼 治秋痢。

以黄柿捣和米粉作饼，或作粥与食之。

治小儿洞下滑痢以羊角中骨烧存性为末，饮调服方寸匕。

治小儿脾胃虚怯，泄痢腹痛。

以拣肉豆蔻绝大好者一个，开一深窍，填乳香一块，用酵面裹了，慢火爆而熟，将药为细末，而糊和丸绿豆大。每服二十丸，乳食前，米饮下。

莽胃丹 治小儿脏寒，下痢白脓频数。

附子一枚，重半两者，炮裂，去皮、脐 赤石脂一两 川姜一两，炮 诃黎勒皮，一两

上为细末，粟米饭丸黍米大，每服十粒，米饮下，乳食前。

脱肛论^①

小儿脱肛者，谓大肠肛头脱出也。此因泻痢日久肠滑，冷气相搏，里急下重而便难，用力努，致肛头脱而下出。寒冷干乘，不能收返得入，今叙治方于后。

治小儿肛头脱出 以故麻鞋底炙热得所，按令入。频频按之，即不出。或烧鳖头灰研细附上，然后按入。永瘥。

以木贼烧存性为末掺上，用手接按令入。

鳖头丸 治小儿因泻痢，及冷搏积久，脱肛下出，不能返收肠中，疼而不得入。

死鳖头一个，炙令焦 小猬皮一个，炙令焦
磁石火煨，米醋淬，不计遍数，以易碎为度，四两 桂心三两，不见火

上为细末，炼蜜和丸小豆大。三岁至五岁儿五七丸，温米饮下，日三服。一方不用鳖头，只三味。

赤石脂散 治因泻痢努气下，推出肛头不入。

真赤石脂 伏龙肝等分

上为细末，每用半钱，傅肛头上，频用按入。

蛛丹散 治因泻痢脱肛疼痛。又名黑神散。

上以大蜘蛛一个，瓠叶重裹系定，入合子内，烧黑灰存性，入黄丹少许研匀，凡用先煎白矾、葱椒汤洗，拭干，将药掺在软绵上，手掌接按收之，甚妙。亦治大人。又一方桑叶裹，盐泥固烧。

芫荇丹 治久痢大肠虚冷，肛门脱出。

白芫荇去枝，一两，微炒 鳖甲一两，酥炙黄。
去裙襴 蜗牛壳一两，炙焦 磁石烧，醋淬十次，研，水飞 黄连去须，微炒，半两 蝮蛇胆半两

上为细末，软饭和丸黍米大。每服十粒，粥饮下，乳食前。

二金散 治久痢肠头虚冷，肛门脱出。

龙骨一两，煨 枯鳖壳一枚，涂酥，炙黄用，一两

上为细末，每用一字或半钱，干掺上，接按纳之。

又方 以白龙骨研如粉扑之。

又以鳖头烧灰细末扑之。

又以沿桑螺烧末，和猪膏傅上，立缩收之。此螺全似蜗牛而微黄小，雨后沿桑而生。

又以虎骨烧末，水调服半钱，或一钱，日三，甚良。

治小儿大肠随肛带出，转久不能收之。以生栝萎取汁涂之。

以猪肉汁蘸手，随接之。令暖自入。

又以干胡荽切一升，烧烟熏之，则缩入。

又以木贼不拘多少，烧存性为末，掺上，接按之。

缩沙散 治小儿滑泄，肛头脱出。

以缩沙一两，去皮为末，每用一钱，以猪腰子一片批开，入药末在内，绵系，米泔煮熟，与儿食之。次服白矾丸。如脱肛气逆，遍身虚肿，喘急者死，不治。

白矾丸

白矾枯 定粉 寒水石煨，各等分

上为细末，烂饭研细和丸黍米大。每服五丸，煎乌梅汤送下，乳食前。

斗门散 治小儿泻痢多时，青黄羸瘦，脱肛不收。

诃子肉 枳壳去穰，麸炒黄 地榆各等分

上为粗末，每用一钱，米饮调下。一岁下者半钱，乳食前。

又方 治如前。

香附子 荆芥穗等分

上为粗末，每用三匙，以水一大碗，煎十数沸，淋科。

又方以浮萍草不拘多少，晒干杵为细末，干贴上，以蝴蝶儿不拘多少，阴干为末，涂手心，接上即止。

小儿卫生总微论方卷第十一终

① 论，原脱，据目录补。

小儿卫生总微论方卷第十二

五疳论

小儿疳病，诸论丛杂，唯五疳之说为当。其证候外则传变不同，内则悉属五脏。一曰肝疳。其候摇头揉目，白膜遮睛，遍身多汗，喜覆而而卧，眼中涩痒，色泽青黄，发竖头焦，筋青脑热，腹中积聚，下痢频多，日渐羸瘦。二曰心疳，其候浑身壮热，颊赤面黄，心胸膈腕烦躁满闷，口舌生疮，盗汗多惊，下利脓血，神彩衰耗。三曰脾疳，其候腹大如鼓，上多筋脉，喘促气粗，心腹壅胀，多啼咳逆，水谷不消，唇口干燥，好食泥土，情意不乐，憎明好暗，利多酸臭，肌肉内消，形枯力劣，甚则大肉陷下。四曰肺疳，其候咳嗽气逆，皮毛焦落，咽喉不利，揉鼻咬甲，口鼻生疮，腹内气胀，乳食不进，大肠不调，泄利不常，憎寒休粟，粪中米出，洞下白泔。五曰肾疳，其候上热下冷，寒热时作，齿断生疮，耳焦胸热，手足逆冷，吐逆滑泄，下部生蟹，脱肛不收，夜啼饶哭，渐成困重，甚则高骨乃败。小儿疳疾，乃与大人劳瘵相似，故亦名疳劳。大人劳者，因肾脏虚损，精髓衰枯。小儿疳者，因脾脏虚损，津液消亡，病久相传，至五脏皆损也。大人劳疾，骨削而气耗。小儿疳疾，腹鼓而神羸。以其病之始也，其脏之传受不同故也。至子传久，五脏皆损则一也。故五损者，经言一损于皮毛，皮聚毛落，肺也。二损于肌肉，肌肉消瘦，饮食不为肌肉，脾也。三损于血脉，血脉虚少，不能荣于脏腑，心也。四损于筋，筋缓不能自收持，肝也。五损于骨，骨痿不能起于床，肾也。病极则大肉陷下，高骨败坏，以至死矣。凡小儿疳疾，多是下药所坏。小儿脏腑嫩软，易虚易实，一切子诸病误行转下。致脾胃虚弱，津液内耗，皆能成疳。且如潮热，日中时发者，是脾脏虚，心脏实。日中乃心用事之时。而内发其热，法当先补其肝母，肝乃心之母也。肝实而后泻心。心得母气则平，而潮热乃愈。医见潮热，

妄谓其实。便以大黄、牙硝等冷药利之，利既多而不能禁，则津液内亡，渐成疳也。又如癖病发作，寒热饮水，胁下有形而硬痛，法当用药渐消磨之。医见有癖，便以巴豆、硃砂辈药下之。下既多而津液耗，则渐成疳也。又如伤寒五六日之后，有下证，因以冷药下之太过，致脾胃虚而津液耗，即便引饮不止而热生，如此则热气内耗于津液，肌肉外消而羸瘦，他邪相干，证变百端，亦因成疳也。又如吐泻病久津液耗亡，亦能成疳也。又如小儿食肥甘物多，因伤为积，则蕴痢发热，津液内耗，亦能作疳，故甘即疳也。《圣济经》云，肥甘之过，积为疳黄，乃谓是矣，故诸病皆能成疳也。甘疳之候，眼涩多困，或生白膜，唇口淡白，身色黄黑，食泥土生米，喜卧冷地，疥癣头疮，洞泄青白黄沫，下痢脓血，腹满喘咳，耳鼻生疮，发稀作穗，头大项细，肚大青筋，脚手垂弹，瘦瘠饮水，筋痿骨重，形劣羸，皆其证也。本因脾虚津耗，久则传变而成。传缓者则为慢疳；传紧者则为急疳。又当辨认冷热肥瘦。其肥热疳者，乃因食肥甘，积聚生热而作，故多病于初也，钱乙治用黄连丸。其瘦冷疳者，乃因转下泻痢生冷而作，故多病于久也，钱乙用木香丸。通治冷热疳者，钱乙用如圣丸。凡治小儿之病，必量虚实冷热，不可妄行转下，恐变生疳也。若病初之脾虚津少，发渴欲饮者，当生胃中津液，煎钱乙白术散与服。惟多则才好。其钱乙诸方，本集载之。

又有一证，其候腹中有块，身体羸瘦，毛发焦稀，腹大气喘，冷痢脱肛，吃食爱吐，俗曰无辜。《宝鉴》云：按《玄中记》有无辜之禽。一名姑护，一名钓星鬼，但喜夜飞。人有暴露小儿衣袂褫包，其禽飞立在上，令儿患此疾也。予性好寻阅异书，十余年间，竟不知《玄中记》所出。又此禽既云夜飞，必有形状，世间亦莫之曾见，是必巫覡假以鬼名而伪言者也。今详其证，而对其病，实乃疳疾之候耳，特为破其邪说，以祛惑乱

矣。

治五脏疳方

地黄丸 治肝疳拘急，疳气入眼隐涩，或生白膜晕翳赤脉等疾。

熟地黄八钱 山茱萸取肉，四钱 干山药四钱 泽泻三钱 牡丹皮去心，三钱 白茯苓去黑皮，三钱

上为细末，炼蜜和丸桐子大。三岁下儿一二丸，上者三四丸，温水化下，空心。

熊胆天麻丸 治肝疳羸瘦，摇头揉目，百脉拘急。

熊胆 天麻 羌活去芦 蝉壳去土 使君子去壳 胡黄连各一两 芦荟 干蝎涂酥炙黄，各半两

上为细末，粳米饭和丸黍米大。每服十丸，煎荆芥汤下，量大小与，无时。

夺命丹 治心疳休热，惊搐烦渴，发稀肚大，泄泻羸瘦。

朱砂 麝香 牛黄 脑子 芦荟 没药 硼砂 熊胆 麒麟竭半两 粉霜一钱 使君子十个，去壳 青黛三钱

上为末，滴水和丸豌豆大。每服一粒，薄荷水化下，日三，儿大二三丸。

朱黄丹 治心疳挟惊，发热烦渴，盗汗羸瘦。

朱砂一分，研，水飞 天竺黄半两，研 干全蝎二十一个，微炒，去毒 天浆子十四个，去壳，微炒 人参去芦，一两 胡黄连一两 青黛一分，研 龙脑一钱，研

上为末拌匀，炼蜜和丸黍米大。每服十粒，人参汤下，无时。

黄堊丸 治脾疳发黄身肿。

黄土一两，末 陈皮去白，一两 木香一分 巴豆二十个，去皮膜，出油尽

上为末，饭和丸粟米大。每服三二丸，煎黑豆汁送下，无时。

木香煎 治脾疳因不知饥饱，积滞内停，腹大脚细，下利无度。

南木香一两，锉 肉豆蔻一两，面裹煨，去面

干蟾二个，酥炙 胡黄连一两 使君子去壳，一两 五灵脂一两 巴豆七个，去皮、心、膜，纸裹，出油尽 麝香一分，研

上为末细匀，滴水和剂，入石臼杵一二百下，丸如黍米大。每服一二丸至五七丸，量大小与，温生姜汤下，乳食后，一岁下者一丸，二岁上者三丸，以意加之。

肉豆蔻丹 治脾疳如前。

肉豆蔻一两，面裹煨 使君子去壳，一两 青皮去穰，一两，炒黄 牵牛子一分，炒黄，四味为末 芦荟一分，研 麝香半钱，研

上研匀细，糯米饭和丸黍米大。每服十丸，生姜汤下，食后。

香连散 治脾疳泄泻，腹大脚细，渐成瘦弱，及诸脾胃不和，气不调顺，并能治之。

木香一分 黄连去须，半两，炒 诃子煨，去核取皮，一分 肉豆蔻三个，面裹煨，去面 甘草一分，炙

上为细末，每服一字或半钱，米饮汤调下，乳食前。

麝香丹 治肺疳皮毛枯燥，咳嗽上气。

胡黄连一两 半夏半两，汤洗七次 紫苏子一分，微炒 五味子一分 干蟾一个，酥炙焦，以上先为末 麝香一分，研 芦荟一分，研 朱砂一分，研

上为末细匀，枣肉和丸黍米大。每服五七粒，米饮下，无时。

灵砂丹 治肺疳因咳嗽羸瘦，皮枯毛落。

人参去芦，半两 甜葶苈一分，炒 五灵脂一分 胡黄连一分，四味为末 辰砂半两，研 麝香一分，研 芦荟一分，研 杏仁去皮、尖，麸炒黄，一分

上为末拌匀，粳米饭和丸黍米大。每服十丸，人参汤下，无时。

石绿散 治肾疳耳上生疮，及治肥疳头疮鼻烂，浸久不瘥。

石绿 白芷各等分

上为末，先以生甘草水洗疮，拭干傅药，一日愈。

蛙鸡灰散 治肾疳成蟹肠虚，虫蚀下部肛

尽肠^①等。

上以长脚蛙青背一枚，鸡骨一分同烧为灰，细研为末，吹入下部中，令深入，数用大效。

桃白散 治如前。

桃根白皮一两 黄柏一两，蜜炼 黄连去须，一两，炒 蛇蛻烧灰，半两 干蜗牛烧灰，一分 青州枣五十个，去核烧灰

上为细末，入定粉一分，麝香末一钱同研匀，每服一字至半钱，粥饮调下，乳食前。量轻重加减用药。

如圣丹 治如前。

干蟾七个，烧灰 蝉壳去土尽，半两 蚺蛇胆一分 大枣一个^②，去核，烧灰，已上先为末 黄丹一分，研 定粉一分研 麝香一钱，研

上同拌研匀细，用好醋看干湿拌匀，白杵一二百下成膏，丸黍米大。每服五七粒，米饮下。量大小加减，又化三二粒调涂患处，若虫出乃愈。

乌金膏 治肾疳入经，灌注阴囊，黄亮色肿。

通草一分，烧 黄皮一分，烧 大黄一分，烧，各存性

上同研为末，每用一钱，以猪胆调成膏。于阴肿处遍涂之。如未退，更煎蛇床子汤洗之，再调涂必效。

二肝丸 治疳痢不止。

龙胆草去芦，一两 漏芦去芦，一两 菖蒲一两，九节者 胡黄连半两 地榆半两，已上先为末 鸡肝一两，剉^③ 猪肝一两，剉

上将药末入二肝内裹定，以水二盏，入盐少许，煮至肝熟，于石臼中杵一二百下成膏，丸黍米大，每服十粒，麝香汤下，食前。

金灵散 治肾疳时久，骨沉力弱，项细头重，致天柱骨倒，不能擎举抬头。

上以白僵蚕不拘多少，拣直者去丝、嘴，炒焦为末。每服半钱或一字一钱，薄荷酒调下，日三，须臾用生力散涂之。

生力散

上以鳖子三个，草麻子三十个，各去壳取肉同研细。每用一钱许，津唾调摊纸上，先紧抱定儿，指项上令热，贴之。

治疳泻痢方

赤石脂散 治疳泻不止。

赤石脂 川芎各等分

上为细末，量大小多寡，米饮调下，乳食前。

二圣丸 治泻久不愈，羸瘦成疳，宜常服之。

川黄连去须 黄柏去粗皮，各一两

上为细末，将药入猪胆内，汤煮熟取出，丸绿豆大。每服二三十丸，米饮下，无时。

竹茹丸 治疳气泄泻烦渴，其效如神。

好黄连去须土，一两，锉作块子，一一相似 吴茱萸拣去枝梗，一两

上二味，以蜜相和拌匀，炒赤黄色，去茱萸，只用黄连为末，薄糊和丸萝卜子大。每服十丸，煎竹茹米饮送下，无时。

六神丹 治疳气羸瘦，脏腑怯弱，泄泻虚滑，乳食减少，引饮无度，心腹胀满。

丁香 木香 肉豆蔻各半两，并面裹煨用 诃子半两，煨去核，称 使君子去壳，半两 芦荟一两，细研

上为细末，枣肉和丸麻子大。每服五七丸，温米饮下，乳食前。服此药于夏秋间，应小儿泄泻色白，或泻多服药不瘳者，但与之便定。

如圣丸 治冷热疳泻。

胡黄连 川黄连去须、土 白茺莢去扁取仁炒，各二两 使君子去壳，一两 麝香半钱，研 干蟾三个，锉，酒熬膏

上为细末，入蟾膏和丸麻子大。二三岁以下者儿五七丸，以上者十丸一十五丸，入参汤下，食前。

木香散 治疳泻腹胀。

木香 青皮去穰，各一两 陈粟米一合 巴豆三十粒，去皮，同米炒至巴豆黑色，去巴豆，留米用 草豆蔻二个，一个生用，一个面裹煨熟 蛭螂二个，去头足、翅、糯米炒焦，去米

① 肛尽肠；兰陵堂本作“肛肠”。

② 个，原作“分”，据兰陵堂本改。

③ 剉(pi劈)，《玉篇》：“剉，削也。”

上为细末，每服一字或半钱，米饮调下，食前。

硫黄丸 治疳泻色白如米泔。

巴豆十四个去皮、膜，出油尽 硫黄末一钱
青黛一钱，末 芫荇去皮，一钱，末

上拌研匀细，水浸蒸饼和丸绿豆大。米泔水送下三丸，食前。

金粟丹 治疳瘦泄泻腹大，好食泥土。

母丁香 草龙胆去芦 厚朴去粗皮，生姜制
朱砂研，飞 青黛研，各一两 夜明砂微炒 蝉
壳去土尽 诃子肉微炒

上为细末，和蜜一半而糊一半，相和丸黍米大。每服十粒，米饮下，无时。

橘香丸 治疳积黄瘦，盗汗腹胀泄泻、宿滞不化，气促发喘。

陈皮 木香各一两 姜黄切片 草豆蔻仁
白术锉，炒 牵牛子炒，各半两

上为细末，滴水和丸麻子大。每服十丸，葱白米饮下，食后。

木香芥粒丸 治如前。

陈粟米二合 巴豆半两，去皮膜，同米炒至米焦，去巴豆，用米 陈皮半两 槟榔一两，研细 人
参去芦，一分 木香一分

上为细末，饭和丸芥子大。每用看虚实大小加减，三五丸，米汤下，不拘时。

麝香丸 治脾热生疳泄泻，气弱不食。

川苦楝取肉一两，用童子小便浸一宿，焙干 巴
豆半两，去皮膜，同苦楝慢火炒至微紫色，去巴豆不用
芦荟 槟榔 芫荇去扁，各半两 没石子一分
麝香少许

上为细末，猪胆汁浸蒸饼和丸黄米大。每服十丸，米饮下，食后。

吴婆散 治疳泻不止，不计度数，渐成羸瘦，饮食减少，众药不效。

桃根白皮一分 黄柏宿炙，一分 芫荇去皮，
一分 黄连去须，一分，微炒 没石子一钱半 厚
朴去粗皮，姜制，一钱 木香一钱 丁香一钱 楝
根白皮半分 槟榔一钱

上为末，三岁以下儿每用半钱，以上至六七岁者一钱，煎紫苏、木瓜米饮调下，食前。日三，

屡验。此药性小温，暴热泻者不可服。

一方无没石子、丁香、槟榔三味。

水蓼丹 治疳气羸瘦血痢。

蛇蛻一两 牛黄一分，别研末 鸡头壳一两，
二味烧存性 胡黄连半两 水蓼半两，焙 朱砂半
两，研 芦荟一分，研 粉霜一分，研

上拌匀细，软饭和丸黍米大。每服五七粒，麝香汤下，无时。

龙骨汤 治疳气瘦弱，下痢白脓，久而不瘥。

龙骨半两 诃黎勒皮半两，焙炮 赤石脂半
两 酸石榴皮一分，炒黄 木香一分 使君子仁
一分

上为细末，每服一字或半钱，麝香汤调下，无时。

丁香散 治如前。

丁香二个 黄连一寸 大枣一个，去核

上以枣裹二药，麻缠，火上烧存性，研为细末，米饮调下，无时。

芫荇粥 治如前。

上以芫荇叶即益母草也。煮粥食之，或取汁
饮亦妙。

蔷薇汁 治如前。

上以生蔷薇根洗净，细切煎浓汁，稍稍饮之。

胜金丸 治如前，及加腹胀。

上鸡子一枚，打一眼子，如豆大，人去皮巴
豆一粒，膩粉一钱在内，以五十重纸裹，子饭甑
内蒸三次，取鸡子肉同药研，更入麝香少许细
匀，添少糊，丸如黍米大。食后临卧温汤下二三
丸，量大小与服。一方用鸡子一枚打破，和膩粉
炒干为散，米饮调一字或半钱服。

薤糯饼 治如前。

上以薤白一握，生杵如泥，同蜜和糯米粉研
作饼，炙热与吃，不过二三次。瘥。

榑白棋子 治如前。

上以榑根白皮捣细碎，而拌和，切作小颗棋
子，日晒少时，又拌而一次。凡三过为度，水煮
熟，加盐醋顿服，量大小与，困重者服之。瘥。

榑根米泔汁 治如前。

上以樽根白皮煮浓汁，半鸡子壳，和粟米泔半鸡子壳，同灌下部，再作即瘥，其验如神。

木香使君丹 治疳气羸瘠，虽能食，不生肌肉，时时泄利无休。

使君子去壳，二两，炒 木香一两 丁香一两
厚朴去粗皮，生姜制，一两 没石子一两 胡黄连一两 肉豆蔻面裹煨，去面，一两，以上先为末
芦荟一分，研 麝香一分，研

上为末同匀，以粟米饭和丸黍米大。每服十粒，煎陈根皮汤下，无时，乳食前。

君子丸 治疳劳发热，掉眉咬甲，发疏腹胀，不思乳食，羸瘦虚滑，下痢无度，爱食泥土。

厚朴去粗皮，姜制 甘草炙 青黛 诃子炒，去核，取皮用，各半两，一方一两，半生半熟 陈皮一分，去白 白芫荇去刺，三分 使君子去壳，一两，面裹煨熟

上为末，炼蜜和丸鸡头子大。三岁下儿半丸，上者一丸，乳汁或米饮化下，若夹惊热泻，用之极妙。

青黛散 治诸疳泻痢，毛焦羸瘦。

上以青黛研为细散，水调服之，量大小与。歌曰：

孩儿杂病变成疳，不问强羸女与男，
或似积伤食不进，渐成柴瘦困耽耽，
体热口干频饮水，皮毛枯槁四肢摊。
腹大时时更下痢，青黄白赤一般般，
眼涩面黄鼻烂赤，口气增寒卧不安，
忽然泻下如泔淀，又似肢胶涕作团，
肛头凸出绕吼哇，不饮^① 哺乳泪潸潸。
腹中有病须医疗，何须祈祷赛神盘，
此方便是青黛散，孩儿服饵立安痊。

赤虎丸 治疳积泻痢。

朱砂别研 胡黄连 川黄连去须 芦荟
膩粉各一分 硫黄别研，二钱 肉豆蔻面裹煨，一个，去面 巴豆二十四个，去皮，用麸炒至麸黑去麸，用巴豆，别研 麝香少许

上为末研匀细，面糊和丸如萝卜子大。甘草汤下，一岁儿一丸，以意加减。

漏芦煮肝散 治疳气肚胀，冷热不调，泻痢无度。

上以漏芦一两为末，每服一钱匕，猪肝一两，盐少许，水煮熟，空心顿服，大治无辜疳。

君子散 治五疳小便白浊，泻痢无度。

上以使君子仁为末，米饮调服。食前。

厚脾丸 治疳劳虚冷，白痢泄泻，手足逆冷。

厚朴去粗皮，姜制，半两 肉豆蔻一个，面裹煨，去面 龙骨半两，煨 诃子肉煨，去核，用半两
上为细末，糊丸绿豆大。米饮下十丸，无时。

虾蟆丸 治诸疳疳泻。

芦荟研 黄连去须 谷精草 桂心 朱砂研，各一钱 缩砂仁二钱 熊胆半钱，温水化研 麝香半钱，研

上除研药外，锉细，用一大虾蟆去了肚肠，入锉药在内，以线缝合。先用好醋浸少时，交慢火炙，酒醋又炙，至焦黑，放冷，杵研为末，入研药拌匀，取獾猪胆汁和丸绿豆大。每服五七丸，米饮下，量大小加减。此乃知信州王绍祖方。

治诸疳虫动方

肥儿丸 治诸疳，久患脏腑。胃虚虫动，日渐羸瘦，腹大不能行，发竖作穗，肌体发热，精神衰弱。

黄连去须 神曲炒，各一两 使君子仁 肉豆蔻面裹煨，去面 麦麩炒，各半两 木香二钱 槟榔二个，不见火

上为细末，面糊和丸萝卜子大，每服二三十丸，熟水下，食空腹。

芦荟丸 治五疳羸瘦，虫咬腹痛，肚大青筋，一切疳疾。

芦荟 木香 胡黄连各一分 干蟾一个，酒浸，炙焦 槟榔二钱，炮 青黛二钱 青皮去穢，称一分，切碎，入去皮巴豆十个，炒令焦，去巴豆，只用青皮 使君子仁三十个 芫荇一钱，用仁 麝香一字

上为细末，用猪胆汁和丸黍米大。每服十丸，米饮下，无时。

又方

① 饮(xian先):欲,愿。

芦荟^① 木香 胡黄连 川黄连去须 青皮去穰 白芫萸取仁 雷丸 鹤虱微炒,各半两 麝香一钱,研

上为细末,粟米饭和丸绿豆大。米饮下,一二十丸,无时。

又方

芦荟半钱 赤石脂一钱 使君子七个,去壳 雷丸一钱 姜黄一钱 川楝子去核,一钱 槟榔一钱 巴豆七个,去皮膜,出油尽

上为细末,猪胆汁糊丸黍米大。一岁儿二三丸,以上者三四丸,量大小与之,冷木香汤下,无时。

麝香黄连丸 治疳气羸瘦,白虫作。

胡黄连 白芫萸去扇,各一两半 宣连去须,半两 辰砂一分,研 麝香一字,研 木香半两

上为细末,糊丸绿豆大。米饮下五七丸,三岁上者十丸,无时。

榆仁丸 治疳热瘦悴,虫作腹痛。

榆仁去皮 黄连去须,各一两

上为细末,用猪胆七个取汁,在碗中和药安甑上,蒸九次,每日一次,候数足,研麝香半钱入之,以白汤浸蒸饼和剂,丸绿豆大。每服五七丸至一二十丸,米饮下,无时。

雄黄丹 治五疳羸瘦,多生虫动。

干蟾酥,炙焦 胡黄连 白芫萸去扇 川黄连去须 干漆半两,炒烟尽,先为末 雄黄半两,研,水飞 麝香一钱,研

上为末拌匀,猪胆汁和丸黍米大。每服十粒,新汲水下,无时。

干漆散 治疳疾蛔动,腹肚疼痛。

干漆一钱,炒烟尽 使君子十四个,去壳 白芫萸六十片,去扇 楝树东边皮日晒,去粗皮,取白皮,一分

上为细末,每二三岁儿半钱,以下者一字,沙糖熟水调下,无时。

使君子散 治如前。

使君子仁一钱,炒 黑牵牛炒过为末,二钱 轻粉二钱匕

上为末,每用半钱,于五更初,疏米饮调下,无时。

三根散 治疳疾蛔作腹痛,啼叫不止,每至月初间即甚,状如神祟。

贯仲根去土 棠梨根取皮用 酸石榴根各一两 栗刺 故绵 干漆各半两

上六味,并烧存性,为细末,每服一钱,水八分盞,煎至四分,去滓温服,无时。

猪肚丹 治疳瘦盗汗少力,大便有虫,曾经大效。

川黄连去须 胡黄连 木香各一两 羌活去芦 芦荟 肉豆蔻面裹煨,去面 白芫萸去扇 鳖甲酥炙焦,去裙襖,半两

上为细末,用猪肚一个,先刷令净,以好白芷二两纳肚中,蒸极软熟,去白芷不用。却入诸药缝合,再蒸如泥,取出,同肚入臼,杵二三百下成膏,丸黍米大。每服十粒,米饮下,量大小加减。无时。

绿矾丸 治疳疾有虫,爱食泥土。

上以绿矾为末,猪胆汁和丸绿豆大,每服五七丸,米饮下,无时。

又方 治如前。

上以市合人聚时,买市中羊肉半斤,用绳系之,顿地上,令人把绳头拖至家,水洗净炒,炙,依科与儿食之。未能食者,煮至汁与饮。

除毒丹 治疳蛔不瘥,传染兄弟姊妹。

鬼白一两,去毛 苦参半两,锉 青箱子半两 龙胆草去芦,半两 硫黄一分 绯绢一分 干蟾一分 白矾一分

上件药锉拌一处,并烧存性为末,炼蜜和丸麻子大。每服十粒,磨沉香汤下。无时。

治小儿疳蛔。

上以鸬鹚粪干为末,炙猪肉蘸与之啖,奇妙。粪多在石之上,紫色如花,就上刮取之。

治小儿疳湿痒,下部生蠹虫蚀疮。

以没石子为末,吹下部中。又以地榆煮汁洗之,日二。又以铁衣著下部中。

治小儿疳温生蠹蚀痛。以地蒿蓄一把,水二升,煮至半升,空腹服半合,大小以意加减。

治小儿疳热,伏结肠中,下赤黄汁沫,及如

① 芦荟,此下原衍“沌”字,据兰陵堂本及四库本删。

鱼脑杂血，肛中疮瘻生，虫蚀痛痒。

黄连去须 柏皮炒 苦参 鬼臼 独活去
 橘皮 芍药 阿胶各半两，挫，蛤粉炒，去蛤粉
 上为末，以蓝汁入少熟蜜，和丸小豆大。每
 服五七丸，米饮下。无时。冬时无新蓝取汁，用
 子一合，舂为末，入药内蜜丸。

治小儿疳湿生蟹蚀，下部痒痛。

胡粉 雄黄各一分，水研飞

上同研细，每用少许，傅下部中。

治小儿疳痢不瘥，久成湿蟹。

上以艾叶半两，水一升。煮取半两，量儿大
 小，以意加减与服。

治诸疳方

五疳保童丸 治五脏诸疳一切并主。

青黛研 雄黄研 麝香研 芦荟研 熊胆
 研 胡黄连 黄连去须 龙胆去芦 苦楝皮取皮
 虾蟆灰 蜗牛微炒 白鳝鱼炙焦黄，无，即炒白
 羌黄代 夜明沙微炒 五倍子 青皮去白 天浆
 子微炒，各一分 蟾头一枚，炙令黄

上为细末，糯米饭和丸麻子大。每一岁儿十
 九，温米饮下，日三服，无时。

龙香散 治五疳瘦悴，多啼啾，口疮发
 德。

白术一分 石胆半钱，研 龙齿一钱 陈皮
 六、一钱 麝香半字，研

上为细末，每服半钱，半饮调下，二岁下者
 服一字，无时。

圣功散 治五疳。

苦楝根皮生子，东引者，米泔浸一宿 鹤虱各
 等分

上二味为末拌匀，每服半钱，熟水调下，连
 进二服。无时。

使君子丸 治诸疳和脾胃。

使君子仁一两 川芎一分，生 厚朴去粗皮，
 生姜汁涂炙，用一分 陈皮一分，去白称

上为细末，炼蜜和丸皂子大。三岁已上一
 粒，已下半粒，陈米饮化下。无时。

二香青蟾丸 治久疳积热。面青口干，咬甲
 掉眉，爱盐食上，咳嗽，肚大青筋，柴瘦羸。

母丁香三个 麝香半字 青黛一分 蟾一
 支，去肠肚，炙令焦黄

上为细末，煮浆水饭和丸粟米大。温水送下
 三丸。无时。

芦荟丸 治五疳不长肌肉，食减，日渐黄
 瘦。

芦荟 芫荇去皮 青黛 槟榔 黄连去须，
 各一分 胡黄连半两 蝉壳二十一个，去土 猪胆
 二个 麝香少许

上除猪胆外，为细末，却用猪胆和丸麻子
 大，每服五七丸，米饮下，无时。

橘连丸 治疳气脾胃不和，饮食不化，日渐
 羸瘦。

陈皮一两 黄连去须，一两，米泔浸一宿

上为细末，别研麝香末半钱拌匀，用猪胆七
 个，分药入胆内，浆水煮。候至临熟，各以针微扎
 破，以熟为度，取出。入粟米饭和丸绿豆大。每
 服一二十丸，米饮下，无时。

熊胆丸 治诸疳羸瘦。

熊胆 使君子仁各等分

上研细，放入磁器中蒸熔，宿蒸饼就丸麻子
 大。米饮送下二十丸，无时。

蜗牛壳 治一切诸疳。

上以蜗牛壳七个，洗去尘土晒干，内酥蜜于
 壳中，瓷器盛之。纸封糊盖，于蒸饭下锁时盛饷
 中，蒸至饭熟，取出细研，渐渐令服，一日至尽。

香蟾丹 治诸疳肌瘦，肚大筋多，发稀脚
 细。

干蟾五个，水浸去骨，用瓦藏瓶一个，顶上取一
 窍，入蟾肉在内，盐泥固济，通留窍子，木炭火烧至烟息
 存性，取出放地上一宿，出火毒为末 胡黄连二两
 蛇蛻一两，烧灰 地龙去土，半两，微炒 天竺黄一
 分 朱砂半两，研 麝香一分，研

上为末匀细，糯米饭和丸黍米大。每服十
 粒，米饮下，无时。

夜明砂丹 治五疳腹胀，目涩多睡。

夜明砂一两，微炒 胡黄连半两 龙胆草去
 芦，半两 苦楝根皮半两 干蟾五个，烧存性，已上
 五味先为末 青黛 麝香 芦荟各一分，研细

上研匀细，梗米饭和丸黍米大。每服十粒，
 米饮下，无时。

紫霜丸 治诸疳发热，肚大脚细，发穗面黄，宿滞不消，或作寒热，腹内疼痛，经年瘦弱，及中恶等病。

代赭石火煨米醋淬，不拘遍数，以手捻得碎为度，半两，研细水飞 牛黄二钱，研 朱砂一分，研 麝香一钱，研 鳖甲一分，醋炙 巴豆一分，去皮心膜，出油尽 枳壳去穰，麸炒，二钱 当归去芦并土，二钱，炙 甘草三分，炙 木香一分 生犀末二钱 大黄三分

上为细末，炼蜜和丸黄米大。每服三五丸，米饮下，无时。

如圣丸 治五疳羸瘦，面黄腹急，盗汗体热，乳食不消。

白芨羹微炒，去皮，二两 黄连去须 神曲炒 麦蘖微炒，各一两，净

上为细末，猪胆汁煮糊和丸黍米大。每服一二十丸，米饮下，量大小虚实加减。一方有陈皮、木香各半两，又名益儿丸。

鳖甲黄连丸 治诸疳羸瘦，发热盗汗寒热，肚大脚细，不肯进乳食，气粗促急，脾胃不调等证。

鳖甲童子小便、米醋各半盏，慢火上蘸炙至尽，色焦黄 黄连用巴豆七个，去皮膜，用水一盏，同煮水尽，去巴豆不用，只使黄连 白术 人参去芦 茯苓 甘草炙 川楝子肉 使君子仁 木香 草豆蔻炮，去皮 柴胡去芦 陈皮去白 草龙胆各半两

上为细末，猪胆汁和丸绿豆大。每服一二十丸，米饮下，如有潮热，体热不解，乌梅汤下。

熊胆丸 治一切诸疳羸瘦。

熊胆 芦荟 胡黄连各半两 牛黄一分，研 麝香一钱，研 蟾酥少许，研，入面煮糊和剂

上匀细末，入蟾酥糊和丸绿豆大，每服五七丸，麝香汤下。

金瓜丸 治疳热黄瘦，作热发渴，久服解热，进食肥肌。

黄连去须 黄柏 甘草炙 青皮去穰，各等分

上为细末，猪胆汁和匀，却入胆中，线系

定，于银石器内，以浆水煮五七沸，取出，风里悬一宿，于胆内出药入钵，再入麝香少许，同研烂匀，丸绿豆大。三岁下五七丸，上者十数丸，空心米饮汤下，日三服，无时。

肥肌丸 治五疳黄瘦，久不美食，手与脚俱浮肿，烦渴饮水，常服退热肥肌，杀虫去疳。此卫小儿之宝也。

川楝子去核取肉，二两 川芎二两 橘皮拣净，四两 龙胆去芦，二两 巴豆十四个，去皮同橘皮、龙胆炒至焦，去巴豆不用

上为细末，面糊和丸麻子大。朱砂为衣，每服十丸十五丸，米饮下，腹胀橘皮汤下，无时。

香蟾丸 治诸疳。

大蟾一支，去肠肚，好醋浸三日，焙焦干 甘草一分，炙 芫荇去皮，一分 黄连去须，一分 夜明砂半合，用粳米百粒，同炒至焦黄，去米 使君子去壳，一分 麝香一字，研

上为细末，猪胆汁和丸萝卜子大。每服五七丸，米饮下，无时。

又方 名同，治同。

干蟾三个，酥炙焦黄 五灵脂去砂石，二两 蝉壳去土，半两 雄黄半两，研飞 诃子肉，半两 母丁香半两 胡黄连一两 黄连去须，一两 使君子仁一两 青黛一分

上为细末，面糊和丸绿豆大。汤下二三十丸，无时。

又方 名同，治同。

鳖甲去裙襴，醋炙黄 虾蟆炙黄 诃子炮，取肉 木香各一两 芦荟研 铁粉研 雄黄研飞 胡黄连各半两 麝香二分，研

上都如粉细匀，糊丸粟米大。每服一十九丸，米饮下。病人羸瘦者，不过五七服愈，曾经效验。

牛黄煎 治诸疳食伤，气胀体瘦，壮热发穗，多困尪羸，齿烂鼻疮，泻痢丁奚，潮热等疾。

大蟾一支，去皮、骨、肚、肠，炙焦为末，用无灰酒一盏，猪猪胆一个，取汁同熬成膏 胡黄连^① 诃子炮，取肉 使君子仁 蝉壳去土 没石子 芦荟 芫荇去扇 熊胆 夜明砂 朱砂水飞 雄黄

① 胡黄连，兰陵堂本作“黄连”。

水飞,各一分 木香 肉豆蔻固裹煨,去面。二味春夏用半分,秋冬一分 牛黄一钱,别研 麝香一钱,别研 脑子半钱,别研

上为末,入蟾膏和丸麻子大。米饮下五七丸,惊疳金银、薄荷汤下,干疳腹胀桃仁、茴香汤下,疳蛔东引石榴、苦楝根汤下,五岁上者十丸。此药尤治疳利,若挟热者不可服。

黄连丸 治疳气眼涩多困,手足发热,脾胃虚弱,发黄作穗,渐渐羸瘦,不思乳食。

胡黄连 使君子肉 白芫荑去扇,各一分 巴豆十四个,去皮膜,出油尽

上为末,猪胆汁和丸麻子大。每服三五丸,米饮下,空心日二服。

芦荟丸 治五疳面黄肌瘦,腹胀发穗,目涩口臭,断烂鼻疮,咬甲掉眉,爱吃泥土,泻痢无度,寒热往来。

干蟾 大皂角二味等分,同烧存性,为末,每一两用下项药 青黛一分,研 芦荟一钱,研 芦荟一钱,研 麝香一钱,研 朱砂一钱,研水飞

上为末和匀,浸蒸饼和丸麻子大。每三岁下儿一十九丸,上者以意加至二十丸,温水饮送下,无时。

龙胆丸 治诸疳发热。

龙胆草去芦 黄连去须 使君子肉 青皮去穰,各等分

上为细末,猪胆汁和丸萝卜子大。每服一二十丸,熟水下,无时。

粉糖丸 治疳爱食泥土。

上以膩粉一分,用沙糖拌和,丸如麻子大。米饮下一丸,良久取下泥土,立瘥。

龙粉丸 治疳渴饮水。

龙胆草去芦 定粉微炒 乌梅肉焙,称 黄连去须,各半两

上为细末,炼蜜和丸麻子大。米饮下一二十丸。

香葛散 治如前。

藿香去土 干葛 甘草炙,各一两 白梅肉半两,炒

上同为细末,煎浮萍草汤调下半钱,量大小与服。无时。

熊胆丸 治疳瘦肚肿,烦渴吃水。

熊胆 雄黄 沸顶青各半两,入麝香少许,同研 肉桂末 人参各一钱,末

上为末同匀,糯米粥和丸绿豆大。每服五七丸,米饮下,无时,此方大妙。

推水散 治疳渴众药不效。

天仙子不以多少,新瓦上焙干,四月间采,又名水仙子,乃蝌蚪也 干姜一两,炮 乌梅肉一两,焙称 汤瓶藤半两 甘草一分

上为细末,每服半钱或一字,煎水索头汤放冷调下,无时。良久推水不要饮,是效。

覆蚕丸 治诸疳泻痢惊风等疾,久不瘥瘳,及断乳后羸瘦,尫羸渐困,不能治者,回死神妙。

覆蚕一个,以线串其头,阴干,只取向后有粪处,细研,覆蚕是第二次出者蚕 辰砂三分,研,水飞 麝香三字,研 革拔三钱半 雄黄三钱半,研,水飞 胡黄连三钱半

上为末,以新蒸粟米饭一块,泥裹煨之,取中心软者和药,丸绿豆大。每服五七丸,麝香汤送下。

鸡肉煎丸 治十岁已上疳劳壮热,形瘦骨热,渐成劳瘵者。

宣连去须土,二两 柴胡去芦,一两 芫荑去扇,半两 川鹤虱半两 知母一两 秦艽去芦,并土净,一两 黄芩一两 使君子肉一两

上为细末,以黄雌鸡一支,重一斤许者笼之,专以大麻子饲五日。杀之,去毛令净,子臀间开一孔,去肠肚洗净拭干。入药末在鸡腹内,以线缝合。用一小甌,先以甌底铺黑豆厚三寸,顿鸡在中,四旁又以黑豆围塞,上亦以黑豆盖之。自日出蒸至晚衙后,放温冷取鸡,出腹中药别顿,将鸡擘剔去筋、骨、头、翅,以净肉研和药得所。如干入少酒,糊丸如麻子大、及绿豆大两等。每服一二十丸,以意量大小加减。空心临卧煎麦门冬熟水下。如疳劳骨热发蒸,年十五已上,温酒下。忌猪肉。

蝎虎^①丹 治一切诸疳羸瘦下痢,证候全备,又如有邪,此乃疳毒传深。俗呼无辜者,此乃

① 虎,原作“骨”,据兰陵堂本改。

疳毒也。

干蝎虎雄者，一个，微炙 蜗牛壳一分，细研
兰香根一分 靛花一分 雄黄一分，研水飞 麝
香一分，研 龙脑半分，研

上为末，入研拌匀，米醋煮面糊和丸黍米
大。每服十粒，煎芝麻汤下，乳食后，量大小轻重
加减。无时。

香甲汤 治如前。能祛毒辟邪。

漏芦去芦，一两 沉香一两，锉 牛蒡子半两，
微炒 安息香去芦，半两 诃黎勒皮半两，微炒
鳖甲涂酥，炙焦黄，去裙襴，半两 乳香半两，研细

上为末匀细，每服一钱，水八分，入人参少
许，同煎至四分，去滓温服，量大小加减，无时。

大麝香丹 治诸疳积癖羸瘦，肚大青筋，头
重项细，腹中有积，毛焦气急，俗呼为丁奚。呼为
无辜，此皆疳证也。

麝香半两，研 朱砂半两，研，水飞 粉霜半
两，研 五灵脂拣净，一两 肉豆蔻面裹煨，一两
干蟾一两 夜明沙半两 白矾枯，半两 地龙去
土，一分，炒 干蛭螂七个，去翅、足，炙黄焦

上为细末，入研拌匀，炼蜜^①和丸黍米大。
每服五七粒，温水下，无时。

问命散 一切诸疳，可分轻重逆顺。

瓜蒂半两 细辛去苗，一分 干地龙去土，一
分，炒 白矾灰一分 藜芦去芦，一分

上为细末，每用少许吹鼻中，得嚏即吉，若
有虫出即愈。

治小儿脑疳鼻痒，毛发作穗，面黄羸瘦。

以鲫鱼、胆汁滴鼻中，连三五日效。

治小儿腹疳以蜘蛛烧熟啖之。

治小儿疳热，烦渴干瘦。

以蜗牛三四十个，放一净盘中，以物盖之，
令行，即有涎似银泥，同膩粉和搯，便丸如黍米
大。温水送下三丸，无时。

治小儿疳渴，饮冷水不休。

麝香 人中白各一分

上同为末，蒸饼和丸麻子大。一二岁服二
丸，煎皂子汤送下，空心服。

还肌散 治小儿疳泻及洞泻，谷不化。

肉豆蔻一个 诃子二个，去核 没石子一个，

三味各用大麦面裹，慢火煨焦黄香熟，勿令有烟出
木香半皂子大

上为细末，每服半钱，米饮调下。如人行五
里久，更进一服，神验。仍调服，须用陈米饮也。

又方 治如前。

黄连去须，一两 木香半两 芫荇去扇，一分
槟榔一个

上为末，猪胆汁和丸绿豆大。每服十丸，米
饮下，无时。作三等丸，量大小与服，治疳痢日夜
无度。

治疳泻，以赤石脂研如面，粥饮调半钱服，
立瘥。

一方以川芎等分同为末服，妙。

芦荟丸 治小儿诸疳。

芦荟 槟榔 芫荇炒，取仁 胡黄连 川苦
楝和核锉片，面炒 使君子仁 雷丸浸，刮去黑皮，
各一分 橘皮半两，洗净 巴豆四十九个，去皮膜，
两橘皮炒至巴豆焦色，只留二个半，余者巴豆不用，全
用橘皮

上为细末，猪胆汁煮糊和丸麻子大。朱
砂、麝香细末为衣，每服十丸十五丸。如头面浮
肿，木瓜汤下。若泻面发渴，陈米饮下。更量大
小加减。

又方 名同，治同。

芦荟 黄连去须 川楝子和核锉 芫荇去
扇，各三分 天竺黄一钱半 麝香少许，研

上为细末，以猪胆汁和饭研烂和剂，于甑上
蒸两次，丸绿豆大。以朱砂为衣，每服五七丸至
十丸，熟水下，无时。

鳖血煎丸 治小儿诸疳。

吴茱萸 胡黄连锉碎，用鳖血浸一宿，同吴茱
萸炒令干焦，去茱萸不用 白芫荇仁 柴胡去芦，
各等分

上为细末，用猪胆汁浸蒸饼和丸绿豆大。
每服十丸，熟水下，无时。

捉疳丸 治小儿一切诸疳。

蛆退先用米泔浸三日，以杖于搅击漉出。又
以泔水浸三日五日，搅击淘漉如前，次入清水浸

① 蜜：原作“米”，据兰陵堂本改。

淘二日，至无秽气净时，干日中晒干。男子患用黄连，女儿患用黄柏。与蛆退等分为末，每药末半两，入麝香半钱，同研匀，以豕猪胆汁和丸黍米大。每服三四十丸，量大小加减，空心陈米饮送下，神效屡验。一方六月取粪坑中蛆，水淘净。入竹筒盛，封口至干时为末。每服一二钱，入麝香、米饮调下，甚妙。

消疳丸 治小儿诸般腹胀，四肢肿滴，气上喘促，小便不利。

木香 槟榔各二两 青皮去穢 姜黄 萝卜子炒 牵牛子各取七钱半

上为末，糊丸黍米大。每服二三十丸，食后姜汤送下，无时。

治小儿一切疳疾，以棘针、瓜蒂等分为末，每用取黍米许，吹鼻中。日二次用。

治小儿诸疳，以黄连不拘多少，同乌梅煮至黄连透时，只用黄连为末，别以乌梅肉和丸，如麻子大。每服二十丸，温水下，无时。量大小加减。

熊胆麝香丸 治小儿一切疳疾，心腹虚胀，爱食泥土，四肢壮热。

熊胆一钱，研 麝香半钱，研 壁宫一枚，去头、足、尾，面裹煨熟，研 黄连去须，取末，一钱

上同研极细，以蟾酥和丸黍米大。每服五丸，米汤送下，量大小加减，无时。

香蟾散 治小儿食疳羸瘦，不进乳食。

干蟾一枚，涂酥，炙微黄 蛭螂一分，去翅、足，微炒 麦蘖一分，微炒 神曲一分，微炒

上同为细末，每服半钱，粥饮调下，无时。

又方 治同前。

朱砂一钱，研，水飞 麝香半钱，研 端午日

蟾眉脂

上将蟾眉脂和二味，丸麻子大。空心米饮下一丸，如脑疳以乳汁调，纳鼻中，无时。

治奶疳水泻，以川椒一分去目并闭口者，为末。酥调少许傅脑上，日三次。

治疳痢垂死，以益母草煮食之，取足即瘥，甚佳。取汁饮之，亦治痔，妙。以地榆煮汁和饴糖食之。

以樗白皮和仓粳米、葱白、甘草、香豉，同煎饮服。

治小儿疳渴，饮水无度。

以大鲇鱼一头，先烧一地坑令红，投鱼坑中，便以蛤粉，专令一人掺在鱼上，须臾取出，用芦刀刮下粉，入麝香少许拌匀，和丸萝卜子大。每服五丸，桶绳根煎汤送下。一方云：冷水旋丸服。

五疳丸 治小儿一切诸疳。

川楝子 川芎等分

上为细末，以浆水煮猪胆取汁，和丸麻子大。每服一二十丸，温水送下，日三四服。

治小儿疳气不可疗者。

以绿矾火煨通赤，醪醋淬之，如此三次。细研为末，枣肉和丸绿豆大。每服五七丸，温水下。无时，日二三服。

桃柳汤 一切诸疳，服诸药后，皆可用此法也。

上以桃、柳枝各一握并锉，用水两大碗，煎数沸，通手浴儿，甚佳。浴毕，用一青衣盖之，疳虫自出为验。

小儿卫生总微论方卷第十三

诸虫论

经言人脏腑中有九虫，内三虫偏能发动为病。人脏腑实强，则不能为害；若脏腑虚弱，则随虫所动而生焉。故经亦别立三虫之名：一曰蛔虫，又曰长虫。居胃脘之间，动则令儿吐青白沫，或吐清水，心腹刺痛，若虫贯心者即死。二曰蛲虫，居洞肠之间，多则发动为痔瘻蠹蚀，疮疥痲癩。三曰寸白虫，居肠胃之间，动则损人精气。令腰脚痛弱。更有一虫，形若细丝，或如马尾，故俗呼谓之马尾虫。此虫不拘九虫之数，或云饮食中误咽油发所变，亦居胃中，动则令儿腹中搅刺发痛，不可忍受。小儿虫动者，多病于诸病之后^①，皆由^②脏腑虚弱故也。患疳劳吐泻者尤甚。钱乙论小儿虫动之证，面皤白，心腹痛，唯是口不吐沫，及无清水出也。故乙又言心腹痛而吐者，虫痛也。心腹痛而不吐水者，冷痛也。但吐水不心腹痛者，胃冷也。又虫痛亦与惊痛证略略相似，但目不邪，手不搐也。以此别之，则无误矣。乙治虫痛者，用安虫散。然世人用治虫之药，多于临卧服之，并无日分，故多不验。唯于每月初四五日间，在五更时服之。至日午前，虫尽下矣。后以平调药一两服和之，不可多也。凡虫在入腹中，每月上旬头向上，中旬横之，下旬头向下。是以中下旬服药，则不入虫口，所以不验也。亦如牛马生子，上旬生者行在母前，中旬生者并母而行，下旬生者行在母后。又如猫之食鼠，上旬则食前段，中旬则食中段，下旬则食下段。此物理之自然，莫不知也。然虫痛极者，虽不贯心，亦能毙人。昔钱乙治辛氏女五岁病虫痛，他医以巴漆、硃砂之属药治之不效。至五日外，多哭面俯仰，睡卧不安，自按心腹，时大叫，面无正色，或青或黄，或白或黑，目无光而慢，唇白吐沫，至六日胸高而卧转不安。召乙至，详而视之，用茺萸散三服，见目不除青色。大惊曰：此病大困，若更

加泻，则为逆矣。于次日见辛曰，夜来三更而泻。乙于泻盆中看如药汁，以杖搅之，见有药丸。乙曰：此子肌厚，当气实，今证反虚，不可治也。何以然？乙^③曰：脾虚胃冷则虫动。今日青，此肝乘于脾，又更加泻，知其气极虚也。而药丸随粪下，即脾胃已脱。兼形病不相应，故知死病。后五日昏笃，七日面死。钱乙用方，本集载之。学者当以此^④为法尔。今除疳劳虫动者，已具于疳疾门之下，外诸虫之方，叙而具后。

使君子 治蛔咬心腹疼痛。

上以使君子火爆熟，去壳与食，以壳煎汤送下。

红桃散 治蛔咬心腹痛，发歇有时。

风化石灰一两，烧赤，细研为末 朱砂一钱，细研为末，水飞

上拌匀细，用饭饮一大盏，人艾三五叶，煎二三沸，看多少，调一字或半钱与服。但少用，多则难吃。

龙胆汤 治蛔虫攻心。其痛如刺，吐出清水。

上以草龙胆一两，锉碎，水二盏，煮取一盏，去滓。隔宿不食，至五更头顿服，量大小与。

三角散 治如前。

上于七月七日，采葵藜子不以多少，阴阳为散，每服半钱或一钱匕，饮服日三，量大小加减。无时。

木香桃仁丹 治蛔攻心，痛不可忍。

木香一两 桃仁汤浸，去皮、去尖、并双仁者，麸炒香熟，一两 槟榔一分 鹤虱一两，拣净 黑狗脊一两 苦楝根白皮半两

上为细末，猪胆汁和丸黍米大。每服十

① 后：原脱，据兰陵堂本补。

② 皆由；原脱，据四库本补。

③ 乙：原作“师”，据《小儿药证直诀》改。

④ 以此：原作“此以”，据兰陵堂本乙转。

粒，麝香汤下，无时。

夺命丹 主治如前，病至危困者。

狼牙草一两 藜藿一两 苦参一两 雷丸半两
薏苡仁半两 鹤虱半两

上为细末，糯米和丸黍米大。每服十粒，生地黄汁下，无时。

乳香丸 治虫动心腹疼痛。

乳香末 青皮去穰，炒黄，为末，各一分 槐花半合，炒，末 风化石灰研细，半两

上为末匀细，每服半钱，槐花汤调下，无时。

干漆散 治如前。

干漆炒烟尽，一钱 使君子仁二七个 茺萸去扇，六十片 楝根白皮取东边者，一钱

上为细末，每服一字，沙糖熟水调下，二三岁半钱，四五岁一钱，无时。

楝皮汁 治如前。

上取楝根皮，削去外苍皮不用，只用白者，以煮浓汁，量大小与服。

抵圣散 治如前，痛不可忍者。

苦楝根白皮二两 白茺萸去扇，半两

上为末，每服一钱，水一小盏，煎取半盏，放冷，待发时服，量大小加减，无时。

胜丸子 治如前。

龙脑研 芦荟研 麝香各一字 牛黄半字，研 胡黄连半钱，末

上为末，同研匀，熊胆和丸绿豆大。每服三五丸，生米泔水化服，无时。

又方 以槟榔生为末，用东引石榴根煮汤调下，量大小与服，或半钱一钱。治寸白虫神效，上旬空心食前服之。

治小儿蛔虫动作以楝实一枚，煮浓汁。纳孔中，亦治晓虫。

以槐子杵烂纳孔中，亦治晓虫。

治小儿寸白虫，以桃叶杵烂绞汁服之。

雷丸散 治小儿三虫。

雷丸 川芎等钱

上为细末，每服一钱，饮调之，日二服，无时。

胡粉牛黄丸 治小儿蛔动，腹内时时疼痛。

胡粉三钱 牛黄一钱 麝香一钱

上同研为末，用豕猪胆一枚取汁，浸蒸饼和丸绿豆大。五岁儿温水下七丸，以意加减，无时。

又方 治如前。

以葶苈子一分，生为末，水三合，煎取一合，一日服尽。以薏苡根煮汁作糜食之，甚香而效。

治晓虫内啮，心腹疼痛。

以鹤虱为细末，用肥猪肉汁调服。五岁儿服二合，虫出便止，更以意加减。

治晓虫及虫攻蚀，下部痒痛。

以藜藿一把，水一升煮熟。五岁儿空腹服三二合，乳食前。

治晓虫攻蚀下部。

以胡粉、雄黄各一分，同研为末，每以少许傅下部。

补胃膏 治如前。痛甚不可忍，啼哭不止。

良姜一两，微炮 肉桂去粗皮，一两 肉豆蔻面裹煨，半两 干漆炒烟尽，半两 乌梅肉半两，炒干

上为细末，炼蜜和丸鸡头子大。每服一二粒，米饮化下，无时。

香雷散 治如前。

雷丸 鹤虱 苦楝根皮 白茺萸去扇，各半两

上为细末，每服一字或半钱，用生猪肉煮淡汤调下，无时。

化虫丸 治虫咬腹中搅刺疼痛。

茺萸去扇，一分 槟榔二钱 川鹤虱一分

上为细末，猪胆汁和丸麻子大。每三岁五丸，五七岁十丸，陈米饮下，无时。

川楝丸 治胃寒虫动，心腹疼痛，及上中二焦因虚而虫动。

干漆三分，杵碎，炒，烟出尽 雄黄一分，研，水飞 巴豆霜一钱

上为细末，糊丸黍米大。每服五七丸，量大小加减，取东引石榴根煎汤下，痛甚者煎苦楝根汤或煎茺萸汤下。

茺萸散 治上中二焦虚，及胃寒虫动，心腹刺痛，危恶证候，与惊痛相似。

白茺萸拣净 干漆炒，烟尽，等分

上为末，每服一字或半钱，米饮调，发时服，

儿大者一钱。无时。

五灵脂散 治虫动攻心痛欲绝。

五灵脂去沙石，末，二钱匕 白矾枯，半钱匕

上拌匀，每服一钱或半钱，水八分，煎至减半温服，当吐虫出。

绿矾丸 治腹中有虫，爱食生物。

上以绿矾不拘多少为细末，猪胆汁和丸，绿豆大。每服五七丸，米饮下，无时。

蜂巢蛹子 治腹有诸虫，口中吐出。

上以蜂巢中蛹子与食之。

槟榔散 治寸白蛔诸虫。

槟榔一个 木香一钱

上同为末，每用一钱匕，煎楝根白皮汤调下。如楝根赤者不堪用，即害入。须在月初四五日间，至五更头。先嚼肉脯一小片，只咽其汁，少顷服药。至日午前虫下，勿登厕，但用盆子，或在净地上，庶见取下虫多少也。一服永绝根本，且食粥一二日，不须服补药，忌生冷硬物五七日佳。

碧金散 治寸白蛔诸虫，随时大便粪下。

苦楝根皮一两，微炒，锉 鹤虱半两，拣净 槟榔半两 猪牙皂角三铤，烧灰 使君子仁半两，以上先末 青黛半两，研 麝香一分，研

上拌匀细，每服一字，淡猪肉汤调下，无时。

化虫丹 治数岁上食肥甘物多而虫动。

鹤虱一两，拣净 槟榔一两 苦楝根皮一两，已上先末 胡粉半两，研 白矾半两，研

上为细末拌匀，面糊和丸黍米大。每服十粒，温浆水入生油一两点搅匀送下，无时。

黑金散 治虫烦扰乱，服之烦已，得睡为验。

干漆一两 肉桂半两 草豆蔻仁一分 石榴根一分 雄黄一分，研

上都于一瓦器中烧存性，研为极细末，每服一字或半钱。研麝香少许，煎粟米饮调下。

黄金散 专治吐利后虫动。

干漆一两，炒烟尽 白茺萸去扇，半两 肉豆蔻面裹煨，去面，半两，以上先为末 雄黄三分，研，水飞

上研拌匀细，每服半钱，煎葱白汤入生油一

二点同调下，须调令匀，熟即得。如药冷，再上火温服，不拘时候。

胡粉丹 治蛲虫发动，甚者成痔漏病疥。

大枣五十个，蒸熟取肉，去皮核 水银半两，二味同研匀细，成膏 胡粉一两，研 雄黄半两，研，水飞

上同入枣膏研匀，丸黍米大。每服十粒，煎苦楝根汤送下，无时。

猬皮散 治蛲虫耗损气血，已成痔者。

猬皮一两，烧灰 鳖甲一两，酥炙黄，去裙襕 蛇蜕皮一两，烧灰 露蜂房半两，微炙

上为细末，入麝香末一钱拌匀。每服半钱，米饮调下，无时。

棕榈散 治如前。

棕榈一两，烧灰 荆芥穗一两 侧柏一两，炙黄 牛膝去芦，半两 枳壳去穰，麸炒黄，半两 黄芪半两

上为细末，每服半钱，米饮调下，乳食前。

神蟾谷精丹 治诸病有虫下如丝，或如马尾，甚者便至危殆。

干蟾三枚，五月五日取者，酥炙黄 谷精草三两，入一瓶内，盐泥固济，慢火煨通赤 胡黄连半两

皂角三寸，烧灰 瓜蒂半两 母丁香半两，上先为末 粉霜一分，研 芦荟一分，研 麝香一分，研

上同拌匀，以猪胆汁和丸黍米大。每服十粒，温米饮下，无时。

食气积癖论

小儿积聚癖癥者，其证不同，积聚乃气之所为，癖癥乃食饮所作。经言：积者阴气也，聚者阳气也，故阴沉而伏，阳浮而动。气之所积名曰积，乃五脏所生，其发有常处，其痛不离其部。气之所聚名曰聚，乃六腑所成，其发无根本，其痛无常处。是以积聚皆气之所为也。癖癥者，其始因脾胃虚冷，乳食不化而以成伤，不为早治，停滞留结乃成癖癥。癖者，邪癖也，所居在肋下，癥者，正证也，所居在腹中，皆有其形，或长或短，或块或片，其状不一，皆坚硬作痛。其因乳得者，名曰乳癖癥，俗云奶癖者是也。其因食得者，名

口食癖癥。其因水浆得者，名曰水癖癥。若因按之或因转动时自有声响，此乃水癖癥也。是以癖癥皆食饮所作也。故小儿常当节适乳哺，调顺寒温。若少失保卫则病从而生矣。如或乳哺不时，寒温失宜，则脾胃不和，气不调顺，其候口频撮，面皤白，无精光，口中气冷，不思乳食。便当以药和之。若不即治，则成胃冷，其候乳食不化，或但吐水，急当用药温之，又不与治，则脾胃浸以成虚，其候面皤白色弱，腹痛，口吐痰沫白绿，急当用药温补。若下痢者，更与调养其中。又不与治，脾胃既已虚冷，饮食先已不化。乳哺再稍失宜，即便乃成伤也。其候身体壮热，口中气温，面黄腹胀，目无精光，或白睛多，喜睡。四肢垂舞，畏食肚热，大便酸臭。或为吐泻，水谷不消。须宜稳药克化，不可便行驶药取转。小儿气实，脾胃壮者，患之有渐。若气怯脾胃弱者，但稍失调养，便成伤也。昔钱乙治黄承务子二^①岁，因伤食而泻。他医与止之十余日便青白，乳不消，身凉，加哽气昏睡，以^②谓困笃面召乙。乙先与益黄散、补肺散，三日而身温不哽气，后以白饼子微下之，复与益脾散而利止得安。或问何以其然？乙曰：此本脾虚伤食而作利。初不与下之。留连十余日，上实下虚，脾气弱则引肺亦虚，脾肺子母故也。今先补脾腑，病退身温，不哽气是也，然后下其所伤。又问既有所伤，何不先下而后补？乙曰：粪青白为虚冷。若先下之，必大虚也。故先实而后下，则不虚矣。后更与补之乃安，此乃治所伤也。若伤重而不与急治，则停滞留结而为癖癥。其候与食伤相似，而加更困重。及一向不食，但微饮少乳，或渴而饮水，时作寒热，亦与潮热相似。昔钱乙治曹宣德子三岁，病面黄时发寒热，不食而微饮乳，及饮水不止。众医以为潮热，用退热药不愈，又用止渴药反吐。请乙至，乙曰：此乃癖也。与白饼子下之，后补脾，乃以消积丸磨之，果愈。或问何以故？乙曰：不食但饮水者，食伏于胃脘，内不能消，致令发渴。服止渴药吐者，药冲于脾，气逆不得下故也，下之乃愈。又钱乙论小儿癖癥，由乳食不消，伏在腹中，乍凉乍热，饮水不止，或喘而嗽，与潮热相似。不早治之，必成疳劳。以其有癖癥，则令儿不食，致脾胃

虚而发热，故引饮也。饮多则荡涤肠胃，亡失津液，脾胃不能传化水谷，脉沉细，益不能食，遂渐羸瘦而成疳也。钱乙所用之方，本集载之。及脾胃虚冷，米谷不化下利者，已具于前泻门之下外，合用诸方叙后。

半两丸 治五积六聚。

巴豆去皮 大戟锉碎，各半两

上二味同入铤内。油炒焦黄为细末，糊丸麻子大。每服三丸，量虚实大小加减与服，临卧米饮下，乳食前。

三棱汁 治诸气积气聚气癖。

上以京三棱取汁，作羹粥米面任为，与乳母食之。每日取枣大与儿吃，大者渐加之。又治十岁以下至百日儿无辜疳痲痲。神妙大效，功不可述。

三棱煎丸 治气积、气聚、气块、痲痲，水气奔豚，肾余五膈五噎，及一切诸般气滞凝结。

京三棱炮 蓬莪茂炮，各四两，洗净 芫花一两，去枝梗

上将上二味入磁瓶内，以米醋五升浸满，封闭瓶口，用炭火搅煮之，度量微干时取出。以余醋炒芫花，至醋尽药干为度。同上二味，锉，焙干为末，醋煮糊丸绿豆大。每服三五丸，生姜、盐汤下，乳食前，更量大小加减。

姜橘丸 治乳哺失宜，脾胃不和。

上以好陈橘皮不拘多少，极陈者尤妙。洗净去白，焙干为细末，每五两入生姜末三两和匀，炼蜜丸麻子大，每服三四十丸，米饮下，无时，更量大小加减与服。

调中散 治乳哺冷热失宜，脾胃不和。

木香一两，锉 人参去芦，一两 青皮去穰，一两 丁香半两 白术半两 白茯苓半两 大腹皮半两，锉 甘草半两，炙

上为细末，每服一钱，水一小盏，人生姜三片，煎至五分，去滓服，无时。

益胃丹 治如前。

当归去芦，洗焙 木香 白术 沉香各半两，

① 二：原作“干”，据兰陵堂本改。另，四库本作“十”。

② 以；兰陵堂本作“医”。

铤 白芍药铤 人参去芦,铤 蓬莪茂炮,铤 缩砂仁冬一分

上为细末,面糊和丸黍米大,每服十粒,麝香汤送下。无时。

楠木汁 治胃冷正气。

上以楠木皮煎汁服之。

益儿丸 治胃冷气不和,食不消化,亦治疳气。

神曲炒黄 白芫荑去扇,炒,各一两 宣连去须,二两 陈皮 木香各半两

上为细末,猪胆汁和药末成剂,再入胆内系口定,以浆水煮数沸^①,取汁和丸绿豆大。每服一二十丸,米饮下,腹胀木瓜汤下。无时。一方有没石子、芦荟各半两。

益脾散 治脾胃虚冷,腹痛不利,全不人食。

陈皮一两 青皮去穢,半两 诃子肉半两 甘草半两,铤,炒 丁香二钱 干山药三两

上为细末,每服二钱,水一盏,人生姜二片,枣一个,同煎至五分,去滓温服,无时。

消食丸 治伤饱乳食不化,壮热腹胀疼痛。

木香半两 枳壳去穢,麸炒黄 当归去须,土代赭石火煨红,米醋淬,不计遍数,以手捻得碎为度 朱砂研,水飞,各半两 巴豆一分,取霜

上为细末,糊丸黍米大。一岁儿一丸,温水下,乳食前服。

大麦面 治乳食过饱,烦闷腹胀,但欲睡。

上以大麦、生面水调服一钱,如无,麦蘖亦得。如无,只用白面炒微香,调服一钱。小儿食不知饥饱,但烧鼠屎^②二枚,为末服之。

香橘丸 治宿食不消痰滞。

木香 陈橘皮各半两 牵牛子炒黄,取末,一分 白术一分 草豆蔻仁一分,面裹煨 姜黄一分

上为细末,滴水和丸黍米大。每服十粒,葱白汤下。小便秘涩不通,乳食前服之。

惺惺丸 治宿食不化,心腹胀满,身热不思乳食。

青皮温汤浸软去穢,焙干,称一两 胡黄连一两 蓬莪茂一两,炮 巴豆取霜,半钱

上为细末,面糊和丸黍米大。每服三五丸,乳汁下,大者白汤下,量大小加减,乳食前。

小沉麝煎丸 治宿滞不化,满闷身热。

乌梅一个,连核去仁 巴豆二个去壳,并心膜 丁香三个 胡椒四个

上为末,醋糊为丸芥子大。每服三四丸,米饮下。临卧。

消乳丹 治伤乳凝滞,能磨积化疳,大妙。

虾蟆十个,烧灰 木香一两 蓬莪一两半,炮 青皮去穢,一两 青黛一两 肉豆蔻面裹煨,去面,一两 膩粉二钱 续随子一分,炒 麝香少许

上为细末,面糊和丸黍米大。每服五七丸,乳汁下,无时。

蝎梢丸 治乳食所伤,涎痰壅滞,诸般积聚,急惊食痛。

黑铅二钱,以水银二钱结沙子 轻粉二钱 粉霜二钱 天南星一分 木香四钱 白丁香四钱,炒 青黛二钱 全蝎二钱,去毒 乳香一钱 巴豆霜一钱半 滑石二钱 麝香半钱 脑子半钱

上为细末,面糊和丸黍米大。每服五七丸,乳汁或米饮下。治惊风搐搦者,更入天麻、白附子各二钱,此药与《千金》紫丸同,然效更妙。

大真珠丸 治如前。

滑石末三钱 轻粉三钱 半夏曲末二钱 天南星末二钱 全蝎七个 巴豆十四个,去皮膜,出油,取霜 麝香少许

上为细末,蒸饼和丸绿豆大。一岁儿一丸,葱汤送下,乳食前。

小真珠丸 治宿食凝滞不消乳癖积聚,大小便秘涩,腹胀气痞,取磨虚中之积。

木香 白丁香直者 丁香各半钱 滑石末二钱 巴豆十四个,去皮膜,水浸一宿,研细烂 轻粉半钱,留少许为衣

上细匀,以湿纸裹陈米饭烧,取中间软者和丸麻子大。一岁儿一丸,炮皂子汤放温送下。挟风热秘涩难动者,先服凉药一服。乳癖者,量虚实加减丸数,隔日临卧更服。

① 沸:原缺,据兰陵堂本补。

② 屎:原缺,据兰陵堂本补。

葱汤丸 治诸般积癖，腹胀腮肿。

天南星末二钱 白附子末二钱 滑石末二钱 全蝎七个 轻粉二钱 朱砂一钱半，研 巴豆十四个，去皮、心、膜出油尽，取霜

上为末，面糊和丸黍米大。每服三五丸，葱汤送下，临卧。

水晶丹 治一切积癖及百物所伤。

天南星一钱 滑石一钱 水银粉半钱 羌黄仁去扇，半钱 巴豆十四个，去皮、膜，取尽油、留霜

上为细末，烂饭和丸绿豆大。每服二三丸，其汤泡生葱汤送下，服时须令空心，不可与乳食，放稍饥，临卧服，利过，忌生冷粘腻硬食果子等物，以药补之。

北亭丸 治一切积癖黄瘦吐食。

北亭一钱匕，末 朱砂一钱匕，末 膩粉一钱 牙硝一钱，匕 巴豆二十一个，取霜

上同匀细末，用蒸饼剂，裹药煨熟，去焦硬者，取中心软处，近药润者，用药和剂，如硬，滴入水得所，丸绿豆大。每一岁儿一丸，荆芥汤下，乳食前。

消坚丸 取积癖，下交奶隔实，消食乳癖。

硃砂一钱，末 水银沙子两皂子大 明胶五钱，末 巴豆霜一钱 轻粉一钱 细墨少许

上同为细末，面糊和丸麻子大。一岁儿一丸，倒流水下，食后。

神妙丸 取虚中积滞，化痰涎乳癖。

白丁香半钱 朱砂一钱，水飞 定粉半两 粉霜一钱半 轻粉一钱 麝香少许

上为末，粟米饭和丸黍米大，捻作饼子，火炙紫色，粟米饮下一饼，乳食前。

妙香丸 取虚中积，及治发寒热，心腹胀满疼痛。

辰砂一两，水飞 牛黄 龙脑 麝香各一分 金箔十四片 粉霜 膩粉各一分 蜡二两 巴豆一百二十粒，去皮膜，出油尽，为霜

上于铍子内先熔化蜡，入巴豆霜拌匀，及入诸药搅匀和剂。量大小虚实，旋丸麻子大。每丸米饮下。要药势紧者捻药匾，若儿大或疾重者加之。皆用针刺药饼作孔，以行药力。如取积癖，丸绿豆大。治吐逆下胸中虚烦积滞尤妙。

灵砂丹 取虚中积滞，及治脏腑虚滑，久经取转，里急后重，久积恶痢，或暴泻不止，神效无比。

通明辰砂颗块有墙壁者，一分 通明硃砂一钱，各研细

上拌研细，用蜡半两，先于盏内熔化成汁，以去皮全者巴豆二十一粒入内，煎至紫色，漉巴豆出，研细。与上二味拌匀，将蜡用三分中取一分，再熔成汁，倾药于内，急搅令匀，下火凝冷，刮出成剂，瓷盒贮之。如用即取拳三丸，绿豆大。浓煎甘草汤，放冷送下，临卧时服。久积病大者，药随病共下。小可病轻者，不动便安。治暴泻恶痢，浓煎艾汤，先呷三五口，候冷下药。治水泻者，冷水下。儿大稍增丸数。

蒜贴膏 治乳癖。

石燕子煨 半夏各等分

上为末，用蒜一头杵烂，摊在旧绯绢帛子上，比儿患处大小，剪作靛子，掺药上，贴患处。候病儿口鼻中蒜气时，揭去帛子。作效，更不得吃药。

神应散 治如前。

硫黄栗子大一块 硼砂栗子大一块 诃子一个，去核 密陀僧栗子大一块

上为细末，每服半钱，乳汁调下。服了时，就有癖处卧少时，当取下黑物效。

丁香饼子 治如前。

大丁香二钱 密陀僧二钱，研 木香一钱半 硫黄一钱半 白丁香一钱，拣直两头尖者 硃砂半钱，研 甘草一钱半，炙 麝香少许

上为细末，汤浸蒸饼丸绿豆大，捻作饼子，每服二饼，乳香、生姜汤下，乳食前。

软银丸 治如前。

水银一钱，用铅一钱结沙子 续随子四十九个，去壳 白丁香末一钱 膩粉一钱匕 鹰粪白末，一钱匕 巴豆十四个，去皮膜，出油尽

上为细末，枣肉和丸绿豆大。一岁儿一丸，温水下，乳食前。

丁香散 治如前。

黑丁香七个 密陀僧 硫黄 白丁香各一分 肉豆蔻一个，面裹煨，去面

上为细末，每服半钱，温水饮调下，乳食前。

白丁香散 治如前。

白丁香十四个，直者 石燕子一个，火煨，瘦者乃是雄 硫黄一皂子大 膩粉十个 密陀僧半两 黑丁香二十一个

上为细末，每料分作十服，用面丝汤调下，或煮面汤亦得，服了取下如虾蟆胎之类恶物是效。

三棱散 治奶癖结实，服药不瘥。

京三棱一两，炮，锉碎 鳖甲一两，酥炙，去裙襕 赤茯苓去黑皮，一两 白术半两 木香半两 枳壳麸炒，去穰，半两

上为细散，每服一钱，水一盞，入生姜五片，煎至五分，去滓温服，时时与也。

圣饼子 治乳癖疳瘦。

粉霜一钱 硃砂一钱 膩粉五个 石燕子一个，火煨 玄胡索三个，去皮 巴豆霜一钱

上为细末，入生面一大钱拌匀，滴水为剂，分十二处，捻作饼子，用刀上焙熟。每服一饼，煎皂于汤下。

鼠肉汁粥 治诸癥。

上以鼠肉煮汁作粥与食。

圣效丹 治癥结癖积久不瘥。

当归去芦土，一两 木香一两 桂心一两 甘遂一两，慢火煨黄色 朱砂一两，研，水飞 京三棱半两，炮，乘热锉 鳖甲半两，涂酥，炙黄焦，去裙襕 蕤仁一分，汤浸，去皮研 麝香一分，研 巴豆二十一个，去皮、心、膜，绢袋盛好，酒煮一宿，研

上为末，拌匀细研，用黄蜡六两，慢火熔化，入药搅匀成膏，丸黍米大。一岁儿一粒，二三岁者二粒，四五岁者三粒，六七岁者五粒，温米饮下，乳食前。

大腹汤 治癥癖腹胀，小便不利。

大腹皮一两，锉，炒 槟榔半两 枳壳麸炒，去穰，半两 人参去芦，半两 知母半两 陈皮半两，汤去白，称 甘遂一分，慢火煨令黄

上为细末，每服一钱，水一小盞，煎至五分，去滓放温服。无时。

治幼小胎中宿热，乳母饮食粗恶，及多辛苦，乳汁不起，儿乳哺宿滞，不为肌肤，心腹痞

满，萎黄瘦瘠，四肢痿蹙，服之充悦。

芍药二两半 大黄 人参去芦，各一两 柴胡去芦，二两 鳖甲酥炙，去裙襕 茯苓各一两半 甘草半两 干姜半两，有热者去干姜，用枳实麸炒 上为末，炼蜜和丸大豆大。一岁已下儿服一丸，上者二丸，乳服。

牛黄鳖甲丸 治幼小癖实壮热，食不消，中恶忤气。

牛黄半两 鳖甲酥炙，去裙襕 麦曲炒 柴胡去芦 枳实麸炒 大黄煨 芍药各一两 厚朴去皮，姜制 茯苓 桂心不见火 芍药 干姜各半两，炮

上为末，炼蜜为丸如小豆大，以意量大小与服，日二服，无时。

丁香散 治小儿奶癖。一服取效，不动脏腑，不损胃气。

舶上硫黄一枣大块 丁香二十一个 密陀僧一枣大

上研细，量大小，临卧以荆芥汤调下。来日下黑物，乃病故也，永不再发。

治小儿癖肋下结块不消。

膩粉一钱 雄雀粪一分，微炒，两头尖者是

上同研匀细，去皮枣肉和丸粟米大。新汲水下丸，取下恶物是效，更量大小虚实用之。

治小儿闪肋成癖，腹大痞满。

以鹤雀脚骨及嘴煮汁服之，亦可烧灰存性，研为末，饮服。

治小儿积癖，发黄羸瘦，及生瘰疬。

以生林檎杵烂，醋和傅上。若癖移则就傅之，以苦瓠未破者煮令热，解开熨之，亦入热汤在内熨之。

治小儿乳癖。

橘皮拣净 青皮去穰 牵牛各一分，三味并为末

上用蒜一颗，每瓣入巴豆一粒，煨熟去巴豆，研如泥，和药末豌豆大，朱砂为衣，每服一丸，细嚼酒送下。

一方用蒜去青皮，同巴豆研烂和丸。临卧冷茶清下一丸，更量大小加减，乳食前。

小儿卫生总微论方卷第十四

心腹痛论

小儿心腹痛者，由脏腑虚而寒冷之气所干，邪气与脏气相搏，上下冲击，上则为心痛，下则为腹痛，上下俱作，心腹皆痛。更有一证，发则腹中撮痛，干啼无泪，腰曲背弓，上唇干，额上有汗，此名盘肠内吊之痛，亦由冷气入脏所为也。今叙诸方于后。

木香丸 治心腹痛及脾痛。

木香一分 肉桂一分 茯苓去黑皮，半两
槟榔半两 当归去芦，一分，醋浸一宿，炙令黄焦

上为细末，酒糊丸黍米大。每服五七丸，柳枝汤下，不拘时候。

蓬莪散 治气刺心腹痛。

上以蓬莪术炮熟透，锉杵，罗为细末，每服一钱，热酒调下，无时。

宽中汤 治心腹疼痛不可忍，闷乱啼哭不止。

良姜 木香各半两 丁香 桔梗去芦 青皮去穰，炒黄 甘草炙，各一分

上为细末，每服半钱，温酒调下，无时。

当归木香丸 治如前。

当归去芦，一两 蓬莪术一两，炮，锉 木香半两
人参去芦，半两 桂心半两，不见火 黑牵牛一钱，炒微黄

上为细末，面糊和丸黍米大。每服十丸，生姜汤下，无时。

当归丸 治肠胃冷袭而痛，啼哭不休。

当归去芦 芍药等分

上为细末，面糊和丸绿豆大。米饮汤下，不拘时候。

乳香汤 治如前。

木香 五灵脂去砂石 乳香各一钱，别研
天南星取中心末，一钱

上为细末，同研匀，每服半钱，水半钟，生姜

一片，煎至三分，去滓温服。无时。

温胃丸 治腹痛哭不止。

人参去芦，一两 白术一两 木香一两 良姜半两 五味子去枝梗，半两 当归半两

上为细末，面糊和丸黍米大，每服十丸，米饮汤下，无时。

橘香汤 治如前。

青皮去穰，一两，炒 吴茱萸拣净，一两 木香一两 当归去芦，一两 姜半两 丁香半两

上为末，每服一钱，水八分，生姜二片，煎至五分，去滓稍热服，无时。

乌药散 治乳母冷热不调，败坏乳汁，因以^① 饲儿，败儿心腹疼痛，或时下利，但令乳母服药，调和乳汁哺儿。

香附子炒，去毛 良姜 赤芍药 乌药各等分

上为细末，每用一大钱，酒水各半盏，煎至六分，去滓温服，无时。儿能服药者，兼与之。

鲤鱼肠 治肠胃中有疮而作疼痛。

上以鲤鱼肠煮食之。

钩藤膏 治盘肠内吊腹痛。

好乳香研 没药研 木香 姜黄各四钱
木鳖子仁二十个

上为细末，炼蜜为剂收之，一岁儿半皂角子大。煎钩藤汤化下。无时。量大小加减，次用魏香散。

魏香散

上以温水化阿魏一钱，去砂石，浸蓬莪术半两，一昼夜取出。焙干为细末，每服半钱，煎米饮、紫苏汤调下，空心服。

阿魏丸 治盘肠吊痛，日夜叫啼不止。

上以阿魏为末，用大蒜半瓣，火炮熟，研烂和末，丸麻子大。每服五七丸，煎艾汤送下，无时。

^① 以：原作“心”，据兰陵堂本改。

乳香蝎梢丸 治盘肠内吊,痛不可忍。

乳香一钱半,别研 蝎梢十四个 没药半钱
沉香一钱半

上为细末,炼蜜和丸黍米大。婴孩三丸,一岁儿五丸,三岁儿七丸,乳香汤下,不拘时候。

桃符丸 治如前。

银朱一钱,研 乳香一钱,研 大蒜一瓣,煨熟
研烂为膏

上上二味和匀,入蒜膏再研,硬软得所,丸绿豆大。每婴孩三丸,半岁五丸,一岁七丸,二三岁七丸,薄荷汤下,无时。

腹胀论

小儿腹胀,有虚有实,或因吐泻,或因乳食。动于脾胃,致脾胃虚而气攻所作也。实者闷乱喘满,治可下之。钱乙用紫霜丸、白饼子。虚者不喘,治不可下。又不可以丁香、木香、橘皮、豆蔻大温药治之。以脾胃虚,气未出,故虽腹胀而不喘,只好用药,使上下分消其气则愈,钱乙用塌气丸。若误下之,则脾虚,气上附肺而行,脾肺子母皆虚也。脾主目胞腮之类,脾主四肢,色黄虚甚,则目胞腮颊四肢黄色而肿,钱乙用塌气丸。若虚气已出,附肺而行,即脾^①胃内弱,每生虚气,入于四肢面目矣。小儿易为虚实,脾虚则不受寒温,服寒则生冷,服温则生热,当识此勿误也。胃久虚热,多生痘病。或引饮不止,脾虚不能胜肾,随脾气上行于四肢,面目肿若水状,肾气浸浮于肺,即大喘也。钱乙亦用塌气丸,未愈渐加丸数。病愈后而未红者,虚衰未复故也。若治虚腹胀,塌气丸未愈,腹中有食积法,粪小便黄,时微喘,脉伏而实,饮水能食者,亦可下。盖脾初虚而后有积法也。所治宜先补脾,后与下之。下后又复补脾,即愈也。若不先补而便下之,则大虚矣。又不可补脾,恐生虚喘也。钱乙所用方,本集载之外,叙诸方于后。

家宝塌气丸 治小儿啼哭未定,或气息未调,遽以乳饮,或寒冷相干,腹胀气急,乳食不化。

巴豆十片 胡椒十粒 丁香十个 青皮十

个,汤浸一百,令软去穢

上将青皮每个入巴豆一片,胡椒一粒,丁香一个,裹了,以麻线缠定,都裹十个毕,顿锅内,入酽醋一碗,煮至醋干,取出细切,同诸药焙干为末,粟米糊和丸粟米大。每三岁下儿二三丸,上者五丸,五岁儿七丸,七岁儿十九丸,米饮汤下,无时。

褊银丸 治痰涎气壅,膈实上热,乳食停滞,腹胀喘急。

巴豆去壳,半两,取霜 好墨八钱,研 麝香半钱,研 水银半两,用铅二钱半结沙子

上将巴豆霜与墨再研匀,次入沙子麝香,又拌研至细匀,以陈米粥和丸绿豆大,捻褊。一岁儿一丸,二三岁三丸,煎薄荷汤放冷送下,不得化破,食后服。

厚朴丸 治风冷寒邪客于脏腑,腹胀满闷,气不宣通。

厚朴去粗皮,一两,姜制 丁香一两 木香一两 白术一两 青皮去穢,半两 牵牛子一钱,炒

上为细末,炼蜜和丸黍米大。每服十丸,煎陈皮汤下,无时。

分气丸 治腹胀腹痛。

巴豆十个,去壳皮膜,出油尽 木香一钱 附子一个,重半两,炮去皮、脐、尖

上为细末,面糊和丸麻子大。每服三二丸,熟水送下。

又方 治腹胀。又名塌气丸。

蝎半两 胡椒一两 木香半两 巴豆一分去壳,膜,出油尽

上为细末,而糊和丸黍米大,每服三五丸,葱白汤下,无时。

胡粉盐 治腹胀。

上以胡粉、盐炒色变,以摩腹上,或以车轂中脂和轮下土作丸,吞之。

韭根汁 治如前。

上榨韭根汁和猪脂服,或烧父母指甲灰,乳头上饮。

半夏丸 治腹胀及暴腹胀欲死。

①脾:原作“皮”,据兰陵堂本改。

上以半夏隨多少，火炮為細末，酒和丸粟米大。每服三五丸，凡小者乳汁下，大者生姜湯或米湯下，未瘥加之，日二服，只用末貼臍，亦佳。

又方 治心腹脇助脹滿，煩悶欲死。

上以鷄子殼燒末，酒服一錢或半錢。

塌氣丸 治脾胃氣虛，腹脹滿悶。

全蝎一錢 黑牽牛四錢，一半炒熟，一半生用
 萝卜子四錢，一半炒熟，一半生用 陈皮二錢，去白
 青皮去穰，二錢 京三棱二錢，炮，銼 蓬莪朮
 二錢，炮，銼，一方生用

上為細末，而糊和丸萝卜子大。每服一二十丸，生姜湯下，無時。

塌氣丸 治腹脹氣滿如腫。

胡椒半兩 甘遂一分 黑牽牛一兩，炒 木香一錢

上為細末，糊丸^① 绿豆大。每服五七丸，姜湯送下，無時。

塌氣丸 治脾虛腹脹，或面目四肢發腫。

胡椒一兩 蝎尾半兩，去毒。此方便是錢乙集中方也。

上為細末，而糊和丸粟米大。每服五七丸至一二十丸，陳米飲下，無時。量大小加減。一方有木香一錢。一方全蝎一枚，胡椒十粒。同為末，一剗耳，米飲調下。

五百丸 治氣虛腹脹。

部李仁別研 胡椒 丁香 黑牽牛 萝卜子各一百粒

上為細末，葱汁和丸绿豆大。每服三五丸，凡大加之，煎葱湯下，無時。

白朮膏 治脾胃不和，腹脹氣痞，小便不利。

白朮半兩 白茯苓去黑皮，一分 人參去芦，一分 滑石一分 澤瀉半兩

上為末，煉蜜和膏，每用皂子大。米飲化下，無時。

豆蔻散 治腹脹煩渴，小便少面吐瀉。

硫黃一分 白滑石三分 丁香半分 肉豆蔻而裏煨，半分

上為細末，每服一字或半錢，米飲調下，無時。

托養丸 治陰陽氣痞不通，腹脹膨悶，嘔吐煩渴，手足時厥。

硫黃 水銀各半兩，同研不見星 附子炮，去皮、脐 木香 當歸去芦，洗焙，各半兩 大黃一兩，濕紙裹，慢火煨熟

上為末拌勻，煉蜜和丸櫻桃大。每服一丸，生姜湯化下，無時。

木香丸 治小兒氣脹，腹滿不下食，能去惡氣。

木香 訶黎勒煨，去核，等分

上為末，以沙糖水煮糊和丸绿豆大。每服一二十丸，米飲下，無時。

葛根汁 治小兒熱氣，痞滿腹脹。

以生葛根杵爛絞汁飲下。

桂心丸 治小兒食雜果，腹脹氣急。

以桂心為末，飯和丸绿豆大，熟水下五丸。未瘥再服，不拘時候。

治嬰小腹中脹滿。

以父母指甲燒灰乳上服。

治小嬰腹中脹滿或未能服藥者。

以晚桑葉不拘多少，濃煎湯，熏下部，通手時淋洗肚腹。

治小兒腹脹滿急，不能服藥。

以生姜煨熱，綿裹納下部，冷即易。

賺氣丸 治小兒腹脹。

丁香一錢 萝卜子半兩，用巴豆一分，拍破同炒至黑色，去巴豆不用

上為末，水浸蒸餅心和丸绿豆大。每服五丸，橘皮湯下，無時。

治小兒上熱痞悶，氣壅脹滿。

以葛根搗汁，量大小輕重與服。

腫病論

小兒腫病有二，一者氣腫，因脾胃虛而氣攻腹，腹脹誤行轉藥下之，致虛氣上附于肺，行入四肢面目，而作腫也。疝氣亦然。二者水腫，因上焦煩渴，飲水無度，脾胃虛而不能約制其水，

① 糊丸：蘭陵堂本作“面糊丸”。

肾反乘脾，土随水行，上附于肺，肺^①主皮肤，脾主四肢，故水流走于四肢皮肤而作肿也。甚则肾水浸浮于肺，则生大喘，为难治也。

款肺散 治小儿风痰，咳嗽喘气逆呕吐，面目浮肿。

白僵蚕五两，汤洗去灰丝并头足，焙干 玄胡索去皮，三两，生

上为细末，每服一字或半钱，煎淡童汁放温调下。如婴孩，乳汁调半字，不拘时候。

熊胆丸 治小儿疳气，体瘦肚肿吃水。

熊胆 雄黄研，水飞 佛头青各半两，入麝香少许，同研细 桂心 人参去芦，各一钱，为末

上拌研匀，糯米粥和丸绿豆大。每服五七丸，米饮下，食后。

槟榔丸 治小儿疳气腹胀，四肢肿满，气急喘闷，小便不利。

槟榔 木香各二钱 青皮 姜黄各一两 萝卜干炒 牵牛子各取末，七钱半

上为末，糊丸黍米大。生姜汤下，二三十丸，食后。

绯缓丸 治小儿疳气，黄瘦肚大，手脚浮肿，饮水不休。

川楝子去核 芎各二钱 橘皮四两，去穰 龙胆去芦，二两 巴豆十四个，去皮膜，将陈皮、龙胆同巴豆炒焦黑时，去巴豆不用

上四味为末，糊丸麻子大。朱砂末为衣，每服十五丸或二十丸，米饮下。腹胀，陈皮汤下，食后。

治小儿手足身体浮肿。

以小便温暖渍之，大良。

又方 治如前。

以巴豆五十个去皮心，水三升，煮取一升，绵蘸拭病上，随手即消。

治小儿浑身头面及阴囊虚肿。

以使君子一两，去壳，用蜜半两，炙尽为细末，每服一钱，米饮调下，食后，只三服效。

内消丸 治小儿头面手脚虚肿。

青皮五个，汤泡，去穰 巴豆七个，去壳 木香一钱、炮 防己一钱半 丁香十四个

上先以青皮、巴豆桃肉同炒，至巴豆苍黑，

去巴豆不用，将青皮诸药为细末，蒸饼和丸麻子大，每服三五丸，量大小加减，男^②孩儿煎陈米汤下，女孩儿煎艾叶汤下，七八岁者十丸，不拘时候。

红粉散 治浑身虚肿，气喘不食。

朱砂一钱 槟榔一钱 轻粉半钱

上为末，每服一字或半钱，薄荷煎汤调下，一服利，止后服，用《家宝》观音散，或人参散调补，忌生冷坚硬之物。

通草散 治一身黄肿透明。

通草蜜涂，炙干，为末 木猪苓去黑皮，为末，各等分

上为细末，再入研细去土地龙、麝香少许，每服半钱或一钱，米饮调下，神效，亦治肾肿。

圣饼子 治气肿。

大戟子半两 甘遂末一分 牵牛末一两

上拌匀，每用半钱，以白面半钱，水和作饼子，如钱大，煮令熟，放冷细嚼，姜汤下，小者一饼，大者二饼，食前。

金华散 治水气肿满，通身明亮。

大黄末四钱 牵牛末四钱 朴硝研末，八钱 巴豆肉五个，研

上同拌匀，每服一字，生姜蜜木调下。此方猛烈，斟量所宜。

葶苈丸 治水气腹肿，小便涩滞。

上以葶苈子半两微炒，杵如泥，入枣肉再杵和丸绿豆大。每服五丸，枣汤下，空心晚后。

郁李仁丹 治一切诸肿。

郁李仁半两，汤浸去皮，微炒 槟榔半两 牵牛子一钱，炒

上为细末，滴水和丸。每服十粒，煎葱白汤下，空心服。

海蛤散 治身体肿满，大小便不利。

海蛤 桑白皮各一两 汉防己半两 赤茯苓去黑皮，半两 白术半两 甜葶苈纸衬，炒紫 川朴硝 木猪苓去黑皮，各一分

上为细末，每服一钱，水一盞，煎至五分，去

① 肺：原缺，据兰陵堂本补。

② 男：原作“儿”，据兰陵堂本改。

滓温服，乳后食。

杏仁膏 治小儿卒然而目浮肿，杵杏仁膏傅之。

治小儿浑身虚肿及头面阴囊并肿。

木香一钱 槟榔一枚，缝，以茱萸炒，去茱萸
青皮一钱，以巴豆七个，去皮炒，去巴豆

上同为末，每服半钱或一钱，陈米饮调下，食前。

治小儿因泻痢后，身体虚肿。

硫黄一两 焰硝三钱

上同研细，蒸饼和丸萝卜子大，蚌粉为衣，每服十丸，米饮下，量儿加减，食前。

虚羸论

小儿虚羸者，由诸病之后，或误行转药，或吐而利，致脾胃虚弱，不能传化谷气，饮食不入，肌肤消瘦，乃成虚羸也。有冷者，时时下痢，唇口青白；有热者，身体温壮，肌肉微黄，此冷热虚羸也。钱乙治冷者木香丸，夏月不可服，如有症则少服之。治热者胡黄连丸，冬月不可服，如有症则少服之^①。昔钱乙治齐郎中^②，其人好收药散施，有子忽患脏热。齐自取青金膏三服并一服饵之，服毕，至三更泻五行，其子困睡。齐言子睡多生惊，又与一服，再泻两行，加口干而身热。齐言尚有其热，又欲与青金膏。其妻曰：用药泻十来行未安，莫生病痞？召乙看之，乙曰：已成虚羸也。先多煎白术散，时时与服，后用香瓜丸，十日愈。乙又治朱监簿子五岁发热，腮赤唇红，烦躁引饮，前医曰：此心热也。遂用牛黄丸，及以一物泻心汤下之，来日加无力而不能食，又下之，乃便利黄沫。召乙看之。乙曰：此心经虚而有留热在内，必被凉药下之，致此虚羸也。乙先用白术散生^③胃中津液，以生犀散治之。朱曰：大便黄沫何如？乙曰：胃气正即泻自止，此虚热也。朱曰：医用泻心汤何如？乙曰：泻心汤黄连一物耳，性寒，多服则利，能寒脾胃也。坐久，前医至。曰实热。乙曰虚热。若实热何以泻心汤下之不愈，又加面黄颊赤，五心烦热，不食而引饮。前医曰：既虚热，何大便黄沫，乙笑曰：便黄沫者，服泻心

汤多故也。乙复与胡黄连丸，愈。乙又治一子夜发热，晓即如故，前医作热治，以凉药解之，不愈。其候多涎而喜睡，医又以铁粉丸下之，其病益甚，至五日大渴^④引饮，唇白不食。召乙看之，乙曰：此肺怯有热，不可下之，若下之，则损脾胃，致虚羸也。乃用白术散，更以术一两，煎药汁三升，使任意取足服。朱曰：饮多不作泻否？乙曰：无生水不作泻，纵泻亦不作怪也，但不可下耳。朱曰：先治何病？乙曰：止泻治涎，退热清神，皆此药也，至晚服尽。乙看曰：更可服之，又作三升，服尽稍愈。第三日又作三升与服，其子不渴无涎，遂投阿胶散二服而安。已上三证，皆因误行转下之药，亡耗津液，致胃虚发渴不食，而成虚羸。钱乙并先煎白术散与服，以生胃中津液，得胃气正，然后依本病为治也。如齐郎中子脏热，与香瓜丸。朱监簿子心虚热，与生犀散、胡黄连丸。次子肺怯，与阿胶散，并皆安愈。故阎孝忠云：转下过多，泄泻等诸病烦渴者，皆津液内耗也，不问阴阳，煎钱乙白术散，使满意取足饮之，弥多弥好，今特为详而论之，使学者法矣。钱乙所用方，本集载之，外治虚羸诸方，具于后。

丁香黄芪散 治脾胃虚弱不能食，渐致肌瘦虚羸。

丁香 绵黄芪^⑤ 人参去芦 白术 当归
去芦 鳖甲涂酥炙焦，去裙襖，各一两 胡黄连
甘草炙，各半两

上为细末，每服一钱，水一小盏，生姜二片，枣一个，煎至五分，去渣温服，食前。

集香煎 治如前。

丁香 沉香 木香 藿香去土 厚朴去粗皮，姜制，各一两 白术 白茯苓 白豆蔻各半两

上为细末，入研细麝香一钱拌匀，以水一升，蜜半斤，大枣三十枚，生姜二十片。于银器中慢火熬成青，去姜枣不用，搅匀，顿当风处阴干，每用皂角子大，米饮化下。乳食前。

① 之：原缺，据兰陵堂本补。

② 中：原缺，据兰陵堂本补。

③ 生：原作“坐”，据兰陵堂本改。

④ 渴：原缺，据兰陵堂本补。

国老丸 治瘦瘠虚羸，悒悒少气。

上以甘草炙焦黄，杵末，炼蜜和丸绿豆大，每服五丸，温水下，日三服，一岁儿五丸，已上者七八丸，以意加减，无时。

咳嗽论 痰代上气附

夫咳嗽者，《内经》以为肺感微寒而所作也。若七八月之间，肺气旺盛之时，病嗽者，其病必实，非久病也。其症而赤痰盛而身热，治当下之，钱乙用葶苈丸。若病久者，不可下。若十一月十二月嗽者，乃伤风寒嗽也，风寒从背第三椎肺俞穴入，其症^① 烦闷恶风憎寒，昼轻夜甚，治当汗之，钱乙用麻黄汤。若有热症，则面赤饮水，涎壅咽喉不利，钱乙兼用甘桔汤。若嗽于五七月^② 间，其病身热痰盛唾粘，或痰盛不甚喘，面赤或时饮水，钱乙并以褊银丸下之。若肺盛，嗽而后喘，身热闷乱面肿，或饮水不饮水者，钱乙用泻白散。昔钱乙治张氏孙儿九岁，病肺热咳嗽，前医以珠、犀、龙、麝、牛黄药治之，一月不愈，其症咳嗽喘急闷乱，饮水不止，全不能食，召乙治之。乙用使君子丸、益黄散。张曰：本有热，何又行温药？他医用凉药攻之，一月尚无效。乙曰：凉药久则胃寒不能食，小儿虚不能食，当与补脾，候饮食如故，即泻肺经，病必愈矣。服补脾药二日，其子欲饮食，以泻白散泻肺遂愈。张曰：何以不虚？乙曰：先实其脾，然后泻脾，故不虚也。

又伤风寒咳嗽，无热症而但嗽者，钱乙用麻黄汤，及化痰药治之。若肺虚，而嗽有哽气，时时长出，喉中有声者，此久病当补也，钱乙用阿胶散。昔钱乙治杜氏子五岁，自十一月病嗽，至三月未止，始得嗽而吐痰，乃风寒入肺也。风在肺中，故嗽而吐痰，宜以麻黄辈^③ 发散，后用凉药压之，即愈。他医却以诸药下之，其肺即虚而嗽甚，至春三月间尚未愈，乃召钱氏看之。其候面青而光，嗽而喘促哽气，又时时长出气。钱曰：病困十已八九矣，所以然者，面青而光，乃肝气旺也。春三月者，肝之位，肺衰之时也，嗽者肺之病，自十一月至三月久，即肺虚痿。又曾下之，脾肺子母俱虚，复为之所胜，此为逆也，故嗽而喘促哽

气，长出气也。乙急与泻青丸泻肝后，与阿胶散实肺，次日面青而不光，乙又与补肺，其嗽如前，又与泻肝，未已，而又加肺虚，唇白如练。乙曰：此病必死，不可治也，何者？肝大旺而肺虚绝，肺病不得时，而肝胜之，今三泻其肝，而肝病症不退，三补其肺，而肺病尤虚，此不久生，故言死也。此症病于秋者，十救三四；病于春夏者，十难救一，果大喘而死。

又肺气不足，谓寒邪所干，咳嗽喘满短气者，治补肺。昔钱乙治李转运孙八岁，病嗽而喘满短气。他医以为肺经有热，用竹叶汤、牛黄膏治之，三日加喘。召乙治之，乙曰：此肺气不足，复有寒邪，即便喘满，当补脾，勿服凉药。李曰：已服竹叶汤、牛黄膏。乙曰：何治也？前医至曰：退热退涎。乙曰：何热所作？医曰：肺经热而生嗽，嗽久不除生涎。乙曰：本虚而风寒所作，何热也，若作肺热，何不治肺，而反调心也，竹叶汤、牛黄膏皆治心药也，医有惭色，乙依所论而治愈。

又咳嗽咯脓血者，肺热也，钱乙用甘桔汤。若嗽而吐痰涎喘者，先实其脾，钱乙用益黄散，后微下之，钱乙用褊银丸，涎退即补肺，乙用阿胶散。昔乙治段齐郎子四岁，病嗽身热，吐痰数日咯血，前医以桔梗防己丸治之，不愈，涎上攻，吐喘不止。请乙治之，乙下褊银丸一大服，复以补脾药治之。或问此子咯血肺虚，何以下之？乙曰：肺虽咯血，有热故也，久则虚痿，今涎上潮而吐，当下其涎，若使不吐涎，便为甚，盖吐涎能虚，又生惊也，痰实上攻，亦使发搐，故依法只宜先下其痰为顺，此治先下后补，与前论先补后下，其意相反者。经以谓病有缓急，治有先后也。治病如钱乙，所以得圣人之旨趣，学者宜为法耳。嗽而吐青白绿水者，此胃冷有停饮也，乙用百祥丸下之。嗽而吐痰涎乳食者，此有伤宿滞不化也，乙用白饼子下之。

若久嗽肺虚亡津液者，乙用阿胶散补之。治

① 症：原作“痊”，据兰陵堂本改。

② 月：原作“日”，据兰陵堂本改。

③ 辈：原作“背”，据兰陵堂改。另，四库本作“汤”。

嗽大法，盛则下之，久则补之，风则散之，更量大小虚实，以意^①施治。是以慎护小儿，须常著夹背心，虽夏月热时，于单背心上当背更添衬一重，盖肺俞在背上，恐风寒伤而为嗽，嗽久不止，亦令生惊。若百晷内儿病嗽者，十中一二得全，亦非小疾也。

又有停饮作痰者，由儿乳饮失宜，致脾胃不和，停滞其饮不散，留结成痰，若随气上干于肺而嗽者，此为痰嗽，若不嗽者，则肺壅不利，咽塞唾涎，胁腹膈滞。

又脾胃冷热不调，涎不归胃，致涎流口角，而无休止，冷者鼻上色青，及大便青白，热者鼻上赤色，及大便赤黄。已上除钱乙所用方，本集载之，外今叙诸方于后。

金华散 治婴小咳嗽。

郁金半两 防风去芦及叉枝，一分 半夏一分
巴豆二十一粒 皂角一钱

上以水一升，于银器用煮诸药，至水干，去巴豆皂角不用，外三味别用温汤洗净，焙干为细末，每婴孩一字，二三岁半钱，四五岁上者一钱，薄荷蜜水调下，不拘时候。

藿香散 治不因风寒所得，肺胃气不和而咳嗽。

藿香去土，二十一个叶 枳壳二片，去穰，湿纸裹，煨令熟 蚌粉枳壳大一钱

上为细末，婴小服一字，二三岁半钱，蜜水调下，不过二三服安，儿大以意加之。无时。

紫金丸 治诸咳嗽，坠化痰涎。

上以叶子雌黄不拘多少，研细，入锅子内，微火中烧令成汁，候冷取出，再研细软，饮和丸萝卜子大，熟水下丸二个，临睡。

杏仁煎 治小儿咳嗽上气。

上以去皮、尖炒黄杏仁一升，熟捣，用蜜三合，先入一合，捣令强，次入一合，捣如膏，又入一合捣熟，每食后用少许，顿儿口中，含化咽之，日三次。无时。

生姜煎 治幼小咳嗽。

生姜一两 干姜六钱，炮 桂心一分 甘草四钱，炙 杏仁去皮，稍炒黄，一两 款冬花去枝梗 紫苑各四钱

上为末，以蜜一两，入药在内，微火上煎之如饴，量大小多少与含化咽，百日儿如枣核大，日三，甚效。

款冬花丸 治小儿咳嗽，日差夜甚，初不得息，不能复啼。

款冬花 紫苑各一两半 桂心半两 伏龙肝一分

上同为细末，炼蜜和如泥，每取枣核大，敷乳上，令儿吮之，渐渐令儿饮。一日三次。

麦门冬汤 治初生儿十日上至五十日，卒得髻咳吐乳，呕逆暴嗽，昼夜不息。

麦门冬去心，一两 紫苑去芦，三分 甘草二钱半 桂枝半两

上为末，每服二钱，水一盏，煎至七分，以绵蘸，滴儿口中，昼夜四五遍^②，仍节乳哺。

五味子汤 治小儿风冷入肺，咳嗽气逆，而青喘迫，昼夜不息，饮食不下。

五味子去枝梗 当归去芦，各半两 麻黄去节 干姜炮 桂心 人参去芦 紫苑 甘草各一分 细辛去苗，半分 大枣三枚

上为粗末，每服二钱，水一盏，煎至半盏，去滓温服，量儿大小。

人参半夏汤 治小儿痰逆，咳嗽不止。

人参去芦 半夏曲 白芷各半两 藿香叶去土，一分 丁香 杏仁霜各半分

上为细末，每腹二钱，水一钟，生姜五片，陈粟米五十粒，煎至七分，去滓，时时呷服，日三四。忌醋咸炙博生冷。

款肺散 治小儿风壅痰盛，咳嗽气急，壮热颊赤，昏倦呕吐，而目浮肿，乳食减少。

白僵蚕五两，净洗，去丝、头、足，焙干 玄胡索去皮，三两

上为末，每服一字或半钱，淡齏汁温调服之，无时。婴孩只乳汁调半字。

治小儿咳嗽声不出。

杏仁一两，汤浸，去皮、尖，及双仁者，以水一钟，一绞取汁 紫苑去芦，半两，洗去土为末

① 以意，原作“意以”，据兰陵堂本乙转。

② 遍，原作“过”，形近致误，据兰陵堂本改。

上将紫苑末入杏仁汁中，更入蜜一合，同煎成膏，每服半茶匙，清粥饮调下，无时。

皂荚鼓汤 治小儿咳嗽。

上以皂荚烧灰，研细末，每服半钱或一钱，鼓汤调下。无时。

露蜂房散 治如前。

上以露蜂房二两，净洗，去蜂粪尘土，以快火烧为灰，研末，每服一字，米饮下，无时。

葶苈散 治如前。

甜葶苈半两，炒 麻黄去根节，一分 甘草一分，炙 贝母去心炒，一分 杏仁去皮、尖，一分炒黄，研

上为细末，每服半钱，水半盏，煎至三分，去渣温服，无时。

诃子膏 治如前。

上以诃子一两，每个分作两片，甘草一分，水一大盏，煮至水尽为度，焙干为末，炼蜜和膏鸡头子大，每用一大豆许，薄荷熟水化下，无时。

生姜浴汤 治如前。

上以生姜四两，煎汤沐浴。

一捻金散 治风痰咳嗽，颊赤痰盛，喘促气急，吐呕浮肿，乳食减少。

白僵蚕直者，去丝、嘴，一两 甘草半两，炙 玄胡索去皮，一分

上为细末，每服一捻齑汁调下，婴孩只乳汁调下半字。食后。

惺惺散 治伤寒风热痰壅咳嗽。

桔梗去芦 细辛去叶 人参去芦 甘草锉，炒 白茯苓去皮 白术 瓜蒌根各半两

上为细末，每服二钱，水一盏，薄荷五叶，煎至半盏，温服。如要和气，更入生姜三片同煎。一方更有防风一分。

保肺丸 治肺胃受风热痰盛，咳嗽喘吐，连声不止，及治久嗽不愈。

白僵蚕去丝、嘴，炒，二两 山药半两 白茯苓去皮，一两 紫苏叶一两 藿香去土，一两 百部半两 黄芩一两 防风去芦，一两 杏仁去皮、尖，麸炒，一两 百合半两 五味子去枝梗，一两

上为细末，炼蜜和丸鸡头大，每服半丸一丸，煎桔梗汤化下，食后临卧服。

贝母汤 治肺感风邪，咳嗽喘满。

贝母去心，一两，炙黄 半夏一两，白矾汤洗七次，焙干 干姜半两，炮 麻黄去根节，半两 款冬花去枝梗，半两 甘草半两，炙

上为细末，每服一钱，水一小盏，生姜三片，杏仁二个，去皮、尖，同煎五分，去渣温服，不拘时。

菖蒲煎 治肺中风邪，肩息喘鸣，或发咳嗽。

石菖蒲一两，一寸九节者良 款冬花去枝梗，一两 紫苑去土，净洗，焙干，一两 人参去芦，一两 桂心一两

上为细末，炼蜜和剂，入石臼中，杵一二百下，丸皂子大，每服一粒，煎糯米饮化下，食后临卧服。

绛朱丹 治惊风涎痰，咳嗽喘满。

天南星二两，炮 半夏二两，汤洗七次，去滑 桔白矾一两半 滑石二两，火煨通赤 铅白霜一分 上为细末，面糊和丸麻子大，朱砂为衣，每服十粒，姜汤送下，食后临卧服。

人参犀角散 治时气塞^① 壅，咳嗽痰逆，喘满惊悸，风热。

前胡去芦，八钱 桔梗五钱 人参去芦，三钱 甘草三钱，炙黄 杏仁浸去皮、尖，晒干，为末，五钱

上先将上四味为末，入杏仁末拌匀，粗罗筛过，每服二钱，水一盏，煎至七分，去渣温服，食后。亦能调和五脏六腑，进美乳食。又治一切风热，服寻常凉药即泻减食者，尤宜与服。

油滚丸 治痰盛咳嗽，亦治乳嗽。

五灵脂末一钱 雷丸末一钱 巴豆三十个，去皮膜，取霜

上为细末，滴水丸芥子大。每服三五丸，油滚井水送下，临卧而服。

龙爪散 治涎喘咳嗽。

上以猪蹄甲四十九个，洗净控干，每个猪甲内入半夏、白矾末各一字，入一罐子内封闭，不透烟火，煨通赤放冷，为细末，人研细麝香一钱拌匀，每服半钱，糯米饮调下，空腹。

① 塞：原本作“寒”，据兰陵堂本改。

辰砂半夏丸 治寒痰咳嗽。

瓜蒌根蜜炙 天南星汤洗 半夏汤洗七次
干姜炮,各半两

上为末,生姜自然汁和丸麻子大。朱砂为衣,每服十丸,生姜汤下,不拘时候。

玉珠丸 治诸涎嗽。

半夏一两,汤洗七次 硝石一分

上为细末,滴水丸麻子大。每服三五丸,生姜汤送下,不拘时候。

百部丸 治肺寒咳嗽微喘。

百部焙干,称,三分 麻黄去根节,称,三分,二味先为末 杏仁四十个,去皮、尖,微炒,更煮三五沸,焙干,研细

上同匀细末,炼蜜和丸皂子大。温水化下二三丸,日三服。钱乙加松子仁五个,糖和丸,含化大妙。

露蜂房丸 治肺胃虚寒,咳嗽喘满,呕逆不食。

露蜂房二钱,炒 蝉壳去土,二钱,炒 蛤蚧一支,重四钱,涂酥,炙干 丁香 木香 人参去芦 地黄 麻黄去节根 马兜铃子 五倍子去虫,各二钱 五味子去枝梗 贝母去心,焙 杏仁童子小便,浸二宿,去皮、尖,炒 半夏曲各二钱半 款冬花去枝梗,半两

上为细末,炼蜜和丸绿豆大。每服二三十丸,生姜汤下,日三四服。食后。

缓息汤 治风伤肺气虚喘,咳嗽上气。

桑白皮一两半 白茯苓半两 白僵蚕半两,去丝,炒 甘草一分,炙 杏仁半两,去皮、尖,研,后入 人参去芦,一分 桔梗去芦,半两 白术半两 陈皮半两,去白

上为细末,每服一钱,水一盞,生姜三片,杏仁二个,煎至六分,去滓,时时温服。

白术五味汤 治气逆上喘咳嗽。

白术 五味子去枝梗,炒 人参去芦 款冬花去枝梗,各半两 细辛去土叶,一分

上为细末,每服一钱,生姜三片,煎至四分,去滓放温,时时服。

桔梗汤 治咳嗽痰壅,呀呷,咽膈不利。

桔梗去芦,半两 甘草半两,炙 紫苏叶半两,

去土,微炙 石膏半两 半夏半两,汤泡七次 皂荚一分,烧灰存性

上为末,每服一钱,水一盞,生姜三片,煎至五分,去滓放温,时时服。无时。

淡竹沥 治咳嗽短气,胸中吸吸,咯唾稠浓臭粘。

上以淡竹沥一合服之,日三四次。

木香半夏丸 治肺胃有寒咳嗽。

木香 半夏汤泡七次,焙干 肉豆蔻面裹煨,各一两 藿香去土 丁香 白术各半两

上为细末,生姜自然汁和丸黍米大。每服十丸,煎人参汤送下,不拘时候。

白蚬壳散 治卒然暴嗽不止。

上以白蚬壳不拘多少,杵研极细,每服半钱,米饮调下。无时。

五灵脂丸 治久嗽渐成羸弱,恐变瘖劳。

五灵脂去沙石,半两 蟾头一枝,酥炙黄 蝉壳去土,半两,微炒 款冬花去枝梗,半两 青黛一分,研 雄黄一分,研,水飞

上同研匀细,糯米饭和丸黍米大,每服十丸,煎人参汤下,食后。

人参半夏丸 治痰饮咳嗽。

人参去芦 半夏汤泡七次 白术 川姜炮 南星微炒,各半两

上为细末,生姜自然汁煮糊,和丸黍米大。每服十丸,姜汤下,月内百晬儿丸针头大,乳上吮服,不拘时候。

马兜铃丸^① 治肺壅咳嗽气喘,大便不利。

马兜铃 紫苏子炒 人参去芦,各一两 木香 款冬花去枝梗,各半两 杏仁汤浸,去皮、尖,研后入,一分

上上五味,先为末,人杏仁末拌匀研,炼蜜和丸黍米大,每服十丸,生姜汤下,不拘时候。

百合汤 治肺经风寒,痰壅不利。

百合 紫菀洗,焙 白术 人参去芦,各一两 白茯苓去黑皮 青皮去穰 甘草 麦门冬去心,各半两

上为末,每服一钱,水八分,淡竹叶三片,薄

① 丸:原脱,据兰陵堂本补。

荷二叶，煎至五分，去滓温服，不拘时候。

爽神汤 消寒痰，除肺壅，清神爽意。

白术 人参去芦 白茯苓各一两 桔梗去芦
瓜蒌 甘草各半两 细辛去苗，一钱

上为末，每服一钱，水八分，荆芥、薄荷各少许，煎至五分，去滓温服。不拘时候。

苏香汤 治肺壅，消痰滞。

紫苏叶去土 木香 人参去芦，各半两 五
味子去枝梗 甘草 陈皮各半两

上为细末，每服半钱，生姜自然汁少许，荆芥汤调下，不拘时候。

蝉壳汤 治肺气壅滞不利。

蝉壳去土后炒 人参去芦 五味子去枝梗，
各一两 陈皮 甘草炙，各半两

上为细末，每服半钱，生姜汤调下；无时。

神曲汤 治痰涎壅滞，气不和顺，腹胁满

闷。

神曲一两，微炒 木香一两 半夏一两，用姜
半斤同杵烂，炒令黄，姜是生姜也 芫荇一两 青皮
去穰，半两，炒 甘草半两，炙 白茯苓半两

上为细末，每服半钱，盐少许，沸汤调温服，
无时。

白金丹 消肺壅痰实，治胸膈不利。

桑白皮一两，性 前胡去芦，一两 半夏一两，
汤炮七次 白术一两 人参去芦，半两 陈皮半两
甘遂一分，微炒

上为细末，炼蜜和丸黍米大。温水下五七
丸，周晬至一二岁儿三丸，已上者以意量加，不
拘时候。

前胡半夏丸 治风热痰实，肺气壅滞，涎流
口出。

前胡去芦，一两 半夏一两，汤炮七次，焙干
大黄半两，炮 麦门冬去心，半两 川朴硝半两

上为细末，生姜自然汁和丸黍米大。每服十
丸，煎人参汤下，不拘时候。

犀角丸 治风热面赤，胃气不和，大小便秘
沥，痰涎涎盛，三焦壅滞及积热蕴毒。沥音涩。

生犀末一分 人参去芦，半两 黄连去须，一
两 枳实去穰炒，半两 槟榔半两 大黄二两，酒
浸一宿，切作片子，以巴豆一百粒去壳皮，贴大黄上，纸

裹定，饭上蒸三次，去巴豆，切，研，炒焦

上为细末，炼蜜和丸麻子大。每服五七丸，
临卧熟水下，未动加丸数，服此疏利极稳之药。

治小儿痰壅肚热诸病。

以鸡子、乱发熬良久，得汁与服之，良。

枳壳汤 治痰实肚热，心膈烦闷，气不调
顺，不早治，恐生惊痫。

枳壳一两，去穰，麸炒 干姜半两，炮 甘草半两
前胡去芦，一两 木香一两 半夏一两洗，七次

上为末，每服一钱，水一小盏，生姜三片，
陈皮一片，煎至六分，去滓温服，不拘时候。

温脾丸 治脾胃宿冷，口角涎流。若涎渣颐
颌，口角生疮，名曰滞颐，别立于后。

丁香一两 木香一两 半夏一两，用生姜六
两，同杵烂，炒令黄 青皮去穰，半两，炒 白术半两
干姜半两，微炒

上为末，炼蜜和丸黍米大。每服十丸，米饮
下，不拘时候。

丁香汤 治如前。

丁香一两 白术半两 肉豆蔻面裹煨，半两
半夏半两，白矾水浸一宿，洗净，炒黄 干姜半两，
炮 甘草半两 人参去芦，半两

上为细末，每服一钱，水八分，姜二片，煎至
五分，去滓温服，不拘时候。

治小儿口中涎出，以白羊屎纳口中。

麻黄汤 治小儿风中肺经，喘急肩息，气上
不安。

麻黄去根节，二两 半夏 生姜各二两，制面
甘草一两 桂心半两 五味子去枝梗，半升

上取咀，每服二钱，水一盞，前六分，去滓
服，无时。

马通粟粒丸 治小儿喘急肩息气逆，肋下
作痛，寒热往来，不进乳食，渐成羸瘦。

马通中粟粒三分 杏仁汤浸，去皮尖 紫菀
去芦 细辛去苗，各半两 石膏 秦艽去芦 半
夏汤炮七次 茯苓去皮 五味子去枝梗，各一分

上为末，炼蜜丸小豆大，每服十丸，生姜汤
下，日三服，加至十二丸，不拘时候。

小儿卫生总微论方卷第十五

黄疸论

小儿有身体肌肤面目悉黄者,此黄病也。因将息过度,饮食伤饱,脾胃受热,与谷气相搏,蒸发于外。脾胃象土,其色黄,候肌肉,故为是病也。慎不可灸,灸则热转甚矣。若身体痛,背膊强,大小便涩,腹胀满,一身尽黄,及目睛爪甲皆黄,小便如屋尘色,著物皆黄,此疸病也。若发渴小便涩,腹满脉沉细,为难治也。黄病者稍轻,疸病者极重。又有自生下,面身深黄者,此胎疸也。因母脏气有热,熏蒸于胎故也。经言诸疸皆热,色深黄者是也。若身微黄者,胃热也。若但面黄腹大,渴面食泥土者,脾疳也。此二项各在本病具之外。黄病疸病,叙方于后。

三黄散 治黄病。

川大黄一两,锉碎,微妙 黄芩半两 黄连去须,半两

上为细末,每腹一钱,水一盞,煎至五分,去滓放温,食后,时时服。

子芩散 治如前。

黄芩 栝蒌根 茯神去心肉木,各一两 甘草炙 胡黄连各半两

上为细末,每腹一钱,水一盞,煎至五分,去滓温服,不拘时候。

韭根汁 治如前。

上杵韭根取汁,滴儿鼻中,大豆许。

丁香散 治黄病遍身如金色。

上六月六日收瓜蒂四十九个,丁香四十九个,入干锅子内,火烧烟尽,取出放冷,研细末,每用半字吹鼻中,及揩牙。

蔓菁子汁 治如前。

上以蔓菁子汁,水和服之,半钱或一钱。亦治疸病。

猪苓通草散 治黄病透明黄肿。

木猪苓去黑皮 通草涂蜜炙干,各等分

上为细末,更入研细麝香、去土地龙末各少许,拌匀,每服半钱或一钱,米饮调下,不拘时候,神效。

栝蒌根汁 治小儿忽发黄,而目皮肤悉黄。

上以生栝蒌根杵取汁二合,蜜一大匙,暖焙相和,量儿大小服之,不拘时候。

双连丸 治诸疸病。

川黄连去须,一两 胡黄连一两

上为细末,用黄瓜一枚,切蒂头留作盖子,去穰,入药末在瓜中,却以盖子盖定。用面裹,慢火煨令面熟、焦,去面,杵烂成剂,丸绿豆大,每服五七丸至十丸,温米饮下,量大小加减,不拘时候。

茅煎汤 治黄疸病。

柴胡去苗,净洗,焙干,一两 甘草一分

上取咀,每服二钱,水一盞,白茅根少许同煎至五分,去滓温服,无时。

螺肉酒 治如前。

上取田螺肉一二十个,作刮剝酒服之。

驴乳汁 治婴小热黄胎疸。

上取驴乳汁,少少与服。

客忤论

小儿中客忤者,小儿神气嫩弱,忽有非常之物,或未经识见之入,偶然触而见之,其客气与儿神气相忤以生病,谓之客忤。其候吐下青黄白色,水谷解离,腹痛夭矫,面颜变易,五色不常,状似惊痫。但目不上视,其脉弦急数者是也。若不即治,久则难疗。《圣济经》曰:出处不时,而为客忤,戒其恐见非常人物为病也。《千金》曰:小儿衣帛绵絮及鞋袜中,皆不得令有头发。又青衣不可用白带,白衣不可用青带。或诸不识人物外来者,并当令儿避之勿见。若误有触犯,并令儿患客忤。或有犯而患者,急视其儿口中悬痈左右,有肿核如麻豆大者,便须刺摘令溃之,用绵

缠钗纒头，展去其血，兼服诸药为治。

治小儿客忤，腹痛夭矫，面色变易。

以香豉数合，水拌令湿，捣熟丸作丸子，如鸡子大，用摩儿肉上，及手足心各七遍，及摩儿心脐，上下行转摩之，食顷，破其丸视其中当有细毛即掷弃丸于道中，痛乃便止。

治小儿卒中客忤涂法。

灶中黄土 蚯蚓粪等分

上研细，水调涂儿头上，及五心中大良。

又方 浴法，浴如前。

以马粪三升，烧令烟绝，用酒三升，煮数沸去滓，以浆浴儿。

以豨^①猪粪二升，热汤灌搅，适温暖浴儿。

又方 治小儿客忤服法。

以牛口沫涂乳上饲儿。

以铜镜鼻烧令赤，内酒中，能饮者令自饮，不能饮者含而灌之。

治小儿中客忤，吐青白沫，及乳食皆出，腹中痛，气欲绝者。

以桂心一两为末，一二百日儿以半钱，用水一小盞，煎至五分，去滓，温分四服，不拘时候，量儿大小加减。

又方 治小儿客忤。

上以白僵蚕七枚为末，酒调服半钱至一钱。

又方 治如前。

上取书中白鱼十枚，傅乳头令儿吮服。今人呼为衣鱼。

又方 治如前。

上取驴乳汁少少与服。或以热马屎一块，绞汁饮，咽下即愈。

麝香乳 治客忤项强欲死。

上以麝香少许研细，用乳汁调抹儿口中，如大豆许，良。

又方 治如前。

上以桔梗烧末半钱调服，量大小加减。

治马毒客忤。

上以马尾于儿面前烧，令儿咽其烟气，每日用之，取瘥。

治客忤夜啼襁法。

上用本家厨下烧残火柴头一个，以焦头为

上，朱书云：“吾是天上五雷公，将来作神将，能收夜啼鬼，一缚永不放，急急如令”。书了勿令儿知，立在儿床下，倚前脚里相立之，男左女右。

辟邪膏 治客忤。及治中恶邪厉鬼气，其候似痢，但目不上视倒视，脉弦急，中之卒暴者，立至苏省。

降真香 麝 白胶香 别研 沉香 虎头骨 酥炙黄 鬼臼去毛 草龙胆去芦 人参去芦 白茯苓去心内木，各半两

上为细末，次入研，飞过雄黄末半两，研细麝香一钱，拌匀，炼蜜和丸鸡头子大。每服一粒，煎乳香汤化下，及丸一弹子大，用绿绢袋盛之，带儿衣上。仍于卧处常烧炒。

三疰论

小儿疰病有三。一者鬼疰，小儿神魂气弱，早晚抱持，出人无时，为鬼厉邪气所干。其候皮肤掣痛，游易无常，或心腹刺痛，夭矫闷乱欲死，乃名中恶。甚者卒致于死，缓者延^②引岁月，更变沉滞，以至于死，又注旁人。二者尸疰，人腹中有虫，曰尸疰。小儿血气嫩弱，邪气外伤，留滞身中，尸虫移引，相乘为病。其候沉沉嘿嘿，不知的病之处，或寒或热，或心腹闷痛，涉引岁月，遂至于死。又注旁人。三曰蛊毒疰，谓诸毒虫之中有一能啖其余者，即为之最，名之曰蛊。或因人作，或因引注，随饮食而入^③儿腹中，食人脏腑。其候心腹刺痛，懊闷欲绝，利下无时，或便血片，急者即死。名曰中蛊之毒。缓者涉引岁月，以至脏烂乃死，又注旁人。今叙诸治方于后。

虎头枕 治中鬼气，为游气为魔。

上以虎头骨为枕，与儿枕之。

千金汤 治小儿暴惊啼绝死，因人从外来，邪气所逐，令儿得疾，众医不治。

上以蜀椒、左顾牡蛎各六铢碎之，酢浆一升，煮取五合，分服。

① 豨(豨家)：公猪。雌性动物。

② 延：原作“涎”，据兰陵堂本改。

③ 而入：原作“入而”，据兰陵堂本乙转。

豆豉丸 治中恶鬼气寒热。

上以湿豉丸鸡子大，摩儿腮上及手足心六七遍，又摩心腹脐上。旋旋以言祝之，了即破其豉丸看之，当有细毛弃道中。

又方 治中恶邪鬼气，或于病间忽然而卒绝。

上以生菖蒲根杵烂，取汁灌之。

又方 治如前。

上以羊屎烧烟，以熏鼻中。

又方 治如前。

上视其死者上唇里弦，有核子如黍米，以针挑破之，复苏。

又方 治如前。

上以皂荚末或生半夏末少许，吹两鼻中。

又方 治如前。

上凡中恶邪或魔死者，不得用灯火照之，亦不得近前急唤，或与接气，恐被注染，多致杀人。但只与痛咬脚跟及足，把指甲边，多唾其面，即活。

又方 治如前。

上以好酒浸绵半盏，及手接其汁，灌鼻中。

又法 治如前。

上以芦管吹两耳，并取病人发二七茎，捻作任子，刺鼻中。

又方 治中恶鬼邪。游痛如刀刺，或胸肋腹中绞痛急切，手不可近而按摩。

上以好酒灌鼻孔，亦治中恶，吐血下血。

又方 治如前。

上以盐一钱，水一盞，搅和令匀服，并以冷水喷^①之，取吐即瘥。

又方 治如前。

上以蓬茂酒研令服。

又方 治如前。

上以灶下黄土水调服之。

又方 治中恶鬼邪为祟及鬼疰尸疰。

上以桃仁研碎，水煮顿服，当吐即瘥，不吐或吐不尽，病再作。或以桃仁汁，煮米为粥与食。

鳖头散 治尸疰瘦瘠，时发寒热。

上以鳖头一枚，烧灰杵末，新汲水调下半钱。

雌黄丹 治尸疰。

雌黄研，水飞 雄黄研，水飞 川大黄慢火煨，黑色 鬼臼去毛，各一两 麝香一分，研 桃仁三十个，汤浸去皮、尖，研 白头翁去芦，半两 巴豆十个，去皮、膜纸裹，去油尽

上为细末拌匀，以羊脂五两，熔化和药成膏，丸黍米大，每服三五粒，荆芥汤下。无时。

立效散 治尸疰。

川大黄一两，炮，锉 干桃柳叶各一两，洗，焙 梔子仁半两 赤芍药半两 朱砂一两，别研水飞 雄黄一分，别研，水飞 麝香一分，别研

上为细末拌匀，每服半钱，蜜汤调下。无时。

神功散 治中蛊毒。

大甘草半两，生末 晋矾一两，末

上拌匀，新汲水调下一钱或半钱，吐出毒物。效。

雄麝散 专治蛊毒。

雄黄一两，水飞，研 麝香一两，研 羚羊角一两，屑 鬼臼半两，去毛 赤芍药一两 莽苕去芦，半两 败鼓皮一两，炙黄焦 马兜铃根半两

上除雄、麝外，为细末，入二味拌匀，每服半钱，浓煎甘草汤调下。无时。

麝犀汤 治如前。

犀角一两，屑 鬼箭取羽，一两 安息香一两 苦参半两 牡丹皮去心，半两，已上先为末 雄黄一两，研，水飞 麝香半两，研

上拌匀细，每服一钱，水一盞，煎至五分，去滓放温，时时服。

甘草汤 治中蛊毒欲死。

上以甘草半两锉碎，用水一盞，煎至五分，去滓温服，当吐出毒物。

宝灵丹 治中蛊毒。

朱砂一两，研，水飞 雄黄一分，研，水飞 黄丹一分，研 苦药子一分 续随子一分，去皮毛 山豆根一两，生 蜈蚣二条，一条微炙，一条生用 斑蝥一分，去头、翅、足，半生半炒 巴豆二分，去皮膜，出油尽 麝香二分，研

上为细末，拌研匀，干端午日、重九日合之

① 喷(xùn训)，喷水。

最佳。事急者不拘。修合时忌见鸡犬妇人，用糯米粥和丸麻子大。若未能语儿，中毒即休。如能语儿，但将药一粒入门。即患儿先闻其香是验。以腊茶清送下一丸，不得嚼破。须臾患儿必言心头作响声，毒物便下，或从口鼻出，或自大便下，嫩即是血，老即如诸虫状，其形不一，药随物下，凝血中裹之。取出丸，以香水洗净收之，一丸可救四五儿，口噤者拗灌之。如知用蛊之人，即不得根究，必再发，不可治。

治中蛊下血欲死，以蓝捣汁频频服半合。

治中蛊毒，腹中坚痛，而目青黄，淋露骨立，病变无常。

以桃上寄生为末，茶点服，日四五。

桔梗丸 治鬼疰尸疰蛊疰皆疗。

桔梗去芦 藜芦去芦 皂荚去皮子 巴豆去壳心膜 附子各半豆许

上为末，炼蜜和剂，入白杵万下，每服二丸，或一丸如黍米芥子大。仰卧勿侧眠。至食时许，病在膈上者即吐，在膈下者即泻，取下恶物，如蝌蚪虾蟆胎，或长一二尺，下后大虚口干，但作鸡羹饮五合，与极饮。或食粥三四日乃痊，病未除尽，再服。

夜啼论

小儿夜啼者，证候甚多，其所专者，不出三种。一者冷，谓脾脏寒则腹痛而啼，其候面青白，手冷腹肚冷，口中气亦冷，曲腰而啼，不肯吮乳，又有从生下多啼，入夜则甚者，此胃寒也。亦曰胎寒。《圣济经》言积冷而夜啼，夜则为阴。冷则作痛，故夜间痛甚，令儿啼哭也。二者热，谓心脏热则烦躁而啼，其候而赤，小便赤，口中气热，心腹亦暖，仰身而啼，不肯吮乳，又有多惊悸惕跳，或睡中忽然叫啼，此风热也。亦曰惊啼。心主热，其候惊，故热则生惊。又心为火，热则火旺，故热邪燥甚，令儿啼哭也。三者邪祟，谓有鬼气所持，其候睡卧不稳，或作疼痛，且鬼祟者，阴物也，入夜则旺，小儿精神怯弱，血气嫩微，夜间被鬼所持，故令儿啼哭也。外^①客忤虫动，意舌口疮等病，亦皆能为夜啼。其治方各逐本项下具

之，非若此三等之为专也。今叙方于后。

蒜香膏 治冷症腹痛夜啼。

上以大蒜一颗，慢火煨香熟，取出切细研烂，于日中暴，或火上炕半干，可丸时即以好乳香称半钱，研细如粉拌入，再研极匀，丸如芥子大，每服七丸，乳头粘服，或乳汁送下，食空。

当归丸 治如前。

当归去芦，洗净，焙干，拈 白芍药 人参去芦，各一分 甘草炙 桔梗去芦 陈皮不去白，半分

上为细末，每半钱，水煎时时服之。

龙角丸 治小儿五惊夜啼。

龙角一分 黄芩半两 牡蛎一分半，火煨，一作牡丹 蝉蜕去土，二枚 牛黄小豆大，五块 川大黄一分半

上为末，炼蜜和丸麻子大，薄中儿二丸，大小以意加减。

芎藭散 治小儿夜啼，至明则安。

芎藭 白术 防己各半两

上为末，以乳和与儿服，以意量大小多少，又母用手掩入儿脐中，及摩儿头脊，大验。儿生二十日已里，未能服者，以乳和麻子大一丸，置儿口中，乳汁送下。

又方 交道中土 伏龙肝各一把

上同研细，水调少许饮之。

治小儿夜啼。

以蝉蜕去土为细末，用生姜蜜水调涂儿下唇。

又方 治如前。

男左女右，臂上书“尹喜”二字，更于手心内书“天”字一个。

又方 治小儿惊啼夜啼。

以腊月缚猪绳，烧灰，水调服。

以猬皮三寸烧灰，著乳上饮之，疗如物刺啼。

灯花丸 治如前。能祛邪止痛。

以灯花二十个，乳香皂子大两块，同为末，粟米饮和丸芥子大，每服七丸，桃心汤下。无时。

^① 外：此前兰陵堂本有“以”字。

万金散 治脏寒气弱，面色青白，遇夜多啼，状若神祟。

沉香铤 丁香 人参去芦 五味子去枝梗，炒 当归去苳，洗焙，各一两 白术铤 赤芍药各半两 桂心一分

上为细末，每用一钱，淡浆水一小盏，煎至五分，放温，时时滴口中，儿大稍稍饮，立效。

当归散 治胎寒气啼不止，久能变痢。

上以当归为末，每用小豆许，乳汁调抹儿口中，日夜五服。

三黄丸 治热症心燥，夜啼及诸热症。

黄芩半两 大黄去皮，湿纸裹，煨熟，一分 黄连去须，一分

上为细末，面糊和丸绿豆大，每服五七丸，人参汤下，亦治昼啼。

又方 治热烦腹痛夜啼。

上以真牛黄少许，如小豆大，乳汁化服。又于脐下书一“田”字，瘥。

又方 治热症心燥夜啼。

上以灯花三两颗，用灯心煎汤，调抹儿口中，乳汁送下，日三。钱氏亦治脏冷夜啼，但顿乳上，令儿吮之。又经验方，以灯心烧灰，涂乳上吮儿。

红桃散 治风热体如汤火，夜啼不乳。

天南星二个，每个中心别作窝子，入朱砂装满，用木盖盖之，水调，取下中心末，涂缝，掘一地坑，顿在内，以炭盖之，用火煨赤，放冷，取出研末 全蝎半钱，为末 白附子大者二十个，为末 膩粉一钱

上拌研匀，每用一字，金银薄荷汤调下。

绿霞散 治如前。

柏叶二钱，末 蝎末一钱 天南星炮过，为末，一分 白僵蚕去丝、嘴，末，一钱 郁金末一钱 雄黄末，一钱，水飞

上拌匀细，每服一字或半钱，薄荷、蜜水调下，无时。

前胡丸 治风热气啼。

上以去芦前胡为末，炼蜜和丸小豆大，日服一丸，熟水下，服至五六丸，即瘥。

牛黄膏 治儿睡着时，忽然乍惊哭而觉，而赤口干，状若神祟，此虽夜啼，非名夜啼也，乃风

热邪气乘心脏而作，名曰惊啼。

真牛黄研 煨过牡蛎粉 朱砂研，水飞 雄黄研飞，各一分 人参去芦 甘草炙，各半两 龙脑半分，研

上为末拌匀，炼蜜和膏鸡头子大，每服半粒或一粒，薄荷汤化下，乳食后。

安神丸 治如前。

麦门冬去心，焙 马牙硝 白茯苓 干山药 甘草半两 寒水石研，各半两 朱砂一两，研，水飞 龙脑一字，研

上为细末，炼蜜和丸鸡头子大，每服半丸，沙糖水化下，无时。

虎睛散 治惊惕夜啼。

上以虎睛为散，竹沥调少许，抹口中。

又方 治如前。

上取车辖脂小豆许，纳口中，又取纳脐中。

又方 治如前。

上以父乱头发烧灰研末，酒调服一字，更量大小，温水亦得。

又方 治如前。

上以鸡粪白烧灰研末，米饮调服。

明砂丸 治心神不宁多惊，心腹疼，夜啼不止。

朱砂通明者，一钱 杏仁十四个，去皮、尖，炒黄 好坏子半钱

上为末，软饭和丸黍米大，每服三五丸，薄荷汤下。

麝香散 治惊啼夜哭，发歇不止。

上以麝香研细，用半字，清水调下，日二三服。

铁涎膏 治诸惊夜啼。

丁头代赭石半两，火煨醋淬，不记遍数，以易碎为度 铁胤粉一钱 白附子一钱 辰砂一钱，水飞 麝香一字，研 龙脑一字，研

上为细末，拌匀，蒸枣烂和成膏，旋用，婴孩半皂子许，至二三岁一皂子许，金银、薄荷汤化下，不拘时候。

七宝轻膏丹 治惊啼夜哭及诸热等疾。

螺青半两 蛤粉一分 钩藤炒为末，一钱 白附子三字 铅僵灰二钱 丁香一字，炒 天竺

黄一钱

上为细末，入麝香半皂子许，研细拌匀，米粉煮糊和丸豌豆大，每服一丸，薄荷汤磨水下。无时。

又方 治夜间卒惊啼哭，似有痛处，而不知疾状。

上取雄鸡冠血，临儿口上，滴少许入口中。即瘥。

又方 治如前。

上以乱发烧灰为末，涂乳上令儿吮之，能食者饮调亦得。

甑带法 治鬼祟邪厉夜啼。

上取甑带悬户上。

又方 治如前。

上以胡粉水调二大豆许与服，日三。

马骨末 治小儿诸夜啼。

上以马骨为细末，傅母乳头上，令儿吮服，即止。

又方 治如前。

上取狼粪中骨烧灰，研为细末，服黍米许，便止。

又方 治如前。

上取鸡窝中草，安于卧席之下，勿令乳母知之。

诸汗论

小儿有遍身喜汗出者，此荣卫虚也。荣卫相随，遍行经络，营周于身，环流不息，荣阴卫阳。荣虚则津液泄越，卫虚则不能固密，故喜汗出遍身也。钱乙用香瓜丸。若睡中汗出，不自知觉者，此肌肉虚而盗汗也。如盗者窃物，使人不知觉也。又有但额上汗出者，此厚衣温暖，将养过宜也。上二项，钱乙并用止汗散。若上至头、下至项有汗而不曾过胸者，此六阳虚汗也。六阳脉皆上至于头故也。若上至项下至脐有汗者，此胃虚汗也，当与补胃。昔钱乙治张氏三子，大者喜遍身汗出，次者汗上至项下至脐，小者但头面有汗，至项下而无。他医以麦煎散治之不效。遂请乙治之。大者与香瓜丸，次者与益黄散，小者与

石膏汤，各五日而愈。钱乙治方，本集载之，外收诸方叙之后。

沉香黄芪散 治荣卫虚，遍身喜汗。

沉香锉 绵黄芪锉 人参去芦 当归去芦并净，焙 赤芍药已上各一两 木香 桂心各半两

上为细末，每一大钱，水一小净盏，入生姜三片，枣一枚，同煎至半盏，去滓放温，食前时时与服。

苁蓉丸 治血少喜汗。

肉苁蓉一两，酒浸一宿，刮去外皮，炙干 鳖甲一两，酥炙黄，去裙襕 绵黄芪半两 何首乌半两

上为细末，炼蜜和丸黍米大，每服十丸，米饮送下，食前。

木槿花 治盗汗。

上取木槿花开而再合者，焙干为末，每用一钱，猪皮煎汤调下，食后临卧。

牡蛎散 治盗汗。

牡蛎一两，煨赤 麻黄根二两，锉 甘草半两 上为末，每用二钱，以野水一盞，煎至七分，去滓放温服。无时。

升麻汤 治肌热盗汗。

升麻 绵黄芪去芦 人参去芦，各一两 熟干地黄 天竺黄研 牡蛎粉研，各半两

上为细末拌匀，每服半钱或一钱，煎竹叶汤调下，无时。

柴胡人参散 治如前。

柴胡去芦 人参去芦 白术 白茯苓 青皮去穰 桔梗去芦 麦门冬去心 川芎 白芍药 甘草炙 桑白皮 升麻

上等分为末，每服一钱，水一盞，煎至七分，温服，食后。

紫苏饮 治肌热烦躁，多渴盗汗，揉鼻腹满。

柴胡去苗 藿香去土 甘草 乌梅肉 紫苏叶去土 干葛 人参去芦 茯苓 麦门冬去心 秦艽去芦 地骨皮去骨 防风去芦并叉枝

上等分为末，每二钱，水一盞，煎至七分，去滓放温，时时呷。

沉香鳖甲丸 治潮热盗汗。

沉香锉 草龙胆去芦 鳖甲童子小便浸一

宿，余酥炙焦，去裙襖，各一两 绵黄芪一两，锉 川黄连去须，半两 川大黄半两，微炮

上为细末，炼蜜和丸黍米大，每服十丸，用麦门冬去心煎汤送下。无时。

柴胡黄连膏 治盗汗潮热往来。

柴胡去苗 胡黄连等分

上为末，炼蜜和膏丸鸡头子大。每一二丸银器中用酒少许化开，入水五分，重汤煮二三十沸，放温服。无时。

黄芪散 治虚热盗汗。

牡蛎粉 黄芪 生于地黄焙干，等分

上为细末，每服一钱，水一小盏，煎至六分，去滓温服。无时。

虎杖散 治实热盗汗。

上以虎杖锉细，水煎服之，量大小多少与服。

黄连粉 治盗汗。

黄连去须 牡蛎粉 贝母去心，各等分，为细末

上如三味各一两，即入米粉一两，研匀细，以粉身。

龙胆粉 治如前。《千金》治头汗。

牡蛎粉 茯苓各二两

上同为细末，于生绢袋子盛之，有汗即扑身。

牡蛎粉 治诸汗。

牡蛎粉二两 麻黄根 赤石脂 糯米粉各一两

上匀为细末，入龙脑末一钱拌之，每服一匙头，新绵包扑有汗之处，止盗汗最佳。

又方 名同，治同。

牡蛎粉二两 麻黄根一两 蛇床子 干姜各半两

上同为细末，用如上法。

治小儿脏热多汗，犀角饮子。

犀角屑三分 茯神去心内木 龙齿各一两 麦门冬去心，一两半 甘草半两 白术一分

上为末，每服一钱，水一盏，煎至七分，去滓温服。无时。

不语论

小儿有不能语者，其证有三。一者心气不足，心系舌本，气营而举之，则舌本动而语声作矣，今气怯而不能营用于舌，故不能语也，此证已在五气项下具之。二者卒不能语，因风寒之邪，干于哑门，连络舌本，使舌本紧急，故卒不能语也。又一证喉咙为气之道路，会厌为声之门户，暴为风客于喉厌，则失音而语声不出，非不能语也。三者因病后不能语，此因服清药以利小便，致肾虚而不能上接于阳，故不能语。昔钱乙治王氏慢惊病愈后，有声而不能语，众以为失音。乙曰：既失音何开目而能饮食，又牙不噤，口不紧，而能咽药，众医皆不晓。乙曰：此因用清药利小便，致虚肾气，不能上接于阳故也，遂用地黄丸补肾，而渐渐能言，一月而愈。其方本集载之，外收方具后。

菖蒲散 治感风寒客于哑门，卒不能语。

菖蒲 桂心 远志去心，甘草水煮，各一分

上为细末，每一钱，水一钟，煎至五分，温服无时。

桂散 治风寒客于喉厌，语声不出。

川芎三分 远志去心，甘草水煮，三分 麦门冬去心，三分 人参去芦，半两

上为细末，炼蜜和丸小豆大，平旦空心米饮下五丸，日三，儿大加之，久服取效。

渴论

小儿有渴而饮水者，此因脏腑有热，热则脏燥，故多体热发烦，亡耗津液，即令作渴，欲饮水以解之也。又有疳渴，吐泻发渴，霍乱发渴者，各逐本项具之。阎^①孝忠云，凡小儿诸渴，因亡失津液引饮者，但多煎钱氏白术散与服，使任意取足饮之，弥多弥好，其方本集所载。热渴者叙方于后。

莲汤散 治婴小发渴心燥。

① 阎：原作“闵”，据兰陵堂本改。

上以粉霜研极细，每婴孩一字，三四岁下者半钱，煎莲花汤调下，冬月无花时莲肉代之。

香葛汤 治渴甚津液燥少。

木香 干葛根锉 人参去芦，各一两 白茯苓 藿香叶去土 甘草炙，各半两

上为细末，次用麝香半钱研细，人药拌匀，每服半钱，或是一钱，生姜汤调，温服无时。

葛根汤 治体热烦渴。

葛根 人参去芦，各一两 麦门冬去心 白茯苓 泽泻 甘草炙，各半两

上为细末，每服一钱，水八分，入生姜二片，薄荷三叶，煎六分，去滓温，量大小服。无时。

凉肌丸 治肌热脸赤，烦渴燥闷。

草龙胆去芦，二两 玄参去芦，一两 当归去芦，洗净，一两

上为细末，炼蜜和丸绿豆大，每服一二十丸，竹叶汤下，无时。

葛根饮子 治热渴久不止。

上以葛根半两锉碎，水一盞，煎至六分，去滓，频频服。无时。

神蛎散 治一切诸渴。

上以大牡蛎于腊日、端午日，用黄泥裹，煨通赤，放冷，去泥为细末。取活鲫鱼煎汤调下半钱，只一二服，瘥。

治小儿热渴久不止。

上以石莲心三十个，炒黄，浮萍一分，水一钟，生姜少许，同煎至六分，去滓，每服半合，徐徐服。

血溢论

小儿诸血溢者，由热乘于血气也。血得热则流溢，随气而上，从鼻出者为衄衄，从口出者多则为吐血，少则为唾血，若流溢渗入大肠而下者，则为便血，渗入小肠而下者，为溺血。又有血从耳目牙缝龈舌诸窍等出者，是血随经络虚处著溢，自皮孔中出也。今叙方于后。

盆消一分，研 乱发一分，烧灰研 红蓝花一分，为末

上同匀细，以绵缠子搵药塞鼻孔中。

槐花散 治如前。

槐花一两，炒 蒲黄半两 川面姜一分
上为细末，每服半钱，新水调下。无时。

又方 治如前。

上以滑石为细末，饭丸萝卜子大，每服三二十丸，微微嚼破，新水咽下，未能嚼者，槌之。

又方 治如前。

上以生萝卜锉碎，研取汁，入酒相当，量大小温服，立止。

华盖散 治唾血吐血。

阿胶半两，蛤粉炒，如珠子，去蛤粉 黄芩一分 人参去芦，一分

上为细末，每服半钱，陈米饭调下，无时。

紫参散 治如前。

紫参 山梔子仁 生干地黄各一两 荆芥烧灰 乱发烧灰 蒲黄研 伏龙肝研，各一分

上拌细匀，每服半钱，或一钱，煎竹茹汤调下。无时。

黄连散 治吐血。

上以黄连一两，去须为细末，每服一钱，水七分，人豉二十粒，同煎至五分，去滓温服。无时。

又方 治如前。

上以蒲黄细研，每服半钱，用生地黄汁调下。无时。

又方 治如前。

上以蛇蛻皮炒焦黄为末，乳汁调下。

又方 治如前。

上以黄明胶、新绵各一两，并烧灰研为细末，每服半钱或一钱，糯米饭调下，日三。

又方 治如前。

上以灯心净碗内烧灰，以物盖之，研为末，每服半钱或一钱，麝香汤调下。

甑带灰 治大便下血。

上以甑带烧灰研末，涂乳下，与儿吮之，南人以蒲为甑带，久经蒸溜，或败烂者良。

又方 治如前。

上以车缸烧赤，纳水中饮服。

又方 治如前。

上取雌鸡翅下血与服，或以鳖头一枚，炙黄

黑为末，饮调半钱服。

车前散 治小儿尿血。

车前子一分 牡蛎半两，煨为粉 甘草一分，
炙 川朴硝一分

上为细散，每服一钱，水一小盏，煎至五分，
去滓温服。

又方 治如前。

上以甘草二两，炙黄为细末，炼蜜和丸绿豆
大，每服五七丸，温水下，日二，或生锉，以水六
合，煎取二合，去滓服。

神白散 治诸吐衄便溺等血妄出。

槐花半两，微炒 蛤粉一两

上为细末，每服半钱或一钱，煎柳枝汤调
下。

青龙丹 治小儿热盛，一切血妄行，神效。

甘草 贯众 茯苓 干葛 龙脑 薄荷叶
藿香各一两 缩砂五两，去皮 山茵陈叶 寒
水石各六两

上为细末，而糊和丸樱桃大，别研青黛为
衣。

又方 治诸血妄行，从耳目口中鼻中出。

上以赤马粪烧灰，研为细末，温酒调下一字
或半钱，看大小与服。

地黄散 治舌上出血如针孔。

生熟地黄一两 明胶半两，炒

上为末，温汤调下一二钱。

又方 治如前。

上以豉一合，水一盏，煎数沸温服半盏，或
一盏，亦治下血。

又方 治如前。

上以小豆一合为末，水三盏，和搅汁饮之。

戎盐丸 治舌上有数黑孔，血出如涌泉。

戎盐 黄芩 黄柏 大黄各二两半 人参
桂心各一两 甘草半两，炙

上为细末，炼蜜和丸绿豆大，饮下五七丸，
日三，如舌上孔穴大，血不止者，仍烧铁烙之。

苦竹叶汁 治牙齿龈缝间血不止。

上以苦竹叶不拘多少，水煎浓汁，入盐少
许，通口漱盥。

又方 治如前。

上以童子小便半盏暖热，通口漱盥。

嚏法 治九窍四肢指岐间皆出血，此暴惊
所致。

上勿令患人知觉，以并花水猛嚏其面。

治小儿尿血。

以鹊巢烧灰，并花水调服。

以川升麻五分，水五合，煎取一合，去滓。一
岁儿日服尽。

小儿卫生总微论方卷第十五终

小儿卫生总微论方卷第十六

寒热论

小儿寒热者，由风邪外客于腠理，痰饮内渍于脏腑，致血气不足，阴阳更胜而所作也。阳胜则发热，阴胜则发寒，阴阳交争，邪正相干，则寒热往来，时发时止，然此症与疟相似。而发寒不致战栗，发热不致闷乱，所以异也。今叙方于后。

人参前胡散 治寒热往来。

人参去芦 柴胡去苗，各一两 前胡去芦，一两
桔梗去芦 半夏汤洗七次，焙干 地骨皮去骨
甘草炙，各半两

上为细末，每一钱，水一盞，人生姜二片，煎至半盞，去滓服，无时。

秦艽汤 治如前。

秦艽去芦，一两 鳖甲一两，醋炙焦黄，去裙襕
大黄半两，锉碎，微炒 竹茹一分 麻黄去根节，半两 甘草一分

上为粗末，每服一钱，水一盞，人葱白二寸，煎至五分，去滓温服，无时。

又方 治如前。及治赤气中人。

上以猪后蹄烧灰研末，以乳汁调服一钱，治中热亦佳。

香甲散 治寒热肌瘦。

木香一两 鳖甲一两，酥炙黄，去裙襕 川大黄半两，锉，微炒 当归去芦，洗净，焙，半两 槟榔三个 陈皮汤浸，去白，焙，称，半两 柴胡去苗，半两 知母半两 甘草半两

上为粗末，每服一钱，水一盞，生姜二片，煎至六分，去滓温服，无时。

二姜丸 治痹疾发寒热似疟。

干姜 良姜各等分

上细锉，同炒黄，为细末，饴饼和丸绿豆大，每服三五丸，煎杨、柳枝汤送下，空心服，亦治疟。

冬瓜汁 治生下至五月以里，乍寒乍热，往

来无时。

上以冬瓜炮熟，绞汁与服，或锉柳枝，煮汁浴儿。

疟病论

疟病者，由夏伤于暑，客于肤里，致肌腠虚隙，至秋又寒湿乘之，动前暑热，邪正相搏，阴阳交争，会遇有时，更相胜负，阳胜则发热，阴胜则发寒。阴阳互胜，则发寒热。热则烦躁闷乱，寒则慄栗战悚。阴阳会遇，交争已过，邪正相离，则寒热俱歇。若邪动气至，又复发作。故疟休作有时也。其发晏者，邪正会遇迟也。其发朝者，邪正会遇早也。其间日发者，邪气入深而行差迟，不能日作，故间日乃发也。今叙方于后。

桃仁汤 治小儿发疟不止。

桃仁汤浸，去皮、尖，并双仁者，麸炒黄，一两
鳖甲一两，酥炙黄，去裙 桂心半两 黄芩半两
川升麻半两 赤茯苓去黑皮，半两

上为粗散，每服一钱，水一小盞，煎至五分，去滓温服。无时。

灵豆膏 治如前。

大蒜一枝，去皮，研 巴豆三斤，去皮心

上同湿纸裹，煨熟，一处研为膏，丸麻子大。每服二三钱^①丸，醋汤送下，吐泻即瘥。后用藿香汤^②补之。

藿香汤

藿香去土 肉豆蔻面裹煨 甘草各一分

上为细末，每服半钱，水一盞，煎至七分温服，连服三服。无时。

朱衣使者 治如前。

砒半两，细研 绿豆末一分 黑豆末一分

上同研匀细，滴水丸黍米大，辰砂为衣。间

① 钱，兰陵堂本作“五”。

② 汤：原缺，据兰陵堂本补。

日发者，于好日夜临卧时，面北冷醋水送下二丸。频日发者，只于当日夜服如上法。儿极小者与一丸。端午日合佳。

又方 治如前。

上以生鹿角为细末，发已前乳汁调服一字。

又方 治如前。

上以鸡脰中黄皮炒极燥为末，乳汁服之，男雄女雌。

又方 治如前。

上以蛇蛻皮一两，取每条长五寸以上者，烧灰存性，研细末，每服一钱，新水调下，未发前服。三岁上半钱，以下者一字。

又方 治如前。

上以黄丹二分，蜜水和之与服，如冷者以酒和，冷服。

万金丹 治痰盛挟积，发疟久不瘥。

阿魏一钱，汤化去砂石，和面作饼，煨熟锉细，炒干 朱砂一分，研，水飞 砒霜一钱，用醋半盏，慢火上蒸醋尽 丁香半两 巴豆七个，去皮膜，油尽取霜 木香半两 相思子十四个

上为细末，炼蜜和丸黍米大，未发前新水下一二粒，一岁加一粒，至十岁上止十粒，绝早服，忌热物一时辰。

知母丸 治疟疾热甚者。

知母一两，微炒 鳖甲一两，酥炙焦，去裙襕 川大黄一两，细锉，微炒 朱砂一钱，水飞，研 赤茯苓去黑皮，一两 川芒硝半两 川升麻半两 龙脑一钱，研

上为末，拌匀细，炼蜜丸黍米大，每服五七丸，生姜汤送下，得利即愈，量大小加减。

小儿温疟 灸两乳下一指三壮，壮如小麦大。

恒山汤 治小儿疟疾。

恒山一两，锉 小麦三合 淡竹叶切，一升

上为粗末，水煎去滓，腊中儿服一蚬壳，半月者二蚬壳，满月者半小合，以意增之。

乌梅丸 治疟疾寒甚者。

乌梅肉一两，焙干 母丁香半两 桂心半两 当归去须，洗鸡，半两 干漆半两，炒，烟出尽

上为细末，入研细麝香末半钱拌匀，炼蜜和

丸黍米大，每服十丸粥饮下。

茶清散 治诸疟疾。

人言一两 黑豆一升 河水四升

上同煮至水尽，炒干为末，每服一字或半钱，热多者腊茶清调下，寒多者草茶清调下，间日者于发夜临卧服，频日者但临卧，忌热物一时辰，此方宜斟酌。

鬼见愁 治乳奶婴小患疟，无计可治，服此的验神应。

代赭石用丁头五粒，火煨，醋淬十次，研极细 朱砂透明块子，半钱，水飞 砒霜皂子大

上三味，用湿纸七重裹，慢火内煨至纸干，取出顿地上出火毒，次入腊麝各半字，金箔五片同研，共为细末，每一字，于发日早以麻油一滴，调药傅鼻尖上。立止。

草果子汤 治脾寒发疟。

草果子三个 甘草五寸 大枣七个

上并锉碎，分三服，水一盞，煎至半盞，放温服，更量大小加减。

符法治诸疟仙擦遣

上于发日不得梳头洗面、嗽口，及弄水浆，日出时用朱砂书上第一字，于净纸上剪下，于两脚心、于两手心、两颊上、并额上、并前后心共九处帖了，然后吃饮食。如未止，书第二字，永除根本，鲜有书及第三字者。

弄舌论

小儿弄舌者，其症有二。一者心热，心系舌本，热则舌本干涩而紧，故时时吐弄舒缓之。二者脾热，脾络连舌，热则舌亦干涩而紧，故时时吐弄舒缓之。皆欲饮水，心热则发渴，脾热则津液耗，皆引饮。二症相似，宜加审别。心热者面赤，睡即口中气热，时时烦躁，喜就其冷，咬牙上窜，治宜退热。脾热者大便稠硬，赤黄色，面黄身亦微黄，治宜微道之。不可用冷药，又不可转下。若误下之，则脾胃虚，津液耗，又加五心烦热，面黄肌瘦，变为疳也。若大病未已，用药弄舌者，大凶也。今叙方於后。

人参知母散 治心热弄舌。

知母一两 蓝叶半两 人参去芦，半两 钩藤一分 川升麻一分 干葛一分 黄芩一分

上为细末，每服一钱，水八分，入竹沥三两滴，煎至五分，去滓温服，无时。

泻黄散 治脾热弄舌。

藿香叶去土，七钱 山栀子仁一两 石膏半两 甘草三两 防风去芦，并丫枝，切焙，四两

上并锉，以蜜酒洒拌匀，炒香燥，为细末。每服一钱，水一盞，煎至六分，去滓故温，取清汁服。一方有山药二两。

魃病论魃音奇

小儿魃病，其论有二。一者《圣惠》云：小儿生十余月已后，母又娠，因以乳儿，令儿生病，其候精神不爽，身体痿痺，骨立发落，名曰魃病，又曰继病，又曰交奶。二者《巢氏》云：小儿在母胎妊之时，其母被恶神导其腹中胎气，至儿生下，往往疝羸，微微下利，寒热往来，毛发焦竖，多嗔不悦，其候颇似于疳。今叙方于后。

虎骨丹 治魃病。

虎头骨涂酥炙黄，一两 鬼白一两 草龙胆去芦，一两 鬼箭取羽，一两 琥珀半两，令研 白胶香半两，令研

上为细末，同研匀，炼蜜和丸黍米大，每服十粒，乳香汤送下，无时。

又方 治如前。

上取伏翼，蝙蝠是也。烧灰研细末，粥饮调下半钱，日三，若炙令香熟，嚼烂哺儿，亦效，如得重一斤者尤佳。又得黄精自然汁，涂炙之。最良。

又方 治如前。

上取百劳鸟毛，与儿带之。又名博劳，又名鸚^①。

骨蒸论

小儿自周晬已上，至十余岁，血气隆盛，因厚衣温燠，将养过宜，食羊肉肥甘果食诸物，脏腑生热，熏蒸肌骨，身体发热，夜有盗汗，渐渐瘦

悴，乃成骨蒸，若不即治，则为急劳，今叙方于后。

秦艽散 治潮热蒸瘦减食。

秦艽去芦，切焙 甘草炙，各一两 干猫儿薄荷叶半两，不见火

上为粗末，每服一二钱，水一中盞，煎至七分，去滓温服，食后。

地骨皮汤 治骨蒸体热肌瘦。

地骨皮去骨 胡黄连各一两 鳖甲涂酥炙黄，去裙尽 柴胡去苗 犀角锉，取屑 嫩桃枝锉 川大黄炮 知母各半两

上为细末，每服一大钱，水一盞，煎至五分，去滓温服，无时。

麦煎散 治童男室女，骨蒸肌热盗汗，减食痿瘦。

鳖甲醋炙，去裙襴 大黄纸裹，煨熟 恒山柴胡去苗 赤茯苓去黑皮 干生漆炒烟尽 当归去芦，洗净，酒浸一宿 白术 生地黄 石膏各一两 甘草半两，炙

上为末，每服一钱，水一盞，入小麦五十粒，煎至六分，去滓温服，食后临卧，有虚汗者，加麻黄根一两。

连芩散 治骨蒸肌瘦，渐为急劳。

黄连去须，一两 秦艽去芦，一两 天灵盖一枚，涂酥炙黄 甘草半两，炙

上为细末，每服半钱，粥饮调下，无时。

腹皮青黑论

小儿腹肚皮腠虚薄，为风寒邪气所乘，而真气微弱，不能滋其其血气，失於荣养，致邪气著而不去，故腹皮卒然青黑也，此候危恶，今叙方於后。

二圣散 治腹肚皮肤，忽然青黑。

上以胡粉、苦参各一两，为细末，每服一钱，温酒调下，兼涂患处。

又方 治卒腹皮青黑，不能喘息，宜急用此

^① 鸚(jū局)：鸟名，即伯劳，背灰褐色，尾长，上嘴钩曲，捕食鱼、虫、小鸟等。益鸟。遍布我国南部诸省。

方。

·上以大青为末，纳口中酒送之。

又方 治卒腹皮青黑，不急治，须臾即死。

上以酒和胡粉涂之，干则再涂，仍於脐四边各半寸，并鸠尾下一寸，共五处，各灸三壮。

难乳论

小儿难乳有二。一者儿初生，客风邪热中脐，流人心脾之经，即令舌厚唇燥而急，口不能乘乳，故乳而不能吮饮也。二者儿初生时，拭掠口中秽血不及，咽而入腹，则令儿心腹痞满，短气促急，故口不能吮乳饮之也。今叙方于后。

五福化毒丹 治心脾经热，舌厚唇燥，急不能乘乳。

生干地黄焙，称 熟干地黄焙，称，各半两
天门冬去心，称 麦门冬去心，称 玄参去芦 甘草炙 甜硝各三钱 青黛一钱半

上先六味为细末，后研入硝、黛拌匀，炼蜜和丸鸡头大，每服半丸或一丸，食后水化服之无时。

又方 治儿饮乳不快，喉舌似紧，不相从顺。

上以沙牛角烧灰存性，研细末涂乳上，放儿口中，捻汁饮吮咽下。

又方 治胸腹痞满，短气促急，不能饮乳。

上取鸡子壳烧灰，酒服半钱。

又方 治心胸热痞，饮乳不快。

上以生葛根杵烂，绞汁饮灌之。如无，以干葛煮灌之，亦得。

治小儿不能乳。

上以雀矢四枝末之，著乳上，令吮之，儿大增服。

治小儿初生不饮乳及不小便。

上以乳汁二合，葱白一寸四破，于银器内煎取一合，药注灌之，立效。

大小便论

小儿大便有秘涩者，有不通者，皆由腑脏有

热，乘于肠胃，胃热则津液少，少则粪燥结实而硬，大便难下，则为秘涩，甚者则不能便，乃为不通也。小便有滴沥者，有不通者，由小肠与膀胱有热，二经俱主水，水入小肠，传于膀胱，循水道出而小便也，热气乘之，则水耗少而行沥，故滴沥而下也，甚者水道干而不通也。若热入小大肠，则皆壅滞，不得宣利，故大小便俱不通也。

金花散 治大便秘涩便难。

皂角仁一钱，炒 槟榔一个，生 甘草一钱

上为细末，每服一字或半钱，沙糖熟水调下。

柏子仁膏 治如前。

柏子仁拣净 松子仁 胡桃仁各等分

上研和膏，每弹子大，热汤化下，未快再服。

人参荆芥汤

上以人参、荆芥各自为末，每用人参末半钱，荆芥末一钱和匀，水一盏，煎至七分，放冷，量大小时时与服。

木香粗散 治大便不通。

木香 诃子煨，取皮，等分

上为粗末，每半钱或一钱，水煎去滓，故温时服。

又方 治如前。

上为粗末，每半钱或一钱，水煎去滓，故温时服。

又方 治如前。

上以猪苓一两为末，水少许，煮鸡矢白汤调下一钱，瘥。

又方 治如前。

上以酵不拘多少，先搦干曝为末，面糊为丸绿豆大，每服五七丸，至十余丸，量大小米饮下。

木通散 治小便涩滞滴沥，不得通快。

木通 滑石 甘草炙 焰硝研，各半两 三叶草一分

上为末细匀，每服一字或半钱，沸汤点服，乳食前。

滑石散 治如前。

滑石 瞿麦 葵子炒 芸薹子 甘草炙 山梔子仁 郁金 海金沙炒，各一钱

上为细末，每服半钱，煎灯心、葱汤调下，乳

食前。

如圣散 治如前。

海金沙炒 滑石等分

上为细末，每服一字或半钱，煎灯心汤调下，乳前食。

八正散 治如前。又治心经邪热，又治热淋。

瞿麦 木通 山梔子仁 地扁竹 车前子
甘草 滑石各三钱 大黄一钱半

上为细末，每服一钱，水七分，入薄荷二叶，同煎二分，去滓温取，无时。

治小儿小便不通，三日欲死。

葵根一握，锉 壁鱼七枚，别研

上以水一大盏，煎葵根取汁六分，入壁鱼末，再煎三五沸，去滓放温服。

治小儿小便赤涩不通。

蒲黄 滑石各等分

上研匀细，每服一钱，煎灯心汤调下，沙糖水亦得。亦治淋痛，乳食前。

治小儿卒不得小便。

以盐安脐中灸之。

治小儿小便赤涩不通。

滑石二两 木通一两 葵子一合

上为粗散，每服一钱，水一小盏，煎五分，去滓温服，无时。

冬葵子散 治小儿卒小便不通，小腹急闷。

冬葵子一两 木通半两

上为粗末，每服一钱，水一小盏，煎至五分，去滓，不拘时候。

捻头散 治小便不通。

延胡索去皮 川苦楝去核

上为细末，每服半钱或一钱，捻头汤调下。如无捻头，即于汤中滴油三两点，食前服。

一方车前草、小麦各一升，水二升，煮取一升二合，去滓，煮粥服，日二，量儿大小加减。

葶苈散 治如前。

葶苈半两，炒 青皮去穰，炒黄，半两

上为细末，每服半分或一分，空心姜汤调下，乳食前。

僵蚕散 治如前。

白僵蚕炒，去丝，嘴 当归去芦，洗净，等分

上为细末，每服半钱或一钱，煎车前子汤调下，亦治血淋。若沙淋者，煎羊蹄草汤调下。无时。

又方 治如前。

上以绵黄芪为末，每服一钱，水一盞，煎至五分，温服无时。

又方 治如前。

上以乌榔肉为末，每服一钱，水调服。神效。

又方

上以地扁竹煎汤，放温服，如熟水饮之，效。

白术膏 治小便涩滞不通，胸腹痞满。

白术半两 白茯苓一分 泽泻半两 人参去芦，一分 滑石一分

上为末，炼蜜和膏，每皂子大，米饮化下，亦治脾胃不和，不美乳食。

朱砂散 治小便赤涩不通，心神烦躁。

朱砂一两，研 滑石半两，研 犀角屑半两 黄芩一分 车前子一分，炒 甘草一分，炙

上为散拌匀，每服半钱，煎竹叶汤下，乳食前。

葵石散 治小便不通闷乱。

葵根一握，锉 滑石一两 木通一两 牵牛子半两，炒

上为粗散，每服一钱，水一大盏，入灯心、葱白各少许，煎至六分，去滓放温，食前服。

鸡肠草散 治小肠膀胱有热，小便难涩，服冷药过多，却致小便不能禁止。

鸡肠草一两 牡蛎粉三分 龙骨火煨，半两 麦门冬去心，焙，半两 白茯苓去黑皮，半两 桑螵蛸米泔水煮，半两

上为粗散，每服一钱，水一盞，入生姜二片、枣一个，煎至六分，去滓温服，亦治遗尿，乳食前。

郁李仁丸 治大小便秘涩不通。

郁李仁二两，汤浸，去皮 大黄一两 槟榔三 青皮去穰，半两

上为细末，炼蜜和丸绿豆大，每服十丸至十五丸，姜汤下，无时。

芎黄散 治如前。

芎藭一两 川大黄三分，锉碎，微炒 郁李仁三分，温汤浸，去皮，微炒黄

上为散，每服一钱，温水调下，乳食前。

朱粉丹 治如前。心神烦，腹肋闷，卧中多惊。

朱砂半两，研细，水飞 膩粉一钱 续随子半两

上为末，研拌匀，炼蜜和丸黍米大，每服七粒，温水送下，食后。

木通铤散 治大小便不通。

木通 瞿麦 滑石 山栀子仁各三钱 茯苓去黑皮 甘草各四钱 续随子三钱 车前子一分

上成咀，每服一钱，水一盞，煎至半盞，去滓温服，更量大小加减，乳食前。

红绵散 治如前。

朱砂研，水飞 郁金 轻粉各一分 马牙硝半两

上入麝香少许，研匀细，每服半钱，薄荷蜜水调下，无时。

又方 治如前。

上以滑石为末，每服半钱，清油调如稀糊，再入好酒一茶脚许，搅匀服之，如一时久，未通再服。

又方 治如前。

上以不蛀皂角去皮核，生为末，用二钱，取独头蒜一颗，沙盆内同皂角末磨擦蒜尽，以醋米醋少许和之，捻作饼子，如香花子，贴脐中，立通。

又方 治如前。

上以露蜂房烧灰研细，酒调一钱或半钱，日二。

郁李仁膏 治襁褓小儿，大小便不通。

郁李仁一两，浸去皮 滑石半两，研 大黄去粗皮，取实者一两，锉碎，酒浸半日，捏干炒焦为末

上先将郁李研为膏，和二味丸黍米大，每服一二十丸，量大小与，小者乳汁下，大者薄荷汤下，要疏风热痰实服，但微溲极稳。

五淋论

淋病有五，一曰热淋，血淋。二曰寒淋，膏淋。三曰气淋，四曰劳淋，五曰石淋。五淋之中，小儿有所患者，惟寒、热、气之三症。外劳、石二症，虚极所致，小儿未亲色欲，故无患者。内石淋恐儿本怯肾弱者有之，亦千人^①中无一矣。今并具五淋之症于下。

热淋者，因热乘小肠、膀胱。二经皆主水，水入小肠，传于膀胱，行于水道，出于阴中，而为小便也。故阴为水液之路，膀胱为津液之腑，热则水道燥搏，水液行涩，致水道不利，小便淋漓，因名曰淋。其候出少而起数，小腹急痛，引脐连茎中痛也。热甚者溺血，故亦曰血淋。血得热则流散，渗入于胞，随淋漓而下也。

寒淋者，因寒冷干于二经而作，其候先寒战而后溺之，是邪气与正气交争也。寒气胜则发寒战，正气胜则寒战解而得溺，溺则出少涩滞，小腹连茎中而痛。寒甚者溺白如稀膏，故亦曰膏淋。亦如痢下热则便血，寒则便脓也。痢下者寒热搏于大肠也，今淋者寒热搏于小肠也。

气淋者，小儿因怒而啼，气入二经，留滞不散，邪正相搏，胞内气胀，其候每溺则脐下憋膨，水道涩不能下，茎中相引而痛，常有余沥也。

劳淋者，因房事过度，肾虚精竭，气通于阴，水道于涩之所为也。肾与膀胱为表里，今肾虚精竭，则膀胱亦虚，不能约制其水，故水液频数而下，水道干燥，则不能通利，其候尿留茎内，数起不出，引小肠连茎而痛也。

石淋者，小者为沙，大者为石，皆云肾主水，水为热结，化而为石。其言虽近，而不知其本也。且肾有二脏，左者为肾，右为命门，主水而为壬。《圣济经》云，壬者一水一石之谓欤。不知一水一石之道，语^②未达生化之妙，本太一精真在上，兆于水，立于石，是肾中本有真之物也，患者乃真精化而真物出焉。其候沙石从水道中出，塞痛

① 千人：原作“千金”，据兰陵堂本改。

② 语：原作“告”，据兰陵堂本改。

闷绝，故痊者鲜矣。

琥珀丸 治热淋疼痛。

琥珀半两，研 乳香半两，研 桃胶半两，研
上拌研匀，糊为丸绿豆大，每服一二十丸，
煎萱草汤下。

又方 治如前。

上以黄芩二两，绢袋贮之，用水二升，煮取
一升，时时服，无时。

蒲黄散 治血淋涩痛。

蒲黄半两 冬葵子半两 生地黄半两
上为细末，每服一钱，水一盞，煎至六分，去
滓温服，无时。

又方 治如前。

上以雄鸡屎尖白如粉者，炒微黄，研细末，
酒糊丸绿豆大，酒下三五丸，日连连四五服，取
效。

玉粉丹 治寒淋、膏淋如神，又治下痢。

牡蛎粉四两，研 干姜末，二两，炮

上拌匀，而糊为丸麻子大，每服一二十丸，
米饮送下，无时。

二胶散 治气淋小肠憋膨不通。

桃胶 李胶等分

上为末，每服半钱，葱白汤调下，无时。

又方 治气淋。

上以蚕退纸烧灰，研细，每服半钱或一钱，
煎去心麦门冬汤调下，无时。

又方 治如前。

上以马兜铃炒焦黄，为细末，每服半钱或一

钱，麝香酒调下，温酒亦得，无时。

葵子散 治沙石淋，痛不可忍。

冬葵子一两 石南叶 榆白皮去末，锉 石
苇去毛 木通锉，各半两

上为细末，每服半钱，葱白汤调下。一方只
煮冬葵子汁服。

二石散 治如前。

滑石 石苇去毛，各一两。一方更有瓜蒌根一两
上为末，每服半钱，煎大麦汤清调下，无大
麦，米饮亦得。

治小儿淋闭。

露蜂房 乱发灰等分

上为末，每服一钱，水调服之，日二。

又方 治如前。

以冬葵子一两，杵粗散，每服一钱，水一小
盞，煎至五分，去滓温服。无时。

又方 以衣中白鱼摩脐下，及小腹。

又方 治如前。经效小儿诸淋。

治小儿遗尿。

瞿麦穗 龙胆草去芦 皂荚去皮弦 桂心
各半两 人参去芦，一两 鸡肠草一两 车前子
一两，炒一分 石苇去毛，半两

上同为末，炼蜜和丸小豆大，每服五丸。食
分，日三。

又方 以小豆叶捣汁服之。以鸡肠烧灰研
末，浆水调服一钱，而北斗服，日三。

小儿卫生总微论方卷第十七

癩疔论

小儿癩疔由怒啼气，冲击肾经，气下通于阴囊，故令肿大坚硬，又偏肿者，气乘偏虚而作也。其有水者，肾主水，下通阴，因怒啼气，肾水随气而下作。

海蛤散 治气击子下，阴肾肿大而坚硬。

海蛤三分，研 怀香子三分，炒香熟 薏苡仁半两 白术半两 槟榔半两，面裹，炮

上为细末，每服半钱，温酒调下，早晚乳食前。

又方 治外肾肿硬，渐欲成癩。

上以干地龙去土尽，为细末，唾调涂之，常避风冷湿地。

胜金桃仁膏 治卵癩肿大。

上杵去皮、尖桃仁为膏傅之。

川楝子丸 治疝气偏坠，一大一小。

川楝子去核，取肉，一钱 续随子去皮净，一钱 轻粉二钱匕

上为细末，而糊和丸黍米大，每服十丸，葱白汤下，不过十服愈。

荆三棱散 治如前。

荆三棱炮 斑蝥去足并翅，等分

上为细末，每服半钱，米饮调下。

三香昆布丸 治如前。

薰陆香三分 青木香三分 藿香叶去土，半两 昆布三分，洗去咸味 牵牛子半两，微炒

上为细末，枣肉和丸麻子大，每服十丸，空心牡蛎汤下。

治小儿狐疝，伤损生癩。

地肤子一两半 白术一两三分 桂心三分

上为末，炼蜜丸如小豆大，酒服七丸，量大小增减。

又方 治如前。

芍药 茯苓各三分 防葵一作防风 大黄各

半两 半夏 桂心 蜀椒去目并闭口者，一分

上为末，炼蜜和丸如大豆，每服一丸，日三四。

五等丸 治小儿卵核坚癩，或阴卵偏大。

黄柏炒 香豉 牡丹去心 防风去芦并叉枝 桂心各半两

上同为末，炼蜜和丸如大豆许，三岁儿饮服五丸。

又方 治小儿癩。

以蜥蜴二条，烧灰研为末，酒服之，一二岁儿半钱。

治小儿卵肿。

以鸡翅六茎，烧灰服之，随在左右取翮，能治阴大如瓠。

治小儿气癩。

土瓜根 芍药 当归去须，洗焙，各一两 上咬咀，每服二钱，水一盞，煎至半盞，去滓温服，量大小加减。

又方 治如前。

以三月上除，取白头翁，去芦捣之，随左右偏处傅一字，作疮，二十日愈，亦治肾痛。

又方 治小儿卵肿。

捣墙衣傅上。

治小儿偏癩，或气攻小腹痛疼。

蛇床子为末，半两 马鞭草取汁，一合

上相和如膏，涂病处。

又方 治如前。

以枳壳去穰三两微炒，杵为细末，每用煎至柏枝浓汁，调膏厚涂肿处，良妙。

治小儿阴瘕，肿大不消。

以硼砂一分，以水研化，涂之立效。

治小儿阴瘕，偏大气胀。

以雄黄一两，研极细，甘草一钱锉，同煎汤，淋渫。

又方 治如前。

牡丹皮去心 防风去芦并叉枝，等分

上为末，每服半钱，米饮调服。无时。

治小儿卒卵肿痛而胀。

赤小豆末，半两 桂心末，一分

上以生牛蒡取汁二大盏煎稠，入二味相和为膏，涂病处。即消。

治小儿阴囊肿痛，虚热。

以蚯蚓屎，用甘草汁调涂之。

又方 治疝气肿痛，连小腹如刺。

上以生射干杵汁服之，亦可作丸服。

又方 治如前。

以藜叶煎浓汁一升，煎去七合，每服半合，顿服。量大小加减。

蜘蛛散 治癩疔。或肿坚，或偏坠，或大小，时时上下。

蜘蛛十四个，炒焦 桂心半两

上为散，每服一字或半钱，米饮调下，或蜜丸服。

玉粉散 治水癩，上下不定。

煨熟牡砺粉二两 炮裂干姜末一两

上拌匀，冷水调稀稠得所，涂病处，以小便大利即愈。此方若用糊为丸服之，治冷淋膏淋，下痢脓血，及妇人带下。

阴肿生疮论

小儿有阴肿及生疮者，由肾经虚而邪气乘之。肾气通于阴，邪搏冲于下，则阴为肿，甚者冲攻以生疮。又有因风湿外干皮肤，则阴为之痒，搔之以成疮者。并叙方于后。

· **桃仁丸** 治小儿阴肿。

白蒺藜半两，炒去刺 桃仁三分，汤浸去皮、尖并双仁者，麸炒黄 牡丹去心，半两 桂心半两 郁李仁一分，汤浸，去皮，炒

上为细末，炼蜜和丸黍米大，每服十丸，温酒下，乳食前。

胡连散 治阴肿生疮。

胡黄连半两 胡粉半两 白矾灰一分

上为细末，每用少许，油调涂患处。一方只用黄连、胡粉等末，香脂油和傅。

又方 治如前。

上以人尿或狗屎烧灰傅之。

又方

上以马骨或狗骨，烧灰研细傅之。

治小儿阴肿。

以狐茎炙焦黄，杵细末服之。

以芫青捣傅上。

以衣中白鱼傅之。

以斫取桑白皮汁涂上。

治小儿阴疮痛痒，搔之黄赤水出，不痒。

五倍子 腊茶等分

上为末，更入膩粉少许，先以浆水葱白椒煎汤洗之，帛子拭干，用药傅之。

治小儿阴上生痛，疡医不能疗。

上以鳖甲一枚，烧灰研末，鸡子白和傅之。

治小儿阴疮。

上以黄柏水煮汁，洗了拭干，白蜜涂之。

治小儿恶毒疮肿，生于阴髀间，痛牵入腹不可忍，一宿杀人。

上以茴香苗、叶捣取汁，量大小与服，日二三，其滓傅肿处，冬月无苗叶，取根用。

又方 治小儿阴肿生疮。

上浓煎狼牙草汤洗之，冬月取根用。或捣烂傅之。

治小儿卒然阴肿痛胀。

赤小豆末，半两 肉桂末，一分 生牛蒡根取汁，二盏

上先将牛蒡汁煎稠，后入二末和膏，傅病处。

治小儿阴肿，虚热作痛。

以蚯蚓粪用甘草汁调，轻轻涂上。

治小儿阴头忽生肿疮，此名尿灰疮。

以黑豆皮嚼烂傅之，以伏龙肝研末，和鸡子白涂之。

又方 治阴头生疮。

上以蜜煎甘草涂之，若阴头生疮，不痒不痛，但溃蚀者，此名下疳疮，方具于后。

又方 治阴肿痒，搔之成疮。

蛇床子 细辛 吴茱萸去枝梗，各一两

上为末，每用一匙，水一大碗，葱白三茎，煎至数沸，通手淋洗，三五次极妙。

又方 治阴痒生疮。

胡椒半两 紫梢花一两

上为粗末,水煎浴洗如前。

又方 治如前。

上以黄柏锉碎,煎汤洗浴。

腋气论

小儿腋气者,血气不荣,腋下有孔,一如毛孔而稍大,臭秽之气,从其中出,若狐气之臭,故俗呼曰狐臭也。亦有父母遗体相传者,又有乳养之人而有染著者。今叙方于后。

绿银散 治腋气。

铜绿 蜜陀僧各三钱 白芨一个,烧存性,九钱

上为细末,每用半钱,津唾调涂腋下,三五日一次,以效为度。

又方

上以轻粉一钱匕,分两处,麝香酒调一半服之,好酒调一半涂腋下,以不臭为度。

又方

上以左桃开通钱五文,火烧通赤,纳醋中淬之,凡七次,杵罗为末,用老生姜一块,刀背斫断,将生姜以斫断处擦腋下,有毛擦不倒者,乃是病也。拔去其毛,以生姜自然汁调药涂之,屡验。若些小腋气汗气,只以生姜擦涂腋下亦可。

凶门肿陷论

小儿初生,皆有凶门者,脏气未充,骨髓未完,滋养未备故也。脏腑皆以脾胃为养,儿自生以后,得五谷所滋,则脏气充而骨髓完,所以儿至能食,则凶门合也。凶门者,系于脾胃,《圣济经》言:卫凶之天五,五者土也,脾胃属焉。小儿有凶肿者,由脾胃不和,冷热不调,或怒啼饮乳,或喘急咳嗽,致阴阳气逆,上冲而凶肿也。热则肿而软,冷则肿而硬。又有凶陷者,或因泻痢,或小便频数,或曾服清药以利小便,或本怯气弱,或别病缠绵,皆使脏虚而不能上荣于凶,故令凶陷也。皆小儿恶症,得愈者鲜矣。

治小儿凶肿软。

上以青黛冷水调傅之,及兼服化毒丹方已具前。

治小儿凶肿硬及陷。

干熟地黄八钱,焙,称 山茱萸去肉 干山药各四钱 泽泻 牡丹皮去心 白茯苓去皮,各三钱

上为末,炼蜜和丸绿豆大。三岁下者,三五丸,温水化下,空心及兼服钱氏益黄散。

治小儿凶陷。

以狗头骨炙黄杵末,鸡子清调傅。

滞颐论

小儿滞颐者,脾冷所致也。脾之液为涎,脾冷则不能约制,故涎常从口角流出,滞渍于颐颊,浸久生疮,名曰滞颐。

治小儿滞颐,涎从口出,浸渍颐颊,口角下生疮。

以桑白皮汁涂口中。

又方 治如前。

以东行牛口中沫,涂儿口及颐上。

治小儿口角下黄肌疮。

以羖^①羊须烧灰,和腊月猪脂傅上。

以羊角烧灰和腊猪脂傅。

温脾丸 治脾冷多涎,流渍颐下生疮。

丁香 木香 半夏用生姜六两同杵碎,炒黄色,各一两 青皮去穢 白术 干姜锉碎,微炒,各半两

上为细末,炼蜜和丸黍米大,每十丸,米饮下,无时服。

温脾散 治如前。

丁香一两 肉豆蔻面裹煨 半夏白矾水浸去滑,炒黄 白术 干姜炮 人参去芦 甘草各半两

上为末,每服一钱,水八分,生姜二片,煎至五分,去渣温服。食前。

又方 治口中涎出,流渍颊下不干。

① 羖(gǔ 谷),公羊。

上以白羊屎纳口中，服前药，仍更洗疮净，以烧汤末傅之。

肠痈论

小儿肠中有痈疮者，由寒热之气搏于肠间，气血结滞而生也。其候食少，腹中痛闷，小肠微强者是也。

治小儿肠生痈疮。

上以鲤鱼肠煮，令食之。

针刺误伤论

小儿有因动作，误被针刺、骨刺、竹木签刺伤而入肉，或已折在内不出者。叙方于后。

上以白梅肉烂杵，和象牙末傅上，若针^①，即以象牙屑水调傅之，或以磁石末傅之，仍更以瞿麦为末，水服方寸匕，或煮汁饮之，日三。

又方

以松脂如乳香者末傅之，帛裹三五日，不觉而出落。

诸物梗喉论

小儿有误吞诸物在喉中，不能下，不能出，妨碍饮食，气出不快，甚者塞刺疼痛，时霎不任，便致危殆。

磁石 治误吞针刺喉中。

上以磁石如枣核大，磨令光，钻作窍子，以线穿系定，令儿含之，针则自出。若误吞钱者，用枣大。

又方 治误吞竹木入喉。

上烧秤锤通赤，渍酒饮之。

又方 治误吞金银铜铁钱物，在喉中不下。

上以南天烛根烧灰，研细，熟水调服一钱，立下。

通气散 治如前。及治钩绳之类在喉。

鹅毛一钱，烧灰 磁石一皂子大块 象牙一钱，烧存性

上为细末，每服半钱，新水调下。

又方 治误吞金铜银铁钱等物，在腹内不下。

上以石灰一皂子许，硫黄半皂子许，同研为末，酒服之。

又方 治如前。

上以胡粉一两，水调分服，量大小加减。

又方 治鱼骨鲠喉不下。

上以硃砂少许，口中咀嚼咽之，立下。

又方 治如前。

上以故鱼网覆颈项则下。未可，煮汁饮之，立下。

又方 治如前。

上以鸬鹚毛烧灰，水调服，量大小与。

又方 治一切诸般骨刺竹木签刺梗不下。

上于腊月取鳊鱼胆，北檐下阴干，每用少许，酒煎化，温呷，得逆便吐，梗乃随出，未吐再服。其梗刺虽咽在腹内，久痛黄瘦者，服之亦出，极妙。无鳊鱼，取青鱼、鲤、鲮鱼胆亦可，并治喉痹。

又方 治桃李果梗喉^②。

上以狗头煮汤，摩头上。

又方 治一切诸物梗喉。

上以瞿麦为末，水调半钱，或一钱服。

大圣玉屑无忧散 治诸物梗喉及一切咽喉诸病，解毒治百病。

玄参去芦 贯众 白茯苓炒黄 缩砂仁 滑石 荆芥 川黄连去须 山豆根 甘草炙 硼砂各半两 寒水石三两，火煨，埋土中，出火毒七日

上同为末，每用半钱，抄口中，新汲水一口咽之，治误吞叫子、骨刺、枣核、金银铜铁、瓦石、麦稻、针刺等诸物梗喉，及治咽喉一切诸疾，喉痹乳蛾等疾。又解巴豆、杏仁诸药之毒能杀人者，又治蛇蝎诸虫咬螫毒气入腹，并心腹胀满，脾积癥块，风涎奶癖，他药不能治者，但服此药，立见效验。能润三焦，消五谷，除九虫，益五脏，辟温疫，无所不治。

① 针：据文义此后似应有“伤”字。

② 喉：原脱，据兰陵堂本补。

治小儿一切珠珀钱等梗喉。

上以弩铜牙烧赤，纳水中，放冷饮之。

疣子论

小儿有附贴皮肤生核，如麦豆大，其色与皮肉无异，谓之疣子。有一两个生者，又有数个连续生者，割破其里，状如结筋，亦有微血，亦与肉相似，此由风邪搏客，血气变化所生。又有一种，初生核小，日久渐长，滋益而大，名曰瘤子。亦由邪搏血气变化所生，则气血顺活，故渐长大也。今叙方子后。

以针或小刀子决疣子四而，微微血出，取患疮人疮中脓汁傅之，莫得近水，三日外脓溃，其根动自落。

以白梁米粉子桃内炒令赤色，用众唾相和傅上，厚一寸许，即消。

治疣子连续生十数个者。

以艾炷一枚，如麦豆大，灸最生者一个，名疣母，余即自消，核大者稍增艾炷。

治瘤子。

以稻科上花蜘蛛十余个，取顿于桃科子枝上放之，候丝垂下，取东边捻为线子，系定瘤子上，七日后换，其瘤自落。沈兴宗待制有老母病瘤如拳，用此法系之，至三换，遂干落，于枕畔得之，一似干栗。

诸虫咬蜇论

小儿有为诸毒虫咬蜇者，多于夏热之时，取凉解脱，就地坐卧，忽然误有触遇，因被咬蜇，其痛不可忍，直至终夜乃歇，甚者连引一边，痛无少止。又有毒瘤，疮中肿溃苦楚。或有虫因卧误入耳中不出者，并叙方于后。

治蛇咬所伤。

以生猪血调雄黄末傅之，如仓卒间只用猪血亦效。若独用雄黄即不验。以冷水先洗疮了，搵干，用茱萸一合，水半碗，研取汁服之，将渣傅疮上。

一方 用酒调茱萸末服之，油调末傅疮上。

治蛇咬毒气内攻，肿痛不任。

以人屎厚傅之，用绵裹即消。以白矾、雄黄等分研末，于刀头上焙令熔，便滴疮上，即自痊。

治蝎蜇。

以吃勒藤，令患人自嚼烂涂之。

以干姜，令患人自嚼烂涂之。

治蜈蚣咬。

以醋磨生铁汁涂之，亦治蜘蛛咬，以独头蒜磨咬著处，痛止为度。以活蜘蛛一个，安口在咬著处，则自然吸咽其毒，痛乃即减。至蜘蛛肚胀时放之，别取如前用。不尔，则直胀死，不休恐伤生命，故放之。又同将用过蜘蛛放水中，即解其毒，不死。

治蜘蛛咬。

以活蚯蚓入葱叶筒中，紧捻两头，勿令泄气，频频摇动，则自然化为水，滴在咬著处。

又治蜒蚰入耳不出，点药滴入，即化为水。

治壁镜咬。

以生姜汁调皂角末涂之，破者取乌梅肉贴。

治蜒蚰入耳。

以酩醋灌耳中，即出。以小蒜汁灌之，以驴乳汁灌之，以龙脑大豆许，线系，左入塞右，右入塞左，立效，以香油灌之。

又方 治如前。

道人头 楝叶 车前子各等分

上为末，唾调置耳门中，则自出。传方人直寻蜒蚰自送入耳，用此药试之乃出。

治百虫入耳。

以椒末醋调灌耳中，如行十里久，自出。以猪肉炙香熟，掩耳，虫闻则出。

又方 治如前。

白矾 雄黄各半两

上研为细末，生油调成膏，用皂子许塞耳，虫自出。

扑坠损伤论

人之血气，循身周流而无停止。小儿有因落床，或从高坠堕，或打扑损伤，致血气失度，随损处停留，或流行入腹，瘀蕴不散，致羸瘦痿黄，时

作疼痛，啻啻微寒，翕翕微热，重者有至筋伤骨损，举动不能。叙方于后。

蒲黄散 治小儿因打扑坠堕，血气停滞，或败血入腹不散，作疼痛，寒热羸瘦痿黄。

蒲黄 当归去须，洗，焙 生干地黄各一两
琥珀另研 赤芍药 桂心各半两

上为细末，每服一钱，水一小盏，煎至五分，去渣温服，无时。

茯神丸 治如前。

茯神去心内木 当归去须，洗，焙 麦门冬去心，各一两 人参去芦 黄芩 草龙胆去芦 桃仁汤浸，洗去皮、尖并双仁者，麸炒香熟，研细，后入，各半两

上为细末拌匀，炼蜜和丸黍米大，每服十丸，用生地黄汁少许，同酒送下，无时。

三黄散 治小儿因损伤，败血不出，但伤不断者，服之立效。

黄连去须，半两 黄芩三分 甘草半两 玄胡索去皮，半两

上为末，每服一分，用童子小便半小盏，酒三分之二，同煎四五沸，热服，取下恶物，立瘥。

灵龟散 治扑坠内有伤损。

当归去芦，洗净，三分 白芷 漏芦去芦，各半两

上为末，每服一钱，温酒调下，食前。

又方

以生地黄不拘多少，杵烂绞汁，用温酒调服，量大小与之，其效如神。如内损，热血冲心，甚者气绝不入，下咽即醒，取下恶物，遂好。

没药丸 治扑坠损伤，骨节疼痛，或已可而有时发作，痛不可忍，时发赤肿，数服立效，永除根本。

没药 泽兰叶 香白芷 骨碎补 草乌去皮、尖 破故纸炒 败龟酥炙黄 虎骨涂酥炙黄 续断 白头翁去芦 乌金石各一两 自然铜烧赤，醋淬过七次，二两

上为细末，醋糊丸铜子大，焙干，醋磨浓墨为衣，生姜温酒下三五丸，筋骨损者，用虎骨散

贴之。

虎骨散

虎骨涂酥，炙黄，一分 金毛脊去毛，一两 穿山甲一两，烧 骨碎补一两

上为末，以仓米煮粥，临熟，更入米醋如糊，摊纸上，然后掺药在上，包裹贴损处，如大段损折，即以杉夹正，不过三上，即安。此二方屡用大效，亦治大人。

四黄散 治落床坠地，瘀血在腹，阴阴寒热，不乳啼哭。

蒲黄 大黄 黄芩各十铢 黄连去须，十二铢 麦门冬十铢 甘草八铢 芒硝七铢，后入

上取咀，以水二升，煮取一升，去滓，纳硝令烊，看大小分服，羸瘦者忌冷食，大小便血，即愈。

药毒论

小儿肠胃怯弱，脏腑嫩软，血气未壮，因服药不胜其味之毒，致烦躁闷乱，或口舌麻木，或如针刺，甚者吐利，有致衄血也。

玄胡索散 解诸药毒，烦躁闷乱，吐利衄血。

玄胡索去皮，一两 甘草生 白矾生，各半两
上为末，每服半钱，水一小盏，煎至六分，去渣放温服，时时呷。

矾茶散 治诸药毒，烦躁，口舌麻木，或如刺痛。

草茶一两 白矾^①一两
上为末，每服半钱或一钱，汲新水调下，立解。

又方 解百毒药。

以白扁豆为末，水调一二钱服。

以出了蚕者故纸烧灰细研，冷水调下半钱，频服。

龙脑散 治药毒吐血，如神。

大黄蒸 半夏汤洗七次，薄切，姜汁浸一日，焙 甘草炙 金星石 银星石 寒水石 禹余粮

^① 白矾：原作“北矾”，据兰陵堂本改。

火煨，醋淬七次 不灰木煨 青蛤粉各半两，青蛤 各一钱，减大黄一半。
粉即青黛

上为细末，入细研龙脑末一字拌匀，每服一
字或半钱，新水调下。钱乙更有甘松、藿香叶末

小儿卫生总微论方卷第十七终

小儿卫生总微论方卷第十八

头上诸病论

头 疮

小儿头疮者，由脏腑有热，上冲于头，外被风湿，复相乘之，搏于血气而生其疮，故曰头疮。此候与秃疮特异。且秃疮者，有白有赤，硬痂遍满其头。此头疮者，但一两处生，其痂并不白硬而干，时时常有脓血湿汁，俗呼为长头疮。小儿失于沐发者，便生此疮也。

玄精石散 治小儿头疮。

太阴玄精石 寒水石各一分，研 轻粉 麝香各少许

上为细末，先以淡浆洗去疮痂，拭干，油调药涂之，甚者不过再。

栝蒌散 治如前。

栝蒌一枚 盐豉一合，入栝蒌中和覆并烧灰，研
灶下黄土一分 膩粉一分

上为末，入麝香一字拌匀，每用少许，油调涂之，湿者干掺。

淡豉散 治如前。

淡豉炒黑、焦干 绛矾各一两 膩粉二钱

上上二味先末，入粉研匀，先以桑柴灰淋汁，热洗疮净，用甘草末掺疮上，后以生油调药涂之，湿者干掺。

黄连散 治如前。

黄连去须，二两 胡粉一两

上为细末，先洗去疮痂，拭干傅之，即瘥。再发用前。

胡粉膏 治头疮久不瘥，经隔年岁。

松脂 苦参 黄连去须，各一两半 大黄生
胡粉各一两 黄芩 水银各一两一分 白矾半
两 蛇床子三分

上为细末，以腊月猪脂和研，至不见水银星为度，傅之。

又方 治头疮久不瘥。

膩粉少许 胡桃和皮灯上烧过，存性，用碗盖，出火毒，研末

上为细末，以生油调涂，仍剃去疮上发涂之，只一二次瘥。

又方 治如前。

以梁^①上尘和油脚涂之，仍先用皂荚汤洗讫涂药。以马骨烧灰研末，醋和傅之。以虎脂销令凝涂之。日三四次。

以蓼末蜜和涂之，有虫出而愈，不作痂。

又方

鸡卵七枚去白皮，于铜器内熬，和油涂之，亦治干秃不出汁者。以鸡卵壳烧灰研末，猪脂和傅之。

又方

以鸡屎研末傅之。

以醋少许，和净水洗去疮痂，再以温水洗之，搥干，用百草霜入轻粉研细，用少许生油调涂。

以菟丝煎汤洗之。

以竹叶烧灰研细，猪脂和涂。

以黑豆炒烟尽，杵为末，入膩粉研匀细，生油调涂之。

治头疮出脓水不瘥，瘥而复发。

以杏仁一百枚烧灰，入膩粉一分，同研匀细，生油调涂。

治头疮渐引不效^②。

以乌油麻嚼烂涂之。亦治浸淫疮及干疮。

治头上恶疮。

以黄泥裹豆豉煨熟，放冷，取豉研末，以纯菜油调傅上。

软 疔

小儿头上生软疔者，由风邪冷热之气客于皮肤，搏于血气，壅滞经络，蕴结而生。亦如身上

① 梁：原脱，据兰陵堂本补。

② 效：原作“较”，据兰陵堂本改。

生疔无异。但生在头上，始则赤肿而硬，其邪微者，散则自消。其邪甚者，肿赤内搐，溃脓血作痛。以头上皮紧，至熟多不能去脓。根中有恶汁不尽，因而复发。或在根边别生，连续不瘥，常常生^①脓，故名曰软疔。

如圣膏 治软疔。

菜油一两 黄腊半两 沥青一钱 黄丹半钱
羊筒骨内髓一个

上一处熬成膏，摊于纸上，贴患处，上用冷铁一片，于疮口上压定，四面针破，如脓出不快，以纸捻任之，熬药不得犯铜铁器。

又方

以青涩柿子连皮薄切，焙干，杵为细末，每用时先以温汤洗捻，去其脓血，用药少许，入轻粉三分之一拌匀，以薄薄牛皮胶水调成膏，摊熟帛子上贴之，愈。

又

以炒油麻，铍子中取，乘热嚼烂傅之。

以生油饼剂子一个，捻薄，留一窍于疔上贴，来日脓自出，便效，屡验。

又

以兔毛皮不拘多少，烧灰研细，入腻粉少许，生油调涂。

又方

用枳壳去穰，周围用糊合于疮上，去脓生肌即愈，极效。

治头皮虚肿，如蒸饼裹水之状。

以口嚼麦面傅之。

秃疮

小儿头有秃疮者，按九虫论云，是蛲虫动作，与风邪相乘，上干头之皮肤，搏于血气，伤其荣卫而所生也。荣为血，受病则为赤秃。卫为气，受病则为白秃。荣在内，邪稍难干，故患赤秃者少。卫在外，邪易得者，故患白秃者多。其始生如癣之斑点，上有皮屑渐渐作痂，以成其疮，遂至满头发落逮尽，若刮去其痂，则疮皆是孔眼，大小不等，如虫之窠，有脓汁出，不痛而痒，痒乃不可禁。是知有虫为风也。又一种俗呼为鬼舐头，小鬼有头疮，遇夜被鬼舐之，则引及满头有

赤痂；或云便赤秃也。

治小儿白秃，头上团团然。

以蒜揩白处，早朝使之。

治小儿白秃，干壳不出汁。

以鸡子七枚，去白皮，铜器中熬，和油涂之。

治小儿白秃。

以葶苈子杵末，汤洗去其痂，涂之。

以陈香薷煮浓汁少许，同脂和胡粉傅之。

以白头翁根杵烂，傅一宿。已作疮者，二十日愈。

以榆白皮杵末，醋和涂，虫当出。

以鸡窠中草和白头翁花一处烧灰、研细，用腊月猪脂和匀，先用醋泔洗疮后傅之。

又

以椿、楸、桃三般叶心取汁傅之，大效。

一方只用楸叶杵汁傅。

以入尿烧灰末之，用腊月猪脂和傅。

治赤秃。

以白马蹄烧灰细研，腊月猪脂和傅，以靛滓傅之。

治鬼舐头。

以儿粪腊猪脂和傅。以腊月猪屎烧灰末傅。

以屎烧灰研细，和腊月猪脂涂傅。

耳中诸病论

耳聋

小儿有忽患耳聋沉听者，由风邪乘于手太阳之经也。邪随其经入于耳内，邪正相搏，气停塞滞，则令耳聋，不能聪听于音声也。轻者则为沉听，谓耳中沉沉然，轻小之音则不辨，得大之声才闻也。

通鸣散 治风邪恶入耳令儿耳聋。

菖蒲一寸，九节者良 远志甘草水煮，去心，各一两 柴胡去苗 麦门冬去心 防风去芦并叉枝，各半两 细辛去苗 甜葶苈炒 磁石火煨，醋淬十次研，各一分 杏仁十四个，汤浸，去皮、尖、双仁者，炒黄

① 生，原作“拱”，据兰陵堂本改。

上为细末，每服半钱，煎葱白汤调下，乳食后，日二三服。

乌麝汤 治如前。

大川乌头一个，重二钱上者，以猪脂油煎令裂，不得煎了面上块子，只刮去皮尽，切碎，杵，罗为末，通草半两，薄切作片子，片片相似，以糯米粉作稀糊拌匀，焙干，杵，罗为末。

上二味，入麝香末少许研匀，每服一钱，水一小盏，入薄荷二叶，枣一枚，煎数沸，放温服，或只以温酒调服。

菖蒲丸 治如前。

菖蒲一寸 巴豆一粒，去皮、心

上二物合杵为剂，分作七丸，用一粒，绵裹塞耳中，一日一易。

又方

菖蒲末，一分 杏仁半两，汤浸，去皮、尖、双仁者

上二物合杵如泥，每服用一麻子许，绵子裹纳耳中，一日一易。

蓖麻膏 治如前。

蓖麻子十枚，去皮 枣肉七枚

上同研为膏，每用蕤核许，绵裹纳耳，一日一易。

治新久耳聋。

以巴豆一粒，蜡裹，针刺令通透，塞耳中。以猫已捉住老鼠夺之，取其鼠胆汁灌病耳中。一云只以鼠胆用之亦可。

以地龙一条，盐少许，俱贮葱筒中，时动摇则化为水，用点耳中。

以米醋一碗，用铁一块弹子大，烧赤，投醋中，令病耳就上，使气熏入耳，即效，三二日可治。

又方

以葱白于灰火中煨令熟，将葱白头纳耳中，一日三易，以芥子杵烂，人乳汁和，绵裹纳耳中，一日一易。

以荆子中蚌虫白粉，和油滴耳中，日二，亦治沉听新聋耳。

以驴脂和生椒杵烂作丸^①，绵裹塞耳中，治久聋。

又以醇醋微火煎附子至软，削令尖，塞耳中。

耳中鸣痛

小儿有耳中或鸣或痛者，由风邪入耳，与正气相干，搏于血气者，即为鸣。搏于经络者，即为痛也。

治耳中痛。

以干百合为末，温水调下一钱，乳后。

以柳树虫，粪水化取汁，调白矾末少许，滴耳中为妙。

以盐二三升，蒸热包裹，以耳枕之，冷即易，亦治洪洪声。

治耳鸣如流水，或如风声。

以生乌头才撮得，乘湿削如枣核，塞耳中，旦用夜易，不过三日愈。及治耳痒。无，即用干者。

治耳中常鸣。

以生地黄截塞病耳，数数易之，或以纸裹微煨用。

耳中肿疮出脓汁

小儿有耳中肿或生疮出脓汁者，由风湿相乘，入于耳，邪正相干，搏于气血，伤于经络，轻则为肿，重则生疮。若津液结溃，变为脓血汁出。又有因水或服泪入耳，停搏正气，亦为浓汁，俱名停耳，又名脓耳也。

治耳内肿，及生疮出脓汁，或只痒痛，虚鸣应耳中，一切诸病，悉皆主之，**龙朱散**。

龙脑一字，研 朱砂一钱，研，水飞 竹箭干内虫粪三钱，研 坯子胭脂半分，研 麝香一字，研上匀研细末，以鞣耳子挑药入病耳中，如有脓水者，先以新绵捻子缠之净尽，方倾入药，每夜临卧时一次。

治耳中肿或生疮。

以白矾烧灰研细，每用少许，以苇筒吹耳内，日三四次，或以绵裹塞耳中，生疮者胡桃油调药著耳。

^① 丸：原作“瓦”，据兰陵堂本改。

治小儿聾耳内生疮，或有脓汁，**矾香散**。

白矾一两，烧灰 蛇床子一分，为末

上相和，入麝香末五分，同研细，每用一字，掺入病耳。

蓝花散 治如前。

红蓝花一两，洗焙干 黄柏一两，锉 乌鱼骨半两 黄芩半两，已上为末 雄黄半两，研，水飞 麝香一分，研

上拌匀，每用少许，以新绵子缠捻子搵药塞耳中，一日二易。

麝香散 治如前。

蜘蛛一个 坯子胭脂半钱 麝香半字

上晒极干，研匀细，每用半鞞耳许，以鹅毛管吹入耳。

桃红散 治如前。

白矾一钱，烧灰 坯子胭脂一钱 麝香一字

上研匀细，每用少许，以绵捻子搵耳中脓尽，掺药入耳内。

箭虫散 治如前。

箭竹内蛀虫粪屑二钱 坯子胭脂二钱 凌霄花干者，二钱 海螵蛸二钱 麝香一字，研后入

上为细末拌匀，每用时先以绵捻子搵耳中脓尽，乃以纸捻蘸药入耳中，日三。

红缠散 治如前。

信砒一钱匕 坯子胭脂三钱匕 麝香一字匕

上为末拌匀，以柳絮滚和匀，每用黄米许，掺入耳中，如绕耳生疮，脓汁不瘥者，依此傅疮上，纸片封之妙。

油引散 治如前。

石燕子雌雄一对，用砖垒一地，炉木炭火煨，白色为末 虢丹飞，等分 膩粉 麝香各少许量入

上同研匀，先以绵捻子搵耳中脓汁尽时侧卧，掺药一字许，入耳中，以好油一滴引下，立效。

绵裹散 治如前。

桂心一分 青羊屎一分，炒令转色

上同末，每用一字，绵裹塞耳中。

治小儿停耳脓汁出。

以硫黄细研，每用少许，掺入耳中，日一次，夜一次。

以白矾末一钱，麝香一字研匀，少少掺入耳。

以桑木上毒蜂房炙黄，杵末，温酒调下半钱，空心。

以蚯蚓粪研细，吹耳中。极效。

治小儿耳上生疮，以鸡子白傅之。

眼目病论

小儿眼目生病者，多因恣食甘酸，脏生邪热，熏炙肝经，冲发于目。或为赤肿痒痛，或眵泪隐涩，或生赤脉，或生翳膜。又痰饮毒气渍肝，致脏气不得宣通者，则精华不^①得明审，故黑暗虽全，而视物眊眊，此名睛盲。若昼日明，至暝不见物者，此邪干经之阴也，谓之雀目。言如鸟雀之目，暝时无所见也。又有障眼者，乃气毒障縵其睛也，又有疳肝之气冲于目者，亦能生其翳膜，以为遮障也。

博金散 治眼赤肿痛不可忍。

白药子半两 黄芩一钱半

上为末，每用一字，沸汤点洗之。

又方 治如前。

上取嫩槐牙或嫩叶煎汤，放温洗之，白睛如血，泪多者最宜用。

又方 治如前。治赤眼肿痛，才觉便截。

上以铜绿研细，抄二钱半，用乳香皂子大二块，同研匀极细点之，立效。

又方 治赤目。

上以黄芩为末，煎汤濯脚，神效。

又方 治如前。

天南星一分，去皮、脐 干蝎一分半

上为末，每用一字，茶调下，服了摇头数次，立验。

又方 洗热毒眼。

上以细朴硝沸汤浸，澄去滓，乘热洗之。

又方 洗风毒热赤。

铜绿一钱 滑石二钱

上研极细，每用少许，沸汤点洗。

^① 不；原缺，据四库本及《诸病源候论》补。

洗心散 治心脏邪热，目赤肿痛。

大黄一两，煨 荆芥穗一两半 甘草半两，生
麻黄一两，去根不去节

上为细末，每服半钱，或一字，蜜水调下。

洗肝散 治三焦壅热，眼目赤肿，隐涩多泪。

芍药一分 羌活去芦，半分 防风去芦并叉枝，一分 大黄半分 甘草半分

上为细末，婴小一字，二三岁半钱，上者一钱，水半盏，入灯心黑豆各少许，煎数沸，食后放冷服，须银石沙桃中煎，仍与四顺散间服，并用青凉膏贴太阳穴。

四顺散

当归去芦，洗，焙 芍药 大黄纸裹，煨 甘草炙，各等分

上为末，每服一钱，水一盏，煎至半盏，去渣温服，更量大小加减，无时。

清凉膏 治眼赤肿痛，贴太阳穴。

上须立秋日已后，取芙蓉叶阴干为末，每一字或半钱，井花水调，贴太阳穴。

地黄散 治壅热目赤肿疼，或赤脉白膜，四边散漫者，犹为易治，若遮黑睛，多致失明，宜用此。

生干地黄切，焙，称 熟干地黄切，焙，称 当归去芦，焙，称，各等分 黄连去须 大黄去皮，取实处，锉，焙，称 防风去芦并叉枝，称 羌活去芦 生犀屑 蝉壳去土 沙苑蒺藜炒，去刺 木贼 谷精草去根 白蒺藜炒，去刺，各一钱 玄参去芦，半钱 木通 甘草锉，炒，各一钱半

上为细末，每服一字成五分，煮羊肝汤调下，日三，乳食后。

玄精石散 治眼生赤脉。

玄精石一两 甘草半两

上为细末，每服半钱，竹叶汤调下。

羌菊散 治眼生浮翳障膜

羌活去芦，一分 菊花拣净，半两 防风去芦并叉枝，一分 山栀子去壳，一分，炒 甘草一分半，炒 白蒺藜炒，去刺，半两

上为末，每服半钱，或一钱，蜜汤调，日三，与决明丸间服。

决明丸

决明子拣净 车前子 菊花拣净 川芎 宣连 当归去芦，洗净，各一分 大黄 黄芩各半分

上为细末，炼蜜和丸麻子大，每五岁下三五丸，上者七八丸，煎桑枝汤，或麦门冬汤送下。

又方 治目生黑花，浮翳涩痛。

上以贝子一两，烧灰研极细，入龙脑末少许，点之。

又方

凡小儿数岁，眼中生肤翳未坚者，不可妄用，但以珊瑚研如粉，每日少少点之，三日见效。

镇肝散 治痰热眼生翳膜。

胡黄连 梔子仁各一两 甘草微炒，炙 马牙硝 青箱子已上各半两 真珠一分，另研 牛黄一分，别研

上为末拌匀，每服一钱，水八分，入荆芥、薄荷各少许，煎至半盏，去滓温服，食后。

又方 治目睛上生白膜。

上以白矾一分，水四合，于热铜器中煎取半合，下白蜜调之，用绵滤过，每用芥子许点之，日三。

又方 治翳膜重厚。

上以猪胆白皮曝干，合作小绳，如粗钗股大，烧作灰，放冷研细，点翳，二三五度，瘥。

真珠膏 治眼眵眵不见物，睛盲者。

真珠末一分，研 甘菊花拣净，一分 香豉一分，炒黄 并泉石一分

上为末拌匀，用白蜜一合，鲤鱼胆一枚，同药于石银器中慢火熬成膏，次入好龙脑末一钱搅匀，每少许，时时点之。

又方 治目盲。

以猪胆一枚，取汁微火上煎之可丸，丸黍米大或芥心大，每用一丸，纳眼中，食顷。

又方 治睛盲神法也。如用之，视物如鹰鹞，有奇效。

上于正月八日、二月八日、三月六日、四月四日、五月五日、六月二日、七月七日、八月二十日、九月十二日、十一月二日、十二月晦日，每遇上件神日，用桑柴灰一合，煎汤于磁器中渣令极

清,稍热洗之,如觉冷,即重汤煮令得所。不住手沃之,如遇上件神日不得不洗,此神日本法也。

复明散 治雀目至瞑不见物。

苍术二两,米泔浸,去反,切,焙干 谷精草一两 地肤子半两 决明子半两 黄芩半两

上为细末,每服一钱,水八分,入荆芥少许,煎至五分,去滓温服,食后。

又方 治如前。

上以黄蜡不拘多少,器内熔成汁,取下,入蛤粉相和得所,团成球子,每用以刀子切下一二钱许,以猪肝一二两批开,掺药在内,麻缕扎,水一碗,铍内煮熟,乘热气熏眼,至温时并肝食之,神效,日二服。

又方 治如前。

上以豆豉于新瓦上炒令黄色,入雄黄半两,同研为细末,每用药一钱,攒猪肝一片批开,掺药裹合,陈米饮煮熟与食之。

又方 治如前。

上以石膏为细末,每用一钱,猪肝一片薄批,掺药在中,麻缕缠定,入砂瓶中煮熟,切作块子与食,此方治诸药不效者,服之如神。

千金仙术散 治气障眼,又治肝热,目赤生病。

苍术四两,米泔浸七日,逐日换泔至日足,取出刮去黑皮,细切入青盐一两,同炒色黄,去盐 木贼二两,童子小便浸一宿,水淘净,焙干,一方又有甘草一两

上二味,同为细末,每用米饮调下一钱,服之甚效。

四仁膏 治毒气障眼,亦治疳眼。

桃仁四个,去皮、尖 杏仁四个,去皮、尖 蕤仁五个,去皮、尖 郁李仁五个,去皮、尖 茺莢五个,取肉 海螵蛸取中心末,半钱 北亭小豆大一块,晒砂是也

上于乳钵内研极细,将白蜜看多少搅匀,绢或绵滤过,别人龙脑细末、轻粉细末各少许点之。

治小儿雀目。

以夜明砂炒过为末,猪胆汁和丸绿豆大,每服十丸,米饮下。

井泉石散 治疳热攻眼,生障翳,致损睛瞳。

井泉石一两 决明石半两,火煨 甘菊花拣净,半两 夜明砂半两,微炒 黄连去须,半两 晚蚕砂半两,微炒

上为细末,每用一钱,米泔一盞,入猪肝少许,煎至肝烂熟为度,放温时服。

又方 治疳眼。

上以乌贼鱼骨、牡蛎各等分,研为细末,糊丸皂子大,每用一丸,用猪肝一叶,同药入清米泔煮至肝熟为度,和肝食之,汁送下。

目病别^①论

小儿有脑热注目,则睑涩常闭不开,又有诸物因入眼,眯之不出,又有误被诸物冲触,伤损目睛者,叙方于后。

治脑热注目,常闭不开。

上以大黄一分,粗锉,以水三合,浸一宿,一岁儿每日分半合,余涂顶上,干即更涂。儿大以意加服。

治误飞麦芒入目不出。

上用新布覆目上,持蛴螬子布上摩之,其芒出著布上。甚良。

又方 治诸物入眼,眯之不出。

用好墨清水研汁,铜箸点之即出。

又方 治误被诸物冲触伤目。

上以牛尿点之,日二,仍避其风,虽黑睛破损亦愈。

鼻中病论

肺气通于鼻,气不和,谓风冷所乘,停滞鼻中,搏于津液,使涕凝结壅,气不通快,不闻臭香,谓之鼻塞。若风冷搏于血气面生瘰肉塞滞者,谓之鼽鼻。若风湿相搏,则鼻内生疮,而有脓汁出也。若脑热攻鼻中干燥,或生疮痂,硬而无脓汁也。

辛荑散 治鼻塞。

^① 别,原作“引”,据目录改。

辛荑叶一两，洗，焙干 细辛去苗，半两 木通半两 白芷半两 木香半两，已上为末 杏仁一分，汤浸去皮、尖，研后入

上为末拌匀，用羊髓猪脂各二两，同诸药于石银器内慢火熬成膏，赤黄色，入脑麝各少许，搅匀放冷，每用少许，涂在鼻中，乳下儿因母^①吹著凶子鼻塞者，只涂凶上。

菊花散 治鼻塞涕浊。

甘菊花拣净 防风去芦并叉枝 前胡去芦，各一两 细辛去苗 桂心各半两 甘草炙，一两

上为末，每服半钱，入乳香少许，煎荆芥汤调下，食后服。

蒺藜子散 治鼻塞不闻香臭，水出不止。

上以蒺藜子半掬为细末，以水一小盏，煎至减半，令患者仰卧，满含饭一口，以药汁灌鼻中，不过再，即嚏而气出，儿大者有此病，小者未有。

治鼻中生疮有脓。

取黑牛耳中垢，先搨鼻中脓尽，傅之。

犀角升麻散 治脑热攻鼻，燥爆生疮，鼻中干硬。

犀角屑一两 马牙硝半两，研 川升麻半两，为末 黄连去须，半两，为末 朱砂半两，研飞 牛黄一分，研 龙脑一分，研

上拌匀细，每服半钱，温蜜汤调下。

清肺膏 治鼾鼻不闻香臭，出气不快，或生瘰肉。

瓜蒂半两 赤小豆一分 细辛去苗，一分 甘草一分，炙 附子一个，炮，去皮、脐

上为细末，入龙脑少许拌匀，炼蜜和丸皂子大，绵裹纳鼻中。

又方 治鼾鼻有宿^②肉，出气不快，不闻香臭。

上以白矾末和面脂绵裹塞鼻中，数日宿^③肉随药自出。

面上疮论

小儿面上忽遇有经络虚隙，谓风湿寒热所乘，搏于气血则生其疮，或如火烧，或出脓，或出

黄水，日久不能痊愈。今叙方于后。

治面上生疮如火烧。

上以赤藤荔叶杵末，生油调傅，一名山乔麦。

又方 治如前。

上以黄粱米一升杵末，蜜水和傅，以瘥为度。

又方 治面上生疮出脓汁。

上蛇蛻皮炙焦为末，和^④猪脂傅上，止。

又方 治面疮出黄水。

以鲫鱼头烧灰研末，和酱清汁傅上，一日易。

又方 治面生诸般疮。

上以菟丝汤洗之。

又方 以大麦烧存性为末，生油膩粉调涂，神妙。大麦只炒黑焦，亦得。

又方 治面疮出黄水。

豆豉一合，炒焦黄 黄柏一两，锉

上为细末，每用先以热灰汁洗疮净，拭干傅之，亦治身生如此疮。

又方 治面疮赤肿焮痛。

以地榆八两，细锉，水一斗，煮至五升，去滓，适寒温洗之。

唇口病论

风毒温热，随其虚处所著，搏于血气，则生疮疡。若发于唇上生疮，乍瘥乍发，谓之紧唇，又曰淬唇。其发频者，唇常肿大粗厚，或上有疮，不较甚者，以至唇腭。若发于唇里，连两颊生疮者，名曰口疮。若发于口吻两角生疮者，名曰燕口。俗云因乳食看视燕子，则生燕口疮也。并叙方于后。

葵根散 治紧唇。

葵根一两，烧灰 乌蛇半两，烧灰 黄柏半两，

① 母，兰陵堂本作“风”。

② 宿：兰陵堂本作“瘥”。

③ 宿：兰陵堂本作“瘥”。

④ 和：此下原有“脂”字，衍文，据兰陵堂本删。

为末 鳖甲半两,烧灰

上为末,每用半钱,猪脂少许,和涂唇上,时时用。

青液散 治赤口疮。

以青黛一钱研末,入脑子少许拌匀,少少傅上。

治小儿及老人虚入口疮咽痛。

吴茱萸去枝梗 地龙去土,等分

上为末,米醋入生面调涂足心。

治小儿口旁疮久不软。

乱发烧灰 故絮灰 黄连去须土 干姜各等分

上为末,每用少许傅上,不过三次愈。

治小儿紧唇。

上以马芥汁即大刺芥是也,先刺唇血出,以汁傅之,日七次。

治小儿热口疮。

以故锦烧灰研末,傅疮上。

治小儿诸口疮。

以五月五日虾蟆炙燥为末,傅疮上,兼治唇疮。

治小儿唇口边肥疮。

白矾一两,烧灰 蛇床子一两,为末

上为末,干掺疮上,立效。亦治耳疮头疮疮。

绿云散 治如前。

黄柏半钱 螺青三钱

上同研匀细,每服一字或半钱,掺患处。

又方 治口中赤烂。

上取羖羊生乳含之。

又方 治白口疮。

上以黄丹一两,入龙脑少许研匀,蜜和调傅疮上。

又方 治口中疮通白者,或白漫漫然,亦治疳蚀。

上以白僵蚕炒黄色,拭去毛尽,为末,蜜和傅之。立效。或以父发拭口中净,桑汁涂。

又方 治诸口疮。

上以大天南星去皮,只取中心龙眼大一块,为细末,醋调涂脚心。

又方 治如前。

上以香白芷、铜绿等分为末,掺上,立效。

又方 治如前。

上以汤瓶内碱为末,临卧时以好醋调于脚心底,明书个十字,立验。

槟榔散 治如前。

槟榔 铜绿 贝母各等分

上为细末,如患干口疮,生蜜调扫之。若患湿口疮,干掺。

血余散 治燕口疮,吻两角生。

上以乱发烧灰研细,和猪脂傅之。

又方 治如前。

上以白锡烧灰傅之。

牙齿病论

小儿牙齿病者,由风热邪毒,干于手太阳之经,随经入于龈龋。搏于血气,则生宣烂。又云,因恣食酸甘肥膩油面诸物,致有细粘渍著牙根,久不刷掺去之,亦发为疳宜烂,龈作臭气恶血。若风湿相搏,则为牙痛。如风毒入于牙中,与正气交争,则为风痛。有虫动蚀齿,则为蛀病。更有一证疳,蚀口鼻牙齿者,名曰走马疳,别具疳疮门之下收之外,叙方于后。

治牙齿宜烂,臭气有血。

皂角一挺,肥好者连皮 羊胫骨一挺

上并于炭火烧烟尽,以盆覆之候冷,用纸一张,铺湿地上顿药,出火毒一夜,为末,如常揩牙用之,三上瘥。

又方 治如前。

茺萸半两,炒黑 白矾半两,生

上为细末,入麝香少许拌匀,先以水漱口齿净,然后用少许揩牙。

又方 治如前。

上以风化石灰一块,大火中煨通赤,取出放冷为末,每用少许,旋入麝香少许,傅牙根疮上。

桃红散 治牙痛肿烂脓血。

朱砂一钱,研,水飞 绿豆粉一两 硼砂半钱 脑 麝各一字

上为末,每用一字,傅患处,或揩贴之。

麝香散 治如前。

铜绿半钱 绿豆粉一两 胆矾半钱，火煨过
脑子一字

上为末，入麝少许研匀，每服一字，擦贴患处，有涎即吐。

甘露散 治小儿胃热，牙龈宣露出血，口臭脸肿，赤眼口疮，不欲乳食，肌体烦热，及疮疹已未发，皆可服。

熟干地黄 生干地黄 天门冬去心 麦门冬去心 枇杷叶刷去毛，净 枳壳麸炒，去穰 苦参 石斛去根 山茵陈 甘草各等分

上为末，每服二钱，水一盏，煎至半盏，去滓温服，食后，量大小加减。

治小儿牙宣，常有鲜血，龈缝臭秽。

砒黄一钱 麝香半钱

上同研细，以纸条子生油涂过，掺药在上，少少用末，剪^①作小纸棋子，看大小用，插在患处缝内。

治小儿牙齿宣疳。

以黄连为末，入麝研匀，贴患处，亦治口疮。

治风蚌牙疼。

上以马鞭草煎汤含漱之。

又方 治如前。

莽草 升麻 细辛去苗 甘草各一分

上粗锉，水一碗，煎数沸，盥漱之，冷即吐，别含漱。

藁本散 治如前。

藁本去芦 白附子 川芎 莽草各半两，先为末 青黛一钱 芦荟一钱 麝香一字，并各研

上拌匀细，每服一字或半字，措患处。

又方 治如前。

上以肥皂一个去子，满填盐在内，炭火烧烟尽，放冷研细，每用一字或半钱，措患处，有涎即吐。

舌病论

小儿舌上偶生疮肿者，由风毒邪热，搏于血气，随其虚处，著而生病也。发于舌上紫肿者，名曰紫舌胀。若肿粗大木闷而硬者，名曰木舌胀。

若风湿相搏而生疮者，名曰舌疮。若风多而舌肿如吹胞者，名曰鼓舌。其紫舌、木舌、鼓舌肿甚者，则满口溢出，塞闭气门，皆能杀人。

治紫舌肿。

上取羊乳饮之。

又方 治如前。

上以新鲫鱼，薄起肉片子，顿舌上，数数易之。

治舌上生疮，不能饮乳。

上以白矾研末，和鸡子置醋中涂儿足底，七愈。

又方 治如前。

上以蒲黄傅之。

又方 以桑白皮汁涂乳上吮服。

又方 治如前。

上以胡粉细研，用猪筒骨中髓调傅之，日三。

治木舌肿硬，满口逡巡，气闭则杀人。

上以釜底煤和盐等分，以酒调，表里涂舌，须臾即消，无酒亦得。

又方 治如前。

川朴硝半两 真紫雪一分 白盐半分

上和研匀细，每用半钱，入竹沥三两滴白汤少许，调涂舌上，咽津不妨。

治舌卒肿如吹胞满溢出，气不得通，无可治奈^②。

上以半夏十枚，汤洗去滑尽，以苦酒一升，煮取五合，稍稍含漱之，不得咽津，戟入咽喉，加以生姜一两，同煮亦得。

又方

上煎甘草浓汁含之。

又方

以糖醋满口含之，良。

又方 治紫舌木鼓，肿满闭气，诸药不效，当用此救。

① 剪：原作“煎”，据兰陵堂本改。

② 无可治奈：兰陵堂本作“奈无可治”。

上以舌两边,以指刮破,或以铍刀决破,出其毒血,慎勿伤舌下中央脉也。若血出不止,已及数升者,烧铁篦烙疮数过已,绝之,烧铁篦约

度,不可大^①过。

小儿卫生总微论方卷第十八终

① 大,兰陵堂本作“太”。

小儿卫生总微论方卷第十九

咽喉病论

小儿咽喉生病者，由风毒湿热搏于气血，随其经络虚处所著，则生其病，若发于咽喉者，或为喉痹，或为缠喉风，或为乳蛾，重者或为马喉痹，又或悬痈肿，或腮颌肿，或喉中生疮，一切诸病，随症具方于后。

治喉痹肿闷。

以露蜂房烧灰研细末，每服一钱，乳汁调服。

以蛇蜕皮烧灰研细末，每服一钱，乳汁调服。

以鲤鱼二七枚，和灶底土涂患处。

以川升麻令含一片。

以韭一把杵烂熬，傅上，冷即易。

以白矾棋子大，含之。

以陈白梅一个，取肉，裹白僵蚕一枚，含咽津。

以地龙一条研烂，纳鸡子白和匀，便倾入喉中。

以绳缠扎手大指屈，于节上针挑刺出血，即瘥。

铁粉散 治如前。

铁叶粉一分 硼砂一分 白矾半两，生

上为末，每服半钱，冷水调下，连二三服。

蛇蜕散 治如前。

蛇蜕一分 白梅肉一分，炒 牛蒡子半两，炒
甘草一分，生

上为散，每服一钱匕，绵裹，汤浸少时，含咽津汁，小儿吮之。

又方 治喉痹咽肿，出气不快。

上以鼠粘子二两炒焦，甘草半两炙黄，同为细末，每服一钱，新水调下，更入蜜少许。

又方 治喉痹不能语。

以大豆煎汁，放冷含之。

以鼈胆少许，生姜、薄荷汁化服，得吐便愈。青鱼胆亦得，收得以青黛酿之。

治缠喉风，束气不通。

蛇蜕炙令焦黄 当归去芦，焙，各等分
上为末，温酒调下半钱，得吐良。

又方 治如前。

蓖麻子去皮，二个 朴硝二钱
上为末，新水调下一钱，未效再服。

又方 治如前。

天南星生 白僵蚕生，去丝、嘴，各等分

上为末，每服一字或半钱，生姜自然汁调下。

又方 治如前。

上以白僵蚕二个，去丝为末，生姜自然汁调，更入蜜少许拌匀，分二三服，或只用半钱一字，旋调服之。

定命散 治缠喉乳蛾等病。

川大黄锉，炒 黄连去须 白僵蚕直者炒，去丝、嘴 甘草生，各半两 五倍子一分 腻粉五筒子

上为细末，每用一字，竹苇筒子吹入喉中，如毒气攻心肺，喉中生疮，咽饮不得者，以孩儿乳汁调药一字，鸡羽蘸之，深探入喉中，得吐者活，不吐者死。

又方 治缠喉乳蛾喉痹，咽喉颌项肿闷闭塞，气不得通者。

上令患人先呷好麻油少许，后以蕤叶烧灰研细末，水调下半钱，立效。大者增之。

犀角散 治马喉痹，其候如喉痹，更加连咽颌项颌颊肿甚，咽喉闭塞，但数数喷气，此症极恶。

犀角屑半两 射干三分 桔梗去芦，三分
马兰根三分，锉 甘草半两，炙 川升麻半两

上为粗末，每服一钱半，水一盞，入竹叶五片，煎至六分，去滓，入马牙硝半钱，搅匀细，含咽。

又方 治如前。

上以马衔一具，水二盞，煎至半，量大小分服。

治悬痈暴肿妨闷。

以干姜、半夏等分为末，少少以箸点药著上，半夏以白矾汤洗数次去滑。以硃砂半钱，绵裹含之，细细咽津。

又方 治悬痈忽倒。

上以白矾灰、盐各半两，研细，箸头点上拨正，亦治肿闷，日七八遍。

治咽喉腮颊肿闷。

上以蒜塞耳鼻中。

又方 治如前。

上以马鞭草根截去两头，取在中者，捣汁服之。

又方 治如前。

上以黄柏、寒水石等分为末，量肿处，以薄荷水调药，用鸡羽扫上，干即再扫。

绿云散 治喉痹、马喉、缠喉、乳蛾、重舌、木舌、一切咽喉之疾。

螺青 盆硝 生蒲黄 生甘草各等分

上为细末，每服一钱，生姜自然汁调，细细含咽，若已闭塞不通者，用苇筒入药吹入喉中。重舌木舌，生姜汁调涂患处。咽颌肿痛者，依此用之。口疮舌上生疮，用此药涂之最效。李方叔、阎孝忠皆以此方救入甚多，以磁盒密封收贮。

如圣汤 治咽喉一切诸疾。

甘草一两 桔梗去梗，一两

上为粗末，每服一大钱，水一盞煎，去滓放温，时时呷，煎六分。

龙石散 治如前，并治口舌疮肿。

寒水石煨通赤，一斤 朱砂研，飞，一两二分半
脑子研，半分

上为细末，每用少许，掺患处，病在咽喉者，吹入喉内，细细咽津，日五七次，临卧一两次用，妙。

如圣丸 治咽喉一切诸病。

川大黄一分，末 白矾一分，末 马屁勃一分，末
蜗牛十四个 陈白梅肉十分

上于五月五日午时取蜗牛，以白梅肉同研烂，入药和丸如楝子大，每用一丸，绵裹含化咽

津。若病重不能开口，即研药作末，苇筒吹入喉中，滴水三四点送之，或以净水磨药灌之，立瘥。

通关散 治如前。

枯白矾 雄黄水飞 藜芦微炒 白僵蚕去丝、嘴 猪牙皂角去皮、弦

上各等分为细末，每用一字，鼻内搐之，甚者苇筒吹入喉中，涎出或血出，立愈。

治小儿咽喉肿痛塞闷。

以桑上螻螂窠一两烧灰，马屁勃半两同研匀细，炼蜜和丸桐子，三岁下煎犀角汤研下三丸，大者加之。

治小儿饮乳不快，觉似喉痹。

以沙牛角烧刮取灰，涂乳上吮儿，咽下，即瘥。

射干汤 治如前，咽喉一切诸病。

射干 川升麻各一两 马牙硝 马屁勃各半两

上为末，每服一钱，水一盞，煎至六分，去滓温服。

金露膏 治如前。

寒水石煨通赤，四两，研 雄黄一两，研，水飞 硼砂二钱，研 甘草末四钱 脑子一字，研

上拌匀炼蜜和丸桐子大，食后含化一丸。

荆芥桔梗汤 治喉中生疮。

荆芥穗 桔梗去芦 甘草生 牛蒡子炒，各等分

上为细末，每用一钱，水一小盞，煎至六分，去滓，温服之。

又方 治如前。

桔梗去芦 甘草生 牛蒡子炒，各一两

上为粗末，每用一钱，水一小盞，入青茹少许，煎至六分，去滓放温，时时呷。

又方 治如前。

上以葱须阴干为末，又别以胆矾为末，并各自，每用以葱末二钱，胆矾末一钱和匀，以半字或一字，苇筒吹入喉中病处。

项瘰论

小儿项瘰，由啼怒未定，遽以乳饮，致气逆

不散，留结而生，其状在项垒垒然，渐渐长大而分有瓣。又云，葛根在地，泉流浸之，人因取其水以食饮，则生项瘰。故近山居人多有之，以葛生在山中故也。

昆布丸 治项瘰。

昆布一两，洗咸味 海藻一两，洗去咸味 草龙胆去芦、一两 槟榔半两 甜葶苈一两，隔纸炒 牵牛子半两，炒

上为细末，而糊和丸黍米大，每服十丸，人参汤下。

又方 治或生项瘰，已及一二年。

上以黄药子半斤，须万州紧重者为上，若轻虚者，即是别州所出，力慢须用一倍。取无灰酒一斗，入药固瓶口，以糠火煨烧一伏时。不可榷酒，不可有灰，待冷即开瓶，令患者时时饮半合一合，不可令绝酒气。经三五日看之，觉消即止饮。不尔，便令儿项细也。刘禹锡亦著效验，其验如神，唯烧酒候香气出，瓶头有津出便止，不必须待一伏时也，仍禁喜怒，但以线子逐日围度，乃知其效也。

恶核瘰疬论

小儿腑脏不和，及遇项边经络虚隙，为风热毒气所干，与血气相搏于项边，结成核子，复遇风寒所加，则不消不溃，名曰恶核。若更风温相加，搏于津液，与腑脏相乘，则溃化脓血，或效^①而复发，或根旁别生，以至数个，连续不瘥，名曰瘰疬。俗呼疔子。此腑脏血气内外相属之病也。

皂角膏 治项边生核子不消。

皂角大者一挺，烧存性 糯米一合，炒黑焦 草乌头二钱，生 黄皮二钱，炒黑色

上为末，量多少，以并花水调贴核上，未消与水晶丹下之，利过以观音散补之，仍再贴之，即消。

水晶丹

天南星洗净，生为末，一分 滑石生为末，二钱 水银粉称，半钱 芫荇取仁一百片 巴豆五十粒，去壳，不去油

上先研巴豆极细，次入芫荇仁复研，方入众

药研匀，烂饭和丸黍米大，每服三五丸，量大小加减，临卧稍饥，葱白米汤送下，利过忌生冷硬物，仍以观音散补之。方已具前。

如圣散 治如前。

绵黄芪一两，锉 连翘一两 鸽粪半合，烧灰 川大黄半两，锉，炒 糯米半两，用斑蝥七个同炒米黄，去斑蝥 犀角屑半两

上为细末，每服一钱，水八分，人酒三四滴，同煎至五分，去滓放温，时时呷。

紫檀散 治如前。

紫檀香 木香 川朴硝研 卷柏各一两 赤芍药 川大黄各半两

上为细末，每服少许，以鸡子白调，稀稠得所，涂患处。

取瘰疬内消。

上以长三寸鲫鱼一个去肠，以和皮巴豆填满，麻皮扎定，以一束秆草烧烟尽，取出放冷，研为细末，烂稠粥和丸黍米大，每服一丸，粟米饮下，临卧，未利加一丸，以利为度。

又方 治如前。

上以斑蝥一两去翹、足，用粟米一升，同炒至米焦，去米不用，只以斑蝥为细末，入薄荷细末四两拌匀，乌鸡子清和丸黍米大，空心茶清下一丸，一日加一丸，至五丸止，翌日却减至一丸，以后每服五丸。

胡麻丸 治瘰疬。

胡麻四两，炒香 羊蹄躄一两，焙

上以为末，炼蜜和丸麻子大，每服七丸，渐加至二十一丸，热水下，日二，见效为度，已破者，更用黑母牛粪烧灰，研末傅之。

治一切瘰疬经效方。

上以牡蛎火煨通赤，取出，湿地上纸衬，出火毒一宿，每四两，用玄参三两，同为末，面糊和丸绿豆大，早晚食后酒下，各下三十丸，药尽则病除根本。

又方 治瘰疬已破未破，其效如神。

上以如前煨过牡蛎四两，用甘草二两，同为细末，每服一钱，腊茶点服，日二。

^① 效：原作“较”，据兰陵堂本改。另，四库本作“瘥”。

治小儿瘰疬。

以蜗牛壳一两，用牛乳半升，铫子中慢火熬令乳尽，取蜗牛壳研如粉，入大黄末一分，更研匀，每服半钱，皂荚子仁汤调下，大小便中出恶物，瘰。

又方 治如前。

以白僵蚕去丝、嘴，炒过为末，每服半钱，温水调下，日三。

龟胸论

小儿有龟胸者，因乳母有宿乳恶汁，不捻去之，仍以饲儿，忽遇风热邪毒相干乘，伤于肺经，致肺气滞停，重壅胸膈，骨渐高起，状如龟壳，故曰龟胸。

百合丸 治小儿龟胸。

百合一两 川朴硝半两 杏仁半两，汤浸，去皮、尖 木通半两 桑白皮半两 川大黄半两 天门冬去心，半两

上为细末，炼蜜和丸黍米大，每服十丸，米饮下。

又方 治如前。

上以龟尿摩擦胸骨，取龟尿法，以莲叶内顿一物，安龟在上，用镜照之，则尿自出流莲叶，以物盛用之，甚佳。

龟背论

小儿有龟背者，由儿在婴小时骹骨未成，强令独坐，则背隆阜。而偶为风邪干袭，与血气相搏，入骨髓缠滞不散，致背高隆起，若龟壳之状，故曰龟背，又名隆背。如驼有峰块起者，是名驼背，乃胎孕之病，不可不治^①。

松药丹 治儿龟背。

松花一两，洗，焙干 枳壳麸炒，去穰，一两 独活去芦，一两 防风去芦并叉枝，一两 前胡去芦，半两 麻黄去根节，半两 桂心半两 川大黄半两，煨

上为细末，炼蜜和丸黍米大，每服十粒，米饮下。

又方 治如前。

上以龟尿摩背脊骨，取尿法在前。

手足拳挛论

小儿有手脚拳挛者，由本气不强，筋骨力弱，血气不荣，而为风邪所乘，搏于经络，则筋脉缩急，有本无力，则手拳而不能展用，脚挛而不能伸举也。若生下便拳挛者，此胎孕中病，不可治也。

薏苡仁丸 治手拳不能展开。

薏苡仁一两，汤浸，洗净，去皮 当归去芦，一两，洗，焙干 秦艽去苗，一两 防风去芦叉枝，一两 羌活去芦，一两 酸枣仁去皮，一两

上为细末，炼蜜和丸鸡头实大，每服一丸，麝香荆芥汤化下，儿大增之。

海桐皮散 治脚挛不能伸举。

海桐皮 当归去芦，洗净，焙干 牡丹皮去心 熟干地黄 牛膝去芦，酒浸，焙干，各一两 山茱萸 补骨脂各半两

上为细末，每服一钱，水八分，入葱白二寸，煎至五分，去滓温服。

风痲^② 癩疹论

小儿风痲^③ 癩疹者，小儿肌肤嫩，血气乘弱，或因暖衣而腠理疏开，或天暄而汗津润出，忽为风邪所干，搏于血气，藏流于皮肤之间，不能消散，而成痲成疥，相连而生，其状如生姜片，轻者名曰风痲^④，不至改色。重者名曰癩疹，改赤紫色^⑤，发搔痒，搔之不解，甚者使入心神闷乱。

上先看其色泽，白者以牛膝酒浸一宿，焙干为末，每服一钱或半钱，温酒调下。若色赤者，以

① 不可不治：兰陵堂本作“不可治”。

② 痲：兰陵堂本作“疾”。

③ 痲：兰陵堂本作“疾”。

④ 痲：兰陵堂本作“斑”。

⑤ 赤紫色：原作“赤赤紫”，据兰陵堂本改。

灶下黄土研细末，生姜蜜水调下，一钱或半钱。

又洗方 治如前。

荆芥 细辛去苗 白芷 薄荷叶各等分

上为粗末，每用两大匙，水一桶，取羊蹄菜一棵，连根叶枝茎细锉，同煎至叶烂，倾盆中，先以寻常热汤暖处浴身体，候有汗出，即用药汤淋洗，洗毕避风，忌海鲜鲜酱毒物。

又涂方 治如前。

上以白矾一两二钱，暖酒投化，用马尾搵涂之。

防风汤 治如前。

防风去芦叉枝 鼠粘子 荆芥穗 人参去芦，各一两 甘草炙 天麻各半两

上为细末，每用一钱，水八分，入生姜、薄荷各少许，同煎至五分，去滓温服。

治卒发风疹。

上以石灰不拘多少，和酸浆水调涂之，随手灭。

治小儿瘾疹。若不治，入腹即能杀人。

以盐汤洗了，用蓼子接烂傅之。又以枳壳锉末，煎汤洗之。又以蚕砂二钱，水二碗，煮一碗洗之。

又方 治如前。

上以吴茱萸半升，酒二升半，煮取五合，以绵蘸拭。

三奇散 治风痕① 瘾疹遍身，掐之不认痛痒。

凌霄花 白扁豆 甘草各等分

上为细末，每用一字或半钱，蜜汤调服。

又方 治风痕② 瘾疹，心神迷闷。

上以巴豆二两槌破，用水七升，煮取三升，绵蘸搵拭之。

麝犀丹 治风疹不瘥，甚者如癫，服之神验。

犀角屑一两 乌蛇肉半两，酒浸，去皮骨，焙

天麻半两 白附子半两 白僵蚕半两，炒，已上先为末 朱砂一两，研，水飞 龙脑 麝香各一钱，研

上拌匀，炼蜜和丸黍米大，每服十粒，煎金银、薄荷汤下。

又方 治风疹入壅，身强舌干，亦能杀人。

上以蔓青子为末，温酒调下一钱或半钱，又以蚕沙二钱，水二碗，煮一碗洗之。

疥癣论

小儿血气热，为风湿所干，搏于血气，散于皮肤之间，而生疥癣。又云，蛲虫作动，内外相乘之所生也。

雄黄膏 治小儿遍身疥癣如粟，痒而搔之脓血出。

雄黄一两，研，水飞 雌黄一两，研，水飞 松脂一分，研 川乌头一个，去皮、脐，为末 乱发一分

上以猪脂六两，于铫于中煎成油，入乌头、松脂、乱发，煎至发消尽，以绵滤去渣，入二黄末搅匀，盛瓷器中，候冷成膏，每用少许，涂擦头上，日三，亦治癣。

又方 名同，治同。

雄黄末，一钱 黄丹一钱 膩粉一匣 蜡一块 巴豆十粒，去皮 葱五根，切碎

上用油一两，入葱、巴豆煎黑焦，滤去滓，入余药搅匀，候蜡熔取下，磁器中盛放，冷成膏，每用抓破疥疮涂擦。

碧粉散 治如前。

蛇床子一两，微炒 狼毒半两 硫黄半两 青黛半两

上为末，膩粉少许拌匀，好油调涂擦，神效。

又方 治如前。

大腹子二分 蛇床子二分 硫黄一分半

上为细末，入轻粉少许，好油调匀，临卧抓破擦疥上，及以药少许涂手心脚心，用手擦极热，甚者不过两次上。

治癣新生。

上以沙糖、硃砂各一小块同烂，抓破涂之。

又方 治诸癣。

上以蛇床子为末，和猪脂为膏涂之。

又方 治湿癣。

① 痕；兰陵堂本作“疾”。

② 痕；兰陵堂本作“疾”。

上以桃树青皮为末,和醋傅之。

又方 治圈而癣。

上以羊蹄根干生为末,与白矾等分,研细匀,好醋调涂。

又方 治诸癣。

上以决明子为末,入少许水银粉研匀,以物擦破癣上涂之,立瘥。

又方 治如前。

斑蝥五个,去翅,足、微妙 盐豉四十九粒,浴令润 砂糖皂子大,一块

上先研斑蝥将细,入二味同研成膏,每用一大豆许,唾津调涂上,大效。

又方 治奶癣。

黄连去须 赤芍药等分

上为细末,入轻粉少许,嚼芝麻揉汁调药,先洗净拭干,以药傅之,不过数次而愈。

治下练癣疮,常对在两脚。

上以白犬血涂之,立瘥。

治上练癣,常在头上。

上以芦荟一两,甘草半两,同为末,先以温浆水洗之,以帛子拭干,用药傅之,立干便瘥。甘草炙过用。

又方 治如前。

上以大梔子不限多少,烧存性为末,好油调傅之。

又方 治疥癣。

因用硫黄、砒霜药,病愈后臭毒之气不歇,欲去之,又以薰本煎汤浴之,及用浣衣。

金疮论

小儿有误被尖刀硬物伤其肌肤,其轻浅者,虽有血出,不至危殆,其重深者,有损伤于经脉,血出不止。又有因伤中风者,则口噤身强,俗云破伤风也。

治诸金疮。

槟榔 黄连去须,各一两 木香半两

上为细末,如治一切金刃所伤,血出疼痛,以末傅之,血定不痛不脓,如斫下指来,血未定,速将药裹,便得连接。

又方 治诸金刃所伤,血出不止。

槟榔 黄连去须 石膏各一两 黄柏半两

上以为细末,随多少掺傅疮上,血定便入水不妨。

又方 治如前。

上以白芍药为末,贴傅即住。

又方 金疮深者,不可以药速合,则内溃伤肉。

上但以黄丹、滑石等研细末傅之。

天蛾散 治诸金疮。

上以晚蚕蛾不拘多少,为细末,掺伤上,用绢帛封裹,随手血止疮合,大妙。

又方 治如前。

上以五倍子刷净为末,掩伤处,血立止,较^①即无痕。

又方 治如前。

上磁石末、烧毡灰、甄带烧灰,千金方云石灰末^②,若仓卒之间,得一味傅之皆可。

治破伤风,口噤身强。

上以天南星一个,防风二寸,同为末,先用童子小便洗疮口,后用药傅之,追出赤水是效。

又方 治如前。

上以肉苁蓉切作片子,晒干,用一小盏子,底上穿一孔合着,火烧,药如香烟从孔中出,熏疮口,累验。

又方 治如前。

上以好鱧胶二钱,火上炙焦为末,热汤调下,分二服连服。一方用一仰一合瓦,内烧鱧至烟断,研细末,热酒调下,汗出愈。

又方 治破伤风腰脊反张,牙关紧急,四肢强直。

上以鸡粪白半升,大豆二升半,和炒令变色,乘热用酒沃之,微煮,令豆味出,量性饮之。

追风散 治破伤风。

草乌头四个,二个生用,二个炮熟 椒二十八粒

上为末,贴疮上,风毒自出。

① 较:据文义似当作“效”。

② 千金方云石灰末;兰陵堂本作“千金石灰米”。

又方 治如前。

上以黑豆四十粒，朱砂一字，同研为末，酒半盏，调下一字，瘥。

又方 治如前。

上以白面、盐各一撮，新水调涂疮。

又方 治如前。

上以苏木锉，煎浓汁灌疮中十数盏，不令绝，候疮中黄水出是效。

又方 疮口作白痴无血者，杀入最急。

以雄雀直粪研，热酒调下一字或半钱。

又方 治破伤风经验。

上以狗顶上毛烧灰，贴疮上。

汤火伤论

小儿有偶被汤烫、火烧成疮者，轻则初乃疱起，破有黄水而为疮也，重则便皮破肉伤而为疮也。切不可用冷物泥蜜之类涂之，恐令热气不出，伏留溃烂，深伤经脉，宜加慎之。今叙方于后。

麻子膏 治汤火疮，经验。

大麻子一合 柏木白皮一两 香白芷一两
甘草一两 生地黄一两

上为粗末，以猪脂八两，同药熬色黄，以绵滤去滓，盛瓷器中成膏，每用少许涂疮上。

又方 以洗而脚日晒干，炒焦黑，研细，好麻油调涂，更解热毒。以蕤叶烧灰研细，油调涂之，止痛无瘢。经验，以水煮大豆汁涂之，易瘥无瘢，以醋和泥傅之。孙光宪家婢抱一孩儿，误落炭火上烧疮，便以醋和泥傅之，较^①无瘢痕。

以柏子房晒干，通风处挂之，要用时旋为末，好油调鸡翎扫上，如铺冰，痛便止。

以蛤蜊壳为细末，油调涂之，如冰无瘢。

以小麦面炒焦黑，研如粉，生麻油调涂，鸡羽扫上，入妙。

又以风化石灰不拘多少，铤子中炒黄色，地上出火毒毕，研细末，生麻油调涂。凡伤至重，焮痛不已，败坏筋骨皮肉者皆治。

又以捉一大活鼠，先用铤子煎芝麻油一斤至热，旋打死鼠，候冷顿油内煎，直至毛骨俱散，滤去滓不用，入乳香末没药末各半两搅匀，上炭火熬成膏，瓷器盛封系定，搔一坑深一尺许容之，候三月取出。凡遇汤火伤涂之立效，亦治金疮。

小儿卫生总微论方卷第十九终

① 较：据文义似当作“效”。

小儿卫生总微论方卷第二十

疳疮论

小儿有诸疳疮者，由内有疳气，因而虫动，外被风毒所干，内外相乘，搏于血气蚀发之所作也。若发于口鼻牙齿者，初则疮小，渐渐蚀大，其蚀有缓急，缓者名曰常疳，急者名曰走马疳。有至鼻口蚀烂，牙齿脱落者。若发于缘身四肢者，只名疳疮。若发于阴物者，名曰下疳。其疳皆不甚痛，但微痒而已，不觉之间，蚀以深大，若不早治，皆能为害也。

泽泻散 治疳蚀其鼻生疮，及鼻下赤烂。

泽泻 川郁金生 甘草 炙山梔仁炒，各一分

上为细末，每婴小一字，二三岁半钱，五七岁一钱，甘草汤调下，日二，及用**青金散**傅之。

青金散

铜青 白矾生，各一钱

上为末，每少许傅疮上。

黄连散 治如前。

上先以米泔水洗疮讫，用黄连细末傅之，日三四。

芦荟散 治如前。

上以芦荟为末吹鼻中，鼻下有疮即傅。

又方 治如前。

上以熊胆半分，汤化涂患处。

又方 治如前。

上以黑牛耳中垢傅疮上。

又方 治如前。

上以鲫鱼胆滴鼻中，连三五日甚效。

石胆散 治疳蚀口鼻，生疮赤烂。

石胆一两 乱发烧灰，半两 菘蓂子半两，生地龙去土洗净，焙，一分

上为细末，入麝香半钱，同研匀细，每用一字，贴疮上。

又方 治疳疮口齿蚀透。

上以白僵蚕去丝嘴，炒黄为末，蜜和傅之。

又方 治疳蚀牙齿，龈烂疮溃。

上以发不拘多少，烧作灰，麝末少许，同研细匀，掺上立效。

龙骨散 治走马疳蚀口齿疮烂。

砒霜一字 粉霜半钱 龙骨一钱 定粉一钱半 蟾酥一字

上先研砒细，入龙骨研细，方入诸药，入龙脑半字，同研匀细，每用少许傅上。

治小儿牙疳蚀断肉溃血出。

入中白取法：用一瓦盆盛入尿，旬余日至满，澄去其清，取白脚暴干，称半两 麝香半钱

上为细末，入糯米饭研匀和剂。搓细小短条子，临时随牙缝大小，扎在病处缝中，甚效。一方只用末傅之。

治小儿走马牙疳。

上以雄黄不拘多少研细，以连纸条子掺上，捻作纸，灯上烧过，入钵中，同麝香少许研细，掺疮上。

治小儿走马疳蚀牙断损烂。

以胆矾为末，薄切萝卜作片子，反覆搵末，于火上炙令干，研，更入麝香研匀，傅患处，立安，已验。

以五倍子中虫末研细，更入麝香拌匀，先用浆水漱口，小儿未能漱者，以帛子搵浆水搵之，须令留浆水气，以药傅之。若龈烂，即病已深矣。若小儿面上或骨节上生赤疮无头，如烂梨靨者，即用此药贴之。一方用五倍子烧存性，为末傅之。

又方

以不虫皂荚一铤烧灰，胆矾四钱为末，盐一弹子大，用纸包了，黄泥固济，炭火煅，青烟起为度。顿冷地上，碗覆一宿出火毒，三味同研匀细，每用先以盐汤漱口了，以药于病处搵至痛，复用盐汤漱之妙。

以杨花少许，烧灰存性，入麝研匀傅之。

治小儿急疳蚀口鼻，数日至尽，欲死。

以文蛤烧灰，腊月猪脂和傅。

治小儿疳蚀鼻烂。

以胆矾一块，烧令烟尽，研末掺患处，一二日瘥。

治小儿疳蚀，口鼻作疮黄瘦。

石胆一分 芦荟一分

上同研细末，掺患处，但频用，即烂肉自然成脓，便生好肉，亦不别损，渐渐瘥愈。

治小儿疳蚀，鼻下两道赤者，名曰疳鼻。

以黄连去须为末，先以米泔洗净，用末傅之，日三四次。

又方 治如前。

石胆一分 黄连去须，末，一分

上同研匀细，生油调涂之。

又方 治如前。

五倍子三分，为末 黄丹一分，火飞

上同研匀细，以绵裹贴患处，或涂之亦得，日四五次。

治小儿疳蚀，满口彻鼻。

麝香一钱，研末 蟾酥三片，如柳叶大，于铁上慢火炼焦黄色，别研末 五灵脂去砂石末，一钱 蜜半两

上相和，于铤子内慢火熔成膏，每用先去却疮上烂物，以药涂之，日夜四五次。

治疳疮。

以胡粉熬八分，猪脂和傅，油亦得。

又方

以蛆壳洗净焙干为末，每用先以葱汤洗疮拭干，用药掺之。以栗子嚼烂傅之。

龙脑膏 治走马急疳蚀口鼻。

龙脑一字 麝香一字 砒一字 白藜一字

上为细末，用猿猪胆汁调药，适稀稠，以纸任子涂上，即瘥。

又方 治走马急疳蚀口鼻，数日间欲死。

上以蓝淀傅之令遍，日十次，夜四次，取瘥。

又方 治走马急疳，蚀牙齿，断透损骨。

上以天南星一个，当心取作坑子，安雄黄一块在内，用面裹烧之，候雄黄作汁取出，以盖子合在净地上，出火毒了，即去面裹，研为细末，入

麝香少许匀之，傅疮上。量多少用。

熊胆膏 治走马急疳，蚀口鼻牙齿。

熊胆半两，研 蚌蛇胆一分，研 芦荟一分，研 牛黄一分，研 龙脑一钱，研

上同末，更入麝香末一钱拌匀，以并花水一小盏搅和药匀，入瓷器中，重汤慢火熬煮成膏，每服一豆大，薄荷汤化下，兼涂疮上。一方更有黄矾一分，治缘身疳疮，用少许涂之。

蟾蜍散 治走马急疳，虫伤腑脏，上蚀口鼻，牙齿赤烂。

干蟾烧灰，半两 蓖苳子烧微黑，半两 白矾半两 生硫黄一分，上先末 熊胆半两 雄黄一分，研，水飞 芦荟一分，研 麝香一分，研

上拌匀细末，每用一字，煎荆芥汤调下，及傅疮。鼻中痒生疮者，以少许吹入鼻中，日三。

兰覆散 治走马急疳。蚀口齿，恶血臭气，不喜所闻，牙齿脱落。

黄连末去须，三钱 铜绿一钱 水银一钱，用煮枣肉一个，同研 麝香一字，研

上同匀细，洗净漱口了，以药傅疮上，用生兰香果覆之，蚀肉成坎者，一傅肉生。

三白散 治走马急疳蚀唇口，牙齿臭烂，逡巡狼狽者。

砒霜 粉霜二物先研细末 石灰研细，罗三次用，各称等分

上相合，先左研干下，却右转研干下，当极细腻如粉，每用以鸡羽尖蘸少许扫疮上，其疮便干，慎勿多用，恐毒入腹，无令咽津，此药儿小者难用。

治疳疮立效方。

黄连去须，一分 膩粉二个 麝香少许

上为细末，先含水洗疮净，干贴之。

又方 治如前。

大粪内蛆踏，洗净，晒干 虾蟆只用四脚，晒干 蜜陀僧 使君子去壳

上各等分为末，先以温水洗疮净，用药掺贴之，及以滴水和丸绿豆大，煎使君子汤下五七丸。

又方 治急疳疮。

上以蚌蛇胆研细，水调傅之。

治下疳，定效散。

诃子一两，去核 好腊茶一两 膩粉十筒
麝香少许

上同为末，先用汉葱、木贼、川椒三味煎汤，乘热熏疮，候通手洗泔，令脓血净，将药量多少傅之。

又方 治如前。

上先以韭菜根打碎，百沸汤泡，洗疮净，帛子搵干，用蜜陀僧不拘多少，研细末，入轻粉和匀，干掺傅之，效。

又方 治如前。

上以朝生暮老花一钱为末，入膩粉十文，同研极细匀，生油调涂，仍先以葱椒汤洗疮净，帛子搵干，然后用药，忌酸辣酢酱毒物。

痈疔论

小儿生痈疔者，由六腑不和，风毒邪热等干于皮肤，搏于血气，入客经络之间，留结而生。小而头者为疔，大而无头者为痈。初生则赤肿，渐渐肿起，外则皮薄而光，内则肉腐败溃，变而为脓，无头者须针刺破，有头者不必刺也。熟则捻去脓血得尽者，随即便瘥。若脓血不尽，疮口合者，虽暂时得瘥，终须更发，或根边别生。若邪毒入深，附骨留结者，则为附骨痈。若出脓血复遇风冷所乘，傅搏日久不瘥者，则为疽疮。若外面皮肤虽合，而毒气入里，攻溃转深，只有疮孔，时出恶汗者，此变痿疮也。

上以甘草一两，各二寸长，用水八分一碗，将甘草蘸水，文武火上炙至水尽，为粗末。别用水一碗，煎至半碗，放温，时时量性服，取微利，其毒自消，未利再服。

又方 治痈疔欲成，未见其头，但肿痛不已。

官桂 陈皮等分

上杵末，水调傅患处。

又方 治如前。

上以大黄、朴硝等分为末，每用三钱，入面一钱，新水调涂。

雄黄膏 治痈疔才发，赤肿作痛，便用龙角

散、忍冬散三方大妙。

雄黄半两，研，水飞 天南星半两，生末 寒水石煨过，一两，研 黄丹一分 乳香半两，研
上拌匀，细蜜调成膏，摊帛子上贴之。

龙角散

地龙去土，称，一两 荆芥穗一两 甘草一两，炙角刺一两，取紫色不枯者，净洗，搗去骨，只用皮

上为粗末，每用一合，水三盏，酒一盏，煎至二盏半，去滓，再煎至二盏，入研细乳香末一钱匕调匀，量大小旋旋与服，五七岁儿半盏，已下分二服，日三，神验。

忍冬散

忍冬草干者，一两 甘草节半两 大黄半两，生

上同为细末，每用三钱匕，水一大盏，煎至七分，调乳香末半钱匕，服如上法。

又方 治痈疔无头要生。

上以葵菜子一粒，新汲水吞下，即生头破而脓出，要两处破，服二粒，要破处，即逐粒加之。

又方 治痈疔无头。

上以川山甲、猪牙皂角去皮弦各一两，共炙焦黄为末，每用一钱，热酒调下，服药毕，其疮便破，甚妙，仍以冬瓜藤为末，疮干即水调傅之，诸疔疮皆可用。

乳香膏 贴痈疔。

乳香一两，研 膩粉半两，研 松脂半两，研 蜜陀僧半两，研 生地黄汁半两

上拌匀，先用一铤子煎好油四两，黄蜡二两至熔熟，下诸药搅匀，入麝香细末一钱，熬成膏取下，瓷器盛之，膏一宿，每用看大小剪贴子，摊药在上贴之，一日两换。

沉香^①散 治痈疔。

沉香半两 黄芪半两 白薇一分 川朴硝一分 川大黄一分，炮 甘草一分

上为粗散，每用一钱，水一小盏，入麝香少许，煎至五分，去滓温服。

又方 治背上生痈疔，凡疮生背上者，非善疮也。

① 沉香：原脱，据兰陵堂本补。

上以多年烟熏壁土，并黄柏二味，等分为细末，生姜自然汁调成膏，摊纸上贴之，更以茅香汤调下一钱匕，大妙。

治附骨痛。

上以槲皮烧末，每服一钱匕，已破者，以蜣螂七枚，和大麦烂捣贴封之。

治痈疮久不瘥，败坏成虫。

大虾蟆一枚，自死者 乱发一块，鸡子大 猪脂一斤

上同煎之，至消尽上二物时取下，入盐一合搅匀，放冷成膏，每用先以龙骨研作粉，围疮四面，厚二分许，以膏药着疮中，日二易，有虫出发，出尽愈。

又方 治如前。

上以白杨叶杵末傅之。

又方 治如前，鸡舌香散。

鸡舌香 木香 沉香各一两 麻黄去根节
海藻洗去咸味 大黄炮，各半两

上为粗散，每用一大钱，水一盞，入竹沥二三点，煎至五分，去滓温服，兼煎适温热，淋灑其疮。

治痈疽瘰疬。余治瘰疬方并在后。

铜绿 湿生虫

上同研细末，每用芥子心许，纸捻蘸药，任入疮口。

恶疮论

小儿有缘身生诸恶疮者，由腑脏有热冲发于外，外被风湿所干，内外相乘，搏于血气，随其经络虚处，停滞留结而生，或大或小，或痒或痛，破溃成疮，或脓或血，或腐或败，挟毒所作者，久而不瘥，皆曰恶疮。若毒行攻里，亦皆能变瘰疬也。

治儿身生小疮作痒痛。

宜连去须，一两 膩粉一分 白芨一两 芫
蕘去皮，半两

上为细末，先洗疮净拭干，生油调涂。

治生大疮作焮痛。

黄丹一两 膩粉一钱匕

上研匀细，嚼杏仁取汁调傅。

治生疮如火攻。

上以赤薜荔叶杵末，油调涂之。

治肺毒风疮如癩。

上以好桑叶洗净蒸一宿，日晒干为末，每服一钱，温水调下，无时。

治恶疮不识者。

上以蜣螂杵烂，绞汁傅之，亦治疔疮。

治诸恶疮。

上以黄牛蹄甲烧灰，须再三烧令极细末，入麝香少许拌匀，于掺疮上。

又方 治如前。

上以地骨皮先刮取浮皮，别收之，次取浮皮下白皮如粉者，为细末，又以其下赤坚皮细锉，共浮皮一处相和为粗末，粗细各贮之，每用一粗末一合，煎浓汁乘热洗疮，直候汤冷以软帛拭干，用细末傅之，每日洗傅一次，取瘥。

又方 治如前。

上炒豉焦至烟绝为细末傅之，不过数次，瘥。

又方 治如前。

上以陈小麦半升，不犯铁器中炒黑色。枯白矾灰半钱。同为细末，每用少许贴疮上。

又方 治如前。

黄柏厚者，去粗皮 黄连去须 山梔子去壳
甘草各一两

上各锉如豆，于沙石铍子内炒令烟绝，如煇炭^①样，放冷研细，入麝香一钱拌匀，先以温浆洗疮去脓血净，软帛拭干，掺药在疮上，以纸片子盖了，软帛子包系护之，隔日再用，不得入水。昔卫州一老兵患疮九年，溃烂见骨，得此药效愈。

治久恶疮^②。

① 煇(fū)炭：原作“敷炭”，据兰陵堂本改。煇炭，方言。木材经过燃烧后剩下的块状物，经过闭熄后而成。《本草纲目·火部·炭火》：“煇炭火，宜烹、煎、焙、炙百药丸散。”

② 治久恶疮：原作“治久恶不完”，据四库本改。另，兰陵堂本作“治疗灸疮伤”

上以骨内^①髓、膩粉和为剂，却入骨内，泥裹，火煨熟取出，先以盐水洗疮净，后乃傅之，立效。

追恶疮脓血。

上以巴豆二十粒槌碎，用清麻油二两，煎至黑焦，去豆滤过，入黄丹一两，以东引柳条数枝搅之，煎成膏，每用以绢帛摊药贴之，以茭节烧灰傅之。

治小儿鱼脐疮。谓疮形状似鱼脐也，此亦恶疮候。

以蛇蜕皮炙焦黄一两，烧灰细研，用鸡子清旋调少许涂之。

治小儿鱼脐疮。

以寒食飴烧灰，研末傅之，以白葛苣杵烂，绞汁，先以针刺疮四畔，滴汁于疮口上。

治小儿风气相搏，身生疮疡。

地龙去土，一两 白僵蚕去嘴、丝，一两 川芎一两 甘草一两，生用

上为细末，薄荷汤调下一钱或半钱。

治恶疮久不效^②，肉黑烂脓，色黑赤。

上先以不灰木、槟榔各一分为细末，掺贴疮上，候肉红脓黄，即用后木香散。

木香二钱 槟榔一钱 黄连去须，四钱

上同为细末，干掺贴上，用之必效。

马苋散 治诸疮久不瘥，变癩疮。

马齿苋一两，墙上生者 乌蛇肉一两，酒浸一宿，焙干 蒺藜子半两，炒去刺 乱发半两，烧灰 曲头棘针半两，烧灰 绯帛子半两，烧灰

上为细末，每量疮大小，用白酒调药，摊帛于上，贴疮上。

贴久癩疮。

白胶香 赤石脂 黄柏 密陀僧各半两

上为细末，干贴疮上。

又方 治诸癩疮。

上以蜗牛三个，瓷合子内收，麝香少许盖了，火内烧过，研为细末，水和小丸子，每用一丸纳疮中。

又方

以牛膝末傅之，炒。

又方 治如前。

上以赤小豆、黄连等分为末，温浆水入盐，洗疮净掺药，或只以白胶香末掺之，亦效。

乌金散 治疔疮痿，出脓水，痛不止，诸药无效者，有虫。

上以羊羔儿骨不拘多少，入藏瓶内，盐泥固济，炭火烧合宜，研细，每用末五钱，入麝末一钱，雄黄末一钱，同研拌匀，时看疮大小，先以通手汤洗脓血净，口含洗之，软帛拭干，将药满填疮口，当次生肉，三日外疮合。

浸淫疮论^③

小儿生浸淫疮者，由腑有热，熏发皮肤，复为风湿相持，搏于血气，而其疮初生碎小，后有脓汁，浸淫渐大，脓汁著处便生，故谓之浸淫疮也。又一证，风毒湿疮，颇似浸淫疮，亦脓汁浸淫而生，但脓痂遍周，比浸淫稍大尔。

治浸淫疮痛不可忍，发寒热。

上以刺藜为细末，新水调傅疮上，干则易之。

雄黄膏 治浸淫疮，经效。

雄黄一两，研，水飞 雌黄一两，研，水飞 川乌头一个，去皮脐，研为末 松脂一分，研 乱发一分，烧灰

上以猪脂六两，于铫子内熬成油，后入后三味，煎至发消尽，以绵滤去滓，入二黄末搅匀，盛瓷器中成膏，每用少许涂疮上，日三次。

又方 治如前。

上以蜡胭脂于灯下用镜子照疮口，念咒曰：浸淫疮，好夜妆，明镜照，红粉妆。每念一遍，抹胭脂涂疮上，如此七遍，胭脂抹周遍其疮即愈，此法极验，甚者不过再。

苦瓠散 治风毒湿疮。

干苦瓠一两 蛇蜕半两，烧灰 露蜂房半两，微炙

① 骨内，原作“么内”，据四库本改。另，兰陵堂本作“猪胫骨”。

② 效：原作“较”，据兰陵堂本改。另，四库本作“瘥”。

③ 论，原脱，据目录补。

上为细末，每用半钱，生油调涂，疮多添之。

四生散 治如前^①。

绵黄芪 白附子 羌活去芦 蒺藜各等分
上为细末，每服一钱，温酒调下。

燥浆疮论

小儿生燥浆疮者，由风热毒气客于皮肤，搏于血气而所生也。始生如火烧汤烫，作泡而起，寻即皮破，燥浆出以成疮，亦甚疼痛，渐引相续而生，有至遍身溃烂，皮肉不可救者，故又名烂疮，宜速治之。又一证，生疮狭长，如鱼脐，黄水出，四面亦燥浆泡起，此虽与燥浆相似，而有少异。燥浆疮者，先起浆泡，破而成疮。此疮先乃生疮，后即四面续生浆泡，其状狭长，浑似鱼脐，故名曰鱼脐疮。燥浆疮即不似鱼脐也。

治燥浆疮，神效屡验。

上以柏叶洗净，切碎，细研傅之，随手便干，更取汁半盏，水解服之。

又方

以桃仁去皮、尖，熟研，和面脂傅之。

又方 治燥疮黄烂。

上烧艾叶灰傅之，一方烧马骨灰傅之。

生地黄膏 治燥疮毒甚，发引遍身。

生地黄去芦，洗净 川升麻 蓝叶 梔子仁
大黄各一两

上研细，以猪脂八两，同于铉内慢火煎色变，滤去滓，以瓷盒盛，放冷成膏，每用少许涂疮上。

治小儿面目缘身，卒生燥泡。

上以羖羊角烧灰研细末，鸡子白和涂神验，卒无^②和，亦妙。

治小儿浆如鱼胞，赤烂成疮，热痛不可忍。

上以磨家驴粪，或块结面不散者，不以多少晒干，地上堆定，用手垒作屋状，以灯点着，烧至欲过，盆于合杀，令作黑灰，勿令白，研为末，每用一钱，和膩粉二钱，残灯油调涂如水，除热痛，甚妙。

治小儿燥浆疮，起如丁盖，发头上，一两日后，而上胸背缘身皆生，其疮热痛。

朱砂半两，研，水飞 胡粉一两半 水银半两

上一处研，入水二三滴，研至水银无星，用腊月猪脂三两，于铉内慢火熬熔去滓，入药末搅匀成膏，瓷盒盛，放冷，即用少许涂之。

治缘身生火燥疮，如麻豆，有脓汁，作痒痛，一身尽遍。

甘草 芍药 白薇 黄芩 黄连去须 黄柏去粗皮 苦参各等分

上为细末，用蜜和傅之，日二夜一，亦可作粗散，煎汤洗之。

治小儿燥烂疮。

以铁烧赤，淬水中二七遍，浴洗，以烧艾热灰傅之。又以酒煎茱萸拭上。又以桃仁杵烂和面脂傅。又以赤小豆煮汁冷洗。不过三次，瘥。

冻疮论

小儿有冻疮者，多生于耳轮或脚上，由冬月严寒之气所伤，客于肌肤，搏于血气所作，初即肿痒，须渐破而成疮，颇难得瘥，至春暖时自可，到冬月冷时复发，故名冻疮。

黄柏膏 治冻疮。

黄柏末 白薇末，各一两 白芨末，半两 生芝麻二合，杵烂，取汁

上同研匀细，以蒸萝卜一枚，好酒一盞，一处杵烂成膏，每用少许，先以童子小便洗疮了，后以药涂。

又方

以雀儿脑髓涂之，立瘥。

痱疮论

小儿夏月多生痱疮，此由盛热汗津出而腠理开，被风热毒气干于血气所生，其状细碎，累累如粟芥之类，色赤面痒，多生额头胸背之上，甚者遍身，俗呼痱子，痒而搔之，亦能成疮。

^① 如前；原作“么”，据兰陵堂本改。另，四库本作“恶疮”。

^② 卒无：此下原书有脱文，兰陵堂本为三个空字符。

治疔疮。

以菟丝于茎授汤洗之，亦治头疮及女人面疮。

治疔疮痛不止。

干藕节末，三两 生油麻三合

上先杵油麻烂后，下藕节末，更入生蜜，和调得所，涂之三五次，瘥。

龙脑散 治疔疮。

龙脑一分，研 黄柏半两，末 白面二两 腊茶一两，研末

上拌匀，每以新绵搵药扑上，破者傅之，取瘥。

又方

上以蚌粉研细，用雪水稀调，临卧涂之，能以热汤浴毕涂之，更佳。无雪水用新水。

又方

上以雪水磨檀香，鹅毛蘸扫上。

漆疮论

小儿有偶为漆伤者，本不耐漆，或因见闻，或因使新漆器，被漆气所触，便著其毒而生肿赤，状似癩疹，破而作疮，微有脓汁，亦颇疼痛，俗呼为漆咬疮也。

化毒散 治漆疮痒痛。

木通一两，锉 蓝叶半两 麦门冬半两，去心 犀角屑一分 马牙硝一分 甘草一分，炙微赤，锉

上粗散，每服一钱，水一小盏，煎至半钱，去滓温服。

垂柳膏 治如前。

垂柳枝五两 苦参二两 黄芩一两

上锉散，每用三匙，水两碗，煎至一碗，去滓，研入好墨汁半匙搅匀，再熬成膏，以瓷盒盛，候冷，用少许涂疮上。

又方

以好麻油生用涂上。以黄芦术锉碎，煎浓汁放冷淋之。

月蚀疮论

小儿有月蚀疮者，或生耳鼻，或生手指，随月生死。世云，月初生之时，儿以手指月，乃生其疮，故因以名之。

治耳旁生月蚀疮。

上以黄连为末傅之。

治手指生月蚀疮，或肿或破，随月生死。

上以生薤一把，苦酒中煮数沸熟，出以傅之。

治诸处月蚀疮。

上于月望夕取兔屎纳虾蟆腹中同烧，研细傅之。

又方 治如前。

上于五月五日，取虾蟆烧灰研细末，和猪膏傅之。

又方 治如前。

上取蛇蜕皮烧灰研末，和猪脂傅。

又方 治如前，亦治月蚀九窍皆有疮。

上烧蚯蚓粪研末，和猪脂傅。

治月蚀疮生两耳，出脓水不止。

水银 胡粉各一两，入水银三两，点研至水银星尽 黄连去须为末，二两 松脂一两，研末

上并同研匀细，以粉疮上，若干，即用炼或猪脂和膏傅，仍先以盐汤洗疮净，拭干涂药。一方只用胡粉和土傅之。

又方 治耳后月蚀疮。

败鼓皮一两，烧灰 虾蟆一枚，烧灰

上同研为末，以炼成猪脂和膏涂之。

蠹螋疮论

小儿生蠹螋疮者，因居处屋壁之间，有其虫，名曰蠹螋。其形寸许，脚甚多而细瘦，其游走之时，偶遇人影，则尿之，随所尿著处，人身则应面生疮，多在腰两，初生赤小瘡，如黍粟麻豆，荏苒不已，长出脓汁或疮，因其虫名而名之也。北方人便为浸淫疮也，未知的否，今两存具之。

治蠹螋尿疮。

上取胡燕巢中土水和傅之，或以猪脂苦酒和傅。

又方

上取白扁豆叶傅之，最佳。

又方 治蝮蝎疮，绕身匝则死。一云绕腰腹。

上取蒺藜叶捣傅之，无叶用子。

水毒论

小儿有诸般疮疡，因洗面或洗手脚或澡浴等，偶然水入疮中，则发肿而疼痛，名曰水毒，宜早治之。不尔，则溃发其疮，变出脓汁，迁延时日，久不能效也。

治汤水入疮为水毒，发肿痛。

上以香附子、干姜各一分，皆烧存性，研细末傅之。

赤游肿^①论

小儿患赤游肿痛者，由内有积热熏发于外，外被风毒所干，内外相乘，搏于血气，则皮肤赤肿，其风邪毒气随经络行游不定，故为赤游也。若重者，随血气虚处流注为赤肿，或片或涡，毒渐引大，疼痛难忍，若游至子心，或毒入腹者，皆能杀人。

治赤痛游遍身上下不定，若至于心即危。

上以芒硝投汤中，取浓汁拭之，亦治丹毒。

又方 治如前。

上以蒺藜煎汁浇淋之。

治小儿缘身赤肿，渐引肿起。

以米粉熬令黑色，研细唾和傅之。

治小儿半身赤，渐渐长引不止。

以牛膝、甘草二味等分，咬咀。一方甘草减半，每用一两。水一盞，煎五分，去滓，调伏龙肝末涂之，大效。

又方 治如前。

以乱发烧灰，同伏龙肝末，用膏油和傅。

治赤热毒肿，游行身上处，至心即死。

以草鞋乱发烧灰，醋和傅之。以伏龙肝研末，鸡子白和傅，干即再。又以生景天杵烂傅上，

亦治丹发。一方用一握绞汁拭之，以水中苔杵烂傅之。又以松菜杵烂傅之，以白豆末水和傅之，干即易。

治头面缘身生赤毒，肿起作片。

以栝蒌根二两，伏龙肝半两为末，醋调涂之，干即再傅。

治赤游肿半身红，渐渐展引不止。

以红蓝花末，醋调傅之，又以芸薹叶杵烂傅之。

又方 治如前，赤肿游行上下，遍身不定。

上以芭蕉根汁煎涂之。

防己散 治如前。

防己半两 川朴硝 犀角屑 黄芩 黄芪 川升麻各一分

上为细末，每服半钱，煎竹叶汤调下。

木通散 治赤游成片涡，赤色如染，肿毒渐渐引大。

木通一两 川升麻 川大黄锉碎，微炒 川朴硝各半两 梔子仁 甘草微炙，各一分

上为粗散，每服一钱，水一小盞，煎至五分，去滓，温服之。

截毒散 治如前。

川大黄生 郁金 赤芍药 膩粉 猪牙皂角去皮子弦，各半两

上为细散，每用少许，生油调涂之。

又方 治如前。

上以五味子去枝梗，焙干为末，热酒调下一钱，痛自消，神效。

又方 治如前。

上以黄柏、寒水石等分为末，用薄荷水稀调，鸡翎扫涂之，干即再。

治赤游肿遍身，入腹即杀人。

上取灶下黄土研为末，油调涂，勿令干，若入腹及人阴者，以慎火草取汁一盞，分服，如无生者，用干者末之，水调服。

① 肿：原脱，据目录补。

诸丹毒论^①

小儿丹毒者，由风热毒邪客于腠理，搏于血气，发于皮肤之所作也。又《千金》论小儿黄丹恶毒，皆热积所成，或冬间向火烘衣，夜间盖覆太暖，或乳母爱食烧炙饮酒，皆令儿病丹。发处其热如火，轻轻手近，则痛不可忍。又有五色丹，虽赤色者最多，皆焮热作痛，甚者遍身壮热，烦渴闷乱。更有诸火丹，其名证甚多，不可尽述，皆赤丹之异名也。其毒入腹者，亦能杀人，宜速治之。

治赤丹。此热毒所作，其色纯赤，如丹涂之，故名赤丹。

上以荞麦面醋和傅之，一方用荞麦面用鸡脑和饼，索串吊起放干，要用时研末，鸡子清调膏，以鸡羽翎扫上，效如神。

又方

以胡荽汁傅之，又以寒水石半两，白土一分，研细末，米醋调傅，以蓝淀或慎火草、水苔、生地黄、梔子仁，但得一味为末，水调傅之皆可。

治白丹虚肿如吹。此风热所作，面风多者，其色则白。

香豉二合，炒令黄 伏龙肝一两

上同为细末，每用半钱，生油调涂之。

治黑丹痛肿。此本热毒，复有冷以乘之，互相瘀抑，故黑色。

川升麻 川芒硝 漏芦去芦，各二两 黄芩
梔子仁各一两

上为粗末，每用两匙，水三盏，煎至二盏，去滓，稍热以软帛蘸塌患处，以消为度。

治丹五色变易不常。此风毒冷热相搏，盛衰不同，故色无定也。

枣木根四两 丹参去芦，三两 菊花拣净，二两

上细锉拌匀，每用二匙，水二碗，煎数沸，适温热，避风处浴洗。

又方 治如前。

上以蜜和干姜傅之。

治急丹引上。

上以鸡子白和赤小豆傅之。

治赤丹。

以葛勒藤蔓轻轻摩破，醋研河黎勒汁涂之，妙。以淬铁水饮一合，得打铁处淬铁槽中水澄清用。

治黑丹。此本热毒搏于血气，热轻面挟于风多，故色黑也。

以风化石灰二两，屋四角茅草三两，烧灰同研细末，鸡子白调涂，日三五次，效。以猪槽下泥涂之。

治白丹。此本热毒搏于血气，热轻面挟于风多，故色白也。

以猪粪烧灰研末，鸡子白调涂。

治殃火丹。生于两胁、腋及髻上。

以川朴硝研细，竹沥调下半钱，更量大小加减。

治天灶火丹。发于髻里、尻间，正赤流阴头肿，或血出。

以蚕沙一升，水煮去滓，取汁洗之。

治废灶火丹。发足趺赤色。

以赤小豆末一两，牛角二两烧灰，同研匀细，鸡子白和涂。

治尿灶火丹。发膝股，起脐间，走腹头。

以屋四角茅草烧灰研细，鸡子白和傅。

治火焰丹。发两臂及背膝如火炙。

老雅眼睛草叶和醋研烂傅之，亦治赤肿。

治五色丹。遍身壮热，如热烧，若绕脐即损人。

以蒴藋叶杵烂，水和傅之。

治丹毒。从脐中起。

以伏龙肝研末，用屋漏水和傅之，干即再用，取效为度。如无屋漏水，新汲水亦得。

治丹肿起于两胁心背，不速治，即杀人。

以羖羊角屑八两，水五升，煎至一升，绢滤去滓，入炼了猪脂五两和匀傅之。

治丹毒忽生头上，皮赤肿起晕，有碎疮，初发如钱，渐开及身长一二尺，良久遍体，入口耳，到脏腑，胃烂即死，此候可畏，宜速治之。

以甘草一两劈破，入水一大盏，煎汤温温，

① 诸丹毒论：原作“赤毒论”，据目录改。

令乳母满口呷含鼓漱，徐徐吐洗病处，以掌摩搦。不得犯指甲，恐伤破，仍更甘草汤服之，三用即瘥。

治丹毒。

以鲫鱼肉细切五合，小豆屑三合，同杵如泥，水和傅上。

《千金》漏芦汤 治小儿热毒赤白，诸丹痈疽疮疖。

漏芦去芦 连翘 白薇 芒硝 甘草炙，各一分 大黄煨 升麻 枳实麸炒 麻黄去根节 黄芩各三分三字

上㕮咀，以水一升半，煎取五分，量儿大小增减服。

治一切诸丹。

以马齿苋杵烂傅之，治赤丹热如火，绕腰即损人。以黄芩末水调傅之。以蓖麻子五个去壳，并皮研细，入面一匙，水调傅之。以水煮棘根洗之。以栗子刺壳煎汤洗之。以柳叶一斤，水一斗，煮取三升，去滓，挹洗病处，日五六次。以蚯蚓粪水和傅之。以蒴藋叶、浮萍草、五叶藤、海藻叶，但得一味为末，水调傅之。

又方 治诸丹已破作疮，出黄水酩痛。

上以豆豉炒焦，烟绝，为细末，油调傅之。

《千金》麻黄汤 治诸丹恶毒，发处如火，轻轻手近，则痛不可忍，急与砭针出血，仍与此汤，并塌汤治之。

麻黄去根节 升麻 葛根各一两 射干 鸡舌香 甘草炙，各半两 石膏半合

上㕮咀，以水三升，煮取一升，三岁儿分三服，日尽。

塌汤 治诸般数十种丹毒。

大黄 生甘草 生当归 芎藭 白芷 独活去芦 黄芩 赤芍药 升麻 沉香 木香 木兰皮各一两 芒硝三两

上㕮咀，以水一斗二升，煮取四升，去滓，纳芒硝搅烱，以绵搵塌之，干则易，仍适温热用，取瘥止。

消毒散 治诸丹发赤肿作痛甚久，赤游肿背^①。

川升麻 黄芩各半两 麦门冬 川大黄炒

碎，微炒 川朴硝各一分

上为粗末，每服一钱，水一小盏，煎至五分，去滓温服。

鳞体论

鳞体者，谓皮肤之上，如蛇皮鳞甲之状，故又名蛇体。此由气血否涩，不能通润于皮肤矣。又生下便有者，此儿在母腹形象未具之时，母曾观看或曾食或服药饵，有犯鳞甲网罟秽毒之物。儿胎中感而化之，故又谓之胎垢，谓生下身皮黑垢，若鳞者也，此必难治。

治小儿身上皮肤若蛇皮之鳞。

以白僵蚕去丝、嘴，为末，煎汤适温暖浴之，一云与蛇蜕同煎。

疵靨论

疵靨者，谓皮肤之上生赤色或黑色之点，大小不等，如滓粒之状，缘身犹可，若生面上，则多恶之，女子尤甚。此则风邪搏于津液之气而作。又言因傅胡粉，皮肤虚面为粉气入于腠理化生。又有生下便有者，此由胎中形象未具之时，母食杂有毒，感气而化，又有父母遗体所生者，此下二项，不可治也。

治小儿皮肤上生赤^②疵。

以马尿洗之，日四五次。

又方 治小儿生赤黑疵。

以针刺父脚中血，滴疵上，即消。

又以狗热尿傅之，疵自卷落。

小儿卫生总微论方卷第二十终

① 背：其下原衍“欠”字，据兰陵堂本删。

② 赤：原作“亦”，据兰陵堂本改。

陈氏小儿病源方论

宋·陈文中 著
明·熊宗立类证
宋咏梅 校注

校注说明

《陈氏小儿病源方论》为宋代著名医家陈文中著。陈文中，字文秀，宿州符离（今安徽宿县）人，后迁居涟水（今属江苏）。官和安郎判太医局兼翰林良医。陈氏精大小脉，于小儿疮痘疹尤造其妙。凡诸医缩手之疾，随证施治，皆收奇功。平民有疾以急告者，亦不以其家之窘窳，匍匐往救，所赖以全者不可枚举。陈氏医德高尚，医术精深，尤以小儿科见长，是深受当地官民尊敬的医家。

陈氏为弘扬其儿科心得，使其“目之所不见、力之所不及者”免遭“夭枉之祸”，故“图其形状，别其证候，迹其方论”，约于公元1254年，著成《小儿病源方论》一卷，后经明人熊宗立类证析为四卷。全书包括养子真诀、小儿变蒸候、形证门、惊风门、方药、惊风引证、痘疮引证等主要内容。此书虽然篇幅较小，但其学术思想却颇具特色，主要表现在以下三个方面：

1. 搵出养子十法。在其以前的医家，对于小儿养育方法，从不同的方面搵出了多种认识，但均不够全面。陈氏在总结前人的基础上，结合自己的临床实践，充分考虑小儿的生理、病理特点，从小儿的着衣、乳食、看护、用药等多个方面，提出了较为科学的育儿方法，体现了较强的预防医学的思想，对后世儿科学有着重要影响。

2. 反对下胎毒，重视护脾胃。前人有主张小儿始生落草之时，便服轻粉、朱砂等，欲下胎毒。陈氏认为轻、朱之剂伤脾败阳，小儿妄服则会变生他疾。对于一般小儿病症的治疗主张用药要重视助养脾元。

3. 对惊风的认识。陈氏提出“急惊属阳属腑，当治以凉；慢惊属阴属脏，当治以温”，并创治惊12方，对后世小儿惊风病的诊治具有很高的指导价值。

此书刊行之后，流传甚少，据《全国中医图书联合目录》记载，主要有明刻本、日本元禄本、宛委别藏本、商务印书馆铅印本等。其中明刻本疑著录有误（据查中医研究院图书馆藏该本实为《陈氏小儿痘疹方论》），日本本与宛委别藏本均为熊宗立类证本。此次校注以宛委别藏本为底本，以《千金方》、《外台秘要方》、《诸病源候论》、《小儿药证直诀》、《幼幼新书》、《朱氏集验方》为他校本。

本书校勘处理方法：

一、凡底本中因写刻致误之明显错字予以迳改。俗写字、异体字、古今字，以通用字前后律齐，不出校。

二、采用现代标点方法，对原文进行重新标点。

三、注释仅限于冷僻字词，不作句释和医理发挥。注音采用汉语拼音加直音法。

四、对冷僻字词的训释以历代训诂专书为据，重见者不复注。

五、原书引文多为意引，且有些观点与多数医家有异，为保持原书面貌，只出校面不作改动。

由于本人水平所限，疏漏之处在所难免，祈望不吝赐教。

校注者

一九九六年于济南

郑 序

尝闻范文正公之言曰：不为宰相，当为良医。夫以宰相之尊，岂医者之卑所事同日语！反而思之，宰相以道济天下，医者以术济斯人，其位望虽不同，其存心于济人一也。余见世之所谓医者，以病试药，以药试人，比比皆是，间有一剂而愈者，出于幸也，孰能收万全之效乎？淳祐庚戌，来游涟水，所见医者惟陈公文秀一人而已。陈公明大小方脉，于小儿疮痘疹尤造其妙。涟水自守将萧宣使以下，与夫时官富民之家，多以疾笃为忧，群医环视缩手无措，而公独优悠和缓，随证施治，皆收奇功。至于闾阎细民以急告者，公不以其家之窘窳，匍匐往救，所赖以全活者不可枚举。公又虑目之所不见、力之所不及者，必罹夭枉之祸，于是图其形状，别其证候，迹其方论，厘为一卷，名曰《小儿病源方论》，板而行之，其意欲使天下后世俱受其惠。吁！陈公之心，其文正公之心乎？

公姓陈，名文中，字文秀，宿之符离人也。金亡归宋，处涟水十五年。涟人无小大识与不识，皆称之为宿州陈令。居维扬^①，医道盛行，有子业儒，呼卢喝六之报其在是手！余得其书，味之不释手，嘉其用心古而择术精，故叙所见于卷末。

时宝祐甲寅涟水户曹郑全子英序

^① 维扬：旧扬州府别称。《书·禹贡》：“淮海惟扬州。”“惟”通“维”。

目 录

卷一

养子真诀	(250)
小儿胎禀	(250)
胎禀怯弱	(250)
养子调摄	(250)
论下胎毒	(250)
哺儿乳法	(250)
辨儿虚实	(250)
辨儿冷热	(250)
病宜早医	(251)
养子十法	(251)
赤流丹毒	(252)
冰黄散	(252)
葛根白术散	(252)
小儿变蒸候	(252)
变蒸形证	(252)
变蒸期候	(252)
神仙黑散于	(253)
惺芎散 ^①	(253)

卷二

形证门	(254)
手纹三关图	(254)
辨三关手纹诀	(254)
面部形图	(254)
辨面色主病诀	(254)
辨儿形色歌	(255)
五脏受惊积冷热证图	(255)
肝脏形属图	(255)
肝脏受惊积冷热论	(255)
心脏形属图	(255)
心脏受惊积冷热论	(255)
脾脏形属图	(256)
脾脏受惊积冷热论	(256)
肺脏形属图	(256)
肺脏受惊积冷热论	(256)
肾脏形属图	(256)

肾脏受惊积冷热论	(257)
----------	-------

卷三

惊风门	(258)
论惊搐源因	(258)
服药次序	(258)
辨不救证	(258)
论风搐源因	(258)
辨脏腑惊证	(258)
论急惊风证	(258)
论急惊病源	(258)
论慢惊风证	(259)
论慢惊病源	(259)
论慢脾风证	(259)
方药	(259)
芎蝎散	(259)
油珠膏	(259)
补脾益真汤	(259)
前朴散	(260)
二圣丸	(260)
长生丸	(260)
塌气丸	(260)
远志煎	(260)
疏鬲丸	(260)
牛黄丸	(260)
醉红散	(260)
不惊丸	(260)

卷四

惊风引证	(261)
论寒痰作搐	(261)
论风痰搐搦	(261)
慢惊风证	(261)
急惊风证	(261)
痘疮引证	(262)
泄泻用药	(262)

① 原为“桂芎散”，“桂”为错字，据第一卷“惺芎散”改。

咬牙寒战·····	(262)	身温频 ^① 渴·····	(262)
疮痘痒塌·····	(262)	疮不起发·····	(263)
表虚不长·····	(262)	痘证惊搐·····	(263)
里虚不长·····	(262)	宣解之过·····	(263)
疮不成痂·····	(262)	疮烂脓淫·····	(263)
误食生冷·····	(262)		

① 频：原文为烦，据卷四标题改。

陈氏小儿病源方论卷之一

养子真诀

小儿胎禀

豪贵之家居于奥室，怀孕妇人饥则辛、酸、咸、辣无所不食，饱则恣意坐卧，不劳力，不运动，所以腹中之日胎受软弱。儿生之后，洗浴细包，藏于帟帐之内，不见风日，譬如阴地中草木，少有坚实者也。

胎禀怯弱

小儿因胎禀怯弱，外肥里虚，面皤白色，腹中虚响，呕吐乳奶，或便青粪，或头大凶开，若失治者，后必为慢惊风而难愈也。宜预服长生圆。

养子调摄

养子若要无病，在乎摄养调和。

吃热，吃软，吃少，则不病。

吃冷，吃硬，吃多，则生病。

忍三分寒，七分饱，频揉肚，少洗澡。

妇人乳汁者，血也。其血属阴，味甘而性冷，饮乳小儿，因用汤水撮缴唇口，致令冷气入腹，伤动脾胃遂成大患也。

论下胎毒

古方言：小儿始生落草之时，便服朱砂、轻粉、白蜜、黄连水，欲下胎毒。盖今之人比古者，起居摄养大段^①不同，其朱砂、轻粉、白蜜、黄连，乃能伤脾败阳之药。若与服之，后必生患，或吐奶，或粪青，或吐泻，或痰涎咳嗽，或喘急，或腹胀，或腹中气响，或惊悸。大抵人之所生，犹树木而有根本，则枝叶茂盛。若人之根本壮实，则耐风寒，免使中年之后服脾胃药，灸丹田、三里穴也。凡下胎毒，只宜用淡豆豉煎浓汁，与儿饮三五口，其毒自下，又能助养脾元，消化乳食。

哺儿乳法

小儿百日^②内，或呕吐乳奶，或粪青色，用年少妇人乳汁一盞，入丁香十枚，去穰陈皮一钱，于瓷器内同煎一二十沸，却去丁香、陈皮，稍热与儿服之。

辨儿虚实

小儿面红如桃花色，大粪黄稠，小便清澈，手足和暖，乃表里俱实，其子易养也，不宜服药。切不可撮缴唇口，亦不可服镇心凉药，恐伤动脾胃，呕奶粪青，而生惊掣之患。

小儿面红色，乃为童颜，外实也。

小儿大粪黄稠^③，内实也。

已上三证并不宜服药。

小儿吐乳食者，胃冷也。

小儿乳食不消化者，脾虚也。

小儿大便酸臭气者，饱伤也。

已上三证宜多服长生丸。

小儿面皤白色者，气血衰少也。更加入木香、当归入木香散内。

小儿大粪青色，胃与大肠虚冷也。加丁香、厚朴入木香散内。

小儿呕奶者，胸中寒也。加丁香、陈皮入木香散内。

已上三证并宜服长生丸、木香散。木香散内依前证各加二味。

辨儿冷热

小儿热证

两腮红，大便秘，小便黄，渴不止。

① 大段：原作“大段”，文义不通。大段，大概、大略之义，《福寿全书》“稍有不同，而大段亦不过如此。”

② 晬(zuì 最)：特指婴儿周岁或满百日。《说文新附·日部》：“晬，周年也。”

③ 稠：《朱氏集验方》此下有“腻”字。

上气急,脉息^①急,足胫热。

已上不可服热药^②。

小儿冷证

面皤白,粪青色,腹虚胀,呕乳奶。

眼珠青,脉微沉,足胫冷。

已上不可服冷药^③。

病宜早医

昔韩伯休有病不服药,先当择医,若不择医,恐不死于病,而死于药。

经云:谈方论药易,明脉识证难。

古语云:贫无达士将金赠,病有闲人说药方。

病不早治,治不对证,迷邪谤正,顺同恶异。

病淹日久,困乃求医,纵得良医,活者几希。

孙真人云:能医十男子,莫治一妇人,能治十妇人,莫疗一小儿。医有十三科,最莫难于小儿也。

养子十法

一要背暖

经云:其背脊骨第三椎下,去骨两旁各一寸半,是肺腧二穴也。若背被风寒,伤于肺腧经,使人毫毛耸直,皮肤闭而为病。其证或咳,或嗽,或喘,或呕哕,或吐逆,乃胸满,增寒^④壮热,皆肺经受寒而得之故,宜常令温暖。

二要肚暖

俗曰:肚无热肚。肚者,是胃也,为水谷之海。若冷,则物不腐化,肠鸣、腹痛、呕哕、泄泻等疾生焉。经云:胃热,能消谷,必能饮食,故肚宜暖。

三要足暖

经云:足是阳明胃经之所主也,俗曰寒从下起,此之谓也。

四要头凉

经云:头者,六阳之会,诸阳所凑也,头脑为髓之海。若热,则髓溢汗泄,或肉颅肿起,或头缝开解,或头疮目疾。俗曰:头无凉头。故头宜凉。

五要心胸凉

其心属内火,若外受客热,内接心火,则内

外俱热也。其证轻则口干舌燥,腮红面赤。重则啼叫惊掣,故心胸宜凉。

六者勿令忽见非常之物

小儿忽见非常之物,或见未识之人,或鸡鸣犬吠,或见牛马等兽,或嬉戏惊触,或闻大声,因而作搐者,缘心气乘虚,则精神中散故也。常用补心温气药治之,如用镇心法,水银、牛黄、朱砂、金银脑子等药,则成慢惊风搐。如腹胀足冷者,难治也。

七者脾胃要温

经云:脾为黄婆,胃为金翁,主养五脏六腑。若脾胃全固,则津液通行,气血流转,使表里冲和,一身康健。盖脾胃属土而恶湿冷。饮乳小儿多因变蒸,上唇肿而头热,或上气身热,父母不晓,妄作伤风、伤食治之,或以解药出汗,或以食药宣利,或以凉药镇心,或以帛蘸汤水撮缴唇,致令冷气入儿腹内,伤儿脾胃,转于大肠,故粪便青色。久而不已者,即吐。吐而不已者,作搐。见儿作搐,又言热即生风,转用凉药治之,因此败伤真气而不救者多矣。经云:脾土虚弱,肝木盛冷,故筋挛而作搐,宜用补脾温胃下气药治之。药性既温则固养元阳,冷则败伤真气,是以脾土宜温,不可不知也。

八者儿啼未定勿便饮乳

呕奶粪青色,缘儿在胎之时,其母取冷过度。冷气入于胎胞之中,儿生之后,因悲啼未定,便与乳奶,与冷气蕴搐于腹内,久而不散,伤儿脾胃。轻则呕奶粪青,重则腹胀肚鸣,气逆涎潮,以致难愈,急宜服长生圆以治之。

九者勿服轻朱

轻粉味辛、性冷 下痰损心气

朱砂味甘、性寒 下涎损神气

二味相合,虽下痰涎,其性寒冷,损心损神,

① 息:《朱氏集验方》引此文作“紧”。

② 已上不可服热药:原文为小字注文,据《朱氏集验方》改为大字,另起行。

③ 已上不可服冷药:原文为小字注文,据《朱氏集验方》改为大字,另起行。

④ 增:通“憎”,增寒即恶寒。

亦不可独用也。

若儿胎受壮实，服之软弱也。

若儿胎受怯弱，服之易伤也。

新生儿下胎毒，坠痰涎，多致损害，皆是轻、宋二味之所误也。

十者宜少洗浴

小儿一周之内，皮毛、肌肉、筋骨、髓脑、五脏六腑、荣卫气血皆未坚固，譬如草木茸芽之状，未经寒暑，娇嫩软弱，今婴孩称为芽儿故也。一周之内，切不可频频洗浴，恐湿热之气郁蒸不散，身生赤游丹毒，俗谓之赤流，片片如胭脂涂染，皆肿而壮热。若毒入腹者，则腹胀硬气，以致杀儿，此因洗浴而得也。若肌肉宽缓，腠理开泄，包裹失宜，复为风邪所乘，而身生白流，皆肿而壮热也，或增寒壮热，鼻塞脑闷，或上气痰喘，咳嗽吐逆，种种之疾，皆因洗浴脱着而得也。为儿父母宜鉴之哉。

赤流丹毒

可用一小菹刀子疏去流头赤晕恶血毒汁，次以冰黄散涂之。

冰黄散

土硝一两 大黄细末一钱

二味相合，新汲水调搅匀，用鸡羽蘸药，时时涂扫，勿令干。

葛根白术散 治一切赤白丹肿毒。

白术一钱 茯苓 干葛 木香 赤芍 甘草炙，各钱半 枳壳去穢麸炒，二钱半

上为散，每服三钱，水一盞煎七分，去滓，温服，量儿大小加减。

小儿变蒸候

小儿有十变五蒸者，乃生精神意智也。五脏六腑以应十干，其心包络与三焦合而或六脏六腑，以应十二经络也。

小儿变蒸者，俗谓之牙生骨长。譬如蚕之有眠，龙之脱骨，虎之转爪，皆同此类，变生而长也。

变蒸形证

变图一：



生五脏 主其里

始得之，上唇有白珠泡子，身热微欲惊悸，或呕哕，至七日^①变讫。

变兼蒸图二：



生五脏 主其表

始得之，上唇微肿有如卧蚕，身体壮热，额热，或乍凉乍热，唇口鼻干，哽气呕逆，时欲惊，夜多啼哭，至十三日^②变蒸讫。

三大蒸图三：



主其表里

唇口干燥，咳嗽闷乱，哽气腹痛，及身体骨节皆痛，或目上视时惊悸。

变蒸期候

小儿始生，至三十二日为一变生癸，长肾脏气，属足少阴经。

六十四日二变一蒸生壬，长膀胱腑气，足太阳经。

九十六日三变生丁，长心脏气，足少阴经。

一百二十八日四变二蒸生丙，长小肠腑气，

① 七日，《诸病源候论》，“近者五日，远者八九日。”

② 十三日，《诸病源候论》，“先变五日，后蒸五日。”

足太阳经。

一百六十日五变生乙，长肝脏气，足厥阴经。

一百九十二日六变三蒸生甲，长胆腑气，足少阳经。

二百二十四日七变生辛，长肺脏气，足太阴经。

二百五十六日八变四蒸生庚，长大肠腑气，足阳明经。

二百八十八日九变生己，长脾脏气，足太阴经。

三百二十日十变五蒸生戊，长胃腑气，足阳明经。

心包络为脏，属手厥阴经。三焦为腑，属手少阳经。

上一脏一腑俱无形状，故不变不蒸也。

前十变五蒸既讫后，又有三大蒸。

六十四日为一大蒸，计三百八十四日。

又六十四日为二大蒸，计四百四十八日。

又六十四日为三大蒸，计五百一十二日。

至五百七十六日变蒸既毕。

所以变者，生五脏也；变而蒸者，养五腑也。

儿乃成人也，其血脉方充，骨节始荣，生精神，长情性，有异于前。

当变蒸之时，看儿子唇口，如上唇微肿，有卧蚕或有珠泡子者，是变蒸证。切不得艾火着灸，即宜少与乳食，亦不可妄投药饵，若不依此，必致杀儿。文中屡见有此，故书以告。

神仙黑散子 治小儿变蒸与伤寒相似者，当详其证，若上唇中心有白点子者，为宜服此。

麻黄去节 大黄 杏仁和皮，各一钱

上烧存性为末，每服一字，水半盏煎服，抱儿于温暖处，连进，有微汗身凉，即瘥。

惺芎散 治小儿变蒸发热，或咳嗽痰涎，鼻塞声重。


茯苓 白朮 人参去芦 甘草 桔梗 细辛去苗 川芎各等分

上为粗末，每服三钱，水一茶盏，煎七分，去滓，稍热，不饥不饱时服。

陈氏小儿病源方论卷之二

形证门

手纹三关图



辨三关手纹诀

夫小儿三岁以前，血气未定，呼吸至数太过，难以准候。若有疾，必须看其虎口纹脉，辨验形色可察其病之的要。食指初节为气关，中节为风关^①，末节为命关。古入云：初得气关病易治，传入风命便难陈。

气关易治，风关病深，命关黑死。


有此通度三关脉候，是极惊之候，必死。余并可医。

男看左手，女看右手。

青是四足惊，赤是水惊，黑是入惊。

辨三关病源之诀，未易言之，详见吴洪方及范元鼎“虎口脉纹掌诀”，郑氏《幼幼新书》，此则持其大略矣。

面部形图



面青、眼青，肝之病；面赤，心之病；面白，肺之病；面黄，脾之病；面黑，肾之病。先欲别其五脏所主，次看禀受盈亏，昭气虚实，明其形候，审定生死，然后施治，是为良医也。陈氏云：青主肝实，白主肝虚，赤主热，青主风入肺，赤主肺气热。一云：红赤而惨，主伤寒。

辨面色主病诀

歌曰：儿子天中青，多因果子癩。

若也天中紫，稞食所伤因。

黄色天中见，看来乳积成。

龙角青筋起，皆缘四足惊。

或然虎角黑，水扑是其形。

赤色印堂上，儿惊必是人。

眉间赤黑子，急疗莫沉吟。

红赤眉毛下，分明死不生。

^① 中节为风关：此说与《小儿卫生总微论方》同，《幼幼新书》则曰：初节为风关，中节气关。


又歌曰：面色黄时疳积攻，青而黯色是惊风。
吐面乳白兼黄白，若是伤寒色赤红。

辨儿形色歌

紫色红伤寒，青惊白色疳，
黑时因中恶，黄即困脾方。

五脏受惊积冷热形证图

肝脏形属图



肝属东方木

诗曰：肝惊起发际，肝积在食仓。
肝冷面青白，肝热正眉当。

肝脏受惊积冷热论

肝脏受惊论

论曰：候起发际，其色浅白。若至丞相印，即变惊风。浑身发热，夜间多啼，宜下惊风药。若退，即可调治，若其色不退，下至东岳，即有死候。耳前穴黑，金克于木，若是外候，鼻干燥，眼睛吊上。肝主筋，筋缩则睛无光，即是肾绝。瞳子不转，即是肝绝，爪甲黑也。

肝脏受积论

论曰：候起食仓，其色微黄，下侵衬眉，即是受积。黑睛黄赤，早晚发热，则爱睡，乃死候，啼

哭无泪是也。


肝脏受冷论

论曰：面青淡白，眼中泪出，齿龈淡白，口中清水，大便酸气，日中多睡，夜间煎逼是也。

肝脏受热论

论曰：候起正眉，薄有赤气，即冲丞相心里于肝，两眼亦赤，多有眼脂，小者吐奶，大者吐食，有痰生风，早晚发热，多啼少睡。

心脏形属图



心属南方火

诗曰：心惊在印堂，心积额角荒。
心冷太阳位，心热面颊装。

心脏受惊积冷热论

心脏受惊论

论曰：候起印堂，其色微黑，下至眉心，赤则生风。若至鼻柱，即有死候。皮无血色，更生血膈，水克于火，恶即两日，亥子难过。外候多焦渴，吃乳不收，舌出口外是也。

心脏受积论

论曰：候起额角太阳穴虚，两眼白赤，小便如泔，面合地卧，即吐热气，此恶候也。

心脏受冷论


论曰：候起太阳，黑筋脉子来侵印堂，面色淡赤，目即无光，要转奶食，口吐清水，日多烦

渴。

心脏受热论

论曰：候起面颊，更脸赤色多惊，少睡，发干，烦渴，鼻下赤烂，口气冲人，牙龈恶臭，睡卧开口，多有烦躁。外候则吐虫也。

脾脏形属图



脾属中央土

诗曰：脾惊正发际，脾积唇应黄。

脾冷眉中岳，脾热穴太阳。

脾脏受惊积冷热论

脾脏受惊论

论曰：候起发际，其色微青，即传于肝。若至眉心，其色渐赤，即传于心。若至鼻柱，其色必白。若分两耳，黑气连之，即生惊风。如此不退，周时必死。其候唇不盖齿，口无津液，此是脾绝。四肢逆冷，胃主四肢，此是胃绝。五日后寅卯时，死。外候则泻黑血也。

脾脏受积论

论曰：口唇黄色，两眼沉肿，早晚面浮，太阳穴调。外候头疼，腹胀，大便食不消化，频频夜起，伤冷则泻白粪。若脏热，则赤。若冷热不调，则赤白痢。


脾脏叠冷论

论曰：候起眉心、中岳，其色淡白。来侵鼻柱、元珠，外候粪白，食不消化，泄泻无时，下应唇白乃呕逆，面色黄赤。

脾脏受热论

论曰：候起太阳穴，白薄皮起如竹膜，口唇干燥兼有口气。外候小便赤，大便秘，夜间颠叫。

肺脏形属图



肺属西方金

诗曰：肺惊发鬓赤，肺积发际当。

脾寒人中见，肺热面腮傍。

肺脏受惊积冷热论

肺脏受惊论

论曰：候起发鬓，其色微赤，传于司空，则生惊风。外候气喘无力，多啼叫。若至鼻梁，即主死候。作鸦声，喉中响，哭无泪，鼻干黑燥是也。

肺脏受积论

论曰：候起发际，其色微赤，下至眉心，腹胀恶心。若至鼻梁，更到准头，即是死候。气喘不回，只三日午未时死。

肺脏伤寒论


论曰：候起人中，下至承浆下颐，春即青，夏即赤，秋即白，冬即黑。外候鼻涕流，两眼赤昏，

两颊赤，喘气喉响。其恶候则面黑咬入，鼻黑身热，气喘不定是也。

肺脏受热论

论曰：候起面颊，其色青白，到冲承浆。若外候鼻中出血，夜间多啼，有烦躁，甚则为疳也。

肾脏形脏属图



肾属北方水

诗曰：肾惊耳前穴，肾积眼泡相。

肾冷额色紫，肾热赤食仓。

肾脏受惊积冷积热论

肾脏受惊论

论曰：候起耳前穴，其色微黄，下侵潮口。若外候梦中咬牙，乃侵地阁，则生。恶候面黑，恶叫，汗出如胶粘，其耳前穴黑也。

肾脏叠积论

论曰：候起两眼深沉，其色微黑，眼睛微赤。外候停耳兼聋，凶门生疮，愈而又发是也。

肾脏受冷论

论曰：候起额上，色紫而微青，下侵中岳，满面青白，多哕，顽涎，亦多睡，少精光也。

肾脏受热论

论曰：候起食仓，其微赤下到准头，而还日久涎烂。外候耳重听，多眼脂，小便赤色是也。

陈氏小儿病源方论卷之三

惊风门

小儿惊风二证，方书未尝分析详细，盖惊自惊，风自风，当分别面治疗之。世俗通言热极生风，殊不知寒、暑、燥、湿之极，亦能生风。见儿作搐，不察形气虚实，便用牛黄、朱砂、脑、麝之剂，以致不救者多矣。深可恻念。今将祖父秘授小儿惊风二证源因方论集成一卷，钁梓^①以广其传，庶使小儿不致冤枉，亦不失祖父济人之意。文中谨述。

论惊搐源因

蓄气而作搐，结气而成痢。

小儿多因惊怖，而风冷之气蓄于咽喉间，转于心肺，传入肝胆，其气上不能升，下不能降，使津液上滞，不得流行，故痰涎壅闭面作搐矣。如腹中气逆，凶门肿陷，则难愈。治法先去痰涎，次固元气，元气盛则津液行，血气流转，自然不搐。

服药次序

先服芎藭散，用手法斡去寒痰冷涎。

次服油珠膏，润心肺，补脾胃。

后服益真汤，温壮元气。

助服前朴散，宽上实下。

辨不救证

搐而不休，休而再搐。

惊叫发搐，汗出足冷。

痰满胸喉，口开目直。

论风搐源因

小儿误服凉药镇心宣导，或用帛蘸汤水缴展唇口，因此伤动脾胃，或泄泻，或腹胀，或腹中气响。

二小儿面少血色，常无喜容，不看上面视

下。

三小儿凶颅高急，头缝青筋，时便青粪。

四小儿肌体肥壮，粪如青涕，或如冻汁。

五小儿时时眨音札，目动也。粪便青白沫，有时干噤。

已上五证忽时呕吐者，必成阴痢，俗谓之慢惊风。

医患之家不究病之源因，不分阴阳表里，又不察色脉虚实，妄谓热即生风，便饵牛黄、朱砂、脑麝镇心等药，因此败伤真气，搐而不救者多矣。盖^②真气者，元阳也。其药性温，则固养元阳，冷则败伤真气，故宜用温中下气药治之。

辨脏腑惊证

肝惊，眼赤粪青；胆惊而青下白，

心惊，面脸红赤；小肠惊，夜啼至晓。

脾惊，五心热干呕；胃惊，腹胀不食。

肺惊，气喘吃水；大肠惊，喉中疾作声。

肾惊，梦中咬牙；三焦^③睡中惊哭。

惊、痛、忤三证相似：

惊即发拳搐，痛即搐搦，忤则掣。

论急惊风证

小儿平常无事，忽发壮热，手搐搦，眼目戴上，涎潮壅塞，牙关紧急，身热而赤，此急惊风证。急惊属阳，属腑，当治以凉。

论急惊病源

小儿素热，或因食生冷油腻，膈实有痰，致肝有风热而为是病。

① 钁梓：特指刻书版。

② 盖上二十二字《朱氏集验方》接惊风门开篇“以致不救者多矣”后。

③ 三焦：据上文例，此下当有“惊”字。

论慢惊风证

小儿面青白，身无热，口中气冷，多啼不寐，目睛上视，项背强直，牙关紧急，呕涎潮，或自汗，此慢惊风证。慢惊属阴，属脏，当治以温。

论慢惊病源

小儿吐泻恶心，口干，吐奶，舌出红，眼闭，摇头，发直，心闷气粗，两胁动，口生白疮。

论慢脾风证

夫小儿脏腑娇嫩，皮骨软弱，血气未平，精神未定，言语未正，经络如丝，脉息如毫，不可妄投药饵，亦不可汤缴口舌。无病者，在乎摄养如法，调护正气。有疾者，先看外证，详明虚实，而为治矣。

一小儿头虽热，眼珠青白而足冷。

二小儿头虽热，或腹胀而足冷。

三小儿头虽热，或泻而足冷。

四小儿头虽热，或呕而足冷。

五小儿头虽热，或渴而足冷。

已上五证忽然吐而作搐者，名曰慢惊风。速与补脾益真汤一服，每服三钱，更加全蝎一枚。如因惊而搐者，宜与前朴散一服，每服三钱，更加附子、前胡各半钱。小儿亦有下虚上实、里寒外热之证。

方药

芎蝎散 治小儿脑髓风。凶颅开解，皮肉筋脉急胀，脑骨缝青筋起，而少血色，或少腹中气响，时便青白色沫，或呕吐痰涎，欲成慢惊风，搐足胫冷者，或大人气上冲，胸满，头面肿痒。

川芎 草拔各一两 蝎稍去毒尖，一钱，焙
细辛去苗 半夏酒浸一宿，汤洗七次，焙干，各二钱

上为细末，热汤调，稍热空心服。一周儿每服抄一小铜钱，量儿大小加减。

若痰满胸喉中，眼珠斜视，速与服。

目上直视，睛不转睛者，难救。

或痰气壅塞不能咽药，用一指于儿喉厌膈

中探，就斡去寒痰冷涎，气稍得通，以药灌之。次服补脾益真汤，或以油珠膏选用之。

疾之生死，大抵在人之主持。此方家传累世，活幼甚效。文中今以刊行流布，使养子之家无夭横之痛，幸甚。

油珠膏 补脾肾，润心肺，专治气逆呕哕，及风痰作搐，并宜服之。

石亭脂硫磺中拣取如蜡色者 滑石各半两
半夏酒浸一宿，汤洗七次，焙 黑附子炮去皮脐
天南星醋浸一宿，汤洗七次，焙

上为细末，每服一钱匕。用冷清芥半盏，滴麻油一点如钱大，抄药在油珠上，须臾坠下，却去其芥，与儿服。随且更用温清芥，三五口压下，肚饥时服。候一时久吃乳食，量儿大小加减药。

补脾益真汤 治小儿胎禀怯弱，外实里虚，因呕吐乳奶，粪便青色而成慢惊风。气逆涎潮，眼珠直视，四肢抽掣，或因变蒸客忤而作，或因持拘惊吓而作，或因误服镇心寒凉药而作。

木香 当归 人参 黄芪 丁香 诃子肉
陈皮 厚朴姜制 甘草炙 白豆蔻面裹煨
草果 茯苓 白术 官桂 半夏汤泡七次，姜汁
制附子炮各等分 全蝎去毒微炒，每一服用一个

上咬咀，每服三钱，水盏半，姜二片，枣一枚，煎六分，去滓，肚饥稍热服。服讫心腹揉动，以助药力，候一时久吃乳食。

渴者，去附子、丁香、肉豆蔻，加茯苓、人参。

泻者，加附子、丁香、诃子肉。

呕吐者，加丁香、半夏、陈皮。

腹痛者，加厚朴、良姜。

腹胀者，加厚朴、丁香、前胡、枳壳。

咳嗽加前胡、五味子，去附子、官桂、草果、肉豆蔻。

痰喘加前胡、枳壳、赤茯苓，去附子、丁香、豆蔻、草果。

足冷加附子、丁香、厚朴。

气逆不下加前胡、枳壳，去当归、附子、肉豆蔻。

恶风自汗，加官桂、黄芪。

已上加减，与正方同等分。

此药性温不燥，亦治大人渴疾。汤饮盛谷荡涤脾胃，以致脏脑虚弱，吃食减少，精神无力，日久衰困，而成淹滞之患。

前朴散 治心腹结气，或呕哕泄泻，腹胀时痛，或发惊悸，并宜服。

前胡 白术 人参去芦 陈皮 良姜炒
藿香 甘草炙 厚朴姜制，各等分。

上咬咀，每三钱，水一大盏，煎至七分，去滓，稍热肚饥时服。

二圣丸 治小儿腹胀足冷而冷，或腹中气响而足冷，或水泻而足冷，或渴，而足冷，或粪青足冷，或头温足冷，或脉沉微而足冷。

石膏脂如蜡块者一两 黑附子炮去皮半两

上为末，饭丸如黄米大。周岁儿每服十丸，空心乳汁送下。候一个时久，得吃乳。量儿大小增减丸数，秘传累验。

长生丸 宽上实下，补肺治痰止泻。

槟榔 枳实麸炒，各一两 木香半两 砂仁
半夏姜制 丁香 肉豆蔻面裹煨 全蝎二十枚，去毒尖

上为末，饭丸如黍米大。一周儿服五十丸，空心乳汁下，粥汤亦可，服讫半时久，得吃乳食，日二服。

塌气丸 治小儿肺虚腹胀，或疳泻黄瘦。

青皮一两 草拔 胡椒各半两 木香二钱半
全蝎五枚

上为末，醋糊丸如黄米大。一周儿服十五丸，乳汁下，粥汤亦得，空腹，日二服，讫候半时，得吃乳食，量儿大小加减。

远志煎 治小儿身体壮热，惊悸心神不宁。

远志去苗骨，甘草水煮，焙 茯神去木 羚羊角屑 甘草炙 羌藁各三钱 蝎稍十枚去毒

上为末，醋糊丸黍米大。一周儿每服一百丸，乳汁或米饮下，服讫候一时久，得吃乳食，量儿大小及病轻重，加减丸数。

疏离丸 治诸惊，亦治疳。出《圣惠方》。急惊最效。

干蟻 五月五日收者佳，一枚，以酒、醋炙酥
青黛 木香 槟榔 麝香 续随子去壳纸，裹搥去油，各一钱

上为末，炼蜜丸如绿豆大。一周儿每服十五丸，二三岁加至三十丸，空心清米饮送下，服讫一时久，得吃乳食。

牛黄丸 治小儿心经积热，两腮红如胭脂，手足常热，唇口干燥。亦治急惊。

牛黄一钱 天竺黄二钱 郁金三钱，真如蝉肚者 梔子仁四钱

为末和均，炼蜜丸，黍米大。一周儿每服三十丸，薄荷汤下，量儿加减。

醉红散 治小儿急慢惊风，潮搐涎盛，口眼偏斜，精神昏闷。

天南星一枚大者酒浸，湿纸裹炮熟，焙干 蜈蚣一条，酒炙 白僵蚕炒去丝嘴 全蝎去毒，各七枚
天仙子一字 朱砂别研 紫菀 杏仁 龙骨 防风 龙胆草 蝉退 百合 牛黄别研 白芷 麝香各一钱 升麻三钱 大黄煨四钱 酥一两 蜜三两

上件药先以牛黄、麝香、朱砂各研为末，除酥蜜外，十五味捣为粗末，用水一升，入银锅内，煎至三合，以新绵滤去滓，却入锅内，入牛黄、麝香、朱砂末及酥、蜜等，以柳篦不住手搅，慢火熬如稠汤方止，入瓷合内盛，密盖收之。

周岁儿每服一鸡头实大，沸汤化下。日二三服，量儿大小加减。

不惊丸 治小儿因惊气，而吐逆作搐，痰涎壅塞，手足掣痲，眼睛斜视。

枳壳去穰麸炒 淡豆豉

上为末，每服一字。病甚者，服半钱，不拘时候服，日三服。

急惊者，薄荷自然汁调下。

慢惊者，荆芥汤入酒，三五点调下。

凡小儿急慢惊风，若睛珠上视，或上气喘急，足胫若冷者，难愈。腹中急胀，眼睛上视不回者，必难治也。

陈氏小儿病源方论卷之四

惊风引证

论寒痰作搐

太师贾平章宝祐戊午两淮间闾子宣机三岁，头热目赤，痰衄不已，一医言：风热盛，痰涎作。文中曰：因脾肺虚，而风冷寒痰所作。又一医言：热即生风，冷即生气。文中曰不然。三冬盛寒，冷则生风。九夏炎炎，热则生气。盖风者，百病之长也。若寒得风，而谓之风寒；若热得风，而谓之风热；若燥得风，而谓之风燥；若湿得之，而谓之风湿。此非独热而生风也，如暗风、破伤风、脐风、慢惊风、急惊风及风痲、惊痲、食痲等证，而皆作搐，非但热而生风也。

宣机病始因头热目赤，便以凉药饵之，致令寒气客于喉咽之间，与津液相搏，又生痰衄证，其喉咽中寒痰冷气，壅塞不通，故头热目赤无由得愈。治法当赶去喉咽中寒痰，令气得通，其病可得而愈。遂投芎蝎散一服，用手法斡去寒痰冷涎四五口，次以油珠膏一服而愈。

论风痰搐搦

尚书洪端明宝祐戊午淮东运使子始生未及三个月，腹胀满，足肚冷，囟门高急，上气涎潮，四肢搐搦。同坐众官皆言：死证。洪公曰：我在前死了七八个儿子，皆是这般证候。此儿足见难医，枉废生受，亦不召医视之。或者言告文中，因往视而谓之曰：小官人此证，候死不得，尚可救治。运使曰：此儿必死，毋劳用计。众官皆喜陈君高明，既有救疗之心，运使从允。乃用油珠膏一服，次用长生丸一服，便下黄稠粘涎约半盏，内有白奶块，如小豆大十余块，是风痰结聚，乳奶一并便下。后用前胡厚朴散加附子两片，二服而愈。

淮西戴运使小娘子始生周岁，腹中气响，痰涎壅闭，手足抽掣，欲与芎蝎散，斡取痰涎。运使

曰：儿子小，难以依此施治。文中曰：前制参刘菊坡小儿始生五个月，因作搐乃服芎蝎散，斡去痰涎，次服油珠膏，即愈。菊坡赠一跋于卷末，今运使小娘子因惊吓，蓄冷气于喉咽间，传入肝胆，其气上不能升，下不能降，使血气不能流转，故痰涎壅闭而作搐也。若不依此施治，必治不起。遂以芎蝎散一服，用手法斡去喉咽中寒痰约半盏，次用油珠膏二服，后补脾益真汤三服，再前胡厚朴散、长生丸各二服而愈。

安抚叶大监宝祐戊午淮东制参子始生八个月，搐而不休，乃惊食二痲证也。因惊怖未定，心气不足，便饵乳，使冷气与乳奶并搐于腹内，故腹中气响，上下衮衮，其气上则吐，下则泻，今抟于脾胃，则脾土虚弱，肝木盛冷，故筋掣而作搐。用油珠膏一服，次芎蝎散送下二圣丸一服，其搐止，又泻如泔水，用补脾益真汤二服。次日又搐，腹中气响，上膝芎蝎散一服，用手法将匙于喉中，探斡出痰涎数口，即止。只腹中气响攻上，不纳乳奶，肚中急胀，用塌气丸一服，后服长生丸，愈。安抚赠一跋于卷。

慢惊风证

扬州安通判子始生未满月，头温足冷，腹中气响，涎潮，搐搦，名曰胎风。因乳母饮冷过度，冷气抟于胎胞之中，儿生之后，又因帛蘸冷水缴展唇口，致令冷气入儿腹中，故头足冷，腹中响，涎潮搐，俗谓慢惊风。欲与油珠膏，府判曰：小儿纯阳，热即生风，何敢服附子、硫黄？文中曰：若与朱砂、脑、麝等凉剂，断然不救。况儿未经寒暑，脏腑娇嫩，骨脉软弱，当温养下气。气盛则寒痰清，腹中不响，其搐自止，用油珠膏八服，后补脾益真汤而愈。

急惊风证

两淮咨议萧宣使生子一年三个月，忽然发热，两腮红如胭脂，足胫热，大便坚秘，小便赤

少，忽然而搐，名曰急惊风。诸医治之未效，召文中以远志煎连进三服而愈。

痘疮引证

夫小儿患痘疮，文中所用之药无不手取效。今略举数家，以为引证。

泄泻用药

涟水知军萧宣使孙女三岁，痘疮始出，泄泻。予用木香散送下豆蔻丸一服，泻止。至九日其疮不肥满，根窠不红，咬牙喘渴。宣使谓：热毒在里，痘疮不靛，欲与清凉饮。予曰：若与清凉饮，则耗真气，必致喘渴而死。宜木香散加丁香四十枚，官桂一钱二服，又异攻散一服。至十日，其疮苍蜡色，咬牙喘渴皆止，至十三日疮痂不落，痒难忍，足指冷，咬牙喘渴不已。予用异攻散加丁香半钱、官桂一钱，连二服，至十七日愈。

咬牙寒战

涟水军都总辖李路分孙七岁，痘疮七日，痒塌寒战，咬牙饮水，始召予视之。

予欲进异攻散，次用木香散。路分畏药热，不肯服。

予曰：其疮痒塌寒战，咬牙饮水，是脾胃肌肉虚也。如与水饮，则转渴不已而死矣。当用木香散、异攻散急救表里，三日各三服，至十五日愈。

疮痘痒塌

涟水机密官周统制孙三岁，痘疮八日，发热腹胀，足指冷，咬牙饮水，其疮痒塌，搔之血出成凹坑。

予曰：发热腹胀，足指冷者，脾胃虚也。痒塌者，肌肉虚。咬牙饮水者，津液衰也。若热去即死矣。经云：阴虚则发热。宜木香散加丁香三十枚，官桂一钱，服之可也。

统制曰：如何更加丁香、官桂？

予曰：丁香攻里，官桂发表，其表里俱实，则不致痒塌，喘渴而死。木香散连二服，又异攻散

三服，至十七日愈。

表虚不长

前淮东运使洪中书子三岁，痘疮七日，如谷粟。中书曰：如何细碎不长？

予曰：为表虚不壮热也，可服异攻散。

中书曰：莫不太热？

予曰：热则气血和畅，自然出快。以异攻散加附子三片、官桂半钱，亲煎与服。至九日，根窠红满光泽，至十三日愈。

里虚不长

又一直阁七岁，痘疮四日，身热渴泻不止。

予曰：身热渴泻者，表实里虚也。木香散连三服，泻渴皆止，其疮光泽，肥红而愈。

疮不成痂

扬州王咨议女九岁，痘疮十四日，不成痂，脓水出不干，咬牙饮水。

予曰：气血衰则咬牙，内虚则烦渴，宜木香散加丁香二十枚、官桂半钱，日夜三服，至十七日，疮痂落而愈。

误食生冷

淮东制参乔宗丞子十三岁，痘疮十一日，误食柑子，因发热痒渴。

予曰：柑子味酸，收敛津液，故发热痒渴。用人参麦门冬散三服，愈。

身温频渴

淮东制参毛监丞五子，皆出痘疮，三子不服而愈，一登仕十三岁，身温频频要水吃，其疮细碎。

予曰：是肌肉虚，津液少也。木香散加丁香二十枚、官桂半钱，日夜三服，疮出根红快透。至十一日痂不落，又木香散加木香半钱、官桂一钱，连二服，至十七日愈。

又一直阁十岁，痘疮出，口干渴不止。

木香散每眼三钱，重水二盏，淡煎，时时服，首尾四服而愈。

疮不起发

扬州通判王宣机二子，皆出痘疮。大者七岁始出，自利两次，其疮细碎不光泽，不起发。予用木香散加丁香三十枚、官桂半钱，连二服，泻止疮出快透。

至十三日其疮不结痂，不成痂，脓水粘衣，身痒不得眠。

予曰：痘始出时泻，今乃痒塌不痂，是内虚也。木香散加木香、官桂各半钱，连二服，仍以致草散^①掺其疮烂，至十八日愈。

痘证惊搐

王宣机小直阁二岁，发热惊搐，足冷，痘疮欲出不出。用异攻散三服，共加丁香四十五枚、附子一钱，第二日木香散加丁香、附子、木香、桂各半钱，连二服，其搐止，足暖疮出而愈。

宣解之过

淮东赵制干子十五岁，身壮热哽气。医谓：

伤食，感应丸一服，泻二行，仍壮热哽气。又一医言：伤寒，小柴胡汤加枳壳。其身不壮热，口干足冷。

予曰：始初身壮热哽气，便是痘疮之证。口干足冷者，感应丸泻得里虚也，身不热者，柴胡解得表虚也。若加喘渴，则脾肺虚，而不救矣。以木香散加丁香、官桂各半钱，二日进五服，第三日疮出，第七日成脓泡子，微渴，人参白术散一服，又木香散一服，十三日痂落而愈。

疮烂脓淫

淮东师机赵通判女七岁，痘疮十三日，脓水出粘衣，坐卧不得。

予用木香散三服，又用败草散掺摊席上及干贴，即干愈。

^① 败草散：多年盖屋烂草或盖墙烂草，不以多少。晒干为末。干贴，无痕。若浑身疮破，脓水不绝，粘沾衣服，难以坐卧，可用三二升摊于席上，令儿坐卧，少即干贴。见《世医得效方》卷十一。

1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100

活幼口议

元·演山省翁 著
王 熠 校注

校注说明

《活幼口议》作者现有二说：一作曾世荣，一作史演山，均无确据，今据明本叶序暂作“演山省翁”。书凡二十卷，卷一至卷三记述儿科医论二十五篇，卷四、卷五议初生儿证候二十六篇，卷六、卷七论指纹脉和气色，卷八述病证疑难十八篇，卷九议胎中受病诸证十五篇，卷十至卷二十议各种儿科病证的辨治，计有惊风、发热、吐泻、疳积、肿胀、杂病、伤寒、疮疹等。书中议论精详，审证得当，用药有独到之处，尤其省翁强调产前调摄、产后鞠育、临证详审以及用药反对滥用金石、脑、麝之品，实是经验之见，发挥前人未足之处。

该书有较高的临床指导价值，但问世后并未能广泛流传。现所见该书在国内仅有两种传本，一是明嘉靖二十四年（1545）叶氏作德堂刊本，此系目前已知的最早刊本；一是日本皮纸抄本，据抄本后记中丹波元胤提供的日期，则此本流传应不早于文政庚辰（1820）年。两种刊本相较，明嘉靖本虽系早期刊本，惜缺卷一及卷二部分内容，所幸缺文有范行准抄补可见，故尚称完帙。日本抄本与明本相较，有数处大段文字脱漏，计为卷三“议明道”一节、卷七自“心部所主”至卷末、卷十三自“益神定志丸”至卷末三段，且抄本全文俗写字、异体字、别字较多，阅读困难较大。此外，《活幼口议》的内容还散见于《医方类聚》小儿门中，故又或为该书的又一种传本形式。

针对本书的版本状况，本次点校采用了下列方法。

一、以明嘉靖二十四年叶氏作德堂本为底本；以一九八五年中医古籍出版社“中医珍本丛书”中影印日本皮纸抄本为主校本（以下简称丛书本）；以一九七九年人民卫生出版社出版的《医方类聚》排印本为参校本（以下简称《类聚》本）。

二、凡底本无误，校本有误者，概不出校。凡底本显误，校本无误者，据改后出校。凡属校本义长，可改可不改者，则不改，出校列出校本字样，并标明何义为长。难以判断是非者，不改，列出校本字样。

三、书中的异体字、俗体字用规范正体字律齐，如“羸”改为“粗”，“恠”改为“怪”等等。

四、书中部分难字、僻字作注音与释义。

五、为便于读者了解该书日本版本特征及流传始末，特将丛书本序言及丹波元胤之后记附入，以供参考。

通过本次整理，吸收两本之长，使该书成为目前较完善的一种校注本，以奉献给广大读者。由于学识有限，疏漏之处在所难免，尚祈同道斧正为是。

校注者

一九九六年十二月

活幼口议序一

活幼口议者，演山翁之所作也。且夫医道之难言于世也久矣，况小儿一科，古谓之哑证，而医家尤难于言也。虽然，亦有要然矣，通而变之，存乎其入，不能明理之至，则亦未易言耳。所以观其形色以验其虚实，观其呵欠以明其脉气，观其赋禀厚薄而投其药饵，或喷嚏鼻塞而有伤风变蒸之异，或夜啼身热则有脐风口疮之殊，治各有条，岂容无议。又有逆证似顺，阴证似阳，甚至惊风惊痫，众疾百作，不可枚举，所以局滞者不变，窒塞者不通，旷时者不果，旁越者不周。是故涵志潜神曰渊，巧发奇中曰颖，知微通机曰聪，投机顺变曰达，四者，医之的也，术之枢也，道之轨也。运枢执轨以至于的焉，则亦无事于议矣。议通则贯乎理矣，理贯则几乎神矣，医之道于是乎无愧矣，而小儿之疾不容于不议矣。舍是其奚□^①以哉。既序诸首复行以广其传云。

时嘉靖乙巳孟夏上瀚之吉书林静斋叶一兰谨序

① □：此处有残脱，无据可补。

活幼口议序二

世言医人与医国同一源流，国以新造之病为难攻，人以幼稚之疾为难疗，新造之困，病在于人心之未孚，法制之未备，故事不厌乎议，如周人之于市，郑人之于乡校。是已幼稚之童，病在于气血之未全，筋脉之未力，既不可以言语求，又未易以智巧索，淳论而复辩，且未足以究其万分之一，况欲忌鱼筌于纸上之尘言，其有簞筍而蟹螯螟者几希矣。兹演翁口议之所由作也。翁质直而不华，雅朴而实辩，如议证议药议诸氏之方，皆凿凿乎如老法吏之议刑辟，丝发不可以动移。求之文理，诚若不足，索之义理，沛然有余，夙髓玉诀，政亦不容多逊也。或曰轮人之轮，庖丁之牛，应之于手，得之于心，盖非区区口耳所能造，今议以口为言，其际莫能教，予不见全牛之妙，迳庭盖可知已。吁！有是哉，使释凿而特以原本为第一议，曰乳哺，曰食忌，曰伤怜，不必议可也。然且以不绝于口，翁之此童，岂独为医工计哉？有能以幼幼为心，宝有其书，圭复其说，宛如省翁之耳提而命将护于震夙之初，调理于生育之后，于其疾乎何忧？其或以竖子之梗为，予亦将语之曰：翁有口议在，由是幼吾幼以及人之幼，挈而同归寿域中。此翁之初心然也。然则是议也，又当求之省翁之心，谨毋曰胜口说。

时岁在癸未梅月朔且石峰熊槐书

目 录

活幼口议总论

- 撮要……………(273)
 辨疑……………(273)
 补遗……………(273)
 正讹……………(274)

卷之一

- 议明至理序……………(275)
 议明至理二十五篇……………(275)
 议原本……………(275)
 议通变……………(275)
 议难易……………(276)
 议参详……………(276)
 议专业……………(276)
 议审究……………(276)
 议同异……………(277)
 议根本……………(277)

卷之二

- 议虚实……………(278)
 议脉气……………(278)
 议投药……………(278)
 议下药……………(279)
 议行医……………(279)
 议禀赋……………(279)
 议辩理……………(280)
 议料理……………(280)

卷之三

- 议调理……………(281)
 议伤怜……………(281)
 议食忌……………(281)
 议责善……………(282)
 议钱氏方……………(282)
 议王氏方……………(282)
 议张氏方……………(283)
 议幼幼新书……………(283)
 议明道……………(283)

卷之四

- 议初生牙儿证候序……………(284)
 议初生牙儿证候二十六篇……………(284)
 议呵欠……………(284)
 议伸舒……………(284)
 议喷嚏……………(284)
 议脐突……………(284)
 议夜啼……………(284)
 议口生疮……………(285)
 议身体热……………(285)
 议血眼……………(285)
 议卵肿……………(285)
 议蛆疮……………(285)
 议鼻塞……………(286)
 议聾耳……………(286)
 议便血……………(286)

卷之五

- 议发痢……………(287)
 议撮口……………(287)
 议合谷道……………(287)
 议闭小便……………(287)
 议盘肠……………(287)
 议咳嗽……………(288)
 议吮乳……………(288)
 议自汗……………(288)
 议自利……………(288)
 议哭无声……………(288)
 议视无情……………(289)
 议反身张目上窜……………(289)
 议乳失时哺不节……………(289)

卷之六

- 小儿形证诀歌……………(290)
 脉指诀歌……………(290)
 指下脉诀歌……………(290)
 三脉五脉宜说……………(291)
 三关指纹要诀……………(291)

指纹脉诀说	(292)
议指纹脉总要	(292)
详解纹脉	(292)

卷之七

小儿面部气色并序	(293)
五脏五色本位	(293)
分定五位所属	(293)
五脏伏敌喜伤	(294)
面部气色总现	(294)
五脏分部定位	(295)

卷之八

病证疑难序	(297)
病证疑难一十八篇	(297)
逆证似顺	(297)
阴证反阳	(297)
阴盛强阳	(297)
虚极生热	(297)
冷久必寒	(297)
热多作燥	(298)
理实致虚	(298)
利表伤里	(298)
退热作渴	(298)
疗惊发风	(298)
风痰隐久	(298)
惊热无时	(298)
恐悸喘息	(299)
食噎咳逆	(299)
令子无辜	(299)
受气不足	(299)
饭多伤气	(299)
脐中受热	(299)

卷之九

议胎中受病诸证序	(300)
议胎中受病诸证一十五篇	(300)
鬼胎	(300)
魅病	(300)
胎气	(300)
胎病	(300)
胎病作热	(301)
胎气蕴热	(301)

胎病风热	(301)
胎病惊热	(301)
胎病风痰	(301)
胎病结热	(301)
胎病寒邪	(301)
胎病荣热	(301)
胎病卫热	(302)
胎病脏寒	(302)
胎病潮热	(302)

卷之十

十种证候发端	(303)
治法略序	(303)
急惊风候	(303)
慢惊风候	(303)
小儿热证	(304)
小儿积证	(304)

卷之十一

小儿伤寒正受夹惊夹食	(306)
小儿有患惊风痰热四证	(306)
小儿泄泻	(306)
小儿痢疾	(307)
小儿疳疾	(307)
小儿咳嗽	(307)

卷之十二

议急慢惊风等证候总序	(309)
议急惊风证候	(309)

卷之十三

真珠天麻丸	(312)
却风散	(312)
揭风汤	(312)
青金丸	(312)
截风丹	(312)
定搐散	(313)
暖金丹	(313)
益神定志丸	(313)
牛黄清心凉膈丸	(313)
牛黄散	(314)
天竺黄散	(314)

卷之十四

慢惊风传变治法截要	(315)
-----------	-------

- 保命丹……………(316)
- 观音全蝎散……………(316)
- 犀角散……………(316)
- 醒脾散……………(316)
- 神保既济丹……………(316)
- 定命饮子……………(317)
- 卷之十五**
- 慢脾风候治法截要……………(318)
- 白僵蚕丸……………(318)
- 附硫丸……………(319)
- 黑附汤……………(319)
- 辰砂膏……………(319)
- 七宝妙砂丹……………(319)
- 痢疾证候……………(320)
- 化风丹……………(320)
- 夺魂散……………(320)
- 卷之十六**
- 议十种热证候……………(322)
- 议类证诸热……………(322)
- 分十种热证附诸热类……………(323)
- 脱甲散……………(323)
- 大连翘饮……………(323)
- 梨浆饮……………(324)
- 正气调胃散……………(324)
- 议吐泻详证六法所治……………(324)
- 议潮热有五……………(325)
- 议痢热……………(325)
- 议积证……………(325)
- 卷之十七**
- 总论肿胀……………(326)
- 议肿……………(326)
- 荣卫饮子……………(326)
- 分气饮子……………(326)
- 大效神功救生丹……………(327)
- 议胀……………(327)
- 褐丸子……………(327)
- 三棱煎丸……………(328)
- 锁肚胀急……………(328)
- 附初生锁肚撮口施药法说……………(328)
- 大茱连丸……………(328)
- 蛔虫胀……………(329)
- 小沉香煎丸……………(329)
- 下虫丸……………(329)
- 卷之十八**
- 小儿伤寒……………(330)
- 大效人参枳实汤……………(330)
- 小儿惊热风痰……………(330)
- 大效疏风散……………(331)
- 痢疾证候方议……………(331)
- 大效使君槟榔丸……………(331)
- 胡黄连丸……………(331)
- 肥肌丸……………(332)
- 兰香散……………(332)
- 傅齿立效散……………(332)
- 独活饮子……………(332)
- 三黄散……………(332)
- 人参散……………(332)
- 槟榔散……………(332)
- 黄芪散……………(332)
- 地骨皮散……………(332)
- 痢疾证候方议……………(333)
- 豆蔻散……………(333)
- 生熟饮子……………(333)
- 神效鸡青丸……………(333)
- 大效至圣千金饮子……………(333)
- 大艾煎丸……………(333)
- 白饼子……………(334)
- 术蔻面……………(334)
- 香脯……………(334)
- 痢热证候方议……………(334)
- 人参散……………(334)
- 神妙宣气丸……………(334)
- 蚶皮丸……………(334)
- 卷之十九**
- 泄泻证候方议……………(335)
- 滞肠散……………(335)
- 契圣既济丹……………(335)
- 术附汤……………(335)
- 小儿吐证方议……………(335)
- 八白饮……………(335)

- | | | | |
|----------------|-------|-------------|-------|
| 人参温中丸····· | (335) | 小流气饮····· | (339) |
| 调中正胃散····· | (335) | 小菊花膏····· | (339) |
| 煨附丸····· | (335) | 总议小儿眼患····· | (339) |
| 青金丹····· | (336) | 治诸病杂方····· | (339) |
| 豆蔻散····· | (336) | 石苇散····· | (339) |
| 半丁丸····· | (336) | 桃红丸····· | (339) |
| 正气丸····· | (336) | 犀角地黄膏····· | (340) |
| 盐豉丸····· | (336) | 丹毒至效散····· | (340) |
| 渴证方议····· | (336) | 犀灰散····· | (340) |
| 喘急证候方议····· | (336) | 磁石散····· | (340) |
| 八味理中丸····· | (336) | 茅根汤····· | (340) |
| 大效雄朱化痰定喘丸····· | (337) | 故纸膏····· | (340) |
| 定喘饮子····· | (337) | 木舌金丝膏····· | (340) |
| 雄黄丹····· | (337) | 生肌散····· | (340) |
| 卷之二十 | | | |
| 疮疹证候方议····· | (338) | 大效金丝膏····· | (340) |
| 议癍瘡痞····· | (338) | 天南星丸····· | (340) |
| 人参萝卜饮····· | (338) | 通关散····· | (340) |
| 豆蔻草果饮子····· | (338) | 秘传头秃疮方····· | (340) |
| 眼患证候方议····· | (339) | 茱连丸····· | (340) |
| 透关散····· | (339) | 摩风膏····· | (340) |
| 大效点明膏····· | (339) | 姜黄散····· | (341) |
| 至妙立消膏····· | (339) | 小牛黄丸····· | (341) |
| 生干地黄汤····· | (339) | 四圣汤····· | (341) |
| 小防风汤····· | (339) | 附跋····· | (342) |

活幼口议总论

按魏氏前序云：求之文理，诚若不足，兹则不敢妄喙，姑就议中叙其切要，一二言之，识者幸鉴。

撮要

一 儿在胞胎必须饮食有常，起居自若，使神全气和，胎气常安，生子必伟。

一 怀娠之后，最忌食热毒等物，庶孩儿降生，免有脐突疮痍等患。

一 乳母常须养其血，和其气，乐以忘忧，使乳汁温平，纵儿疾作，自安平过半矣。

一 婴儿平常无病，不必服药饵，恐遇疾不即为效。

一 初生儿必忌外客所触，庶免致客忤热，古人所以忌客一腊。

一 儿孩不宜食肉太早，伤及脾胃，免致虫积疳积。

一 儿孩变蒸作热，非谓其病，虽不药自愈。

一 小儿受病在脐，有自愈者，故先贤惟理其脏，未言其腑，腑阳脏阴，如麻子一证，乃是腑病。

一 小儿颅囟未合，乃是气虚所致，勿视为寻常。

一 儿生谷道无穿，多至不救，药无速验，必假物透以通之。

一 惊风发搐，手足不定，执捉恐风痫逆入经络，废害肢体。

一 小儿毋容入神庙中，恐神情闪烁，必生怖畏。

一 小儿笑极与和，哭极与乐，睡思既浓，毋使吐^①嚼。

一 儿患吐泻，女吐男泻，最为急证，吐泻不止，脾虚风即生，急宜疗之。

一 儿患疮疹，发惊不可下惊药，有热不可

用退热药，有汗不可止汗，或吐不可理吐，或下亦有不可。

一 儿患鼻孔黑如煤，耳轮廓焦黑，目翻指甲黑，作鸦声，或吼叫数声，及手寻父娘衣，皆无可治疗。

一 药忌脑麝腻粉水银及用针艾，尤忌砒毒，皆不可轻用。

一 食忌甜^②成疴，饱伤气，冷成积，肥生痰，如焦苦辛辣馊酸热毒，尤不可食。

辨疑

一 儿患阴痢，其脉浮数洪弦，是阴中之阳，非真阳也。

一 儿患慢惊，得脉数^③，呼吸粗大，是其证绝，非阳回也。

一 儿患痘疹作热，非伤寒也，但看耳后有赤缕者是。

一 儿患身反张，非惊风也，或投寒凉药亦愈，然非惊风所传。

一 婴儿闻响即掣跳者，非惊也，乃肺肝不足而神有未安耳。

一 热在筋脉，亦发搐者，非真搐也，如或过剂则变假为真。

一 议张氏方书，南人得病，不可以北人处方，自是南北异道，不可不辨也。

补遗

二卷云：三才之道，各得其九，上当有“九九者”三字。

① 吐：丛书本同，《类聚》本作“咀”，义长。

② 甜：原作“刮”，与义不合，丛书本、《类聚》本皆作“甜”，据改。

③ 数：《类聚》本作“浮数”。

四卷云：不荫心上当有“血”字。

正 讹

五卷云：预利利害，上利字当作“知”字。

十二卷云：心气不足而生之慚，慚字合当作“慚”字。

已上始举大概，余亦未能审于是非，揭之卷端以俟今之省翁云。

新刊演山省翁活幼口议卷之一

议明至理序

窃闻形端表正，周公测度之圭音基；意到心明，华氏扶持之旨；处方议幼，师传至理为良；凭药活人，学造精粹始妙。纯乎其道者，惟籍专诚；达乎其议者，可行必用。夫人知其难，不知其所以难，究其学，未究其自然学，言之难者，莫过乎药，备晓其意，参详审察，以尽其善，然后可以知其难易之旨也。仆世居江南，叨忝医士，极意开陈管见，愿彰海宇同声，虽然利钝从入，毕竟因由有自，所著是书，尽悉幼幼证候，诚为学者奥览，一悟至理，无问不通，舍去偏隘之为，体取洞明之见，方行浅揭音气，宜探深渊，果通神圣，以服众情者，岂不韪欤？

议明至理二十五篇

议原本

议曰：古入有择妇孕产之文，荆公有胎教育子之法，数篇利益，万世规模，安得人人而尚之，世有君子小人之别，故当述陈利害，明智审详而已。夫入立室安家，求嗣必纯，纳妇种子，在贤且德，然而妇乃贤淑，夫又质良，生男不育者有之，非夫妇之失情，人伦失序，事有不备者，良由公姑不能善恤胚胎之气，妯娌不与矜顾护爱之理。气胎涵养，宜在冲和，冲和者，同其天地之宽量，应乎四时之运行，妊娠之间，怀育之次，但常令孕妇乐以忘忧，不作畏怖，亦无恐惧，饮食有常，起居自若，此乃以顺其中而全其神，以和其气而益其脉，是与调而助之，扶而补之，何患胎气不安，生子不伟？所谓妇人之性，自来鄙窄，因由暴触，以动其气，气动则伤血，血伤则损脉，脉损则胎气不固，胎气不固，其子何宜？爱子者，宜顺保其胎气；调妇者，宜匀和其血脉，然后乃曰得其所哉。况夫人生清静，与天地以同原，性稟真常，

合阴阳而假质，母怀精血成形，父抱气神为子，何由聪慧？盖为母性弥宽，所以智能乃值^①，父精广爱，亦有卿相，起自犁锄，乃是室家相从，意同道合，至诚礼貌，怡然一妇一夫，淳谨殷勤，岂在多淫多欲，虽由拙见，亦有至理存乎中矣。

议通变

议曰：愚谓初生婴孩，至于意稚，血气柔弱，疾病危虚。夫疾之在急，不可仓皇，医之欲安，岂可灭裂。至于坦平则可行，有其险则防蹶。医学得中，务令胜善，良工进药，药用在人，通变为医，医行存志，志若通则医不繁，机能通则药不紊音问，乱也，通变者为奇，得志者为妙，古云：心通方学通，愚曰：志变作良医。仆辄著此书，殊无文墨，但究其实，虽则喽喽喋喋，其意乃欲使学者通变而已。通者，正理广博，触受咸知；变者，定明根源，开发胸臆。若只按古理调今人，处用乖方，饮食坐卧不同，饥饱劳逸不便，然天时地利岂可不知？犬吠鸡鸣尤宜尽意，春夏秋冬，四时有正邪之令，吐利惊痞，五脏传久暴之疾。所谓可以进则进，可以止则止，犹其堪行即行，不堪行即转转其意用，别当处议，是谓通变之道，聪慧之施。机谋策略智度攻讨，此乃兵家之权，杀罚为用；审察详辨，诊切视听，此乃医家之业。大抵一切所为，皆由通变，惟有活人，用功过于兵法，主治在乎通而知其变，此乃良工；用心规矩，疑其变且智不通，此乃庸夫。用心操执，常运其通，而知其变，见其证而知其病，生死预决，危困不戕，斯乃上工之谓。顺逆相投，利害相混，何由而通，何因而变，斯乃下客之谓。嗟乎！幼孩易得候变，我即因其证与候而变治之，或轻或重而作，我亦随其轻重而理之，通变之道如是而已。

^① 值：丛书本同，《类聚》本作“随”。

议难易

议曰：天地阴阳，尚有盈亏，世人阴阳，自致顺逆，失其调度者，邪正相干；违其安和者，患灾相及。小儿一科，古云有异于常者为难，然长幼受疾，自是不同，所有难易之言者，非谓阴阳胜伏，非谓传变差殊，非谓脉气参差，非谓脏腑虚实。是以迷其证者，悉谓之难；达其候者，总谓之易。无以难证而妄谓之易，无以易证而妄谓之难，难易之功，不出至诚，穷理尽性为得之矣。原夫医学师范，性参古风，是必臆记诸家明文，旨归要说，更须端的审察，轻重较量，凡观儿幼传变，又不可执滞于古意，亦不可滥恃于常情，搜罗尽善，究竟周旋，无一证一候留连于其间，方可谓十举十全之妙道者耶。古人云：心中了了，指下难明。小儿方脉，指下易明，心用了了，其或不然，悉关蒙昧，才有生疏，前功俱丧。思之掌幼，重负利害，不可自逞寸能，何堪称誉家传三世之业，未果彰名，盖由灭裂，用医仓皇太急，故有得失。呜呼！既无深思远虑，岂有广见多闻？若求侥幸之功，必害平生之福，迂哉浅见，宁保无虞，性命相投，岂可视为容易，证候未明，万毋勉强，学者幸详察之。

议参详

议曰：调理婴孩一科，天下之难事也，且古从今，著载未详其议，世有贤能之士，未尝废业。盖此等方脉之术也，然其参习至理，妙无它焉。所谓审察究详，按考推备，既已定矣，不为虚设。夫苟冒然取次，应急相投，必致谬滥。噫！审者审契表里，察者察定阴阳，究者究竟脏腑，详者详悉标本，按者按明虚实，考者考较轻重，推者推评前后，备者备准端的，八法千^①心，十全保命，口无泛语，意无泛思，脉无虚究，药无虚发。凡有婴儿，先以视之为上，听声为次，察脉又为次，且以婴儿所受胎气未充，其色白，其形萎，其气怯，其声浊，焉得颅凶^{音芦音信}，乃顶门也固实，稍长不任变蒸，既于变蒸不备，则形体萎而不壮，情性不舒，疾病无时不有。初生之儿，所受胎气充足，其色紫，其形紧，其气壮，其声清，焉得

颅凶虚旷，稍长渐受变蒸，既而变蒸满足，则体实形固，情宽性缓，疾病经年不作^②。凡为医工，专诚守业，毋浪游，毋泛饮，毋傲恣，毋耽执，用之则专，专，不以心浮泛。遣之则稳，令其绝疑。执而从机，行用以明机变。奸而致轨，每依法则，不可轻易。设意无太过，处性莫不及，切须究竟，毋太过不及。凡遇临危赴急看候，一见使人怆然者，勿可循众而说，但如前八法明度而已。若也，视之为常，听之为妄，视听不专，浮泛致乱，虚作实，冷作热，表为里，壅为通，如此仓皇，安得不有疏谬，今述总要，须当致谨参详，乃谓成全日用，善工者耶。

议专业

议曰：观形看候，察色听声，宣究阴阳，受于邪正，皆由一气，生成之本。一气者，先天应运造化根基，禀赋不常，故抱虚怯。孩童作疾，其在虚虚实实，损益得中，标本无恙，过与不及，以意逆之。凡为医工，须知表里，复审盈亏，不知则众疾皆临，稍顺则四大悉正。世传小方脉书八十余家，究竟证候，良方妙剂不过五十，然其传变形容诸证，该千述万，各显其长，不得不录。是故医家明理，药不繁劳，乃知至妙，广博言章，欲使学者通变而已，大抵小儿得疾，所受无过惊积冷热，疗理不致散漫者，乃为上工，其候传散斯为下客。传散者惊即作痢，热即成风，积成痞癖，虚作疳痢，冷致吐泻，逆为呕哕，其证泛泛，其医慌慌，若不寻其源流，渐入江海，愈远愈深，弥开弥大。上士治之未萌不待传变，中士治之已行疾作它证，下士治之纵横或有得失，盲者治之峥嵘无规法也。用药副之规矩，行道从之精专，婴孩无隐疾之情，药饵有反功之叹，勿致矜哀，乃招庆善矣。

议审究

议曰：幼幼方脉，在乎参审推详，究竟尽善，深明其理为得之矣。不以意竟为务，不以疑似为怯，不以未用试功，不以疏忽为向，每一证无不

① 千：《类聚》本作“于”。

② 作：丛书本作“作”。

审究古意及师授之因，每一证无不察度准绳平善之理，所见至良，决定有路，无可疑者，方与投药，庶无勉强肆臆之为，岂有伤天坏证之害？或有之，盖其灭裂故也。初生之儿，审其胎气少稳；断乳之子，究其饮食伤脾；离母之孩，察其暑湿寒邪；总角髻意，觉其弛逐斗力，劳则伤气，动则伤神，役则伤形，饱即伤滞，母有四意，医工次焉。若也顺事致敬，婴孩何疾加之。一曰调护，谓调适其寒温，护令不受邪触，春不怯冻，秋不乘凉，夏知清冷，冬觉暖燠。二曰保摄，谓保娇情所欲，摄所经任之意，乳须及时，食无过剂，睡无令饫^①，戏无令饥，坐卧起止，惟母当知。三曰抚育，谓幼则顺其娇痴，长则变其情志，抚之乃常存其神，而知其体，育之乃安其形而调其性。四曰鞠养，谓儿长成宜鞠问之，毋令纵恣，毋令忽暴，毋令悖逆，毋令顽慢。四者穷理尽性，可谓慈母之道。凡儿初生之后，出三日气脉定，已脱脐风之难；过七日精神全，方离锁肚之灾；越百日腠理壮，不致咳嗽之危；千日外胃气正，不泻青黑之咎。父亦有四焉，一曰和爱，二曰顺敬，三曰谨训，四曰宽责。和爱者，不恣儿男口腹；顺敬者，不听暴疴嬉戏；谨训者，至诚礼貌相持；宽责者，忠恕丁宁举喻。若加鞭笞呵叱，不惟惊恐怖畏，此之用猥，彼之亦愚。若也父子相尚，湿恭相顺，斯为善矣。

议同异

议曰：合之则同，离之则异，水火之设，品物之聚，皆有同异，何可怪哉？火之为烟，所郁则不明，及其焰也，由烟而明之；水之为坎，所壅则不流，其湍也由坎以流之。万物有品汇，出其境则异于常；人事有尊卑，合其道则异于众。幼幼抱疾，不作传变，古今皆知，言曰疳积吐利，及其更也，即作惊风痰热，未为怪异，可以循其证候而疗之。稍或变常，当审其轻重而理之。兹则世医学，莫执此端，可否之意，以尽其善。殊不知疾作有同异之别，其所受之常曰同，所作不常曰异，前见八证候中，皆能传之，俗流不知其所以传作，即曰差异。其实因差异所致，当知所受在于传变，欲以暴急之间，妄投丸散，冷热相互，虚

实相摧，表里相隘，阴阳相反，乱于百脉，触于五脏，迫于经络，遏于荣卫，是故本证遏作它疾，所发不得其名，所疗不审其理，攻劫无端，幸全性命，即其所受，乃谓怪异。积证之中，得疾差异甚多，差异者，是积等证候所治不当而传反致，勿谓诧异所受之故也。疳气之疾，外候颇众，其候但于积病坏证，而与调理疳气亦然。询其源则应其端，体其证则疗其疾，是以丸散不良陈，疾病莫延久。凡儿所受异疾，盖由失之明察，苟或成人，往往抱废笃之疾者有矣。

议根本

议曰：夫人之生，以气血为根本，人之命，以安乐为寿元。男即二八，卫气方正，女即二七，荣血方行，天癸至时，其气与血始能交参。年既未登，即曰小儿，然分形其名，已载自幼至长，次第言之。今之世法，男年十五，女年十三，乃遏嫁娶，其道虽不应古，其理在乎通情，情动乎中，男破阳太早则伤其精气，女破阴太早则伤其经脉，虽成胎孕，含育必亏，儿生伛偻，变蒸不备，体作侏儒。又或男子过于八八，女人过于七七，产诞婴孩，何足为善？又或阴盛阳亏，阳盛阴亏，又或女因胎寒服药，男以阴萎饵丹，如此为后，皆不足与议，非正论也。前贤著述评较调理，未尝与究竟源远，儿分短天，利害由斯。复见男女长成疾，抱虚劳相继而死者，人谓传尸，或曰有鬼所致，或曰有蛊所作。愚谓不然，传尸者传受骨肉气血之尸也，乃是父精不足，母气虚羸而得之，何更外有尸之可传？有鬼致昧，有蛊为祸，前件意义，悉人其候，虽则男女长大，勿于劳瘵相承，但禀赋受气，如花伤培，似木压植，荣壮枯谢，各由根本所致。凡为人子，无能自知，况又恣妄于少年，忽而气虚脉脱，惟恨天命，病家坚忿，药之不良，无自责其根本不充，所以然也。

^① 饫(yù 育)，《玉篇》：“饫，食多也。”

新刊演山省翁活幼口议卷之二

议虚实

议曰：五行之为物，各有轻重虚实，得失之性，生乎堪任之地，资质自然固壮。金之至坚，隐生虚土，质轻色淡；火之至虚，猛发坚木，焰烈炎炽。土有固陷，水有盈潮，木有岩石，数十年之秀实者，不得阳气，亦萎有之。人之资质，禀父精气母血脉，浑朴胞胎，调极鞠育，凡儿变蒸之后，其形可知，是以颅凶未合，筋骨柔弱；颅凶青筋，脉虚^①不荣；颅凶常坑，滑泄便便；颅凶肿起，风痰不止；颅凶久冷，吐利清青；颅凶虚软，癫痫不免；颅凶扁阔，暴泻易脱；颅凶喎长，风作即亡；颅凶连额，惊风易得；颅凶未完，怕热怯寒；颅凶缓收，胎气不周；颅凶动数，神气昏弱；颅凶宽大，受疾恐害。颅凶者，乃精神门户也，关窍之橐龠也，上下相贯，百会相通，七孔应透，五脏所藉，泥丸之宫，魂魄之穴，气实则合，气虚即开，良由长大，不可不合。医者一见当知其可否用药，凡儿有颅凶未合，受病沉重者，慎勿将作寻常，矧思究竟，犹恐得失，何况瞑然妄投丸散，此等婴儿深虑，愚者有曰医杀之说，曷不谨欤？

议脉气

议曰：天地造化，万物发萌之端，其来有渐，其根悉用，其名则常，其用则别。夫人之种性，所受胞胎，含宏隐密，生而未显，长而能知，利钝巧拙，醇良猥戾者，未矣训诲，亦有自然之理，血气身体，假质于父母，否泰苦乐，禀赋于天地，故天地生我以资质相貌，且仁义在我以古朴淳素，寿夭贫富分之以时，贤愚贵贱委之以命，惟心惟命，乃忠乃神，通达智慧之者，不可得而言之渐矣，其所言渐者久矣。知乎微妙之道，寄乎清静之室，微妙之道乃心脉之所生，清静之室系肺气之所主。初诞牙儿，胃气未全，其脉方行于太极，五脏之脉，心为元首，一月之内，未有可据，虽形已具，但脉气方与天地同参，血肉初共人事相

夺，真邪离合犹如混沌初分，自此乃曰脉气之渐矣。其脉初行太始，阴阳未谐，自凶之下发际之前，齐铺三指，但按其冷热，察其证候，斯可谓脉气之生渐且微也。百日之外，脉气方行之太初，左右食指三节，侧看缕纹，风气随所发作，轻重攻击而生。至于五百七十四日之外，行于太素，于脉应动，于息有数，高骨之同，一指分三郁，取之浮沉，察之缓数，可知冷热虚实之理。千日之外，行于四方，游于五脏，外应颧颊耳花准头唇口眼目，五色隐显，一气盈亏，相生则平而善，相克则凶而恶。及其危困，然后按之太冲，太冲之脉，在脚而曲陷之间，其脉定吉凶休复，应指顺息则可尚，罄指或逆散，可谓绝矣。幼幼脉气，分之有五，深其究竟，其次察之证候轻重，审之表里虚实，然后可以议药，得不虚设，医工之良也，试较优劣而后知之。

议投药

议曰：水有浅潮而可深，山有秃荒而可林，地有倾陷而可固，物有损益而可珍。药有贵贱，人有尊卑，心存至理，道究弗迷。然后其贵贱长幼婴孩所患疾病，异端传变。异证者，受气禀赋资质厚薄故也，由是根不固而体不备，气不充而志不宁。贵者则骄多，贱者则劳盛，骄多即胚胎而得之，劳盛乃孕育而招之。凡儿气受之不定，或蔽荫之有余，月期过满，或看承之有亏，所袭刚柔而然，犹抱虚实而已。从生成应有别，假遣亦无违，察贵贱各体其根，较长幼皆循其理。凡疗小儿，非以一体之谓，不可同常之见。所言投药者，或用投之于简径也，投之于端的也，投之欠练纯熟也，投之穷研精粹也，投之益后，投之胜前，良工用心之至，是为投药之专。若以重剂投于雏乳小也，或以峻药投于贵峻，谓严紧药，直不可混淆而设，造次而施。合以通利者，审问扶而下之，

^① 虚：原脱，据丛书本、《类聚》本补。

当用益补者，察详按而调之，孰谓恣妄之有耶？所谓不可攻击者，曰虚曰幼，曰娇曰重；不宜冒^①致者，曰久曰闭不言所受，曰冗用药众多曰竟争与攻击。复加以母之情僻执滞也，父之性急愚憨也，子之意顽不服药也，病之候难传过坏证，母之滞神，父之遣祟，如此人事，曷可勉强而与劳心枉究哉？不惟无补而反无恩。观其病家情意相顺，礼貌相倾看倾也，功归于我，行着于先谓依先贤所行，是使信医即愈，用药则痊，用其汤剂，为之良者，诚在彼此，勿忽之之谓也。

议下药

议曰：凡调理小儿须先观视气色，察其证候，其或气色有不正者谓啼哭而致散乱，即凭察纹；诊脉有不定者谓久睡，即究证候；其或证有坏候作变谓前人攻击有伤气血，或伤脏腑，即选良妙方药以主之，不及则无咎，切不可大过，若以意揣其疾，盲投其药，深恐有乎得失。古云医者意也，审思前贤载述妙用无虞之意，又参详父兄师长教诲指示取舍可否之意，又裁度自己曾经疗治轻重。量度斟酌成全之意，三者既备，可谓医者意也。如此究竟，无不尽善。原夫医家为用，凭药以活人，所言下药者，临机辄凑是也，可以下即下，当下不下，其候少顷则过矣，不当下而下，其证反为他疾矣。下药之法，慎勿踌躇，若也思虑可否之间，或反覆再四，则疑在中，有疑切莫用药，须当预察无大过不及之议，既而定矣，投之决效，非止利下之谓，又非于投剂之谓，下者有先有后，或先利而后补，或先补而后利，或先扶表次救里，或先救里后解表，如此者众，举一隅而言之，用药得其中，轻重得其所。是谓下药毋恣意，毋致缓，毋仓皇，毋竟利，毋勉强，毋疑惑，或得或失，利害有之，利则侥幸以全其功，害尽世不可言也。凡为医士，用药不可妄知，不容无知，不可执见，毋徇众见，主医裁药，明知俱见，按脉对证，心无亏弊，道副自然，以应上古圣意端的篇章君臣回答，语言玄妙至道而已。

议行医

议曰：医之为字，左七右八，乃言表里，其下

九画，乃云九道，合之二十四，以按二十四气，古人设意，义理深奥，垂象于天地之间，以应人伦之道，与其成人之夫为契论，独小儿气脉微弱，难以谓之医，盖是七表八里未全，故云调理，愚曰：不然。曷不知其善用心者，则奇妙纯粹在其中矣，兹说孰是。经云：医者意也，以意理之为得，抗之为失，得失之意，于人祸福，是以纯粹之妙，良工之能，学者究备，行则尽心，可谓善术之道。凡见脉不若议证，议证不如识病，识病争如药对。小儿作疾，多是无事，医家轻狂，所以有乎得失，如病人危笃，但需其药，求速安愈，医者要须得中，无大过不及之害，所谓医之为功，神圣功巧，明其标本表里阴阳，参其盈亏经络荣卫，察乎升降脏腑肠胃，审其盛衰，然后可以度其疾之轻重，较其方之优劣，行医之功，譬如弹弩发矢，一视决中，十全为上，如此准绳，可谓医者意也。若也，貌觑侥幸，勿为医之良工，福使之然也，智者谓宜鉴戒，二者不可偏有。仆谓良盖福为医士者，乃醇乎醇者耶。

议禀赋

议曰：夫人皆知胞胎成形，产育具相，约以十个月满足而生，究竟至理，即有二百七十日为定论，亘古至今，岂相间说，然而就中虚计一月应数，大抵九九为上，八八次之，七七又次之，人生，禀赋天地二仪之气，会合三才之道，各得其九，三九二十七即二百七十日为正，血气充实，精神而平，为人俱足，相貌智性俱通；八八者，三才各得其八，三八二十四，即二百四十日，生血气荫之不及，精神有亏，为人拙谬鄙钝智意忘遗；七七者，三才各得其七，三七二十一即二百一十日，所受胎气不足，为人狂愚，无志乖劣，狠戾故也。其间或有大过不及之者，皆失其正数，大过即气血荫之有余，不足则气血养之无逮。夫人得中之道，以为纯粹，阴阳得所，刚柔兼济，气血相和，百脉相顺，所以生人心智益通，精神俱备，脏腑充实，形体而壮，医一观婴孩颅凶，斯可

^① 冒：原作“胃”，与义不合，丛书本、《类聚》本皆作“冒”，据改。

知之。未周之儿，颅凶固合，睛圆一作黑神清，口方背厚，骨粗臀满，脐深肚软，茎小卵大，齿细发润，声洪睡稳，此乃受气充足，禀赋得中而益之。二周三岁之间其凶尚大，其颅虚旷，额前作坑，口阔神露，胸高骨细，臀削脐突，发黄齿疏，卵小茎大，气促声极，皆由受气不足，怯弱得之，惊悸易得，智性难通，父母爱惜，良工必忧，不以贫富贵贱之所生，但贤者当以告之。若也愚鲁之人，宁不投药，稍或药力不及，反言医杀之。大凡初生孩子，少具精神者，良由夫妇之情未诣适，心未绸缪，且喜且惊，神不和悦，将来得其所宜，乐则情浓，动则情兴，欢则情思，交则情极，深契其意，重美其心，生男必温，生女必淑，斯可知淳和之至如此。是故医家不可一概用药，宜斟酌轻重，比附推详，度究可否，不至恣妄，反为虚设，以成重害，参详得失之说，尽善尽美，应机而已。

议辩理

议曰：古今天下同议者，贫富贵贱是也，所产男女，自幼及长，总口小儿，然幼幼有牙儿、婴儿、孩儿，长曰髻童、兆童、稚童，殊不究竟富贵之风，贫贱之辱，二者人情间于中道，混而言之，盖胞胎气血之不同，故以辨之。贵者富者，风化同途；贫者贱者，门例^①一等，所以礼貌相远，日用致差，虽有少殊，宜审其偏正妾之子，有不任爱之者，度之亲疏抱继之子，因又亲生视之，乃为一等矣。中等常情之家，礼貌未亏日用得过者，又有太过不及之议。夫人之运神发性，惟心不可役，心役则气耗，气耗则血衰，血衰则虚，自此始肾堂不寒而且惫，心室不足而且虚。原夫精元，假之为胚为胞，为形为骸，胎质藉之，乃气乃血，乃乳乃脉。富贵生子，颐养抚育之有余，贫贱生子，调摄固爱之不足，有余者太过之谓，无力者不及之谓也。太过则伤之不节，不及则伤之失时，不节失时，皆生疾病，寒暑冒之，或表或里，冷热攻之，或脾或胃，所谓审度渊源，医者必须知之。富贵生子，食之有伤于不精，寒之有伤于大燥，暑气有伤于风凉，泉流有伤于冰冷，肠胃气血不刚使之然也。贫贱生子，食之有伤于不时，寒之有伤于冻馁，暑之有伤于烦躁，脾胃有伤于湿膩，

水谷不分，肠胃气血壮而不坚使之然也。父母不自责受胎禀气虚谬，况责子微怯懦弱耶！是故胎气不足，血脉荫藉之有亏，良由男岁方刚，情与造次失节，儿生之后，牙婴儿固同，将护有乖，饥饱劳逸之不同，又于变蒸之时，有伤于气血，及到行立之时，有伤于筋骨，由是抚养之失情，鞠育之不易，调度之不宜，将理之无法，故易得其病，病易得虚，虚易得坏，坏易得失。富贵之子，疾之反是也，未寒先衣，未热先凉，未食先饱，未至食时，余食过属。未眠先睡，睡之恣晏，食之过膈，寒之重衾，热之就湿，故易得疾，疾之未虚，强食令之虚，脉气未坏，强药令之坏，学不究则不精，用不专则不妙矣。若执之得法，妄之为要，滞乎丸散不良，智者吁哉！

议料理

大凡人事，处性愚鲁，用心狠戾者，不可以学医。师不择善，祸难逃迹。其或秉志怯心，为性懦弱，亦不可以言药。《素问》有云：人如舟也，药如水也，水能济舟，亦能覆舟，一丸一散，对证尽善，起活危困，未足为奇，一有失利，坏证伤候且过在尔。其智拙钝，非滞药也。学者请预究其纯粹，施其精研，克效斯时，以副规矩，不可得而述者，医之良工也。夫医之用药，将之用兵，古人亦有盲矣。且如善医明证，良将得策，药能胜病，卒能守城；若也将无计策，医失证候，病何以瘳，城何以固？今人皆知发药，殊不究竟表里脏腑虚实冷热经络荣卫，投之不当，反为它害，亦不可执用一方一药。且太医局四味理中汤、小柴胡汤之类，皆大人药剂，所请意到证见，药无不验，能省^②此理，证候方药，诸家所载，无不应效。但究竟不到，有乎得失，尽由攻乎异端，涉猎繁杂，智性不专，事在狂简，确实与言，更请思之。

① 例：丛书本、《类聚》本皆作“列”，义长。

② 省：原作“者”，据《类聚》本改。

新刊演山省翁活幼口议卷之三

议调理

议曰：医与调理其意等差，参详虚实之宜，究竟缓远之理，若明疾之轻重，当察病之远迩，为其所患传变稍重，证候稍逆，直取其功而全其效者，医之良工，可以扶持循证，解利宽缓，服药次第瘳愈，毋令加进，克日安苏，此乃善能调治。譬如水流就下，进流迟疾，澄则自清，深则自渊，狭则自湍，崖则自泻，洄涡漩湫，滩激奔流者，乃自然而然，不可得而使之然也，脉气之流行，遇冷热寒凉风温燥湿，亦由水之就坎也。调理谓疾作尚未传变，气行在乎怯弱，传变亦循其法度，怯弱即缓与扶持，是以调谓守节，理谓有序，节者无太过不及，序者，谓已得其所宜，然后谓之理，无太过不及，可以谓之调，调者而有度，知度而在于形容。理者须可法，正法而全于规矩，譬之丝不及络，头不得梳，斯皆乱也。络之取其条直，梳之析其通解，无毫发之逮，有纯复之庆者，诚谓之调理之工也。夫苟以危而用急见愈，而用缓者乃失度也，斟酌权衡，勿随偏坠，先约其轻重，察其进退，药与病势相乘，病与丸散相及，医自意设，智与医同，药与疾谐，疾与药等，用之无忽，何虑疾不瘳，病不意哉？呜呼学者理幼，勿恃其自能，执其偏见，事有优长，须预学问，尽心而后已。

议伤怜

议曰：者矣见孙，长大方于，不惟骄恣之甚，复加爱惜，伤天不任用也。睡思既浓，犹令咀嚼；火间既暖，犹令饮酌，卧盖重衾，犹令衣著；抚拍顾受，掌衣里作以手掌就衣服里，拍背引风疾；指物言虫，惊因戏谑；莫觑庙貌，心情闪烁；危坐放手，我笑渠恶；欲令嬉笑，胁肋指龇；门非任宦，莫与扎脚；年不及时，莫常梳掠；表里无恙，莫频服药；戏谑之物，不可恣乐；刀剑凶具，莫可与捉；莫近猿猴伤志也，莫抱鸦雀损眼也；抱男观书，

抱女观作女工作也；男方学行，勿令绰略；儿方学语，勿令挥霍；会作莫久，腰背卸却；行莫令早，筋骨柔弱；恶莫与辨，善可与学；顺时调摄，自然安乐；雷鸣击鼓，莫与掩耳；眠卧过时，须令早起；饮食饱饫，须当戒止；非时莫衣，常食莫煇；羹蔬宜淡，滋味脏屎；夜莫停灯，昼莫说鬼；睡莫当风，坐莫近水；笑极与和，哭极与喜；智者当知，抚育至理。

议食忌

议曰：溥天之下，产育既同，将护之因，有所不同者，贫富之谓欤？然富与贵，饮食卧具，有所益于儿母，贫贱又何以言之？古人有云：病不服药，谓之中医，正如此说。外护寒邪，内节饮食，审物顺时，何疾之有？前云富与贵伤其太过，贫与贱用所不及，然不及之意，乃与中医之言得其所哉！且如变蒸之候，数至其时，温热有作，令儿渐固，舒展筋骨，生长百脉，和顺经络，自然之理，何必加药。凡儿渐长，必渐饮食。东西南北，地产果瓜，田种粳稻，山有粟麦，野有蕨笋，鱼有溪池，水有清浊。人之所生，随土地之所宜，饮食亦随其所有。南人不堪食北物，以而为膳，以枣为蔬。北人何可食南物，以鱼为菜，以詹为饭，以城米。近海啖之咸醃，居山食之野味，北果多凉，南果多热，东果多酸，西果多涩，岂宜多食？五脏六腑强纳，疾病生焉。凡小儿心之有病，不可食咸卤；肺之有病，不宜食焦苦；肝之有病，不宜食辛辣；脾之有病，不宜食馊酸；肾之有病，不宜食甘甜。盖由助其它气，而害于我也。莲子、鸡头，能通心气；石榴、余甘，大涩肠胃；干柿、煮蔗，犹能益肺；蒸藕、炊豆，于肝宜利；五味、淮枣五味子是，脾家可意。脾病忌食肥腻、鹅鸭、鱼虾、油盐、膻腥、或醃之类；脾病忌食生冷、甘甜、包气之物，谓馒头包子、馄饨、鸭卵、肚脏、夹饼，皆包气之物；心病忌食心血、髓肾、鸡羊、炙博、烧炒、煎爇等；肝病忌食肺头、肚猪、雀、油腻、湿面。应

小儿不问有病无病,并不可与食腰子及肚髓心血,令患走马疳候。葱蒜韭薤茱萸,亦不可与食,令儿心气壅结,水寒不通,三焦虚竭,神情昏昧。飞禽瓦雀,不可与食,令儿生疮癣痂疥,烦躁遁闷。鲑鲙、虾蟹、鳗鲙、螺蛳、螃蟹之类,不可与食,令儿肠胃不禁,或泄或痢,或泻或闭。食甜成疳,食饱伤气,食冷成积,食酸损智,食苦耗神,食咸闭气,食肥成痰,食辣伤肺。食味淡薄,脏腑清气,乃是爱其子,惜其儿,故与禁忌。若也,恣与饱饫,重与滋味,乃是惜而不爱,怜之有伤,以至丁奚哺露,疾作无辜,救疗无门,悔之不及,育子之家,当宜知之,理宜戒之。

议责善

议曰:信夫执术为医,荷术至重,其或轻举,有乎得失,稍失其理,如盲索途,事致疏虞,嗚呼!断不复续,死不复生,哀哀之诚,谁与罹叹?当知医之一门,上古圣贤,测天微道,详气四时,逆顺阴阳,否通表里,然后察之五脏六腑三焦百脉,究竟标本盈亏,参审绝生变动,代谢荣枯,流行注厥,如此知义,少契古风,然有侥幸侮玩,狂暴轻欺者众矣。侥幸者,恃其时运以夸胜;侮玩者,以道之享通而慢易;狂暴者,不能务本以从师,轻欺者,肆意妄执以为是。四者人事,何尝博古穷经,明心尽性者耶?医之务业,其道有四,不可遗其一焉。行之惻恻,施之济惠,行之周至,受之平等。惻恻者,每务仁慈;济惠者,常加爱护;周至者,运用无亏;平等者,勿论高下。如此推诚,稍入医学之道。若也纵恣身心,嬉游妄作,以其访问,临时检束,以齐规矩,斯乃自败之端,殃积于后。野老数年江湖,抱术活人,亲见同道各有耽僻,终不为良,或好笼养,或贪博奕,或网或钓,或射或猎,或讴或饮,或歌或舞,或游花衢,狂穿柳陌,或习弓箭,或纵鞚^① 纒,或乐烟粉怪词,或悦风情可意,此等用心不常,僻性诡异,滥称医士,得无诈乎?其实非诈,其用以诬,凡下^② 枉究,总涉狂妄。须知医家者,流遵九道,聊伸鉴诫,犯者责己为幸,志在前贤圣哲,无时不习者,方可谓良医,受道之职也。果能守之以道,分之以安,天地副焉,神明钦焉。

议钱氏方

议曰:晋朝有医工钱氏讳乙,设方用药,明证识候,直究婴孩脏腑冷热,表里虚实传变,顿取其效,正所谓医孩童之意,准绳法则之道。如此后世,欲以及其议者,盖阙如也,往往诵钱君之书,记钱君之药,钱君之意旨未之闻也。愚详其意径且直,其说劲且锐,其方截而良,其用功而速,深达其要,广操其言,万世不可掩其妙,四方皆可遵其说。凡八十一家者,各述精通,莫若钱君志意克效,究竟不劳再三,亦无中道而废。门人阎公编辑,未具钱君心腹,想计恢洪,纯粹妙用,希奇纸笔,不可得而录者耶!时有高见之士,一悟钱君童旨,医之与药,规矩法度,无以异钱君,运乎中,显乎机,而自然造化者,莫之能语也。良工妙用,信乎野老之言,毋曰管见,后之学者,尽心讨论,必有深著于胸次,且德义于人,扬名于后世之道,不亦宜乎?

议王氏方

议曰:小儿方书,世传有三,王氏东汉作方论二十篇,今家宝是。其或大同小异,往往好事作德君子,刊施济众,就中增损者有之。大抵其言有序,自微至著,其旨有皈^③,自隐至显,话括周遍,事无繁述,参以数十名家,比较优劣,始知先生用药淳和,方排继续,考之而取其功,究之而效其疾,斟酌升降,以和为用,其意在调理尽善之最也。虽然后学之士,治家之子,检阅投饵,或有不当,毋至差忒致害,其书故得家宝之称。夫良士用心,妙理活人,医之与药,犹若权衡,权衡者,法之一端也,参究均平,考较定论,循方以应脉,有条而不紊。王氏之书,乃幼幼方脉之规模,习小丸散,岂可遁此?如大人疾患,有叔和脉诀考,五行有珞瑜子命书,学六爻有火珠卦文,知贵贱有人伦风鉴相法,如斯等术,皆名家所集,详辨以为上首,冠诸妙义,得毋枉究。虽然各

① 鞚(kòng 控),勒马也。

② 下:丛书本、《类聚》本皆作“百”。

③ 皈:《类聚》本作“归”。

有广要篇章，终不远越而在总归，非曰训意发蒙之谓，垂老足钦至妙之道也已。

议张氏方

议曰：宋朝徽宗太子寿王聪慧，幼时常发痼疾，诸大名医，莫之安愈。时有草泽医士张涣，挟盂货药于都下，召之入内，用药即效，官至翰林医正。张氏北人也，留方五百有余，逐病叙说，深参其要，近传于世，目曰张氏妙选，四方士夫乐而用之，殊不知南人得病，以北人处方，自是道地相反，意义不同。所谓北人水气多，南人瘟疫盛，地气天时使之然也。北人水气盛，盛则就湿，湿即与燥之；南人瘟疫盛，盛即作热，热宜发散，更加燥热之药，病热传作他证，药即不宜，病何能愈？夫幼意阴阳稍偏，表里固同，脏腑怯弱，岂可以热制冷，以凉止燥？其说证候，可以循简，述论颇有优长，然其方药，初使人疑之，次复惑之，或有不肖，必与悔之，曰南人用北人方药，曷不知之！学者参究尽善，不必滞方，如前有云，医与意同，药与疾谐，方可投之。若也据乎云云而用之者，斯谓愚医。不无妄投其饵，在乎得失，须当审之，宜其察之。

议幼幼新书

议曰：调理婴孩小儿，上古黄帝未有言著，鬼臾区云，谓小儿受疾，另是一门，故不载入《素问》。始自巫人《颅凶经》篇章三举，自后智者，继述本末，世传诸家之善经，进详要旨，证准绳之者，凡八十一家。近世湖南潭州周宅，广收其文，专人編集，目之曰《幼幼新书》四十册，仅数十万字，排列名方，似涉繁碎，犹如元帅要退伏兵，欲以一箭败阵，乃定太平，彼时求选一夫善射，急于百万军众皆张弧矢，以待比较优劣，临机对垒就敌之势，不可得而用之奇正，退其潜伏，犹豫再三，乃非良将者耶！临时检阅，审较可否，考其效验，正由渴而掘井，斗而铸兵，不亦晚乎？学医

之士，若不究竟，胸次了了，肘后简径，直截扶危之功，若也取次缓慢，智意不逮，彷徨之久，出不得已，肆意而设，自不知惭而且愧，有如马服子强战，无不失利。孙子曰：上兵伐谋，可以比喻。良医用药何异良将用兵，医无智则不行，将无谋则不堪用，医家者流，诎可为常？兵用百战百胜，药行十举十全，所谓失一次之，失二又次之，失三为下。鬼臾区云：医明标本，厥疾乃瘳。近世医者相尚，学医有何不可，切勿容易投饵，于疾无补，学术不当，盖胸次见寡，智不精通，轻易设施，有乎得失。后学之士，倘能究备要妙深意讨论者，必不虚负医名，智者鉴诫，幸毋谓焉。

议明道

议曰：道释儒门，三家议论，一性通宗，溥皆是道。且先王之道，人伦既正，礼义无逮，曰圣与贤，悉由中正而得之矣。达其道者，居仁处义，无不备焉。是故先王本之以至诚，学务至诚而全其能，医务至诚而备其道，学既备则行有余，医既明而道自立，故曰医道通仙道。悟之入圣，积功累行，仁人为能者矣。今与议明道者，用明道者，明其理也。明其理者，岂非先王之道也？仆所著活幼方议，欲令学者预明其道，苟明其道，则阴阳可以自酌，于性命可以自委，向医药可以自处，诊危困可以自察，故学其道，通以明之，述其理，究以详之。倘明斯道，则吾道自然而正，不合其道者，犹犬马之夫，难与言其至理，曷能以知其道？若夫文武、医卜、农工、商贾，行之以礼，务之以本，议其道者，无不贯之矣。执医之士，不明是道，妄恣苟简，必有利害于其间，斯乃何等之流？温恭无妄，直节有规，方乃谓医流之士。明道而见之，达理而用之，良由务学而开聪，聪开须知议，议知则专诚，诚专乃通性，性通则明道，道明则任用，以副自然。所谓恒山之蛇，击其中则首尾俱应，医之亦已。处用得中，无不应节，斯乃谓明道之理，如此宜乎究竟而已矣。

新刊演山省翁活幼口议卷之四

议初生牙儿证候序

观夫男女，以正夫妇，遵乎道义，合乎阴阳，以应生成之理者，顺乎天地之性，应乎四时之令，荣卫流通，潜虚得数，是故胞胎含孕，血脉造化，岂能逃乎玄元纲纪哉？所以得其正数者，愚鲁为之能，失其正数者，富贵以为惑，皆涵养各由本质，故赋之有虚实，禀之有利钝，贤者明智，庸野鄙陋，皆共由之，斯可知矣。今之孕妇怀胎，保以为常，饮食不节，起居不宜，未诞之间，劳役众苦，男子视胎以为常，恣其所欲，任其所施，频授触秽，所以儿生之后，百脉致虚，三焦不顺，关窍不通，荣卫不和者，初生之间，便作疾患，怪异多端，不可得而详述。今举二十有六证候，概而言之，智者察之，审其可否比附，与之疗理，助其荣卫，调顺经络，得宜而已。

议初生牙儿证候二十六篇

议呵欠

议曰：呵者，即张口而又合之；欠者，谓神不足，故名呵欠，非是疾病。初生牙儿，多有此作，不足怪讶。钱氏有谓呵欠通闷，良由胎气怯弱，荣血不壮，卫气少顺，血不荫心，血不荫心则神不守，神不守则呵欠通闷，无他愧也。古方有朱砂蜜法，用煎人参汤调和饮之者，不若定志丸五七粒，麦门冬汤化开，与服至妙也。

议伸舒

议曰：伸者，突其胸堂，展其气脉；舒者，引其头颈，直其手足，努而作之，良久复作，初生牙儿多有如此，亦非病也。良由母怀胎胞，起坐不得宽展，或将绢帛兜束肚皮，或系裆裤勒缚太紧，或卧已盘旋，或睡不转侧，是故偃偻胎囊，气失舒畅，降生之后自然如此。老妇知与按揉，未

知调之百脉，宜将五木汤沐之功效，谓用桃、李、槐、柳、皂荚，各取枝煎汤，候温与浴，仍与观音散少与服，效且妙矣。

议喷嚏

议曰：肺之气壅，腠理不通，外感寒邪，或已伤风，关窍闭塞，郁郁于中，及至喷嚏，方有少解，不能发散，渐入胸堂，遂生痰热，痰热既有，即加之咳嗽，轻则气促短急，重则惊风搐搦。搐搦之利，若在初生，尚云不可，宜与消风散服之，咳嗽宜与金沸草散、人参羌活散。二药皆和且顺，虽则嫩弱，服之无恙，其剂温纯，化痰利腥，效之至矣。

议脐突

议曰：胎乃育形，脐乃极本，胎气固则形体壮，肚脐深则性命长，受气乖遗，形萎脐突。凡儿断脐利益，渐长渐深，吮乳调和，愈固愈实，是血脉之相顺，致形体之相资。初生之儿，有热在胸堂，则频频伸引，呃呃作声，努胀，其气抑入根本之中，所以脐突肿赤虚大可畏^①。无识之夫，将谓断脐不利而使之然者，非也。脐断不盈尺，一腊之内，随其根蒂自腐，实者深之，弱者浅之，深浅之理，以其禀赋得之，此乃良由胎中母多惊悸，或因食热毒之物有作，宜与大连翘饮子，其热自散，其脐归本，不必以药傅之，恐毒伤人为害，医工当知之矣。

议夜啼

议曰：王氏举水镜先生云：天苍苍，地王王，小儿夜啼疏客堂。又云：啼而不哭是烦，哭而不啼是躁。无辜赋云：夜多啼而似祟。凡初生儿日

^① 畏：原作“谓”，与义不合，从书本、《类聚》本皆作“畏”，据改。

夜烦啼，其^①如有祟，或谓热在心经，药与疏利；或谓寒停脏腑，与服温暖，医者察而治之乃善也。若儿啼哭，胸堂仰突，首反张，喜^②灯者，心经有热，宜疏利，服三黄丸，或洗心散加灯心、麦门冬子，良；若儿啼哭，头低身曲，眼闭肚紧者，脏腑留寒，宜与温之，胃风汤加黄芪煎，效；若不识证候，但以蝉蜕二七枚，全者，去大脚，为末，加朱砂一字，蜜调与吻，立效。

议口生疮

议曰：婴儿口舌生疮，乃心脾受热，流沫烦啼，盛则不乳，妙药良方已载于后。然牙儿吻乳之初，口内生白，烦躁骇人者，莫知其由，将谓神祟使之。究竟其理，母于未诞之月，恣饮酣酣，贪食肥腻，热毒胎气所受，其儿脱胎之后，所袭热毒之气，悉皆散出于表。舌系于心，唇干于脾，所言心脾热是也。欲以下其气，未可利脏腑，但以吴茱萸末米醋调傅脚心，移夜即愈。药性虽热，能引热就下，其功至良。又有心肺热者，疮溃颧颞，初作数点胭脂红，渐散斑驳如丹，加之身体有热，连翹饮主之，但禁火气，余无恙矣。

议身体热

议曰：婴儿变蒸作热，按法应期，三十二日方初变，又三十二日乃作蒸。所受相参有造化之令者，脉气得之顺助也。其或太过不及，所发变不应脉，蒸不顺时，荣卫逆之流行，脏腑失之安益，胎气蕴伏，诞降伤和，儿与母俱劳其神，脉共身总受其热，善调理者，循其法度调而理之，法以度之。七日之内，初生胃弱，不必加饵，少顷即愈。法以父母各呵凶七通，父先咒之曰：尔为吾儿，顺适其宜，我精我气，受天弗迷，阴阳纲纪，圣力扶持，薄有违令，随呵愈之，急急如律令。母复呵咒之曰：尔为吾子，胎气充汝，我血我脉，毋艰毋阻，万神唱生，百福为主，稍失调度，随呵而愈，急急如律令。次煎葱白玄参或五木汤，候温浴，立效。

议血眼

议曰：胎气充足，儿将分降，胞囊已破，先行

清水，其儿即诞，血即送下。缘由胞气颇涩，转则差缓，则血压瘀眶眦，遂至溅渗。盛则灌注其睛，不见瞳人；轻则外胞赤肿，上下烂眩。若役凉药，必寒脏腑，宜与服生熟地黄汤，流行气血，或用杏仁二枚细嚼，乳汁三五匙，膩粉少许，蒸熟，以绢片包蘸，频点功效。重盛者，加黄连、朴消最良。

议卵肿

议曰：外名膀胱，内通肾脏，一处承受，三经所传，其外肾冷热，皆由心气主之。心经有热，热入小肠，或赤或白，或淋或涩；心经有寒，寒流膀胱，或秘或疝，或肿或光。凡儿初生，两个石子俱大，光浮，名曰卵肿，一边差大，名曰偏坠。盖由惊气所行，传受于中，或母怀孕，惊忧之气不散，胞胎之间，儿亦受之，所以生下便有卵肿。外宜黑散傅之，内用清心顺之。黑散者，用黄连、黄芩、大黄、黄柏等分，烧，留性，为末，猪胆汁同蜜调傅之，立效；清心以犀角地黄膏与服，若有热，大连翹饮。宿夜安定，晨朝庆之。

议蛆疮

议曰：初生牙儿至于长大，三焦四体，五脏九窍皆持全功，不作疮痍者，元因良妇善护胞胎，不贪淫欲，从已受胎，至于降生，更不交侵，男女实幸，其儿气血相参，荣卫相顺，脏腑自和，皮肤自滑，一见儿孩肌肤头而，斯可知之矣。呜呼！为人起根，成自一点不净之物，处母胎中，渐敷形状，临产之时，真智相役，以随业力而生。其有匹夫匹妇，何以知其至理，恣心合意，即于临产之月，尚行房事，以乱其气，以伤其脉，以耗其神，以败其血，儿生之后，通身痲溃，满头疮痍，精神不爽，啼哭烦躁，并是胎内所受，以秽触净，以邪干正。贤士明公不言而唯，愚鲁鄙野，岂可告哉？谨书请鉴，切幸听之。

① 其：丛书本作“真”。

② 喜：丛书本作“嘉”。

议鼻塞

议曰：凡儿禀赋，胎气充实，三关九窍，五脏六腑，内外呼吸，上下贯通，流行百脉，正顺三焦者，皆由所协元命，自然之气也。凡产牙儿三朝五日，六晨一腊，忽然鼻塞，吮乳不能，开口呼吸者，多是乳母安睡之时，不知持上儿子，鼻中出息吹著儿凶，或以水浴洗，用水温冷，不避风邪，所以致儿鼻塞，宜与通关膏傅之，消风散服之。或有惊悸作热，杜薄荷散与服。通关膏用白僵蚕、猪牙皂角、荆芥、香附子、川芎、细辛等分为末，葱白同研傅凶，至妙。

议聾耳

议曰：凡儿胎气不充实，关窍不通利，盖由禀赋不足，胞养有亏，脏伤肾经，肾为根本，水之一数也，外应耳孔。或云水入耳，或曰乳汁入耳，较之即非。儿生气脉根壮，脏腑固实，虽水及乳入耳，必不此作，自是气不充，脉不实使之然也。

儿无补肾之方，但清心肺而已。初生之儿而有作，尤甚重也，卒难疗理，用药傅掺少愈；愈而复发，至于过周，与服黄芪、白茯苓、人参、白芍药、川当归、熟地黄、甘草等分，作汤剂，以固其内，内若固实，不必掺傅，亦自差愈。掺方用壁上蜘蛛一枚，瓦上火干，坯子、白矾、脑子、麝香各少许，同研令匀，鸡羽引入自愈。

议便血

议曰：儿生七日之内，大小便有血出者，此由胎气热盛之所致也。母食浓酒细而，炙爆腌咸等，流入心肺，儿在胎内，受之热毒，亦传心肺。且女子之脏，其热即入于心，故小便有之；男子之脏，其热即入于肺，故大便有之。血出淡淡，有似坯水，盛则其血加鲜。凡遇有此，不可它药，尽以生地黄根研取自然汁五七匙、一二匙，蜜半匙和匀，温温与服，移时安愈，男女皆效，不诸疑消，甘露饮宜兼与服。不必它药，万无一恙，勿自妄投丸散徒咎矣。

新刊活幼口议卷之五

议发痛

议曰：母患血热，儿在胎中受之，其血亦热；母患气壅，儿在胎中受之，其气亦壅。初生受母血热气壅，聚在经络脏腑之间，积滞不散，久则成毒，毒气相交，内不通利，即从外消；外无能消，其血与气壅在一处，多是生背脊，或脊督脉肿大如拳，红赤似血。其儿本体，是一块腐血，又加生一块壅毒，卒未能消，医有何法？善术之士，全不劳苦^①。若以针灸熨火取次攻之，十不得一。外传用朴消、天南星、川当归、秋芙蓉叶、黄蜀葵花、乳香、木鳖、无名异；其痈已熟，即研丁香少许，津唾调傅绿豆大，良久破溃，脓血迸出，宜服托里排脓消毒散热药，用生甘草、瓜蒌根、苦桔梗、川当归、绵头漏芦、锦纹大黄，等分为末，服一钱匕，煎热与服，以利为度，克效。万一不可荒乱，意欲速消，以恶毒草药，致咎难保苦哉！

议撮口

议曰：儿患诸风疾，传入恶候，致于撮口，病至危急。凡有脐风撮口、胎风撮口、锁肚撮口、吊肠撮口、卵疝撮口，应病悉入成风，风入心脾，俱能发作。夫患撮口者，皆结郁于中，干及肠胃，闭不得通，气不能化，腹中满胀，肚上青筋，撮口不乳，症状甚急，若不速与利下，无因救疗。医士若将撮口以为常，由候传入，岂可投药应患，用以真珠天麻丸利之才通，疾去气和，儿活，用之敬信而已。

议合谷道^②

议曰：胎受已满，产降必全，尽一气而包养，开九窍以通连，在乎十月之中，形骸已具，分娩片时之内，谷道无穿。所缘儿在胎中，九孔七窍，若不通利，如何四体百骸而能生长，斯由热壅所致，肺经之极，结于肛门，闭而不通。降生之后，

无复滋养，干燥而合，若投寒凉之药，愈闭不通，若下温平之药，而又不通者，即是儿气不顺，肠胃虚涩，谷道干燥，闭合可畏，方不详载，药无验速。至于此等所受，须当以物透而通之，金钗为上，玉簪次之，苏合香丸纳入孔中，凡刺一二^③寸许，尿出为快也。曾见肛门肉合，小便通利，大便至死无能通者，愚鄙烧火箸刺之，事出不得已，既然肉合，决无奇方，试以金玉重刀刺之，尤胜火箸。智者别有妙法，请著其后，以济哀苦，宜哉！又有初生胎热，一二日不通者，与服洗心散，以通为度，四顺饮加荆芥煎至良。

议闭小便

议曰：小肠乃心之府也，水竅流行，随其气而利之。心气若壅，小便不利；心气若冷，小便多洒音鲜，谓洒淅也；心气若寒，小便多旋；心气若热，小便艰涩；心气积热，小便白赤先赤而后白者是。所言闭小便者，医谓下结腹肚，胀紧臃满不通，其结热盛，用力努旋，点滴而出，乃是闭不通利，于心疼痛，精神昏悸，速用生大地龙数条，蜜少许，研傅茎卵，仍烧蚕蜕纸灰留性、朱砂、脑子、麝香同研，煎麦门冬灯心汤调与服，移时见效。

议盘肠

议曰：气和乃升降安乐之由也，气逆则壅结疾病之致也。幼幼有患盘肠，非暴所得，元由气郁积久不散，荣壅卫结，五脏六腑无一舒畅，其气乘虚发作，袞流上下，筑隘于肠胃之间，有声汨淅连连，而设如猫吐恶，视之不忍，何以所堪？嗟呼！一身四大无主，又有吊肠一证，寒气壅结，内不伸舒，虽不引气，鼓动脏腑，胸堂与脐上下

① 劳苦：《类聚》本作“憊劳”。

② 议合谷道：丛书本此节标题作“议合谷”。

③ 一二：丛书本作“三”。

吊促，躯曲伛偻，就忍疼痛，二候既作，骇医惊众，然俱气所患，受发不同，盘肠宜以匀气散加沉香煎，服之无不愈。吊肠当用真珠丸加以沉香、乳香煎钩藤汤送下，微通即瘥，然后更以调气顺助根本，方佳胜也。

议咳嗽

议曰：咳嗽属肺经所主，肺主气，外属皮毛腠理。凡诸牙儿婴儿，日夜切与保持，毋令风吹脑凶背腠，致使肺受寒邪，咳嗽不已，作热多痰。若被风吹，即日感受，次^①第传至五脏虚处，即任所入。盖初生儿气微，易得传变，良由顿动五脏，有伤和气，五脏不和，三焦不顺，故有传变，是以我生于一肾水也；肾主虚邪，生我在五脾土也；脾主食，吐逆虚痰，四肢唇口，我生于三肝木也；肝主风，癩痛眼目，克我即二心火也；心主惊恐悸，顽涎，血脉颤脸，其嗽传受，或吐逆，或痰涎，或厥冷，或恐悸，至眼目两眶黑紫，如被物伤，成重发痛。古人云：久嗽成痛。谓药力不及，候已传过，难可调理，预当告之。

议吸乳

议曰：产妇血败者当下，荣者化乳，血下不尽，母致其疾，乳有不调，儿招其病。凡儿吻其乳，有不到于胸堂，气滞积隘，或冷或馊，故以吸出。或问之，无恙否，曰不宜也。久吸令儿神困力乏，气怯肌羸，脾家若虚，遂作痲疾，及至成疾，脾风定矣。初生与周晬之儿，胃气未备，谷食未登，全藉吻乳，快和无恙，自然脏腑充，百脉顺，肌体壮，神气清。幼幼失乳，如入绝食，食为根本，资养性命，岂可绝乎？乳幼本质柔弱，血气轻微，脏腑浅薄，根基危脆，岂可失乎？乳之若失，乖缪甚多，乳之若绝，性命难保。其或母用性不顺，则气血乱，气血乱则乳汁不和，乳汁不和，令儿吸逆，宜其速与疗理，若作寻常，必致害生。小沉香煎及盐豉丸兼与服之，当钦其验。乳母宜服霍香正气散，加枳术至良。

议自汗

议曰：血不荣则神不备，气不卫则脉不充，

理其血，用和其气；安其神，用调其脉，阴阳均平，气血相参，百脉顺流，三焦五脏自然，以益其体。凡初生至周晬之儿，不可自汗，自汗即亡阳，亡阳即气怯，气怯即脉虚，脉虚即神散，神散即惊风有作，惊风已作，搐搦施为。医者失之究竟，血不荣，气不卫，作疾不轻，为害必大。祸生起微，入事何不察，庸夫反笑之曰：自汗岂能成风痲耶？愚曰：渠莫知其所以然者，非我友也，举此一端，虚以类之，智者应有谓云，观其澜而探其海，知其末须明其本，通变之士，审平得失，是是非非，不离乎中，裁度疏谨而后已。疗乳幼自汗，切勿止之。方用白术一分，小麦一撮，水煮令干，去麦为末，煎黄芪汤调与服，以愈为良。若以止汗，反为闭气，作热烦躁，所谓气血相参，则自止矣。

议自利

议曰：自汗不利者，由血不荣，虚于表也；自利无汗者，由气不卫，虚于里也；其或有自利亦自汗者，荣卫俱虚也。凡为其入，止藉血荣气卫，扶育身体，血既不荣，又气不卫，里外不相参，上下不升降，关窍不开通，经络不调适，荣卫不循环，脏腑不充实，且医工何以良饵？则性命何以保持^②？究竟在始，醇全幸之，良由水谷不分自利，肠胃怯弱自利，脏腑不和自利，冷热相制自利，阴阳不调自利，荣卫不顺自利，前件自利，皆由气虚得之。初生幼幼，忽尔自利者，与顺荣卫，平调阴阳，制其冷热，和其脏腑，分其水谷，生其胃气，则内外充实，何泄利有作？宜以参苓白术散，加以车前、瞿麦、姜枣同煎，更量虚实加减。

议哭无声

议曰：钟鸿声大，涧远流长，形处胞胎之中，受气充足，水火兼济，心肾不亏，耳目两窍相通，大小二肠相佐，所以发声清响洪亮者，根固本壮，禀赋充实，而自然之理也。初生啼哭，发声不出，呃呃而作，郁郁而为，其或短鞞，上下气不相

① 次，原作“吹”，与义不合，丛书本作“次”，据改。

② 保持，原作“足持”，据丛书本、《类聚》本改。

乘，医与果诀云：此由胎气不足，何更投药？假使成人，父母不悦，吁哉！根本不壮，何须药饵？如果木之萎，水奚宜也。古意速用，父母呼呵，及以葱熨，令声发越，虽然妙理，奈缘自无根本，产子育儿，当知其义理哉！

议视无情

议曰：天地清朗，万物咸明，一气盈通，三光克备。人之受胎，应数降生之后，不以贫富，其子皆致精神全，气脉壮，视听欣嬉取与喜怒，周匝之时，于人事情怀，意旨抚叱，以知其逆顺，方可谓儿孩性识之本也。其或周匝已过，不认名，不猥亲，常常皱颜蹙容，啜脸含啼，东唤西向，南呼北应，其坐若木，其卧若尸，其行即蹶，其立用掇，筋骨气脉柔怯虚弱，食不辞饱，渴不知饮，若也长成，慵蠢必有。如此胎气于数不足者，难保千日，良方妙剂，不为此设，医宜察之，学宜究之。

议反身张目上窜

议曰：此等证候，悉惊风恶逆所发。初生三五日之间，便有举目上窜，将身反张，然其非疾所作，情实骇人，凡医工必作惊风疗之，其候非

也。万一所由；儿在胎中，受母饮食热毒之气，蕴在胸堂，诞下三五日之前，宜与黄连去热，腻粉散毒，古人预计利害，其又与人参朱蜜汤，皆清心肺，积毒既化，儿获无恙，若不如此，则生个个反张上窜。若有无作之者，鄙妇不因食啖热毒之物，何可怪哉？或投惊风药亦不愈，但须明其所以用药，智者裁之，万一不由惊风所传，幸与详悉。

议乳失时哺不节

议曰：物萌失之灌溉，长必萎焦，儿诞违之乳哺，壮必怯弱。大凡生成之理，合乎中道者，以应运化之宜也。夫人失乎正理^①者，乃违玄元之数也。凡儿在胎则和气养之，降生即美乳荫之，其气猥则胎不壮，其乳败则儿不长，食不及乳，乳饱即不食，无致咎也，虽食无乳，祸害生焉。是故乳不可失时，食不可不节，乳失时，儿不病自衰，食失节，儿无疾自怯。乳者，壮其肌肤；食者，厚其肠胃，所谓乳哺二周三岁，则益其体。今人未周夺其乳，人月恣肥甘，岂不致疾，伤害孰为，吁嗟！

^① 理：丛书本、《类聚》本皆作“礼”。

新刊演山省翁活幼口议卷之六

小儿形证诀歌

初生牙儿一块血，也无形证也无脉。有惊当知是胎惊，有热当知是胎热。三朝绷抱未和^①安，七日一腊古来说。脐风撮口老娘乖，锁肚青筋唇口撮。又有因邪客忤儿，不乳一宵神自脱，只将妙药保安康，良久牙儿命得活，若知难救命须臾，嫌儿指甲兼唇黑。女子初生小便血，正是胎中受热得，男儿两目闭不开，或患丹疮俱热极，目闭丹疮消毒良，血出须用生地黄。又有初生便发涎，或将向火或加绵，神情不稳目斜视，强直反张深可怜，医人若作惊风错，但只凉心便安乐，酒宜少许地黄多，更加些蜜神仙药。牙儿未周不识惊，忌他声响不安宁，月内半周名襁褓，惊热须当顺变蒸，三十二日为一变，六十四日为一蒸，一十八次变蒸足，方有脉自寸口生，变蒸未足在面部，左眼太阳阴右处，眉棱上下俱是木，准是中宫镇星土。耳间属肾常主虚，唇口两畔脾所居，面中颧脸属心火，惟有人中是肺都，五行相生重却轻，若还相克著功夫，顺候易理逆难疗，智不通兮性莫粗。心主惊兮肺主气，肝主风兮脾主味，胃家不得冷兼虚，吐泻不止惊风至，自古皆言心主惊，五脏六腑有惊名，心惊血散气不复，流人虚堂百病生，肺惊吃水肺喘细，干呕无时脾胃因，肾候咬牙肝搐眼，夜啼肠恐脸红心，五心热是脾招悸，面青下白胆生惊，若在三焦终作渴，或入膀胱卵痛声。

脉指诀歌

小儿食指辨三关，男左女右一般看，皆知初气中风候，末是命门易亦难。要知虎口气纹脉，倒指看形分五色，黄红安乐五脏和，红紫依稀有益损，紫青伤食气虚烦，青黑之时证候逆，忽然纯黑在其间，好乎医人心胆寒，若也直上到风

关，粒米短长分两端，如枪冲射惊风至，分作枝杈有数般，弓反里顺外为逆，顺逆交连病已难，叉头长短犹可救，如此医人仔细看。男儿两岁尚为婴，三岁四岁幼为名，五六次第年少长，七韶八龀渐论情，九岁为黄十稚子，有病关隔论其因，十一痛疾号癩风，疳病还同劳病攻，痞疳定为沉积候，退他潮热不相同，初看掌心中有热，便知身体热相从，肚热脚冷伤积定，脚热额热是感风，额冷脚热惊所得，疮疹发来耳后红。小儿有积宜与塌，伤寒三种解为宜，食泻之时须有积，冷泻须用与温脾，水泻宜与涩脏腑，先将滞肠散与之。孩儿无事忽大叫，不是惊风是天吊，大叫气粗长声粗，误^②吃热毒闷心窍，急须吐下却和脾，若将惊药真堪笑。痢疾努气眉头皱，不努不皱肠有风，冷热不调分赤白，脱肛因热毒相攻，十二种痢何为恶，禁口刮^③一作灌肠大不同，孩儿有病不可下，不热自汗兼自泻，神困凶陷四肢冷，干呕气虚神怯怕，吐虫面白毛焦穗，疳气潮热食不化，鼻塞咳嗽及虚痰，脉细肠鸣烦躁讶，若将有积与疏通，下了之时必生谄，孩儿实热下无妨，面赤睛红气壮强，脉大弦洪^④肚上热，胛腮喉痛尿如汤，尿硬掇胀肋助满，四肢浮肿夜啼长，通体生疮肚隐痛，下之必愈世为良。

指下脉诀歌

二三岁时看虎口，更如中指按高骨，浮即风生数主惊，紧是癩痢洪作热，沉细腹痛缓沉虚，泻痢多由此脉初，微迟有积兼虫盛，迟涩元来胃脘迂，四岁脉不在指端，一指高骨按虚实，五六充转寻三部，平正关上为准则，七八稍移指少许，九十次第分位取，十一十二也同看，十四十

① 和：丛书本作“知”。

② 误：原作“谓”，据丛书本、类聚本改。

③ 洪：原作“法”，据丛书本、《类聚》本改。


五三指睹，小儿有病脉不多，先定浮沉迟数音朔数音所，沉迟为阴浮数阳，更看面部属何方，青色惊风白虚泻，赤生痰热黑难当，黄是脾家疳积作，医人审度疗何方。

三脉五脉宜说

凡看小儿初生至半晬之间，有病即与看额前眉上发际下，以名中食三指，轻手满曲按之，儿头在左举右手，在右举左手，食指为上，名指为下，若三指俱热，感受寒邪，鼻塞气粗；三指俱冷，脏寒吐泻；若食中热，上热下冷；若名中指热，夹惊之候；若食指热，胸堂不宽；若名指热，乳食不和。

议曰：半晬以上，方可看虎口；周晬以上，看虎口兼一指脉；若五百七十四日，变蒸满足，只与看一指脉，以食指充转，分取三部。凡言三部者，非寸关尺，系小儿三部，面看气色为一部，虎口纹脉二部，寸口一指脉三部。五脉者，上按额前，下诊太冲，并前三部，谓之五脉。凡儿有患，不属恶候，即不可与诊太冲之脉，其脉定生死之要会也。其证候危恶，故当诊之。不可看，恐污人情伤于不任用也矣。

三关指纹要诀



末关命门 中关风候 初关气候



流珠形主高热，三焦不和，气不调顺，饮食欲吐，或泻作热，或肠鸣自利，烦躁啼哭。



环珠形主气不和，脾胃虚弱，饮食伤滞，心腹膨满，作热夹食，虚烦顿闷。



长珠形主夹积伤滞，腹肚痛疼，或有寒热，肋肋膨紧，食不克化，或虫动不安。



来蛇形主中脘不和，积气攻刺，饮食不下，疝气欲传，脏腑不宁，膨满干啰。



去蛇卷形主脾虚冷积，泄泻，或吐或渴，烦躁，气粗喘息，饮食不化，神困多睡。



弓反里形，脉内感受寒邪，头目昏重，心神惊悸，沉沉默默，倦怠昏困，四肢稍冷，咳嗽多痰，小便赤色。



弓反外形主痰热，心神不宁，睡卧不穩，作热，夹惊夹食，风痲证候。




枪形主邪热，痰盛生风，神情恍惚，睡不安稳，欲发搐搦，惊风传授。




鱼骨形主惊风痰热，证候已定，可以截风化痰，利惊退热，不作诸恶候，若已传过，必作它证。



水字形主惊积食积，膈热烦躁，心神迷闷，夜啼，三焦不顺，痰涎壅盛，涎潮口禁，渐加搐搦。



针形主心肺受热，热极生风，惊悸烦闷，沉沉默默，不食神困，四肢垂弹，及惊风暴发，痰涎壅盛，搐搦等候。



透关射指面主惊风痰热四证，皆聚停在胸膈，不能散，其候所受虽重，证顺则可疗。



透关射甲主惊风恶候，受惊传入经络，风热发生，并人八候，虚痰不下，危急恶证，难可疗治。

指纹脉诀说 脉有黄红青黑紫色

议曰：黄色无形者，即安乐脉也；红若无形，亦安宁脉；有前件形者，即病之脉，次第而变，初作一点子，气关多红脉。至于风关，其色方变紫色，病已传过，青色已受之，极黑色其病危急，纯黑分明，其病不可疗治。三岁已上，病重危急，指甲口鼻多作黑色。盖儿脉绝神困，证候恶逆，虽有妙药良方，亦用孩儿有命。

议指纹脉总要

议曰，消息指纹脉诀，考详诸家所载，参较至理，其说不同，所以钱氏王氏二家，文意并不该载，但只言论其证候而已。然面证候，且幼幼之疾，若不定其指端，说病是何用。仆留心颇久，其纹述之不繁，犹参诸家之善，前后所断龟鉴，较其正理醇乎醇，故不劳再三乃决定，如此者，挺然微妙，曲全一家直指，明智之士，试更考之，必有益诸形容，毋曰管见可也。

详解纹脉

议曰：流珠只一点子红色，环珠其形差大，长珠其形丸长，以上非谓圈子，总皆红脉贯气之如此。来蛇即是长珠散，一头大一头尖，去蛇亦如此，乃分其上下，故曰来去。角弓反张，其里外，向里为顺，向外为逆。枪形直上，鱼骨分开，水字即三脉并行，针形即过关一二粒米许。射甲命脉射外，透指命脉曲里，一十三位，悉有轻重，元由一气，自微至著，从渐至总，轻重参详。前云五色者，曰黄、红、紫、青、黑，由其病盛，色能加变。又传加进，即越黄红之色，红盛作紫，又有红紫之色；紫盛作青，又有紫青之色；青盛作黑，又有青黑之色。至于纯黑之色者，不可得而疗治之也。

新刊演山省翁活幼口议卷之七

小儿面部气色并序

夫天地有仪，故禀赋生成相貌；男女方质，犹阴阳假合形躯；五体之中，面目彰乎气色；五脏之内，神魂布以灾祥；形究真邪，潜一气而分部位；脉推隐显，洞诸经以测源流；克伏侵临，刚柔升降，生我我生，即凶中获吉；克他他克，应顺理招殃；肝家无气，常宜肾水澄清；谓有精神气全^①肺准多光，必惧脸颧火焰；凡人有火色，主灾，何况小儿唇红作渴，颊赤饶惊，眉头霭霭，父母宁忧，额上昏昏，医工少乐。凡理婴孩，先看面部，定气察色最为要也。良由内有疾面形于外，是以本位与地位一体，和悦易安；气色共神色交参，病传难疗。先求逆顺，次较盈亏，交侵临入，不逃乎源，危笃生死，必知乎本，辄述于右，请更推详。举一隅面类众隅，请三索面还再索，妙在智远，良用心通，医工善理。所谓多智多谟，药效方书，宜其广知广见，深求决定，取合专诚，良师致力，不昧乎方，学者行医须尽其理，至诚壹壹^②，难以述之，务学惟精，得中为妙。

五脏五色本位

心主红，脾主黄，肺主白，肝主青，肾主黑。

五行相生：金生水，水生木，木生火，火生土，土生金。

五行相克：金克木，木克土，土克水，水克火，火克金。

五行本生相侵：心气侵黄，脾气侵白，肺气侵黑，肾气侵青，肝气侵红。

五脏本生相临：心气临青，脾气临红，肺气临黄，肾气临白，肝气临黑。

五脏胜伏相交：白色交心，黑色交脾，青色交肺，红色交肾，黄色交肝。

五脏受敌克入：黑色入心，青色入脾，红色入肺，黄色入肾，白色入肝^③。

五脏畏爱：肺本辛金畏丁火，爱己土，肾本癸水畏己土，爱辛金，肝本乙木畏辛金，爱癸水，心本丁火畏癸水，爱乙木，脾本己土畏乙木，爱丁火。

五脏器母生成：肺脾是母，肾是子，肾肺是母，肝是子，肝肾是母，心是子，心肝是母，脾是子，脾心是母，肺是子。


分定五位所属

心脏部位



颧而脸颊，心火所属，气池之下，法令之旁，食仓之上，高骨取之，一寸二分，皆属心之部位。

脾脏部位




① 全，原作“主”，据丛书本、《类聚》本改。

② 壹壹(wēi wēi)，通“勉”字。

③ 黄……肝，原脱，据丛书本补。

承浆之上,人中之下,法令之内,食仓之旁,其合即唇,其开即口,合即属脾,开即属心,四方二寸四分,撮动之所,皆脾之部位。

肺脏部位




准头至山根,两乳并中梁,眦头直下,年上寿上,里外通息,皆属肺之位。

肾脏部位



耳花及轮廓,文台山林颐,发际兼地阁,四维如海岸,皆属肾之部位。

肝脏部位



风池与正眉,气池泡眦头,上下眨动处,太

阳及太阴,连及山根所,皆属肝之部位。

命门部位



天中与天庭,司空及印堂,额角方广处,有病定存亡,青黑惊风恶,体和滑泽光,不可陷兼损,纯黑病难当,青则甚忧急,昏黯亦堪伤,此是命门地,医人鲜较量。

五脏伏敌喜伤

肺所伏者心,所敌者肝,所喜者辣,所伤者焦苦,二变七蒸之脏,和则喜欢,气爽神清魄强,疾主喘满咳嗽,伤风作热,虚痰壅盛。

肾所伏者脾,所敌者心,所喜者咸,所伤者甘甜,五变十蒸之脏,和主行坐,嬉戏笑语,疾主崩砂黑齿,咬牙,聾耳脓汁。

肝所伏者肺,所敌者脾,所喜者酸,所伤者辛辣,初变六蒸之脏,和则魂魄壮,意智生,疾主风挛搐搦,眼目肿赤疼痛。

心所伏者肾,所敌者肺,所喜者苦,所伤者咸卤,三变八蒸之脏,和则情性悦乐,疾主惊痫恐悸,虚躁啼叫,谵语狂烦,涎流口角。

脾所伏者肝,所敌者肾,所喜者甜,所伤者酸酳,四变九蒸之脏,和则消谷气,美饮食,疾主呕哕痞积,虚痢痞癖,潮热,不思乳食。

面部气色总现

五位总作,流波泛淀,隔窗照蓝青色者,惊积不散,欲发风候,其神彩观覿不稳,上上下下,证变风生。

五位总作,闪烁焰射,丹炉映火红色者,痰积壅盛,惊悸增进,其神彩视物不定,恍恍惚惚,候变惊速。

五位总作,混衮泥浆,衣传土墙黄色者,食积癥伤,欲作疳候,或痞癖有之,其神看顾散漫,昏昏沉沉,其候寒热潮发,饮食不掀,气粗短满,困倦喜睡,呕哕有之,泻痢有之。

五位总作,濺濺浮虚,野露入谷白色者,肺气不利,大肠滑泄,水谷不分,欲作吐利,其眸凝浊,失其精神,朦朦胧胧,性情不有,光滑全无,五脏少实,百脉多虚,或吐利之后,有失调补。

五位总作,漫漫黯黯,尘灰弥覆黑色者,传不顺证,变即逆候,表里有亏,脏腑欲绝,其血不荣,其气不卫,荣卫失序,经络流注,凝滞于脉,为疾危恶,其神昏冒,沉沉默默者,为人不久也。

五脏分部定位

肺部所主

鼻孔名井灶,尖处名准头,眼尾名大小眦,中央坎陷名山根。若鼻孔黑如煤,即肺经焦,或作黑燥如墨者,即肺家绝,其候难治。鼻中赤痒,疳盛蛔长,或泻白涕,脑寒困寐,或流清涕,伤风喜睡,肺热鼻塞,因息吹得,有妨吻乳,关窍闭阻,感风寒邪热亦如此。鼻下生疮,溃烂即疳,鼻中常臭,积热为咎。

肾部所主

耳穴之前,名曰耳花,耳船名轮,轮里名廓。轮廓焦黑,肾家虚热,其黑如炭,肾绝死旦。耳门生疮,卫积非常,耳中脓出,肾热疳极。臭名聒耳,脓汁不止。疮痒如裂,其候虚热。忽听不聪,心肾气壅。常作哄哄,热气上攻。或如虫刮,荣虚卫热。耳轮如水^①,麻豆相侵。耳轮红热,伤寒是则。热根内痛,肿气相攻。清心凉膈,关窍通塞。儿孩两肾,常虚无病。若有攻击,使令无益。

肝部所主

眼睛有穴,内藏其神,外究五轮,眶眦属脾,热即生眵。两眦属心,热痛如针。白属肺家,热赤生砂。黄属肝脏,昏瞶翳障。中心瞳人,肾热不明。儿孩眼目,痛即便哭,良方对治,更与忌

毒。或患丹疮,从里为殃,经效良方,速疗无妨。眼本属肝,怕热怯寒,今有治法,极理何难。眼忽连眨,惊风交杂,忽然窜视,惊风已至,肝绝定睛,或翻无神,瞳去中陷,十无一生。

脾部所主

唇即口门,语言之尊,舌居其中,饮食之宗,齿牙咀嚼,咽喉相约,牙质既刚,角宫羽商。婴孩未定,唇口见病,上即人中,下乃承浆,上下四方,皆属脾乡。口内属心,心脾有热,舌疮唇裂。三焦蕴热,唇红如血,深红重渴,轻即流沫,鹅口慕口,木舌重舌。脾肺热就,口内喷臭。脾肾气寒,色如死肝。大惊一吓,口干唇白,时时积惊,渐渐传心,心气不足,令儿烦哭。何知脾绝,指甲皆黑,目无神光,医者知亡。五种撮口,惊风最恶,可医论方,无路莫错。

心部所主

眼睛直下,高骨之中,名之曰颧,颧下曰面,面里名脸,属心无别。黑即沉困,青即惊悸,赤心发风,白乃疳气,虚黄卫积,浮肿气逆,相顺则安,相生则吉,相反病乖,相克证失。医士喜之,平常不动,良士恶之,其色反弄。应病弄色,九分不得,心绝何因,大叫数声,过关不叫,必作鸦声。夫人一身,主事于心,心不可病,神散呻吟,儿童心真,才热伤神,神既昏乱,当与调荣,血即养心,荣乃主之心为身主,常安能语,忽然加热,谵语骇汝,心要常清,邪干不宁,医工究竟,药莫乱陈。

议曰:人之五体,以头为首,首中有面,面中有睛,睛中有神,神者,目中光彩是也。或隐或显,或横或冲,应位而现,病之顺即顺,疾之逆即逆。色者,青、黄、红、白、黑是也。初发则我生而侵之,次则生我以临之,盛则我克以交之,重则克我而入之。侵即有犯,临即相干,交即过位,人即通度。然其白色者,白似枯骨,又如烟雾腾空;黑色者,黑如冷灰,又如灶尾尘埃;红色者,红若朽木,又若赤霞照谷;黄色者,黄似晒竹,又如败叶经霜;青色者,青如冬瓜,又如荷叶盖水。察之侵临交入,究之生平克伤,加以听声而应之,——

^① 水:丛书本作“冰”,义长。

数圆长,谓其如水洄涡漩伏流声也;二数焦锐,谓如焚薪爆烈之声也;三数散鞞,谓其如朽腐蠹折之声也;四数洪亮,谓其如钟磬之器响韵之声也;五数颓弊,谓其如墙倾,岑^①陷崩塌之声也。在疾病而有变,于证面有应,五行互驰,一气易更,色有滞者,从幼至长,气于犯者,随受以传,或善或恶,惟生五脏相参,百脉相领,轻重相传,

自然应现。夫医家者流,习小方脉术,传变证候,预知之者,世之上士;调理证候,听声察色,观气辨形者,医之中士也;其或不论面部,亦不究脉,但于所发证候,随疾用药,或中或否,虽曰医止,必未尽善,斯为下客。倘能如此推穷,决定气色,可以布设未兆之功,可以预防也。

^① 岑:诸本同,疑为“岭”之误。

新刊演山省翁活幼口议卷之八

病证疑难序

观夫泰岱奚由，累工混沌；名山川源，取次湍流，盘旋到海，天地有自然之理，至哲无造化之功。医究一门，道通干圣，小方脉者，乃众科出伦，议论之要也。凡为调理，先载可否之宜，学习篇章，首察艰难之属，谁知活入作德，我敬医道通仙，阴阳昭然，行功获矣。於戏！得师奥旨，未契全真，识性悟机，方为至妙。前贤著议，后学推诚，已述渊源，须穷确实，持灯晦夜，咨嗟撻值，索图捧宝，晖晨踊跃，良工与鉴。仆辄剖疑难事，聊陈管见，因由一十八章，聿希同志，詎堪品藻，非涉狂诬，试详浅陋之言，必展恢洪之臆，一隅再举，三复方欤。

病证疑难一十八章

逆证似顺

议曰：顺逆有别，阴阳不均，证候相加，色脉致乱，惟是惊风发作，按脉察证以较之。阳候证脉，俱得其阳，阳者顺也；阴候证脉，俱得其阴，阴者逆也。阳候有阴脉者，其证欲传；阴候得阳脉者，其证反是也。谓如急惊风，乃是阳痛，得脉浮数洪弦，阳中之阳；又有得脉沉缓，阳中有阴。慢惊风乃是阴痛，得脉沉细迟弱，阴中之阴；又有得脉浮大，阴中有阳。所言逆证似顺，乃谓阴中有阳，助阳不醒，回阳不生，其候偏亏，虽则阴中有阳，其阳非真，脉便疑二，不可攻理，详而知之，察其可否而后已。

阴证反阳

议曰：小儿伤寒，惟察表里而理之，不以阴阳证候究竟者，盖无关前关后之脉，所谓纯阳之孩，合而言之。此说阴候者，慢惊是也。凡儿吐泻，疾作慢惊，其候无反证，良由急惊传来，已成

阴痛，药用寒凉，证入慢脾；药用燥热，其候反阳者，反从阳也。其脉愈盛，其证愈逆，故云反也。阴阳俱坏，实为难治，医工不知其所以，但见其搐搦，肆意退热截风，良久却不引搐，但只合眼聚痰，冥冥如睡，证候有如此，何药理之，请试较之。

阴盛强上声阳

议曰：慢惊风候，谓之阴盛，及其欲绝之时，虚痰上攻，咽喉引气，呼吸粗大，其脉浮数，其证强阳得之。医工将谓阳回以得其所，宜与下痰，药用太迅，痰涎即时随药而下，儿命即时随药而化。众言医杀之，愚曰：非也。谓渠无智，不识证绝而用之，虽不下药，亦死之矣。

虚极生热^①

议曰：疳候有作，斯证初发，即谓疳气，次第传至疳极，是谓虚极之候，阴阳二气不匀，上下气不升降，荣卫两虚，脏腑滑泄，岂可攻疗？善医疳者，随顺药饵而助之，淡薄饮食以扶之，荣卫渐得均匀，气脉方得升降，既而阴阳二气已得调和，脏腑已自充实，肌肤已自肥壮。医工已知疳传在虚候，名作疳极，遂与补气药，服之稍多，反生大热。所谓虚极勿补，热盛烦渴，疾作疳劳，名曰丁奚，皆由药助，虚极生热面致之也。

冷久必寒

议曰：癥积已作，证候所传，自是孩童，饮食不化，气滞中脘，再食停气，复伤前积。积之为病，皆致其冷，冷之既久，脾胃虚怯，虚怯既存，阴阳相胜，寒热间发，痞癖有加，脉气无定，医工不理阴阳，令其均平，但作痰疳治之，或投砒，或投粉麻粉也利下太速，疾不去根，为患反重，难施和剂。良由利动脏腑，虚必入腹，发作烦躁，腹

^① 热：原脱，据丛书本、《类聚》本补。

肚胀紧，气喘短促，难以调治疗理。此等证候，究心毋忽，保全是幸。

热多作燥

议曰：热分内外，身籍阴阳。一气受邪，三焦至热。三焦者，本质无状，隐伏得名，所通五脏六腑，相干血脉皮毛，温平由实，燥热由虚，静则为之一名，动则分之三所，上焦喉管至臆，中焦至于中脘，下焦至于丹田。以大拇指展中指作一握，自咽喉坎处分作三停，则知上中下三焦所寓也。温极即热，热盛即燥，燥盛即焦，寄于其中矣。大人患此，犹尚不可，况小儿三焦隐伏，热多作热，寒凉之药所投不堪，毕竟从长，何剂调理，若不早疗，疾作无辜。

理实致虚

议曰：虚则作疾，实亦是病，按实理虚，遣病去疾，内知其冷热，外审其证候，三实两虚，神不安居，三虚两实，人有得失。虚之为病，其候则速，实之为病，其候则缓。实未致害，虚即作祸迅矣。肝心脾肺肾，子母相生，肺肝脾肾心，五脏相克，且如脾胃经虚，呕哕不食，又心气不足，惊悸有作，所疗子母俱虚，小便闭涩，利之可乎？所以知其内者，母虚靠子实，子虚藉母荣。其又肺家有热，宜泻之，否；大肠清利，宜温之，可。医工但究母虚，理其子实，若攻其子，则母亦虚，所以母能令子实，子能令母虚，脾病泻心，理实致虚矣。

利表伤里

议曰：伤寒、痘疹，皆论表里，二义不同，所受反是。伤寒所传，从表入里；痘疹所发，自里出表，作热形证与伤寒颇似，病家不究轻重，所受相尚，与服升麻葛根汤，或过剂饮饵，其表已解，其汗不止，汗出稍多，里虚作渴，且热乘热，悉化疹痘，自然迥出。所缘逐其热，利其表，迥出虽多，疹亦不成，痘亦不是，比比小赤，由其热力有限，里外不相续，荣卫不加助，即于中道而废，渐作黑陷，非食毒感风之咎，自是助发大过，失其自然之理，至死莫知其由，是谓利表伤里故也。使良方妙剂，难以助手，哀哉！

退热作渴

议曰：小儿发热一证，与大人同，热在三焦方渴，肺惊不利^①，虚烦方渴，上盛下虚方渴，水火不相济方渴，伏暑蕴热方渴，津液燥竭方渴。渴证本无，但有其热，热在乎表，攻动其里，里自无热，受之以虚，表热传里，反致其渴。表里俱虚，引饮入脾，头面手足受湿，虚浮作肿，医工下之，徒增其病，宜与扶表救里，庶几有命，方得获幸，疾证于此，死者多矣。

疗惊发风

议曰：有痰者，必有热随之；有惊者，必有风继之，利其惊其风岂有，散其热即痰不生。此医家者流，所得其宜，调理证候，截风定搐，以明其要也。如此常见豪贵家，才见孩童有热，不问元因，便投惊药，日辄数粒，月既积多，虽则惊悸不作，忪恐无妨，其儿所服寒凉药多，脾胃虚弱，不吐即泻，遂成慢风，更与惊药，愈加其疾，调理医工，当究其后，免负其重，祸害生焉。

风痰隐久

议曰：风者，肝主之，肝稍不和，则风所由纵，痰者，脾受之，脾若不壮，则痰所由盛。痰之与风，惊之与热，四证互驰，则流行于经络之由，传变他疾。所有风痰相袭，久而不化，隐在肝脾，所由饮食冷热相干，故不自散，虽则疗理，愈而复作，以致长成，且风痰常常在牙颊之间，吐茹无尽，生发有因。其风痰致病，或作齁齁，或作喘息，或硬牙关，或肿颐颊，临于肺则咳嗽，干乎心则恍惚。善术医士，未能速与下其痰，恐风猖狂；若逐其风，又疑痰作梗，须是风痰并化，妙药奇方，以徐以渐减瘥可也。食不禁戒，服药无功。若疗风痰，深意究竟，不可致缓，久则害发子疾，当宜疗之。

惊热无时

议曰：因惊而得热，其热常发，不系乎心，而

^① 不利，《类聚》本同，丛书本作“下利”。

属乎血,更加气血荣卫,毋得循环,惊热时常发作,或生疥癣,或发疮痍,热来神困心虚,热去唇焦口苦,呻吟求饮,恍惚忘饥。儿孩受此艰辛,药饵如何救疗,人参、羌活,总不相关,蝎尾、当归,有些巴鼻,更寻妙饵,病不干心,说道难医,请诚着意。

恐悸喘息

议曰:惊悸心属,喘息得同而言否?愚曰:非心主之。若心所受,其疾不作喘发。是知肝藏魂,肺藏魄,魂魄不安,恐悸伤乎肝肺,肺受其惊,而受其喘,须求水饮;肝受其惊,发喘细细,若张口大喘者,肝肺俱不利,镇心安神,调气定喘,必未尽善,当以损益魂魄丸散,泻心补肝,立见功效。所述疑难,更请探颐,毋蹶高志。

食噎咳逆

议曰:儿孩睡息,魂魄恬游,击响高声,伤乎其神,睡中不稳,乃心不宁;乳幼饥渴,饮食宜细,撮物触志,伤乎其气,令肺作噎,于脾发臆;其气逆不升降,其志分不伸舒,阴阳差忒,胸襟郁闷,良久,取气发声,食饭而黑,啼哭声焦,轻则咳逆致躁,盛则咽塞不通。所受之后,常作咳逆者,良由食噎触击,闷挫关窍,宜通脏腑即不宜,升降荣卫乃利益,若不早治咳逆,肝肠终身致疾,而难疗矣。

令子无辜

议曰:夫人所藉者,阴阳而生;所宜者,气血而长。血气不顺,则五脏以违其和;阴阳不均,则百脉以乱其体,流之于表里相参,注之于经络致急。凡周晬乳儿,等闲捉拳,又更齐齿,身体检束,头目摇动,此乃阴阳有亏,荣卫失正,疾名猢猻禁,十二种无辜疾之一也。母情不识,见之喜笑,复作体态以教令如其然也。久而不已,愈加其遍次,非风痰之所攻,无惊热之致作,当为舒其气,调其脉,均其阴阳,适其洒渐上鲜下息,里寒有作,休言乳幼无妨,曾见父母恸哭。

受气不足

议曰:三才降气数成,方谓为人;万象论功

道合,始知得志。胞胎既备,心定神全,血脉未充,骨萎体^①薄,筋力藉乎骨髓,智谋出乎心神。为人恍惚者斯可知,多忘者应由是,伛偻者乃如然,侏儒者必若此。不及数之重者,候存五软;太过受之深者,身负五硬。由其肺心脾肝肾所属者,气血脉筋骨所受者,体舌臂项膝,其或有疾,于证候不及,议者往往无辜,无辜形骸,必定受气不足。谓如五硬五软,只许闻名,稍有求医,难著方药,后进孰谓堪与疗理者,野老付之一笑。

饭多伤气

议曰:幼幼未降,形处胞胎,藉母气血滋荫,由如养素,已诞之后,继时吻之以乳。乳者,化其气血,敷养肌肤,百脉流和,三焦顺,身肢渐舒,骨力渐壮,三周所莩,一生为幸。其或母因产得疾,血竭气耗,乳不成汁,当如奶子看顾。贫乏之家,食不继口,奚能谋此?其乳少,其食多,不益儿体。其有不产之妇,抱幼继宗,终夜号啼,惟伺饭食,初伤其气,次伤其形,久伤其神,重伤其命,萎羸声啞,躁哭皮皱,项软足垂,唇焦骨露,但见眼有睛光,将久气散神败。凡人生子,究乳为上,独以谷食扶持,十中未保一二,抑服丸散,堪笑强为勉之,急假乳荫,庶得为人死中半活矣。

脐中受热

议曰:初生未及荫乳,洗罢便是^②斯脐,带留一握,绵裹三重,受气根全者,其脐自深;成胎数阙者,其脐自突。脐者,受质之根也,为人之本也,形体之基也,元命之寿也。迭月之前,一腊之后,其儿脐红高肿,不作水湿,亦无风候,但将胸堂仰起,呃呃作声,阖家不见,责之老妪,有伤脐带致之,非也。召愚一观,察之心气,受之胎热,与利丁火,少顷不展胸堂,呃声遂止,越宿观之,脐根复本。医工与傅及洗,总施谬妄,故书于诸,果其宜哉!漫举颐以请之云尔。

① 体:丛书本、《类聚》本皆作“髓”,两通。

② 是:丛书本、《类聚》本皆作“用”。

新刊演山省翁活幼口议卷之九

议胎中受病诸证序

原夫胚胎血气，本自调顺，既成胎孕，有失将护，致使胎气不安，转动不常，冒触根本。初生幼幼，邪正相干，易得其病，今述一十五篇，概而举之，欲使智者察其己身所受，轻重所发，逆顺调治，可否鞠育，持令产妇以正其神，养其血，和其气，使乳汁温平，儿得调顺。虽有疾作而自平安过半矣，重则减之为轻，轻则去疾之容易，勿谓轻之为重，重则候变，而作祸矣。呜呼！万物之中所尊贵者惟人，肖天地生成之道，故难值其安静，犹体颐淳和之脉，抱纯素浑朴之怀，合清湛之渊源，纳运成之脏腑。嗟乎受胎无益，于形有伤，加之以药，诚在出不得已而致之，若在胎内失调，初生宜其和益，若在初生失理，则于襁褓之间而疗之，顺平而愈，若也，受之变蒸数足，其所患犹未除散，遂成宿疾，终身之咎也。其儿所受胎气不足为患，非伤肢害体者，并可与整，使其平复，获幸之甚，良工尽心，斯为妙矣。

议胎中受病诸证一十五篇

鬼胎

议曰：妇人孕育有患鬼胎者，庸鄙谓妇人纳鬼之气而受之，实非也。鬼胎者，乃父精不足，母气衰羸，滋育涵泳之不及，护爱安存之失调。方及七八个月而降生，又有过及十个月而生者，初产气血虚羸，降诞艰难。所言鬼者，即胎气怯弱，荣卫不充，致子萎削，语犹如果子结实之时，有所荫藉不致^①灌溉，为物患小，其形猥衰，无有可爱，如此之谓。胎气阴萎，常与丸散扶挟，乳哺匀调，气血充荫，肠胃而壮，即保其静善。盖由其气不足，禀赋不全，忽尔横殇，非可惜耶！

魅病

议曰：小儿有患魅病者，非五脏传变，亦非六腑所主也。缘儿生后，方且周晬，母复有孕，血气所荫，分之两端，是故胚胎渐伤，乳汁成毒，虚邪相攻，儿吻致疾，敛率其气，郁伤其神魄，令儿瘖虚尪羸，枯悴烦躁，朝昏呕哕，日夜不可得。疗理但速与断其乳，温平胃气，和顺血脉，自然而愈。其有萎怯致痰，乃成无辜证候，何足怪讶者耶？

胎气

议曰：初生牙儿，三朝之后，满月之前，所受诸证，作疾轻重不同者，盖由胎气禀赋有强有弱，其母饮食恣令饥饱，起止无忌，坐卧不择，令儿得疾。不寒即热，不虚即怯，热乃作壅，寒乃作泄，虚则作惊，怯则作结。寒则温之，热则凉之，虚则壮荣，怯则益卫，惊用安神，结用微利，审详用之，不必过剂。

胎病

议曰：牙儿胎病谓月数将满，母失爱护，或劳动气血相干，或坐卧饥饱相役，或饮食冷热相制，或恐怖血脉相乱，胎形有伤，儿形无补，或因动土兴工，或由营葺房卧，或移安居，或更荐席，虽不犯凶神恶煞，终于碍子体儿身，有因如此得疾者，乃成终身之患，重则损根废枝，轻则拳挛跛躄。若也，胎病由气之致患者，乃尚可疗，或传成风为疾者，断不可医。初生幼幼，有被干邪者，即时和顺调理。大凡生长婴孩，有如长江行舟，一向不值风涛波浪，方为稳当，何况胎气不固，或生下作疾，所谓萌芽既伤，将来曷能荣茂矣！

① 致：丛书本、《类纂》本皆作“到”。

胎病作热

议曰：儿在胎中，母多惊悸，或因食热毒之物，降生之后，儿多虚痰，气急短满，眼目眵泪，神困呵欠，不发伸舒，呃呃作声，大小便不利，或通利即有血水，盛则手常拳紧，脚常搐缩，眼常斜视，身常掣跳，皆由胎中受热，宜速与服大连翘饮子，解散诸热，次与服消风散，数服无恙。

胎气蕴热

议曰：儿在胎中，母多恚怒，郁闷之情不散，又因胎气燥湿，儿作艰难，母生惊悸，是致乳汁不和，儿吻或毒，故能作热，令儿食即呕吐，眠不定席，神不安稳，闻响即掣。若不解蕴，毒热相干，久作无辜，成疾害生，先宜顺气，次服四顺，若不安愈，葱根必效。

胎病风热

议曰：儿在胎中，母常喜食动风之物，热毒流传，致儿受之，隐在经络，则手足拳挛，注入血脉，则肌体枯槁，其儿眼常喜窜，血不荫心，神不守舍，怯入怕物，视作定目。若不早疗，恍恍惚惚，形体虽长，情性乖拙，为人多荒，朝记夕忘，虽久受病，不如无生。盖父母但知惜其娇姿，安养其无用之儿。如此者，凡胎风服药，至用贵细，若以常方，难言功效。

胎病惊热

议曰：儿在胎中，母因惊悸，惊气入胎，儿当受之，降生之后，其儿精神不爽，颜色虚白。初则温温有热，其后颊赤饶惊，物动即恐，声响即悸，若不绷抱安床，取次难为调适，既有胎惊，将传胎风之候，产母谨谨忌食一切热毒之物，若作寻常，毕竟难拯。盖是血脉柔弱，脏腑虚怯，不堪重剂，何可攻击，是使智者惧怯有之。若也轻受，热已自散，即子项上生疔，其大如拳，名曰惊气，须当破之，而后合之，勿傅毒药，恐坏肌伤体，不惟伤坏，深恐有害，反为无益，祸莫大焉。

胎病风痰

议曰：儿在胎中，母喜食热毒之物，热即生风，脾肺不利，遂有风痰，虽不能损伤肢体，其痰与风相袭，痰多风不散，热盛痰复生，且风与痰，皆能令儿作热，那堪更加暖被红炉，母食炙煨腌咸动风之物，即时害生，药非不验，乳汁之咎也。如儿患风痰，不必下截风化痰药，但清心肺凉膈，顺利三焦，则自然安愈。亦勿可投太凉药，恐寒脏腑。所宜者，以消风散吞下白丸子至良，令小作丸。

胎病结热

议曰：儿在胎中，母失调理，恣纵饮食，不加将护，蕴热颇久，及至降生，热气隐闭，传入子里，遂作闭结。其结由热极得之，大便不通利，冲心腹胀，脐突撮口，努气停郁，急以三黄丸、或四顺、七宝，以通为度，不必过剂，切不可下积丸子药，不惟无益，恐反为害矣。

胎病寒邪

议曰：儿在胎中，母因感受寒邪，热气烦蒸，传入胎脏，儿当受之，及至降生，令儿关窍不通，精神昏浊，作热加蒸，啼声不响，号叫骇人，未知之者，将谓惊风，妄动脏腑，或妄镇心，良由所受寒邪之气，初只在表，久则传里。所谓邪气以乱其真，故血脉皮毛，皆不得其便，腠理所拘，邪不得解，变蒸有违，气血致伤，烦躁益增，无能自畅，但与小柴胡汤服之，稍轻，次以人参羌活散。然胎中所受，未分表里，既生荫庇，当议和解之为良也。

胎病荣热

议曰：儿在胎中，母于食物，尤喜啖姜瓜，古人有曰：修灶缺唇，食姜余指。盖姜性至热，又是腌或，攻及血脉，传入经络，轻则令儿通体生蛆疮、延热毒疮、丹疮之类，经年发作，或子头额生核，重则发大痲疔，溃即烂坏皮肤，十死一生，何堪忍见。初生幼幼，毒气加盛，肌肉柔弱，参术托里，枸柏扶肌枸即地骨皮是，柏即黄柏，常与清心，

平调血脉，母慎其口，父抱令馁，医工顺理，与其扶危。

胎病卫热

议曰：儿在胎中，母伤和气，饥惚劳役，神疲力倦多矣。其有不劳役者，即有忧愁思虑，役乎其中，动之真气，攻之虚邪，干乱神魄，流入胎脏，儿乃受之。既生之后，儿当昏困，腹急气粗，重则喘急，睡思不稳，狂啼烦哭，肌肉不滋，亦生疮痍，热发早晚，精神少具，良工正医，平调脏腑，脏腑既正，热自散止。

胎病脏寒^①

议曰：儿在胎时，将顺其月，母喜食诸生冷物过度，冷盛即寒，肠鸣泄利，时时有作。降生之后，其儿肚上青脉膨胀虚紧者，乃是虚气入腹，

呃呃有声，日夜不禁，虽则渐长，终是脏腑阴阳二气受不匀调，若不温平分气，长成痞结，阳结易治，冷结难医，仍宜抑母服药，庶得乳温，令子调和，不致延病成害，为之叹也。

胎病潮热

议曰：儿在胎中，母曾发作子疟，或是因患瘴气，母或饮酒无厌，或是冒风伤暑，热入经络，有伤荣卫，母虽分娩，以脱其难，儿袭其气，阴阳不解，初生嫩弱，血气不和，热作潮来，先寒关紧，身体作颤。庸工未谙其理，即以艾炷灸之，经络未全，用之枉究。医士但与调中，均其阴阳二气，若是肚紧，宜以全条蛇蛻，米醋炒，令热，手帕盛，系肚脐上，即渐安乐。

^① 胎病脏寒：此节底本原脱，据丛书本、《类聚》本补。

新刊演山省翁活幼口议卷之十

十种证候发端

治法略序

切闻天地之大，惟人之性尽矣；物象之众，惟人之志鉴矣。是故人为一物而灵于物，气受一元而妙于元，惟智者为能明之。然天地不陷乎人物之根，于是人物不逃乎天地之数，无情者悉由造化而生，有情者皆自交接而养。倘谙先王之道，君君臣臣，父父子子，成人而后，达乎上古，参同天性，顺合圣意，小人不知其所以，愚情反是，曷足与语哉？嗟乎！既为医工，调理幼幼，诚为不易，须当裁度。幼幼禀赋形骸，有壮羸怯弱，于脉较之；含蓄性情，有宽缓暴急，于神察之；轻清重浊，以气定之；冷热虚实，以色推之。若也形体不壮，神全则未为咎；色脉不充，气固则无作恙。气与神而有亏，藉乎丸散；脉共色以无补，宜乎疗医。气壮即脉顺，脉顺即神全，神全即色正，色正即五脏安和；百脉调适矣。色脉若不正定，即与固其真气，真气若不和，则神不悦，神不悦则形体何安。观其脉则知其气，气若不顺，则形萎羸；察其气则知其神，神若不清，则气浊乱。神者，五脏之主也；气者，一身之权也；色者，虚实之表也；脉者，传变之令也。脉不流行不可不察，色之变易不可不究，神之散漫不可不疗，气之盛衰不可不理。婴孩五脏受虚，其面白，其气怯，其神溃，其脉乱，其体羸；五脏受热，其唇红，其气促，其神昏，其脉数，其体枯槁；五脏受实，其脸赤，其气壅，其神劣，其脉浮，其体烦躁；五脏受冷，其准黄，其气泄，其神困，其脉沉，其体嗜卧，所由冷热虚实传受，惊疳积痢。凡病按其标则知其本，省其绝则起其危，后进攻医，但按图说，执滞汤剂，不务实效，今著是书，乃述源流，不特赘赘，遍求一隅以加别之，尽性考究，以羨补不足，益有余故也。即非调弦胶往，缘木求鱼

之谓欤！熟研其议，其理自明，辄搜难解之意，载留斯秩，好术之士，足知可法，以备阙略，后世有称简要，得无隐藏，当与智者鉴议，庶彰不朽云耳！

急惊风候

医云阳痫也，手足搐搦，涎潮大热，医家下之，其所用药，往往利以轻粉，或水银、巴豆，皆有毒等。既已苏省之后，精神犹尚昏沉，未快乳食者，或有余热，其候欲得安全和平，只可用平稳药调胃气，不可直便与服燥热药，若与服之，其候复作，何可怪耶？

议曰：小儿惊风之后，胃气多虚，不食，沉沉默默，或泻尚不止，只可助胃生气，须以截风药移在生胃散^①或观音散中，谓用全蝎、天麻、僵蚕、白附、防风、羌活之类，生姜、枣子同煎，自然胃壮泻止，诸风不作。虽则惊热及搐搦皆去，其精神未爽，不可便谓无事，若用补药助虚，干姜、豆蔻、硫黄、附子之类，则热复来，其候又发，非病不除，医者妄谬，病家无见，亦不可不告。凡治急惊之候，正谓医疗，岂可遽云调理之说，用药乃在一时之久，若也宽缓，证候转加深重，医者既知当下，即可量其轻重，如病五六分，只下三四分许，随通且利，热去痰消，则病与证次第徐徐而减瘳。若不揣度，一概并荡，下之太过，伤害脏腑，疾转阴证，乃作慢惊风候，岂可临时生胃回阳，诚为枉究。既是医工，莫不知之矣。

慢惊风候

医云阴痫也，良由急惊用寒凉之药太过，转加深重，乃传作慢惊；或因吐利不止，而成慢惊；或因澡浴感风不解，而作慢惊；或因风食二病不治，而变成慢惊；或因咳嗽，下痰转虚而成慢惊，因由甚众，概而举之。病家怕惊不

^① 生胃散，丛书本作“平胃散”。

怕泻，良工怕泻不怕惊，其泻不止，则惊风愈盛，若与治惊，更用寒凉之药，且泻转多，病加进重矣。

议曰：小儿脾胃虚怯，方作吐泻，其证有五，有热吐，冷吐，虚吐，痰吐，食吐。所言热吐者，谓母饮酒吃肥，炙煨腌咸，或冒风伤暑致热，儿吮乳入胃，遂成热吐；冷吐者，谓儿胃冷，加以宿冷之物，与食即吐；虚吐者，其儿肌弱神困，疳积未消，胃堂久虚即吐；痰吐者，其儿胃气本虚，复感寒邪，生痰作热，留滞胸膈，故吐；食吐者，其儿胃弱，饮食不节，强食伤脾，作热神困，吐后即逆。病家但知其吐，不明其所以吐，且吐兼泻共作，名曰霍乱。其吐候又推轻重有五，初则乳自流出，谓之哕；哕之不已，即谓之吐；吐之不已，即作呕；呕之不已，即传逆；逆之不已，即作嘔于月反，自呕、逆、嘔，皆有出声动气。呕者，口开而作；逆者，心胸上下气逆郁筑；嘔者，无物可出，即膈虚胃寒，引气嘔嘔作声。此等候恶，须臾证变，即慢脾风。热吐者，先去风痰；冷吐虚吐，与生胃气；痰吐，下却其痰，次与正气；食吐，宜与塌气，岂可一概理之。吐泻不止，脾虚风生，眼开慢惊，眼合慢脾，治之不当，更下惊药，死不旋踵，岂可得而救疗。儿分长幼，病察虚实，有吐泻三五日发风者，有一日半日而发者。大抵女孩以吐为急，男以泻为速。若气虚暴吐泻，才作便得之。惟有疳泻，不成风候，久则患无辜证，终于虚乏矣。但滞肠止泻为良，吐即生胃为正，截风之药，加而用之。凡惊药及寒凉之药，切不可用，亦不可用大热药。其候乃属阴证，医者裁之，勿佞为幸。

小儿热证

古分十种为总例，有惊热、疳热、风热、潮热、伤寒热、疔热、积热、丹热、疮疹热、余毒热。

议曰：十种热证，病各不同，已有触类而作。潮热者，即痞癖热也，类近积热证，先腹肚热脚冷者是；伤寒热，与疮疹热亦相类，且伤寒有三种，皆从表发入里，且疮疹随五脏所受，从里出表，故不同根^①；风热与惊热亦相近；疳热与余

毒热类，疳有五证，疔有五候，皆由脾家阴阳不顺，若惊热盛即风热作；丹毒热有数种，皆五脏热毒所作，自上发下曰毒，自下发上曰丹，总名之曰丹毒，各随轻重。又有一种，名曰龙带，横腰过肚，上或至胸前，相交者重，有如火燔，其候亦同丹治；病后余毒热，诸证皆有之，须适轻重类诸证而调解，不可越前病用药，如伤寒后有余毒热，即于伤寒调理，不及而解，余皆仿之。大抵惊热凉之，风热化之，疳热补之，潮热散之，伤寒热解之，疔热分之，积热利之，丹热消之，疮疹热须表之，诸证余热皆和之。此理虽则大概如是言，毕竟用之有理，乃为医士善学，设有不遵其理者，乃可谓之管见也。

小儿积证

王氏有可治不可治，其说已载于《家宝》。

议曰：古人有言不尽意者，非失言也，妙用奇切，不可得而著乎纸笔之间，且学者初机，未可便得纯粹，广见多闻，性识开通，心智自然运出，然后可谓之医者意也。此科取为难事，积证最为要紧。今病家将作寻常，医者不至急切，治之若等闲，病之有缓速，及至传变，方觉困重，久务良工，信乎野老不虛云耳。东汉王氏，不言疳与泻及痢，即述证而已，所证治未病之病。凡小儿有自幼及长，不患惊风、痢症、癩疮者有之矣，来闻无患积证者。谓五脏之所积名曰积，六腑之所聚名曰聚，且小儿只理五脏受病，故不有六聚候者何？腑属阳，虽有疾不治而自愈，且胃属腑，气生以渐，乃脾主食，有疾当治之；脏属阴，治之尤难调治。四季有积，欲下之理，皆可用药，但以究其虚实，然后利之。既有积气，不能全实，量其轻重，故古人有挨积、磨积、消积、化积，无下积之说。是知积之一证，不可直便独下。若积虚极，先和脾调胃，令其充实，次与推下。若积证二三并作之者，可先下，而急与调胃药服之，稍用倒置，不免为它咎，乃计利害，所议积证作疾，无可与之安和，一味

^① 根：《类聚》本此下有“疮疹麻豆之后，有余毒作热，其伤寒后，亦有余毒作热”，疑底本有脱文。

当下，斯为良法。有积不可安养，久则为它病矣。惟痞癖证，宜先定去寒热，寒热已去，方可挨下，以通为度，下之太过，反生重热，虽

有重热，即不宜用凉药，乃与调理胃气药与治之，尤宜深究，无令得失。

新刊演山省翁活幼口议卷之十一

小儿伤寒正受夹惊夹食

议曰：正受伤寒，所由感受寒邪，冒冷脱著，伤于腠理，轻即伤风，重则壮热头痛，鼻塞流涕，此乃正伤寒候。又有伤风、伤暑、伤冷、伤温，皆能作热困乏，但不咳嗽。又有夹惊，因惊之时而又伤寒，故云夹惊伤寒。又有因食之时而感受寒邪，故曰夹食。大抵伤寒或有它证，似积之类，切不可妄下，若下太早，表里俱虚，难以调理，谓之坏证，大入坏证，由尚可药，小儿坏证，救疗无门，哀哉！凡伤寒有惊候，亦不可下惊药，虽是夹惊证，亦不可用惊药。幼幼伤寒，只可表解，虽曰用表，不可令儿汗出，如王氏杜薄荷散、和剂方人参羌活散之类。若热在里，谵语郑声，子证当下者，只用散末药，七宝洗心散、四顺饮、犀角饮之类，不可用以丸子，或以取积药下之，其热不去，反成无辜。夹食者，于理用下，宜紫霜丸下之，量其虚实而用，须究问先伤寒，后夹食，或先夹食，后伤寒。然伤寒夹食，乃在于食时之间，惟母觉知其先后，多是不觉，若知其理以后受者，而先调理，既不明其先后，即可表解，以候里证有者，方可与下，尤为善也。且下与表，二理不可并行，有乎得失，且如《家宝》有云：三日前在表，三日后再在里。斯乃大概约而言之，恐后入传之不当，反为其害。凡伤寒在表即解，在里即下，不可以日限为拘，其或有在表里之间，亦宜和解，又不愈，小柴胡汤治之，又不愈，俟传里，下为良，大者谵语，小者烦啼切不可意急取愈，宜在用心，明究表里，若也审察，妄恣用药不当，吁哉！

小儿有患惊风痰热四证如何用药

议曰：小儿有热，热盛生痰，痰盛生惊，惊盛作风，风盛发搐；又盛牙关紧急；又盛反张上窜。痰涎壅，牙关紧，风热极，闭经络，即作搐搦。涎壅胃口，闷乱不省，才入中脘，手足拳挛，是诸关窍不通，百脉凝滞。有退热而愈者，有治惊而愈

者，有截风而愈者，有化痰通关而愈者，皆是依证用药，不可不究竟其所以受病。凡病在热，不可妄治痰；病在惊，不可妄治风；病在痰，不可便治惊；病在风，不可便治搐。凡治小儿病在惊，惊由痰热得，只可退热化痰，其惊自止；病在风，风由惊作，只可利惊化痰，其风自散；病在痰涎，急须退热化痰。若也有搐，须用截风散惊，此乃谓医工至妙之道。若以意急，虽治惊，痰不化，热亦不退，惊如何自止，化其痰，热若不退，风亦不散，痰如何去？是知不治之治，所以治之之谓欤！学者深可留心操志，于此一端究竟，无至得失，乃谓之醇全通道而已矣。

小儿泻泄

除痞泻为虚热泻，余皆脏腑虚寒怯弱得之。

议曰：小儿脏寒腑冷，大肠不禁，总谓之泻。分别轻重，究竟缓速，有溏、有泻、有滑、有利、有洞，五者不同，岂可一概而理之。溏者，糟粕不聚，由其尚浓，似泻非泻；泄者，无时而作，或由不知；利者，直射溅溜，气从中脱；滑者，谷食直过，肠胃不化；洞者，顿然下之，如桶散溃，余更不留，即知其儿脏寒腑冷。泻之作疾，其来缓速轻重可知。凡儿泻粪出青色者，盖脾受肝经所制，肝属乙木，能克己土，所胜之功，故现本质，由其脏之虚寒，非谓惊也。又泻初黄，良久变青色，乃脏寒之征。又泻药物直过，尤为寒滑。凡虚滑三五次即困乏，若不急与温其脏，调其胃，平顺三焦，和正荣卫，不尔即慢惊。证候传变，如此之急，欲以止泻药次第理之，往往不及，惟务温其脏腑，脏腑既温，寒何能留于肠胃之间？或以热药顿止，则热反为它疾，须先投滞肠药，然后生胃正气与服，切不可意急过剂，投之热药，稍或脏腑至虚寒，孩意困乏，四肢厥冷者，是谓逆证，当用黑附子、白术、干姜，即量轻重而用。凡投热药泻止，即痢作无疑。理泻良方已著在后，请意度之为得即妙矣。

小儿痢疾

医云五疳八痢，其理种数多端，轻重不一，岂可定言。

议曰：痢者，利也，痢之为疾，无积不成。及至积化成痢，且脾胃亦虚，即不可更下。善痢者，生其胃，温其脾，厚其肠，和其气，无不愈也。若成痢疾，故不可下，下之反虚作渴，浮肿痞满，胀急不食。亦未可便补，补则伤热，能令脱肛^①不收，先与禁却一切毒食之物，频与生胃调气；或赤或白，即是冷热不调，或受暑致湿，即与分阴阳气，利水谷道；若里急，即与厚肠胃；肚腹痛，即与和顺气，温脏腑；或纯白者，乃积冷毒加之，即与挨去其毒，却与温其脾胃，其痢自止。凡痢疾能饮食，可以治之，妙药调理，无不痊愈。稍失胃气，不能饮食，疾名禁口，有不食至死。又有毒气侵胃口，亦不饮食。或患痢疾，因食毒物，不见肠头，鲜血频滴，肛门宽大，深黑可畏，肚腹疼痛，里急后重，名曰刮肠。日夜频并，饮食直过者，名曰滑肠。此三种痢疾，最为恶候，乃是一十二种中，皆能传受而作此候。凡言小儿美饮食者，饮谓饮乳，食谓食饭。若病中能饮水浆，喜食果子鱼肉之类，亦助其虚，不能令脏腑充实，须是白粽子烂煮饭可矣。若以糍粑^②粘腻不堪脾胃之物，犹其增困。幼者吻乳，克化渐安，五脏平和，六腑调贴，然后阴阳自均，脉气自壮，丸散汤剂，不必抑之，或有余毒，宜以顺调缓助，不可攻击。又有时气作痢，薰习相染而或，而由天气晴雨不常，阴湿之气，冷热相干，肠胃糟粕不聚，遂或其疾。肚腹疼痛，里急后重，他药莫治者，宜与服木香、黄连、地榆、川当归、白芍药、肉豆蔻为末，蒸乌梅肉丸，枣子汤下三五十丸，如麻子大加减，神功良妙。

小儿疳疾

其证数端，其候不同，发作不常，治疗不一，方论不等，该载不尽，轻重斟酌，随宜设方，加減审量，从长调治，必有可理者，良工顺证而已。

议曰：疳者，甘也。疳因脾家有积，虚而所致，其积不下，复食粘腻、甘甜、生冷、炙煨之物，

故得名曰疳。初作为疾，名曰疳气，皆由饮食不节，生冷相投，积伤久滞不化而得之；久则疳气传于五脏，传是名疳极候；又反传名疳逆候；虽食不生肌肉，作渴烦躁，名疳虚候；时发潮热，盗汗常有，名疳劳候；腹大喉细，手足无肉者，名丁奚候；自丁奚翻食吐虫，虚热来去，名曰哺露。十岁以下名曰疳，十岁以上名曰劳。治劳之理，悉不用疳药，盖疾作传足，非常治疳之法，理其气虚，助其血弱，调令脉壮，消其虫子，散去疳热，和顺三焦，详而后已，无用急力攻治，亦无勉强投药，只可循候而设，不得过剂。若冷药易动脏腑，燥药易损三焦，审察端的，丸散随其轻重，故无得失之叹矣。

小儿咳嗽^③

小儿诸证，悉皆著载方药疗理法度，惟有咳嗽一证，究莫能尽。月内牙儿难医，百日婴孩，亦难调理，前人既有此言，岂不尽心究竟，若也轻易，有乎得失，学者当知之。

议曰：所言牙儿及婴儿咳嗽难治之者，盖为初生血气微弱，五脏未充，肌体未固，应变蒸未周之儿，所感寒邪，攻及腠理，表里相干，邪正相胜，阴阳未和，不可强生攻治，妄吐妄下，妄汗妄补，皆令儿疾转盛，不惟无益，甚有伤害。幼幼咳嗽，乳母之过，丸散狼虎，医人之罪，岂特牙儿及婴儿难为调理。应^④小儿有患咳嗽，未敢轻许一二服药，未见安乐，虽伤寒、伤风证候已归平复，且咳嗽尚作。大抵究竟小儿咳嗽，先看有无热与痰，有热在表，无热传过，或是未传，近则未传，远则传过痰稠热盛，痰壅即吐，宜服补肺散，人参、茯苓、麻黄、白术、杏仁、甘草、阿胶、诃子、地骨皮、桑白皮、桔梗。有痰加半夏，风热加防风、天麻，服之自然痰化热散，咳嗽渐愈。未可直用粗涩药，白矾、南星、石膏、雄朱、砒粉之类。宜先滋润脾肺，次与王氏金华散，少少时时与服，或以

① 肛：原作“汗”，据丛书本、《类聚》本改。

② 糍(yàn 咽)：根属。

③ 小儿咳嗽：原脱，据本书体例补。

④ 应：原作“隐”，据丛书本改。

白丸子加雄朱脑子，随大小作丸。凡儿患嗽，须分表里，未可一向攻嗽。若用金石药，直入胃脘，乃成提脾风候，手足勾曲，又何所益？巴豆、轻粉、砒霜药下之，肠胃不禁，须臾成风，亦何所宜？只用温平与表，顺助其气，滋润肺经，和顺三焦，其痰渐化，其热自退，不必攻击，所谓理嗽，宜用补气化痰，益肺生胃，胃开气壮，即嗽渐减，胃正即痰不生，肺滋即嗽不有。在乳母当忌食，

稍长父用安存，避风阻^①滋，忌毒慎冷。然小儿气弱，其嗽作热，与夫大人一同，用药调理，实不同耳。又有时气咳嗽，请其天时冷热不调，幼幼虚怯，受患者众，其嗽日夜不辍，或吐或喘，痰热壅盛，至重者，利之即愈，谓用大黄、朴消、枳实、陈皮、半夏、人参、厚朴、柴胡，心神烦闷，胸膈不快，方宜与服，无热与痰，亦不可下，伏请鉴辨，毋致得失。

^① 阻，丛书本、《类聚》本皆作“回”。

新刊演山省翁活幼口议卷之十二

议急慢惊风等证候总序

惊者，总名也，婴孩小儿，心气不足，智志率伏，恍惚无定，神不守舍，怯人怕物，渐作怖畏，怖畏之盛，已作恐惧，恐惧之多，乃抱怔忡，怔忡之久，则自惕愕，惕愕既有，瘵疢已为，斯乃心气不足而生之渐，但分轻重耳！又有心气虚弱，暴触作惊，更不由渐，即便面青唇白，视之定睛，目无所睹，听之哄聒，耳无所闻，精神顿亡，心智全失，及至良久收敛，且五脏六腑虚处所受，惊风而作疾，已述前议。然幼幼多因吮母不重之乳，耗其心气作惊以渐。凡小儿因水火所加者，悸也；自跌摸所致者，恐也；人物之所触者，愕也；惕惕不散，郁郁闷于胸堂者，怔忡也。是知积惊难散，由其不能自化，如恐恐悸悸者，盖自能知之矣。不为积聚且怖畏之诚，常在其中，无以自遣，偶因触闷心神，其肝主风，其脾生痰，其肺作热，其心发惊，四证相临，重者先发。假如雷声霹雳至响，不为咎者何？盖声相应，情无所加矣。惟有小儿在僻静处，或神庙中，心存怖畏之时，忽被无知小人，戏叫鬼来鬼来，且儿奔走无门，惊气入心，若不速利其惊气，少顷则指甲黑，唇口青，所受重害，不可得疗理。自古及今，调理婴孩，最为难事，悉皆凭药取愈，且惊风至难矣，慢惊又难也，慢脾候尤难也，今摘述调理小儿至难者，证候前后，有所不堪疗理，或古人未备其意，或已著于集，后人未明者，今与详悉本末，开陈利害，指于迷途，直径可进，庶有益于学者胸次。务家治产之夫，及仕宦子弟，易晓其理，幼幼阴阳，稍有偏侧，遵而扶之，不至夭横。暇日熟研，可补缓急，良士一观，足知野老肺腑，意不藏机，亦无缘饰巧伪，更无妄谄隐情，直欲普济。使婴孩初生，自幼及长，有患无疏，受疾不害，欢忻鼓舞，歌笑嬉娱，父母即无蹙眉蹙额忧苦之叹，怡然顺事，不劳再三，快哉！妙哉！至诚咸获休焉。

议急惊风证候

议急惊风证候，上窜反张，搐搦，口流痰涎，壮热并有之。其或有视左视右者，有僵有仆，僵，仰也，属阳；仆，覆也，属阴，拳握指有里有外，医分男女，定阴阳顺逆之理，有左右引搐，连及脚手，身体颤动，初则搐搦俱作，久而搐住只搦，有急有缓，但只肩动口瘵疢。瘵疢者，候之轻者，搐则盛也，搦又重也。反张，牙关紧急，喉中有涎，即是惊风候。如牙关不紧，口无痰涎，只反张搐搦上窜者，未可便作惊风候。盖夹惊夹食，伤寒疹豆，或三焦蕴热，五脏不宣，流入经络，热在筋脉，亦作搐搦。钱氏云：搐有真假，不言病也。前有云急惊量其分数者，是约热之轻重，而与利之。

议急惊若是正候，气粗涎潮，其证候猛紧，不只徐徐而来，搐即急促，唇口眉眼眨引连并。俗谚云：急惊惊爷娘，慢惊惊药王。然虽是说，治之有法，轻重调理。

议急惊先当定搐。搐由风也，风由热也。搐既已作，方可下热退惊，热若不退，惊亦不散，不移其时，搐搦又作，所谓过街候，乃是医家不明，才见搐定，便言安乐。仆谓急惊风难治有三：只有初惊时，其风痫发作，斟酌轻重，去风定搐，随而愈之，斯恐庸医，或常人执见，妄便下之，既下了，诸证犹存者，一难治也。又其儿正搐，亲人一向执捉，不令渠搐，且风痫不得纵恣，逆入经络，药力不及，虽病减瘥，根在血脉，或注经络，二难治也。又儿患疾，有顺有逆，顺即易理，逆即难疗，惟恐病延既久，不得良饵，证候传变，越去元由，而作它证者，三难治也。

议急惊风候，用药非谓难也，专至审察病候，循其法度，不荒不佞，次第下药，无不愈之理。多是病家仓皇，不求善医，信乎山野庸鄙之言，病候延久，不无传变，传即证重，变即候恶，凡经二三手，医药不效，儿受困苦，无能安乐。士

夫之家，收方录证，一旦儿病，证候危恶紧急，临时以何方对治，告急无门，众口嗷嗷，皆言有药，不明端的，一向攻击，信乎见识浅陋，担负不起，有乎得失，用药不及，则无妨事，可以疗理，若也太过，即时害生。

议疗婴孩，岂可以药有误，投之太过或不及，由尚不可，况越证候乃为冤枉。儿童虽分长幼，有患脏腑皆令怯弱，易冷易热，易虚易实，若攻之稍重，其不任彼药，孰言疾不瘳，反为他害，曷不谨欤！今著议急慢惊风及慢脾风方药，即是老汉指准，应备缓急至要，克效之者，不待^①更较可否之理。

议患惊、风、痰、热、痢、痉、瘥、癩，此八种候，惟痉与瘥少有识者，类同惊风发作之状。瘥，脚手冰冷；痉，举身僵仆。癩痢不殊，目睛流涎，手足搐搦，十岁以下，当作惊风，即谓之痢；至十岁以上，所发则曰癩。

议惊风痰热，已论在前，且惊与风，其痰与热，各自有本证候受病。急风为疾，四者并聚，有惊有风，生痰有热，或因惊而有风，生痰作热；或有热而作惊，成风生痰；或积痰而发热，热盛生惊变风；或久有风候痰涎，常有因惊而发热；调理婴孩童稚，四者形证，一不可有。善明脉医士，于暴作者，亦常知之，理惊截风，退热化痰，久盛二者，医风散热，疗痰镇惊，四证相须，药宜并理，古人处方，亦合此童。然学医者，不可不究其源远，若见候将作，寻常用方轻忽，病无少安，证传他候，不逆即恶，祸不旋踵。

议婴孩急惊风候，便须先审察四证，四证之中，面作八候。八候者，一搐，二搦，三掣，四颤，五反，六引，七窜，八视。一搐者，臂肘搐缩。二搦者，十指开合，搦之不已，即成握拳，男子看大拇指，其指握在外为顺，在里为逆，女子反看之。三掣者，肩膊搐掣，或连身跳起。四颤者，或手或脚，或头或身，四体颤动。五反者，身首反张。六引者，以手有如挽弓状，男子左手直右曲为顺，右直左曲为逆，女子反看之。七窜者，眼上窜觑高，男子上窜为顺，下窜为逆，女子反看之。八视者，男子斜目，视左为顺，视右为逆，女子反看之。即有四证八候，次第随生，若只去得惊风，且

痰热不散，未可言安，痰与热聚，将来必致痼疾。所治之法，其痰与热，须察之可下即下，痰热既下，惊风未尽消去，则病依前，又有发作，所言四证相须，不可留一。若理得惊风已定，随便下了痰热，且惊风不复有作，此理至为妙也。

议婴孩有患在痰热，未有惊风者，只可退热化痰，不宜妄投惊风药，何也？惊风之药，其味多寒凉，经络本自无事，稍有攻击，透其痰热，入于经络，却成风痰之疾，搐搦致之。

议婴孩五脏经络，虚即生风，既虚所受，且惊自然而有作，惊风有作，八证次第而生，所谓儿童无病，不可与服攻击所治之药。

议婴孩有大小，有壮弱，惊风发作，有浅深，但轻重，大者加分剂，重者多与服数，乃合其理。

议婴孩闻响即掣跳者，乃肝肺不足，魂魄不稳，故神有不安。即闻响掣跳者，非谓惊也，犀角地丸主之。又儿心气虚怯，神不安定，连并掣跳者，宜与四君子汤加辰砂。脾胃气壮，神魂俱清，自然不恐。

议婴孩欲发惊风候，先神不定，顾左复右，觑上及下，或已定其睛，凝其神，恍恍惚惚，怕物惧人，不若常日嬉戏者，急当疗之。如有热先退热，有惊散惊，热退不生痰，惊散不作风，良久自然安定，神情和悦，气脉舒畅。若待风变而理惊，痰盛而退热，事由至缓，不若四证俱全，由可治疗。

议婴孩急惊风发搐，手足不可执捉，及以手用力，灸之即伤经络，经络既伤，亦无所益，则废肢害体。

议医急惊风候，有大有小，有轻有重，有顺有逆，有偏有正，详审久暴，次第进药，且病家无不^②仓皇惊恐，医家须是正定，无自昏惑。

议急惊，即日用医，其惊气平和，方可调理，若以急惊之谓，调理事致缓也，慢医准此消息。

议医急惊，初用药在我，则我依候，遵法度，参传变，审缓紧治之，切不可信病家及左右人说，其所欲稍顺人情，有乎得失，主治在我，岂可

① 待：《类聚》本作“得”。

② 不：据文义，疑衍。

妄信，致之差缪，罪累谁耶？

议急惊，初无痰而后痰盛，初有搐而后不搐者，此证所传，候之全盛，人少知之。盖由初医纵恣，病家不谨，经三五家用药，或庸上所见不同，有太过不及之害，如此曷不谨欤！

议医急惊，须量轻重下之，得其中为良。且惊风顿去，痰热已化，不作后患；所下之药稍多，巴霜、膩粉为重，即传慢候无疑。

议婴孩有患风痉、风搐、风中等证候，皆上窜拳搐，号曰天吊，书载甚多。初无痰，后有痰，初作搐，后不搐，不拳身直，皆风之恶候，已是传过。若作惊风，更与下之，为害必也。

议急惊欲下之理，须在急惊上窜斜视反张所作之时可下，若传过，或已搐定，少缓之间，未可直便紧下，有乎得失。

议急惊用药，先与服截风定搐，次与下热，热去则无风，风散则不搐，是知以药之功在我童设，不至恣妄为咎，到此显功，方知难易。

议急惊，有上窜者，有搐有搦，有引有反，有偃有仆，有叫者，有泪者，有痰涎潮盛，有温壮发作，各随四证轻重而受之。急惊截风定搐为要，风搐既定，诸证渐息，定搐须用通关非搐鼻之谓通截风乃用调络。

议凡定上窜左视，乃于男女之顺候，忽反是则逆也。大抵逆则难治，顺则易理，不以逆证候为不可治。古入言难治，谓阴阳相反，证候乖生，须用审究其证，详察其候，以童尽力致之取效，而弗廖者，为之奈何？

议世方有云，治急慢惊风候者，言之失意，急惊乃是阳痢，慢惊乃是阴痢，正恐治阳作阴，治阴反阳，岂一药以全两证。又有云：治阴阳二证，伤寒之说能晓此理，可谓通变。

议急惊候至为要急，在于片时之间，若或差殊，互有得失，一时所见，见其端的，用药无疑，尚在疑情，未须投药，药发无疑，其童静善，疑在未发药之前，良且妙矣。

议急惊，头额心背原被灸了者，决定发痢，不可常药。仆尝谓风痢可灸，惊热不可灸。盖风之与痢，痰涎壅盛，冒触胸堂，昏乱逆闷，不能省知，心如所失，既灸著穴，痰化心开，即渐安愈。

惊之与热，心神常存，闻知被灸，忍痛不能，惊悸转盛，其疾差重，所以用艾在先，药必未有益。

议惊风疾愈，未尝见因灸而活，每见老姬鄙妇无术，只投艾炷，儿生三五日之间，便以艾烧之，不惟失穴，因痛增悸，经络未全，如何愈病？智者消详，不可枉究。

议初生尚为腐血，三五七日，有患吊肠锁肚，世言入带锁匙相冲，愚曰非也，客忤所致。初生气弱，不任其邪，肚紧青筋，肋肋胀满，气促禁口不乳，斯证但用真珠天麻丸下之，才通即愈，屡救初生，无不获安。若经患服药得痊，长大皆肥壮重实，未详其童，请较之。答曰：初生之儿，方离淤结，分降之后，偶被邪气干乱，脏腑微怯，不受其触，故作疾曰吊肠、撮口、锁肚，乃以天麻丸，推下恶毒，虚邪之气尽去，血脉顺得流行，脏腑和调充实，自然肌长气壮，形神俱备，体质醇厚，诚为可爱。

议婴孩又有脐风，因断脐不如法，有伤脐带，受湿乘风，由此成患，皆能撮口，乳食不下，膨胀青筋，脚直无力，只依脐风治法。

议发急惊风，吼叫三两声者，难治。心受惊触，痛绝于内，乃伤其根本之谓。

议发急惊风，未投药，四证俱全，已服药，四肢垂痹者，难治。

议急惊喷药者难治。又药不下者亦难治。

议急惊搐搦之后，四肢俱软者难治。

议急惊发作之后，脚作摆跳者难治。

议急惊搐后，目睛翻转者不可治。

议惊风搐搦已住，神情缓慢，手寻娘衣，或自寻身体者，亦不可治。

议惊风证候已住，但神情昏慢，气促者，未可保治。

议惊风证候已住，其儿拈物不舍，情性缓缓于中，非谓十全，必其再发之理，如或再发，不可调治矣。

议急惊风，鼻中出血者易治，口中出血者难治。鼻中出血者，其热已散，故易治；口中出血者，心血妄行，故难治。

议惊风屎尿已遗者难治，大小便闭者易治。

新刊演山省翁活幼口议卷之十三

真珠天麻丸 治急惊风，请量用之，以通为度。以方仍治吊肠、锁肚、撮口，至为绝妙，功效无比。丸如麻子大，初生患儿三日三丸，五日五丸，七日七丸，加青黛名青黛丸。

天南星炮 天麻 白附子炮，各一钱 膩粉半钱重 巴霜一字 芫荇炒 全蝎面炒 滑石各一钱半

上事治为末，水煮细而糊丸，如麻子大，每服一岁五丸，二岁十丸，大小加减，薄荷汤点茶清送下。

议曰：此方乃下惊风，又去痰热，须先服截风定搐，次与下之，切不可多利之，但通为度。宜其询问前人已未曾下，惟恐病家不晓此理，遂致疏失。若初医在我，则当循证截风定搐，或朱蝎散，尚有痰热，宜与下之，免作风候。且小儿被惊发风，胡不知先有热在脏？若知有热在脏，甚勿惊着，盖热盛即心气虚，一惊触心，心气迸散，所以而青唇白，良久惊气却收。其或肝虚入肝，肺虚入肺，五脏六腑皆由虚处，其惊气自然投入，因而作疾，前歌亦载。然急惊之急，痰热相触，触乱神情，气脉互驰，经络乘热，热即生风，风热不散，筋吊脉缩，或搐或搦，或掣或引，各于轻重所适而然。善医者，截风定搐，有热与痰，随而下之，其搐搦自定，拳挛自舒，吊缩自宽，风热自散，何患气不苏省，神不舒^①畅！直言至简，良士当知之矣。

却风散 治婴孩小儿，急惊风候方作，搐搦，热盛涎潮，宜下之。

天南星四枚，炮去皮，为末 巴豆四枚，出油如霜 大半夏十枚，用甘草水煮熟，切，炮，为细末 白僵蚕去丝，炒，一分 全蝎炒，一钱，去尾

上件和匀，每服一字许，煎金银薄荷汤调下。

揭风汤 所治在前。

全蝎去毒，面炒，一分 天南星一两，为末，水调作剂，包裹蝎，煨令赤色，蝎不用。炒亦得 天麻一分

朱砂一钱，另研 轻粉半钱重 脑子一字 麝一字

上件为末，和匀，每服半钱，煎金银薄荷汤调，以通为度。

青金丸 治婴孩小儿急惊风，痰涎壅盛，欲下，去痰退热。

巴霜半钱匕 青黛一分 天南星半两，炮 轻粉一钱重 滑石二钱重 全蝎二钱，去毒，炒

上为末，水煎面糊为丸，麻子大，每一岁五丸，二岁七丸，三岁十丸，大小加减，用薄荷茶清送下，以通为度。

议曰：凡看小儿证候，不问长幼，目视指切，心究童到，医权药衡，准鉴疾之轻重，所谓斟酌对治，以遵其法，药入肠胃，犹合符节者，上也。按睹之后，忖度方法，思惟料理，良久始达其源，用医投药者，次也。不体全功，何谓难疗？非谓四证之异端，乃谓究竟，不若是今议惊风之候，有急有慢，鄙夫以搐急谓急，搐慢为慢，斯说未当，古人言论阴阳痢者是也。阳痢曰急惊，阴痢曰慢惊。阳痢颊赤体热，唇红脉数，牙关紧，口流涎；阴痢者，吐利作热生风，不有阳证，惟有搐搦，毕竟脉来散缓，乃是阴候无可疑。惟是阳证传阴，阴盛阳亏，阴证作疾，速用扶里。如急惊风候，阳盛阴亏，阳气刚壮，当用下之，使阴阳二气均平，调荣卫，二脉和顺，方乃可宜。前件方药，轻则揭风，盛则劫风，重则青金，或以真珠丸，请详而后以其功，察之轻重，审以汤剂，得中胜妙，莫令违也。若或怠缓，害加祸生，医者主察，勿令致咎。

截风丹 治婴孩小儿，四证已作，八候未具者，速宜与服。

全蝎去毒，炒 白僵蚕去丝，炒 天麻 白附子炮 天南星炮，各一分 朱砂一钱 赤脚蜈蚣一条，酒炙酥 麝一字

① 舒：丛书本作“和”，两通。

上为末，炼蜜为丸，鸡头实大，每服一二粒，煎金银薄荷汤化下。

定搐散 治婴孩小儿急惊，四证八候俱作者，宜服。

天麻 白附子炮 天南星炮，各半两 蝎梢炒，一分 朱砂一钱 代赭石一两，煨，米醋淬七次 雄黄一钱 乳香一钱 白花蛇头一分，酒炙 脑一字 麝一字 赤脚蜈蚣一条，酒炙

上为细末，每服半钱，煎金银薄荷汤调下，炼蜜丸如鸡头大亦佳。

议曰：搐证未作，痰热壅盛，故生其风，风不自散，流入筋脉，又入经络，遂发搐搦。定其搐搦，先用截风，风若不加，则搐搦自息矣。且搐搦已作，痰热尤盛，疾候传极，其风不可得而截，搐不可得而定，由如遗漏，炎炽猛烈，难以扑灭，如此患者，理宜下之。大抵阳痢用下乃良，阴痢何以加之？儿分长幼用药，惟有发风作搐，大小皆然。风之为疾，猖獗冲突，乃五脏虚处受之，察之在证，疗之未萌，由惊而作，或痰与热而为，审其搐，定其痰者要也。有其风即发搐，有其搐即因风，截风定搐，其议相续。今述截风散，不待搐搦，才觉风痰，惊热有作，便与服之，令不搐搦，故曰截风。既已搐搦并作，宜与定搐散御之，御之不散，与服暖金丹，其势加重，即与下之。且下之法，医家出不得已而为，劫风、揭风、青金三方，量其轻重。今人直便拟下，更不截风定搐之药，得失之议，皆由忽遽昏惑，智者良工，幸宜考较。

暖金丹 治小儿急惊，八候四证未全脱去，尚存风热痰涎，其惊风证候，欲再发作，宜服暖金丹。

天麻一分 白花蛇炙，取肉二钱，如无，乌梢蛇代用 全蝎二十一个，面炒 蜈蚣赤脚者二条，炙，去了毒 白附子炮，一分 白僵蚕二钱重，去丝炒 黑附子尖三枚 牛黄一分，如无，以黄牛胆者代之，加用 天南星炮，半两 辰砂令研，半两 麝一钱

上为末，炼蜜为丸，如皂子大，煎金银薄荷汤磨化下。

议曰：所患惊风痰热四证，皆能搐窜斜视反张，惟是惊风作搐，名曰真搐，为其病受不传，即

作痰热所发，或因伤寒等疾发作，总名假搐，为其更有传变。其时亲人仓皇，那堪医者昏惑，投药不当，发作致久^①，虽假搐，失治或治不当，则传入经络，又成真搐，无可疑二。其病在痰热，手不捉握，目无斜视，且儿知其非常动作，故加惊惕，惊成传风，惊风相袭，何谓假之有？又其医工察证无全功，疗治有失节，药参证候不同，祸害生焉。暖金丹者，清心肺良工，化痰涎妙饵。夫风候出乎肝，惊病发乎心，若清心肺，则肝受制，风不加传，即可疗理，聊举一隅，智者深详其方，良可佳欢。

益神定志丸 治婴孩小儿，急惊风证候，发作已过，神不安稳，恍惚怯人，怔忡烦悸，闷郁不爽，宜服益神定志丸。

白茯苓 茯神去心 远志去心 人参 白附子炮 天麻 天门冬去心 麦门冬 羌活 甘草炙，等分

上为细末，炼蜜丸，如皂子大，朱砂衣，灯心薄荷汤化下。

议曰：儿心本恬，神本守心，魂魄藏乎肝肺，惊风出乎痰热，由其鼓动心神，反乱气血，则风与惊，流动四肢百脉，五脏六腑，何以自安？三关九窍，何以自通？若先以所治之药，令得气脉平和，心神安定，犹其尚未宁贴，恍恍惚惚，恐悸者有之矣。宜与此方，存养魂魄，安定心神，脉全气固，血调神爽。其或热存经络，痰留脏腑，不可以寒凉巴豆、大黄、黄芩之药，但益神清心，调脉定志，常服此方，惊风不再作矣。

牛黄清心凉膈丸 治婴孩小儿，凡有四证八候，其经络身体等间，忽觉神不安稳，或有痰涎，或向火加绵，里久有热之时，速宜与服。不动脏腑，和益脏腑，平调荣卫，顺助血脉，去风化痰，散惊解热，大有功效，若作慢惊风候，亦宜兼与服之，其证候已退，更可与服调理秘方。

天南星 半夏 白附子 川乌各一两，并洗 川郁金半两

以上为粗末，用黄色牛胆二枚大者，倾出碗

^① 久：此下至卷末“恐利动脏腑，切敬之”大段文字脱落，据《类聚》本补。

中和药,却用竹片子匡开胆口,以竹叶挑入,灌令胆满,药尽为度,如胆汁少,以二三枚汁并之,麻绳缚住,悬挂当风处一月,日干,去膜收拾,每修合,添入下项药:

马牙硝 朱砂 雄黄 硼砂各一钱 脑麝少许

上胆药一两,四味各一钱,脑麝约之,细面煮稀糊丸,如麻子大,煎金银薄荷汤下,一岁十丸。二岁倍加。

议曰:古方所用黄牛胆制南星,出钱氏方,甚良。此方近世名公处之,又加数味,得其至理,可谓通神妙用,有达今古,岂可谓之等闲?常俗鄙见,不知其妙,所造须腊月方佳,余月不可制度,应是幼幼不问壮弱,有其前件证候,悉宜服之。小儿平常无病,不可投剂,恐药服多,顽玩脏腑,不即为效。疗治之法,若以调和之药不能取愈者,易之以攻击,若以安贴之药未果致效者,宜革之以利,为消息轻重,用之无忽,不可执滞丸散,若也,胶柱调经,医犹失其通变,于胸次无可为藉,所谓庸鄙而已。

牛黄散 治婴孩小儿,急惊风,脚手搐动,八候俱作,牛黄散方。

全蝎六个,炒 巴霜一字 轻粉半钱重 雄黄三钱 朱砂一钱 川郁金一钱,皂角水煮熟,焙干,再炒 麝 脑各一字

上为末,和匀,每服一字半钱,煎金银薄荷

汤调下。

议曰:此方医急风至良,但审轻重投剂,一服减瘥,此非常服,亦非调理之饵。正值关窍闭塞,痰涎壅盛,气不宣通,经络不顺,心神闷乱者,服之顿苏。或自通利,或已取利,不宜与报,反成涂荡矣。疗急惊风,当用此方。痰壅并宜其通下,痰涎即下,即便助胃,观音全蝎散速与连服。未药之前,不可踌躇,稍定之后,不可荒略。若审察其候,痰涎复作,岂可更下?须于慢惊证候理之。病家意急,荒用他药,或尔投药参差,哀哉!

天竺黄散 治婴孩小儿急惊风候,搐搦发作,常方疗治不堪者,宜服天竺黄散方。

天竺黄真者二钱 天南星炮,二钱 草乌光面者,炮一分 马牙消一钱 丁香一钱,不见火 膩粉半钱重 龙齿真者二钱 川郁金一钱 白僵蚕去丝,炒,二钱 脑子 麝香各半字

上为末,和入脑麝,每服半钱许,煎金银薄荷汤调下,才通即便涎下,次用益神丸,清心丸,兼苓散与服。

议曰:凡儿所患惊风,前人用药,截风定搐不住,热壮候存者,当用下却痰涎。其痰涎已下,热退风搐既定,即与平和调顺胃气,安神定志,不可更下热药,其候再作,依前又搐搦。此方亦非常服,直下痰涎,妙不可述,痰既下,且惊风自然而然息。勿服太过,恐利动脏腑,切敬之。

新刊演山省翁活幼口议卷之十四

慢惊风传变_{治法截要}

凡慢惊风候，若是急惊传来，而尚阳证，其阳即亏，不必回阳，又不特治阳，只可截风调胃，均平阴阳，可冷可热，可缓可急是也。若直便与服附子、硫黄之辈，使阳归阳，又是急惊，学者理宜知之。既知阳证传作阴证，即与服保命丹三二服，兼前牛黄清心丸子，其有四证且八候，稍缓疾成阴病者，即与服之。若已传过，八候不作，四证尚在，只冥冥者，与服定命饮子。若脚手冰冷者，乃四逆候，方可回阳。次第眼合者，即传作慢脾风候。其儿惊风，痰涎壅盛，搐搦不止，不可下者，宜与灵脂丸。其痰热壅盛，口角自垂者，白羌丸功效。惊风搐搦，身体虽暖，风痰不化，宜服天南星丸。

议婴孩所受，此等证候，别无他疑者，只依下项用药，无不苏省，切不可延久。其阳易化，阴气渐盛，药力不及，使人难治，又不可一向连并服药。每次一二服了，须审察证候缓紧，有无传变，稍觉宽定，其药放慢，或势渐紧，宜以次第紧急药与服，不可执滞一药，又不可便换汤饵，连并用之，所谓察其轻重，审其进止而后已，今著妙方，不劳检阅，修合如法，对证投治，克效万。

议慢惊，若是急惊传来，是知前人不曾截风定搐，阳脱而转阴，阴重阳亏，其风与热随流纵入经络。又有曾服大寒凉药过多，又有下积取泻致作，又有脏腑虚寒洞泄而为，其所受多端，已载前篇。

议理慢惊，当知阴病之说，其证属阴，脏寒气虚，尚或泻泄不止，且惊正作，多因无识之人，一向治惊，更不理泻，药用寒凉投之，令气愈虚，泄泻不止，阴证愈重，惊搐愈增。若用止泻药稍热，八候复加，四证不退。慢惊虽曰难治，盖医亦不曾究竟，病作加进，深为重害。

议慢惊当察之所视为要，眼睛昏定为重，窜视为重，四肢厥冷为重，睛定不眨为重，虽眨不左右顾亦重，汗出如流亦重，口而忽作惨黯色至重。感风搐搦，慢惊眼在半开半合之间，乃知阴气所盛，传入脏间，阳气已亏，脾经属阴，次第入脾，故言慢脾风候。

议医慢惊与急惊风候，自是不同，未可一向下定搐药。急惊谓关窍不通，故以脑子、麝香等药通利，定其搐搦。慢风阴重阳亏，诸经日虚，不宜通关，又凉其脏，易作慢脾风。

议医慢惊不可争攻，急惊阳痢稍易理，慢惊阴证最难治。服药已愈，而尚虚乏未省，三五日之间者有之，俗谓过街候，发无定论，不可轻易妄剂投之攻击，则前功俱丧。

议慢惊所治之理，须问原因所发。若是急惊传阴为慢惊者，乃阳痢所作阴痢也，当察阳证未纯，具阴证用药斟酌。如因泄泻而作慢惊者，男儿为重，如因吐逆而作慢惊者，女子为重，即阳脱而阴盛。小儿有长幼之别，脏腑有虚实之分，有泻三五次便成风候，乃由虚之盛也；或有二三日泄，方成风候；或有五七日泄不止而成风候；暴泻成风，由可速治，盖回阳、调中、补气之为易，若久泻渐传成风候者，为虚为乏，故难疗理。

议婴孩小儿洞泄成风，以补药治之宜用附子药，脏寒洞泄当服，取泻成风因药下积，宜以温脾壮气药调之宜服观音全蝎散愈之，有服寒凉药成风下药太凉，致令脏腑先寒，遇冷药吐泻，即传成风候，以助气醒脾药温之王氏大惺惺、大喝起散服之即效，若手足冷，回阳宜术附汤效，阳痢传作阴痢者急惊传作慢惊风候，以截风药治之服前方截风定搐药，若在前三者慢惊候，便以截风，往往未为当，盖由病自虚乏得之，所以云调补之理。

议慢惊证候，所以用药不一，治疗不等，由发作不同，故述在前。虽则四者之议，犹为大概，智者得之开发，详其轻重可否之意，而施設之。

议医理慢惊之候，其意在慢，治急惊之候，

其意在急，何也？且急无过，因热生风作惊，跌扑作惊，他物触之作惊，惊热传极，即变生风搐搦等候，皆热所乘，若也顺证依法下之，诸侯自息。然慢惊所作不常，当宜省察，用意仔细，所以故宜消息为之慢也，不可仓皇恐惧，有乎得失，非失治踌躇疑二为之慢也。又曰：慢惊无争攻，盖所疗至为难事，无妄当何？

议医慢惊不可与语无妨，疏脱有之，无诚不谨亦有之，未见不明亦有之。又不可言难，恐于人事，但存妙理，究竟深得法度者，投药必愈，不晓于理，裁度未良者，千万无顺人情投饵，既无可否之说，若或所见不到，即与善术者调治，庶不枉冤。若也坏证伤候，必败其德，实有勉强仓皇者耶？

保命丹 治婴孩小儿，急惊风候传慢惊，宜服保命丹良方。

白茯苓 朱砂令研 白附子炮 牛黄如无，以制者加用之 天南星炮，各一钱 全蝎炒，半两天麻炒，一钱半 甘草炙，一钱 硼砂一钱 脑麝各半字

上为末和匀，薄糊为丸，鸡头大，每服一丸，金银薄荷汤化下。

议曰：此一方已述灵秘，所治急传慢候，用之极良，其药纯和，却惊安神，化痰定搐，功效非常。然急惊传来，初入慢惊，须较阴阳亏盈，乃为法则。阴盛阳亏，方谓阴痢，荣虚卫弱，方传阴痢，心惊神散方传热，热经巢络弱方传热。热痢之为病，四体不收，精神失守，百病千邪，五脏受虚，但随四证，而作八候，医工当察标本理之。若也证传候变，即入慢脾，十死一生，至为难事，请究所受疗理，越于古童，或太过不及，总为虚设。

观音全蝎散 治婴孩小儿，因吐而传慢惊风候，宜服观音全蝎散。

黄芪一分 人参一分 木香一钱 炙草 石莲肉炒 扁豆炒 白茯苓各一钱 白芷 全蝎 防风 羌活各一钱 天麻二钱

上为末，每服半钱一钱，枣子半个，水一小盞，煎至半与服，不拘时候，慢脾尤宜服之。

议曰：观音散，东汉王氏所著，调理婴孩，清神固气，补虚益脉，开胃止吐，醇乎醇，善之善者

耶。所缘用药截风者，何正于危急之际，却作两饵投之，先与生其胃气，次服截风定痢，如此疗理，不惟迂曲致缓，又且未能药入脾胃之间。悟其至理，两剂一行，或加白丸子末以半和之，乃尽其妙。

犀角散 治婴孩小儿，因吐泻神困力乏，欲传作慢惊风候。

犀角镑，一钱 白术二钱，水煮过 甘草半钱，炙 陈皮旧者良，去白，一分

上为末，每服一钱，水小中盞，金银薄荷同煎三五沸，通口无时。

议曰：此方治小儿因吐泻，神困力乏，欲发慢脾风候，正谓救急，不可令缓。若已传受，即风即热，即痰即惊，交相致作，神散不定，上窜搐搦，悉由脾虚之所致也。脾经既虚，次第胃虚，其药白术、陈皮，预理脾胃，犀角退热去风，热既不作，痰无发生，醒脾壮胃，风何得有。渐见苏省，兼与醒脾散及既济丹间服，一向取愈为良。其方全不用逐风化痰之药者，盖是证候欲作慢惊，所以未宜先投紧急药，故用此方，谓之和剂，一正其脾气，得无传变，不劳疗理，简轻微妙，稽首智者作之，施功利益而已。

醒脾散 治婴孩小儿，吐泻不止，痰作惊风，脾因昏沉，默默不食，醒脾散方。

木香炮，一钱 全蝎炒，半钱 天麻炒，一钱 人参一分 白茯苓一钱 白术炒，一钱 甘草炙，一钱 白僵蚕炒，一钱 白附子炮，一钱

上为末，每服半钱，大者加服。水少许，枣子同煎，至五七沸，通口无时服。

议曰：此良方最为胜善，小儿吐泻，脾虚作疾惊风，神困气弱，沉沉默默，皆脾经虚乏已盛，风痰并聚，故尔不醒，宜多与服，仍加既济丹及观音全蝎散俱良。其疾复有引掣搐搦，无与惊风丸散，及脑麝寒凉等药，其证愈恶，其候愈盛，不惟惊风未退，且痰热助之，令儿作疾传变，传即慢脾，变即阴逆，慢脾尤载方药，尚可理之，阴逆之候，何可医治？阴逆者，阴谓阳气欲绝，逆谓受证不顺，不顺欲绝，但增吁嗟，使人无所措手，醒脾良方岂可隐匿。真所谓活人饮子。

神保既济丹 治婴孩小儿吐泻，或已作风

候,服之功效。

硫黄 焰消 陈橘皮 青橘皮并去白 五
灵脂川者良 半夏曲炙炒皆可

以上等分,硫消二味,和研令匀,一处用磁器熔汁,倾出候冷,细研,旋入诸药和匀。

上为末,秫米粉,水煮糊为丸,如麻子^①大,每二岁儿服三十丸,大者加之,并温饭饮下,空心食前,此方均分阴阳二气,多服有益。

议曰:阴阳二气不均,冷热相制,惊风已作,搐搦已定,或阳亏阴盛,或阴亏阳盛,或惊风未散,吐泻不止,或呕逆,或发喘,或脚乎渐冷,或眼目欲合,或服凉药太多,或虚烦不定,或沉沉默默不省,或恍恍惚惚生惊,但胃气未脱,速与服之。若是危急,不待作丸子,只以未温饭饮调与服,以愈为度。若脚乎冰冷者,服之立温,未止者,服之立止。虽慢惊慢脾风候,并宜与服,仍加薄荷汤使尤良。智者明理,必加钦重,愚者蒙昧,必怀犹豫。此方至良,少有知用,请敬而行之。

定命饮子 治婴孩小儿吐泻,脾胃虚弱,

发作慢惊风候,搐搦不已,医工截风不止,取痰不下,散热不退,即惊不去,其证欲传慢脾风候,宜服定命饮子。

半夏拣羊眼者,半分 天麻一分 甘草炙 白茯苓 白术 老生姜各二钱

上件一处,用水一盞,于磁器内煮令水干,将半夏、天麻、白术、茯苓切焙,为细末,每服半钱或一钱,生姜枣子汤与服,无时。

议曰:此方健脾化痰,去风散热,功效如神,医工少有知用。初学之士,只知有脑麝香窜者方用之,俗夫便言好药,殊不知脑麝乃医家出不得已用之,其物通利关窍,开闭塞,疏腠理,利骨节,其药属阴,能化于阳,只有急惊宜用,慢惊慢脾伤寒等患,悉宜禁止。其或疳痢药用之,虚者亦禁。惟有痉瘲癩痢,宜用定命饮子,屡经效验。野老处定此方,其效遗化,深智高明,往往钦消。痰搦连并,脉息虚怯,不敢顿下者,宜与灵芝丸。若乎足差冷,兼进回阳。行医用药,至于此等证候,乃主治活伤之权也。

^① 麻子:清本均脱,据《婴童百问》此方用药补。

新刊演山省翁活幼口议卷之十五

慢脾风候治法摘要

慢脾风候,即是慢惊风所传,原由吐泻脾虚,惊与风传入,故曰脾风。谓其脾家受风,若更逐风,无风可逐,若也退^①惊,无惊可疗,但有疔涎,虚热来去,儿病至此,所以难医。盖由证与候,惊与风,传经已极,总归虚处,惟脾所受。何故不曰胃风?胃属阳,其病即传阴脏,故无胃候。儿既尚有胃气,可以一向生胃,兼与回阳,即渐苏省。若更一向攻击惊风,脾亦不受,而又传散诸经,不可得而加药,若见眼合,即是脾风,宜服下项药。

议治慢脾风,乃是不得已而设,其疾危,如灯无油,渐见昏灭,钱氏所用金液丹,又青州白丸子各半,细研和匀,饭饮薄荷汤下一钱半钱许,此乃截风回阳。又一方,以四君子汤加黑附子末四分之二,脚手冰冷者,用和对半生姜枣子煎与服。此方古人用之,岂不同常,所较下项良方,亦尽世之善也。

议治慢惊慢脾,须禁脑、麝、腻粉、水银、巴霜^②之类,及寒凉动脏腑等,或以燥热,俱不可用,只宜回阳醒脾汤使与服。

议慢脾风候,十个孩儿,有^③个以艾灸之,须当斟酌病候。有已未脉绝之理,若也一脏绝,即不可用药,谓如眼无光,指甲黑,四肢垂^④,五体俱冷,并不可勉强下药。

议慢惊风候,至子痰涎在膈之时,诸脏皆虚,喉中声如拽锯,一二日之间不散,但只闭目,此乃虚之盛也。只是虚痰饱养其气,未有所知之者,直便下去痰涎,其儿随时化去,宜用下项妙砂丹,服之乃良。

议婴孩所患急惊、慢惊、脾三者,皆由风痰所作,以渐传及,未有初得病而便慢脾,或急惊传来;或即吐泻而得;久痢,其气虚脱而得;伤寒表里俱虚,传入阴证,亦成慢候;久嗽成病,亦传

慢候;霍乱吐利,亦传慢候;脾困久睡,亦作慢候;吐血亦传慢候;虫积冲心,亦传慢候;肝风筋急,亦传慢候;大小便闭,亦作慢候;心虚烦躁,亦作慢候;烦渴引饮,亦传慢候;腹肚疔痛,亦传慢候;睡里咬牙,亦传慢候;日夜汗出,亦传慢候;走马疳急,亦传慢候;诸般丹毒,亦传慢候;龙带缠腰,亦传慢候;膀胱吊疝,卵肿茎曲,亦传慢候;茎曲,阴茎勾曲,四体浮肿,亦传慢候。以上小儿所患诸疾,皆能传作慢惊风候,由慢惊乃传作慢脾,脾气既绝,胃气无尽,无可得而治疗故也。

议婴孩五脏,易冷易热,易虚易实,医方并不治腑受病,曰脾不病耳,曰非也。小儿在腑有疾,自愈者有之,在脏不可不治。脏者阴属,腑者阳属,谓小儿先阴而后阳。又曰:小儿乃纯阳之气,在腑则顺,在脏则逆,故前贤皆理其脏,未言治腑也。又肾一脏,常主虚,不可攻疗,若也肾脏患,但清心肺,缘心与肾,即既济也,肺与肾乃母子也,无与肾药及诸补药。若治肾脏,即他病发生,故戒止不可疗。

议婴孩慢候,皆由脏虚,阳亏阴盛,应小儿所患脏病,阳虚阴盛者,无不入慢候而毙,惟吐与泻,病与积,致入慢候,其证速也,虚又速也,宜用良方治法,循其次第,无不获安。然其慢惊脾,无令速愈顿疗之理,既和且平,更用调脾养胃,万万不可过剂用冷热汤药,若失之即吁哉。

白僵蚕丸 治婴孩小儿,慢脾风候,痰涎潮盛不化,宜与白僵蚕丸良方。

制牛胆五味者一分 白僵蚕去丝,炒 钱子地龙 五灵脂川者 全蝎炒 半夏末各一钱,用生姜汁浸

① 退:丛书本作“逐”。

② 巴霜:丛书本、《类聚》本皆作“粉霜”。

③ 有:此下疑脱“一”字。

④ 垂(duò朵):下垂。

上件为末，水煮半夏末糊丸，如麻子大，每服三十丸，煎金银薄荷汤下。

议曰：脾家有风，乃虚所致，惊搐所由生也，痰涎是故作也，阴病不暴，其实骇医，若也意急，投之冲烈，愈见害重，诚为不可。所以禁却脑麝通利关窍之药，悉无利益治法所宜者，今选用妙方，顿以活人。白僵蚕丸，一味去痰，尤能截风，既已传入慢脾，则风痰混致，惊热交临，医工看候，药用当权，未敢决之可否，候未脱去阳者，直宜与服之。若阳亏阴盛，至危至急，候变非常，精神色脉，骇于人情者，当服下项良方。

附硫丸 治婴孩小儿，慢脾风候，附硫丸散方，四肢冷厥，服之尤佳。

黑附于尖二个，去皮，生用 蝎梢七个 熟硫黄末一钱匕

上件为细末，生姜自然汁和丸，每一岁二十九丸，米饮下。

黑附汤 治慢脾痰盛，四肢逆冷，黑附汤方。

黑附于炮，取末，二钱重 白术一钱 南星炮，一钱 甘草炙，一钱 半夏一钱，汤洗七次

上吹咀，每服二钱，水小小盏，生姜三小片，枣一个，煎至半，去滓通口，以匙挑与服，所觉手足暖，其候渐省，药即止之。

服砂膏 治婴孩小儿，慢惊风传慢脾风候，有冷痰在膈，潮作不散，此疾虚久，不可顿下，其儿搐缓，昏困至重者，宜服此方。

大黑附子一个，八九钱重者，去皮脐，顶上刻一孔，入粉霜、硫砂各半钱，内在孔中，用附末塞，烧灰存性 天南星炮，半两 蝎梢 羌活各一分 朱砂半两，飞过

上为末，以朱砂和匀，炼蜜为丸，鸡头于大，每服一丸至两丸，煎金银薄荷汤入酒三五滴，点化与服。

议曰：此三方，皆用黑附子，直不可执谓性热，儿在幼小，碍与服之。其儿患脾风，脚手冷者，有微有暴，审其轻重，轻即用汤，盛即以丸，意即以膏服之，皆效。须候手足暖，阳气回，即为之快矣。既已温暖，更与醒脾正胃药兼服，除是慢惊传人慢脾候，方可与服之。硫黄其功甚速，

又且逐风化痰，醒脾正胃，温暖脏腑，补益肠胃，夺命回阳，省活危困，至验至良，切不可仓皇妄投丸散，或太过不及之时，则致咎于后，万宜孚受，不至诬诞故也。

七宝妙砂丹 治婴孩小儿，慢惊风及慢脾候，神情昏困，膈上有虚痰，不能得化，不可服巴豆、轻粉，恐动脏腑，只将神仙所留妙方与服，其痰须臾自下，良久神情已定，眼目微开，渐与温平药调脾胃，兼顺理惊风药与服，勿更攻击。其方乃一文开元通宝铜钱，名七宝妙砂丹钱样见后。其钱背上下有二月字，只有一个月字者不用，钱色淡黑，颇小诸钱，将钱顿铁匙头于灰火内烧，霎时四维上下，各出黄白珠子，通舷都是，将出候冷，倾放茶盏中，入朱砂末少许，只作一服，煎金银薄荷汤送下。多枚此钱，准备缓急，或先烧成珠子，收拾亦得。此方坠下小儿虚痰，别无他证候者用之，乃保十全功效，无可疑议。



此是钱样

议曰：调治婴孩小儿，慢脾风候，无过前件药，对证克效，须审慢脾已传未传之理，其儿眼开未合，尚在慢惊，脚手不冷之时，未可便与回阳，且与七宝妙砂丹一二服。眼合沉困，阴证极盛者，方可与服回阳。凡服回阳醒脾汤剂，手足渐暖，仍与观音全蝎散及醒脾散兼服。凡慢脾风候，最为恶证，只可前方调治，虽曰紧急，不得并杂，用之泛泛，不惟无益，枉劳其功，虚延其候，闲养其疾。此疾传阴，阴重病盛，如灯无油，只见次第蛻去，若不助阳生胃，只知截风去惊，儿疾转见增重^①。且儿阴证，未至十分，与药加其寒凉，攻得阴重阳亏，难以救疗。若也失其阳气，随阴而化，所谓制之在始，无在于末，医慢脾风证候，如其所述用药，由可救活，若鄙夫意见不同，难以省活，嘘哉！

① 重：《类聚》本同，丛书本作“长”。

痲疾证候

古方具述多端，王氏著载有三，惊痲、风痲、食痲。风痲之疾，由于风热而作；惊痲之候，由于惊积而得；食痲由于食时而得。其惊三者发作，大抵相类，风痲有热生痰；惊痲神魄散乱，恍惚无定；食痲因食而致惊，食未克化，气仁关膈之间，生痰致风，由风成痲。

议治风痲，先用化痰，宽利胸膈，开通关窍，安镇心神，定^①其搐掣，然后与治风痲药服之。

议治惊痲，先治三焦，利惊去热，安神定志，平调五脏，温化痰涎，然后与治惊痲服之。

议治食痲，先用推下关膈停积惊气，次和顺中脘，次安脏腑，然后与治痲药服之。

议曰：惊之与痲，风之与热，皆递相袭，有热必恐有风，有惊必惧成痲。治风先退其热，治痲先用散惊，此乃至要之议，学者当明其蕴。所言痲之为疾，古述繁多，或云六畜，牛、马、鸡、羊、猪、犬，其声音相类，形体相尚，有若六畜之状，故得其名。《宝鉴》载云一百二十种，其说大繁，其传乃热，但是痲疾，无越三证，皆由所生，总而言之，不必烦求，有碍初机，枉究遂成艰学。如此一病，尚陈罗缕，向其惊风者乎？王氏编之，得其详要，以合礼法，今则著书，特示良妙，截治至简，庶几所受，顿渐痊愈，靡不快欤！学者深详，必无枉究。

治小儿食痲，先用真珠天麻丸推下，次服定痲妙药。

治小儿风痲，先用化风丹去其风热，次服定痲妙药。

化风丹

法制黄牛胆二钱 羌活 独活各二钱 天麻
防风 甘草 荆芥 人参 川芎

上为末，炼蜜为丸，如皂子大，每服一丸，薄荷汤化下服。

议曰：风之为病，其状多端，皆由腠理疏弱，荣卫虚怯，经络不顺，关窍闭塞，其气蠢蠢郁勃，音拂其脉凝注征役，有同天地晦冥，日月晕蚀，随暴发兴，精神俱溃者，一身四体皆不我有，是

谓风痲之至也。所谓化风，化其所受之风，不待久传迅变。凡该五脏蕴热，三焦作壅，速与流利，热即风生，壅即风长，关窍不通，其风何能自散？若言化之，即助顺之，其荣卫经络，顺得流行，若也便与截风定搐，为已成痲，其风不散，若也攻击，即冲任百脉，虽不发作，毕竟隐伏，久而再发，无能去根，此方得名化风，不复加进矣。

比金丹方 治风痲^②。

人参 白茯苓 远志去心 山药 辰砂
天麻各一分 石菖蒲 川芎 甘草炙，各一分
天南星炮，二钱，生姜汁制 麝一字

上为细末，炼蜜为丸，皂子大，每服一粒，煎金银薄荷汤下化下。

议曰：风行于四时，和顺于内外，长养万物，能生痲败，法令至周，惟风之德。夫人一身，亦间天地，顺则和，逆则害。所发之风，由其虚而作，应其热而生，有其痰与热而发其惊，关窍不通，气脉流注，遂有传变，于身为害，当用逐之。何用童稚幼稚，嫩娇危脆，百病总归于风，岂可取次疏急？凡治风有法度，不可极力搐功，若停待即须臾而更，仓促即拙谬而失，深意详审，随其逆顺而疗之。袭逐在后，预追不及，所载在前，释化不尽者，正谓庸工，医之陋也。善治惊痲者，化其痰，和其气，镇心神，安魂魄，通关窍，顺经络，使其荣卫常顺流行，调其脏腑，长和充实，邪自何生？风从何入？虽有些小，自然而散。此痲由惊为疾。岂可见留，常令血脉充，脱肤壮，头目清，精神备，饮食节，睡卧稳，寒暑知时，脏腑常固，其经络自和，荣卫自顺，比金之名，决定不坏，斯乃调顺善摄而已。

夺魂散 治定痲良方，夺魂散。

白僵蚕去丝，炒令黄色，半两 蛇含石烧红，用米醋淬七八次，碾碎 白附子炮，各一分 生银 生金 牛黄如无，以胆制倍加用之 乌梢蛇头七八寸许，酒炙 白茯苓 天麻各二钱 天南星研末一分，生姜汁浸一宿用 半夏末二钱重，姜汁浸一宿，各焙 赤脚蜈蚣一条，酒浸，炙令焦 犀角镑，二钱

① 定：原作“究”，据丛书本、《类聚》本改。

② 治风痲：原脱，据本卷内容补。

脑子 麝香少许

上为末,蒸枣肉为丸,如麻子大,每服十丸至十五丸、二十丸,煎金银薄荷汤下,朱砂为衣。

议曰:痫之为疾,又是一种证候。若言惊风所传,古人有谓食、风、惊三痫,若言不于惊风所传,古言惊风三发便为痫。且痫为疾,痰热壅盛,传入经络,塞子心肺,是致关窍不通,故作痫疾。发作有如惊风天吊,或因惊而生痰多,或因热而

作风盛,大小便不利,上下气不通,心神闷乱,若死而复生,生而复死,沉沉默默,无由苏省,忽而气透关窍,渐得开通,魂魄稍得安定,向后心被触,脑气不宣利,发作如前。是知痫之为疾,乃由虚痰冷涎,顽结于胸臆,惊风并聚于关膈,常无精神,心志不宁,即存恍惚,疗理不专,药服不投,必致自害,何足怪者耶?夺魂散方,经效秘传,修合如法,活人神验,岂非至宝之谓也。

新刊演山省翁活幼口议卷之十六

议十种热证候

医云：热有十种，惊热、疳热、风热、潮热、伤寒热、疳热、积热、丹热、疮疹热、余毒热。

议曰：有惊热即有风热，此言惊风热。又有风邪热，乃感风成病，类同伤寒热。又伤寒热，类同疮疹热。又疮疹麻豆之后，亦有余毒作热。

议积热有同痞热，发来潮作，又似疳热，总曰潮热，盖发作有期。

议丹热、疳热，各自体之，不类诸证。今将得效所治诸热良方有四，主治分诸热证，悉有功效，非特触类而分之，乃是所疗治其根本而已，无不应验，更不兼他药，只此四方克效，万无一失，载列在下，请宜审察投药，随病瘳愈，神莫能究。仆尽心讨论，以其简要，不详烦劳，去此就彼，检阅再三，犹若良将用兵奇正，敌寇虽有凶恶，必不能逃窜，其病候或有同异，其证候无过于析类为定，必不疏远综错矣。尝传自退热之理，秘不可传，道由心悟得之，可谓醇乎醇，善乎善者耶！

议类证诸热

议血热，即遍体生疮痍病疥瘙痒，及重发作丹毒龙带之属。

议骨热，即外冷内热，其病骨蒸候。

议实热，即气壮脉实，五脏六腑气充，大便硬少，或闭不通。

议虚热，三焦不顺。五脏不和，欲作疳候，啼哭烦躁，夜出虚汗，或泻痢后有热。

议三焦热，即上膈虚烦作渴，颊赤惊悸，夜后啼哭，睡中谵语。

议五心热，虚烦多惊，小便赤涩，睡不安稳，气粗，或作瘵疾。

议肝经热，眼目赤肿疼痛，眵泪羞明，或筋脉拘急，有夹风痰。

议肺经热，鼻塞生疮，不闻香臭，或余毒不散。

议胎热，儿在胎中，受母饮食，荣卫不顺，有余毒之热，发作众疾，或从降生之后，常作热证。

议伤寒后、余毒热，虽曾解表，余热传脉，或入经络，久而不散。

议疮疹余毒热，其儿所患疮疹，不甚快速，有余热留滞在百脉之内^①。

议项上生核作热，软大微红者，名惊气核，小三五连连，长短相类杂者，乃余毒热，亦名惊疔，初生乳幼者有患之。

议三焦蕴毒热，上攻咽喉之外，名疔腮热，气血凝滞，经络不行，热毒攻注，故生痈疔。

议麻豆作热，类似疹候麻子，乃腑受病属阳，故易调理，虽不服药，亦能自愈，只恐吃毒冒风，为之逆也。

议温气热，即是时气温热相袭而成，小儿又令有时气之温，未经患疮疹者，即熏蒸大小相传，皆作是疾。

议小肠热，心经不利，小便淋涩，或筒管内疼痛。

议胃热作气口臭，或发呕逆，不思饮食，亦由胃家虚热得之。

议脾热口苦，昏困喜睡，因吃食毒物，积聚在脾不化，脚梢冰冷。

议邪热，肺经感受寒邪，阴阳二气不正，痰涎咳嗽。

议寒热，谓先寒后热，其状如疟，乃虚中有积，凡儿患痞癖癥瘕，皆作寒热潮发。

议伤风热，鼻声重，头痛脚热，类如伤寒候。

议伤暑热，烦躁引饮，头目昏重，时正盛暑，或曾感冒。

议荣热，即血热也。

议卫热，即气热，荣卫不顺，即气血不相参，

^① 内：丛书本、《类聚》本皆作“间”。

虚之致也。

议筋热,咬指甲见血。

议肾热,病作崩砂,黑齿烂龈,以至走马疳极候,烦热即啼之不已。

议躁热,即哭之不已,皆由三焦不顺,心中积热,虚烦躁闷。

议变蒸热,只在五百七十四日之内,三十二日一变,六十四日一蒸,在其数发作者应也。

议大肠热,乃是肺家有热在里,流入大肠秘结不通。

议瘾疹热,乃是肺经有风在表,肺主皮毛,故生瘾疹风。

议痰热,因感风生痰,在上膈久不化作热,或吐逆恶心。

议惊气热,良由小儿受惊,其惊气不散,留在上膈,无得自化,故作热毒,攻在颐项之间。

议肚热,即是积热证,若加脚冷,当与下之。

议客忤热,初生之儿,亲戚外来,儿触其邪,以乱其正,故作热。

议痢热,惊风不散,聚在经络,或入脏腑,其候常发,不省人事。

议癩疔热,亦惊之所受,入经未传散,略作搐掣。

以上诸证,受病治法,分类于后。

分十种热证附诸热类

惊热:痢热、惊气热、癩疔、热、客忤热、五心热。

伤寒热:伤风热、伤暑热、夹惊热、夹食热。

疳热:虚热、烦躁热、筋热、骨热、肾热。以上并宜与服葱根脱甲散。

风热:痰热、变蒸热、肝热、大肠热、瘾疹热。并宜加麦门冬子去心煎。

丹热:实热、血热、三焦热、小肠热、龙带热。并宜加大黄及灯心煎。

疮疹热:麻子热、温气热、已出证热、未出证热。并宜加紫草茸、川当归同煎。

余毒热:胎热、肺热、伤寒后余毒热、疮疹后余毒热。并宜加薄荷煎。

项上生核热、疔腮热、痢疔毒热。并宜加大

黄、朴消煎。以上宜服大连翘饮子,随证加前件汤使同煎。

潮热:荣热、卫热、瘴气、两日一发、三日一发。

积热:脾热、胃热、痞癖热、肚热。

疟热:邪热、寒热、脾疟、鬼疟夜发、单疟^①独热。以上宜服梨浆饮子。

八^②种虚痢作热:吐热、泻热、霍乱吐泻热。以上并宜服正气丸、调胃散,用调助胃气,不可以凉药退热,胃气和,其热自然而散愈。

虚中积热、腹痛积热、虫痛积热。以上并推下积。

脱甲散亦名葱根煎散 调理婴孩小儿,伤寒体热,头目昏沉,不思饮食,夹惊夹食,寒热,大小便闭涩,或赤或白,烦躁作渴,冷汗妄流,夹积伤滞,膈满胀急,青黄体瘦,日夜大热,及疗伤风伤暑、惊痫客忤、筋骨、肾脏、疳气等热并宜服之,脱甲散良方。

柴胡三钱,去芦 川当归净洗,三钱 龙胆草三钱,去芦 白茯苓二钱半 人参三钱 知母三钱 甘草炙,四钱 川芎二钱 麻黄二钱,去节,又根一钱^③

上为细末,每服一大钱,水小小盏,入小葱白连须一寸,同煎至半,温服不拘时候。

议曰:此方散热,扶表救里,表虚令汗不妄行,里热令气不闭结,外即通关,内即开渠,通关流行经络,开渠不壅脏腑。然其知母、当归,顺正阴阳;人参、甘草,和益肠胃;柴胡、川芎,故去寒邪;茯苓、龙胆,止汗生津;麻黄去节留根,功全表里;葱白连须出汗,效正盈亏,热在表里之间,施无不可,积传惊痢之候,用立见功,葱根至良,号曰脱甲,奇妙,述难尽议,书载易详,但专诚用之,对证功效,宁无见消者耶!

大连翘饮 治证在前

连翘 瞿麦穗 滑石 车前子 牛蒡子炒 红芍药各一两 山梔子 木通 川当归 防

① 疟:原作“热”,据丛书本、《类聚》本改。

② 八:原脱,据丛书本、《类聚》本补。

③ 仲:疑作“重”。

风各半两 黄芩去心，一两半 柴胡去芦 甘草炙，各二两 荆芥穗一两半 蝉蜕去大脚，一分

上一十五味咬咀，每服一大钱，水小小盏，汤使在前。

议曰：此方解利心经邪热，心与小肠受盛，小肠乃水窠，常宜通利，壅则结，滑则脱，热则涩，盛则淋，平凉心经，三焦自顺，不待疾作而解，证成而疗者，疏忽有之矣。一十五味，加汤使在前，才觉蕴热客热，寒邪风邪，冒入肺经，心将受之，心不受触，传于小肠，或闭或涩，或赤或白，淋漓不通，荣卫不顺，壅之作疾，其发作^①以至膈热，眼目肿赤，唇口白疮，津液不生，涕唾稠盛，虽在表里，俱得其宜，惊风悉能散化，痰热亦自消除，连翘之功，不虚设尔。

梨浆饮 治证在前

青蒿取花头，用童子小便浸一二次，日干为度 柴胡去芦 人参 黄芩去心 前胡 秦艽去土 甘草炙

上等分咬咀，每服，一岁儿半钱，二岁一钱匕，水小小盏，入生藕、生梨梨条亦得，薄荷两叶，生地黄一寸，同煎至半，去滓，通口空心食前服。二滓并煎作一服。

议曰：此方治肺积寒热，其状如疟，乃由脾气阴阳相胜故也。其寒在先，阴胜于阳，其热在后，阳胜于阴，阴阳循之经络，传归于本，依前复作，不越三日而止，重则头痛呕逆，久则二三岁不歇，左胁有块，小者如桃李，大者似杯碟^②，治法下去癥积，痞块自消。然寒热亦未能自解，宜先与服梨浆饮，连滓并三服定，去寒热了，方可下积。问之药性寒凉，何以御之？答曰：所谓先寒后热，犹阴阳受伏，递相更变，阴积阳亏，逆之致反，故寒极热生，热极阴作，反汗自汗，表有少解，气聚复作，气虚愈重，所服梨浆饮，以毒攻毒，药用青蒿，以寒御寒，其热不有，寒必无加，自然荣与卫和，阴与阳合，寒热再潮未之有也。梨浆之功，妙哉绝伦，稍能知用，无不获安。若患三载，不过两服。曾经十年，只以此方妙用至纯，使人钦叹而已。

正气调胃散 治婴孩小儿，八种虚痢作热，或吐或泻，发热霍乱，上下气不复常，心虚烦闷

亦作热，并不可加用寒凉之药，宜与服此方，正气调胃散兼生熟饮子。如不纳食，宜服分气紫苏饮子、正气调胃散良方。

厚朴二两，生姜和皮二两，捣压在钵中二三宿，常番转，慢火炒 半夏一两，洗，去滑，七次 白扁豆炒 藿香叶 陈皮各一两 甘草炙 薏苡仁炒，各半两 白茯苓 白术各半两

上为末，每服一钱匕，水小小盏，生姜两小片，枣子同煎。

议曰：吐泻作热，由其阴阳不顺，邪正相干，脏腑不和，上吐下泻。又有只吐而热者，又有只泻而热者，皆是运动真气，上下不升降。又吐泻俱作，曰霍乱。其儿阴阳二气不正，脏腑愈虚，且吐且泻，加之盛也。不尔，风生作疾，候变即慢脾风，病家不知其理，医工罔究其详，古人不述其微，致后学必招利害。今知吐泻痞痢，热自虚里发作，岂可解利其表？若也攻里，由虚生虚，循此调理，可得其宜，大小一同，轻重尽善，至理之言，明智可鉴。

议吐泻详证六法所治

议曰：脾不和，即胃不生，荣不足，即气不正。胃乃脾家之本，荣乃卫室之根，根本坚固，百虚不作，表里充实，诸邪不入，治法服药有六：合分水谷，即与五苓散服；合退暑气，即与香薷散服之；合均阴阳，即与既济丹服之；合温脾胃气，调顺三跟，去温，即与理中丸服之；合平正五脏气，散虚温中，即与正气调胃散服之；合温中脘，醒脾和胃，去虚助气，开胃进食，即与分气紫苏饮服之。以上六证用药，皆和调顺脏腑，且脏既温亦和，既正且顺，热之一等，自然释散。此等证候，万一不可直便用寒凉药退热，若将热药止吐与泻，攻发阴阳，二气差错，致作风生，遂急医风，又投凉药，取次施为，皆为乖谬，由是吐泻之热，不可用以寒凉，或致反误利害应时矣。

① 作：丛书本、《类聚》本皆作“多端”。

② 杯碟，《类聚》本作“杯碟”。

议潮热有五

一、因伤寒之后，余毒不解，成潮热，宜服脱甲散兼小柴胡汤。

二、因痞气有块，阴阳不均成潮热，先服梨浆饮，次服三棱煎丸。

三、因癥积食伤冷滞，脾胃不和成潮热，先服脱甲，次塌气下之，后调胃。

四、因阴阳不和，脏腑虚怯成潮热，或冒暑湿，脾症成潮热，单服煨姜散。

五、因疮疹后，余毒不解成潮热，宜服大连翘饮子，更与助胃气。

议曰：潮热谓热来之有期，或一日一发，或二日一发，或三日一发，不越三日，先寒后热，正定来者易治，乱日者难理。疾起脾胃，即是疟候，同出而异名。又有单热潮发之作痞，长作劳，若癥积伤冷，积滞痞气，皆脚冷浑身热；若有虫积，其肚亦热如火。凡儿有患脚冷肚热者，便与下之，须量热轻重，分数而利，有虫多者取之，少则安之。取虫宜在于春旺冬实之时，其或儿壮虫盛，不拘此说。

议痢热

凡小儿患痢之时未热，久则气虚，其脏腑虚极作热，此属恶候。才见痢候作热，此儿脏腑虚弱，同子虚热主治。其或三焦热，引饮不歇，四肢浮肿者，理宜温补脏腑，散除湿气，喘则难治。凡痢热、痞热、吐泻热，并不可发散递热，不任寒凉药，但理其病源，调其脏腑，和其荣卫，生其胃气，令进饮食，次与痢药服之，参酌赤白多少，脓血相杂，里急后重，用行血，厚肠胃，和中脘，温脏腑，其热自然退愈。凡儿患痢，不问轻重，悉禁荤腥冷热炙博腌咸应毒之物。若恣口腹，愈而复作，若也求安，须用戒绝之矣。

议曰：幼幼患痢，悉由积毒而受虚热而发。三焦不和，五脏蕴伏，冷热相攻，阴阳反逆，是以作疾，肠胃洞虚。所言正患之时不热，稍愈其体温壮，众莫能知，此等皆由劳其形，役其气，食其

毒，触其脏，余毒不化，所以作热，隐伏于百脉经络之间，无由归本，若更逐抑，何得而安？所用正气、调胃，智者默而唯然。痞热之痢，安自内和，若和则上下气相承，表里相顺，使饮食以自然而然，行坐以快乐而乐，是谓和矣。其或蹙眉垂首，挫^①腹揉脐，撼体拘挛，焦唇烦躁，皆由不和。所欲和者，食饲梗粟，药饵参苓，葱汤涤肚，卧避风湿，仍常与调胃散与服，虽疾无加，惟热必愈，能禁能戒，且安且乐而矣。

议积证

应诸家方书，并不言聚者，盖所患只因五脏受病，从阴成积，其脾主食，由食生冷果子、甘甜热毒等物，积在中脘不化，久而成疾，故名曰积。积之为患，有轻有重，其类多端，病候不一，岂可概举？凡小儿有积热，无不肚热脚冷，要知轻重，但约肚热为之分数，其肚有及七分胀，五分热，亦有三五分胀，七八分热者，盛则两肋膨胀紧满，既有此证，须审其候，方可服药，庶不致误矣。

议曰：固^②积病久，传作肿胀，小儿肿胀之病，下项诸证，皆由积毒患不治，而渐变作证候，随其轻重，所发是以不同。应小儿食肉太早，无不有积，因积不化，无不成痞，饱饫过度，无不气胀，由胀受湿，无不发肿。

头而脚手虚浮者，湿在于脾，理脾去湿，随手而愈。若腹肚胀肿，光膨急，至子作喘，所谓乘虚入腹，为疾难医，不可容易，转动脏腑，须究荣卫虚实。若虚及分数，先宜调中理其固实，方可疏利，若理不能充实，则坏证虚败，岂可转动？不惟无益，恐涉深害。

① 挫(hé和)，捣也。

② 固：原作“因”，据《类聚》本、丛书本改。

新刊演山省翁活幼口议卷之十七

总论肿胀

肿胀二证，此由虚中有积，久患失治，渐传作证候，传化多端，随虚实，按轻重，察盛衰，审表里，主治先固其本，后正其标，得无恙矣。

肿

受湿肿脚手面目虚浮、食毒气肿腹肚肾盂胀急、伤寒虚气入腹肿、泻痢虚气入腹肿、气虚肿、血虚肿、荣卫俱虚肿。

胀

疝气胀、疝极胀、积胀、气积胀、痞气胀、癖气胀、癥积胀、锁肚胀急、上膈胀、中脘胀、食伤膨胀、蛔虫胀、脾气胀、冷积胀、虚积胀。以上肿胀虚积，并当下之，用药各有法度。

议 肿

受湿肿、伤寒虚气入腹、食毒气肿、泻痢虚气入腹。

议曰：此四种所患，病不相同，皆由虚盛而得之。受湿谓脾胃受湿冷，久不克化，气浮四肢，头而皆肿。食毒气由脾胃伤之冷积，毒气停积胃脘，致虚入腹作肿。伤寒由下之太早，乘虚入腹作肿。泻痢之久，脾气亦虚，是以致肿。以上宜平调胃气，补脏充实，方可去肿，服四味理中丸减半干姜，加白术、桑白皮同煎。伤寒虚肿加枳实，作喘加淡豆，泻痢虚肿服正气调胃散，胃气既壮，以救生丹利之，其肿即退，再调补脏腑，用观音散良益，固平复矣。

气虚肿亦名气虚、血虚肿亦名血虚、荣卫俱虚肿亦名气血虚。

议曰：小儿所患，肿胀一门，最为要急，前人少有究竟。然肿胀已作，皆由荣卫不顺，脏腑怯

弱，壅滞三焦，流注百脉，表里俱虚，邪正相乱，所以致受。四大浮盛，腹肚膨满，多由食毒得之，饮冷得之，癥伤得之，饥饱得之，积久不化，诸虚所入，故成斯病。病由虚得，或由妄乱通下，因虚致虚，根不能去，疾加已盛，是谓坏证危候。智者怯而为辞，庸者暴以攻击，二医不同，诚属难治。原夫智者商之，谓商量斟酌轻重；良者审之，虽曰良工，只宜审其可否之意，疑者塌之，疑其病盛不可利，内宜与塌其气；明者起之，明其虚实已定，良方起活。谨遵其理，始可调治。用药至真，对证克效，即无恙矣。

以上先与荣卫饮子，次服分气饮子。

荣卫饮子 调补婴孩，气血俱虚，荣卫不顺，四肢、头固、手足俱浮肿，以至咽急者，并宜服荣卫饮子良方。

川当归 熟干地黄净洗 人参 白茯苓
川芎 白术 甘草炙 白芍药 枳壳炒 黄芪
蜜炙 陈皮

上等分，咬咀，每服二钱匕，水小小盏，煎至半，去滓，通口，不拘时候。

议曰：荣者，血温流行于脉，卫者，气顺调和于络，是故荣行脉中，卫行脉外，阴阳相安，循环无止。自幼至长，不离呼吸，无少滞碍，其脉方调，其气乃顺。呼吸之间，脉不应息，气有违滞，流注经络，隐伏脏腑，虚热则发痲疽背疔，实热则患疮痍痲疥。况其荣与卫，阴及阳，偏枯有作，易感寒邪，亦易致虚，百病皆由兹始。此方最良，虽儿幼小，并可服，以壮其根，使血荣气卫顺且和矣，腑寒脏虚，温且壮矣，盈亏自然而平，怯弱自然而正，阴阳调均，气脉充实，乃曰妙工。

分气饮子 调理小儿，肿胀作喘，气短促急，坐卧不任，四体浮肿，饮食呕逆，神困喜睡，宜服分气饮子良方。

五味子 桔梗 白茯苓 甘草炙 陈橘皮
桑白皮 草果去壳 大腹皮 白术 枳壳去
瓤，切，炒 川当归 紫苏 苏子 半夏曲

上等分，咬咀，每服二大钱匕，水小盏，生姜二小片，枣子半个，煎至半，去滓，通口，不拘时候，兼八味理中丸煎服。

以上宜用救生丹通利。

议曰：清浊无混，邪正不干，上焦得之清凉，下部受之温暖，气滞则少升降，血虚则多流注，虽是乳子，呼吸一息，其脉有至，徐徐应指，不违其数者，亦同大人流行，但随小大受之短浅而已。若也留滞，其脉迟数，于病大过不及者有作，善主疗治，郁则分之，逆则顺之，停则利之，滞则降之。调理之法，先宜以顺其气。大抵婴孩气顺即易治，脉壮亦易理，证候稍传，郁逆停滞，当以先明，不待传人而后究竟。此方分气，预宜进益，与分水谷之分者不同为用，明者察之，不致迂曲。

大效神功救生丹 治小儿气虚喘息，四肢浮肿，腹肚胀急，冲满胁肋，乍热乍寒，或泻或秘，皆由停久虚积，荣卫不顺，宜用推去其恶毒之气，神功救生丹良方。

雄黄令研 朱砂各一分，令研 巴豆二十一粒，去壳 干姜二钱

上用米醋一盞，以巴姜就煮令干，去姜不用，将巴出油，和雄朱研匀，雪糕搜丸，如麻子大，每一岁三丸，并用酒浸赤芍药，以少许送下。

议曰：夫幼幼受疾，其来发端，无过惊风、痰热、疳积、吐利而已，前贤众多述论证候，编著方药，究竟推详，各有确实奥见。其有无辜疳积，异作证候，著子编集，或有罕见其证，未详其理者，尽世难测难知，如龟胸决肋、猢猻禁是也。又复有坏证恶候，自服诸家丸散，轻重相投，愈之不得全功，疾之加为他害，提肺风之类是也。悠悠既久，方法何宜？学医之士，遇此等病，未尝告辞而屈，若能比附触类调理，虽则未效，犹尚庶几，多是肆臆勉强而为，稍或得失，利害甚众。今议救生丹方载谭氏所疗无辜积证，效验至良，晚进后生，闻而知之，且惊且喜，盖渠未尝知用。若也参究，而又意到，即忝功以副全功，然后乃谓神乎微乎，其妙至理。医工于此等证候，须当至诚施設，活幼起孩，十举十全，百发百中矣。

议 胀

疳气胀、疳极胀、疳积胀、气积胀。

议曰：小儿患疳证候，皆由虚所传，积乃为母，积既已作，虚气传受，遂成疳疾。其名数种，皆渐所致，不可更与通利，尤加重候，即宜和益，消疳调气。若尚有虚积，先白后重，当兼塌气以去之，先与服神功保童丸，以至泄气为快，既泄，虚气即散放臭屁是也，不伤其气，功效至良，应患疳积便利无度，大有功效。

褐丸子 治小儿阴阳不和，脏腑怯弱，乳食不消，心腹胀满，呕逆气急，或肠鸣泄泻频并，腹中冷痛，食癥乳癖，痞气痞结，积聚肠胃，或秘或利，头而肿满，不思乳食，及疗五种疳气，八种痢疾，肌肉消瘦，气粗腹大，神色昏瞶，情童不乐。常服散冷热气，调和脏腑，去疳积，止泻痢，进乳食，生肌肉，悦颜色，功效非常，不能缕述，褐丸子良方。

萝卜子二两，微炒 陈皮 青皮去白，各一两 黑牵牛一两半，半生半炒，爆尤佳 京三棱炮，一两 蓬莪术炮，一两 胡椒半两 木香一分

又一方加胡黄连半两，苦楝半两，萝卜子只使一两。

上为细末，而糊为丸，麻子大，每服三五十九，煎萝卜汤下。

议曰：证候不明，医之过也；丸散不良，士之缪也。去医裁药，审证察候，犹若权衡，以究标本，医药纯全之道，凡调理小儿杂病，须究疳积证候，乃五脏所传，以及变作他患，殊失源流，迷而不返，所以作疾。此方最善宽肠下气，散结去郁，其疳与积，已作未作，顺传逆传，并皆宜服。功盖常方，大厚肠胃，充实脏腑，按证所疗，无不克效。京辇之下作疳药货卖，名闻四方，活幼多数，今不隐藏，故述详悉，请敬用之。

痞气胀、癖气胀、癥积胀。

议曰：癖痞之气，同根异名，作疾有块，皆在左肋，男女亦同。然痞者阳证，癖者阴证。小儿脾胃不和，阴阳二气交错，冷热相制，皆由积之所致，故先寒后热，一如其症，汗出则息，若先下

却其积，则热往往不去，反增加重，而又作肿，虚满头面。凡儿有是疾，医者不可轻易投砒治之，其砒有大毒，冲冒三焦，作渴引饮，水停在脾，脾属四肢，亦作浮肿，重则致喘，烦躁虚闷，倦怠不安。砒之为药，岂可妄投？宜先与服梨浆饮加汤使如法，取令寒热退三五日了，却与三棱丸，磨化积毒，以利为度，去其根本，若未通更服。

三棱煎丸 治婴孩小儿，食伤生冷、粘腻、热毒等物，脾胃积滞，久不克化，令儿肚热脚冷，痞癖寒热，及疔癥瘕，中脘不和，膨胀上膈，气壅心腹，不得宣通，所以作疾。此药温良，但是诸积滞食不化，并宜与服三棱煎丸方。

京三棱 蓬莪术并炮，各半两 芫花一分
鳖甲去裙，米醋炙令焦，半两 淡豆豉二钱重 巴豆
二十一粒，去壳 川当归半两 杏仁去皮尖，一分，
令炒赤

上六味一处，以米醋一碗，煮令干，仍就炒起，更细截，焙为末，次入当归末，又入杏仁、巴、淡豆和匀，水煮而糊为丸，麻子大，每服二十丸，生姜汤下，大小加减服之。

议曰：此方亦名消痞丸，又名化积丸，其药破气行血，和脾开胃，应痞癖癥瘕，诸积气滞，并皆疗之。噫，调理婴孩之法，预究脾胃之源，脾胃者，乃饮食之脏腑也。古云：人无根株，饮食为命。然饮食之物，有所宜则谷气消，血脉匀则肌肤壮，精神爽，有所不利，则肠胃虚，肢体瘦，固目黄，疾病作，是以药固脏腑，其胃气和则谷食自然留之，其脾胃壮即谷食自然磨之，若饮食迟化即气弱，饮食不化即气虚。小儿服此，初安脏腑，次益肌肤，三焦既顺，百脉俱调，效验至良，医痞第一。

锁肚胀急

议曰：此一证候，儿在胞胎中无恙，只由初生七日内，有患触受而成，急如水火，其作延久，渐见加重，以至肚上青筋，撮口不乳，其候甚速，得名胀急。其儿感触邪气，人腹冲心，不能自化，遂变风候。及至成风，不可更投药饵。虽然锁肚，撮口不乳，其色未变，精神未乱者，速便下药，以

通为度，才通便安，功效至圣，无可疑者。儿已获安，吮乳如法，渐次气壮肉重，欢悦可爱，宜服真珠天麻丸。方见惊痫

附：初生锁肚撮口施药法说

夫人才生下，男女忽有一证，男在三五七，女即二四六日，奇偶之有数，阴阳之显道者，遂感客忤，邪正相干，令儿肚紧青筋，禁口不乳，此由客情外来，致袭其邪，阴阳不顺，冒触其正初生男女，气脉不定，精神未全，不经邪气，所以古人兼客一腊，远其此祸，邪谓淫欲交适，杀气侵临应非礼不正之属，总皆邪属。上古医家，著述繁杂，难究至要，世俗虽有加艾，理无灸法血气方生，岂固经络，若以艾炷，即为虚设，既受此厄，越日移时，母泣父啼，痛心待毙，咸谓伤嗟，谁可与活。仆忝执幼科，传授四世，寅缘回禄^①之难，萍游三纪，一日扣遇高明，深诘其妙，方药秘传，屡用获庆。呜呼！天地生万物，惟人尊贵，人能稽养于天地之间，且天地岂特害于人？自是事在遇不遇之如此，稍有感伤悔怨，执滞于人情者多矣。仆辄行小惠，普济初生，躬对神聪，选材修合其或高下民户，生儿有被此难，无问轻重，不拘早晚，施与良饵，决定保全，顿然苏活，岂小补哉？

上膈胀、中脘胀、食伤膨胀

议曰：膈与脘上下相承，膨与胀轻重自别，脘受疾久则痞闷，膈作病停则郁结，是知膈隐胸堂，脘临脾胃。膈者，犹隔也，有如隔碍；脘者，犹管也，通即流利。二位皆由食伤宿冷，眠卧过时，停滞，气不顺于三焦，怯弱脉虚，传于五脏，所谓脾不磨，食不化，胃不开，食无益，所以膨胀。若于膨胀之时，不与消利，遂致虚满。又于虚满，不为疏补其气，即攻中脘；又于中脘不化，即冒上膈，既在上膈为疾，必作形证，传即为重，医莫容易取愈。食伤膨胀，宜服三棱煎丸；中脘痞胀，宜服王氏塌气丸；上膈郁胀，宜服大茱萸丸。

大茱萸丸^② 治小儿饮食过度，膨胀胸膈，

^① 回禄：即火神吴回、陆终。俗称火灾。

^② 大茱萸丸：原作“大茱连丸”，据下文方名、方药组成改。

上下气不宣通，郁滞迷闷，情思少乐，大则作喘，强食不化，作渴烦躁，坐卧不任，肢体倦怠，腹肋疼痛，宜服大茱萸丸良方。

蓬莪术 京三棱各一分，醋煮 干姜炮 青皮 陈皮并去白 木香 丁香各二钱 巴豆二十一粒，去壳心膜，出油 绿小细茱萸二钱

上为末，醋糊为丸，麻子大，每服七丸至十丸，大者加服，生姜枣子汤下。

议曰：痞郁结注，所因脾胃饮食生冷粘腻，积气不化，滞在胸膈，乃总名，上曰三焦，下曰三脘，上下相贯，来去相侵，虚处所受，弱处所发，致疾乃因久不克化或害，或由常不宣通，癥瘕痞癖，积之所由至，痞痢吐泻，积之所因作。今用此方，大宽胸膈，平厚肠胃，正气温中，消痞磨积，能止吐泻，进美饮食，药有神功，尤宜察证。

蛔虫胀

议曰：此证候作，与脾气冷积、虚积大抵相似。然小儿腹肚紧张，天明吐津沫，要羹肉吃方少安，乃细虫候。脾气多噎逆，饮食不下，虚中有积，腹中吊痛，冷积胀紧，膨满心腹，不任坐卧，两肋心膈上下攻刺疼痛，内虫痛胀，先与下虫丸杀虫，其虫困，次与水晶丸推下，余证各与调胃药服，却推下积，宜服小沉香煎丸。

小沉香煎丸 乳香 沉香各一钱 肉豆煎一个，煨 杏仁一钱，炒 百草霜一钱 木香 丁香各一钱 巴豆十四粒，出油如霜

上为末，煮酒封头蜡和为丸，如绿豆大，每服三五丸，淡生姜汤送下。应患肚痛不止，服之功效，常了以通为度。

议曰：此方乃感应丸加沉乳二药是也。疗小儿虚中积证，冷积、癥积、痞积、食积、脾气、乳积，肠胃久虚，脏腑中脘不和，痞气郁结，或泻或痢，或呕或哕，腹肚疼痛，儿体虚羸，不堪转动者，并与服之，其方比真珠丸等取积大不同耳。只恐服此未能通利，若也通利，诚为之幸，乃谓逐虚存实，和脾生胃之药，功无加诸。

下虫丸 治小儿多蛔虫亦名食虫、苗虫亦名疳虫、胃虫亦名血虫，并宜服下虫丸方。

鹤虱炒，一钱 光粉炒，二钱 膩粉三大钱 史君子一百个，炒 槟榔一分，生 龙牙根二钱 贯众子午卯酉日采取者方验，绿色者佳，二钱 龙胆根二钱 苦楝根皮酒煮。二钱

上为细末，水煮面糊为丸，如麻子大，每服三五十丸，空心食前，甘草汤下，或以猪肉清汁羹与服尤妙。

议曰：小儿疳积、虫积，皆由肉食太早，脾胃本弱，受之不磨，癥伤不化，何况更加肥腻冷硬之物，肠胃虚怯，因积生虫，只有三种，细、苗、胃也。蛔多令儿喜食滋味肉脯之物，腹肚紧张，心胸膨满；苗多令儿清瘦神困，肚胀青筋，痞气渐盛，肠鸣泻臭，食即呕哕；胃多令儿喜食酒肉，食不生肌，常作困遁，嗔胀肋肋，烦躁迷闷，眠不安席，并宜服此，其虫自化，盛用利下，仍须调胃和气助之。

新刊演山省翁活幼口议卷之十八

小儿伤寒

小儿伤证候，止议三种，乃为正受，有正受，夹惊，夹食。前述伤寒，并用脱甲散，其病既分三种，须当究论轻重，鼻塞小便赤，咳嗽关窍不通，壮热面红，头痛体重，浑身手足俱热。

凡治小儿正受伤寒，及感寒邪伤风诸证，宜服人参羌活散。小便赤色，或心神不宁，病在表里之间，或再复发，宜与小柴胡汤一二服。

凡小儿夹惊伤寒，神困昏悸，头疼气粗，宜服王氏杜薄荷及消风散。

凡治小儿夹食伤寒，即先与微利，次与脱甲散或人参羌活散，下之紫霜丸为上，取微利为度。大抵小儿伤寒不可重表，亦不重下，亦不可并行表下之理，令儿虚乏困重，即或坏证难疗。

议曰：凡小儿伤寒，虽无多事，须是认证分明，应伤寒伤风只可表，惟有夹食，宜用下之。凡夹食伤寒，脚微冷，似有积证相类。但此等伤寒，自是不同，不可不问，知其端的，然后次第进药，仍叮咛病家，令避风湿，与忌生冷，勿令强力，无恣饱食，恐劳胃气，其病再复。且医家调理，即须审度有无疮疹盛时，及左右邻舍有无所患之者，若或有之，亦不妨事，但表解药与服，不可妄投凉药，余无恙矣。惟有坏证，盖由前人用药不当，拨乱阴阳，故致为坏；或因触受风邪，故致为坏；或因强力食毒，故致为坏；或用冷湿伤于经络，故致为坏；坏则极难治，医学宜乎疚心而已。凡小儿伤寒候，惟有咳嗽一证，不为容易，若有此证，宜服人参枳实汤克效万一，勿可攻击，善医者察之为良。

大效人参枳实汤 治婴孩小儿伤寒后，气不和顺，喘急咳嗽，胸膈郁塞，日夜顿闷，神困力乏，不思饮食，仍疗虚痰烦满，头目昏晕，但是伤风感冷咳嗽，并宜服之。

枳实四个，米泔浸，去瓤切，炒 桑白皮 半夏汤洗七八次，切，仍以姜汁浸 甘草炙 白茯苓 款冬花 五味子 阿胶麸炒 细辛各半两，去叶 人参一两 麻黄去节 苦梗各半两

上咬咀，每服一小撮，水一盞，生姜三片，枣半个，乌梅少许，同煎至半盞，去滓，通口服，二滓并煎。

议曰：小儿伤寒作热头痛等证，或已发散退热，或已化痰定喘，或已安神定志，或已开胃进食，儿孩平复，父母忘忧喜之，甚善。尚有一证，日夜咳嗽，多方不愈，良由元受邪气，入肺叶内，无能得出，不堪吐利，何由而安？凡儿患伤寒后，及感风咳嗽不愈者，宜他此方，汤使煎令如法，碗盛盞盖，将口就吸，徐徐服之，不过三五次瘳痊。此方泻肺补气，宽膈化痰，滋润五脏，和益三焦，不惟咳嗽，调中更善。

小儿惊热风痰

议曰：此名四证，已述前篇，兼载八候续之，今复举惊热，或并风痰，未发阴阳二痢之前，医者即先与化痰御风，退热利惊，如此逐病推究，不惟繁难，乃无法所治，是故艰于疗理。若已向病，于证何凭，凡此四证相随，不可攻其一也，利其惊则风纵，退其热则痰壅，久寻兹理，未究尽善，忽一日省悟，钱氏方宣风散，正为此等儿孩病设，有热即闭，有风即隘，有惊即闷，昏昏沉沉，轻药不能散，重剂恐伤害，但与服疏风散较之宣风只欠一味，一服之间，风痰惊热，悉皆消去，神情庆悦，四体和安。观其此药，似有狼虎，用之即和顺，推痰利惊，散风解热，只与一服，不移其时，可见功效。尝见医工调治此等证候，多是疑惑，进退怯惧，若过其时，延其日，则候传变惊，自惊作风，自风生痰，自痰壅热，自热聚，或急或慢，八候相从，反覆传变，递互发越之时，不可得而进此药，然疏风所疗，四证相待，如贼方会，极

力一冲，尽使散败，不致作害。及其聚而自散者，流入诸经，或络或经或脉，故作搐搦引掣等候矣。

大效疏风散 治婴孩小儿，惊风痰热四证，结聚于胸臆之间，令儿昏困沉重，关窍不通，诸脉气闭，所以默默，欲食不食，欲起不起，倦伏，不知其证候者，但不经吐利，宜与服之，立见苏省，大效疏风散良方。

锦纹大黄紧实者，三钱重 鸡心槟榔二钱重
旧陈橘皮去白，二钱 朴消一钱 黑牵牛一分半，
熟

上五味为末，每二岁儿服半钱匕，三岁一钱匕，先用生蜜调就，次煎薄荷汤点与服，不拘时候。

议曰：风痰在上即吐，在下即泻谓属上下也，一眼之间，决定安乐，未可便投他药，恐致相误。常入只知用脑子、麝香、参、苓、术、附谓香附子，无担负之药，似此四证，如何和顺调理。

疳疾证候方议

议曰：五疳八痢，本经所载详明，然究竟疳在五脏五病，故有五名，及其顺逆相传，变动五脏，则病不循证候，而作者岂可必五疳为数，八痢为拘。疳者，始自子疳；痢者，起自于痢。疳以饮食不节，过伤脾胃；痢即脾胃虚弱，而受积毒。治疳之药，理脾胃，温中补气，消疳煞虫；治痢之药，理肠胃，去湿调中，滋血和气为上。

大效史君槟榔丸 治婴孩小儿，食肉太早，伤及脾胃，水谷不分，积滞不化，疾作疳气等候，宜服大效史君槟榔丸良方。

肉豆蔻二个，炮 槟榔一个，生 宜连 胡黄连 陈皮 青皮 川楝子肉炒 芫荽炒，去皮
神曲 麦芽并炒 木香 夜明砂炒，去土 芦荟
川芎各一钱重 麝香一字

上为末，猿猪胆汁薄荷为丸，如麻子大，每服三五十丸，湿饭饮下。

议曰：积是疳之母，所以有积不治，乃或疳候。又有治积不下，其积存而脏虚，或疳尤重。大抵小儿所患疳证，泄泻无时，不作风者何？惟疳

泻，名热泻，其脏腑转动有限，所以不成风候，虽泻不风，亦转它证，作渴，虚热烦躁，下痢，肿满喘急，皆疳候虚证。古云：疳虚用补虚，是知疳之为疾，不可更利动脏腑。发作之初，名曰疳气；腹大胀急，名曰疳虚；泻痢频并，名曰疳积；五心虚烦，名曰疳热；毛焦发穗，肚大青筋，好吃异物，名曰疳极受病传脏已极；热发往来，形体枯槁，面无神彩，肉无血色，名曰疳劳；手足细小，颈长骨露，尻臀无肉，肚胀脐突，名曰丁奚；食加呕哕，头骨分开，作渴引饮，虫从口出，名曰哺露，此皆疳候。又因多食生冷，疳粘肥腻，积滞中脘不化，久亦成疳。治疳之法，量候轻重，理其脏腑，和其中脘，顺其三焦，使胃气湿而纳食，益脾元以壮消化，则脏腑自然调贴，令气脉与血脉相参，壮筋力与骨力俱健，神清气爽，疳消虫化，渐次安愈。若以药攻之五脏，疏却肠胃，下去积毒，取出虫子，虽曰医疗，即非治法。盖小儿脏腑壅则生虫，虚则积滞，虚则疳羸，虚则胀满，何更利下？若更转动，肠胃致虚，由虚成疳，疳虚证候，乃作无辜，无辜之孩难救矣。

胡黄连丸 治婴孩小儿一切疳候，及一切虚痢，他药无功，此药极效，胡黄连丸方。

胡黄连 芦荟 草黄连 肉豆蔻炮 桂
入参 朱砂 麝一字 史君子去壳 木香 钩
藤 龙齿 白茯苓以上各一钱重

上各生用为细末，用猿猪胆二枚，裂汁和末令匀，却入袋内盛之，以绳札定，汤煮半日，取出，切破袋子，更入芫荽子二钱重微炒，黄丹一钱重，二味别研如粉，入前药和匀，捣五百杵为丸，如绿豆大，但是疳与痢，用粥饮下五七丸，子幼者三丸，不吃粥饮，乳头令吻。能治一十二种疳痢，及无辜者，功效非常。

议曰：疳候疾危，发由于渐痢之后，逆传自子延延久为逆，初见其轻，言之曰常，后知其重，告之无门，是以疳痢皆由积毒，娇恣口腹，因虚以致壅，因害而伤害。医工见有此等，自是忧疑，病家欲得便苏，岂无性急，更音耕迂取活，展转愈深，或疳极而腹下痢，或热盛而加作渴，或烦躁，四体虚浮，或饮食一时呕吐，常方不能安愈，快剂恐越伤和，惟宜服此。

肥肌丸 治小儿一切疳气，肌瘦体弱，神困力乏，常服煞虫消疳，开胃进食，肥肌丸方。

黄连一钱，去须 川楝子肉各半两，炒 川芎半两 陈皮 香附子各一分，酒煮，炒干 木香二钱

上为末，水煮细面糊为丸，麻子大，每服三五十丸，湿饭饮下。

议曰：惊疳积痢，各分证候用药，今有小儿患疳虚困，又作痢疾，二候相加，最为恶重。疳痢并行，脏腑虚乏之极，热毒差重，皆悉积之久滞，虽曰系积，无积可疗，乃虚受之。然谓其虚，补之不及，所见其证不得良方，以何对治？虽获其方，不审其候，亦难疗也。良由脉与病同，药与证对，医工运巧，扶而起之，必得安乐，胡黄连丸无以加诸，肥肌丸良方亦佐胜。

兰香散 治小儿走马疳，牙齿溃烂，以至崩砂出血齿落者，兰香散方。

轻粉一钱重 兰香子一钱，末 密陀僧半两，醋淬，为末

上研如粉，傅齿及龈上，立效。

议曰：婴孩受病，证候多疳，良由气郁三焦，疳分五脏，内有肾经常虚得疳，名之曰息，以马走为喻，治疗颇难。此等一证，初作口气，名曰臭息；次第齿黑，名曰崩砂；盛则龈烂，名曰溃槽；又盛血出，名曰宜露；重则齿自脱落，名曰腐极，其根既腐，何由理之？嗟吁！豪家有子，哺以甘肥，肾堂受之虚热，或缘母在临月，恣味珍羞，令儿所招，既非偶然面作，今将秘方具述于后。

又方傅齿立效散

鸭嘴胆矾一钱重，匙上煨红，研 麝少许

上研匀，每以少许傅牙齿龈上。又一方用蜂酥一字，加麝和匀傅之。

议曰：血之流行者，荣也；气之循环者，卫也。变蒸足后，饮食之间，深恐有伤于荣卫而作众疾，其或气伤于毒，血伤于热，热毒攻之，虚脏所受。何脏为虚？盖小儿肾之一脏常主虚，不可令受热毒，攻及肾脏，伤及筋骨，惟齿受骨之余气，故先作疾，名曰走马，非徐徐面作，所宜服药甘露饮、地黄膏、化毒丹、消毒饮，其外证以前件立效散及麝酥傅之，切忌与食热毒之物。此疳不

同常证，乃系无辜有作，医宜深究，保全为上，若用常方，难拟愈治。

独活饮子 治肾疳臭息候良方。

天麻 木香 独活 防风 麝香少许，细为末，研和入

上各一钱重，为末，每服一钱匕，麦门冬熟水调下。

三黄散 治肾疳崩砂候良方。

牛黄 大黄 生地黄 木香 青黛
上等分，为末，每服一钱匕，熟水调服。

人参散 治肾疳溃槽候良方。

肉豆蔻炮 胡黄连 人参 杏仁炒 甘草炙

上等分，为末，每服一钱匕，小者半钱，温熟水调服。

槟榔散 治肾疳宜露候良方。

木香 槟榔 人参 黄连 甘草炙

上等分为末，每服一钱，小者半钱，熟水调服。

黄芪散 治肾疳腐极候良方。

黄芪蜜炙 牛黄 人参 天麻 蝎炒 杏仁炒 白茯苓 川当归 生地黄洗 熟干地黄洗
上等分，为末，每服一钱，小者半钱匕，煎天门冬熟水调服麦门冬亦得。

地骨皮散 治肾疳，龈腭牙肉烂臭，鲜血常出方。

生干地黄半两 真地骨皮 细辛各一分 五倍子炒令焦，二钱重

上为细末，每用少许傅之，频与功效，吃不妨。

议曰：本经所载，疳证有五，谓五脏所受，故得其名。今述肾疳一脏，有五证候者，最为婴急，不可同常。此疾具陈有五种候，传迅疾可畏，乃知走马之号不诬。初发之时，儿孩口臭，上干胃口，气息臭郁，渐进损筋，断肉生疮，或肿或烂，其齿焦黑，又进从牙槽内发作疮疱，破溃脓烂，又进热通人脉，时时血出，其热往久，牙断腐坏，槽宽齿脱，六七岁孩，落尽不复更生，岂可治疗？今以妙方宜速与，随其传变面理，不待疾作而后药也。

痢疾证候方议

豆蔻散 治婴孩小儿，肠胃虚弱，糟粕不聚，泻痢不止，或赤或白，冷热不调，日夜频并，愈而又发，宜服滞肠豆蔻散良方。

白豆蔻一个，煨 胡粉炒，二钱 龙骨生，一钱 白矾枯，一钱

上为末，每服一钱，温饭饮调服，不拘时；薄糊丸，麻子大，五六十丸。

议曰：胡粉即真铅粉也，以铅法造，出韶州名韶粉，定州名定粉，总名光粉，其性滞，故用之以滞其肠，不令虚清；豆蔻温脏之药，安和肠胃；龙骨、白矾涩肠止痢；所患肠虚滑下痢，日夜无度者，服之随时痊愈，应荤腥之物，腌咸之属，悉与禁止，亦治秋间白痢至效。

生熟饮子 治婴孩小儿虚积痢，肚腹疼痛，下痢里急后重，日夜无度，宜服生熟饮子良方。

罌粟壳大者四个，一半炙，此一味去净内瓣浮槁之者佳 陈皮两片，半炙 甘草二寸，半炙 乌梅两个，半煨 淮枣两个，半煨 生姜两块，指大，半煨 木香一钱，作两片，半炙 诃子两个大者，半煨 黑豆六十粒，半炒 黄芪二寸，半炙 白术两块，指大，半煨 川当归二寸，半煨

上件，各半生半熟，咀咀和匀，每服三钱，水小盏，入磁瓶内煮去半，滤滓，任意与服，至多勿虑。所有生黑豆，不要打破，只完^①全同煎服效。

议曰：病有冷热，药有生熟，病有阴阳，药有造化，病有虚实，药有君臣，按君臣以理虚实，分生熟而均冷热，治疗主本之法也，平和肠胃之方也，顺益三焦之功也，安调五脏之至也；阴阳既分，冷热既散，肠胃既厚，三焦既益，五脏既顺，良由药有造化；且水谷自分，荣卫自正，糟粕自聚，饮食自纳，其泻与痢何患不愈？生熟饮子之功，乃尽天下之妙，不可忽。

神效鸡青丸 治婴孩小儿一切痢疾，神效鸡青丸良方。

木香二钱 土黄连一分，去须 肉豆蔻一个大者，生

上三味，先碾为粗末，取鸡子青搜药作饼，

于慢火上炙过，令黄色变红者，稍干擘破，碾罗为末，白而糊丸，麻子大，每服三五十丸，温饭饮下。

议曰：木香、黄连，一阴一阳药，木香善导水，利气脉，黄连厚肠胃，二味君臣相佐，阴阳相顺，加之豆蔻温和脏腑，止泻痢，功效弥良。凡儿患泻与痢，不问证候轻重，并宜先与服，不问脏腑冷热，愈多愈效。然鸡青为物有毒，是以毒气引药致效，若去此一味，其功不作矣。

大效至圣千金饮子 治小儿脾积虚痢，便下五色，先由于吐，复作泄泻，脐腹疼痛，肋肋胀满，受湿虚鸣。脓血相杂，下如豆汁，亦如瘀血，日夜无度，食少肌羸，宜服大效至圣千金饮子良方。

绵黄芪蜜炙 甘草 陈皮 罌粟壳炙 木香 白芍药 地榆 川当归 枳壳制炒 黑豆炒 乌梅 淮枣 白术 诃子炮，去核秤 黄连

上等分，咀咀，每服二钱，水小盏，煎至半，去滓，通口与服。

议曰：脏腑虚中加燥，故患热痢，或尔虚寒，乃患冷痢，由暑气，胃之水谷不分，或受湿气，临之肠胃有作，或因食毒，伤触脾肺，或因宿冷停积脏腑，或因表里不解，或因冷热相承，或因饮食过多，或因饥馁不及，多餐腌或，常啖鱼鲞，或是母怀胞胎，恣其口腹，积之日久，气不宣通，遂令疾患有加，发作无度，毕竟肠胃虚损，日夜呻吟，痢下频并，宜服此方，效验若神。

大艾煎丸 治小儿虚痢，作渴不止，大艾煎丸良方。

大艾叶烧灰 干葛粉 胡粉炒 海螵蛸 龙齿

上件等分为末，炼蜜丸，鸡头子大，每服一粒至二粒，饭饮磨化。

议曰：下部既虚，无不作泻，泻之加虚，无不成痢，泻痢转虚，故有上盛，三焦不顺，所以作渴，渴若不住，则泻不止，痢不歇，又以止渴，其药性凉，泻痢尤重。此方两获全功，扶救痢疾，不致其虚，亦不致热。

① 完：丛书本、《类聚》本皆作“圆”。

白饼子 治小儿秋痢，号曰毒痢，纯下白，腹肚痛，白饼子良方。

白矾枯，白净 臙粉一钱重 白面半两 胡粉炒，各一分

上件和匀，水搜作饼，如钱大，每服半饼，大者一饼，饭饮磨化。

议曰：秋气金旺，则母虚矣；夏月火燥，则子困矣。夫人五脏六腑，乃循四时而行，故曰秋湿脾胃。若胃口有毒，禁闭不食，轻粉却毒，次与豆蔻面与吃，兼鸡青生熟饮间服，开胃醒脾乃愈。

术蔻面 治小儿禁口痢，一粒饭不吃，宜服术蔻面良方。

白术半两 肉豆蔻二枚 木香二钱重

上为末，白面二两，入药，水搜作剂，切作条子，水煮令熟，用葱白、生姜、盐各少许，和汁滋味与之，看入多少，仍兼鸡青丸服。

香脯 治小儿刮肠下痢，禁口不食，闭眼合口至重者，香脯妙方。

晶猪肉一两，薄批作一片 臙粉半钱重

上将肉于炭火上慢炙，旋铺臙粉令匀，炙食成脯，每以少许与吃，如未知吃，且放鼻头，自然要吃。此方治胃口有毒，至奇至妙。

疳热证候方议

议曰：小儿疳热，乃是五脏所受，积气相传。今议患疳，有患热者，由其候虚之盛。积者乃疳之母，所有积不治，遂传成疳。又有治积不下，其积存而脏虚，其疳传而脉弱，脏腑传过，经络致受，由此作热，证候尤重，虽不发作风痰，毕竟危困沉重。经云：疳热证谓劳形作渴，虚烦，频呕，

不食。下项良方，适其轻重而与服之，仍择所当，勿可纵恣，误致乖危，便计利害。

人参散 治小儿疳热，虚烦作渴，不思饮食，四体沉重，服人参散良方。

人参 蓬莪术 川当归 龙脑草根 甘草炙 赤芍药 白茯苓 枳壳浸去瓤，切作小片，用麸炒赤色。

上等分，为末，每服半钱，煎麦门冬汤调服，无时候。

神妙宣气丸 治小儿疳热久蒸，肌肉消瘦，形容憔悴，神情不乐，饮食虽多，不生肌肉，宜服此方，大有功效，神效宣气丸良方。

蓬莪术炮 赤芍药 川当归 大黄炮 鳖甲米醋炙，去裙，焦为度

上等分，为细末，水煮而糊为丸，麻子大，一岁二十九，熟水下，大小加减。

蚶皮丸 治小儿患无辜疳，三焦虚热，饮水不歇，下痢频并，日夜无度，烦躁干呕，食入即吐，如此恶证，服诸疳药分水谷，止烦渴，治下痢，进饮食，但无效者，宜用此方治之，随药取安，一服虚热去，两服烦渴止，三服泻痢住，不过三服诸证悉应克效，万一神圣秘密蚶皮丸良方。

蟾蜍一枚，夏月取生活者，乃是沟渠中腹肚大不能跳，又不能鸣者，身上多疖磊是也。

上取粪虫一杓，放桶中，更以尿灌四维，令于，即留得其虫，却将蟾蜍打杀，顿在虫上，任其虫咀食，两日间用新布作袋包裹，小麻绳系于急流中，推一宿，明日取上，淬干，瓦上焙为末，入麝和匀，汤浸蒸饼，丸麻子大，每小者二十九，大者三十丸，温饭饮下，或用麦门冬子去心，煎汤空心食前，日进二服，功效神妙，宜至诚修合。

新刊演山省翁活幼口议卷之十九

泄泻证候方议

议小儿泄泻，伤积而作泻者，初以补药治，不止之时，须当下去其积，推积才下，其泻自止。下之宜与小沉香煎丸，理虚中积甚良，多与服之，或以小塌气丸，又不下，更与三棱煎服之，切不可宣转药，恐成涤荡矣。积滞已下，与服调胃温脾药及既济丹，此乃理积泻。夏月暴泻，由其脏虚寒，肠滑利泄，速与契圣丹，如滑不禁，进滞肠散，次与契圣既济丹。若洞利，其泻不常，发作骇人，速与滞肠末子，次与术附汤，稍与迟缓，其候必更。疗泻之理，岂可相待，病家无知，医工当谨。

滞肠散 治婴孩小儿，肠胃虚寒，脏腑久冷，泄泻不止，滞肠散良方。

真铅粉半两，炒 白石脂二钱 白矾枯，二钱
白龙骨一钱

上为末，每服半钱匕，大者一钱，温饭饮调下，薄糊作小丸，多服效。

契圣既济丹 治小儿阴盛阳亏，脏腑虚寒，泄泻不止，契圣既济丹良方。

熟硫黄一分 白矾枯，二钱 半夏末二钱，生姜汁浸半日，干秤

上为末，雪糕丸如麻子大，每服三五十丸，温饭饮下。

术附汤 治小儿脏腑虚寒，泄泻洞利，手足厥冷，术附汤。

附子半个，炮了者 白术一分 干姜二钱，炮
甘草一钱，炙

上咬咀，每服一钱，水小盏，煎至半，去滓与服，手足暖止之。须是洞泄，手足冰冷，方可与服。

小儿吐证方议

所述证候在前，今具良方于后，其证又有风

拥吐，即类痰吐治之；又气吐，即类胃寒吐理之；惊吐即类热吐；积滞吐即类冷吐；气逆吐即类食吐，医工详审疗之。

八白饮 治婴孩小儿脾虚胃弱，膈有风痰，水谷入口，悉昏呕哕，体羸气乏，饮食不下，霍乱吐利，神情恍惚，心胸膨满，中脘不和，八白饮方。

沉香 藿香叶 人参 草果 白川干姜
半夏曲 白芍药 白槟榔 白豆蔻 白茯苓
白术 白扁豆炒 白芷

上件等分为末，泻后复吐，或吐后复泻，每服一钱，水小盏，生姜二小片，枣子半个，煎三五沸，通口不拘时候。

人参温中丸 治婴孩小儿，惊吐热吐，心神闷乱，中脘不和，渐加恐悸，恍惚无定，人参温中丸良方。

人参 白术 白茯苓 半夏汤洗七次 陈皮 肉豆蔻煨

上等分为细末，蒸淮枣肉为丸，麻子大，朱砂为衣，藿香生姜汤下三五十丸，不拘时候，多服勿虑。

调中正胃散 治婴孩小儿，中脘不和，胃气不正，胃冷伤热，吐逆烦闷，神困力乏，饮食不美，虚弱思睡，睡不安稳，调中正胃散良方。加木香名木香散。

藿香叶 白术 人参 白茯苓 甘草炙
陈皮去白 山药 白扁豆炒 半夏曲 川白姜炮

上等分为末，每服一钱，水小盏，生姜二小片，枣子半个，煎三二沸服。

煨附丸 治婴孩小儿积滞吐，胸膈郁结，中脘痞闷，气不舒畅，闻秽呕逆即吐，宜服煨附丸及温中丸。煨附丸良方。

黑附子二钱，末 丁香五个

上以水搜附末，裹丁香，再用面剂包，于煨灰中煨熟，去面为末，生姜自然汁丸如麻子大，

每服三十丸，煎姜枣汤下。

青金丹 治小儿阴阳二气不均，霍乱吐逆，青金丹良方。

水银一钱重 硫黄二钱重，生者

上和研，令水银不见星，只作墨色，取生姜汁作糊丸麻子大，每服十丸至二十丸，用淡生姜汤下。

豆蔻散 治婴孩小儿虚吐，饮食之间，便作呕逆，盖由脾寒，或痲无时，吐后晕闷，胸堂部结，上下气逆，宜服豆蔻散及香朴丸，豆蔻散良方。

肉豆蔻一个，煨 木香 丁香 白术 白茯苓 甘草炙，各一钱重 藿香叶一钱

上为末，煎藿香枣子汤，调一钱半，服之必效，生姜汤亦得。

半丁丸 治婴孩小儿痰吐，风壅所致，或因感风，痰盛咳嗽，作热烦闷，神不安稳，睡眠不宁，可进饮食，或欲饮食，食之即呕，盖由风痰在膈，饮食不下，先服半丁丸，次用正胃散，正气温中散，半丁丸良方。

半夏羊眼者，半两，汤洗七次，为末 丁香一钱重，碾碎

上将半夏末，水搜作剂包丁香，再以面剂裹煨令熟，去面为末，生姜自然汁丸麻子大，每服三二十丸，淡生姜汤下。

正气丸 亦名香朴丸 治婴孩小儿食伤冷，逆不升降，呕吐不已，胸膈停留，积滞不化，宜服塌气丸，或一向只作干呕，啰声频作，宜服正气丸良方。

藿香叶 厚朴生姜制 陈皮 半夏曲炙 白术 白茯苓各一分 甘草炙，二钱 干姜一钱 三棱炮，二钱

上为末，炼蜜为丸，如指大，每服一丸，生姜枣子汤化开与服。

盐豉丸 治幼幼乳不止，宜服此立效，兼小沉香煎丸，盐豉丸良方。

盐豉七粒，口内含去皮 膩粉一钱匕

上研，丸如麻子大，每服三丸至五丸，藿香汤下，乳头吻亦得。

渴证方议

议小儿渴证，一见唇红如丹三五分者，即发三五分渴，若七八分红者，即七八分作渴，其有发渴唇红黑者，即久渴虚盛，疾加传极，证候危笃故也。凡小儿有痞渴，引饮不歇，心肺虚热，唇焦舌裂；有泻渴者，肌体羸弱，神困力乏；有痢渴者，虚热积脏，眉皱肚痛；有伤寒候发渴者，有痞癖虚烦引饮不歇，俱在三焦不顺，五脏蕴热，烦躁昏悸，神情不乐，今分证所受，主治用药。

治小儿三焦虚烦作渴，引饮不歇，宜服三黄丸加朴消少许，重作小丸子，煎麦门冬饮下。

治小作伤寒候发渴，唇口焦干强，燥盛者，竹叶石膏汤主之。

治小儿痞癖，作渴不止，大艾灰饼子主之。

治小儿热泻作渴，五苓散加干葛主之。烦热香薷饮加黄连治之。小便涩闭，水窠不通，煎车前汤主之，用车前末、甘草炙二味煎汤。

治小儿痞渴，蚘子麝香丸主之。

喘急证候方议

小儿有因^①惊暴触心肺，气虚发喘，有伤寒肺气壅盛发喘，有感风咳嗽肺虚发喘，有因食咸鹼伤肺气，发虚痰作喘，有食毒热物，冒触三焦，肝脾气逆作喘，与气急同出异名，别之轻重，疾究两端。喘即口开，隘子胸膈，气急即取息短满，心神迷闷，盛怒加之。喘促不待传变，宜速下宽中补肺利膈化痰困气即愈。惟有惊喘紧^②急，心肺干乱，停积不散，金火相克，逆而不实，错乱血脉，击触脏腑，速疗乃瘳，缓即加重，重即传变，变即八候有作。

八味理中丸 治小儿心肺不和，息数脉急，上下不升降，中膈痞满，部隘胸臆，坐卧烦闷，神情不乐，饮食不下，八味理中丸方。

人参 甘草炙 白术 干姜 枳实制，炒

① 因：原作“圆”，据下文例“有因食咸鹼伤肺气”改。

② 紧：丛书本作“暴”。

白茯苓 五味子去梗 桑白皮去赤皮

上等分为细末,炼蜜为丸,小指大,每服一丸,淡豆豉五粒,水小小盏,煎至半,去豉通口服,无时。

大效雄朱化痰定喘丸 治小儿因惊发喘,逆触心肺,暴急张口,虚烦神困,大效雄朱化痰定喘丸方。

雄黄 朱砂各一钱,研 蝉蜕 全蝎炒 地龙 白僵蚕 天南星 白附子炮,各一分 轻粉半钱重

上为末,面糊为丸麻子大,每服三十丸,薄荷茶清送下,食后服。

又方定喘饮子

天麻 防风 羌活 甘草炙 人参 桔梗 白术 川芎 半夏曲

上等分咬咀,每服二钱匕,水一小盏,入麦门冬子十四粒同煎,去滓速口食后服。

雄黄丹 治小儿胸膈喘满,咳嗽心胸烦闷,伤热触毒,雄黄丹良方。

雄黄 朱砂各一钱,另研 杏仁十四粒,炒 巴豆七粒 豉淡者,二十一粒

杏巴豉三味,用米醋半盏,干姜一片指大煮令干,研成膏,皂角一寸,蜜炙焦,先去子与皮,法制牛胆一分,同雄朱与杏膏研令细。

上和入杏膏而糊为丸麻子大,每服一岁儿五丸,壮者七丸,三岁十丸,淡生姜汤下。

新刊演山省翁活幼口议卷之二十

疮疹证候方议

凡儿所患疮疹、水痘、麻子、蚊丁、火疱等，诸家之说，或有异同，大抵此证出乎五脏，肺曰水疱，肝曰脓疱，心曰血疱，脾曰黄疱，肾曰黑子。小儿不问长幼，所出黑子陷者，最为恶候。或因风吹，或由触毒，皮下隐隐，出而不透，名黑陷子，死者多矣。良由服药有误，冷冰其内，毒不发出，为害甚重。凡疮疹之候，证有多端，其欲发出之时，或有作热者，不作热者，有惊有掣者，有狂躁者，有叫哭者，有烦躁者，有自汗者，有谵语者，有呵欠者，有遁闷者，有神昏者，有呕吐者，乃缘所发于五脏虚实之不同耳。或谓耳鼻脚梢中指冷，为之验者，屡究之，或中或否。今得至要妙诀，凡儿作热，有如伤寒候，疑惑之间，不敢直谓者，但看耳后有红脉赤缕，定是疮疹证候，更无可疑，若发惊，不可下惊药，有热不可退热，有汗不可止汗，或吐不可理吐，但顺其表、温其中自然而发出。或曰首尾不可下，或曰首尾皆可下，或众疑谓之非说，愚曰：二家所说皆善也。且儿气脉充实，宜微下之，恐作烦躁；若也气虚，直不可下，恐泻易脱。如欲利下，即用消毒饮子，七宝洗心散或四顺清凉饮一二服，以通为度，切不可用真珠丸及有巴粉之类，并宜禁之。如有热烦躁，与顺大连翘饮加紫草茸，功效，但减黄芩。今入才见疮疹，已出未出，便与升麻葛根汤，其性颇寒，只宜少少与服，其或不当者，盖用太过，反坏其表。凡服葛根汤宜加白芍药、糯米、人参、紫草茸、川当归，功效甚良。

议癥瘕痞癖

癥音贞，又音呈，伤食得之，痛刺肋肋，心胸烦闷，饮食不下，吐逆恶心，久不医治，渐成癥结，又曰食结。

瘕音瑕，又音加，伤血得之，胸膈郁闷，痛引少腹，时或攻筑，上抢心胸，虽不阻食，肌肉不生，久而不治，渐成瘕结，又曰血结。

痞音甫，又音七，又音婢，伤气得之，心腹膨胀，肚大胁痛，痛刺往来，注在左肋，而黄肌瘦，倦怠无力，久而不治，渐成痞块，又曰气块。

癖音辟，伤积得之，其证如肠癖之疾，便利无度，滑不成粪，似痢非痢，似虫非虫，腹肚干痛，上筑心胸满闷，久而不治，顽结不散，复成结块，有类痞状。

以上四证，皆作寒热，有如疟候一般，悉由伤及五脏，惟痞癖左肋肋块，其气结聚，男女皆在左肋，四证大同小异。凡治寒热，先以梨浆饮进一二服，退其寒热，其寒热已消，去三五日后，方可与服磨痞丸，即日日频与服。癥瘕之疾，只与三棱丸下去积毒，以通为度。

人参萝卜饮 治小儿痞癖，因食砒药丸子，作渴烦躁，头面浮肿，腹肚紧张，喘促，坐卧不得，肌体羸瘦困乏，寒热尚在，宜服人参萝卜饮方。

白术 苦梗 甘草炙 人参 麦门冬子去心

上等分为末，每服一大钱匕，取生萝卜汁半盏，煎至半，候冷与服。

豆蔻草果饮子 治小儿痞气未解，重复取利，致之虚乏，腹肚疼痛，不思饮食，面目虚浮，强食呕吐，宜服此方，豆蔻草果饮子良方。

肉豆蔻一个，煨 草果 槟榔各一个 绵黄芪捶，蜜炙 白茯苓 白芍药 白术 甘草炙 陈皮各二钱 半夏曲半钱

上咬咀，每服二钱匕，生姜三小片，乌梅半个，枣子一个，用藤纸包裹，蘸湿煨令香熟，去纸，用水小小盏，煎至半，去滓，通口食前空心，两滓并煎，兼与小沉香煎丸服之功效。

眼患证候方议

凡小儿患眼，皆由热毒得之，方药甚众，惟有斑疮眼患，此疾最为恶候，若有是疾皆由儿病不谨口腹，或斑疮方愈，便与食毒，散热，热毒入肝肾之间，便作肿痛，害明怕日，眵泪难开。毒者，谓其炙煨腌咸油面、白卵、黄牛、母猪、米醋、鲑鲞、鲑酱、鸡、羊、鹅、鸭、虾、蟹、鱼、鳖，腥膻鳞鳃，飞禽包气之属，悉为斯咎，及至热退痛止，睛中白翳已生，或一只两睛，随其轻重得之，宜速与疗。

透关散 治小儿斑疮初作，眼患痛涩，羞明怕日，出泪频多，或已觉渐成白翳子，宜用神效透关散良方。

萆澄茄不拘多少

上为细末，每以少许吹入鼻中，于食后频数吹之，诸证皆可用之。

大效点明膏 治斑疮眼患，只在百日内，治之容易，久即气定，难以疗理，大效点明膏良方。

覆盆根处处有，生路旁，往高五七尺者

上掘土中根，净洗，捣取粉，澄滤令细，日干，每用蜜和，以许点白丁上，令其自消自散，日二三次点用。

至妙立消膏 治小儿眼患，初作粟翳，或来或去，渐发差大，浸睛减明，至妙立消膏良方。

雪白食盐生研少许，须以净器

上以大灯心点盐，轻手指指定浮翳就靛，凡三五次点见效，令子勿惊恐，不疼痛，亦不碍人，多投之勿虑，屡用克效。

生干地黄汤 治小儿疳蚀眼患，闭合不开，羞明怕日，及至开眼，有如内障，朦朦失所，宜服生干地黄汤。

生干地黄 熟干地黄各一两，并洗 麦门冬子去心，半两 川当归一分 枳壳米泔浸一宿，麸炒，秤一分 杏仁汤泡，去皮尖麸炒令赤 防风 甘草炙 赤芍药各一分

上咬咀，每服一大钱，水小小盏，以黑豆七粒，煎至黑豆熟，去滓，通口服。

小防风汤 治小儿热毒眼患，小防风汤方。

大黄蒸 山梔子 甘草炙 赤芍药 川当归洗 防风 羌活

上等分咬咀，每服一大钱，水小小盏，煎至半，去滓，通口服，食后。

小流气饮 治小儿风毒眼患，小流气饮方。蝉蜕去大脚 甘草炙 羌活 天麻 川当归 赤芍药 防风 大黄 脑薄荷 杏仁

上件等分咬咀，每服一大钱，水小小盏，煎至半，去滓，通口服，食后。

小菊花膏 治小儿积毒眼患，小菊花膏良方。

黄连 黄芩 大黄 菊花 羌活 苍术米泔浸 荆芥穗 防风

上等分为末，炼蜜为膏，尾指大，每服一饼，细嚼，白汤下。

总议小儿眼患

除疳蚀、斑疮二证外，皆由五脏所积热毒而作。又有胎内受气，乘母所食热毒，稍长因毒相触，忽作障膜。不由肿赤热毒积成其候者，此等决定难医，若加寒凉之药，坏害尤甚。若赤肿眵泪疼痛，翳膜，谨谨与忌其热毒之物，清心凉肝，顺气行血，解热散毒，认证泻脏，常宜用四顺清凉饮，随风热毒所发轻重，加药与服，万一克效，不必执滞方药，指证攻疗。盖小儿无患气眼，所患即与大人不同，至重者谓赤肿等俱作，宜与利下，即便解散。若有瘀血，眼胞内外，四维肿盛，即从鼻中取出败血立愈。既无气眼，不作攀努，虽有赤脉贯睛，亦是热毒所败，即不可钩镰针刺。凡当利下，并以大黄药、洗心散之属乃佳。

治诸病杂方

石苇散 治小儿热淋沙淋石淋，石苇散方。

石苇去尾 海金沙 木通 滑石

上为末，水小小盏煎至半，通口服。

桃红丸 治小儿胸膈咳嗽，痰涎壅盛，或作喘急，桃红丸良方。

天南星一分，炮 白附子炮 川乌炮，各一分

石膏二钱，煨 地龙一钱 白矾枯，一钱

上为末，自然姜汁搜丸，麻子大，朱砂为衣，令半红半白，每服三五丸，淡生姜汤下。

犀角地黄膏 天门冬 麦门冬各去心 白茯苓 茯神 生地黄各洗秤 前胡 柴胡 人参 玄参 甘草炙 川芎 天麻 防风 羌活 上等分为末，煨金墨一挺，留性，炼蜜丸如麻子大，金箔为衣，每服一粒，薄荷汤化服。

丹毒至效散 治小儿一切丹毒及龙带发作，至效散方。先服消毒饮，次用傅之

黄丹一钱重 朴消一钱重 赤小豆两头齐者，为末，半合

上研令匀，井水调以鸡毛刷，立效。

犀灰散 治小儿心经虚热，小便涩痛，筒管内疼不可忍者，犀灰散良方。

蚕蜕纸不拘多少

上烧留性为末，入麝，每服半钱匕，灯心汤调。

磁石散 治小儿汤火伤，磁石散方。

景德镇磁器不拘多少

上打碎埋灶内，炭火铺上，经一宿取出，放地上出火毒，碾为末，入黄丹水调，傅汤火伤处。

茅根汤 治小儿伤寒后有一证，忽然鼻中出血，五七岁以上至大人亦有此作，名红汗，谓不曾解表，其汗出，血故从鼻出者，自解，茅根汤方。

生地黄汁 生蜜 酒各一小盏 茅根一握，捣汁如稠糖

上共煎取一盞，相和，温服小小半盞，立效。

故纸膏 治小儿心肺葱热，及心血妄行，鼻衄出血不止方。

上将故藤纸被一片作捻子，包麝烧熏入鼻，或吹入鼻中，又令患者吸呷尤佳，故藤纸被至旧亦得，或烧内小瓶中，留性，每服二钱，入麝酒调服极妙。

木舌金丝膏 治小儿心脾受热，唇口生疮，仍治慕口唇口白、鹅口舌白、重舌舌下硬、木舌舌肿硬，以上皆系心脾热，并宜用下项药傅脚心，次服连翘饮于，仍以金丝膏刷口内舌上，功效。

吴茱萸不拘多少

上为末，用酹米醋，调涂脚心，更以纸贴糊粘傅之，立效。

又有重腭一证，于上腭上另生一肉，如指大小，赤肿，妨食及吮乳，斯由热极而作，速宜下之，不尔，热毒流咽喉，加其肿塞闷绝而脱，宜服疏风散下之。方在前。

生肌散 治小儿脚肿生疮，及诸疮口不合者，生肌散方。

真地骨皮 五倍子 甘草各生 黄柏炙 黄连炒

上为细末，干掺疮上，以粗末用沸汤泡蘸洗干处，津液调傅。

大效金丝膏 治小儿口疮方。

黄丹一钱 生蜜一两

上相和，深瓯盛，甑内蒸令黑为度，每用少许，鸡毛蘸刷口内。

天南星丸 治小儿痰多，哮喘喘急，咳嗽，天南星丸方。

天南星炮 半夏汤洗七次 白矾枯，各一分 雄黄细研，一钱

上为末，煎熬皂角膏为丸，入少许面作糊丸，如麻子大，每服二三十丸，淡生姜汤送下。

通关散 治乳幼被母鼻息吹着儿凶，令儿鼻塞不能食乳，通关散良方。

香附子炒，三分 川芎七分 荆芥四分 白僵蚕炒，三分 细辛茎二分 猪牙皂角一分

上为末，取生葱白，去须捣调药，涂凶门上。

秘传头秃疮方

吴茱萸盐腌干佳，如无，以盐浸一二宿

上为末，酹米醋调，刷傅头上，大人眉蛆疮，用之立效。

茱萸丸 治小儿夏月暴泻，注下茱萸丸方。土黄连去须 吴茱萸各一两 陈皮半两，去白 上为末，水煮面糊为丸，如麻子大，每服二十丸，饮下。

摩风膏 治小儿遍身疥痒，摩风膏方。

苦参 历青 茺萸炒 黄蜡各一钱 巴豆三粒，去壳 轻粉五□ 真麻油半两 蝎二粒

上同煎至巴焦，滤去所煎物，入轻粉和匀，傅疥功效。

姜黄散 治小儿血淋方。

姜黄为末

上每服半钱,用红酒调下,连二三服,以通为度。

小牛黄丸 治小儿膈热,痰涎稠盛,心神不宁,睡不安稳,烦躁怔忡,四体作热,宜与服之。但觉惊风痰热,常服功效。

干葛截炒,取末,一两 甘草炙,一钱 黄芩去心与浮皮,一分 防风半两 麝半字 山梔子半两,去皮,取末

上为细末,入麝和匀,如皂子大,炼蜜为丸,常服,薄荷汤化下。

四圣汤 治二十一证。

白术 人参 白茯苓 甘草炙

治久吐胃寒,加石莲子、木香、黄芪,名生胃散。

治呕逆嘔,嘔不止,加白扁豆、薏苡仁并炒、藿香,名银白散。

治胸膈烦闷,冷热不调,痰涎咳嗽,不美饮食,日夜壮热,加知母、乌梅、干姜,名宽中散。

治腹肚疼痛,加陈皮、青皮、枣子、生姜,名温中散。

治夜啼烦躁,腹肚冷痛,加沉香、朱砂,名镇心驱邪散。

治表里虚弱,时气作热,欲传疹候,加细辛、瓜蒌,名惺惺散。

治脾寒胃热,阴阳不顺,温壮常作,加滑石、地骨皮,名六神散。

治霍乱吐利,神不安稳,加藿香、丁香,名藿香散。

治脾胃虚弱,饮食不进,加制厚朴、陈皮等分,名平胃散。

治吐食,不纳谷气,加丁香、半夏曲,名益神散。

治脾胃久虚,不纳饮食,频吐或泻不止,加肉豆蔻、青皮、天台乌药,名理中散。

治热泻,水谷不分加瞿麦、车前子,名导赤散。

治虚热烦躁,安神定志,加犀角、川芎,名安神散。

治心气不足,神情恍惚,加石菖蒲、石莲肉、石膏,名补心散。

治体热夜啼,烦躁,加白附子、全蝎、膩粉,名清神散。

治脾虚肌瘦,神困,面无颜色,食不克化,肠胃久寒,吐逆无时,加黑附子、枳壳、吴茱萸、麦芽、细辛,名温脾散。

治霍乱吐逆,或肠鸣自利,腹肚疼痛,加川白姜,名人参散。

治伤寒身热头痛,烦渴,加麻黄、干葛、天麻、朱砂,名解肌散。

治心神不宁,惊悸颊赤,瘵疢,加朱砂、羌活、防风、天麻,名镇心散。

治脾胃虚弱,肚腹泄利,调中进食,加诃子、陈皮,名益黄散。

治虚积痢,腹肚痛,里急频并,加陈皮、罌粟壳,名调中散。

以上二十一证,所加药味,并有详载,集著其善,以显其功,乐哉! 契圣达理,岂可遁诸。

附 跋

活幼口议二十卷，元·曾荣世撰，见于焦阅《国史·经籍志》。余家旧藏抄本，仅八卷，文理讹舛，殆不可句。弟菴庭尝从朝鲜国《医方类聚》中录出成编。余谓是书所载，自其诊视理疗之法，以至于平素鞠养保摄乳哺嬉戏，谆谆乎议之甚详，使怀抱中物，免为朝菌夏虫，其幼幼之心可谓笃矣。世荣又著有《活幼心书》。杨仲叔序称衡邑遭灾，连甍巨栋，数千室俱煨烬，其书板有好事者，纳诸池中，而得无恙，天心之使然，良由以也。乃若是书亦当神物拥护者，不宜付于阙如之叹矣。后阅十余年，今秋七月，叔父茜园君持竹洞后人，人见友雪所藏足本面被借，惊喜之余，速录一通以传家，于是乎感世荣慈念之所存，果不至湮灭，而喜余前言之所足以征矣。记其颠末如上。

文政庚辰孟冬二十有二日京都丹波元胤识于柳洲精庐

婴童百问

明·鲁伯嗣 著

李丛 校注
祝建伟

校注说明

《婴童百问》是明代儿科专书，相传为医家鲁伯嗣所撰。其生平失考。本书所引均为明以前医著内容，因此可推测作者生活时代当不晚于明初。自《国史经籍志》、《天一阁书目》、《医藏书目》、《万卷堂书目》，至清代《八千卷楼书目》、《孝慈堂书目》等均著录为“鲁伯嗣撰”，今沿此说。

该书共分十卷，从婴幼儿初生护养、诊法、五脏病证至小儿常见病及伤寒、吐泻、痢、蛔、疳和部分外科疾病的证治，设一百个问题论述，一问专述一证，每问先论其病因病机、证候、治疗，后列方药及用法，共载方剂八百四十余首，多为常用效方。其议病详备中肯，不拘一家，选方审慎，颇切实用，具有较高的临床价值。

该书博采诸家之长，内容除引用《伤寒论》及钱乙《小儿药证直诀》（称“仲阳云”）外，还参考了较多的儿科专著和专论，主要有：晋·葛洪《肘后备急方》（简称《肘后方》），隋·巢元方《诸病源候论》（称“巢氏云”），唐·孙思邈《备急千金要方》（简称《千金》），宋·杨士瀛《仁斋直指方》（简称《直指方》），陈文中《小儿病源方论》（称“陈氏”），汤民望《婴童妙诀》（或汤衡《博济婴童宝书》，二书均佚，因本书中只称“汤氏”，不可确考），元·省翁《活幼口议》（简称《口议》）等。本书内容虽取材于上述诸书，但非原文照搬，而是根据临床实际和自己的经验进行选择、加工和提高，使每一种疾病的脉、因、证、治更加系统完整。

本书写成后，并未及时刊行，流传不广。现存版本约有十八种。早期版本为嘉靖十八年德馨堂本、嘉靖二十一年壬寅本、天启本等。解放后有1961年人民卫生出版社铅印本。今取德馨堂本为底本，书林茂德堂本为主校本，嘉靖壬寅本、天启本、上海大东书局本为参校本，点校整理。

具体处理方法说明如下：一、凡底本中明显错字迳改。二、底本大字误作小字者或小字误作大字者，出校说明。三、注释仅限冷僻字、词，一般不作医理发挥。四、原书中方药多有重出复见者，处理方法参照主校本，以“见某某问”省略。五、方药脱落主治证者，据他书或所问条文童，出注说明。

因本人水平有限，疏漏之处在所难免，祈望同道不吝赐教。

校注者

1996年12月

序

人受天地之气以生，纯和完懿，固无不平，而其安全调护之功，必有待其人之所以平之者而后得。况婴童为人之始，气犹未定，疾为易感，保而育之者，顾可不知所慎哉。苟不疾焉，是堤而预为之取，则气之欲其平也难矣。予一日得所谓《婴童百问》者而读焉，乃欣然叹曰：保婴之道其尽是乎！古之人神睿明哲，子凡入之所病，无不洞究而默契之，故其为书，论辨详审，制合精当。观其立名为问，计目有百，每问下必浚之以源，表之以证，对之以疗，若将俟问，预为答之者，参会众说，自成一家，病无遗载，方有余奇，开卷昭然，蒙是发矣。盖扩仁之术，不但为已试之案而已。说者谓其出子鲁伯嗣学所编，今不复可考，但惜其见之者鲜，遂命工重镌以广其传。夫百病是触，一元用调，人之所以平之者，固无不至，而其所以受之天者，未有不复其平矣，是岂无益之谈也哉。先儒曰：事亲者不可不知医。予则曰：爱子者不可无是书云。故序。

金坛王肯堂字泰题

目 录

卷之一

初诞 第一问	(359)
朱蜜法	(359)
黄连法	(359)
甘草法	(359)
牛黄法	(359)
茯苓丸	(359)
护养法 第二问	(359)
消乳丸	(359)
噤风撮口脐风 第三问	(359)
千金龙胆汤	(360)
天麻丸	(360)
定命丹	(360)
朱银丸	(360)
紫霜丸	(361)
消食丸	(361)
控痰散	(361)
甘草汤	(361)
益脾散	(361)
辰砂膏	(361)
葱号散	(361)
蚕号散	(361)
僵蚕膏	(361)
撮风散	(361)
瓜蒂散	(361)
大连翘汤	(361)
安脐散	(361)
定命散	(361)
脉法 第四问(无方)	(362)
变蒸 第五问	(362)
紫霜丸	(363)
紫阳黑散	(363)
柴胡汤	(363)
当归散	(363)
调气散	(363)
五脏所主 第六问(无方)	(363)

五脏主证 第七问(无方)	(363)
肝脏 第八问	(364)
大青膏	(364)
大黄丸二方	(364)
泻青丸	(364)
泻白散	(364)
益黄散	(364)
导赤散	(364)
地黄丸	(364)
心脏 第九问	(364)
导赤散	(365)
泻心散	(365)
肺脏 第十问	(365)
益黄散	(365)
大青膏	(365)
调中丸	(365)

卷之二

肺脏 第十一问	(366)
泻白散	(366)
甘桔汤	(366)
阿胶散	(366)
地黄丸	(366)
肾脏 第十二问	(366)
地黄丸	(366)
面上证气色总见 第十三问(无方)	(366)
发搐 第十四问	(367)
泻青丸	(367)
导赤散	(367)
凉惊丸	(367)
地黄丸	(367)
益黄散	(368)
通关散	(368)
嚏关散	(368)
开关如圣散	(368)
至圣保命丹	(368)
省风汤	(368)

温胆汤·····	(368)	四圣散·····	(371)
白饼子·····	(368)	乌蝎四君子汤·····	(371)
安神丸·····	(368)	天南星散·····	(371)
大青膏·····	(368)	乌沉汤·····	(371)
青州白丸子苏膏丸·····	(368)	沉香散·····	(371)
浴体法·····	(368)	天南星丸·····	(371)
涂凶法·····	(368)	礞石丸·····	(372)
珍珠丸·····	(368)	灵脂丸·····	(372)
七宝洗心散·····	(368)	七珍丸·····	(372)
宽热散·····	(368)	四君子汤·····	(372)
天麻防风丸·····	(368)	银白散·····	(372)
惺惺散·····	(368)	钩藤散·····	(372)
龙齿散·····	(368)	琥珀丸·····	(372)
钩藤散·····	(368)	龙齿散·····	(372)
防风通圣散·····	(368)	脾风 第十七问·····	(372)
大连翘汤·····	(369)	黑附汤·····	(372)
急惊 第十五问·····	(369)	川乌散·····	(372)
利惊丸·····	(369)	金液丹·····	(372)
导赤散·····	(369)	生附四君子汤·····	(372)
至宝丹·····	(369)	异功散·····	(372)
琥珀散·····	(369)	蝎附散·····	(373)
慢惊 第十六问·····	(369)	醒脾散·····	(373)
栝蒌汤·····	(370)	保命丹·····	(373)
理中汤·····	(370)	阴痛散·····	(373)
五苓散·····	(370)	急慢脾风下痰轻重 第十八问·····	(373)
术附汤·····	(370)	神宝既济丹·····	(373)
调气散·····	(370)	白僵蚕丸·····	(373)
桂枝汤·····	(370)	辰砂膏·····	(373)
葛根汤·····	(370)	七宝妙砂丹·····	(373)
太乙保生丹·····	(370)	定命丹·····	(373)
聚宝丹·····	(370)	防风丹·····	(373)
蝉蝎散·····	(370)	宣风散·····	(373)
神宝既济丹·····	(370)	枳壳散·····	(373)
来复丹·····	(370)	小柴胡汤·····	(373)
王氏惺惺散·····	(371)	青金丸·····	(373)
醒脾散·····	(371)	天麻丸·····	(374)
大醒脾散·····	(371)	芦荟散·····	(374)
温白丸·····	(371)	牛黄凉膈丸·····	(374)
星香全蝎散·····	(371)	青金丹·····	(374)
定命饮子·····	(371)	王监京墨丸·····	(374)

朱银丸.....	(380)	碧霞散.....	(383)
保命丹.....	(380)	神祿散.....	(383)
钩藤散.....	(380)	花火膏.....	(383)
全蝎散.....	(380)	牛黄丸.....	(383)
抱龙丸.....	(380)	理中丸.....	(383)
胎风遍身软 第二十四问.....	(380)	安神散.....	(383)
钩藤散.....	(380)	金箔镇心丹.....	(383)
全蝎散二方.....	(380)	卷之四	
醉红散.....	(380)	胎疾 第三十一问.....	(384)
项软 第二十五问.....	(380)	大连翘饮子.....	(384)
泻肝丸.....	(381)	消风散.....	(384)
地黄丸.....	(381)	生地黄汤.....	(384)
五软 第二十六问.....	(381)	浴体法.....	(384)
橘连丸.....	(381)	解颅 第三十二问.....	(384)
地黄丸.....	(381)	地黄丸.....	(384)
五硬 第二十七问.....	(381)	柏子仁散.....	(384)
小续命汤.....	(381)	三辛散一名封凶散.....	(384)
羌活散.....	(381)	凶陷凶填 第三十三问.....	(385)
风症风热 第二十八问.....	(381)	大连翘饮子.....	(385)
通关散.....	(382)	柴胡散.....	(385)
小续命汤.....	(382)	封凶散.....	(385)
追风毒锉散.....	(382)	地黄丸.....	(385)
省风汤.....	(382)	当归散.....	(385)
羌活散.....	(382)	目内症 第三十四问.....	(385)
防风通圣散.....	(382)	导赤散.....	(385)
化风丹.....	(382)	泻青丸.....	(385)
钩藤散.....	(382)	生犀散.....	(385)
至宝丹.....	(382)	泻黄散.....	(385)
痘疮 第二十九问.....	(382)	地黄丸.....	(385)
小续命汤.....	(382)	生熟地黄散.....	(385)
葛根汤.....	(382)	地黄散.....	(385)
桂枝加葛根汤.....	(382)	小防风汤.....	(385)
败毒散.....	(382)	小流气饮.....	(385)
小柴胡汤.....	(382)	小菊花膏.....	(385)
大承气汤.....	(383)	决明散.....	(386)
大柴胡汤.....	(383)	密蒙花散.....	(386)
夜啼客忤惊啼 第三十问.....	(383)	犀角饮.....	(386)
钩藤饮.....	(383)	牛黄丸.....	(386)
苏合香丸.....	(383)	耳病 第三十五问.....	(386)
龙齿散.....	(383)	龙骨散.....	(386)

- | | | | |
|---------------------|-------|-----------------|-------|
| 龙黄散····· | (386) | 枳壳防风丸····· | (389) |
| 干胭脂膏····· | (386) | 腹痛 第四十四问····· | (390) |
| 金箔散····· | (386) | 四顺消凉饮····· | (390) |
| 蔓荆子散····· | (386) | 七气汤····· | (390) |
| 鼻病 第三十六问····· | (386) | 指迷七气汤····· | (390) |
| 黄芩汤····· | (386) | 异香散····· | (390) |
| 清肺饮子····· | (387) | 桔梗枳壳汤····· | (390) |
| 薄荷散····· | (387) | 钩藤饮····· | (390) |
| 消风散····· | (387) | 芍药甘草汤····· | (390) |
| 通关散····· | (387) | 大柴胡汤····· | (390) |
| 口疮鹅口重腭 第三十七问····· | (387) | 桂枝加芍药汤····· | (390) |
| 保命散····· | (387) | 大承气汤····· | (390) |
| 吴茱萸散····· | (387) | 桂枝加大黄汤····· | (390) |
| 洗心散····· | (387) | 腹胀 第四十五问····· | (390) |
| 辰砂七宝散····· | (387) | 褐丸子····· | (391) |
| 泻心散····· | (387) | 紫霜丸····· | (391) |
| 牛黄散····· | (387) | 白饼子····· | (391) |
| 一捻金散····· | (387) | 塌气丸····· | (391) |
| 葛氏方····· | (387) | 三棱煎丸····· | (391) |
| 犀角消毒饮····· | (388) | 大承气汤····· | (391) |
| 重舌木舌弄舌 第三十八问····· | (388) | 五苓散····· | (391) |
| 泻黄散····· | (388) | 大柴胡汤····· | (391) |
| 胡黄连丸····· | (388) | 下积丸····· | (391) |
| 青液散····· | (388) | 五珍丸····· | (391) |
| 一字散····· | (388) | 腹中有癖 第四十六问····· | (391) |
| 齿迟 第三十九问(无方)····· | (388) | 木香丸····· | (391) |
| 喉痹腮肿 第四十问····· | (388) | 取癖丸····· | (391) |
| 金星丸····· | (388) | 挨癖丸····· | (391) |
| 连翘漏芦汤····· | (388) | 槟榔丸····· | (391) |
| 连翘汤····· | (388) | 北柴胡散····· | (391) |
| 清凉饮子····· | (388) | 褐丸子····· | (391) |
| 卷之五 | | 七香丸····· | (391) |
| 语迟 第四十一问····· | (389) | 痞结 第四十七问····· | (392) |
| 菖蒲丸····· | (389) | 圣惠甘遂破结散····· | (392) |
| 滞颐 第四十二问····· | (389) | 进食丸····· | (392) |
| 张涣温脾丹····· | (389) | 积痛 第四十八问····· | (392) |
| 温胃散····· | (389) | 消积丸····· | (392) |
| 益黄散····· | (389) | 白饼子····· | (392) |
| 龟背龟胸鹤膝行迟 第四十三问····· | (389) | 钱氏白术散····· | (392) |
| 龟胸丸····· | (389) | 小沉香丸····· | (392) |

芍药甘草汤····· (392)	伤寒表里 第五十三问····· (397)
积滞 第四十九问····· (392)	麻黄汤····· (398)
木香丸····· (393)	葱白汤····· (398)
木香槟榔丸····· (393)	解肌汤····· (398)
神芎丸····· (393)	葛根汤····· (398)
推气丸····· (393)	柴胡散····· (398)
槟榔丸····· (393)	桂枝麻黄各半汤····· (398)
下积丸····· (393)	小承气汤····· (398)
五珍丸····· (393)	大承气汤····· (398)
快膈消食丸····· (393)	四顺饮····· (398)
香棱丸····· (393)	洗心散····· (398)
诸热证 第五十问····· (393)	小柴胡汤····· (398)
败毒散····· (393)	五苓散····· (398)
四顺清凉饮····· (393)	桂枝汤····· (398)
惺惺散····· (393)	桂枝加芍药汤····· (398)
柴胡散····· (394)	桂枝加大黄汤····· (398)
宽热散····· (394)	四逆汤····· (399)
卷之六	
伤寒正受伤寒夹惊 第五十一问····· (395)	理中汤····· (399)
羌活散····· (395)	大柴胡汤····· (399)
柴胡散····· (395)	阴旦汤····· (399)
三黄散····· (395)	白虎加人参汤····· (399)
抱龙丸····· (395)	小建中汤····· (399)
竹叶石膏汤····· (395)	玉露散····· (399)
洗心散····· (395)	汤氏方····· (399)
辰砂七宝散····· (395)	脱甲散····· (399)
薄荷散····· (395)	伤寒咳嗽伤风 第五十四问····· (399)
红绵散····· (395)	葶苈丸····· (400)
葱白汤····· (395)	麻黄汤····· (400)
羌活汤····· (395)	甘桔汤····· (400)
小儿伤寒与时气同异 第五十二问····· (395)	泻白散····· (400)
升麻汤····· (396)	白饼子····· (400)
解肌汤····· (396)	麦煎散····· (400)
调中汤····· (396)	九宝饮····· (400)
射干汤····· (396)	华盖散····· (400)
半夏桂甘汤····· (396)	细辛五味子汤····· (400)
五苓散····· (396)	抱龙丸····· (401)
葳蕤汤····· (397)	金星丸····· (401)
七宝散····· (397)	百部丸····· (401)
柴胡石膏汤····· (397)	生犀散····· (401)
	天麻定喘饮····· (401)

- | | | | |
|-----------------|-------|-----------------|-------|
| 小青龙汤····· | (401) | 五苓散····· | (404) |
| 柴胡散····· | (401) | 白虎汤····· | (404) |
| 柴胡石膏汤····· | (401) | 柴苓散····· | (404) |
| 天麻防风丸····· | (401) | 三黄犀角散····· | (404) |
| 惺惺散····· | (401) | 牛黄散····· | (404) |
| 化风丹····· | (401) | 地骨皮散····· | (405) |
| 金沸草散二方····· | (401) | 黄龙汤····· | (405) |
| 三拗汤····· | (401) | 牛黄膏····· | (405) |
| 和解汤····· | (401) | 羚羊角汤····· | (405) |
| 百辟内嗽 第五十五问····· | (402) | 梔子仁汤····· | (405) |
| 补肺散····· | (402) | 大连翘饮子····· | (405) |
| 比金丸····· | (402) | 六物黄芩汤····· | (405) |
| 天麻散····· | (402) | 五物人参饮····· | (405) |
| 琥珀散····· | (402) | 龙胆汤····· | (405) |
| 天麻丸····· | (402) | 紫霜丸····· | (405) |
| 喘急 第五十六问····· | (402) | 黄疸 第五十九问····· | (405) |
| 大效雄朱化痰定喘丸····· | (402) | 茵陈汤····· | (405) |
| 天麻定喘饮····· | (402) | 梔子柏皮汤····· | (405) |
| 小青龙汤····· | (402) | 犀角散····· | (406) |
| 麻黄杏仁甘草石膏汤····· | (402) | 连翘赤小豆汤····· | (406) |
| 三拗汤····· | (403) | 茵陈五苓散····· | (406) |
| 总治十六般哮喘方····· | (403) | 当归散····· | (406) |
| 葛根黄芩黄连汤····· | (403) | 当归丸····· | (406) |
| 葶苈丸····· | (403) | 小半夏汤····· | (406) |
| 千金射干汤····· | (403) | 消食丸····· | (406) |
| 潮热 第五十七问····· | (403) | 呕证吐乳证 第六十问····· | (406) |
| 梨浆饮子····· | (403) | 杨氏消乳丸····· | (406) |
| 大柴胡汤····· | (403) | 消食丸····· | (406) |
| 大承气汤····· | (403) | 和剂观音散····· | (407) |
| 地骨皮散····· | (403) | 异功散····· | (407) |
| 犀角饮····· | (403) | 香朴散····· | (407) |
| 鳖甲饮····· | (403) | 香薷散····· | (407) |
| 灵犀饮····· | (404) | 五苓散····· | (407) |
| 秦艽饮····· | (404) | 竹茹汤····· | (407) |
| 羚羊散····· | (404) | 苏合香丸····· | (407) |
| 青蒿散····· | (404) | 青州白丸子····· | (407) |
| 柴胡散····· | (404) | 温胆汤····· | (407) |
| 壮热温壮 第五十八问····· | (404) | 紫霜丸····· | (407) |
| 理中汤····· | (404) | | |
| 四君子汤····· | (404) | | |

卷之七

热吐 第六十一问····· (408)

- | | | | |
|-------------------|-------|----------------|-------|
| 香薷散····· | (408) | 车前子散····· | (410) |
| 五苓散····· | (408) | 泼火散····· | (410) |
| 竹茹汤····· | (408) | 葛根汤····· | (410) |
| 大柴胡汤····· | (408) | 四逆散····· | (410) |
| 大承气汤····· | (408) | 冷泻 第六十六问····· | (410) |
| 玉露散····· | (408) | 益黄散····· | (410) |
| 寒冷呕吐哕逆 第六十二问····· | (408) | 没石子丸····· | (410) |
| 理中汤····· | (408) | 人参散····· | (410) |
| 酿乳法····· | (408) | 理中汤····· | (410) |
| 消乳丸····· | (408) | 来复丹····· | (410) |
| 异功散····· | (408) | 不换金正气散····· | (410) |
| 香朴散····· | (408) | 观音散····· | (410) |
| 茯苓半夏汤····· | (408) | 银白散····· | (410) |
| 二陈汤····· | (408) | 藿香散····· | (410) |
| 人参散····· | (408) | 热泻 第六十七问····· | (410) |
| 沉香散····· | (408) | 钱氏白术散····· | (410) |
| 霍乱吐泻 第六十三问····· | (408) | 大柴胡汤····· | (411) |
| 白饼子····· | (409) | 五苓散····· | (411) |
| 益黄散····· | (409) | 黄连丸····· | (411) |
| 大青膏····· | (409) | 四逆散····· | (411) |
| 白术散····· | (409) | 调中汤····· | (411) |
| 钩藤散····· | (409) | 黄芩汤····· | (411) |
| 玉露散····· | (409) | 四顺清凉饮····· | (411) |
| 五苓散····· | (409) | 伤食泻 第六十八问····· | (411) |
| 香薷散····· | (409) | 紫霜丸····· | (411) |
| 车前子散····· | (409) | 香橘饼····· | (411) |
| 定命饮子····· | (409) | 全蝎观音散····· | (411) |
| 理中汤····· | (409) | 调中散····· | (411) |
| 不换金正气散····· | (409) | 进食丸····· | (411) |
| 二顺散····· | (409) | 异功散····· | (411) |
| 酿乳法····· | (409) | 四君子汤····· | (411) |
| 魃病 第六十四问····· | (409) | 益黄散····· | (411) |
| 紫霜丸····· | (409) | 生姜泻心汤····· | (411) |
| 益黄散····· | (409) | 香朴散····· | (411) |
| 消乳丸····· | (409) | 白术散····· | (411) |
| 异功散····· | (409) | 保安丸····· | (411) |
| 龙胆汤····· | (409) | 沉香煎····· | (411) |
| 泻痢 第六十五问····· | (409) | 三棱丸····· | (411) |
| 调中汤····· | (410) | 杏霜丸····· | (411) |
| 五苓散····· | (410) | 惊泻 第六十九问····· | (411) |

- | | | | |
|------------------|-------|------------------|-------|
| 至圣保命丹····· | (412) | 四顺清凉饮····· | (415) |
| 钩藤饮····· | (412) | 柴胡散····· | (415) |
| 消乳丸····· | (412) | 大柴胡汤····· | (415) |
| 进食丸····· | (412) | 大承气汤····· | (415) |
| 辰砂五苓散····· | (412) | 神芎丸····· | (415) |
| 定命饮子····· | (412) | 轻号散····· | (415) |
| 朱君散····· | (412) | 小便不通 第七十四问····· | (415) |
| 睡惊太乙丹····· | (412) | 木通散····· | (415) |
| 诸色痢 第七十问····· | (412) | 八正散····· | (415) |
| 石莲散····· | (412) | 葱号散····· | (415) |
| 香脯散····· | (412) | 栀子仁散····· | (415) |
| 胃风汤····· | (412) | 神芎丸····· | (415) |
| 香连丸····· | (412) | 大小便不通 第七十五问····· | (415) |
| 黄连香薷散····· | (412) | 脱甲散····· | (415) |
| 五苓散····· | (412) | 大连翘汤····· | (415) |
| 茅花汤····· | (412) | 神芎丸····· | (416) |
| 水浸丹····· | (413) | 掩脐法····· | (416) |
| 败毒散····· | (413) | 五淋 第七十六问····· | (416) |
| 地榆散····· | (413) | 金沙散····· | (416) |
| 芍药柏皮丸····· | (413) | 立效散····· | (416) |
| 宽肠枳壳散····· | (413) | 木通散····· | (416) |
| 三黄熟艾汤····· | (413) | 遗尿 第七十七问····· | (416) |
| 神芎丸····· | (413) | 破故纸散共三方····· | (416) |
| 黄连解毒汤····· | (413) | 尿白浊 第七十八问····· | (416) |
| 泼火散····· | (413) | 茯苓散····· | (416) |
| 汤氏异功丸····· | (413) | 三棱散····· | (416) |
| 卷之八 | | 分清饮····· | (417) |
| 脱肛并痔证 第七十一问····· | (414) | 疳证 第七十九问····· | (417) |
| 涩肠散····· | (414) | 大芦荟丸····· | (417) |
| 丹石散····· | (414) | 肥儿丸二方····· | (417) |
| 胜雪膏····· | (414) | 胡黄连丸二方····· | (417) |
| 黄连解毒汤····· | (414) | 吴希亮疳方····· | (418) |
| 苦参汤····· | (414) | 地黄丸····· | (418) |
| 便血脏毒 第七十二问····· | (414) | 生熟地黄汤····· | (418) |
| 甘露饮····· | (414) | 脾积丸····· | (418) |
| 聚金丸····· | (414) | 集圣丸····· | (418) |
| 犀角地黄汤····· | (415) | 噤疳散····· | (418) |
| 千金地黄丸····· | (415) | 脂连丸····· | (418) |
| 桃仁承气汤····· | (415) | 五疳良方····· | (418) |
| 大便不通 第七十三问····· | (415) | 茯苓丸····· | (418) |

神效换肌丸..... (418)	异功散..... (422)
天麻丸..... (418)	参苓白术散..... (422)
地黄清肺饮..... (419)	橘连丸..... (422)
化蠶丸..... (419)	肥儿丸..... (422)
灵脂丸..... (419)	快活丸..... (422)
下虫丸..... (419)	胃气不和虚冷 第八十二问..... (422)
龙胆丸..... (419)	益黄散..... (422)
黄连丸..... (419)	平胃散..... (422)
香薷丸..... (419)	观音散..... (422)
木香丸..... (419)	银白散..... (422)
褐丸子..... (419)	食积冷热 第八十三问..... (422)
黄芪汤..... (419)	消食丸..... (423)
鳖血煎..... (419)	木香丸..... (423)
蚶皮丸..... (419)	丁香丸..... (423)
君朴丸..... (419)	虚实肿胀 第八十四问..... (423)
疳伤 第八十问..... (420)	分气饮..... (423)
肥儿丸..... (420)	五疳保童丸..... (423)
大芦荟丸..... (420)	汤氏塌气散..... (423)
五疳丸..... (420)	塌气丸..... (423)
胡黄连丸..... (420)	塌气散..... (423)
集圣丸..... (420)	三棱煎丸..... (423)
天麻丸..... (420)	三棱丸..... (424)
地黄丸..... (420)	珍珠天麻丸..... (424)
茯神丸..... (420)	大茱连丸..... (424)
十全丹..... (420)	下虫丸..... (424)
汤氏十全丹..... (420)	沉香煎..... (424)
香薷丸..... (421)	推气丸..... (424)
褐丸子..... (421)	通仙丹..... (424)
消食丸..... (421)	蛔虫 第八十五问..... (424)
鳖甲丸..... (421)	使君子丸..... (424)
蒸鸡丸..... (421)	槟榔散..... (424)
下虫丸..... (421)	化虫丸..... (424)
经验黄鸡煎丸..... (421)	乌梅丸..... (425)
梅肉丸..... (421)	阴肿疝气 第八十六问..... (425)
	桃仁丸..... (425)
	五苓散..... (425)
	青木香丸..... (425)
	汤氏化生丸..... (425)
	牡丹皮散..... (425)
	三黄丸..... (425)
卷之九	
虚羸 第八十一问..... (422)	
木香丸..... (422)	
胡黄连丸..... (422)	
竹叶汤..... (422)	
四君子汤..... (422)	

- | | | | |
|------------|-------|------------|-------|
| 盗汗骨蒸 第八十七问 | (425) | 解肌散 | (428) |
| 团参汤 | (426) | 白玉丸 | (428) |
| 扑汗方 | (426) | 疟证 第九十二问 | (429) |
| 牡蛎散 | (426) | 桂枝麻黄各半汤 | (429) |
| 龙胆汤 | (426) | 白虎加桂汤 | (429) |
| 通神丸 | (426) | 小柴胡汤 | (429) |
| 生犀散 | (426) | 柴胡桂枝汤 | (429) |
| 自汗 第八十八问 | (426) | 鬼哭散 | (429) |
| 小柴胡汤 | (426) | 清脾汤 | (429) |
| 白虎汤 | (426) | 四兽饮 | (429) |
| 葛根黄芩黄连汤 | (426) | 胡黄连散 | (429) |
| 渴证 第八十九问 | (426) | 养胃汤二方 | (429) |
| 三黄丸 | (426) | 经效虐丹 | (429) |
| 白虎汤 | (426) | 大柴胡汤加干葛 | (430) |
| 竹叶汤 | (426) | 木香丸 | (430) |
| 五苓散 | (426) | 五苓散 | (430) |
| 香薷饮 | (426) | 白虎汤 | (430) |
| 车前子散 | (426) | 柴胡石膏汤 | (430) |
| 小柴胡汤 | (426) | 葱白汤 | (430) |
| 黄连解毒汤 | (426) | 知母麻黄汤 | (430) |
| 七物黄连汤 | (426) | 痢毒肿疔 第九十三问 | (430) |
| 烦躁 第九十问 | (426) | 天乌散贴方 | (430) |
| 黄连解毒汤 | (426) | 漏芦散 | (430) |
| 玉露散 | (426) | 青解毒丸 | (430) |
| 导赤散 | (426) | 四顺清凉饮 | (430) |
| 至宝丹 | (426) | 玄参剂二方 | (430) |
| 琥珀散 | (426) | 五福化毒丹 | (430) |
| 青解毒丸 | (427) | 连翘汤 | (430) |
| 小柴胡汤 | (427) | 青露散 | (430) |
| 白虎汤 | (427) | 惊毒掩子 | (430) |
| 大柴胡汤 | (427) | 惊毒诸般肿痛掩子 | (431) |
| 金箔镇心丸 | (427) | 凉膈散 | (431) |
| 七物黄连汤 | (427) | 恶核瘰疬 第九十四问 | (431) |
| 卷之十 | | 清凉饮子 | (431) |
| 胸膈 第九十一问 | (428) | 连翘丸 | (431) |
| 梅花饮子 | (428) | 干金龙胆汤 | (431) |
| 吴子玉方 | (428) | 大圣散 | (431) |
| 半夏丸 | (428) | 檲皮散 | (431) |
| 保寿散 | (428) | 白芨散 | (431) |
| 小归命散 | (428) | 发斑 第九十五问 | (431) |

- | | | | |
|------------------|-------|--------------|-------|
| 葛根橘皮汤····· | (431) | 香苏散····· | (435) |
| 黄连橘皮汤····· | (431) | 木香散····· | (435) |
| 玄参升麻汤····· | (432) | 至宝丹····· | (435) |
| 化斑汤····· | (432) | 四圣散····· | (435) |
| 羌活散····· | (432) | 加味四圣散····· | (435) |
| 丹毒赤游肿 第九十六问····· | (432) | 紫草木香汤····· | (435) |
| 冰黄散····· | (432) | 四君子汤····· | (436) |
| 葛根白术散····· | (432) | 快斑汤····· | (436) |
| 惺芎散····· | (432) | 活血散····· | (436) |
| 败毒散····· | (432) | 龙脑膏····· | (436) |
| 防己散····· | (432) | 猪尾膏····· | (436) |
| 白玉散····· | (432) | 胡荽酒····· | (436) |
| 大连翘汤····· | (432) | 芍药甘草汤····· | (436) |
| 消毒饮····· | (432) | 甘露饮····· | (436) |
| 疮癣 第九十七问····· | (432) | 犀角地黄汤····· | (436) |
| 金华散····· | (433) | 消毒饮····· | (436) |
| 摩风膏四方····· | (433) | 加减四物汤····· | (436) |
| 羌活散····· | (433) | 大连翘汤····· | (436) |
| 大连翘汤····· | (433) | 导赤散····· | (436) |
| 升麻汤····· | (433) | 羌活散····· | (436) |
| 瘰疬 第九十八问····· | (433) | 小柴胡汤····· | (436) |
| 牛黄散····· | (433) | 白虎汤····· | (436) |
| 三黄真珠散····· | (433) | 宣风散····· | (436) |
| 莹肌散····· | (433) | 异功散····· | (436) |
| 麻证水痘 第九十九问····· | (433) | 决明散····· | (436) |
| 黄连杏仁汤····· | (433) | 紫贝散····· | (436) |
| 黄芩知母汤····· | (433) | 韶粉散····· | (436) |
| 升麻汤····· | (434) | 独圣散····· | (436) |
| 柴胡升麻汤····· | (434) | 牛李膏····· | (437) |
| 化斑汤····· | (434) | 调解散····· | (437) |
| 羌活散····· | (434) | 参苓白术散····· | (437) |
| 蝉蜕饮····· | (434) | 扁鹊油剂法三方····· | (437) |
| 消毒饮····· | (434) | 紫草木通汤····· | (437) |
| 麦煎散····· | (434) | 蝉蜕膏····· | (437) |
| 黄连橘皮汤····· | (434) | 安斑散····· | (437) |
| 疮疹 第一百问····· | (434) | 如圣麦门冬汤····· | (437) |
| 惺惺散····· | (435) | 太和散····· | (437) |
| 抱龙丸····· | (435) | 去疮疹癩方····· | (437) |
| 升麻汤····· | (435) | 龙胆丸····· | (437) |
| 升苏散····· | (435) | 疳积丸····· | (437) |

治嗽含膏丸·····	(438)	红绵散·····	(438)
画眉膏·····	(438)	天麻丸·····	(438)
治小儿乳嗽·····	(438)	常用药方歌括·····	(438)
大连翘饮·····	(438)	治眼方·····	(439)
化风丹·····	(438)	治心痛方·····	(439)
玄参剂·····	(438)	备急经验方·····	(439)

婴童百问卷之一

初诞 第一问

婴童在胎，禀阴阳五行之气以生成，五脏六腑百骸之体悉具，必借胎液以滋养之，受气既足，自然分娩。初离母体，口有液毒，啼声未出，急用软绵裹指，拭去口中恶汁，虽是良法，然仓卒之际，或有不及如法者。古人有黄连法、朱蜜法、甘草法，用之殊佳，免使恶物咽下，伏之于心，遇天行时气，久热不除，乃乘于心，心主血脉，得热而散，流溢于胃，而胃主肌肉，发出于外，故成疮疹之候，世之长幼，无有可免者。若依初生拭口之法，得免痘疹之患，或有时气侵染，只出肤疮细疹，易为调理，亦孩童之幸也。杨氏云：初生拭口不前，恶秽入腹，则腹满气短，不能饮乳者，宜用茯苓丸加减治之。又法下胎毒，临产落草时，浓煎淡豉汁服极好，不可与辰砂、黄连、轻粉等。

朱蜜法《葛氏肘后方》 小儿初生，先用黄连、甘草法拭口，吐其恶汁，稍时更与朱蜜，定魄安神。

朱砂一大豆许

上细研，以蜜一蚬壳许，和朱砂抹口中，非独镇心安神，能解恶毒之物，一生免痘疮之患。

黄连法 临月用黄连细切，捶碎绵裹，百沸汤泡，拭口。

甘草法 预以甘草细切少许，产卧时以绵裹，沸汤泡盏内，盖定。收生之际，急以软绵裹指，蘸甘草汁拭其口，次用黄连法、朱蜜法。

牛黄法 与朱蜜同，少加牛黄，益肝胆，除热，定精神，止惊邪，辟恶气，除小儿百病。

茯苓丸《直指方》 治婴儿初生，其声未发，急以手拭其口，令恶血净尽，不得下咽，则无他病；稍迟恶秽入腹，则腹满气短，不能饮乳，或胎中受寒，则令儿腹痛不乳。

赤茯苓 黄连冷证去此，加芍药 枳壳炒

上等分为末，炼蜜丸如桐子大，每丸乳汁调下。

护养法 第二问

巢氏云：小儿始生，肌肤未实，不可暖衣，暖甚则令筋骨缓弱；宜频见风日，若不见风日，则肌肤脆软，易得损伤。当以故絮着衣，勿加新绵，天气和暖之时，抱出日中嬉戏，数见风日，则血凝气刚，肌肉硬密，可耐风寒，不致疾病；若藏于帷帐之内，重衣温暖，譬如阴地草木，不见风日，软脆不任风寒。又当薄衣，但令背暖，薄衣之法。当从秋习之，不可以春夏卒减其衣，否则令中风寒。所以从秋习之者，以渐稍寒，如此则必耐寒，冬月但著两薄襦^①，可耐寒。若不忍见其寒，当略加耳。若爱而暖之，适所以害之也。又当消息，无令出汗，如汗出则表虚，风邪易入也。昼夜寤寐，常当慎之。其乳哺之法，亦当有节，不可过饱，或宿滞不化，当用消乳丸化积温脾等剂治之。陈氏所谓忍三分寒，吃七分饱，频揉肚，少澡洗，及要背暖肚暖足暖，要头凉心胸凉，亦至论也。

消乳丸又名消食丸 治宿食不消。巢氏云：宿食不消，脾胃冷故也。小儿乳哺，饮食生冷过度，冷气积于脾胃。胃为水谷之海，脾气磨而消之，胃气调和，则乳哺消化。脉沉者，伤食不化故也。

缩砂仁 陈皮 京三棱煨 蓬莪术煨 神曲炒 麦芽炒，各半两 香附子炒，一两

上为末，而糊丸如麻子大，食后白汤送下。

噤风撮口脐风 第三问

初生噤风、撮口、脐风，三者一种病也。噤风

^① 襦(rú如)：短衣，短袄。

者，眼闭口噤，啼声不出，舌上聚肉如粟米状，吮乳不得，口吐白沫，大小便皆通，盖由胎中感受热气，流毒于心脾，故形见于喉舌间也。抑亦生下复为风邪击搏所致，自满月至百二十日见此，名曰犯风噤，依法将护，防于未然，则无此患。撮口者，面目黄赤，气息喘急，啼声不出，盖由胎气挟热，兼风邪入脐，流毒心脾之经，故令舌强唇青，聚口撮而，饮乳有妨，若口出白沫，而四肢冷者，不可救，其或腹胀，青筋吊肠卵疝，内气引痛，皆肠胃郁结不通致之，治法贵乎疏利。撮口最为恶候，一腊^①内见之尤急。脐风者，断脐之后，为水湿风冷所乘，风湿之气，入于脐而流于心脾，遂令肚胀脐肿，身体重着，四肢柔直，日夜多啼，不能吮乳，甚则发为风搐。若脐边青黑，撮口不开，是为内搐不治，爪甲黑者即死。其或热在胸膛，伸引努气，亦令脐肿，可与千金龙胆汤。如前三者，受病之源，非一朝一夕，大抵里气郁结，壅闭不通，并用所下胎毒，天麻丸、定命丹、朱银丸之类，可量与之。《千金》论云：小儿始生，其气尚盛，若有微患，即须下之。若不时下，即成大疾，疾成则难疗矣，紫霜丸可量与之。治风噤，用控痰散，吐风痰，不若用甘草汤，吐痰极稳，然后和胃益脾散加减用，又用辰砂青利惊即愈。或手握拳，噤口不开者不治。又撮口用僵蚕膏，敷唇口中，或甘草汤、撮风散。脐风用瓜蒂散。汤氏治婴儿因剪脐伤于外风，致脐疮不干，用白矾龙骨为末，少许敷之，又用旧绵少许，烧灰为末，干掺之效。议曰：断脐不盈尺，一腊之内，随其根蒂自腐，实者深之，弱者浅之，浅深之理，以其禀赋得之。初生之儿，有热在胸膛，则频伸引，呃呃作声，努胀其气，抑人根本之中。所以脐突肿赤，虚大可畏。无识之者，将谓断脐不利而使之然者，非也，此乃由胎中母多惊悸，或因食热毒之物所作，宜与大连翘饮子，其热自散，其脐归本，不必以药敷之。此证亦宜早治，久则难疗也。又有一法，小儿脐风撮口，初生七日内，患此证者，百无一生，如坐视其毙者，良可悯焉，此法极验，世罕有知者。凡患此证，看儿齿龈上有小泡子如粟米状，以温水蘸，热帛裹指擦破，即开口便安，不用服药，亦良法也。安脐散，治脐中汁出，或赤

肿，用白石脂末，日三度敷之；或油发灰、或当归末敷，亦佳。

千金龙胆汤 治胎惊，月内气盛发热，脐风撮口壮热，血脉盛实，四肢惊掣，发热大吐，及变蒸不解，中客人鬼气，并诸惊痫，悉皆治之。十岁以下，皆可服之，及有魅气^②者，加人参、当归，如龙胆数，一百日童加三铢，一岁加五钱。

龙胆草 钩藤 柴胡 黄芩 桔梗 芍药 茯苓 甘草各五钱 蛭螂二枚，去翅足炙 大黄煨，二钱半

上锉散，每服二钱，水一盏，煎半盏服之，以渐加服，得利即止。《直指方》加防风、麦门冬以导心热，黄芩减半，北枣煎服，去蛭螂亦可。

天麻丸 治因断脐后为水湿风冷所乘，入于脐，流于心脾，遂令肚胀脐肿，四肢柔直，日夜多啼，不能吮乳。此药利惊化痰，凡钩肠、锁肚、撮口，并宜服之。

南星炮，二钱 白附子炮 牙硝 天麻 五灵脂 全蝎焙，各一钱 轻粉五分 巴霜一字 上为末，糊丸麻子大，每服三丸，薄荷、生姜煎汤下。

定命丹 治急惊天钩撮口，通利痰热。

全蝎七个 天麻 南星炮 白附子各二钱半 朱砂 青黛各一钱半 轻粉 麝香各五分 片脑一字^③

上为末，粟米糊丸绿豆大，每服一丸，荆芥、薄荷汤化下。先研半丸，吹入鼻中。一方无片脑。

朱银丸 治脐风壮热痰盛，翻眼口噤，取下胎中蕴受之毒。亦治惊积，但量情用之。一方无积字。

水银一钱，蒸枣肉，研如泥 白附子一钱五分 全蝎一钱 南星一钱 朱砂一钱 天浆子去壳 牛黄 芦荟各一钱二分 铅霜五分，和水银研片脑一字 麝五分 直僵蚕炒，七个

① 一腊，小儿初生七日为一腊。《玉笑零音》：“人之初生，以七日为腊。”

② 魅(ì)气：也称继病。参见第六十四问。

③ 一字：古代以铜钱抄取药末，钱面共有四字，将药末填去钱面一字之量，即称一字。

上为末，粟米糊丸，芥子大，每服一丸，薄荷汤下。如未通利，加至二三丸。

紫霜丸 治变蒸发热不解，并伤寒温壮，汗后不歇，胸中有痰癖，乳哺不进，乳则吐哕^①，先寒后热者；又治食积，乳哺失节，宿滞不化，或因食而发病，大便酸臭，并宜服之。

代赭石煨，醋淬七次 赤石脂各一钱 杏仁五十枚，去皮尖 巴豆三十枚，去皮膜心，出油

上先将杏仁、巴霜入乳钵内，细研如膏，却入代赭、石脂末研匀，以汤浸蒸饼为丸，如粟米大，一岁服五丸，米饮吞下。一二百日内儿三丸，乳汁下。更宜量其虚实加减，微利为度。此药兼治惊痰诸疾，虽下不致虚人。

消食丸 常服宽中快气，消乳食，正颜色。

宿砂 陈皮 三棱 蓬术 神曲 麦芽炒，各半两 丁香一分 香附子米汁浸 枳壳炒 槟榔 乌榔各半两

上为末，面糊丸如绿豆大，空心紫苏汤下二十丸至三十丸。

控痰散 治风噤，先用控痰散吐风痰，次与益脾散和胃，又与辰砂膏利惊即愈。或手握拳，禁口不开者不治。

蝎尾 铜青各五分 朱砂一钱 膩粉一字 麝香少许

上为末，每服一字，茶清调下，或用后甘草汤吐痰亦可。

甘草汤 治撮口。取吐风痰。

甘草生，一钱

上锉煎服，令吐出痰涎，却以猪乳点入口中握。

益脾散

白茯苓 人参 草果煨 木香 甘草 陈皮 厚朴姜制 苏子炒

上等分为末，每二钱，姜枣煎服。

辰砂膏 治眼闭口噤，啼声不出，吮乳不得，口吐白沫，大小便皆通。

辰砂三钱 硼砂一钱 马牙硝一钱 玄明粉二钱 全蝎五分 真珠末五分 麝香一字

上为末，和毕，用好油纸封裹，自然成膏，每服一豆粒许。诸惊金银箔、薄荷煎汤下。潮热，

甘草汤下，或用乳汁调敷乳上，令儿吮下。

葱号散 治初生小儿七日不小便。葱白三四寸 人乳不拘多少

上同捣如泥，抹儿口内，即吃乳。

蚕号散 治初生小儿七日不食乳，名撮口。

僵蚕四个，去嘴略炒 茯苓少许

上为末，蜜稠调，抹儿口内。

僵蚕膏 治撮口。

赤脚蜈蚣半条，炙 钩藤一钱 朱砂一钱

直僵蚕焙，一钱 全蝎稍一钱 麝香一字

上末，每服一字，取竹沥调下。竹沥解热。

撮风散 治撮口。

直僵蚕二枚，去嘴，略炒

上为末，蜜调，敷唇口中。

瓜蒂散 治小儿三岁，忽发心满坚硬，脚手心热，则变为黄，若不急治，害人甚速；脐风撮口，吹入鼻内，啼则可医。

瓜蒂七个 赤小豆七粒 秫米七粒

上为末，用一豆许，吹两鼻内，令黄水汁出，残药未尽，水调服之，得吐黄水即握。一方：瓜蒂一两、赤小豆四两为末，每服一钱，温水调下，药下便卧，即当有吐，以吐为度，吐出黄水为妙。

大连翘汤 治疮疹壮热，小便不通，诸般疮疔，丹毒脐风。

连翘 瞿麦 荆芥 木通 当归 防风 赤芍药 柴胡 滑石 蝉蜕 甘草炙，各一钱 山梔仁 黄芩各五分

上锉细，每服二钱，加紫草煎温服，热甚加大黄，更详证加减。

安脐散 小儿断脐后，便敷之。

赤脚蜈蚣一寸，炙 羚羊角一钱，略烧存性 乳发一团，烧存性 雀瓮^②三枚 麝香少许 上为末，断脐后敷于脐上。

定命散《活幼方》采入。治初生儿口噤不开。

蝉蜕十四个，去嘴脚 全蝎十四个，去毒

① 哕(xiàn 现)：不呕而吐。

② 雀瓮：又名躁舍、天浆子等。味甘平有毒，主治小儿惊风、脐风、痲疾。

上为细末，入轻粉少许和匀，用乳汁调，乳前服少许。

脉法 第四问(无方)

仲阳云：小儿脉法，脉乱不治。气不和，弦急；伤食，沉缓虚；惊促急；风浮，冷沉细。《水镜诀》：夫以阴阳运命，男女成形，已分九窍四肢^①，乃生五脏六腑，位分三郁，逆顺难明，若凭寸口之浮沉，必乃横亡于孩子，须明虎口，辨别三关，消详用药，必无差误。未至三岁，看男左女右，虎口第二指根。第一节名初关，一名风关，若脉见初交病；第二节为中关，又名气关，脉见病深重；第三节为末关，又名命关，脉见死不治。三关青，是四足惊；三关赤，是水惊；三关黑，是入惊；紫色泻利；黄色雷惊；三关有通度脉，是极惊之证，必死，余病可治。或青成红，有纹如线一直者，是乳食伤脾，及发惊热；左右一样者，是惊与积齐发；有三条成散，是肺生风痰，或似鼾^②之声。有赤是伤寒及嗽；如红火是泻；有黑相兼主下痢；红多白痢，黑多赤痢。有紫相兼，加渴不虞。虎口脉纹乱，乃气不和也，青惊积，青黑发慢惊。脉入掌内吊。指纹曲里，风盛；弯外，食积上蒸。此论三岁以上脉法。小儿一岁至三岁，看虎口，更用指按高节，乃一指分三关，定其息数呼吸，八至为平脉，九至不安，十至危困。短长大小，各有邪干：浮主风生；数主有惊；沉迟主虚冷；实主有热；紧是癫痫；洪主热盛；沉细主腹痛；沉缓主虚泻；微迟有积有虫；迟涩主胃脘不和；沉主乳食难；沉细主乳食结；紧弦主腹热痛；牢实主大便秘；沉而数者骨中有热；弦长是膈肝有风；紧数惊风，四肢掣战；浮洪胃口有热；沉紧主腹痛不歇；虚濡有气，又兼慢惊；乳多痢，大便有血。四岁用一指按虚实；五岁六岁，用一指滚转寻三部平正，关上为准；七岁八岁，稍移指少许，寻三部；九岁十岁，次第依三关部位寻取；十一十二岁，亦同十岁看；十四岁十五岁，方依大方脉部位诊视。凡看脉，先定浮、沉、迟、数、阴、阳、冷、热，皆依大方也。沉迟为阴，浮数为阳。更兼看而部，青色主惊风，白色主虚泻，赤色主痰

热，黑色病势难当，黄色是脾家疳积。以此相参，察其病源，审度治疗，必无疏失矣。

变蒸 第五问

巢氏云：小儿变蒸者，以长血气也。变者上气，蒸者体热。巢氏云：上多变气。仲阳云：变者易也。又生变蒸者，自内而长，自下而上，又身热。故以生之日后，至三十二日一变，每变毕，即觉性情有异于前。何者？长生脏腑童智故也。何谓三十二日长骨添精神？人有三百六十五骨，以象天数，以应期岁，以分十二经络。故初生至三十二日，一变生癸，属足少阴经肾脏，藏精与志。至六十四日，二变一蒸生壬，属足太阳经膀胱腑，其发耳与尻冷，肾与膀胱合，俱主于水，天一生水，地六成之。至九十六日，三变生丁，属手少阴经心脏，藏神，其性为喜。至一百二十八日，四变二蒸生丙，属手太阳经小肠腑，其发汗出而微惊，心与小肠合，主火，地二生火，天七成之。至一百六十日，五变生乙，属足厥阴经肝脏，藏魂，喜哭。至一百九十二日，六变三蒸生甲，属足少阳经胆腑，其发目不闭一本作开而赤，肝与胆合主木，天三生木，地八成之。至二百二十四日，七变生辛，属手太阴肺脏，藏魄，主声。至二百五十六日，八变四蒸生庚，属手阳明经大肠腑，其发肤热而汗或不汗，肺与大肠合主金，地四生金，天九成之。至二百八十八日，九变生巳，属足太阴经脾脏，藏童与智。至三百二十日，十变五蒸生戊，属足阳明经胃腑，其发不食，肠痛而吐乳，脾与胃合主土，天五生土，地十成之。又手厥阴经心包络为脏，手少阳经三焦为腑，此一脏一腑，俱无形状，故不变而不蒸也。前十变五蒸，乃天地之数以生成之，此后始生齿能言，知喜怒，故云始全也。太仓云：气入四肢，长碎骨。于十变后六十四日为一大蒸，计三百八十四日，长其经脉手足，手受血，故能持物，足受血，故能行

① 肢：原作“肺”，据《准绳幼科》引文改。

② 鼾（hóuhán 候含），指小儿因有痰涎而引起的气促喘急声。

立。经云变且蒸，谓蒸毕而足一岁之日有余也。师曰：不汗而热者，发其汗，大吐者微止，不可别治。又六十四日，为二大蒸，计四百四十八日。又一百二十八日，为三大蒸，共计五百七十六日，变蒸既毕，儿乃成人也。变者变生五脏也，蒸者蒸养六腑也，所以成人。变者上气，蒸者体热，每经一变一蒸，情态即异，轻则发热微汗，其状似惊，重则壮热，脉乱而数，或吐或汗，或烦啼躁渴，轻者五六日解，重者七八日解，其候与伤寒相似。亦有变蒸之余，续感寒邪者，但变蒸则耳冷尻冷，上唇发泡，状如浊珠，若寒邪搏之，则寒热交争，腹中作痛，而啼叫之声，日夜不绝。变者易也。蒸于肝则目眩微赤，蒸于肺则咳嗽毛耸，凡五脏六腑，筋脉骨节，皆循环各有证应。其治法：和平之剂微表，实热者微利之，或不治亦自愈，可服紫霜丸一丸或二丸，并黑散子、柴胡汤。变蒸者有寒无热，并吐泻不乳多啼者，当归散、调气散主之。变蒸之外，小儿如常，体貌情态，自然端正，鼻内喉中，绝无涎涕，头如青黛，唇似朱鲜，脸腮如花映竹，情童若天净月明，喜引方笑，似此平安。议曰：人得中之道，以为纯粹，阴阳得所，刚柔兼济，气血相和，百脉相顺，所以心志益通，精神俱备，脏腑充实，形体固壮。凡观婴孩颅凶固合，睛黑神清，口方背厚，骨粗臀满，脐深肚软，齿细发黑，声洪睡稳，此乃受气充足，禀赋得中，而无疾也。

紫霜丸 治证详见第三问。

代赭石煨，醋淬七次 赤石脂各一钱 杏仁五十粒，去皮尖 巴豆三十粒，去皮膜心，出油

上先将杏仁、巴霜入乳钵内，细研如膏，却入代赭、石脂末研匀，以汤浸蒸饼为丸，如粟子大，一岁服五丸，米饮汤下；一、二百日内儿，三丸乳汁下；更宜量其虚实加减，微利为度。此药兼治惊痰诸疾，虽下不致虚人。

紫阳黑散 治变蒸，解利热气。

麻黄一两，不去节 大黄五钱 杏仁去皮尖，二钱半

上三味，同一处捣和，略烧存性，再以杏仁少许，研膏和之，密器盛贮，每用一豆许，乳汁调下。

柴胡汤 治变蒸，骨热心烦，啼叫不已。

人参 甘草微炙 麦门冬去心，各二钱 龙胆草 防风各一钱 柴胡三钱

上锉散，每服三钱煎服。

当归散 治变蒸，有寒无热。

当归二钱 木香 官桂辣者 甘草炙 人参各一钱

上锉散，每服二钱，姜、枣煎服。

调气散 治变蒸，吐泻不乳，多啼慢惊欲发。

木香 香附子 人参 桔皮 藿香 甘草炙，各一钱

上为末，每服二钱，姜、枣煎服。

五脏所主 第六问(无方)

心主惊，实则叫哭发热，饮水而搐；虚则困卧，悸动不安。肝主风，实则目直大叫，呵欠项急顿闷；虚则咬牙^①呵欠，气热则外生风，气温则内生风。脾主困，实则困睡，身热饮水；虚则吐泻生风。肺主喘，实则闷乱喘促，有饮水者，有不饮水者；虚则哽气长出气。肾主虚，无实也。惟痘疮实则黑陷，更当别虚实证。假如肺病，又见肝证，咬牙多呵欠者，易治，肝虚不能胜肺故也。若目直大叫哭，项急顿闷者，难治。盖肺久病虚冷，肝强实而反胜肺也。视病之新久虚实，虚则补母，实则泻子。

五脏病证 第七问(无方)

肝病：哭叫目直，呵欠顿闷项急。心病：多叫哭惊悸，手足动摇，发热饮水。脾病：困睡泄泻不思饮食。肺病：哽气长出，气喘气急。肾病：目无精光，畏明，体骨重。治疗之法：大抵肝病以疏风理气为先，心病以抑火镇惊为急，脾病当温中消导，肺病宜降气清痰，肾则补助真元，斯得其治法之大要也。

① 咬牙：原误作“噤牙”，据下文改。

肝脏 第八问

肝外主感风^①，呵欠顿闷，口中气热，当发散，大青膏主之。若能食饮水不止，当大黄丸微下，余不可下。肝热手寻衣领，及乱捻物，泻青丸主之。壮热饮水，喘闷，泻白散主之。肝病胜肺，肝病秋见，肝强胜肺，肺怯不能胜肝，当补脾。治肝益脾者，母令子实故也。补肺，益黄散；治肝，泻青丸。肝有风，目连眨不搐，得心热则搐。治肝，泻青丸，治心，导赤散主之。肝有热，目直视不搐，治同上法。肝有风，其身反张，强直不搐，心不受热也，当补肾治肝。补肾，地黄丸；治肝，泻青丸主之。凡病或新或久，皆引肝风之动，而动止于头目，目属肝，风入于目，上下左右，如风吹，不轻不重，儿不能任，故目连眨也。若热入于目，牵其筋脉，两眦俱紧，不能转视，故目直也。若得心热则搐，以其子母俱有实热，风火相搏故也。肝病见秋，木旺肝强胜肺也，宜补肺泻肝，轻者肝病退，重者唇白而死。

大青膏 治伤风痰热发搐，百日左右并二三岁亦可服。

天麻一钱 白附子一钱 蝎尾半钱 朱砂一字
青黛一钱 天竺黄一字 麝香一字 乌蛇酒浸，取肉焙干，半钱

上为末，生蜜为丸，如芡实大，月中儿粳米大，同牛黄膏、薄荷汤化下，五岁以上，同甘露散服之。

大黄丸 治小儿无辜疳疾，急疳壮热，疳劳骨蒸，头发作穗，身上生疮，瘰疬核块，多要噉煎^②，食物不成肌肤，腹大颈细。

大黄三钱 木香半两

上为末，米醋一升相和，置铜罐中，下于铛内，浮水上，炭火煮，用篦子搅药，候可丸即丸，人稠糊丸如小豆大，二岁二十丸，米汤下，加减与之，当下青脓为效。一方治无辜疳疾，肚大，或时泻痢，冷热不调，漏芦为末，每服一钱，肝一两，盐少许煮，空心服之。

大黄丸钱氏方 治风热里实，口中气热，大小便秘赤，饮水不止，有下证者宜服之。

黑牵牛半生半炒，五钱 川芎半两 甘草一钱，炙 大黄一两，酒洗过，蒸熟，切片，晒干

上为细末，稀糊和丸如麻子大，二岁每服十丸，温蜜水下，乳后服，以溏利为度，未利加丸数再服，量大小加减用之。

泻青丸 小儿赤眼多泪，睛疼心躁，并消热翳，急惊发搐。

当归 川芎 防风 龙胆草 大黄 羌活 山梔仁各等分，一方加甘草、赤芍药。

上为末，炼蜜丸如芡实大，每服一丸，沙糖汤下。

泻白散 治小儿痰壅咳嗽，宽气进食。

地骨皮 桑白皮炒，各一两 甘草炙，一钱

上锉散，人粳米一撮，水二小盏，煎七分，食前服。

益黄散 治小儿吐泻，脾虚不食，米谷不化，困倦力少，滑肠夜起，并疳虚盗汗，并治涎唾不收，颌下常湿，名曰滞顺。

陈皮去白，一两 丁香二钱，一方用木香 诃子炮，去核 青皮去瓤 甘草炙，各五钱

上为末，每服二钱，水一盞，煎三分，食前服。

导赤散 治小儿心惊，内虚邪热。

生地黄 生甘草 木通各等分

上锉散，竹叶七片，再加黄芩、赤芍药、羌活、灯心各等分，水一盞，煎三分，食前服。

地黄丸 治肾疳肺热肌削，手足如冰，滑泄肚痛。

熟地黄 山茱萸去核 干山药各四钱 泽泻 牡丹皮 白茯苓去皮，各三钱

上为末，炼蜜和丸，如梧桐子大，三岁以下，一二丸至三丸，温水空心化下，行迟鹤膝加鹿茸、牛膝、五加皮。

心脏 第九问

心热，视其睡，口中气温，或合而睡，及上窜

① 肝外主感风：《小儿药证直诀》起秀堂本作：“肝外生感风”。

② 噉煎：小儿烦躁的表现，参见第九十问。

咬牙，皆心热也，导赤散主之。心气热则心胸亦热，欲言不能，而有就冷之意，故合面卧。心气实则气上下行涩，阻滞则不得通，故喜仰卧，则气得上下通也，泻心散主之。心病见冬大旺，心强胜肾，当补肾治心，轻者病退，重者下窞不语，肾怯虚也。

导赤散 方见第八问。

泻心散 治心中痰气实则气行涩，合卧则气不通，故喜仰卧，则上下通也。

黄连一两，去须

上为末，每服半钱或一钱，临卧时温水下。

脾脏 第十问

脾胃不和，面眇白无精光，口中气冷，不思

食，吐水，当补脾，益黄散主之。脾胃虚冷，面眇白色，瘦弱腹痛，不思食，当补脾，益黄散；下利者调中丸主之。伤风手足冷，脾脏怯也，当和脾，后发散。和脾，益黄散；发散，大青丸主之。脾病见四旁，皆仿此治之。顺者易治，逆者难治，脾怯当而赤黄，五脏相反，随证治之。

益黄散 见第八问。

大青膏 见第八问。

调中丸 即理中丸，或作汤，同。见第五十三问。

婴童百问卷之二

肺脏 第十一问

肺盛复有冷风，胸满短气，气急喘嗽上气，当先散肺，后发散风冷，散肺，泻白散主之。肺只伤寒，则不胸满。肺热则手掐眉眼鼻而，甘桔汤主之。肺虚热，唇深红色，治之散肺虚热，少服泻白散。肺脏怯，唇白色，当补肺，阿胶散主之。若闷乱气粗，喘促哽气者难治，肺虚损故也。脾肺病久，则虚而唇白，脾者肺之母也，母子皆虚，不能相营，故曰怯。肺主唇，白而光泽者吉，白如枯骨者死。肺病春见，肺脏胜肝，当补肾肝，治肺脏，肝怯者受病也。补肝肾，地黄丸；治肺，泻白散主之。肺病见春，旺肺胜肝，当泻肺，轻者肺病退，重者目淡青，必发惊，更有赤者当搐，为肝怯，当日淡青色也。

泻白散 见第八问。

甘桔汤 治风热毒气上攻，咽喉疼痛，喉闭肿塞妨闷，及肺壅咳嗽，咯唾脓血，胸满振寒，咽干而渴，时出浊沫，气血腥臭，久久吐脓，状如米粥，又治伤寒咽病。

桔梗二两 甘草一两

上为粗末，每服二钱，水一盞，煎至七分，去滓，食后温服，加荆芥、防风，名如圣汤；热甚加羌活、黄芩、升麻。

阿胶散 治嗽，肺无津液，喘急，肺虚者，咳而哽气，喉中有声。

阿胶一两半，蛤粉炒 鼠粘子二钱半，炒香
马兜铃半两，焙 甘草一钱，炙 杏仁七个，去皮尖
糯米一两

上为末，每服二钱，水一盞，煎六分，食后温服。

地黄丸 见第八问。

肾脏 第十二问

肾虚，儿本虚怯，由胎气不成，则神气不足，目中白睛多，其颅即解，凶开，面色皤白，此皆难养，纵长不过八八之数，若恣于色欲，多不过四旬而亡，或有因病而致肾虚者非也。又肾气不足则下窜，盖骨重惟欲坠下而缩身也。肾水阴也，肾虚则畏明，皆宜补肾，地黄丸主之。肾病见夏，水胜火，肾胜心也，当治肾，轻者病退，重者悸动，当搐也。

地黄丸 见第八问。

面上证气色总见 第十三问(无方)

左腮为肝，右腮为肺，额上为心，鼻上为脾，下颏为肾，赤者热也，随证治之，此仲阳之至论也。《口议》所谓五位气色总见者：其蓝青色者，乃惊积不散，欲发风候；其火红色者，痰积壅盛，惊悸增进；其黄土色者，食积癥伤，欲作疳疾痞癖；其色白者，大肠滑泄，水谷不分，欲作吐利；其黑色者，脏腊欲绝^①，其疾危恶，其儿不久也。又有面郁形色：额有青色，主惊风欲发，红主大热；印堂青色，初人惊并泻，红主大惊夜啼，黑主客忤；山根青至，主二次惊，青色主泻后发躁，黑色及黄甚主死；年寿^②平陷者主夭，青主发热生惊，黑主利死，红主燥死，微黄曰平，黄甚主霍乱死；鼻准微黄曰平，黄甚为土动死候，黑赤危甚；人中黑，主蛔虫咬，患久唇反者死，短缩者因利死；边旁黄主胃逆，青色主下利；正口红者平，干燥脾热，白主失血死，黄有积，青因惊风死；黑气

① 绝：《活幼口议》此后有：“荣卫失序，经络流注，凝滞于脉。”

② 年寿：小儿面部望诊部位，也是推拿穴位名，在山根与鼻准之间。

绕口者死；承浆青因饮食时被惊，黄主吐逆，赤主血痢，赤黑主惊风；两眼黑睛黄有热，白睛黄食积不化、疳、蛔，白睛青肝风惊，黑睛黄伤寒；眉上青吉，忽红主烦躁夜啼，黄主霍乱，久病红者死；风气二池^①青主风候，紫主吐逆，又发热，黄吐逆，红主烦躁夜啼；两颧赤色，肺有客热；两太阳青，主二次受惊。青自太阳人耳者死，红主血淋；两脸青主客忤，黄主痰溢，赤主风热；两颊赤主伤寒，左赤心热口疮，右赤肺热，黄主有积，红主血淋；两颧青主吐虫；两金匱青，主第三次惊，生风，黑绕口二日死，青连目人耳七日死；两风门^②红主风热，黑主疔，青主惊，黑从眉人耳当日死，唇黑不食者死。又面青眼青肝之病，而赤心之病，面白肺之病，而黄脾之病，而黑肾之病，五脏各有所主。看禀受盈亏，胎气虚实，阴阳补泻，当救其失，脏腑表里，若能辨其标本，则神圣工巧，自然得矣。

发搐 第十四问

仲阳云：惊痫发搐，男发搐，目左视无声，右视有声；女发搐，目右视无声，左视有声，相胜故也。早晨发搐，因潮热，寅卯辰时，身体壮热，上视手足动摇，口内生涎，项颈急，此肝旺，当补肾治肝。补肾，地黄丸；治肝，泻青丸主之。日午发搐，因潮热，巳午未时发搐，心神惊悸，目上视，白睛赤色，牙关紧，口内生涎，手足动摇，此心旺也，当补肝治心。治心，导赤散、凉惊丸；补肝，地黄丸主之。日晚发搐，因潮热，申酉戌时不甚搐而喘，目微斜视，身体似热，睡露睛，手足冷，大便淡黄水，是肺旺，当补脾治心治肝。补脾，益黄散；治肝，泻青丸；治心，导赤散主之。夜间发搐，因潮热，亥子丑时不甚搐而卧不稳，身体温壮，目睛紧斜视，喉中有痰，大便白色，乳食不消，多睡不省，不纳津液，当补脾治心。补脾，益黄散；治心，导赤散、凉惊丸主之。凡急惊欲发，先看握拳，指内阴顺，指外阳顺，男左女右，搐须令全用药通关，大忌闷涎入肺，逆入心经，不能言语，即与凉心镇惊下痰药始安，如逆搐者便不可救。若因吐泻后变证，却难调治。大凡此证，要看握拳

逆顺，若搐顺则易调理，搐逆恐其复潮，先用通关散拈儿，保命丹、省风汤，后用疏风化痰退热等药，便可无事。又有惊风搐搦，吐泻多啼，急搐眼后有泪，而红则难瘥。爱哭心中聚涎，脸有红筋，乃是痲疾。指乱青纹，疾病又传，此乃^③下惊风镇坠太过，风疾不散，与气相逆，搐不能定，当下转气疏风药，温胆汤加酸枣仁服，次省风汤化苏青丸。又有急惊偏搐，而青背冷，男左女右不妨，男右女左难治，如手心冷汗，搐眉搐肚，终日终夜不定者，名真搐，两眉都动，此乃掣证，不惟定搐，亦要顺气，当下参汤，平其胃气，却进川乌、全蝎等药，并顺气药亦要斡旋。仲阳论伤风后发搐，若伤风后得之，口中气出热，呵欠烦闷，手足动摇，当发散，大青膏主之。伤食后发搐：若伤食后得之，身体温，多睡多唾，或吐，不思饮食而发搐，当先定搐，搐退白饼子下之，后服安神丸。又百日内发搐，真者不过三两次必死，假者频发不为重，真者内生惊痲，假者外伤风冷，盖血气未实，不能胜任，乃发搐也。欲知假者，口中气出热也，治宜发散，大青膏主之，仍用涂凶浴体法，珍珠丸下痰即定；有热不大便者，七宝洗心散、宽热散，下之即效；却用截风定搐，天麻防风丸、龙齿散、钩藤散等剂调理；有热疮疥，或不语，防风通圣散、大连翘汤皆可服。

泻青丸 见第八问。

导赤散 见第八问。

凉惊丸 潮热口内涎，手足动摇，此心旺也。治惊疳有热发搐，心神惊悸，目上视，面赤色，牙关紧。

黄连末，五分 龙腊一钱 龙胆三钱 防风三钱 青黛三钱 钩藤二钱 牛黄一字 麝香一字

上同研，面糊丸粟米大，每服三、五丸至一、二十丸，煎金银汤送下。

地黄丸 见第八问。

① 风气二池：小儿面部望诊部位，风池即上眼泡凹陷处。气池即下眼泡凹陷处。

② 风门：小儿面部望诊部位，即耳屏间切迹相平处，相当于听会的部位。

③ 此乃：天启本作“惊风”。

益黄散 见第八问。

通关散 治诸风搐搦，关窍不通，皆由痰塞中脱，留滞百节所致，痰之所以潮塞者，气使实之。

南星炮，一钱 麝香一字 猪牙皂一挺，略烧存性 赤蜈蚣一条，炙 直僵蚕一钱

上为末，以手点姜汁，蘸药少许擦牙，或用物引，滴入药两三点，涎出自开。与后十九问开牙散通用。

嚏关散

生半夏一钱 皂角半钱

上为末，用一豆许，用管子吹入鼻，立醒。

天关如圣散

赤蜈蚣一条，中分为两片，各用葱汁浸一宿，焙干 全蝎一个，亦中分为两片，各记左右，以二物分两处

上各为末，左眼翻，左手搐，以左药末搨入左鼻孔；右眼翻，右手搐，以右药末搨入右鼻孔；双眼翻，双手搐，兼之。

至圣保命丹 治小儿胎惊内钓，腹肚坚硬，眠睡不安，夜多啼哭；及治急慢惊风，目眼上视，手足抽掣，不省人事，悉皆主之，冷证用此。

全蝎十四个，去尾 防风二钱 白附子一钱 炮南星一钱，有热用胆星 蝉蜕一钱 僵蚕去丝炒 天麻二钱 朱砂一钱 麝香半钱 金箔十片 有热证加牛黄、冰片、硼砂各少许。

上为末，粳米糊丸，每两作四十丸，常服镇心安神化痰，除一切惊风诸证。汤临时换。一方加人参、白茯苓二钱。

省风汤 治惊风口噤，筋脉挛急，抽掣疼痛，风盛痰实，旋晕僵仆，头目眩，胸膈烦满，恍惚不定，神志昏愤。

天南星生用 防风去芦，各四两 甘草生用 半夏米泔浸一宿 黄芩去粗皮，各一两

上咬咀，每服二钱，生姜一片，煎去滓，不拘时服。

温胆汤 治惊悸烦躁不得眠。

半夏 枳实各二钱半 茯苓半两 橘红 甘草各一钱半 酸枣仁去壳，二钱半

腹疼加芍药。

上咬咀，每服一钱，入竹茹少许，姜枣煎服。

白饼子即玉饼子。 治小儿夹食伤寒，其证发热呕吐，亦有肚疼者，噎气，辨得分晓，先用此药一服，推下食积，却用平和药发散调治，如惺惺散、加减参苏饮皆可服，却不可服冷药。

滑石末一钱 轻粉半钱 半夏末一钱 南星末一钱 巴豆廿四个，去皮膜，用水一升煮干，研细

上三味捣罗为末，入巴豆粉，次入轻粉，又研匀，却入余者药末，如法令匀，糯米粉丸如绿豆大，量小儿虚实用药，三岁已下，每服三丸至五丸，空心紫苏汤下，忌热物；若三五岁儿壮实者，不以此拘，加至二十丸，以利为度。

安神丸 治惊。

人参 茯神 麦门冬 干山药 龙脑各二钱 龙齿一钱 朱砂 甘草 寒水石末各半钱 金箔

上为末，蜜丸鸡豆大，灯心汤调下。

大青膏 见第八问。

青州白丸子一名苏青丸。 见第六十问。

浴体法

天麻末二钱 全蝎去毒，为末 朱砂各半钱 乌蛇肉酒浸，焙干 白矾各二钱 麝香一字 青黛三钱

上同研匀，每用三钱，水三碗，桃枝一握，叶五七枚，同煎至十沸，温热浴之，勿浴青。

涂凶法

麝香一字 蝎尾去毒，为末，半钱，一作半字 薄荷叶半字 蜈蚣末 牛黄末 青黛末各一字

上同研，用熟枣肉剂为膏，新绵上涂匀，贴凶上，四方可出一指许，火上炙，手频熨，百日内外小儿，可用此涂浴法。

珍珠丸 见第十八问。

七宝洗心散 见第三十七问及第二十问。

宽热散 见第五十问。

天麻防风丸 见第五十四问。

惺惺散 见第五十问。

龙齿散 见第三十问。

钩藤散 见第十六问。

防风通圣散 见第二十八问。

大连翘汤 见第三问。

一分。

急惊 第十五问

急惊者，因闻大声及大惊而发搐，发过则如故，此无阴也，当下利惊丸主之。小儿急惊者，本因热生于心，身热面赤，引饮，口中气热，大小便黄赤，剧则搐也。盖热甚则风生，风属肝，此阳盛阴虚也，故利惊丸主之，以除其热痰，不可与巴豆及温药大下之，恐搐虚热不消也。小儿热痰客于心胃，因闻声非常，则动惊搐矣；若热极，虽不因闻声及惊，亦自发搐，急惊之候，牙关紧急，壮热涎潮，窜视反张，搐搦颤动，唇口眉眼眨引频并，口中热气，颊赤唇红，大小便黄赤，其脉浮数洪紧。盖由内有实热，外挟风邪，心经受热面积惊，肝经生风而发搐。治法大要，用药有序，通关以后，且与截风定搐，痰热尚作乃下之，痰热一泄，又须急与和胃定心之剂，如搐定面痰热少者，则但用轻药消痰除热可也。盖急惊须当下，切不可过用寒凉及银粉巴消翠，荡涤太骤，此等重剂，医家不得已而用之，仅去疾即止，或不当用而用，或当用面过焉，往往由此面成慢惊矣。此证亦用搐鼻通关打喷嚏，牙关开后，用疏风化痰退热药导赤散、柴胡天麻等剂，便可无事，琥珀散通治诸经惊狂之要药，至宝丹亦可服。

利惊丸 治小儿急惊，风痰盛，发热潮搐

青黛 轻粉各一钱 牵牛末半两 天竺黄二钱

上为末，白面糊丸，如小豆大，二十丸，薄荷汤下。一法炼蜜丸，如芡实大，一粒化下。

导赤散 见第八问。

至宝丹 见第二十问。

琥珀散 治小儿急慢惊风，涎潮昏冒，目睛搐搦，惊吊肚疼，及和顺痘疮，小可惊哭，眠卧不安，入口立效，惊痛时攻发作，常服永除病根。

辰砂一钱半 琥珀 牛黄 天麻 僵蚕炒，去丝嘴 全蝎去毒 白附子 乳香 蝉蜕各一钱 麝香半钱 代赭石煨，醋淬七次，一钱 片脑一字 牛胆南星一字

上为末，三岁一钱，薄荷汤下，慢惊加附于

慢惊 第十六问

慢惊者，因病后或吐或泻，脾胃虚损，遍身冷，口鼻气出亦冷，手足时时痲痲，昏睡露睛，此无阳也，栝楼汤主之。凡慢惊之候，或吐或泻，痰鸣微喘，眼开神缓，睡则露睛，惊跳搐搦，乍发乍静，或身热身冷，四肢热，口鼻冷气，面色淡白淡青，或眉青唇青，其脉沉迟散缓。盖由急惊过用寒凉，或转下太骤，传变成之。又有吐利不止而成者，有气虚暴吐泻而成者，有脏腑虚洞泄而成者，有久利气脱面成者，有取泻下积而成者，有吐血下血而成者，有感风不解，伤寒传变而成者，有久嗽作痛不已者，有虫积冲心者，有疝气腹痛者，或日夜汗出，脾困多睡，烦躁引饮，四肢浮肿，大小便闭，丹瘤肿毒，龙带缠腰，走马急疳，并传慢候。惟吐泻积利成虚致之，则证变甚速，治法须当审问源流，不可一概用药曰慢候，如吐泻得之，则理中汤加木香以温其中，五苓散以导其水。如脏寒洞泄得之，则先与术附汤。下积取转得之，则先与调气散，调和脾胃。如外感风寒，则可与桂枝汤、葛根汤辈，其他可以类推矣。然慢惊虽属阴，亦须准较阴阳亏盛，浅深如何，不可纯用温药及燥烈大热之剂，惟于生胃气中，加以截风定搐，如全蝎、花蛇、僵蚕、白附子、天麻、南星辈为良方，传慢候面尚有阳证者，不必回阳，但与截风调胃，可冷可热，惟均平阴阳而已，太乙保生丹、聚宝丹、蝉蝎散、神宝既济丹、来复丹、王氏惺惺散、醒脾散、大醒脾散、温白丸，可选面用之。若阳亏阴盛，病已传过，纯属慢惊，无搐掣反引窜视之证，面但昏沉者，与星香全蝎散、定命饮于、四圣散^①、乌蝎四君子汤、天南星散、乌沉汤、沉香散之属。若手足冰冷者，方可回阳，用硫黄、附子。慢惊下痰，身暖者，天南星丸、苏合香丸、白丸子；痰盛者，神宝既济丹、礞石散；虚甚不可下痰者，灵脂丸、七珍丸。如脑、麝、巴霜寒凉通关利肠之辈，一切禁止。如

^① 四圣散，原误作“巨胜散”，据后文改。

未发慢惊，先要睡，吐舌摇头，面青毛发竖，吐乳作腥，额上有汗，此证乃吐后胃虚生风，当下截风醒脾散，或四君子汤加全蝎、防风，银白散或钩藤饮去麻黄。更宜多方，走变药饵，不可轻忽。又有慢惊正发，泄泻吐乳，冷汗，双眼闭，唇红舌出，摇头发直，两胁动，心闷气粗口疮，当用南星末贴脚底心，常进参汤尤好。少间口疮，不纳乳食，名曰锁膈，却难救。凡小儿病证，见口如鱼口作鸦声者不治，《圣济经》有琥珀丸、南星煎等剂，皆可服。论曰：心藏神面恶热，小儿体性多热，若感风邪，则风热搏于脏腑，其气郁愤，内乘于心，令儿神志不宁，故发为惊，若惊甚不已，则悸动不宁，是为惊悸之病，紫金散、牛黄散、大丹砂丸治之。其急惊则有龙齿散、四圣散等剂，可选而用之。

栝蒌汤 治慢惊。

栝蒌根二钱 白甘遂一钱，按本草白甘遂乃蚤休，又名草甘遂，不用赤者

上用慢火炒焦，黄色研匀，每服一字，煎麝香薄荷汤调下无时。凡药性虽冷，炒焦用之，乃温也。

理中汤 见五十三问。

五苓散 治霍乱吐泻，燥渴饮水，小便不利。

泽泻二两半 官桂一两 猪苓 白茯苓 白术各一两半

上为细末，每服一钱，白汤调下，燥渴新水调服，大小以意加减，不拘时候。加辰砂一两，治惊热。

术附汤 治风温相搏，身体烦疼，不能转侧，不呕不渴，大便坚硬，小便自利，及风虚目眩，甚则口不知味。

白术四两 附子炮，去皮脐，一两半 甘草炙，二两

上锉，每服三钱，水盏半，姜三片，枣一个，同煎服。

调气散 见第五问。

桂枝汤 治太阳中风，阳浮而阴弱，阳浮者，热自发，阴弱者，汗自出，啬啬恶寒，翕翕发热，鼻鸣干呕者。

桂枝去皮 芍药 生姜各一两半 甘草一两 上锉，每服三钱，枣二个，水一盏，煎八分服，须臾啜粥一盏，以助药力，温覆，令一时许，通身热，微汗出为佳。加减法：桂枝自西北二方居人，四时行之，无不应验，江淮唯冬及春可行之，自春末及夏至已前，桂枝证可加知母、石膏各半两，或加升麻一分，若病人素虚寒者，正用古方。

葛根汤 治太阳病项强几几，恶风无汗，无恶寒，刚痉。

葛根四两 麻黄三钱 桂枝一两 甘草二两 芍药二两

上锉，每服五钱，水一盏半，生姜五片，枣二个，煎一盏服，取微汗。

太乙保生丹 治慢惊尚有阳证。

全蝎十四个 白附子生 僵蚕 牛胆南星 蝉蜕 琥珀各一钱 麝香半钱 防风 朱砂各一钱 金箔二片，作衣

上为末，每服二丸，薄荷汤下。

聚宝丹 治慢惊风。

人参 茯神 琥珀 天麻 僵蚕炒 防风 南星 生白附子 全蝎炙 乌蛇肉各一① 朱砂半钱 麝香少许

上为末，炼蜜丸，桐子大，每服一丸，葛蒲汤调下。

蝉蝎散 治方传慢惊。

全蝎七个，去尾 蝉蜕二十一个 甘草二钱半，炙 南星一个，炮

上为末，每服半钱，煎服。

神宝既济丹 分阴阳，平冷热，定吐泻，豁痰涎。

硫黄 焰硝溶汁，再研 五灵脂 青皮 陈皮去白 半夏曲炒，等分

上为末，粟米糊丸，麻子大，每服三丸，米饮送下。

来复丹 此药配类二气，均调阴阳，夺天地冲和之气，有水火既济之功，补损扶虚，妙难尽述。

① 各一：此下疑脱“钱”字。

硝石同硫黄并细末，微火略炒，用柳篦子不住手搅，令阴阳气相入，不可火太过。硫黄柏上透明者。

太阴玄精石研细，水飞，各一两。陈皮去白。五灵脂水澄去砂石，日干。青皮去瓢，各二两。

上用灵脂、二皮为细末，次入玄精石末，及前二药末拌匀，以好醋打和为丸，如豌豆大，每服三十粒，空心粥饮下，甚者五十粒，小儿三粒，新产生婴儿一粒。小儿慢惊风，或吐痢不止，变成虚风搐搦者，非风也，胃气欲绝故也，用五粒研碎米饮送下。

王氏惺惺散

人参 茯苓 木香焙 天麻 白扁豆 陈皮炒 全蝎焙

上为末，每服半钱，姜枣略煎服。

醒脾散 治吐泻脾困不食。

全蝎焙，半钱 白附子炮 天麻焙 甘草炙 人参 白茯苓 石菖蒲细切者 木香 石莲肉 白术各一钱

上锉散，每服三钱，姜二片，枣一个，水二小盏煎服。有热者去木香。

大醒脾散

南星 白茯苓 橘红各一钱 全蝎焙 甘草炙 白附子炮 石莲子 人参 木香各半钱 陈仓米二百粒

上锉散，每服三字，姜、枣煎服，驱风醒脾，两方通用。

温白丸 驱风豁痰定惊。

人参 防风 生白附 僵蚕炒 全蝎焙，各一钱 南星汤炮，焙 天麻各二钱

上为末，面糊丸，桐子大，每服一丸，姜汤调下。

星香全蝎散 治慢惊风。

南星煨，二钱 木香 人参 橘红各一钱 全蝎炙，三个 甘草炙，半两

有热加防风。

上锉，每服一钱，入紫苏、姜、枣浓煎，旋以时送下。

定命饮子

半夏 茯苓 木香 生姜各一钱 白术 甘草炙 天麻各五分

上为末，每服半钱，姜枣煎汤调下。

四圣散 治慢惊，吹入鼻中。

全蝎七个 僵蚕十四个 南星七钱半 川乌二钱

上将南星为末，水调作饼，裹蚕、蝎、川乌，外用湿纸重包，慢火中煨令赤色，顿地上一伏时，每服一字，煎金银汤，点好茶清少许调下。

乌蝎四君子汤

人参 白术 甘草 白茯苓等分 川乌生 全蝎炮，各少许

上为末，每服半钱，姜、枣煎服，如再服即去川乌。

天南星散 驱风豁痰。

南星一个，重九钱以上者，就地上作小坑深八寸许，炭火烧通红，以好米醋半盏洒入坑中，即纳南星于内，次以火炭密盖之，又用盆盖其上，一伏时取出，洗净切焙。

上为末，入琥珀、全蝎各一钱，每服半钱，生姜防风汤调下。

乌沉汤 治慢惊，祛风助胃。

天麻二钱 人参 生川乌 全蝎焙 南星炮 木香 沉香各一钱 甘草炒，半钱

上锉散，每服三字，姜三片，煎服。

沉香散 生胃气，止吐泻。

茯苓二钱 沉香 丁香 木香 藿香 厚朴制 甘草炙，一钱

上为末，每服一钱，米饮调下。

天南星丸

天南星一斤，每一个重一两上下者，用温汤浸洗，刮去里外浮皮，酒浸一宿，用桑柴蒸，不住添汤，令釜满，瓶内气溢，更不住酒酒，常令药润，七伏时满取出，用铜刀切开一个大者，嚼少许不麻舌为熟，未即再炊，以熟为度，然后用铜刀切细，焙干。麝香研 丁香各一两 龙脑研，两半 辰砂另研，水飞，一两

上为末，炼蜜并酒丸，朱砂为衣，姜汤下一豆许。

礞石丸

礞石捣碎，一两 焰硝半两，同礞石入锅内，用炭火煨令通红，候冷

上为末，雪糕薄糊丸，绿豆大，每服二丸，急风薄荷、荆芥泡汤调下；慢风、慢脾风，木香煎汤

下。礞石、焰硝、古文钱辈，虽能利痰，然其性非胃家所好，故以木香佐之。

灵脂丸

五灵脂 白附子焙 木香 直僵蚕炒，各一分 全蝎焙，半钱 朱砂一钱 大南星湿纸包火内煨，半钱

上为末，米醋煮生半夏糊丸，麻子大，姜汤下三丸。

七珍丸 治顽痰壅盛。

细辛 直僵蚕一钱半 白附子一钱 朱砂半钱 全蝎四个，焙 川灵芝

上为末，用天南星煮糊为丸，麻子大，姜汤下，每服五丸。

四君子汤 治荣卫俱虚，脏腑怯弱

人参去芦 茯苓去皮 甘草 白术各等分

上为末，每服二钱，水一盏煎七分，通口服，不拘时，盐少许白汤点服。温和脾胃，进益饮食，辟寒邪瘴雾气。

银白散

糯米炒，二两 扁豆蒸，二两 藿香一分 白术炒，一分 丁香二钱 甘草炙，三钱

上为末，紫苏米饮调下，加天麻、砂仁、白茯苓，快脾正色。《直指方》加炮白附、全蝎、木香、石莲、生姜。

钩藤散 治吐得脾胃气虚生风慢惊。后二十问有蝉蜕钩藤饮，二十一问有钩藤饮，可兼看，对证用。

钩藤勾三钱 蝉蜕 天麻 防风 蝎尾 人参各半两 麻黄去节 僵蚕炒 甘草炙 川芎各一钱 麝香不拘多少

上为末，白水煎，寒多加附子末半钱。

琥珀丸 见第十五问琥珀散。

龙齿散 见第十四问。

脾风 第十七问

慢脾风之候，面青，舌短头低，眼合不开，困睡中摇头吐舌，频呕腥臭，禁口咬牙，手足微搐而不及收，或身冷，或身温面四肢冷，其脉沉微，阴气极盛，胃气极虚，十救一二。盖由慢惊之后，

吐泻损脾，病传已极，总归虚处，惟脾所受，故曰脾风。若逐风则无风可逐，若疗惊则无惊可疗，但脾间痰涎，虚热往来。其眼合者，脾困气乏，神志沉迷，痰涎凝滞然尔。世所谓慢风难疗者，慢脾风是也。然慢脾风一名虚风，凡小儿或吐或泻之后，面色萎黄，大势虚损，若因虚面发热，继此必传慢脾风。才见摇头直视，以手摸人，昏困喜睡，额上汗多，身亦粘汗，其声沉小面焦，即是脾风之症，不必皆由急慢风传次而至，又当识之。治法大要：生胃回阳，黑附汤、川乌散、金液丹、白丸子各一半，生附四君子汤可斟酌用之。胃气渐复，则异功散辈，温平而调理之，如蝎附散、阴痛散等，亦可参用。若其眼半开半合，手足不冷，症候尚在慢惊，则不必用回阳，或已入慢脾，而阳气未甚脱者，亦不可用硫黄、附子。凡服回阳汤剂，手足渐暖者，仍以醒脾散等继其后以调之，不可轻易用极剂也。

黑附汤 治慢脾风盛四肢厥冷。若手足暖而苏省，即止后剂。

附子炮，三钱 木香一钱半 白附子一钱 甘草炙，五分

上锉散，每服三钱，姜五片，煎取其半，以匙送下。

川乌散 祛风回阳。

川乌生，一钱 全蝎 木香各半分

上为末，每三字，姜三片，煎取其半，旋滴人口中。呕吐者加丁香。

金液丹 治吐利日久，脾胃虚损，手足厥逆，精神昏倦，睡多露睛，口鼻气冷，欲成慢惊风者。

舶上硫黄十两，先飞，拣去砂石称，研为细末，入罐内，再入赤石脂封缝，盐泥固济，炭火煨三昼夜，取出，候冷用

上以柳木槌研为细末，每服二钱，生姜汤下。

生附四君子汤 助胃回阳。

即前四君子汤加生附子末四分之一，厥冷者对加，每服半钱，姜五片，慢火煎，以匙送下。

异功散 治吐泻不思饮食，温中和气，及脾胃虚冷者，先与数服，以正其气。

人参 茯苓 白术 甘草 橘红 木香等分

上为末，每服三字，姜、枣煎服。

蝎附散 回阳气，豁风痰。

全蝎一个 附子炮，二钱 南星炮 白附子炮 木香各一钱

上为末，每服半钱，姜三片，水煎服。

醒脾散 见第十六问。

阴痢散 祛风豁痰，回阳正胃。

白附子 黑附子 南星 半夏并生，各一分半

上为末，并水浸七日，逐日换水，浸讫控干，次入全蝎末二钱，每服一字，生姜汤下。

急慢脾风下痰轻重 第十八问

慢惊，下痰轻者，神宝既济丹、白僵蚕丸；重者辰砂膏^①，甚则七宝妙砂丹。若慢脾风、慢惊逆恶症候，诸药不效者，如太冲有脉，则取百会穴灸之，此治慢脾风之大要也。急惊下剂亦有三：轻下则用定命丹、利惊丸、防风丹、宣风散、枳壳散、小柴胡汤辈；重下则用青金丸、天麻丸、芦荟散、牛黄凉膈丸、青金丹、王监京墨丸辈；稍重下则用揭风汤、朱砂膏、疏风散、柴胡加大黄汤辈。下之后，宜和气助胃，如生气散、银白丸、茯苓二陈汤、异功散、天麻苏合香丸、参苓白术散、和中散、醒脾散之类，皆可选用。凡急惊眼睛翻转，口中出血，两足摆跳^②，腹肚搐动，摸体循衣，气促喷药，口中痛绝大叫者，难治。慢惊四肢厥冷，吐泻咳嗽，面黑唇惨，鸦声，两胁动气，口生白疮，发直摇头，眼睁不转，涎鸣喘噎，口眼手足一边牵引者，难痊。慢脾身冷粘汗，直卧如尸，喘嗽头软，大小便不禁，口噤头摇者，最难为力。若急惊甚者，服镇心丸化痰镇心，或金箔镇心丸亦可服，珍珠丸下痰亦效，热甚大便闭者，宽热散下之可也。

神宝既济丹 见第十六问。

白僵蚕丸 方传慢脾，阳气未甚脱者可用，亦能截风。

胆星二钱 直僵蚕炒 五灵脂 钱子地龙

干 全蝎焙，各一钱

上为末，水煮生半夏糊丸，麻子大，每服五丸，姜汤下。

辰砂膏 治慢脾冷痰壅滞，手足冷面微搐。

黑附子一个，八钱重者，去皮脐，顶上刻一孔，入辰砂末一钱，仍用附子末塞之，以炭火烧存性为度

南星炮，半两 白附子焙 五灵脂 蝎梢各一分

上为末，炼蜜丸，如桐子大，每服一丸，姜汁汤调下。

七宝妙砂丹 利痰奇效，慢惊慢脾，通以木香佐之。

用开元通宝钱，背后上下有两月片者，其色淡黑，颇小诸钱，以一个放铁匙于炭火内烧，少顷四围上下各出黄白珠子，将出候冷，倾入盏中，只作一服，用木香煎汤送下，人参汤尤妙。

定命丹^③ 见第三问。

防风丹 治风热痰壅，大便不通。

羌活 防风 枳实 川芎 甘草炒 大黄 湿纸裹煨，各一钱半

上锉末，每服三字，姜、枣煎服，或加赤芍药。

宣风散 疏风导热。

雄槟榔一个 甘草 橘红各两半 牵牛二两，半生半炒

上为末，每服半字，蜜汤调下。

枳壳散 治小儿疳气，腹胀喘急。

枳壳一两，麸炒 巴豆廿一粒，同上炒黄去之

上为末，三岁小儿半钱，砂糖汤调下。

小柴胡汤 见第二十九问。

加枳实、防风。

上锉散，每服二钱，姜、枣煎服。

青金丸 治风痰壅盛。

巴霜一字 青黛 南星炮，各一钱 滑石二钱 全蝎一钱，焙

上为末，稀面糊丸，麻子大，每服一丸，薄荷汤送下。

① 辰砂膏：原误作“神砂膏”，据后文改。

② 跳：原脱，据《准绳·幼科》补。

③ 定命丹：原脱，据上文补。

天麻丸 见第三问。

芦荟散 治惊风痰盛发搐。

全蝎五个，焙 巴霜一字 轻粉半钱 芦荟
南星炮 朱砂各一钱 冰片 麝香各一字 川
郁金一分，皂角水煮，焙干

上为末，每服一字，煎金银薄荷汤调下。

牛黄凉膈丸 治热盛涎潮。

牙硝 寒水石煨 石膏 甘草各半两 胆
星二钱半 紫石英一钱 牛黄 片脑 麝香各半
分

上为细末，甘草膏丸，绿豆大，每服一丸，橘
皮汤调下。

膏金丹 疏风利痰。

芦荟 牙硝 青黛各一钱 使君子 硼砂
轻粉半钱① 蝎梢十四个

上为末，香墨水丸，麻子大，每服一丸，薄荷
汤下。

王监京墨丸 治痰热惊积，楚州王监卖此
药著名者。

青黛 使君子炒熟 芦荟 胆星 京墨各
二钱 腻粉 麝香半钱 冰片一字

上为末，飞白面糊丸，桐子大，每服一丸，薄
荷汤调下。

揭风汤 利下痰热。

芦荟 全蝎各二钱半 南星半两，为末调作
饼，包裹前项，煨令赤色 朱砂一钱半 青黛 轻
粉各七分半

上为末，每服一字，煎金银薄荷汤调下。

朱砂膏 治惊风痰盛。

朱砂一钱 牙硝一钱 川灵脂一钱 芦荟一
钱 麝香一字 冰片一字

上为末，甘草膏丸，绿豆大，金箔衣，薄荷汤
下一丸。

疏风散 治惊风痰热俱盛。

槟榔 陈皮各二钱 牵牛 大黄煨，各三钱
上为末，每服半钱，生蜜汤调下。

银白散 见第十六问。

柴胡加大黄汤 最利热疾。

柴胡一两 黄芩炙 人参 半夏制 生姜
各三钱半 甘草炒，一钱半 大黄少许

上锉散，每服一钱，入枣煎服。

生气散 治诸风疏利，以此调气。

丁香七分半 白术 青皮 甘草微炙 木
香 人参各二钱

上为末，每服半钱，沸汤点服。

异功散 见第十七问。

茯苓二陈汤 和胃气，化痰涎。

半夏五钱 陈皮二钱半 茯苓四钱 甘草一
钱半

上锉，每服三钱，姜三片煎服。

天麻苏合香丸

天麻 防风 人参 辰砂 雄黄 麝香
甘草炙，各一分 全蝎炒 僵蚕炒，各半两 牛黄
少许 南星一钱 苏合油一盞

上为末，炼蜜丸，如桐子大，每服一丸，薄荷
汤下。

参苓白术散 一名和中散

扁豆炒 人参 茯苓 白术土炒 甘草炙
山药各二钱 米仁 砂仁 莲肉 桔梗各一
钱 天麻 藿香各五分

上末，每服二钱，枣汤下。

醒脾散 见第十六问。

镇心丸

朱砂 龙齿 牛黄各一钱 铁粉 琥珀
人参 茯苓 防风各二钱 全蝎七个，焙

上为末，炼蜜丸，如桐子大，每服一丸，薄荷
汤下。

金箔镇心丸

朱砂一两 白茯苓半两 人参半两 麝半钱
甘草半两 片脑一钱 紫河车二钱半，黑豆煮
牙硝五钱 山药一两半 金箔十二贴，为衣

上为末，炼蜜丸，桐子大，薄荷汤下。

珍珠丸 治小儿急惊风涎潮壮热及痰壅。

白附子 滑石 巴豆十五粒，去油 南星各
一钱 全蝎半钱 一方有轻粉。

上为末，蜜丸小豆大，三岁一二丸，葱白汤
下。

① 半钱，此前疑脱“各”字。

宽热散^① 见第五十问。

惊痫 第十九问

发病者，小儿之恶病也，幼小血脉不敛，骨气不聚，为风邪所伤，惊怪所触，乳哺失节，停滞经络而得之。其候神气佛郁，瞪眼直视，面目牵引，口噤涎流，腹肚膨紧，手足搐掣，似生似死，或声成默，或项背反张，或腰脊强直，但四肢柔软，发而时醒者为痫；若一身强硬，终日不醒，则为痉证矣。痫曰五痫，病关五脏：面赤目瞪，吐舌啮齿，心下烦躁，气短息数者，曰心病。面唇俱青，其眼上窜，手足拳挛，抽掣反折者，曰肝病。面黑而晦，振目视人，口吐清沫，不动如尸者，曰肾痫。而如枯骨，目白反视，惊跳摇头，口吐涎沫者，曰肺痫。面色痿黄，眼睛直视，腹满自利，四肢不收者，曰脾痫。此五脏之证然也。调理之法，惟以惊、风、食三种，阴阳二证，别而治之。风痫者，汗出解脱，风邪乘虚，其初屈指如数，有热生痰是也。惊痫者，震撼恐怖，打坠积惊，其初惊叫大啼，恍惚失魂是也。食痫者，食时得惊，停宿结滞，其初吐乳不哺，大便酸臭，或结成乳癖，先寒而后热是也。别之以阴阳：始者身体有热，抽掣啼叫，是为阳痫，阳病脉浮，面色光泽，病在六腑肌肤，此犹易愈；始者身体无热，手足清冷，不抽掣啼叫，是为阴痫，阴病脉沉，面色黯晦，病在五脏骨髓，此最难痊。或以仰卧属阳，俯卧属阴，亦可参验。盖阳证不可用温，阴证不可用寒，风痫先为之散风，惊痫则先为之利惊，食痫则先为之洞积，续以定痫等剂主之。大概血滞心窍，邪风在心，积惊成痫，通行心经，调平心血，顺气豁痰，又其要也。继令小儿有热有痰，不欲乳哺，眠睡不安，时常惊悸，此皆发病之渐，即以紫霜丸导之，时间量与紫霜丸，减其盛气，则无惊风痫之患。其证方萌，耳后高骨间，必有青纹纷纷加线，见之急为抓破，须令血出啼叫，尤得气通。浣濯儿衣，不可夜露，恐为无辜鸟羽粪所落污染，未有不为痫也。挟邪怪者，其色变易不常，见人怕羞。诸痫暗不能言者，盖咽喉为气之道路，风伤其气，以掩其道路之间，抑亦血滞于心，心窍不

通所致耳。南星调雄猪胆汁少许，名星苏散，啖之辄效。若钱氏五痫丸，并南星散，以菖蒲煎汤调下；甘遂猪心汤，以和苏合香丸，皆治痫之要药也，故表而出之。许叔微治小儿癫痫欲发，眼暗瘕痲，声恶嚼舌，雌黄丸主之。治风痫宜服薄荷散，有热宜服细辛大黄汤，又有杨氏^②蛇黄丸，养生必用蛇黄丸、断痛丹、散风丹、保安丸、独活汤、牛黄丸、比金膏、虎睛丸、七宝镇心丸、清神汤、密陀僧饮。食痫通用妙圣丹、天麻丸、断痛丸、当归大黄汤、蝎虎散、代赭石散、日应丹、地龙散、全蝎王痫丸、星珠散，可选而用之，轻者化风丹亦可服。

紫霜丸 见第三问。

星苏散与第十六问天南星散通用。治诸风口噤不语。

天南星略炮，锉散，每服一钱

上姜四片，紫苏五叶，煎取其半，却入雄猪胆少许，温和服。凡不语者，大小便须要疏导。治慢风不语，只用南星，以人参、石菖蒲为佐。

五痫丸 治食痫。

朱砂半两 水银二钱半 雄黄一两 真珠一两研 铅二两，熔开，次入水银结砂

上为末，炼蜜为丸，麻子大，每服二丸，金银煎汤送下。

雌黄丸 治癫痫搐掣，恶声嚼舌。

雌黄 黄丹微炒，各半两 麝半钱

上为末，拌和，用牛乳汁三合，熬成膏，入药末杵三百下，丸如麻子大，每服二丸，温热汤下。

薄荷散 见第三十六问。

细辛大黄汤 治风痫内热。

天麻 防风各半两 细辛 大黄焙 川芎各二钱半 甘草炙，一钱半

上锉散，每服一钱，入犀角少许煎服。

杨氏蛇黄丸 治诸痛。

蛇黄一个，煨，醋淬七次，研细 郁金 雄黄朱砂 青礞石各七钱 铁粉研细

上为末，粳米饭丸桐子大，每服一丸，人参

① 宽热散：原脱，据目录及上文意补。

② 杨氏：原脱，据后方名补。

煎汤调下。

钱氏蛇黄丸 治惊痫。

蛇黄三个，火煨，醋淬 郁金七分半 麝另研一字

上为末，梗米饭丸如桐子大，每服三二丸，煎金银磨刀水化下。

养生必用蛇黄丸

蛇黄一枚，火煨，醋淬 青礞石 辰砂 雄黄各二钱 铁华粉^① 四钱，研极细

上末，化蒸饼^②为丸，用金银剪刀股汤，五岁已上吞下，幼小化下，如麻子大丸。

断痛丹 治痢，瘥后复作，证候多端，连绵不除。

黄芪蜜水涂炙 钩藤勾 细辛去根、叶 甘草炙，各半两 蝉蜕四个，洗去土 蛇退皮三寸，酒涂炙 牛黄一字，别研

上末，煮枣肉为丸，如麻子大，煎人参汤下，一岁十丸，大小加减。

散风散 治风痛，先用此。

牛胆南星二钱 羌活 独活 防风 天麻 人参去芦 荆芥 川芎 细辛各一钱

上为末，炼蜜为丸，桐子大，每服二丸，薄荷紫苏汤调下。

保安丸 治诸风痛，久远亦验。

川乌生，去反尖，二钱半 五灵脂半两

上为末，猪心血丸，如桐子大，每服一丸，姜汁泡汤调下。

独活汤 治风痛，解表通里。

独活 麻黄去节 川芎各一钱 大黄焙 甘草炒，各半钱

上锉散，每服二钱，姜二片煎服。

牛黄丸 治风痛迷闷，搐掣涎潮。

牛胆南星 全蝎焙 蝉蜕各二钱半 防风 白附子生 天麻 直僵蚕炒，各一钱半 麝半钱

上为末，以煮枣去皮核，取肉和水银半钱，研极细，入药末，丸如绿豆大，每服二丸，荆芥生姜汤下。

比金丸 治惊痛，先用此。

人参 琥珀 白茯苓 远志姜制，焙，去心

朱砂 天麻 石菖蒲细者 川芎 南星 青黛各一钱 麝一字

上为末，炼蜜丸如桐子大，每服一丸，薄荷汤调下。

虎睛丸 治惊痛，邪气入心。

虎睛细研 远志姜制，浸 犀角 石菖蒲 大黄 麦门冬各一钱半 蛭螂去足翅，炒，三枚

上为末，粟米糊丸，桐子大，每服一丸，竹叶煎汤调下，或金银煎汤下。

七宝镇心丸 治惊痛心热。

远志肉姜制，焙 雄黄 铁粉 琥珀 朱砂各一钱 金银箔二十片 麝香少许

上为末，枣肉丸桐子大，每服一丸，去心麦门冬煎汤送下。

清神汤 治惊痛。

犀角 远志姜制，去心 白藜皮 石菖蒲 人参 甘草炙，各一钱

上为末，每服一钱，去心麦门冬煎汤调下。

密陀僧饮 治惊痛人心不语，神效，诸惊失音，大人通用。

上密陀僧为细末，每服一字，米醋汤调下。大人用一钱，热酒调下。

妙圣丹 治食痛通用。

代赭石煨，醋淬，五分 雄黄 蝎梢 朱砂各一钱 轻粉 麝香各一字 巴豆三个，去心膜出油 杏仁去皮尖，微炒，二钱

上为末，蒸枣肉丸，桐子大，每服一丸，木通煎汤调下。

天麻丸 见第三问。

断痛丸 治诸痛痰盛。

皂角盈尺者，三挺去皮，槌碎，用水一升，浸取汁滤过，银器内熬成膏 白矾煨枯，研细，一两半 南

① 铁华粉，《开宝本草》：“作铁华粉法：取铜煨作叶，如笏或团，平面磨错令光净，以盐水洒之，于醋瓮中，隐处埋之一百日，铁上生衣，铁华成实，制取更细捣筛，入乳钵研如面，和合诸药为丸散，此铁之精华，功用强于铁粉也。”按，铁华粉功用为养血安神，平肝镇惊，但不可多服，多量引起恶心、呕吐、食欲不振、胸闷便秘。

② 蒸饼，又名馒头饼，是小麦面和以酵糟的加工制品。

星湿纸炮熟，一两 朱砂 直僵蚕炒 雄黄另研
白附子各半两 乌蛇酒浸，取肉焙，二钱半 麝
一钱 赤蜈蚣一条去头足，酒浸，炙

上为末，同水煮半夏糊和皂角膏为丸桐子
大，每服一丸，姜汤调下。

当归大黄汤 治诸痛，壮热利下，心中恶
血。

大黄湿纸裹，略煨 甘草炙 当归各三钱
赤芍药二钱五分 半夏制 川芎各一钱半

上为末，每服一钱，姜枣煎服。

蝎虎散 治惊痛屡效。

褐色生蝎虎一个，连血细研

上人朱砂末，并麝少许同研，薄荷汤调下，
作一服，数年癫痛亦效。盖痛疾皆心血虚滞，生
蝎可以官守其血，继是以二陈汤与之，若无生
蝎，当取带性雄猪心血代用，人于代赭石散中亦
作效。

代赭石散 治阴阳痛通用。

代赭石煨，醋淬研为末，水飞过，日干

上为末，每服半钱，以金银煎汤，和金银箔
调下，连进二服，良久小儿脚胫上自有赤斑，即
邪气发出，其病随瘥，若无赤斑，则难治也。

日应丹 治癫痛连年不瘥。

黑锡 硫黄 水银 铁粉研，各半两 金银
箔三十片

上水银、铁粉、金银箔夹和一处，先将黑锡
子铤内熔开，次入硫黄，不住手就铤内研搅，候
硫黄烟气欲息，次入余药，就火上同搅，少顷时
倾出地上一宿，出火毒，再研细，粳米饭丸麻子
大，朱砂衣，每服三丸，食后人参汤下。

地龙散 治诸痛，发歇无时。

干地龙半两，焙 虎睛 人参 天竺黄 代
赭石煨，醋淬 朱砂 铁粉各二钱半 轻粉五分
雄黄一钱半 金银箔三十片

上为末，每服五分，紫苏汤调服。

全蝎五痛丸 治小儿五痛。

赤蜈蚣一条，去头足，酒浸，炙 南星炮熟，二
钱半 麝香一字 全蝎 防风 朱砂细研 远
志姜制，焙，去心 白附子生 芦荟 延胡索各一
钱 金银箔各三十片

上为末，入麝糕糊丸桐子大，每服一丸，苣
蒲紫苏汤调下。

星朱散 定痛利痰。

南星湿纸裹，炮香熟，一两 朱砂一钱

上为末，带性猪心血为丸桐子大，每眼一
丸，防风调下。

化风丹 凉风化痰，退热定搐。

牛胆南星 羌活 独活 防风 天麻 人
参去芦 川芎 荆芥 粉草 全蝎各等分

上为末，炼蜜丸芡实大，薄荷汤下。一方加
辰砂、麝香。

镇惊丸 治一切惊痛。

紫石英烧，醋淬 铁粉 远志姜制，焙，去心
轻粉各七分半 茯神 人参 琥珀 滑石
南星炮 龙齿 蛇黄醋淬 熊胆各二钱半

上为末，炼蜜丸如桐子大，朱砂为衣，每一
丸金银汤调下，或用猪乳调抹入口中。

开牙散

细辛 南星 朴硝各一钱 麝香五分 蝎
梢七个

上末以少许，用乌梅肉揉和擦牙，兼用细
辛、皂角、荆芥末，吹入鼻中。治诸风搐搦，惊痛
用此，开关窍，与前十四问开关散通用。

惊风 第二十问

惊者，虚惕怔忡，气怯神散，痰涎来去，其泻
必青，渐生风面未至风也。惊邪入心，则面红脸
赤，惕惕夜啼。惊邪入肝，则面目俱青，眼目窜
视。惊邪入肾，则面黑恶叫，啮奶咬牙。惊邪入
肺，则面色淡白，喘息气乏。惊邪入脾，则呕吐不
食，虚汗多睡，面色淡黄。据脉观之，虚则散而
濡，实则数面𦨇^①。治法镇惊化痰，安神定志，亦
须究竟何脏受病之处，面调理之。然有所谓温
惊，有所谓利惊，有所谓凉惊。虚者温之，实者利
之，热者凉之，是谓治法。睡中惊啼，声浮者易
治，沉者声不响难痊。又有惊积者，受惊日久，积

① 𦨇(juè 诀)：原为古书上所指的一种快马，此处意为快
而有力。

而成之。其状额上有汗，喘息烦渴，潮热往来，肚腹有热，睡中觉腹内有物跳动，泻下如白脂豆沙是也。治法量轻重而疏导之，仍与调气和胃取愈。大凡小儿腹中，或热或胀或硬，皆为内实，法当疏利，辰砂膏、青龙丸主之，凡疏利之剂，皆可随证用之。热甚心经烦渴者，至宝丹解之，羌活散、防风导赤散、蝉蜕钩藤饮、天麻丸等剂，皆可服。大便秘涩者，七宝洗心散加辰砂治之。大小便不利者，神芎丸、宽热散极效。轻者化风丹可服，安神丸亦效。

辰砂膏 见第三问。

青龙丸 治惊积有热。

青黛 茯苓 芦荟 南星炮，各一钱 麝香
少许 轻粉 巴霜各一字 全蝎焙，三钱

上先将巴豆研如泥，次入诸药研极细，丸如梧桐子大，朱砂为衣，每服一丸，薄荷汤下。

至宝丹 治诸痛急惊，心热卒中客忤，不得眠睡，烦躁风涎搐搦，及伤寒狂语，伏热呕吐，并宜治之。

生犀屑 生玳瑁屑 琥珀研 朱砂研细，水飞
雄黄研细，水飞，各一两 金箔五十片，一半为衣
银箔五十片 片脑研 麝香各一钱，研细
牛黄半两，研 安息香一两半为末，以无灰酒滤去砂石，约取一两，慢火熬成膏

上生犀、玳瑁屑，捣罗为细末，研入诸药令匀，将安息香膏以重汤煮化和搜为剂，如干即入少熟蜜，盛瓷器中，旋丸如桐子大，二岁儿服二丸，人参汤化下，大小以意加减。又治大人卒中不语，中恶气、中诸物毒、中热暗风、产后血晕、死胎不下，并用童子小便一合，生姜自然汁三五滴，同温过化下五丸，立效。

神妙夺命丹

七月取青蒿节内虫，入朱砂麝香为丸，加片脑。

人参羌活散 治伤寒惊热，或中风体硬，可加麻黄、干葛、薏苡仁。

川羌活 川独活 前胡 柴胡 白茯苓

川芎 桔梗 枳壳 人参 地骨皮 天麻各等分 甘草减半

上锉散，生姜薄荷煎，加蝉蜕治惊热。

防风导赤散 治小儿初惊。

生地黄 木通去节 防风 甘草各等分
有热加黄芩、赤芍药，羌活。

上锉散，每服三钱，水一盞竹叶少许同煎。

蝉蜕钩藤饮 治肚疼惊啼，又十六问有钩藤散、二十一问有钩藤饮，可兼看，对证用。

钩藤 天麻 茯苓 川芎 白芍药各二钱
甘草 蝉蜕各一钱

上锉散，灯心煎，加木通、麦门冬、防风、羌活。

天麻丸 见第三问。

宽热散 见第五十问。

七宝洗心散 治小儿烦热生疮，兼治惊风。

生地黄 荆芥穗 防风 甘草 黄芩 羌活 赤芍药各等分

上为末，入辰砂减半，加当归尤妙。每服一钱，灯心薄荷汤调下，空心食前服。又三十七问洗心散，可兼看。

神芎丸 治风热壅滞，头目昏眩，口舌生疮，牙齿疳蚀，或通身疮疥，咬牙惊惕，怔忡烦躁多渴，或大小便涩滞，或积热腹满，惊风潮搐，并皆治之。

大黄生 黄芩各二两 生牵牛末，一两 滑石四两 黄连 薄荷叶 川芎各半两

上为细末，滴水丸桐子大，每服四五十丸，食后温水下，一方加蒲黄、止血证用。

化风丹 见第十九问。

安神丸 见第十四问。

清心丸 治惊热烦躁。

人参 茯神 防风 朱砂 柴胡各二钱
金箔三十片

上为末，炼蜜丸桐子大，每服一丸，竹沥调下。

婴童百问卷之三

天钩内钩 第二十一问

天钩阳，内钩阴。天钩者，壮热惊悸，通目翻腾，手足抽掣，或啼或笑，喜怒不常，甚者爪甲皆青如祟之状。盖由乳母酒肉过度，烦毒之气入乳乳儿，遂使心肺生热，痰郁气滞，加之外挟风邪，致有此耳。治法解利风热则愈。又有内钩者，腹痛多啼，唇黑囊肿，伛偻反张，眼内有红筋斑血，盖寒气壅结，兼惊风而得之。经云：内钩胸高，时复渐安，眼尾红脉见是也。此乃胎中有风有惊，故有此证，先是内脏抽掣，极痛狂叫，或泄泻缩脚，忍疼啼叫，内证一过，外证抽掣又来，内外交攻，极难调理，却要分作两项下药，内证服聚宝丸、钩藤膏、魏香散，外证服钩藤饮、保命丹，最要进得乳可以加得，小儿受此病，间有好者，汤氏乳香丸、木香丸皆要药也。

聚宝丸^① 见第十六问聚宝丹。

钩藤膏 治小儿腹中极痛，干啼后褰^②，名盘肠内钩。

乳香 没药 木香 姜黄片各一钱 木鳖干去油，三个

上为末，蜜丸芡实大，钩藤汤磨半丸入蜜服，先用此药定痛，再服魏香散。

魏香散

蓬术五钱 两魏二钱

上先将温酒化两魏，浸蓬术一昼夜，焙干为末，紫苏米饮调下。

钩藤饮 治小儿夜啼，乃脏冷也，阴盛于夜则冷动，冷动则为阴极发躁，寒盛作疼，所以夜啼不歇也，钩藤散主之。治惊啼加蝉退、防风、天麻。前十六问有钩藤散，又二十问蝉蜕钩藤饮可兼看。

钩藤钩 茯神 茯苓 川芎 当归 木香 甘草 白芍药各一钱

上为末，每服一钱，姜枣略煎服，其或心热

而烦啼，必有脸红舌白，小便赤涩之症，钩藤饮去木香加朱砂末一钱，研和，每服一钱，木通汤调下，或锉散煎服亦可。

保命丸 见第十四问至圣保命丹。

乳香丸 治惊风内钩，腹痛惊啼。

乳香半钱 没药 沉香各一钱 蝎梢十四个 鸡心槟榔一钱半

上为末，炼蜜丸如桐子大，每服二丸，菖蒲钩藤汤下。

木香丸

乳香 没药 全蝎各半钱 钩藤 舶上茴香 木香各一钱

上先将乳香、没药另研，次入诸药末，和毕，取大蒜少许，研细，和丸桐子大，每服二丸，钩藤汤下。

盘肠气 第二十二问

盘肠气者，痛则腰曲干啼，细上有汗，是小肠为冷气所搏然耳，其口闭脚冷上唇干是也。此是生下洗迟感受风冷，或青粪不实。却有此证，当服钩藤膏、魏香散、苏合香丸、当归散，乳母服乌沉汤或沉香降气汤便定。

钩藤膏 见第二十一问。

魏香散 见第二十一问。

苏合香丸 见第六十问。

当归散 治小儿夜啼者，脏寒而肠痛也，面青手冷不吮乳是也。宜用此方。

当归去芦 白芍药 人参各二钱半 甘草炙 桔梗 桔皮去白，各一钱

上为末，水煎半盏，时时少与服，又有热痛

^① 聚宝丸，此下原有“蝉蝎散”、“神宝既济丹”，系十六问重文于此，故删。

^② 褰(yǎn 演)：曲身向前之意。小儿腹痛，曲身而啼，谓之褰啼。

亦啼叫不止，夜发面赤唇焦，小便黄赤与三黄丸，人参汤下。

乌沉汤 见第十六问。

沉香降气汤 治阴阳壅滞，气不升降，胸膈痞塞，心腹胀满，喘促短气，干哕烦满，咳嗽痰涎，口中无味，嗜卧不安减食。

香附于二两半，炒，去毛 沉香一钱 砂仁三钱 甘草七钱半

上为末，每服一钱，入盐少许，沸汤点之，清晨露露空心服之，去邪恶气，使无瘵疫。

胎惊风 第二十三问

胎惊风者，以胎妇调适乖常，饮酒嗜欲，忿怒惊扑，母有所触，胎必感之，或外挟风邪，有伤于胎，故子乘母气，生下即发也。其候，月内温壮，翻眼握拳噤口，身腰强直，涎潮呕吐，搐掣惊怖啼哭，腮缩凶开，或颊赤面青眼合，不可误作慢脾，妄用温药。视其眉间气色，红赤鲜碧者可治，若色黯黑、青黑者不治，虎口指纹曲人里者可治，反出外者不治。其治法解散风邪，利惊化涎，调气贴凶，甚则以朱银丸利之。面青拳搐者，当服保命丹、钩藤散、全蝎散。

朱银丸 见第三问。

保命丹 见第十四问至圣保命丹。

钩藤散 见第十六问。

全蝎散 见第二十四问。

抱龙丸 治小儿诸惊。

抱龙之义，抱者，保也；龙者，肝也。肝应东方青龙木，水生火，谓生我者，父母也，肝为母，心为子，母安则子安，心藏神，肝藏魂，神魂既定，惊从何生，故曰抱龙丸。理婴孩诸惊，四时瘟疫邪热，致烦躁不宁，痰顺气急，疮疹欲出，发搐，并宜投服，其药性温平，不僭不燥，常服驱风化痰，镇心解热和脾胃，益精神。

琥珀 人参 天竺黄 檀香 白茯苓各七钱 甘草炙，两半 枳壳麸炒，五钱 辰砂水飞，二两 山药半斤，炒 胆星炒，五钱

上为末，蜜丸芡实大，每服一丸，薄荷姜汤下。

胎风遍身软 第二十四问

此症生下如汤火泼，因胎热母肥，如脑额生疮难治，乃胎内失于扶持。如脚上有疮烂，此儿不满五年。如未滿腊前便撮口，两拳相握，腰项如随，便知脏腑中生邪毒，此只三朝，定不可疗。男指向里，女指向外，尚可医治，逆候则不须投药饵矣。更看眉中有青筋碧色，应须有命，若眉红，断不可治，如有可治之症，但用全蝎散、钩藤散等剂。

钩藤散 见第十六问。

全蝎散 治诸痛胎痛。

全蝎一个 琥珀 朱砂各少许

上为末，每服一钱，麦门冬煎汤调下。

又方 亦名全蝎散，治急慢风，大能定搐。

全蝎大者七个，薄荷叶包炙，黄色为度 僵蚕三个，炒 辰砂 麝香各少许

上为末，石榴皮煎汤下，《直指》用蝉蜕、甘草、南星。

醉红散 治小儿急慢惊风，涎潮搐盛，口眼偏斜诸恶症。

天南星大者一个，酒浸，湿纸裹，煨熟，焙干 蜈蚣一条，酒炙 白僵蚕七条，去丝、嘴 全蝎七个，去毒 天仙子一字 朱砂一钱，别研 紫菀一钱 杏仁一钱 龙骨一钱，煨 防风一钱 龙胆草一钱 蝉蜕一钱 百合一钱 牛黄一钱，别研 白芷一钱 麝香一钱 升麻三钱 大黄煨，四钱 乳酥一两 白蜜三两

上件药，先以牛黄、麝香、朱砂各研为末，除酥蜜外十五味，捣为粗末，用水一升，入银锅内煎至三合，以新绵滤去滓，却入锅内，入牛黄、麝香、朱砂末及酥蜜等，以柳篦不住手搅，慢火熬如稠汤方止，封固，瓷瓶内听用，间岁儿每服一芡实大，沸汤化下，日二三服，量儿大小加减。

项软 第二十五问

项软者，乃天柱骨倒也，极难调治，其患不在心脾。此因曾吐泻之后，亦伤寒无汗，失表而

然，本非久病尪羸^①，四肢不收卒然而成此疾。项软头似石，面红唇赤，只因肝胆有热，致令项软，肝受热风者，速与祛风退热，然后用强筋之剂贴项，立见安和。如此症若生下便如此，乃胎气不足，或惊风后得此。乃是宽缓不收，名曰五软，果难得药。胎风并病后软，可服钱氏地黄丸补肾。若卒暴如此者，只是肝经有热，当服泻肝丸，贴项当用附子南星末，以生姜自然汁调贴项上可也。

泻肝丸 治肝热生风，眼目上视，搐搦急惊可服。亦退热疏风，又名泻青丸。

当归 龙胆草 川芎 栀子仁 大黄煨
羌活 防风各等分

上为末，蜜丸如芡实大，朱砂竹叶汤化下。

地黄丸 见第八问。

五软 第二十六问

五软者，头软、项软、手软、脚软、肌肉软是也。无故不举头，肾疝之病。项脉软面难收，治虽暂瘥，他年必再发。手软则手垂四肢无力，亦懒抬眉，若得声圆，还进饮食，乃慢脾风候也，尚堪医治。肌肉软，则肉少皮宽自离，吃食不长肌肉，可服钱氏橘连丸，莫教泻利频并，却难治疗。脚软者，五岁儿不能行，虚羸脚软细小，不妨荣卫，但服参芪等药，并服钱氏地黄丸，长大自然肌肉充满。又有口软则虚舌出口，阳盛更须撮防，必须治隔却无妨，唇青气喘则难调治也。

橘连丸 见第八十一问。

上为细末，别研入麝香五分，用猪胆七个，分药入胆内，浆水煮，候临熟，以针微扎破，以熟为度，取出以粟米粥和丸如绿豆大，每服至二三十丸，米饮下，量大小与之无时。

地黄丸 见第八问。

五硬 第二十七问

五硬者，仰头取气，难以动摇，气壅疼痛连胸膈间，脚手心如冰冷而硬，此为风症难治。肚大青筋，急而不宽，用去积之剂，积气消即安。恐

面青心腹硬者，此症性命难保。如风症，只依中风治之，必有回生之理，小续命汤加减治之尤良，羌活散等剂皆可用。

小续命汤 治中风不省人事，涎鸣反张，失音厥冷。

麻黄去节 人参 黄芩 川芎 芍药 甘草炙 杏仁去皮尖、炒 汉防己 官桂去皮，各一两半 防风七钱半 附子炮，去皮脐，七钱半

上除附子杏仁外，并捣为粗末，次入二味夹和。每一钱，姜枣煎，食前服。有热去附子，官桂减半。

羌活散 见第二十问。

风症风热 第二十八问

小儿中风者，以其血气未定，寒温失调，内则盛热蕴蓄，外则腠理开虚，故风邪乘其外虚而暴中之，其状昏不知人，壮热狂躁，搐掣气粗，口噤涎潮是也。心中风则偃卧不能倾侧，发热失音，其舌焦赤，若汗流唇赤者可治，灸心俞。或唇间白黑青黄，乃心坏为水，或面目青黑，时时竦动者并不治。肝中风则踞坐不得低头，左肋疼痛，诸筋挛急，头目转动，上视多恶，其目青，若绕两目连额微青，唇青面黄者可治，灸肝俞，大段青黑，其目一黄一白不治。肾中风则踞坐而浮，腰脊痛引小腹，其耳黑，若两肋未有黄色起者可治，灸肾俞；或肋间如黄土，发直而齿黄赤者不治。肺中风则偃卧胸满，喘息咳嗽，躁闷汗出，其鼻白，若目下至鼻四围，及唇口皆白色可治，灸肺俞；或色带黄，乃肺坏为血不治。脾中风则踞坐腹满，皮肉动，四肢不收，其唇黄，若一身通黄，口吐涎者可治，灸脾俞；或手足青面厥冷者不治。凡人为风邪所中，皆自青上五脏俞而入，风入于颌颊之间，则口而牙噤。风塞于咽喉声音之间，则语不出而失音。风与气搏，气与痰隔，则喉间如鼾之声响。是风也，始入于肤腠，次达于经络面搏子经脉。筋得寒则拘急挛痛，得热

^① 尪羸：身体瘦弱。《吕氏春秋·尽数》：“若水所，多尪与偃人。”

则缓弛不随。风挟寒邪，即挛急也，风挟热气，即缓弛也。拘挛脉必浮紧，缓弛脉必浮洪，寒者小续命汤，热者追风毒锉散之类。脉浮者病在表，脉实者病在里，脉促者病在上，在表者散之，在里者利之，在上者涌之。若虚而寒者，则乌附之类又不可缺。古人治法，虽以灼艾之类为本，亦当消息权度而投剂焉。虽然风寒暑湿，皆能中人，况又有因气而中风者，人之骤病，莫急于中风，仓卒之际，若未能精审，且与下气豁痰。盖中风皆因痰郁气滞而作，先用通关散以疏之，急以南星、生姜、木香煎汤，调苏合香丸灌下，牙紧者，南星、细辛末，入麝香、乌梅肉点擦牙自开，进药之后，痰消气下，病势稍苏，即详审五脏外症而调理之，宜省风汤、羌活散，势甚者防风通圣散、化风丹、牛黄散、钩藤散、至宝丹等剂，可选用之。

通关散 治卒暴中风，昏塞不省人事，牙关紧急，药不得咽下。

细辛 薄荷 牙硝 雄黄各等分

上为末，每用少许，吹入鼻中，候喷嚏，然后进药，或用白梅擦牙，更以菖蒲末著舌下，牙关即开，仓卒可用。

小续命汤 见第二十七问。

追风毒锉散 治中内外皆热。

大黄二钱 郁李仁炒，二钱 桑白皮炒，半两
槟榔半两 防风半两 羌活一两

上锉散，每服二钱，黑豆三十粒同煎，乳食后服。

省风汤 见第十四问。

羌活散 见第二十问。

防风通圣散 治小儿热甚惊风，或斑疹出不快者，更热剧黑陷将欲死者，或风热疮疥久不愈者，诸般风热。

防风去芦，半两 荆芥二钱半 川芎半两
锦纹大黄半两 当归半两 薄荷叶半两 芍药半两
麻黄去根节，半两 芒硝半两 石膏细纹者，一两
黄芩一两 桔梗一两 滑石六两 甘草二两
白术二钱半 山梔子用小者，大者非，二钱半

上粗末，每服二钱，姜二片，水一盞，煎七分，去滓不拘时服，或卒中久不语，或暴暗不语

皆治。

化风丹 见第十九问。

钩藤散 见第十六问。

至宝丹 见第二十问。

痉症 第二十九问

夫发痉之候，先伤于风，又感寒湿致之，此虚极生热、热极生风之甚者也。伤风发热，头痛汗出，又自呕逆，汗之必发。湿家发汗稍多亦发。此症项强直，腰身反张，摇头瘈疢，口噤不语，发热腹痛不惺惺，其状可畏，病在足太阳经。刚痉无汗，柔痉有汗。其面红眼赤，牙紧手张，痰涎壅盛，昏聩烦渴，小便赤涩，先谵语面发者，此刚痉也，无汗当发汗。其大便滑泄，不语不渴，先手足冷而发者，此柔痉也，有汗当解肌，并以小续命汤加减，刚痉去附子用麻黄，柔痉用附子去麻黄，大便利厥逆者，则以熟附佐之。其间一症，身体壮热，谵语口干，手足反微寒，大便反滑泄，此为刚柔不分之痉，无汗葛根汤主之，有汗桂枝加葛根汤主之。要知无汗则用麻黄，有汗则谨勿用也，此古方之所禁。其若痰塞气盛，则南星、半夏、茯苓以消其痰，枳实、陈皮、紫苏以顺其气，痰消则风止，气顺则神清，然后审其热之轻重而解利之。热轻者败毒散，热盛者小柴胡汤解之。壮热有汗，胸满口噤咬牙，而大便秘者，是为内实，大承气汤下之，后用大柴胡汤解之。最难痉，十救其一，过三日难治，请早图之。

小续命汤 见第二十七问。

葛根汤 见第十六问。

桂枝加葛根汤 治头疼，项青强几几，汗出恶风者。

桂枝 芍药 甘草各六钱 葛根一两三钱
上锉散，每服三钱，生姜枣子煎服。

败毒散 见第五十问。

小柴胡汤 治伤寒，温病，身热恶风，颈项强急，胸胁满痛，呕吐哕逆，烦渴，寒热往来，身面皆黄，小便不利，大便秘涩，或过经不解，或潮热不除，及痉后劳复，发热疼痛烦热，经血适来适断，寒热如疟，发作有时。

人参去芦，三钱 甘草炙，三钱 黄芩三钱
柴胡去芦，八钱 半夏汤泡七次，焙干，二钱半

上锉散，每服二钱，水一盞，生姜三片，枣一枚，煎去滓，温服不拘时。

大承气汤 治刚痉，胸满内实，口噤咬牙，大热发渴，大便秘涩。

大黄 芒硝各半两 厚朴一两 枳实一两

上锉散，每服三钱，姜三片，水一盞，煎半盞，温服。

大柴胡汤 治伤寒十余日，邪气结在里，往来寒热，大便秘涩，腹满胀痛，谵语，心中痞硬，饮食不下，或不大便，五六日绕脐刺痛，时发烦躁。及汗后如疟，日晚发热，兼脏腑实，脉有力者可服。

柴胡去芦，八钱 黄芩 赤芍药各三钱 枳实去瓤，麸炒，半钱 半夏汤泡七次，切片焙干，一钱半

上锉散，姜枣煎，加减服之，欲下加川大黄三钱。

夜啼客忤惊啼 第三十问

夜啼者，脏冷也，阴盛于夜则冷动，冷动则为阴极发躁，寒盛作疼，所以夜啼不歇也，钩藤散主之。或心热烦啼，必有脸红舌白，小便赤涩之症，钩藤饮去当归、木香，加朱砂、木通，煎汤调下。又有触犯禁忌而夜啼者，用醋炭熏，可服苏合香丸。客忤者，小儿神气嫩弱，外邪客气，兽畜异物，暴触而忤之，其候，惊啼，口出青黄白沫，水谷鲜杂，面色变易，喘息腹痛，反侧瘈瘲，状似惊痛，但眼不上窜，脉来弦急面数，视其口中悬雍左右，若有小小肿核，即以竹针刺溃之，或以爪甲摘破亦佳，治法辟邪正气，散惊定心为上，延久则难为力也。凡客忤、中恶，急作醋炭，或降真香、皂角，并用熏之，仍服苏合香丸即自痊愈。治惊啼拗哭，《本事方》龙齿散主之，又有花火膏亦卒急可用也。论曰：心藏神，神安则脏和，故小儿昼得精神安、而夜得稳睡，若心气不和，邪气乘之，则精神不得安定，故暴惊面啼叫也，安神散等剂治之。又有啼之症，小儿胞胎中，

其母将养失宜，伤于风冷，则邪气入于胞胎，既生之后，冷气停留，复因乳哺不节，邪气与正气相搏，故腹痛张盛气^①而啼也，牛黄丸等剂主之，冷甚者理中丸主之。

钩藤饮 见第二十一问。

苏合香丸 见第六十问。

龙齿散 治拗哭肚痛惊热。

龙齿 蝉蜕 钩藤 羌活 茯苓 人参各等分

上锉散，每二钱，姜枣煎服。

碧霞散 治小儿浑身壮热夜啼。

柏叶半两 南星 僵蚕 全蝎 郁金 雄黄各一钱

上为末，每服一钱，用薄荷蜜水调下。

神裸散 治腹痛啼哭，面青口中冷气，四肢亦冷，曲腰面啼，或大便泄泻，及不吮乳。

人参 山药 白术各半两 甘草二钱 白茯苓 白扁豆炒，各一两

上为末，每服二钱，姜二片，枣一枚，煎服。一方用当归、白芍药、人参各二钱半，甘草、桔梗、陈皮各一钱为散，每服二钱，水煎时时服。

花火膏 治夜啼，脾脏冷而痛。

灯花一颗，百一选加硼砂一字，朱砂，蜜调成膏子

上取涂乳上，令儿吮乳。

牛黄丸 见第十九问。

理中丸 见第五十三问。

安神散 治婴孩夜啼。

蝉蜕四十九个，只用后一截，除去前一截并嘴脚上为极细末，作四服，用钩藤汤调下，不拘时服。

金箔镇心丹 安神、止小儿夜啼。

全蝎七个，用薄荷包，慢火上炙干 天麻煨 防风去芦 羌活去芦 牛黄 赤茯苓去皮 犀角 甘草炙，各二钱 辰砂一钱，水飞 麝香半钱 金箔二十片

上为细末，炼白蜜，丸如皂角子大，薄荷煎汤，不拘时服。

^① 盛气，原误作“感是气”，据文意改。

婴童百问卷之四

胎疾 第三十一问

胎疾，谓月数将满，母失调护，或劳动气血相干，或坐卧饥饱相役，或饮酒食肉，冷热相制，或恐怖血脉相乱，胎气有伤，儿形无补，有胎热、胎寒、胎黄、胎肥、胎弱等症。胎热则儿在胎中，母多惊悸，或因食热毒之物，诞生之后，儿多虚痰，气急喘满，眼目眵泪，神困呵欠，不得伸舒，呃呃作声，大小便不利，或通利即有血水，甚则手常拳紧，脚常搐缩，眼常斜视，身常掣跳，皆由胎中受热，宜速与大连翘饮子，解散诸热，次与消风散数服无恙。其胎惊、胎风，自见本症，兹不赘述。胎寒则儿在胎中，母因感受寒邪，或喜食生冷过度，寒盛则肠鸣泄利，邪气以乱其真气，治寒邪，当用和解；治脏寒，则温脏寒。甚则有盘肠内钩，皆因寒面得之，大便青者是也，各有本症见之。胎黄候，则小儿生下，遍体面目皆黄，状如金色，身上壮热，大便不通，小便如梔子汁，乳食不思，啼叫不止，皆因母受热而传于胎也，凡有此症，乳母可服生地黄汤，仍忌热毒之物。胎肥则生下肌肉厚，遍身色红，满月以后，渐渐羸瘦，目白睛粉红色，五心烦热，大便难，时时生涎，浴体法主之。胎弱则生下面无精光，肌肉薄，大便白水，身无血色，时时哽气多哕，目无精采，亦当浴体法治之。凡胎气禀赋，有壮有弱，其母饮食恣令饥饱，起止无忌，令儿得疾，不寒即热，不虚即怯，热乃作壅，寒乃作泄，虚则作惊，怯则作结。寒则温之，热则凉之，虚则壮荣，怯则益卫。惊用安神丸，结用微利，详审用之，可保无虞。不若古人胎教之法，决无诸症，生子必形容端正，为世之英杰也。

大连翘饮子 见第三问。

消风散 治诸风上攻，头目昏痛，项背拘急，肢体烦疼，肌肉蠕动，目眩旋晕，耳作蝉鸣，眼涩好睡，鼻塞多嚏，皮肤顽麻，瘙疮瘾疹，小儿

虚风，目涩昏困。

白茯苓去皮 芎藭 羌活去芦 荆芥穗 防风去芦 藿香叶 蝉蜕去土 白僵蚕炒，去丝嘴 甘草锉，炙 陈皮去白 厚朴去皮，姜汁制，各三两半

上为细末，每服半钱，茶清调下，薄荷汤亦可。又治急慢惊风，用乳香荆芥汤调下，或加雄黄，名雄风散。

生地黄汤 治小儿生下，遍体面目皆黄，状如金色，身上壮热，大便不通，小便如梔子汁，乳食不思，啼叫不止，此胎黄之候，皆因母受热邪面传于胎也。凡有此症，乳母宜服，仍忌酒面五辛之物。

生地黄 赤芍药 川芎藭 川当归酒洗、等分

上锉散，每服五钱，水一盞，煎至六分，去滓，产妇亦可服，抹些少入儿口中。

浴体法 见第十四问。

解颅 第三十二问

仲阳谓解颅，生下而凶不合，肾气不成也，长必少笑，更有目白睛多，眵白身瘦者，多愁少喜也，余见肾虚症。汤氏曰：小儿年大，头缝开解面不合者，肾主髓，脑为髓海，肾气有亏，髓髓不足，所以头颅开面不能合也。人乏髓髓，如木无根，凡得此者，不远千日，其间亦有数岁，乃成废人。设有此症，不可束手待毙，宜与钱氏地黄丸，仍用南星微炮为末，米醋调敷于绯帛，烘热贴之，亦良法也。柏子仁散、三辛散等剂敷之尤效。

地黄丸 见第八问。

柏子仁散 治小儿凶开不合。

防风一两 柏子仁一两

上末，乳汁调涂凶门上。

三辛散 一名封凶散，一名挂号散。 治婴孩小儿脑凶大开。

细辛 桂心各半两 干姜一钱

上为末，乳汁调涂囟上，干时再涂，面赤为效。

凶陷凶填 第三十三问

凶陷者，始因脏腑有热，渴饮水浆，致成泄利，久则血气虚弱，不能上充脑髓，故凶陷如坑，不能平满，用狗头骨炙黄为末，鸡子清调敷之。凶填者，凶门肿起也，脾主肌肉，乳哺不常，饥饱无度，或寒或热，乘于脾家，致使脏腑不调，其气上冲，为之填胀，凶突而高，如物堆起，毛发短黄自汗是也。若寒气上冲则牢靳，热气上冲则柔软，寒者温之，热者凉之，剂量轻重，兼与调气。小儿肝盛，风热反攻亦然，此症未易退差，或热症用大连翘散以消之，有表热症，柴胡散主之，又有封凶散掩之。论曰：小儿胃气冲和，则脑髓充盛，凶顶渐合，若胃气热，熏蒸脏腑，则渴面引饮，因致泄利，令脏腑壅热，血气虚弱不能上充脑髓，所以凶陷也，《圣济经》用当归散、地黄丸。

大连翘饮子 见第三问。

柴胡散 见第五十问。

封凶散 见第三十二问三辛散。

地黄丸 见第八问。

当归散 见第五十九问。

目内症 第三十四问

目内赤者心热，导赤散主之。淡红者心虚热，生犀散主之。青肝热、泻青丸主之，浅淡者补之。黄者脾热，泻黄散主之。无精光者肾虚，地黄丸主之。《龙木论》小儿斗睛候，皆因失误筑打，损着头面额角，兼倒扑，令儿肝受惊风，遂使两眼斗睛，宜服牛黄丸。《口议》血眼，宜服生熟地黄散流行血气，热毒服小防风汤，风毒服小流气饮，积毒服小菊花膏主之。斑疮入眼，决明散、密蒙花散主之，又有犀角散、石楠散通顶为妙。或泻后眼如上膜，或痘疹入腹，眼不能开，及诸症眼定无精光难治。

导赤散 见第八问。

泻青丸 见第八问。

生犀散 治目内淡红者，心虚热。

生犀镑，二钱 地骨皮 赤芍药 柴胡 干葛各一两 甘草半两

上锉，每服二钱，水一盞，煎至七分，滤去滓温服。

泻黄散 浅淡者补之，黄者脾热。

藿香叶七钱 山梔仁一两 石膏五钱 甘草五钱 防风四两，去芦

上锉散，同蜜酒微炒，每服二钱，水煎服，不拘时。

地黄丸 见第八问。

生熟地黄散 治小儿疳蚀眼患，闭合不开，羞明怕日及内障。

生地黄洗 熟地黄洗 麦门冬去心，各一两 川当归 枳壳麸炒 甘草炙 防风 杏仁汤泡，去皮尖，炒赤 赤芍药各半两

上锉，每服二钱，黑豆七粒，煎豆熟为度，去滓服。

地黄散 治小儿心肝蕴热，目赤肿疼，内生赤脉，或白膜遮睛，四边散漫者犹易治，若暴遮黑睛，多致失明，宜速用此方，亦治疮疹入眼。

生地黄 熟地黄 蝉蜕去头足 木贼草 谷精草 生犀末 当归去芦，切焙，各二钱半 防风去芦 羌活 白蒺藜去刺 甘草 沙苑蒺藜 木通各一钱半 黄连去须 大黄煨，各一钱 玄参半钱

上为细末，每服一字，或半钱，量大小加减，煎羊肝汤食后调下，日三，忌口将息，亦治大人。

小防风汤 治小儿热毒眼患。

大黄蒸 山梔子 甘草炙 防风 赤芍药 川当归洗 羌活各等分

上锉散，每服二钱，水小盞，煎五分，去滓，通口温服，食后。

小流气饮 治小儿风毒眼患。

蝉蜕去足 甘草炙 羌活 天麻 当归 赤芍药 防风 大黄 薄荷 杏仁各等分

上锉散，每服二钱，水煎去滓，食后通口服。

小菊花膏 治小儿积毒眼患。

黄连 黄芩 大黄 菊花 羌活 苍术米

泔浸 荆芥穗 防风各等分

上为细末，蜜丸芡实大，每服一丸，细嚼白滚汤下。

决明散 治小儿疹痘疮入眼。

瓜蒌根半两 决明子 赤芍药 甘草炙，各一钱半

上为细末，每服半钱，蜜水调下，日三。

密蒙花散 治小儿疹痘，并诸毒入眼。

密蒙花一钱 青箱子 决明子 车前子各五分

上为细末，用羊肝一个，破开缝三条，掺药令匀扎紧，以湿纸七重裹，炭火中煨熟，空心食之，效如神。

犀角饮 治眼疼。

犀角一两 射干 龙胆草 黄芩各半两 钩藤七钱半 人参二两 茯苓 甘草各二钱半

上锉散，每服二钱，水一盞，煎至五分，食后去滓温服。

牛黄丸 治肝受惊风，遂使眼目疼痛。

牛黄 白附子 肉桂 全蝎 川芎 石膏各二钱半 白芷 藿香各半两 辰砂 麝香各少许

上为细末，炼蜜为丸，如梧桐子大，临卧时薄荷汤化下三丸，乳母忌食辛辣热物，并温面等物。

耳病 第三十五问

耳者肾之候，小儿肾经气实，其热气上冲于耳，遂使津液壅滞，为脓为汁者也。亦有澡浴水入耳中，水湿停留，搏于血气，酝酿成热，亦令耳脓，久而不瘥，变成聋耳，龙骨散主之。又汤氏有五般聾耳候。聾耳者，常有黄脓出是也。脓耳者，常有红脓出是也。缠耳者，常有白脓出是也。底耳者，里而腥臭。囊耳者，里面虚鸣，时出清脓。然五般病源一也，皆由风水入耳，内有积热上壅而成，若不早治，久则成聋，胭脂膏等治之，仍服化痰退热等剂即愈。

龙骨散 治脓耳。

明矾煨 龙骨煨，各二钱 黄丹炒，一钱半

胭脂一钱 麝香一钱，研

上为细末，先以绵拈拭去脓汁，次以鹅毛管吹药入耳。本方加海螵蛸末尤妙。

龙黄散 治小儿聾耳，汁出不止。

枯矾 龙骨煨 黄丹炒，各半两 麝香研，一钱

上同研细，先以绵杖子拈却耳中脓水，用一字掺在耳内，但用之，勿令风入。

干^①胭脂膏 治小儿聾耳，常出脓水不止。

干胭脂 白龙骨 白矾煨 白石脂研，等分上研如粉，用枣肉和丸枣核大，以绵裹一丸纳耳中，日三换之。

金箔散

枯矾 胭脂各半两 金箔七片

上同研令匀，为细末，日三四度，掺少许于耳内。

蔓荆子散 治内热，耳出脓汁。

升麻 木通 赤芍药 桑白皮 生地黄 麦门冬去心 前胡 甘菊花 赤茯苓 蔓荆子 甘草炙，各等分

上锉散，每服三钱，姜一片，枣二枚，水一盞，煎六分，食后临卧服。

鼻病 第三十六问

鼻衄者，黄芩汤主之。清肺饮子治蟹鼻凉膈。凡牙儿三朝五日、六晨一腊，忽然鼻塞，吻乳不能开口呼吸者，多是乳母安睡之时，鼻中出息，吹著儿凶，或以水浴洗，用水温冷，不避风邪，所以致儿鼻塞，宜与通关膏敷之，消风散服之，或有惊悸作热，薄荷散与服，生者亦佳。又有鼻衄，是热搏于气、而乘于血也，肺主一身之皮毛，口气开窍于鼻，蕴寒先客皮肤，搏于气而成热，热乘于血，血得热而妄行，从鼻中出者，名鼻衄也，或未及发汗而鼻燥喘息，鼻气鸣即衄，治法皆依大方面分剂略轻耳，黄芩汤、犀角地黄汤主之，生地黄茅根煎服尤佳。

黄芩汤 见第六十七问。

^① 干，上海大东书局本作“花”。

清肺饮子 见第七十九问地黄清肺饮。

薄荷散 治乳下婴儿鼻塞不通，及治夹惊伤寒，极热变蒸。

薄荷叶半两 羌活 全蝎 甘草 麻黄去节 僵蚕炒，去丝嘴 天竺黄 白附子各一钱半

上为末，薄荷汤下。热极生风，加竹沥少许与服。一方有柴胡、台芎、桔梗、茯苓，无全蝎、僵蚕、天竺黄、白附子。

消风散 见第三十一问。

通关散 见第十四问。

口疮鹅口重腭 第三十七问

巢氏云：鹅口候者，小儿初生，口里白屑满口舌上，如鹅之口，故曰鹅口也。此乃胎热而心脾最盛，熏发于口也。葛氏用发缠指头，蘸并花水揩拭之，睡时以黄丹煨出火气掺于舌上。小儿初出腹有连舌，舌下有膜如石榴子中隔连其舌下后，令儿言语不发不转也，可以爪甲摘断之，微有血出无害。若血出不止，可烧发作灰末敷之，血便止也。用保命散，枯白矾一钱，马齿牙硝半钱，朱砂一分同研细，取白鹅粪，以水搅取汁调涂舌上颌颊内，先用发缠指，揩拭舌上垢了，然后用药敷之。口疮候，乃小儿血气盛，兼将养过温，心脏积热，熏蒸于上焦，故成口疮也。宜用南星末淡醋调，贴两脚心，乳母宜服洗心散，却用泻心散敷口之法，用黄连末以蜜水调抹口中，黄柏、青黛、冰片皆可。又以牛黄少许末之，竹沥调涂口内。治鹅口，以马牙硝如豆许涂亦好。或口如鱼口不能合，或作鸦声者难治。又有小儿初生，上腭有物胀起如悬痈，或如芦笋^①盛水之状者，名曰重腭，此乃脾胃挟热，血气不能收敛，颌中舌下或在腭颊如吹小脬，速宜以绵缠长针，微露锋，锐刺肿处，决出恶汁即消。若再生宜再刺，不尔则胀满口中，有妨乳食呼吸也。

保命散 治小儿口里白屑满舌上如鹅口。

枯矾一钱 牙硝半两，细研 朱砂二钱半

上同研细，每服一字，取白鹅屎以水搅取汁，调涂舌上颌颊内。未用时，先以手指缠乱发拭舌上垢，然后使药敷之。

吴茱萸散 治初生儿吃乳后，口内即生白屑烦躁。

吴茱萸不拘多少。

上为末，米醋调敷儿脚心内，退即去之，心有客热口生疮，以南星末醋调敷脚心，茱萸散亦治口疮，退即洗去之。

洗心散 治风壅壮热，头目昏痛，痰涎壅滞，涕唾稠粘，心神不宁，眼涩睛疼，及鼻塞声重，咽干多渴，五心烦热，小便黄赤，大便秘涩，并宜服之。

白术一钱半 甘草炙 当归 荆芥穗 麻黄不去节 芍药 大黄面裹煨，去面，切焙，各六钱

上锉散，每服四钱，生姜薄荷煎汤，去渣，乳母服、或儿服。加前胡、生地黄、辰砂，名辰砂七宝散，为末，治小儿口疮积热，夹惊伤寒，生姜、薄荷调下一钱。二十问内有七宝洗心散，可兼看，对症用。

辰砂七宝散 治小儿壮热，伤寒壅热，治夹惊伤寒，解诸般热，亦治疹痘热，治惊风，定搐搦。

麻黄去节 白术 当归 大黄 赤芍药 荆芥 前胡 生地黄 甘草各半两

上为末，伤风发散，用生姜、薄荷煎。急惊加辰砂、薄荷调下。用局方洗心散亦可。

泻心散 治心中痰气实，则气行涩，合卧则气不通，故喜仰卧，则上下通也。

用黄连一两，去须为末，每服半钱，或一钱，临卧时温水下。

牛黄散 治小儿重腭重龈，肿痛口中涎出。

牛黄 龙脑 丹砂各二钱半 铅霜半两 太阴玄精石一两

上为末，每服半钱。先于肿处针破出血，盐汤拭口，掺药在内。

一捻金散 治小儿鹅口、口疮。

雄黄三钱 硼砂一钱 甘草半钱 片脑少许 上为细末，干掺患处，或用蜜调涂。

葛氏方 治小儿鹅口。

黄丹一味炒黑，水飞研细，掺舌上即愈，仍

① 笋(tuò 唾)，指竹类主杆所生的叶。

服消毒饮。

犀角消毒饮 治婴孩小儿风毒赤紧，丹瘤壮热，狂躁睡卧不安，胸膈满闷，咽喉肿痛，九道有血妄行，遍身丹毒。

牛蒡子炒，一两半 荆芥穗五钱 甘草二钱半
防风一钱半 犀角一钱半

上锉散，用水煎，不拘时服。

重舌木舌弄舌 第三十八问

巢氏云：小儿重舌者，心脾俱有热也，心候于舌而主血，脾之络脉出于舌下，若心脾有热则血气俱盛，附于舌根，重生壅出如舌而短小是也。有著颊里及上腭者，名曰重腭。著齿龈者，曰重龈。皆当刺去其血，用真蒲黄敷之，或发灰，或马牙硝，或硼砂，或焰硝敷之，或竹沥浸黄柏点之亦好。又木舌症，舌者心之候，脾之脉络于舌也，脏腑壅滞，心脾积热，热气上冲，故令舌肿渐渐胀大，塞满口中，是为木舌，若不急疗，必致害人。用朴硝二分，紫霜一分，白盐半分，同研，每半钱，竹沥并花水调敷。不用朴硝及盐亦可。又方用黄葵花研细，黄丹拌之同研，点七次。又舌胀满口，单用冰片点之，亦妙。又弄舌者，脾脏微热，令舌络微紧，时时舒舌，治之勿用冷药下之，当少与泻黄散渐服之，亦或饮水，医疑为热，必冷药下之，非也。饮水者，脾胃虚津液少也。又加而黄肌瘦，五心烦热，即为疳瘦，宜胡黄连丸。大病未愈，用药后弄舌者凶。又有舌上白苔并黑色者，用硼砂为末掺之，热甚者，加冰片，或单用黄丹如豆许，以按舌下尤妙。

泻黄散 见第三十四问。

胡黄连丸 见第七十九问。

青液散 治婴孩小儿鹅口、重舌、口疮。

青黛一钱 朴硝一钱 冰片少许

上为细末，蜜调，以鹅翎少许敷上。

一字散

朱砂、冰片各少许，蜜调，鹅翎刷口内，咽下无妨。

齿迟 第三十九问(无方)

聂氏云：禀受肾气不足者，即髓不强，盖骨之所络而为髓，髓不足，故不能充于齿，所以齿生迟也。宜用川芎、干地黄、山药、当归、芍药、甘草各等分研末，用熟水调服。或时以药末擦齿龈，齿即生也。

喉痹腮肿 第四十问

巢氏云：此二症乃风毒之气，客于咽喉，与血气相搏，而结肿成毒。热入于心，即烦乱不食而死。此候急用金星丸下之。治小儿咽喉腮肿疼痛，当用升麻、马牙硝、硼砂、牛黄等剂，连翘汤不可缺也，连翘漏芦汤亦可服。

金星丸 治小儿风热壅盛，喉中痰鸣，嗽喘气粗，而烦红，腮赤肿疼，咽喉壅塞，目闭不开，多眠发热，狂言烦躁多渴，则生惊风，大便不通，小便如血，诸般热壅，疮痍烦躁，并宜服之。

郁金 雄黄各二钱半 膩粉半钱 巴豆七粒，去油

上为末，调匀，醋糊为丸麻子大，薄荷汤下。

连翘漏芦汤 治小儿痈疮，丹毒，疮疖，咽喉肿痛，腮肿。

漏芦 麻黄去根节 连翘 升麻 黄芩
白藜各一钱 甘草 枳壳各半钱

上为粗末，每服一钱，以水一小盏，煎至五分，去渣，量儿大小，不拘时温服。热甚加大黄朴硝。

连翘汤 见第三问大连翘饮子。

清凉饮子 治小儿百病，变蒸客忤，惊痛壮热，痰涎壅盛，烦闷颊赤，口干烦渴，项颈结热，头面疮疖，肚中热痛。更四十四问有四顺清凉饮，可详症通用。

大黄 连翘 芍药 羌活 当归 防风
甘草 山梔仁各等分

上锉散，每服二钱，水半盏，煎三分，去滓，不拘时服。

婴童百问卷之五

语迟 第四十一问

巢氏云：小儿四五岁不能言，盖人之五脏，以心之声为言，不能言者，由在胎时，其母卒有惊怖，内动于儿脏，邪气乘于心，故令心气不足，而不能言也。宜服钱氏菖蒲丸以意加减，久服取效。

菖蒲丸 治小儿心气不足，五六岁不能言，心之声为言，儿稍长合语而迟，由妊娠时，其母惊怖，内动于儿脏，邪气乘于心，使心气不足，舌本无力，故令语迟。

石菖蒲 丹参 天门冬去心，焙，各一钱 赤石脂三钱 人参去芦，半两

上为末，炼蜜丸如麻子大，食后温水下二十丸。《圣济总录》有黄连。

滞颐 第四十二问

巢氏云：小儿滞颐者，涎流出而渍于颐间也，此由脾冷涎多故也。脾之液为涎，脾胃虚冷，不能收制其津液，故流出渍于颐也。张氏温脾丹主之。一法百药煎含咽，其涎自不出，亦截法也。益黄散亦治此症，温脾散亦可服。

张涣温脾丹 治滞颐。

半夏曲 丁香 木香各一两 干姜 白术 青皮 陈皮各一两

上为末，糊丸如黍米大，一岁十丸，二岁二十丸，大小加减，未汤下。

温胃散 治滞颐，涎流出渍于颐上，此由脾冷涎多故也。

半夏泡 人参 甘草 干姜 肉豆蔻 白术各半两 丁香一两

上为末，每服二钱，生姜三片，煎食前温服。

益黄散 见第八问。

龟背龟胸鹤膝行迟 第四十三问

羚羊角丸治五六岁不走。仲阳云：龟胸者，乃肺热胀满攻于胸膈，即成龟胸，又乳母多食五辛而成此疾。龟背者，儿生下客风吹脊，入于骨髓，即成龟背，治以龟尿，点其背上骨节。取尿之法，当放龟于荷叶上，候龟眼四顾，急用镜照之，其尿自出。《圣惠》论小儿龟胸者，缘肺热气胀满而成此疾，乳母多食辛辣之物，亦成此候，或乳母有宿乳乳儿，亦成此疾，常捏去宿乳，则无此症也，当用《圣惠》龟背丸治之。《圣惠》论龟背者，小儿初生，未周半周，强令早坐，遂使客风吹脊，故令背高如龟之状也。有灸法可疗，当灸第三椎骨下两旁各一寸半肺俞穴，又第五椎骨下两旁二寸半心俞穴，又第七椎骨下两旁各一寸半膈俞穴。以小儿中指节为一寸，艾炷如小麦大，但三、五壮而止。又有鹤膝证，小儿禀受不足，血气不充，故肌肉瘦薄，骨节呈露如鹤之膝，抑亦肾虚而得之，钱氏地黄丸加鹿茸以补肾气。又有行迟之症，乃血气不充，则髓不满骨，故软弱而不能行，抑亦肝肾俱虚而得之，肝主筋，筋弱而不能束也，地黄丸加牛膝、五加皮及酒炙鹿茸，又有五加皮散治之，又治龟胸，有龟胸丸以散其热，松蕊丹、百合丹治龟胸、龟背尤佳。

龟胸丸 治小儿龟胸、龟背，缘肺热气胀满而渐成此疾。乳母多食辛辣之物，亦能成此症。

大黄煨，一钱 天门冬去心 百合 杏仁去皮尖，炒 木通去节 枳壳麸炒 桑白皮蜜炙 甜葶苈炒 朴硝各五钱

上为细末，炼蜜丸如芡实大，每用一丸，温汤化服食后。

枳壳防风丸

枳壳麸炒 防风去芦 独活去芦 大黄煨 前胡去芦 当归 麻黄去节，各一钱

上为细末，而糊丸如黍米大，每服十丸，米

饮食后服。

腹痛 第四十四问

夫腹痛者，多因邪正交攻，与脏气相击而作也。挟热而痛者，必而赤或壮热四肢烦，手足心热见之。挟冷而痛者，必面色或白或青，手足冷者见之。冷甚而变症，则面黯唇口俱黑，爪甲皆青矣。热症四顺清凉饮加青皮、枳壳，冷症七气汤加辣桂，调苏合香丸，若邪正交攻，冷热不调，桔梗枳壳汤加青皮、陈皮、木香、当归为妙，若内吊等症则钩藤饮，其余则芍药甘草汤为要药也。实痛有热者大柴胡汤治之，心腹痛甚有实热者，大承气汤下之，腹痛桂枝加芍药，痛甚桂枝加大黄也。

四顺清凉饮 治小儿血脉壅实，脏腑生热，颊赤多渴，五心烦躁，睡卧不安，四肢惊掣，及因乳哺不时，寒温失度，令儿血气不顺，肠胃不调，小便少，大便涩，或温壮连滞，欲成伏热，或壮热不歇，欲发惊痫。又治风热结核，头面疮疖，目赤咽痛，疮疹毒，一切壅滞，并宜服之。治挟热泻不止，加木香、大黄。

赤芍药 当归 甘草 大黄各等分

上锉散，三岁以上，每服二钱，水一盞，煎至七分，作两服。欲利小便，用赤芍药；虚热加甘草；不利减大黄；冒风邪，加去节麻黄；中风体强，眼睛上视，加独活，量儿大小虚实加减，微溏利为度，可加荆芥。更四十问内有加味清凉饮子，可详症通用。

七气汤 治七气所伤，痰涎结聚，心腹亦痛，不能饮食。

半夏制，五两 人参 辣桂各二两 甘草半两

上锉细，每服三钱，水大盞，姜五片，枣一枚，煎六分，食前服。

指迷七气汤 治七情相干，阴阳不升降，气道壅滞，攻冲作疼。

青皮 陈皮 桔梗 蓬术 辣桂 益智仁 各一两 香附子一两半 甘草 半夏制，各七钱半 上锉细，每服三钱，水一盞，姜四片，枣一

枚，煎至七分，不拘时服。

异香散 治小儿诸般吊症，角弓反张，胸高脐凸。

用透明没药一味为末，姜汤调下一钱匕。

桔梗枳壳汤 治诸气，痞结满闷，腹胁疼痛。

桔壳炒 桔梗各二两 甘草半两，炙

上锉散，每服四钱，水一盞，姜五片，煎至半盞服。

钩藤饮 见第二十一问。

芍药甘草汤 治出疹，肚疼腹满，小便不通。

芍药一两 甘草二钱半

上锉散，每服三钱，水一盞，煎至七分，不拘时服。

大柴胡汤 治伤寒十余日，邪气结在里，往来寒热，大便秘涩，腹满胀痛谵语，心中痞硬，饮食不下，或不大便五六日，绕脐刺痛，时发烦燥。及汗后如疟，日晚发热，兼脏腑实，脉有力者可服。

柴胡去芦，八钱 黄芩 赤芍药各三钱 枳实去芦，麸炒一钱 半夏汤泡七次，切片焙干，一钱半

上锉散，姜三片，枣二枚，水一盞，煎七分，加减服之。欲下加大黄半两。

桂枝加芍药汤 见第五十三问。

大承气汤 见第二十九问。

桂枝加大黄汤 见第五十三问。

腹胀 第四十五问

腹胀有虚有实，皆由脾胃气攻所作也。实者闷乱喘满，可下之，紫霜丸、白饼子。其不喘者，虚也，不可下，若误下，致脾虚气上附肺而行，肺与脾、子母皆虚，肺主目胞躁颊肿也，脾主四肢，母气虚甚即黄也，治之用塌气丸渐消之，未愈渐加丸数。然脾虚气不运动，故腹胀而不喘，可以散药治之，使上下分消，其气即愈也。又有痞气积胀，用褐丸子治之。又有癥癖痞胀，三棱丸主之。有实热胀满者，大承气汤主之，一法用五苓散吞紫霜丸，量虚实用丸数亦妙。热轻者，大柴

胡汤治之。

褐丸子 治小儿疳积肿胀。

萝卜子一两，微炒 陈皮 青皮 槟榔 五灵脂 蓬术煨 赤茯苓各半两 木香二钱半 黑牵牛取净末，半生，半炒

上为末，面糊丸如绿豆大，每服十五丸，苏叶泡汤送下。

紫霜丸 见第三问。

白饼子 见第十四问。

塌气丸 治小儿疳气腹胀喘急，并而目浮肿。

丁香一钱 胡椒一钱 萝卜子炒 白牵牛生，各二钱

上为末，而糊丸如小豆大，三岁三十丸，米汤下。

三棱煎丸 见第八十四问。

大承气汤 见第二十九问。

五苓散 见第五十二问。

大柴胡汤 见第二十九问。

下积丸 见第四十九问。

五珍丸 见第四十九问。

腹中有癖 第四十六问

癖者，血膜包水，侧僻于肋旁，时时作痛也。惟癖为能发潮，为能生寒热，故疳家多蓄黄水，日久而复结癖于中脘，寒热不已，有是疾者以此。小儿脏腑和平，荣卫调畅，则津液自然流通，纵使多饮水浆，不能为病；惟失哺失调，三焦关格，以致水饮停滞，肠胃不能宣通，如冷气搏之，则结聚而成癖。轻者用积滞木香丸，重者用取癖丸。仲阳云：腹中有癖不食，但饮乳是也，当渐用白饼子下之，如不早治，则不能食，脾胃虚弱，四肢不举，诸邪遂生，羸瘦而成疳矣。

木香丸 治吐乳、泻乳，其气酸臭，由啼叫不已，以乳与儿，停滞不化，是为乳积，肚硬热渴吐泻，由饮食无度，过饱即睡，是为食积。腹痛啼叫，利如蟹渤，由触忤其气，柴卫不和，淹延日久，是为气积。疳后肚内结癖成块。

木香二钱 蓬术二钱 砂仁二钱 青皮去

瓤，二钱 朱砂研细，二钱 代赭石二钱 大丁香二钱 巴豆去油，一钱

上为细末和匀，飞白面糊和丸麻子大，每服二三丸。乳伤，乳汁下；食伤，米饮下。

取癖丸 治小儿癖块大痛，用之如应。

甘遂微炒，二钱 芫花微炒，二钱 黑牵牛半炒半生，磨筛取末，二钱 辣桂二钱 蓬术二钱 青皮去瓤，二钱 木香二钱 桃仁炒，二钱 五灵脂二钱 巴豆去油，一钱

上为末，研和十分细嫩，飞白面糊丸麻子大，每服一二丸，姜蜜煎汤灌下，泄后冷粥补，仍和胃。

挨癖丸 治乳癖、谷癖、腹中块痛。

青皮去瓤，三钱 木香三钱 蓬术三钱 生地黄三钱 代赭石火煨醋淬，研细末，三钱 巴豆压去油尽，一钱

上为细末，醋面糊丸麻子大，每服二丸，食后擦姜泡汤下。

槟榔丸 治小儿伤食得之，痛刺肋肋，心胸烦闷，饮食不下，吐逆、恶心，久不医治，渐成痞癖。

槟榔五钱 木香面裹煨，三钱 青皮五钱，去穰。巴豆三十粒，去壳同炒；去巴豆 陈米半合，炒法亦用巴豆，同青皮

上为细末，蒸饼丸如黍米大，用米饮食前服，丸数多少，量儿大小虚实加减。

北柴胡散 治小儿因伤血得之，胸膈郁闷，痛引小腹，时或攻筑上抢心胸，渐成瘦结之症。

北柴胡三钱 人参三钱 木香三钱 枳壳三钱 京三棱三钱 槟榔三钱

上为细末，陈皮煎汤调，食远服。

褐丸子 治小儿因伤气得之，心腹膨胀，肚大胁痛，面黄肌瘦，倦怠乏力，久而不治，渐成痞块。

陈皮五钱 青皮五钱 三棱五钱 萝卜子炒，五钱 蓬莪术五钱 木香一钱 胡椒一钱 黑丑炒，取头末，三钱

上为细末，而糊丸和黍米大，生姜三片，泡汤送下三十丸。

七香丸 治小儿因伤积得之，其症如肠癖之疾，便利无度，滑下不成粪，似痢非痢，结成癖

块。

木香一钱五分 丁香一钱五分 八角茴香炒，一钱五分 枳壳一钱 三棱一钱 青皮一钱 蓬莪术一钱，细切，用巴豆七粒去壳，同炒赤色，不用巴豆

上为细末，煮糊丸如黍米大，每用三十丸，米饮空心服。

痞结 第四十七问

痞者塞也，结者实也，热气蕴于胸膈之间，留饮聚于腹胁之内，于是荣卫不能流行，脏腑不能宣通，由胀满面致痞结，势使然耳，此实热之症也，时或发为壮热，圣惠甘遂散主之。此药治小儿痞结，虽服汤药时，暂得利而滞实不去，心下坚胀，按之即啼，内有伏热诸候，并成此疾，宜疏利大便，破结散气，后宜常服进食丸。

圣惠甘遂破结散 治小儿心胸痞结，蕴聚痰水。

甘遂面裹，煨令黄色，二钱半 青皮半两 黄芩半两 川大黄煨，半两

上为粗末，每服一钱，水一盞，煎至六分，去滓温和服，量大小加减，得通利则止，后以冷粥补之。

进食丸 治乳食不消，心腹胀满，壮热喘粗，呕吐痰逆，腹鸣泄泻，米谷不化，或下痢赤白，腹痛后重，及食癥、乳癖、疝气^①、痞结并皆治之。小儿胸膈热实，腹内有留饮，致令荣卫痞塞，脏腑之气不得宣通，其腹内气结胀满或壮热，凡有此疾，当疏利大便，破结散气，宜常服之。

巴豆霜一钱 朱砂五钱 枳壳炒，五钱 当归米泔浸一宿，炒 代赭石煨，醋淬七次，各三钱 木香五钱 麝少许

上为末，面糊为丸如麻子大，一岁儿一丸，温米饮下。更量虚实加减，食后服，治食积发热羸瘦，肚大青筋，疝积肚疼哺露。

积痛 第四十八问

仲阳云：积痛口中气温，面色黄白，目无精

光，或白睛多及多睡畏食，或大便酸臭者，当磨积而痛自除，宜消积丸，甚者白饼子下之。后胃气不和，用白术散、小沉香丸、感应丸治之。又有食积肚痛，有热者，芍药甘草汤加干葛。吐者，加半夏、生姜，或加枳实亦效。

消积丸 见第四十九问下积丸。

白饼子 见第十四问。

钱氏白术散 治泻渴兼吐泻。

人参二钱半 白茯苓半两 白术半两 藿香叶半两 木香二钱 甘草一钱 干葛半两，渴者加一两

上锉散，水煎，发热甚渴者去木香，肚痛加白芍药。

小沉香丸 和中顺气，嗜食消痰。

砂仁煨，四钱 蓬术煨，四钱 香附炒，一两 甘草炙，一两半 沉香六钱 甘松三两六钱 益智炒，一两半 舶上丁香皮二两四钱

上为细末，汤浸蒸饼，丸如梧桐子大，每服三十丸或四十丸，食后温生姜汤下，或嚼破更妙。

芍药甘草汤 治伤寒脉浮自汗出，小便烦数，微恶寒，脚挛急拘疼，及治肚腹胸胁大痛。

白芍药炒一两 甘草一两

上锉散，每服三钱，水二盞，煎至八分，不拘时服。又见四十四问。

积滞 第四十九问

小儿有积滞，面目黄肿，肚热胀痛，覆睡多困，哭啼不食，或大肠闭涩、小便如油，或便利无禁，粪白酸臭，此皆积滞也。然有乳积、食积，须当明辨之。吐乳、泻乳，其气酸臭，此由啼叫未已，便用乳儿，停滞不化而得之，是为乳积。肚硬带热，渴泻或呕，此由饮食无度，多餐过饱，饱后即睡得之，是为食积。腹痛啼叫，利如蟹渤，此由触忤其气，荣卫不和，淹延日久得之，是为气积。合用木香丸主之，槟榔丸亦可用，大小便闭者，

^① 疝气：病名，历代说法不一，多指生于腹腔内的弦索状痞块。

神芎丸妙甚，更用推气丸佳，冷症下积丸，五珍丸亦可用。

木香丸 见第四十六问。

木香槟榔丸 疏导三焦，宽利胸膈，破痰逐饮，通润大肠。

郁李仁去皮 皂角去皮，醋炙 半夏曲 枳壳麸炒 青皮去瓢 杏仁面炒 木香不见火 槟榔各一钱

上为细末，别用皂角四两，用浆一碗，搓揉熬膏，更入熟蜜少许，丸如梧桐子大。每服十丸，小儿服可丸如绿豆大，食后生姜汤化下。

神芎丸 见第二十问。

推气丸 治三焦痞塞，气不升降，胸膈胀满，大便闭涩，小便赤少。

大黄 陈皮 槟榔 枳实小者，去瓢 黄芩 黑牵牛各等分，生用

上为细末，炼蜜丸如绿豆大，临卧温热水下二三十丸，量虚实加减。

槟榔丸 治小儿疝气腹胀，胸膈痞闷，喘急不安。

青皮去瓢，同巴豆十粒炒，去巴豆 萝卜子 香附子炒 木香各一两 黑牵牛半两，微炒 槟榔

上为末，生姜自然汁煮，面糊丸黍米大，每服十丸，米饮下。

下积丸 治乳食伤积，心腹胀满，气粗壮热，或泻或呕。

丁香二十粒 砂仁二十个 使君子五个 乌梅三个 巴豆不去油，三粒

上为末，烂饭丸麻子大，每服三丸，陈皮汤下。

五珍丸 治酒食积通用。

青皮 干姜烧，存性 蓬术 五灵脂各一两 巴豆肉去油，一钱半

上为末，粳米饭丸麻子大，每服三五丸，米汤下。

快膈消食丸 治小儿宿食停滞，腹胀疼痛。

三棱煨 蓬莪术煨 拣缩砂去壳 橘皮去白 神曲炒 麦芽炒，各五钱 香附子炒，一钱

上为细末，蒸饼丸如黍米大，生姜煎汤或白

汤，食远服，或作饼子磨服。

香棱丸 治小儿积气发热，肚腹膨胀，肢体瘦弱，饮食不滋肌肤。

木香 丁香 槟榔去脐 枳壳炒 甘松 使君子去壳 神曲炒 麦芽炒，各二钱半 京三棱煨 蓬莪术 青皮 陈皮 香附子炒，各五钱 胡黄连一钱

上为细末，蒸饼丸如黍米大，用米饮，食远服。

诸热症 第五十问

小儿之病，其热惟多，夫热有虚有实，实则面赤浓黄，气粗口热，燥渴唇肿，大小便难，掀揭露衣，烦啼暴叫。虚则面色青白，恍惚神缓，口中清冷，嘘气软弱，泄泻多尿，夜出虚汗。其或乍凉乍温，佛郁惊惕，上盛下泄，水谷不分，此则冷热不调之症。虚则败毒散加木香、当归。然小儿表里俱热，面黄颊赤，唇燥口干，小便赤涩，大便焦黄，先以四顺清凉饮为之疏利，其热即去。或表未解也，当先用惺惺散，少加麻黄去节以取其汗，或用柴胡散，则表热已除，又当和解，其热自平。若惊热、风热、积热，可服宽热散下之，保寿散、金粉散，以退余热可也。

败毒散 治伤寒、温疫、风湿，头目昏眩，四肢痛，憎寒壮热，项强目睛疼。寻常风眩、拘倦、风痰，身体项疼，及寒壅咳嗽，鼻塞声重，寒热，并治之。

柴胡洗，去芦 前胡 川芎 枳壳炒 羌活 独活 白茯苓 桔梗炒 人参各二两 甘草半两

上为粗末，每服二钱，生姜薄荷煎，加地骨皮、天麻。或锉散，加蝉蜕、防风。治惊热，可加芍药、干葛、黄芩。无汗加麻黄。

四顺清凉饮 见第四十四问。

惺惺散 治小儿风热疮疹，伤寒时气，头痛壮热，目涩多睡，咳嗽喘粗，鼻塞清涕。

天花粉 人参 细辛去叶 茯苓去皮 白术 甘草炙 桔梗各等分

上锉散，每服五钱，水一小盏，入薄荷三叶，

同煎至四分，温服。如要和气，即入生姜煎服，不拘时。

柴胡散 治小儿伤寒无汗，有表症，壮热头疼，身体痛，口干烦渴，小便赤，大便秘涩，夹惊腮肿。

石膏 黄芩 甘草 赤芍药 葛根各二钱
半 麻黄去节 柴胡半两

上锉散，三岁儿每服二钱，水小盏，生姜少许，葱白三寸，豆豉二十粒，煎至五分，去滓温服，不拘时，汗出为效。热嗽加杏仁去皮尖二钱，五味子三钱。

宽热散^①

朴硝 甘草各半两 大黄锦纹者，一两枳壳去瓤，一两，以水调之，以巴豆四十九粒去皮同炒，去巴豆

上四味为末，以磁器收之，每服一字或半钱，用薄荷七叶煎汤调下。一呷，或入砂糖一块皂子大在内，以薄荷汤调匀，早晨未乳食前灌下。或儿壮加添药末，儿或弱则减药末，或儿子通身生疮热毒者，可早晨与一服，推出毒气。

论不可服冷药证

足胫冷 腹虚胀 粪色青 而眵白 呕乳
奶 眼珠青

论不可服热药证

足胫冷 两腮红 大便秘 小便黄 渴不
止 上气急 脉紧急

① 宽热散：此方分别见载于十四问、二十问，均脱主治证，据《普济方》卷三十七引《傅氏活婴方》治小儿惊风潮热、客忤疳积。又据目录此下当有金粉散，未见方名、组成、用法及主治证。

婴童百问卷之六

伤寒正受伤寒夹惊 第五十一问

小儿伤寒初得，浑身发热无汗，多啼哭^①，只看眼急有如惊风，但用发散退热，莫令发渴，如渴便欲饮水不歇，当发散，羌活散、三黄散、柴胡散、抱龙丸，或虚烦可用竹叶汤，如嗽，小儿当服洗心散、薄荷散、红绵散，四肢发汗，自然精神喜悦。感伤寒之重者，当依仲景之法治之。又有伤寒夹惊，先要发散，次乃退热化痰截惊，乳下婴儿抱龙丸、羌活散加荆芥、防风，三黄散微利，痰热，次用柴胡、黄芩药调理，自然向安，葱白汤亦可服。

羌活散 治伤寒惊热，或中风体硬，可加麻黄、干葛、薏苡仁。

羌活 独活 前胡 柴胡 川芎 白茯苓
桔梗 枳壳 人参 地骨皮 天麻各等分
甘草减半

上锉散，生姜薄荷煎，加蝉蜕治惊热。

柴胡散 见第五十问。

三黄散 解伤风热症。

白术 大黄蒸 赤芍药半两 黄芩三钱
麻黄去节，一钱 桂枝二钱

上咬咀，生姜一片，枣二枚，水一盞，煎七分温服。

抱龙丸 治伤风温疫，身热气粗，痰实壅嗽，常服安神镇惊。亦治疹痘壮热，小儿宣时与服。

胆星一两 天竺黄二钱 雄黄二钱 辰砂二钱
麝香少许

气喘有痰加杏仁。

上为末，煮甘草汁丸如樱桃大，阴干，薄荷汤化下。

竹叶石膏汤 治伤寒表里俱虚，胸中烦闷，或得汗已解，内无津液，虚羸少气，气逆欲吐，及诸虚烦，伤寒解后。伤寒未解，切不可服。

石膏四两 半夏六钱 人参半两 甘草半两
麦门冬去心，一两

上咬咀，每服三钱，生姜一片，粳米五十粒，煎米熟为度，去滓温服。呕者加生姜三片，竹叶数片。

洗心散 见第三十七问。

辰砂七宝散 见第三十七问。

薄荷散 见第三十六问。

红绵散 治伤风咳嗽，鼻塞或流清涕。

全蝎五个，去毒 麻黄去节，二钱 僵蚕二钱，炒
白芷二钱 川芎二钱 天麻二钱 甘草一钱
苏木一钱

上为末，绵少许煎服，有热加荆芥，一方有大黄。

葱白汤 治头疼不止，身疼热渴，小便赤黄，脉浮数无汗。

葛根半两 芍药半两 知母半两 川芎一两
上锉散，每服二钱，水一小盞，生姜二片，葱白三枚，煎至七分，去滓热服出汗，如有汗温服。加甘草治小儿夹惊伤风，并治发疟，头疼加石膏服，呕者加半夏半两。

羌汤汤 解利邪气伤风。

羌活一钱 人参一钱 防风一钱 川芎一钱
上锉一剂，生姜三片，薄荷七叶，水一盞，加芍药甘草，煎至七分，不拘时服。

小儿伤寒与时气同异 第五十二问

夫小儿伤寒得之与大人无异，所异治者，兼惊面已，又有因夹惊食而得，治法与大人一同，但小其分剂，使药性稍差耳。仲景云：春气温和，夏气炎热，秋气清凉，冬气冷冽，此则四时正气之序也。冬时严寒，触冒之者，乃名伤寒耳。其伤于四时之气，皆能为病。冬受寒毒之气，其即

① 哭：原误作“笑”，据文意改。

时而病者，头痛身疼，肌肤热而恶寒，名曰伤寒。其不即时病者，寒毒藏于肌肤之间，至春夏阳气发生，则寒毒与阳气相搏于荣卫之间，其病与冬时即病无异，但因春而发，名曰温病。至夏而发，名曰热病。阳热未盛，为寒所制，病名为温，阳热已盛，寒不能制，病名为热，故太医均谓之伤寒也。然热病伤寒，温病时气，传变无异也。凡时气者，四时之间，有不正之气也，为春应暖而反寒，夏应热而反冷，秋应凉而发热，冬应寒而反温，非其时而有其气，气之中人，则头疼壮热，咳嗽气粗，烦渴心躁，恍惚惊悸，传变与伤寒无异，故一岁之中，病无长少，率相似者，此则时行之气，俗谓之天行是也。治法三四月或有暴寒，其时阳气尚弱，为寒所折，病热犹轻，升麻汤、解肌汤主之。五六月阳气已盛，为寒所折，病热则重，七八月阳气已衰，为寒所折，病热亦微，调中汤、射干汤、半夏桂甘汤，可选用也。秋湿冬温，治湿则利小便，治冬温亦宜解利。其利小便也，则以五苓散辈，其解利冬温，宜葳蕤汤。盖冬温者，感温气而作，寒疫者，暴寒折人，非触胃之过，其治法不同，所施寒热温凉之剂亦异，不可拘以日数，发汗吐下，随症施行。要之治热以寒，温而行之，治温以清，冷而行之，治寒以热，凉而行之，治清以温，平而行之，以平为期，不可过剂，此为大法。汤氏有七宝散加减服之，并与乳母服尤好，有热者，升麻汤加柴胡、黄芩、川芎等剂治之，柴胡石膏汤极效。

升麻汤 治小儿时行瘦疫，头痛发热，肢体烦疼，及疮疹已发未发，疑似之同，治伤寒伤风，头痛憎寒壮热，肢体疼痛，鼻干不得睡。兼治寒暄不时，人多疫病，乍暖脱着，及暑热之忽变阴寒，身体疼痛，头重如石者，可加柴胡，无汗加麻黄。

升麻一钱 葛根一钱 白芍药一钱 甘草炙，一钱

上锉散，每服三钱，水一盏，煎至六分，去滓温服。疮疹亦准此。服药已身凉，止药。加紫苏、茯苓、川芎，名升麻苏叶散，有热加黄芩，咽喉痛加桔梗，发丹加玄参效。

解肌汤 治伤寒温病，时行寒疫，头痛项强

畏寒，肢体拘急，骨节烦疼，腰脊强痛，胸膈烦闷，无汗恶风壮热。

葛根一两 麻黄去节，半两 芍药半两 甘草半两 桂枝二钱半，《千金方》无此一味

上锉散，每服三钱，水一盏，枣一枚，煎至六分，去滓稍热服，以汗出为度。夏月加石膏、升麻各一钱。

调中汤 治夏末秋初，忽有暴寒，折于盛暑。热结于四肢，则壮热头疼，寒伤于胃，则下利，或血、或赤、或白，壮热迷闷脉数，宜下之。

大黄七钱半 桔梗炒，半两 藜蘆半两 茯苓半两 甘草半两 干葛半两 黄芩半两 芍药半两 白术半两

上吹咀，白水煎，量大小加减服，得快气利，壮热便歇。去大黄，加黄连枳壳，止利尤妙，或加地榆，或加当归皆可。感风加荆芥。秋宜下，当用大黄疏利。

射干汤 治初秋夏月暴雨冷，及天行暴寒，其热喜伏于内，咳嗽气急，喉哑失声，干嗽无唾，喉中如梗。

半夏汤泡，五钱 生姜炮，四钱 射干二钱 杏仁去皮尖，二钱 甘草炙，二钱 紫菀二钱 肉桂二钱 枳实炒，二钱 当归二钱 橘皮二钱 独活二钱 麻黄去节，汤泡，二钱

上吹咀，每服三钱，水一盏，煎至六分，去滓温服。

半夏桂甘汤 治伏气之病，谓非时有暴寒中人，伏于少阴经，始不觉病，旬月乃发，脉便微弱，咽痛，似伤寒，非喉痹之病，次必下利。始用半夏桂甘汤方之，次用四逆散，此病一二日便瘥，古言谓之肾伤寒。

半夏洗，二两 桂心二两 甘草炙，二两

上锉如麻豆大，每服三钱，水一盏，煎至六分，放冷，少含细咽之，人生姜三片煎。

五苓散 治伤寒温热病，表里未解，头痛发热，口燥咽干，烦渴饮水，或水入即吐，或小便不利，及汗出表解，烦渴不止，又治霍乱吐利，燥渴引饮。

泽泻二两半 猪苓二两半 白术一两半 茯苓一两半 桂一两

上为细末，每服二钱，热汤调下，不拘时，服讫多饮热汤，有汗出即愈。又治瘧热在里，身发黄疸，浓煎茵陈汤下，食前服，痘病发渴，及中暑引饮，亦可用水调服。小儿加白术末少许，如发虚加绵黄芪、人参末少许，十六回辰砂五苓散参用。

葳蕤汤 治风温、冬温，及春月中风、伤寒，发热头疼，咽干舌强，胸腹满，腰脊强。

葛根半两 葳蕤三钱 石膏一两 白薇半两
羌活半两 麻黄半两 川芎半两 杏仁去皮尖，半两 甘草炙，半两 木香半两

上咬咀，每服三钱，水一盞，煎至八分，去滓温服。

七宝散 治时气头昏体热，此药大人可服，小儿同乳母服。

紫苏三两 香附炒，三两 陈皮一两 甘草炙，一两 桔梗去芦，一两 白芷一两 川芎一两

上咬咀，每服二钱，水半盞，姜一片，枣一枚，煎三分，去滓服。有热加葛根、升麻、荆芥。

柴胡石膏汤 治时行瘟疫，壮热恶风，头痛体疼，鼻塞咽干，心胸烦满，寒热往来，痰热咳嗽，涕唾稠粘并疗之。

桑白皮三两 黄芩三两 升麻二两半 石膏五两 前胡去芦，五两 赤芍药五两 干葛五两 柴胡五两 荆芥穗三钱

无汗加麻黄、半夏、北五味。

上为粗末，每服二钱，水一盞，生姜二片，淡豉十粒，煎至七分，去滓，稍热服。小儿分作三服，量大小加减，不拘时候。

伤寒表里 第五十三问

凡治小儿伤寒，须辨表里，表里不分，汗下差误。古人云：桂枝下咽，阳盛即毙；承气入胃，阴盛以亡。伤寒有表症，有里症，有半在表半在里，有表里两症俱见。然在表者宜汗，在里者宜下，在半表半里者宜和解，表里俱见随症施治，无表里症，用大柴胡汤下之。其表症者，发热恶寒，身体痛而脉浮无汗，头疼项强腰脊痛，此足太阳膀胱经受病也，宜汗之，然伤寒发表，当随

病轻重而汗之，头疼发热兼惊，亦只用葱白汤汗之，甚则桂枝麻黄各半汤、解肌汤、葛根汤、柴胡散，皆可选而用之。其里症者，恶热不恶寒，手掌心并腋下濺濺汗出，胃中干涸，燥粪结聚，潮热大便硬，小便如常，腹满而喘，躁渴，脉沉而滑，内热而谵语，此属足阳明胃经也，宜下之，小承气汤、大承气汤、四顺饮、洗心散，斟酌轻重用之。其在半表半里者，心下满，口不欲食，大便硬，脉沉细，是里症当下，其人头汗出，微恶寒，手足冷，即当汗，此两症俱见者，仲景所谓半在表半在里也，小柴胡汤主之。太阳病不解，传入少阳，胁下硬满，干呕不能食，往来寒热，尚未吐下，诊其脉弦紧者，小柴胡汤主之，此属少阳胆经也，宜和解。其表里两症俱见者，病人脉浮而大，是表症当汗，其人发热烦渴，小便赤，是里症当下，此是表里症俱见，五苓散主之。又伤寒不大便六七日，头痛有热者，是里症当下，其人小便清者，知不在里，仍在表当须发汗，此是两症俱见，即未可下，宜与桂枝汤。又太阳病，医反下之，因而腹痛，是有表复有里，仲景用桂枝加芍药汤，痛甚者，桂枝加大黄汤，或腹满时痛，尺寸脉俱浮洪者，此足太阴脾经也，自利不渴，当温之，四逆汤、理中汤。其无表里者，伤寒四五日以后，以至过经，无表里症，又于里症未可下者，但非汗症亦非下症者，皆用小柴胡汤随症加减用之，以至十余日外用小柴胡汤不愈者，若大便硬，看可汗则用大柴胡汤下之。仲景云：六七日目中不了了，睛不和，无表里症，大便难，身微热，此为实也，急下，宜大承气汤。若不渴，口不燥，舌干而脉沉者，急温之，宜四逆汤，此足少阴肾经也。其表热里寒者，身大热而反欲得衣，热在皮肤，寒在骨髓也，宜先与阴旦汤，寒已，次以小柴胡汤加桂，以温其表。又身大寒而反不欲近衣，寒在皮肤，热在骨髓也，宜先与白虎加人参汤，热除，次以桂枝麻黄各半汤以解其外。又厥阴症脉浮缓者，必囊不缩，外症必发热恶寒似症为欲愈，宜桂枝麻黄各半汤，若脉尺寸俱沉短者，必囊缩，毒气入脏，宜承气汤下之，厥阴病，其脉微浮为欲愈，不浮为未愈，宜小建中汤，此足厥阴肝经也。然以表里症内。近似三阴三阳

之症，而疏于各症之下，非可以尽备六经之大法也，当以《活人书》、《伤寒论》为主。其症与大方治法同，后有本条。夏伤于暑、秋必疟，其暑症玉露散主之，其详亦与大方同其治法，但用分剂轻耳。《口议》有脱甲散，大能除热，扶表救里，真良方也。

麻黄汤 治伤寒头疼发热，身痛恶风，无汗而喘。又治太阳病，脉浮紧无汗，发热身疼痛，八九日不解，表症仍在，此当发其汗，服药已微除，其烦目瞑，剧者必衄，衄乃解，所以然者，阳气重故也。

甘草半两 麻黄去节，一两 桂枝一两 杏仁去皮尖，三十个

上咬咀，每服三钱，水一盞，煎八分去滓，大小加减服，衣复取微汗，夏至后须加知母一两，石膏一两，黄芩一两。盖麻黄性热，夏月温之，必有发黄发斑出血之失，凡伤寒热病，药性须凉，不可太温，惟冬及春，或病人平素虚寒者，乃用正方，不再加减。

葱白汤 见第五十一问。

解肌汤 见第五十二问。

葛根汤 见第十六问。

柴胡散 见第五十问。

桂枝麻黄各半汤 治太阳病得之八九日，如疟状，发热恶寒，热多寒少，其人不呕，清便欲自可。一日二三度发，脉微缓者欲愈也。脉微而恶寒者，此阴阳俱虚，不可更发汗、更吐下也。面色反有热色者，未欲解也，以其不能得小汗出，身必痒。

桂枝八钱 芍药半两 生姜半两 甘草半两
麻黄去节，半两 杏仁去皮尖，十四个 大枣二个

上咬咀，每服三钱，水一小盞，煎八分，去滓温服。

小承气汤 治太阳病吐下后、发汗而微烦，小便数，大便坚宜服。阳明病，若出汗多而微恶寒，为外未解，无潮热不可与之，若腹满不大便，可少少与之。

大黄一两，微炒 厚朴半两，制 枳实一两，炒
上咬咀煎，阳明病潮热，大便微硬，可与大

承气汤，不硬者，不可与之。若不大便六七日，恐有燥屎，欲知之法，少与小承气汤，汤人腹中转屎气者，此有燥屎也，乃可攻之。若不转屎气者，必先硬后溏，不可攻之，攻之必腹满不能食也。欲饮水者，与水则哕，其后发热者，必大便复硬而少也，以小承气和之，不转屎气者，慎不可攻也。

大承气汤 见第二十九问。

四顺饮 见第四十四问四顺清凉饮。

洗心散 见第三十七问。

小柴胡汤 见第二十九问。

五苓散 见第五十二问。

桂枝汤 治太阳中风，阳浮而阴弱，阳浮者热自发，阴弱者汗自出，啬啬恶寒，渐渐恶风，翕翕发热，鼻鸣干呕者。

桂枝去皮，一两半 芍药一两半 甘草炙，一两 生姜一两半 枣子六个

上为饮子，每服三钱，水一盞，煎至八分，去滓，大小加减服，须臾啜热粥一盞以助药力，温覆令一时许，通身热，微微似有汗者。加减桂枝汤，自西北二方居人，四时行之，无不应验，江淮间惟冬及春可行。自春末及夏至以前，桂枝症，加黄芩一分，谓之阳旦汤。夏至后有桂枝症，可加知母半两，石膏一两，或升麻一分。若病素虚寒者，正用古方，不再加减也。戒曰：桂枝最难用，虽用云表不解可发汗，宜桂枝汤。须是病人常自汗出，小便不数，手足温和，或手足指梢作微冷，少顷却温，身虽微似烦，而又憎寒，始可行之。若病人身无汗，小便数，或手足冷，不恶寒，或饮酒家不喜甘者，慎不可行桂枝也。仍有桂枝症，服汤已，无桂枝症者，尤不可再与。

桂枝加芍药汤 治太阳病反下之，因腹痛，是有表复有里，宜服。

桂枝一两半 生姜一两半 大枣六个 甘草炙，一两 芍药三两半，利者，先煎三四沸

上咬咀，水煎加减服。痛甚者加大黄，大实者加一两半，羸瘦虚弱者减之。

桂枝加大黄汤 治太阳病反下之，因腹满痛，属太阴，桂枝加芍药主之。大实痛者，桂枝加大黄汤主之。

桂枝去皮，一两 芍药一两半 甘草炙，半两
大黄半两，羸者减之

上咬咀，每服三钱，水一盞，姜一片，枣一枚，煎服。

四逆汤 治阴症伤寒，自利不渴，呕哕不止，吐利俱作，小便或涩或利，脉微欲绝，腹痛胀满，手足厥冷，或咳或悸，内寒外热，下利清谷，四肢沉重，或汗出热不出，内拘急，身疼痛而恶寒者。

干姜一两半 附子一个，生用 甘草一两

上咬咀，每服三钱，水一盞，煎七分，温服。

理中汤 治脾胃不和，中寒上冲，心腹痛，痰逆恶心呕吐，心下虚烦痞满，膈塞不通，饮食减少，短气羸困，温中逐水，止汗去湿，泄泻注下，水谷不分，腹中雷鸣，伤寒时气，里寒外热，霍乱吐利，手足厥冷。

人参去芦，三两 白术三两 干姜炮，三两
甘草炙，一两半

上咬咀，每服三钱，水一盞，煎六分，去滓，带热服，空心食前。或研细末，白汤调下。腹痛者，加人参一两半。脐上筑者，肾气动也，去白术加桂四两。吐多者，去术加生姜三两。下多者还用术。悸者加茯苓二两。或四肢拘急，腹满下利，转筋者，去术加附子一个生用。末之，蜜丸如鸡子黄大，名理中丸，又名调中丸，治厥阴脏寒，蛔上入膈，吐长虫，或胃中虚冷，因发汗，故吐虫，先服理中丸。或加枳实、茯苓，蜜丸，治伤寒结胸欲绝，心膈高起，实满作痛，手不得近，并用热汤化下。

大柴胡汤 见第二十九问。

阴旦汤 治伤寒肢节疼痛，内寒外热虚烦。

桂二两 芍药一两半 甘草炙，一两 干姜炮，一两半 黄芩一两半

上咬咀，每服三钱，水一盞，枣一个，同煎去滓，温服，复令少汗。

白虎加人参汤 治伤寒若吐若下后，七八日不解，热结在里，内外俱热，时恶寒，大渴大汗，烦渴不解，脉洪大者。

石膏四两，研细 知母一两半 甘草炙，半两
粳米一合 人参半两，去芦

上咬咀，每服三钱，水一盞，煎六分，米熟为度服。

小建中汤 治伤寒阳脉涩，阴脉弦，法当腹中急痛，先与小建中汤。

桂枝一两半 芍药三两 甘草二两，炙 胶饴半升

上咬咀，每服三钱，水一盞，生姜三片，枣一枚，煎六分，去滓，下胶饴两匙许，再煎化温服，日三夜二服。尺脉尚迟，再作一剂，加黄芪末一钱。

玉露散 凉心经，解诸热。治口燥咽干，烦渴躁啼，小便闭。

寒水石一两 石膏一两，水飞 甘草三钱

上为末，每服半钱，麦门冬泡汤化下，汤、散随意。

加辰砂、金箔，名桃红散，亦治急惊。

入梔子仁，名金莲散。

加滑石半两，名玉真散。

汤氏方 治小儿秋夏伏暑，多烦热，吐黄涎，头额温，五心热，小便赤少。或干哕无物，宜服香薷散。又宜服玉露散，生姜汁和白汤调下。独用姜汁一服而止。

脱甲散 治婴孩小儿，伤寒体热，头目昏沉，不思饮食，夹惊夹食寒热，大小便闭涩，或赤或白，烦躁作渴，冷汗妄流，夹积伤滞，膈满胀急，青黄体瘦，日夜大热，及疗伤风、伤暑，惊痫客忤，筋骨肾脏疝气等热，并宜服之。

柴胡去芦，二钱 当归酒洗，三钱 白茯苓三钱 龙胆草去芦，二钱 人参去芦，二钱 知母去毛，二钱 甘草炙，四钱 川芎二钱

上为末，每服一钱，水一盞，连须葱白一寸，煎至半盞，温服不拘时。此方散热，扶表救里，表虚令汗不妄行，里热令气不闭结，外即通关，内即开渠，通关流行经路，开渠不壅脏腑，热在表里之间，施无不可。

伤寒咳嗽伤风 第五十四问

仲阳云：咳嗽者肺感微寒。八九月间肺气入旺，病嗽者，其病必实，非久病也，其症面赤身热

痰盛，法当以葶苈丸下之，若久嗽不可下也。冬月嗽，乃伤风咳也，当以麻黄汤汗之。有热症，面赤饮水，涎痰浓实，咽喉不利者，宜甘桔汤。有肺盛者，咳而后喘，面肿欲饮水，有不饮水者，其身即热，以泻白散泻之。有嗽面吐涎痰乳食者，以白饼子下之。然肺主气、应于皮毛，肺为五脏华盖，小儿感于风寒，客于皮肤，入伤肺经，微者咳嗽，重者喘急。肺伤于寒，则嗽多涎涎，喉中鸣急。肺伤于暖，则嗽声不通壅滞。伤于寒者，必散寒邪，伤于暖者，必泄壅滞。发散属以甘辛，即桂枝、麻黄，细辛是也，涌泄系以酸苦，即葶苈、大黄是也，更五味子、乌梅之酸，可以敛肺气，亦治咳嗽之要药也。久嗽不已，必主惊悸顽涎。血脉灌脸，其嗽传受五脏。或吐逆，或痰涎，或厥冷，或恐悸，甚而至于眼目两眶紫黑如被物伤损，眼白红赤如血，谓之血眼。治之之法，当用生地黄及湿黑豆研或膏，掩眼上，而眼肿黑自消，其血皆自眼泪而出，真良方也，兼服麦煎散而嗽自止。久嗽成痼，当服散痼等剂。凡治嗽，先要发散寒邪，然后服宽气化痰止咳之药，即得痊愈。先服九宝丸、华盖散、葶苈丸、抱龙丸，或细辛五味子汤，如有热，可服凉肺之药柴胡、黄芩等剂并泻白散，痰多气喘，用金星丸利痰了，却眼前药，后服百部丸、生犀酸、天麻定喘饮，调理则安，冷症咳嗽，小青龙汤加杏仁去麻黄，亦可服，有热及时气咳嗽，柴胡散加杏仁、五味子，柴胡石膏汤亦可，钱氏生犀散加减亦佳，有惊咳嗽，天麻防风丸治之，惺惺散、化风丹皆可服。金沸草散、三拗汤加减，乃治伤风咳嗽之常剂也。和解汤，治四时感冒，可加减服。

葶苈丸 治食乳冲脾，咳嗽伤风面赤，痰盛身热，喘嗽急促，化痰宽气进食。

葶苈子隔纸略炒 防己 黑牵牛略炒 杏仁去皮尖、双仁者，两干面炒黄，别捣，各一两

上为末，研人杏膏拌匀，取蒸枣肉和，再捣为剂，丸如麻子大，每服五丸至七丸，淡生姜汤下，乳食后，或临夜服，量大小加减。

麻黄汤 见第五十三问。

甘桔汤 见第十一问，又名甘号散，煎服治乳嗽。

泻白散 见第八问。

白饼子 见第十四问。

麦煎散 治小儿夹惊伤寒，吐逆壮热，表里不解，气粗喘急，面赤自汗，或狂语惊叫，或不语无汗，及瘾疹遍身赤痒，往来潮热，时行麻豆疹子，余毒未尽，浑身浮肿，痰涎咳嗽，若变急慢惊风，手足搐搦，眼目上视，及伤风头疼并治。一方无地骨皮、赤芍药、滑石、知母，有钩藤、桔梗、川芎亦可。

滑石半两 地骨皮半两 赤芍药半两 石膏半两 白茯苓半两 杏仁半两 知母半两 甘草半两 葶苈子半两 人参半两 麻黄去节，一两

有热加大黄。

上为末，每服一钱，麦子煎汤调下。如初生牙儿感冒风冷，鼻塞身热，喷嚏多啼，每一字，用麦子煎汤调下。

九宝饮 治小儿嗽，是肺藏感寒，须是表散了，却服嗽药。

麻黄去节，一两 薄荷一两 大腹皮一两 紫苏一两 陈皮一两 杏仁一两 肉桂半两 桑白皮炙，半两 枳壳半两 甘草二钱

上咬咀，生姜乌梅煎，冷症去薄荷，热症去肉桂。

华盖散 治肺感寒邪，咳嗽上气，胸膈烦满，项背拘急，声重鼻塞，头目昏眩，痰气不利，呀呷有声。

麻黄去节，半两 苏子炒，半两 桑皮蜜炙，半两 杏仁去皮尖，炒，半两 赤茯苓半两 陈皮去白，半两 甘草炙，一钱

上为末，每服一钱，水一盞，煎五分，去滓，食后服。

细辛五味子汤 治肺经不足，胃气怯弱，或冒风邪，或停寒有饮，咳嗽喘息，不得安卧，胸满迫塞，短气减食，干呕作热，咳唾结痰，或吐涎沫，头目昏眩，身体疼重，语声不出，痛引胸肋，不问新久，并宜服之。

细辛去苗，一两 半夏汤泡，一两 乌梅去核，一两 甘草炙，一两 罌粟壳去蒂盖，炒，一两半 五味子三两 桑白皮炒，二两

上咬咀，每服二钱，水一盞，生姜一片，煎六分服。

抱龙丸 见第五十一问。

金星丸 见第四十问。

百部丸 治小儿肺寒壅，咳嗽微喘有痰。《幼幼方》加甘草。

百部 麻黄去节，各一两 杏仁四十个，去皮尖，微炒，煮三五沸，研入

上为末，炼蜜丸如芡实大，热水化下。仲阳加松子仁肉五十粒，胡桃仁十个丸含化。

生犀散 治咳嗽，解时气痰逆喘满，心忪惊悸、风热。

杏仁二钱，炒 桔梗二钱 茯苓一钱 前胡一钱半 人参一钱 半夏一钱 五味子一钱 甘草一钱

上咬咀，生姜薄荷煎服。有热加羌活，或加麻黄。

天麻定喘饮 治小儿喘嗽惊风。

天麻一两 防风一两 羌活一两 甘草一两 人参半两 桔梗一两 白术一两 川芎一两 半夏曲一两

上锉散，每服二钱，水一盞，麦门冬十四个，煎至七分，食后服。有热去白术，加芍药、枳壳。

小青龙汤 治伤寒表不解，恶寒体热，水停心下，干呕发热，咳嗽喘急。又主肺胀胸满，鼻塞涕，咳逆上气，喘鸣怕寒。仲景曰：治表不解，心有水气，干呕发热而嗽，或渴、或利、或小便不通、或噎，小腹喘满。

麻黄去节，一两 赤芍药三钱 半夏炮，三钱 细辛半两 干姜三钱 甘草炙，三钱 桂枝去皮，三钱 五味子半两

上咬咀，每服三钱，水一盞，煎七分，温服。微利者去麻黄，加芫花如弹子大，炒令赤色。若噎者去麻黄，加附子半钱炮。若小便不利者去麻黄，加茯苓一两。如喘者去麻黄，加杏仁半两，去皮尖。若渴去半夏，加瓜蒌根一两半。

柴胡散 见第五十问。

柴胡石膏汤 见第五十二问。

天麻防风丸 治一切惊风，身体壮热，多睡惊悸，手足抽掣，精神昏愤，咳嗽痰涎不利。及风

温邪热，并宜服之。

天麻一钱 防风一钱 人参一钱 辰砂一钱 雄黄一钱 甘草一钱，炙 麝香一分 全蝎半两，炒 僵蚕炒，半两 牛黄一分

一方有胆南星，无麝香

上为末，炼蜜丸如梧桐子大，每服一至二丸，薄荷汤下，不拘时。

惺惺散 见第五十问。

化风丹 见第十九问。

金沸草散 治伤风痰盛，头目昏痛，颈项强急，往来寒热，肢体烦疼，胸膈满痛，咳嗽喘逆，涕唾稠粘。及时行寒疫，壮热恶风。

荆芥穗四两 前胡去芦，三两 麻黄去节，三两 旋复花三两 甘草三两，炙 半夏制，一两 赤芍药一两

上锉，每服二钱，水一盞，生姜二片，枣一个，煎六分，去滓温服不拘时。有寒邪，则汗出恶风，加杏仁、北五味。

加^① **减金沸草散** 治伤寒中脘有痰，令人壮热头疼，筋脉紧急，时发寒热，皆类伤风，但不头疼为异耳。

前胡三两 旋复花三两 荆芥穗四两 赤茯苓一两 细辛一两 甘草炙，一两 半夏洗净，姜汁浸制，切，一两

上为末，每服一钱，水一盞，生姜一片，枣二个，煎六分，去滓热服，未愈再服。

三拗汤 治感冒风邪，鼻塞声重，语音不出，或伤风伤冷，头疼目眩，四肢拘急，咳嗽多痰，胸满气短。

麻黄不去节 杏仁不去皮尖 甘草生用，各等分

上咬咀，每服三钱，水一盞，生姜三片，煎至六分，去滓温服，取汗为度。一方加荆芥、桔梗，嗽甚加五味子、细辛，各减半。又方麻黄去节，杏仁去皮尖，甘草炙，名三和汤，治喘嗽尤妙，加减在乎活法，有热加前胡，伤风加荆芥，有痰加半夏。

和解汤 治小儿四时感冒寒邪，壮热烦躁，

① 加：此前原有“又方名”，与体例不合，据原目录删。

鼻塞多涕，惊悸自汗，肢体疼痛。及疮疹已发未发，皆可服之。

羌活一两 防风一两 川芎一两 人参一两
干葛半两 升麻半两 甘草半两 芍药半两

上咬咀，每服三钱，水一盞，生姜一片，枣一个，煎至六分，不拘时服。无汗加麻黄。咳嗽者，加杏仁、五味子、桔梗。

百啐内嗽 第五十五问

此名乳嗽，实难调理，亦恶症也。当审虚实而施治焉，实者散之，虚者补之。其症气粗痰盛，口疮眼热，发散后，可利之，比金丸等药主之，散其实也。其症呕吐后惊悸，困倦自汗，当用补肺散、益黄散、天麻散，补其虚也。大抵治惊嗽琥珀散主之。天麻丸乃要药也，用天麻、蝉退、僵蚕、人参、川芎、甘草、硼砂、天竺黄、牛胆南星、白附子、坯、雄黄，末之，炼蜜丸如芡实大，金箔为衣，每服一丸，薄荷汤化下，治未满百啐咳嗽不止，远胜诸药。

补肺散又名阿胶散 治小儿久患咳嗽，气急有痰，恶心可服。

阿胶炒，一两半 鼠粘子一两 马兜铃半两
杏仁七个，去皮尖 糯米一合 甘草半两

上咬咀，三岁一钱，水半盞，煎至三分，去滓温服。

比金丸 见第十九问。

天麻散 治婴儿咳嗽有痰，气壅面红。

天麻三钱 朱砂一钱 麝香一字 南星水浸，春秋五日，冬七日，夏三日，半两

上为末，每服一字，用杏仁汤调下。人参汤亦可。

琥珀散 见第十五问。

天麻丸 治小儿未滿百啐咳嗽不止，名曰乳嗽。

天麻一两 蝉退一两 僵蚕一两 人参一两
川芎一两半 甘草二两 硼砂半两 辰砂一两
天竺黄一两 胆星二钱 白附子一两 坯^①一
两 雄黄一两 金箔五片

上为末，炼蜜丸如芡实大，金箔为衣，每服

一丸，薄荷汤下。

喘急 第五十六问

议曰：小儿有因惊暴触心，肺气虚发喘者，有伤寒肺气壅盛发喘者，有感风咳嗽肺虚发喘者，有因食咸酸伤肺气发虚痰作喘者，有食热物毒物，冒触三焦，肺肝气逆作喘者。喘与气急、同出而异名，但别其轻重耳。痰火两端，喘即口开，隘于胸臆，息短促急，心神迷闷，其因惊发喘，逆触心肺，暴急张口，虚烦神困者，大效雄朱化痰定喘丸主之，佐以天麻定喘饮乃效。其伤寒肺气壅盛发喘者，是表不解，以小青龙汤、麻黄杏仁甘草石膏汤，辨其冷热而施治焉。其感风咳嗽，肺虚发喘者，则三拗汤加减治之。其食咸酸而喘者，咳以生腐，有热治之以凉肺定喘之剂。又有哮喘者，以许叔微十六般哮喘之法治之，无不愈。又有汗下之后而喘急者，葛根黄芩黄连汤主之，喘甚者加葶苈子。又有葶苈丸宽气进食，千金射干汤，治咳逆喘急大效。

大效雄朱化痰定喘丸 治小儿因惊发喘逆，触心肺，暴急张口，虚烦神困。

雄黄一两，研 朱砂一两 蝉退一两 全蝎一两，炒 白僵蚕一两 天南星一两 白附子炮，一两 轻粉半两

上为末，面糊丸如麻子大，每服三十丸，薄荷茶清送下，食后服。

天麻定喘饮 治小儿喘嗽惊风。

天麻一两 防风一两 羌活一两 甘草炙，五钱 人参五钱，去芦 桔梗五钱 白术五钱，炒 川芎五钱 半夏曲五钱

上锉，每服二钱，水一盞，麦门冬十四粒，煎至七分，食后服。有热去白术，加芍药、枳壳。

小青龙汤 见第五十四问。

麻黄杏仁甘草石膏汤 治伤寒发汗后，不可更行桂枝汤，汗出面喘，无大热者，下后喘亦治。

麻黄三两，去节，汤泡去黄汁，焙干秤 杏仁二

① 坯：坯子剔脂，即染胭脂，妇女或画家用的固体染料。

十五个，去皮尖 石膏四两，研 甘草一两，炙
上咬咀，每服二钱，水一盞，煎六分，去滓温服。

三拗汤 见第五十四问。

总治十六般哮喘方 出《本事方》^①。

阿胶一两，碎，蛤粉炒成珠 马兜铃一两 甘草炙，一两 半夏一两，姜汁浸三日，炒 杏仁一两，去皮 人参半两

上为末，每服一钱，水一盞，随病有汤使，煎至七分，临卧食后服。汤使开后：

心嗽面赤或汗流，加葛根煎。

肺嗽眼中泪出，加乌梅一个，糯米十四粒煎服。

脾嗽不思饮食，或恶心，入生姜二片煎。

胃嗽吐逆呕酸水，入蛤粉煎服。

胆嗽令人不睡，用药半钱，茶清调下。

肺嗽上气喘急，入桑白皮煎。

膈嗽出痰如圆块，入生姜自然汁调药咽下。

劳嗽入秦艽末同煎。

冷嗽天晚嗽甚，加葱白三寸同煎。

血嗽连颊不住，加当归、枣子同煎。

暴嗽涕唾稠粘，入乌梅、生姜同煎。

产嗽背胛痛，加甘草三寸，黄蜡少许煎。

气嗽肚疼胀满，入青皮同煎。

哮喘声如拽锯，入半夏二枚同煎。

肾嗽时复三两声，入黄芪、白饴糖煎。

以上十五般嗽疾，依法煎服，无不效验。

葛根黄芩黄连汤 治太阳病反下之，利遂不止。脉促者，表未解也。喘而汗出者，葛根黄芩黄连汤主之。

葛根二两 黄芩七钱半 黄连七钱半 甘草半两，炙

上咬咀，每服三钱，水一盞，煎七分，去滓加减服。喘甚加葶苈子。

葶苈丸 见第五十四问。

千金射干汤 治小儿咳嗽，喘息如水鸡声。

射干 麻黄 紫菀 甘草 生姜 细辛

阿胶各半两 半夏五个 桂心五寸 大枣二十个

上咬咀，水七升，煎取一升五合，去滓，入蜜五合，煎一沸，分温服，二合日三服。

潮热 第五十七问

仲阳云：潮热者，时间发热，过时即退，来日依然发热，此欲发惊也，发来潮热，又似疟热，总曰潮热。盖发作有期，其热有三，荣热、卫热、瘵气热，两日一发，或三日一发，并用梨浆饮治之。王氏云：潮热乃是血气壅实，五脏生热，熏发于外，故令发热。《伤寒论》云：潮热者实热也，当利大便，大柴胡汤，承气汤等剂治之。虚热者、地骨皮散主之，犀角饮、鳖甲饮、灵犀饮、秦艽饮、生犀散。《圣济经》用地骨皮饮、羌活饼等剂。

梨浆饮子 治潮热、荣热、卫热、瘵气热，两日一发，三日一发，积热、脾热、痞热、胃热、瘵热、疟热、寒热、脾疟、鬼疟，夜发单疟独热。

青蒿童便浸一日，晒干 柴胡去芦 人参去芦 黄芩炒 前胡去芦 秦艽去芦 甘草炙，各等分

上咬咀，每服一岁半钱，二岁一钱。水一小盞，入生藕、生梨、薄荷、生地黄，同煎至半，去渣，通口空心食前服。

大柴胡汤 见第二十九问。

大承气汤 见第二十九问。

地骨皮散 治虚热，变治伤寒壮热。

知母一两 柴胡半两，去毛 甘草半两，生 人参半两，去芦 地骨皮一两 茯苓半两 半夏汤泡七次，切片晒，三钱

上咬咀，姜水煎服，每用三钱。有惊热，加蝉退、天麻、黄芩。《全婴方》加秦艽，名秦艽饮子。

犀角饮 治小儿骨蒸潮热、盗汗肌瘦。

犀角镑碎，一两 鳖甲炙酥，一两 柴胡去芦，一两 知母去毛，炒，一两 地骨皮一两 胡黄连一两 大黄半两 桃枝半两

上咬咀，每三岁一钱，水一盞，煎三分，去渣温服。

鳖甲饮 治小儿骨蒸，潮热盗汗，咳嗽多渴，心躁多惊，面黄消瘦。

鳖甲炙，一两 地骨皮一两 秦艽一两

① 出《本事方》，原为大字，翻上下文体例改为小字。

柴胡一两 枳壳麸炒，一两 知母去毛，一两 当归一两

上咬咀，三岁一钱，水半盏，桃柳枝各三寸，乌梅一个，煎三分，去渣服无时。

灵犀饮 治小儿骨蒸潮热，盗汗咳嗽，多渴萎黄，消瘦腹急气粗。

犀角镑屑，半两 胡黄连半两 茯苓去皮，一两 人参去芦，一两 川芎一两 秦艽一两 甘草一两 羌活一两 柴胡一两 桔梗一两 地骨皮一两

上咬咀，三岁一钱，水半盏，乌梅、竹叶少许煎服。

秦艽饮^① 即地骨皮散加秦艽，方见前。

羚羊散 治小儿骨蒸肌瘦，颊头赤口干，日夜潮热，夜有盗汗，五心烦热，四肢困倦，饮食虽多，不生肌肉。及大病瘥后，余毒不解。或伤寒病后，因食羊肉，体热不除。

地骨皮 秦艽 人参去芦 羚羊角镑屑 大黄蒸 麦门冬 枳壳 柴胡 白茯苓 赤芍药 桑白皮 鳖甲酥炙黄，各一两

上咬咀，每服二钱，水一盞，入青蒿少许煎，温服食后，儿小分为二服，治疳劳。

青蒿散 治小儿室女肌瘦潮热。

青蒿三钱 甘草一寸 小麦五十粒 乌梅一个

上咬咀，河水一碗，煎至三分，去渣服，

柴胡散 治小儿骨蒸潮热，面黄瘦弱。

柴胡半两 地骨皮半两 甘草炙，半两

上咬咀，水一盞，每用二钱，煎七分，去滓服不拘时。

壮热温壮 第五十八问

仲阳云：壮热者，一向热而不已，甚则发惊痛也。温壮者，但温而不热也。巢氏云：小儿壮热者，是热气盛熏发于外，故令身体壮热。其发于渐，大体与温热相似，少有异者，热加甚也。此候宜服轻药，惺惺散羌活散皆可，甚则黄芩、柴胡、干葛之剂散之。夫温壮者，由小儿脏腑不调，内有伏热，或挟宿寒，皆搏于胃气，故令不和，气

行壅涩故积体热，名曰温壮。大便黄而臭者，内有伏热，其大便白而臭酸者，则挟宿寒故也，宜温之，服理中、四君子辈加桂治之。伏热宜五苓散并白虎汤，二药俱效。其腹中有伏热温壮，柴苓散主之。其心神不安，大腑秘热，二黄犀角散主之。温壮常热不止，牛黄散主之。凡解后余热不退，可服地骨皮散、黄龙汤、牛黄膏。亦治壮热。《直指》羚羊角汤治诸惊壮热。治下后热不退，身壮热百骨节疼，梔子仁汤、大连翘饮、六物黄芩汤、五物人参饮，对症选用之。古法去伏热则用龙胆汤，去宿滞则用紫霜丸，当效其法而治之。《圣济经》用升麻芍药等剂治之。

理中汤 见第五十三问。

四君子汤 见第十六问。

五苓散 见第五十二问。

白虎汤 治伤寒大汗出，表症已解，心胸大烦，渴欲饮水。及吐或下后七八日，邪毒不解，热结在里，表里俱热，时时恶风，大渴，舌上干燥而烦，欲饮数升者宜服。又治夏月中暑，汗出恶热，身热而温。

知母三两 甘草一两，炙 石膏八两，另研 粳米二合

上咬咀，每服三钱，水一盞，煎六分，米熟为度，去滓温服。《圣惠方》加干葛。

柴苓散 治小儿腹中有伏热，温壮未去。

柴胡七钱半，去苗 麦门冬去心 人参 赤茯苓 甘草各半两 黄芩一两

上锉散，每服二钱，水一盞，入小麦一撮，竹叶一片，煎五分，去滓温服，量大小加减与之。

三黄犀角散 治小儿身体温壮，心神不安，大腑秘热。

犀角屑 大黄酒浸，蒸 钩藤 梔子仁 甘草 黄芩各五钱

上为末，每服五分，量大小加减，热汤调下。

牛黄散 治小儿温壮，身体常热不止。

牛黄研 甘草各五分 柴胡去苗 梔子炒两 龙胆草 黄芩各二钱半

上为末，每服五分，以金银汤调下无时。

① 秦艽饮：原脱，据上文补。

地骨皮散 见第五十七问。

黄龙汤 治伤寒身热不退。

柴胡五钱 黄芩 甘草各二钱 赤芍药三钱
上收咀，每服二钱，姜一片，枣一枚，水一
盏，煎至五分，去滓温服无时。

牛黄膏 治小儿天吊惊风，手足搐搦，面唇
红赤，咽喉痰响，浑身头额壮热，唤问不知，不醒
人事。或只左手左脚偏搐，或只右手右脚偏搐，
或只唇口眼鼻颤搐。引疾多则腹肚紧胀，热极，
胸膈久积惊涎，忽被风邪所触，故人作此候也。
此患大忌，不得针灸，若针灸乃误矣，凡中此疾，
须辨认有前项形证，宜急服此剂。

蝎尾四十九枚 巴豆去壳，一枚半，不去油
梅花脑半字 辰砂研，二钱 郁金三钱，以皂角水
煮过 牛黄少许 麝香一字

上六味为末，每遇小儿中前项形证，周岁半
字，三四岁一字，仍观孩儿身体肥瘦，脏腑虚实，
及病势轻重，则加减药，用蜜热水一二分调匀灌
下，或薄荷汤亦可。服药后良久，压下痰涎，疏去
风气，当宣泻两三行，其泻出如鸡子白是应效，
或胸膈痰涎壅盛痞满，服此药当吐风痰，亦为美
也。下药后，或吐或泻，手足搐稍定，喉咙不响，
头额腹肚渐凉，眼目不倒，记得人事，面红赤色，
但时时有少温壮，惊潮风热来未退，便续下保寿
散三两，服金粉散一二服，早晨更可下均气补虚
进乳哺白术散一日。早晨与一服，或服此数件药
后，或只觉得肚腹至夜微热，不进乳食，宜空心
与进一服宽热散，微微通去腹中余热风涎。或有
是疾，服药稍退，忌两日不可见风。一方加粉霜
二钱，名朱砂膏。

羚羊角汤 治诸惊壮热。

羚羊角 蝉退 茯神去木 麦门冬去心
柴胡 地骨皮各一钱 黄芩 甘草各五分，炒
上锉散，每服二钱，姜枣煎服。

梔子仁汤 治阳毒伤寒壮热，百节疼痛，下
后热不退者。

梔子仁 赤芍药 大青 知母各一两 川
升麻 黄芩 石膏各二两 柴胡一两，去苗 甘
草半两 杏仁二两，去皮尖，及双仁者，炒微黄色

上锉散，每服三钱，水一盏，生姜三片，煎六

分，去滓，不拘时温服。

大连翘饮子 见第三问。

六物黄芩汤 治小儿天行壮热，少腹大，短
气，热有进退，饮食不化。

黄芩 大青 甘草 麦门冬去心 石膏各
半两 肉桂三钱

上锉散，每服三钱，白水煎，去滓温服。

五物人参饮 治天行壮热，咳嗽心胀满。

人参 甘草各半两 麦门冬去心 生地黄
各一两半 茅根半握

上锉散，每服三钱，白水煎服。

龙胆汤 见第三问千金龙胆汤。

紫霜丸 见第三问。

黄疸 第五十九问

仲阳云：身痛背转强，大小便涩，一身皆黄，
面目爪甲俱黄，小便如屋尘汁色，着物皆黄褐
者，难治，此黄疸也。别有一症，生下百日及半
年，不因病后身微黄者，胃热也，大人亦同。又有
面黄腹大，食吐渴者，脾疳也。又有初生而面身
黄者，胎疸也。诸疸皆热，色深黄者是也，若淡黄
兼白者，胃怯不和也，茵陈汤、梔子柏皮汤、犀角
散、连翘赤小豆汤主之。通治黄疸，茵陈五苓散
尤为稳也。又有脾弱痿黄，小便清者，治以温剂，
当归丸散主之，小半夏汤亦可用也。

茵陈汤 治阳明病发热汗出者，此为热越
不能发黄也。但头汗出，身无汗，齐颈面还，小便
不利，渴引水浆者，此为瘀热在里，身必发黄。伤
寒七八日身黄如橘色，小便不利，腹微满者。

茵陈蒿嫩者，一两 大黄三钱半 梔子大者，
三枚

上锉散，以水一大碗，先煎茵陈减半，次用
二味煎八分，去滓温服，日三服，小便当利，如皂
角汁状，色正赤，一宿腹减，黄从小便中去也，量
大小加减。

梔子柏皮汤 治伤寒身黄发热。

梔子八枚 黄柏一两 甘草炙，半两
上锉散，每服二钱，水一盏，前六分，去滓温
服。

犀角散 治小儿黄疸，一身尽黄。

犀角一两 茵陈 干葛 升麻 龙胆草
生地黄各半两 寒水石七钱半

上锉散，白水煎。一方治小儿忽发黄，面目
皮肉须尽黄，干葛根汁和蜜服。

连翘赤小豆汤 治小儿伤寒，发黄身热。

麻黄去节 连翘 甘草 生姜 赤小豆
生梓白皮各二两 杏仁四十一粒 大枣十二枚
上锉散，白水煎。一方小麦苗捣汁，服之立
效。

茵陈五苓散

五苓散五分加茵陈汤十分。

上二件拌匀，每服一钱，温水调下，日三服。

当归散 治小儿夜啼，脏寒而腹痛也，面青
手冷，不吮乳是也，宜此方用。

甘草炙 桔梗 陈皮 当归各一钱

上为末，水煎半盏，时时少与服之。又有热
痛，亦啼叫不止，夜发面赤唇焦，小便赤，与三黄
丸人参汤下。

当归丸 治小儿冷热不调，大便青黄，心腹
多痛，或腹中气满，或时呕逆不吮乳食，加枳壳
尤妙。

当归 白芍药 人参 川芎各三钱 甘草
炙 白术各半两

上为末，煮面糊为丸，如麻子大，三岁小儿
每服十丸，粥饮送下，日三服。更量大小加减，冷
甚者加陈皮。

小半夏汤 治黄疸小便色不异，欲自利腹
满喘者，不可除热，热去必哕。

半夏汤洗七次

上锉散，每服三钱，水一盞，姜十片，煎七分
温服。

消食丸 常服宽中快气，消乳食，正颜色。

缩砂仁炒 陈皮炒 三棱煨 蓬术煨 神
曲炒 麦蘖炒 香附子米泔浸一宿，炒用 枳壳
槟榔 乌梅各半两 丁香二钱半

上为末，面糊丸为如绿豆大，食后苏子汤下
二十丸或三十丸。

呕证吐乳证 第六十问

仲阳云：初生下拭掠小儿口中秽恶不尽，咽
入喉中，故呕吐，及多生诸病。呕者有声也，吐者
吐出乳也。凡小儿乳哺，不宜过饱，若满则溢，故
令呕吐，胃中纳乳，如器之盛物，杯卮^①之小，不
可容巨碗之物，雨骤则沼溢，酒暴则卮翻，理之
必然。乳母无知，但欲速得乳儿长大，更无时度，
或儿睡着而更衔乳，岂有厌足，受病之源，自此
渐至日深，导其胃气之虚，慢惊自此面得，可不
慎乎。此候但令节乳为上，甚者宜令断乳，先此
乳母可服调气之剂，儿服消食丸，化乳壮胃为
上。议曰：吐乳观乳^②，此症有数般，有冷有热，
当自辨认。若吐自口角出，此是乳多消化不出，
满面则溢，此非病也，常服消乳丸、异功散，当令
乳母节乳为上。冷吐可服观音散、香朴散，快脾
等药。热吐则头额温，有黄涎而渴，小便赤少，此
是热吐，多是伤暑热者有此症，乳母同服香薷
散、五苓散。又有风痰吐，乃是伤风不解，吐乳夹
痰，若经久必然生风，仍宜下疏风化痰药，竹茹
汤去桂，五苓散、青州白丸子、温胆汤，又当留心
调治。紫霜丸亦可服。

杨氏消乳丸 温中快膈，止呕吐，消乳食，
脉沉者，乃伤食不化故也。

香附炒，一两 甘草炙 陈皮各半两 缩砂
仁 神曲炒 麦蘖炒，各一两

上为末，泡雪糕丸如黍米大，七岁以上绿豆
大三十丸，食后姜汤下。

又治百晬内呕吐乳汁或大便青色。

上用小妇人乳汁一盞，入丁香十粒，去白陈
皮一钱，于器内同前三十沸，去丁香陈皮，稍热
与儿饥时服。

消食丸 治小儿饮食乳哺，取冷过度，冷气
积于脾胃。胃为水谷之海，脾气磨而消之，胃气
调和，则乳哺消化，脾伤于冷，则宿食不消，此药

① 卮(zhī 支)：古代盛酒的器皿。

② 观乳：病证名，又名转乳、噎奶，指吐乳直出而不
停留。

宽中快气，消乳食，正颜色。

缩砂仁 陈皮 三棱煨 神曲炒 麦蘖炒，各半两 香附一两，炒

上为末，面糊丸绿豆大，食后紫苏汤下二十丸。

和剂观音散 治小儿外感风冷，内伤脾胃，呕逆吐泻，不进乳食，久则渐至羸瘦。大抵脾虚则泻，胃虚则吐，脾胃俱虚，则吐泻不已。此药大能温养脾胃，进美饮食。

石莲肉去心 人参 神曲炒，各三钱 茯苓二钱 甘草炙 木香 绵黄芪炙 白扁豆炒，去皮 白术各一钱

上锉散，每服二钱，水一盞，枣一枚，藿香三叶，煎温服。

异功散 见第十七问。

香朴散 治呕吐泄泻。

藜香 陈皮 厚朴姜汁炒，各七钱 半夏汤泡七次，一两 甘草炙，一钱

上锉散，每服三钱，水一盞，姜五片，枣一枚同煎，如泻甚，加木香、肉豆蔻。

香薷散 治脏腑冷热不调，饮食不节，寒暑风冷之气所伤，致令真邪相干，肠胃虚弱，心腹疼痛，霍乱气逆，及吐利发热头疼，或呕或泻，或转筋拘急。

香薷一两 白扁豆炒 厚朴姜汁制，各半两

上锉散，每服三钱，水一盞，姜三片，煎服。一方加黄连治泻痢，一方加芎芷、香苏散，治霍乱吐泻，暑月感冒伤暑之症。

五苓散 见第五十二问。

竹茹汤 治胃受邪热，心烦喜冷，呕吐不止。

葛根七钱半 半夏半两，泡 甘草一钱

上吹咀，每服三钱，水一盞，人竹茹、枣少许，生姜五片，煎七分去滓，取清汁微冷细细服，不拘时，加茯苓三钱尤妙。

苏合香丸 治传尸骨蒸，诸项劳瘵，顺气化痰，卒暴心痛，鬼魅疟疾，霍乱吐泻，赤白下痢，小儿惊搐。

苏合香油五钱，人安息膏内 安息香一两，另为末，用无灰酒半升，熬膏 丁香 青木香 白檀香 沉香 草拔 香附米 诃子浸，取肉 乌犀镑屑 朱砂研，水飞，各一两 熏陆香 片脑研，各五钱 麝香七钱半

上为末，用安息香膏入蜜和丸，如芡实大，空心用沸汤化下，小儿一丸老人四丸，酒下。亦可用蜡纸裹一丸弹子大，用绛绢袋盛，常带之，一切邪不敢近。去脑名麝香苏合香丸，治一切邪及胸膈噎塞，肠中虚鸣，宿食不消，余症并同。

青州白丸子 治一切风痰，小儿惊风。

天南星生 白附子生，各三两 川乌头去脐皮 半夏生，各七两

上用井花水浸，次早另换新水，春五日，夏三日，秋七日，冬十日，晒干为细末，以糯米粉煎粥清为丸，如绿豆大。小儿惊风薄荷汤调下。和苏合香丸服，名苏青丸。

温胆汤 治小儿心经虚怯，夜卧不宁。

枳实 陈皮 茯苓 甘草 半夏泡，各等分 竹茹少许

上锉散，白水煎，加姜二片，枣一枚，空心服。

紫霜丸 见第三问。

婴童百问卷之七

热吐 第六十一问

小儿秋夏伏暑，多有热吐，何以别之？或有黄涎，头额温，五心热，小便赤而少，或唇干而烦渴。先令乳母服香薷散、五苓散，儿服竹茹汤、五苓散，热甚者，大柴胡汤去大黄服，或小柴胡汤亦可，热极者，可服大承气汤，其效如神。玉露散亦可服。

香薷散 见第六十问。

五苓散 见第五十二问。

竹茹汤 见第六十问。

大柴胡汤 见第二十九问。

大承气汤 见第二十九问。

玉露散 见第五十三问。

寒冷呕吐哕逆 第六十二问

小儿感受风冷，或食生冷瓜果过多，胃口停寒，以致吐食吐乳，并用理中汤主之，或酿乳法、消乳丸、异功散、香朴散、茯苓半夏汤、二陈汤、人参散、麝沉散俱可服。

理中汤 见第五十三问。

酿乳法 治初生婴儿以表用药，凡有胎热症，当令乳母服药，不可求效之速，治法当酿乳令儿吃，渐次解之，百无一失。若遽以冷药攻之，必损脾胃，加以呕吐，必成大患。

泽泻二两半 **猪苓**去黑皮 **赤茯苓** **天花粉**各一两半 **生地黄**二两 **山茵陈** **甘草**各一两
上咬咀，每服五钱，水一盞，煎六分，食后捏去旧乳却服。

消乳丸 见第六十问。

异功散 见第十七问。

香朴散 见第六十问。

茯苓半夏汤 治诸呕哕，心下坚痞，膈间有痰水，眩悸。

茯苓二两 **半夏**五钱，汤泡七次

上咬咀，每服三钱，水一盞，生姜三片，煎六分服。

二陈汤 治痰饮为患，或呕吐恶心，或头眩心悸，或中脘不快，或发为寒热，或因生冷伤脾。

半夏汤泡 **橘红**各五钱 **白茯苓**三钱 **炙甘草**一钱半

上咬咀，每服三钱，水一盞，生姜三片，乌梅一个，煎至七分，去滓温服。

人参散 治小儿脏腑冷，若才吃乳食，即又吐出。或因才吃乳，为惊触犯。令小儿外症面唇青黑，手足心热，口多清涎，吐逆不止，或作泻候，青黄紫白，或如鼻涕鸡子清者，并宜服之。

人参去芦 **白术**炒 **白茯苓** **降沉香** **乌药** **甘草**炙，各半两

上为细末，以瓶贮之，遇小儿有前项形症，半岁一字，二、三岁半钱，大者一钱，煎枣子米饮调下，或陈紫苏汤亦可。或吐泻并作，煎丁香汤下，陈皮汤尤妙。

沉香散 见第十六问。

霍乱吐泻 第六十三问

小儿吐泻，有身温者，有身热者，有身凉者，有吐泻成惊风者，有夏秋伤暑吐泻者，有初生三日内吐泻者。仲阳云：小儿初生三日内，吐泻壮热不思乳食，大便青白，乳食不消，或白色，是伤乳，当下之，后和胃。下用白饼子，和胃用益黄散主之。三日以后至十日，吐泻，身温凉，不思乳食，大便青白色，乳食不消，此上实下虚也，用益黄散加减治之。又伤风吐泻身温，乍凉乍热，气粗，大便黄白色，呕吐乳食不消，时时咳嗽，更有五脏兼见症，当服入脏君臣药，先大青膏，后益黄散主之。又吐泻身热多睡能食乳，饮水不止，吐痰，大便黄水，皆为胃虚热渴吐泻也，当生胃中津液以止其渴，止后用发散药，止渴多服白术

散,发散大青膏、钩藤饮主之。又吐泻身凉吐沫,泻青白色,闷乱不渴,哽气长出气,睡露睛,此伤风荏苒轻怯,因成吐泻,当补脾后发散,补脾益黄散,发散大青膏、钩藤饮。夏至后吐泻身壮热,热症也,或因伤热,乳食呕吐不消,泻深黄色,玉露散主之,五苓散亦佳,香薷散、车前子散或选而用之。若面色青黄,知风热在脾,发直怕人,眼不合,是心中有毒液,更冒逆风播,可服定命丹。

白饼子 见第十四问。

益黄散 见第八问。

大青膏 见第八问。

白术散 见第四十八问钱氏白术散。

钩藤散 见第十六问。

玉露散 见第五十三问。

五苓散 见第五十二问。

香薷散 见第六十问。

车前子散 治暑月伏热,霍乱吐泻,烦闷引饮不止。通利小便。

白茯苓 猪苓 香薷 车前子 各一两 人参五钱

上末,每服一钱,灯心汤调下。肚痛加芍药,泻不止加石莲肉。

定命饮子 见第十六问。

理中汤 见第五十三问。

不换金正气散 治山岚障气,寒热往来,五膈气噎,霍乱吐泻,脏腑虚寒。

厚朴 去皮,姜汁炒 **藿香** 去土 **陈皮** 去白
甘草炙 苍术 米泔浸,各一两 **半夏** 皂荚、白矾、姜汁同煮,一两

上咬咀,每服三钱,水一盏,生姜三片,大枣二枚,煎七分绞去滓,食前带热服。

二顺散 治伏热中暑,霍乱吐泻,烦闷躁渴,小便赤色,便血肚疼。

猪苓 泽泻 茯苓 白术 甘草炙 桂 一两
干葛 杏仁 去皮尖,各一两

上为末,每服半钱或一钱,新汲水调下。

又酿乳法 治胃虚吐泻,睡中吐舌摇头,吐乳作腥气,额上汗流,多惊啼哭面黄,凡有此疾,宜暂断乳,令胃干饥甚用药,令乳母酿乳。

人参 木香 藿香 沉香 陈皮 神曲

麦芽 各一两 **丁香** 半两

上咬咀,每服四钱,姜三片,紫苏十叶,枣三个煎,乳母食后捏去旧乳汁尽,方服半盏许,卧少时,却与儿乳。

魅病 第六十四问

巢氏云:小儿被魅病者,妇人怀胎孕,有鬼神导其腹中胎,嫉妒小儿,致令此病。其状微微下利,寒热往来,毛发鬻鬻^①,情思不悦也。《千金》论:魅,小儿鬼也。凡妇人先有小儿,未能行而母继有胎妊,儿未节乳,渐渐羸瘦骨立,毛发稀黄不长,时作壮热,大便不匀,乃魅病也,又曰继病。法当用紫霜丸下其乳,以益黄散补之,令小儿断乳即安。消乳丸、异功散亦良剂也。其或他妇人有妊而抱他人婴孩者,亦有此症,同此治法。有热者龙胆汤。

紫霜丸 见第三问。

益黄散 见第八问。

消乳丸 见第六十问。

异功散 见第十七问。

龙胆汤 见第三问千金龙胆汤。

泻利 第六十五问

千金论:小儿春秋月晨夕中暴冷,冷气折其四肢,热不得泄则壮热,冷气入胃变成下利,或赤或白,日夜无数,小儿腹胀痛,壮热脉洪大,或急热数者,宜调中汤下之,热便歇,利亦瘥也,但壮热不吐下者,亦宜服之。又夏月初秋,忽有暴折于盛热,无可发散,客搏肌肤,发于外则为疔,发于内则为痢,内外俱发,则疔痢俱作,皆由荣卫不和,肠胃虚弱,冷热之气乘虚客于肠胃,又因饮食所伤,冷热不调,夹冷则白,夹热则赤,冷热交攻,则脏血相杂,亦因沉积所作,赤痢积热,白痢积冷,赤白相杂,冷热之积,若脾胃气虚,不能消化水谷,则糟粕不聚,或春间解脱风冷所伤,肠胃虚弱,卒被风寒所折,便为下利多矣。经

① 鬻鬻(zhēng níng 争宁):指头发蓬松。

云：春伤于风，夏必飧泄故也。调中汤去大黄加枳壳，更利不止，则加黄连治之。其暴下利者，车前子末之，米饮调下亦效。暑月用五苓散、车前子散，灯心汤调服，泼火散加减服。太阳阳明合病者必下利，葛根汤主之，呕者加半夏，四逆散亦可服。

调中汤 见第五十二问。

五苓散 见第五十二问。

车前子散 见第六十三问。

泼火散 治中暑躁烦，发渴口干，及治血痢。

青皮去白 赤芍药 黄连去须 地榆各一两
上为细末，冷水调下一钱，如血热妄行加甘草。

葛根汤 见第十六问。

四逆散 治少阴病，其人或咳或悸，或小便不利，或腹中痛，或泄利下重者。

甘草炙 枳实炒 柴胡 芍药炒，各一两
上捣筛为细末，水饮调下二钱，日进三服。如咳者，加五味子、干姜各半两，下利悸者，加桂半两，小便不利者，加茯苓半两，泄利下重，先浓煎薤^①白汤，纳药末三钱匕，再煮一二沸，温服。

冷泻 第六十六问

汤氏云：此乃脾虚受冷，致令水谷不化，泄泻注下。仲阳云：小儿不能食乳，泻褐水，身冷，无阳也，当健脾，益黄散主之。古今不同，当依加减法用之，始为稳当。冷积泻，没石子丸极效，人参散、理中汤加减服尤佳，更加肉豆蔻则止，来复丹、不换金正气散皆可，观音散、银白散加减调治，乃平和之剂也。

益黄散 见第八问。

没石子丸 治小儿婴孩，先因冷泻，或作赤白利候，久而变作诸般异色，不止一端，外症面或青或白，唇舌干焦，手微冷，浑身温壮，肚内刺痛啼叫，睡卧不安。若有是候，当腹没石子丸。

没石子一钱 木香 黄连 当归各一两
青皮一钱

上五件为末，阿魏一分，酒半盏浸化，人面

少许，须令匀，煮糊为丸，如粟米大，一二岁儿服，如椒目大者，四五六岁儿服，每服五十丸。赤痢甘草汤下，白痢干姜汤下。或用五倍子汤下之。一方用没石子一个，白豆蔻五个，诃子肉二个，木香、黄连各一钱为末，粳米糊丸麻子大，每服十五丸，米饮下。

人参散 见第六十二问。

理中汤 见第五十三问。

来复丹 见第十六问。

不换金正气散 见第六十三问。

观音散 见第六十问和剂观音散。

银白散 见第十六问。

藿香散 治小儿脏腑不调，作泻青黄黑白，乳食不消，粪中有冻，如鸡子清。兼暴泻如水，其症腹痛微热，面唇黄白若慢惊，或偏坠红肿内钓，紫苏汤调下三五服。

陈皮 藿香 厚朴制 枳壳炒 甘草炙、各半两

上为末，紫苏汤下三钱。粪中有黄白冻子，木瓜并白梅去盐煎汤下，如痢止用枣子煎汤下，大能和胃进乳食，此是小儿常服之药。朱君辅方。

热泻 第六十七问

汤氏云：小儿热泻者，大便黄而赤，或有沫，乃脏中有积，或因乳母好饮酒，或嗜热物，或生下伤湿蕴热。医者不明，但用豆蔻、诃子等药，服之如水浇石，既不识其症，故不辨其冷热，用药又不得法，焉得取效矣。此症当以小便赤少，口干烦躁为验，治法当用钱氏白术散去木香用之，五苓散去桂亦可服。其热甚者，四逆散、大柴胡汤去大黄，服之殊验也，更用黄连丸等剂亦佳，调中汤去大黄加黄连、枳壳。如夹热而泻，太阳与少阳合病，自下利者，与黄芩汤，呕者加半夏也。又有夹热泻利，而小便秘涩赤者，四顺清凉饮主之。

钱氏白术散 见第四十八问。

① 薤：此下原有“菜”字，据天府本删。

大柴胡汤 见第二十九问。

五苓散 见第五十二问。

黄连丸 见第七十九问。

四逆散 见第六十五问。

调中汤 见第五十二问。

黄芩汤 治下得利而头痛胸满，口苦咽干，或往来寒热而呕，其脉浮大而弦，专治协热而利者。

黄芩一两半，炒 白芍药炒，一两 甘草炙，一两

上咬咀，每服三钱，枣子一个，水一盏，煎至七分，去滓温服。呕者加制半夏，生姜汁。

四顺清凉饮 见第四十四问。

伤食泻 第六十八问

汤氏云：凡此泻，不宜便补，先用消食药，或用紫霜丸取其积尽，然后可补。经云：食泻重，当取痞，虚用补虚。治食泻与香橘饼子，加减观音散、调中汤散以童加减。凡伤食泻，不可即止，宜节饮食，当用进食丸取下食积令尽，次以钱氏加减益黄散，只一服可止，此乃切要治法，然后异功散、四君子汤调理，必取全安。有腹中雷鸣下利者，生姜泻心汤主之。如冷积暴泻，用香朴散止之，白术散以和气调胃。调中散、保安丸、感应丸、沉香煎、三棱丸皆可服。

紫霜丸 见第三问。

香橘饼 治伤冷泻利。

木香 青皮炒 陈皮各一钱 川厚朴姜汁炒 神曲炒 麦芽炒，各半两

上为末，蜜丸为饼，紫苏米饮调下。

全蝎观音散 止吐泻、截虚风。

黄芪蜜炙 人参去芦 木香 大粉草炙 石莲去心 扁豆炒黄，各一两 白芷七钱 白茯苓去皮，一两 全蝎七钱 羌活八钱 防风八钱，去芦 天麻八钱

上锉散，每服三钱，水一盏，煎至七分服，加姜枣煎。

调中散 治伤食泻，凡此泻不宜便补，先用食药，或紫霜丸取其积尽，然后可补。经云：食泻

重，当取痞，虚用补虚，良医明妙理，何虑疾难除。

人参去芦 白茯苓 白术炒 木香 干姜炮 藿香叶 香附子炒，去毛，一两 砂仁炒 甘草炙 丁香各一两

上为末，每服一钱，姜枣汤下，肚痛白汤，大小以意加减。

进食丸 见第四十七问。

异功散 见第十七问。

四君子汤 见第十六问。

益黄散 见第八问。

生姜泻心汤 治伤寒汗出解后，胃中不和，心下痞硬，胁下有水气，腹中雷鸣下利者。

黄连半炒 甘草半炙 人参 干姜炮 黄芩炒，各一两半 半夏汤泡，洗，一两

上锉散，每服三钱，水一盏，生姜三片，枣一枚，煎七分，去滓温服。

香朴散 见第六十问。

白术散^① 见第四十八问钱氏白术散。

保安丸 治小儿酸泻、伤食泻。

香附子一两 白姜炮 青皮去瓤 陈皮去白 三棱炮 蓬术炮 甘草炙，各半两 砂仁一两

上为末，麦麩面糊丸绿豆大，每服三丸，白汤下。

沉香煎 见第八十四问。

三棱丸 见第八十四问。

杏霜丸 治小儿食积作泻，并痢症。

杏仁三两，去皮尖，麸炒 巴豆一两，去壳油，炒焦，却入杏仁同炒 黄蜡二两，酒煮绵滤 百草霜为末二两，用油六钱，炒匀

上将杏仁巴豆研极细，却入百草霜令匀，溶蜡和丸如绿豆大。赤痢甘草汤，白痢生姜汤，先进三四服，腹胀者十余服，效验如神。

惊泻 第六十九问

仲阳云：慢惊病后，或吐泻胃虚，或气弱因

① 白术散：此方原脱，据上下文意补。

惊,眼白如淡墨,下粪^①青黄,此泻合温补,至圣保命丹、钩藤饮主之。或乳随粪下,消乳丸、进食丸主之。或微渴心脾喘燥狂热,此泻尤难治,辰砂五苓散主之,冷者定命饮子主之,后与温惊朱君散、睡惊太乙丹。

至圣保命丹 见第十四问。

钩藤饮 见第二十一问。

消乳丸 见第六十问。

进食丸 见第四十七问。

辰砂五苓散 见第十六问五苓散。

定命饮子 见第十六问。

朱君散 治吐泻后有此证并粪青者宜服之。

人参去芦 白术炒 白茯苓 甘草炙,各一两 辰砂水飞,半两 灯心三钱 钩藤半两 麝香半钱

上为细末,每服一钱,用白汤服下,不拘时服。

睡惊太乙丹 常服安神镇惊,止夜啼,粪青。

桔梗炒,一两 藿香叶半两 扁豆炒,半两 白芷三钱 川芎三钱半

上为末,炼蜜丸如芡实大,辰砂麝香为衣,每服半丸,薄荷汤磨下。正粪色,枣汤下。夜啼,灯心钩藤汤磨下。加白术茯苓白芍药尤妙。

诸色痢 第七十问

汤氏云:小儿痢候,皆因饮食无节,或餐果食肉物,不知厌足,乃脾胃尚弱,不能克化,停积于脏,故成痢也。热搏则赤,风寒之气,入于肠胃,致令津液凝滞,则成白痢,或夹青者,有惊积,或如鱼脑肚中疼甚者。大抵八痢,但冷、热、赤、白,药性虽有不同,治法不相远矣。又有赤白相杂者,当先去其热积,须用大黄、枳实、朴硝之剂以去其热毒,然后以黄连、黄芩、黄柏解其热,痢自止,疼自定,此妙法也。如痢不止,则用地榆、熟艾等剂调理,自然平复。脾虚者,不可轻用罌粟涩滞等剂,必致危困,须用没石子、黄连、阿胶、地榆以止之,方为尽善,其枳壳、芍药皆要药

也。噤口痢不能食者,石莲散主之,香脯散亦可。冷痢如豆汁肚疼者,胃风汤主之。脾毒痢脏热,当服香连丸、黄连香薷散、去桂五苓散、茅花汤、当归、芍药、枳壳、地榆、川芎等剂,先与解毒退热,却与开胃进食,分水谷,宽肠定痛,先予水浸丹,局方败毒散,地榆饮,宽肠枳壳散。有热而利不止者,三黄熟艾汤主之。积滞不通者,神芎丸亦可用。热甚烦躁者,黄连解毒汤解之,泼火散亦效。

石莲散 治小儿噤口痢,哆逆不食,止而复作。

莲肉去心,炒

上为末,米饮下一钱。一方用山药为末,米饮调服亦妙。

香脯散 治小儿刮肠下痢,噤口不食,闭眼合口,危急之症。

精猪肉一两,薄批一片 膩粉一钱

上将肉于炭火上慢炙,旋铺膩粉,炙令成脯,每以少许与吃。如未知吃,且放鼻间,自然要吃,此方治胃口有毒,至奇至妙。

胃风汤 治大人小儿,风冷乘虚、人客肠胃,水谷不化,泄泻注下,腹胁虚满,肠鸣疼痛。及肠胃湿毒,下如豆汁。或下瘀血,日夜无度,并宜服之。

白芍药炒 白术炒 肉桂去粗皮 人参去芦 当归去苗 白茯苓去皮 川芎各等分

上为粗末,每服二钱,水一盞,粟米同煎七分,去滓空心热服,小儿量力加减。

香连丸 治曩积泻,亦治痢。

黄连一两,两吴茱萸一两炒,去茱萸 木香二钱半 诃子肉半两

上为末,面糊丸如麻子大,空心米饮下三十丸。

黄连香薷散 见第六十问香薷散。

五苓散 见第五十二问。

茅花汤 治鼻衄不止,吐血下血。

茅花一大把,水三盞,煎浓汁一盞,分二服即瘥。无花,根梗代之,兼治血痢黑痢。

① 粪:原作“痢”,据天启本改。

水漫丹 治泻利先锋之药。

黄丹研细，一两 巴豆二十五个，去皮膜，研细出油

上研匀，用黄蜡半两溶化拌匀，量大小旋丸，水浸吞下。汤使更临病随意用。一方黄丹一两，巴豆四十九个，乳香二钱，麻油二钱，蜡半两溶化和丸，名顿止丹，又冷症加木香二钱半。

败毒散 治伤寒时气，头疼项强，壮热恶寒，身体烦疼，及寒壅咳嗽，鼻塞声重。

人参去芦 茯苓去皮 甘草 前胡去苗
川芎 羌活去苗 独活去苗 桔梗 柴胡去芦，各一两 枳壳水浸，去瓤，麸炒黄，一两

上锉散，每服二钱，水一盏，生姜薄荷各少许，止泻痢，用陈仓米煎，粳米亦可。

地榆散 治泻痢血痢。

地榆 诃子 甘草各一两

上为末，盐米汤调下，有热加黄芩。

芍药柏皮丸 治一切恶痢，窘痛脓血。

芍药炒 黄柏各一两 当归 黄连各半两

上为末，滴水丸如小豆大，每服二三十丸，

白汤下加枳壳。

宽肠枳壳散 顺气止痢。

甘草炙，六钱 枳壳炒，二两四钱

上为细末，每服一钱，空心沸汤点服。

三黄熟艾汤 治下痢赤白，及治伤寒四五日，而大下热痢时，作诸药不效，宜服此汤。

黄芩 黄连 黄柏七钱半 熟艾半鸡子大上锉，每服三钱，水一盏，煎六分，去滓服。

神芎丸 见第二十问。

黄连解毒汤 治热痢如神之剂。

黄连三钱 黄柏半两 梔子四个 黄芩一两上锉，每服三钱，水煎服。

泼火散 见第六十五问。

汤氏异功丸 治渴止泻，消暑毒，生津液，夏月出路含化，免吃水妙。

泽泻一两二钱 猪苓去皮，七钱 桂二钱半

茯苓 人参 白术 辰砂各半两

上末，蜜丸芡实大，灯心竹叶汤化下二、三十丸。

婴童百问卷之八

脱肛并痔症 第七十一问

汤氏方治脱肛，大肠自粪门出，宜用葱汤熏洗，令软，款款送上，此因泻利得之者，亦可服泻利之药，然后用槐花等药。又有用一味五倍子煎汤，人朴硝熏洗而缩者，又有用真蒲黄碾极细，以猪胆拌匀敷肛门上而人者，《全婴方》用涩肠散。兼有痔症肿痛者，用黄丹滑石等分，并水调涂即消，并用铅白霜半钱，片脑半字，好酒调敷肿处甚佳，黄连解毒汤亦可服，用苦参汤洗亦效，亦有密陀僧、白矾、片脑末敷上，再用荆芥、防风等项洗之，用生活菱根者效。

涩肠散 治小儿久痢，大肠头脱出不收。

诃于炮 赤石脂 龙骨各等分

上为末，腊茶少许，和药掺肠头上，绢帛揉入。又治痢，米汤调。又方治脱肛，五倍子焙为末，人茶依前方用。

丹石散 治外痔如神。

黄丹 滑石各等分

上为细末，新汲水调涂，日三五次上。

胜雪膏 治随肠番花鼠奶等痔，热痛不可忍，或已成疮者，并皆治之。

片脑 铅白霜

上件各半字，用好酒少许，研成膏子涂之，随手则愈。

黄连解毒汤 见第七十问。

苦参汤 治脱肛并痔。

枳壳 黄连 大黄 甘草 荆芥 苦参
赤芍药 黄芩各等分

上锉散，每用五钱，以车前子、茅草，同煎熏洗。

又方 用生活菱根研粉，猪油温暖授^①人。又用蓖麻子贴头顶上，肠即入，便去蓖麻子。

便血脏毒 第七十二问

议曰：儿生七日之内，大小便有血出者，此由胎气热盛之所致也。母食酒面炙煨热物，流入心肺，儿在胎内受其热毒，亦传心肺，且女子热入心，故小便有之，男子热入肺，故大肠有之，血出淡淡，有似坏水，盛则其血如鲜。凡遇有此，不可以他药，只以生地黄根，取自然汁，人蜜少许和匀，湿温与服，移时自安，男女皆效。甘露饮宜兼与服，茅根、茅花煎浓汤服亦妙。犀角地黄汤亦可服，脏毒聚金丸用之效，地黄丸亦可用。有瘀血者，桃仁承气汤下之。

甘露饮 治小儿胃中客热，牙宣口气，齿龈肿烂，时出浓血，常欲合闭，或饥烦不欲饮食，及赤目肿痛不任凉药，口舌生疮，咽喉肿疼，疮疹已发未发，皆可服之。疗身面皆黄肿，体微肿，胸膈气满，大便不调，小便黄涩，或时身热，并皆治之。

熟地黄 麦门冬去心，焙 枳壳去穰，炒 甘草炙 山茵陈 枇杷叶刷去毛，净 石斛去芦 黄芩 生干地黄 天门冬去心，焙，各等分

上锉散，每服二钱，水一盞，煎七分，去滓，食后临卧温服。小儿一服，分用二服，仍量岁数加减服。

聚金丸 治大便下血，发热烦燥，腹中热痛作渴，脉来弦数。或惊热目赤昏涩，或有酒毒去血，并治之。

黄连四两，一两水浸晒干，一两炒，一两炮，一两生用 黄芩 防风去芦，各一两

上件为细末，煮面糊为丸，如梧子大，每服五十丸，量童加减，以米泔浸枳壳水下，不拘时候。夏月人大黄一两，三时不须用。或枳壳为末，人前药为末亦效，小儿丸绿豆大，亦治血痢。

① 授：揉搓。

犀角地黄汤 治伤寒及温病，应发汗而不发汗，内有瘀血，吐血鼻衄，面黄大便黑。此方主消化瘀血，兼治疮疹出得太盛以解之。

生犀角屑如无，以升麻代之 牡丹皮去骨，各一两 生地黄半斤 芍药七钱半

上锉散，每服三钱，水一盏煎服。

千金地黄丸 治心热肠风，脏毒去血。

黄连四两，粗末 生地黄半斤，研取汁，连滓二味拌匀，日中晒极干

上末，蜜丸，桐子大，每三十丸，食后麦门冬汤下，量大小加减。

桃仁承气汤 治大便瘀积，下鲜血或黑。

川大黄四两 桂枝 甘草 芒硝各二两
桃仁五十枚，去皮尖双仁，诸本皆同，惟外书用一百五十

上锉散，每三钱，水煎服，以快利为度，未利再投。

大便不通 第七十三问

议曰：小儿大肠热，乃是肺家有热在里，流入大肠，以致秘结不通，乃实热也。当以四顺清凉饮加柴胡，热甚者加山栀、黄芩流利之。其表里俱热者，面黄颊赤，唇燥口干，小便赤涩，大便焦黄。无汗者，先解表，以柴胡散汗之，解后大便秘，或肚疼者，以清凉饮，大柴胡汤、承气汤皆可下之。积热者，神芎丸尤妙。

四顺清凉饮 见第四十四问。

柴胡散 见第五十问。

大柴胡散 见第二十九问。

大承气汤 见第二十九问。

神芎丸 见第二十问。

轻号散 治小儿初生，大便不通。

轻粉一分 蜜少许

上以热汤调开，蜜糊轻粉，点儿口即通。与一二次，再不可与。

小便不通 第七十四问

汤氏云：凡小儿小便不通，皆因心经不顺，

或伏热，或惊起，心火上攻，不能降济，肾水不能上升，故使心经愈热，而小肠与心合，所以小便不通。木通散主之，甚者八正散。又小便不通。脐腹胀闷，心神烦热，栀子仁散主之。积热者，神芎丸效。

木通散 治小便不通，小腹疼痛。

木通 滑石各一两 黑牵牛炒，半两

上为粗末，灯心葱白煎，去滓，大小以童加减服。

八正散 治小儿心经邪热，一切蕴毒，咽干口渴，大渴引饮，心忪面热，烦躁不宁，目赤睛疼，唇焦鼻衄，口舌生疮，咽喉肿痛。及治小便赤涩不通，热淋、血淋之症。

车前子 瞿麦 滑石 大黄湿纸裹煨 山栀 扁蓄 木通 甘草

上锉散，每二钱，水一盏，入灯心，煎至七分，去滓温服，食后，临卧，小儿量力，少少与服。

葱号散 见第三问。

栀子仁散 治小儿小便不通，脐腹胀闷，心神烦热。

栀子仁五枚 茅根锉 冬葵子各半两 甘草二钱半

上锉散，每服二钱，水一小盏，煎五分，去滓不拘时候，大小加减温服。

神芎丸 见第二十问。

大小便不通 第七十五问

议曰：调理婴孩伤寒体热，头目昏沉，不思饮食，夹惊夹食，寒热，大小便闭涩不通，烦燥作渴，冷汗妄流，夹积伤滞，膈满胀急，青黄体瘦，日夜大热，及疗伤风、伤暑、惊痫、客忤、肾脏疝气等热，并宜脱甲散主之。亦可服大连翘汤加大黄神芎，治小儿惊风积热，大小便涩滞，其效尤速。又掩脐法，用连根葱一根，不洗带泥，生姜一片，豆豉二十一粒，盐二匙，同研烂捏饼，烘热掩脐中，以绵扎定，良久气透自通，不然另换一剂。小便不通，亦可前二问通用。

脱甲散 见第五十三问。

大连翘汤 见第三问大连翘饮子。

神芎丸 见第二十问。

掩脐法 治大小便不通。

海螵四十九粒 葱根带土、七个 黑豆七个
盐少许

上同研烂，捏成一饼，烘热放脐上，以帛扎定，久则自通。

五淋 第七十六问

巢氏云：小儿诸淋者，肾与膀胱热也。膀胱与肾为表里，俱主水，水入小肠，下于胞，行于阴，为小便也。膀胱热则津液内溢，水道不通，停积于胞；肾气热则涩，故令水道不利，小便淋漓，故谓之淋。其状小便出少而数^①，其小腹急痛引脐是也。又有石淋、气淋、热淋、血淋、寒淋，五淋形症，各有说焉。其石淋者，淋而出砂石也，肾为热所乘，则化为石，小便茎中痛，尿不能卒出，时自痛引膀胱里急，砂石从小便道出也。其气淋者，肾与膀胱受肺之热气则胀，气为热所乘，故流入膀胱，则气壅不散，小腹气满，水不宣利，故小便不涩而成淋也。其热淋者，三焦有热气传于肾与膀胱，故热气流入于胞而成淋也。其血淋者，是热之盛，甚则尿血，谓之血淋。心主血，其热甚者，血则散漫失其常经，渗溢入胞面成血淋矣。若热淋者，其病状先寒战然后尿是也。小儿取冷过度，下焦受之，冷气入胞与正气交争，寒气正气相胜则战，寒气解，故得小便也。治淋之法，金沙散立效，五苓散、木通散等剂，机变用药，必可求痊，导赤散亦效，与大方脉相参用药，不亦可乎。

金沙散 治小儿小便淋漓不通。

郁金 海金沙 滑石 甘草各等分

上为末，三岁儿一钱，煎落帚汤调下，灯心木通汤亦可。冬瓜最治小儿小便不通，淋漓并渴。

立效散 治小儿诸淋不通，茎中疼痛。

木通 甘草 白孩儿花一名王不留行 胡
荩 滑石 海金沙 山梔 槟榔各等分

上锉散，每服二钱，水半盏，煎三分，去滓服。

木通散 见第七十四问。

遗尿 第七十七问

巢氏云：遗尿者，此由膀胱有冷，不能约于水故也。肾主水，肾气下通于阴，小便者，水之余也。膀胱为津液之府，既冷气衰弱，不能约水，故遗尿也。汤氏云：小儿尿床，由膀胱冷，夜属阴，小便不禁，睡里自出，宜破故纸散治之，益智之剂，亦不可阙。

破故纸散 治小儿夜间尿床，由膀胱冷，夜属阴，小便不禁，睡里自出。

破故纸

上一味，炒为末，热汤调下。

又方

益智仁生 白茯苓去皮 茯神去皮，各等分
上为细末，空心清茶调下，亦治白浊。

又方

五倍子一半生，一半烧存性

上为末，雪糕为丸，每服三十丸，米饮下。

尿白浊 第七十八问

汤氏曰：小儿尿白者，由乳哺不节，过伤于脾，故使清浊不分，而尿白如米泔也。久则成疳，亦心脾伏热，兼而得之。宜疏脾土，消食化积，通利小腑也，茯苓散主之。三棱散、消食丸可选而用之，分清饮亦可服。

茯苓散 治小儿尿白如米泔，因乳哺失节，有伤于脾，致使不清浊而色白也。久则成疳，亦心脾伏热，兼而得之。

三棱 蓬术煨 缩砂仁 赤茯苓各半两
青皮 陈皮 滑石 甘草微妙，各二钱半

上为末，每服一钱，麦门冬，灯心汤调下。

三棱散 治小儿尿白者，由乳哺不节，过伤于脾，故使不清浊而白也。久则成疳，宜疏土消食化积。

三棱 蓬术煨，各一两 益智仁 甘草 神

① 数：原作“散”，据天启本改。

曲炒 麦蘖炒 橘皮各半两

上为末，每服一钱，白汤调下。

分清饮 治通心气，补漏精，治小便余沥，并赤白浊。

益智仁 川芎 藜 石菖蒲盐炒 天台乌药 各等分

可加茯苓、白芍药。

上为细末，入些子盐，空心服，或灯心煎汤调下。

疳症 第七十九问

仲阳云：诸疳皆脾胃之病，内亡津液之所作也，因大病或吐泻后，以药吐下，致脾胃虚弱，内亡津液。且小儿病疳，皆愚医之所坏病，假如潮热，是一脏虚，一脏实，而内发虚热也，法当补母而泻本脏则愈。假令日中发潮热，是心虚热也；肝为心母，则宜先补肝，肝实而后泻心，心得母气，则内平而潮热愈也。医见潮热，妄谓其实，乃以大黄、牙硝辈诸冷药利之，利既多矣，不能禁约而津液内亡，即或疳也。又有病癖，其疾发作，寒热饮水，胁下有形，硬痛，治癖之法，当渐消磨，医反以巴豆、硃砂辈下之，小儿易虚易实，下之既过，胃中津液耗损，渐以疳瘦。杨氏曰：小儿脏腑娇嫩，饱则易伤，乳哺饮食，一或失常，不为疳者鲜矣。则疳以伤得。恣食甘肥粘腻，生冷咸酸，以滞中脘，则疳因积成。或乳母寒暄失理，饮食乖常，喜怒房劳，即与儿乳，则疳因母患传气而入。此非病家不能调适之过乎。疳之为候，头皮光急，毛发焦稀，腮缩鼻干，口馋唇白，两眼昏烂，揉鼻捋眉，脊耸体黄，斗牙咬甲，焦渴自汗，尿白泻酸，腹胀肠鸣，癖结潮热，酷嗜瓜果咸酸，炭米泥土，而饮水饮者，皆其候也。夫疳曰五疳，病关乎五脏以别之：心疳即惊疳，外症身体壮热，脸赤唇红，口舌生疮，胸膈烦闷，小便赤涩，五心烦热，盗汗发渴，咬牙虚惊是也；肝疳即风疳，外症摇头揉目，白腹遮睛，眼青多泪，头焦发立，筋青脑热，躁渴汗多，下利疮癣是也；肾疳即急疳，外症脑热肌削，手足如冰，寒热时来，滑泄肚痛，口鼻干渴，齿龈生疮，爪黑面黧，身多疮疥

是也。肺疳即气疳，亦名疳蟹，外症咳嗽喘逆，壮热恶寒，皮肤粟生，鼻痒流涕，咽喉不利，颐烂唾红，气胀毛焦，泄利频并是也；脾疳即食疳，亦名奶疳，内症身面俱黄，肚大脚细，吐逆中满，水谷不化，泄下酸臭，合面困睡，减食吃泥也。诸疳，宜大芦荟丸、肥儿丸、胡黄连丸、地黄丸、生熟地黄汤，皆婴药也。集圣丸、噤疳散、脂连丸、五疳良方、至圣丸、通神丸、天麻丸、地黄清肺饮、化蟹丸、灵脂丸、下虫丸、龙胆丸、黄连丸、香薷丸、木香丸、褐丸子、黄芪汤、鳖血煎、蚬皮^①丸、厚朴丸等剂，对症详明施治。

大芦荟丸 治疳杀虫，和胃止泻。

胡黄连 黄连 白芫荇去腐 芦荟 木香 青皮 雷丸破开，白者佳，赤者杀人勿用 鹤虱 微炒各半两 麝香二钱，另研

上为细末，粟米饭丸绿豆大，米饮下一、二十丸，不拘时服。

肥儿丸 治疳多因缺乳，食肉太早，或患脏腑胃虚，疔诸般疳，化虫治黄瘦肚急，消疳，可常服退疳热。

黄连《局方》加肉豆蔻 陈皮去白，《局方》去此，用木香 神曲炒，《局方》有使君子 麦蘖炒，各一两，加三棱，蓬术 白芫荇半两，《局方》用槟榔 川楝子一两，去核，炒

上为末，神曲糊丸麻子大，每服三十丸，空心米饮吞下。

又方

三棱煨 蓬术煨 川楝子 龙胆草 黄连 各四两 柴胡 地骨皮各半两 枳壳麸炒 麦蘖 当归各三钱 白芫荇二钱 芦荟 木香各一钱

上为末，神曲糊丸麻子大，每服三十丸，米饮下。

胡黄连丸 治疳如神。

胡黄连 黄连各半两 朱砂二钱半，另研

上物为细末，研入朱砂末，却填入猪胆内，用浆煮，以杖子子铍子上用线钓之，勿令着底，候一炊久，取出研入芦荟，麝香各二钱半，饭和丸麻子大，每服五、七丸，至一、二十丸，米饮食

① 蚬皮，即蟾蜍。

后。一作食前，治疳症有热。

又方 治婴儿一切疳积，及一切虚痢，他药无功，此药极效。

胡黄连 黄连 芦荟 肉豆蔻煨 桂心
人参 朱砂 麝香 使君子 木香 钩藤 龙
齿 白茯苓各等分

上为末，取獾猪胆两枚，裂汁和末，令匀，却入袋内盛之，以绳扎定，汤煮半日，取出，切破袋子，更入蓖苳子二钱，微炒黄丹一钱，二味别研如粉，入前药和匀，捣五百杵，为丸如绿豆大，但是疳与痢，用粥饮下五七丸，幼者三丸，不吃粥饮，乳头令吻。能治一十二种疳痢，及无辜疳之症，功效非常。

吴希亮疳方 治一切疳

三棱煨 蓬术煨 神曲炒 麦蘖炒，各半两
青皮 陈皮 乌梅肉 芫荇仁 胡黄连 百
草霜 雷丸各三钱 玄胡索炒 甘草各二钱 巴
豆五十粒

加川楝子、使君子亦可。

上为末合了，先用一两人巴豆五十粒，丸如麻子大，每服五七丸，米汤下，大小以意加减。

地黄丸 治肾疳。

熟地黄八钱 赤茯苓 山茱萸肉 当归
川楝肉 牡丹皮 山药 泽泻 使君子肉各三
钱

上为末，蜜丸桐子大，每服三丸，温水化下。

生熟地黄汤 治疳眼闭合不开，内有蒙雾。

生地黄 熟地黄各半两 川芎 赤茯苓
枳壳炒 杏仁水浸、去皮 川黄连 半夏曲 天
麻 地骨皮 甘草炙 当归各二钱半

上锉散，每服二钱，姜三片，黑豆十五粒，水一盞，煎至六分，空心温服。

脾积丸 治疳极妙。

山楂子青者多用 香附子 乌药 紫金皮
砂仁 甘草各等分

上为末，山楂子生用，捣碎成末，米糊丸桐子大，米饮下三、五十丸，大人小儿皆可服。

集圣丸 治诸疳通用。

芦荟 五灵脂 夜明砂焙 缩砂仁 橘皮
青皮去瓢 蓬术煨 木香各二钱 黄连 使

君子煨取肉 虾蟆炙焦，各三钱

上为末，雄猪胆二枚，取汁和药，人糕糊丸麻子大，每服十五丸，米饮下。疳劳瘦弱，本方加当归一钱半，川芎三钱。

嚏疳散 治疳。

芦荟 黄连各一钱 瓜蒂 猪牙皂 虾蟆
灰各半两 麝香少许

上末吹人鼻内，嚏则可疗。

脂连丸 治五疳潮热，肚胀发焦。

胡黄连半两 五灵脂一两

上为末，獾猪胆汁丸麻子大，每服十五丸，米饮下。五疳潮热，慎勿用大黄、黄芩。

五疳良方 治疳。

川黄连 芫荇取仁 神曲炒 麦蘖炒 陈
皮 木香 虾蟆烧存性，各一两 使君子三十个，
煨，去壳 肉豆蔻生，二个 鸡心槟榔二个 麝香
一字，别研

上为细末，雄猪胆二个，取汁入好酒打清，面糊丸芥子大，每服十五丸，米饮下。

茯苓丸 治心疳与惊疳。

茯苓 芦荟 琥珀 黄连净 赤茯苓各三
钱 钩藤皮 远志肉姜制，焙干 虾蟆灰各二钱
石菖蒲一钱 麝香少许

上为末，粟米丸麻子大，每服十丸，薄荷汤下。

神效换肌丸 治小儿脾疳，肌瘦潮热，盗下，饮食易伤，脏腑不调泄泻，糟粕不化，头大腹急。

川黄连炒 鳖甲酒炙 肉豆蔻煨 使君子
神曲炒 麦芽炒，各半两 麝香半钱 诃子肉
一钱半

上为末，面糊丸如芥子大，米汤下，量小儿大小加减。

天麻丸 治肝疳、风疳、疳眼。

青黛 川黄连 天麻 五灵脂 夜明砂微
炒 川芎 芦荟各二钱 龙胆草 防风 蝉蜕
去足，各一钱半 全蝎二枚，焙 麝香少许 干蟾
头炙焦，三钱

上为末，猪胆汁浸糕，糊丸如麻子大，每服十丸，薄荷汤下。

地黄清肺饮 治肺热疳蠱，咳嗽气逆多啼，壮热恶寒。

桑白皮炒，半两 紫苏 北前胡 防风 赤茯苓 黄芩 天门冬去心 当归 连翘 桔梗 生地黄 甘草炙，各二钱五分

上锉散，每服二钱，水煎食后服，次用化蠱丸。

化蠱丸 杀疳虫圣方。

茺萸 芦荟 青黛 川芎 白芷梢 胡黄连 川黄连 虾蟆灰各等分

上为末，猪胆汁浸糕，糊丸麻子大，每服二十丸，食后临卧杏仁煎汤下。其鼻常用熊胆泡汤，小笔蘸洗，俟前药各进数服，却用青黛、当归、赤小豆、瓜蒂、地榆、黄连、芦荟等药均分，雄黄少许，细末入鼻敛疮。

灵脂丸 治脾疳食疳。

白豆蔻仁 麦蘖炒 五灵脂 缩砂仁 蓬术煨 青皮去瓢 使君子 橘红 虾蟆炙焦、各二钱

上为末，米糊丸麻子大，每服十丸，米汤下。

下虫丸 治疳蛔诸虫。

苦楝根皮酒浸，焙 绿色贯众 木香 茺萸 焙 桃仁浸，去皮，焙 槟榔各二钱 鹤虱炒 轻粉各半钱 干虾蟆炙焦，三钱 使君子五十个，煨，取肉用

上为末，飞面糊丸麻子大，每服二十丸，天明清肉汁下。内加当归、川黄连各二钱半，治脊疳兼疳劳。

龙胆丸 治脑并脑热，饼疮。

龙胆草 川升麻 苦楝根皮 赤茯苓 芦荟 防风 油发灰各二钱 青黛 黄连净，各三钱

上为末，猪胆汁浸糕，丸麻子大，每二十丸，薄荷汤下食后，仍以芦荟末入鼻。

黄连丸 治疳劳、疳渴、干疳。

黄连半两，净猪胆汁浸一夜，晒干 栝蒌根 乌梅肉 杏仁浸，去皮，焙 石连子各二钱

上为末，猪胆浸糕，糊丸麻子大，每服十五丸，煎乌梅姜蜜汤下，又擦虫后附消渴方论式药可治疳渴，及五千疳。

香薷丸 治疳泻。

黄连三钱，炒 肉豆蔻生 木香 诃子煨 缩砂仁 茯苓各二钱

上为末，揉饭丸麻子大，每服十五丸，食前米饮下。

木香丸 治疳痢，冷热不调，五色杂下，里急后重。

黄连净，三钱 木香 紫厚朴姜炒 缩砂仁 夜明砂隔纸炒，各二钱 诃子肉煨，一钱

上为末，梗米饭丸麻子大，每十五丸，干艾叶、生姜煎汤，食前温服。

褐丸子 见第四十五问。

黄芪汤 治疳劳咳嗽不定，虚汗骨蒸，渴而复泻，乳食迟进而不克化。

黄芪 当归 川芎 白芍药 生地黄 虾蟆去足，炙焦 鳖甲醋炙焦，各三钱 人参 白茯苓 陈皮 半夏曲 柴胡 使君子 甘草炙，各一钱

上锉散，每服二钱，姜枣煎，食前服。

鳖血煎 治疳劳。

茺萸 柴胡 川芎各一两 人参半两 史君子二十一个 胡黄连 川黄连各一两

上用鳖血一盞，吴茺萸一两，拌和二黄连，淹一宿，次早炒干，拣出茺萸，并血，只用二黄连夹余药杵末，粟米粉糊丸麻子大，每二十丸食前熟水服。

蚶皮丸 治无辜诸疳，一服虚热退，二服烦渴止，三服泻痢住。

蟾蜍一枚，夏月沟渠中，取腹大不跳不鸣者，其身上多癩磊。

上取粪虫一杓，置桶中，以尿浸之，桶上要干，不与虫走，却将蟾蜍打死，顿在虫中，任与虫食，一日一夜，次以新布袋包系定，置之急流水中，浸一宿，取出瓦上焙为末，磨一字，揉饭糊丸麻子大，每二、三十丸，米饮下。

君朴丸 治小儿诸疳，小便白浊，久则黄瘦，不长肌肉。

使君子煨 厚朴制 黄连各一两 木香三钱 上为末，糊丸如小豆大，三岁三十丸，米汤下，三五服效。

疳伤 第八十问

杨氏云：五脏疳伤大抵然尔。析而论之：曰^①五疳出虫^②、曰蛔疳、曰脊疳、曰脑疳、曰干疳、曰疳渴、曰疳泻、曰疳痢、曰疳肿胀、曰疳劳、曰无辜疳、曰丁奚、曰哺露。其状非一，不可不撮其要而条析之：五疳出虫者，疳伤之源，虽起于哺乳不调，然脏脑停积已久，莫不化而为虫，其虫或如丝发，或如马尾，多出于头项腹背之间，黄白或赤者可治，青黑者难疗也；蛔疳者，失乳饭早，食肉太早，或伤胃停蓄，甜腻化为蛔虫，皱眉多啼，呕吐清沫，腹中作痛，肚胀青筋，唇口紫黑，摇头齿痒是也；脊疳者，虫食脊膂，身热羸黄，积中生热，烦渴下利，拍背如鼓鸣，脊骨如锯齿，或十指皆疮，频啮爪甲是也；脑疳者，胎中素有风热，生下乳哺越常，头皮光急，满头饼疮，脑热如火，发结如穗，遍身多汗，腮肿凶高也；干疳者，瘦悴少血，舌干，其病在心。目不转睛，干啼少泪，其病在肝。身热尿干，手足清冷，其病在肾。声焦皮燥，大便干结，其病在肺。搭口痴眠，胸脘干渴，其病在脾，总为五疳也；疳渴者，脏中素有疳气，加之乳母恣食五辛酒面炙博，使儿心肺壅热，日则烦渴饮水，乳食不进，夜则渴止是也；疳泻者，毛焦唇白，额上青纹，肚胀肠鸣，泄下糟粕是也；疳痢者，挟受风寒暑湿，或冷热不调，或停积宿滞，水谷不聚，须下恶物是也；疳肿胀者，虚中有积，其毒气交并，故令腹肚肿胀，由是脾复受湿，故令头面脚手虚浮是也；疳劳者，潮热往来，五心烦热，手足心及胸前热而发疮，盗汗骨蒸，嗽喘枯悴是也。或渴而复泻，饮水恶寒，肚硬如石，面色如银，断不可治；无辜疳者，脑后项边有核如弹丸，按之转动，软而不疼，其间有虫如米粉，不速破之，则虫脑热气流散，淫食脏腑，以致肢体痲疮，便利脓血，壮热羸瘦，头骨高露是也。针刺破，用膏药贴；或浣濯儿衣，露于檐下，为雌鸟落羽所污，儿着此衣，虫入皮毛，变致无辜之疾，儿衣已晒，须微火烘之。其若手足极细，顶小骨高，尻削体痿，腹大脐突，号哭胸陷，或生谷瘰，是为丁奚。虚热往来，头骨分开，

翻胃吐虫，烦渴呕哕，是为哺露。丁奚哺露皆因脾胃大虚，不能消化水谷，以致精神减损，无以荣其血气，故肌肉销烁，肾气不足，复为风冷所伤，使形骨枯露。亦有胎中受毒，脏腑血少致之，此皆无辜疳伤。数种之疾，病而至此，不几殆哉。宜服肥儿丸、大芦荟丸、五疳丸、胡黄连丸、至圣丸、茯神丸、天麻丸、地黄丸、十全丹、香薷丸、褐丸子、消食丸、鳖甲丸、下虫丸、集圣丸、黄鸡煎丸等药，及早治之，方为全美。又有疳伤久痢，肠胃受湿，得之状如狐惑、伤寒齿蚀之症，或以走马命名，盖齿属肾，肾虚才受热邪，疳气直奔上焦，故以走马为喻，初作口气，名曰臭息；次第齿黑，盛则龈烂热血迸出，曰宣露；甚者齿皆脱落。治之之法，用铜绿生蜘蛛细研，人麝少许，合和擦齿，如无蜘蛛，用其壳亦可。

肥儿丸 见第七十九问。

大芦荟丸 见第七十九问。

五疳丸 见第七十九问。

胡黄连丸 见第七十九问。

集圣丸 见第七十九问。

天麻丸 见第七十九问。

地黄丸 见第七十九问。

茯神丸 见第七十九问茯苓丸。

十全丹 治丁奚、哺露。

青皮 陈皮 川芎 五灵脂 蓬术 白豆蔻 槟榔 芦荟各半两 使君子焙 虾蟆灰 木香各三钱

上为末，猪胆汁浸糕，糊丸麻子大，每服二十丸，米饮下。有热，薄荷汤下。

汤氏十全丹 治丁奚、哺露。夫哺露者，因乳哺不调，伤于脾胃，致令脾胃虚弱，渐不能食，血气减损，肌肉不荣，而柴骨羸露，其脏腑之气不宣，则汲汲苦热，谓之哺露也。宜服麝香进食丸。

槟榔 枳壳汤浸，去瓤，麸炒用 青皮去瓤

① 五脏……曰：此十三字原脱，文义不顺，据《仁斋直指小儿方论》补。

② 虫：此后原有“五脏疳也，其余”六字，据《仁斋直指方论》删。

陈皮 三棱煨 蓬术煨 砂仁炒,各半两 丁香二钱五分 木香二钱 香附一两炒

上为末,神曲糊丸,黍米大,空心食前下一百丸。

香薷丸 见第七十九问。

褐丸子 见第四十五问。

消食丸 见第五十九问及第六十问。

鳖甲丸 治小儿无辜疳,腹中毒气,四肢瘦弱宜服。

鳖甲醋涂炙,令黄,去裙襖 黄连 枳壳 夜明沙微炒,各一两 诃藜勒二枚,一生一熟 麝香一字 蝎虎一枚,雄者,微炙

上为末,炼蜜丸绿豆大,每以粥饮下五丸,日三服,量儿大小加减服之。

蒸鸡丸 治小儿疳劳,骨蒸潮热,盗汗瘦弱,腹急面黄,食不生肌肉,日夜啼,多渴少食。

黄连二两 鹤虱 芫荇各半两 银柴胡 大秦艽 知母 丹参 使君子去壳,各一两

上为末,黄雄鸡一只,约斤余,笼之,专以火麻子饲之,至五日后,去毛令净,于背上开孔,去

肠肚净拭干,令前药入鸡腹内,以线缝之,取小甑,先以黑豆铺甑底,厚三寸,安鸡在甑中,四旁将黑豆围裹,上以黑豆盖之,自出蒸至晚,候温冷,取鸡净肉,研和得所,如硬人酒面糊,同药末为丸如小豆大。二岁二十丸,以意加减,米汤下,无时。如十五岁,以温酒送下,忌食猪肉、黄雌鸡肉。

下虫丸 见第七十九问。

经验黄鸡煎丸

柴胡 知母 秦艽洗净 川楝肉炒 宣黄连各一两 胡黄连 芦荟 鹤虱 芫荇 槟榔 丹参 川芎 神曲炒 麦蘖炒 青皮 五灵脂各半两 使君子一两半 水银粉一钱 麻子五两 黑豆五升

上依前修合。

梅肉丸 治小儿诸疳烦渴饮水不休。

龙胆草 定粉乌榔肉炒 黄连炒,各等分

上为末,炼蜜丸如黍米大,每服二十丸,温水送下。

婴童百问卷之九

虚羸 第八十一问

仲阳云：虚羸者，脾胃不和，不能乳食，致使肌肤瘦弱，亦因大病或吐泻后，脾胃尚弱，不能传化谷气也。有冷者，时时下利，唇口青白，有热温壮，身热肌肉微黄，此冷热虚羸也。冷者，木香丸主之，夏月不可服，如有此症，则少服之。热者，胡黄连主之，冬月不可服，如有此症，则少服之。伤寒后虚羸者，竹叶汤主之，常服四君子汤，异功散、参苓白术散之剂皆可服也。橘连丸久服充肥，兼服肥儿丸。

木香丸 见第七十九问。

胡黄连丸 见第七十九问。

竹叶汤 见第五十一问竹叶石膏汤。

四君子汤 见第十六问。

异功散 见第十七问。

参苓白术散 治脾胃虚弱，饮食不进，多困少力，烦满痞噎，心忪气喘，呕吐泄泻，及伤寒咳嗽。此药中和不热，久服养气育神，醒脾悦色，顺正辟邪。

白扁豆一斤半，姜汁浸，去皮，微炒 人参去芦
白茯苓 白术 甘草炙 山药各二斤 连肉
桔梗 薏苡仁 缩砂仁各一斤

上为末，每服二钱，枣汤调下，小儿量大小加减。

橘连丸 治瘦。久服消食和气，长肌肉。

广陈皮 黄连各一两，去须

上为末，别研人麝半钱，用猪胆七个，分药人胆内，将水煮，候临熟，以针微扎破，以熟为度，取出以粟米粥和丸，如绿豆大。每服二三十丸，米饮下，量大小与之无时。

肥儿丸 见第七十九问。

快活丸 治脾胃虚弱，虽进饮食，肌迟化而中满，呕吐肚急，面黄肚疼，脏腑不调，宽中快膈。亦治大人，十噎五隔，并宜服之。

檀香 益智 蓬术各五钱 三棱一两 砂仁 姜黄 甘松 白豆蔻 甘草各一两半 陈皮七钱 香附子三两

上为末，滴水丸麻子大，每服三五十丸，姜汤白汤任下。

胃气不和虚冷 第八十二问

仲阳云：胃气不和，面皤白无精光，口中冷气，不思食，吐水肌瘦，虚弱腹痛，当补脾益黄散主之。凡人以胃气为本，惟治病亦然，胃气有实有虚，实者则有痞满内热之症，虚则有呕吐不食之证。虚者益之，实者损之，欲得其平则可矣。平胃散、观音散、银白散，壮胃之剂，不可缺也。

益黄散 见第八问。

平胃散 治脾胃不和，不思饮食，心腹肋肋胀满刺痛，口苦无味，胸满短气，呕哕恶心，暖气吐酸，面色痿黄，体弱肌瘦，怠惰嗜卧，体重节痛，常多自利。霍乱痞噎隔气翻胃，并宜服之。

厚朴去粗皮，水浸一宿，姜汁制炒，五十两 甘草炙，十两 陈皮去白，十两 苍术去粗皮，米泔浸一日，焙干，五斤，炒

上为末，每二钱，水一盏，姜二片，枣二个，煎七分，去姜枣，热服。食前人盐一捻，沸汤点服，亦得。常服调气暖胃，化宿食，消痰饮，辟风寒暑湿，四时非节之气。

观音散 见第六十问和剂观音散。

银白散 见第十六问。

食积冷热 第八十三问

巢氏云：夫宿食不消者，脾胃冷故也。小儿乳哺食，取冷过度，冷气积于脾胃。胃为水谷之海，脾气磨而消之，胃气调和，则乳哺消化，脾伤于冷，则宿食不消，脉沉者伤食不化故也。亦有伤乳伤食而身热者，惟肚腹之热尤甚，人之伤

积、肚热粪极臭酸，而夜间有热，伤积之明验，人所未晓也。冷者消食丸、木香丸。夜间热，天明复冷，乃是伤寒夹食失解故也，当服白饼子，先与微利，次与参苏饮，发热地骨皮饮、秦艽散，退热而安。有实热者，大柴胡汤去大黄，亦可服。《伤寒论》：人病有宿食，何以别之？师曰：寸口脉浮而大，按之反涩，故知有宿食，当下之，宜大承气汤。其喘发热者，紫霜丸主之。冷症用进食丸尤佳，亦治食厥，乃四肢逆冷，面色青黑是也，或当吐而苏。有瘦者，湿胆汤加减服，痰定面呕自痊，冷症丁香丸可服，白饼子下痰亦可。

消食丸 见第五十九问及第六十问。

木香丸 见第四十六问。

木香 蓬术 砂仁 青皮去白 朱砂研细代赭研，各二钱 大丁香一钱 川巴豆肉去油 上为末和匀，飞白面糊丸麻子大，风干。每服二十三丸，乳伤乳汁下，食伤米饮下。

丁香丸

丁香 砂仁二十粒 使君子肉五个 乌梅肉 巴豆肉各三个，去油

上为末，烂饭丸麻子大，每服二、三丸，陈皮汤下。

虚实肿胀 第八十四问

议曰：肿、胀二症，此由虚中有积，久患失治，日渐传变，症候多端。随轻重，察盛衰，审表里以主治，先固其本，后正其标，斯无恙矣。有温肿，有毒气肿，伤寒虚肿，泻痢虚肿，气血虚肿；有疝气胀，癥积胀，锁肚胀，脘膈胀，食膨胀，蛔气胀，虚治积胀。以上肿胀虚积，并当下之，各有其法。其受湿于脾胃，久不克化，气浮四肢，头面皆肿。食毒气，由脾胃伤之，冷积毒气，停留于脘膈，致虚人腹作肿。伤寒下之太早，乘虚人腹作肿。泻痢之人，脾气亦虚，是以致肿。以上宜平调胃气，补脏充实，方可去肿。其气血虚肿，皆由荣卫不顺，脏腑怯弱，壅滞三焦，流注百脉，表里俱虚，邪正相乱，以致四肢浮肿，腹肚膨满；以上先调荣卫之顺，次服分气以散之。其疝气积胀，宜先与保童，当兼塌气以去之。其痞癖气胀积

胀，宜三棱以消痞。其锁肚胀，宜与珍珠天麻丸以通之。其上膈中脘，食伤膨胀，宜三棱、塌气、大茱连丸以消磨之。其蛔胀，宜下虫丸以化之。其虚冷积胀，宜沉香煎以温之。以上诸症，宜调和胃气，消磨通利，肿胀必然平复矣。如有热者，必以葶苈，牵牛等辈以治之，推气丸剂亦可服。

分气散 治小儿肿胀作喘气短而急。

桔梗 赤茯苓 陈皮 桑白皮锉 大腹皮 枳壳炒 半夏曲 真苏子微炒 紫苏 甘草炙，各二钱 草果仁一钱

上锉散，每服一钱半，姜枣煎服。

五疳保童丸 治五种疳疾。

五倍子生 青黛 夜明砂布裹洗 苦楝根皮 芦荟 熊胆研入 黄连去毛 龙胆草生用干蟾酥炙，去骨皮 麝香研 芫蕪取仁 蝉退去土，各等分

上为末，粟米糊丸麻子大，一岁儿二十九，米饮下二三服。

汤氏塌气散 治小儿腹胀气喘，体肿面浮。

陈皮一合，炒 青皮去瓤 巴豆二十一粒，炒黄色，去巴豆用 甘草炙，各半两 黑牵牛二钱半，半生半炒 肉豆蔻二个，煨香

上末半钱，米饮调下，加槟榔一个。

塌气丸 治小儿疝气，腹胀喘急，并面浮肿。

丁香 胡椒炒，各五钱 莱菔子炒 白牵牛各七钱半

上为末，面糊丸小豆大，三岁三十九，米汤下。

塌气散 治小儿腹气急粗，并疝疾相攻，面目浮肿。

木香一钱 青皮五钱 巴豆三十粒，同炒豆黄色，去巴豆用

上为末，三岁半钱，米汤下，食前连进即效。

三棱煎丸 治婴孩食伤生冷、甜膩、毒热等物，脾胃积滞，久不克化，令儿壮热脚冷，痞癖寒热。及疔癥瘕，中脘不和，膨胀上膈，气壅心腹，不得通宣，所以作疾。此药湿良，但是诸积滞食不化，并宜与服。

京三棱成块煮，半两 蓬术并炮，各半两 芫

花二钱半，醋浸，炒 鳖甲去裙襴，米醋炙焦，半两
淡豆豉一钱 巴豆二十一粒，去壳 川当归半两
杏仁去尖，二钱半，炒令赤

上四味一处，以米醋一碗，煮令干，仍用炒起，更细锉焙为末，次入当归末、杏仁、巴豆、淡豉和匀水煮，面糊丸麻子大，每服二十丸，姜汤下，大小加减服之。

三棱丸 治小儿停积，腹胁胀满，干嘔恶心，全不人食。

三棱煨 木香 神曲炒 陈皮去白 半夏姜制，各一两 丁香 桂各五钱

上为末，曲和丸如黄米大，每二十丸，乳食后，温生姜汤下。

珍珠天麻丸 治急惊风，请量用之，以通为度。此方仍治吊肠、锁肚、撮口至妙。丸如麻子大，初生患者，三日三丸，五日五丸，七日七丸。加青黛名**青黛丸**。

天南星炮 天麻 白附子炮，各二钱半 膩粉半钱 巴霜一字 茺萸炒 全蝎 滑石各二钱半

上为末，煮细面糊丸如麻子大，一岁每服五丸，二岁十丸，大小加减，薄荷汤点茶清送下。

大茺连丸 治小儿饮食过度，胸膈膨胀，上下气不宣通，郁滞迷闷，情思少乐，大则作喘，饮食不化，作渴烦躁，坐卧不任，肢体倦怠，腹胁疼痛。

蓬术 京三棱各二钱半，醋煮 干姜炮 陈皮去白 木香 丁香各三钱 巴豆二十一粒，去膜心，去油用 绿细小茺萸二钱

上为末，醋和为丸麻子大，每服七丸至十丸，大者加服，生姜枣子汤下。

下虫丸 见第七十九问。

沉香煎 治脾气冷积。

乳香 沉香 丁香 杏仁炒 百草霜 木香各一钱 肉豆蔻一个，煨 巴豆十四粒，出油如霜

上为末，酒煮蜡和，丸绿豆大，每服三五丸，淡生姜汤下，应患肚痛不止者，服之效。常服以通为度。

推气丸 见第四十九问。

遇仙丹 治诸虫，取诸积。

牵牛三斤 大腹子二斤 锡灰二两，炙干为末 大黄四两 雷丸四两 青木香 鹤虱各二两 干漆二两 皂角四条

上后四味煎水，用粟米煮粥，初用牵牛末，次用大腹末，三用锡灰，四用大黄，五用雷丸，六用青木香，和剂丸如梧桐子大，每服五七丸，用姜汤熟水送下。

此药专治男子妇人积虫气块，五劳七伤，赤白痢疾，便血注下，皮黄水肿，十般气，十一般恶虫，又进饮食，除病悦颜色，不与他药相反，四行可服，细末三四钱，量大小加减，服时不吃晚饭，三更用清茶下，次早桶子内虫积，及粒米尽，方可洗面，温粥补之。伤寒、孕妇不可服。

蛔虫 第八十五问

巢氏曰：蛔虫者，九虫之内一虫也，长一尺，亦有长五六寸者。或因食甘肥面动，其动则腹中痛，发作肿聚，行来上下，痛有休止，亦攻心痛，口喜吐涎及清水，贯伤心者则死。诊其脉，腹中痛，其脉法当沉弱面弦，反脉大则是蛔虫也。此病因食物太早，爱甜怕苦，痛时便高声啼叫，只看人中上、鼻头唇口一时黑色，即是此症，当服使君子丸、槟榔散、化虫丸药取下便无事。仲景云：蛔厥者，其人当吐蛔，今病烦，此为脏寒，乌梅丸主之。其蛔虫穿心者，用薤苡根煎汤治之即安。

使君子丸 治小儿五疳，脾胃不和，心腹膨胀，时复疔痛，不进饮食，渐至羸瘦，并宜服之。

白芍药 厚朴制 陈皮去白 川芎 甘草各二钱半 使君子肉汤浸去黑皮，一两

上为末，炼蜜丸如芡实大，每服一丸，陈米饮化下，大治小儿腹痛。

槟榔散 治肾疳宜露良方。去虫后服此。

木香 槟榔 人参 黄连 甘草炙，各等分上为末，每一钱，小者五分，熟水调服。

化虫丸 治小儿虫咬心痛，来去不定，不思饮食。

鹤虱炒 槟榔 胡粉 楝根皮各半两 白

矾三钱半，微火煨

上为末，面糊丸绿豆大，三岁三十丸，温浆水入油三五滴吞下，食前。有虫皆化为水，大虫自下，且初服甚妙。

乌梅丸 治蛔厥，其人当吐蛔，今病者静而复烦，此为脏寒，蛔虫上人其膈，故烦，须臾复止，得食而呕，又烦者，蛔闻食臭出，其人当自吐蛔，又治久痢。

乌梅七十五个 干姜二两半 黄连四两 蜀椒出汗 当归各一两 细辛 人参 附子 炮，去皮脐 桂皮去皮 黄柏各一两半

上为末，用酒浸乌梅肉一宿，去核，蒸饭杵成泥，和药匀丸麻子大。每服十丸，食后米饮下，日三服，忌生冷等物。

阴肿疝气 第八十六问

巢氏曰：足少阴为肾之经，其气下通于阴，小儿有少阴之经虚，面受风邪者，邪气冲于阴，与血气相搏结，则阴肿也。然儿有大小壮弱，起止中节可也。苟肾经气虚，或坐石不起，冷气凝之，或近地经久，风邪湿气伤之，不为阴肿者几希矣。间有啼叫恶气，闭系于下，结聚不散，加以水窠不行，亦能发为此疾，治法桃仁丸。如小儿外肾肿大，茎物不通，牡蛎粉研极细，鸡子清调敷为佳。又有疝气名偏坠，急宜下药，小儿生下亦有如此者，不疼不痛，此皆不须攻击，不治面自愈，若肿痛甚急，当服药，宜五苓散、青木香丸、汤氏化生丸并疏气药，《济生方》牡丹皮、防风为末，酒调服极效，五苓散加防风、牡丹皮亦效。此症有热甚者，三黄丸治之。

桃仁丸 治肾经气虚，或坐石不起，冷气凝之，或近地经久，风邪湿气伤之，而成阴肿。间有啼叫怒气、闭系于下，结聚不散，加以水窠不行，亦能发此疾。

桃仁去皮尖，微炒 辣桂 黑牵牛 白蒺藜炒香，去刺 牡丹皮 大黄各二钱

上为末，炼蜜丸麻子大，每服五丸，或七丸，青皮、木通、葱白人盐少许，煎汤灌下。或煎大流气饮、研青木香灌下亦可。

五苓散 见第五十二问。

青木香丸 宽中快膈，治胁腹痛，心下坚痞，肠中水声，及阴肿等症。

黑牵牛炒，一两半 木香 补骨脂炒 草澄茄 槟榔各四钱

上先将粟米饭包槟榔，仍用湿纸包裹煨焦，去饭用槟榔，同煎药为末，滴水丸绿豆大，每服二十丸，白汤送下。

汤氏化生丸 治疝气、心腹痛，上引腰脊，饮食不节，面色痿黄，身不能直，百药俱试，经涉年岁，已在膏肓，宜服此药，灸脊俞三壮痊。

木香一两 三棱煨 莪术湿纸裹，煨 槟榔生 青皮巴豆炒，去巴豆 陈皮炒 川楝子去核 芫花各半两，米醋浸炒

上为细末，面糊丸如黍米大，熟水下，日进三服。

牡丹皮散 治小儿癩卵偏坠。

防风去芦 牡丹皮去骨，等分

上为末，每服二钱，温酒调服，如不饮酒，盐汤点服亦可。加人五苓散、木通汤下尤妙。

三黄丸 治三焦积热。上焦有热，攻冲眼目赤肿，头项肿痛，口舌生疮。中焦有热，心膈烦躁，不美饮食。下焦有热，小便赤涩，大便秘结。五脏俱热，即生背疮疔毒。及治五般痔疾，粪门肿痛，或下鲜血，治疝气效。

黄连去芦 黄芩去芦 大黄煨，各十两

上为末，炼蜜丸桐子大，每三十丸，滚汤下。如脏腑壅实，加服丸数，小儿积热可服。

盗汗骨蒸 第八十七问

仲阳云：盗汗出者，乃睡面自汗出，肌肉虚也。团参汤治小儿盗汗、虚汗，或心血液盛，亦发为汗，此药收敛心气。汤氏云：汗者血也，血虚亦能自汗作热，宜服团参汤、牡蛎散、龙胆汤。治小儿一切盗汗，又有通神丸治通身多汗。小儿精气未盛，体性多热，若衣裘伤厚，过食热物，或犯时气大病之后，重亡津液，阳气偏盛，水不胜火，腑脏积热，熏灼肌体，甚则销烁骨髓，是为骨热之病，久而不已，变成骨蒸，日晚发热肌瘦，颊赤口

干，日夜潮热，夜有盗汗，五心烦热，四肢困倦，饮食减少。瘥后余毒不解，生犀散主之。

团参汤 治小儿虚汗盗汗，或心血液盛，亦发为汗，此药收敛心气。

新罗人参 川当归各五钱

上锉散，用猪心一个，切三片，每服二钱，猪心一片，水一盞，煎六分，食前两次服。

扑汗方 治表虚自汗。

黄连 牡蛎粉 贝母各半两 米粉一升

上末，敷于身上。

牡蛎散 治血虚自汗，或病后暴虚，津液不固自汗。

牡蛎煨，二两 黄芪 生于地黄各一两

上锉散，每服二钱，水半盞，煎五分去滓，不拘时服。或为末，米汤下，或加小麦煎。

龙胆汤 见第三问千金龙胆汤。

通神丸 治小儿白日精神欢悦，至夜卧通身多汗。

龙胆草一味不拘多少

上为末，米醋煮糊丸，如椒目大，每服五七丸，用饭饮下。一方加防风等分，水煮糊丸。

生犀散 见第五十七问犀角饮。

自汗 第八十八问

议曰：凡初生至周晬之儿，不可自汗，自汗则亡阳气怯，脉虚神散，惊风有作。凡乳幼自汗，切勿止之，宜用白术二钱半，小麦一撮，煮令干，去麦为末，煎黄芪汤调与服，以愈为度。有伤寒热症自汗，以小柴胡加龙胆治之。夏月自汗多，宜白虎汤主之。热多自汗而喘者，葛根黄芩黄连汤主之。

小柴胡汤 见第二十九问。

白虎汤 见第五十八问。

葛根黄芩黄连汤 见第五十六问。

渴症 第八十九问

议曰：小儿渴症，一见唇红如丹三五分。即发三五分渴，若红甚即渴甚，唇红焦黑者，即久

渴虚盛，疾加传极，症危笃故也。凡小儿三焦虚烦作渴，引饮不歇，宜服三黄丸。小儿伤寒后发渴，唇口焦干，烦躁甚者，白虎汤主之，竹叶汤亦可服。小儿泻利作渴者，五苓散去桂加干葛尤妙，香薷饮、车前子散皆可服，小柴胡汤加天花粉亦佳，加干葛尤稳。大热烦躁而渴者，黄连解毒汤亦可服，七物黄连汤亦可服，极稳。大抵小儿本自盛实，易为生热，热气熏蒸，故渴面引饮也。

三黄丸 见第八十六问。

白虎汤 见第五十八问。

竹叶汤 见第五十一问竹叶石膏汤。

五苓散 见第五十二问。

香薷饮 见第六十问。

车前子散 见第六十三问。

小柴胡汤 见第二十九问。

黄连解毒汤 见第七十问。

七物黄连汤 治夏月伤寒，四肢烦疼发热，其人喜烦，呕逆支满，剧如祸祟，寒热相搏，故令喜烦。

黄连 茯苓 芍药各七钱半 黄芩 甘草 干姜各一两 小麦三合

上锉散，白水煎，止泻加枳实半两。

烦躁 第九十问

论云：噤煎不安是烦，噤啞不定是躁。噤煎者，心经有热，精神恍惚，内烦不安，心烦则满，自然生惊。噤啞者，心经有风邪，精神恍惚，心躁生风，热多不安，烦久而惊，风多不定，躁久面搐。治法凉心经，退热，通利小便为佳。热甚者，黄连解毒汤；轻者，导赤散、玉露散；风热者，至宝丹、琥珀散、解毒丸皆可服；有伤寒症者，小柴胡汤、白虎汤、大柴胡汤去大黄加干葛治之；有惊热者，金箔镇心丸，七物黄连汤尤妙。

黄连解毒汤 见第七十问。

玉露散 见第五十三问。

导赤散 见第八问。

至宝丹 见第二十问。

琥珀散 见第十五问。

青解毒丸 治小儿五脏积热,毒气上攻,胸臆烦闷,咽喉肿痛,赤眼痛肿,头面发热,唇口干燥,两颊生疮,精神恍惚,心忪闷乱,坐卧不宁。及伤寒毒,面赤身热,心烦躁而渴,饮食不下。

寒水石 石膏研,各八两 青黛四两

上研如粉,入青黛和匀,蒸饼七个,水调丸芡实大,每服一丸,食后新汲水化下,或细嚼生姜汤下亦可。中诸毒并宜服,及小儿惊风,潮热

痰涎,壅塞心胸躁烦,颊赤多渴,坐卧不稳,每三岁儿可服半粒,量大小加减。

小柴胡汤 见第二十九问。

白虎汤 见第五十八问。

大柴胡汤 见第二十九问。

金箔镇心丸 见第十八问。

七物黄连汤 见第八十九问。

婴童百问卷之十

齁胎 第九十一问

《圣济》论齁胎证，肺经受风寒，因咳嗽，肺停冷血生痰，致使腑脏有热，睡卧不安，故成齁胎，咽喉间如拽锯之声。小儿若有此疾，可服通关梅花饮子并半夏丸，及保寿散、小归命散、解肌散，三两服自安。若见齁胎如瘕证，喉间若拽锯声者，乃肺感风邪，上气喘急，面唇青色，项下有深凹陷，痰涎粘如胶漆，口生腥臭，恶气舌缩者皆不可治也。

梅花饮子 治婴孩惊热、潮热、虚热、积热，五脏蕴热，上焦壅热，手足心热，喉中多痰，面色或红或白，变蒸噤呀，鼻流清涕，气急肝肺壅热，目赤咳嗽。或被人物所惊，夜啼睡卧不安，心中惊怖，情绪不快。或伤寒渐安，尚有余热未除，亦宜进此三两服，常服锁心压惊，化痰退热安神，可除未来之患，通关。

南硼砂 马牙硝另研 芒硝另研 甘草炙，各半两 人参一两 辰砂二钱半 片脑 麝香一字

上八味为末，以磁器收之，遇有此证，服一匙，麦门冬汤调下。气喘咳嗽，桑白皮汤调下，常服薄荷汤下。

吴子玉方

白色信石一字，并下豆粉，研炮过，用生南星 枯矾各一钱 鹅管石 硼砂各半钱 绿豆粉 雄黄各一钱半

上为末，糊丸如萝卜子大，临卧用冷茶清吞下五丸。

半夏丸 治肺气不调，咳嗽喘满，痰涎壅塞，心下坚满，短气烦闷，风壅痰实，头目昏眩，咽膈不利，呕吐恶心，神思昏倦，心忪面热，涕唾稠粘，并皆治之。

白矾枯过，二两五钱 半夏三两，汤洗去滑，姜汁浸一宿

上为细末，生姜自然汁，为丸梧桐子大，每服十丸，或二十丸，食后、卧时生姜汤下。小儿丸如麻子大。

保寿散^①

白茯苓 人参 川雄黄 牙硝 甘草炙，各二两 麝香 牛黄 梅花脐子各少许，无亦得

上八味，细研，入锡合内收之，汤使如后金粉散。

小归命散 治小儿变蒸伤寒，潮热惊热噤呀、鼻流清涕咳嗽，浑身温壮，咽喉有涎，兼前项伤寒等证，及退惊热，坠涎安神，百病不生。

白茯苓 人参 白术各半两 甘草三钱 辰砂二钱 片脑 麝香各少许

上七味为末，每服半钱，薄荷汤调下。

解肌散 治婴孩伤寒风，面部红赤噤呀，浑身壮热，有前项等形证，兼服人参散，后得热退，可观患势轻重，若患稍轻，脉候不洪数，面不大赤，不加烦躁，然须呻吟谵语，此为轻可之候，但只进此。

人参 钩藤 桔梗 甘草 川芎各三钱 葶苈一钱，炒 白茯苓一钱 杏仁四十九个，去皮尖 石膏煨 麻黄去节，各四钱

上锉散，每服二钱，枣一枚，水一盏，煎半盏服。如初中伤寒，先下此药，是须要仔细辨认形证，则面青白，耳珠脚膝尻骨，俱冷如冰，身体温壮，亦狂躁谵语，梦中惊笑，乃是此候也。若小儿伤寒等，服此解肌散，渐得热退，次第可服大归命散、保寿散、轻粉白术散等调理。

白玉丸 利膈下痰涎，去心胸噎塞不止，并咳嗽多痰。

南星 半夏 僵蚕 白矾生，各二钱半

上为末，杏仁七个去皮尖，巴豆一粒，同研匀，再用去皮生姜汁为丸，如粟米大，每服一、二

① 保寿散：此方脱主治证，据上文文意，主治痰壅咳嗽。

十九，姜汤送下，不拘时。

疟证 第九十二问

巢氏云：疟疾者，由夏伤于暑，热结皮肤，至秋因劳动血气，腠理虚而邪气乘之，动前暑热，正邪相击，阴阳交争，阳盛则热，阴盛则寒，阴阳更盛更虚，故发寒热，阴阳相离，则寒热俱歇，若邪动气至，交争复发。小儿未能触冒于暑，而亦病疟者，乃乳母持抱解脱，不避风寒者也。夫风邪所伤，客于皮肤，而痰饮积于脏腑，致令血气不和，阴阳交争，若真气用胜则邪气退，邪气未尽，故发疟也；邪气虽退，阴血尚虚，邪干于真气，脏腑热气未散，故余热往来也；其病正发，寒热交争之时，热气乘脏则燥而渴，留饮停滞成癖，结于肋下，故瘥后肋下结硬也；若引饮不止，小便涩者，则变成癖也；寒热往来，而热乘五脏，气积不泄，故烦满，寒热相搏，而击于脏气，故腹痛也。寒多热少无汗者，桂枝麻黄各半汤；有汗多者，柴胡桂枝汤；汗多渴者，白虎加桂汤；小便赤热多而渴者，小柴胡汤；疟未散者，鬼哭散止之；寒少热多者，可服清脾汤；养胃汤，治脾胃冷弱者，四兽饮亦可服。其截疟丸子，切不可用砒霜者，但可服有常山者，有阿魏者，真能散痞癖也。热多汗出而渴，腹疼者，大柴胡汤加葛根可也。其疟后加之冷证痞癖结块者，木香丸主之；烦闷者，五苓散；有热甚者，白虎汤，或加桂，或加人参。时行壮热者，柴胡石膏汤亦可服；头疼甚者，葱白加甘草亦可服；知母麻黄汤，亦治疟之奇剂也。

桂枝麻黄各半汤 见第五十三问。

白虎加桂汤 见第五十八问白虎汤。

小柴胡汤 见第二十九问。

柴胡桂枝汤

柴胡八钱 黄芩二钱 半夏二钱半 芍药甘草 桂枝各三钱

上锉散，每服三钱，姜三片，枣一枝煎，食前服。

鬼哭散 治止疟疾。

常山 大腹皮 白茯苓 鳖甲炙 甘草

炙，各等分

上除鳖甲、甘草炙外，三件不得见火，用桃柳枝七寸同煎，临发。略吐涎不妨，只用常山、白茯苓、甘草亦效。

清脾汤 治瘴疟脉来弦数，但热不寒，或热多寒少，膈满不食，口苦舌干，烦渴饮水，小便赤黄，大便欠利。

青皮 厚朴姜制，炒 白术 草果去 柴胡茯苓 半夏汤泡七次 黄芩 甘草炙，各等分

上锉散，每服三钱，水一盞，生姜二片，煎六分，去滓温服，不拘时。

四兽饮 治五脏气虚，喜怒不节，劳逸兼并，致阴阳相胜，结聚痰饮，与卫气相搏，发为疟疾。兼治瘴疟，最有神效，常服温中快膈。

半夏 茯苓 人参 白术 草果 橘红各等分 甘草减半

上锉散，每服三钱，乌梅、姜、枣各一，水一盞煎服。

胡黄连散 治小儿疟。

人参 胡黄连 草果 槟榔 甘草 柴胡各等分

上锉散，水一盞，煎三分服。

养胃汤 治外感风寒，内伤生冷，温中快膈，能辟山岚瘴气，寒疟，脾胃虚寒。

厚朴 苍术制 半夏泡，各一两 藿香 草果仁 茯苓 人参各半两 甘草炙 橘红各二钱半

上锉散，每服三钱，水一盞，姜七片，乌梅一个，煎六分，去滓热服。兼治冷饮伤脾，发为疟疾。或中脘虚寒，呕逆恶心。寒疟加桂。

又方

陈皮去白，三钱半 甘草炙 厚朴制 半夏各三钱，泡 人参 草果各二钱 白茯苓四钱 藿香七钱，洗 青皮去瓢 蓬术 三棱煨 大腹皮各一钱半 苍术 乌梅各五钱

上锉散，每服三钱，姜枣煎服。

经效疟丹 治疟母结癖，寒热无已。

真阿魏 雄黄各二钱半 朱砂一钱半

上沸汤泡阿魏研散，雄朱和之，稀而糊丸梧桐子大，每服一丸，人参汤候冷，空心服。瘴疟桃

枝煎冷服。临发磨一丸，敷鼻头口畔。

大柴胡汤加干葛 见第二十九问大柴胡汤。

木香丸 见第四十六问。

五苓散 见第五十二问。

白虎汤 见第五十八问。

柴胡石膏汤 见第五十二问。

葱白汤 见第五十一问。

知母麻黄汤 治伤寒瘥后，或十数日，或半月二十日，终不惺惺，常昏沉，似失精神，语言错谬，又无寒热，医或作鬼祟，或作风痰，多般治之不瘥。或朝夕潮热颊赤，或有寒热似疟。都般发汗不尽，余毒在心胞络间所致。

知母 麻黄去节 甘草炙 芍药 黄芩各半两 桂枝去皮，半两，盛暑可减半

上锉散，每服三钱，水一盏，煎七分，去滓温服，令微汗。若心烦不眠，欲饮水，当稍稍与之，令胃气和即愈。未汗须再服，大小加减。

痈毒肿疔 第九十三问

汤氏云：此四者，皆由血气凝滞，而有热毒之气乘之，故结聚成痈疔肿毒也。《备急神验方》，未结之初，微见有头，红累起隐痛者，急用不语唾，夜半频频涂之，即消散。若已结成，当用天乌散贴方。治小儿痈疮，惊毒疔肿，皆可服漏芦散，真良方也。热甚者，青解毒丸，四顺清凉散加防风、连翘、玄参剂亦可服，五福化毒丹尤良，连翘汤可服。青露散掩之，留小孔，后用惊毒掩子收疮口取效。热甚者，凉膈散亦可服。

天乌散贴方

天南星 赤小豆 草乌 黄柏

上等分为末，生姜自然汁，调贴患处。用米醋调尤佳。

漏芦散 治小儿痈疮，及丹毒疮疔。

漏芦 麻黄去根节 芒硝 连翘 黄芩 川升麻 甘草各二钱半 川大黄一两，炒 白蔹七钱半

上锉散，每服二钱，水一盏，煎五分，去滓，量大小加减，不拘时候，加减温服。可加羌活、荆

芥、川芎、防风、枳壳。

青解毒丸 见第九十问。

四顺清凉饮 见第四十四问。

玄参剂 解诸般热，消疮疔。

生地黄 玄参各一两 大黄煨，半两

上为末，炼蜜丸桐子大，每服一丸，煎灯心竹叶汤化下，入沙糖少许，亦可加羌活、川芎、赤芍药、连翘、防风。

又方 治疹痘后，余毒不散，遍身生疮不已，大能解毒。

玄参 赤芍药 生地黄 赤茯苓 荆芥 防风 木通 桔梗 黄芩 朱砂 青黛各等分 上为细末，炼蜜丸芡实大，每服一丸，薄荷汤下，大小加减服之。

五福化毒丹 治小儿葱积毒热，惊惕狂燥，颊赤咽干，口舌生疮，夜卧不宁，谵言烦躁，头面身体多生疮疔。

玄参 桔梗各二两 茯苓二两半 人参 牙硝 青黛各二两 甘草七钱半 麝香一字 金箔 银箔各十片，为衣

上为末，炼蜜丸和剂，如芡实大，每服一丸，薄荷汤下，不拘时。及治疮疹后余毒上攻，口齿涎血臭气，以生地黄汁化下一丸，及用鸡翎刷在口内。

连翘汤 见第三问大连翘饮子。

青露散 治背疽，一切恶疮，围药^① 不胤^② 开。

白芨 白蔹 白薇 白芷 白鲜皮 朴硝 青黛 黄柏 大黄 天花粉 青露叶即芙蓉叶 老龙皮即松木皮，各等分

上为细末，生姜自然汁调涂，留小孔，如干再用生姜汁润。

惊毒掩子 治疮疔初发，掩上即退，已成速破。

葱根七个 木鳖七个 白芷三个 巴豆四个 黄丹二两 油四两

① 围药：敷药方法之一，把整个痈疽的周围敷上药，中央空出疮头，以泄毒气。

② 胤：延续，蔓延。

上先用油入前四味，武火熬，用柳木篦搅，以白芷焦黑为度，用绵滤去滓。再入桃，却入黄丹，熬令紫黑色，成膏为度。治诸般疮疖，去脓收疮口。

惊毒诸般肿痛掩子

蒲黄 大黄 黄柏 真粉 连翘 白芷
白芨 白蔹 牡蛎 丹参各等分
上为末，水调涂肿处。

凉膈散 治小儿腑脏积热，烦躁多渴，头昏唇焦，咽燥舌肿，赤目鼻衄，颌颊结硬，口舌生疮，痰实不利，涕唾稠粘，睡卧不宁，谵语狂妄，肠胃燥结，便溺赤涩，一切风肿，并宜服之。

川大黄 朴硝 甘草炙，各一两 连翘二两
栀子仁 黄芩 薄荷叶去土，各半两

上锉散，每服二钱，水一盏，入竹叶七片，蜜少许，煎四分，食后温服，大小加服。

恶核瘰疬 第九十四问

巢氏云：小儿恶核者，乃风热毒气，与血气相搏，结成顽核，生于项颈，遍风寒所折，不清结成瘰疬，久而溃脓成疮者也。凡有此症，宜服清凉饮子及升麻汤等药，汤氏贴恶核瘰疬各有妙方。千金连翘丸、千金龙胆汤皆可服。

清凉饮子 见第四十问。

连翘丸 治小儿无故寒热，强健如故，而身体颈项结核瘰疬，及肠肋背里有坚核不痛，名为结风气肿。

连翘 桑白皮 白头翁 牡丹皮 防风
黄柏 桂心 香豉 独活 秦艽各半两 海藻
二钱半

上为末，炼蜜为丸如梧桐子大，每服十九或二十丸，灯心汤下。

千金龙温汤 见第三问。

大圣散 治瘰疬，消风毒肿，上壅内热，多生癰疹，风丹风证。食煎爆多致此疾。

羌活 荆芥 升麻 薄荷 防风 甘草
大黄 黄芩 玄参各等分

上各等分为末，每二钱，水一盏，煎六分温服。又方用牡蛎二两，火煨为末，玄参一两，甘草

半两为末，每二钱，清茶调下。

槲皮散 治婴童小儿解瘰疬作疼痛。

槲皮去粗皮，此树在处处有，即包芦槲皮叶也。

上不拘多少，切碎，用水煎，温汤频洗。

白芨散 治瘰疬浓汁不干。

白芨 贝母去心，各五钱

上为细末，先用槲皮散洗过，后用清油调敷。

发斑 第九十五问

《百问》云：发斑有两证，有温毒发斑，有胃烂发斑也。温毒发斑者，为冬月温暖，人感乖戾之气，未即病发，至春或被积寒所折，毒气不得泄，至天气暄热，温毒始发，则肌肉斑烂癰疹如锦纹，其治用葛根橘皮汤、黄连橘皮汤主之。若胃烂发斑者，伤寒未下即发斑，下早亦发斑，盖不当而下之，热气乘虚入胃，当下失下，则胃热不得泄，所以皆发斑也。凡发斑不可用表药，盖表虚里实，若发其汗，重令开泄，更增斑烂，表虚故也，玄参升麻汤，化斑汤主之。伤寒发斑，只是热气在脏腑，先攻肠胃，里蕴成疮，方发出外，赤者易治，黑者难治，盖毒气入胃之深故也，羌活散加蝉蜕治斑亦可。

葛根橘皮汤 治冬温，未即病，春被积寒所折，不得发泄，至天气暄热，其温毒始发，肌中斑烂癰疹如锦纹，咳嗽心闷，但呕吐清汁，服此药即净。兼治小儿麻痘疮。

葛根 陈皮 杏仁去皮尖 麻黄去节 知母
黄芩 甘草各半两

上锉散，白水煎，有热不吐，去陈皮。冷证去黄芩、知母。

黄连橘皮汤 治温毒发斑，兼治麻证，泄泻并去血。

黄连一两 陈皮 杏仁去皮尖 枳实炒
麻黄去节 葛根各半两 厚朴制 甘草炙，各一钱半

上锉散，每服二钱，白水煎服，亦治烦渴，或不用厚朴、甘草。

玄参升麻汤 治伤寒、发汗吐下后，毒气不散，表虚里实，热发于外，故身斑如绵纹状，甚则烦躁谵语。兼治喉闭肿痛。

玄参 升麻 甘草炙，各半两

上锉散，每服二钱，水一盞，煎六分，去滓服。又煎升麻汤，内加玄参亦可。

化斑汤

人参 石膏 姜蕤 知母 甘草各二钱半

上锉散，每服二钱，水一盞，入糯米半合，煎六分，米熟为度，温服。

羌活散 见第二十问人参羌活散。

丹毒赤游肿 第九十六问

仲阳云：热毒之气，客于腠理，搏于血气，发于外皮，上赤如丹，热毒与血相击，而风气乘之，所以赤肿游走而遍体也。此由乳母食酒面煎炙过度，与夫烘衣与儿，不候冷而即穿者，多成此症。或发于头面胸背，令儿燥闷腹胀，如火之热，痛不可言。有入腹，入肾之证，便不可救。又方，小儿一周之内，皮毛肌肉，筋骨随脑，五脏六腑，荣卫血气，皆未坚固，譬如草木萌芽之状，未经寒暑，娇嫩软弱，今婴孩称为芽儿故也。一周之内，切不可频频洗浴，恐湿热之气，郁蒸不散，遍身生赤游丹毒，俗为之溜，片片如胭脂涂染，皆肿而壮热，若毒入腹者，则腹胀硬气，以致杀儿，此因洗浴而得也。若肌肉宽缓，腠理开泄，包裹失宜，复为邪所乘，而身生白瘤。皆肿而壮热也，或憎寒壮热，鼻塞脑闷，或上气痰喘，咳嗽吐逆，种种之疾，皆因洗浴脱着而得也。治赤瘤丹毒，可用小刀子疏去瘤头赤晕恶血毒汁，次以冰黄散、葛根白术散、惺芎散主之。败毒散及升麻汤、防己散皆可选而用之。又丹热、实热、龙带热，并用大连翘汤加大黄及灯心煎服殊验。

冰黄散

土消 大黄细末，各二钱

上二味相合，新汲水调搅匀，用鸡羽蘸药，涂刷毒上。

葛根白术散 治赤白丹肿毒。

白术二钱半 茯苓去皮，二钱 木香 甘草

各二钱 芍药 葛根各三钱 枳壳去瓤，麸炒，二钱五分

上锉散，每服三钱，水一盞，煎七分，去滓热服。

惺芎散 治赤游肿，不可服冷药。

茯苓去皮 白术 人参 甘草 枳壳 细辛去苗 川芎各等分

上锉散，每服三钱，水一盞，煎七分，去滓热服。

败毒散 见第五十问。

防己散 治丹毒候。乃热毒之气，与血相搏，而风气乘之，故赤肿及游走遍体者，又名赤游风，入腹入肾则杀人。

汉防己半两 朴硝 犀角 黄芩 黄芪 川升麻各二钱半

上锉散，加竹叶煎，大小随病加减，一方去朴硝，有泽泻。

白玉散 治赤游丹毒。

滑石 寒水石各一两

上为末，米醋调敷患处。或肿至外肾有破处，只用水调。

大连翘汤 见第三问大连翘饮子。

消毒散 治丹毒及疮痘已出，毒气壅遏，壮热狂燥，睡卧不安，大便秘涩，咽喉肿痛，胸膈不利，痘疹消破，却可服之。

牛蒡子炒，二两 荆芥穗 甘草炙，各半两

上锉散，水煎。自利及痘疮未破，不可轻服。或加防风、连翘、升麻、蝉蜕、赤芍药，有热加黄芩、防风、犀角消毒饮。

疮癬 第九十七问

汤氏云：小儿伤湿，血气壅滞则生疮，多由父母奶子不好洁净，衣褥不与频换洗濯，或尿屎秽污，连日不洗，亦能漫溃面成疮。天气温和，频与澡洗更衣，名曰外宣，亦不须服药，小儿不得已而服药，此乃下策，将养合宜，何病可侵？更令乳哺有节，勿令过饱，其身乃如蒔树，此调养之理也。浴方春用柳条、荆芥，夏用枣叶、槐枝，秋冬用苦参，频浴身安外宣无病。金华散又敷疮癬

等方，皆可用也。摩风膏敷疮癣极妙，兼服羌活散加防风、荆芥及人连翘饮、升麻汤等剂。

金华散 治干湿疮癣。

黄丹煨，一两 轻粉一钱 黄柏 黄连各半两 麝香少许

上为末，先洗，次干掺之，如干癣疮，用腊月猪脂和敷，如无，用麻油。亦可加黄芩大黄。

摩风膏 治小儿遍身疥癣瘙痒。

苦参 沥青 羌黄炮 黄蜡各一钱 巴豆三粒，去壳 轻粉五分 全蝎二枚 真麻油半两

上用麻油煎至巴豆焦，滤去所煎物，入轻粉和匀，敷疮疥效。

一方 治恶癣，以紫贝草根、生白矾少许，同搗烂涂患处，两次可断根。

又方 用砒少许，滴醋同熬为膏，涂之。

又方 以斑猫去头足，糯米炒黄，去米，以淮枣煮熟，去皮取肉为丸，唾津调搽之尤妙。

羌活散 见第二十问人参羌活散。

大连翘汤 见第三问大连翘饮子。

升麻汤 见第五十二问。

瘰疮 第九十八问

巢氏云：夫小儿瘰疮者，为风热毒气所乘，搏于皮肤，乃生瘰浆，溃而成疮，故名曰瘰疮也。汤氏牛黄散、淋洗方治之。又有瘰疽发有数种，先作点而后露骨，小者如粟如豆，剧者如梅如李，赤黑青白，色变不常，或生口齿，或肚脐，或背臀，发无定处，大概多见于手指之间，根深入肌，走臂游肿，毒血流注，贯串筋脉，烂肉见骨，出血极多，令人狂言烦躁暖闷，皆毒气攻心之候也。南星、半夏、白芷末敷之，用药先洗而后敷之甚佳。其诸疗理推广痈疽法度行之，皂角、血余等药尤佳。

牛黄散 见第三十七问。

三黄真珠散 治疳积壮热，生敛淫疮，俗呼为瘤，脓水流处，便温烂成疮。此证当内服消食退疳积之药，后用此。

松香 五倍子 黄连 黄丹 海螵蛸各三钱 轻粉 雄黄各少许

上七味并为细末，疮干则以香油调敷，湿以干掺，先以莹肌散煎洗，然后用此药。

莹肌散 洗疮。

赤芍药 防风 苦参 薄荷 甘草炙 刘寄奴 黄柏

上等分煎汤，洗去患处宿脓后，以前三黄散末掺疮上，三二度即成痂而愈，或只服化毒丹。

麻证水痘 第九十九问

汤氏云：凡小儿斑疮之候，乃天行时气，热不能解，蕴积于胃，而胃主肌肉，毒气熏发于肌肉，状如纹子所晒，乃成斑毒也。赤者十生一死。此症与斑症不同，发斑乃如绵纹，有空缺处，如云头之状；麻症乃遍身，无空缺处，但疏密之不同，分轻重耳。黄连杏仁汤，治婴孩受邪，热甚作麻疹之症，其疮渐出，咳嗽烦闷，呕逆清水，眼赤咽喉，口舌生疮，宜服此以解之。又有黄芩知母汤，治小儿麻症，催出得疮，斑烂癩疹如锦纹，或白脓者，腥臭不能干，心胸渴闷，呕吐清水，身体温热不时，宜进此以治之。起初疑似之同，可服升麻汤，头痛热甚者，可服柴胡升麻汤，化斑汤、羌活散、蝉蜕饮皆可。又有发热一二日，而出水泡即消者，名为水痘。但用轻剂解之，即便痊可，羌活散、升麻消毒饮主之，麦煎散亦可服，又可服大连翘汤以解利之。《活人》用黄连橘皮汤治温毒发斑，可治出麻作泻，服此下利当先止，与黄连杏仁汤同，但多制厚朴、甘草耳。

麻症始终宜服麻黄汤表。

斑症可下不可表。

痘症表下俱不可。

黄连杏仁汤 治孩童受邪热候，作成麻痘之症，其疮渐出，咳嗽烦闷，呕逆清水，眼赤咽喉，口舌生疮，作泻。

黄连一两 陈皮 杏仁去皮尖，麸炒 麻黄去节 枳壳去瓤，麸炒 葛根各半两

上锉散，每服三钱，水煎服。作泻者加厚朴、甘草。

黄芩知母汤 治小儿五脏邪热，作成麻症，疮出斑烂癩疹如锦纹，或白脓水腥臭不干，心胸

闭闷，呕吐清水，身体温壮不时，宜服之。

葛根 陈皮 杏仁去皮尖 麻黄去节 知母 黄芩 甘草各半两

上锉散，每服二钱，水一盏，煎半盏，去滓服。不呕逆，去陈皮加芍药，如吐则用之。

升麻汤 见第五十二问。

柴胡升麻汤 见第五十二问升麻汤。

化斑汤 见第九十五问。

羌活散 见第二十问人羌活散。

蝉蜕饮 见第二十问蝉蜕钩藤饮。

消毒饮 见第九十六问。

麦煎散 见第五十四问。

黄连橘皮汤 见第九十五问。

疮疹 第一百问

仲阳云：疮疹候，而燥腮赤，目胞亦赤，呵欠顿闷，乍凉乍热，咳嗽嚏喷，手足稍冷，夜卧惊悸，多睡烦躁，发热脸赤，唇红身痛，头疼痰涎，伤寒证候类有之，并疮疹证，此天行时气之病也。始发之时，因伤风伤寒而得者，有因时气染易而得者，有因伤食呕吐而得者，有因跌扑惊怒蓄血而得者。或又为窜眼禁牙，惊搐如风之证，或为口舌咽喉，腹肚疼痛之状，或为烦躁发热，脸赤狂闷，昏睡谵语之形，或自汗，或下利，或发热，或不发热，症候多端，卒未易辨。方论所载，以耳冷、尻冷、足冷验之，盖谓疮疹属阳，肾脏无证，耳与尻、足俱属于肾，故肾之所部独冷。就疑似之间，或中或否，不若视其耳后有红脉赤缕者为真，于此可以稽验矣。其脉洪大而弦数，诊脉之际，身略战动，是其证也。调护之法，首尾俱不可汗下，但温凉之剂，兼而济之，解毒和中安表而已。凡热不可骤遍，但轻解之，若无热则疮又不能发也。虚者益之，实者损之，冷者温之，热者平之，是为权度。借喻而言，亦如庖人笼蒸之法，但欲为松耳。如苟妄汗，则荣卫既开，转增疮烂；如苟妄下，则正气内脱，变而归肾，身体振寒，耳反热，眼合肚胀，其疮黑坏，十无一生。舌黑者尤难疗。何者？疮随五脏见证，未发则五脏之证悉具，已发则归于一脏，受毒多者见之。故肝脏水

疮，泪出如水，小而疮青。肺脏脓疮，其涕稠浊，色白而大。心脏发斑，血疱色赤而小。脾脏发疹，色黄微赤有小疙瘩。惟归肾则变黑焉。青紫干陷。疮疹属阳，本无肾症。肾在腑之下，不受秽毒，故无症。阳取火也，肾取水也，以火用事，为水所制，岂不殆哉。朱氏云：疮疹已发未发，但不可疏转，此为人戒，疮疹首尾皆不可下，及辄用利药，毒气入里即杀人。以此观之，疮疹症状，虽与伤寒相似，而疹痘治法，实与伤寒不同。伤寒所传，从表入里，痘疹所发，从里出表，盖毒根于里，若下之，内气一虚，毒不能出而反入焉，由是土不能胜水，黑陷者有之；毒发于表，若汗之，则荣卫一虚，重令开泄，转增疮烂，由是风邪乘虚，变症者有之。汗下二说，古人之所深戒也。调解之法将如何？曰：活血调气，安表和中，轻清消毒，温凉之剂二者得兼而已，温如黄芪、当归、木香辈，凉如前胡、干葛、升麻辈，佐之以川芎、芍药、枳壳、桔梗、羌活、木通、紫草、甘草之属，则可以调适矣。凡小儿觉身热，症似伤寒，但未经疮痘，疑似未明，且与惺惺散、抱龙丸、升苏散；热甚则先与升麻汤，或加川芎、紫苏、茯苓；呕吐者，香苏饮加半夏、茯苓、白芍药；泄泻者，香苏饮加白术、茯苓；吐泻胃虚者，陈氏木香散；渴者，升麻汤加紫苏、茯苓；发搐及谵语热甚者，至宝丹、抱龙丸和服。疮疹未出透者可服，如出已透肤者不可服也。或用防风天麻丸亦可。如一二日疹出，红点如麻子，大小不一等者轻，一齐并出，密甚者重，并服四圣散；及泄泻者，紫草木香汤，或四君子汤加木香、丁香；如冷战出不透者，加官桂；有惊热出透者，快斑散治之，内有蝉退者也。三四日疮疹出不快者，四圣散；皮肤冷者，加木香、肉桂，更须活血散，温酒紫草汤调下，以助药力，则出快；如欲止痛，用温热水调下；如紫色黑陷内热者，大便秘者，用龙胆膏，猪心血、辰砂、脑子研细末，木香汤调下可也，或用猪尾膏亦可，如内无大热，不可轻服也。常用胡荽酒喷帟帐及身上为佳，不可喷而上以辟恶气耳。又烧苍术，降真香亦佳。五六日痘疮甚，但服芍药甘草汤定痛，多服不妨，却服甘露饮数服，或口内有脓疮，咽喉肿痛，不能乳食者，并皆治之。七八日疮透，略

烂，方可服地黄汤；大便秘者，服消毒饮。凡痘根窠红活，光泽明净者轻；如损陷稠密，灰白色，泻渴者重。无热者，可服四物汤，用麦门冬、防风、蝉退等剂。九日十日有热甚，可服犀角地黄汤、消毒饮，便利者不可服；小便不通者，大连翘汤加减服，以小便利为度，导赤散、羌活散皆可服；热甚者，小柴胡汤，渴甚者，白虎汤，大便秘甚数日不通者，宣风散一服便可，间服前药；痘疮长足肥满苍腊色者轻，寒战闷乱腹胀，烦渴喘急咬牙者重。十一日十二日，痘疮当靨，疮痂欲落而欲愈也，若痘疮欲靨之间，或不能靨，或腹胀烦渴，或泄泻气促者，不可与蜜水瓜果等冷物，食之即死；当与木香散，异功散，加减服之。凡小儿先发搐、而后发疮者生，如疮已瘥，后发搐，或吐或泻者死；先发热而后出疮者存，疮已发而后泄不止者亡。疮瘥而忽泻脓血痂皮者顺，泻血而水谷不消者逆，或泻血而疮坏无脓者亦不可救。要知阳明主肌肉，胃气不可一日不强也。凡出疮疹，先须护眼，或用辰砂、或用胭脂，以涂眼眶，内有红花以活血尤妙。如痘疮入眼，宜与决明散、紫贝散；疮痂欲落不落，则用酥油或白蜜时时润之，可揭则揭去；若失润揭迟痂才硬则成癍痕，仍用灭癍药敷之。切不可与鸡鸭卵与食，食则即时目盲，瞳子如卵白色，其应如神；亦不可再食猪肉，不可不戒也。中间钱氏有百祥丸下之，及有用牙人牙齿之药，不可轻服，甚以为戒也，不若用独圣散与牛李膏为愈。或痘疹已发，为风冷所伤，柴卫不和，或为宿食所伤，内气壅遏，以致冰硬者，调解散主之。如泻不止，用参苓白术散加木香可也，四君子汤加木香、豆蔻亦妙。虽然疮黑本为恶症，治之有方，犹有幸而生者。至于调卫之际，乳毒不能禁口，流毒于儿；或粥食乳哺不时，使之饥虚；或衣被不周，致伤风冷；以至闺房有触，外邪有犯，则以冰硬变坏而归肾，自我致寇，又谁咎耶！能调卫者，以温散汤剂，酿乳饮之，谨护风寒，使之气体通和；其于粥饵，则勿令饱而气实，饥而气虚，斯为得矣。然疮曰圣疮，七日热而发，七日瘁而干，又七日平复如旧矣。若实实虚虚，损不足而益有余，则疮出甚难；如调顺血气，温和脾胃，均平冷热，则疮出甚易。

调解之法，无逾于此，故备论之。疹症初感，未出而发热者，扁鹊油剂法治之，则出疹甚稀，或即消解而疮疹不发者有之，自然解散，而安泰必矣。

惺惺散 见第五十问。

抱龙丸 见第五十一问。

升麻汤 见第五十二问。

升苏散 治小儿出疹发热，疑似之间，以此解之。

升麻 葛根 赤芍药 紫苏 茯苓 川芎 甘草各等分

上锉散，白水煎服，如呕者，加半夏、茯苓、白芍药、生姜煎。

香苏散 治小儿出疹症，作泻。

香附子 陈皮 紫苏 川芎 甘草 白芷各等分

上锉散，生姜葱白煎，或白水煎，泻症加白术、茯苓，呕症加茯苓、白芍药。

木香散 治疹痘冷症。

木香二钱 前胡去芦 诃子肉 陈皮 丁香 官桂去皮 大腹皮 人参 半夏 甘草 赤茯苓各三钱

上锉散，每三钱，水一盏，煎六分，去滓，带热空心服，量大小加减。药性温平，扶阴助阳，治腹胀泻渴。如虚加糯米一撮，黄芪三钱同煎。

至宝丹 见第二十问。

四圣散 治小儿痘子已透，皮肤未透，用药发痘。

紫草 木通 黄芪 甘草 枳壳各等分

上锉散，煎服，得痘嫩，却住服，且服芍药甘草汤、甘露饮。

加味四圣散 治痘出不快，及变陷冷症可服。

紫草 木通 木香 黄芪 川芎 甘草

上锉散，每服三钱，水煎不拘时服。大便秘涩，加枳壳少许，大便如常，糯米百粒，糯解毒能酿而发之。

紫草木香汤 治痘疹出不快，大便泄利。

甘草炙，少许 紫草 木香 茯苓 白术各等分

上入糯米煎，盖紫草能利大便，木香、白术，所以佐之也。

四君子汤 见第十六问。

快斑汤 治疮疹不快。

紫草 蝉退 人参 白芍药各二钱半 木通一钱 甘草炙，分

上锉散，每服三钱，煎服。

活血散 治痘疹出不快。

白芍药

上为细末，每服一钱，以温酒调服。如欲止痛，用温熟水调下。

龙脑膏 治时疾，发碗豆疮，及赤疮子未透，心烦狂躁，气喘妄语，或见鬼神，或已发而陷伏，皆宜速治，不尔毒气入脏必死。

生龙脑一钱

上研细，旋滴猪血和丸，如芡实大，每服一丸。心烦狂躁者，用紫草汤下，若疮子陷伏者，用温酒化下，少时心神便安得睡，痘疮发透，依常将息而取安也。

猪尾膏 治疮子倒靨^①，心神不安。

用小猪尾尖，刺血一两点入生脑子少许同研，用新汲水调下立效。入辰砂一钱，木香汤调下亦妙。

胡荽酒 治痘疮初发时可用，绕房喷之，以辟秽恶之气。

胡荽一两

上细切，以酒二大盏，煎数沸。从顶以下含酒喷之，背脊胸腹，及两脚通。勿喷面。

芍药甘草汤 见第四十四问。

甘露饮 见第七十二问。

犀角地黄汤 见第七十二问。

消毒饮 见第九十六问。

加减四物汤 治痘疮入目，或疮收后。

当归 芍药 川芎 苍术 白菊花 干葛 羌活各等分

上锉散，每服二钱，水一盏煎服。

大连翘汤 见第三问大连翘饮子。

导赤散 见第八问。

羌活散 见第二十问人参羌活散。

小柴胡汤 见第二十九问。

白虎汤 见第五十八问。

宣风散 治风痰壅盛，或大便紧涩，肚急诸般疳气，肚急、惊风、痰潮皆可服。热症便秘，并宜服之，此乃宣利之药。

槟榔一个 陈皮去白，半两 粉草二钱 黑牵牛四两，半生半炒

上为末，食前蜜汤调下一服。

异功散 治小儿出疹冷症，此药能除风寒湿痹，调和阴阳，滋养血气，使痘疮易出易靨，不致痒塌。

木香 当归 人参 陈皮 厚朴 丁香 肉豆蔻各二钱五分 桂 茯苓 白术各二钱 半夏 附子炮，各一钱

上锉散，每服二钱，水一盏，姜二片，枣三个，煎六分，去滓稍热服。出疹泻不止，冷者可服。

决明散 治小儿痘疹入眼。

栝楼根二钱 决明子 赤芍药各一钱五分 甘草一钱

上捣罗为末，每服半钱，水调下口三服。

紫贝散

紫贝一个，生用，即研螺也

上为末，用羊子肝批开，掺药末一钱，线缠，米泔煮熟，入小瓶内盛，乘热熏，候冷取出，星月下露一宿，来早空心服。

韶粉散^② 治小儿痘疹才愈，而毒尚未散，疮痂虽落，其瘢犹黯，或凹或凸肉起，当用此涂之。

韶粉一两 轻粉一钱

上为末，入猪脂油调匀，涂疮瘢上，欲落不落，当灭瘢痕。或用羊骨髓一两，入轻粉一钱，研成白膏涂疮上。如痘疮全好，如痒甚，俱搔成疮痂不落，用上等白蜜涂之，其疮痂落，亦无赤黑瘢痕，最为神妙。

独圣散 治痘疮陷入不发，色黑而气欲绝，当服此渐苏红润。

穿山甲汤洗净，炒令焦黄色用

① 倒靨：病证名，指痘疮不能结痂。

② 韶粉散：上海大东书局本作“灭瘢散”。

上为末，每服半钱，入麝少许，南木香汤调下。或紫草煎汤，入酒少许调下。

牛李膏 又名必胜膏。

牛李子不以多少，一名鼠李子、牛调子、楮李、乌罌子，随地呼其名。

上取汁，石器中熬成膏。牛李野生道边，过秋结实，黑圆成穗。或无生者，市肆中买干者为末，水熬成膏，每服皂子大，煎杏仁汤化下。

调解散 治痘疮已发，或为风冷所折，荣卫不和。或为宿食所伤，内气壅遏，以致冰硬，并主之。

青皮 陈皮 桔梗 枳壳 半夏 川芎 木通 干葛 甘草 紫苏各等分 人参减半
上锉散，每服二钱，姜枣煎服。

参苓白术散 见第八十一问。

扁鹊油剂法 治小儿发热，恐成痘疮，以此止之。

生麻油 童便各半盏

上逐旋夹和，以柳枝搅令如蜜，每服二蚬壳许，服毕，令卧少时。但三四服，大小便利，身体热退，即不成痘疮之症。若形迹已露，则不可服也。

又方 治小儿脏腑伏热，未成疹子疾候，四肢微觉有热，食物似减，头发干直，或时额上微热，宜生油汤剂法。扁鹊及仓公用，谓之神剂。

生油一盏

上令如入体温，将热水一盏，旋旋入油盏内，不住手以箸打搅，候入熟水尽，令匀如蜜即止。夜卧时服，三岁至百晬儿，每服二蚬壳许，五岁至七岁每服三蚬壳，十五岁每服三大蚬壳许，直至大人服五蚬壳，或三大合，每日饮后良久与服，服毕令卧少时，如三五服大小便利，四肢热退，则疹痘不复发，当自安也。

又方 以手蘸麻油，摩其背脊间，直至尾骨，亦验也。

紫草木通汤 治疹出不快。

紫草 人参 木通 茯苓 糯米各等分 甘草减半

上锉散，每二钱煎。内虚大便利下，入南木香、去紫草。

蝉蜕膏 御风邪，辟恶气，透肌表，快疮疹。

蝉蜕 当归 防风 甘草 川芎 荆芥穗 升麻各等分 加芍药

上为末，炼蜜丸芡实大，每服一丸，煎荆芥汤化下。

安斑散 调理疮疹。

升麻 赤茯苓 黄芪 羌活 人参 枳壳 炒 桔梗 甘草各半两

上锉散，每二钱，紫草少许，薄荷一叶煎，温服。

如圣麦门冬汤 治小儿疮疹，毒气上攻，咽喉口舌生疮，不能吮乳。

桔梗 牛蒡子炒 麦门冬去心 甘草各半两

上锉散，每服二钱，淡竹叶煎服。《活人书》云：为末，每服二匙，沸汤调，细细呷入口内含下。

太和散 治小儿疮疮，及伤寒时气，病后余邪不解发热。

生地黄 当归 人参 地骨皮 赤芍药 甘草各等分

上锉散，每二钱，白水煎服。

去疮疹方

密陀僧

上为细末，水调涂甚妙。

龙胆丸 治小儿五疳潮热，而色痿黄，乳食迟化，日渐羸瘠虚弱。

龙胆 芦荟 肉豆蔻煨 黄连 木香 神曲 麦蘖炒，各等分 亦可加槟榔、使君子。

上末，面糯丸如黍米大，三、二十丸，温米饮送下。有热加胡黄连、柴胡、辰砂，去木香、芦荟、肉豆蔻。一方用龙胆、黄连、青皮、使君子等分末，猪胆丸。

疳积丸 治诸疳有虫。

百草霜炒 雷丸 芫荇各三钱 巴豆去壳，一两，净去心膜，不去油

上为末，甑上饭丸，如粟米大。一方黄丹衣，每服一丸，空腹米饮下。一方青黛衣，每服一丸，空心米饮下。

治嗽，含膏丸

葶苈炒，微焦 知母 贝母各一两，为末，二味同巴豆七粒炒，去巴豆不用

上先将葶苈子捣成膏，次入二味，以枣肉半两捣匀，入砂糖丸如芡实大，每一丸绵里咽津，甚者三丸。

画眉膏

山梔十五个，炒，存性 雌黄 辰砂 轻粉各少许

上另为末，和匀香油调成膏，伺儿睡着时，画上眉间，便不患乳。十分难断者，不过再敷，即不思乳矣。

治小儿乳嗽。

杏仁 桑白皮 桃核肉 半夏 甘草各等分

上生姜薄荷同煎。此方鲁仲德抄吴氏方。大连翘饮 见第三问，此多羌活一味。

化风丹

荆芥 黄芩 防风 羌活 独活 天麻 胆南星 川芎各等分 辰砂 甘草俱减半

上末，蜜丸如芡实大，每服一丸，薄荷汤化下。一方加白附子、全蝎、僵蚕三味。

玄参剂

芍药 玄参 升麻 地黄 甘草 黄芩 龙脑叶 山梔 连翘各等分

上末蜜丸，辰砂为衣，丸如芡实大，每服一丸，薄荷汤送下。

红绵散 合有甘草。

全蝎 天麻 苏木 麻黄 荆芥 朱砂 僵蚕 南星 干葛 翘脂 热加防风。

上各等分，绵包，生姜、薄荷煎服。

天麻丸 治乳嗽。

天麻 辰砂 防风 胆星各一钱 天竺黄 白附子煨 坯 雄黄 蝉退 僵蚕各五分 川芎 硼砂各七分半

上为末，蜜丸金箔衣，加牛黄、片脑，丸如芡实大，每服一丸，薄荷汤化下。

常用药方歌括：

败毒羌柴独活前，芎苓参桔及甘煎，疹加风荷并蝉退，腰痛桃仁任意添。

五积六苍三桔梗，两半麻陈枳壳并，一两朴

姜三分夏，归芍芷桂及甘苓。姜煎加入柴芎贝，参术同成轻骨名。

调中苓葛葶甘苓，芍便仍兼白术平，壮热恶风并入利，或时脉敷此为灵。

参苏苓夏葛前三，枳梗陈甘梅二参，姜枣煎来随童服，大能发散更消痰，去却参梅芎用四，前柴互换亦相堪。名香苏散。

平胃甘三陈朴膏，入苍姜枣或盐调。不换金须加藿夏。养胃参苓果莫饶。

消风丰解芷陈荆，苍术麻甘姜便成。

金沸麻前各用三，芍甘夏一四荆参。或除麻葛换辛茯，同治伤风嗽有痰。

梔子仁知芍大青，四芎高杏及苓升，入煎柴六甘须二，阳毒伤寒姜豉成。

解肌甘一芍苓二，桂一甘三葛四煎，壮热恶风身体痛，脉浮无汗此为先。

香苏四分陈皮二，在一或加芎芷煎，更入麻黄升芍药，十神只要葛多添。

柴胡石膏须用四，葛芍柴胡元不异，升二苓桑荆芥三，姜豉同煎古贤置。

菱茹三分高须四，葛二征羌和杏芎，甘与青梅同葛敷，水煎对症有神功。

缩脾砂果梅甘二，豆葛只消一分参，水煎代饮方极妙，暑伤还取症来看①。

小续命汤

术参芍药同防己，麻桂甘苓二分童，防一风三姜枣煮，刚柔二症并能攻。

八解胃君四，同去苍加藿。五苓猪茯术皆三，泻五还将桂二参。干葛二芎余并一，参术苓梅甘藿参，此是小方白术散，渴兼吐利变风痲薄荷四芍羌蝎麻，甘蚕一分亦同加，竹叶白附还须二，薄荷汤调惊热差，或去蝎蚕天竹附，柴苓芎梗代尤佳。

红绵散

麻蚕芎芷天麻二，苏木甘全蝎一荆，绵煎对症明加减，愈却伤风咳嗽惊。

大连翘汤

① 暑伤还取症来看：此句后原衍“儿童花豆成”五字，据上下文例删。

连翘荆芥通车芍，归活风柴蝉共甘，等分梔苓还减半，煎须柴草正相堪。

知母甘葛汤

知母三钱干葛八，六高麻四五萎蕤，甘苓风活星皆二，梅杏升参芎不殊。

排风三味先为主，独活麻苓三分同，杏术当归甘桂芍，藓皮二分共防风，姜钱作使煎来服，五脏风伤尽解攻。

木香流气念三般，十六陈皮夏独单，通四若加槟果藿，丁皮梅桂腹蓬三，朴苏甘附青皮八，余药皆同二分参，苓术麦瓜菖与芷，枣姜作使药方完。滑利米煎葱解表，妇入艾醋血症安，一方去藿沉香代，枳换菖蒲必炒干。增入大黄能治体，总应念四请详看。

治眼方

梔子 黄柏 黄连 黄芩

上四味捣为细末，贴在碗底上，用艾火熏之，取起，稍加水，用纸盖水上，取清水点眼内立效。

治心痛方

白乌鸡粪五钱，晒干研细，罗成碳 松粉五钱，
研细

上用葱根汁，将前二味合匀，为丸如桐子大，黄丹为衣，每服五丸，温醋送下，忌腥冷硬物等件，三、四日立效。

备急经验方 治破伤风，极有神效。

余昔闻本县大尹张公曾言：吾有一妙方，专治破伤风，单只一味，极有神效。用人家粪内蛴螬虫一个，烂草房上亦有之，将它脊背用手捏住，俟它口中吐水，就擦抹在疮口上，觉麻身上汗出，无有不活者。及今余家第四子，忽于额上跌破一处，七日成风，急寻此虫治之，时间汗出就好，余有感于此，不敢隐味，恐损阴鹭，就刊此传之。将虫用过还埋粪内。

治搭背疮极有神效

用生蜂蜜和生面为饼，贴于疮上，待饼干，再换三五次即愈，疮有口者，将面饼亦口上贴之。

治小儿痘疗，极有神效

珍珠生，为细末 碗豆烧为灰、细末 头发烧灰，细末 湿胭脂生用

上量疗疮多少，加减为用。将四味和为一处；先用簪尖拨疗口，次将此药贴入疗内，即时大小疮皆变为红白色，而无有不活者。大凡入家小儿出痘疮，若灰黑顶者，十，八九死，为乡入者，不识内有痘疗，又不晓治法故也。余昔日曾访问诸多良医，皆言痘疮未出全者，有药可表，及疮出后有灰黑色塌顶者，皆无方可治之，今要认出黑色内有疮大者为疗，或疮内有疗线者为疗，又有疮内臭气者为疗，亦有数等，若依此方治之，立有神效，此方治好多入，倘有好事君子，传写四方，贴于街市而共治之，则福庆延长，子孙保安矣。

又方 治小儿出痘。

穿山甲锉细，用蚌粉入铤内，炒令黑色存性，研细，入麝少许。每半钱一钱，温酒调服，其效如神，虽遍身黑而欲绝，亦能苏省而发红色。

治小儿疮疹不透，陷伏危困者入牙齿三五，炙令黄为末，乳香汤送下。烧过为末，温酒调下亦可。服后片时，其便发透。

治痘疮后眼方

羌活 防风 川芎各二钱半 甘草二钱
木贼 绿豆壳 荆芥各三钱 蝉退二钱 谷精
草二钱 蛇退 鸡子壳薄皮各一钱

上为末，清茶调下，日三服，一应障翳皆可磨退。

治小儿夜啼

灯花七个 硼砂二分五厘 朱砂少许

上研极细末，蜜调成膏，候小儿困时，以少许抹口唇上。

幼科发挥

明·万全著
郭瑞华校注

校注说明

《幼科发挥》是一部明代儿科专著,作者万全,号密斋(公元1495年~1585年),湖北省罗田县大河岸人。祖籍江西豫章(今南昌市),祖父万杏城为豫章一带著名的儿科医生,其父万菊轩于明成化十六年(1480年)移居罗田,仍以医为业,尤善长儿科。万全早年习儒,因仕途不达而学医,且“禀生业岐黄术,活人甚众”,成为一代名医。他精研经典之旨,勤于实践,善于总结经验,一生著作颇丰,现传世者约有20余种,包括妇科、儿科、痘疹专著,《幼科发挥》是其中之一。

《幼科发挥》上、下两卷,其内容有四大部分。第一部分相当于总论,主要论述了胎儿发育过程、妊娠调摄、小儿生理特点、病因病机、证候诊断、治疗原则等问题。第二部分是“胎疾”,包括胎毒、脐风、变蒸诸证。第三部分是“幼疾”,以五脏为纲,统领诸病。每一脏之下,设主病、兼证、所生病三大项。最后一部分是“汤方”,记载了75个儿科常用方剂。

《幼科发挥》的学术特点有以下几个方面:1. 遥承经典,尊崇前贤,博采众长,禀传家法。在学术上,万全十分注重细承性,善于借鉴前人成功之经验。文中大量引用了《内经》、《难经》、《伤寒论》等理论来分析小儿病因病机。在治疗上,运用钱乙所创的方剂,如利惊丸、白丸子、异功散、安神丸、止汗散等颇有心得,书中还广泛吸取了金元有名医家刘河间、李东垣、朱丹溪等人的有关论述及所创方剂,书中记载了万氏三世家传治疗儿科疾病的宝贵经验,以祖传十三方最具有代表性。2. 师古不泥,敢于创新。万全虽然崇古遵经,但是他师古而不泥,如关于胎毒的病因病机,他认为:“五欲之火,隐于母血之中,即是毒也。男女交媾,精气凝结,毒亦附焉。”提出了胎毒与先天禀赋有关的观点。3. 重视固护小儿脾胃之气。治疗小儿疾病,万全强调“胃者主受纳,脾者主运化,脾胃壮实,四肢安宁,脾胃虚弱,百病蜂起。故调理脾胃者,医中之王道也。”“小儿脾常不足,尤不可不调理也”。从调乳母、节饮食、慎医药三个方面进行调理。该书理法方药俱备,间附医案,简明扼要,通俗易懂,切合临床,便于掌握,是中医儿科重要的参考著作。

该书刊刻次数较多,版本混乱无绪,经初步考查,简要叙述如下:

《幼科发挥》以丛书与单行本两种形态流传于世。丛书本现存者主要有《万密斋医学全书》、《万密斋幼科三种》中的《幼科发挥》。单行本主要版本有:①日本宝永四年(1705年)柳川了长据元禄八年武村新兵卫刻本重印本。该版本由医界春秋社1937年影印。②清康熙五十四年(1715年)郑枚刻本。③清康熙年间韩江张子谦据郑枚刻本重订本。

本次整理,以清康熙五十四年(1715年)郑枚刻本为底本,主校本为韩江张氏重订本(据郑枚本重订,为郑氏静观堂所藏,简称为“静观堂本”)。参校本有:日本宝永四年柳川了长据元禄八年洛阳书肆武村新兵卫刊本重订本(简称为“日本本”)。他校本有:《小儿药证直诀》、《万氏家传育婴秘诀》、《万氏家传幼科心法指南》、《万氏家传广嗣纪要》、《黄帝内经素问》、《灵枢经》等。本次点校处理原则:1. 书中俗体字迳改为通行字。如“薄荷”改作“薄荷”,“煖”改作“暖”,“黯”改作“暗”,“蟹螯”改作“斑蝥”。2. 书中古今字、通假字一律不改动,如“内”不改为“纳”,“傅”不改为“敷”,但在首见处出校语说明之。3. 对书中个别冷僻难解的字词进行了简单的注释。4. 目录据校改后的标题重新编排。

校注者

一九九六年冬

叙万氏幼科源流

粤自先祖杏城^①翁，豫章人，以幼科鸣，第一世，蚤卒。先考菊轩翁，孤，继其志而述之。成化庚子客于罗，娶先妣陈氏，生不肖，乃家焉。其术大行，远近闻而诵之万氏小儿科云，为二世。罗有巨儒张玉泉、胡柳溪，讲明律历、史纲之学，公知全可教，命从游于夫子之门而学焉，颇得其传。翁卒矣，顾其幼科之不鸣^②不行也。前无作者，虽美弗彰；后无述者，虽盛弗传，不肖之责也。故予暇日，自求家世相传之绪，散失者集之，缺略者补之，繁芜者删之，错误者订之。书成，名《育婴家秘》，以遗子孙，为三世。惜乎有子十人，未有能而行之者。其书已流传于荆、襄、闽、洛、吴、越之间，莫不曰此万氏家传小儿科也。余切念之，治病者法也，主治者意也。择法而不精，徒法也；语意而不详，徒意也。法愈烦而意无补于世，不如无书。又著《幼科发挥》以明之者，发明《育婴家秘》之遗意也。吾不明，后世君子必有明之者。不与诸子，恐其不能明，不能行，万氏之泽，未及四世而斩矣。与门人者，苟能如尹公他得瘦公之斯而教之，则授受得人。夫子之道不坠，若陈相虽周孔之道，亦失其传也，诸贤喟之哉。

万历己卯夏至日自书味玄精舍密斋识^③

① 城：日本本作“坡”。

② 鸣：日本本作“明”。

③ 密斋识：此识落款原脱，据日本本补。

幼科发挥序

造化大慈也，有所授之手焉^①。有晰于其微而身皆传之者，是帝之力臣，而轩岐氏嗣响也。慈父母涂阱陷设夏威顾乃于意实嗜好而犊之，有形无形之别也。无形而汨天和，即慈父母之怀，犹然灾疹之区，矧乎寒热燥湿之微茫，而又以的为招乎。或者谓彭殤有主，方书之奇也，鲋龙之代甘脆也，则参、朮、芎、苓当不与山菁^②并烂，其半为造物所蠹者，天与人并不并至也。而不见夫蓬蓬者乎。塞向有方，指而胜之，蹇而胜之。南北海而踟躅犹有及也，而不见乎豫章之木乎。邓林之腴，青阳之德，然必七年而后可觉。方芽而斲削是寻，其尽也斯须，奈何养赤子者。爱于一指一踏，斧斲而还自贼也。其忽锱铢，其讎什伯^③，早觉者，反是操寸帙而攻万瘥，代冥冥力故^④耳。目递贵于方輿之内，所谓朝宓轩而参元宰者，万氏于此道至焉哉。广删者弓褐皇皇焉，而几得之，己痘者疹^⑤治皇皇焉，而几得之，其危而不可必者，屡屡也。斯书成人之命，所必欲得者，无不得之于万氏，则非鲋龙之诡，而甘脆之可递尝也。手授其徒，命曰《家秘》，不佞奄有赤子之邦，不以广而传之，是蔽造化之大慈，而不能得之于万氏者，无以得之于天矣，不佞又不以归万氏，而归之冥冥有神授之者也，庶几附于如保之意。

时万历己亥春三月上巳中宪大夫黄冈李之用书^⑥

① 手焉：原作“于焉”，据日本本改。
 ② 菁：忠信堂本作“青”。
 ③ 伯：日本本作“百”。
 ④ 故：日本本作“政”。连上句读。
 ⑤ 疹：日本本作“疹”。
 ⑥ 李之用书：此序落款原脱，据日本本补。

重刊幼科发挥序

余分符三水，携眷自闽来，幼子善病，邑中无良医。闻佛止有山左龚天锡精岐黄，亟延至署，服其药而愈。询其方，则罗田万密斋所著《幼科发挥》也，己丑冬抄。天锡年老，将族山左，念三水无良医，授余密斋所著书，并为长男翥讲解。天锡之意良厚矣！

嗣是署中幼子有病，按方治之辄愈。因会穷乡僻县，儿童病者，何限不得良医？往往误药以致夭扎。诚得是书而疗人疾，按症检方，观其寒热虚实，而施温凉补泻之剂，有不应手而愈者乎！则凡业幼科者，不可不精习此书，以保全赤子。而穷乡僻县，亦宜家藏一卷，以备缓急之用。古人云：中流失船，一壶千金。斯言也，其是书之谓乎。遂命神人，竖木传于世。

康熙乙未孟夏知三水县事龙岩郑玫题

目 录

卷之一

形气发微论	(448)
原病论	(448)
人门审候歌	(449)
观而部五脏形歌	(449)
观面部五色歌	(449)
三关脉纹变见歌	(450)
小儿正诀指南赋	(450)
胎疾	(451)
脐风	(452)
变蒸	(453)
变蒸兼证	(454)
幼疾	(454)

卷之二

五脏主病	(455)
肝经主病	(455)
肝经兼证	(455)
肝所生病	(455)
急慢惊风	(455)
急惊风有三因	(457)
急惊风证	(458)
急惊风变证	(460)
急惊风类证	(460)
天钩似痫	(460)
痘病似天钩	(460)
内钩似痫	(460)
盘肠似内钩	(461)
客忤似痫	(461)
中恶似痫	(461)
白虎证似痫	(461)
虫病似痫	(462)
马脾风似痫	(462)
慢惊有三因	(462)

惊风后余证	(464)
心经主病	(464)
心经兼证	(465)
心所生病	(465)
诸疮	(465)
诸汗	(468)
诸热	(468)
热有表里	(468)
热有虚实	(469)

卷之三

脾经主病	(471)
脾经兼证	(471)
脾所生病	(472)
肿病	(472)
胀病	(473)
腹痛有虫、有积	(474)
积痛	(475)
吐泻	(476)
呕吐	(477)
泄泻	(478)
痢疾	(482)
疳	(484)
初治法	(484)
中治法	(484)
末治法	(484)
疔	(485)
疽	(486)
调理脾胃	(486)

卷之四

肺脏主病	(490)
肺脏兼证	(490)
肺所生病	(491)
喘嗽	(492)

肾脏主病·····	(493)	五脏虚实补泻之法·····	(495)
肾脏兼证·····	(494)	因五邪之气所生病·····	(495)
肾所生病·····	(494)	〔附〕汤方·····	(497)

幼科发挥卷之一

形气发微论

大哉医乎，其来远矣。粤自混沌既判，鸿蒙始分。太阳之轻清者，以气而上浮为天；太阴之重浊者，以形而下凝为地。天确然而位乎上，地焕然而位乎下。于是阳之精者为日，东升而西坠；阴之精者为月，夜见而昼隐。两仪立矣，二曜行焉。于是玄气凝空，水始生也；赤气炫空，火始生也；苍气浮空，木始生也；素气横空，金始生也；黄气际空，土始生也。五行备，万物生，三才之道著矣。是以人之生也，禀天地之阴阳，假父母之精血，交感凝结，以为胞胎也。乾道成男，坤道成女，始自襁褓，以到韶龄，迨其成童，与夫壮年，岂易然哉。故一月之原，有白露之称；二月之胚，有干桃花之譬；及其三月，则先生右肾而为男，阴胞^①阳也，先生左肾而为女，阳胞阴也。其次肾生脾，脾生肝，肝生肺，肺生心，以生其胜己者。肾属水，故五脏由是为阴。其次心生小肠，小肠生大肠，大肠生胆，胆生胃，胃生膀胱，膀胱生三焦，以生其己胜^②者。小肠属火，六腑由是为阳。其次三焦生八脉，八脉生十二经，十二经生十二络，十二络生一百八十丝络，一百八十丝络生一百八十缠络，一百八十缠络生三万四千经络，三万四千经络生三百六十五骨节，三百六十五骨节生三百六十五大穴，三百六十五大穴生八万四千毛窍，则耳、目、口、鼻、四肢、百骸之身皆备矣。所谓四月形像具，五月筋骨成，六月毛发生，七月则游其魂，儿能动其左手，八月游其魄，儿能动其右手，九月三转身，十月满足母子分。其中有延月生者，必生贵子；不足日月生者，必生贫贱之人。诞生之后，有变蒸之热，长其精神，壮其筋骨，生其意志，变蒸已毕，一岁期焉。齿生发长，神志有异于前也。故曰，齿者肾之余也，爪者筋之余也，神者气之余也。吁！人身之难得也如此哉。方其幼也，有如水而之泡，

草头之露，气血未定，易寒易热，肠胃软脆，易饥易饱，为母者调摄不得其宜，必不免吐泻惊疳之病矣。及其长也，嗜欲既开，不能修养，是以六气逆侵于其外，七情交战于其中，百忧累其心，万事劳其神，一融之气，安能无病焉。小儿之疮疹，大人之伤寒，尤其甚也，是故圣人不治已病治未病，不治已乱治未乱，大病已成而后药之，乱已成而后治之，亦犹渴而穿井，斗而铸兵，不亦晚乎。

原病论

夫小儿者，幼科也。初生曰婴儿，三岁曰小儿，十岁曰童子。儿有大小之不同，病有浅深之各异，观形察色之殊，望闻问切之间，若能详究于斯，可竭神圣工巧者矣。盖望者，鉴貌辨其色也。假如而部左腮属肝，右腮属肺，额属心，鼻属脾，颧属肾。肝病则面青，肺病则面白，心病则面赤，脾病则面黄，肾病则面黑，是乃望而知之也。闻者，听声知其症也。假如肝病则声悲，肺病则声促，心病则声雄，脾病则声缓，肾病则声沉，此属于脏；又大肠病则声长，小肠病则声短，胃病则声速，胆病则声清，膀胱病则声微，此属于腑，是乃闻而知之也。问者，问病究其原也。假如好食酸则肝病，好食辛则肺病，好食苦则心病，好食甘则脾病，好食盐^③则肾病，好食热则内寒，好食冷则内热，是乃问而知之也。切者，切脉察其病也。假如小儿三岁以下有病，须看男左女右手虎口三关，从第二指^④侧，第一节名风关，二节名气关，三节名命关。辨其纹色，紫者属热，红者属寒，青者惊风，白者疳病，黑者中恶，黄者脾

① 胞：据文义当作“包”，下同。

② 己胜：原作“胜己”，据文义改。

③ 盐：据上文例当作“咸”。

④ 指：原作节，据文义改。

之困也。实见红紫可治，黑色则危矣。若见于风关为轻，气关为重，过于命关，则难治矣。至三岁已上，乃以一指按寸、关、尺三部，常以沉实七至为率，添则为热，减则为寒，浮洪风盛，数则多惊，沉迟为虚，沉实为积，是乃切而知之也。大抵小儿之病，大半胎毒，而小半伤食也，其外感风寒之疾十·而已。盖小儿之在胎也，母饥亦饥，母饱亦饱，辛辣适口，胎气随热，情欲无节，或喜怒不常，皆能令其子受患。其为母者，胎前既不能谨节，产后尤不能调护，是以唯务姑息，不能防微杜渐，或未满百晷^①，而遂与酸咸之味，或未及周岁，而辄与肥甘之物，百病由是而生焉。且小儿脾胃，本自娇嫩，易于伤积。乳食伤胃，则为呕吐；乳食伤脾，则为泄泻；吐泻既久，则变缓惊，或为疳病。乳食停积，则生湿痰，痰则生火，痰火变作，则为急惊，或成喉痹。痰火结滞，或成痛吊，或为喘嗽。又如胎寒者，禀受有病也；脐风撮口者，胎元有病也；鹅口口疮者，胃中有湿热也；重舌木舌者，脾经有实火也；走马牙疳者，气虚湿热也；爱吃泥土者，胎毒将散也；丹毒者，火行于外也；蕴热者，火积于中也；中恶者，外邪乘也；睡惊者，内火动也。喉痹者，热毒也；眼痛者，火盛也；脓耳者，肾气上冲也；鼻塞^②者，邪在胃也；头疮者，热毒攻也；脐疮者，风湿中也；尾骨痛者，阴虚痰也；诸虫痛者，胃气腐也；阴肿疝气者，寒所郁也；盘肠气者，冷所搏也；脱肛者，大肠虚滑也；遗溺者，膀胱冷弱也；尿浊者，湿滞脾胃也；便血者，热传心肺也；下淋者，膀胱郁热也；吐血者，荣卫气逆也；小便不通者，有阴有阳也；大便闭结者，有虚有实也；解颅鹤膝者，胎元不全也；行迟发迟者，气血不充也；龟胸者，肺热胀满也；龟背者，邪风入脊也；语迟者，邪乘心也；齿迟者，肾不足也；疔者，膈上痰结也；痢者，腹中食积也；咳嗽者，肺伤风也；喘急者，痰气盛也；心痛者，虫所啮也；腹痛者，食所伤也；内伤发热，则口苦舌干也；外感发热，则鼻塞声重也；腹胀者，脾胃虚弱也；水肿者，土虚火旺也；黄疸者，脾胃湿热也；斑疹者，阴阳毒气也；自汗者，气虚也；积者有常所，有形之血也，聚者无定位，无形之气也。胃者主纳受，脾者主动化，脾胃壮

实，四肢安宁，脾胃虚弱，百病蜂起。故调理脾胃者，医中之王道也。节戒饮食者，却病之良方也。惊疳积热者，小儿之常病也。望闻问切，医家之大法也。若夫疗病用药，如箭中鹄心，则又可以心悟，而不可以言传也。孟子曰：梓匠轮舆，能与人规矩，不能使人巧，斯言得之矣。

入门审候歌

观形察色辨因由，阴弱阳强法硬柔，
若是伤寒双足冷，要知有热肚皮求。
鼻冷便知是疮疹，耳冷应知风热症，
浑身是热是风寒，上热下冷伤食病。

观面部五脏形歌

心经有冷目无光，面赤须知热病当，
赤在山根惊四足，积看虚空起阴阳。
肝经有冷面微青，有热眉胞赤又临，
发际白言惊风入，食仓黄是积果深。
脾冷应知面色黄，三阳有白热为殃，
青居发际生惊候，唇口皆黄是积伤。
肺经面白冷为由，热赤人中及咀头，
青在山根惊四足，热居发际积为仇。
面黑应知肾肠寒，食仓红是热须看，
风门黄可言风入，面目微沉于两日^③。

观面部五色歌

面赤为风热，面青惊可详，
心肝形见此，脉证辨湿凉，
脾怯黄疳积，虚寒皓白光，
若逢生黑气，肾败命须亡。

① 百晷：满百日之义。

② 寒：据文义似当作“塞”。

③ 日：据文义当作“颧”。

三关脉纹变见歌

鱼刺惊风症莫疑，气关疳病热相随，命关见此为难治，此是肝家传到脾。初节悬针泻利生，气关脉热更疳疑，三关直透黄泉近，此症须知是慢脾。

水字生惊肺受风，气关鸣嗽积痰攻，医人仔细辨虚实，出命惊疳火症凶。

乙字惊风肝肺随，气关形见发无时，此形若直命关上，不久相将作慢脾。

由虫为候圭^①生疳，若见气关积秽肝，直到命关为不治，须知心脏已传肝。

双环肝脏受疳深，入胃气关吐逆临，若是命关为死候，枉候医人免劳心。

流珠形见死来侵，而上如斯亦不生，纵有神丹不可救，医人仔细更叮咛。

小儿正诀指南赋

小儿方术，号曰哑科。口不能言，脉无所视，唯形色以为凭，竭心思而施治。故善养子者，似养龙以调护；不善养子者，如舐犊之爱惜。爱之愈深，害之愈切。乍头温而足冷，忽多啼而叫乱。差之毫厘，失之千里，此无脉之风门，以补造化之不及。肠胃脆薄兮，饮食易伤；筋骨柔弱兮，风寒易袭。父母何知，看承太重，重棉厚袄，反助阳以耗阴。流歎放饭，总败脾而损胃。闻异声，见异物，失以提防；深其居，简其出，过于周密。未期而行立兮，喜其长成。无事而喜笑兮，谓之聪明。一旦病生，而人心咸，不信医而信巫，不求药面求鬼，此人事之不修，谓天命之如此。欲观气色，先分郁位，左颊青龙属肝，右颊白虎属肺，天庭高而离阳心火，地阁低而坎阴肾火。鼻在中而脾土为通气，观乎色之所见，知乎病之所起。又况脾应乎唇，肺通乎鼻，舌乃心苗，泪为肝液，胃流注于双颐，肾开窍于两耳。爪则筋之余，而脾为之运，发乃血之余，而肾为之主。脾司手足，肾运齿牙。苟五脏之或衰，即所属之先毙。凡观乎外，必知其内。红气现而热蒸，青色露而惊悸。如

煤之黑兮，中恶之因，似橘之黄兮，脾虚之谓。白乃疳劳，紫为热极。青遗口角难医，黑掩太阳不治。年寿赤光，多生脓血，山根青黑，频见灾危。虽察色以知鸟，岂按图而索骥。朱雀贯于双瞳，火入水乡，青龙达于四白，肝乘肺位。泻病而带阳须防，咳嗽而拖蓝可忌。疼痛方殷，常而青而唇撮，惊风欲发，先颜赤而目直。火光焰焰，外感风寒，金气浮浮，中脏癰积。乍黄乍白兮，疳热连绵，又赤又青兮，风邪紧急。察之若精，治之得理，鸦声鱼口，枉费精神。肉折皮干，空劳心力，气色改移，形容变易。气乏兮凶门成坑，血衰兮头毛作穗。眼生眵泪兮，肝风眯目，口流痰涎兮，脾冷滞积。面目虚浮，定腹膨而气喘，眉毛频蹙，则肚痛以多啼。蛔出兮脾胃将败，蟹疮兮肛^②脏先亏。苟瞑眩而弗瘳，纵神仙而何益。手如数物，肝风将发，面若涂朱，心火以炽。坐卧欲冷兮，烦热之攻，伸缩就暖兮，风寒之畏。肚大脚细，脾欲困而成疳，眼瞪口张，热已危而必毙。弄舌脾热，解颅肾急。重舌木舌，虚热积于心脾，哽气喘气，实火浮于脾肺。龈宣臭露，必是牙疳，哺露丁奚，多缘食积。唇干作渴，肠鸣自利。夜啼分为四症，变蒸周于一年。心热欲言面不能，脾虚无时而好睡。病后失音肾怯，咳嗽失音肺痛^③。肚痛而清水流出者虫，腹疼而大便酸臭者积。口频撮而肝虚，舌长伸而火龟^④，龟背兮，肾风入于骨髓，龟胸兮，脏^⑤火胀于胸膈。鼻干黑燥，火盛金衰，肚大青筋，木强土坏。丹瘤疮疥，皆胎毒之流连，吐泻疳痢，乃食积之沾滞。不能吮乳者，热在心脾，常欲俯卧者，热蒸肠胃。喜观灯火，烦热在心，爱吃泥土，疳热在脾。腹痛寒慢，口疮热积。脐风忌一腊，火丹畏一周。惊自热来，痛因痰至。吐泻而精神耗散则危，疳痢而饮食减少必瘳。惊本心生，风因肝致；搐分左右，症有顺逆；药分补泻，病有虚实。急惊者，由于积

① 圭：据文义当作“主”。

② 肛：据文义当作“肝”。

③ 痛：据文义当作“病”。

④ 龟：据文义当作“炽”。

⑤ 脏：据文义当作“肺”。

热之深,凉泻便宜。慢惊者,得于人病之后,温补为贵。头摇目窜而气喘兮,上士莫医,口噤鼻张而足冷兮,灵丹何济。闭目兮无魂,狂叫兮多祟。不知吞吐者死,反加闷乱者危。既明症候,须知调理。胎毒兮,甘草黄连,食积兮,白术枳壳。急惊搐掣,以导赤泻青,慢惊痲疯,以补中益气。集圣治疳,备急去积。抱龙丸化痰镇惊,胃苓丸补中开胃。夜啼兮退热清心,哺热兮养血升提。理中主泻,香连止痢。积热不除,凉惊丸大有神功,沉寒难瘳,养脾丸最为秘密。痰火攻兮三黄丸,水谷下兮一粒丹。柴芩治疟,月蝉消痞,潮热金花,咳嗽玉液,疮疥胡麻,丹溜凉膈。吐泻而渴兮,白术可投,烦热而渴兮,益元为最。丹疹兮消毒,腹痛兮脾积。鼻衄咳血茅花,木舌重舌针刺。口疮不愈者洗心,腹胀不食者平胃。五拗治喘,四苓利水。退黄消肿,胃苓加减以堪行;破积安虫,集圣从容而可治。大抵小儿易为虚实,调理但取其平,补泻无过其剂。尤忌巴牛,勿多金石。辛热走气以耗阴,苦寒败脾而损胃。如逢食积,解之不可或迟,若过虚羸,补之尤为至急。才少俄言,便成劳毙。

胎 疾

小儿初生至周岁有疾者,皆为胎疾。

气,阳也;血,阴也。人之有生,受气于父,阳之变也,成形于母,阴之合也,阴阳变合而成其身。身之中形脏四:头面一也,耳、目、口、鼻二也,手足三也,皮肉筋骨四也。神脏五:心藏神,肝藏魂,脾藏意,肺藏魄,肾藏志是也。凡九脏者,皆父母一体而分者也。形拘于一偏,而不能相通者,阴之静也;神随感而动者,阳之动也。儿之初生,只是一块血肉耳,虽有形而无所用,虽有五脏而无其神,犹空脏也。至于变蒸之后,皮肉筋骨以渐而坚,声色臭味以渐而加,志意智慧以渐而发,知觉运动而始成童。此天地生物之心,至诚不息。

有因父母禀受所生者,胎弱胎毒是也。

胎弱者,禀受于气之不足也。子于父母一体而分。如受肺之气为皮毛,肺气不足,则皮脆薄怯寒,毛发不生;受心之气为血脉,心气不足,则

血不华色,面无光彩;受脾之气为肉,脾气不足,则肌肉不生,手足如削;受肝之气为筋,肝气不足,则筋不束骨,机关不利;受肾之气为骨,肾气不足,则骨软。此胎禀之病,当随其脏气求之。肝肾心气不足,宜六味地黄丸主之。脾肺不足者,宜参苓白术丸主之。子之羸弱,皆父母精血之弱也。所谓父强母弱,生女必羸,父弱母强,生男必弱者是也。故儿有头破颅解,神慢气少,项软头倾,手足痿弱,齿生不齐,发生不黑,行走坐立,要人扶掖,皆胎禀不足也,并宜六味地黄丸主之。

胎毒者,精血中之火毒,即命门相火之毒。命门者,男子以藏精,女子以系胞也。观东垣红瘤之论,丹溪胎毒之论,治法可见矣。古方有解毒之方,如黄连甘草法,又有育婴解毒延龄丹,皆良方也。予新立一方,用丹溪三补丸方,芩、连、柏,半生用,半酒炒,甘草半生半炙,各等分,为末,雪水丸,麻子大,朱砂、雄黄为衣,名曰生熟解毒丸,小儿日与服之佳。

有胎毒所生者如虫疥流丹,浸淫湿疮,痲疔结核,重舌木舌,鹅口口疮,与夫胎热、胎寒、胎黄、胎惊之类。儿之初生,有病多属胎毒,如一腊之脐风,百晬之痰嗽,难医。恰半岁而真搐者凶,未一周^①而流丹者死是也。况初生之儿,肠胃薄小,血气未充,药石则难进也。荣卫微弱,筋脉未实,针灸则难周^②也。业幼科者,慎勿忽诸。

一小儿丹发于脸,眼中红肿,手不可近,三日死。

一小儿生下一月后,遍身虫疥,浸淫湿烂,其皮如脱,日夜啼,忽一日其疮尽隐,发搐而死。

或问:胎禀不足之证,得于父母有生之初,如何医得?

予曰:诸器破损者,尚可补之,岂谓胎弱者不可补之乎!贵得其要也。夫男女之生,受气于父,成形于母。故父母强者,生子亦强;父母弱者,生子亦弱。所以肥瘦、长短、大小、妍媸,皆肖父母也。儿受父母之精血以生,凡五脏不足者,

① 周:静观堂本作“岁”。

② 周:静观堂本作“用”,义长。

古人用生地黄丸主之。或曰：五脏不足而先专补肾，何也？曰：太极初分，天一生水，精血妙合，先生两肾。肾者，五脏之根本也。经云：植木者必培其根，此之谓也。

或问胎毒之说。

予曰：先贤论之详矣。盖人生而静，天之性也；感物而动，胎之欲也，欲者火也。故思虑之妄，火生于心；恚怒之发，火生于肝；悲哀之过，火起于肺；酒肉之饕，火起于脾；淫佚之纵，火起于肾。五欲之火，隐于母血之中，即是毒也。男女交媾，精气凝结，毒亦附焉，此胎毒之原也。如谓儿在母腹，饥则食母之血，渴则饮母之血，及其破胎而出，口有余血，拭之不净，咽下腹中，是名胎毒。斯言也，一人倡^①之，百人和之，未有辩之者，此书之不可尽信也。胚胎资始，父精所生；身体资生，母血所养。是水珠露花，男女渐分，毫发筋骨，形象斯具，诞弥厥月，气^②足形全，乃破胎而生矣。初在母腹之时，如鸟之雏，伏于卵壳之中，何所饮食耶？口^③之血，乃母临产，恶露渍于口中，未必是母腹中所衔之血也。既云咽下腹中，则入于大肠，界从大便出矣，安得留在命门，待时而发耶？详见《痘疹心要》。

一儿颈细，其父常问于予，可养何如？予曰：颈者头之茎^④也，颈细则不能任元，在父母调养之，八岁后再议。至五岁死。

一儿解颅，未十^⑤岁认字念书，父母甚爱之。予曰：此儿胎禀不足，肾虚颅解，真阳弱矣；聪慧早发，真阳泄矣，恐遗父母忧。未一岁而发搐死。

一儿周岁后多笑。予曰：此儿难养。父问其故。予曰：肾为水，心为火，水阴火阳，阴常不足，阳常有余。笑者，火之声也，水不胜火，故知难养。父曰：诸儿笑者，皆不可养乎？予曰：待人引之而笑者，此有情也；见人自笑者，此无情也。后以疮痘死。

一儿头缝四破，皮光而急，两眼甚小。予曰：脑者髓之海也。肾主骨，髓中有伏火，故髓热而头破，额颅大而眼楞小也。宜服地黄丸。父母不信，至十四岁而死。

一儿一日发搐，五日不醒，药石难入。予针

其三里、合谷、人中而醒。父母喜曰：吾儿未出痘疹，愿结拜为父，乞调养之。予曰：曩用针时，针下无气，此禀赋不足也。如调理数年后出痘疹，可保无事，若在近年不敢许。次年，果以痘疹死。

一儿四岁出痘时，颈软头倾，不能自举。予谓其父曰：此儿胎禀不足，疮毒正发，壮火食气，亟补元气，使痘易发易靨，幸而保全，再补其阴，不然，恐难出二八数也。乃大作调元汤，连进之，获安。

有三因所生之者

衣太厚则热，太薄则冷，冷热之伤，此外因也；乳多则饱，乳少则饥，饥饱之伤，此内因也；客忤中恶，坠仆折伤，此不内不外因也。若顺乎天时，适其寒温，则不伤冷伤热矣。慎择乳母，节其饮食，则不伤饥饱。调护之谨，爱惜之深，必无纵弛之失矣。慎勿使庸医妄用汤丸，误儿性命。

脐 风

治未病

脐在两肾之间，任、冲、胃^⑥脉之所系也。儿之初生，断脐护脐，不可不慎。故断脐之时，隔衣咬断者，上也；以火燎而断之，次也；以剪断之，以火烙之，又其次也。护脐之法，脐既断矣，用软布缠裹，待干自落，勿使犯去也。三朝洗儿，当护其脐，勿使水渍人也。脐落之后，当换抱裙，勿使尿湿浸及脐中也。如此调护，则无脐风之病。所谓上工治未病，十得十全也。

治初病

儿生旬日之内^⑦，脐风为恶病也。凡觉小儿喷嚏多啼，此脐风欲发之候，急抱小儿向明晶^⑧处，审视口中上腭，有泡如珠如米，或聚，此病根也。其色白者，初起也；黄者，久也。可用银挖耳，

① 倡：静观堂本作“唱”。

② 气：静观堂本作“月”。

③ 口：此静观堂本有“内”字。

④ 茎：静观堂本作“空”。

⑤ 十：原作“一”，据静观堂本改。

⑥ 胃：静观堂本作“督”。

⑦ 内：静观堂本作“后”。

⑧ 晶（pò 破）：明也。

轻手刮出，煎甘草薄荷汤拭洗之，预取桑白皮汁涂之。自此日日视之，有即去之，不可因循，以贻后祸。所谓中工治初病，十全六七也。

治已病

不知保护于未病之先，不知调护于初病之日，其孢子落入腹中，变为三证：一曰撮口，二曰噤风，三曰锁肚，证虽不同，皆脐风也。

撮口证

儿多啼，口频撮者，此脐腹痛也。可用雄黄解毒丸，加乳香、没药各五分，丸如黍米大，每服五丸，竹沥生姜自然汁送下。利去恶涎良。外用蕲艾炒熟杵烂，护其脐，频换，使温暖之气不绝也。不乳者不治。

噤风证

牙关紧急，不能吮乳，啼声不出，发搐者不治。

锁肚证

脐突青肿，肚腹胀大，青筋浮露，大便涩不通者，不治。

或问：脐风三证，古人有方，何谓不治？

予曰：一腊之内，谓初生八日，草木方萌，稍有触犯，即便折伤。经曰：根于中者，命曰神机，神去则机息。故噤风者，乳食不得入，则机废于上矣。锁肚者，便溺不得出^①，则机废于下矣。所谓出入废，则神机化灭者是也。神出机息，虽有神丹，不可为也，岂蜈蚣蚕蝎诸毒药之可治耶？

一小儿生后三日，啼哭不乳，予视其证，非脐风，乃脐腹痛也。取蕲艾杵烂，火上烘热，掩其脐上，以帛勒之，须臾吮乳而不啼矣。

一小儿生八日，喷嚏多啼，请予视。予曰：此脐风也。视其上^②果有泡，色变黄矣，乃取银挖耳刮去之。其父惨然，爱惜之心，见于形色，故去之未尽也。有老妪闻之，急使婢女告其父，当急去之！其言迫切，父益惧，自取银挖耳刮之不惜也。遣人告予，予回书云：旬日后当发惊风。后果病，迎予治之，许厚报之，且泣曰：予三十六岁得此一子也。予曰：无伤！投以至圣保命丹而愈。

变 蒸

变蒸非病也，乃儿生长之次第也。儿生之

后，凡三十二日一变，变则发热，昏睡不乳，似病非病也。恐人不知，误疑为热而汗下之。诛罚无过，名曰大惑。或误以变蒸得于胎病者。或曰：儿之生也，初无变蒸，既生之后，当以三十二日一变，至于三百八十四日之后，又无变者，何也？曰：初无变蒸者，藏诸用，阴之阖也；中有变者，显诸仁，阳之辟也；终无变者，阴阳阖辟之机成也，故不复蒸也。故儿之初生，语其皮肉，则未实也；语其筋骨，则未坚也；语其肠胃，则谷气未充也；语其神智，则未发开也。只是一块血肉耳。至于三百八十四日，然后脏腑气足，经络脉满，谷肉果菜，以渐而食，方成入也。

或问：变蒸之日，必以三十二日者，何也？

曰：《易传》云：生生之谓易。易者，变易也。不变不易，不足以见天地生物之心。人有五脏六腑，以配手足十二经络。腑属阳，以配阳卦三十二；脏属阴，以配阴卦三十二。取其一脏一腑，各以三十二日一小变，六十四日一大变。阳卦之爻，一百九十二，阴卦之爻，一百九十二，合岁并闰月，凡三百八十四爻，所以变蒸一期之日，三百八十四，以应六十四卦爻之数也。

或问：三十二日一小变，六十四日一大变，所生者何物也？所生之物，亦有说欤？

曰：形既生矣，复何生也？所生者，五脏之知觉运动也。故初生三十二日一变，生足少阴^③癸水，肾之精也。六十四日二变，生足太阳膀胱壬水，而肾之一脏一腑成矣。此天一生水也。水之精为瞳子，此后始能认人矣。

九十六日三变，生手少阴心丁火。一百二十八日四变，生手太阳小肠丙火，而心与小肠之一脏一腑之气足矣。此地二生火也。火之精为神，此后能嬉笑也。

一百六十日五变，生足厥阴肝胆^④乙木。一百九十二日六变，生足少阳肝^⑤胆甲木，而肝与

① 出：静观堂本作“通”。

② 上：此后日本本有“睛”字。

③ 阴：此后静观堂本有“肾”字。

④ 胆：静观堂本无此字。

⑤ 肝：静观堂本无此字。

胆之一脏一腑，受气足而神合矣。此天三生木也。木之精为筋，此后能坐矣。

二百二十四日七变，生手太阴肺辛金。二百五十八日八变，生手阳明大肠庚金，而肺与大肠一脏一腑之气足矣。此地四生金也。金之精为声，此后始能习人语矣。

二百八十八日九变，生足太阴脾己土。三百二十二日十变，生足阳明胃戊土，乃脾胃一脏一腑之气足矣。此天五生土也。土之精为肉，脾胃主四肢，此后能匍匐矣。

三百五十二日十一变，生手厥阴心包络，三百八十四日十二变，生手少阳三焦，三焦配肾，肾主骨髓，自此能坐、能立、能行矣。

变蒸已足，形神俱全矣。正如蚕之眠，不如是不足成人矣。凡一变之过，则筋骨手足以渐而坚，知觉运动以渐而发，日异而月不同。曰变者，变易也；曰蒸者，发热也。祖训云：变蒸虽是胎疾，非胎热胎毒之可比矣。此少阴生长之气，发育万物者。儿之强者，虽有是病不觉，气弱者始见。如变后形体渐长，知识渐增，反为无病儿也，故无治也。古方黑子散，姑置之可也，其间或有未及期而发热者，或有变过热留而不除者，抑有他故，须详察之。如昏睡不乳，则不须治，待其自退。

变蒸兼证

变蒸之时，有外感风寒者，宜发散，惺惺散主之，按摩法亦可用也。

有内伤乳食者，宜须消导，胃苓丸主之，轻则节之可也。

有被惊吓及客忤者，安神丸、至圣保命丹。如变蒸过而受病，以治病为主，慎勿犯其胃气。咳嗽，甘草桔梗汤加阿胶；吐泻，理中汤加藿香叶；惊风，琥珀抱龙丸、泻青丸、导赤散。如受病后而变蒸，以养正补脾为主，钱氏异功散加对病之药，惺惺散、四君子汤加苏叶，加防风。

湖广按察司宪长，有子九月发热，恐是痘疹，差人来取全。往见之非痘，是变蒸也。公曰：何以辨之？全曰：以日计之，有当变蒸之期；以证察之，亦无痘疹之证。公问：痘何证也？全曰：痘

者，五脏之液毒也，故五脏各见一证：呵欠、惊悸，心也；项急、顿闷，肝也；咳嗽、喷嚏，肺也；吐泻、昏睡，脾也；耳聩皆惊，肾也。今公子无之，知非痘，乃变蒸将退也。次日果安。公喜汝术甚精。赠以白金五两，应付而归。

本县胡正衢，有子二月发热不乳，予见之，虽似变蒸，非变蒸也。时乳母皆肥健者，必因伤乳发热也。令损之，次日热退而安矣。

幼疾

儿生一岁后，至七岁后，变蒸已足，脉虽难诊，口则能言，病多伤食之证。八岁已后，有脉可诊，证与大人同，但剂小耳。

有因气动而病生于内者，如盘肠内吊、蛔虫癖块之类；有因气动而病生于外者，如重舌木舌、鹅口口疮、疔疽疮癣之类；有不因气动而病生于内者，如伤食，食生冷之类；有不因气动而病生于外者，如感冒四时、金刃汤火伤之类。

右四因之病，治见各证之下。

一小儿周岁，因初食鸡肉太早，自此成积，日渐羸瘦，不思乳食。其父以详告予，予取药治之，养脾去积丸先服，三日后再服丁香脾积丸，鸡肉汤下，取下鸡肉一片，犹未化也，再进养脾丸而愈。

家传养脾消积丸 消宿食，去陈积，神效。

白术一两 陈皮七钱五分 苍术 厚朴姜汁炒 枳壳麸炒 半夏曲 青皮 神曲 麦芽 山楂各五钱 炙甘草三钱

上为细末，蒸饼为丸，黍米大。每服二、三十丸，米饮送下。

育婴延龄解毒丸 能解胎毒，初生小儿宜服。

儿断脐带连脑不拘长短，剪取，新瓦上焙干每一钱加生甘草末二钱、黄连末一钱、朱砂飞半钱

共和匀，生白砂糖调和，磁罐收贮。每服一豆许，内^①儿口中，以乳送下，一日一次，药尽而止。

① 内：静观堂本作“纳”，按内与纳通。

幼科发挥卷之二

五脏主病^①

肝经主病

肝主风，实则目直视，呵欠，大叫哭，项急顿闷；虚则咬牙呵欠。气温则内生，气热则外生也。气谓口中气也。实则泻青丸、当归龙荟丸泻之，虚则地黄丸补之。

泻青丸 治急惊搐搦，主肝热。

羌活 防风 当归 川芎 山梔仁 龙胆草 大黄酒浸，纸煨，各等分

上为末，蜜丸，芡实大。每服半丸至一丸，煎竹叶汤，砂糖化下。

当归龙荟丸 治肾肝阴虚，风热蕴结，发惊悸，搐搦躁扰。

当归一两 龙胆草一两 黄连五钱 黄柏一两 大黄五钱 山梔子一两 芦荟五钱 青黛五钱 木香一钱 麝香五分 黄芩一两

上为细末，蜜丸，麻子大。每服五丸至十五丸，竹叶汤下。

地黄丸 治小儿胎禀不足，肾怯不言，解颅，儿大不能行，又治肝疳，白膜遮睛，瘦血失音，身瘦疮疥。

熟地黄焙，取末，八两 山茱萸焙 山药各四两 白茯苓三两 泽泻 牡丹皮各二两

上为末，蜜丸，芡实大，一岁儿服一丸，二岁以上，加至三丸，空心温水下。

肝经^②兼证

诸风搐搦，牵引喎斜，皆肝之病也，宜泻青丸主之。

一小儿七月，发搐无时，昏睡不醒，不哭不乳，掐之灸之不痛，嗜之鼻不嚏，灌药不入。予曰：此真搐也，不可治矣。

兼见心证，则发热而搐。予曰：肝有风，则目连扎^③不搐，得心热则搐；肝有热，则目直视不

搐，得心热则搐。泻肝泻青丸，泻心导赤散方见肝、心下。

兼见脾证，轻则昏睡，不嗜饮食，当视其大便何如。大便秘者，宜蜜导法，慎勿下之。恐下得脾虚，反为笃疾；大便润者，宜琥珀抱龙丸主之。

兼见肺证，喘急闷乱，痰涎壅塞，须从大小便以利之。如喘息有声，肩耸胸高，喉中痰响者，不治。清宁散主之。

清宁散 惊热出于心肺，须从小便以利之。

桑白皮蜜水炒 赤茯苓 车前子 甜葶苈炒 山梔仁各等分 甘草炙，减半

上为末，每服半钱，姜枣水煎服。肝热则大小便难，加煨大黄下。

一小儿痰壅而发搐，气促而喘，予用礞石滚痰丸，桑白皮煎汤，碾碎调服之，喘定痰下，搐亦止矣。

兼见肾证，暴暗失音，手足强直，此从风治。轻者地黄丸主之，重则为废疾而不可治矣。

五脏诸证，此因五脏气动所生之病，乃病生于内者也。

肝所生病

诸风掉眩，皆属肝木。《脉诀》云：热则生风是也。

急慢惊风

急惊风者，肝风甚而心火从之。木生火，从前来为实邪，实则泻之，宜用泻青丸以泻肝之风，导赤散以泻心之火。

慢惊风，钱氏云：脾虚则吐泻生风，此脾土散^④而肝木乘之。肝属木而脾属土，从所不胜来

① 五脏主病，此上原有“五脏诸证”四字，文义重复，据日本本删。

② 肝经：日本本无此二字。

③ 目连扎：两眼时时眨动。

④ 散：日本本作“散”。

者为贼邪，故慢惊为难也。脾虚生风，虚则补之。东垣用调元汤加白芍主之。此以黄芪、人参补脾之虚，白芍药、甘草以泻肝之实，诚千古不传之秘法也。予加桂在内，乃黄芪建中汤，木得桂而枯。古方治慢惊者，如醒脾散、观音散，皆良法也，可用之。

醒脾散

人参 陈皮 甘草 白术 白茯苓 全蝎
半夏曲 木香各三钱五分 白附子炒，四个
南星姜汤泡 陈仓米一百粒

上为末，每服一钱，枣二枚，姜三片，水煎。

观音散

全蝎去毒，炒，十个 天麻煨 防风 白芷
黄芪 甘草 白茯苓各二钱五分 人参二钱 扁
豆姜汁炒，一钱五分

上为末，枣汤下。

或问曰：上工治未病，急慢惊风何以预防之？

予曰：方其热甚之时，腮红而赤，两目如怒，直视不转者，此惊风之似^①也。宜服河间当归龙荟丸，以泻肝胆之火，则不成急惊风也。

当吐泻不止之时，见其手足冷，睡露睛，口鼻气出冷者，此慢惊风欲成之似也。急用参苓白术散以补脾，琥珀抱龙丸去枳壳、枳实，加黄芪以平肝，则慢惊风不能生矣。此吾家传秘法。

参苓白术散

人参 白术 白茯苓 山药 扁豆去壳，姜
汁浸炒，各一两五钱 甘草 桔梗 薏苡仁 莲
肉各一两

上为细末，枣汤送下

琥珀抱龙丸 治小儿诸惊风，四时感冒，寒温风暑，瘟疫邪热，烦躁不宁，痰嗽气急，及疮疹欲出发搐，并宜服之。此予家传常用之方。

真琥珀 天竺黄 白檀香 人参 白茯苓
各一两半 粉草去筋，三两 南枳实 枳壳麸炒，
各一两 朱砂五两^② 牛胆南星一两 淮山药一两
真金箔大者，一百片为衣

上各制取末，和匀，用腊雪溶水，如无雪，取新汲或长流水，杵为丸，如芡实大，大约重半钱，阴干。每服一丸，煎薄荷汤下。

此方内有补益之药，人皆喜而用之。但有枳壳、枳实能散滞气，无滞气者，损胸中至高之气，如慢惊风及元气弱者，减此二味，用当归、川芎各二两代之。

至圣保命丹

一名紫金锭子

胆星 僵蚕 白附子各一钱 全蝎十四枚
天麻 防风各一钱 辰砂水飞，一钱半 麝香一字
珍珠五分 琥珀三分 金箔二十片

上碾为末，粟米和为丸，分为二十锭，金箔为衣。每一锭薄荷叶煎汤磨服。

礞石滚痰丸 降火坠痰之要药。方见大方脉科^③

凉惊丸 诸热通用，此吾家传之方，又名金花丸。

黄柏 黄连 黄芩 山梔仁各等分 朱砂
水飞，减半 一本有龙胆草等分

上为细末，腊雪水为丸，麻子大，薄荷汤送下。

三黄泻心丸 一名三黄五色丸 利诸惊热。

黄连 黄芩 大黄各等分

为末，雪水为丸，麻子大，温水送下。均分作五分^④ 用衣。一分朱砂衣，一分青黛衣，一分雄黄衣，一分轻粉衣，一分芦荟衣。

木通散 能泻肝风，降心火，最利惊热。

山梔仁 大黄煨 赤茯苓 羌活 木通
甘草以上各等分

上为末，每服一字，紫苏叶煎汤送下。

猪胆汁导方

定志丸 治惊久成痫。

人参 白茯苓 远志 石菖蒲炒 酸枣仁
炒 柏子仁各一钱半 琥珀 珍珠 胆星 铁花
粉各一钱 朱砂飞 麝香各一字

上为末，水煮山药粉为丸，黍米大。每服十五丸，灯芯煎汤下，更煮猪心与儿食之，以助药力。

急惊风属阳，病在六腑，易治，宜用凉泻。

① 似：日本本作“兆”，静观堂本作“候”。

② 五两，静观堂本作“五钱”。

③ 大方脉科：即内科。

④ 分，据文义当作“份”。

慢惊风属阴，病在五脏，难治，宜用温补。

或问：病有急慢阴阳者，何也？

曰：肝主风，木也，飘骤急疾，莫甚于风；心主惊，火也，暴烈飞扬，莫甚于火，木火阳也，故病在于心肝者，谓之急而属阳。脾胃者土也，沉重迟滞，莫甚于土。脾土者，至阴之属也，故病在于脾者，谓之慢而属阴。肝常有余，有余则泻而损之；脾常不足，不足则补而益之。至于心主惊，肝主风，似宜别^①论。然火资风势，风资火威，风火相扇而发搐，故不可别论也。惊风之病，有兼证者，有类证者，不可不辨也。

急惊风有三因

有外因者，如感冒风寒、温湿之气而发热者，宜即发散之、和解之，以除其热，可也。苟失而不治，热甚发搐，此外因之病也。宜导赤散、泻青丸主之。

有内因者，如伤饮食发热者，即宜消导之，下之，如保和丸、三黄枳术丸之类，以除其热，可也。苟失而不治，热甚发搐，此内因之病也，当视大小便何如。如大便不通，先去其宿食，宜木香槟榔丸及胆导法；大便润，宜辰砂五苓散、琥珀抱龙丸主之。

有不内外因者，如有惊恐，或客忤中恶得之。盖心藏神，惊有伤神，肾藏志与精，恐有伤肾。经云：随神往来谓之魂，并精出入谓之魄，故神伤则魂离，精伤则魄散。小儿神志怯弱，猝有惊恐，所以精神溃乱，魂魄飞扬，气逆痰聚，乃发搐也。客忤中恶，出其不意，大人且惊，况小儿乎？宜先去其痰，辰砂膏主之，后安其神，琥珀抱龙丸主之。有热者，东垣安神丸。下痰之药，慎用轻粉、巴豆之类，恐伤元气，损脾胃，误杀小儿。

钱氏抱龙丸 治小儿风痰，热甚，昏睡，急惊。

雄黄飞 天竺黄各四钱 胆南星八钱 麝香三分 朱砂飞，四钱

上为末，煮甘草膏丸，芡实大，薄荷汤化下。

辰砂膏^② 以通心气。

朱砂飞，一钱 牙硝 雄黄飞，各二钱五分 麝香二字 金箔 银箔各十五片 白附子 枳壳

炒，各三钱 川芎 白茯苓各四钱 人参 黄连 远志各二钱

上除前六味另碾，后七味共为末，和匀，蜜丸，芡实大。每服一丸，麦门冬煎汤化下此朱砂膏加減。

或问：热盛则生痰，痰盛则发搐，钱氏则有利惊丸以下其痰，陈氏有芎蝎散以吐其痰，皆可用否？

予曰：药不执方，合宜而用可也。儿壮实者，吐之下之病则止。儿怯弱者，不可猛浪，反伤元气。大抵痰在喘喉之中，壅塞沾滞，药食不得入者，则宜吐而去之。此在上者越而治之法也。宜用僵蚕、牙皂炙焦等分，研末，每服少许，以土牛膝根自然汁灌之即吐，吐后却进下痰药，如五色三黄丸、礞石滚痰丸、辰砂膏，皆可用之。

辰砂膏 下痰甚妙。

辰砂飞，三钱 礞砂 马牙硝各一钱半 玄明粉二钱 全蝎去毒 珍珠各一钱 麝香一字

上为末，和均，用好油单纸包起，自然成膏。每用一粒许。治胎惊，薄荷汤下；治诸惊，乳汁调枣汤下。

予初习医，治一儿二岁发搐而死。请予至，举家痛哭。乃阻之，告其父曰：此儿而色未脱，手足未冷，乃气结痰壅而闷绝，非真死也。取艾作小炷，灸两手中冲穴。火方及肉而醒，大哭。父母皆喜。遂用家传治惊方，以雄黄解毒丸十五丸利其痰，凉惊丸二十五丸去其热，合之，煎薄荷汤送下。须臾，利下黄涎，搐止矣。予归，父问用何药，如是速效，全以具告父。父语母曰：吾有子矣。

一儿发搐痰壅，有医用白饼子下之，不退。凡二下，病益深，合目昏睡，不哭不乳，喉中气鸣，上气喘促，大便时下。予曰：五脏气绝，病不可治，转下之过也。彼医曰：白饼子，钱氏下痰神方也。予曰：尽信书，不如无书，钱氏小儿皆出于门人附会之事^③也。盖人之有痰，犹木之有津，

① 别：日本本、静观堂本均作“前”。

② 辰砂膏：静观堂本作“加減辰砂膏”。

③ 附会之事：静观堂本作“附会之说”。

时令大热，草木流津，痰自热生，此明验也。痰犹水也，附气自行，过颛在山，岂水之性哉？乃搏激使之也。今痰随火上，不知降火而反下之，损其胃气，胃气既攻^①，五脏俱损。故目不开者，肝绝也；昏睡不乳者，脾绝也；啼声不出者，心绝也；喘促痰响者，肺绝也；便溺遗矢者，肾绝也。果不可治而死。

邑中有儒医，治病有奇方，唯性太执，不知变通。时有小儿发搐，予谓急惊，当用凉泻，导赤散、泻青丸是也。彼谓惊风者，肝火郁通而成也，火郁则发之，小续命汤是也。人不能决，两从之。予所治者一日而安，彼治者死。悔不信吾言，无及矣。

一儿发搐，先取善推法推之止，腑复发，病益危甚。予曰：推法者，乃针灸按摩之遗意也。经曰：无刺大虚人。推掐之法，壮实者可用之。如怯弱者，其气不行，推则有汗，反伤元气也。其家不信予言。予曰：不死必成痛疾。半月后果死。

一儿发搐，因用推法，暂退。一月后，如期复发，又推之，或一月一发，或一月再发。予曰：病成痛矣。推法者，乃发表之意，痰聚在心不得出也。幸初成痛者。当可治，若久则为终身痼疾，不可治也。因立方用^②。

四色断痛丸

黄连五钱 朱砂飞，二钱半 白甘遂三分 胆星一钱

上为末，粟米糊丸，猪猪心血杵匀，丸芡实大。每服一九，灯草煎汤化下，夜服三，日服一，遂安。

癸亥二月，英山县大尹前县吴公，一子发搐，彼医以二陈汤，姜汁、竹沥治之，不退。公初来任，过罗，与全有识，承差人请之。全往，视其外候，三关青气，两颊赤色，目常直视，指如捻物。曰：此得之外感，未与发散，热入于里。钱氏曰：肝有热则目直视，得心热则发搐。又曰：两颊赤而目直视，必作惊风。小儿肝常有余，又乘木旺之时，当与泻肝，若二陈汤，陈皮、半夏、生姜之辛，皆助肝之物。经曰：以辛补之，所以无效。乃用泻青丸以泻肝木之有余，导赤散以泻心之火，一服而搐止。公喜，谓其下曰：所见不同，用

药即效。真良医也！彼到时吾心有主，今果无忧矣。全见其胎稟素怯，脾胃且弱，恐后作搐，便成痛矣，又作琥珀丸，与之常服而安。

薪水沙坂徐淑道，一子患惊风，先取医张姓者治之，数日不效。请予往，痰喘正急，惊搐频发。予先治其痰，次治其搐，以次而定，唯身热犹炽。张姓者，欲用解毒汤、竹叶汤、小柴胡汤，予皆不可。谓之曰：小儿肝常^③有余，脾常不足。病发于肝，风木太旺，脾土受伤。此乃虚热，勿用寒凉，致损中气也。乃用四君子汤，加炙黄芪，炒黑干姜，一服而安。

一小儿年五岁，梦中惊哭，抱其母叫怕。此因被惊吓得之。予制一方，用人参、麦门冬、白茯神、黄连、酸枣仁、柏子仁、炙甘草、朱砂各等分。一半水煎，一半入地黄加炙甘草为末，山药粉糊丸，黍米大。每服二十五丸，灯草煎汤下，未尽剂而安。

一小儿周岁，发热而搐，以泻青丸投之不效。乃问其发搐之状，其母曰：搐过后只好睡，以乳与之则饮，不与乳饮则不思乳，醒时则戏作猫儿声，见人则笑，不发搐便是好了。予曰：医要识证，药要对证，怪底前药之不效也。以导赤散服之，一剂而安。其父问：是何故？予曰：心脏属火，其声为笑，火生子寅，属虎，猫者虎之类也。猫声而笑，知非肝病，乃心病也，故以导赤散泻其心火而安。闻者叹服。

急惊风证

脐风发搐者，难治。

初生月内，非脐风证发搐者，此胎惊也。宜至圣保命丹，金银磨水送下。

或用全蝎一枚，薄荷叶包，炙为末，朱砂末三分，和匀，猪乳调五粒许服。如常发者，名胎痛，不可治也。

变蒸，发热甚，发搐者，只用导赤散、泻青丸主之，效。

疮疹未出，发搐者，此吉兆也。宜用导赤散，

① 攻：据文义当作“败”。

② 用：此后静观堂本有“四色断痛丸”。

③ 常：原作“尝”，据文义改。

煎，调朱砂服之，效。

或将痲发搐者，凶兆也。此毒气攻心，宜急解救之。用真牛黄、脑子各一分，朱砂五分，和匀，猪尾尖血和丸，小粟粒大。每一丸，灯草煎汤化下。

丹瘤发搐，视其先后何如。先发丹后发搐者不治，此胎毒自外入里也；先发搐后发丹，此名惊丹，可治，此胎毒自内而外也。宜用大连翘饮主之。

连翘 瞿麦 滑石 车前子 大力子炒
赤芍各一钱 木通 梔子 当归 防风各五分
黄芩一钱半 柴胡 甘草炙，各二钱 荆芥穗一钱
蝉蜕一钱

上为细末，再加大黄，灯芯水煎。

虫疥浸淫疮入腹，发搐，难治。急用雄黄解毒丸，升麻煎汤下。疮再发，儿搐止者吉。咳嗽发搐，视其病之新久，如初咳嗽时，痰甚气促，连声不止，而不能治，发搐者，宜葶苈丸，苏叶煎汤下，利去其痰，咳止搐亦止矣。如久嗽不止者难治，宜用小阿胶散，服五分至一钱，煎去渣灌下。如发搐后变嗽者，此风邪入肺也，宜人参荆芥散再发之。

陈皮去白 荆芥穗 桔梗 半夏 细辛
木通 甘草炙 杏仁去皮尖 桂枝各等分
共煎，姜引。

泄病发搐，如先吐泻，或痢疾久不止，以致脾胃虚弱者，此慢惊风也，难治。如先发搐，后发泄痢者，此因发搐之时，多服利惊下痰之药，或多服寒凉之药，伤其胃气，泄痢不止，宜补涩之。钱氏异功散加木香、砂仁、肉豆蔻煨、诃子肉。为末，山药粉糊丸，米饮下^①调之。

疳疾发搐，疳作热时发搐者，此宜截去其疳，疳止搐亦止矣。用小柴胡汤加常山、槟榔、乌梅，发日服，以截其疳。发过服辰砂五苓散，以定其搐，神效。如发搐后病疳者，此脾风之证也，宜平疳养脾丸主之。

薪水李中庵，吾婿也。一儿未周岁，因伤食发疳，间一日一发。在子丑时，疳发搐亦发也。发时咬牙呻唤，大便黄绿，努黄而出，用口吮母口，得乳即止。疳后汗出，心下跳，腹中鸣，退后顶上

有小热。其父母爱惜之心，疳退搐退则喜而称愈，疳搐俱发，则忧惧不胜。其母又不禁口，病未十日成疳矣。面色皤白，凶陷发疏，儿渐羸瘦，请予治之。予曰：此儿先受暑湿。暑则为疳，湿则为痰，又伤饮食，助其暑湿之邪。暑则伤心，湿则伤脾，暑生热，湿生痰，脾土一衰，肝木随旺，疳曰食疳，瘕曰食瘕，当从虚治。且大哭手撒^②，皆肝胆之病。子时属胆，咬牙者心肝俱热也。肝木心火，子母病也。大叫哭者，肝病也；呻唤者，肾病也。肾水肝木，母以子病也。肝者厥阴风木也，心肾者少阴君火也，水火相搏则内作搐，故大便努黄而出，用口吮母之口，此内热作渴也，儿口不能言，得乳自解。汗出者，初发之时，邪气拂郁，及其退而有汗，此真气外泄也。故治疳之法，无汗要有汗，散邪为主；有汗要无汗，养正为主。此儿汗泄于外，便泄于内，心下跳，腹中鸣，皆火盛证也。肝胆从火治，此其法也。退后顶热，儿顶山颠，亦厥阴肝经之脉也。予制一方两治之，子平疳止搐方中加治疳之药，于补脾消疳方中加止搐之药，调理五日，疳搐俱止，儿亦渐肥，而疳瘦除矣。附其方如下：

其平疳止搐加减于当归龙荟丸，用

归身 人参 炙甘草 柴胡 川芎各一钱
青皮 芦荟 木香各七分 胆草酒洗 梔仁各五分
半夏大者，三个，一本有黄芩、陈皮

上为末，神曲糊丸，黍米大。每服二十五丸，寅、卯时竹叶汤下。

治疳补脾，加味参苓白术散。

人参 黄芪炙 归身 九肋鳖甲 使君子 白芍药酒炒，各一钱 炙甘草 青皮去白，各八分 厚桂 泽泻 木香 夜明砂 柴胡各五分 陈皮七分，一本有干蟾酥、莲肉

上共碾末，山药糊丸，粟米大。每服三十九，巳戊二时服，炒米汤下。

乳母服加味四物汤。

当归 川芎 赤芍药 生地黄 柴胡 升麻 麦门冬 木通 黄芩酒炒 桔梗各五分 薄

① 下：静观堂本作“水”。

② 撒：日本本、静观堂本均作“撒”。

荷叶七分

上用灯草水煎服。

急惊风变证

急惊风变成痫者，此心病也。心主惊，惊久成痫。盖由惊风既平之后，父母玩忽，不以为虑，使急痰停聚，迷其心窍。或一月一发，或半年一发，或一年一发，发过如常。近年可治，久则不可治矣。宜服**如神断痫丸**治之。

黄连五钱 白茯苓 石菖蒲各三钱 胆星
珍珠 铁花粉各一钱 朱砂飞，三钱 甘遂五分

共为细末，粟米粉煮糊，入猿猪心血三枚同杵匀，为丸，如弹子大。每一丸，取猿心一枚，切开两片，入药在内，线扎定，水煮熟，分三服，本汤送下。

一儿三岁，病惊风后，未服豁痰安神之药，自后成痫。每发之时，面色青黑，两目连扎，口如嚼物，涎出于口，昏眩仆地。当欲发之状，即以手探其口中，以吐其涎，如此调理，至七岁不作矣。

一儿四岁，病惊已绝，予用针刺其涌泉一穴而醒，自此惊已不发。予谓其父曰：此惊虽未发，未服豁痰之药，若不早治，恐发痫也。父母不信，未及半年，儿似痰迷，饮食便涌，皆不知也，时复昏倒，果然成痫病。其父来诉曰：不信先生之言，诚有今日之病，愿乞医治，不敢忘报。予乃问其子：尔病将发时，能自知乎？予曰：欲昏则发。乃作钱氏安神丸加胆草服之。教其父曰：尔子病将发时，急掐两手合谷穴。如此调理，一月而安。

急惊风成瘫者，肝主风，风淫末疾，故惊风之后，有手足瘫痪而不能举者，此血虚不能养筋故也，宜地黄丸加当归、牛膝、川独活、肉桂，共为丸服之。

一女子十四岁，病惊风后，右手大指次指屈而不能伸，医用羌活、防风、天麻、全蝎、僵蚕、蝉蜕诸风药治之，病益甚。予叹曰：彼庸医也。不知手足不随，血虚也。伸而不能屈者，筋弛长也；屈而不能伸者，筋短缩也，皆血虚不能养筋之证也。手大指者，太阴肺经之所主；手次指者，阳明大肠之所主。与大肠皆属燥金，此血燥之象也。一切风药，助风生燥，故血转虚，而病转盛。口授一方，用

黄芪 人参 天麦门冬 生熟地黄 当归
各等分 官桂减半，为引经，横行手指之端。

共为末，炼蜜丸，芡实大，每一丸，食后汤化下。

一小儿惊风后，右手僵硬，五指拳曲，不能举物，口角流涎，语言蹇涩。予曰：此脾有湿痰，脾不足而肝木乘之，不可治也。

急惊风类证

天钓似痫

天钓者，壮热惊悸，眼耳^①翻腾，手足指掣，或啼或笑，喜怒不常，甚则爪甲皆青，如崇之状，故宜和解风热，**钩藤散**主之。

钩藤 白茯苓各一两半 防风 朱砂飞 蝉蜕各二钱 大黄酒湿纸煨，一钱五分 羌活 独活 青皮 甘草炙，各二钱

共为末，姜枣煎服。此泻青丸变化加减也。

痙病似天病

痙病项背强直，腰身反张，摇头掣颊，噤口不语，发热腹痛，镇日不醒，其状可畏，但受病与天钓不同。中风自汗，不可再汗，汗多则发痙。中湿宜微汗，不可大汗，大汗过则发痙者，有刚柔二痙，无汗曰刚痙，宜麻黄葛根汤；有汗曰柔痙，宜桂枝葛根汤。二痙并宜入参败毒散加防风主之。

麻黄葛根汤

麻黄去节 赤芍药各一两半 葛根一两半
葱白二茎 豉半合

上锉散，每服二字，煎服。

桂枝葛根汤

桂枝 白芍药 甘草各二钱七分半 葛根一两半 生姜一两 大枣四枚

上锉散，每服三字，煎服。

内钓似痫

内钓腹痛多啼，唇黑囊肿，伛偻反张，眼内有红筋斑血者是也。此寒气壅结，只宜温散，**木香丸**主之。

没药 木香 沉香 舶上茴香炒 钩藤各等分 乳香 全蝎减半

① 耳，静观堂本作“目”。

共为末，取大蒜研烂和丸，梧桐子大，每服二丸，钩藤汤化下。

盘肠似内钓

盘肠气痛干啼，额上有汗。是小肠为冷气所搏也，宜金铃子散主之。

金铃子二钱 舶上茴香盐拌炒 木香各一钱
共为末，每服五分至一钱，调酒服^①。

当归散 治寒邪入肾经，小腹急痛，面青手足冷者。

归身 木香 肉桂 人参 甘草炙 加破故纸炒 小茴香炒，各等分

共为末，姜枣汤调服，枣为丸亦可。

或问：天钓、内钓、病瘥、盘肠属何脏？何以辨之？

曰：经气^②，身半已上，天气主之，身半以下，地气主之。故天钓在上，生于风热，宜发之。内钓在下，生于寒，宜温之。

二钓者，皆足厥阴肝病也。足厥阴之脉，外则与督脉同行，循脊而上，入于颠之顶，所以病则目上翻，背后仰，如角弓之反张也；内则行阴器而入于小腹，所以病则小腹切痛，为囊肿也。诸风掉眩，皆属肝木，故二钓皆有搐掣似惊。但天钓或哭或笑，内钓则多啼为异耳。

瘥病属足太阳膀胱经，上起两目，上头循顶而下行于背，循腰而下，于是与厥阴之脉下行者同，所以角弓反张之证，亦相似也。但天钓有搐掣，而瘥病无搐掣也。

盘肠痛属手太阳小肠经，内行于小腹，与厥阴之脉内行者不同，所以小腹忽痛也。但内钓有瘕疝，而盘肠痛无瘕疝，可辨也。

客忤似痫

客忤者，口中吐青黄白沫，水谷鲜杂，面色变异，喘息腹痛，反侧瘕疝，状似惊痫，但眼不上窜耳。治法宜辟邪正气，散惊安神，苏合丸、至圣保命丹主之。

客忤者，谓客气忤犯主气之病也。如五气之邪，自鼻而入，则忤其心肝，五味之邪，自口而入，则忤其脾胃，有所惊恐，则忤其神，有所拂逆，则忤其意，当博求之。故曰：心诚求之，虽不中不远矣。详见《育婴家秘》。

一儿半岁，忽日惨然不乐，昏睡不乳。予曰：形色无病。将谓外感风寒，则无外感之证；将谓内伤乳食，则无内伤乳食之证。此儿莫有所思，思则伤脾，乃昏睡不乳也。其父母悟云：有一小厮相伴者，吾使他往，今三日矣。乳母亦云：自小厮去后，便不欣喜，不吃乳。父急命呼之归，儿见其童嘻笑。父曰：非翁之妙术不能知也。

一儿一岁，啼哭不止，于审察之，非病也。其父母曰：无病何以啼哭异常！予乃问其乳母：此儿平日戏玩者何物？乳母曰：马鞭子。即以取至，儿见大笑击入，而哭止。

一儿九岁^③，吐乳便黄，身有微热。予曰：此伤热乳也，吐作腥气，今已成积。母曰：未食热物。于密语其父曰：必伤交奶得之。父问：何谓交奶？予曰：父母交感之后，以乳哺儿，此淫火之邪，忤儿脾胃正气也，不治之必成癩矣。何以致？曰：淫火者，肝火也，病则发搐。癩者脾病也，积不消则为癩。父问：何以治之？曰：泻肝补脾。乃以泻火胃苓丸服之。

中恶似痫

中恶者，小儿之危恶也，其病有二。如中恶毒之气者，病自外至，其证眩仆，四肢厥冷，两手握拳，不能喘息，先用霹雳散。

霹雳散

踰躅花一分半 雄黄三分 麝香少许

上为末，用灯芯三寸长，蘸药少许，插入鼻孔，得嚏即醒，苏合丸灌之。或摄生饮。

摄生饮

南星煨 半夏洗 木香各一钱五分 生苍术 生甘草 石菖蒲各一钱

共锉，入生姜，用水煎服，尽一剂，以平为期。

如内生中恶毒之物，病自内生，其证心腹刺痛，腹皮青黑，闷乱欲死，宜急攻之。用雄黄解毒丸主之。

白虎证似痫

① 调酒服：静观堂本作“调匀服”。

② 经气：日本本、静观堂本作“《经》云”，义长。

③ 岁：撤文义当作“月”。

白虎证乃流年白虎岁前九位之神，儿触犯之，则不精爽，而目视不转，手如数物。宜服至圣保命丹，取太阳真土伏龙肝，杵碎，煎汤送下，取龙虎相制之义。

或问：客忤、中恶、白虎三证，何气使然？曰：皆客气也。客气，不正之气也，儿之所禀，谓之主气，为之忤者，谓之客气。《经》云：邪之所凑，其气必虚。故儿之主气强者，虽有客气，不能忤也。主气弱者，稍有所忤，则成病矣。客忤者，病之总名也。中恶，则客忤之重者；白虎者，则客忤之轻者也。治法，皆以辟邪养正、安神和胃为主，苏合香丸治三病之圣药也。

虫病似痫

虫病乃蛔虫攻其心痛也。发则目直视，口噤不言，或大叫哭，口中流沫涎水，面色或青或白，手足强直。宜急攻之，雄黄解毒丸，苦楝根皮煎汤下。

马脾风似痫

马脾风者，肺胀也，上气喘急，两肋扇动，鼻张闷乱，喘喝声嘎，痰涎壅塞，其证危恶。宜急攻之，牛黄散主之。

黑白牵牛头末，一两 大黄二两 槟榔半两
木香三钱 轻粉少许

上为末，和匀，每服用冷水或浆水，调服为度。

或问：何以谓之马脾风？曰：午属马，为少阴君火。心主热，脾主湿，心火乘肺，脾之痰升，故肺胀而喘，谓之马脾风也。

一儿四岁，忽作喘，气逆痰壅，鼻孔开张。予曰：此马脾风也。如胸高肩耸，汗出发润，则不可治。急须治之，以葶苈丸去防己，加大黄，除肺之热，合小陷胸汤除肺之痰，碾为细末，竹沥调服而愈。

慢惊有三因

因病后或吐泻，脾胃虚损，遍身冷，口鼻亦冷，手足时瘈疢，昏睡露睛，此无阳也。宜待其未发而治之，调元汤合小建中汤主之。如见上证，虽有神丹，不可治也。

或问：吐泻何以生风而不可治者，何也？曰：五行之理，气有余则乘其所胜，不足则所胜乘

之。吐泻损脾，脾者，土也。风者，肝木所生也。脾土不足，则肝木乘之，木胜土也，其病不可治。入身之中，以谷为本，吐多则水谷不入，泻多则水谷不藏。吐则伤气，泄则伤血，水谷已绝，血气又败，如之何不死也。

或问：风从风治，何以所立之方不用风药，何也？曰：《内经》云：肝苦急，以甘缓之，以酸泄之，以辛散之。又云：脾欲缓，急食甘以缓之。调元汤，参、芪、甘草之甘，可以缓脾之急，为治风之圣药也。而又可以补脾，芍药、桂枝，辛热之从，可以建中。二方合而用之，治慢惊风者，此东垣老人之秘传也。

因得惊风，医用利惊之药太多，致伤脾胃，元气益虚，变为慢惊者，此外风未退，中虚又生，风虚相搏，正去邪存，大命随倾，此慢惊风证，尤甚于始也。

一儿五岁，病痢，医用药治之，痢转甚，其脾胃中气下陷也。予用参苓白术散调之，十日痢止，予辞归。有感者谓其父曰：无积不成痢，富家之子多有肉积，吾有阿魏，尝用治痢有效。父感而听之，乃以阿魏作丸，如小豆大，连服三丸，其子昏睡。适予又至，以服阿魏丸告之。予惊曰：阿魏虽去肉积，大损元气，令郎脾胃已弱，岂可服之！父曰：病安而喜睡未醒也。予谓乳母叫之，则目露睛，气已绝矣。

有儿脾胃素弱，一日病泻，以理中丸服之，泻未止，口内生疮，谓儿前药性热助火，复以冷药投之，身微热，睡则扬睛。予见之曰：此儿发慢惊风，令郎脾胃本虚，泻则益虚，口中生疮者，脾虚热也，误服冷药，则中气益损，昏睡不乳，虚损之极也，当急作调元汤倍加人参服之，调理半月而愈。

一女子五个月内发搐，予以泻青丸投之，三四服，搐不止，转甚。予思痰壅气郁，乃发搐也，丸散颠粗，与痰粘滞于咽喉之间，致气不通而搐愈甚也。用竹叶煎作汤，取绵纸滤去其渣滓，澄清服之，搐止而安。其父叹曰：医之贵于变通也，如是夫！

一小儿得真搐。予曰：不治。彼家请一推拿

法者掐之，其儿护^①痛，目瞪口动，一家尽喜，再睹儿斜视，彼曰看娘；儿口开张，彼曰寻娘乳吃。予叹曰：误矣，睹子转睛，谓之看娘，急口张开，谓之寻乳，皆死证也。其夜果死。

肝主风，急惊风，搐搦振掉，肝之本经气动所生也。当急治之，得心热则发，宜泻青丸，用导赤散煎汤送下。初发搐昏睡不醒，或掐人中，或掐太陵，或灸中冲，待其醒而药之。或用：

白僵蚕、猪牙皂角、细辛、川芎、藜芦等分为末，吹鼻中，嚏者可治，不嚏者不可治。

如顽痰壅塞者，用僵蚕末吐之，或礞石滚痰丸吐之，家传三黄五色丸下之。

小儿发搐，如法治之，搐止者吉；如时发时止，昏睡不醒，不食者死。

儿一岁，发搐不止，口鼻气出温者，此真搐也，不可治。搐后易醒，口鼻气出热者，此假搐也，可治。钱氏云：气温则内生，谓肝之真脏病见者，故曰真；气热者，病自外生者也，故曰假。

先翁治一儿，满月后发搐，以至圣保命丹治之安。

祖训治急惊风，只用泻青丸、导赤散。

旧县张月山长子，病急惊风，十七日不醒，待请予到，舌色黑矣。予尝见父念《玉函经》：伤寒舌黑洗不红，药洗分明见吉凶。全问曰：用何药洗之？父曰：薄荷汤。乃依法急取薄荷汤洗之，舌变红色。予曰：可治也。用泻青丸二钱，煎汤服之，一饮而尽，口燥渴已止也。其夜搐止热退而安。此子不遇予，几死也。

汪元津幼子，七月间因伤食病疴，七日发搐。予见之，肝风虽甚，脾未至困，当泻其肝，后补其脾可也。乃以泻肝散，三服而搐止。后用调元汤以补其脾，琥珀抱龙丸以平其肝。喜睡，二目不能开。予思喜睡者，非脾困也，乃神昏欠惺惺也。目属肝，而胞属脾，合目不开者，非亡魄也，乃神倦也。今儿目欲开欲合可知也，只用前方。又二日，令其家中平日想与嬉戏者，取其小鼓小钹之物，在房中床前唱舞以噪^②之，未半日，目开而平复也。凡十日而安。

胡风崖有子痘疮后伤食疴，肌瘦发穗，有医童一册见之曰：不是疴证，乃血虚也。其家惑之，

始效则生一病，如痛非痢，昼则安静，夜则梦寐，抱其乳母叫云：我怕！我怕！如人捕之状。询其病原，此儿性不吃药，一册来喂药，必将针火以恐吓之，而得斯疾也。盖胃为戊土，肾为癸水，合而化为火。肾主恐，恐则伤肾，此因脾胃虚弱，不能生肺，肾无化原，亦从而虚也。肾藏志，肾虚则神志不宁，而生惊恐也。寤则神栖于心，寐则神发^③于肾，脾志往来出入之门户也，必以补脾为主，安神次之，补脾肥儿丸，安神钱氏安神丸，调理半年而安。

天钧内钧，足厥阴肝经之脉，起足大指而上环阴器，左交右，右交左，上入小腹，下会督脉，循脊脊过而上至子颠。如风伤肝则发天钧，其状眼上翻，头顶向后仰，身反折^④，浑如角弓之状。钱氏云：肝有风甚，则角弓反张者是也。天钧属木，宜发散，泻青丸中去大黄，加天麻、全蝎、僵蚕、钩藤。

内钧者，肝受寒则小腹痛，大叫哭，目直视但不搐耳。宜急温其内，当归茱萸汤及木香丸。

当归茱萸汤

当归 吴茱萸泡、焙干 小茴香炒 甘草
木香

木香丸 方见惊风类证。

小儿肠痛，亦在小腹腰屈，空啼无泪，此名盘肠痛。证似内钧，但不直视也，金铃子散^⑤见类证主之。

癩疝，此厥阴肝经痛也，与肾无干，皆寒所致。有肿而不痛者名癩，痛而不肿者名疝，有肿又痛名癩疝，茱萸内消丸主之。

本县大尹梁公子病疝，右边睾丸肿大如鸡卵，长约五寸，上络脐旁，下抵阴囊，直硬痛，大小便不通，急召全。全立方，用当归、川芎、木香、青皮去穰、山梔仁、山楂子、小茴香、川楝子、泽泻，二剂而安。

① 护：日本本作“获”，静观堂本作“发”。

② 噪：静观堂本作“娱”。

③ 发：日本本、静观堂本均作“栖”，义长。

④ 折：日本本、静观堂本均作“折”，义长。

⑤ 金铃子散：据文义当作“金铃子散”。

卵肿,小儿性急多哭者有之。

予曾治小儿,立方用香附子、川芎、木香、青皮、山梔子、麦芽,各等分,作丸服之。

又小儿一肠痛^①,予用《诸证辨疑》内一方,五苓散加川楝子、小茴香,入盐一捻煎,神效。

肝之窍在目,目赤痛者,肝热也,宜泻青丸加黄连,作丸服之。

目中白膜遮睛者,肝虚也,宜泻青丸,去大黄、梔子,加干菊花、木贼、蝉蜕,作丸服。

经曰:肝有热者,则小便光赤,导赤散加梔子、条芩、胆草、甘草梢主之。

本府三守小姐,溺出如青水,着肉处溃烂成疮,夫人忧之。守问全云:莫非女之脏腑坏也?答云:膀胱受五脏之液以藏之,是为溺也,各随本脏之色。青者,肝之色也。着处成疮,肝火盛也,火之所灼则溃烂矣。全独治之,以前治小便赤方,更加黄柏为丸,调理五日而安。夫入大喜,命小姐出而拜之。

治阴臭神效方

当归 胆草 山梔子 木通 车前子 泽泻 甘草梢 条芩
用水煎服。

肝有病则大便难,用泻青丸、木通散主之。

钱氏云,肝热者,手循衣领及乱捻物,或咬牙。

一小儿五十日,昼夜啼哭不止,予用泻青丸五胆,竹叶煎汤,入砂糖少许调服,立止。

咳嗽不止作搐者,此肺衰也,而肝木侮之也。当先补肺,阿胶散;后泻肝,泻青丸。搐止者可治,不止者不治,木寡乎畏也。钱氏所谓三补肺而咳嗽不除,三泻肝而搐不止者是也。

薪水举入蔡沙江,有子病咳,久不止,请予治。予往,见其连声不止,咳时面青,右手常自摆动,谓沙江曰:令郎不可治也。沙江问:何故?曰:嗽者肺病也,肺属金;而青者,肝之色也,肝属木;手摆者,肝风欲发之状也,木来侮金,寡乎畏也。维金^②十月,金病木生之时,四时之序,将来者进,成功者退。木生而进,金病而退,发搐不可治也,甲乙日剧。果甲乙日搐而死。

黄州府甘秀才女,惊后右手大指屈而不能

伸,医用全蝎、僵虫治之不效,问予求治法。肝主筋,筋赖血养,故曰:掌得血而能屈也。血燥则筋枯,屈而不能伸也。手大指,手太阴之脉以起也,金本性燥,复用风药以治之,燥益甚矣。刘宗厚云:休治风,休治燥,治得火时风燥了。乃授一方,用入参固本丸加黄芩、黄柏、知母,作丸服之。

百日内儿搐最恶,谓之胎惊,钱氏论详。

惊风后余证

搐后成瘫痪者,左氏谓风淫末疾是也。肝主筋,肝热则筋弛而长,长则软弱,手足伸而不能屈矣。肝寒则筋缩而短,短则拘挛,手足屈而不能伸矣。并宜六味地黄丸主之。拘挛者,加附子、肉桂;软弱者,加黄柏、知母、当归、牛膝、续断,蜜丸服之。

惊风后瘖不能言,宜六味地黄丸加巴戟、远志、石菖蒲。

本县一尹吴子,生四个月,病惊风,搐过则昏睡不乳,发搐则醒,眼斜视,右手搐搦。请予,予曰:此真搐不可治,而辞退。

心经主病

心主惊,实则叫哭,发热,饮食而搐。虚则困卧,悸动不安。

实则导赤散,泻心汤,虚则二安神丸服之。

导赤散 治心热及小便赤,夜啼。

生地黄 木通 甘草梢炙,各等分

锉,加竹叶,水煎,食前服。加黄芩,名火府散。

泻心汤 治惊热。

黄连去须,五钱

为细末。每服一字至半钱。临卧,温水调服。

钱氏安神丸 治邪热惊啼,心瘖面黄,颊赤壮热。

麦门冬 马牙硝 白茯苓 山药 寒水石煨、飞 甘草各五钱 朱砂飞净,一两 脑子一字

共为末,蜜丸,芡实大。每半丸,沙糖水化

① 又小儿一肠痛:日本本作“又一小儿肠痛”。

② 金:日本本作“时”。静观堂本作“今”。

下,无时。

东垣安神丸 《经》云:热淫所胜,治以甘寒,以苦泻之。以黄连之苦寒去心烦、除热为君,以甘草、生地黄泻火、补气、生阴血为臣,以当归身补其血之不足,朱砂约浮游之火,以安其神也。

甘草五钱半 黄连酒炒,六钱 当归身二钱半
生地黄一钱五分 朱砂五钱,水飞为末

共为末,蒸饼丸黍米大,朱砂为衣。每服十九至三十丸,温水送下。

心经^① 兼证

诸热惊悸,不安多啼,此心脏本病也。宜导赤散加朱砂主之,甚者凉惊丸、三黄泻心丸。

兼见肝证,则发热而搐,宜木通散主之。

兼见脾证,则嗜卧,梦中咬牙,多惊,宜钱氏安神丸主之。

兼见肺证,则发热作搐而喘,宜清宁散主之。

兼见肾证,为惊痫,发则忽然卧仆,咬牙搐搦,手足逆冷,发过即醒,精神恍惚。

盖心藏神,惊则伤神;肾藏志,恐则伤志。小儿神志怯弱,有所惊恐,则神志失守而成痫矣。如书传所谓请僧寄名、僧为摩顶诵咒,儿被吓而成痛,后见穿皂衣人即发是也。亦有惊久成痛者,初起即可治,定志丸主之。父母怠忽,久而不治,遂成终身之患。

一小儿惊后成痛,予制一方,天水散一料,碾为细末,分作三剂。二^②两三钱,入真青黛五钱,碾匀,名清魂散,寅卯时煎竹叶汤调服一钱,以平肝火。一剂二两三钱,入朱砂末,水飞五钱,名安神散,巳午时煎灯草汤调服,以镇其神。一剂二两三钱,入真轻粉二钱研匀,名定魂散。申酉时煎淡姜汤服,以去其痰。旬日而安。

一小儿十岁,久得痫疾,予视两目,浑白无有睛光,语言蹇涩,举动痴迷。乃语其父曰:不可治矣。后请医治之,竟无成功。

惊久成痛,乃痰迷心窍之病,最为难治。或分五病,以牛马狗猪羊名之者,未见其方,不必拘也。钱氏五痫丸,祖训未用,予亦不敢轻用也。

儿有者,当先观其状貌,而后治之可也。如伶俐聪明者可治之。若成痴呆,言语错乱,不必治之。如强治之,终无成功。间有聪明伶俐,治之无效,非真病也。此宜琥珀抱龙丸主之。或辛香者,不如抱龙丸犹稳。

薪水周维峰,有子病痫。予见神气昏滞,语言含糊,状类痴呆,告其父曰:不能治也。辞归。

黄州府万鲁庵,有子病痫。予见容貌俊伟,性格聪明,告其父曰:可治。乃与琥珀抱龙丸方,使自制服之。

本县汪前川儿惊病,一日之间,尝发二三次。予曰:不治,必成痫也。求治于予,乃立一方,用枳实、黄连、半夏、白茯苓各等分,折半,朱砂飞又折半,同前碾末,神曲糊丸,芡实大,朱砂衣,每服一丸,用猪心一个,劈开入药在内,线扎定,放瓦罐中煮熟,取出猪心和药食之,以汤送下,后竟不发。名曰断痫丸。

心所生病

《经》曰:诸痛痒疮疾,皆属心火。

诸疮

《发挥》云:心火者,君火也。君务德而不为毒,为痒痛疮疡者,乃命门相火之所为也。小儿诸疮,皆胎毒也。命门者,右肾也,虽云男子以藏精,女子以系胞。父母命门之中,原有伏火。胚胎之始,儿则受之。既生之后,其火必发为痲疽、丹疹疥癣,一切恶疮,名曰胎毒者是也。古人立法,子儿初生之时,有拭口法,有黄连甘草朱蜜法,无非以解毒而设也。后人因之,合上三法,取脐带合药,名曰育婴延龄解毒丹方备载在前幼疾^③条内。东垣之治红丝瘤,丹溪之治小便淋,皆有解毒之法,见《格致余论》,请博求。

予立一方,以丹溪三补丸,半生用,半酒炒,甘草半生半炙,各等分为末,雪水丸,麻子大,朱砂、雄黄各二分之一,水飞为衣,淡豆豉汤下。初

① 心经:日本本、静观堂本均无此二字。

② 二:此前疑脱“一剂”二字。

③ 幼疾:原作“户痰”,于义不通,据本书卷一“幼疾”及日本本、静观堂本改。

生一腊内服之良，天行痘疹之岁，尤宜服之。

小儿初生，有育婴延龄解毒丹，服之能解其胎毒。其有发疮疡者，有溯源解毒汤，乳母服之。

丹瘤，此胎毒之最酷者，即红丝瘤也，名龙缠火带也，乃小儿之恶疾。二岁以上儿可治，半周岁者难治，百无一二也。发处肿硬一块，其色甚赤，手不可近，如火炙流铜，往下趲^①走，自头上起至心即死，自足下起至肾即死。古方治法，无可取者，唯家传蜈蚣针法^②、砭法^③，出其恶气，以泄其火毒，十治六七，诚良法也。《经》云：血实^④者决之是也。切不可用寒冷之药傅^⑤之，使火毒郁而不得泄，入腹为腹胀，为腹痛，为喘，为惊狂，为搐搦者，必死。宜用通圣散全料，锉细，入酒中浸淫，晒干，炒碾为极细末，蜜水调服，外以通圣散加金银花藤叶煎汤浴之。此水渍法，亦火郁则发之也。先发惊后发丹者可治，通圣散主之，或用导赤散加连翘、玄参、防风、荆芥穗、青丸^⑥。先发丹后发惊者不治。

疥癣，干者可治，胡麻丸主之。若浸淫溃烂，内无完肤，日夜啼哭者，不可治。切不可用砒、硫粉汞为药搽之，使毒气乘虚入腹。发搐发喘者，皆死。

胡麻仁炒 苦参 甘菊花 大力子炒 石菖蒲 何首乌 威灵仙 蔓荆子 乌梢蛇酒浸，去皮骨，取肉焙干，各等分 一本有蒺藜炒、黄连炒，无蛇。

共为末，酒糊为丸，麻子大，竹叶汤下。此祖传十三方也。

治小儿疮疥，宜调乳母，溯源解毒汤主之。

人参 归身 赤芍药 川芎 黄连酒炒 连翘 木通 生地黄 陈皮 甘草

水煎服。以少许喂儿佳。一本有竹沥。

小儿生下，通身虫疥干痒，喜入摩拍。予制一方，用：

乌蛇酒浸，焙干，取肉，一钱 苦参酒浸，焙干，二钱 胡麻仁炒 白蒺藜炒去刺，各一钱五分

共为末，用浸蛇与苦参酒糊为丸，甘草汤下，愈。

一小儿五岁，每到春时，则遍身生脓疮，此胎毒也。予戒用搽药，恐粉、砒、硫之毒，乘虚

入腹，以胡麻^⑦服之而愈，更灸风池、血池、曲池、三里。自此再不发矣。

儿疮入腹，腹胀，大小便不通，或喘或作搐者，先用雄黄解毒丸治之。

鸡冠雄黄飞，二钱 真郁金 壮大黄各二钱 巴豆霜一钱 一本无大黄。

上共碾匀，水糊丸，小豆大。每服一二丸，茶清下。此祖传十三方也。

黄州李四守，生子五个月，遍身湿疥，一旦尽干，召全问之。全曰：疮出惊止无忧也。连更数医不能治。

小儿生痲毒者，不可轻针，恐伤筋骨，慎之。

一子满月后，血盆中发一痲，请外科胡长官针之，断其骨，竟不可救。

小儿颈下或耳前后，有结核者，此热也，切不可作瘰疬治之。内服斑蝥^⑧，外施针火及烂药，必杀儿也，戒之。予家传消结神应丸，乃新立，真神方也。

黄芩酒炒 黄连炒 山梔仁 生贝母 海昆布酒洗 海藻酒洗 桔梗 麦蘖炒，各一钱五分 紫背天葵 玄参 连翘 瞿麦各二钱 薄荷叶一钱五分

上共为末，酒煮稀糊丸，芡实大。每服一丸，酒下。

蕲水朱震三子，结喉上生一核如李，问予求治，予谓《病原式》云：结核者，热也。又考《本草》消结喉之药，立一方与之。遂买药制成，碾末，温汤调服效。病此者服之，无不应验，乃名之曰神应丹。

① 趲(bèng 进)，走也。

② 蜈蚣针法：《万氏家传幼科指南心法》“丹毒”载蜈蚣针法：用水蛭数条，放肿处，吮其恶血，即愈。

③ 砭法：《万氏家传幼科指南心法》“丹毒”载磁针法：“用细料磁器，打尖锋，刺其恶血，即愈。”是砭法也。

④ 血实：原作“血食”，于义不通，据《素问·阴阳应象大论》改。

⑤ 傅：通敷。

⑥ 青丸：静观堂本作“青黛”。

⑦ 胡麻：静观堂本作“胡麻丸”。

⑧ 斑蝥：原作“蟹蝥”，据今通行写法改。

团风帅碧泉，致仕在家，唯一公子，项下生一结核，惑于医作病治，用药破烂，转加肿大。此任脉所过之路，元气受伤，致成疔证。医无识其证者，及请于往，势不可为矣。

王思泉一女四岁，耳后侧有结核。问予，予曰：非疔疮，乃痰核也，不必治，亦不为害也。他医所惑，作病治之，用斑蝥内消之药过多，脾胃受伤，致成疔癆而死，哀哉！马刀多生于耳后前，肿硬赤痛，欲名疔腮。用散毒散敷之，神效。

又方

用生绿豆，碾为细末，醅醋调如膏，敷之再换，神效。

又方 治结核。

用五倍子碾为细末，醋调服之，皆效。此皆家传之方也。

肥疮，脓血堆积，久不愈，用熟皮灶上^①烟胶、松香共研，清油调搽。如虱多不绝，用水银铅汞入钟内，指揉唾调搽上，虱尽毙矣。

软疔不愈，只用紫金丹水磨搽之，脓尽干而自效也。又苦参研末敷之。

耳前后，或鼻下，或眉间，生疮赤烂，用芦甘石、海螵蛸研末，入轻粉三之一，和均敷之。

脚背上生疮，痒痛不常，久不愈，欲呼牛颈癣，用鸡子黄熬油搽之。

舌上生疮，此心脾二经有热也，用柏连散搽之。

生黄柏 生地黄各等分 白槟榔减半
共研细末搽之。

满口舌生疮，乳食不得者，宜洗心散服之。

大黄 麻黄 白术 当归 芍药 荆芥穗
甘草 薄荷叶各等分

共锉，水煎服，更用柏连散搽之。

满口生白雪疮，又名鹅口疮。先翁用朱砂、白矾，碾末，涂口舌效，又用鹅公一只，以糯米于口中，喂食尽，取水洗之。

一儿患口舌生疮，医用药服之，搽之者，皆芩、连、知、柏类，无效。予曰：心热所为，苦入心而反助其热，宜无效。乃作洗心散与之，一服而安。

予外甥，李中庵子也。满口生疮，咽喉唇舌

皆是，令人取药。予制一方，用黄柏、黄连各一钱，朱砂、白矾各五分，鼠妇焙干三分。共为研细。傅之立效，乃奇方也。

儿有童舌重齞者，宜用三棱针刺去血，内服东垣凉膈散。凡口内诸病，唯针最捷。

钱氏云：舒舌者，心热也，导赤散。弄舌者，脾热也，泻黄散主之。心主惊，心藏神，儿心气法弱，或闻大声，见异物异入，未有不动其神也，谓之客忤。

惊后其气不散，郁而生痰。痰生热，热生风，如此而发搐者，陈氏所谓气逆而作搐，而发惊者是也。此惊风二字，所以不同。

凡因惊而发搐者，此心火旺而肝木乘之。宜先止其搐，导赤散作汤，吞下河间当归龙荟丸；后安其神，钱氏安神丸主之。有痰涎壅塞者，先降其痰，辰砂膏主之，次止其搐，后安其神。

辰砂膏 下痰甚妙。

辰砂飞，三钱 硼砂 马牙硝各一钱半 玄明粉二钱 全蝎去毒 珍珠各一钱 麝香一字

共另为末，和均，用好油单纸包起，自然成膏，每用一粒许。治诸惊，薄荷汤调下；治胎惊，乳^②汁和枣汤下。

先翁治惊风至圣保命丹，方见肝部。此但加蝉蜕一钱，使君于一钱五分。

英山县大尹吴清溪，子病惊风，诸医作风治之不效，急差入请予。予往见尹，曰：非风也，乃因惊得之。风从肝治，惊从心治，不识病源，如何有效。乃取至圣保命丹治之，搐止矣。次日邑中僚属士夫，皆来问之，尹曰：名不虚传，果良医也。彼一见自有主意，不似他人费力。留住数日，厚待而归。

心属火恶热，心热则烦，多夜啼，或日夜啼，宜导赤散主之。

本县大尹张鼎石公子，生四月无乳，取一民壮妇人乳之。一夜大啼，取医甘大用治之，吾所

^① 上：静观堂本作“上”。

^② 乳：原作“猪”，据本书卷二“急惊风有三因”中“辰砂膏”用法改。

传者^①，呼为腹痛，用理中汤不效；又呼为伤食，用益黄散，又不效。夜更啼哭，急请予视之。甘语其故，意欲我扶同其言也。心本恶热，药中又犯干姜、丁香，如何不助火而增益其病也，乃请公子看之。尹曰：夜啼四日矣。全曰：夜啼有四，心烦一也。尹曰：伤食乎？腹痛乎？全曰：腹痛则面多青，伤食则面多皓白，今面多赤，心烦证的也。大用趋出，予用导赤散加麦冬、灯芯进一服，次早往问之，用自内出云：昨夜到天明不止。予叹之^②，彼喜其药不中病也，不知病退矣。全入问，尹曰：昨夜哭犹甚也。予告之曰：公子病安矣。公子贵体微和，四日夜未乳，昨夜病退思乳。乳母在外，故知往夜之哭，病哭也；昨夜之哭，饥哭也。尹喜曰：怪哉！乳母来后，再不复啼矣，病果退也。

心热，有喜面合卧者，有喜仰卧者，宜导赤散、三黄泻心丸主之。

儿性执拗，凡平日亲爱之人，玩弄之物，不可失也。失则心思，思则伤脾；昏睡不食；求人不得则怒，怒则伤肝，啼哭不止。此忤其心也，谓客忤成病也，平日未亲爱之人，未见之物，不可使之见，见则惊，惊则伤心；凡未见之人，不可使之近，迫近则恐，恐则伤肾。令儿成痾，此皆客忤病也。今之为父母者，则称所畏惧者以止之，如长老止夜啼之故事。为医者，因见儿不服药，则持针以搏灸，以迫之，令儿生病。

楚府典仪胡西序渤，三溪翁之伯子也。幼多疾，托予调养。至丁酉七月七夕周岁，三溪设酒，请予作乞巧会。日没后，哭不止。予视之无疾，复即席。初更哭尤甚，母促再视，果无疾。曰：无疾，何以黄昏哭，一更不止？予思外候无证，但见儿左右顾盼，其当值之人，如有所失者。口不能言，但啼哭，此拗哭也。猛询问，其当值曰：此儿今日所戏者，是玉印了也，已收拾矣。急命取与之，儿笑而哭止。三溪曰：如保赤子，心诚求之，善哉！添酒灌醉而归。

诸汗

汗者心之液也，唯头汗不必治。小儿纯阳之体，头者诸阳之会，心属火，头汗者炎上之象也。故头汗者，乃清阳发越之象，不必治也。

自汗者，昼夜出不止，此血气俱热，荣卫虚也，宜当归六黄汤主之。其方用黄芪以补其卫，当归、生地黄以补其荣，芩、连、柏以泻其血气之火，用浮小麦为引，入脾以泻其皮毛之热。此治诸汗之神方也。

盗汗者，梦中自出，醒则干也。其病在肾，宜当归六黄汤加止汗散主之。

钱氏止汗散

败蒲扇，烧存性，碾末，入煎药内。假物象形之理也。

本县江兰峰，其子七岁，头面出汗如流。用人参、当归二味，同獾猪心煮汤服之安。

诸热

小儿病则有热，热则生风，不可不条理也。

肝热者，目中青，手寻衣领及乱捻物，泻青丸、当归龙荟丸主之。

有身热，口中气热，湿风证者，谓之风热，亦肝热也，宜生犀散、脱甲散主之。

心热者，目中赤，视其睡，口中气温，喜合面睡，或仰面睡，上窜咬牙，宜导赤散、黄连安神丸主之。

有一向热不已，亦心热也，甚则发惊痾，宜黄连安神丸主之。

如目中热，心虚也，宜钱氏安神丸主之。

脾热者，目中黄，弄舌，泻黄散、茵陈五苓散主之。

有但温而不热，亦谓之温热，亦脾热也，宜人参白虎汤主之。

肺热者，目中温白，手掐眉目面鼻，甘桔汤、木通散主之。

有时间发热，过后却退，次日依时发热，谓之潮热，此亦肺热也。宜地骨皮散主之。

肾热者，目无精光，畏明，脊骨重，目中白精多，其颅即解，地黄丸主之。

热有表里

表热者，多因伤风寒之故。喜人怀抱，畏缩恶风寒，不欲露头面。面有惨色，不渴，清便自调

① 吾所传者：静观堂本作“初所治者”，义长。

② 之：静观堂本作“曰”。

者,此热在表也。宜发散,惺惺散、败毒散、升阳散火汤、十神汤,选而用之。

里热者,喜露顶而而卧,扬手掷足,揭去衣被,渴饮冷水,儿小不能言,吃乳不休者是也。小便赤,大便秘,此热在里也。宜解利之,凉惊丸、三黄丸、四顺清凉饮、凉膈散、钱氏抱龙丸、牛黄凉膈丸、黄芩汤,选而用之。

有表里俱热者,宜通圣散、柴苓汤、人参白虎汤选而用之。

热有虚实

虚热者,多在大病之后,或温热,或潮热,或渴,或不渴,大小便如常,宜补之,竹叶汤、调元汤、地骨皮散主之。

实热者,面赤腮燥,鼻干焦,喜就冷,或合面卧,或仰面卧,露出手足,掀去衣被,大渴饮水,大小便秘,宜泻之。神芎丸、大金花丸。大便不通者,用胆导法。

或问;治热以寒,治寒以热,良工不能废其绳墨也。今治虚热,乃用温药者,亦有说乎?予曰;说见《内经》。实热者,邪火也,可以水制,可以寒^①折,故以寒治热者,逆治法也。虚热者,真火也,水不能制,寒不^②能折。唯甘温之剂,可以胜之。故以温治虚热者,从治法也。逆之从之,不离乎正。

按钱氏书中,有潮热发搐似惊者,附会之说也。盖热则生风,诸热不退,皆能发搐,不特潮热也。其以十二时,分五脏者固是,愚窃有疑焉。人身之气,昼则行阳二十五度,故昼则发搐,夜则明了者,此热在气分,宜小柴胡汤合白虎汤主之。夜则行阴二十五度,故夜则发热,昼则明了者,此热在血分,宜四物合桂枝汤主之。如昼夜发热者,此气血俱虚也,宜如前法,分表里虚实治之。如日晡潮热,乃胃中有宿食也,宜下之,小承气汤、三黄枳术丸主之。

如伤风发热,伤饮食发热,变蒸疮疹发热,胎热疳热,各随其类治之。

生犀散 治风热。

地骨皮 赤芍药 北柴胡 干姜各一两
甘草半两 生犀角末二钱

共为细末,每服一二钱,水一盞,煎七分,温

服。

脱甲散 治夹惊伤寒,烦躁口渴。

柴胡 当归 龙胆草 甘草炙 知母各三钱
白茯苓二钱五分 人参 川芎各二钱 麻黄连根节,三钱 热甚加升麻、葛根。

共为细末,每服一钱,入连须葱白煎服。

黄连安神丸 治心热。

朱砂飞,四钱 黄连五钱 甘草五分

共为末,饼丸,黍米大。每服一、二十丸,灯草汤下。

木通散 治心肺热。

生地黄 木通 荆芥 地骨皮 桑白皮炒
甘草炙 桔梗各等分

共锉细,人生姜,水煎服。

地骨皮散 治夜热及潮热、虚热、病后余热。

知母 柴胡 甘草炙 人参 地骨皮初采者
半夏 赤茯苓各等分。

共为末,量人大小加减,人生姜,水煎。

升阳散火汤 治诸热在表者,宜发散之,乃火郁则发之也。

升麻 葛根 独活 羌活 人参 白赤芍
各五分 防风二钱五分 柴胡八分 甘草生炙,二分
甘草生,二分

水煎。

牛黄凉膈丸 治上焦壅热,口干咽痛,燥烦涎潮。

马牙硝 寒水石 石膏各二两 甘草微炙,
一两 胆星三钱 紫石英飞,五钱 牛黄 脑子麝香

共为末,炼蜜丸,每一两分二十四丸。每一丸,薄荷汤化下。

神芎丸 治一切诸热,实者服之,虚者禁用。

大黄 黄芩各二两 牵牛头末 滑石各四两
黄连 薄荷叶 川芎各半两

共为末,水丸,随大小加减,温水下。

黄芩汤 治心肺蕴热,口疮痛,淋浊不利。

① 寒:原作“实”,据文义改。

② 不:原作“水”,据日本本,静观堂本改。

泽泻 栀子仁 黄芩 麦门冬 木通 生地黄 甘草各等分^① 黄连

共锉，入生姜一片，木煎。

竹叶汤 治虚热。

竹叶 石膏 半夏 麦门冬 人参 甘草 粳米

共锉，除粳米外，先煎众药成，去渣，入米再煎，米熟去米服。

柴苓汤，小柴胡合五苓散，通圣散，大金花丸，败毒散，凉膈散，河间凉膈散用硝黄，东垣凉膈散去硝黄，加桔梗，四顺清凉饮，十神汤，茵陈五苓散五苓散加茵陈。

一儿生下，便有目赤口疮之症，自是头常热，山根青筋横截，幼疾甚多。予曰：此胎热也，其治在肝。小儿者纯阳之体，头者诸阳之会。肝为乙木，旺于春，乃少阳生发之气。经云：春气者病在头，故头常热也；肝之色青，故青筋浮露也。肝常有余，不治恐发惊风，乃用泻青丸去大黄加黄芩，为末，炼蜜为丸服之。自此头凉，青筋泯没，亦少病矣。

一儿发热，至日晡尤甚，其医作疟治，不效。又作潮热治，亦不效。予曰：此胃虚有宿食也。谓疟疾则寒热，有发有止，谓潮热，则发有时，如水之潮过即退，次日依时复发。此儿身尝温热，至申酉时则甚。故知是宿食发热也。彼曰：有所据乎？曰：出仲景《伤寒正理论》，阳明病证云：潮热者，实也，宜下之。以三化丸下之愈。

一儿惊风时热不退。群医有议用小柴胡汤者，有欲用竹叶汤者，有欲用凉惊丸者。予曰：大惊之后，脾胃已虚，宜温补之。三药寒凉，不可服也。乃作理中汤，用炒干姜，一剂热除。

己未冬十月，本府三守张公子，于初三日发热，初五日热益甚，目上直视，口多妄言，众医作风治，无效。时代巡在府，所属州县官各举其医，皆莫治。吾县大尹云阁朱公以全荐张公，亟召之。全往，此二十七日也，诊其外证，禀曰：公子病势将退，但肺热未除耳。公曰：何如？全曰：三关黄润，两目精明，此病当愈。惟正面戴阳，喘气上息，此肺虚热也。公喜曰：予正忧其气喘，汝谓无妨，当用何药？全曰：小阿胶散。众医嫉而阻之。公不听，竟服一剂，其夕喘止热退，始求微食。二十八日早，公谓众医曰：汝等作风治，误矣。昨听汝等之言，则无此效，早请汝来，此儿不受苦也。众惭而退。二十九日，赐金^②驰驿而归。

① 各等分：此三字静观堂本在黄连后。

② 金：静观堂本作“全”。

幼科发挥卷之三

脾经主病

脾主困，实则日晡身热饮水，虚则吐泻生风。

实则泻黄散、三黄丸泻之；虚则益黄散、异功散、小建中汤、调元汤、肥儿丸补之。

泻黄散 治脾热弄舌。

藿香叶七钱 山梔仁一两 石膏半两 防风四两

共锉，蜜酒炒微香，碾为末，水煎温服。

益黄散 治脾胃虚冷。

陈皮一两 青皮 诃子 甘草炙 丁香各二钱

共为末，水煎服，量儿大小加减。

治脾胃寒温太甚，神品之药也，以补脾胃之虚误矣。病非呕吐、泻痢清白，不可服也。东垣云：丁香辛热助火，火旺土愈虚矣。青橘皮泻肝，丁香大泻肺与大肠。脾胃实当泻子，今脾胃虚，更泻子而助火，重虚其土，杀人无疑，故以异功散代之。

钱氏异功散 温中和气，治吐泻不思食及脾胃虚冷痛。

人参 白茯苓 白术 甘草炙 陈皮各等分

共为末，每服一钱半至一钱，水煎服。即四君子加陈皮。

调元汤 补脾胃，扶元气之圣方。益脾土，泻火邪，补元气之要药。

黄芪蜜炙 人参各等分 炙甘草减半

水煎服，不拘时服。

小建中汤 治脾胃中气虚损。加黄芪名黄芪建中汤。

芍药酒炒 炙甘草各等分 肉桂减半

共锉末，水煎或剂，去渣滓入白饴一匙，再煎一沸，温服。

肥儿丸 小儿脾胃素弱，食少而瘦，或气强

壮，偶因伤食，或因大病后瘦。此家传秘方也。

人参 白术 白茯苓 山药蒸 莲肉 当归身酒洗，各五钱，陈皮二钱 青皮 木香 砂仁 使君子 神曲各三钱 炙甘草三钱 桔梗 麦麩各二钱

上为末，荷叶浸水煮粳米粉糊丸，麻子大。每服十五丸、二十五丸、三十五丸、四十五丸至五十丸，米饮送下。

脾经^①兼证

诸困睡，不嗜食，吐泻。皆脾脏之本病也。昏睡身热，宜胃苓丸，琥珀抱龙丸主之。吐泻有冷有热，冷者不渴，理中丸主之；热者渴饮冷水，五苓散调天水散主之。

兼见肝证，初伤风吐泻，恶风发热，烦急顿闷，此宜发散，惺惺散主之。如先吐泻，后变慢惊风者，不治。

五苓散 能分阴阳，止吐泻，利小便，定惊悸。

猪苓 泽泻 白术 赤茯苓各等分 桂减半

上锉，或为末，水煎。加朱砂，名朱砂五苓散。加茵陈，名茵陈五苓散。

天水散 一名六一散，一名益元散 除热止渴，化涎痰，利小便。

滑石飞过，六两 甘草炙，一两

共末碾匀，水调服。

惺惺散 治伤寒时气风热，痰涎咳嗽。

四君子加桔梗 细辛 栝蒌根 防风各等分

共为末，小者每服一钱，大者二钱，入薄荷叶五片，水煎至七分，温服，锉亦可。

兼见心证，发热昏睡，梦寐惊悸，宜东垣安神丸主之。

① 脾经：日本本、静观堂本均无此二字。

兼见肺证，发热^①昏睡，气促而喘者，宜葶苈丸主之。

葶苈丸 治伤食冲脾，伤风喘嗽，痰涎喘促者。

甜葶苈去皮隔纸炒 黑牵牛炒，取头末 防己杏仁去皮尖，研为膏，各等分

上研和匀，取胶，枣肉去皮杵烂，入药再杵，丸麻子大。每服五至七丸，淡姜汤，食后临卧送下。量儿强弱加减。予今家传去黑牵牛，加萝卜子、真苏子炒入尤妙。

兼见肾证，羸瘦痿弱，嗜卧不能起者，宜脾肾兼补，补肾宜地黄丸，补脾宜养脾丸。如泻久便脓血者死。

补脾丸 此家传补脾之圣方，小儿脾常不足，宜此补之。

人参 白术 茯苓 炙甘草 白芍酒炒 黄芪蜜炙 陈皮 当归身 山药 莲肉各一两 神曲五钱 肉桂二钱五分

上为末，荷叶水煮粳米糊丸，如麻子大，用米饮下。

一女嗜卧，发热项软，头倾倒不能举。诸医作风治，而持疑不决。予至见之，谓诸医曰：此阳虚病也。盖头者诸阳之首，胃者诸阳之会，此女必乳食伤胃，胃气不足，故清阳不升，而项软不能任元也。可服调元汤，一剂而安。人皆叹服。

脾所生病

《经》云：诸湿肿满，皆属脾土。

肿病^②

肿有二。经云：面肿曰风，足肿曰水。凡肿自上起者，皆因于风，治在肺，宜发散之，所谓开鬼门者是也。鬼门，汗孔也。参苏饮合五皮汤主之。肿自下起者，因于肾虚，宜渗利之，所谓洁净府，是利其小便也。故仲景云：治湿不利小便，非其治也。宜五苓散加防己、槟榔主之。

有一身尽肿者，宜胃苓五皮汤主之，经郁则折之，谓上下分消，以去其湿，发汗利小便。此方是小儿者，胃苓丸煎五皮汤送下。

胃苓丸 此予家传十三方也。

苍术酒浸 厚朴 陈皮 猪苓 泽泻 白

术 茯苓各一两 甘草 官桂 果仁各三钱

上为末，水面丸，麻子大，米饮下，此小儿常用之药，随病换^③。

先翁治小儿肿，只用胃苓丸正方，顺取长流水，入灯芯煎汤送下。每日午时，用五加皮煎汤，抱儿于房内无风处浴之。浴罢上床，令睡一觉，以薄被盖之，得微汗佳。如是肿消而止，未有不效者。

五皮汤

桑白皮 陈皮 生姜皮 茯苓皮 大腹皮 水煎。

经纪万邦瑞女，二十七岁。病肿甚异，寅后午前。上半身肿，午后丑前，下半身肿，上下尽消，惟牝户肿，小便难。诸医不能治，请予治之。予曰：经云：身半已上，天之阳也，宜发其汗，使清阳出上窍也；身半已下，地之阴也，宜利小便，使浊阴出下窍也。正上下分消，以去其湿之法。唯半夜阴户肿，不得小便，此又当从肝经求之。盖厥阴肝经之脉，丑时起于足，上环阴器。又肝病者，则大小便难，用胃苓五皮汤，发汗利小便也。内有茯苓，所以伐肾肝之邪，木得桂而枯，又以辛散其肝经之水，以温肾之真寒湿也。连服十一剂，而肿尽消去矣。

予奉先翁之教，凡肿微者，只用胃苓丸本方治之。如而肿甚者，胃苓丸本方内，加紫苏叶二钱，苦葶苈隔纸炒一钱，以去肺经之风。足肿甚者，本方内加汉防己二钱，牵牛炒，取头末一钱。共为丸，灯芯煎汤下。吾有一二人，不守先训，专用葶苈、牵牛为治肿之药，随消随肿，杀儿甚多。累吾之德，虽禁之不能阻也。

湖广右布政使孙，隆庆丁卯，入场监试，为《书经》《礼记》总裁。有小姐病，留全司中调理，小姐误食菱角伤脾，面肿而喘，夫人忧之，命全进药，全立一方，用钱氏异功散加藿香叶，以去脾经之湿，紫苏叶以去肺经之风，一剂而安。场罢后，公出见其方，谓全曰：此方甚好，取笔札，

① 发热：静观堂本作“咳嗽”。

② 病：日本本无此字。

③ 换：此后静观堂本有“引”字。

令舍人孙环书记之。

小儿病嗽、病疟、病疮后肿者，皆虚肿也。如受风雨水湿之气而肿者，实肿也。通用胃苓丸主之，此家传之法也。

小儿诸肿，不问虚实，并用胃苓丸、五皮汤主之，此家传也。

如因喘嗽，面目浮肿者，宜消肿，葶苈丸主之。

如疟后遍身浮肿者，此因疟发之后，外中风邪，内伤冷水得之。宜胃苓丸，用长流水顺取，入灯芯煎汤送下。更于日午浴之法如前。

如无他病浮肿者，视其肿起之处，治之。如自而起，上半身先肿者，此风肿也，宜五皮汤加紫苏叶、防风主之；如从足起，下半身先肿者，此湿肿也，宜五苓散加防己、木通主之。

如肿久不消，气实能食者，宜利其水，商陆胃苓丸主之。肾者水之根，湿则伤肾，小儿久坐湿地者，多此疾。

如气弱食少者，只以补脾为主。脾属土，土能胜水，脾强则水去而肿消矣，宜参苓平胃散加藿香叶、紫苏叶、木香、砂仁，为丸服之。

有肾虚者，安肾丸服之。

有面目俱黄，遍身俱黄且肿者，此黄肿也，宜胃苓丸加茵陈服之。

如黄面不肿者，此疸症也。观其色之明暗，如黄而色鲜明，小便色黄且涩者，此热也，宜三黄金花丸主之。如黄色昏暗，小便不利者，此湿也，宜茵陈五苓散主之。

安肾丸 大肿不消，肾虚不纳水也。

川乌炮去皮尖 桂心各一两 白茯苓 白术 石斛酒炒 白蒺藜炒去刺 巴戟天 苁蓉酒洗，焙 故纸炒 桃仁微炒去皮尖 草薢各三两

共为末，炼蜜为丸，芡实大。每一丸，盐汤下。

胃苓五皮汤 治肿要药。平胃、五苓方见前。

共锉，取长流水，灯芯煎服。

商陆胃苓丸 病肿气壮能食者，宜此治之。谓去菀陈莖洁净府也。

上共为末，水煮面丸，麻子大，每服五十丸

至三十丸止，大便后快又服，衰其半面止。

一儿疟后肿，用胃苓丸，长流水煎，灯芯汤下。又用浴法，调理二十日而安。

一儿病肿，有庸医假专门之名，不守家传之法，尝称得异入之术，用牵牛、葶苈，为治肿方之神药，作散服之，元气下陷，肚大坐不得卧，阴囊肿大，茎长而卷。予见之叹曰：脾土已败，肝木独旺，乃贼邪也，不可治矣。果死。

一儿病肿，腹大。彼自庸医妄谈，五日消一分。乃取绳子围其腹量之，投以牵牛、葶苈服之，利下败行，肿减十分之三，父母甚喜，约至五日再消三分。未三日又大肿，较大于前。庸医闻之走去，病势益甚而死。

一义子十五岁病疸，面目俱黄。予问之，对曰：伤食起，腹中大热又痛。乃立一方，用黄柏、梔子等分，大黄减半，以退其热；猪苓、泽泻、茯苓、苍术等分，以去其湿；枳实、厚朴、神曲以去其食积；茵陈蒿倍用，以去其黄。共为细末，酒糊丸，车前子煎汤下。三日后，吐去黄水二碗许，胸中不热。又二日泄三行，腹中不痛。十日以后，小便渐清，黄亦减矣此一段在疸门。

胀病

胀病有二，属虚者多，实者少。东垣、钱氏等从虚治。《内经》云：太阴从湿，谓寒湿也，作热治者误矣，当以脉证辨之。实胀者，或因食积，或因癖块，先有物在胃肠中，面后胀形于外也，按则坚。宜消导以去之，不可攻之，攻之愈虚，不可治矣，宜胃苓丸主之。

虚胀者，或因吐泻、疟痢之后，脾胃久伤而病。此气虚在膜育之外，其外虽胀，其中无物，按之则濡，扣之有声。不可外攻，攻之即死，宜用温补，钱氏加减异功散，作丸服之。

人参 白术 甘草炙，各一钱 陈皮 青皮 枳实炒 厚朴炒 半夏曲 黄连姜汁炒，一钱五分 木香 丁香 藿香叶

上共为末，神曲糊丸，麻子大，炒陈米汤下。

因于热者，必口干饮水，神识不清，无时谵妄，宜三黄丸、河间凉膈散，仍作胆导法。

河间凉膈散

连翘一钱 黄芩二分五厘 薄荷叶三分 梔

子仁三分 甘草 大黄 朴硝各五分。

上用水一盅，竹叶五片煎，临熟入蜜一匙，去渣温服。因于宿食者，必恶食吞酸，腹中时痛，宜三黄枳术丸方见后、木香槟榔丸主之。

因于积者，腹中阵痛，宜丁香脾积丸主之。小儿腹胀，与大人不同，多因伤食得之，宜胃苓丸合丹溪保和丸主之。

如果伤食，腹胀或痛，吞酸恶食，大便不利者，宜木香承气丸主之。

木香承气丸

枳实炒 厚朴姜汁炒 槟榔酒浸，各等分 木香减半 大黄酒浸，分两同上三味

共为末，酒糊丸，麻子大，白汤下。

木香槟榔丸 治伤一切热积，兼治痢疾腹痛。

木香 槟榔 青皮去白 陈皮去白 莪术煨 黄连 黄柏 香附子 枳壳麸炒，各一两 将军炒 黑丑各加二倍。妇人加当归一两半，一方有黄芩、三棱分两不同。

共为末，水杵为丸，麻子大，姜汤下。

加减塌气汤 治腹胀。

藜拔 砂仁 青皮 陈皮 丁香 全蝎炒 莱菔子炒，各等分

共为末，神曲糊丸，麻子大，厚朴汤送下。

予外甥女，有食积脾虚病，出痘后，又伤食，腹胀不喜食。予用胃苓丸方，加枳实，炒神曲、麦藜、青皮，作丸服之。

予孙，邦子也。先病疰，伤食成疰，又伤食，甚瘦，腹胀大而坚，见人则哭。予立一方，用人参、白术、白茯苓、甘草、半夏曲、枳实炒、厚朴、黄连、木香、莪术、砂仁、使君子、神曲、麦芽、鳖甲、夜明砂、当归、川芎等药。

一小儿泻后腹胀，予用加减塌气丸服之愈。

一小儿病久不退，腹大而坚，予用化癖丸服之愈。

一小儿五岁，腹大善食。予见之，谓其父母曰：乳多必损胃，食壅即伤脾。令郎腹大如是，又不知节，纵其口腹，吾恐肠胃乃伤，不成肠癖，必成疰也。后果成疰，肚大青筋。请予治，以集圣丸调理而愈。

一儿善食腹大，予用保和丸、胃苓丸二方，相间调理而愈。

一儿因伤食腹痛胀，医用药下之愈。又伤食腹胀，医再下之。予闻之曰：非其治也，误杀此儿。果半年而死。或问曰：何料神也？曰：有食饱伤胃而胀，法宜消导之，不可攻下也。有脾虚不能消食，食饱则胀者，此宜补脾，以助其传化之可也，岂可下乎？此儿初胀，食饱伤脾也，不行消导，乃下之，误矣。后又腹胀，则脾虚之病也，再三下之，不大误乎？屡下屡胀，故令郎腹大无纹，脐突背平而死。虽医之误，不听吾言，父母之过也。

腹中有癖，疰后多有之。儿有癖者，常作寒热似疰，不可作疰治也，癖去则寒热自止，家传消癖丸甚效。

消癖丸

人参 陈皮 三棱 莪术 木香 黄连 砂仁 鳖甲 枳实 夜明砂 使君子 干蟾 半夏曲 麦芽 海昆布

上为末，酒糊丸，麻子大，米饮下。

先翁治癖只用香蟾丸，此家传十三方也。

木香 人参 黄芪 当归 桔梗 三棱 莪术 鳖甲 绿矾 枳实 使君子 楝根皮 诃子各一两 干蟾七钱五分 黄连一两

上为末，丸如绿豆大，每服三、四十丸，水饮下。

腹痛有虫、有积

虫痛发作无时，随痛随止，发则面色白眊白，口吐涎沫，腹中痛作疙瘩，脉洪大，目直视似痛，宜下之，用木香槟榔丸，苦楝根白皮煎汤送下。先翁用雄黄解毒丸下之。小儿体弱者，不可下也，用安虫丸以渐去之。

莪术醋煨 木香 黄连 青皮 槟榔 使君子 白茺藘仁 白雷丸 苦楝根皮白者可用，赤者有毒。上各等分

上为末，醋面丸，麻子大，白汤下。

家训云：凡欲取虫，须于每月上弦前取之，虫头向上，若望后头向下，不可取也。

王小亭子善食，尝苦虫痛，予用安神丸^①服之。三日后取下一虫甚异，约长一尺，身赤色，大如鱗，令人持其两头牵之，长二三尺，形如小线，故下依旧缩短。此虫母也。

胡泮西弟早卒，遗子，乃泮西夫人养之。尝苦腹中虫痛，请先翁治之，再三不效。复请予治之，予问先翁，曾用何药？翁曰：雄黄解毒丸。予问翁：再有别方否？翁曰：只此一方，用之屡效。予告翁云：此虫有灵，当设法取之。择定破除日，在每月初旬取之，勿令儿知也。隔夜煎下苦楝根汤，次日五更与其伯母议，用清油煎鸡子饼一个，先食之，后服药，故不与食。儿闻其香味，急欲食之，腹中如有物涌上心口，取药与服之，少顷心口之物坠下，以蛋食之，不食也。巳时，腹中大鸣，而泻下一虫甚异，约小指长，有头有手足，状如婴儿。予见之，惊曰：此云传瘵虫也。泮西云：彼父瘵死，母亦瘵死，今此儿正三传也，幸去之矣。令一婢用铁钳夹之河中，以火焚之，有烟扑人婢口中，其婢亦病瘵死。此男无恙，至今诵之。翁曰：汝用何药？如此神效。全曰：雄黄解毒丸，恐人知之，故秘之也。

本县户房吏阎姓者，麻城人也。子有虫痛，黄瘦，腹中时痛，口馋，如有肉食，则痛不发，一日无肉则痛发也。请先翁治之，翁命予往。见其子甚弱，不敢下，乃思一计，只用苦楝根皮，放肉汁中煮食之，单服三日，下虫如蝌蚪者一盆，色黄黑，后以养脾丸调理而安。阎厚谢。先翁谓先母曰：吾有子矣，往吾教他读书，医出于儒。先母闻之而喜。

一儿七岁，善食肉，尝病腹痛。其父问曰：积痛虫痛何如？予曰：积痛发有尝处，手不可按，恶食而口干；虫痛无尝^②处，喜手按摩，口馋而吐清水。此儿乃虫病也。以药取之，下虫大者十余条而痛止，未一月又痛。予曰：不可再取矣。如不去其虫则痛不除，积不除则虫又生，苟再取之，恐伤胃气不可也。乃立一方，仍用黄连、木香、槟榔去积为主，陈皮、青皮、三棱、莪术、枳实、山楂专去其积，使君子、白茺藟、川楝子、苦楝根皮专去其虫。等分为末，神曲糊丸，麻子大，米饮下，常服之。时下小虫，及下大虫如指大，约

长一尺，乃虫母也。自后痛渐减。

或问：人腹中皆有蛔虫，何儿之虫独多也？予曰：小儿食伤成积，积化为虫。尝观草腐而化萤，木腐而生蠹，人脾虚而虫集，其理一也。或又问：虫之状有不同者，何也？曰：各从其脏变化也。如心属火化为羽虫，肝属木化为毛虫，肺属金化为介虫，肾属水化为鳞虫，脾属土化为倮虫，故蛔虫倮虫出于脾，为土化也。

积 痛

小儿腹痛，属食积者多。食积之痛，属寒者多。盖天地之化，热则发散而流通，寒则翕集而壅窒。饮食下咽之后，肠胃之阳，不能行其变化转输之令，使谷肉果菜之物，留恋肠胃之中，故随其所在之处而作痛也。

如在胃中，犹是完物，在当心而痛，宜吐之，所谓高者越之是也，瓜蒂散主之。

其在小肠中，虽变化犹是精粕，其痛在心之下，脐之上，宜辛温之药利下之，宜丁香脾积丸主之。

一小儿周岁，食肉太早，自此成积，日渐羸瘦，不思乳食。其父沙溪告予，请医治之。予取养脾去积丸，先服三日，后用脾积丸，鸡肉汤下。取下鸡肉一片，犹未化也。再服养脾丸调理而愈。

其在大肠者，水谷已分，传送广肠为疾也。其痛在脐之下，宜苦寒之药下之，木香槟榔丸主之。

如可吐者，不如盐汤探吐之法尤妙。如饮食之后便有胃口痛者，此宜吐之。如因旧日之积作痛者，不可吐之，恐伤胃气，宜小陷胸丸主之。

枳实麸炒，二钱五分 半夏 黄连姜汁炒，各二钱 草豆蔻炒，五分

共为末，神曲糊丸，麻子大，姜汤下。

王小亭一日胃脘当心而痛，请予治之，七日不止。予以手摸其胸腹，问在何处，惟心之下手不可近。予曰：吾差矣，何怪其药之不效也。凡腹痛手可按者，虚痛也。手不可按者，实痛也。实

① 安神丸，据文义当作“安虫丸”。

② 尝：日本本作“常”，义长。

痛，非疾^①则痰，故手不可按也。乃立一方，以枳实导滞丸、控涎丹二方内，择取枳实、黄连、半夏各二钱，木香、黑牵牛头末、白芥子炒甘草等分，捣罗为末，用生姜自然汁和神曲作丸，麻子大。以沉香、木香、槟榔磨水下，或姜汤亦可。初服二十一丸，少顷痛移下中脘，又服七丸，至脐下，又服五丸，利下清水而止，乃知是脾痛也。复作枳术丸加青皮、陈皮、木香、砂仁、神曲、麦芽、山楂，调理而安。治痛者，其可忽诸。

凡腹中积痛者，只在肠胃之中。盖肠胃为市物之聚也，脾主腐化而无所受故也，非客所犯，必不为痛。如有脾痛者，宜祖传**三圣散**主之。

苍术盐炒 香附子盐炒 良姜清油炒
共为细末，热酒调下。

吐 泻

吐出上焦，泻出下焦，乃肠胃之病也。脾在中焦，管摄乎上下之间。吐泻互作者，乃脾之病也。

夫人身之中，足阳明脾^②脉之气自上而下，足太阴脾脉之气自下而上，上下循环，阴阳交接，谓之顺而无病也。故胃气逆而为上，则为呕吐，脾气逆而为下，则为泄泻，吐泻之病，脾胃为之总司也。

《发挥》云：胃在上焦主内而不出，呕吐则不纳矣。肠在下焦主出而不入，有经泄泻出则无经^③矣。观朱无议^④《伤寒括》云：胃家有热难留食，胃冷无缘纳水浆，则吐泻^⑤之出于上焦也明矣。又张长沙《伤寒论》云：下利服理中不止，理中者，理中气也。治泄不利小便，非其治也，五苓散主之。不止者在下焦，赤石脂禹余粮汤主之，则泄泻出于下焦也明矣。

赤石脂一斤 禹余粮一斤

上水六升，煮取二升，去渣，分三服。

又按治泄利者，有四法焉：有用理中汤以治其里气者，有用五苓散以利其小便者，有用真武汤以温其肾者，有用赤石脂禹余粮汤以固涩其大肠者，不可不知其要也。盖肾开窍于二阴，主蛰藏者也，如门户然。泄泻不止，门户不要也，故以姜附以温之，闭其门户也。肠胃者，容受水谷之气，犹仓廩然。脾司出纳，乃仓廩之官也。吐

泻之不止，乃仓廩之不藏，官之失其职也，故用参术以补之，封其仓廩也。下焦者，水谷注下之路，如沟渎然。小便不利者，沟渎之不能别也，故用猪苓、泽泻以利之，疏通其水渎也。大便不禁，沟渎之不能滯也，故用赤石脂、龙骨以涩之，塞其决也。

真武汤

茯苓 芍药 生姜各一两 附子一枚炮，破八片 白术二两

共用水八升，煮取三升，温服七合，日三。

祖训治吐泻者，只用胃苓丸，吐以煨生姜汤，泄以一粒丹和之，炒米汤下。

一粒丹一名白玉丹

此亦家传十三方也。

寒水石煨，二两 白矾枯，一两

上为末，水糊丸，小豆大。每一丸，米汤下。

钱氏曰：脾主困，谓疲惫也，非嗜卧也。吐泻久则生风，饮食伤则成痞，易至疲惫也。此与肾主虚同。

论肾者，元气之主，肾虚则为禀赋不足之病；脾者谷气之主，脾虚则为津液不足之病。故小儿五脏之病，脾肾最多，肝心次之，肺又次之。

小儿吐泻，多因伤乳食得之。

如吐泻时不啼哭，不喜饮食，此伤乳食者也。初得之不可遽止，宿食未尽去也。宜换乳食，勿令重伤，吐泻益甚，非医之咎也。益黄散主之。

有热者胃苓丸，用东向陈壁土和生姜少许炒焦，人水煎汤，澄清吞下。泻不止，以胃苓丸、一粒丹合而服之，前汤下，效。

如吐泻时，不恶风寒，喜人怀抱，此伤风吐泻也。宜发散，惺惺散。

如吐泻时啼哭，其身俯仰不安者，必腹中有痛，此霍乱也。内伤乳食，外感风寒得之。先治其里，宜理中汤加藿香；后治其表，桂枝汤；表里

① 疾：据文义当作“积”。

② 脾：日本本、静观堂本作“胃”，义长。

③ 经：据文义当作“积”。

④ 朱无议：当作朱奉议，朱肱之号。

⑤ 吐泻：日本本、静观堂本均作“呕叶”，义长。

通治，藿香正气散。

一儿周岁，吐泻并作，时天大寒，医用理中胃苓丸服之，不效。予曰：此表里有寒邪，未得发散也。取益黄散与之，其夜得大汗而止。

一女岁半，与前儿同症，吐泻，此伤食也。前有外感风邪，故用益黄散，温其表里之寒；此只是伤食，用胃苓丸、一粒丹，陈壁土汤下，调其脾胃，消其食积，而吐泻俱止。

一儿暴吐泻，上下所出皆乳不化，用理中丸服之效。

一儿暴吐泻，上下所吐皆黄水，中有乳片，用二陈汤加黄连、姜汁炒，煎服效。

或问：二病同而治之，异者，何也？曰：所出之乳不化者，胃有寒也，故以理中丸急温之；所出乳片不化者，胃有热邪，热不杀谷，宜半夏、黄连以解之。此同病异治法也。

呕 吐

小儿呕吐，多因乳食之伤得之，非若大人有寒有热，然因于寒者亦有之。

呕乳、溢乳、哕乳，当分作三证治之。

呕乳者，初生小儿胃小而脆，容乳不多。为乳母者，无纵与之，勿令其太饱可也。子之胃小而脆，母之乳多而急，子纵饮之，则胃不能容，大呕而出。呕有声，而乳多出，如瓶注水，满面溢也。

溢乳者，小儿初生，筋骨弱，左倾右侧，前俯后仰，在入怀抱扶持之也。乳后太饱，儿身不正，必溢出二三口也，如瓶注水，倾而出也。

哕乳者，小儿无时，乳常流出，口角唇边常见，如瓶之漏而水渗出也，即吐露。

呕乳者，节之可也。溢乳者，正抱其身可也。二者皆不必治。哕乳者，胃病虚也，宜补之，理中汤丸加藿香、木瓜主之。

先翁治小儿呕吐，只用胃苓丸研碎，以生姜煨热，煎汤调下即止。

理中汤治呕吐，或有不吐者，呕家不喜甘故也，必去甘草，加藿香之辛，木瓜之酸，用之效。

伤冷乳者，所出消冷，而色白者是也。宜益黄散，煨生姜煎汤调服。

伤热乳者，物出热，面赤唇燥者是也，宜六

一散，煨生姜煎汤调服。

伤乳食，物出作馊酸气者是也。宜胃苓丸，煨生姜煎汤，研碎调服。

本县儒学教官陶，一子生八月病吐。诸医治之不止，汤丸入口即吐。诸医云：食入即吐，是有火也。欲作火治，用泻火药又不效。众医不能治，其吐益剧，即请予至议治。予曰：理中汤。师曰：服此方不得入也。予曰：用法不同。时有生员蔡一山，素与吾不睦，在旁笑云：不必多言，且看汝法何如也。予曰：汝亦不必多言，明早来问，始见吾之能也。此非试宏词博学科，何相忌耶？作理中汤剂，用猪胆汁、童便各半拌之，炒焦，以水煎服，药入立止。次早蔡生来问，师曰：果效。问是何方，曰：理中汤。蔡子又问何法，予曰：此在《内经》、《伤寒论》中，猪胆入溺，白通汤方下。兄归读之，自理会出来。师家问予曰：吾闻蔡子常妒汝，今信之。请言其法。予曰：吐本寒邪，当用理中汤煎药以止之，内寒已甚，格拒其阳，故热药入喉被寒所拒，不得入也。今胆汁之苦寒，童便之咸寒，下喉之后，两寒相得，故不复出。须臾之间，阴气渐消，阳气乃发，此热药须冷服，以主治格拒之寒，以止呕哕者是也。

宋理宗呕吐不止，召医杨吉老治之，问：用何方？曰：辛热药也。帝曰：服之不效。吉老奏曰：热药冷服。药成放井中良久。澄冷进服，一啜而吐止，即此法也。师闻而喜之。后以六君子汤作丸调之。

王少峰次子，三个月病吐。请医治之。药乳不纳。予见其儿在乳母怀中以身伸弩上窜，哕哕作声，有发惊之意。乃取理中汤丸，末子一分，用猪胆汁、童便各半匙，调分三服。初一次少停，略以乳喂一二口即止。又进一次，又乳之，其儿睡一觉，醒则呕止，不伸弩，不哕哕作声矣。予以是法教诸子止吐，活人甚多，乃良法也。

英山郑孔韶一女，辛丑三月患呕吐。请予往，视其证，乃伤食吐乳也。家人云：无。乃用理中汤去甘草加丁香、藿香，不效，又作胆汁、童便法，亦不效。四日后吐出饭半碗。予谓家人曰：此女数日不食，何以有此完饭也？吾言伤食，汝固曰无，劳吾心力，不得见效。遂取脾积丸授之，

取下恶粪如靛。询之，果五日前外翁王宅归，比坏鸡子黄色变也^①，所吐出之饭，即所食之饭也。壅塞肠胃，格拒饮食，所以作吐，下之即愈。

予思小儿呕哕不止，多是肝胆二经之病，故仲景猪胆人溺白通方，在厥阴病中。

新制一方 止呕吐不止之病。

吴茱萸 黄连各等分，锉

上用向东壁土一块，杵碎，用药放在铤中炒焦，入水煎一二沸，澄清服之。

凡治小儿呕吐止后，不可便与乳，其吐复作，非医之咎也。吐后多渴，禁与汤水，须使忍一时，渴自止也。若与汤水，转渴转吐不可止也。大人同。

有吐蛔者，胃寒甚也，宜理中丸，用乌梅与椒煎汤调服，神效。

寒水石煨飞，二两 半夏炮七次，七钱五分
白枯矾五钱

共为末，水糊为丸，麻子大，姜汤下。此家传十三方也。

因于寒者，食久则吐，其乳不化，宜理中汤加藿香、砂仁主之。

因于热者，食入则吐，其乳成片，宜理中汤加黄连、竹茹主之。

因于食积者，吐出馊酸气味，恶食，宜养脾消积丸，甚者丁香脾积丸主之。吐止后，胃苓丸主之。

因子虫者，吐多清水，腹痛多啼，宜理中汤加木香、槟榔丸主之。

呕吐药食不得入者，此胃中有寒，阴盛格阳也，宜理中汤入童便猪胆汁主之。

一儿初生即吐，医欲用钱氏木瓜丸，予阻之曰：不可。小儿初生，胃气甚微，初饮乳或有乳多过饱而吐者，当令乳母缓缓与之，或因浴时客寒犯胃而吐者，当取其乳汁一杯，用姜葱同煎，少与服之。或因恶露涉水，停在腹中而吐者，宜以炙甘草煎汤而吐去之。如何敢用木瓜丸，以铁粉、槟榔之剂，重犯其胃中初生中和之气耶？故常语人曰：钱氏小儿方，非先生亲笔，乃门人附会说也。

一儿自满月后常吐乳，父母忧之，诸医不能

止。一日问予，予曰：呕吐者，非常有之病也。今常吐乳，非病也。然孩儿赖乳以生，频吐乳者，非所宜也，恐伤气，不可不求其故。有母气壮乳多者，唯恐儿饥，纵儿饱足，饱则伤胃，所食之乳涌而出，此名溢乳，如瓶之注水，满而溢也，宜损节之，更服肥儿丸。

儿之初生，筋骨软弱，为乳母者，常怀抱护持可也，不然则左右倾侧，其乳流出，此名哕乳，如瓶之侧，其水流出也。能紧护持则不吐也。

有胃弱者，不能受乳而变化之，无时吐出，所吐不多，此名哺露，如瓶之漏，不能容受也，当补其脾胃，助其变化可也，亦以肥儿丸主之。

泄 泻

泄泻有三，寒、热、积也。

寒泻者不渴，宜理中丸主之。

热泻者有渴，宜五苓散调六一散主之。

积泻者面黄，所下酸臭食也，宜丁香脾积丸下之，积不去泻不止也。

三棱煨 莪术煨 青皮去白，醋煮 良姜醋煮，各五分 丁香去蒂，三钱五分 木香 牙皂 百草霜各三钱 巴豆霜二钱五分

共为末，醋面糊丸，麻子大，随人加减。溯原汤，原物亦可。

胡三溪子，病泻不止，三溪自与甘大用同医，皆吾所传也，不效。其兄元溪云：今有璞玉于此，虽万镒必使玉人雕琢之。今学病，何不请密斋，尔与甘子能治之乎？时吾在英山，此子原结拜我，吾闻之即归。问其所用之方，皆不对证。观其外候，面色黄，所下酸臭，此积泻，宜下之，积去泻斯止矣。乃取丁香脾积丸，一服而安。其父问云：吾闻温多成五泻，未闻所为积泻也。予曰：《难经》有云：所谓大瘦泻者是也。湿成五泻者，有内因者，有外因者，有不内外因者。如因于风者，水谷不分，谓之飧泄；因于热者，水谷暴泄，谓之洞泻。因于寒者，水谷不化，谓之溏泻；因于湿者，水谷稠黏，谓之濡泻；此四泻者，外因之病，湿自外生者也。因于积者，脓血交杂，肠鸣腹痛，所下腥臭，谓之瘦泻。瘦者，宿食积泻之名，

① 比坏鸡子黄色变也，此句与上下文不相顺接，疑误。

乃食癥也。此内因之病，湿自内生者也。有不内外因者，乃误下之病，有挟热挟寒之分，所谓肠垢鹜溏者也。又问：脾积丸乃取下之剂，何以能止泻也？曰：胃者水谷之海，肠者水谷流行之道路也。泄泻者，肠胃之病也。肠胃无邪则水谷变化，便溺流行，是为无病儿矣。今有宿食不化，陈腐之物，菟积于肠胃之中，变为泄痢，如源泉之水停积于中，流出于外，苟不者^①其源而出之，则泄痢终不止也。故以脾积丸去其陈腐，此拔本塞源之法。按《本草》云：巴豆未泄能令人泄，已泄能令人止。脾积丸之治积泄，祖训当遵守也。予教诸子治泄泻，始终三法。

初用理中丸一服，不^②止，次用五苓散一二服分利，不止，三用白术散服之良。又不止，用参苓白术散调理，未有不效。再不止，用参苓白术散二分，豆蔻一分。

《发挥》云：《难经》五泻之论甚详，予论大肠泻、小肠泻、大瘦泻则易明。予论脾泻、肾泻，则难分晓也。且腑者府也，谓水谷所藏之府也，有所受则有所出；脏者藏也，乃魂魄神志意所藏之舍，无有所受，岂有所出哉？其脾泻者，即胃泻也，谓脾不能约束其胃，胃不能藏而泻也，故泻有属脾者，有属肾者。但自胃来者，水谷注下而多，自脾来者，则成黄腹，泻无度而少也。观仲景《伤寒论》中，大便不通者用脾约丸，其易明矣。肾亦脏也，谓之肾泻者，肾开窍于二阴，为闭藏之主，肾虚则不能主闭藏而水谷自下。且下焦如渎者，有所受则有所出也，但泻不同。《难经》云：其泻下重者，即肾泻也。观东垣先生《脾胃论》补中益气汤方，凡大便弩责者，加当归身、红花。弩责者，即下重，当归，红花以润血。盖肾恶燥，故用二物以润之。肾泻亦与大瘦泻同。泻者痢也，乃积滞之物，故痢曰滞下。况痢则腹痛，有肠鸣，有里急，有赤白。若肾泻则便时略难，却无里急后重之证，故云痢则下重也。古人立方治肾泻者，有用破故纸者，补其肾也，有用吴茱萸者，补其肝也，皆苦以坚之，辛以润之之法。今吾立方治脾泻者，只用参苓白术丸，治肾泻者，只用六味地黄丸加破故纸，甚效。

胃泻、大肠泄、小肠泄，三者不同。盖自胃来

者，水谷注下而不分，所下者皆完谷也。此从寒治，宜理中丸主之。

自小肠来者，亦水谷注下而不分，则成糟粕而非完谷。且小肠为受盛之府，水谷到此，已变化而未尽变化也。治宜分别水谷，以五苓散主之，使水谷分利则泻止矣。

自大肠来者，则变化尽而成屎，但不结聚，而所下皆酸臭也。宜用《伤寒论》中禹余粮汤、陈文中痘疹方中肉豆蔻丸主之，此涩可以去滑之法也。

叔和云：湿多五泻。此本《内经》湿胜则濡泻之论。所谓五泻，则与《难经》之论不同，《素问》以脏腑分五泻，叔和以风寒湿热食分五泻。

如泻时有发热恶寒，水谷不分者，此风湿证也，谓飧泄。《经》云：春伤于风，夏生飧泄者是也。宜小建中汤加防风主之。若兼脓血者，胃风汤主之。

如泻时有腹痛，或吐或不吐，所泻者多完谷未化。此寒湿证也，宜理中汤主之。如泻时有腹痛，或痛或不痛，所下亦有完谷而未尽化者，此邪热不杀谷也。有成糟粕者，皆属热湿，以《伤寒论》中猪苓汤主之。如寒湿热湿，宜详辨之，属寒者不渴，属热者渴也。

如泻时水谷混下，小便少而大便多者，此湿泻也。有溏泻无度者，此久湿也。并宜五苓散主之。

如泻时有腹痛腹鸣之证，恶食，所下酸臭之物，此因宿食停滞于中而成湿，此食化为湿也。宜下之，积去泄自止也，丁香脾积丸主之。

泄泻二字，亦当辨之。泄者，谓水谷之物泄出也；泻者，谓肠胃之气下陷也。

猪苓汤

猪苓 泽泻 阿胶 滑石 茯苓各一钱
上水煎。

春月得之名伤风，其证发热而渴，小便短少，宜先清暑后补脾，清暑猪苓汤，补脾白术散。

夏至后得之，泻者有寒有热。渴欲饮水者，

① 者：日本本作“穷”，静观堂本作“溯”。

② 不：原作“外”，据日本本、静观堂本改。

热泻也。先服玉露散以清暑止渴，后服白术散以补脾。

如不渴者，寒泻也。先服理中丸以温中补脾，后服五苓散以清暑。此祖传之妙诀也。

夏月水泻，其详有在因五邪之气所生病条内有案。

秋月得之，伤湿泻也。其证体重，所下溏粪，谓之濡泻。宜渗湿、补脾、利小便，胃苓汤主之，或升麻除湿汤。

冬月得之，伤寒泻也。其证腹痛，所下清水。宜温，理中丸或理中汤加熟附子少许主之，不止，宜豆蔻丸。

四时之中，有积泻者，面黄善肿，腹中时痛，所下酸臭者是也。宜先去积，后调脾胃，去积，丁香脾积丸；调理脾胃，胃苓丸。

治泻大法，不问寒热，先服理中丸。理中者，理中气也。治湿不利小便，非其治也，五苓散主之。更不止，胃气下陷也，补中益气汤，清气上升则不泻矣。又不止者，此滑泻也，宜涩之，豆蔻丸主之。此祖传之秘法也。

儿泄泻依法治之不效者，脾胃已衰，不能转运药性以施变化，只以补脾为主，脾胃既健，药自效也，白术散主之，常与无间。此予先父之秘授也。

久泻不止，津液消耗，脾胃倒败，下之谷亡，必成慢惊，所谓脾虚则吐泻生风者是也，故应补脾胃于将衰之先。宜用白术散补之，补之不效，宜用调元汤加建中汤急救。否则，慢风已成，虽使仲阳复生，不可为也。详见慢惊内。

小儿泄泻，大渴不止者，勿与汤水饮之，水人则亦加渴而病益甚，宜生脾胃之津液，白术散主之。

白术散 治小儿泄泻烦渴。

四君子加木香 藿香各等分 葛根加一倍
上作大剂，水煎，常服，以代汤水。

久泻不止，发热者，此津液不足，乃虚热也。勿投以凉药，反耗津液，宜白术散主之，甚热之气，黄连丸主之。

治久泻发热，此虚热也。

黄连丸

黄连 干蟾炙，各二钱 木香 使君子各一钱 芦荟 夜明砂各七分

共为末，山药研粉，水糊丸，麻子大，米水下。

升麻除湿汤 治风湿作泻自下而上者，引而竭之。如脾胃甚弱，不思饮食，肠鸣腹痛，泄泻无度，小便赤涩，四肢困倦。

升麻 柴胡 防风 神曲 泽泻 猪苓各五分 苍术一钱 陈皮 甘草炙 麦蘖各三分

上为末，水煎热服。

玉露散 治伤热泻黄方见前。与五苓散合和匀，名桂苓甘露饮，治热泻。此予心得之妙。

一儿有病，一日夜三五行，或泻或止，连年不愈，此脾泻也，胃苓丸加人参主之。

一儿无病，时值盛夏，医以天水散与之，谓其能解暑毒也。服后暴泻，医悔，用作理中汤，连进三剂，泻变痢疾，日夜无度，脓血相杂，儿益困顿，皮燥无汗，发聚成穗。请予治之。予曰：挟热而病者，其肠必垢，泻久不止，则成痞泻。此儿初泻，本时行之病，非于天水散也。医当用天水散调五苓散服之可也。反以理中汤热剂投之，遂成挟热肠垢之病。皮燥发穗者，表有热甚也；下痢窘迫者，里有热甚也。表里俱热，津液亦衰，事急矣。因制一方，用：

黄连 干蟾炙，各一钱 木香 青皮 白茯苓 当归身 诃子肉各一钱五分

共为末，粟米粉作糊为丸，每服三十丸，炒陈米汤下。十日后满头出小疖，身上发疹如粟，热平痢止而愈。噫！此子非吾无生矣。

一儿病泻，大渴不止，医以五苓散、玉露散皆不效，病益困，腮妍唇红。予见之曰：不可治也。泄泻大渴者，水去谷少，津液不足故也。法当用白术散补其津液可也，乃服五苓散、玉露散渗利之剂，重亡津液，脾胃转虚。《诀》云：大渴不止，止而又渴者死；泄泻不止，精神耗者死。父母不信。三日后发搐而死。

壬子经魁万宾兰，石泉翁之伯子也。翁得子晚，始生宾兰，爱如珠玉。周岁得水泻，一日夜十余行。翁善医，自作理中汤诃子肉、豆蔻与之，不效。乃急请予至，叙其用药不效。予曰：《正理

论》云：理中者，理中气也。治泻不利小便，非其治也。遂用五苓散去桂加甘草，一服泻止。三日之后遍身发出赤斑，石泉惧。予曰：无妨。《活人书》云：伤寒病下之太早，热气乘虚入胃发斑。今夏月热盛之时，泻久里虚，热气乘虚而入，且多服理中辛甘之剂，热留胃中。今发赤斑，热自里而出于表也，宜作化斑汤必易愈。翁曰：石膏性寒，非泻所宜。曰：有是病则投是药，在夏月白虎犹宜用也。一服而斑没热退。

本县大尹朱云阁公子病泻，十日不止。众医或用理中、五苓、益元、白术散等，皆不效，泻渴益甚。公亟召余至。视其外候，启曰：渴太甚当先止渴。公曰：当先止泻。余曰：病本湿热，水谷不分，更饮水多，则湿伤脾胃，水积肠胃。所泻之水，乃所饮之水也，故当先止其渴，渴止泻亦止矣。公曰：当用何方？曰：白术散。尹曰：已服过多。余曰：用之不同也。尹曰：用之不同别法乎？余曰：本方在常与服之，此常字便是法也。盖白术散乃治泻作渴之神方，此方有二法，人参、白术、茯苓、甘草、藿香、木香六味各一钱，葛根倍二钱者，泄泻久不止，胃中津液下陷也，故葛根倍用之，以升胃中之津液，此一法也。今人不知倍用之法，与六味等分同，故效少也。儿病渴者，汤水不离，今人不知常服之法，其以药常代汤饮之也。故所用之方虽是，所用之法不同，药剂少而汤水犹多，药少汤多，犹以一杯之水，救一车薪之火，水不胜火，如何有效？当作大剂煎汤以代汤水饮之。渴只饮本汤，一切汤水禁之勿与，则胃气上升，津液自生，渴泻止矣。尹闻固是之，果一剂治矣。不问泄泻痢疾，并宜服此，多多益善。不唯泄泻可止，亦不至脾虚生风也，真神妙方也，谨详述之。

公子脾胃素弱，常伤食。一医枳术丸、保和丸，其意常用枳术丸补脾，至伤食则服保和丸，不效。公以问余，予曰：此法固好，但专用枳术丸则无消导之药，初不能制其饮食之伤；专服保和丸，则脾胃之虚不能胜其消导，而反损中和之气。当立一方，七分补养，三分消导，则脾胃自强，不能再伤矣。公曰：甚善，汝作一方来看。余乃制用人参、白术、青皮、陈皮、甘草、木香、缩砂

仁、山药、莲肉、使君子、神曲、麦芽为末，荷叶煨饭，捣烂为丸，米饮下，名之曰养脾消食肥儿丸。服后精采顿异，饮食无伤。公益喜，录其方，常久用之，亲书“儒医”二字，作匾赐之。

庠生胡逸泉，东郊翁之伯子也，周岁时得水泄。先请医甘大用，治之不效，复请予至。视之则肌肉消削，面色皤白，时盛夏，凝汗不润，皮肤干燥，发竖，所下颊并，略带后重，此气血俱虚也。按法治之，补中气，利小便，升举其阳，固涩其滑，次第调法，略无寸效。或曰：何如？予曰：术将穷矣，唯有一法未用耳。乃作痞泻治之，用人参、白术、白茯苓、甘草、陈皮、山药、当归、莲肉、砂仁、诃子肉、豆蔻、黄连、木香、干蟾为末，神曲糊丸，煎四君子汤下。服未二日，肤润有微汗，再一日，头上见出红疮，小便渐多，五日而泻止。后更以参苓白术散作丸服之，调理而安。

汪望峰长子城南，生一子，寄姊夫南河胡家养。南河尝语人曰：万老先生好小儿科，今子全作聪明，儿有病可请张祖兄医之，乃先生亲传。予亦与入会，药不执方，合宜而用，吾之活人多矣。试举其一二验者实之。

城南一子病泻，十余日不止，一向是张用药，以胃苓丸、一粒丹服之，皆无效。请予治之，望峰知其故，恐予不肯用心，取白金二两作利市。予叹曰：不在利市，只在信我也。我之治病，敢作聪明！皆先人之旧方，顾用之不同耳。盖治大病以重剂，治小病以轻剂，彼胃苓丸、一粒丹，岂治此重^①哉？乃取豆蔻丸五十，胃苓丸五十，陈仓米煎汤下。谓^②南河云：只此一剂而止，不再下也。南河初不听，泄止大悟，曰：良工不示以补信乎？

湖广右布政孙小姐，五月病泻，至七月犹未止。诸医治之皆不效，差人召余。余往至，见其大渴，乃知津液不足也。不止其渴，泻亦不止，热亦不除也。公问余曰：数日可安？曰：三日止渴，五日止泻，十日热退，计十八日可安。公曰：病久矣，一月而安幸也。乃进白术散作大剂以代汤。

① 重：据文义此后当有“病”字。

② 谓：原脱，据日本本补。

须臾饮尽。予见其渴甚，再加制过天花粉二剂，其夜渴止，泄亦微止。次日又进一剂，渴泻俱止。三日热亦渐退。四日公又问余曰：小姐病未安，奈何？余告曰：初来时曾许三日止渴，五日止泻，十日退热，今日来五日，渴泻俱止，热亦渐退。耕当问农，织当问女，小姐贵体，余以身任之，唯足下宽量数日可也。公称谢，再用白术散减干葛，加陈皮，调治半月而安。公大喜，给扎付冠带、儒医匾、白金一十两。此万历元年九月初四日也，本县大尹唐百峰行之。

痢疾

痢不问赤白，皆从积治。湿热者，食积之所主也。痢初得之，其法宜下，积不去，痢不止也。如吐泄后痢者，其积已下，不可再下，复伤胃气。可下者，木香导滞丸主之；不可下者，宜去积，保和丸主之。

陈皮五钱 枳壳炒，三钱 黄连姜汁炒，五钱
神曲 山楂肉 麦蘖各三钱 莱菔子炒，三钱
槟榔三钱

上为末，水糊丸，麻子大，白汤下。

木香导滞丸

枳实炒 厚朴姜汁炒 槟榔各五钱 黄连
黄芩 黄柏 大黄各七钱半 木香二钱五分 黑
牵牛半生半炒，取头末，二钱半

共为末，酒糊丸，小豆大，白汤下。

祖训只用黄连丸

黄连一两，净锉，用吴茱萸半两，水拌湿同炒，去萸不用 木香五钱 石莲肉三钱

共为末，酒糊丸，麻子大，陈仓米煎汤下。此家传十三方也。

予教诸子治痢，只用保和丸、香连丸同服，万无一失。

郟阳抚台都御史孙小姐，自五月病痢，至七月未愈。差荆襄承差，取郟阳医官治之不效，遣承差王加宜取予，予往，病亟矣。至用人参、白茯苓、甘草、当归、白芍、黄芩、车前子、陈皮各等分，炒干姜少许，煎服，略差，玉日大安。台晚饮间，问余云：诸臣皆用木香、黄连，今汝不用，所用皆非治痢之药，而效者何也？余曰：此乃河间黄芩芍药汤方也，所谓调其气则后重除，养其血

而痢止之法也。台云：小女前年在湖广病泄，今年在此病痢，皆五六月间，幸遇汝之良医^①而安。然小女之遇汝，尔之遇我，非偶然。余叩首谢。

本县祝道士长子，七岁，病痢，半年不愈，求予治之。予与一方，用入参、白术、茯苓、甘草、陈皮、山药、黄芪、桔梗、木香、黄连、诃子肉、豆蔻、车前子、干姜炒、泽泻、神曲、当归、麦芽、白芍，为末，水面丸，米饮下。一月而安。名和中丸。

一女，十岁患痢久不止，脉洪数。或曰：下痢脉宜小，今脉洪数，恐难治。予曰：无妨。《玉函经^②》曰：欲识童男与童女，决在寸关并尺里，自然紧数甚分明，都缘未散精华气。此童女脉宜如是，胃气当强，不久自愈。果数日痢渐止。

本县张大尹，有公子半岁，病赤白痢甚苦，用黄连一钱，木香五分，石莲肉五分，陈皮七分，干姜炒，二分，为末，神曲丸，黍米大，陈米饮下。

痢疾渴者，七味白术散去干葛，加炒干姜、黄连、阿胶、乌梅主之。

痢若噤口者，宜参苓白术散加石菖蒲为末，陈米汤下。

痢疾脱肛者，只止其痢，痢止肛自不下矣。

泻后变痢后重者，胃气之下陷也；赤白者，肠垢之下溜也。水谷尽而肠胃败，故死。

痢后变泻，后重止者，湿热之气去也；赤白止者，陈腐之物尽也。肠胃通而水谷行，故生也。

凡下痢鲜血者，黑如屋漏水者，气促者，大吼如竹筒者，呕哕不食者，足跌肿者，身热脉大者，渴欲饮水者，只^③大渴者，而娇而青者，皆死证也。

初病痢者，腹中急痛，大便窘迫，小便赤涩，身热饮水，宜急下之。轻者三黄枳术丸，重者木香槟榔丸，去其陈垢，其痢自止。此时，邪气未动，正气未伤，故宜下之。若喜补恶攻，使邪气日强，正气日弱，不下之则积热不除，下之则脾胃俱弱，酿成大病，医之过也。

① 医，原脱，据文义补。

② 玉函经，静观堂本作“玉函经”。

③ 只，据文义当作“口”。

初病泄泻，渐变痢者，此时宿垢已去，不可再下。如有腹痛、里急后重之证，乃未尽之余邪也，宜去积止痢。去积，保和去滞丸；止痢，香连丸。

痢久不止者，名休息痢，家传和中丸。

或问：赤痢为热，白痢为寒，何如？曰：《源病式》论之详矣。痢下赤白，皆湿热也。赤者自小肠来，小肠者心之腑，心属火故其色赤；白者自大肠来，大肠者肺之腑也，脾属金故其色白。赤者属热，白者属湿，湿亦热也。《经》云：湿盛而热也。若初痢下鲜血者，非赤也，此风热之毒，宜剪红丸主之。如痢下瘀血，或如豆汁者，此湿气下血也，宜胃风汤主之。

或问：河间云，行气则后重除，养血则痢止。此千古不易之法也。今幼科治痢之方，不用其法，何也？曰：痢者，《素》云肠澼，《难》云大瘕泄，古云滞下。肠澼者，因于饱食也；大瘕泄者，食癥也；滞下者，积滞之物下出也。故云：无积不成病。治法以攻积为先务也。积不去则气不行，去积所以行其气，而不里急后重也。热则伤血，痢久则伤血，去热止泄，所以养其血也。法虽不同，意则合也。

或问丹溪云，先泻后变痢者，脾传肾也，难治；先痢后变泻者，肾传脾也，易治，何以言之？曰：脾主湿，湿胜则濡泻，泻者脾之病也。泻久不止，又变成痢，痢下后重，肾病也。如痢非真痢也，故后重者胃气之下陷也，脓血者，肠垢之下溜也。真气败而谷气绝，是谓难治。肾恶湿，小儿久坐湿地则伤肾，里急后重，便脓血者，肾之病也。痢久不止，忽变成泻，湿去而脾病在也。故里不急痛者，湿热之毒除也，便无脓血者，陈莖之秽尽也。肠胃通而水谷行，故易治。

或问：痢疾身凉脉静者生，身热脉躁者死，其然乎？曰：初病时邪气方盛，身热脉躁者多，不可呼为死证也。邪气盛则实，可急下之，邪去脉自衰，身自凉也。痢久而身热脉躁，则不可治也。脉静身凉，久痢之后，真气已虚之脉也，身宜温不可太凉，脉宜静不可太弱。《经》云：泻痢五虚者死，脉细一也，皮寒二也，少气三也，泄痢不止四也，饮食不入五也。此脉静身凉之言，不可执

着也。

痢久不能食，或有食入即吐者名噤口痢。即《经》所谓五虚者死。古方虽多，无甚效者。大抵泻痢日久，津液已竭，脾胃虚弱，不能食也。宜以补脾为主，白术散去干葛，加炒干姜主之。能食者生矣，不能食者死。

痢久脱肛者，气血虚也，《素》云下陷者虚也。《难》云出者为虚。古方多用涩剂，如猬皮、木贼之类，此治其标也。当用河间行气养血之法；痢止后重除，肛肠自不脱出矣。加减八珍丸主之。

有痢下赤白青黑者，名为野鸡痢，用阿胶梅连丸主之。

有痢两膝肿大者，名曰鹤膝风，加味地黄丸主之。

保和去滞丸 治痢疾有积，胃弱不可重下。

陈皮五钱 半夏曲 白茯苓 枳实麸炒
厚朴姜汁炒 槟榔各五钱 莱菔子炒，二钱五分
木香二钱五分

上为末，神曲糊丸，麻子大，陈米汤下。

三黄枳朴丸 治湿热成痢，并有食积者。

黄连 黄芩 黄柏皆酒炒，各三钱 大黄酒
煨，五钱 枳实麸炒 厚朴姜汁炒 槟榔各二钱
共为末，酒糊丸，麻子大，姜汤下。

胃风汤

八珍汤^① 去地黄、甘草，加桂等分，人粟米同煎。

本方去桂，加连等分，吴茱萸减半，同炒为末，酒糊丸，可治远近血痢。

阿胶梅连丸 治痢无分久新、赤白青黑、疼痛证。

阿胶草灰炒成珠 赤茯苓 乌梅去核，炒
赤芍 黄柏炒 黄连炒 干姜炒 当归各等分
共为末，人阿胶和匀，水丸，麻子大，陈米饮下。

家传和中丸 专治休息痢。

人参 甘草 当归身 川芎 车前子略炒
猪苓 泽泻 神曲 黄连炒，各三钱 麦蘖而

① 八珍汤：日本本、静观堂本作“八物汤”。

河子 石莲子 干姜炮 肉豆蔻面煨 木香
各三钱 白茯苓 白术 白芍 陈皮三钱

共为末，酒糊丸，麻子大，陈米饮下。

加味地黄丸 治痢后鹤膝风。

地黄丸加牛膝 虎胫骨酥炙 白茯苓

共为末，蜜丸服。

加减八珍丸 治久痢脱肛。

八珍汤去川芎 白术 加黄连炒 阿胶土
炒，各三分 木香三分之二减半

上共为末，水丸，麻子大，炒米汤下，多服
佳。

剪红丸 治痢血神效。

当归身 黄连炒 槐角子炒 枳壳炒 荆
芥穗 侧柏叶炒，各等分

共为末，酒煮面糊丸，麻子大，陈米汤下。

疟

疟疾不问新旧，并宜服平疟养脾丸。此家传
之秘方也。治有三方：初截、中和、末补。

初治法

初起有外因者，不问风寒暑湿之邪，并宜香
苏散，加紫苏、香附、陈皮、甘草，外加常山、槟
榔、乌梅，于发日五更时服，得吐为善。盖吐中即
有发散之义，不复作矣。有内因饮食不化，积而
成痰，痰变为疟，宜平胃散，苍术、陈皮、厚朴、甘
草，加常山、乌梅、槟榔，临发日五更服，或吐或
下，痰积悉除，不复作矣。有不内不外因者，客忤
中恶，梦寐颠倒成疟者，此邪疟也，宜四圣丸加
家传斩鬼丹主之。

入身荣卫之气，昼则行阳二十五度，夜则行
阴二十五度，故疟之昼发者，邪在阳分易治，宜
用前法截之。夜发者不可截也，宜桂枝汤，桂枝、
芍药、甘草，加当归、生地黄、桃仁，发出血中之
邪自己。不已者，必须提至阳分，然后截也。升
提宜柴胡四物汤加升麻、葛根，截宜柴胡汤加常
山、槟榔、乌梅主之。

中治法

邪气渐强，正气渐衰，宜以养正去邪和解为
主，柴苓汤主之。此和解之圣方也。服三剂后，
加常山、乌梅以去其邪，二补一攻，常与调理，以
瘥为度。

如有热多寒少，宜用柴胡白虎汤，寒多热少
者，柴胡桂枝汤主之，二剂之后，间截药一剂。热
多者，用常山、知母、草果、槟榔各一钱；寒多者，
用常山钱半、丁香五分、乌梅一个为剂。各用酒
一盏，浸一夕。发日五更服，如神。

末治法

疟久不退，谓之痼疟老疟也，邪气未尽，正气
已衰，专以养正为主。使正气复，邪气自尽也。十
全大补汤加陈皮、半夏、柴胡主之。食少者，去地
黄加神曲。有疟母者，本方加青皮、神曲、九肋鳖
甲醋服。

小儿疟久不退，腹中或左或右有块者，此名
疟母，即癖也。疟后有此，经年不愈，常为潮热，
其状似疟，面黄腹大，乃其候也。宜消去之，祖方
方用月蟾丸，今予立消癖丸。

小儿久疟成痞劳者，集圣丸主之。

疟后浮肿者，胃苓丸主之。

疟后与泄痢并作者，宜柴苓加槟榔、乌梅主
之。盖小柴胡汤治疟，五苓散治泻痢，槟榔、乌梅
疟痢必用之药也。

平疟养脾丸 此吾家传治疟之神方也。

人参 白术 白茯苓 甘草炙 当归 川
芎 陈皮 半夏曲 苍术米泔浸炒 厚朴姜汁炒
柴胡 黄芩 猪苓 泽泻 草果 常山 青
皮 辣桂 九肋鳖甲酥炙，各等分

上一十九味，共研末，于五月五日及三元八
节天月德，要安普护福生，除开破日修合，酒煮
曲糊丸，麻子大，陈米汤下。

消癖丸 专治疟母，食癥痰癖，饮成癖并
治。

三棱即鱼形者 莪术各醋浸炒 陈皮 枳壳
麸炒 厚朴姜汁炒 山茱萸 使君子 夜明砂
黄连炒 木香 干姜炒，各二两 海藻洗净，半两
神曲 麦蘖 半夏曲二钱 干蟾炙 九肋鳖
甲醋炒，各三钱

共为末，酒煮面糊丸，麻子大，米饮下。

家传斩鬼丹 截疟神效。

黄丹研 独头大蒜研烂如泥

上于五月五日午时，至诚修合。用蒜泥和丹
同杵，众手为丸，随人大小。发日五更，取长流而

东下^①。

四圣丸 治疟有效。

穿山甲去筋膜，灰炒碎，一两半 鸡骨常山
乌梅去核焙 槟榔各一两

上为末，糯米糊丸，随人大小，黄丹为衣。每服二十五丸至三十丸，临发日五更而东，温酒送下。

柴胡桂枝汤 治疟疾寒多热少者。

用小柴胡汤：柴胡二钱五分，黄芩、半夏各一钱，人参一钱半，甘草五分；合桂枝汤，桂枝、芍药、甘草，加栝蒌根、牡蛎、干姜炮，姜、枣同煎。

柴胡白虎汤 治热多寒少者。

用小柴胡汤，合白虎汤：石膏五钱，知母二钱，甘草一钱，人粳米，生姜同煎。

一儿岁半病疟，二日一发，久不愈，其儿黄瘦，而浮腹胀，予用平疟养脾丸治之愈。

一儿病疟，医以柴苓汤投之，调理二十日不效，予用平疟养脾丸治之效。

一儿病疟，医用截药，内有砒丹，三截之，遂成痞症，其父懊恨前药之误也。予用平疟养脾丸治疟，集圣丸治痞，调理一月而愈。

一女先惊后疟，疟久成痞，予用集圣丸调理一月而安。

一儿先疟后惊，予用调元汤、琥珀抱龙丸治之而即安。

一儿病疟，一日一发，予用家传斩鬼丹截之，止三日，后又发，再截之，凡三截，俱三四日又发，其父怪问之。时六七月枣熟，予疑其必啖生枣，故止而复发也。问之果然，乃禁之。先用胃苓丸调理三日，更以斩鬼丹截之，遂愈。

汪南汀季子，七岁，病疟三年。诸医治之无效，乃请予治之。予视其外候，面色黄白，山根带青，腹大而坚。曰：此久疟成癖，癖在潮热。当与补脾消癖，疟热自除，恨无九肋鳖甲耳。南汀求得之，因制一方，用人参、白术、陈皮、青皮、三棱、莪术、木香、砂仁、当归、川芎、黄连、柴胡、鳖甲，以上各等分，上为末，神曲糊丸。炒米煎水，日三服，调理五十余日而安。

陆陈巷李宅，一女七岁。戊戌秋先患外感，

后变疟，因用截药变作痢，至冬痢虽止，疟益甚。请予往，视其外候，大骨高起，大肉陷下，发稀目陷，而黄鼻燥，不思饮食，唯啖莲肉，乃内伤脾虚痞痲证也。时有江西医人万鼎在彼，谓不可治。予曰：无虑，吾能治之，至春必愈。用集圣丸一料，服至次年二月，果安。

一儿病疟，间日一发。予依祖训，当用胃苓丸补之，发日以斩鬼丹截之，调理半月，以渐平复。适有麻城丁医至，见儿未大好，谓其父曰：我有秘方，只一剂而愈。其父惑之，不知其所用者何方也，将进一剂，疟即大作矣，更甚于前。予笑其医云：只用秘方，令吾前功尽废，又劳调理也。其父悔且怨，医辞去之。予调理一月而愈。

一儿久疟成癖，因癖生热，或三五日一发，发则十余日不止。常在申酉时，但不寒颤，又微恶寒即发热，热亦不甚，发过不渴，不头痛。予用消癖丸、平疟养脾丸相间服之，半年而愈。

一儿疟后腹胀，用加减塌气丸，服之愈。

痞

痞证，此小儿科之极病也。虽有五脏之不同，其实皆脾胃之病也。幼科书论诸痞，头绪太多，法无经验，无可败者。唯钱氏分肥、瘦、冷、热四者，庶为近理。而以初病者为肥热痞，久病者为瘦冷痞，似有虚实之分，不知痞为虚证，曾有实者乎？至于治瘦冷痞方，上有续随子，未免虚实之失，故予尝曰：钱氏方论，非先生之亲笔，乃门人附会之说也。今乃推先生之童以补之，曰：儿太饱则伤胃，太饥则伤脾。肥热痞，其食多太饱之病乎，瘦冷痞，其食少太饥之病乎。如审其食少者肥儿丸，食多者集圣丸主之。

小儿乳少者，父母尝以他物饲之，儿之性只求一饱，或食太多，或食太少，所以脾胃受伤，生此痞病也。

蕲水陆沉巷李黄之妻，程希南之女也。新寡，止有一女，初病疟，又病痢，瘦，发热少食，日啖莲肉五六枚。请予往治之，予与集圣丸。时有江西一医万鼎在彼，曰：难治。常问予运气之说，予详教之，彼本不知，唯唯耳。予谓鼎曰：明年二

① 取长流而东下：日本本作“取长流水而东下”，义长。

三月，来看此女之长大也。次年三月半，其母在程氏宅，请予谢之，命其女拜，云：小女服后，一日改变一日，非昔日比也。

庠生王闲一子周岁，因食猪肉受伤，肢体瘦削，使人求药。予问其详，乃食积痞，似有余。取脾积丸五粒与之，教以猪肉汤吞下，果下一块，如小指头大、涎沫夹裹，其子顿安。

集圣丸 治痞通用。《丹溪心法》黄连、干蟾三钱，余味皆二钱。

黄连 干蟾炙存性 青皮 陈皮 莪术 使君子 砂仁各一钱八分 芦荟 夜明砂淘去灰土，焙干 五灵脂各二钱三分 归身痞癆加 川芎各三钱 木香五钱八分

集圣三钱君子，干蟾连与前平，二钱莪术木香青，灵夜明砂缩净。痞癆当归钱半，川芎十二字增，蟾汁粟米丸饮吞，脾弱肥儿丸并。

为末，粟米粉作糊丸，入猪胆汁二枚，丸如粟米大者饮下。

王三峰长子患痞瘦，请予治之，见之曰：此乳少病也。父曰：乳极多。予即辞退，归谓其友胡三溪云：王子病痞，乃乳少也。彼云乳多，不听吾言，今成痞矣。时胡会川在座，闻言面退。后三溪云：病者，会川之婿，闻兄之言不悦而归。予曰：非也，必往邀三峰兄同来也。少顷果同至。三峰自诉云：我南监坐监时，一子病痞死。今此子病，我心甚虑，今特来登问。此儿讨个乳母养，有乳无乳，实不知也，今夜归家看仔细。明日来报，果无乳也。日则嚼饭喂，夜则一壶冷米汤灌之，奈何？予曰：不易乳母，治之无功。易之则儿恋其乳母之爱，母依其儿衣食之计，请权择乳母佐之，昼则抱之，夜则乳之，自然日久情熟，事两全矣。乃作肥儿丸一料服之，两月而安。

肥儿丸

人参 白术 白茯苓 炙甘草 陈皮 青皮 山药 莲肉 当归 川芎 使君子 共为末，神曲糊丸，米饮下。

胡凤崖子病痞，但多食则腹痛，请予治之。

予曰：人以谷为本，谷入作痛，岂新谷作痛乎？必有旧谷为积，未能消去，故新谷相持也。岂有绝谷食之理，乃作养脾消积丸，服之安。

胃苓丸

钱氏异功散即四君子汤加陈皮 加木香 青皮 砂仁 使君子 枳实炒 黄连炒 上共为末，神曲糊丸，米饮下。

痘

痘有二证：有因天地湿热之气而发也者，有因水谷之湿热而发也者。

小儿之病，多因湿热食积，与大人不同，宜茵陈胃苓丸主之。

胃苓丸末一两 茵陈末五钱

共碾匀，神曲糊丸，灯芯煎汤下。

小儿十四岁病痘，而目俱黄。用：

黄连 黄柏 梔子仁 茵陈 猪苓 泽泻 枳实 厚朴各二钱 大黄一钱

上为末，神曲糊丸，陈米汤下。初服二日，吐宿冷黄水二三碗，又二日利三行，五日退。

调理脾胃

人以脾胃为本，所当调理。小儿脾常不足，尤不可不调理也。调理之法，不专在医，唯调乳母，节饮食，慎医药，使脾胃无伤，则根本常固矣。

脾喜温而恶寒，胃喜清而恶热，故用药者偏寒则伤脾，偏热则伤胃也。制方之法，宜五味相济，四气具备可也。故积温则成热，积凉则成寒；偏热偏寒，食也，食多则饱，饱伤胃；食少则饥，饥伤脾。故调脾胃，宜节饮食，适寒温也。奈今之调脾胃者，不知中和之道，偏之为害，喜补而恶攻。害于攻者大，害于补者岂小小哉？

儿有少食而易饱者，此胃之不受，脾之不能消也。宜益胃之阳，养脾之阴，宜钱氏异功散合小建中汤主之。

人参 白术 茯苓 炙甘草 陈皮 白芍 当归 桂皮各等分 木香 砂仁各减半

共为末，神曲糊丸，麻子大，米饮下。

儿有多食而易饥者，此脾胃之邪热甚也。宜泻脾胃之火，三黄枳术丸主之。

枳实 白术 黄连 黄芩 大黄煨，各等分 上共为末，神曲糊丸，麻子大，白汤下。

本县大尹朱云阁公子，常有脾胃病，向是韩医生调治。平时服养脾丸。伤食服保和丸，未有

宁日。一旦问余云：闻汝小儿甚精，小官人脾胃久虚，汝可治之？余曰：当攻补兼用，不可偏补偏攻。韩医云：密斋非所长也。如专补脾胃则饮食难化，如专消导则中气易耗。尹不听^①，曰：汝进一方来。乃进**养脾肥儿丸**，用：

人参 白术 甘草 陈皮 枳实 木香
茯苓 砂仁 山药 莲肉 麦芽 神曲 山楂
青皮

共为末，荷叶浸水，煮粳米饭丸，麻子大，米饮下。修合服之大效，再无脾胃之病。尹犹相信，赐匾。

乳母者，儿之所依为命者也。如母壮则乳多而子肥，母弱则乳少而子瘠，母安则子安，母病则子病，其干系匪轻。盖乳者血所化也，血者水谷之精气所生也。饮食入胃，气通于乳，母食热则乳亦热，母食冷则乳亦冷。故儿伤热乳者则泻黄色，黄芩芍药汤加黄连主之，伤冷乳则泻青色，理中丸主之。乳多者则绝之，不尔令儿吐乳也。乳少者，宜调其乳母，使乳常足。不可令儿饥，以他物饲之，为害甚大。调乳母宜加减四物汤、猪蹄汤主之，乳母忌酒、面、生冷，以及一切辛热之物，常作猪蹄汤与之甚良。乳母经闭、经漏，宜请医治之，恐乳少也。

一小儿食肉早，得脾胃病，或泄痢，腹大而坚，肌肉消瘦也，已成疳矣。其母日忧，儿病益深，予见恻之，乃制一方，人参、黄芪蜜炙、白茯苓、白术、粉草、当归、川芎以补脾胃、养血气，陈皮、青皮、半夏曲、木香、砂仁、枳实、厚朴、神曲、麦芽面以消积，三棱、莪术煨、九肋鳖甲醋煮以消癖，黄干蟾烧灰存性、使君子、夜明砂以除疳热。共二十三味碾末，粟米糊丸，麻子大。每服二十五丸，炒米汤下，调理而安。

乳食，儿之赖以养命者也。《养子歌》云：乳多终损胃，食壅即伤脾。甚矣，乳食之不可不节也。《难经》云：补其脾者，节其饮食，适其寒温。诚调理脾胃之大法也。盖饱则伤胃，饥则伤脾，热则伤胃，寒则伤脾。今之养子者，谷肉果菜，顺其自欲，唯恐儿之饥也。儿不知节，必至饱方足，富贵之儿，脾胃之病，多伤饮食也。贫贱之子无所嗜，而脾胃中和之气不损也。伤之轻者，损谷

自愈。伤之重者，则消导之，宜胃苓保和丸、养脾消积丸主之。伤之甚者，则推去之，审其所伤之物，如伤热食者，三化丸、三黄枳术丸、木香槟榔丸；伤冷物者，宜三棱消积丸、丁香脾积丸主之。如脾胃素弱食少，但过食则伤者，补脾进食，肥儿丸要药也。

一富家生子甚弱，结义予为家公。予重其义，朝夕戒其乳母，乳食不可太饱，或时以烂粥嚼而哺之，其一切肉果、饼粩、甘肥、生冷之物皆禁之。或有小疾，专以补脾胃为主。其子自幼至长，亦无大疾，今气实力壮，饮食多而不伤，寒暑不能侵，南北奔走不为劳。尝语人曰：生我者父母也，养我者万家公也。

一儿生二月，忽昏睡不乳。予以日计之，非变蒸也。视有二乳母，皆年少气壮者，其乳必多，更代与之，必伤乳也。戒以今且损之，令饥一日自愈，后宜绝之；只用一乳母可也。次日果安。父母如其教，亦无伤食之病。

医药者，儿之所以保命者也。无病之时，不可服药。一旦有病，必请专门之良^②老成忠厚者，浮诞之粗工，勿信也。如有外感风寒则发散之，不可过汗亡其阳也；内伤饮食则消导之，不可过下亡其阴也。小儿易虚易实，虚则补之，实则泻之，药必对证，中病勿过剂也。病有可攻者急攻之，不可喜补恶攻，以天儿命。虽有可攻者，犹不可犯其胃气也。小儿用药，贵用和平，偏热、偏寒之剂，不可多服。如轻粉之去痰，硃砂之消积，硫黄之回阳，有毒之药，皆宜远之。故发散者宜惺惺散，消导者宜保和丸，虚实补泻，按钱氏五脏补泻之方加减用之。误服热药者，宜大豆卷散主之；误服寒药者，宜益胃散主之；汗下太过者，宜黄芪建中汤主之。

小儿久病，只以补脾胃为主，补其正气，则病自愈，宜养脾丸，加所病之药一二味在内服之。

或问脾胃补泻之味。予曰：天食人以五气，地食人以五味。五气者，寒热温凉平也；五味者，

① 不听：日本本、静观堂本作“稍悟”，义长。

② 良：此后似当有“医”字。

酸苦辛甘咸也。气为阳，阳不足者补之以气；味为阴，阴不足者补之以味。故肝属木，味以辛补酸泻，气以温补凉泻；心属火，味以咸补苦泻，气以热补寒泻；肺属金，味以酸补辛泻，气以凉补温泻；肾属水，味以苦补咸泻，气以寒补热泻。是四脏者各属一季，味则逆之，气则从之，以补以泻也。至于脾胃属土，寄于四季，无定位，无从逆也，故于五味相济，四季均平，以中和为主，补泻亦无偏胜也。况脾喜温而恶寒，胃喜清而恶热，偏寒偏热之气，因不可以专用，而积温成热，积凉成寒，虽温平、凉平之药，亦不可以群聚久服也。《经》云：治热以寒，湿而行之；治寒以热，凉而行之。斯为善矣。

一人自知医，生一男，谓小儿脾不足，作补丸服之。至于有疾，不肯请医，亦自治之。予曰：小儿无病，不可服药，古人所谓无病服药，如壁中安柱。此言何谓也，五行之理，偏胜则寒。病必请医，如耕当问农，织当问女之意也。医不三世，不服其药，自非专门之术，而病之虚实，药之良毒，吾恐必误也。

一儿八岁，形气甚弱，其父责令读书。予见之，谓其父曰：令郎形气弱，当怀保之，不可一于严也。乃留养脾丸、肥儿丸与之，调理半年。后病成疳矣，先请一老医，不知幼科，谓之伤食，用一粒金丹服之，病乃剧。请予，予曰：前与养脾丸、肥儿丸服尽乎？曰：未服也。又问曰：今服者何方也？曰：一粒金丹。予辞曰：不可治矣。一粒金丹内有草乌、巴豆大毒之药，岂可常服者乎？此儿脾胃素弱怯，食少而瘦，故以肥儿丸调理，应服而不服。一粒金丹大伤犯胃气，此不应服而服。伤之重伤谓之虚死，死在且夕。后果死。

一庸医狂悖，借父祖专门之名，自称得异人之传，妄立方法，变乱绳墨。尝语人曰，吾能知人之脏腑有病而去之，知其所伤之物而取下之，知其疾之顺逆而预解之。言大而诞，人皆信之。时有富家杨姓者，生二子，闻其名而交结之，礼意恳至。盖为其子之未出痘也。后一子出痘，因热以汤蒸汗而死，小子因服附子毒发痢，亦死于医之手，惜哉！

监生胡笃庵咳久不止，汗之不可，下之不

可，因于表里之邪俱甚也。自制一方，用苏叶、薄荷叶、桑白皮末、杏霜、栝蒌霜、桔梗末、甘草末各等分，虚者加阿胶。上炼蜜为丸，白汤下，或口中噙，五日而安。后以此方治人屡效。

黄芩芍药汤 治伤热乳而泻黄。

条芩 白芍药各等分 甘草减半 加黄连等分
上水煎服。

加减四物汤 治妇人乳少。

当归身 川芎 生地 麦门冬 桔梗 人参 生甘草各等分
共锉，水煎服。更用犢猪蹄新汲水煮烂，和汁食之。

三化丸 去胸中宿食，菟茎^①之热。

枳实麸炒 厚朴姜汁炒 大黄各等分
上为末，神曲糊丸，麻子大。每服量大小虚实，温水下。

家传保和丸 补脾胃，进饮食，治一切食积。

白术 陈皮 半夏曲 白茯苓 神曲各三钱 枳实炒 厚朴姜汁炒 香附子酒浸 山楂 麦蘖而各二钱五分 黄连姜汁炒 连翘去子 莱菔子各二钱

共为末，荷叶浸水，煮粳米糊丸，麻子大，姜汤下。

三黄枳术丸 治伤肉食而饼，并辛辣肥厚一切热物。

黄芩酒炒 黄连酒炒 大黄酒煨 神曲 陈皮 白术各一两 枳实五钱

共为末，荷叶浸水，煮粳米糊丸，麻子大，白汤下。

三棱消积丸 治伤生冷，一切硬物冷积。

三棱炮 莪术炮 神曲各一钱 青皮 陈皮 小茴香 巴豆和米炒焦黑去米，各五钱 益智仁 丁香各三钱

上醋面糊为丸，麻子大。量人加减，生姜汤下。

益胃散 治误服寒药过多，伤其脾胃者。

^① 茎：疑为“莖”之讹。

陈皮 黄芪蜜炙,各七钱 益智仁 白豆
蔻 泽泻 干姜炒,各三钱 砂仁 甘草炙 藿
香叶 厚朴制 人参各三钱 一方有姜黄三钱
共为细末,每服五分至一钱,姜枣煎汤下。

大黄豆卷散 治误服热药,此解之。

贯众 板蓝根 甘草 大豆卷以无根水浸,
生卷是也,日干,各等分
共为细末,每服半钱,井泉水煎饮。

幼科发挥卷之四

肺脏主病

肺主喘，实则闷乱喘促，好饮水，有不饮水者；虚则哽气，长出气。

实则泻白散、葶苈丸泻之，虚则阿胶散、生脉散合甘桔汤补之。

泻白散 治咳嗽而微喘，面肿身热。

桑白皮蜜炒 地骨皮各等分 甘草减半
上人粳米，水煎服。

阿胶散 治久嗽肺无津液。

阿胶粉炒，一两半 大力子二钱五分 马兜铃
半两 甘草一钱半 杏仁去皮尖，七个 粳米
上为末，每服量加減，水煎服。

生脉散合甘桔汤 久嗽肺虚。

人参一钱 麦门冬二钱 五味子十粒 苦梗
一钱

上锉，分五剂，每剂入阿胶五分，水煎。

肺脏^①兼证

诸气喘促，上气咳嗽，而肿，皆肺脏之本病也，加味泻白散主之。

桔梗 防风各二钱 甘草一钱 地骨皮一钱
二分

兼见肝证，由中风得之，鼻流清涕，恶风喘嗽，宜发散，加減参苏饮主之。

如久咳嗽，变风疾不治。如钱氏所谓三泻肝，而肝病不退，三补肺而肺证尤虚是也。

一小儿二岁，久病嗽，时十月初，请予治之。予曰：不可治矣。父何其故，予曰：嗽者，肺病也。四时之病，将来者进，成功者退。十月建亥，金气已衰，木气始生。吾观令郎面色皓白，肺之衰也；头摇手摆，肝之风也。肺衰风生，作搐而死。果不治。

兼见心证，发热饮水，喘嗽闷乱，此心火胜也，宜凉膈散加知母、石膏主之。

久嗽不止，黄连阿胶丸。黄连、赤茯苓能抑

心火，肝得其清。

兼见脾证，咳则吐，此伤乳食而喘嗽不安，宜葶苈丸、小陷胸加大黄主之。

一儿泄泻后，病咳而喘，上气急，予用芎蝎散，效。

一女子脾胃素弱，一日啖生枣，病腹胀而喘，其母忧甚，恐夫知食以生冷也。予曰：勿忧，乃作钱氏异功散，加藿香叶以去脾经之湿，紫苏叶以去肺经之风。一大剂而胀消喘止。

一女子素有喘病，发则多痰，予用补肾地黄丸服之。或怪而问曰：喘者，肺腑也。今补肾何也？予曰：肺主气，肾则纳而藏之。痰涎者，肾之津液所生也，哮喘吐涎，乃气不归元，津液无所受也。果服此丸而安。

加味泻白散

上泻白散加苏叶、桔梗是也。

参苏饮 治伤风咳嗽。

上参苏饮：苏叶 陈皮 前胡 枳壳 桔梗
半夏 茯苓 干葛 甘草 人参 木香
众药皆等分，甘草减半是也。

东垣凉膈散 治心肺热。

连翘 甘草 梔子 薄荷 桔梗各等分
乃河间凉膈散去硝黄加桔梗是也。

黄连阿胶丸 治肺热或咯唾血。

黄连三钱 赤茯苓二钱 阿胶炒，一钱

上以莲肉为末，水调胶和，众手丸，麻子大，米饮下。

小陷胸加大黄汤 治痰壅喘促，以代葶苈丸。

黄连 半夏 枳实 栝蒌 甜葶苈 大黄
各等分

共锉，先以水煎栝蒌一沸，入药煎七分，食后服。

芎蝎散 治脾虚上气喘息急，呕吐痰涎，足

① 肺脏：日本本、静观堂本无此二字。

胫冷者。

川芎 革拨各一钱 蝎梢去毒,三分 半夏
酒浸一宿,水洗七次,焙干 细辛各二分
上为极细末,热汤调,稍热服。

肺所生病

诸气上逆喘逆,皆属于肺。咳嗽有二:风寒
外感者,痰饮者。

如因感冒得之者,必洒洒恶寒,鼻流清涕,
或鼻塞,宜发散,加减五拗汤主之。

麻黄连根节 杏仁留皮尖 紫苏叶 苦梗
甘草各等分

上锉,水煎,姜引服。得微汗止。

如发散不退,渴欲饮水者,宜泻白散主之。

如不热不渴,甘桔汤主之。

桔梗 甘草各等分 紫苏叶减半 乌梅肉少
许

上用水煎,去粗。入阿胶化丸。

因于痰者,或母乳多涌出,儿小吞咽不及,
呛出而成痰嗽者;或因儿啼声未息,气未平,强
以乳哺,气逆而嗽者。此乳夹痰而嗽也,宜玉液
丸主之。有痰甚气鹏不可下,宜润下丸主之。

陈皮去白,淡盐水浸泡括铤,炒,二钱 枳壳炒
桔梗 大半夏姜汤泡七次 甘草 苏干炒 莱
菔子炒 白茯苓各一钱

上为末,神曲糊丸,黍米大,白汤下。

《发挥》云:《经》曰:秋伤冷湿,冬发咳嗽^①,
乃太阴湿土之病也。凡咳嗽有痰有气,痰出于
脾,气出于肝,皆饮食之所化,脾总司之也。饮食
入胃,脾为传化,水谷之精气为荣,悍气为卫,周
流一身,昼夜不息,虚则不能运化精悍之气以成
荣卫。其糟粕之清者为饮,浊者为痰,留于胸中,
滞于咽嗑,其气相传,浮涩作痒,介介作声,而发
为咳嗽也。故治痰咳,先化其痰,欲化其痰者,先
理其气。陈皮、枳壳以理肺中之气,半夏、茯苓以
理肺中之痰。此治咳之大略也。若夫虚则补之
阿胶散。实则泻之葶苈丸。祖传玉液丸,无多丸
子。

小阿胶散

阿胶粗炒,一钱半 苏叶一钱 乌梅少许

每服四字,水煎服。

监生胡笃庵,滋元溪翁之子也。辛丑方四
岁,二月间患咳嗽,因与吾不合,请医张鹏,素所
用者,以葶苈治之,随止随作,四月间咳甚。又请
医甘大用,治以五拗汤,暂止复作,更迭用药,咳
不得止,秋益甚,咳百十声,痰血并来,至九月加
重,事急矣。不得已,欲请予治,乃筮之,得蹇之
渐,其辞曰:大蹇朋来。遂请予往。予以活人为
心,不记宿怨。视其外候,两颊微赤,山根青,准
头红;视其内证,果咳声连百十。气促而赤,痰先
出而血随之。痰血既来,其咳方定。问其所起之
时,曰自二月有之。问其所服之药,曰某用葶苈
丸,某用五拗汤。予细思之。此病起于春初,春
多上升之气,木旺金衰,法当抑肝补脾,以资肺
之化源,以葶苈泻肺,此一逆也;夏多火热,火旺
金攻^②,法当清心养肺,治以寒凉,反用五拗汤
甘热之药,犯用热远热之戒,此再逆也。今秋气
宜降矣,而上气急者,春升之令未退也;气宜敛
矣,而痰血并出者,夏火之气未退也。必与清金
降火,润肺凉血,非三、五十剂不效也。乃告之
曰:令郎之痰肺有虚火,幸过秋深金旺可治。吾
能愈之,假以一月成功。元溪曰:何太迟也?曰:
病经八月者无效,公不曰迟,而以一月为迟,何
哉?又思予虽用心,彼终不安,乃语元溪云:请置
一簿,自初服药日起,某日服某药,某日加减某
药,彼闻之喜,终有疑心。因制一方。

天门冬 麦门冬 知母 贝母 桔梗 生
甘草 陈皮去白 枳壳 阿胶 片苓 苏叶水
煎。一本无枳壳,苏叶,有瓜霜、花粉、前胡。

取茅根自然汁和饮之。

五剂后,咳减十分之七,口鼻之血止矣。元
溪终不释疑,又请医万绍治之。或谓予曰,他不
要尔,尔可去矣。予曰:彼只一子,非吾不能治
也。吾去彼再不复请也,误了此儿,非吾杀之,亦
吾过也。虽然且看万绍用何方,用之有理,吾去
之,如又误,必力阻之,阻之不得,去未迟也。乃

① 秋伤冷湿,冬发咳嗽,《素问·阴阳应象大论》作“秋
伤于湿,冬生咳嗽”。

② 攻:静观堂本作“败”,义长。

语元溪云：令郎之病，吾今治之，将好一半矣，如何又请他人？彼云：有病众入医，恐一人之见有限也。予曰：然。绍立一方，以防风、百部、杏仁、桑白皮之类。予谓绍曰：王好古《汤液本草》，风升生例，防风居先。此儿肺升不降，肺散不收，防风、百部，岂可并用耶？绍云：防风、百部，治咳嗽之神药也。元溪从旁和之云：他是秘方。予曰：吾为此子忧，非相妒也。故抚其子之头曰：且少吃些，可怜疾之复作，奈何？嘱毕，不辞而退。元溪略不介意，是日服绍药，才一小杯，咳嗽复作，气复促，血复来如初。其子泣曰：吾吃万先生药好些，爷请这人来，要毒杀我。其妻且怒且骂。元溪始悔，亲至大用之家。予被酒困，坐待夜半方醒。元溪拜谢，祈请之心甚切。予叹曰：早听吾言，不有此悔。要我调治，必去兼疑之心，专付托之任，以一月为期。至家，邓夫人取白金五两，权作利市，小儿好时，再补五两，不敢少，望先生用心。予笑曰：只要专信我用我，使我治好了，不在谢之多少也。至此，专心听信，依旧照日立方，血止后，去苓梔，加冬花、五味。咳止后，以参苓白术散调之。凡十七日而安如旧，谢归。因名其方曰：润肺降火茅根汤。今吾子等用之皆效。

黄州府省祭许成仁，有子病咳血，医用吾茅根汤治之，不效。吾见之，与其医云：病不同也。彼乃肺中有火，气逆而嗽，此则肺虚嗽血矣。乃立方与之，用阿胶珠、天门冬、麦门冬、桑白皮蜜炒、桔梗、甘草、苏叶、乌梅、柿霜，煎服。五日效。

麻城曾芸塘一子，喻长州之妹婿也。病咳，半夜甚。其子年九岁，乃胎禀之不足，肾虚嗽也。用人参固本丸加阿胶桑白皮，蜜丸服，尽剂面安。

本县汪元津一子，病肾虚嗽，与上证同。请予治，用人参固本丸加白茯苓、知母、贝母、山药各等分，为末蜜丸，服之安。

凡小儿百日内嗽不止者，名百晬嗽，难治。宜甘桔汤加阿胶主之。

小儿素有哮喘，遇天雨则发者，苏陈九宝汤主之。如吐痰多者，六味地黄丸主之。

《发挥》云：肾者，水藏也，受五脏六腑之津液而藏之。入心为汗，入肝为泪，入肺为涕，入脾

为涎，入肾为精。凡咳嗽之多吐痰者，乃肾之精液不归元也，宜补肾地黄丸主之，加巴戟、杜仲盐水炒、肉苁蓉酒洗，去甲、小茴香炒、破故纸炒。共研末，蜜丸，煎麦门冬汤下。

本县胡三溪长女，素有喘痰，发则多吐痰涎。用上补肾地黄丸，人初不知，有笑之者，后喘止痰止乃信之。

凡小儿久嗽不止，面目浮肿者，止肺气逆也，宜五皮汤加苏叶最妙。

一富室小儿泻泄后病喘急。予思此脾虚也，寒湿之气上升也。用陈氏芎蝎散，一服而止。

一儿三岁病嗽血，医用茅根汤主治。予阻之，彼有后言，予笑曰：此吾家方也。不信，以夫子之道，反议夫子乎？因制一方，用阿胶珠炒、桑白皮蜜炒、杏仁炒、桔梗、甘草、紫苏叶。上各等分为末，蜜丸，芡实大。每一丸，陈皮汤下，五日而安。

喘 嗽

肺主喘嗽。喘有顺逆，嗽有新旧，须辨明之。

喘顺者，或因风寒而发，不然，则无是病也。此属外感，宜发散，五虎汤主之。

或有喘疾，遭寒冷而发，发则连绵不已，发过如常，有时复发，此为宿疾，不可除也。初发之时，且勿治之，待其少衰，宜苏陈九宝汤主之。慎勿用砒霜、轻粉诸毒药攻之，与其巧而无血^①，不若拙面行其所无事也。

逆者，大病与诸危笃病，但气喘急，痰涎有音，皆恶候也，不治。惟肿胀之病，常有喘者，宜苏子降气汤主之。

嗽之新者，因风寒中于皮毛。皮毛者，肺之舍也。肺受风寒之邪，则发为咳嗽。其证或鼻流清涕，或鼻塞者是也。宜发散，华盖散作丸服之，即三拗汤加减法也。

或因乳得之，凡儿啼哭未定，不可以乳强人口，乳气相搏而逆，必呛出也。胃气既逆，肺气不和，发为痰嗽，咳则吐乳也。宜顺气和胃，加减大安丸主之。

初伤乳者，未得顺气化痰，以致脾胃俱虚，

^① 血：日本本、静观堂本作“羞”，义长。

乃成虚嗽。宜健脾补肺，消乳化痰，三奇汤主之。

久嗽者，初得病时，因于风者，未得发散，以渐而入于里，肺气益虚，遂成虚嗽。宜兼^①肺兼发散，人参润肺散主之。

久咳不已，服上诸药不效者，宜神应散方主之，气弱者必用之剂也，如气实者不可服，宜家传葶苈丸主之。久嗽不已，嗽而有血者，此肺损也，宜茅花汤主之。

久嗽不已，胸高起如龟壳，此名龟胸，难治，宜家传葶苈丸主之。咳止者吉，不止者发搐必死。

久嗽不已，日渐羸弱，又发搐者，此慢惊风，不治。如不发搐，但羸瘦者，此名疳瘦，宜人参款花膏合阿胶丸主之。

久嗽不已而浮肿者，宜五皮汤加紫苏叶主之。

久嗽咯唾脓血者，此肺痈也，宜桔梗汤主之。后嗽不止，发搐者死。

小儿初生，至百日内嗽者，谓之百晷内嗽。痰多者，宜玉液丸；肺虚者，阿胶散主之。此名胎嗽，最为难治。如喘嗽气促，连声不止，以致发搐，必死。

华盖散 治肺感风寒，痰壅咳嗽。

麻黄去节 杏仁去皮尖 苏子炒 橘红去白 桑白皮蜜炒 茯苓各等分 甘草减半。

上为末，蜜丸，弹子大，每一丸，姜枣煎水服。

人参款花膏 治久咳肺虚。

款冬花 百合 五味子 桑白皮蜜炙 人参各等分

上为末，蜜丸，芡实大。每一丸，紫苏叶煎汤下。

加减三奇汤 治伤乳嗽，痰涌吐乳。

桔梗 陈皮去白 白茯苓 青皮 苏子炒 人参 桑白皮炒，各五钱 半夏面炒，七钱 枳实炒 甘草炙，各三钱 杏仁十枚

上为末，姜汁煮神曲糊丸，黍米大，滚白水下。

九宝汤^②

九宝陈麻薄一钱，桂枝苏杏腹皮兼。

桑甘二字乌梅一，三片生姜用水煎。

一本有桔梗，人童便。

五虎汤 治肺喘。

麻黄七分 杏仁一钱 甘草四分 细辛^③八分 石膏一钱五分

上作一服，水煎。一方去茶、石膏，加紫苏叶、桑皮等分，名家传五拗汤。

家传葶苈丸

葶苈丸去防已，牵牛，加苏子炒，陈皮去白，各等分，枣肉丸是也。

加减大安丸 治伤乳喘嗽，此保和丸加减法也。

陈皮去白 半夏 白茯苓 白术 枳实炒 桔梗各等分 苏子炒 甘草炙 莱菔子炒，各减半

上为末，姜汁煮神曲糊丸，麻子大，淡姜汤下。

桔梗汤 治肺痈。

桔梗 生贝母 当归 栝蒌仁 枳壳炒 薏苡仁炒 桑白皮 防已各二分 黄芪一分半 甘草节生用 杏仁去皮尖 百合各一分

上锉，生姜水煎。

神应散 治一切虚嗽。

栗壳去筋蒂，蜜炒 杏仁去皮尖，炒 白胶香 人参 阿胶 麻黄去根节 乌梅去核，各二两 桑白皮炒 款冬花各一两 甘草炙，一两

上为末，量加减，姜枣煎服。

一女子四岁，嗽久不正，胸高起状如龟壳，嗽则其骨扇动，母之父知医，治之不效。问予何如？予曰：此肺热而胀成龟胸也。尝闻诸父教云：龟胸龟背，方吾^④皆有之，无治法也。后嗽不止，发搐而死。

① 盖：据文义当作“润”。

② 九宝汤：《万氏家传幼科指南心法》“苏陈九宝汤”。作“陈皮、麻黄、薄荷各一钱，桂枝、苏叶、杏仁、大腹皮、桑白皮、甘草各二钱，乌梅一枚，生姜三片”。静观堂本作“陈皮、麻黄各一钱，桂枝二钱，苏子二钱，大腹皮二钱，桑白皮二钱，甘草二钱，乌梅二三枚，生姜三片。”

③ 细辛：日本本作“细茶”，义长。

④ 方吾：据文义当作“方书”。

肾脏主病

肾主虚无实，地黄丸主之。

唯疮疹肾实则黑陷，此非钱氏之语，乃记者之误焉而不译者也，以启后人之疑。有泻肾之方，如百祥丸之类，有补脾泻肾之论，令儿夭札，尽信书则不如无书也。盖人之一身，肺主皮毛，心主血脉，脾主肌肉，肝主筋，肾主骨髓。五脏之有肾，犹四时之有冬也。疮疹之毒，乃自骨髓出，现于筋肉血脉皮肤之外，如品物之翕聚于冬者，发散而为春之生，夏之长，秋之藏也。变黑归肾则不能发散于外而反陷于内，此肾中真气之虚，邪气之实，所以立百祥丸、牛李膏，以泻肾中之邪气，非泻肾之真气也。况肾中之水，润泽光壮，由津液之充满也。疮疹黑陷者，正肾主虚，水不胜火，津液干枯，故变为黑，倒陷人里。所谓泻之者，泻火救水之良法。详见《痘疹心要》。

肾脏^①兼证

诸虚不足，胎禀怯弱者，皆肾之本脏病也。五脏病后成肾虚者，各用地黄丸，加减随证。惟疮疹归肾，有泻有补。变黑倒陷者，宜百祥丸、牛李膏泻之，泄泻灰白痒塌者，宜陈氏异功散补之。详见《痘疹心要》。

兼见肝证，惊风及手足痲者，宜地黄丸加牛膝、当归、续断各二两，肉桂一两。上为末，蜜和丸服。

兼见心证，惊风及失音不语者，宜地黄丸加石菖蒲、柏子仁、远志各二两。上为末，蜜为丸服。

兼见脾证，吐泻及变痢疾者，宜地黄丸加黄连酒炒、黄柏酒炒，各二两、干姜炒、车前子、肉豆蔻面煨，各一两。上为末，蜜和丸服。

兼见肺证，咳嗽痰中有血，宜地黄丸加天门冬、麦门冬焙、知母、黄柏蜜水炒、阿胶炒，各二两。上为末，蜜为丸，服。

陈氏异功散

木香 人参 当归 陈皮 肉豆蔻煨 丁香
香 厚朴各一钱半 肉桂 茯苓 白术各二钱
半夏 附子炮，各一钱

上锉，姜二片，枣二枚，煎服。

肾所生病

钱氏曰：肾主虚，即胎禀不足之病也。

按经云：肾主骨，骨会大杼。大杼以上喉骨也。项者，头之茎，茎弱则头倾矣。大杼以下脊骨也，脊者身之柱，脊弱则身曲矣。脊之下尻骨也，尻骨不成，则儿坐迟矣。尻骨之下，则胯骨^②也，胯骨弱则不能立矣。胯之下膝骨也，膝骨弱则不能行矣。齿者骨之余，骨气不足，则齿生迟矣。发者血之余，肾之主血，血不足则发不生矣。皆胎禀不足之病也，谓之五软，此儿难养，并宜六味地黄丸加当归、杜仲、牛膝、川续断主之。

肾肝在下，母子也。肾主骨，肝主筋，骨属于筋，筋束乎骨，二者相为依附也。肝虚筋弱者，亦宜地黄丸主之，乃虚则补其母也。

肾主骨髓，脊者髓之路，脑者髓之海也。肝之脉与肾脉内行于脊骨之中，上会于脑，故头破解颅脊疔之病，又^③肝肾之风热，子传于母之病也。

解颅者有二，或生下之后，头缝四破，头皮光急，日渐长大，眼楞紧小，此髓热也。

又有生下五六个月后，囟门已合而复开者，此等小儿，大数难养。肾肝风热之病，宜加味泻青丸主之，所谓实则泻其子也。芦荟泻青丸加黄柏、黄芩、黄连各等分。研末，蜜丸服。

服疔^④者，小儿生后，生疮成饼，状如覆盘，此风热也。宜加味泻青丸主之，加蔓荆子、白蒺藜炒。

脊疔者，小儿疔瘦，脊如锯齿，肋骨高起，拍之有声，宜集圣丸加龙胆草、梔子仁、黄柏，同为丸服。

齿根黑烂，臭息出血者，名走马疔。橡斗散主之。

橡斗散

① 肾脏：日本本、静观堂本无。

② 骨：原作“肾”，据日本本改。

③ 又：静观堂本作“入”，义长。

④ 服疔：静观堂本作“肝疔”。

栝椰子壳，不拘多少，人盐填满，二斗相合，放火中烧过，研末擦牙。

予有一孙无父，周岁生走马牙疳。予用尿桶底白垩刮下，新瓦上火焙干五分，五倍子内虫灰三分，鼠妇焙干三分，枯白矾一钱。共为末。先用腊茶叶浸，米泔水洗净，以药敷之神效。名曰不二散。

儿有大病，暴暗失声者，此肾怯也。宜地黄丸加石菖蒲主之。

痘后小儿，有平时大便常难者，后重者，此肾虚血不足病也。《难经》云：利如下重是也。不可听信庸医，妄用下剂，宜地黄丸加当归二两，火麻仁二两主之。

五脏虚实补泻之法

按五脏虚实补泻之法，引经解之。《经》云：邪气盛则实，真气夺则虚。所谓实则泻之者，泻其邪气也；虚则补之者，补其真气也。如真气实则无病儿矣，岂有泻之者乎。云肝常有余，脾常不足者，此却是本脏之气也。盖肝乃少阳之气，儿之初生，如木方萌，乃少阳生长之气，以渐而壮，故有余也。肠胃脆薄，谷气未充，此脾所以不足也。

小儿五色修明，声音清响，此心肺之气足也。乳食能进，大小便调，此肠胃之气足也。手足和暖，筋骨刚健，此皆肾肝之气足也。是谓无病易养，不宜妄投药饵，诛罚无过也。

如而色皤白，声音微小，此心肺不足也。乳食减少，吐痢频并，此肠胃不足也。颅解项软，手足痿弱，此肝肾不足也。是儿多病难养。此以形体之虚实，辨五脏之强弱也。有病者，各宜随五脏之虚实，按方治之。

小儿热症有七：面凶红，大便秘，小便黄，渴不止，上气急，脉弦急，足胫热。以上不宜服热药。

小儿冷症有七：面皤白，粪青色，腹虚胀，眼珠青，呕奶乳，脉微沉，中脘冷，以上不宜服寒药。

此热证者，邪气实也，宜用寒凉泻之，如服

热药，谓之实实。

此寒证者，真气虚也，宜用温热补之，如服寒药，谓之虚虚。

经云：毋实实，毋虚虚，毋夭人长命，此之谓也。

因五邪之气所生病

经云：春伤于风，夏生飧泄。飧泄者，谓谷食不化也。

《发挥》云：《难经》有五泻之辨。《脉诀》云：湿多成五泻。又有胃风汤证，虽大小不同，间亦有之，不可不知也。

如伤风吐泻者，风属木，脾胃属土，土虚故木乘之。水谷不化，谓之完谷也，此从胃中来，故不化。若自小肠来，则半腐化，出来成糟粕矣。自大肠来，水谷已别，谷多水少矣。故伤风飧泄，有恶风表证者，宜发散之，桂枝汤加羌活、防风、黄芩，或泻青丸去大黄，加炙甘草，或加减败毒散。无表证者神术散。风疰柴苓汤。

加减败毒散

古方去独活、枳壳，加当归，各等分，姜枣引。

神术散 治春伤于风，夏生飧泄。

苍术一钱半 藁本 川芎各六分 羌活四分
甘草炙，六分 细辛二分

上为末，分二服，姜水煎。

如下鲜血者，此风热也。胃风汤主之。

伤风咳嗽，此风入肺也。宜发散，人参荆芥散主之。见惊风条内。

夏月伤暑作吐泻者，宜加味五苓散主之。

猪苓 泽泻 白术 白茯苓 桂枝 藿香
叶 砂仁各等分

上为末，白汤化下。

夏月泄泻，小儿极多，治有三法。清暑者一也，利小便二也，温中三也。以凉药止之，治坏病也。

《发挥》云：初泻有发热口渴者，此宜以清暑气为先，不可使用理中汤丸。内有热，恐干姜犯时禁，加减香薷饮主之。

香薷 黄连 炙甘草各等分。

上煎汤热服。或理中汤丸冷服之，或六一散，生姜汤调服。

如初水泻无热渴者，不可服玉露散太多，恐犯胃气也。宜理中汤藿香煎成汤，澄冷服，或理中丸用冷水化开服之。

玉露散

寒水石煨 滑石各三两 甘草末一两
共研匀，冷水调服。

如上法不止者，宜利小便。有热有渴者，六一散同服；无热无渴者，入理中丸化开服之。此吾家传治夏月泻泄之良方也。从吾法者，有发有降；违吾教者，得少失多。详见前。

予甘妾初生男未周岁，六月病泻。妾兄甘大用，吾所传者，治之不效，反加大热大渴。予归问，曰所服者理中丸。吾盖料其不知用热远热之戒，犯时禁也。乃制玉露散以解时令之热，冷水调服，一剂而安。玉露散自此收入小儿方也。

又本县一屠家徐姓者，有儿十二岁，六月病泻。请大用，用因前失，以玉露服之，不知中病即止，恐犯胃气之戒，又失之。此儿初服药后，泻渴俱止，再服之泻亦甚，又服之，大热大渴，面赤如火，张口喘呼。用见事急，自邀我同看。予问：所服者何药也？云：前所制玉露散也。又问：服几次？其父母应云：初服一次效，后连服三日，越服越不好，望相公救之。予教用理中汤，加熟附子一片服之。又教云：服药后若安静即止药，若烦躁再与一剂。用受教往治，果加烦躁，连进二服而安。用获厚谢，特至吾家拜曰：以报日前之教。因问予：二子病证相同，治法各别，何也？予曰：夏至后泻者，七分热三分寒。治此泻者，当七分寒药，三分热药。前证因汝多服理中汤，犯用热远热之戒，故用玉露散以解火令之热；后证因汝过服玉露散，伤其中气，故用理中汤加附子以救里也。用曰：何以安静者不治，烦躁者反可治也？曰：夏至后，姤卦用事，伏阴在内。六月建未，其位在坤，坤为腹而属土，土爱暖而恶寒。玉露性寒，伤其脾土，阴胜于内，阳脱于外，故用理中附子之辛热，所以收敛欲脱之阳，胜其方长之阴。服药安静者，脾气败绝，投药不知，故不可治；如

烦躁者，寒热相搏，脾有生意，故再投药，使胜其寒也。用曰：如此神妙，予初何以知之，下次治此热泻，当如之何？予曰：看其病证何如。泻多热渴少者，急以温中为主，先进理中汤，后以玉露散微解之，不渴者不必用也。先大热大渴泻少者，此里热甚也，急解其暑毒，以玉露散解之，热渴略止后，用理中汤补其中气，泄止不可再服也。如渴不止，只用白术散治之，理中、玉露，皆不可服。切记吾言，再勿误也。白术散治泻渴不止要药也，如服白术散，渴泄不止者，此水壅以犯肾，肾得水而反燥，故转渴泄，宜白术散去干葛加炒干姜等分服之，辛以润燥，致津液。用自此后，医术渐通，家道颇昌。

暑症者，柴胡白虎汤，即小柴胡合白虎汤。

暑咳者，甘桔汤合黄连阿胶丸。

《经》云：夏伤于暑，秋发痲症。予谓痲之为病，不惟中土^①有之，凡风寒暑湿，饮食劳倦，皆能为病也。大抵民病痲痢者多。盖四时之气，太阴湿土之令，手太阴肺经受风寒暑湿之气，病痲多；足太阴脾经受饮食水谷之邪，则病痢多。二经俱受邪，则痲又病痢也。病痲者，平痲养脾丸主之；病痢者，和中丸主之。此家传不易之秘法也，宝之重之，勿轻示人也。《难》云：形寒饮冷则伤肺。肺主皮毛，秋冬病宜攻者多。因伤寒得之，鼻塞声重，宜发散，麻黄汤主之。

麻黄连根，水泡，去沫 杏仁去皮尖炒 生甘草各等分。

上用水煎服。热甚者加生石膏末、腊茶叶，名五虎汤，神效。

湿伤肾，利而下重。秋月病痲者，皆肾病也。宜地黄丸去丹皮，加黄柏酒炒、破故纸炒、小茴香炒，各二两、干姜炒黑，五钱。研末，丸服之。

《经》云：冬伤于寒，春必病湿。温者，温热之病也。况冬月暄热令行，则阳气暴泄，不能闭藏，为寒所折，至春则发为热病也。小儿得之，则发疮疹病者，亦温热之类也。如有此气，宜预服代天宣化解毒丸，甚有良验。

① 中土：静观堂本作“中暑”，义长。

〔附〕汤方

一、天保采薇汤^①

羌活 前胡 半夏 陈皮 柴胡 赤芍
川芎 枳壳 厚朴 桔梗 苍术 升麻 葛根
藿香 独活 甘草

二、犀角解毒汤 治胎热丹毒。

犀角 赤芍 生地黄 白芷 甘草 连翘
荆芥 防风 牡丹皮 木通

三、导赤散 治夜啼。

木通 生地 甘草 竹叶 黄芩

四、大连翘饮 治胎热等症。

连翘 赤芍 归尾 木通 甘草 防风
荆芥

五、理中汤 治胎寒等症。

干姜 白术 甘草 人参
若加附子名附子理中汤。

六、钩藤膏 治内钩吐^②痛。

乳香 没药 木香 僵蚕
共为丸，钩藤汤下。

七、地黄茵陈汤 治黄疸^③。

生地 归尾 猪苓 天花粉 赤芍 赤苓
茵陈 泽泻 甘草

八、芍药汤 治夜啼泄泻。

白芍 泽泻 甘草 大茴 薄荷 木香
茺萸 生姜

九、六君子汤 治脾胃虚寒等症。

陈皮 半夏 人参 白术 甘草 白茯苓
生姜、大枣引。

十、固真汤 治慢惊四肢冷，不省人事。

附子 甘草 人参 山药 黄芪 肉桂
白术 白茯苓
姜枣引。

十一、保元汤 治汗多变慢惊。

黄芪 人参 甘草
生姜三片，大枣一枚，水煎服。

十二、姜半散 治吐不止，将成慢惊。

半夏 生姜 肉桂

十三、调脾汤 治脾疳。

陈皮 白术 丁香 人参 诃子 青皮
甘草

十四、六味地黄丸 治骨疳。

牡丹皮 熟地黄 白茯苓 山萸肉 酒蒸去核
白泽泻 怀山药
上为细末，炼蜜丸，如桐子大，空心滚水送下。

十五、芦荟丸 治丁奚哺露。

芦荟 人参 白术 白茯苓 山药 木香
陈皮 青皮 麦芽 神曲 当归各三钱 槟榔
两个 麝香少许

共为细末，猪胆打而糊为丸，如麻子大，清水汤送下。

十六、小异功散 治先泻后吐，脾胃虚冷。

人参 白术 橘皮 白茯苓
姜枣为引，煎服。

十七、黄连芍药汤 治先吐后泻。

黄连 芍药 猪苓 泽泻 白茯苓 白术
甘草

十八、五苓散

治吐泻。

猪苓 白术 白茯苓 泽泻 肉桂

十九、消导二陈汤 导痰消食健脾。

陈皮 半夏 白茯苓 白术 苍术 神曲
香附 砂仁 甘草

二十、六和汤 治暑泻。

陈皮 半夏 白茯苓 甘草 黄连 厚朴
藿香 香薷 扁豆 木瓜

二十一、胃苓汤 治长夏暑。

泽泻 陈皮 白茯苓 猪苓 厚朴 白术
苍术 甘草

① 天保采薇汤：静观堂本此方中有“白茯苓”。

② 吐：静观堂本作“肚”。

③ 黄疸：静观堂本作“胎黄”。

二十二、**助胃膏** 治胃气虚寒呕吐。

人参 白术 白茯苓 甘草 山药 木香
丁香 藿香 砂仁

二十三、**河附丸** 治飧泄。

诃子肉 灶心土 黑附子
共为末，米糊丸，如粟米大，用米汤下。

二十四、**十六味肥儿丸** 治脾胃虚弱。

人参 白术 白茯苓 山药 薏仁米 芡实
莲肉 甘草 陈皮 山楂 麦芽 砂仁 黄
连 泽泻 芍药 连翘

上为末，蜜丸如弹子大，米汤下。

二十五、**承气汤** 治里急后重腹痛痢疾。

朴硝 大黄 枳实 厚朴

二十六、**木香槟榔丸** 治食积。

黑丑 槟榔 木香 神曲 大黄
上为末，生姜汁糊丸，如粟大，米汤下。

二十七、**补中益气汤**

黄芪 人参 甘草 陈皮 白术 升麻
柴胡 当归

二十八、**四顺清凉饮** 治中焦热。

白芍 当归 生地 甘草 柴胡

二十九、**人参败毒散** 治积毒呕恶。

柴胡 前胡 川芎 羌活 独活 白茯苓
枳壳 桔梗 甘草 人参
生姜引。

三十、**四君子汤** 治脾胃不调等证。

人参 白术 白茯苓 甘草
姜枣引。

三十一、**姜茶饮** 治赤白痢。

陈茶 生姜 黄蜡 盐 车前叶

三十二、**四兽饮** 治虚疟。

白术 人参 白茯苓 草果 半夏 甘草
陈皮 乌梅
姜枣引。

三十三、**人参养胃汤** 治疟寒多热少。

陈皮 半夏 茯苓 人参 苍术 厚朴
草果 藿香
姜引。

三十四、**清疟饮**

柴胡 枳壳 青皮 半夏 白术 黄芩

厚朴 猪苓 白茯苓 泽泻 陈皮 甘草 贝
母 知母 前胡

三十五、**随用截方**

加常山 草果 槟榔
姜引。系加在前方煎服。

三十六、**参苏饮**

人参 苏梗 桔梗 前胡 半夏 干葛
陈皮 枳壳 杏仁 木香 甘草 茯苓
姜引。

三十七、**五子五皮饮** 治肿胀。

苏子 山楂子 莱菔子 葶苈子 香附子
桑皮 橘皮 大腹皮 茯苓皮 生姜皮

三十八、**泻黄散** 治湿热肿胀。

赤茯苓 黄连 黄柏 黄芩 山梔 泽泻
茵陈

三十九、**泻白散** 治肺热。

甘草 桔梗 陈皮 桑皮 地骨皮

四十、**四物汤** 调益荣卫。

川芎 当归 熟地 白芍

四十一、**麦门冬饮** 治吐血久不止。

麦冬 黄芪 当归 人参 生地 五味子

四十二、**清胃汤** 治粪后见血。

山梔子 生地 牡丹皮 黄连 当归

四十三、**茵陈汤** 治黄疸。

茵陈 梔子 黄柏

四十四、**祛风散** 治天柱骨倒。

防风 甘草 羌活 细辛 黄芩 白芷
薄荷 当归 川芎

四十五、**滋阴降火汤** 治阴虚痰结。

当归 地黄 白芍 黄连 白茯苓 知母
天花粉 莲子 黑玄参 甘草 麦冬
灯芯引。

四十六、**五淋散** 治血淋。

赤苓 赤芍 山梔仁 条黄芩 当归 甘
草

灯芯一团引。

四十七、**清脾饮** 治热疟或热多寒少。

青皮 半夏 黄芩 甘草 白术 白茯苓
柴胡 陈皮 草果 厚朴
姜枣引。

四十八、**人参安神汤** 治心血不足，惊悸不眠。

麦冬 人参 当归 黄连 枣仁 生地 茯神

四十九、**安神汤** 治心血不足，惊悸。

人参 半夏 枣仁 茯神 当归 橘红 赤芍 五味子 甘草 姜引。

五十、**宁心丸**

麦冬去心，五钱 寒水石一两 白茯苓 甘草 牙硝 山药各五钱 朱砂一两 龙脑一字 共为细末，炼蜜为丸，如芡实大，每服半丸，砂糖水磨下。如慢症用人参 白术煎浓汁化下。

五十一、**肝痞丸**

五灵脂 夜明砂 龙胆草 天麻 干蟾头 全蝎二个 蝉退 川芎 芦荟 黄连 青黛 防风

共为细末，猪胆汁浸为丸，麻子大，每服十九丸，薄荷汤下。

五十二、**化蠶丸** 治肝痞。

羌黄 青黛 芦荟 川芎 白芷 胡连 川连 虾蟆灰各等分

为末，猪胆汁浸糊为丸，麻子大，每服二个，临卧，杏仁汤送下。

五十三、**褐子丸** 治疳胀。

萝卜子一两 青皮 陈皮 槟榔 赤茯苓 黑牵牛 莪术 五灵脂各五钱 木香减半

上为末，面糊如绿豆大，每五十丸桑皮、紫苏煎汤，或萝卜汤下。

五十四、**加味二陈汤** 治夹暑夹寒吐泻。

陈皮 半夏 白茯苓 甘草 厚朴 香薷 黄连 山楂 麦芽 神曲 木通 泽泻

五十五、**香薷饮** 治暑热。

香薷 厚朴 扁豆 黄连

五十六、**清心莲子饮** 治溺血。

麦冬 地骨皮 黄芩 甘草 白茯苓 黄芪 柴胡 人参 石莲肉

五十七、**泻青汤** 治凶填。

羌活 川芎 梔仁 龙胆草 当归 防风 各等分 大黄减半

竹叶引。

五十八、**清金饮** 治伤风嗽吐。

前胡 杏仁 桔梗 桑皮 半夏 甘草 旋覆花 薄荷 陈皮 水煎服。

五十九、**小续命汤** 治刚柔痉病。

麻黄 人参 黄芩 川芎 芍药 甘草 杏仁 防风 防己 肉桂 附子 水煎。

六十、**芎苏饮**

川芎 苏叶 陈皮 半夏 前胡 桔梗 枳壳 干葛 白茯苓 甘草

六十一、**泻肝汤**

车前 木通 生地 归尾 山梔 黄芩 龙胆草 甘草各等分

六十二、**松蕊丹** 治龟背。

松花 枳壳 防风 独活各一两 麻黄 前胡 大黄 桂心各五钱 为末，蜜丸，黍米大，每服三十丸，粥饮下。

六十三、**宽气化痰丸** 治龟胸。

大黄三分 杏仁 百合 木通 桑皮 甜葶苈 天门冬 石膏各五钱 为末，炼蜜为丸，绿豆大，食后临卧，白开水化下。

六十四、**柴胡梔子饮**

柴胡 山梔 白茯苓 川芎 白芍 当归 丹皮 牛蒡 甘草等分 水煎。

六十五、**固肠饮** 治久痢不止。

木香 黄连 当归 白芍 人参 白术 白茯苓 甘草 诃子肉 水煎。

六十六、**屈膝散** 治鹤膝。

防风 薏苡仁 牛膝 苦参女便浸晒 何首乌男便浸晒，各一两 僵蚕 天花粉 荆芥穗 各五钱 肥皂核肉一两 鹿茸五钱

共为粗末，每用三钱，同合冷饭团四两，牯猪油六钱，粘米绿豆各一撮，水四碗，煎至二碗，分作二次，温服。

六十七、**糖乳膏** 治胎风胎惊。

牛黄 朱砂各少许

取猪乳调,抹儿口中。

六十八、**清暑益气汤** 治伤暑烦热^①。

黄芪 升麻 人参 白术 陈皮 神曲
泽泻 黄柏 当归 青皮 干葛 五味 甘草
水煎服。

六十九、**八珍汤**

人参 白术 茯苓 甘草 川芎 当归
熟地 白芍
姜枣引。

七十、**藿香正气散** 治伤脾胃外感寒邪。

藿香 紫苏 大腹皮 陈皮 桔梗 甘草
茯苓 半夏 神曲 厚朴 白芷
姜枣引。

七十一、**疏风顺气汤** 治风寒发喘。

柴苏 干葛 桑皮 前胡 麻黄 杏仁
甘草

水煎服。

七十二、**清肺汤**

白术 茯苓 陈皮 薄荷 南星 桑皮
细辛 甘草 桔梗

七十三、**备急方** 治夜啼内吊。

煎葱汤淋洗其腹,又用艾绒烘热,包熨其
腹。十数次其痛渐止。

七十四、**莲花饮**

甘草 知母 莲花须 川莲仁 瓜蒌根
五味 人参 干葛 白茯苓 生地 竹叶

七十五、**参竹汤**

麦冬 人参 竹叶 甘草 半夏 小麦
粳米 陈皮 生姜

^① 清暑益气汤治伤暑烦热:此十字原脱,据静观堂本补。

幼科铁镜

清·夏鼎 著
高萍 校注

校注说明

《幼科铁镜》是清代儿科名医夏鼎所作。夏鼎，字禹铸，号卓溪叟，安徽贵池人。家传世医，其父初明，亦为当时名医，致力于儿科研究，尤长于小儿推拿及杂症诊治。禹铸广传其方，并著《幼科铁镜》一书。书凡六卷，卷一论“儿医须知”、“小儿推拿法”等。卷二论儿科诊法、脐风、胎寒、胎热等证治。卷三论惊、痢、疳三病治疗。卷四、卷五论麻疹、黄疸、吐泻、腹痛等证治。卷六论药性和方剂。在理论上多有独到的发挥，在论“惊”中，他以为：“热盛生风，风盛生痰，痰盛生惊，此贼邪逆客必至之势。”故而在治疗上提出：“疗惊必先豁痰，豁痰必先祛风，祛风必先解热”，“解热必先祛邪”的治疗原则。其“祛邪”之法，不拘于一种，有用药、推拿、灯火、艾灸等等。此书为夏氏家传经验总结，尤注重儿科望颜色、审苗窍，但对历代指纹望诊持否定态度。由于此书论点鲜明，切用临证，所载方法，多有效验，故此书久负声誉。

本次整理，选用清·光绪乙未贵池信天堂刊本为底本，以清·康熙三十四年乙亥本（简称“康熙本”）、光绪二十三年广雅书局本等为主要校本，对本书进行了点校、注释。在整理过程中，力求保持底本原貌，但也作了如下调整和处理。

一、底本与他校本有异，而文义均通者，不出校，悉从底本；校本义长者，出注说明。

二、底本与他校本有异，属底本讹误，均予以校改，出注说明。

三、目录与正文内容有异者，出注说明。

四、凡属生僻字、词，加注音及注释。异体字一律改为通行规范字。

五、凡属书名、篇名，一律加书名号，不出注。

六、书中“症”和“证”混用，一律据原本，不作改正。

七、凡原书中所加夹圈、尖圈、单圈，因排版不便，且无重要意义，今删。

八、凡他校本中带有迷信及占卜用词语者，光绪信天堂本已删除，故不另出注。

九、由于版式变更，原方位名词，如“左”、“右”等一律改作“上”、“下”，不出注。

在整理本书的过程中，发现书中有些内容不尽符合今人的看法，我们本着古为今用、保持原貌的原则，未予改动，祈望读者自裁。另外，限于我们的整理水平，书中难免有误，敬请读者批评指正。

校注者

一九九六年十一月

幼科铁镜序

自太极判而阴阳分,天地之间,有正气即有邪气。正气长则邪气消,正气衰则邪气旺,消长衰旺之间,天地不能自主,而至人调燮之功出焉。人身一小天地也。方婴儿在胎时,元气浑沦耳,关节脏腑自然而成耳。一离母腹,即纳外气,寒暑燥湿,感而疾生,或生于阴,或生于阳,阳受则入六腑,阴受则入五脏,而婴儿元气渐损焉。若非保傅之力,药石之功,几何而不致湮灭耶?故古之至人,即以调燮天地者,通其理于人身。自神农氏而后学者大小不一,要不离乎扶正祛邪者近是,然则医之为道,岂渺小哉!夏子禹铸为秋浦儒家世族,早登贤书,予于簿书之暇,每咨而访焉,冲夷辟穆有仁者风,间出其所著《幼科铁镜》。予披阅一过,乃掩卷叹曰:信哉,仁人之言,其利溥哉!是集也。其学弘邃,其理湛深,而于入身之中靡不洞烛,勿使有所壅闭湫底,正者扶之,邪者祛之,瞭然不差毫发,虽古和缓诸人,何以加兹?况以吾儒而兼术,若是揆之和缓,古今人同不同未可知也。昔范文正公为布衣时,就相士卜曰:不得为相,愿为医,殆为是欤!夫立德立言立功,古人称三不朽,夏子之道德文章,固足标帜,而是集得于家学渊源,以公于世,功曷有量?三不朽盖兼之矣。

时康熙乙亥端月辽阳梁国栋正夫氏题于青池官署

凡 例

凡治婴儿病，不望颜色，不审苗窍，故病不应药。是书惟以“望颜色、审苗窍”六字，为大主脑^①。

凡症俱有颜色可望，苗窍可审。独惊、痢痛、疳三症，颜色苗窍，俱非本来，无处拿捉。是书洞决死生，俱属先君从百千婴儿中侦探出来的；辨明形状，俱属先君从百千婴儿中体认出来的；治法药味，俱属先君从百千婴儿中尝试出来的。故是书于此三症，则冠以初明有曰^②。

凡前辈图绘各穴，俱任意裁插，鲜不差谬。是书图穴，由两代考索，毫不舛错。

凡症所载推拿者，俱属必效。不准者，如老汉扳臂、猿猴摘果之类，尽行删汰。

凡症推三关，必须少推腑上以应之。推六腑，必须少推三关以应之，防补泻太过。

凡症属载明灯火艾灸，俱起死回生秘法。

凡症下无汤散名，只有药味者，俱卓溪自立方，历验始载。

凡有夏禹铸曰，其中多出己见，发明至理，亦从治效过立说。

凡症立说引喻，俱属疑团，不譬不明。

凡症后间附效案，系症有疑难，传以较核。

凡症初起不用丸散。因各脏病有轻重，临证用剂，必有加减，如丸散药味分两已定，倘内有一二味与症不宜者，抽不出来，模糊投入，反生别病。予于暂症，必不肯用，若用丸散，殊是症属一家。

凡口诀，有古人旧诀，有卓溪新诀。新诀上，注卓溪二字。

凡字句用夹圈者，是大主脑。用尖圈者，是认法。用单圈者是紧要。

一热症认法。乃卓溪生平第一着得意处，自分亦能上绳父武，出以传世，更当研究。

一麻症。大小方脉书独不齿及，多因症属至轻，迩来麻症为患最重。余每临症，只从脾肺两脏看虚实，肺脏大肠探根苗，于中创出治法，一剂必效。用以传世，此乃发造物未发之秘，补先辈不足之书。

凡推拿，古人以之代药，后人竟以推拿为儿戏，并不知推应何经，拿应何脏，所代何药，以致轻症加重，重症^③速死，予特载出某推当某药，某拿抵某味，使人晓得用推拿，便是用药味。药味既不可误投，推拿又何可乱用！

① 大主脑：言事物之大体要点。

② 曰：原作“自也”，据康熙本改。

③ 症：原作“予”，据康熙本改。

目 录

卷 一

九恨	(507)
十三不可学	(507)
十传	(507)
摹看手指筋纹乃医家异教说	(508)
治病不可关门杀贼说	(508)
治病不可开门揖盗说	(509)
汤方内更换药味说	(509)
看病秘诀	(509)
回各穴图	(509)
掌面推三关退六腑运八卦图	(509)
掌回水底捞月引水上天河至洪池图	(510)
手背面推上三关揉五指节图	(510)
虎口合骨穴图	(511)
脚各穴图	(511)
身回用灯火图	(512)
背回肺俞各穴图	(512)
死症辨	(512)
卓溪家传口诀	(513)
推拿代药赋	(513)

卷 二

阐明五脏生克以知补母泻子	(515)
望形色审苗窍从外知内	(515)
五脏各有所司从外治内	(516)
辨脐风	(516)
辨胎寒	(517)
辨胎热	(517)
辨胎毒发丹	(517)
辨胎惊胎风	(517)
辨胎黄	(517)
辨蒸变	(517)
辨脾实热虚热	(518)
辨脾湿	(518)
辨肺热肺寒肺虚	(518)
辨心实热虚热	(518)
辨心经热极似寒	(518)

辨心热昏迷似惊	(518)
辨烧热	(518)

卷 三

辟诸惊名之谬	(520)
阐明发惊之由兼详治惊之法	(520)
惊痫死症辨	(520)
惊痫活症辨	(520)
辨惊有痰盛风盛热盛	(521)
辨热症似惊风伤寒	(521)
辨痫症	(522)
辨阳症兼痫	(522)
辨痘病	(522)
慢症	(523)

卷 四

麻症	(525)
辨伤寒附寒极似热	(525)
辨夹食伤寒	(526)
辨腹痛	(526)
辨吐	(527)
辨泻	(527)
辨吐泻	(528)
辨痢疾	(528)
辨疟疾附阴虚似疟	(529)

卷 五

辨咳嗽	(530)
痘后	(530)
辨诸血	(531)
辨中暑中热	(531)
辨夜啼	(531)
辨疳疾	(532)
赤游丹火	(532)
淋症	(532)
便浊	(532)
大便不通	(532)
小便不通	(533)
出汗	(533)

黄疸·····	(533)	天疱疮·····	(535)
肿胀·····	(533)	痲疮·····	(535)
三消·····	(533)	黄水疮·····	(536)
膀胱气痛·····	(533)	恶核瘰疬·····	(536)
呆笑·····	(534)	偏坠·····	(536)
不寐多困·····	(534)	茎肿痛·····	(536)
龟胸·····	(534)	肾囊肿·····	(536)
龟背·····	(534)	灸霍乱·····	(536)
论解颅凶填凶陷·····	(534)	灸疰母·····	(536)
干瘦似瘠·····	(534)	灸脱肛·····	(536)
天柱骨倒·····	(534)	灸肚大青筋·····	(536)
五硬·····	(534)	灸犬伤·····	(536)
齿病口疳疮·····	(534)	灸蛇伤·····	(536)
重腭重龈·····	(535)	疔疮恶疮痈百膏异方·····	(536)
耳疔·····	(535)	贴骨疔口挂角各疔疮发背脑痈乳痈	
重舌木舌·····	(535)	大人小儿同治丹·····	(537)
鹤膝风·····	(535)		
痛风·····	(535)	卷 六	
冷水风·····	(535)	药性小引·····	(538)
迅雷所惊·····	(535)	药性赋幼科摘要·····	(538)
		附录 诸汤方·····	(540)

幼科铁镜卷之一

九 恨

一恨挑筋割肉。五脏之病，岂尽在筋，挑断不知当那一味药。六淫之贼，岂尽在血，血出又不知退那一经邪。这一种挑筋的，如对于说出理来，予便不恨。

一恨病儿见回。寒热虚实，茫然不知，辄曰死作活医，药之不效，死不任过。一药偶中，活即居功，死症能生。对于说出理来，予便不恨。

一恨见儿烧热，并不知烧从何感，热自何生，乱推乱拿，致儿大啼大叫，汗出热解。偶尔撞着，便自称神，既自称神，缘何有效不效？对于说出理来，予便不恨。

一恨不知症候，药与病反，不曰自己用药不当，且曰儿母有失护持。对于说出理来，予便不恨。

一恨活症屡药不效，名医一药成功，不曰自己不知，且曰他合时机。对于说出理来，予便不恨。

一恨以丸散为欺人之具。其实不值一文，且曰此丸此散，真是无价。不论中病与否，解包投服不愈，则多方以药本为辞。丸散既属无价，投服病胡不瘳？对于说出理来，予便不恨。

一恨动用牛黄、竹沥、贝母为除痰要药，痰有寒热，热痰见此，真似滚汤泼雪。寒痰见此，竟是雪上加霜，不论寒热，概投儿服。对于说出理来，予便不恨。

一恨必用柴胡退烧。烧热有表里之殊，柴胡专属解表之味，脾虚肾虚、气血两虚诸烧热亦用柴胡。对于说出理来，予便不恨。

一恨用汤头有内减外加之说。加减原在汤头内，看脏腑之有虚有实，酌药味之宜多宜寡，间或清病之来路，塞病之去路，外加一二味。此是变通妙手，如曰内可减，外可加，则四君子加两味，便成六君子，十全大补减两味，便是八珍。

对于说出理来，予便不恨。

夏禹铸曰：余生平来，凡嫉我、欺我、负我、侮我，以及无故加我者，辄过而忘。独于幼科庸医而恨之，且恨之有九，何也？常见艰于嗣息者，一旦举子，庆也如何？及病付医，轻者重之、生者死之。其饮恨也，又何如？余抱公愤人也。遂引人恨为己恨。然恨之正所以觉之也，觉之则睡汉惊来转脚，便步百尺竿头，悟到医家三昧，方见卓溪叟以九恨作醒人擘头之一棒也。

十三不可学

- 一残忍之人必不侧怛，不可学。
- 一驰骛之人必无静气，不可学。
- 一愚下之人必无慧思，不可学。
- 一卤莽之人必不思索，不可学。
- 一犹豫之人必无定见，不可学。
- 一固执之人必不融通，不可学。
- 一轻浮之人必多忽略，不可学。
- 一急遽之人必期速效，不可学。
- 一怠缓之人必多逡巡，不可学。
- 一宿怨之人借此报复，不可学。
- 一自是之人必以非为是，不可学。
- 一怪吝之人必以此居奇，不可学。
- 一贪婪之人必以此网利，不可学。

予以此十三种人为不可学，非外之以为必不可学也。苟绝此病，先能自医，又何不可学之有。

十 传

一儿啼哭无声，前辈俱作死症，以为肺绝故也。独予先君于拿之无声者，审出肺气未绝，一药即生，而予亦经验过，历历不爽，生死关头，何可秘而不传？

一惊风、伤寒、热症，三种相似，前辈俱未能

辨,误医误死,不知凡几。独予先君辨出惊风的模样,伤寒的光景,热症的认法,透彻无遗,一经医治,无有不生,而予亦经验过,历历不爽,生死关头,何可秘而不传?

一儿左手之三关六腑,大指之脾位,五指之上下,两脚之左右,前辈无不误传。独余先君悟出至理,辟尽各处差谬,阐出部位根源。推无不效,补无不应,泻无不神。而予亦经验过,历历不爽,毫厘千里,何可秘而不传?

一儿脐风,前辈只知风入脐内,以致撮口噤口,卒不知风入深浅,死生有异,予独悟出逆克至理,见外知内,治无不退,经验过,历历不爽,生死关头,何可秘而不传?

一儿慢症,前辈多作慢惊,乱推乱拿,乱掐乱灸,以致汗愈亡阳,痢愈伤脾,独予体贴慢字,不作惊治,惟补脾虚。经验过,历历不爽,生死关头,何可秘而不传?

一儿胃有实痰,药解不散,惟有取法。前人取之,多有壅筑喉内,不吐出,又不下去,因不敢取。予偶见修养家作练功大睡法,眼翻气筑时,于气海穴以手指曲节抵之,一放即活。予因悟及取痰不出又不下者,以是法行之,果即下,复取便出。经验过,历历不爽,此因诗悟礼,触类旁通,万病俱可因端起悟,何可秘而不传?取喉内痰,将儿中指捋至尖,数下,推涌泉穴,左转不揉,以指对抵颊车穴,以耳挖爬舌上,即吐。

一儿有惊风,痰热虚实表里,前人俱用推拿,且曰小儿肚肠脆嫩,不可服药,独予先君云:急惊风痰,非推拿不效。脏腑虚寒,非药味莫瘳。此予两代因病用推用药,经验过,历历不爽,好竿鼓瑟,必不相宜,何可秘而不传?

一儿有病,前人以四季之五行,按五脏之五行,以药味之四性,合天时之四季,其理固是,然不知弃轻从重之妙,如当夏宜用黄连等味以泻心,不宜用枣仁等味以补心,理也。设使心经虚极,或怔悸不眠,或汗出如雨,补耶泻耶?当夏宜用五味等味以救肺,不宜用桑皮等味以泻肺,理也。设使肺经热极,或大便闭塞,或热血妄流,泻耶救耶?此种学问,余从不固执,惟相其缓急,权其标本,弃轻从重,不拘时令,只照病医,却无不

好,经验过历历不爽,深恐胶柱鼓瑟者流,不敢轻用药味,何可秘而不传?

一望儿颜色不错,证之苗窍相符,药之又与病合,若服一二三剂,病犹照常不除,又不加甚,切不可因人言药不合症,半路更方,盖在我望色既真,辨窍既稔,效不见速,无非病深药浅,药力未到。譬之舟人驾舟,两岸辽阔,一时难到,我既认定风色,亦只把定舵牙,活握篷索,一任浪涌兼天,磨一磨自然到岸。如把持不定,在半江中,或乱篷转舵,则断无不覆之舟。予两代经验过,历历不爽,似此成败关头,何可秘而不传?

一儿病患,举世幼科,皆于儿第二指面筋纹,细摹细看,以形色论症候,以透关决死生。予两代以医术济人,共约七十余年,治活婴儿不下百千万数,皆以望面色,审苗窍为主,治无不神,间亦摹看筋纹,了无证验,似此速津道岸,何可秘而不传?

摹看手指筋纹乃医家异教说^①

夏禹铸曰:摹看手指筋纹,乃医家异教,盖指面筋纹,生来已定,岂因咳嗽而变为反弓,惊积面化为鱼刺,膈热而结为流珠,肝气粗而来蛇状之理,即曰能变能化,亦不过反弓知咳嗽,鱼刺知惊积,流珠知膈热,蛇来知气粗而已,外有何知?况二指一面,仅大小二肠所属,非五脏诸经并见之地,即曰并见,一指长不过寸许,阔不过分余,设也膈热而兼气粗,气粗而兼咳嗽,则流珠与反弓蛇来并相厮混,请从何辨?又诀曰:初关乍入宜支退,筋透三关命必亡。常见筋透三关,竟无病者,亦有病时透三关,而必不亡者,此种道理,殊不知解。余两代经过不验,不忍隐而不言,见之者幸勿执迷不悟。

治病不可关门杀贼说

禹铸曰:治病不可关门杀贼,脏腑之病,必

^① 摹看手指筋纹乃医家异教说:此十二字康熙本仅存正文中,未设篇题。

有贼邪，或自外至，或自内成，祛贼不寻去路，以致内伏，是谓闭门杀贼。如伤寒贼由外入，法宜表散；心火贼自内成，清利为先。是知降心火而不利小便，除肺热而不引大肠，治风热而不发表，药夹食而不导消，痢初起而不通利，症始发而遽用截方。凡此皆闭门之弊，不第不能杀贼，而五脏六腑，无地不受其蹂躏，则闭门之害，可胜道哉！凡有心幼科者，又不可不知也。

治病不可开门揖盗说

禹铸曰：治病不可开门揖盗，若脏腑有虚，外虽伤感，误为表散分利，惹来别症，是谓开门揖盗，试以脾虚作泻论之，脾虚惟恐补之不及，一用分利，则正气日下，而脾愈伤，便来脾慢之症。譬之六国之病在弱，离横合纵，乃季子补救之策。解约散纵，自开吞并之门，是乱臣亡国，与分利崩脾无异理也。至于肺虚误为发散，心虚利水，肝虚抑肝诸类，当从脾虚分利而类推之可也。

汤方内更换药味说


禹铸曰：在汤头中更换药味，有宜不宜，犹文字上更换字眼，有妥不妥。一般更换字眼，有慧思鄙见之殊，更换药味，亦有鄙见慧思之别。如范希文作子陵祠堂记，有歌曰：先生之德。时李泰伯在座，以风字易德字，洵是慧思。李太白诗：人烟寒橘柚^①。而黄鲁直以家园字易烟寒字，便是鄙见。至于医家用四物汤以补血，内有熟地，若心有火而血热，以生地易熟地，却是慧思，若心无火，血不热，而亦以生地易熟地，便是鄙见。此等学问，只可与知者道，难与不知者言也。业医道者，当留心焉。

看病秘诀^②

禹铸曰：凡小儿病有百端，逃不去五脏六腑气血；症虽多怪，怪不去虚实寒热风痰；病纵难知，瞒不过颜色苗窍；症即难辨，莫忽略青白红黄。面上之颜色苗窍，乃脏腑气血发出来的，颜色之红黄青白，乃寒热虚实献出来的，业医者，能于此处做工夫，便得吾家之秘诀。

面各穴图

顶心百会穴



太阴 女重揉此穴发汗男揉此止汗

太阳 男重揉此穴发汗女揉此止汗

推法。用葱姜煎汁浸染医人大指，先从眉心向额上，推至二十四数。

次从眉心分推，至太阳太阴九数。

再自天庭至承浆各穴，掐一下，以代针法。

再于太阳太阴，或发汗，或止汗。

再将两耳下垂尖，捻而揉之。

又将两手捧头面摇之，以顺其气。

再看寒热，向手推三关六腑及运八卦。

随分推胸口，及揉脐，推委中毕，再揉肩井，至于别穴，看症再加揉法。

掌面推三关退六腑运八卦图


推三关，退六腑，运八卦，男女俱在左手。人以男右手为女之左手，独不思右掌无八卦，若亦有八卦，则震居西，兑居东，艮居乾，而坤居巽，岂后天八卦之定理，而为女子之推拿，遂变其位置耶？况男女心肝肾脉，俱在左手，若女以右手为左，则心肝诸脉，可在右手否。

① 人烟寒橘柚：见李白“秋登宣城谢眺北楼”诗。

② 看病秘诀：此四字康熙本仅存正文中，未设篇题。




掌面水底捞月引水上天河至洪池^①图



儿眼翻下者，将大指甲在小天心向总筋上掐，即平。

夏禹铸曰：大指面属脾，画家画手掌，不把大指画正面，乃画家之正法。前人只得以脾土字，写在侧边，后人误认，以讹传讹。遂以大指之侧边为脾，余故将前掌图，大指移作正面，此因脾土画图之权宜。又因口诀有曰：脾土曲补直为推，见有曲字，便把儿指一曲着，则侧面居正，故愈以侧面为脾，那晓得曲补之说，曲者，旋也，于指正面，旋推为补，直推至指甲为泻。此前人一字之讹，遂成流弊莫救，今人推之无效，皆由穴之不真，前人传之已误，后人幸勿再误。

手背面推上三关揉五指节图



夏禹铸曰：五指梢尖俱属下，前人作上，误矣。譬诸草木，根是本，梢为末，末，下也，不辨可知。前人又每以左足为右足，独不想到人在堂，居中朝上坐，却是西边为左边，如此明白显易的

儿眼翻上者，将大指甲在小天心向掌心下掐，即平。

^① 至洪池，原脱，据康熙本补。

道理，胡为乎还错了？若女则右足为左足，地道尚右也。

男左手直骨背面为三关，属气分，推上，气行阳动，故为热为补。

男左手直骨正面为六腑，乃血分，退下，则血行阴动，故为寒为泻。其两边侧里，属阳气阴血交界之地，以此处作三关六腑推之，气血无所适从，补泻何可合用？

五脏阳也，何女以推上为寒为凉？所谓阳极阴生是也。女阴道，故从阴生处推之。

六腑阴也，何女以退下为热为补？所谓阴极生阳是也。故女从阳生处推之。

诀曰：肾水一纹^①与后溪，推上为清下补之，小便闭赤清之妙，肾虚便少补为宜。


禹铸曰：四脏俱推上为补，下为泻，何肾与四脏相反？盖四脏居一身之上，而肾居下，肾虚则推四脏之气，往下以滋肾，故曰下补。肾水混浊，则小便闭赤，若再往下推，则闭愈甚，一往上提，疏通水道，而小便自清，故曰：推上为清。此上下清补有异，若不发明上下之理，恐人疑推肾之上下，两字有讹，则遗害不浅，故识之。

虎口合骨穴图

夏禹铸曰：前人因合骨穴，故画侧手图，只能画一面，不能画三而，故以三关六腑，写在两边，按图虽在两边，而推画图之情，两旁原是正而，后人不体其情，以侧手图之侧边，遂执为儿手正面之侧边作三关六腑，不大可怪哉！古人画图绘穴，想无不真，多因粗心者，皆不能揣情度理，一错看过，以讹传讹，相习不察。余力辟前谬，非故示异也，由几番折肱体认得来的，后之君子，当毋以妄诞目我。



脚各穴图




① “一纹”，据熙本作“卜指”。

涌泉穴，男左转揉之，吐即止。右转揉之，泻即止。左转不揉，主吐。右转不揉，主泻。女反是。

惊来若急，大墩穴拿之，或鞋带穴对拿，如婴儿弱极，在大墩穴按之无脉，又在解溪穴再按，又无脉，弱到十二分地位，不必医。如两处有脉，即用人参一二分服之自转，不可多用，恐弱不能受，反加一死，医者知之。


惊时，若身往前扑，即将委中穴向下掐住，身便直。若身后仰，即将膝上鬼眼穴向下掐住，身即正。

背面肺俞各穴图



此穴不在骨上惊痛灸此起死回生

身面用灯火图



死症辨

前辈有死症诀，然于中治之，却有不死者，医家不可弃而不治。太冲即大墩，无脉是弱症，属不足。直视摇头是风症，属有余。二者相兼，觉无此理，倘有相兼，不治症也。如止有一，断非死症。鱼口自动，忽作鸦声，此脾有痰，而肝有风，若祛风豁痰，却非死症。蛔虫尽出，不加烧热，补脾即安，亦非死症。而黄四肢肿，若黄有宝

色，补脾行气自消，却非死症。至于鼻门黑燥，兼以肚大青筋，手抱头上，兼以汗似油淋，凶门肿起，忽陷成坑，只犯一宗，犹非死症，若果并见，必死无疑。

卓溪家传口诀

前辈相传不效者，删之。两代经验过者，补之。亦有诀传不明者，出己见以阐发之。

婴儿十指冷如冰，便是惊风体不安，十指梢头热似火，定是夹食又伤寒。握之恐不真，再以儿手指贴吾面试之，不爽。

以吾三指按儿额，感受风邪三指热，三指按兮三指冷，内伤饮食风邪人以上探病法。

一年之气二十四，开额天门亦此义，自古阴阳数有九，额上分推义无异，天庭逐掐至承浆，卓溪以掐代针行血气此乃开首推法。

伤寒推法上三关，脏热专推六腑间，卓溪六腑推三关应一，三关推十腑应三。推多应少如只推不应，恐发热则动火，过凉又有滞为调燮，血气之中始不偏。

啼哭声从肺里来，无声肺绝实哀哉。卓溪若因痰蔽声难出，此在医家用妙裁。

卓溪病在膏肓不可攻，我知肺俞穴能通，不愁痰筑无声息，艾灸通神胜化工。

卓溪百会由来在顶心，此中一穴管通身。扑前仰后歪斜痛，艾灸三丸抵万金。腹痛难禁还泻血，亦将灸法此中寻。

张口摇头并反折，速将艾灸鬼眼穴，更把脐中壮一艾，却是治疗最妙诀。

卓溪肩井穴是大关津，掐此开通血气行，各处推完将此掐，不愁气血不周身。

病在脾家食不进，重揉艮宫妙似圣，再加大指而旋旋字不可忽略推，脾若初伤推即应。

头疼肚痛外劳宫，揉外劳宫即见功，疼痛医家何处识，卓溪眉头蹙蹙哭声雄。古人只曰头疼肚痛，非此辨法，何以知之。

心经热盛作痴迷，天河引水上洪池，掌中水底捞明月，六腑生凉那怕痴。

婴儿脏腑有寒风，试问医人何处攻？揉动外劳将指屈，此曰黄峰人洞中。

揉掐五指爪节时，有风惊吓必须知，若还人事难苏醒，精威二穴对拿之。

胆经有病口作苦，只将妙法推脾土，卓溪口苦医人何处知？合口频频左右扭。古人只曰口苦，非此辨法，何以知其口苦耶？

大肠侧侧字不可忽推到虎口，止泻止痢断根源，卓溪不从指而斜推人，任教骨碎与皮穿，揉脐兼要揉龟尾，更用推揉到涌泉。

肾水小指与后溪，推上为清下补之，小便闭赤清之妙，肾虚便少补为宜。小指正面属肾水。

卓溪小儿初诞月中啼，气滞盘肠不用疑，脐轮胸口宜灯火，木香用下勿迟迟。身不烧熟，啼声雄壮。

白睛青色有肝风，鼻破生疮肺热攻，卓溪祛风却用祛风散，指头泻肺效与同。

鼻准微黄紫庶几，卓溪奇红带燥热居脾，大指而将脾土泻，灶土灶土即灶心焦土，名伏龙肝煎汤却亦宜。

太阳发汗来如雨，身弱兼揉太阴止，太阴发汗女儿家，太阳止汗单属女。

眼翻即掐小天心，望上须将下掐平，若是双脾低看地，天心上掐即回睛。

卓溪口眼相邀扯右旁，肝风动极趁风牵，若还口眼频牵左，定是脾家动却痰，肾水居唇之上下，风来焉不作波澜，双脾原属肝家木，枝动因风理必然，右扯将儿左耳坠，左去扯回右耳边将耳垂下扯。

卓溪三朝七日眼边黄，便是脐风肝受伤，急将灯火十三点，此是医仙第一方。

卓溪效见推拿是病轻，重时莫道药无灵，疗惊定要元宵火，非火何能定得惊，若用推拿须下午，推拿切莫在侵晨，任君能火还能药，烧热常多退五更，叮咛寄语无他意，恐笑先生诀不真。

推拿代药赋

前人忽略推拿，卓溪今来一赋。寒热温平，药之四性。推拿揉掐，性与药同，用推即是用药，不明何可乱推？推上三关，代却麻黄肉桂。退下六腑，替来滑石羚羊。水底捞月，便是黄连犀角。

天河引水，还同芩柏连翘。大指脾面旋推，味似人参白朮。泻之则为灶土石膏。大肠侧推虎口，何殊诃子炮姜？反之则为大黄枳实。涌泉右转不揉，朴硝何异？一推一揉右转，参朮无差。食指泻肺，功并桑皮桔梗。旋推止嗽，效争五味冬花。精威拿紧，岂羨牛黄贝母。肺俞重揉，漫夸半夏南星。黄蜂入洞，超出防风羌活。捧耳摇头，远过生地木香。五指节上轮揉，乃祛风之苍朮。

足拿大敦鞋带，实定掣之钩藤。后溪推上，不减猪苓泽泻。小指补肾，焉差杜仲地黄。涌泉左揉，类夫砂仁藿叶。重揉手背，同乎白芍川芎。脐风灯火十三，恩符再造。定惊元宵十五，不啻仙丹。病知表里虚实，推合重症能生。不谙推拿揉掐，乱用便添一死。代药五十八言，自古无人道及，虽无格致之功，却亦透宗之赋。

幼科铁镜卷之二

阐明五脏生克以知补母泻子

卓溪夏禹铸曰：万物以土为母，而人身亦然。陈非宋问曰：物赖土生，有形可见，人身亦以土为母，何以知之？曰：脾属土也，而鼻属于脾，彼孕妇成胎，先从鼻始，故人称始祖，曰鼻祖^①。以是知脾土为一身之母也。有脾土而后生脾金，肺金生肾水，肾水生肝木，肝木生心火，心火生脾土，此五脏相生之序也。有生亦必有克，不克则太旺无制，故肝木克脾土，脾土克肾水，肾水克心火，心火克脾金，肺金克肝木，此五脏相克之序也。业医者，不明五脏生克之定理，则治病兼补兼泻之法，从何而施？如脾家虚极，法虽用补，补之不足，必兼补心，苟不明相生之理，焉知补心以补脾？如脾家热极，法虽泻脾，然泻之不克，必兼泻肺，不明相生之理，又焉知泻肺以泻脾？生我者谓之母，克我者谓之贼邪，如肝家虚极，则肺邪乘肝补肝必兼祛贼，贼去而肝自安。不明相克之理，又焉知泻脾以补肝？举此两脏，余脏皆可类推。

望形色审苗窍从外知内

禹铸曰：望闻问切，固医家之不可少一者也。在大方脉则然，而小儿科，则惟以望为主，问继之，闻则次，而切则无矣。经云：切而知之之谓巧。夫小儿六脉未全，切无可切，而巧亦无所用其巧。问而知之之谓工，小儿于未言时，问之无可问，即于能言者问之，多不以真对，是问之不必问，而工亦无所用其工。闻而知之之谓圣，小儿初病之时，声音或不失其常，至病久而气丧，气丧而声失，闻之无可闻，而圣又何所见其圣？况书有曰：哭声不响者多死，而亦有不至于死者何？无非泥其声，而不得其肺之绝与不绝故也。吾故曰：以望为主。曰：五脏之体隐而理微，望从

何处？曰：体固隐矣，然发见于苗窍颜色之间者，用无不周，理固微矣，乃昭著于四大五官之外者，无一不显，中庸所谓费而隐，显之微者，不可引之相发明哉。故小儿病于内，必形于外，外者内之著也，望形审窍，自知其病。按病推拿，药石见效之速，未有不响之应声者。内有脏，曰心，曰脾，曰肺，曰肾，曰肝。五脏不可望，惟望五脏之苗与窍。舌乃心之苗，红紫，心热也；肿黑，心火极也；淡白，虚也。鼻准与牙床，乃脾之窍，鼻红燥，脾热也；惨黄，脾败也；牙床红肿，热也；破烂，脾胃火也。唇乃脾胃之窍，红紫，热也；淡白，虚也；如漆黑者，脾胃将绝也；口右扯，肝风也；左扯，脾之痰也。鼻孔，脾之窍，干燥，热也；流清涕，寒也。耳与齿，乃肾之窍，耳鸣，气不和也；齿如黄豆，肾气绝也。目乃肝之窍，勇视而睛转者，风也；直视而不转睛者，肝气将绝也。以目分言之，又属五脏之窍，黑珠属肝，纯是黄色，凶症也；白珠属肺，色青，肝风侮肺也；淡黄色，脾有积滞也；老黄色，乃肺受湿热，疸症也；瞳人属肾，无光采，又兼发黄，肾气虚也；大角属大肠，破烂，肺有风也；小角属小肠，破烂，心有热也；上皮属脾，肿，脾伤也，下皮属胃，青色，胃有寒也，上下皮睡合不紧，露一线缝者，脾胃虚极也。而有五位，五脏各有所属，额属心，离火也；左腮属肝，震木也；右腮属肺，兑金也；唇之上下属肾，坎水也。五脏，里也，六腑，表也。小肠心之表，小便短黄涩痛，心热也；清长而利，虚也。胃乃脾之表，唇红而吐，胃热也；唇惨白而吐，胃虚也，唇色平常而吐，作伤胃论。大肠肺之表，闭结，肺有火也；脾无热而便闭，必血枯，不可通下；脱肛，肺虚也。胆乃肝之表，口苦，肝旺也；闻声著吓，肝虚也。膀胱肾之表，居脐下气海之右，有名无形，筋肿筋痛，肾水之寒气入膀胱也。而

^① 而鼻属于脾，彼孕妇成胎，先从鼻始，故人称始祖，曰鼻祖；此二十二字，原本脱，据康熙本补。

有五色，一曰红，红病在心，面红者热；一曰青，青病在肝，面青者痛；一曰黄，黄病在脾，面黄者脾伤；一曰白，白病在肺，面白者寒；一曰黑，黑病在肾，面黑而无润泽，肾气败也。望其色若异于平日，而苗窍之色，与面色相符，则脏腑虚实，无有不验者矣。

五脏各有所司从外治内

心 乃一身之主，通身皆心司之。专主血，专司神，如惊悸不安，属心虚泪无因而泪者，心热也。汗身瘦不动而汗者，心虚也、茎阳物也，肿者心热，以上有病，俱从心治。

脾 专司元气气弱者脾虚、气又分司汗，气虚盗汗、肌肉消瘦者脾虚、痰实痰动者，脾湿也，虚痰动者，脾虚也、思虑过则伤脾。以上有病，俱从脾治。

肺 专司声音弱者，肺虚也，有声不出者，痰蔽也，声嘶者，肺气不敛也，无声者，肺绝也、热出在肺、皮毛破痒者肺燥，不润者肺虚、腠理肉外皮内，不密则汗出。以上有病，俱从肺治。

肝 专司血血弱者肝虚、汗又分司汗，血虚自汗、筋抽掣者肝风。以上有病，俱从肝治。

肾 专司骨、齿、耳，以上有病，俱从肾治。

脾肺内有伤，皆从外入，如父母舐犊过爱，则饮食伤脾，护持疏失，则六淫伤肺。至于心肾肝，无有伤处，到成人后，纵情欲，多房事，伤肾。守钱虏，去财谷，伤心。四畏至，时忍恼，伤肝。乃如之症远近便多，卓溪虽有良方，惜乎鞭长莫及。

辨脐风

夏禹铸曰：三朝之内，便是脐风，如七朝之外，定然不是。前人只曰：风由脐入腹，以致撮口噤口，并不曾说出一种理来，余思婴儿出世，剪落脐带，带口有水，风固乘水由脐入腹，然腹与唇舌相去甚远，而唇撮舌强何故？把贼邪逆犯之理一悟，乃知风入于腹，始附于肝。肝，木也，风则附木而鸣。目，肝之窍，两眼角故有黄色。风入于肝，必逆犯乎脾。鼻准，脾之属，故准头又有

黄色。入于脾，必逆犯乎肾，两唇属肾，故色黄口撮。入于肾，必逆犯乎心，舌乃心之苗，故舌必强直。到此，风火交炽，亡之必矣。予悟脐风颠末至此，自问亦不自知。语曰：思之思之，豁然通之，殆此谓欤^①。脐风初发，吸乳必较前稍松，两眼角挨眉心处，忽有黄色，宜急治之，治之最易。黄色到鼻，治之仍易。到人中承浆，治之稍难。口不撮而微有吹嘘，犹可治也。至唇口收束锁紧，舌头强直，不必治矣。一见眼角鼻及人中有黄色，而唇不撮紧者，曲儿小指揉外劳，即用灯火于凶门眉心人中承浆，两手大指少商，各穴一火焦^②，脐轮六焦，未落带，于带口火燃，既落，于落处一焦，共十三焦，风便止，而黄即退矣。此火攻之法，何异吕祖壶中药，卢公再生方哉。愿普天下为儿父母的，依予看治，即十百千万亿中，断无有一孩之死于脐风者。

余常见大方脉书垂效案，无一姓氏，似属虚诞。卓溪叟附录，必书姓氏，断不敢谬。如有借名，是书一出，将何以对效案中诸君子乎？两代效集充笥，不能尽载，聊取疑难之症，约略附之各症之末，非矜己也，用以资事斯道者之相较验云。

长山庠友储二，有一日抵掌下，偶道及从前举子，俱不育于脐风，予为约日后弄璋三朝内，招余过望，此患可除，后果如约，将儿抱出，两眼眸，黄色方兴，用灯火十三焦，即退，此望脐风不爽之一验也。

余邑中峰桐居士刘伯宗先生乃郎偕三妇，初举媛，脐风延至七日，口不吹嘘，亦不撮紧，两眼角黄色，深集溶溶，鼻准并沟畔，黄色淡淡，身上微烧。见之甚讶，从未有脐风能延至七日者，以眼角鼻上黄色浓淡揣之，知其脾土禀赋甚旺，风难遽入，以故尔尔。余重揉外劳，用灯火十三焦，攻拔肝风，于鼻上并左右沟里，加火三焦，以截去路，用防风一钱，煎服立愈，此脐风异症之一验也。

① 此谓欤：康熙本作“所谓患”。

② 焦：备用燃火之物，如灯心草。《玉篇》：“焦，炬火也”。

辨胎寒

胎寒下地后,或半日一日内,通而皆青如靛染,口不吮乳,先有啼声,后复不啼而昏迷者是也。观儿两眼鼻准无黄色,口又不吹嘘,定是胎寒。先于精灵威灵二穴对拿紧,并将昆仑穴拿紧,其声稍出,即用十五元宵火断之,或声不出,亦用此火,则声必出,乳必吸,青色必渐退矣。然此症须防作吐,胎寒者脏腑皆寒,胃先纳乳,胃寒不能纳,故必吐。治用人参一分,桔梗一钱,白朮三分,藿香五分,服之自愈。亦有发之迟者,胎有寒而外无感冒,则迟之二三日之间,胎有寒而下地复感其寒,故即发于半日一日之内,而必青色,唇白,泻白,或昏睡,或腹痛,或口不吮乳,四肢必冷,曲手握掌,或啼哭不已,皆胎寒也。治之切勿认为脐风,当以辨脐风之法辨之,治宜用理中汤加附子。迟久或变为盘肠内吊,治宜用钩藤膏。此症由娠母好食生冷,坐卧贪凉所致。

辨胎热

胎热者,通面大红,红虽赤子本色,恐人不能辨,盖本色红而淡,淡而正,热色深红而燥,燥而色杂。如满口热气莽莽,或舌肿而红紫,口气蒸手,或大便闭结,小便短赤,目内红赤,此皆胎热也。如牙龈肿硬,不能吸乳,用银簪于牙上下合骨处刺破出血,而乳自能吸,随用连翘一钱,伏龙肝二钱,车前一钱,煎服,或用大连翘饮。此症由娠母喜睡火炕,好食煎炒所致。

辨胎毒发丹

此症由娠妇常浴热汤,或久卧火炕,或过食煎炒辛辣。其候丹发,头而四肢,赤色游走不定。先用天保采薇汤表散,次用大连翘饮,或伤乳发丹,大便闭结,宜用四顺清凉饮,通之自愈。

辨胎惊胎风

惊与风,名异而症同,如面青搐搦口噤身热背强者是也。若目直窳视,最为难治。宜先拿精威二穴并昆仑穴,少顷,即曲儿小指,重揉外劳宫,随用元宵火定之,即服猪乳膏。此症由娠母性强,撒泼颠扑,损伤心血,应之于胎,外复感挟风邪,相触而发。

辨胎黄

胎黄由媛母感受湿热,传于胞胎,故儿生下,面目通身,皆如黄金色,壮热便秘潮赤者是也,治用地黄茵陈汤。

余同学庠友方孟居举子刚出世少顷,通而青如靛染,味爽呼门,振袂往视,知为胎寒之极,掌精威二穴无声,曲小指揉外劳,随用元宵火,加肺俞二燂,少商各一燂,即乳,余知必吐,预用藿香煎之,果吐,与服之,早食候天庭青退,至亭午通而皆红矣,此执色验症之一征也。

方姓有子通其人者,生子七日内不吮乳,适予在郡,请别医,误作脐风。予归,要路留治,见其唇燥极,而色红,中带暗,烧热亦甚,揣不吮乳之故,必是牙关肿硬,用针於骨合处各一针,血出,放手即乳,用连翘一钱,灶心土二钱,木通五分,煎服即愈,此望色审窍之一验也。

余男之云同年泮友胡增奇,生男四日内,地距四十里许,不便邀看,来与余说,面上黄色,身有微烧,予揣脐风黄色,必不通而,因问眼内何如?渠说亦有黄色势样,予曰:定是胎黄,以地黄茵陈汤方授之愈,此问色知症之一验也。

辨蒸变

小儿生下三十二日一变,六十四日一蒸,变者,变生五脏,蒸者,蒸养六腑,长血气而生精神益智慧也,积五百七十六日乃除。蒸变必烧热,其状似惊,耳尻俱冷,口内上唇有白泡,如鱼目粟米大者是也。蒸变之候,口唇舌色,俱照寻常

无异,烧热虽有重轻,精神却不丧失,口气必不暴戾,轻则三四日解,重则六七日除,不可妄投药饵,听其自愈。

辨脾实热虚热

脾实热,鼻必红燥,唇必红燥而裂,牙之里旁,必掀肿而红紫,大便色必深黄,或身热不食,或精神疲倦,或热吐热泻。治用伏龙肝五钱,熟石膏一钱,服之自愈。脾虚本无热,所以热者,虚使然耳。初由脾虚,而复伤饮食,其候身微热,鼻微红而微汗,口虽渴而唇必惨白,口气必微弱,以手按之而不蒸手,或食而不化,或见食而不喜食,或泻或吐,此皆虚热之症也。治宜补脾为主,用六君子汤加藿香。有脾虚腹肿,或因伤食而起,以指弹之如鼓声,以手捺之如绵软,切不可用通药,宜用六君子汤加厚朴。或脚肿,加大腹皮。如腹肿弹之不响,捺之铁硬,上有青筋,作肚大青筋论,四肢俱肿,作肿胀论。如脾虚腹肿,一用通药,十有十死,连用六君子汤,十剂自消。

辨脾湿

脾湿由脾弱不能制水,水反侮土。其候固暗而不泽,唇晦而不红,或痰易动而不化,或食稍伤而即泻,泻下澄清如水,或身上发热,此脾湿症也。治用苍术、白术、陈皮、白茯苓、半夏、甘草,如脾土伤食而生痰者,治用消导二陈汤加炮姜。

辨肺热肺寒肺虚

肺热右腮红,至申酉时,其红更盛,或大便闭结,或身热,或喘急而咳嗽,或嗽不出,而面壅赤无痰,或口渴气莽,或鼻门干燥,且燥破生疮,皆肺热也。治宜用泻白散。肺虚,而色惨白,外无感冒,治宜用五味子、白术、白茯苓、陈皮、款冬花、甘草。肺寒,治用参苏饮。其肺寒及寒极似热,治法在后伤寒类。

辨心实热虚热

心热额色红燥,或舌红紫,或舌红而肿,或小便赤,赤而涩,涩而痛,或烧热,皆心热也。推法运掌,从坎入艮,退下六腑,水底捞明月,引水上天河,治用犀角解毒汤。虚热症,而白,唇舌惨淡,小便清利,口亦作渴。治用人参、白茯苓、远志、白术、甘草,服三四剂自愈。

辨心经热极似寒

额不红,舌不红肿,小便不赤涩,乃热蕴于心,不形于窍,不传于色,口气如焚,睡中齿如错锯,口必狂言,啼哭泪多,此热极似寒也。推法同心热,药用犀角磨水饮之,或大连翘饮。

辨心热昏迷似惊

其候烧热平常,似有惊而不抽,昏迷无知,治用半夏、陈皮、桔梗各二钱煎服。后用甘草三钱,连翘、木通各一钱,服之自愈。

九思轩措大方遯萃,举子才两月,症属脾湿动痰,传人肺窍,乃妻呼挑筋妇挑之,症加甚,且曰:挑迟了,不可愈。余往视之,拿却无声,审音知痰入肺窍,先用推拿,兼使灯火,随用半夏二钱,桔梗、枳壳、白术各一钱,服之稍愈。遯萃闻予言半夏合症重用之,微动燥气,予即用赤芍等味解之全愈。此脾湿动痰,挑筋无济,用药辄效之一验也。

余长女甫四岁,身上微热,口说诡话,且无所不说,面色紫黄,唇色略红,舌尖独燥,口气如火,精神不弱,口不作渴,据面色却是中暑,但病值三月,暑非其时,以舌尖口气并精神揣之,定是热极似寒,用犀角磨水一杯服之,少顷一吐即愈。此热极似寒,审窍探情之一验也。

辨烧热

夏禹铸曰:烧热之因不一,不可概作风寒。

今照症发明，人当探本。

肺部烧热有五：

一感冒面色寒滞，两颊或似水红桃花，鼻流清涕，恶风痰壅，治宜芎苏饮以表之。

一受暑面色惨淡，唇口舌皆淡白色，四肢困倦，神气萎靡，自汗，烦渴，或说谎话，治宜用清暑益气汤。

一本脏发热，邻家有流行麻疹者，不可误除。

一本脏有虚，面色白，口气微，唇舌淡色，或发嗽，热必轻微。治宜用五味子、麦冬、冬花、白术、白茯苓、陈皮等味，服之自愈。

一本脏有热而发烧热者，面色红燥，口中作渴，鼻门干燥，或大便秘结，治宜泻白散。

心经烧热有二：

一而红狂燥，唇舌色红紫，口气莽莽，小便赤。治用黄连、生地、木通、甘草、竹叶。

一舌白，口气微，小便清，惊悸，烧热微微，此虚烧也。治用茯神、远志、甘草。

脾家烧热有三：

一实热，舌唇牙床皆红燥，或破裂，或碎烂，或大便秘结，或泻黄，或口渴气莽。治用石膏一钱，灶心土三钱、黄芩、甘草。

一虚寒，脾本无寒，虚则生寒，面色惨淡，唇口淡白，微渴，口气微微带温冷，烧热势微。治用

六君子汤，气虚即脾虚，治法同。

一实痰烧热，脾本有痰，因湿而动，或兼食伤，面色黯晦，唇有晦色，喉内痰势响滑。治宜六君子汤加藿香。

肝经烧热有一：

一肝经烧热，面色青，目直视，或惊，或转筋，或两手寻衣捻物，或多怒。治用泻肝汤，或天保采薇汤。

时毒烧热有一：

一时毒烧热，或肿颈，或肿腮，或身有肿毒，或头疮搽药，疮愈，毒气归内，气喘。治用天保采薇汤托解。疮复出，仍用天保采薇汤，一二剂自愈。

血虚烧热有一：

一血虚烧热，面无血气，下午至夜，烧热加重，唇口白淡，大便常滞面不出，出则溏泻，治用四物汤。

予会试都门，有粤东臬司张玉川乃媛，年十三岁，身极瘦弱，每食只能一茶钟许，终日微微烧热，下午加甚，都中医俱作童痲治，不效。延予一望，知为血虚，血虚必肠胃无滋，以至窄狭，故不能多食。用四物汤，加厚朴、橘红，服十剂，兼用熟大麦米为饭，半月愈。此望色审窍，而知血虚烧热之一验也。

幼科铁镜卷之三

辟诸惊名之谬

夏禹铸曰：小儿发惊，而村妇庸夫，多以铁针于儿手挑筋破肉。噫！异矣，此丧心之村妇，觅食之庸夫，不知惊之为惊，而误认为筋骨之筋也。盖惊者，惊吓也，由儿先有内伤，复来外感，肺窍痰迷，心无所主，一着惊而即发也。若不豁痰以疗惊，祛风以止掣，只把手筋挑断以免筋抽，不犹之止儿之啼，而惟塞其口耶。况惊属心，筋属肝，若挑筋以治惊，便与明纪上有云，女媧牙疼灸岳母脚后跟又何有异。推前人所称蛇丝、马蹄、鲫鱼、乌鸦等惊名之意，无非为后之痴人立其名色，告以病表，使易识耳。因儿舌吐出如蛇舌，遂以蛇丝惊名；儿手足撑踢如马蹄，遂以马蹄惊名；儿口动如鱼吮水，遂以鲫鱼惊名；儿身黑如乌鸦，遂以乌鸦惊名；如执此以治惊，则当用雄黄以治蛇丝，绊马绳以治马蹄，香饵以治鲫鱼，穿杨箭以治乌鸦，方为中病之药。然筋亦有时而抽者何？盖筋属于肝，血行于筋，气以行血，肝有贼邪，则气血与贼邪交战而不行，以致筋受风邪而抽掣耳。故豁痰以疗惊，祛风以止掣，乃莫破之理，予妙法备传，较之玉宫紫府之仙方，枯木回春之造化，不相轩轾，凡我同入，万不可以蛇丝诸诡名，执为正论垂之，以杀有冤莫诉之婴儿也。

阐明发惊之由兼详治惊之法

夏禹铸曰：惊生于心，痰生于脾，风生于肝，热出于肺，此一定之理也。热盛生风，风盛生痰，痰盛生惊，此贼邪逆克必至之势。疗惊必先豁痰，豁痰必先祛风，祛风必先解热，而解热又以何者为先乎？肺主皮毛，皮毛为贼邪入内之门户，彼风寒暑湿燥火六邪之来，皮毛受之，即人犯乎肺，肺本出热地也，燥火暑邪一入，则热与

热依而热盛，风寒湿邪一入，肺窍为之闭塞，则热无所泄而热亦盛，若解热必先祛邪。前书上只云解热，并未说到祛邪，今以祛邪之法详之，一用拿，一用推，一用灯火，一用灸，一用药。

惊痫死症辨

先君初明有曰：如儿体不近肥，痰不甚盛，不省人事，张目视入者，在精或二穴对拿，紧了不知痛，竟无挣声模样，惟咬齿摇头，此肺经已绝。肺，金也，如钟磬之类，空则声亮，碎则声无，治之无益。

夏禹铸曰：惊之为症，症属有余，语云：宁医有余，不医不足。既曰有余，胡亦有死？我知之矣，此乃肺气先弱，肺主皮毛，淫邪一犯，肺实受之，是已弱又加强也。由肺犯肝，由肝犯脾，理应犯肾，奈肾只虚位，却无实地，亦且水乡，风则可动，而热与燥火俱不得下，其势又难中阻。只是又顺传入肺，嗟嗟，肺气几何，而能堪此重困耶？到此地位，须得聚窟中返魂树，西域内更生香，庶手可活。

惊痫活症辨

初明曰：如惊痰筑甚盛，昏昏不省人事，于不抽掣时，把精威二穴对拿紧，不咬齿，不摇头，不直视，人亦无挣声的模样，将儿而向我，以我两手骑儿肩，大指握前，以第二两指，并狠狠揉肺俞两穴，声虽不出，一挣一挣，恰似那螺赢在窠中唤化螟蛉。却不是开口叫类我类我，有声有音的样子，却是个紧闭着口，挣不出累累如贯珠，有声无音的样子。此乃肺被痰筑，如钟磬中以物塞之，即重扣亦不响，定是活症，急灸肺俞穴各三壮，只用天保采薇汤，不必用推，若发惊拿醒，便知人事，即用后推法，并灯火及药。

推法 开天门二十四下，（从眉心推上发际）

分阴阳九下，(用两大指从眉心分推至太阳太阴，此不论寒热虚实皆用)。如感寒，在太阳上重揉发汗，体弱感寒，亦揉太阳发汗，并揉太阴以留汗，使发汗在皮里膜外之间，庶免汗失亡阳，更加虚弱之弊，(女则揉太阴发汗，揉太阳止汗)。随向天庭、眉心、山根、准头、人中、承浆，各掐一下，以代针法，男在左手三关，推上三十回，退六腑五六下以应之。又将我两手握儿左右掌，向上于总筋穴分推六七下，又在左手掌上运八卦，从艮宫推往坎宫二三十回，曲儿左手小指，重揉外劳宫，名曰黄蜂入洞，三十下，即于五指节，逐一捻揉两次，在左脚委中穴，往下捋三十下，以上男女各推左手左脚，即用元宵火定之。随服天保采薇汤，邪即解，惊即退，而烧热即除矣，此祛邪之法也。如症重烧极，再加一剂，从未有不效者，烧热退，定在五更鼓。以上法，不论肺热、肺寒、肝旺、肝热、脾湿，并用。

辨惊有痰盛风盛热盛

初明曰：痰盛发惊，一惊即死，不省人事，抽掣轻而烧热盛，此脾痰入肺，亦用天保采薇汤，内半夏倍加三四钱，前胡倍加二钱，苍术倍加一钱，夏月加香薷。

初明曰：风盛发惊，虽惊死，而精威两穴一拿，即苏。若手足抽掣不已，一日一夜，竟发数十次，此肝风入筋，亦用天保采薇汤，内羌活、柴胡，各倍加一钱，半夏倍加三钱，如在夏月，外加香薷一钱五分。

初明曰：热盛发惊，其状无异风痰，只口多作渴，此外邪入肺，亦用天保采薇汤，内干葛、桔梗，倍加二钱。

除以上三症，外有心经发惊之症，舌必吐出，其色红燥，此本脏有热而发，推法开天门，分阴阳，男在左手退下六腑，女推上三关，男女俱在左掌心，运八卦，推坎入艮，掌中水底捞月，引水上天河。再用连翘二钱，黄连五分，木通、防风各一钱，水煎服，如在夏月，加香薷。

初明曰：惊症，或惊死一二日，或三四五六七日不苏，即苏亦不省人事，或抽掣，或不抽掣，

宜急于肺俞穴用艾灸三焦，若一拿即苏，不必用灸，只须元宵火，天保采薇汤连服三四剂，重加半夏四五钱，从未有不活者。如在夏月，外加香薷一钱五分。

初明曰：间亦有肺无痰塞，拿之无声者，不摇头张目，亦是活症。此由病久，乱医乱推乱拿，无所不至，哭丧肺气，以致无声。如此便知失声之由，切不可再推，再拿，用火，用灸。惟用天保采薇汤等分服之，一剂便意。如在夏月，外加香薷二钱。

初明曰：又间有发惊，昏昏沉沉，条条直直而睡者，虽不省人事，亦能自己翻身，手脚曲直自如，竟至十日内外不醒，却又不死，此症却与柔痉相似，不必推，惟用拿，拿精威大敦中廉肩并诸穴，并揉五指节及肺俞穴，以上诸穴，各用灯火一焦，用密陀僧一字，系二厘半，研细醋制，用半杯水酒灌下，再服天保采薇汤，倍加桔梗、半夏，即苏。如在夏月，外加香薷二钱。

夏禹铸曰：以上惊症，先君只说形状，不言色窍，盖因惊死之际，而目唇舌俱非本色，如云望色，必清浊难分，求其治法，必乱丝无绪，北适南辕，在所不免，只得把形状辨别，方无有误。

辨热症似惊风伤寒

夏禹铸曰：热症之烧热，与伤寒无异，最难辨别，看时若无真传慧眼，以热症作伤寒惊风治者，十有其十，即问之普天下医家能辨此症者，吾知其必无多也。予考先君效案中，医愈不下数千人，看法载之甚悉，治法亦觉平常，然治之必效，古所谓药用当而通神者此也。余遵先君辨法，一见便知，自信不啻双镜照胆，一药便愈，无不骇曰：奇症奇医，然而无奇也。人惟辨之不真，以故药之不效，今发辨症之秘，传我同人，俾婴儿不苦于热症，庶可告无罪于卢医。

伤寒烧热，每日到晚，不减一分，不增一分，始终毫不间断，只是平平而烧，不抽不惊，此乃伤寒之烧热也。惊风烧热，似乎伤寒而多一抽掣，盖由筋属于肝，肝风动，故抽筋，肝风入脾，脾动痰，故惊，此乃惊风烧热之辨也。

热疟烧热虽同，而证实有别，或食滚茶滚汤，或大哭大叫，头面上必有汗，一有汗，烧热即退二三分，少顷又照原，便是热疟，此一辨也。

自早至晚，必有一时更甚，或眼泛去，或手足掣，一掣出汗，烧热即退，独腹上不退，少顷又烧，每日皆然，定是热疟，此一辨也。

喉内必有痰，一哭必呕，呕即痰出，定是热疟，若惊风之痰，盘踞乎肺，必不到胃，何得吐出，此一辨也。

医家具有灵心慧眼者，不须辨此，只须一眼一望而知，面色非黄似黄，非白似白，精采似倦不倦，而色惨惨而无润泽，毛孔爽爽而不直竖，两眼瞧人，却像个无病的光景，热疟昭然。此症多发于五六七八九月之间，用清脾饮，无有不效，发一二日者，定要服五六剂，或至五六日者，只须三四剂。亦有误作惊风伤寒治者，或至十日二十日，甚至一月不愈，只须一二剂，切不可一剂不愈，遂作别症，换方而误杀人性命也，不知者难怪指鹿为马。在予父子两代治之，屡屡不啻，黑白分明，今把金针远度，何难巧绣鸳鸯。

又有热疟，一日一烧，烧有定期，其候不冷，一来只发热，或自下午起，至半夜汗出便解，手心肚腹，热不尽解，或不自下午发，不可拘，亦用清脾饮。以上热疟，如小儿瘦怯者，热退，或弱死去，必要用六君子汤以补脾。

后例杂症，余半出书传，惟于疑惑处辨之，经验者著之，不效者删之，于书所未传，见症想出治法，不过十之四五，独惊类以及热疟脐风辨法，前所未传，推拿传法亦误。予父子两代，于七十余年中，因症生悟，由悟入神，一见便知，一药便愈，倘所谓前无古而后无今者非耶，今出兰亭真本，慎勿视为枫落吴江。

凡症用药，不过一二三味，甚至八九味为度，独惊痢症用至十九味，何也？只因群邪逞势，各脏为殃，深入内地，无不受害，上而颠顶，下而厥阴，手足腹心，到处波及。是以攻竖削乱之兵，不可缺一，故王翦伐荆，预知非六十万众不克，胥^①此之谓。凡我幼科，慎不可以天保采薇汤，作八寸三分帽，尽人可戴也。

辨痢症

痢虽有七种，历治惟从阴阳二痢治之为验。

一痢即死，咬牙抽掣，痰壅喉内，不省人事，在日发者为阳痢，而色光泽，病在六腑肌表，如拿不醒，必灸脾俞各穴三壮，即用天保采薇汤等分各一钱，连服二三剂自愈。

一痢初发，身无烧热，手足青冷，口噤惊啼，吐舌摇头，是为阴痢，而色黯晦，或从夜发，病在五脏骨髓，此最难治，宜用固真汤加南星。

辨阳疟兼痢

夏禹铸曰：其症先有烧热，一痢而死，拿之即苏，汗出稍定，汗止又发，此乃阳疟兼阳痢也。疟是本病，痢是标症，急则治标，先用天保采薇汤表散，倍加半夏三钱，连服二三剂，再服清脾饮一二剂，标本俱清即愈。

辨瘥痢

瘥痢皆因风湿而成，湿乃本而风则标，若而目赤色，无汗恶寒，牙关紧急，一身强硬，痰涎壅盛，小便赤涩，一发终日不苏。先有谵语，名曰刚瘥，乃风性刚急，症属于风是也，治宜小续命汤去附子。若四肢厥冷，有汗不恶寒，大便滑泻，不渴不语，名曰柔瘥，是湿性温和，症属于湿也，亦用小续命汤去麻黄。

症如痰壅气盛，加南星、半夏、白茯苓以清痰，枳壳、陈皮、紫苏以顺气，内热便秘，用承气汤以下之。柔瘥，用附子理中汤以温之，六君子汤以补之，如缠绵不已，则难治也。如病久而复手足抽掣，如角弓反张，此乃血枯不能养筋，治用四物汤加附子、防风、羌活，切不可作惊痢治，恐误则殒命矣。

余外孙与内侄孙，兼患热疟，见之甚真，老

^① 胥：知数而记其事，为之胥。《说文通训定声》又借作“谱”。

妻见服清脾饮二剂不愈，曰：世上有此症疾，敢是老眼昏花错认了。予曰：能捱至四剂自愈，果验。内侄孙亦以清脾饮方授，持归不服，作别症医，病益甚，又来强予往视，予怒极，老妻慰之行，一到仍检清脾饮二剂，命服之。予老友方桓缓诃曰：有此奇症，就有此奇医，俱随命服六君子汤三剂，以防去路，此热症认症既真，不听阻挠之一验也。

乌沙夹邑痒程灼公子，九岁时得病，诸予往治，群医在座，抱儿出，两手挑破筋肉，脓血淋漓，惨不忍见，每日夜抽掣数十回，壮热不退。予戏问曰：如此一症，诸位填门，治胡不愈？愿闻各用之药。有以竹叶坠痰言者，有以牛黄镇惊丸言者，有以天麻、钩藤定惊言者，有归咎于挑筋用火之为害者，予不禁掩口胡卢^①。此症君辈不知也，交口请以症示，曰：此阳症兼阳痢也。如此治法，症有万千，吾不知从何处说起。中一人问曰：先生认法，得自何书？予曰：唐许胤宗^②有曰：医者意也。思精则得之，自我作祖，何书之有？众皆默然，用天保采薇汤各一钱五分，半夏倍之，共三两许，一服抽定，烧热减半，随用清脾饮，一剂全愈。与诸医解座，此挑筋无济，望色通神一验也。

邻邑石埭沈苍锡，年五十余，仅妾出一子，方二岁，患病，请救于予，即拿精威二穴，了不出声，通身烧热，而白虽惨，宝色内存，皮不轻浮光溜，据而色不应无声，据无声却犯死症，因问前可医过否？沈曰：初起时，蒙邻妪挑筋两次，又别请拿推数次，昨有人将桃柳柔枝，遍身推括，晚便无声矣。予揣病久，肺气已虚，屡致惨哭气丧，丧气以致无声，惟照色用剂，以天保采薇汤，外加冬花一钱，薄暮煎服，夜半热退。此热症兼痢，望色审声之一验也。

徐圣绪子患惊痢，不省人事，约五六日，缘乃伯措大伯孚曾与予同砚席邀治。精威二穴，拿之无声，即向肺俞重揉，声虽不出，却有累累贯珠，挣不出来模样，灸肺俞各三壮，用天保采薇汤，倍加半夏，单向大方脉，素与余友善，徐仲石处检药，对圣绪云：在禹铸人信砒霜俱用得，然好也是这一服，不好也是这一服。予临别云：服

此一剂，鸡鸣便退烧热，果如期热退，二服全愈。此阳痢已死，揉肺俞探肺窍之一验也。

庠友张孔迩婿邑庠王绍宗，年可二十余岁，一时痢死，不省人事，约半月余，他医纯用连苓之剂，毫不见瘳。邀予看治，予以症属大方脉固辞，孔迩力迫之行，一见颜色，便知痰患，拿精威二穴不应，于老龙穴一掐，直视乎予，有哄哄若瓮里音，用半夏四钱，桔梗二钱，枳壳、防风、甘草各一钱，一剂稍苏，五剂全愈，足见肺虽无声，非金碎何不可药？此中痰壅形审窍大小皆同之一验也。

竹塘陈讳春者，一子十一岁，患病十余日，不知人事，初人见其不醒，以为惊死，子鞋带穴人中掐咬，破烂不堪，诸予往治，见其唇口晦色如酱，不抽不掣不渴，肢冷如水，治用灯火十五元宵，随服小续命汤，去麻黄，一剂即苏。此望色审窍而知为柔症之一验也。

慢 症

人动曰慢惊，予独曰慢症，盖此症多成于大病之后，或庸医一见病愈，遂不防守去路，或初误汗误下，吐泻久而脾胃虚极，故成慢症。慢字、缓字，虽对急字而言，然所以成此症者，皆由父母怠慢之故，或有汗出不止者听之，吐泻不止者听之，以致汗久亡阳，吐久亡胃，泻久绝脾，成难起之疾，故曰慢症。慢症何惊之有？以慢症而云惊，皆庸医见儿眼翻，手掣，握拳，形状似惊，故以惊名之，一作惊治，或推，或拿，或火，是犹儿已下并而复落以石也。慢症者，脾虚也。眼皮属脾，脾败故眼皮不能紧合，而睡则露睛，虚极则脾失元气，故两目无神而多昏沉，脾败则枯涎无统，故凝滞咽喉，而有牵锯之声，手足脾胃所司，脾胃败，故四肢厥冷，虚慢必生寒，寒则大便泻青，而小便清利，便知为慢脾之症，若疗惊则无惊可疗，祛风则无风可祛，除痰则无痰可除，解热则无热可解，惟脾间枯痰虚热往来耳。治宜固

① 胡卢，掩口笑貌。

② 许胤宗，原作“许允宗”，据《新唐书》改。

真汤，加天麻、钩藤，或六君子汤加炮姜，或理中汤加附子。

凡儿一到慢症，十仅能医六七，盖症至此，肺心脾三脏俱虚，胃气大肠两腑俱败，若虚而不绝，虽久能生。如胃气将尽，万不可活，即强药之亦活，活一二日，究非真活也，然非假活，不足以见药力之妙，予见之甚众。如慨然领手者，其症必生，踟蹰固谢者，纵药亦死，此无他，惟于而上看宝色，胃间探消息，生死便瞭然在目矣。

余幼女于壬寅冬，值先君辞世之会，麻症有失经理。冷泻成慢，幼甥同症，热泻成慢，妹婿闻远波僧精于此道，呼治之日，索药价丸如绿豆

大，每丸银三钱，屡服症加重，予女眼闭不开，约十余日，问乳母，幸吮乳不辍，而上宝色有存，予用固真汤加附子五分，服三剂，眼一开，顷又闭，揣之药力未及，连服十剂愈。甥慢虽同，寒热迥别，知不可治，妹婿嗔予有亲疏之别，药吝参附，与予妹反目，远波僧见予甥光景强壮如故，满口许其必生，予作色辨曰：尔以健壮为生耶？独不思热则气壮，况热泻明知肺热，用参反伤乎肺，不用则慢无治法，将谓清肺，再用参，一清则脾气即绝，清不得，补不得，何生之有？远波默然趋去，越三日死。此慢症虽同，寒热迥异，不可不察之验也，热慢不多见，亦学者之所宜知。

幼科铁镜卷之四

麻 症

夏禹铸曰：痘出于脏，麻出于腑，麻乃大肠主之，毒气蒸肺，故发咳嗽。先辈书未尝齿及麻症，盖以其轻而忽之也，却不知表症虽轻，毒侵肺腑，亦多性命攸关。余经历甚众，费手居多，因不惜笔力，详著于篇，以杜婴儿麻症之患。流行麻症，其候烧热，必发咳嗽，声必稍哑，面皮微有肿样，两腮颜色微红，此吉兆也。如发出不快及不透发，或红点见而，偶挟风邪而隐，或医人不知，误除烧热，隐而不见，腹内作痛，治之神莫神于天保采薇汤，圣莫圣于天保采薇汤，只须一服即发出，或有不尽发者，再加一服，从未有不效者。如肺脏先虚，又加大肠毒气攻肺，而皮像浇薄的式子，惨白浮浮，光光酒溜，便是肺气已绝，在精威二穴对拿，其声不出，必是死症，药之无济。

有麻方见点，随即收入，或泻青水，审非风寒为害，唇色惨白，口气微微，此乃内虚不能送毒，不可分利止泻，惟用八珍汤以托之，外用葱半斤许，白酒煎，遍身擦之，如再不透发，只额上稍见些微，惟用六君子汤循循调治，自愈。

有麻初发热时，心火盛极，刑克肺金，致麻不出。必先用黄连、木通等分服之，再用防风、荆芥、葛根、升麻、南星、枳壳、赤芍、桑皮、柴胡、桔梗、甘草煎服之，即发。

有痢疾兼麻症，若麻见点，急用香薷、桔梗、枳壳、黄连、厚朴、木通、升麻、赤芍、车前煎服，麻疮透发而治痢疾。此弃轻从重之说，不可不知。

本邑陶一公涯玉之子，麻症发热方两日，医人误为除热，麻伏不出，形状似惊。差役请予治，而色花杂，喘急不嗽，必有内毒，于太阳穴以口涎擦之，皮内隐有红点，知是麻毒内攻，无烧不出，用天保采薇汤，倍加升麻、干葛。一服，额上

见点，色不红起，而色唇口，惨淡无泽，知为内虚，即用固真汤。一服，通身发热。陶公惊怖，予曰：麻非带热不出，仍服天保采薇汤。一剂，通体透发而愈。此见而色花杂，便知内毒之一验也。

培继楼同学庠友方恒绥一子，麻症隐而不出，形症甚凶，邀予治。见其而色惨白，口气微冷，唇舌淡白，大便泄泻，即用八珍汤一服，额稍见点。恒绥因侄前麻症，殒于泄泻，力迫止泻，予曰：分利更虚，不允。见口吻间觉以泻关性命，勉强用五苓散，果止，而额上红点即隐。又用十全大补汤内托，外用葱酒蒸引，卒不透发，予值事往郡。蹶^①后札示，皮上每发一泡，破即成黑窟，附他医攻毒方单，予札复曰：肌肉脾属，破即成窟，乃脾虚之极，何可攻毒？惟用六君子汤，顾脾为主，果效。此望色审窍，万无一失，分利虚脾，即此可见之一验也。

思诚堂同学友，措大方薪衍第五郎患麻症，初医者不知麻候，用六一散以除烧热，邀予过治。见其舌纯紫，两唇燥裂，大小二便皆秘，声嘶不已，即用黄连八分，木通、黄柏各一钱，服下，大便刮白，如冷病然。在座者口吻，觉为凉剂所致。予亦踌躇满志，岂脏腑苗窍，此症独不相符，毫不首鼠，问前医退热，所用何剂？薪衍曰：六一散。予便恍觉下元为六一寒冷所滞，致火不降，灼无疑矣。随以炒盐，久熨脐下，仍用前味黄连，倍加服之，方下大便燥结与黑枣无异，可见苗窍辨真，治定不爽之一验也。

辨伤寒附寒极似热

小儿之十指俱冷，以三指按额俱热，身壮热，而赤而淡，不动必掣，此伤寒之症也。表散，法开天门，分阴阳，推三关。体厚则大发其汗，揉太阳，并外劳宫，运八卦，推艮入坎。症轻推之自

① 蹶，随后。

愈，重则用元宵火定之。体弱，随发汗随止，女反是，治用芎苏饮服之。

有寒极似热者，面色红如水红桃花，口渴而唇不干燥，舌不红紫，大便青色，小便清长，此寒极也。似热者，因面有红色，口有渴形故也，治之与前法同。

如口作渴，大便秘，小便赤，是内有热而外伤寒也。宜先表外而后清里为主，表用芎苏饮，里用白茯苓、半夏、陈皮、连翘、木通、枳壳、甘草煎服。

本郡田三公祖之公孙，方二岁，抱风寒烧热症。郡医见烧有惊悸，便作惊症治，数日不愈。予以三指按额俱热，儿十指俱冷，用芎苏饮一剂，留饮，席未解，内小童报曰：小相公热退矣。此烧有表里，不可不辨之一验也。

予于癸丑科会试盛京，有奎仪卫正堂许公乃孙，方岁半，患伤寒症，初延太医院幼科，失表，后于朝房内。予同里员外郎陈是庵道及子，予即日来贵池馆，亲邀往治。但见身冷如冰，痕毛差差，而色惨晦，不知人事，知寒邪内伏，用天保采薇汤一剂，嘱曰：夜发热则明日来治，不则莫可如何矣。夜果发热，仍用前汤一剂，热又解。许曰：发热退热，药同效异，真出奇也。予曰：寻常症在表感，一剂便解，如令公孙，邪被药误伏内，昨一剂攻邪，邪到肌表，表见邪自是作热，仍以原方加追一剂，表解热除，无甚奇也。许曰：前是庵备道年翁，乃幼科白眉，今若此，洵名下无虚矣。以百金寿予，辞曰：晚两代治救婴儿，从不受谢一文。再四而璧，更欲延请入太医院，又辞曰：老母在堂，晚在都门，白云顾望，承盛意，心领之可矣。许乃止。此关门杀贼之一征也。

方伯张存儒初生有公郎，抱惊风患。初郡中医，作夹食，用消导剂，症加甚。后予用半夏四钱，生姜一钱，防风二钱，一服即愈。此药用当而通神之一验也。

予邑张中尊媛患病，邑中医曾治十余日不愈。会予到邑，中尊得闻，接余治。婢方抱出，离座五六步外，望见面上光光浮浮，毫无宝色。余曰：不须抱近，请回。中尊问症若何？余曰：肺气已绝，不可治矣。明日果死。此望色而知为死症

之验也。

辨夹食伤寒

小儿十指俱热，我按儿额，三指俱冷，其候身热，或吐或泻，或不吐泻，口必恶食，腹必浮胀，拍如鼓声，或作痛是也。推法开天门，分阴阳，男女同。男重揉太阳发汗，体弱揉太阴止之，女反是。推上三关三十，退腑六七下，运八卦，重揉艮宫，于大指而，旋推补脾。曲儿小指，重揉外劳，于第二指大肠位，侧推到虎口以止泻，不泻不推。重按掐中指一节以止吐，不吐不掐。于左脚涌泉穴，左转揉之止泻，不泻不揉。少顷右转揉之止吐，不吐不揉。女则右转右揉止泻，左转左揉止吐。推毕即用灯火，脐轮四燄，胸口一燄，用水酒曲一枚，火煨黄色，研末，白汤送下即愈，重则用消导二陈汤加柴胡、紫苏等味煎服。

珩山孝廉方韵皇乃孙，发吐烧热微掣，吐轻热重。余子婿方平阶初业斯道，投天保采薇汤一剂，不效，邀余一见，知为内伤饮食，外挟风邪，用藿香正气散，一服即愈。余以汤名曰天保采薇，取其治外治内之意，用之不当，虽多奚为，在予婿以为症属内伤外感，汤属内外并治，渠见不为非是，然不知症，似杜鼠城狐，重镇何可轻发？此学者之所宜知而宜慎也。

辨腹痛

腹痛，脐以上属火，脐以下属寒，其因不一，有寒痛，热痛，伤食痛，积滞痛，气不和而痛，脾虚而痛，肝木乘脾而痛，蛔动而痛，数种寒痛，则而白口气冷，大便青色，小便清利，痢之来也，迂缓而不速，疾绵绵不已，痢时以热手按之，其痛稍止，肚皮冰冷是也。推法曲儿小指，重揉外劳宫，推上三关，揉脐五十，药用干姜、肉桂等分煎热，加木香磨水入，服之自愈。

热痛则而赤，口气热，口渴唇红，大便秘，小便赤，时痛时止，痛来迅厉，腹形如常，不肿不饱，弹之不响，以热手按之，其痛愈甚，肚皮滚热，此真热也。推用下六腑，水底捞月，盖热痛主

心脾两热，用灯心、车前、伏龙肝、加木香磨水，稍许入服。

伤食痛者，必恶食，眼胞必浮肿，或泻下馊臭，腹必饱胀，弹如鼓声，或身作热是也，如气不旺者，不宜取泻，只用消导二陈汤。

积滞痛者，今日伤，明日伤，逐日伤之，而滞于脾胃间，不以饮食得其伤不痛，既有滞而后以乳食伤碍，故痛也。而色黄，暖气馊，大便馊臭，便后痛减，足冷嗜卧，不思饮食是也。治宜枳壳、槟榔、木香下之，下后，即以小异功散补之。

气不和而痛者，儿下地后，或地多湿，儿脐受风，以裹肚束脐过紧，不知儿体渐长，束带未松，则上气不通下气，以故内气不和，故作痛也。审其非寒非热，问其母，而脐果有束缚之弊，则气不和之痛必矣。治以木香磨水服之，随用灯火脐轮六燹，脐下气海一燹，心口窝一燹，其痛即止。夫儿之气不和者，其候眼胞不肿，面色不黄，饮食如故，腹肿可如鼓声，摇其头而暖气是也。宜用木香、陈皮、枳壳、甘草服之。

脾虚痛者，其候而无血气，微黄带微白，大便少而色白。治以补脾开胃为主，用六君子汤加橘皮。

肝木乘脾痛者，肝木克脾，脾虚不胜其克，则肝气无所泄，故乘脾之衰而作痛也，其候唇白，口中色淡，而多青色，痛则腹连两胁，重按其腹则痛止，起手又痛是也。治用四君子汤加柴胡、白芍。

蛔痛者，腰曲扑身，口流青涎，痛久不歇，少顷又痛，或一时，或二时而止，或歇半日又痛，面黄唇白，此蛔痛也。治用使君子去壳，火煨，吃十余粒，少顷又吃，即止。以上婴儿腹痛，口不能言，何以知之？盖儿痛必哭，无故面哭者痛也，哭声雄惨，而双眉蹙皱是也。如使君子食之不止，莫妙于苦楝子树极皮，约一二两许，水煎一茶钟，吃下虫即尽出，但体弱者，不可轻用。

又有一种奇痛，一痛只大叫几声痛痛痛，即抱胸晕死。予家一婢犯此症，先君在日，予见将婢而扑地，用冷水一盆，以婢膝着水上，于委中穴浇水，狠拍粗筋肿起，用银针傍筋打人二针，针出血流，叫一声痛，即苏，随用冷水滚水各半，

连吃一二碗立愈。记先君曰：此急痧也，与转筋火差似。如平常腹痛，从未有一痛而即死者，急痧之辨，紧记在此。

夏禹铸曰：尝观《内经》有曰：胃虚则吐，胃热则呕，此说殊属大谬，何也？余屡屡见吐，吐固有虚，常亦有热，呕固是热，却亦有寒。此予非非议前人，盖见之多而治之效也。二症各有虚热，不可拘执。惟望而色唇舌之间，红则热，而淡则虚，断无有误，至于泄泻，出少而缓曰泄，出多而势急曰泻，泄则症轻，泻则重，凡以所泻之色验之，治无不效。

辨 吐

胃虚发吐，其候面白神疲，不热不渴，口气温和而带微冷，额前微汗，治宜助胃膏。

胃热发吐，而赤唇红，烦渴潮赤，口气蒸手，宜用熟石膏七分八分，研细末，以茶送下。

胃气不和发吐，其候恶食，此由积滞在胃，复为伤食，摇儿之头便暖气。治用火酒曲一枚，火煨黄色，研细，白汤调下，用枳壳、木香、陈皮、半夏、香附服之。

有盛夏外感暑气吐者，宜六和汤。

有霍乱而吐者，吐不出者，手足厥冷，脐腹之上绞痛，名曰转筋火。治用滚水一碗，冷水一碗，相和饮下即愈。

有内伤饮食，外感风邪而吐者，身热眼烧，疲倦，治用藿香正气散。

有伤风嗽吐者，治用清金饮。

辨 泻

夏禹铸曰：吐从而色辨之不爽，泻更宜辨，所泻之色，暴倾下迫属火，水液澄清属寒，老黄色属心，肺脾实热，宜清；淡黄色属虚热，宜补；青色属寒，宜温；淡白色属脾虚，宜补；酱色属湿气，宜苍术燥湿；馊臭属伤食，宜消导二陈汤。

脾虚作泻，泻下白色，或谷食不化，或水液澄清，其候而神疲，唇口惨淡，舌白，口气温冷。治宜理中汤加附子，或六君子汤。

脾热作泻，泻时暴注下迫，便黄溺赤，口气蒸手，烦渴少食，治宜五苓散加山梔仁。

有气虚下陷泻者，宜补中益气汤，其候与脾虚差同。

有伤食兼滞泻者，其候噎噎气，吞酸胀满，一痛则泻，一泻痛减，治宜用大腹皮、神曲、麦芽、山楂、白术、木香、檳榔。如食已消，痛已止，而泻不止者，乃脾失清升之气，宜补中益气汤。若食消而腹犹痛，乃脾痛也，宜小异功散。

有肝泻者，泻青稠粘，乃肝木乘脾，治宜麦冬、桔梗、白术、白茯苓、人参、本香、酸枣仁、甘草。

先泻数日，已止又泻，随发惊，此症多不可治。盖泻而又泻，脾败之极，加之外邪，由肺克肝，肝又动风克脾，脾败将死，不受肝克，故肝风烈极，毫无泄处。如祛风解热，元气将尽，将谓疗惊，不能救脾，将谓救脾，惊不能止，无法可治。

辨吐泻

夏禹铸曰：《内经》有曰：胃虚则吐，脾虚作泻，脾胃俱虚，吐泻兼作。此言极谬，若先泄后吐，而白神疲，不热不渴，额有微汗，乃脾胃虚寒也，宜理中汤，或小异功散，或六君子汤。若先吐后泻，而赤唇燥，烦渴溺赤，乃脾胃有热也，治宜五苓散加竹茹煎服。又有积滞在脾，不能运化水谷而吐泻者，宜用消导二陈汤。

有长夏夹暑吐泻者，宜用六和汤。

余髫年砚席友陈公载媛患吐症，适余抱风寒，因延大方脉，用温胃剂，吐益甚，带疾往视，口唇红丽，气出蒸手，舌色红紫，用熟石膏一钱研碎，以茶一碗送下，稍止，随加一服，立愈。在大人苗窍尚验，况婴儿乎？后又患吐，色窍俱同，仍用石膏，却不甚应，揣之下元，或有寒气，用炒盐熨腹，仍服石膏即愈，可见苗窍颜色，从不一误。

余子岁癸丑北上，到会馆，适陈是庵幼郎脾泻将慢，付予治，何曰：曾服参否，是庵曰：如服一分，便爬上了壁，予心以为南北或亦有异，转思初到都门，恐孟浪来请，以六君子汤去人参，连服二剂，了无一效，辞接别医。良久，一医拥舆

至馆，去后予诸所发剂视之，剂属消导，因问彼何人斯？是庵曰：此名震京都之郑小儿科也。予曰：久泻将慢，尚可再用消导之药，用之命不可知矣！乃止，予便不以是庵之言为正，硬用六君子汤，倍加人参，且外加附子五分，两服即愈，是庵叹曰：素闻妙手，今果然矣。此辨色审窍，勿以人言为信之一验也。

辨痢疾

夏禹铸曰：丹溪云：痢无止法，以通利为主，此言亦不尽然，何也？痢疾有寒有热，白者虚寒也，红者实热也，治宜调脾为主，若染一二日，速身壮热，脓血稠粘，里急后重腹痛者，宜用承气汤以下之，或用木香檳榔丸。若虚怯者，不可下，病久身凉自汗，宜用补中益气汤。挟热而痢纯血，宜用四顺清凉饮，或黄连芍药汤。挟冷而痢纯白，或乳食不消者，宜用理中汤。有湿热之毒，熏蒸清道，上致胃口闭塞，而为噤口者，宜用人参、黄连、石莲子。有痢久胃气虚，则不能乳食，而为噤口者，宜用理中汤，或六君子汤。有积毒之气，上冲而呕恶者，宜用人参败毒汤。有胃气虚寒而呕恶者，宜用附子理中汤。有痢后脾虚，不能制水而遍身浮肿者，宜用六君子汤，外加苍术、厚朴、猪苓、泽泻、黄连、芍药。有痢久脱肛者，经曰：肺气虚寒，由脾虚而金无所养，故大肠虚脱而下陷也，宜补脾温胃，用固肠饮。有积尽而痢久不愈，乃脾气下陷，宜用补中益气汤，或四君子汤。若初起，宜用姜茶散，有夹暑热而痢下赤白相兼者，用清暑益气汤加香薷饮。

予长男之日五岁时，与幼甥同患病疾，男素脾弱，痢起腹并不痛，痢下纯脓白色，中带蓝色，口气微冷，不用通利，即以六君子汤服之。甥痢纯红，遍身有风疹，用四顺清凉饮，加防风、柴胡，两药各器同炉煎，姻家误以男药与甥服之，风疹即隐，气喘促，睡鼾，予急以天保采薇汤与服，疹复出，喘止，仍用前汤数剂愈。此可见脾虚之极，不必清利，硬用补剂，热痢宜清，不可用补之一验也。

辨疟疾附阴虚似疟

疟疾皆由冒感风寒暑湿而发，丹溪有曰：若无汗，要有汗，以散邪为主；若有汗，要止汗，以扶正气为先。此千古不磨之至论也。发时有一寒一热，身重，骨节疼痛，自汗多呕者，湿疟也，由汗出脱衣，冲冒风寒，或渴极过饮冷水，或冷水浴身所致。有食疟者，食所伤，由饮食过度，伤寒所致。俱用柴胡、前胡、青皮、陈皮、苍术、白术、白茯苓、甘草、猪苓、泽泻、知母、贝母、厚朴、半夏、黄柏等分，姜枣引服，一剂以清之，于发疟日之五鼓，空心以前方加常山、槟榔、草果仁等分，煎服，以截之，即愈。如久疟不止，致中气弱极，名曰脾寒，用四兽饮加枣姜服，五六剂自愈。

夏禹铸曰：有阴虚似疟，竟作疟治者，一般人却没有一毫心思，一线想头，夫谓之曰似，则两症相去，原是星渊，即曰似疟，亦只似其疟之脾寒，试问普天下人，可有疟一起而成就脾寒者，是必始于清之无法，继又截之无方，或从不服药，相延日久，才到脾寒之症。明明有这一条来路，若一见每日下午身有潮热，冷状飏飏，便作疟治，独不思到疟有来路，况脾疟由重减轻，阴虚由轻加重，两症判然，竟不知别，此一种心窍，真不可理解。

阴虚似疟，如潮热稍重于作寒，治用四物汤加人参；如心肺肝有热，虽汤内已有熟地，再外加生地；如作寒稍重于潮热，四物汤，外加黄芪、人参、甘草等分，参减半；如潮热作寒俱轻，只用四物汤，不须外加，如女患此，加红花二三分。

幼科铁镜卷之五

辨咳嗽

夏禹铸曰：前书只说风寒暑湿燥火，六淫之邪气侵肺，皆令人嗽。又曰：五脏六腑皆有嗽，非独在肺。此仅言咳嗽之大纲，卒未透发，六淫侵肺之颜色，与脏腑俱嗽之分别，于忆其故，必从大方脉书上采来，惟照脉论症，故不说到六淫侵肺的颜色，亦未分疏脏腑致嗽的根由，即言一二形症，俱属模糊，予把六淫侵肺脏腑皆嗽这八个字上，一一出形色，历药不爽。若风寒湿三邪侵肺，其候面白而畏风，烧热而无汗，或头疼，或鼻流清涕，唇色晦暗，痰涎白色，或滑而易出，小便清长，便知为风寒与湿气所侵，宜用疏风顺气汤，或清肺饮，去白术，加防风，便愈。

火侵肺嗽，与火炎无制相同，方见后。若燥侵肺嗽，其候头面汗出，寒热往来，皮肤干燥，皮疮搔痒，大便闭结，痰涎胶粘。治宜润肺清金之剂，用麦冬、贝母、冬花、黄芩、防风、麻仁、甘草、赤芍、陈皮。暑气侵肺而嗽，其候口渴唇淡，治宜香薷、厚朴、扁豆，加冬花、麦冬。至于六淫^①皆嗽之说，殊属大概，予着实穷究，六淫之外，嗽又有五，一顺传，一逆克，一反侮，一隔经传染，一水火不相交济。

顺传之嗽在脾，脾不能生金，金无土养，故嗽。汉武帝金钟自鸣，东方朔曰：土其母也，母丧则子鸣，山必有崩者，久之，蜀郡有奏山崩，以此悟之，脾虚肺嗽，乃一定之理。其候唇口惨白，气弱神疲，小便清短，大便或溏泻，淡淡白色，便知脾嗽，治用六君子汤自愈。

逆克之嗽在心，心火盛，则金被火伤而嗽。试观冶人炼金，火烈而金跃，息火则金安，火克金沸，亦一定之理。其候舌红唇燥，小便赤涩，口气蒸手，便知心火克金，法惟泻心，用贝母、陈皮、甘草、黄连、木通、杏仁、麦冬、五味等分，灯心引，煎服三四剂，自愈。

弱克之嗽在肝，肝有制伏，肝始不旺，如肺弱木强，侮金，则肺乃被侮而嗽，肝侮肺嗽，又一定之理。其候目勇口苦，宜用白芍、柴胡、冬花、五味、枳壳、半夏、甘草等分，煎服，五剂自愈。

水火不相交济之嗽，由肾水不能上升，则火炎无制，乃上刑肺金而嗽，犹之易之未济，离火居上，坎水居下，水不得火而无功，火不得水而功亦无所施，水火不相交，故不各得其用，若既济，则为有用矣。况五行惟火最烈，岂止嗽耶？其症涕唾带血，甚至血湿，治用滋阴降火汤，二三剂自愈，屡治屡效，案难悉载。

隔经传染之嗽在胃，胃有热因染乎肺而嗽，肺胃各经，顺传不到，逆克不及，又不相侮，胡为亦嗽？乃由胃肺逼邻，胃司食入，肺司气出，出入虽不同途，却共呼吸门户，胃热熏蒸，波及肺窍，所谓失火殃鱼，亡猿灾木者是也。其候唇红口红作渴，气出大热，治用石膏、冬花、麻仁、五味、甘草。

以上诸嗽，如喘，加麦冬、天冬，如咳有声无痰，加杏仁、防风，有声有痰，加半夏、枳壳。

余于本经咳嗽外，复将此五种，旁引曲喻，无非为嗽，虽出自肺家，而却有隔经之嗽，理实难明。故不惜多方以譬明耳，幸毋以危言罪我。

江平世业医道，地距四十余里，一孙咳嗽，自药不应，以形色札白之予，并来药单，乃泻肺之味，据曰：面舌唇口皆红，小便赤色，于札复，示以泻心之剂，后闻三剂愈，此心火刑金，泻心救肺之一验也。

痘后

痘有专科，痘中症候不载，惟于痘后至紧要症，附传数方。

一泄泻，唇口淡白，疮唇平白，小便清，宜用

^① 淫，康熙本作“肺”。

六君子汤。

一痘靨平白，宜用保元汤。

一痘靨不落，落过者亦平白，宜用八珍汤。

一痘中眼内生翳子，宜用兔粪焙之为末，每服三四钱，白水送下，服至升余即散。

一痘后疮靨，或红肿、紫肿、黑肿，急宜解毒，用生地、连翘、归尾、甘草、赤芍等，服三四剂，毒自解。

郡城孝廉危东原两媛，痘后一愆期不收，一收后痘靨平白，俱有微热。邀予过治，见唇口惨白，气出微微，并用十全大补汤，服二剂，热除靨脱，俱转红润，随以保元汤调服之，愈。此望色审窍，知血气两虚之一验也。

辨诸血

肺朝百脉之气，肝统诸经之血，盖营血者，水谷之精气也。脾胃有伤，营卫虚弱，故血失常道而妄行。若气虚气弱神瘦，唇有血色者，治法宜用四君子汤。

血虚者，精神照原，唇舌无色，治用四物汤加参、术。

粪前见血为近血，用黄连解毒汤；粪后见血为远血，用清胃汤。久不止者，用补中益气汤加胡黄连。

吐血者，胃中积热，宜用麦门冬饮，或清胃汤。

衄血者，脾热传肺，而肺不能统，血从鼻出，宜六君子汤加桔梗、当归、杏仁、黄芩。

咯血者，肾虚也。咯如牝鸡唤乳鸡声，婴儿无此症。

有咳嗽而吐血者，庸医多以童子癆治之，误矣。此乃肾水心火不相升降，火炎无制，治宜滋阴降火汤。

夏禹铸曰：诸般失血，有面色可审，俱属寻常。惟血脱、嗽血二种，症不多见，附录效案，以下较证。予友陈公载之侄女，七岁，血吐数升，身冷如冰，通身筋现青色，平常扑跌处青更甚，唇口惨白，口气微冷，此乃气虚血脱。初大方脉作肺热，迫血妄行，用杏仁、黄芩等味，吐愈甚。此

固照理用剂，却不知看色之妙，后予用人参、黄芪、肉桂、麦冬、甘草、白茯苓，二剂而愈。此气虚脱血，望形审窍之一验也。咳嗽带血，方见咳嗽类，用滋阴降火汤，屡用屡效，症无疑二，故不附案。

辨中暑中热

夏禹铸曰：前辈云：动而得之为中热，静而得之为中暑，此言甚是。然中暑与中热，病形无异，中暑作渴，中热亦作渴，中热说谎话，中暑亦说谎话。若不细审形色，虽得动静二字，究何益也。如探中暑说谎话，乃低声平平而说，中热发狂雄壮而说，此犹恐不得其真，只于口中一看，舌色惨白，唇无血色，口气微弱而冷，便是中暑。宜用清暑益气汤，立愈。若唇舌皆红，气出如焚，小便赤涩，定是心经中热。宜用木通、薄荷煎汤，再以犀角磨水一杯，羚羊角磨水半杯，入煎药和服，即解。

己亥之岁，予从伯一孙，方四岁，患病。初伯与先君交恶已久，伯母呼予往治，举室阻挠，且畏之曰：彼孙一死，祸来匪轻。予曰：具有两眼，不烦过虑。视之，口气微微，面色惨极，唇舌白淡，口道诞话，知为中暑。用清暑益气汤，一服愈。

穿山郡庠方绍文，仅一子，乃予婿，十七岁抱疾，以予只知幼科，延两方脉共治。彼见口说诞话，便作热治，用尽犀角、连翘、芩、膏凉剂，疾益加甚，急闻于予，予往见，直卧如尸，口气冰冷，唇舌皆白，乃中暑之症，误作中热，大可怪也，用清暑益气汤，一服立愈。此大方脉切脉，不如小儿科望色辨窍为妙之一证也。

辨夜啼

夜啼有六：

一而深红多泪，无灯则啼稍息，见灯则啼愈甚。此心热也，遇火两阳相搏，故见灯而啼甚也，其候手腹必热，小便赤，推用水底捞月，引水上天河，退下六腑及运八卦，推坎人艮，药用导赤

散加梔仁、薄荷、天麻。

一哭多睡少，天明则已，面色青白，便亦青白，治宜温下焦，用备急方。

一为异物所侵，目有所视，口不能言，但睡中惊悸，抱母大哭，面色紫黑，治宜陈皮、生姜、茯神、远志、甘草。

一有脾胃两虚，吐泻少食面啼者，治宜用六君子汤加炮姜、木香。

一有心血不足而啼者，其候睡浓忽悸，舌色淡白，而色不重，宜用安神汤。

一有脏寒肠痛而啼者，以手按其腹即不啼，起手又啼，此候面必青，手必冷，口不吮乳，治用当归、白芍、人参、甘草、桔梗、橘皮，等分服之。

外此面啼者，必非病也，或夜醒时为戏灯所惯，无灯而啼者有之，或乳母缺乳而啼者有之。

辨疳疾

疳者，干而瘦也，此由寒热失理，饮食不节，或因吐久、泻久、痢久、疔久、热久、汗久、咳久、疮久，以致脾胃亏损，亡失津液而成也。

心疳者，面黄颊赤，小便赤涩，口舌生疮，烦渴，治宜宁心丸。

肝疳者，肌肉消瘦，目胞赤肿，翳生泪多，白膜遮睛，泻多青色，治用肝疳丸。

脾疳，黄瘦腹大，或吃土吃米吃茶，宜调脾汤。

肺疳，潮热喘嗽，鼻烂流涕，宜先用清肺汤，次用化豎丸。

疳肿者，乃由疳久脾衰，不能制水，故头面四肢发肿，胀甚者褐子丸，大喘者不治。

丁奚，腹大项细，哺露，翻食吐蛔，宜芦荟丸。

赤游丹火

此候由内有积热重蒸，外被风热所感，搏于血气，皮肤赤肿，色如火灼，或注头上，或发肢体，却非轻症，入腹入肾，亦能杀人，宜通治之。用升麻、黄芩、连翘各一钱，大黄、朴硝各二钱，

同煎服四五剂自愈。

余同袍胡道生乃孙，头患丹火，接余治，用前方，服二剂不退，又以价来请余，以札复曰：此症非轻，非一二服可愈，宜重用各味五六剂，定然见效。后如数服愈。前岁，余宗人有一女患此症，余嘱曰：此重症也，不可怠缓。不听，果死。

淋 症

有沙淋者，肾水为热所结，化为沙石，内塞水道，沙出痛止，治用五淋散。气淋者，小腹胀满，小便涩滞面痛，用泻白散。血淋者，心热血散，治用五淋散，加小蓟、滑石、车前子。寒淋者，膀胱冷气，与正气交争，寒战面后潮，治用六味地黄丸，加附子、肉桂。有心热者，用清心莲子饮。肾热者，用六味地黄丸。肝热者，用柴胡梔子饮。脾热者，用泻黄散。脾虚者，用小异功散。肺热者，用泻白散。肺虚热者，治用小异功散加炒山栀。

以上心热等七种淋症辨法，在辨脾心肺肝肾之款内求之。

便 浊

尿白如米泔水，久则成疳，用人参、甘草、当归、木通、猪苓、赤芍、赤茯、青皮、川草薢治之。

大便不通

肺与大肠有热，热则津液少而便秘，治用四顺清凉饮。血虚燥滞不逼者，治用四物汤加柏子仁、松子仁、胡桃仁，等分服之。

同邑绅徐梅宣公郎，痘后四十日，大便闭有七日，他医以承气汤单授之。予舅氏时在徐宅，力荐请予，往视之日，血虚之极，幸未通利，逼则不可药矣。梅宣且幸且疑，硬用四物汤一服，便出乃溏粪，带白色。梅宣拍案叫绝曰：一望即知，神何至此。前庸手几败乃事，此望色审窍，知非肺热之一验也。

小便不通

小便不通，由肺燥不能生水，当清肺中之热，而滋肾水^①之源，治宜用黄芩、黄连、天花粉、知母、麦冬、茯苓、木通、甘草，等分服之。

若脾湿气不上升，当健脾生金，先用泻黄散，随用六君子汤。若膀胱有热，涩滞其流，治用五苓散。

出汗

出汗者，寝中通身如浴，觉来方知，属阴虚，营血之所主也，治宜四物汤加黄芪、浮小麦、黄连，煎服。有自汗者，不时而出，动则乃息，属阳虚，卫气之所司也，治宜补中益气汤加麻黄根、浮小麦、麦门冬，煎服。有脾虚泄泻自汗，而汗出有时者，此症大虚，治宜六君子汤，或附子理中汤，姜枣引，煎服。

黄疸

黄疸，其候色黄，属脾。盖小儿由饮食所伤，兼之湿热之气，蕴积脾胃，故成此症，面目指爪小便通身皆黄，疸症无疑，治宜地黄茵陈汤。

肿胀

肿胀之症有二：

一曰气肿，先肿面后喘，由脾胃虚弱，脾主肌肉，肺主皮肤，土弱不能生金，虚气上攻乎肺，行于面目，通身浮肿也。治宜调脾行气为主，用五子五皮汤，等分煎服，轻则六剂，重则十剂，无有不愈。

一曰水肿，先喘面后肿，因上焦烦渴，喜饮茶水，脾虚不能制水，水反侮土，上冲乎肺，流走皮肤而光肿也。治宜实脾利水为主，用胃苓汤。又泻后痢后疟后诸病，脾虚发肿者，宜调脾胃为主，用六君子汤，或补中益气汤，切不可用通药，如通，万不能活。如不因疟痢诸病后，突然而肿

胀者，方从水气二肿治之，此方即大方脉家用之，亦无一不效。如通身不肿，只有腹肿，弹之如鼓声，按之却绵软，此脾虚也。宜用六君子汤加厚朴。若腹肿弹之不响，按之如石，此单腹胀也，不治之症。

三消

三消之症，实热者少，虚热者多，不足之症也。若作有余治之，误矣。始而心肺消渴，或脾胃消中，或肾水消浊，传染日久，则肠胃合消，五脏干燥，精神倦怠，以致消瘦四肢。

消渴，心火动而清上，上消乎心，移热于肺，渴饮茶水，饮之又渴，名曰上消。治宜莲花饮为主，次以生津四物汤，川芎八分，归身一钱，生地酒洗一钱，知母一钱，白芍用湿纸包煨一钱，麦冬去心一钱，川连八分，乌梅肉五分，天花粉七分，薄荷、石莲肉、蜜炒川黄柏、炙甘草各五分。

消肌，脾火动而消中，中消于脾，移热于胃，喜多食，食无足时，小便色黄，名曰中消。宜用石膏、知母、甘草、人参，倍加石膏，外加粳米，次宜生津养脾。

消浊，火动消肾，移热于膀胱，小便浑浊，色如膏脂，名曰下消。宜用莲子、知母、芡实、麦冬，人四物汤服之。

凡消症，务要养脾生肺，降火滋阴，病自除矣。

总治三消，以生血为主，用黄连、天花粉二味为末，藕汁、生地汁、生姜汁、人乳并蜜，共和二末为丸，每次一指头大，白汤送下。

膀胱气痛

婴儿小肠与膀胱气痛在脐下气海两边，筋肿到肾囊边，痛不可抵。治用川楝子、橘核、小茴香、荔枝核，俱焙炒为末，白酒热调三四钱一服，不数服即愈。

^① 水：原作“火”，据康熙本改。

呆笑

儿无甚病，忽然见人呵呵而笑，即不见人亦然，每日如是。治用桔梗三钱，半夏五钱，木通一钱，甘草五钱，煎服。随于顶心百会穴，艾灸二壮，即愈。

不寐多困

婴儿不睡有二，一心虚，一胆虚。睡中不闻人声，忽醒而不寐者，此心血不足，宜用人参安神丸。有睡中稍闻人声响动，即惊而不寐者，此胆虚之极，宜用参竹汤。

多睡者，脾气虚弱，健运之令不行而嗜卧也。治宜温补脾胃，以四君子汤加木香、半夏，倍加白术。

龟胸

由感风热，凝注为痰，停心滞胸，咳嗽喘促，肺气胀满，攻于胸膈，渐成龟胸。或乳母过食辛辣，夏哺热乳，亦成此症，治宜宽气化痰丸。

龟背

由客风吹背，传入于髓，故背突如龟，或咳嗽久以致肺虚，肾无所生，肾主骨，风寒乘虚而入子筋骨，致精血不能流通，故骨弓而驼。治宜松蕊丹，外以龟尿点脊背中，中缝即愈。

论解颅凶填凶陷

小儿生下头缝不合，肾主骨而脑为髓海，肾有亏，故不合也，名曰解颅，治宜六味地黄丸。凶门之起，名曰凶填，宜大连翘饮，或泻青汤。凶陷如坑者，由病久血气虚弱，不能上充，治宜固真汤，又以狗骨炙为末，鸡子清调敷之。

干瘦似疳

儿父母平常节儿饮食，从不伤脾，饮食不缺乏，又非病后，但见逐日消瘦，其症必由有所思想而难言。或二三岁四五岁时，母又有所生，乳哺怀中，多有疼爱之声，前儿从旁窥伺，见其爱有所夺，不能人怀吮乳，惟朝思暮想，久则伤脾，治之非药所及，此症前所未传，今不概见。

余先君在日，余妹归宁，见长甥干瘦，审无他症，顷见妹哺次甥，长甥倚膝，觉神不在舍，因问予妹，瘦始子何日？妹曰：自得次甥后，经今月余矣。先君命妹哺儿之时，勿令瘦甥得见，哺后阳抱人怀，以空乳喂之，且慰之曰：我只疼你，如此一月，果不药而肥，追思先君，妙何如也，神何如也。

天柱骨倒

天柱骨倒，乃项软也，由真气虚弱，客邪入髓，传于筋骨，项则软垂下而无力，治宜祛风散。或吐久泻久病久而软者，治宜六君子汤加肉桂。手软者，宜用薏苡仁、当归、秦艽、枣仁、防风、羌活、荆芥，等分服之。足软者，治宜六味地黄加牛膝、五加皮、鹿茸等分，服之。

予从弟禹铎悬孙，方十个月，天柱骨倒，弟曰弱极，即要用参，予曰：客邪入内，何可遽用？弟意不果，予作色拒之，用祛风散，作煎剂一服，项稍直，即命用六君子汤，外加防风，五剂愈。

五硬

头颈手足强直如木，乃肝受风邪，治宜小续命汤。

齿病口疳疮

此病由胎中受热而成口疮，或牙床疳生走马，治宜导赤散，并清胃汤。如久病之后，瘦弱之极，难治之症。

重腭重齦

口中上腭皮肿起，如囊盛水，名曰重腭。牙床肿起，名曰重齦。俱以大针刺破去血，用蒲黄敷之。

耳 疔

耳内肿及耳外肿，耳外出脓，或间一日脓一出，或间二日脓一出，治宜用黄鳢，以刀斩断，滴血入耳数次，或用天保采薇汤。

重舌木舌

重舌者，舌下根复生如小舌也。木舌者，其舌肿硬填口也。皆由心脾热极，治用黄连、灶心土、木通、连翘等分煎，犀角磨水和药服之，用朴硝、紫雪、白盐每五分，用竹沥调敷，即愈。

予于丙午科，同从弟铎再从侄谟乡试白下，侄忽患重舌，弟伴向外科，用刀刺破，流出如鸡蛋清，归寓又肿，如此两回不愈。予执舌乃心苗，立方用黄连、黄芩、木通、枳壳、甘草二剂。舌消一半，喉痰忽壅，予揣必是误用黄芩之弊，盖心火刑肺，肺已不安，误将肺泻，焉不痰壅？于是去黄芩，加五味二钱，一剂并愈。此因苗治脏，照症立方，见药不可误用之一验也。

鹤膝风

此候由肾气不足，两腿细小，膝骨肿大，如鹤膝之状。治宜屈膝散，或用六味地黄丸加牛膝、鹿茸。又有泻痢久而成此症者，红肿作痛成脓，治用补中益气汤。如肿硬不痛而色白者，治不愈也。

痛 风

四肢上或身上一处肿痛，或移动他处，色红不圆块，参差肿起，按之滚热，便是痛风。治用羌

活、独活、五加皮、威灵仙、秦艽、防风、桂枝、前胡，如下身，加牛膝，各一钱，煎服，数剂自愈。

邑庠方玉相幼子，左手左足各曲贴肉，痛屈不伸，用前方煎服五剂愈，如大人，须用酒煮，每夜尽量饮，每味一两五钱，煮酒约五六斤，饮毕即愈，此予创方，屡效不爽。

冷水风

脚背上与指上，及解溪鞋带诸所，块痛不可言，一痛几死。用青砖一块，火内烧红，以木桶盛之，将老醋浇入砖上，以大人手伴儿脚，悬于砖上蒸之，气莽则将脚稍远，气温则就砖，桶口以绵絮之类围塞，不令气泄，一蒸即验如神。

迅雷所惊

其候抽掣形状，与前惊无异，只手掌内横直纹痕，皆是深黄颜色，此因惊胆，其色故黄，拿苏，用鼓对儿轻轻敲起，渐渐加重，重击二三声，持去鼓以解疑，即服参竹汤以宁胆。

穿山林宅讳详者，一子四岁，腊月被爆竹惊死，拿苏，如父母唤声略重，又惊死，与饮食时，先以食示之，再做声，便不惊。其父亦业幼科，投以枣仁、远志等味不效，至予告其颠末，余曰：此胆家受病，作心家医，误矣，余授以参竹汤，二剂愈。

天疮疮

此由风邪毒气，客于皮肤，搏于血气而生，始生如汤烫作泡，一破浆出成疮，治用生地、升麻、蓝叶、山梔、大黄各一两，锉碎，用猪油八两，文武火煎，色变，滤去渣，磁器盛之，涂患处。

疔 疮

其状如粟粒色赤，而疮夏月多生头面，或遍身，用天保采薇汤，等分煎服。

黄水疮

由湿热与血气相搏，其疮初生碎小，后有脓汁，浸淫成疮。用雄黄、雌黄、川乌各一两，松香三钱，为末，乱发一团，烧灰存性，猪油六两熬化，再入三味煎至发消尽，以绵滤去渣，入二黄，搅匀盛器，涂疮上。

恶核瘰疬

此患由风热毒邪与血气相搏，郁结成核，如贯珠于耳项之间，肿硬白色，摇夺不动而有根者，便是瘰疬，或溃烂成恶毒，如用药，多有不效，莫妙于用灯火，至易而至效。予亦曾患此，用灯燠两次即愈，今故以灯火燠法，垂于身之背面图。如瘰在左则燠左边，瘰在右则燠右边，前自颈上耳脚下起，离六分地一点，一点直下乳次过肋，上至肺俞穴，到颈上耳后止。在瘰上周围亦燠，第二次照原路空处补之，便愈。若只有核而摇得动者，便不是瘰疬，初起红肿，便是疔疽，不可作瘰疬治。

偏坠

肾囊子或一个肿大一个小，用香薷、厚朴、姜汁炒枳壳、木通、扁豆、生姜、甘草、车前叶煎服，或用万年青根约五寸，去黑皮捣碎，白酒煎服，不吃渣，亦愈。

茎肿痛

茎即阳物，如肿，用黄连、木通各一钱，煎服即愈。

肾囊肿

肾囊肿如琉璃灯样，用塘内水上无根浮萍，以筛盛之，下用水一盆，置筛于盆上，烈日晒干为末，每服二钱，即消肿痛，如用锅焙，万万不

干。

灸霍乱

霍乱，灸昆仑穴七壮，起死神效。

灸疟母

疟母，灸肺俞穴各三壮，背对脐穴三壮，神效。

灸脱肛

脱肛，灸龟尾穴，症暂用补中益气汤十服，此乃肺气下陷。

灸肚大青筋

肚大青筋，坚如铁石，于脐之上下左右，离五分地，各灸二壮，即消。

灸犬伤

犬伤，用青砖上青苔，和牛粪捶烂，如被疯犬伤，于患处艾灸三壮即愈。

灸蛇伤

蛇伤，于患处艾灸三壮。

以上灸法，俱用独蒜截片，遮患处，盛艾于上灸之。

疗疮恶疮痈百膏异方

水粉、黄蜡各五钱，寒水石研细用水飞过一两，乳香去油二钱，麻油三两，先入锅滚过，入蜡化开，再入水粉共寒水石熬成，入乳香，搅匀成膏，贴之即愈。

**贴骨疔口挂角各疔疮发背脑痈
乳痈大人小儿同治丹**

疔疮，发背，脑痈，鬢疽，乳痈，一切无名肿毒，用飞龙夺命丹服之。便有头，先不痛不痒者，服之便痛便痒，未成者内消，已成者即溃，其毒化为黑水，从小便中出，此乃恶肿毒中之灵丹。

用蟾酥干者酒化三钱 胆矾一钱 海羊虫二十个 雄黄三钱 轻粉五分 蜈蚣一条炙黄去首足

麝香 片脑各五分

共为细末，酒为丸，如绿豆大，每服三丸，用葱白三根，长二寸，自嚼烂，吐在男左女右掌心，以前丸裹于葱内，热水酒三四钟送下，厚被盖之，取汗。约顿饭之时，再用热酒催助汗出，其毒即消。如汗不出，其毒乃重，再服三丸，汗出即效，只是发背疔疮，方可取汗。此方予于都门许宅香火院住持小西天喇嘛僧处传来，不论大小老幼人，如有前患，用之无有不效。

幼科铁镜卷之六

药性小引

医家治病，如经生制艺，然病有表里重轻，犹题有大小搭截，病有来路去路，用药有清源塞流之法，犹题有上文下文。作文有承上含下之规，药味犹贵论题而之字眼，药性犹字眼，义意之浅深体认不明，便成差谬。不观之卜子夏乎，于素以为绚诗，只因一句滑读过，便不解为字之义。则医家下学于百药之性，可味味焉，而不一为之究耶。余前按症列单，因病用药，固矣。然茫不知性，倘症变裁方，何所措手？爰约略幼科常用百味之性，列于篇下，以便详究，以供采择焉。

药性赋幼科摘要

寒性 犀角解乎心热，羚羊清乎肺肝。泽泻利水通淋而补阴不足。薏苡能理脚气而风湿堪除。车前子明目止泻，能清小便。栝蒌子润肺止嗽，下气宽中。黄柏泻膀胱而补肾。薄荷消诸肿以清风，宽中下气。枳壳缓而枳实速，疗肌解表。柴胡次而干葛先，柴胡泻肝，止两胁之痛。枳实削积，除久滞之痰。百部治肺热，于咳嗽可止。栀子凉心肾，而鼻衄最宜。升麻力消风热，发散疮麻，足阴引气升阳，导药游经有四，麦冬清心解渴，专除肺热，清肺隐伏之火，生肺不足之金。金箔乃镇心而安神志。茵陈除湿热而治胎黄。石膏坠头痛，兼清脾胃。天冬定肺喘，又润心肝。大黄能通闭结。朴硝降火通关。前胡除内外之实痰。滑石利六腑之涩结。熟地黄滋肾水，补益真阴，生地黄凉心火，肺脾解热。赤芍药行血而疗腹痛，烦热亦解。白芍药补虚兼泻肝火，新血能生。香附子理气，有消浮退肿之功。知母滋阴，乃泻肾除蒸之用。贝母清热痰而利心肺，寒痰愈滞。桔梗通肺窍而传诸药，肺部引经。黄芩泻大

肠之火，肺寒勿用。常山攻痰结之味，剿疟尤强。葶苈了止肺喘以通水气。水藕节消瘀血而止衄红。大黄朴硝，乃脾虚送死之鸩毒。黄连贝母，乃寒痰伐命之斧斤。

夏禹铸曰：大黄犹之一员猛将，朴硝却是偏裨，如敌势猖獗，负踞要冲，用之搴旗折馘，一出成功。若民遭困苦之余，平定安集，尚恐不及，亦轻为调遣，不惟无地树功，而且敌梳兵篋，轻用之害，惨不可言。果肺火焰天，大肠毒结，一用则瞬息通关。至于脏脑俱虚，或气虚肿胀，误用则扫尽元气，不刃而杀人矣。

热性 生姜发散，除乎胃呕，胃热切不可用。五味止嗽，且滋肾水，初嗽不可遽加。川芎能祛风湿，清头补血。紫苏力能表散，亦可助脾。麻黄散寒邪以发表，根止盗汗而固虚。白术消湿痰而温胃，利水道以强脾。丁香快脾胃，以止吐逆。附子疗虚寒，大壮元阳。当归补虚以养血。独活祛风以治痲。厚朴温胃，且消呕胀，除痰亦验。肉桂可疗冷泻，止汗如神。橘红皮开胃去痰，导壅滞之逆气。山茱肉治头昏晕，止下部之遗精。

夏禹铸曰：附子之力猛，用之贵小心谨慎。虚寒者受之，如枯木逢春。若壮气不衰，误为过问，必发直冲冠，以是知脾气两虚，元阳亡失，虚极生寒，体如冰雪，口中寒气逼人，一用如石投水，不特莫之逆也，且同流湿就燥。如只虚而不寒，即寒不到阴极地位，形势犹能自立，一用如水投石，不特莫之受也，而且水火参商，是知宜用不怕朝夕，不宜却怕分厘，可为轻用附子者作一箴规。

温性 木香理乎滞气。半夏主于风痰。苍术燥脾去湿。山药脾湿能医。藿香叶止吐温胃，能消喉响之寒痰。款冬花润肺去痰，又定久嗽之壅喘。草果仁温脾胃以止疟。威灵仙宣风气以除疼。茴香却膀胱疝气之痛。秦艽去肢节肿痛之风。槟榔坠痰导水，治痢疾之后重如神。诃子

生津润肺，疗滑泻之沉疴似圣。防风祛风，杜仲益肾。橘核止腰疼疝气之急痛。麻仁润肺及六腑之燥坚。黄芪实腠理益元气，外固表虚之汗。肉豆蔻温中止霍乱，更助脾脏之虚。生姜皮可消浮肿，钩藤钩专定惊风。

夏禹铸曰：黄芪之性，温内分，实腠理，益元气，外固表虚之盗汗，内托阴证之疮疡，乃脾家气分之第一固虚药也。故仲景有曰：黄芪、甘草，以益元气之内，人参、肉桂，调和营卫之中。人动曰提气，只知道一个气字，那知道人身上气有两种，主乎脾者，气之元也，主乎肺者，气之发也。脾之元气，犹每岁之为生为长，为收为藏，内运之气是也；肺发之气，犹山岳之晴岚，村落之烟雾，溪壑之阴云，碧海之楼市，外发之气也。不能分别两种，各有所司，便曰提气，嗟嗟！黄芪何曾走着肺家，又何曾理着肺气？把扶正气的一味圣药看坏了，致令脾气弱症，卒不敢用，不亦深可悼哉！予推其故，多因肺部有邪，气喘气促，那医家不去清肺之邪，而遽为扶脾之气，适凑其会，气愈喘愈促，便诬赖到黄芪身上，不然，黄芪与肺何涉，而亦乱道提气耶？若以予言为谬，试到明医处，把黄芪温内分，实腠理，益元气，固盗汗，这几个字，几种性，细问一番，庶可了然于心

矣。

平性 青皮利脾胃，快膈消积。天麻定惊痫，燥湿祛风。甘草调燮阴阳，解药百毒，生用乃泻心经之火。人参宁心润肺，助胃开脾，生津扶气，肺热反来伤肺之忧。南星去惊风痰吐之苦。枣仁有补心去怔之功。大腹皮消浮下气，亦能和胃。远志肉遗精能止而宁心。木通、猪苓，并为利水之神。莲肉醒脾，更有清心之妙。白茯苓补虚劳，心脾俱到。白茯神宁心脏，惊悸能安。麦蘖有入脾化食之力，脾虚莫用。小麦有止汗养心之功，浮者为佳。神曲消食，恐伤脾气。百合止嗽，兼敛肺虚。连翘泻六经之火，排却疮脓。大枣有健脾之力，中满勿尝。乌梅治便血，疟痢兼用。竹沥治痰壅，寒滞宜防。

夏禹铸曰：人参是世间一种灵丹，若脾虚作泻，胃虚发吐，心虚惊悸，肺虚作嗽，津亡作渴，气虚失血，病久成慢，诸类用之，如入芝兰之室，盖善与善相亲也。肺热，气旺，风邪，热邪，燥邪，火邪，诸类用之，如入鲍鱼之肆，盖邪正不肯并立也。凡今之人，因前庸手误用伤人，相沿视为鸩毒，不深可恨哉！脏有淫邪，不可遽用，邪去正衰，不可不用，遽用者伤人，不用者亦杀人也。

幼科铁镜附录

诸汤方

天保采薇汤

羌活 前胡 半夏 陈皮 柴胡 赤芍
白茯苓 川芎 枳壳 厚朴 桔梗 苍术 升麻
葛根 藿香 独活 甘草

犀角解毒汤 治胎热丹毒。

犀角 赤芍 生地黄 白芷 甘草 连翘
荆芥 防风 牡丹皮 木通

导赤散 治夜啼。

木通 生地 甘草 竹叶 黄芩

大连翘饮 治胎热等症。

连翘 赤芍 归尾 木通 甘草 防风
荆芥

理中汤 治胎寒等症。

干姜 白术 甘草 人参
若加附子，名附子理中汤。

钩藤膏 治内吊肚痛。

乳香 没药 木香 僵蚕
共为丸，钩藤汤下。

地黄茵陈汤 治胎黄。

生地 归尾 猪苓 天花粉 赤芍 赤茯苓
茵陈 泽泻 甘草

芍药汤 治夜啼泄泻。

白芍 泽泻 甘草 大茴 薄荷 木香
茱萸 生姜

六君子汤 治脾胃虚寒等症。

陈皮 半夏 人参 白术 甘草 白茯苓
生姜、大枣引。

固真汤 治慢惊四肢冷，不省人事。

附子 甘草 人参 山药 黄耆 肉桂
白术 白茯苓
姜、枣引。

保元汤 治汗多，变慢惊。

黄芪 人参 甘草 生姜三片 大枣一枚

水煎服。

姜半散 治吐不止，将成慢惊。

半夏 生姜 肉桂

调脾汤 治脾泻^①。

陈皮 白术 丁香 人参 诃子 青皮
甘草

六味地黄丸 治肾疳。

牡丹皮 熟地黄 白茯苓 山萸肉酒蒸去
核 白泽泻 怀山药

上为细末，炼蜜丸如桐子大，空心，滚水送下。

芦荟丸 治丁奚哺露。

芦荟 人参 白术 白茯苓 山药 木香
陈皮 青皮 麦芽 神曲 当归各三钱 槟榔
两个 麝香少许

上为细末，猪胆打面糊为丸，如麻子大，清水汤送下。

小异功散 治先泻后吐，脾胃虚冷。

人参 白术 橘皮 白茯苓
姜枣为引，煎服。

黄连芍药汤 治先吐后泻。

黄连 芍药 猪苓 泽泻 白茯苓 白术
甘草

五苓散 治吐泻。

猪苓 白术 白茯苓 泽泻 肉桂

消导二陈汤 导痰，消食，健脾。

陈皮 半夏 白茯苓 白术 苍术 神曲
香附 砂仁 甘草

六和汤 治暑泻。

陈皮 半夏 白茯苓 甘草 黄连 厚朴
藿香 香薷 加扁豆 木瓜

胃苓汤 治长夏暑泻。

泽泻 陈皮 白茯苓 猪苓 厚朴 白术
甘草 苍术

^① 泻：原作“疳”，据康熙本及本方功效改。

助胃膏 治胃气虚寒呕吐。

人参 白术 白茯苓 甘草 山药 木香
丁香 藿香 砂仁

河附丸 治飧泄。

河子肉 灶心土 黑附子
为末，米糊丸如粟米大，米汤下。

十六味肥儿丸 治脾胃虚弱。

人参 白术 白茯苓 山药 薏米 芡实
莲肉 甘草 陈皮 山楂 麦芽 砂仁 黄连
泽泻 芍药 连翘

上为末，蜜丸如弹子，米汤下。

承气汤 治里急后重，腹痛痢疾。

朴硝 大黄 枳实 厚朴

木香槟榔丸 治食积。

黑丑 槟榔 木香 神曲 大黄
上为末，生姜汁糊丸，如粟米大，米汤下。

补中益气汤

黄芪 人参 甘草 陈皮 白术 升麻
柴胡 当归

四顺清凉饮 治中焦热。

白芍 当归 生地 甘草 柴胡

人参败毒散 治积毒呕恶。

柴胡 前胡 川芎 羌活 独活 白茯苓
枳壳 桔梗 甘草 人参
生姜引。

四君子汤 治脾胃不调等症。

人参 白术 白茯苓 甘草
姜、枣引。

姜茶饮 治赤白痢。

陈茶 生姜 黄蜡 盐 车前叶

四善饮 治虚症。

白术 人参 白茯苓 草果 半夏 甘草
陈皮 乌梅
姜、枣引。

人参养胃汤 治症寒多热少。

陈皮 半夏 茯苓 人参 苍术 厚朴
草果 藿香 姜引。

清症饮

柴胡 枳壳 青皮 半夏 白术 黄芩
厚朴 猪苓 白茯苓 泽泻 陈皮 甘草 贝母

知母 前胡

随用裁方

前方加常山、草果、槟榔、姜引，煎服。

参苏饮

人参 苏梗 桔梗 前胡 半夏 干葛
陈皮 枳壳 杏仁 木香 甘草 茯苓
姜引。

五子五皮饮 治肿胀。

苏子 山楂子 萝卜子 葶苈子 香附子
桑皮 橘皮 大腹皮 茯苓皮 生姜皮

泻黄散 治湿热肿胀。

赤茯苓 黄连 黄柏 黄芩 山梔 泽泻
茵陈

泻白散 治肺热。

甘草 桔梗 陈皮 桑皮 地骨皮

四物汤 调益荣卫。

川芎 当归 熟地 白芍

麦冬饮 治吐血久不止。

麦冬 黄芪 当归 人参 五味子 生地

清胃汤 治粪后见血。

山梔子 生地 牡丹皮 黄连 当归

茵陈汤 治黄疸。

茵陈 梔子 黄柏

祛风散 治天柱骨倒。

防风 甘草 羌活 细辛 黄芩 白芷
薄荷 当归 川芎

滋阴降火汤 治阴虚痰结。

当归 地黄 白芍 黄连 白茯苓 知母
天花粉 莲子 黑元参 甘草 麦冬
灯心引。

五淋散 治血淋。

赤茯苓 赤芍 山梔仁 条黄芩 当归 甘草

灯心一团引。

清脾饮 治热症，或热多寒少。

青皮 半夏 黄芩 甘草 白术 白茯苓
柴胡 陈皮 草果 厚朴
姜、枣引。

人参安神汤 治心血不足,惊悸不安^①。

麦冬 人参 当归 黄连 枣仁 生地
茯神

安神汤 治心血不足,惊悸。

人参 半夏 枣仁 茯神 当归 橘红
赤芍 五味子 甘草

姜引。

宁心丸

麦冬五钱去心 寒水石一两 白茯 甘草
牙硝 山药各五钱 朱砂一两 龙脑一字

上为末,炼蜜为丸,如芡实大,每服半丸,砂糖水磨下。

如慢症,用人参、白术,煎浓汁化下。

肝疔丸

五灵脂 夜明砂 龙胆草 天麻 干蟾头
全蝎一个 蝉退 川芎 芦荟 黄连 青黛
防风

上为末,猪胆汁浸为丸,麻子大,每服十丸,薄荷汤下。

化疔丸 治肺疔。

芫荽 青黛 芦荟 川芎 白芷 胡连
川连 虾蟆灰

各等分为末,猪胆汁浸糊为丸,麻子大,每服二十枚,临卧,杏仁汤下。

蝼子丸 治疔胀。

萝卜子一两 青皮 陈皮 槟榔 赤茯
黑牵牛 莪术 五灵脂各五钱 木香二钱五分

上为末,糊为丸,绿豆大,每服十五丸,桑皮、紫苏煎汤,或萝卜汤下。

五味二陈汤 治夹暑伤寒吐泻。

陈皮 半夏 白茯 甘草 厚朴 香薷
黄连 山楂 麦芽 神曲 木通 泽泻

香薷饮 治暑热。

香薷 厚朴 扁豆 黄连

清心莲子饮 治溺血。

麦冬 地骨皮 黄芩 甘草 白茯 黄芪
柴胡 车前 石莲肉 人参

泻青汤 治凶填。

羌活 川芎 梔仁 龙胆草 当归 防风
各等分 大黄减半

竹叶引。

清金饮 治伤风嗽吐。

前胡 杏仁 桔梗 桑皮 半夏 甘草
旋覆花 薄荷 陈皮

水煎。

小续命汤 治刚柔痉病。

麻黄 人参 黄芩 川芎 芍药 甘草
杏仁 防风 防己 肉桂 附子

芎苏饮

川芎 苏叶 陈皮 半夏 柴胡 桔梗
枳壳 干葛 白茯 甘草

泻肝汤

车前 木通 生地 归尾 山梔 黄芩
龙胆草 甘草各五分

松蕊丹 治龟青。

松花 枳壳 防风 独活各一两 麻黄
前胡 大黄 桂心各五钱

为末,蜜丸黍米大,每服二十丸,粥饮下。

宽气化痰丸 治龟胸。

大黄三分 杏仁 百合 木通 桑皮 甜
葶苈 天门冬 石膏各五钱

上为末,炼蜜丸,黍米大,食后临卧,白热水化下。

柴胡梔子饮

柴胡 山梔 白茯 川芎 白芍 当归
丹皮 牛蒡 甘草

等分,水煎,子母并服。

固肠饮 治久痢不止。

木香 黄连 当归 白芍 人参 白术
白茯 甘草 诃子肉

水煎。

犀膝散 治鹤膝。

防风 薏苡仁 牛膝 苦参女便浸晒 何
首乌男便浸晒,各一钱 僵蚕 天花粉 荆芥穗
各五钱 肥皂核肉一两 鹿茸五钱

共为粗末,每用三钱,同冷饭团四两,牡猪油六钱,黏米、绿豆各一撮,水四碗,煎至二碗,分作二次,温服。

① 安,康熙本作“眠”

猪乳膏 治胎风胎惊。

牛黄 朱砂各少许

取猪乳调,抹儿口中。

清暑益气汤 治伤暑烦热。

黄芪 升麻 人参 白术 陈皮 神曲

泽泻 黄柏 当归 青皮 干葛 五味 甘草

水煎服。

八珍汤

人参 白术 茯苓 甘草 川芎 当归

熟地^① 白芍

姜、枣引。

藿香正气散 治伤脾胃,外感寒邪。

藿香 紫苏 大腹皮 陈皮 桔梗 甘草

茯苓 半夏 神曲 厚朴 白芷

姜、枣引。

疏风顺气汤 治风寒发喘。

紫苏 干葛 桑皮 前胡 麻黄 杏仁

甘草

水煎服。

清脑汤

白术 茯苓 陈皮 薄荷 南星 桑皮

细辛 甘草 桔梗

备急方 治夜啼内吊。煎葱汤淋洗其腹,又用艾绒烘热,包熨脐腹十数次,其痛即愈。

莲花饮

甘草 知母 莲花须 川莲仁 栝蒌仁

五味子 人参 干葛 白茯苓 生地 竹叶

参竹汤

麦冬 人参 竹叶 甘草 半夏 小麦

梗米 陈皮 生姜

① 熟地:康熙本作“生地”。

幼 幼 集 成

清·陈复正 辑订
祝建伟 校注

校注说明

《幼幼集成》为中医儿科专著，清·陈复正辑订，成书并刊行于乾隆十五年（1750年）。

陈复正，字飞霞，广东罗浮山人，生活于雍正、乾隆年间。陈氏幼年禀亏体弱，于医学颇为留意；稍长师就罗浮山道士，修习道家气功秘术，并潜心钻研灵素之学，此后体质渐壮，医、道皆有所成。及至重踏红尘，陈氏更云游四海，寻道行医，临证经验日益丰富，尤其擅长幼科一门。晚年陈氏感于“惊风之说，在在相讹”，及《医宗金鉴》“惟幼科一门，不无遗憾”，遂将“惊风之说，概为删订”，并总结多年儿科心得，撰成《幼幼集成》一书。

《幼幼集成》共六卷，数十万言。综观是书，有论有方，有证有治，在广征博引的同时，亦不乏陈氏之独到见解。全书切合实践，无浮辞泛论，既针砭了时医流弊，活跃了当时学术风气，又保存了大量古代儿科文献，对中医儿科学的发展具有重要贡献。

《幼幼集成》宗《内经》之旨，兼采历代儿科医家之长，有继承，有发挥，师古而不泥古，其学术思想主要体现在以下四个方面：①在儿科诊断学方面：陈氏重视小儿指纹望诊法，其总结的“浮沉分表里歌”、“三关部位歌”等歌诀，言简意赅，切于实用；对于脉诊，陈氏提出“浮沉迟数”四脉，并以“有力无力”辨虚实，较《内经》“大小缓急”更明悉；另外，陈氏又独树一帜，创立“三搐”学说，丰富了儿科辨证。②在儿科治疗学方面：陈氏提出“保元护正，慎施攻伐”的治则；治法上以“顾护元气，扶补脾胃”为主，辅以反正逆从之治，源于古，又不拘于古；同时，陈氏又力倡小儿灸法，极大地弥补了儿科急症治法之不足。③在方剂学方面：陈氏重视正方之用，亦不忽视经验方及外治之方。其独创的以“集成”命名的系列方剂，至今仍广泛流传，为临床常用。④在文献学方面：《幼幼集成》具有较高的版本价值，书中收入了万氏《片玉痘疹》大部分歌赋，较今传本更完备，可补充万氏《痘疹》之不足。另外，本书亦保存有《颅凶经》、及冯楚瞻、张景岳等有关幼科方面的论述，对古医籍之流传具有重要意义。

《幼幼集成》刊行于清乾隆十五年（公元1750年），一经问世，即广泛流传，现存版本约有50余种，其中以清乾隆十五年翰墨园木刻本（简称翰墨园本），即陈复正辑订、刘勣校正、周宗颐参定本之翰墨园藏版流传最广。本次整理以此为底本，同时选用光绪二十一年乙未（1895年）石印本（简称光绪本）作主校本。校勘主要采用对校法，结合书中内容，又以《黄帝内经》、《伤寒论》、《金匱要略》、《难经》、《保赤存真》、万氏《育婴秘诀》、万氏《片玉痘疹》（简称万氏《痘疹》）、《本草纲目》等书进行了他校。另外对本书个别疑难字句采用了本校法和理校法。

本次校勘主要按下列方法处理：①凡底本中因写刻致误的明显错字予以迳改。②原书中避讳字，凡有碍文义者，予以回改，并于首见处注明。③底本引方习惯多以三字为一味药，虽有枝蔓生歧之嫌，但不必尽出注释，只予特殊药名出注说明，余则保持原貌。④原书重出方剂，方名后多注有“方见某卷某某门”，以示该方首见篇卷。因“某某门”与原标题不符，故本次校勘将其与正文标题律齐；出处讹误者，据正文迳改，不出校。

本书其它处理原则：①对冷僻字词的训释均于首见处出注解释。②原书目录比较混乱，方、论、图分列，层次不明，且多有重复。本次校勘，据校改后的正文标题，对原书目录进行了重新编排。③原书天头处原有三十余则注释，校勘后已溶入正文。

由于本人水平有限，疏漏之处在所难免，祈望专家、学者不吝示教。

校注者

一九九六年十月

周虚中识

集成者，幼幼全书也。其中辟惊风之悖谬，晰指纹之精微，与乎秘传神火之功验，莫不有本有标，有表里^①阴阳，有寒热虚实，条分缕晰，界限井然。俾后之业医者，无误治之虞；保赤者，荷生全之德。先生之仁心仁术，可以不朽矣，岂寻常浅陋之士所能旁赞一辞哉！夫先生之学，上溯轩岐，下逮秦汉以来唐宋元明大家之书，广搜博览，皆有以剖其真伪，别其醇疵而撷其精华，故能聚千腋以成裘，缀万花而成锦，命曰集成，不亦宜乎。

周虚中识

^① 里：原作“重”，形误，据文义改。

序

余读太史公书而叹越人之善平方也，邯郸贵妇人则治妇人，周贵老人则治老人，秦人爱小儿亦即治小儿，其施屡变，然其所奏亦并效，何哉？盖古者卜筮、医药皆有专官，世授其业，不迁而为良。苟能专其传、精其意、通知其理而无所惑，则妇人、孺子、老幼之各得其治，吾以为虽不必越人可也。后世专业既失，凡其治方术者，又不能精而多通，由此妇人、丈夫之与小儿，始各为科分。而小儿之中又有所为疹者、疳者、惊风者、疔疮^①者，与夫他疾多端之分部。《庄子》所云：道为天下裂者，非耶。然世之为小儿医者，虽习其书，用其方，往往无所效，岂其传于古者，法犹有未备，而道或犹有所未至也乎！岭南陈君飞霞自少知医，以治小儿者多所乖误，而弊实中于惊风家言，不憚大声疾呼，以辟其谬。乃取前代之说，存其精要，辨其是非，订为一书，名之曰《幼幼集成》。其间以搐字易惊字，标出误搐、类搐、非搐三条，既可使天下习惊风之教者，废然自返，而又俾从书中所载病因、证治循途守辙，以庶几于动无不当，投无不宜。君子心勤而语恳如此。此盖欲举天下之幼者，扶持而安全之，令一无天札而后快也。君学仙好道，瓢笠洒然。吾闻道家者流，以老氏为宗。老氏言三宝^②，其一曰慈。夫慈之为道大矣，固不独幼幼，然幼幼则所以为慈。君本此意行之，而将托是书为婴儿孺子之福，岂非仁人长者所乐与哉！乃因其请而为之序云。

赐进士出身通奉大夫日讲起居官内阁学士兼礼部郎加二级西昌袁日修撰

① 疔(bì比)疮；疔：头疮。《说文》：“疔，头疮也。”疔，瘡疮潰爛。《广韵》：“疔，瘡伤也。”疔疮：泛指疮疡之类的外科疾病。

② 三宝：《老子》：“我有三宝持而保之：一曰慈，二曰俭，三曰不敢为天下先。”

幼幼集成序

医之为言意也。神存心手之间，心可得解，口不可得言。然则方剂之著无益乎？而非也。观乎《灵枢》、《素问》肇自轩皇，嗣是而医家者流著书立说不一，其人家相祖述，代有师承，于以稽旧闻、谛诊视，救其偏败而济乎殁死，厥功伟焉！则不事方书，乃神于医者之深造自得，而非可以概天下也。故医者济人之术，而方书之作，则以得诸心者，传诸世以济人于无穷也。独是专凭臆见，既虞师心之滞于偏；墨守成规，又嫌胶柱而不知变。盖观一言之误，贻害匪轻，而叹方书之难言也。虽然为方书难，为方书而及幼科则尤难。何则？呱呱襁褓，啼笑无端，疾痛痾痒，不能自白；其脏腑未充，则药物不能多受；其筋骨尚脆，则针砭尤非易施；误用刀圭，便伤生理。此炼师陈君飞霞三折肱于斯道，有《幼幼集成》之作也。君少慕冲举^①，学道罗浮，龙虎功纯，洞然有得于性命之际，乃瓢笠云游，借医药以济世。谓世之医小儿者，因前人以伤寒病痉，称为惊风，论谬相沿，无论外感内伤，遇发热者，率以惊风为名而妄用其法，致札伤者多，心甚悯焉！乃取在昔幼科诸书，参互考订，按之临证之所心得，判其合离，析其同异，以搐字易惊字，概曰搐，将急惊、慢惊、慢脾三则，易为误搐、类搐、非搐，分门别类，详其审切之诀，附以经验之方，自胎孕乳哺及痘麻疹疮诸证，胥辨析而条贯焉。将受梓，征叙于余。余循览之下，叹其宅心之良厚，而殚精之不辞其痒也。君已疾多奇效，有他医治之垂绝，君至曰可生，服其药无不活。遇褻人^②疗之不受谢，有急需补剂者，或更以参术相资，意所有合，虽贵富人招之不可致。盖天真疏放，不随俗俯仰，故游情方外而有急病让夷之思也。是编也，本长生之妙道，作保赤之金丹。其斯为明六度而除四魔，以自利利他乎；其斯为父天地而母神明，悯幼稚之颠连，而弘煦嫗于吾胞乎！后之业幼科者，习于斯而有得，将千载榛芜，一朝尽辟，以治嬰孩，自足以辨析毫芒，随气用巧而利赖靡涯矣。余既重君之行高而意厚，又信此书之足以传世而行远。而揆诸我夫子怀少之志，暨圣天子恤幼之仁，均有合焉。爰浣笔以叙其端。

礼部进士文林郎候选县尹泉梁玉撰

① 冲举：《一切以音义》：“冲，虚也。”冲举，冲虚之用事也，喻指道教。

② 褻人：贫穷之人。《尔雅》：“褻，贫也。”

集成小引^①

稽自三坟启秘，神圣迭兴，《本草》、《内经》，昭垂星日。盖圣人继天立极，位育为功。念天壤之间，阴阳代谢，运气推迁，至之先后，已无成规；应之早迟，靡有定律。其间六淫胜复，酿为灾眚^②。哀此苍黎，能无因是而夭札者，此岐演十世之传，帝启九章之问而有医氏之学也。伏读黄帝之谓岐伯曰：至哉！圣人之道，天地大化，非夫子孰能通之？谓藏之灵兰之室，非斋戒不敢示。夫圣如轩皇，而于医事崇尚若此，岂非恫观一体，胞与为怀，欲登万世斯人于仁寿者欤！《素问》而下，如伊尹《汤液》、皇甫谧《甲乙》、秦越人《问难》、张仲景《金匱》、王叔和《脉经》、陶弘景《肘后》，此数公者，虽曰祖述《灵》、《素》，其实以作为述。自兹而往，医事寥寥，虽著作者代不乏人，求其无偏无颠，实难多觐^③。惟明末李时珍、张景岳、喻嘉言递出，阐明《金匱》，发泄《内经》，扫芜秽而返清纯，有功于医事者不小。然数人虽产明代，而其书始盛行于康熙初年，大为世用。盖由圣天子临御，德孚中处，仁协万方。近纂《医宗金鉴》，遍周海宇，将见民无疵疠，物遂生成，故预产明良，以襄位育之功，非偶然矣。惟幼科一门，不无遗憾。虽喻嘉言微启其端，而其言未竟。予每读惊风之书，未尝不三叹而流涕也！予幼禀亏多病，于医家色脉之要，颠尝究心；长际仙师，授金鼎火符性命之秘。觐是遨游海岳，冀遇同俦，竹杖芒屨，行纵几乎半宇内。凡绅衿士庶、名公巨卿，以及至贱至微者，盖尝随缘而方便之，其临证救治之多，有非笔楮所能罄。第念惊风之说，在在讹传，莫获辞而正之，坐使无辜婴稚枉受貽殃，前后相仍，迄无底止。兹将惊风之说，概为删订，而附以一得之愚，自禀予胎元，火功炼艾，以及杂证麻痘，汤火疮疡，无不周备，汇为六卷，计数十万言。书成付梓，颜曰《幼幼集成》。其中诊治权衡，一遵经旨，罔或偏枯，务期有当于理，无害于人而后已。非敢妄议前人，遂其一隅之见，第念保赤，诚求不中不远，此书不无万一之助，勿忍终默而息，不辞狂瞽，皇政大方。岂曰井海甃天，立言启后，亦聊体古圣仁民爱物之心，欲自效其负暄之悃^④云尔！

时维大清乾隆十五年岁次庚午孟春月

罗浮陈复正飞霞氏书于遂阳之种杏革堂

① 集成小引：此篇原于“凡例”之后，据原书目录移此。

② 眚：原作“青”，形误，据光绪本改。

③ 觐(gòu 够)：遇见。《说文》：“觐，遇见也。”

④ 悃(kūn 捆)：至诚；诚心。《玉篇》：“悃，志纯一也。”

凡 例

一 幼科之书几于汗牛，其惊风之传，诚多谬误。喻嘉言、陈远公、程风雏业已辟之，指出病痊，惜未申明病痊之由与治痊之法，仍无着落，不足服人。予兹彻底揭破，以伤寒病痊，杂病致搐，并竭绝脱症分为三则，以搐字概之：曰误搐，曰类搐，曰非搐。条分缕析，证治判然，名目既正，庶治疗不惑。周虚中曰：开此三大法门，可济无穷夭札。

一 幼科论证，悉以阳有余，阴不足立说，乖误相承，流祸千古。后人误以婴儿为一团阳火，肆用寒凉，伤脾败胃。古初稟受敦庞，贻害犹浅。今非昔比，怯弱者众，古方今病，每多齟齬，是故聊为删订，非敢轻前人而执己见，盖亦因时制宜之用也。

一 胎婴柔嫩之姿，乍离母腹，如水上沤、风前烛，防护稍疏，立见殒夭。而幼科所用毒劣之方，令其暗损真元，阴伤荣卫，即侥幸得生，而精粹已耗，一生虚怯，莫可补救，况复不生者多。兹于劫夺之方，毒劣之味，概行删去，而易以反正逆从之治，无辜赤子，或可免含冤于九地。

一 颅凶肇于东汉卫沈，而成于宋人钱仲阳，其能用仲景地黄汤治赋禀不足，以七味白术散治泻利作渴，岂不卓然有见。迨门人某隐其名，存厚也。假托其名，辄取霸方劫夺，致人夭枉，遂致贻误后世。兹为用其所长，去其所短，非敢好为节略，实所以成仲阳之初志。

一 幼科惟从惊风摹拟，而伤寒门类全然遗弃。故学者但知有惊风，不知有伤寒，毫芒千里，害岂胜言！独程风雏能见及此。兹并纂入，以备酌用。

一 痘疹为幼科切要，诸家多不经意，或另立一门。学人以为源流各别，不复留心讨论。今并纂入，便知痘实幼科本有，不敢不经心体察。

一 痘科之书，如冯氏、陈氏、聂氏、翟氏、万氏，虽皆不为无见，而实繁简不侔。又惟万氏明显，可以济急，惜原板毁于明末，康熙二年复梓者，则亥豕盈篇，鲁鱼过半，诗歌黏韵全亡，证论先后重复，识者鄙之，予甚惜焉。因为详悉删洞，纂人以成全璧。

一 火功为幼科第一要务，济急无捷于此。奈从前所传，悉犯关门逐盗之戒，不惟无济，而反有害。今以异授神火，绘图作歌，公诸同志，鱼迫之济，可以回春顷刻。

一 治疗自有正方，其未尽者，复以经验简方并外治之法，附于方后；内有起死回生之诀。若能留心记览，随宜酌用，其利无穷。

一 是书不但为知医者设，即不知医者，亦能用之，盖理路遍畅，用方简切，并无幽渺难明之说。家置一册，可以对证调治，自利利人，不无小补。

一 是书虽云编辑，而幼科家言，又未敢尽信以为确。其理明义畅，有神实用者，取之；浮泛不切者，去之；间有未妥之处，即参以鄙见，并素所经验者成全之。故难分某段为何人之言，非敢掩人之功为己有也。盖幼科非方脉之比，以其病因疾苦，莫能告人，一匕下咽，死生立判，故不敢不为详慎。是书斟酌去取，颇为得宜。

一 是书文义荒疏，由于幼时未尝学问，只以无辜夭札，不忍坐视，所以忘其固陋，不禁率意言之。语虽不伦，理或非诬。

明府幸毋以是见薄，第原其忠爱之心而赐之规正，是亦刍蕘^①之幸也。

复正再识

^① 刍蕘：割草的人。《诗》：“先民有言，询于刍蕘”毛传，“刍蕘，薪采者。”此为作者自谦之辞。

目 录

卷之一

赋禀	(554)
护胎	(554)
指纹晰义	(555)
指纹切要附指纹三关图	(556)
三关部位歌	(556)
浮沉分表里歌	(556)
红紫辨寒热歌	(557)
淡滞定虚实歌	(557)
纹形主病歌	(557)
小儿脉法	(558)
内经脉要	(558)
四脉主病	(558)
主证	(558)
总括脉要歌	(558)
脉证宜忌歌	(558)
保产论	(559)
难产七因	(559)
产要附血晕气脱案	(559)
小产论	(561)
初诞救护	(565)
调变	(566)
脐风证论	(566)
用火口诀	(567)
集成神火歌附集成神火图	(567)
指明火穴	(568)
宜用火者	(568)
切忌火者	(569)
夏禹铸治脐风灯火法附夏氏脐 风火图	(569)
回生艾火附急救穴位图	(569)
初生护持	(571)
勿轻服药附冯楚瞻论	(571)
药饵之误张景岳	(572)
看病诀	(572)
寿夭辨	(573)

面部形色赋附面色部位图	(573)
辨色分注	(573)
审颜色苗窍知表里之寒热虚实	(575)
简切辨证	(575)
五脏所属之证	(575)
变蒸辨附景岳说	(577)
卷之二	
胎病论	(578)
惊风辟妄喻嘉言论四段 集成论三段	(580)
录诸家惊风论辨注附	(582)
辨明致妄之由易去惊字	(585)
新立误搐类搐非搐分门别证	(586)
误搐二条周虚中先生太阳血虚筋 急治案二	(586)
柔痉	(586)
刚痉	(587)
类搐十条	(589)
暑证	(589)
疟疾	(589)
痢疾	(589)
咳嗽	(590)
丹毒	(590)
疮痈	(591)
痘疮	(591)
霍乱	(591)
客忤	(592)
中恶	(592)
非搐二条	(593)
吐泻	(594)
大惊卒恐	(594)
附小儿时疫证治	(595)
痢疾证治	(595)
乳子伤寒证治	(597)
小儿伤寒类治出程凤雏《慈幼筏》	(598)
伤寒总括五法	(599)
伤风证治	(602)

- | | | | |
|-------------------|-------|-----------------------------|-------|
| 伤暑证治····· | (602) | 口病证治····· | (644) |
| 伤湿证治····· | (603) | 舌病证治····· | (645) |
| 霍乱证治····· | (604) | 齿病证治····· | (646) |
| 卷之三 | | | |
| 咳嗽证治····· | (606) | 咽喉证治····· | (646) |
| 百辟嗽论附案····· | (607) | 龟胸龟背证治····· | (647) |
| 哮喘证治····· | (609) | 鹤膝证治····· | (648) |
| 诸疔证治····· | (610) | 五软五硬证治····· | (648) |
| 呕吐证治····· | (613) | 丹毒证治····· | (648) |
| 泄泻证治····· | (615) | 十种丹证····· | (649) |
| 伤食证治····· | (616) | 水痘露丹证治····· | (649) |
| 食积证治····· | (618) | 破伤风证治····· | (649) |
| 发热证治····· | (619) | 斑疹癩疹证治····· | (649) |
| 神奇外治法九条····· | (620) | 诸疮证治····· | (650) |
| 治病端本澄源至要口诀二段····· | (621) | 瘰疬证治····· | (651) |
| 痢疾证治····· | (621) | 杨梅疮证附案····· | (651) |
| 疟疾证治····· | (624) | 卷之五 | |
| 消渴证治····· | (626) | 万氏麻痘····· | (654) |
| 诸血证治····· | (627) | 痘疹天元赋····· | (654) |
| 卷之四 | | | |
| 肿满证治····· | (629) | 痘疹西江月凡四十八首····· | (655) |
| 胀满证治····· | (630) | 痘疹顺险逆并五善七恶····· | (657) |
| 黄疸证治····· | (631) | 痘疹总略歌凡一十一首,共一十五方····· | (657) |
| 腹痛证治····· | (632) | 发热证治歌凡一十五首,共二十五方····· | (660) |
| 癖积证治····· | (633) | 见形证治歌凡一十八首,共一十八方····· | (663) |
| 虫痛证治····· | (634) | 起发证治歌凡二十六首,共五十方····· | (666) |
| 诸汗证治····· | (635) | 卷之六 | |
| 疝气证治····· | (636) | 万氏麻痘····· | (675) |
| 啼哭证治····· | (637) | 成实证治歌凡二十首,共二十三方····· | (675) |
| 夜啼证治····· | (637) | 收靨证治歌凡一十五首,共一十七方····· | (679) |
| 二便证治····· | (638) | 落痂证治歌凡五首,共三方····· | (681) |
| 小便不利证治····· | (639) | 痘后余毒证治歌凡三十一首,
共四十五方····· | (682) |
| 大便不通证治····· | (639) | 妇女痘疹证治歌凡一十二首,
共一十四方····· | (688) |
| 头项凶证治····· | (640) | 麻疹骨髓赋四段····· | (690) |
| 目病证治····· | (641) | 麻疹西江月凡二十首····· | (690) |
| 耳病证治····· | (642) | 麻疹证治歌凡二十五首,共三十二方····· | (691) |
| 鼻病证治····· | (643) | | |

幼幼集成卷之一

赋禀

夫人之生也，秉两大以成形，借阴阳而赋命。是故头圆象天，足方象地，五行运于内，二曜明于外。乃至精神魂魄，知觉灵明，何者非阴阳之造就，与气化相盛衰。然天地之气化有古今，斯赋禀由之分厚薄。上古元气浑庞，太和洋溢，八风正而寒暑调，六气匀而雨暘^①若，人情敦茂，物类昌明，当是之时，有情无情，悉归于厚，非物之厚，由气厚也；及开辟既久，人物繁殖，发泄过伤，攘窃天元，雕残太朴，世风渐下，人性浇漓，故水旱有不时之扰，流灾有比户之侵，生物不蕃，民用日促，值此之际，有知无知，咸归于薄，非物之薄，由气薄也。然则今之受气于父母者，其不能不薄也可知矣。况有膏粱^②异养，贵贱殊形，医术称仁，顾可视为不经之务。夫膏粱者，形乐气散，心荡神浮，口厌甘肥，身安华屋，颐养过厚，体质娇柔，而且珠翠盈前，婉妍列侍，纵熊黑之叶梦^③，难桂柏以参天。复有痴由贪起，利令智昏者；有雪案萤窗，剖心喷血者；有粟陈贯朽，握算持筹，不觉形衰气痿者；有志高命蹇，妄念钻营，以致心倦神疲者。凡此耗本伤元，胚胎之植，安保其深根固蒂也！乃若藜藿之家，形劳志一，愿足心安，守盎廩瓶仓，对荆钗裙布，乃其神志无伤，反得胎婴自固，以此较彼，得失判然矣。若夫怒伤元气，劳役形骸，迅雷烈风，严寒酷暑，日月薄蚀，病体初安，醉饱伤神，落红未净，胎孕之由斯愈薄，实又成于人所不觉者，故今之禀受，十有九虚，究其所因，多半率由于是。业斯道者，当知气化厚薄，人事浇醇，因以察其胎元之受于父母者之盛衰坚脆，庶几近焉。若但以上古成方，而治今时薄弱，胶柱鼓瑟，究归无当，泥而不通，未可以言达于理也。

护胎

《易》曰：天地氤氲，万物化醇；男女媾精，万物化生。盖天地生生之道，终古为然矣。《颅凶经》曰：一月为胞胎，精气凝也；二月为胎形，始成胚也；三月阳粹为三魂；四月阴灵为七魄；五月应五行，分五脏也；六月应六律，定六腑也；七月精开窍，通光明也；八月元神具，降真灵也；九月宫室罗布，以御外侮；十月受气足，万象成也。此胎元长养，造化自然，非人力也。第妊母脏气护胎，仍若四时之有序：足厥阴肝、足少阳胆，属木旺春，养胎在一月二月；手心主包络、手少阳三焦，属火旺夏，养胎在三月四月；足太阴脾、足阳明胃，属土旺长夏，养胎在五月六月；手太阴肺、手阳明大肠，属金旺秋，养胎在七月八月；足少阴肾，属水旺冬，养胎在九月至十月。儿气已足，待时而生。惟手少阴心，君主之官，神明之脏，虽不主月，而无月不在，其胎元长养，脏气护持，可谓至矣。而人事恣纵败坏，能保其冲任有恒乎？蓄德录曰：世人无不急于生子，要知生子之道，精气交媾，熔液成胎，故少欲之人恒多子，且易育，气固而精凝也；多欲之人常艰于，且易夭，气泄而精薄也。譬之酿酒然，斗米下斗水，则浓醇且耐久，其质全也；斗米倍下水，则淡；三倍四倍，则酒非酒，水非水矣，其真元少也。今人夜夜淫纵，精气妄泄，邪火上升，真阳愈惫，安能成胎，即侥幸生子，又安能必其有成！所以年少生子者，或多羸弱，欲勤而精薄也；老年生子者，反

① 暘(yáng 扬)，晴，曝。《玉篇·日部》：“暘，日干物也。”

② 膏粱，膏粱、藜藿之省文。膏粱，原指甘美食物，此喻富贵人家；藜藿，原指粗劣食物，此喻贫穷人家。

③ 熊黑之叶梦：黑，熊的一种。熊黑，比喻男婴。《诗经·小雅·斯干》：“维熊维黑，男子之祥；维虺维蛇，女子之祥。”熊黑之叶梦，此喻生男之兆。

见强盛，欲少而精全也。且凡嗜于饮者，酒乱其性，精半非真，无非湿热；勤于欲者，孕后不节，盗泄母阴，耗其胎气，所谓恣纵败坏者，殆以是与。然父天母地，古人尝言之矣。父主阳施，犹天雨露；母主阴受，若地资生。胎成之后，阳精之凝，尤仗阴气护养，故胎婴在腹，与母同呼吸，共安危，而母之饥饱劳逸，喜怒忧惊，饮食寒温，起居慎肆，莫不相为休戚。古人胎教，今实难言。但愿妊娠之母，能节饮食，适寒暑，戒嗔恚，寡嗜欲，则善矣。此尤切于胞胎之急务，幸毋视为泛常而忽之。

指纹晰义

幼科指纹，总无正论，且游移不定，莫可稽考。有谓不必用者；有用而至于怪诞不经，诬民惑世者，是皆未明纹中之理，所以有用不用之殊议。请以一得之愚，聊发其要。盖此指纹与寸关尺同一脉也，按《内经》十二经络始于手太阴，即肺脉也。其支者从腕后出次指之端，而交于手阳明，支者，即旁支也。从手腕后出食指之端，而交通荣卫于手阳明大肠之经。即此指纹是也。明如景岳，犹谓此纹为手阳明浮络，不知手太阴经起于中府，而终于大指之少商，手阳明经起于食指之商阳，两不相值^①。若无此旁支交通荣卫，不几令太阴、阳明表里断绝乎！况此脉可诊，人所不知，其迟数代促与太渊一毫无异，但脉体差小，由旁支也。指纹之法，起于宋人钱仲阳，以食指分为三关：寅曰风关，卯曰气关，辰曰命关，其诀为风轻、气重、命危，虽未必其言悉验，而其义可取。盖位则自下而上，邪则自浅而深，证则自轻而重，人皆可信。只恨复出诡异之说，谬撰惊风门类，致后贤多歧亡羊，反成疑案。予意仲阳宋之明人，以孝见称，岂肯为此误世。大抵后之俗子，假托其名而为之者。惟有识者知其语言鄙俚，论证荒唐，便能弃置不用，如张景岳、夏禹铸辈，皆谓可不必用，盖非不用，实恶其妄诞不经，而无可取耳。近世医家，不知真伪，不辨是非，习而行之，乃致惑世诬民，祸害婴幼儿。夫医事动关生命，乃听无稽之言，流传贻殃，是岂其可。予虽不敏，

粗知经脉，每见幼科指纹之说，不胜发竖，欲为规正，恨非其人，知而不言，此心未慊^②，今幸余闲，请言其要。盖此指纹，即太渊脉之旁支也，则纹之变易，亦即太渊之变易，不必另立异说，眩人心目，但当以浮沉分表里，红紫辨寒热，淡滞定虚实，则用之不尽矣。倘舍此不图，妄执伪说以为是，临证不察病源，谬指为人惊、畜惊，逛惑愚昧。予恐盲人鬻马，终堕重渊，莫之能出矣。周虚中曰：指纹晰义之精，自仲阳以来，七百余年无人道及。今读至此，如梦初觉，如醉初醒，足以快人神智，真千古特识也。

世人乍闻此言，未能深信。姑就其舛谬之传，撮其大要以正之。其略曰：指上辨青纹，认是四足惊，虎口脉青色，是猪犬马惊，黑色因水扑，赤色火人惊，紫色多成泻，黄即是雷惊。又曰：青惊白是疳，黄即困脾端，青色大小曲，人惊并四足云云。凡此等之言，断非钱氏所出，实齐东野语，正人君子所不屑挂于齿颊者，然不指明其是非，人或以予言不实，今驳其最无理者，以博一笑。其曰：指上辨青纹，认是四足惊，虎口脉青色，是猪犬马惊，黑色因水扑，赤色火人惊，紫色多成泻，黄即是雷惊。是指纹之青黄赤黑，一皆惊之所致，然则小儿之赋禀厚薄，胎元寒热，以及内伤外感，杂证麻痘，数百之证，悉当以惊风称之，以惊风治之矣。不然除去青黄赤黑之纹，又将何者辨其非惊风乎？谬误之传，莫此为最！既云黄即困脾端矣，是谓指纹黄色，脾土受伤不足之证，又曰黄即是雷惊，似谓闻雷致惊，有余之候。假令小儿指纹见黄，不知此时应断为脾困乎，抑应断为雷惊乎？治之者，不知应治脾乎，应治其雷乎，或将合一为治乎？抑亦分晰其方乎？且脾困为虚，雷惊为实，治虚遗实，治实碍虚，兼治不能，分治不可，予亦莫知何所适从乎！至谓青色大小曲，人惊并四足。夫人与四足，灵蠢天渊，清浊冰炭，气化纯杂不侔，断无并列之理。今既曰人惊并四足矣，则是临证时，凡指纹青者，谓之人惊可也，即谓之四足惊亦可也。是人与四

① 值：相遇、相逢之义。《说文系传》：“值，一曰逢遇。”

② 慊(qiè且)：满足、快意。《集韵》：“慊，足也。”


足竟可以通称，而四足与人不几同类耶！即以纹曲之大小别之，原其意必谓大曲为人惊，小曲为四足惊，又安知人惊不为小曲，畜惊不为大曲乎？何所据而确知其人惊之曲必应大，畜惊之曲必应小？设使大曲之中仍有小曲，小曲之旁兼见大曲，得无曰此人惊中之畜惊，畜惊中之人惊耶？无稽之谈，不堪寓目。再究其治疗，更无是处。若谓人惊、畜惊总为一惊，不必论证，不须异治，则今之分大分小，指人指畜者，得非谗妄乎？若谓人惊、畜惊各为一惊，未可同论，正不知人惊为何病，畜惊为何证？宜以何物治人惊，何物治四足惊？既有已上之惊名，应立已上之证治，何以并无一法，而徒设此无稽虚言以诳俗，在庸妄固不足责，而立言诸公，不之规正，反为编次于书，遗误后世，吾恐有目者，未必不为之眦裂也。

再曰青惊白是疳。青惊即已前诸说，不必琐赘，至于白是疳，诚为妄诞。夫疳证即方脉之虚劳，在幼稚谓之疳积，本脾肾两伤之候，久之五脏俱损，中气败极，则面目肌肤俱见晃白，形如枯骨之象，故白是疳，此以形色言也。今以指纹当之，谬之甚矣。盖气血两伤，精神久亏之证，其纹必淡，凡虚证皆然，不特疳证已也。然止可言其色淡，不可谓之色白，盖指上从无白纹。予临证四十余载，未尝一遇。后人勿谓古人之言一定不易，必俟其指纹白色，始可称之为疳，若然，则疳证之儿无幸矣。故知按图索骥，终非解人；神而明之，始称匠手。指纹辨证，详列于下。

指纹切要附指纹三关图

小儿自弥月而至于三岁，犹未可以诊切，非无脉可诊，盖诊之难而虚实不易定也。小儿每怯生人，初见不无啼叫，呼吸先乱，神志仓忙，而迟数大小已失本来之象矣，诊之何益？不若以指纹之可见者，与而色病候相印证，此亦医中望切两兼之意也。

令人抱儿对立于向光之处，以左手握儿食指，以我右手拇指推儿三关，察其形色，细心体认，亦惟辨其表里寒热虚实足之矣。世人好异，不从实地用功，以此为浅近之谈，不屑留意，不



指纹三关图

知临证能辨此六者，便为至高之手。盖表里清则知病之在经在府，而汗下无误；寒热明则知用寒远热，用热远寒，或寒因寒用，热因热用，因事制宜，用无不当；虚实辨则知大虚有盛候，大实有羸状，不为假证眩惑，凡真虚真实易知，假虚假实难辨，真假既明，则无虚虚实实之患。于此切要关头，不知体会，但以不经之言欺世诳俗，谓何者为人惊，何者为畜惊，不特欺人，而且自欺，不特无益治疗，而且误人生命，是谁之咎哉。

三关部位歌

部位未以定轻重安危，由古有三关之说，姑存之耳

初起风关证未央，气关纹现急须防；

乍临命位诚危急，射甲通关病势彰。

纹现风关，为病邪初人之象，证尚轻微，体亦未困，治之诚易；纹现气关，邪气正盛，病已沉重，治之宜速；倘三关通度，纹出命关，则邪气弥漫，充塞经络，为至重之候；设透关射甲，则邪气无所容，高而不能降，为亢龙有悔之象，治之者切宜留心，慎毋轻视。

浮沉分表里歌

指纹何故乍然浮，邪在皮肤未足愁；

腠理不通名表证，急行疏散汗之投。

此纹与太渊脉相通，凡有外邪，太渊脉浮，此纹亦浮。盖邪在皮毛腠理之间，故指纹亦显露于外，谓之表证。速宜疏散，启其皮毛，开其腠理，使邪随微汗而解，一匕成功，何嫌而不投哉？

忽尔关纹渐渐沉，已知入里病方深。

莫将风药轻相试，须向阳明里证寻。

指纹见沉，知邪入里，但有浅深之别。若往来寒热，指纹半沉，尚在阳明胃经，治宜解肌；若外证壮热不已，指纹极沉，已入阳明胃府，速宜攻下。庸妄见其身热，犹以风药治之。盖病在内，治其外，非其治也；不特病邪不服，适足以燥其阴血，愈增其困耳。

红紫辨寒热歌

身安定见红黄色，红艳多从寒里得。

淡红隐隐本虚寒，莫待深红化为热。

神气泰宁，营卫静谧，定见太平景象。盖黄为中和之气，红乃文明之色，红黄隐隐，景物熙熙，焉有不安之理。寒邪初入皮毛，经络乍滞，所以纹见红鲜，由血滞也。无论内寒外寒，初病久病，一见此纹，总皆寒证。凡人中气怯弱，荣卫不充，纹必淡莹，淡而兼红，虚寒之应。至谓深红化热，其理安在？红本寒因^①，岂能化热？由其寒闭皮毛，腠理不通。盖入身内脏之气，时与皮毛之气相通贯，无一息之暂停，今寒闭汗孔，内出之气无所泄，郁于皮毛之间。渐积渐厚，而化为热矣。此内出之气为热，非外受之寒能变热也。

关纹见紫热之征，青色为风古所称。

伤食紫青痰气逆，三关青黑祸难胜。

荣行脉中，卫行脉外。热壅经络，阻其阴荣之道，所以纹紫。紫为热炽，千古定评也。少阳甲木，其色本青，肝胆受邪，纹见青色，此伤风候也，但可以风热称之，不可称惊风以误世。夫青者木之色，《内经》有在天为风，在地为木之言，所以风木同气，肝受风邪，纹必见青，此理最明最显。而幼科偏不言青为风，偏言青为惊。据幼科所论，惊出于心，然青非心之色，何以青为惊乎？此等牵强之说，最为谬误。予有惊风辟妄，详列二卷。紫而兼青，食伤之候，盖食饮有形之

物，阻抑中焦，壅遏脾气，不能宣布，故风木乘其困而侮之，所以痰气上逆也。疏通壅滞，令其流利可也。倘抑郁既久，脾气愈不运，荣卫愈见涩，则风痰食热，固结中焦，所以青而兼黑，此抑郁之至也，急宜攻下，庶有生机，误认惊风，百无一救。

淡滞定虚实歌

指纹淡淡亦堪惊，总为先天赋禀轻。

脾胃本虚中气弱，切防攻伐损胎婴。

小儿禀受阳虚，皮肤皓白，唇舌淡莹者，指纹四时皆淡，虽有病亦止淡红淡青淡紫而已。盖淡红虚寒，淡青虚风，淡紫虚热。此等之儿根本不坚，中气怯弱，无论新病久病，总归于虚，一毫攻伐，不敢轻用，倘误投克削，覆水难收，悔之迟矣。

关纹涩滞甚因由，邪遏阴荣卫气留。

食郁中焦风热炽，不行推荡更何求。

病邪阻郁荣卫，运行迟滞，升降羁留，所以指纹推之转涩，全无活泼流利之象，由食饮风热相搏，是为实证，急宜推荡，去其菀壅，其愈亦易。若三关纯黑，推之不动，死证也，不治。

纹形主病歌

腹疼纹入掌中心，弯内风寒次第侵。

纹向外弯痰食热，水形脾肺两伤阴。

掌心包络所主。纹入掌中，邪侵内脏，由中气寒也，故为腹痛。纹若弯弓，内外有别，其纹之两头弯向中指，为内为顺证，为外感风寒，治之犹易；其纹弯向大指，为外为逆证，为内伤饮食，治之稍难。形如水字，脾肺不足，食塞太阴，中气怯弱，脾不运化故也。或问指纹惟止一线，安能如水字之形？曰：不观太渊之脉，亦止一线，何以阳维阴维，阴跷阳跷，皆左右弹石，岂非水字之形乎，脉有左右，安知纹无左右，但能触类旁通，无往非理，岂特指纹为然哉。

凡看指纹，以我之大拇指侧面，推儿食指三关，切不可覆指而推。盖螺纹有火，克制肺金，纹

^① 因：光绪本作“应”。

必变色，又只可从命关推上风关，切不可从风关推出命关。此纹愈推愈出，其纹在先原未透关，误推而出之，大损肺气，慎之戒之。

以上表里寒热虚实，凿凿有据，但能于临证时认得此六字分明，胸中自有主宰，虽不中，不远矣。若但以惊证寒责，何难应对，第晨钟自问，未免怀惭，凡我同人，互为砥砺，幸矣！

小儿脉法

小儿三五岁，可以诊视，第手腕短促，三部莫分，惟以一指候之，诚非易易。《内经》诊视小儿，以大小缓急四脉为准。予不避僭越，体其意，竟易为浮沉迟数，而以有力无力定其虚实，似比大小缓急更为明悉，后贤其体认之。

内经脉要

黄帝曰：乳子而病热，脉悬小者何如？夫乳子病热，脉见悬小者，阳证见阴脉，本为大忌，但小而缓者邪之微，其愈易；小而急者邪之甚，为可虑，故以为问。岐伯曰：手足温者则生，寒则死。夫小儿以稚阳之体而加病热，脉不当小。若脉体虽小，手足温者，以四肢为诸阳之本，阳犹在也；若四肢寒冷者，则邪胜其正，元阳去矣，故曰死也。

帝曰：乳子中风热，喘鸣肩息者，脉何如？岐伯曰：喘鸣肩息者，脉实大也，缓则生，急则死。此言小儿之外感也。风热中于阳分，而喘鸣肩息者，脉当实大，但大而缓，则胃气存，邪渐退故生；实而急则真脏见，病日进，故死也。

此《内经》之旨。圣人立言简切，而总括无余。世人不悟，视为泛常，能于此等处着眼，则诊视之要，思过半矣。予之临证诊视，每论吉凶而多中者，亦不外此，第意之所至，口莫能宣。窃详《经》所谓大小缓急者，亦发而不露之意，盖大即浮洪类也，小即沉细类也，急即数也，缓即迟也。何若竟易以浮沉迟数之为得乎？再以节庵之有力无力辨其表里虚实，诚诊视小儿天然不易之妙诀。夫节庵亦一常人，而能以有力无力辨其阴阳表里寒热虚实，虽至显浅，至平易，却至确当，孰谓古今人不相及耶！

四脉主病

浮脉主表。病在外。沉脉主里。病在内。迟脉主脏。病为寒。数脉主腑。病为热。

五至四至为迟，为寒，为不足；浮迟外寒，沉迟内寒，有力实寒，无力虚寒。七至八至为数，为热，为太过。浮数表热，沉数里热，有力实热，无力虚热。

主证

浮而有力风热，无力阴虚；沉而有力痰食，无力气滞；迟而有力为痛，无力虚寒；数而有力实热，无力疮疡。

总括脉要歌

太渊一指定安危，六至中和五至亏。
七八热多三四冷，浮沉迟数贵详推。
有力为阳为实热，虚寒无力里何疑。
若能留意于中取，何致亡羊泣途^①岐。
浮而有力热兼风，风热皆阳，表之实也。
无力阴虚汗两蒙。阴荣妄泄，表之虚也。
有力而沉痰食害，痰凝食滞，结于里也。
沉沉无力气凝胸。气滞于中，不运思也。
迟而有力多为痛，浮迟外痛，沉迟内痛。
无力虚寒气血穷。气弱血衰，至虚之候。
数脉热多终有力，数而有力，实热何疑。
疮痍无力热虚攻。阴血受伤，虚热所致。

脉证宜忌歌

脉浮身热汗之松，阳邪居表，应从汗解。
沉细身凉莫强攻。无论表里，不堪攻伐。
咳嗽正嫌浮带数，浮缓为宜，浮数大忌。
细沉肿胀定知凶。脾胃虚寒，愈不运化。
沉迟下痢方为吉，气血俱伤，最嫌洪数。
洪大偏宜痘疹逢。阴阳充足，毒不能留。
腹痛不堪浮有力，三阴受病，浮则反常。
浮洪吐衄总无功。阳火大盛，阴血愈伤。

陶节庵曰：诊脉之要，无论浮沉迟数，但于有力无力中分。有力者为阳，为实，为热；无力者

^① 途，原作“远”，义未明，据光绪本改。

为阴，为虚，为寒。至哉斯言也，后贤无忽！

保产论

生产一道，天地自然之理，不待勉强而无难者也。然今之世，往往以难产闻者，得无以人事之失，而损其天耶？保产之术，可不详乎？世风不古，胎教久废，为母者既不能保于平时，而徒临产措置，犹觉其迟。谨将难产之由，详列于下，庶知预为调摄也。

难产七因

一因安逸。盖妇人怀胎，血以养之，气以护之。宜常时微劳，令气血周流，胞胎活动。如久坐久卧，以致气不运行，血不流顺，胎亦沉滞不活动，故令难产。常见田野劳苦之妇，忽然途中腹痛，立便生产可知。

二因奉养。盖胎之肥瘦，气通于母，母之所嗜，胎之所养。如恣食厚味，不知减节，故致胎肥而难产。常见藜藿之家，容易生产可知。

三因淫欲。古者妇人怀孕，即居侧室，与夫异寝，以淫欲最所当禁。盖胎在胞中，全赖气血育养，静则神藏，若情欲一动，火扰于中，血气沸腾。三月已前犯之，则易动胎小产；三月已后犯之，一则胞衣太厚而难产，一则胎元漏泄，于多肥白而不寿，且不观诸物乎。人与物均禀血气以生，然人之生子，不能胎胎顺，个个存；而牛马犬豕，胎胎俱易，个个无损，何也？盖牛马犬豕，一受胎后，则牝牡绝不相交。而人受孕，不能禁绝，矧^①有纵而无度者乎！

四因忧疑。今人求子之心虽切，保胎之计甚疏，或问卜祷神，或闻适有产变者，常怀忧惧，心悬意怯，因之产亦艰难。

五因软怯。如少妇初产，神气怯弱，子户未舒，更腰曲不伸，展转倾侧，儿不得出。又中年妇人生育既多，气虚血少，产亦艰难。

六因仓惶。有等愚蠢稳婆，不审正产弄产，但见腹痛，遽令努力，产妇无主，只得听从，以致横生倒生，于母不保。

七因虚乏。孕妇当产时，儿未欲生，用力太

早，及儿欲出，母力已乏，令儿停住，因而产户干涩，产亦艰难，惟大补气血助之可也。

产要附证气脱类

产妇临盆，必须听其自然，勿宜催逼，安其神志，勿使惊慌，直待瓜熟蒂圆，自当落矣。所以凡用稳婆，必择老成忠厚者，预先嘱之，及至临盆，务令从容镇静，不得用法催逼。尝见有稳婆忙冗性急者，恐顾此失彼，勉强试汤，分之掏之，逼之使下，多致头身未顺，而手足先出，或横或倒，为害不小。故未有紧阵，不可令其动手，切记要紧。又尝见奸诡之妇，故为哼呀之声，或轻事报重，以显己能，以图酬谢，因致产妇惊疑，害尤非细极当慎也。

孕妇将产不可占卜问神，如巫覡^②之徒，哄吓谋利。妄言吉凶，产妇闻之倍生疑惧，因令气血结滞，多致难产，所宜戒也。

怀孕六七个月，或八九个月，偶略曲身，胎忽乱动，三二日间，或痛或止，或有水下，惟腰不甚痛，胎未离经，名曰弄产。又有临产一月前，忽然腰痛，却又不产，此是转胞，名曰试月，胎水有无俱不妨，但宜直身坐卧行立，自然无事。又有伸手高处取物，忽然子鸣腹中，但令鞠躬，片时即安。

临产阵痛，有二三日，有五七日者。原非正产，惊动太早，于未出胞，非难产也。但听其坐卧任意，不得扶坐努力，而令其忧疑气馁。惟劝其饮食，以药饵滋补之。

临产有七候：脐腹急痛，腰间重坠，眼中出火，粪门迸急，产户肿满，手中指筋脉跳动，胞水或血俱下。方是于出胞时，始可用力。如数证未备，即一二日，切不可使其努挣。又有胞水已下，儿头已至产门，三四日仍不下者，因母气先馁，此时惟人参为专功，力不能者，大剂八珍汤，补其元气，调其饮食，时至自生。

临产时饮食减少，最为可虑，即宜以独参汤

① 矧(shěn 沈)：况且之义。《尔雅·释言》：“矧，况也。”

② 覡(xī 席)：男巫。《说文》：“覡，能齐肃事神明者，在男曰覡，在女曰巫。”

常服,不可使其精力衰乏。若交骨不开,由血气衰不能运达,宜十全大补汤助之自开,加味芎归汤亦可。

临产时惊动太早,血先下而胎元干涸,僵死腹中,不必惊惶。惟令产母上床稳卧,切勿用力努挣,徒伤神气,第宜勉进饮食,勿令气乏。予治极多,十可全十。惟以脱花煎加芒硝三五钱,水煎热服,其化水而下矣。古方以平胃散加芒硝,下死胎,下胞衣,功虽最捷,而暗中有损。予见数人用此者,胞胎虽下,则产妇过一二年皆夭,无一免者。大都平胃散克伐胃气,而芒硝咸寒伤血,所以脏腑暗中受损。今易用脱花煎,药味甘温,而归、芎生血活血,肉桂暖血,更加附子一二钱,虽芒硝之寒,不能为害矣。此等之事,非临证久者,莫知其弊也。予尝治一少妇,年二十四,原系初产,总由慌忙急促,产不如法,乃至久不能下,延予至而胎已死矣。问产妇腹内动否?曰不动,小腹阴冷。知其胎死无疑,欲用前药,虑其初产,门户未舒,因与主家商酌,肯听予言,则万无一失。今死胎僵硬,以药下之,恐交骨未开,必损其母,莫若以十全大补倍参、桂,一以扶产母精力,二可以暖其下元,使胎自烂,始能保全无恙。主家以予言为是,依此行之,以十全大补倍参、桂,服一剂后,腹中温暖,不痛不急。予曰得之矣,所虑者腹痛作坠,今不痛不坠,可以耐之。更幸产妇年力本强,脾胃素健,每食干饭三盂,肥鸡半只;予见更喜,以其中气不衰,自堪承任,仍每日如是调理,到五日而死胎自下,糜烂臭秽不堪,产母精神如旧,毫无伤损。可见死胎不忙不乱,尚能保全,况生胎乎?第人不肯安静,必欲强为,奈之何哉!

产时予有出户之势,转身差缓,母力一逼,或手或足,或横或倒,又有生路未顺,儿头偏挂左右腿畔,名曰偏产;又有儿头偏挂谷道,名曰枵^①后。此等数证,稳婆精巧者,则不须服药;若稳婆无用者,急扶产母上床,正身仰卧,厚被覆之,令老成稳婆徐徐往上推之,内服补中益气汤升提之,须臾提上重新转身,儿头已对产门,急扶即下。

产时门户俱正,儿已露顶而不下,此转身时

脐带绊其肩也。扶母正身仰卧,轻轻推儿向上,以手指轻按儿肩,去其脐带,然后用力送下。

胎衣来迟,气虚弱也,急服脱花煎。若血流入衣中,胀闷疼痛,脱花煎加芒硝下之。或有能事稳婆,以手循脐带而上,以中指顶其衣,轻覆衣中之血,从容俟之亦下,此良法也。

产时用力太早,水衣先破,被风所吹,产户肿胀,干涩狭小者,以紫苏煎汤熏洗,以香油和蜜润之,从容俟之,无不下者。

产时肠先出,用净盆盛温水,少入香油养润,待儿与胞衣下时,母略仰卧,自己吸气上升,稳婆以香油涂手,徐徐送入,或浓煎黄芪汤浸之,内服补中益气汤即上。又有儿并胞衣下后,膀胱坠出产户者,用前法送入,仍服补中益气汤。若稳婆不懂,膀胱扯破者,八珍汤加猪脬为引,服之可复。

产毕产门不闭,血气大虚,十全大补汤。若因胎大而擦伤产门者,蕲艾、益母草煎汤洗之。

产时胞胎既下,气血俱去,忽尔眼黑头眩,神昏口噤,昏不知人。古人多云恶露乘虚上攻,故致血晕。不知此证有二:一曰血晕,一曰气脱。若以气脱作血晕,而用辛香逐血化痰之剂,则立刻毙矣。不可不慎。

一曰^②气脱证。产时血既大下,则血去气亦去,故昏晕不省,微虚者少刻即苏,大虚者竭脱即死。但察其面目,如眼闭口开,手撒手冷,六脉微细之甚,或浮而散乱,此即气脱证也。速用人参,多则五七钱,少则三二钱,加人炒米、煨姜、红枣,煎汤徐徐灌之,但得下咽,即可救活;若少延迟则无及矣。无力备参者,以大剂当归补血汤加炒米、煨姜、红枣,煎汤灌下,亦能救之。

[附血晕^③气脱案] 州左濠阳云轩高君夫人梁氏,膏粱之稟,其质最怯,产育亦多;戊午分娩,未见过艰,产下精神犹健。云翁不以为意,与予闲话中庭。殊因一时下血过多,忽报倒仆于地。急视之,则口张手撒,面唇俱黑,呼吸已寂然

① 枵(chēng 撑):支撑之义。

② 曰:原脱,据上文“一曰气脱,一曰血晕”之意补。

③ 血晕:原脱,据目录补。

矣。幸人参有便，煎之不及，即以一枝碎嚼，纳产妇口中，以滚汤灌之，方得下咽，一吐倾囊而出，盖胃气已不纳受矣。又嚼又灌，连嚼五枝，虽吐而未尽出。良久，暖气一声而呼吸渐回，仍大进参术而愈。自后分娩，不复为难。客岁复妊，偶患微痔。予曰：孕中患痔，难于用药，姑缓图之。云翁深以为是，而夫人必欲速愈。予知其不可，不敢承任，劝其更医。连易数手，分毫无效，复延外科，妄用毒药，胎虽未堕，而疮愈而坠而不收，以致昼夜呼号，窘迫万状，精神形质，困惫已极。及至临月，见其面唇白晄，声息至微，六脉空浮而无根。当夜用参三钱，服十全大补一剂，次早胞水已下，煎参七钱，以鸡汤冲服，登时即产一男，产妇精神胜旧。不愈三朝偶沾外感，头疼身痛，恶寒发热，投以熟料五积散而愈。未数日，忽因恼怒，陡然上气喘急，咳嗽连声，胸前胀痛，喉内痰鸣，水米不入，略啜茶汤，则上下阻截，气不相续，数人扶坐，莫能伏枕，不时昏绝，举室惶惶。因诊其脉，则细数无伦，将近十至，予知为无根，脱气上冲，乃以八味地黄汤冀纳其气，二剂毫不为动。予曰：此等之证，非大补真元，莫能挽也。乃以六味回阳饮，参、附、桂、姜、归、地各三钱，加鹿茸五钱，一剂下咽，而气平能卧，四剂全安。曩^①之大脏干枯，业已滋润，而痔疮痛苦，亦不复言矣。此等脉证，在常俗之辈，必疑临产服参过多，非用宽胸下气不可，清降一投，下咽即毙，仍归罪于从前之参，必群起而吠之矣。不知临产之日，非猛进参术，则已脱于当产之际，何能至今！今之气喘，实由参力已过，虚证复现，子午不交，竭绝立至，非大力之方，安可挽回！此证得生，实由云翁学识超迈，胸中有主，惟予言是听，所以效捷桴鼓。精循俗见者，万无生理矣！

凡闭脱二证，不特产后宜辨，即中风中痰，气厥暑风，及卒然倒仆，昏晕不省，咸宜辨之。如牙关紧闭，两手握拳，谓之闭证，有余之候，即疏风化痰亦可用之；如口张，手撒，眼闭，遗尿，鼾声，谓之脱证，盖口张心绝，手撒脾绝，眼闭肝绝，遗尿肾绝，鼾声肺绝，皆元气竭绝之候，惟大进参、附，或可十中救一。

予见产后脱证，不敢服参而毙者，不知其

几。尝闻人曰：某产后无病忽尔眼暗，一晕而绝者；又某产后忽一呵欠，即口张气绝者，即此脱证是也。复有妄人，不知脱证为何事，不识人参为何物，而从中阻挠，不令服参而毙者，亦不知凡几。死者有知，能无抱九原^②之恸乎？

一曰^③血晕证。本由气虚，一时昏晕，然血壅痰盛者，亦或有之。如果形气、脉气俱有余，胸腹胀痛气粗，外证两手握拳，牙关紧闭，此血逆证也，黑神散；无胀无痛者，悉属气虚，大剂芎归汤加肉桂。

卒然晕倒，药有未及者，烧红秤锤，用瓦盆盛至床前，以醋沃之，令醋气入鼻，收神即醒。

产后百脉空虚，洗拭太早，令中风口噤，手足搐搦，角弓反张；或因怒气，发热迷闷，用荆芥穗酒炒至黑，大当归各三钱，用水半杯、酒半杯、童便半杯，煎至一杯，灌之，牙关紧，以簪抉开灌之，仍捻其鼻以手摩其喉，使得下喉即活矣。此即产后病痉，而幼科称为惊风者是也。

小产论^④

孕时触损脏气，胞系裂断，忽然胎坠，名曰小产。亏败子宫，较大产为尤甚，然治此亦不同大产，惟以滋补为上计。

冯楚醋曰：小产不可轻视，将养宜十倍于正产，大产如栗熟自脱，小产如生采之，破其皮壳，断其根蒂也。忽略成病者不少，因面致死者恒多。然此证始因敛血以成胎，继因精血以长养，终因精血不足而萎堕，故瘀血甚少。倘有腹痛成块有形，多属血虚气逆，惟大用温补，则新者生而瘀者去；若行消导破滞，则逆气愈攻而愈升，多致不救。更有血虚腹痛，复有阴亏不能纳气，以致瘦疝为患者，当以八味地黄丸加牛膝、五味，早晚服之自愈。

张景岳曰：凡小产有远近，其在二月三月者

① 曩：从前，过去。《玉篇》：“曩，久也。”

② 九原：九泉也，《说文》：“原，水泉本也。……篆文从泉。”

③ 曰：原脱，据上文“一曰气脱，一曰血晕”之意补。

④ 小产论：原脱，据目录补。

谓之近,五月六月谓之远,新受而产者其势轻,怀久而产者其势重,此皆人之所知也。至若尤有近者,则随孕随产矣。凡今艰嗣之家,犯此者十居五六。其为故也,总由纵欲而然,第自来人所不知,亦所不信。兹谨以笔代灯,用指迷者,倘济后人,实深愿也,请详言之。盖胎元始肇,一月如露珠,二月如桃花,三月四月而后,血脉形体具,五月六月而后,筋骨毛发生,方其初受,不过一滴之玄津耳,此其囊龠^①正无依,根茎尚无地,巩之则固,决之则流。故凡受胎之后,极宜节欲以防泛溢。而少年纵精,罔知忌憚,虽胎固欲轻者,保全亦多。其有兼人之勇者,或持强而不败,或既败而复战,当此时也,主方欲静,客不肯休,狂徒敲门撞户,顾彼水性热肠,有不启扉而走,随流而逝者乎!斯时也,落花与粉蝶齐飞,火枣共交梨并逸,合污同流,已莫知其昨日孕面今日产者矣,朔日孕而望日产者矣,随孕随产,本无形迹。在明产者,胎已成形,小产必觉;暗产者,胎仍似水,直溜何知。故凡今之衎衎^②家多无大产,以小产之多也,娶娼妓者多少于息,以其子宫滑溜,而惯于小产也。又尝见艰嗣之人而求方者,问其阳事,则曰能战,问其功夫,则曰尽通,问其意况,则怨叹曰:人皆有子,我独无。亦岂知人之明产,而尔之暗产耶!此外,如受胎三月五月,而每有堕者,虽衰薄之妇常有之,然必由纵欲不节,致伤母气而坠者,为尤多也。故凡恃强过勇者,多无子,以强弱之自相残也;纵肆不节者,多不育,以盗损胎元之气也。岂悉由妇入之罪哉。

此景岳见道之言,古人每曰寡欲多男,此即其注脚也。世人每恨不孕,孰知既受而暗损之,屡受而屡损之,终身无子,不亦宜乎!第有妇人由于衰弱,或阴阳偏胜,堕胎至于数次,而医者竟无一策以保固之,亦可哀矣!予有至圣至神保孕之方,屡经效验,但信而行之,断不相误。

集成三合保胎丸 此为素惯堕胎者设也。盖胎孕之屡堕,虽由于冲任亏,脾肾弱,若德性幽闲,内脏无火者,决不堕也;能清心节欲,起居有恒者,决不堕也。凡屡堕者,皆偏破之性,暴怒之人,以致于肝气有余,肝血不足,血虚生热,火

烁子宫;又或恣纵不节,其胎必漏而堕矣。而世之安胎者,无非执泥古法,以香、砂、芎、艾为保孕良图,不知热药安胎,犹抱薪救火,不惟无济而反速之。予甚不嫌。因以古之内补丸、杜仲丸、白术散三方合凑,名三合保胎丸。以条芩清肝火而凉血,白术扶中气以健脾,当归养血宁心,熟地滋阴补肾,续断填损伤而坚胞系,杜仲益腰膝而暖子宫。至怯者加以人参,力不能者不用亦可。药虽平易,功胜神丹,诚所谓针芥相投,捷如影向,凡屡堕者,服之无不保全,实亦妇科保孕安胎之圣药也。再有叮咛,凡屡堕者,受娠一月,即制此丸服之,盖堕胎必在三月五月七月之间,此三月内切忌房劳、恼怒,犯之必堕,七月已过,万无一失。方:

大怀地一十二两,用砂仁三两、老姜三两,同地黄入砂锅内,先以净水煮两昼夜,俟地黄将烂,始入好酒煮之,总以地黄糜烂为度,将酒煮干,取起,拣去砂仁、姜片不用,将地黄捣膏,听候 大当归去头尾,取身,切片,一十二两,以好酒洗过,晒干,听用 漂白术取净干片,一十五两,以黄土研碎,拌炒极黄,取起,筛去土,孕妇肥白者气虚,加二两 实条芩枯瓢者不用,取小实者,切片,六两,酒炒三次,孕妇黑瘦者加一两,性躁者二两 棉杜仲切片,一十二两,盐水拌炒,以丝断为度 川续断切片,一十二两,酒炒

上将后五味和为一处,火焙干燥,石磨磨为细末,筛过,以前地黄膏和匀,少加炼蜜,入石臼内捣千余杵,为丸绿豆大。每早盐汤送三钱,晚临卧酒送三钱,每日如此,不可间断。孕妇素怯者,须两料方可,自一月服起,过七个月方保无虞。此方至神至圣,幸勿轻视。

凡临产时,亟斋有六字真言:一曰睡,二曰忍痛,三曰慢临盆。予复有三字宝曰:未离经。较六字真言,更为亲切。盖六字真言出于常人之口,产妇未能深信;三字宝为医者之言,不容不信。诚保产金丹,回生上药。予以此法救人,莫可胜纪。凡临产家诊视,无论脉之滑涩,痛之紧

① 囊龠:古代冶铸用来吹风炽火的用具,犹今之风箱。罩于外者曰囊,鼓扇于内者曰龠。《老子》第五章:“天地之间,其犹囊龠乎?”

② 衎衎(hángyuàn 杭院):金元时指妓女,又指妓院。

缓,但曰未离经。仍嘱产妇曰,脉未离经,尚非正产,且脉气舒徐,定然安吉,惟宜加餐稳卧,俟其时至可也。此何意?盖孕育全赖母气为主,产妇闻其脉未离经,知时未到,不敢望其速下,惟安心耐之而已。产妇一安,举室皆安,庶无仓惶扰攘之患。天下原无难产之事,凡难产而致死者,总由时候未至,仓惶逼迫害之也。始则家长惊张不能镇定,继则产妇娇怯,不肯忍痛,或弄产,或转胞,稍有腹痛,随即声扬,无知稳婆,便称是产,而试水坐草,一任胡为。岂知七候未临,胎气未足,于在胞中,安然不动,欲令其产,焉可得乎?因其久而不下,产妇则惊惧忧疑,饮食不纳,渐至气怯神昏,常有未产而毙者矣。予临是证,但曰未离经,惟以大剂甘温之药与之,如八珍、十全之类,助其产母之元气。若为正产,则腹痛阵紧一阵,痛急自下;倘非正产,则腹痛渐减渐缓,胎元得暖而安矣。予之所经;稳婆谓头已平门,予诊得脉未离经,用固胎暖药而安之,有迟一月半月十日而产者,已经十数人矣。岂有头已平门,而能倒悬一月半月之理,即此可知稳婆之不足信。不观亟斋有曰:凡邪淫之妇,私胎并无难产,总因胎起于私,怕人知觉,只得极力忍痛,痛到极熟之时,则脱然而出。此岂有稳婆分掏,妙药催生乎。凡孕育能耐心忍痛,听其自然,则万举万全;若谓药能催生,予则未敢许也。至催生之法,谓产时胞浆已下,一二时辰不生,方可用之。盖浆乃养儿之物,浆干不产,必胎元无力,愈迟则愈干,力必愈乏,不得不以大补气血之药助其母力。又人参为至圣,其次则脱花煎、芎归汤皆可,然亦须子已出胞,交骨既开,门户已正,方为有益,若止凭产妇腹痛之言,稳婆头至之说,妄用催生方药,不惟无济,反速其毙,慎之戒之。

[人方]

十全大补汤

拣人参 炒白术 白茯苓 怀熟地 当归
身 正川芎 杭白芍 炙黄芪 上肉桂 炙甘
草

生姜、红枣为引。

八珍汤

拣人参 炒白术 白茯苓 大当归 正川
芎 白芍药 怀熟地
生姜、大枣为引。

加味芎归汤 治新产交骨不开。

当归 正川芎 油发灰 败龟板炙
水煎,热服。

周虚中曰:阳开^①而阴主阖,自然之理也。今交骨不开,阴极矣。必加肉桂以宣布阳和,庶为有济,若龟板、发灰之纯阴,仅可为通任脉之向导耳。

脱花煎 凡生产临盆,此方最佳,并治产难,经日不下,并死胎、胞衣不下俱妙。

全当归一钱 正川芎三钱 上青桂二钱
淮牛膝二钱 净车前一钱五分
水煎,加酒对服。

若胎死不下及胞衣不来,并加芒硝五钱,气虚困剧者,加人参二三钱,更加附子二钱,无不下者。此方比平胃散加芒硝,功胜百倍,以其药味甘温,不伤元气故也。

补中益气汤

拣人参 炒白术 炙黄芪 黑升麻 北柴
胡 全当归 广陈皮 炙甘草
生姜、大枣引。

当归补血汤 治产时去血过多,心内怔忡,头晕眼黑,昏沉不醒。

炙黄芪一两 当归身五钱
加炒米一两、生姜五片、大枣五枚,水煎服。

黑神散 治产后血晕,胸腹胀痛,气粗,牙关紧闭,两手握拳,血逆之证。

上青桂 全当归 杭白芍 黑炮姜 怀熟
地 大黑豆炒五钱
水煎,酒对服。

生化汤 此方去旧生新。凡产后无论有病无病,能服数剂,使恶露尽去,新血速生,诚产后之要药也。世俗每以红糖下瘀,反致损胃,戒之。

大归身五钱 正川芎二钱五分 光桃仁二十
一粒 黑炮姜一钱 炙甘草一钱
每日一剂,水热服,四五剂为度。

^① 阳开;据下文“阴主阖”,“阳”后似脱“主”字。

清魂散 治产后瘀血攻心，数日神昏不醒，瘀化为脓，流出臭秽而不知者，神效。

白当归三钱 正川芎二钱 鲜泽兰三钱
荆芥穗一钱 益母草二钱 拣人参一钱 炙甘草五分

生姜、大枣，水煎服。

加味芎归汤 催生及产后最为稳当，功亦巨。

当归身一两 大川芎五钱 上青桂二钱
催生但用此三味，水煎，酒对服，立下。

预防血晕，以本方加酒炒荆芥二钱，先将此药煎好，俟胞衣已下，随即服之，断无血晕之患。效经千百，断不误人。

八味地黄汤 产后气浮喘促，不甚虚者，以此纳气归元，至虚者不能。

怀熟地五钱 正怀山四钱 净枣皮三钱
白茯苓三钱 宣泽泻一钱 粉丹皮一钱 川附片二钱 上青桂二钱

水煎极浓，空心服。

六味回阳饮 凡真元已败，气血既亡，阴阳将脱，非此莫能挽回，诚回天赞化第一之功。此景岳新方，知者尚少。

大熟地五钱 大当归三钱 黑炮姜二钱
熟附子二钱 青化桂二钱 上拣参三五钱

加鹿茸数钱，功更捷。生姜、大枣为引，水煎，温服。此方不刚不猛，能回散失之元阳，能敛乱离之阴血，济急扶倾，无出其右者。

[催生简便方]

人能镇定耐痛待时，必无难产之患。或因仓惶急迫，不幸遇此，面催生之法，不可不知。又或穷乡僻壤，医药不便，诚为困苦，故附单方于此，以备急需。

治横生逆产，胞衣不下，并落死胎，用蓖麻子四十九粒，去壳研烂，于产妇头顶心剃去少发，以蓖麻膏涂之。须臾觉腹中提上，即宜除下，却急于足心涂之，自然顺生，生下即速去药，迟则恐防肠出。如胞衣不下，贴足心即下。

乡村僻壤无药之处，不幸遇此。即觅花椒叶、香圆叶、柚子叶、茱萸叶、生姜、生葱、紫苏，浓煎汤一盆。俟可下手，即产妇以小凳坐盆上，

浇汤淋洗其脐腹阴户，久久淋洗，气温血行，甃时即产。已上诸叶，少一二味亦不妨。

治死胎不下，及胞衣来迟。用黑豆一升炒香熟，入醋一大碗，煎至六七分，去豆取汤，分三次服之，以热手顺摩小腹，其胞胎俱下。

又方，用冬蜜一大杯，以百沸汤调，服之立下。如胞衣来迟，再服一碗即下。

治产难及横生逆产，或血海干枯，以败胎死不下，惶惶无措，死在须臾。急用皮硝五钱、熟附子一钱五分，好酒半杯、童便半杯，同煎三沸，温服立下，百发百中。

方治产妇元气弱极，胞衣来迟者。用真青化桂三钱、当归、川芎各钱半，酒煎，热服，立下。

下死胎。用麦芽半斤，捣碎，水二大碗，服之即下。

又方，天花粉酒炒四钱、上肉桂、淮牛膝、淡豆豉各三钱，用水二碗，煎至一碗，热服即下。

熟料五积散 此方专治妇人产后外感内伤，瘀血不行，痰凝气滞，头疼身痛，恶寒发热，心腹疼痛，寒热往来，似疟非疟，小腹胀满，伤风咳嗽，呕吐痰水，不思饮食，胸紧气急，手足搐搦，状类中风，回肢酸疼，浑身麻痹，凡产后一切无名怪证，并皆治之。

夫产后百节俱开，气血两败。外则腠理不密，易感风寒；内则脏腑空虚，易伤饮食，稍有不慎，诸证丛生。古书有产后以大补气血为主，杂病以末治之之戒，后世莫不遵之。惟事滋补，不知风寒未去，食饮未消，滋补一投，反成大害。味者犹以为药力未到，愈补愈深，死而后已。天下之通弊，莫此为甚。予昔于潭州遇师指授此方，按法治之，往辄裕如，不敢自秘，逢人口授，并曾刊板印送，于兹四十余载，活人莫可胜纪。但虑世人不悟，以为浅近之方，安能神应若是？故古人谓千金易得，一诀难求，予今诀破，庶狐疑顿释。方名五积者，谓此方能去寒积、血积、气积、痰积、食积也。今产后之病怯，正犯此五积，以五积之证，投五积之方，岂非药病相值乎！犹虑药味辛散，而以醋水拌炒，名熟料五积散，俾药性和缓，表面不发，消而不攻。方内所用肉桂解表逐寒，白芍和荣谐卫，苍术、厚朴走阳明面散满，

陈皮、半夏疏逆气以除痰，芎、归、姜、芷入血分而祛寒湿，枳壳、桔梗宽胸膈而利咽喉，茯苓去饮宁心，甘草和中补土。大虚大怯者，加人参，微虚者可不用。其为温中散寒之妙剂，用于产后，无往非宜。五积散本方原有人参，因世人不敢轻用，故方中未载。

香白芷一钱 上青桂一钱，此二味不必炒
川厚朴 正川芎 芽桔梗 陈枳壳 白云苓
炒苍术 杭白芍 法半夏 黑炮姜 炙甘草
广陈皮以上各一钱 全当归二钱

虚加人参一钱。

上药味皆宜秤过。除白芷、肉桂在外不炒，余药合为一剂。用好醋小半杯，净水一杯，与醋和匀，将药润湿，入锅内炒至黄色为度，取起摊地上去火毒，候冷，入白芷、肉桂在内，生姜三片、红枣三枚，净水二碗，煎至一碗，热服。此方至平稳，见效之后，依而服之，不拘剂数，以愈为度。惟产后大汗泄泻，或虚脱之证，忌之。盖此方但能去病，不能补虚，虚证有方在前，并宜参考。

[产后简便方]

产时母肠先出，然后儿生，产后其肠不收，甚为危迫。用醋半杯，新汲水半杯，调匀喷产妇而，每喷一缩，三喷收尽，真良法也。

又方，以蓖麻子四十九粒，去壳研烂，涂产妇头顶心，肠即收入，急去药，以温水洗净。倘其肠干燥难收，用磨刀水湿润其肠，再以雄磁石煎汤服之，其肠即收。

产妇及平居，偶回用力太过努伤，致子肠不收。用艾丸绿豆大，灸头顶心百会穴，三五壮即收。

又方，先以盐汤洗净，后用五灵脂烧烟于桶内，令患者坐桶上，熏之自上。

又方，用清油五斤，炼熟，以盆盛之，候温凉，令产妇坐油盆内，约一顿饭久，仍以皂角为细末，微以一厘吹入鼻中，令作嚏，立止。

产后玉门肿痛。用蛇床子三两，煎汤频洗，即愈。又以葱白和乳香捣成膏，贴肿上效。

产后乳汁不通。用天花粉炒黄为细末，每用二钱，以红饭豆煎浓汤调服，每日服二次，其乳

流溢。

产妇气血大虚无乳者。用：

全当归三钱 正川芎二钱 穿山甲炙 王不留一钱五分 川木通五分

猪蹄一只煮药，以猪蹄烂为度，去药服汤并蹄，立通。

产后阳气虚寒，玉门不闭。用：

石硫黄 海螵蛸 北五味
等分，共为末，掺患处，日三易。

产后玉门不闭，阴户突出。

石硫黄三钱 菟丝子 吴茱萸各二钱 蛇床子一钱五

水一大碗，煎至半碗，频洗自收。

产后擦破膀胱，不能小便而淋漓。

黄丝绢一尺，剪碎 牡丹皮 鲜白芨各一钱

将丹皮、白芨研为末，同黄绢用水一碗，煎至绢烂，空心服之。服时不可作声，作声则不效。

初诞救护

小儿初生，或不能发声，谓之梦生。多不知救，深为可悯。切勿断脐带，速用明火将胞衣炙暖，使暖气入儿腹，更以热汤荡洗脐带；却取猫一只，以布袋裹其头足，使伶俐妇人，拿住猫头，向儿耳边，以口喘猫耳，猫必大叫一声，儿即醒而开声，方可烧断脐带。

又有因难产，或冒风寒，举之迟，儿气欲绝，不能啼者，亦以前法温暖之，令暖气入腹，气回即苏，更令父母之真气呵而接之。

凡断脐带，世俗皆以刀剪断之，最为不妥。但以大纸拈蘸香油，燃火于脐带上，烧之令断。盖所以补接其阳气，不但为回生起死之良法，且日后^①无伤寒泄泻之患。

初生肾缩，乃受寒气所致。用硫黄、吴茱萸各三钱，研极细末，捣取葱汁调药涂脐腹；另以蛇床子烧烟，熏之即伸。

闷脐生者，儿粪门有一膜，闷住儿气，故不能出声，拍之则膜破而叫矣。又有用轻巧妇人，

① 口后：原作“后日”，据光绪本乙转。

以银簪轻轻挑破为甚便；或不能挑，急以暖衣紧包，勿令散放，以热水浸胞衣，寒天则以火炙之，久则热气入腹而气内鼓，其膜自破，声自出。

又有生下无谷道者，乃肺热闭于肛门。急以金银或玉簪，看其端的刺穿之，或以火针刺穿，但不可深。以油纸拈套住，免其再合。

儿初生下，遍身如鱼脬，或如水晶，破则流水。以密陀僧研细末抚^①之。

初生遍身无皮，俱是红肉，急以早米粉干扑之，俟其皮生则止。

初生大小便不通，腹胀危急者，急令妇人口含热水，吮儿之前后心，并脐下，手足心，共七处，每一处吮吸七口，以肉色红赤为止，须臾即通。又方，以葱汁、人乳，各半调匀，抹儿口中，须臾即通。

初生不原。以葱一根切碎，人乳半杯同煎，去葱取乳，分作四次服，即尿。不吮乳者，服此即吮乳。

调 变

小儿初生，饮食未开，胃气未动，廓然清虚之府，宜乘此时加意调变。于儿未啼之时，令精巧妇女，轻指探儿口，挖去污血，随以甘草汤，用软帛裹指蘸音羹汤，拭去口中涎沫。然后看儿面色，若身面俱红，唇舌紫赤，知其必有胎毒，每日用盐茶，但不可太咸，以帛蘸洗其口，去粘涎，日须五六次，此法至神至异，世所不知。盖儿之胎毒，藏于脾胃，口中多有粘涎，其马牙、鹅口、重舌，皆从此起，每日洗拭，则毒随涎去，病从何来？而且至简至易，何忽视而不为？倘胎毒重，直须洗过周岁方得。此有毒者之调变也。倘儿面唇淡莹，此为胎寒，不可用茶，惟以淡姜汤洗拭，每日一二次足矣。盖姜能开胃，而且和中，最切于时用者。至于古方之用黄连、大黄、朱砂、轻粉开口之法，此时断不可用。今时稟受，十有九虚，苦寒克削最不相宜。况姜儿初诞，如蛰虫出户，草木萌芽，卒遇暴雪严霜，未有不为其僵折者，以苦寒而入初诞之口，亦若是也。每见三朝七日，必有肚疼，口见乳，泄泻夜啼之证，是皆苦

寒伤胃之害，其孰能知之！

或曰：子言苦寒不可用于初诞之口，何以后之沆瀣丹及泻青丸，有三黄大黄，得无矛盾乎？曰：彼胎毒已现，外证可凭，有病病当，何大黄之足畏！今初诞开口，未辨毒之有无，即使有毒，尚然未发，深藏潜伏，声臭俱泯。程凤雏有言：正如间阎无事时，未可执平人而诛之曰，尔将为寇也。以苦寒而开口，是诛平人也；毒发而畏苦寒，是有寇不诛，乡原^②之仁，呜乎可也！

脐风论证

脐为百风总窍，五脏寒门，道家谓之下丹田^③，为人身之命蒂。儿在胎时，口鼻未通呼吸，惟脐间真息，随母之呼吸为呼吸；及其下地，因^④底一声，气通口鼻，而胎元之一息，不复为用矣。遂寄于脐内一寸三分，中虚一穴，左青右白，上赤下黑，中央黄色，八脉九窍，经纬联络，为真息往来之路，坎离交会之乡，凡修炼仙胎，皆从此处立基^⑤，所以谓之命蒂。故小儿初生惟脐之一系最重。断脐之时，不可不慎，或剪脐带太短，或束不紧，致外风侵入脐中，或浴儿时牵动脐带，水入生疮，客风乘虚而入，内伤于肾，肾传肝，肝传心，心传脾，脾传肺，蕴蓄其毒，发为脐风。其证面赤啼叫者心病；手足微搐者肝病；唇青口撮，痰涎塞壅者脾病；牙关紧急者肾病；啼哭不止者肺病。五脏之证略见一二者，犹可治，悉见者不治。

小儿初生，惟脐风为恶候。其证有三：曰脐风，曰噤口，曰锁肚。虽皆脐证，而寒热自别，治者宜详。

① 抚(yè页)：按压之义。原作“搨”字，字书无此字，《本草纲目》金石部卷八有“密陀僧生研抚之。”，据改。

② 乡原：据乡里中伪善斯世之人。原，通“愿”。《论语·阳货》：“乡原，德之贼也。”

③ 下丹田：人体部位名。在脐下曰下丹田，在心窝部曰中丹田，在两眉间曰上丹田。详见《抱朴子·地真》

④ 因(duō咄)：表示用力之声。《正字通》：“因，一说梵言，‘因地一声’，同‘咄’。”

⑤ 凡修炼……立基，光绪本无此十字。

一曰脐风。由断脐后为水湿寒所乘，入于脐而流于心脾，令肚腹胀满，吮乳口松，多啼不乳，此初起之时，速用火攻散之。若至气息喘急，啼声不出，或肚上青筋，吊疝作痛，此胎毒夹风邪入脏，外用火攻，内服指迷七气汤。方见二卷胎病论。若肚脐青肿，撮口不开，牙关紧闭，口吐白沫，爪甲青黑者，皆不治。

一曰噤口。其证眼闭口噤，啼声渐小，舌上聚肉如粟米状，吮乳不得，口吐白沫，大小便不通。遇此先看其上腭有点子，即以指甲轻轻刮破，以木香，白蔻仁各五分，煎汤化下沉香丹，利动脏腑，气顺自愈。

一曰锁肚。由胎中热毒壅盛，结于肛门，大便不通。急令妇女温水嗽口，吮儿之前后心，并脐下及手足心共七处，凡四五次；外以轻粉五分研末，蜂蜜少许，温水调服，以通为度。如更不通，以葱白三四寸长，用油抹润，轻透谷道，纳入二寸许，以通为快。若至七日有不通者，死。

古人之论脐风，皆谓由于水湿风冷所致，予则以为古论犹未尽也。盖脐有内外二因，有可治不可治之别。外因者，风湿所伤；内因者，禀父之真阳不足也。予尝见一士，孕育十数胎皆男，尽殇于七日内之脐风，无一存者。若谓外邪所伤，何以独伤此家之儿，又岂无一儿能避之者？此内因之显而易见也。凡男子之命门真阳不足者，右尺脉必细涩无神，生子必有脐风。此予察之详，见之确，非耳闻者比也。其外因者，病发于二三四五日之间，病生于六腑，故可治；内因者，必发于六七日之间，病生于五脏，故不可治。曩者夏禹铸有预防脐风之诀，谓三朝一七，看儿两眼角黄，必有脐风，不知禀受厚者，生下即满而红黄，乃为吉色，误认脐风，其害不小，此法不确。惟令乳母每日摸儿两乳，乳内有一小核，是其候也。然乳内有核发脐风者固多，而复有不发脐风者，此法十有七八，亦有二三分不确。但看小儿不时喷嚏，更多啼哭，吮乳口松，是真候也，急宜治之。第脐风之治，无一成法可遵，虽有疏风攻下之法，莫能济急。独予异授灯火，无论脐风痉搐，以及凶危险证，用药不给挽回者，此火可以生之，久经效验，未肯轻传。因见幼科不知火穴，往

往错误用之，反致引动风邪，蔽固火毒，致儿身热不退，火毒内攻，每多不救。故不忍隐秘，尽行吐露，以公诸世。世之幼科治病，辄曰剪风，曰截风。夫剪者，邀遏之谓也；截者，堵塞之谓也。以火攻用于中宫任脉所行之地，岂非堵遏其邪，而犯关门逐盗之戒乎？不知风邪之在入身，善行数变，无形无声，欲除其害，无如疏散条达而去之，不使久羁于荣卫经络则善矣。如仲景之治伤寒，而立汗吐下三法。邪之在表者，汗而散之；邪之在上者，吐而越之；邪之深入者，下而夺之。总欲其邪尽而后已，未闻有邀截之为也。今幼科不但不为逐邪，而反闭关绝险，阻其去路，使邪气进不可，退不能，猖狂踴躍，欲其不倒刃相攻，斩关逆犯者，不可得也。此皆为治者酿成之祸，于邪何尤？凡邪之伤人，未有不从三阳而入；驱除之法，亦必使其从三阳而出，故此火穴亦惟三阳有之。盖欲引其出表，断不使之入里也。敬为图说，请政大方。

用火口诀

夫婴儿全身灯火，诚幼科第一捷法，实有起死回生之功，火共六十四爇，阴符易数，能疏风散表，行气利痰，解郁开胸，醒昏定搐，一切凶危之候，火到病除。用火之时，倘值寒冬，必于房中燃烧明火，使儿不致受寒。灯草大小适中，以麻油染用。令老练妇入抱儿，解衣去帽，从左耳角孙起，总依后之歌诀用之。凡用火不可姑息，勿谓火数太多，恻其难受。盖小儿受病，由其经络凝滞，脏气不舒，以火散之，正欲使其大叫大哭，方得脏气流通，浑身得汗，荣卫宣畅，立时见功。此火暗合周天，不可减少，少则不效，若救脐风，非此不可。火穴图歌，并列于后^①。

集成神火歌附集成神火图^②

秘传神火天然理，始自角孙瘰脉起。
听宫曲鬓本神旁，次及天容仍右取。

^① 火穴图歌，并列于后；光绪本无此八字。

^② 集成神火歌附集成神火图：原为二个标题，据本书体例合为一。


凶会承浆左肩井，曲池合谷诸邪屏。
 气关已过至神门，右亦如之昏可醒。
 左乳根中七焦始，右亦如之何待齿。
 脐下阴交续命关，平平三点凶危止。
 脊中身柱至长强，肺俞阳陵承山当。
 昆仑解溪丘墟穴，涌泉右亦效之良。俞，音怒。

指明火穴


秘传神火天然理，始自角孙瘰脉起。凡用灯火，无论男婴女婴，皆从左边用起。角孙在耳尖上，瘰脉在耳后根。听官曲鬓本神旁，次及天容仍右取。听官在耳门前，曲鬓在鬓脚旁，本神在额角，天容在耳轮根下。左边已完，右亦如此。凶会承浆左肩井，曲池合谷诸邪屏。凶会即凶门，承浆在下唇宛宛中，肩井在肩上宛宛中，从左起故曰左肩井。曲池在肘弯上廉屈缝处，合谷在虎口近叉骨处。气关已过至神门，右亦如之昏可醒。气关在食指第二节，神门在掌后下廉锐骨之端。左完右亦如之。左乳根中七焦始，右乳根下亦如此。脐下阴交续命关，平平三点凶危止。阴交在肚脐下寸半，用火三焦。脊中身柱至长强，肺俞阳陵承山当。身柱在项骨三节下，从上至下九焦，至长强穴止。肺俞在两饭匙骨缝中，阳陵泉在膝外边下三寸，承山在脚肚尽处。昆仑解溪丘墟穴，涌泉右亦效之良。昆仑在外踝骨后，解溪在系鞋带处，丘墟在外踝骨前，涌泉在脚底中心，左脚焯完，右亦如之。

宜用火者

- 一 平素产子有脐风，则胎胎不爽。于产下第二日，勿待其发，先以此火散之，百不一失。
- 一 胎婴生下，多啼不乳，喷嚏呵欠，吮乳口松，是即脐风作矣，急以此火散之。
- 一 凡儿病目青色黑，扭项摇头，仰身擦面，或眼青怒视，或左右斜视，或上下窥视，或两目连札，或头项牵强，卷舌露筋，噓风撮口，啼哭咬人，或手如数物或两手牵引，或两足跳掣，忽扰忽乱，失张失志，但觉神情与常有异者，由从前表里不清，将欲作痉，此火至妙。
- 一 伤寒已痉，角弓反张，眼目斜视，左右搐搦，并中恶、客忤、痛证，与食填太阴，及一切风闭、火闭、痰闭、气闭，乍然卒死者，此火最神。



集成神火图(铜人正面)



集成神火图(铜人背面)

一 食伤脾胃，肚大青筋，于端日午时，用全身灯火，复于青筋开叉处，以火截之，一叉一点，其肚自消。

一 风寒痰气闭塞之证，用此火实有神功。凡用灯火既完，俟儿啼哭已定，即用金粟丹半丸，姜汤化服。服后以衣裹之，蒙其头面，令之安卧片时，以复其神志，其病如失。

切忌火者

一 小儿四时伤风感冒，身热出汗，大小便调，唇舌如常，口不作渴，此表病轻证也。疏解之则愈。愚人妄用，是谓轻病重治，反为不祥。

一 小儿邪已入里，身热面赤口渴，大小便秘，唇焦舌紫，眼红，或手足心热，夜热焦烦，舌上黄胎，扬手掷足，掀衣揭覆，此里证内热也。清利之自愈，不可用火，强用之，不特不能使热邪从里以达表，适足以助热而耗阴，致身热不退，在夏秋燥令，尤为大忌。

一 小儿大病久病，身体怯弱，面目青黄，唇舌白莹，摇头斜视，昏睡露眼，形骸消瘦，声息轻微，自汗盗汗，或一切呕吐泻利，痘麻疮痈，久虚久嗽，失血之后，精神疲倦，乳食减少，指纹沉细，六脉无神，此皆虚极之证。切忌火攻，虑其升散故也。

一 一切久热消渴疴证，形骸黑瘦，毛发焦枯，由阴亏血弱，虚热所为。误用灯火，愈增其燥，慎之！


一 灯火为儿科切要。今医家不特不明火穴，而并不辨寒热虚实，不当用而用之反为大害，惟依以前辨法，则用之无不当矣。

夏禹铸治脐风灯火法^① 附夏氏脐风火图

夏禹铸曰：脐风初发，吮乳必口松，两眼角挨眉心处，忽有黄色，宜急治之，治之最易；黄色到鼻，治之仍易；到人中、承浆，治之稍难；口不撮，微有吹嘘，犹可治也；至唇口收束锁紧，舌头强直，不必治矣。一见眉心鼻准有黄色，即用灯火于囟门一燎，人中、承浆，两手大拇指端少面各一燎，脐轮绕脐六燎，脐带未落，于带口一燎，既落，于落处一燎，共一十三燎，风便止而

黄即退矣。

予按：古今灯火，惟上全身火，有经有府，有理有法，无有出其右者。第火穴多，恐仓卒之际，在娴熟者不难，倘素未经练者，一时不能用，故附夏氏脐风火图^②于此，庶忙迫之时，可以济急。此火亦曾经验，第不及全身灯火耳。




夏禹铸脐风火图

回生艾火附急救穴位图^③

以前全身灯火，皆为实邪升散之用，并一切怪证莫可名状者，无不奏功。倘涉久病体虚，忽然精神溃乱，人事昏沉，前火则为不宜，须用回生艾火挽之。盖此火能回散失之元阳，收归气海，回其根蒂，免致离散。其法以生姜切为纸厚薄片，大如指甲，贴尾闾穴，脊骨尽处。命门穴，在腰脊间，前正对脐。以艾绒按紧如绿豆大，安姜片上，用火灸之，每穴以三炷为度；灸完，另以姜片贴脐下阴交穴，如前灸之。此火不特小儿可用，

① 夏禹铸治脐风灯火法：原无，据本节内容补。
 ② 图：原脱，据光绪本补。
 ③ 急救穴位图：原无，据本节附图补。

凡男、妇一切中风中痰，气厥阴证，虚寒竭脱，凶危之候，咸宜用之。有起死回生之功，幸毋轻视。



急救穴位图

凡小儿中恶、客忤，以及痰闭、风闭，乍然卒死，即以全身灯火醒之。倘一时未有其人，即以手指掐其人中穴，病轻者，一掐即啼哭而醒；倘不应，掐合谷；又不相应，掐中冲；若再不应，其病至重，则以艾丸如萝卜子大，于中冲穴灸之，火到即活。盖中冲一穴，为厥阴心包络之脉所出，其经与少阴心脏相通。此火一燃，则心中惕然而觉，倘此火全然不知，则百中不能救一矣。

[人方]

辰砂僵蚕散 治撮口、脐风、锁肚。

辰砂水飞，五钱 直僵蚕炒，一钱 天竺黄五分 蚌珍珠三分 直磨香一分

为末，每用少许，蜜调，抹儿口中。

龙胆汤 治身热脐风撮口。

龙胆草 钩藤钩 北柴胡 片黄芩炒 京赤芍 炙甘草 芽桔梗 白茯苓各五分 川大黄纸包，煨，一分

大枣一枚，水煎温服。

治撮口

用牛黄一分，研末，竹沥调，滴入口中。

又方，取蝎虎一个，即壁虎也。二个装瓶内，用朱砂细末，亦入瓶内，封其口月余，令食朱砂，取出，其身赤色，阴干为末，每一二分，酒调下。

又方，治撮口。用穿山甲用^①尾上甲三片，羊油炙极黄色，蝎梢七个，共为细末，入乳汁调涂乳上，令儿吮之，用厚衣包裹，须臾汗出即愈。

保生汤 治脐风^②、锁肚、口噤。

北防风七分 陈枳壳五分 小橘红四分 白茯神三分 荆芥穗三分 远志肉四分 制南星五分 芽桔梗三分 炙甘草二分

灯芯引。

二豆散 治脐肿突。

红饭豆 淡豆豉 天南星 鲜白藜各一钱 为末，用芭蕉自然汁少加香油调敷脐四旁，得小便自下，即愈。

龙骨散 治脐疮。

石龙骨煨，一钱 真轻粉五分 川黄连五钱 枯白矾煨，一钱

共为末，干掺。一方用大红羊绒，烧灰为末，敷之效。

[脐证简便方]

小儿初生，犯撮口、脐风、荷包风、鹅口风等，项并齿根边生白点，名马牙。啼哭不吮乳，即看口内坚硬之处，或牙根边白点，将针挑破出血，浓煎薄荷汤，磨京墨调匀，以指搅过，再以产母乱发蘸墨，满口擦之；仍用新青布蘸温水展口，即愈。

小儿脐风撮口。用完全生葱二根，捣烂取汁，又以直僵蚕三个，炒去丝，研极细末，以葱汁调匀，涂母乳头上。令儿吮之，或灌儿口内亦可。

小儿脐风撮口。以艾叶烧灰填脐上，以帛缚

① 用：校本同，疑为衍文。

② 脐风：原作“胎风”，据文意改。

之；若脐带已落，用蒜切薄片，贴脐上，以艾火灸之，候口中有艾气，立愈。

小儿噤风，初生口噤不乳。蝉蜕十四枚，全蝎去尾毒，洗去盐泥十四枚，炒干为细末，入轻粉三分。每用一匙，乳汁调灌。

小儿撮口，但看舌上有疮如粟米者是也。以蜈蚣炙焦，研末敷疮上。

撮口噤风，面黄色，气喘，声不出，由胎气挟热，流毒心脾，故令舌强唇青，聚^①口发噤，用直僵蚕二枚去嘴，略炒为末，蜜调，纳儿口中。

小儿十日内，口噤不乳，取大蜘蛛一枚，去足炙焦，研细末，入猪乳一小杯和匀。分作三次，徐徐灌之，神效无比。

小儿脐疮出血及脓。用海螵蛸、胭脂共为末，以油润疮，乃搽药。

初生护持

婴儿初生，肌肤未实，宜用旧絮护其背，亦不可太暖，更宜敷见风日，则血气刚强，肌肉致密；若藏于重帟密室；或厚衣过暖，则筋骨软脆，不任风寒，多易致病，衣衫当随寒热加减，但令背暖为佳，亦勿令其汗出，恐致表虚，风邪易入。乳哺亦不宜过饱，所谓忍三分饥，吃七分饱，频揉肚，少洗澡，皆至言也。又须令乳母预慎六淫七情，盖儿初生，借乳为命。善为乳母者，夏不欲热，热则致儿吐逆，冬不欲寒，寒则致儿咳嗽。怒乳则上气颠狂，醉乳则身热腹痛。新房而乳，则瘦瘠交脛不能行，新浴而乳，则发吐伤神。冷热不调，停积胸膈，结为痰饮，遂成壮热，壮热不已，乃成风痲；儿啼未定，剧以乳哺，气逆不消，因成乳癖；有孕而乳，致儿黄瘦，肚大脚小，名曰魁音忌。病。总之，乳母能慎寒暑、恚怒、厚味、炙博，庶乳汁清和，儿不致疾；否则阴阳偏胜，气血沸腾，乳汁败坏，必生诸病，若屡服药饵，则脏腑阴损，多变败证，均不可不知。

初诞之时，有于头额之前，发际之间灸之，及有以灯火遍身烧之，彼以为能截风路，不知适足以大开风门。盖火攻由儿有病，不得已而用之，无故而用，伐及无辜，诸病自兹始矣。戒之戒

之！

凡浴时须调和汤水，试看冷热。若不得所，令儿怖畏，况冬久浴则伤寒，夏久浴则伤热，其浴儿当护儿背，恐风寒从背而入。

凡浣儿衣，不可露于星月之下，易惹邪祟。如偶失收，当用醋炭熏过，方可衣之。有鸟名天地女^②，又名隐飞鸟，最喜阴雨夜过，飞鸣徘徊，其鸟纯雌无雄，善落羽毛于儿衣中，令儿作病，不可不谨。

凡当春夏月间，宜令其地卧，使不逆生长之气；如遇秋冬，宜就温和，使不逆收藏之令。

凡在春天，勿与护顶裹足，以致阳气不舒，因多发热。即至年长，下体亦令过暖，盖十六岁前，血气方盛，如日方升，惟真阴未足。下体主阴，得清凉则阴易长，过温暖则阴易消，故《曲礼》云：童子不衣裘裳。

夫人以脾胃为主，故乳哺须节，节则调养脾胃，过则损伤脾胃。夏天忌热乳，冬月忌寒乳，皆宜捏去之而后与之。凡食后不可与乳，乳后不可与食，小儿脾胃怯弱，乳食并进，难于消化，初得成积，久则成癖成疳，皆乳母不慎之过。

凡寒则加衣，热则减衣，过寒则气滞而血凝涩，过热则汗泄而腠理疏，以致风寒易入，疾病乃生。更忌解脱当风，易于感冒，然风和日暖，又当抱出游戏。如阴地草木，不见风日，未有能坚持者，又不可日置地间，令肚着地，以致脾宫受寒，腹痛泄泻，慎之慎之！

勿轻服药附冯楚瞻论

初诞之儿，未可轻药。盖无情草木，气味不纯，原非娇嫩者所宜，且问切无因，惟凭望色。粗疏之辈，寒热二字且不能辨，而欲其识证无差，未易得也。凡有微疾，不用仓忙，但令乳母严戒油腻荤酒，能得乳汁清和，一二日间，不药自愈。所谓不药为中医，至哉言也！每见愚人，儿稍不快，即忙觅医，练达者或不致误，疏略者惟以通套惊风药治之。此无事之中生出有事，伐及无

① 聚：光緒本作“撮”，义胜。

② 天地女，鸟名。古书又名姑获鸟、女鸟。

辜，病反致重。父母见其无效，是必更医，卒无善手，相与任意揣度，曰风、曰痰、曰惊、曰热。前药未行，后药继至，甚至日易数医，各为臆说，汤丸叠进，刻不容缓。嗟乎！药性不同，见识各异，娇嫩肠胃，岂堪此无情恶味扰攘于中！不必病能伤人，而药即可以死之矣。予每见不听劝戒，杂药妄投者，百无一救，哀哉！

冯楚瞻曰：凡为幼科，犹宜参看方脉诸书。盖幼稚名曰哑科，疾病痛苦，勿能告人，全赖治者细心详察。况幼科诸书，理浅言略，难明病源。惟以小儿不节饮食为执见，最重消磨；更以纯阳之子为定论，恣投寒苦。孰知易停滞者，脾气必虚，若图见小效于目前，则便遗大害于日后。况芽儿易虚易实。言虚者，正气易于虚也；言实者，邪气易于实也。然邪凑之实，必乘正气之虚，若不顾正气之虚，惟逐邪气之实，其有不败者几希！如寒伤荣也，但温养荣阴；风伤卫也，惟辛调卫气，但使荣卫和平而宣行，则客邪不攻而自散。使正气自行逐贼，则邪退而正气安然，如浮云一过，天日昭明也；若专投与气血无情之猛剂，客邪虽散，正气亦伤，乘虚之邪，将接踵而至矣。岂知正气不至空虚，邪必不能凑而为实。至于云纯阳者，以无阴而谓，乃稚阳耳，其阳几何？阴气未全，而复败其阳，将何以望其生长耶？况天地之气化日薄，男女之情性日漓，幼稚之禀受日弱，有禀父之阳气不足者，多犯气虚中满；有禀母之阴血不足者，多犯阴虚发热；患瘦则多犯肾虚内溃之证，此皆先天不足所致。近来比比皆然。若徒效上古克削寒凉，如肥儿丸、芦荟丸之类，则千中千死，莫能挽也。至云小儿阳火有余，不知火之有余，实由水之不足，壮水以制阳光，先贤至论；服寒凉百不一生，古哲格言。以不生之药，投欲生之儿，心何忍哉！凡小儿脾胃，自能消谷，今偶有停滞，则脾胃受伤，只健其脾胃，而谷自化矣。故方有助脾胃消化，推荡谷气者，有禀命门火衰，生火补土者，有一消一补者，有以补为消者，诚恐宽一分即耗一分元气也。夫人有生，惟此一气，易亏难复，何可轻耗？况幼稚之禀，尤为易亏，惟必根究先天之薄弱，而从方脉诸书求源探本以为治，斯能补救当代赤于元气

于后天，便亦培植后代赤子元气于先天，而寿世于无疆矣！若徒宗上古幼科浅略方论，则犹灌溉树木者，不顾根本，而惟洒润枝叶，欲望其生长，未之有也，而况复加铲削者乎？

药饵之误 张景岳

小儿气血未充，一生盛衰之基，全在幼时，此饮食之宜调，而药饵尤当慎也。今举世幼科，既不知此大本，又无的确明见；而惟苟完目前。故凡遍一病，则无论虚实寒热，但用海底兜法，而悉以散风消食，清痰降火，行滞利水之剂，总不出二十余味，一套混用，谬称稳当，何其诞也！夫有是病而用是药，则病受之；无是病而用是药，则元气受之。小儿元气几何，能无阴受其损而变生不测？此当今幼科之大病，而医之不可轻任者，正以此也。又见有爱子者，因其清瘦，每以为虑，而询之庸流，则不云痰火，必云食积，动以肥儿丸、保和丸之类，使之常服。不知肥儿丸以苦寒之品，最败元阳；保和丸以消导之物，极损胃气。谓其肥儿也，适足以瘦儿；谓其保和也，适足以违和耳。即如抱龙丸之类，亦不可轻易屡用。予尝见一富翁之子，每多痰气，或时惊叫，凡遇疾作，辄用此丸，一投而愈，彼时以为神丹，如此者不啻十余次。及其长也，则一无所知，凝然一痴物而已。岂非暗损元神所致耶？凡此克伐之剂，最当慎用，故必有真正火证痞热，乃宜肥儿丸及寒凉等剂；真正食积胀满，乃宜保和丸及消导等剂；真正痰火喘急，乃宜抱龙丸及化痰等剂。即用此者，亦不过中病则止，非可过也。倘不知此，而徒以肥儿、保和等名，乃欲借为保障，不知小儿之元气无多，病已伤之，而医复伐之，其有不萎败者，鲜矣！

看病诀

小儿初生，欲知其有病无病，以手捻其头，摸其颞颌^①，不作声者，为无病；以手指探其口，虽发声而从容啞指者，有病亦轻；若即发声，不

^① 颞颌：光绪本作“颞肉”。

唾指者，面色青红带紫，或牙关紧急，不纳乳汁，此落地受寒之甚，风邪入足太阳及足阳明而然也。须急治之，庶可平复。

初生之儿，肥胖色嫩，口觉好看者，此其根本不坚，甚非佳兆，且最易感冒风寒。邪入腑者，近在第二三日见之，其证吐乳夜啼腹鸣。此皆胎风之类，然证犹浅而易治，宜用全身灯火，十不失一。

若邪之人脏，远在六七见之，此即脐风、噤风、撮口风之候，若口噤舌大痰壅者，皆不治。盖病传人脏，系心脾肺三经也。此风气甚盛，无所发泄，便形见于喉口、牙关、声音也。

凡生下时，身破裂者死，阴囊白者死，阴不起者死，无粪门者死，股间无生肉者死，开口如鸦声者死，粉白花色者死，皮肉不光者死，泣不出声音者死，舌如猪肝色者死，面无彩色者死，脐带短大紫色者夭，生下浑身银白色者夭。生下未裹即撒尿者，杀父母，荡家产，在世终身劳苦。

寿夭辨

头者，诸阳之会，髓之海也。凡儿头角丰隆，髓海足也。背者，五脏六腑俞穴皆附于背。脊背平满，脏腑实也。腹者，水谷之海。腹皮宽厚，水谷盈也。目为肝窍，耳为肾窍，鼻为肺窍，口为脾窍，七窍无阙，形象全矣，故知肉实者脾足，筋强者肝足，骨坚者肾足，不妄言笑者心足，不多啼哭者肺足，哭声连续者肺实，不久眠睡者脾实，兼之脚健而壮，项长面肥，囊小而黑，根株面也。肌肉温润，荣卫和也，而更腮妍如桃，发黑似漆，表气实也；小便清长，大便滋润，里气实也。已上皆为寿相，其儿无病易养。

诸阳皆起于头，颅破项软者，阳衰于上；诸阴皆起于足，踺小脚蹇者，阴衰于下。鼻孔干燥肺枯，唇缩流津脾冷。发稀者血衰，项软者柱折。青紫之筋散见于面者，多病风热，兼之形枯色夭者，表虚；泻利无时者，里虚。疮疥啼哭及^①多笑语者，皆阳火妄动之候。已上皆为夭相，其儿多

病者难养。

凡声音清亮者寿，有回音者寿，哭声涩者病，散而无声者夭。

面部形色赋附面色部位图^②

察见形色，先分部位。左颊青龙属肝，右颊白虎属肺。天庭高而离阳心火，地角低而坎阴肾水。鼻在面中，脾应唇际。红色见而热痰壅盛，青色露而肝风怔悸。如煤之黑为痛，中恶逆传；似橘之黄食伤，脾虚吐利。白乃疳癆，紫为热炽。青遮日角难医，黑掩太阳不治。年寿赤光，多生脓血；山根青黑，每多灾异。朱雀贯于双瞳，火入水乡；青龙达于四白，肝乘肺位。泻痢而戴阳须防，咳嗽而拖蓝可忌。疼痛方股，面青而唇口撮；肝风欲发，面赤而目凝视。火光焰焰，外感风寒；金气浮浮，中藏积滞。乍黄乍白，疳积连绵；又赤又青，风邪癰疽。气乏凶门成坑，血衰头毛作穗。肝气眼生眵泪，脾冷流涎滞颐。面目虚浮，定腹胀而上喘；眉毛频蹙，必腹痛而多啼。左右两颊似青黛，知为客忤；风气二池如黄土，尤乃伤脾。风门黑主疝，青为风；方广光滑吉，昏暗危。手如数物兮，肝风将发；而若涂朱兮，心火燃眉。坐卧爱暖，风寒之入；伸缩就冷，烦躁何疑。肚大脚小，脾欲困而成疳；目瞪口张，势似危面必毙。噫！五体以头为尊，一而惟神可恃，况声之轻重不同，啼之干湿顿异。呵欠连绵，知病之欲作；忽然惊叫，炽火之将炜。此察证之规绳，幸拳拳而不悖。

此赋不出幼科之手，盖六朝时高阳生所作，临证辨证，颇为得理。予经验既久，所以知其不诬，今于字句未洽处，特为之更定。并加小注，非敢妄添蛇足，实为初学一助云。

辨色分注

察见形色，先分部位。欲辨形之强弱坚脆，色之夭泽枯荣，必先分上下左右之部，定五行四象^③之


① 及：光绪本作“反”，万氏《育婴秘诀》作“而”字。

② 面部形色赋附面色部位图，原为二个标题，据目录并为一。

③ 四象，据图当左、右太阴、太阳及震、兑、坎、离四方位。

位,然后按部察色,以定证之安危。左颊青龙属肝,右颊白虎属肺。《经》曰:左右者,阴阳之道路也。盖五行之位,木旺在卯,金旺在酉,天地之气,阳从左升,阴从右降,故以左颊配肝,右颊配肺。非谓左颊即是肝,右颊即是肺,无过以生杀之理,配木金龙虎之位,以候其脏气之强弱耳。天庭高而离阳心火,地角低而坎阴肾水。《周易》以东震西兑,南离北坎,定子午卯酉之四正。盖后天之用,有形者无不由之,故以心配离南之午火于天庭,肾配坎北之子水于地角,亦阳上阴下之义。第据其理而言之,非谓额上即心,唇下即肾,窃笑幼科未识渊源,刻舟求剑,未可向痴人说梦也。鼻在面中,脾应唇际。《内经》以鼻为面王,以其位居至中,内通呼吸,生死赖之,所以谓之中也。脾为中土,《经》曰:中央黄色,入通于脾,开窍于口;又曰:脾胃者仓廩之本,其华在唇四白。故曰脾应唇际,亦中州受纳之地也。或问既五脏之经脉未行于面,何以又从面部而察五脏之证,能无幻耶?曰:望色察证,《内经》之传,第轩岐大圣天人之学,后世莫能效法,所以据五行四象,列以部位,庶望色者有所凭依耳。又曰:布列虽按五行,恐内脏之气不应,奈之何哉?曰:五脏之脉实未行于面,而戴象论曰:十二经脉,三百六十五络,其气血皆上于面,而走空窍。盖人上下九窍,而七窍在面,目二、耳二、鼻二、口一,故目为肝窍,耳为肾窍,鼻为肺窍,口为脾窍,舌为心窍。有此诸窍,而后三百六十五络之气,皆通于面,故曰气血走空窍。由是按部察色,以决其吉凶,亦犹方脉之两手六部,分左心小肠肝胆肾,右①肺大肠脾胃命。夫两手惟一肺脉耳,他脏何涉?亦前哲按八卦方位,以手太阴一经巧分六部,以候十二经脏气之盛衰。然则脉之隐微莫视者,尚可候其成败,而色之一望显然者,独不可推其吉凶乎?医理至微,后贤幸毋忽略。红色见面热痰壅盛,青色露面肝风怔悸。此概言通面之色,通面为足阳明经所主。胃经郁热,面必淡红,热搏津液,定化为痰而壅滞;风邪冲并,面必见青,心神不安,则为怔忡惊悸。如煤之黑为痛,中恶逆传;似橘之黄食伤,脾虚吐利。面见黧黑,至凶之候,幸而暴病乍见,实为中恶之征。偶因恶毒之气,从鼻而入,肺先受之,阻遏正气,隧道不通,所以腹痛,邪盛不能自出,反致子乘母位而逆传,如肺传脾,脾传心者是也。橘黄,言其深黄也。脾司运化,乳食不停,何黄之有?由其运化失职,所以食填太阴,脾气凝滞,故深黄上面,必致有吐泻之虞。白乃疳痲,紫为热炽。白属肺气虚,子伤累母,所以脾必困而为疳;紫为风热炽,经络受邪,定化为壮热而不已。青遮日角难医,黑掩太阳不治。此下逐部分

言之。诸书皆误为口角,不知面部无口角之位,不但无此位,证亦全不符。盖小儿中气强者,唇不变色;中气虚寒者,十有九青,此为常候,非难医之证。今正之,日角,左额也。犹日之东升而为青色遮蔽,为木蔽阳光,病则必有疑难之虑。太阳,左右两额也。太阳为众阳之宗,属火旺夏,气色宜红,今黑色掩映,将有水来克火之象,定见伤残,故曰不治。年寿赤光,多生脓血;山根青黑,每多灾异。年寿,鼻梁也,为气之门户。赤光侵位,



面色部位图(五脏所属)

肺必受伤,气不流行,则血必凝滞,将有脓血之灾。山根,足阳明胃脉所起。大凡小儿脾胃无伤,则山根之脉不现;倘乳食过度,胃气抑郁,则青黑之纹,横截于山根之位,必有延绵啾唧,故曰灾异。朱雀贯于双瞳,火入水乡;青龙达于四白,肝乘肺位。朱雀,赤脉也;双瞳,肾水也。赤脉贯瞳,火乘水位,治宜泻心补肾。青龙,肝木也;四白,肺金也。白珠见青,肝风侵肺,治宜保肺平肝。泻痢而戴阳须防,咳嗽而拖蓝可忌。泻属脾病,痢属肾病,脾肾两脏既伤,先后二天并弱,面宜憔悴,今反面见红赤,知为虚阳上泛,故曰须防。咳嗽,肺病也;青者,肝色也。由其肺气已虚,肝无所畏,木乘金位,恐其生火以克金,故可忌。疼痛方殷,面青面唇口撮;肝风欲发,面赤而目凝视。疼痛,腹痛也。寒气侵脾,内脏无火,一派阴冷,阻抑阳和,故面青而唇撮也。凝视,目直视也。幼科指为肝病,其实太阳经本证。盖太阳之脉系目上网,血虚受寒,则上网紧急,故目直视。今指为肝风,必用风药耗其津液,反成不救,能知养

① 右:原作“左”,不切医理,据光绪本改。

血，其病自瘵。火光焰焰，外感风寒；金气浮浮，中藏积滞。通面火光，风寒伤胃，阳明怫郁，表未解也；黄色满面，食伤脾也，运人无功，久成积也。乍黄乍白，痞积连绵；又赤又青，风邪癰疽。黄为脾虚，白为肺弱，脾肺俱伤，无气以运。乳食难消，轻则为积，久则为疳；赤为火色，青为风色，风火相乘，荣血枯燥，筋脉牵强，甚则搐搦而为痉矣。气乏凶门成坑，血衰头毛作穗。小儿禀受精髓不足者，平日髓未充，赖气以充之，今大病之后，中气下陷，安保其凶不成坑耶？发乃血之余，血荣则发黑，今头毛如草之颖，知其荣血枯焦也。肝气眼生眵泪，脾冷流涎滞颐。眼属肝，肝气实则眵干硬，肝气虚则眵胶粘。寒伤肝则泪冷，热伤肝则泪热。脾主涎，脾气虚冷，不能收摄，故津液妄泄而滞于颐间，误为脾热，祸不旋踵。面目虚浮，定腹胀面上喘；眉毛频蹙，必腹痛而多啼。脾肺两虚，中宫寒肃，以致气不归根，反逆而^①之上，则上气喘急，面目虚浮，因知其内必腹胀。小儿知识未开，于七情六欲毫不相关，何频蹙之有？亦因脏寒腹痛，所以不时啼叫而频蹙不乐也。左右两颊似青黛，知为客忤^②；风气二池如黄土，无乃伤脾。左右两颊俱青，客忤之证。由小儿神气怯弱，阳和未充，外邪客气，得以乘之，从鼻而入，忤其正气，则口吐青黄白沫，面色变异不常，腹痛喘急者是也。风池、气池，眉上眼下也。风池属肝，气池属胃，如黄土之色，由木胜土复，所以真脏色见。风门黑主疝，青为风；方广光滑吉，昏暗危。风门，耳前也，少阳经所主，黑则为寒为疝，青则为燥为风；方广，眉稍也，亦少阳所主，光亮则吉，昏暗则危。手如数物兮，肝风将发；面若涂朱兮，心火燃眉。邪热伤神，手如数物，谓十指屈伸不定，如数物之状。速宜疏解热邪，断无肝风之发。淡红为阳明胃经表热，深红为少阴心经里热，面若涂朱，知为心热，心不可泻，惟泻小肠，丙火一清，丁火自息。坐卧爱暖，风寒之人；伸缩就冷，烦躁何疑。凡小儿侵入母怀，戴头密隐，欲入怀抱者，必恶风寒也。由风寒初入，未能化热，所以坐卧爱暖。邪已入里，则掀衣揭复，搗手露面，偃胸仰卧，口渴躁烦。由其内外皆热，所以欲就清凉。肚大脚小，脾欲困而成痞；目瞪口张，势似危而必毙。脾不运化而肚大，肌肉消削而脚小，盖脾主肌肉。由其乳食失节，所以脾困而成痞。膀胱绝而目瞪，肺气绝而口张，其势已危，必无可生之理。噫！五体以头为尊，一面惟神可恃，况声之轻重不同，啼之干湿顿异。呵欠连绵，知病之欲作；忽然惊叫，炽火之将炜。此察证之规绳，幸拳拳而不悖。头为元首，故以为尊。面分五

位，惟神是赖，神存则生，神亡则死，盖指眼光而言也。况声有轻重，啼有干湿，安得无辨？凡声微者，知其气不足；声壮者，知其气有余。哭而无泪者实，哭而多泪者虚。呵欠连绵，为阴阳交引，升降不前，知其病之将至；忽然大叫，则知火热扰神，必有壮热之证。倘能依此辨证，亦犹工之有规矩，乐之有六律，是则是效，是究是图，自不致有望洋之叹矣。

审颜色苗窍知表里之寒热虚实

夏禹铸曰：望闻问切，固医家之不可少一者也，在大方脉则然，而小儿科惟以望为主，问继之，闻则次，而切则无矣。《经》云：切而知之之谓巧，夫小儿以脉未全，切之无可切，而巧亦无所用其巧。问而知之之谓工，小儿于未言时，问之无可问，即于能言者问之，多不以实对，是问不必问，而工亦无所用其工。闻而知之之谓圣。小儿初病时，声音或不失其常，至病久而气衰，气衰而声失，闻之无可闻，而圣又何所见其圣？况书曰：哭声不响者赴阴君，面亦有不去阴君者何？无非疑其声而不得肺之绝与不绝故也。吾故曰：以望为主。曰：五脏之属，体陷而理微，望从何处？曰：体固陷矣，而发见于苗窍颜色之间者，用无不周；理固微矣，而昭著于四大、五官之外者，无一不显。《中庸》所谓“费而陷，微之显”者，不可引之相发明哉？故小儿病于内，必形于外，外者内之著也。望形审窍，自知其病，按病用药，见效之速，未有如响之应声者耳。内有脏：曰心、曰脾、曰肺、曰肾、曰肝，五脏不可望，惟望五脏之苗与窍。舌乃心之苗，红紫，心热也；肿黑，心火极也；淡白，虚也。鼻准与牙床乃脾之窍，鼻红燥，脾热也；惨黄，脾败也；牙床红肿，热也；破烂，胃火也。唇乃脾之窍，红紫，热也；淡白，虚也；黑者，脾将绝也。口右扯，肝风也；左扯，脾之痰也。鼻孔肺之窍，干燥，热也；流清涕，寒也。耳与齿乃肾之窍，耳鸣，气不和也；耳流浓，肾热也；齿如黄豆，肾气绝也。目乃肝之窍，勇视而睛转者，风也；直视而睛不转者，肝气将绝也。以目分言之，又属五脏之窍：黑珠属肝，

① 而：原作“血”，据光绪本改。

② 客忤，原作“忤客”，据下文乙转。

纯见黄色,凶证也;白珠属肺,色青,肝风侮肺也,淡黄色,脾有积滞也,老黄色,乃肺受湿热证也;瞳人属肾,无光彩又兼发黄,肾气虚也;大角属大肠,破烂,肺有风也;小角属小肠,破烂,心有热也;上胞属脾,肿则脾伤也;下胞属胃,青色,胃有风也;睡而露睛者,脾胃虚极也。面有五位,五脏各有所属:额属心,离火也;左腮属肝,震木也;右腮属肺,兑金也;口下属肾,坎水也;鼻准属脾,坤土也。五脏里也,六腑表也。小肠心之表,小便短黄涩痛,心热也;清长而利,心虚也。胃乃脾之表,唇红而吐,胃热也;唇惨白而吐,胃虚也;唇色平常而吐,作伤胃论。大肠肺之表,闭结,肺有火也;肺无热而便秘,血枯也,不可攻下;脱肛,肺虚也。胆乃肝之表,口苦,肝火也;闻声作惊,肝虚也。膀胱肾之表,筋肿筋痛,肾之寒气入膀胱也。面有五色:一曰红,红病在心,面红者热;一曰青,青病在肝,面青者痛;一曰黄,黄病在脾,面黄者脾伤;一曰白,白病在肺,面白者中寒;一曰黑,黑病在肾,而黑而无润色,肾气败也。望其色,若异于平日,而苗窍之色,与面色不^①相符,则脏腑虚实无有不验者矣。

简切辨证

小儿热证有七:而腮红,大便秘,小便黄,渴不止,上气急,足心热,眼红赤,此皆实热证,忌用温补。

小儿寒证有七:面白眇白,粪青白,肚虚胀,眼珠青,吐泻无热,足胫冷,睡露睛,此皆虚寒,忌用寒凉。

五脏所属之证

肝者,足厥阴木也,实则目赤大叫,呵欠额闷,虚则呵欠咬牙;有风则目连札,有热则目直视;成疳则白膜遮睛;主怒则性急大叫;哭甚则卵肿,热则大小便难,手寻衣领,手乱捻物,甚则撮空摸床,此丧魂病也。儿病时,目睛视物不转,或目合不开,或目开不合^②,或哭无泪,或不哭

泪出,皆肝绝也。

心者,手少阴火也,实则叫哭,发热饮水,虚则困卧,悸动不安;心血足则面色红润易养,心血亏则而色昏黯难养;热甚则津液干而病渴,神乱而卧不安,喜伏卧,舌破成疮,又为重舌、木舌,舌出不收之病。此病丹瘤、斑疹、龙缠、虎带、虫疥、燥疮,皆心之证也。如心病久,汗出发润,或舌出不收,暴暗不语,或神昏溃乱,或斑疹变黑,此皆心绝也。

脾者,足太阴土也,为水谷之海,实则困睡,身热饮水,虚则吐泻生风;伤湿则为肿、为胀、为黄、为吐泻。故脾病^③则腹痛;脾疳则肚大青筋;脾热则口臭唇疮,饮食不为肌肤,吐舌弄舌,口干饮水,寒则口角流涎,谓之滞颐。气不和则口频撮;虚则肉削而瘦,不喜饮食;伤食则成积,积久则成疳成癖。如脾久病,大肉消削,肚大青筋,或遍身虚肿,或吐泻不止,饮食不入,或多食而瘦,或虫出于口,或唇蹇而缩,皆脾绝也。

肺者,手太阴金也,实则闷乱喘促,虚则哽气长出。《经》曰:寒伤肺。由儿之衣薄受寒也。《经》曰:热伤肺。由儿之衣厚郁热也。寒热伤肺,则气逆而为喘为咳。脾受风,则喷嚏而流清涕;受寒则鼻塞,呼吸不利;受热则鼻干,或为衄血;成疳则鼻下赤烂;喘不止则面肿;咳不止则胸骨高,谓之龟胸;燥则渴不止,好饮水,谓之膈清。如肺久病,咳嗽连绵,喘息不休,或肩息,或龟胸,或咳血不止,或鼻孔黑燥,或鼻孔开张而喘,或泻痢不休,大孔如筒,或而目虚浮,上喘气逆,皆肺绝也。

肾者,足少阴水也,虚则目畏明,目中白睛多,其颅即解,色白眇白,骨髓不满,儿必畏寒,多为五软之证;尻骨不成则坐迟,髌骨不成则行迟,真阳不足则齿迟,血脉不荣则发稀,心气不足则语迟,热则耳中出脓生疳。如肾病久,身下窜,目中如见鬼状,或骨痿弱,卧不能起,或二便遗失,此皆肾败也。

① 不;光绪本无此字。

② 或目开不合;光绪本无此五字,疑衍。

③ 病;原作“痛”,据文意改。

变蒸辨附景岳说

幼科谓婴儿生下三十二日为一变，六十四日为一蒸。变者，变生五脏；蒸者，蒸养六腑，长气血而生精神，益智慧也。积五百七十六日而毕。凡遇变蒸，必身有热，或有惊惕，而口面唇舌俱不变色，身热或重轻，而精神与常无异，口中气出温和，三四日间自愈；或有热不退，乳母宜服小柴胡则安，此犹为幼科中杰出者之言也。乃考其变蒸方中，有用楛银丸之已豆、水银、黑铅、京墨、麝香之类而峻下之者，夫既曰长气血，生精神，益智慧，惟宜助其升生可也，顾且用毒劣，灭其化元，不几于非徒无益而又害之耶？据其说，以周天三百六十五度，应人身三百六十五骨节，内除手足四十五余骨外，止三百二十数，以生下一日主十段，十日百段，三十二日则三百二十段为一变，而以天一生水，地二生火为次序，则一变肾，二变膀胱，三变心，四变小肠，五变肝，六变胆，七变肺，八变大肠，九变脾，十变胃，虽无实据，而理有可取，即令以此为准，亦见确然不易之法；乃又有以水火相生为言者，则似为一肝，二胆，三心，四小肠，五脾，六胃，七肺，八大肠，九肾，十膀胱矣；复有以木金相克为言者，则又为一肝，二胆，三肺，四大肠，五心，六小肠，七脾，八胃，九肾，十膀胱矣。夫小儿脏腑骨度，生来已定，毫不可移易者，则变蒸应有定理，今则各逞己见，各为臆说，然则脏腑竟可以倒置，骨度亦可以更张，是非真伪，从何究诘？谓天一生水者为是，则木火相生，木金相克者非也；

谓木火相生，木金相克者为是，则天一生水者非矣。徒滋葛藤，迄无定论，将使来学何所适从？所幸变蒸非病，可任其颠倒错乱，假如变蒸为病，率宜依经用药者，岂不以脾病而治肾，膀胱病而治胃乎？总之，此等固执之言，不可为训。盖天地阴阳之理数，可限而不可限。如五运六气为一定不易之规，而有应至不至，不应至而至，往来胜复，主客加临，有应不应之殊。天地尚且如斯，而况婴儿之生。风土不侔，赋禀各异，时令有差，膏藜非一，而以此等定局，以限其某时应变，某时应蒸。予临证四十余载，从未见一儿依期作热而变者，有自生至长，未尝一热者，有生下十朝半月而常多作热者，岂变蒸之谓乎？凡小儿作热，总无一定，不必拘泥。后贤毋执以为实，而以正病作变蒸，迁延时日，误事不小，但依证治疗，自可生全。

张景岳曰：小儿变蒸之说，古所无也，至西晋王叔和始一言之，自隋唐巢氏以来，则日相传演，其说益繁。然以予观之，则似有未必然者，何也？盖儿胎月足离怀，气质虽未成实，而脏腑已皆完备，及既生之后，凡长养之机，则如月如苗，一息不容有间，百骸齐到，自当时异而日不同，岂复有此先彼后，如一变肾，二变膀胱，及每变必三十二日之理乎？又如小儿之病与不病；余所见者、治者，盖亦不少，凡属违和，则不因外感，必以内伤，初未闻有无因面病者，岂真变蒸之谓耶？又见保护得宜，面自生至长，毫无疾病者不少，抑又何也？虽有暗变之说，终亦不能信。然余恐临症者，有执迷之误，故道其愚昧若此，明达者以为然否？

幼幼集成卷之二

胎病论

儿之初生有病，亦惟胎弱、胎毒二者而已矣。胎弱者，禀受于气之不足也。子于父母，一体而分，而禀受不可不察。如禀肺气为皮毛，肺气不足，则皮薄怯寒，毛发不生；禀心气为血脉，心气不足，则血不华色，面无光彩；受脾气为肉，脾气不足，则肌肉不生，手足如削；受肝气为筋，肝气不足，则筋不束骨，机关不利；受肾气为骨，肾气不足，则骨节软弱，久不能行。此皆胎禀之病，随其脏气而求之。所谓父强母弱，生女必羸，父弱母强，生儿必弱。故小儿有头破颅解，神慢气怯，项软头倾，手足痿软，齿生不齐，发生不黑，行住坐立，须人扶掖者，此皆胎禀不足之故也。

胎毒者，即父母命门相火之毒也。命门者，男子以藏精，女子以系胞，道家谓之下丹田也。夫二五^①之精，妙合而凝，纯粹之精，熔液而成胎，淫佚之火，蓄之则为胎毒矣。盖人生而静，天之性也；感物而动，人之欲也。成胎之后，其母之关系尤紧。凡思虑火起于心，恚怒火生于肝，悲哀火郁于肺，甘肥火积于脾，淫纵火发于肾，五欲之火隐于母胞，遂结为胎毒。凡胎毒之发，如虫疥、流丹、温疮、痈疔、结核、重舌、木舌、鹅口、口疮，与夫胎热、胎寒、胎搐、胎黄之类是也。更如一七之脐风，百日之痰嗽，半岁之真搐，一周之流丹，此又毒之至酷至烈，而不可解者也。

胎寒者，母娠时患热病，多服寒冷之药，又或过餐生冷，令儿受之。生后昏昏多睡，间或吮乳泻白，此内因也。或百日之内，忽病战栗口冷，手足蹇曲不伸，腹痛啼叫不止，此生后受寒得之。治宜温散，指迷七气汤、助胃膏为佳。

胎热者，母娠时曾食辛热炙博之物，或患热病，失于清解，使儿受之。生后目闭面赤，眼胞浮肿，弩身呢呢作声，或啼叫惊烦，遍身壮热，小便

黄涩，此胎热也。若不早治，则丹瘤疮疖，由此而至，宜集成沉瀞丹，徐服解之，以平为度。

胎搐者，母娠时曾因惊恐，气传于子。生后频频作搐，其后身热面青，手足搐掣，牙关紧闭，腰直身僵，睛邪目闭，多啼不乳。此乃胎痛，不治之证。如因身有热而作者，必先啼叫，虽曰胎病，内外因也。宜天麻丸，后以六味地黄汤，滋其化源，久服自愈。

盘肠气者，幼科称内吊者是也。皆因胎气郁积，壅结荣卫，五脏六腑，无一舒畅。其气不能升降，筑隘肠胃之间，抵心而痛，其声辘辘，如猫吐恶，干啼口开，手足皆冷，宜疏散通气，调中散及木香丸。

脐突者，小儿多啼所致也。脐之下为气海，啼哭不止，则触动气海，气动于中，则脐突于外。其状突出光浮，如吹起者，捏之则微有声，用乱发烧灰，枯矾等分为细末，敷突脐上，以膏药贴之自消。

不乳者，小儿生下三二日间，忽然不乳。当询问之，勿以不乳作脐风治。盖脐风有多啼撮口之证，此则无之，但不乳耳。有吐乳，乳之又吐者，或因拭口不净，恶秽入腹也，宜用槟榔、木香、甘草煎汤与服；如啼哭不乳者，腹痛也，亦胎寒之象，宜木香、丁香、乳香、当归、甘草煎汤与服。如无已上诸证，无故不乳，宜问其母之乳汁多少，乳多者伤乳也，宜少节之，不久自思乳矣；乳少者必有他证，细心察之。

胎黄者，儿生下而目浑身皆黄如金色，或目闭，身上壮热，大便不通，小便如梔子汁，皮肤生疮，不思乳食，啼哭不止，此胎中受温热也。宜茵陈地黄汤，母子同服，以黄退为度。

胎肥者，儿生下遍身肌厚，肉色通红，面色亦红，而黑睛多，时时生痰，自满月以后，渐渐肌瘦，五心热而大便难，白睛粉红色，此名胎肥。是

^① 二五：二，指阴阳；五，指五行。

亦在胎时，母食甘肥，湿热太过，流入胞中，以致形质虚肥，血分壅热也。加减大连翘饮，外以浴体法浴之。

胎怯者，生下面无精光，肌肉瘦薄，大便白而身无血色，目无精彩，时时哽气多哕者，此即胎怯也，非育于父之暮年，即生于产多之孕妇。成胎之际，元精既已浇漓；受胎之后，气血复难长养，以致生来怯弱。若后天调理得宜者，十可保全一二，调元散助之。

[人方]

指迷七气汤 一切腹痛寒热，多啼不乳等证，皆由阴阳不升降，气道壅塞而然，并宜此方。凡入身内之气，呼吸出入，无刻不与天道阴阳之气通，故六淫外袭，则感而致病，翕^①受之理也。内气闭塞，则天道不通，升者不升，降者不降，寒热由此而生也。是方疏利脏腑，神化无方，最宜领会。

广陈皮 杭青皮 藿香叶 芽桔梗 蓬莪术 香附米 法半夏 上肉桂 公丁香 益智仁 老生姜 大红枣 炙甘草

上咬咀，水二碗，煎至一碗，母子同服。

助胃膏 治胎寒内钓，胃气虚弱，胸胁胀润，吮乳便青。

白豆蔻 肉豆蔻 面包，煨，去油 官拣参 广木香各五钱 公丁香三钱 藿香叶 云茯苓 漂白术土炒 真青桂 西砂仁 炙甘草各一两 广陈皮一两二钱 洋沉香二钱 怀山药一两五钱

为末，蜜丸芡实大。每一丸，炒米汤化服。

集成沆瀣 音杭械，北斗夜半所降之甘露也丹 治小儿一切胎毒，胎热胎黄，面赤目闭，鹅口口疮，重舌木舌，喉闭乳蛾，浑身壮热，小便黄赤，大便闭结，麻疹斑痧，游风疥癬，流丹癰疹，痰食风热，疔腮面肿，十种火丹，诸般风搐，并皆神效。

此方古书未载，得之异授，微似古之神芎丸。近有能者，妙出化裁而增损之，遂为幼科有一无二之神方，作三焦之主治。盖凡脏气流通者，必不郁滞，或受毒于妊前，或感邪于诞后，遂尔中气抑郁，则见以前诸证。方内所用黄芩清上

焦之热，黄柏清下焦之热，大黄清中焦之热，又借其有推陈致新之功，活血除烦之力，能导三焦郁火，从魄门而出；犹虑苦寒凝腻，复加槟榔、枳壳之辛散，为行气利痰之佐使，川芎、薄荷引头面风热，从高而下趋，连翘解毒除烦，赤芍调荣活血，牵牛利水，走气分而舒郁，滑石清润，抑阳火而扶阴，又能引邪热从小便而出，用治以前有余诸证，应如桴鼓。予生平最慎攻伐，惟此方用之最久，功效莫能殫述，真济世之良方。

杭川芎九钱，酒洗 锦庄黄九钱，酒洗 实黄芩九钱，酒炒 厚川柏九钱，酒炒 黑牵牛炒，取头末，六钱 薄荷叶四钱五分 粉滑石水飞，六钱 尖槟榔七钱五分，童便洗，晒 陈枳壳四钱五分，麸炒 净连翘除去心隔，取净，六钱 京赤芍炒，六钱

上十一味，依方炮制，和匀焙燥，研极细末，炼蜜为丸，如芡实大。月内之儿，每服一丸；稍大者，二丸俱用茶汤化服。乳母切忌油腻。但觉微有泄泻，则药力行，病即减矣；如不泄，再服之；重病，每日三服，以愈为度。此方断不峻厉，幸毋疑畏，惟胎寒胎怯，而青白者忌之。

天麻丸 治胎搐。先以此丸通其经络，次服地黄丸。

明天麻姜制 法半夏 北防风 川羌活 直僵蚕 北全蝎各五钱

为末，蜜丸，芡实大。每一丸，钩藤汤下。

六味地黄丸 即仲景所制金匱地黄丸。原治肾水亏损，小便淋沥，头目眩晕，腰腿酸软，阴虚发热，自汗盗汗，憔悴瘦弱，精神疲困。壮水之主，以制阳光，此方是也。

钱仲阳以之治小儿胎怯，禀受先天不足，并肝疳白膜遮睛，泻血失音，身瘦疮疥，肾怯语迟，解颅行迟等证。

薛立斋又以治小儿肝经血虚燥热，肾经虚热作渴。小便淋秘，痰气上壅或风淫客气，瘰疬结核，或四肢搐搦，眼目眵动，或咳血吐血，头目眩晕，或咽喉燥痛，口舌生疮，或禀肾不足，解颅失音，五迟五软，肾疳肝疳。凡肾肝不足之证，皆宜用此，以滋化源，其功不能尽述。

^① 翕，《玉篇》：“翕，合也。”

予按：钱、薛二翁，能用此方治小儿先天不足，诚卓然有识者，予所敬佩。奈今之小儿，体质元气，更不及前，古以地黄丸为补剂，今则实为凉剂矣。此药用于阴虚枯燥者，诚为得宜。倘儿肌肥面白，脾弱多痰者，服此必致臃膈，变生他证，其害不小。非方之不良，由今禀受愈薄也。予故为之斟酌其炮制，必使地黄阴凝之质，稍近阳和，不致沉寒沍沍^①，始能免臃膈损脾之患矣。

大怀地四两，以西砂仁一两不必捶碎，生姜二两切片，缝一小夏布袋，盛此二味，同地黄入砂锅，以水煮两昼夜，方入好酒煮一昼夜，以地黄糜烂为度，取起，其袋不用，以地黄捣膏，听候^② 白云苓二两，乳汁蒸晒 怀山药三两，乳汁蒸晒 净枣皮二两，炒研 粉丹皮一两，酒炒 宣泽泻一两，盐水炒焦

上依炮制，和匀一处，焙燥，研为细末。和前地黄膏，少加炼蜜，石臼内杵匀，重一钱一颗，半周一岁者，每用一丸，三五岁者二丸，俱空腹盐汤化下。倘丸一时未备，即以前药十分之一，但宜炮制，不可生用，水煎服之，名六味地黄汤，功效更捷。

调中散 治婴孩盘肠气，壅内筑痛。

青木香 川楝子 暗没药 白云苓 上青桂 杭青皮 莱菔子 陈枳壳 尖槟榔 炙甘草

等分，入葱白二寸，盐一钱，水煎空心服。

茵陈地黄汤 治初诞小儿，面目浑身，其黄如金，胎中受湿热也。

怀生地 京赤芍 正川芎 大当归 天花粉 赤茯苓 结猪苓 茵陈蒿 宣泽泻 诸药随时定分两，水煎，母子同服。

大连翘饮 治胎肥，解热毒。

净连翘 瞿麦穗 白滑石 牛蒡子 车前子 川木通 北防风 炒梔仁 片黄芩 荆芥穗 大当归 北柴胡 京赤芍 净蝉蜕 炙甘草

竹叶十片、灯芯十茎，水煎热服。

浴体法 治胎肥。

明天麻二钱 净全蝎去毒 箭朱砂各五分 乌蛇肉酒浸 枯白矾 洋青黛各三钱 真麝香一分

共研匀，每用三钱，水三碗，桃枝一握，同煎十沸，温热浴之，但勿浴背。

调元散 治胎怯。

官拣参 漂白术 白茯苓 化橘红 大当归 甘枸杞 炙甘草各二钱 陈粳米三合 为末，每服二三钱，龙眼煎汤调下。

八味地黄丸 治禀受先天不足。

即前六味地黄丸加青化桂一两、熟川附一两，治禀赋命门火衰。凡齿迟、语迟、行迟、凶门开大、肾疳等证，或火衰不能生土，以致脾土虚寒，不思乳食，脐壅疼痛，夜多漩溺，皆禀先天不足。自睽周时，即有虚病肾病，能自幼填补，亦多可复。此方用水煎，名八味地黄丸汤。《经》曰：益火之源，以消阴翳。此之谓也。凡乳母肥白者，母子同服。

惊风辟妄 喻嘉言论四段，集成论三段^③

喻嘉言曰：惊风一门，古人凿空妄谈，后世之小儿受其害者，不知千百亿兆。盖小儿初生，阴气未足，性禀纯阳，身内易致生热，热盛则生风生痰，亦所恒有，乃以惊风命名，随有八候^④之目。夫小儿腠理不密，更易感冒寒邪。寒邪中人，必先入太阳经。太阳之脉，起于目内眦，上额交巅，还出别下项，夹脊抵腰中，是以病则筋脉牵强，遂有抽掣搐搦种种不通名目。妄用金石煎磨，开关镇坠之药，引邪深入脏腑，千中千死。徒据小儿八岁以前无伤寒之说，而立惊风一门。殊不知小儿不耐伤寒，故初传太阳一经，早已身强多汗，膈脉牵强，人事昏沉，病势已极，汤药妄投，危亡接踵，何由得至传经解散哉！故言小儿无伤寒也。不知小易于外感，惟伤寒为独多，而世之妄称惊风者，即此也。是以小儿伤寒，要在

① 沍沍(hù) 互立，阴凝为害。沍，《庄子·齐物》：“沍，冻也。”；沍，害也。《汉书·王行志》：“气机伤谓之沍。”注：“沍，害也，水不利也。”

② 候：光绪本作“用”。

③ 喻嘉言四段，集成论三段：原脱，据目录补。

④ 八候，指惊风常见的八种症状，即：搐、搦、掣、颤、反、窜、视、引。见《古今医统》。

三日内即愈者为贵；若至传经，则无力耐之矣。且伤寒门中，刚痉无汗，柔痉有汗，小儿刚痉少，柔痉多。世俗见其汗出不止，神昏不醒，便以慢惊为名，妄用参芪术附，闭塞腠理，热邪不得外越，亦为大害，但比金石差减耳。所以凡治小儿之热，切须审其本元虚实，察其外邪重轻，或阴或阳，或表或里，但当彻其外邪出表，不当固邪人里也。仲景原有桂枝汤，舍而不用，徒事惊风，毫厘千里，害岂胜言哉！

又曰：小儿体脆神怯，不耐外感壮热，多成痉病。后世多以惊风立名，有四证^①八候之凿说。实则指痉病之头摇手动者，为惊风之抽掣；指痉病之卒口噤、脚挛急者，为惊风之搐搦；指痉病之背反张者，为惊风之角弓反张。幼科翕然宗之，病家坦然任之，不治外淫之邪，反投金石脑麝之药，千中千死而不悟也！

又曰：凡治小儿痉病，妄称惊风名色，轻用镇坠之药者，立杀其儿。此通国所当共禁者也。盖小儿不耐伤寒壮热，易致昏沉，即于其前放銃呐喊，有所不知。妄捏惊风，轻施镇坠，勾引外邪深入内脏，千中千死，从未有一救者，通国不为厉禁，宁有底止哉！

又曰：妇人产后，血舍空虚，外风易入。仲景谓新产亡血，虚，多汗出，喜中风，故令病痉。后贤各从血舍驱风，成法可遵，非甚不肖者，不妄用镇惊之药。不似小儿惊风之名，贻害千古，在贤智且不免焉。兹约通国，共为厉禁，革除惊风二字，不许出口入耳。凡儿病发热昏沉，务择伤寒名家，循经救治，百不失一，于以打破小儿人鬼关，天下共快也。

痉，攀上声，风强病也。前为喻先生辟除惊风，指明病痉之说，诚善矣！第惊风之名，误传既久，沉迷者众。倘不为之剖晰详明，指出证候治疗，俾临证者有所依归，则后人何能深信？予不辞狂瞽，请为详晰申明之。盖病痉非止一端，男妇皆有，不特小儿为然也。如太阳过汗变痉，风病误下变痉，疮家误汗变痉，产后汗多遇风变痉，跌扑破伤冒风变痉，表虚不任风寒变痉，一切去血过多变痉。然男妇病此，医者皆从太阳、厥阴循经救治，未闻以惊风之治治痉者；无如小儿病

痉，独以惊风为名而治者，由宋人之讹传也。一人倡之，遂群起而和之，然亦无师之智，各为臆说，愈趋愈下，遂致于离经叛道，乃有黄帝不知幼小之妄谈。殊不知《内经·通评虚实论》有乳子病热，乳子病风热脉证之辨；《逆顺肥瘦》^②有婴儿肉脆，血少气弱，毫针之传。《经》虽三章，而脉证治疗，井然可据。盖以今日之丈夫，即昔年之乳子；他时之方脉，即此际之幼科。人此人也，理此理也，安可岐之为二，故不另立科分。孰料后人不特岐之，而并皇皇经旨，全然抹煞，蒙蔽后人耳目，得肆其无稽之妄谈。背经毁圣，罪无可道！所以嘉言痛辟其谬者，有由来矣。予亦非妄言附和，实有成见，盖临证四十余载，所治婴幼儿以万计，从不以惊风挂齿颊，亦未尝遇一儿之惊风。间有伤寒病痉，昏迷不省者，予以火功苏之，仍为循经治疗，无不生全，从未假一抱龙、苏合为之镇坠开关。可见喻氏之言，确乎其不爽矣。或曰，《经》以风寒湿合邪而病痉，今乳子未离襁褓。安得有风寒湿而病痉乎？曰，子谓风寒湿婴儿绝少，殊不知风寒湿惟乳子为独多。如藜藿之儿，房廊卑隘，户牖萧疏，衣襟单寒，坐卧非处，风寒之来，孰能悉为捍御？膏粱之子，过于慎重，子其甫生，辄闭户塞牖，不亲风日，不窥外门，重衣叠绵，温暖过度，微汗时出，肤理甚疏，偶然脱换，风寒则乘虚而入矣。至于湿气，尤为难避。凡衣襟不干，非湿乎；衾褥遗溲，非湿乎；澡浴粪秽，非湿乎；愚夫愚妇，遇儿有疾，重衣复被，包裹严密，以致雨汗淋漓，失于更换，非湿乎？婴儿患是三者于隐微之中，而医者莫之能测也。况幼科诸君，临证不察病源，惟以惊风二字，横于胸臆。及至诊视，但见发热昏沉，即以惊风名之，辄以开关镇坠，截风守搐之死法，以治变幻莫测之伤寒，抑遏其表邪，邀拦其出路，乃致荼毒以死。而死者不知其然，父母不知其然，医者亦不知其所以然而死之也。此非后人之咎，作

① 四证：指惊风常见的四种病证，即：惊、风、痰、热。见《古今医统》。

② 逆顺肥瘦：原作“刺逆论”，据此下文意，当指《灵枢·逆顺肥瘦》，据改。

涌者不得辞其责矣。

妄名之害，其祸最酷。不特举世儿科满口惊风，而举世病家亦满口惊风，其至愚至惑者，又惟妇女为尤甚，习俗相沿，竟成一惊风世界。最可骇者，遇儿有疾，亦不察其为伤寒，为杂证，为内伤外感，且先曰病由于吓，致医者闻之，正中下怀，不辨是吓非吓，先与之镇惊。及其引邪入里，壮热不退，医者复不究其热之在表在里，为虚为实，且先曰热则生风矣，病家闻之适合其意，不察有风无风，先需截风定搐之药。医必投其所好而与之，病家坦然无疑而受之，南辕北辙，劫夺误投，病日沉危，而病家不以为怪。设有明者，辨证既确，不事惊风而病家不喜，是必更医，必致覆水难收，死而后已。如此死者，亦不可尽归咎于医，盖病家有以致之也。吁！妄名之为害如此乎？！

惊风之名，其来已久。今忽谓小作之病非惊风，必致投珠按剑，诧为不祥。予亦不必深辨，但以诸家惊风之说，逐细节录，亦不忍直指其姓氏、书目，凡有一家，惟书“有曰”二字于首。其中偏颇固执，支离牵强者，不辞狂瞽，小注其下而辨定之，则是非当有公论矣。

录诸家惊风论^{辨注附①} 愚有小注以辨其惑。

有曰：急惊身热目赤，口鼻气粗，痰凝潮壅，忽然而发，发过容色如旧。未有不因外感内伤，而无故身热目赤，气粗痰壅而发者。此突然而来，亦摹拟之辞也。有因惊骇者，亦有不因惊骇者，大都是火燥本急。由寒伤筋急者居多，未可尽指为火燥也。故身先有热，未身凉而发者。二语好，但应体究热从何来？始有实据。若但曰身先有热，不知此热在表在里，未足服人。证皆属阳，宜用凉剂。岂有不经疏散而辄用凉剂，不虑其引邪入里乎？除热化痰，则惊自息。昔人谓痰生热，热生风，风生惊，其实皆本气自病。何所据而知为本气自病？世人不解风自内生，焉知其不由外至，而尽由于内生？未确。徒执天麻、胆星、瓜蒌、贝母、僵蚕、全蝎杂乱风痰之药，治之不应，由于递相授受，以致祸世殃民，千古恨事。更以广东蜡丸、牛黄、紫雪治之，及至元气损伤，

虚痰上逼，胸膈膨胀，则谓证变结胸，有是理哉！此开门揖盗，引邪入里，误治致败之效。

有曰：惊者，吓也。惊由吓致。由儿先有内伤，复来外感，肺窍痰迷，心无所主，一着惊而即发也。既知先有内伤，复来外感，以致于肺窍痰迷，心无所主。此实由于病，非由于惊也。今日一着惊即发，则所重在惊，治之者不治病^②而治惊，置内伤外感于不问，而从事于无据之惊，弃本逐末，其害可胜言哉！

有曰：惊生于心，痰生于脾，风生于肝，热出于肺，此一定之理也。半真半妄，难曰确然。热盛则生风，风盛生痰，痰盛生惊，此贼邪必至之势。上云惊生于心，痰生于脾，风生于肝，热出于肺，惊风痰热，皆本脏自生，何以又为贼邪，不几认子作贼乎？！疗惊必先豁痰，豁痰必先祛风，祛风必先解热，而解热又以何者为先乎？肺主皮毛，皮毛为热邪出入之门户。此又明指外邪，则非心肝脾肺自生矣。彼风寒暑燥火六淫之来，前云风自内生，此又明言六淫外至，不知孰是孰非？皮毛受之，即入犯乎肺。肺本出热地也。肺主清肃之令，何以见肺为出热之地？《经》曰：形寒饮冷则伤肺。此门户岂热邪可以出入，而寒邪独不可以出入乎？燥火暑邪，一入则热，与热依而热盛；风寒湿邪一入，肺窍为之闭塞，六淫初来，无过皮毛，犹为太阳所主。若肯为之疏散，岂能便入肺窍，而致于闭寒耶？则热无所泄，而热亦盛。若解热必先祛邪。上云疗惊必先豁痰，豁痰必先祛风，祛风必先解热，解热必先祛邪。岂非在先竟不祛邪，以致邪不能解，而发热、生风、生痰、生惊；今者仍从发表祛邪起，而后解热祛风，豁痰定惊。何若在先肯为解表祛邪，岂不一了百当，又何致费如此周折乎？幼科镇坠凉泻之误，于斯尽见矣。

有曰：急惊者，肝经血虚，火动生风。此另换题目，别开生面。盖风生则阴血愈散，阴火愈炽；阴虚则阳火炽，此阴火又不知指何物为言也？火动肺金愈虚，肝邪愈炽。宜滋肝血，养脾气。若屡服祛风化痰泻火之剂而不效，若固火盛生风，则祛风化痰泻火之剂，不为误用。今屡服而不效，盖由证候不确，药不对病，所以费如许揣摩，亦终归于无济也。便宜认作脾虚血损。便宜认作妙，毫无确见，一味模棱。急补脾土。急补脾土，则知误治致变，刻不容缓，不然，何用

① 辨注附，原脱，据目录补。

② 病；光绪本作“痰”，据上文此处“病”当指内伤而言。

急乎？

有曰：急惊属木火土实，屢言木邪凌土，木旺土衰，何能有土实之证？木实则搐而有力，目上视动札频；土实则身热而赤而不吐泻，偃卧合睛，治宜凉泻。亦有因惊而发者，因惊而发，神虚可知。此为火虚，非火实也。以致牙关紧急，壮热等证，此内有实热，外挟风邪，此所挟之风，不知指内生之风耶，外来之风耶？当截风定搐。截风定搐四字，比干将、莫邪、龙泉、太阿更胜百倍。今天下幼科，皆用此利器也。

有曰：急惊者，壮热痰壅，窜视反张，搐搦掣动，牙关紧急，口中气热，颊赤唇红，脉浮洪数。此肝邪风热，阳盛阴虚证也。脉浮洪数，饮冷便结，明是伤寒之证，未经疏解，以致热邪入里，表里皆急，方显以上诸证。非疏里不足以解表，犹敢以急惊称之耶！

有曰：小儿惊风，肝病也，亦脾肾心肺病。诸书皆以小儿天癸未足，肾不主病，惟心肝脾肺主之。今忽言及于肾，诚所谓破天荒矣。盖小儿之真阴未足，柔不济刚，故肝邪易动，人身荣卫脉度，每日寅时起于手太阴肺，然后五十度周于身，至丑时终于足厥阴肝，寅时复交于肺，为阴阳大会之脏，贞下起元之所，而幼科目为肝邪，则人身无不邪之脏矣。则木能生火，火能生风，风热相搏则血虚，血虚筋急，寒伤阴荣，多见筋急。筋急则眩掉反张强直之类，皆肝木之本病也。此拾《内经》太阳筋所生病，而为惊风之色相，可笑！至其相移，木邪侮土则脾病，木盛金衰则肺病，木火上炎则心病，木火伤阴则肾病。肝为乙木，阴柔之体，芽蘖之姿，发生之本。天地无此风木，则春生夏长，秋实冬成者，以何物为刑德，五运无此丁壬，则苍黔①赤素玄，运行于五天之中者，以何物为从合；六气无此巳亥，则司天在泉，循环于左右两间者，以何物为对化；人生无此肝胆，则受孕一月，珠露方凝之际，以何物为鄞鄂，肇基化元，莫大乎此。而幼科一倡百和，目为万恶凶淫之害气。诸脏逢之，无不焦头烂额，乃至动风生火，凌土侮多，伤阴害水，诸恶毕备。即攻伐并至，不足以尽其辜，除非杀此婴儿，使肝本无置身之地，始可杜其凶残也。违心背理，其何以堪！或曰，大都肾水未足，肝气有余，所以害及诸脏，亦或有之，今必谓其无，恐难尽信。曰，嘻！此言愈相矛盾矣，既知肾水未足，肝气有余，则此无根之木，偏胜之气，摇摇不定，欲住无因，正宜速救根本，滋水以生之，养血以配之，汲汲培补，犹恨其迟，而敢认为贼邪，铲之削之，凌之虐之，坐令其雕零摧折，挽救无由，不亦大可悲哉！此五

脏惊风之大概也。此处明言五脏惊风，则惊风之属五脏也明矣。治之之法，有要存焉：一曰风，二曰火，三曰痰，四曰阳虚，五曰阴虚。忽添阳虚阴虚之治。

有曰：急慢惊风，古人所谓阴阳痫也。痫为痼疾，非暴病之谓，不应扯入。急惊属阳，慢惊属阴，惊邪入心，则面红颊赤，惕惕夜啼；入肝则而目俱青，眼睛窜视；入肾则而黑恶叫，啮齿咬人；入肺则而色淡白，喘息气急；入脾则呕吐不食，面色淡黄。前云惊者吓也，惟心脏受之足矣。此处忽曰惊邪入心、入肝、入肾、入肺、入脾。又不知指惊邪为何物？而哓哓然论之也。然风非火不动，火非风不发，风火相搏而成惊风，故心肝二脏主之。前云惊邪干五脏，则肝风无与焉，于此又必扯入肝风，以证其木火生风之妄语，令人作呕。然火盛则金伤，水失其母而火无所畏，且木无所制，而脾土又受伤矣。独不可曰水盛则火伤，土失其母而水无所畏，且金无所制，而肝木又受伤矣。牵枝带叶，何患无辞？不过欲实一肝风名目，而累及于五脏，即失火殃鱼，亡猿祸水，未若是之婪也。

有曰：急惊者，阳证也；小儿阳常有余，阴常不足。《经》曰：阳气者，若天与日，失其所则折寿而不彰。又曰：阳精下降，其人夭。《易》以阳为君子，阴喻小人，非贵阳贱阴，盖以阳主升生，阴主肃杀故也。幼科之人，必欲相反，圣人则扶阳抑阴，幼科则护阴贼阳，每每以阳有余阴不足为言，然虽谆谆言之，究竟不知其所谓。若谓血为阴，气为阳。《经》曰：婴儿肉脆，血少气弱。来尝曰血少气多。盖谓真气来生，惟此呼吸一线而已。今认为有余，必使此一线之气，出入全无，方可谓阳不足乎！若谓寒为阴，热为阳，寒主收敛，热主发生，人身所赖者，惟此阳和而已，有此阳和，则百骸五官方能运动。今认为有余，必使此温暖之气，寂灭无余。至于四肢僵水，遍体寒冰，方可谓阳不足乎？若谓水为阴，火为阳，天一非阴，地二非阳，坎戊非阴，离己非阳，更为不切。若谓肺为阴，肝为阳，金不制水，肝气有余，不知肝属厥阴，职司藏血，血乃阴荣，乙癸同治，误认为阳，益见舛谬。若谓肝为阴，胆为阳，胆无出入窍，里属少阳，专司半表半里，有病惟宜和解表里，严禁汗吐下三法。今误认少阳胆经之热，为阳火有余，轻用凉泻攻下之治，不几故违经训，甘蹈误世之识乎！若谓真阳有余，小儿天癸未足，真阳尚未肇基，一发无谓。若谓五脏为阴，

① 黄今(jin 今)，黄色。《玉篇·黄部》：“黄今，黄色。”

六腑为阳，即应专泻六腑之阳，不应以心火肝风为贼邪，乃以黄连、甘遂大寒大毒之物，以泻其不足之阴；不知果何所指而哓哓其词，岂小儿别有所谓阳有余、阴不足乎？予之识见短浅，不足以窥其幽深。易于生热，热盛则生风、生痰、生惊。巴人下里之音，通国和之者与！且饮食难节，忽归咎于饮食。喜怒不常，忽委罪于性育。暴怒伤阴，暴喜伤阳，伤阴则泻，伤阳则惊。上云阳常有余，既有余，则伤不为害。今日伤阳致惊，则阳之不可伤者，又在言外矣。辞执两端，难堪为式。小儿暴喜伤乳。上云暴喜伤阳，此言暴喜伤乳，乳为血液，本非属阳，何以暴喜伤之乎？夫乳甘缓恋膈，又归咎于乳汁。将有恣嗜废食之议矣。又兼外感寒邪，则痰凝壅塞，郁滞熏蒸，乳既恋膈，寒复外侵，以致于痰凝壅塞，郁滞熏蒸。治疗之术，惟有绝其乳食为上着，不然，病根何时得断哉？内有食热，外感风邪，上云乳滞挟寒邪，此云食热挟风邪，一片迷离梦境。心家热盛则生惊，前云惊由吓致，此言心热生惊。肝家风盛则发搐，肝风心火交争，前云风非火不动，火非风不发。是风火交相为用者。此言风火交争，不知所争者何物也？因乃痰生于脾，风生于肝，惊出于心，热出于肺，惊风痰热，四证若具，八候生焉。此篇从阳盛阴虚，生热生风说起，乃至饮食、喜怒、乳哺、食热、寒邪、内伤、外感多般收点，仍旧说到惊风痰热四字止。费如许心思，不过欲为惊风二字作陪衬，不知无本之学，谬误之谈，任极口铺张，说来总不顺理，无非东扯西拽，以诳俗人耳目。明眼者，必不为其所欺也。

有曰：急慢惊风，或闻大声，或大惊而发搐，发过如故。此无阴也，当下之。《内经》言：大惊卒恐，气血分离。此正神志受伤，阴阳破散，挽救尚虞其不及，何以见无阴而当下，不虑其下多亡阴乎？此证本因热生于心，既大惊卒恐，心热何来？身热面赤嗜饮，口中气热，大小便黄赤，剧则热也。盖热盛则生风，属肝，阳盛阴虚也，故下之，以除其痰也。上云发过如故，下云身热面赤种种热证。若谓未发搐前而见此证，此由于病，非由于惊也；若谓发搐之后而见此证，则前之所谓发过如故者，不几吃语乎！小儿痰热，客于心间，无怪乎骤用巴豆、甘遂以逐心间之痰。岂知小儿作搐，纵使有痰，不过阻于脾之大络，塞其气道耳，何尝能入心间，而以大毒之物伐及无辜，伤其神明之脏，欲不成痼，其可得乎？因闻非常之声，动而发搐矣。若热极不闻声及惊，亦自发搐矣。闻声悸惕，神虚者有之。修炼家以精生气，气生神，神之倚气，如鱼

依水。凡小儿禀受薄者，先天既不足于妊前，祭水复未成于现在，故元精未足，元气无根，所以元神最怯，每多闻声则惕，此实神虚胆怯，不足之证。而幼科不但不怜其元神不足，而偏指为心火有余；不但指心火有余，而并肝风、脾痰、肺热一总扯入，以证其惊风痰热，四证八候之妄言。复有闻非常之声、见异类之物，乍然惊悸动惕，此正神魂无主，荣卫俱乱，摇摇泛泛，欲定不能之际，而不为之防护保教，犹曰热生于心，必欲下之以除其痰。入井下石，雪上加霜，此等人不知是何肺肠，洵堪诧异！

有曰：小儿平常无事，忽然壮^①热，手足搐搦，眼目戴上，涎潮壅塞，牙关紧急，身热目赤，既曰平常无事，则无病可知，乍见以上种种恶候，必如俗人所言鬼病也。不然何以平常无事，而忽凶危若是耶？岂知小儿易感风寒，易伤乳食，在先半日，邪已入内，儿不能言，父母未觉。邪郁不伸，所以乍然而搐，观其忽发壮热之旨可知矣。非风寒入里为壮热，即食饮停滞为壮热，此实因病而致，岂平常无事之谓哉！治此无难，但应察其受病之源，外因则达之发之，内因则导之夺之，病邪既去，神性自宁。若必曰无因而致，在俗人必疑为鬼祟，求之巫覡；庸工必目为惊风，妄为治疗。两相耽误，奈之何哉？此急属阳，病在腑。每云惊风为心肝所主，此处忽云腑，不知心肝属腑乎，属脏乎？要问幼科之开天祖师，方能辨白，予则眼花撩乱，莫能识也。

有曰：急惊者，阳证也，俱腑受病耳。小儿客痰热于心膈，是少阳相火旺。每言心火，此四相火，新奇！《经》云：热生风。因时火盛而作。不知此火何由而盛？盖东方之震木，得火气而发搐。此处不言肝风心火作搐，硬派为少阳相火作搐，但闻雷得火而搐，未闻震得火而搐，杜撰！

有曰：身热脉浮，精神恍惚，或吐泻不思乳食，发搐，即半阴半阳合病；身热脉浮，外感风寒也；吐泻兼作，内伤饮食也。但曰外感内伤足矣，何必曰半阴半阳？原其意，不过以身脉浮属太阳，吐泻属阳明太阴。凡幼科所言者，无非心肝脾之脏病，若曰外感内伤，则惊风痰热之证，何处安顿？岂不自呈败露乎？身热脉沉，精神倦怠，或吐不泻，又能乳食，发搐，亦半阴半阳合病。身热脉沉属太阴，但吐不泻属阳明，明是阳明伤食，太阴受寒，显然夹食伤寒，偏不明言，悲哉！

有曰：亦有急惊，凉泻而不愈，或与吐下药

① 壮，原作“肚”，据光绪本及文意改。

太过，变为慢惊者；此等之言，益见背谬。诸书以急惊为阳，为实热，既是急惊，则用凉泻无疑，何以不愈？盖因误以伤寒表证为急惊，所以不愈也。既凉泻不愈，则认证不确，自应愧悔，何昧焉不察，而更用吐下之药乎，凉泻一误，吐下再误，而不变为坏证者，未之有也。非病之能变，由医变之也。又有慢惊，温补^①而不愈，变为急惊者。幼科疏忽，于此数语，尽见底里，既以肺虚阴寒为慢惊，则用温补，适为恰当。今不特不愈，反加变证，盖误以伤风自汗为慢惊，不知此证本有风邪在表，正宜解肌。今误用温补而致变，偏不言错认病源，误用反药，而曰病变急惊，即至于死，亦曰病变于死，与医何涉？可谓善为说辞者矣。

有曰：病有阴阳，急惊风属实热，病在心肝二脏，谓之阳病；慢惊风属虚寒，病在脾肺二脏，谓之阴病，此以寒热分阴阳也。以寒热分阴阳，虽曰牵强，犹可混赖；以心肝二脏主阳病，不通。五脏属阴，六腑属阳。急惊发于六腑，为易治；慢惊发于五脏，为难治。此以脏腑分阴阳也。上节言急惊属实热，病在心肝二脏；慢惊属虚寒，病在脾肺二脏。此以急慢二惊，皆属五脏也明矣，与六腑无涉。下节即云急惊发于六腑，慢惊发于五脏，是又以脏腑均有惊风也。夫六腑者，膀胱、胃、胆、小肠、大肠、三焦六经是也。其六经证治，轻重不等，理应指明急惊发于何腑。五脏者，心、肝、脾、肺、肾五经是也。其五经证治，贵贱不同，理应指明慢惊发于何脏，后人始有实据。今竟不指明，第泛言急惊发六腑，慢惊发五脏。岂急惊之来，六腑齐病，六腑齐病，应用六经之药治之乎；慢惊之至，五脏均伤，应用五经之药治之乎？必无是理。若以上节心肝脾肺之言为是，则与下节六腑五脏不相侔矣；若以下节六腑五脏之言为是，则与上节心肝阳病，脾肺阴病相矛盾矣。盖脏腑关乎表里，岂容混称！如腑为表，脏为里，表病不可治里，里病不可治表，不易之规，以其阴阳不同，内外自别，不可误治者也。今详前说，既惊风之属脏属腑者，已无定论，而临证之治表治里者，安有成规？吾恐其李代桃僵，有所不免。如前诸家之论，非但脏腑混淆，表里不辨，而反多增名色，眩人心目，曰风、曰痰、曰惊、曰吓、曰火、曰热、曰血虚、曰木急、曰相火、曰阴火、曰外感、曰内伤、曰喜怒、曰乳哺、曰阳盛、曰阴虚、曰属腑、曰属脏，究于惊风二字，毫无着落。其论证如此支离，治疗何能不误？不为规正，其害岂胜言哉！

诸家之说，已见于前，种种不经，殊难尽述。夫古哲立言，自有定理。如仲景伤寒六经，表里汗下和温，井然不乱，孰敢妄赞一辞！独此惊风

之说，纷纭鼎沸，莫可究诘。医事动关生命，岂容混乱经常，不特来学无归，练达者难言不惑。予因不辞狂悖，易去惊风字样，庶知病各有名，治无致误，在医者俾不致人海求螭，病者亦可以鉴车易辙矣。

辨明致妄之由 易去惊字

惊风二字，千古疑城。嘉言欲打破人鬼关，其实未易能也。盖从前有此名目，后人莫敢翻其成案，惟从惊风摹拟，究竟愈摹愈失，愈论愈晦，要实由于仲阳立名之不慎也。在伊当日，或适因婴儿伤寒病痉，乍有反张搐搦之态，故偶立惊风之名，亦犹方脉中惊悸、惊惕、惊慌等类，初亦未尝即欲以此两字示法来兹，而门人继述不善，遂以惊字为惊吓之惊，风字即惊字之变文，观幼科书中，凡青为风者，皆曰青为惊可知矣。谬谓小儿之病，悉由惊而生风。误以伤寒无汗之表证为急惊；以伤风自汗之解肌证为慢惊；以脾败胃伤竭绝之证为慢脾。妄立诸惊名色，眩惑后人，何尝有一毫实际裨于治疗。而诸家旋祖其术，极力敷衍，亦不过随波逐浪，猜度摹拟，初无理要可以服人，是仲阳偶以一字之乖讹，而后世受祸如此其烈也。至于见证立名，更为舛谬。如小儿伤寒病痉，外证有头项强，背反张，目上视，此金匱所谓能仰不能俯者，属太阳，则称天吊惊；眼目下窵，即《金匱》之颈项几几，音殊。海藏之低头下视，属二阳合病，则称看地惊；两脚掣跳，海藏所谓肘膝相构属阳明，则称马蹄惊；两手牵引，海藏所谓左右搐搦，属少阳，则称弯弓惊；伤寒病痉，误用惊药，耗其津液，而筋脉受伤，遂致两手拘挛，已为不治之证，乃犹称鹰爪惊；虚证肆行攻伐，乃致脾败胃绝，四肢躄^②曳，奄奄待尽，犹复称撒手惊；至于阴寒腹痛，面青口撮，口吐白沫，曰鲫鱼惊；脾虚生热，舌络紧急，不时舐舌，曰蛇丝惊；蛔虫贯膈，大叫一声，即昏闷不省，曰乌鸦惊；儿病作热，本为常候，曰潮热惊；饮食停滞，胸腹饱闷，曰膨胀惊。更有诸多不通名项，莫

① 温补，原作“补温”，据下文乙转。

② 躄(tuō 妥)，垂也。《篇韵》：“躄，垂也。”

能枚举。夫已上诸证，皆表里寒热分明，证候显然可据。而若辈不究病源，妄立名色，悉以惊字目之。设也人病阳明内实，逾垣上屋，则将名飞天惊；阴极发燥，欲卧泥水中，则将名擗地惊；少阴昏沉嗜寐，则将名瞌睡惊；中消多食无厌，则又名饕餮惊乎？荒唐鄙野，虽奚童鬟婢有所不言，而医者公然笔之于书。后人见其证皆惊证，纹悉惊纹，相与依样葫芦，一倡百和，以为一遵古法，谁曰不然。不知论证可任其牵强，而治疗不容于假借。如伤寒病瘥，由风寒湿三气合邪，病在太阳、阳明、少阳，与心惊、肝风、脾痰、肺热，风中牛马。若以为惊风治之，则无辜之心肝脾肺，枉受剥肤，而风寒湿外至之邪，倏^①然磐石。此岂有一可乎？予欲为之更改之，以为非易去惊风二字，仍恐流祸无已，将欲以“瘥”字，“瘥”字易之，又虑其不人俗。思幼科以搐掣名惊，今即以搐字易惊字，屏去祸害之惊，祛除笼统之风，总名之曰搐，庶不骇听，而又不失病瘥之本来。复以急惊、慢惊、慢脾之八石^②堆易之为误搐、类搐、非搐之三宝^③筏。提携垫溺，稳步康衢，将于是乎在焉。何为误搐？盖伤寒小儿最多，由医者治不如法，抑通其表邪，莫能外解，故壮热不退，遂尔变而为瘥，则有搐搦反张之候。要知此证由风寒湿所致，里有身热，俱皆表邪，非火热之比，且与《内经》诸瘥项强，诸风掉眩，诸寒收引之例，恰正相符。因剔出风、寒二瘥，归于误搐条下，俾临证者，知为伤寒病瘥，不致有开关镇治之害。何为类搐？盖伤暑疟痢，咳嗽丹毒，疮痘霍乱，客忤中恶，其证显然可见，辨认既明，一药可愈，何至作搐？由医者迁延时日，或抑遏邪气，无所发泄，间有变为搐者。搐非固有，所以谓之类搐。要知此证由火热居多，实非风寒，惟咳嗽疟疾，微兼表邪，治者宜审。今遵《内经》诸热瘥瘥，皆属于火之例，共一十条，总归于类搐条下，逐证注明，各从本门为治，以免截风定搐之患。何为非搐？盖小儿大吐大泻，久病病后，脾败胃绝，昏睡露睛，虚痰来往，此竭绝之证，而幼科以为慢脾风。更以大惊卒恐，神魂离散之证为急惊风。不知已上二证，死生呼吸，犹敢以惊风称之耶！因体东垣非风之意，竟以非搐名之，

使后人知此等证候，全非风搐，而治风治搐之法，远屏三舍，庶可以保全竭绝，而不致于夭折无辜也。以上三门，逐证分晰，其所用药方，一遵经旨，罔敢立异。要使幼科之证，毫无遗漏，而惊风二字，不屏自却，人鬼关岂徒打破，行将化为琼楼玉宇矣。周虚中曰：雄辞宏辨，驳得诸家之言惊者，无可置喙，快极快极！

新立误搐类搐非搐分门别证

误搐二条^① 周虚中先生太阳血虚筋脉急治案二

一曰误搐，即伤寒病瘥也。盖头项强，背反张，目上视属太阳；低头下视，口噤不语，手足牵引，肘膝相拘，属阳明；眼目或左或右而斜视，手足或左或右而搐搦，属少阳。此实三阳表证，岂得混称为惊风？瘥由误致，今故易名误搐。然瘥有刚柔，治非一类，以柔瘥列之于首，刚瘥次之，更详其致瘥之由，与治瘥之方，总归于误搐条下。证治井然有据，明府当不以予为妄也。

柔瘥 伤风有汗为柔，风性软弱也。

《经》曰：太阳病，发热汗出，不恶寒者，名曰柔瘥。其证初起，发热自汗，口中气热，呵欠顿闷，手足动摇，甚则反张，由风邪伤卫，荣卫不和。小儿体弱者，最多此证，亦因腠理不密，自汗无时，所以风邪易入。幼科见其多汗昏沉，辄以慢惊称之。

按：此条风邪伤卫，本属轻证，若能早为解肌，调和荣卫，药到病起。误作慢惊，妄投补剂，其祸不可胜言矣。此即前诸家所云，慢惊温补而不愈，变急惊者，即此例也。

① 倏(xiào 嗽)：无拘束，超脱貌。《庄子·大宗师》：“倏然而往，倏然而来也。”

② 八石：道家以朱砂、雄黄、云母、空青、硫黄、戎盐、硝石、雌黄为八石。此含贬义。

③ 三宝：道家以耳、口、目为外三宝；精、气、神为内三宝。

④ 误搐二条：原脱，据目录补。

刚痉 伤寒无汗为刚，寒性刚劲也。

《经》曰：太阳中风，重感寒湿而变痉。盖伤风原有汗，愚人不知，重衣厚被，令其大汗。汗多衣襟必湿，湿久寒生，渗注关节，故谓重感寒湿。寒湿内闭，反令无汗，是名刚痉。其证初恶风寒，发热头痛，偎藏于母怀者是也。小儿口不能言，父母一时不觉，但见其发热，不知其恶寒；但见其昏沉，不知其头痛。医者见其发热，满口称为惊风，置伤寒表里于不问，惟事镇坠凉泻，抑遏其表邪，不能外出，必致延及于三阳，太阳传阳明，阳明传少阳。所以有身热足冷，颈项强急，头身俱热，面目红赤，独摇头，卒口噤，背反张，手足搐搦，眼目斜视。此则三阳经之全痉，幼科所称四证八候者，即此也。斯时正宜循经用药，解除三阳之邪，其病霍然而起。倘舍此不图，邪必自三阳而入于三阴，发热腹痛，四肢伛偻，能俯不能仰，已成阴痉凶危之候，犹以慢惊风称之，风药乱投，死将旋踵，哀哉！此即前诸家所云，急惊凉泻而不愈，或与吐下药太过，变为慢惊者，即此例也。

按：伤寒之来，岂初日便能变痉，由医者误治致之耳。盖邪自太阳而入，太阳之脉，上起于头，中行于背，下至于足，因其经脉受邪。荣卫涩滞，则头项背足，皆有痛楚牵强之象，幼科见此，便诧为惊风，妄行镇坠，以致邪无所伸，而后乃变为痉。此际尚不知为误治所致，而反谓小儿固有之证。此其所以为误中之误也。尝观夏初明治小儿作搐而死，以至三五日不醒者，悉用天保采薇汤，投之而愈。其子禹铸广传其方，惜无一字^①发明之，致后人莫惟其义。予不辩饶舌，聊为剖露：夫天保采薇汤乃败毒散、不换金正气散、升麻葛根汤三方合凑者也。其中作用，以羌、独定太阳而祛寒发表，以苍、前、升、葛、陈、朴、甘、苓走阳明而除湿解肌，以芎、柴入少阳而和解表里，以桔、半、枳、藿、芍药入太阴而和荣逐饮。成问既为三阳表药，何以辄及于太阴？曰：小儿全借脾肺为行药之主。此实扶中气以托邪，岂引邪入里之谓耶？然其中一十七味，并非五金八石、三黄四神，而能于死中求活者，岂疏散之药可以起死回生乎？由从前误以伤寒作惊治，未

经发散，以致邪闭而死；今投疏散以生者，亦不过为从前补其阙失耳，岂有奇特深义哉！第此等之治，犹为末着。若早循经治疗，又何至如是凶危，始效猎人之罗网四张，希庶几乎一遇。苟如鄙刻所集，一见小儿发热昏沉，即为分别有汗无汗，有汗者解散肌邪，无汗者开通荣卫，领邪外出，神志自清，又何有闭塞昏迷之变耶？

[附 血虚寒袭太阳病痉案] 周虚中曰：张景岳有云，太阳血少者，多有戴眼反张之证，俗医称为惊风，误矣。盖太阳经脉，起于目内眦，上额交巅^②，由后颈下背脊，至足小指。凡有血虚不能荣养经络者，一着寒邪，则收引而急缩，理固然也。时俗不察，往往以豁痰截风之剂，耗其血液，岂不悖哉！此景岳之特见也。予忆往者张某^③乃媛，年五六岁，体极瘦削，一日群坐，忽然颠倒，作反弓状，自言楼上有鬼，眼目翻腾，见白而不见黑。幼科群集，作惊风治不效，已经三日矣。观其入之骨露筋浮，明系太阳少血，况楼为枯木，鬼属阴邪，亦系寒气伤荣所致。乃遵景岳之言，与道翁先生相商榷，用厥阴门中当归四逆汤为主，甫投一剂黑睛稍现，反弓之状亦减，于是连进三服而安。又姻翁高某^④乃妾，冬月拥炉向火，忽然背筋抽引作痛，头足弯后，四肢厥逆，眼反^⑤吊起不能下。亦用前汤倍加当归，大剂煎服，一剂而痊。可见先生之力辟惊风，确乎不谬，而太阳之痉，又有血虚体弱之不同。

痉有刚柔，刚痉无汗，柔痉有汗。小儿刚痉少，柔痉多，而且肌肤薄，腠理疏，不胜发表，惟宜解肌治痉。当以《金匱》为主，奈《金匱》之方，未敢辄用，而世人亦不能用。今之所选，独海藏五方，《金匱》一方，杂选一方，附血虚寒袭一方，以为婴儿病痉之准则。其随机应变，又在后贤神而明之，予又何敢限量。

① 字：光绪本作“家”。

② 交巅：原脱，据光绪本补。

③ 某：原脱，据光绪本补。

④ 某：原脱，据光绪本补。

⑤ 反：原作“皮”，医理不道，据文意改。

[人方]

海藏桂枝葛根汤 治伤风项背强，身热自汗柔痉。此盖邪在太阳，微兼阳明，用此方通其荣卫，则外受之邪，有出无入，其所全甚大。

嫩桂枝一钱 白芍药一钱五分 粉干葛一钱五分 老生姜一钱 大红枣三枚 炙甘草一钱

水煎，热服。仍欲微似有汗，庶风邪自出，而汗孔自闭，但不可令其大汗，致伤荣气。

海藏桂枝加川芎防风汤 治发热自汗柔痉，比前方药性微轻。

嫩桂枝一钱五分 白芍药二钱 北防风一钱 正川芎一钱 老生姜一钱 大红枣三枚 炙甘草一钱

水煎，热服。

予按：此方不特治痉，凡小儿外感初起发热，不论有汗无汗，皆宜用之。效捷桴鼓，人所未识。

海藏柴胡加防风汤 治汗后不解，乍静乍躁，目直视，口噤，往来寒热。此证太阳、阳明已罢，邪尚未解，传入少阳半表半里，故以小柴胡汤加防风和解之，不使之入里也。

官拣参七分 北柴胡一钱 片黄芩一钱 制半夏一钱 北防风一钱 炙甘草五分 老生姜三片 大红枣一枚

水煎，热服。

海藏防风当归汤 治发汗过多，发热，头面摇，卒口噤，背反张者。太阳兼阳明也，宜去风养血，速救阴荣，以静胜躁也。

北防风一钱五分 当归身二钱 正川芎一钱 大生地一钱五分

净水煎，热服。

金匱瓜蒌根桂枝汤^① 治太阳头痛，身热，身体、颈项俱强，无汗为刚痉。此即先因伤风自汗，汗多衣湿，湿久寒生，反而入内，故谓重感寒湿。寒湿内闭，反令无汗，故见以前诸证。此荣卫闭塞也。设不用此通其荣卫，则未痉者成痉，已痉者难愈矣。

瓜蒌根一钱五分 嫩桂枝一钱 白芍药一钱五分 炙甘草一钱 老生姜一钱 大红枣三枚

水煎，热服。荣卫既和，微汗而解。

予按：小儿发热，身体、颈项俱强，在幼科必以为惊风矣，孰肯认为太阳阳明之病痉，而用此开通荣卫之方？若早知为伤寒，能用此方，则未痉者不痉，已痉者可瘳。其如偏执惊风，舍太阳阳明之邪而不治，反攻其无过之心火肝风，致令外邪愈强，内气愈弱，不至于死地不止也。

凡小儿伤寒无汗者，不论已痉未痉，皆当以此方为主，出入加减，断无不效之理。予非亲履实践，必不敢妄言以误世也。

羚羊角散 治刚痉身热无汗，头项强直，四肢疼痛，烦躁心悸，睡卧不宁。

羚羊角屑 真犀角屑 北防风 白茯神 陈枳壳 大麦冬去心 官拣参 粉干葛 北柴胡 熟石膏 炙甘草以上各七钱五分 真龙齿煨，二钱五分

上研粗末，每用三钱，水一盞，煎至半盞，去渣温服，不拘时。

予按：此证先由风寒湿闭其腠理，不能开通，内出之气，壅而为热，则风寒湿不能自强，皆化而为热矣。尚在肌肉之间，犹未入里，故以辛凉解散之，实治热也，非治风寒湿也。嘉言谓此方治伤寒阳痉，深得清解之法。

海藏附子散 治阴痉手足厥冷，筋脉拘急，汗出不止，头项强直，头摇口噤，此由多汗亡阳也。

青化桂七分 川附片七分 漂白术一钱五分 正川芎一钱 川独芎八分 大红枣五枚

水煎，温冷服。

当归四逆汤 治小儿血虚体弱，寒邪伤荣，以致眼目翻上，身体反张，盖太阳主筋病故也。

当归身 嫩桂枝 杭白芍以上各三钱 川木通 炙甘草以上各二钱 北细辛一钱 大红枣五枚

水煎，热服。

已上所选之方，原为误搐病痉而设，其下类搐十条，证候不同，各随本门用方，不得与误搐混同论治。

① 金匱瓜蒌根桂枝汤：《金匱要略》此方方名无“根”字。

类搐十条^①

一曰类搐，即幼科所云惊风余证者是也。原非小儿固有，由迁延而致。予故名为类搐，何以言之？盖暑证疟痢，咳嗽丹毒，疮痘霍乱，客忤中恶，其证显然可见，但能识证详确，则一药可愈。医者审视不的，药罔对证，迁延时日，其热愈甚。小儿阴血未充，不耐壮热，热盛则神志昏闷，阳亢必津液受伤，血不荣筋则手足搐掣。此正与《内经》之诸热瞀瘵，音务^②，人事昏闷也。瘵，音翅，手足抽掣也。皆属于火之例相符。概将以下十证，皆列类搐条下，仍逐证注明，各依本门用方，庶与误搐非搐之寒热虚实，治不相淆矣。

暑证

《经》曰：太阳中热，暍是也。其证初起，面垢身热自汗，烦躁不安，唇舌皆赤，气出如火，小便赤涩，口中大渴。此证常见夏秋。

按：此条在藜藿之儿多有之，以其坐卧烈日之中，澡浴寒涧之内，以致暑气入里，内热外寒，故见已前诸证。医者见其身热自汗，口渴烦躁，疑为惊风，妄用风药，反燥其血，以致心中噎闷，昏不知人，甚则反张搐搦，皆由血不荣筋，烦热过甚之故也。若膏粱之儿，不涉长途，不经酷日，暑证尚少，何有暑风？若谓离堂广厦，口餐生冷，身纳风凉而得之者，即伤寒之类，又何暑之可称？

古人谓暑伤心。其实心不可伤，伤之必死。盖心为君主之官，虚灵湛寂，神性居之，邪不易犯。止因六气之中，以暑配君火，故曰暑伤心，然所犯者，心包络耳。包络为心之宫阙，捍蔽外邪，不容轻侮，惟由暑热摇撼外郭，故神志为之昏惑。但泻其太阳丙火，则少阴君主神志自宁矣，宜却暑丹。

[人方]

却暑丹 治小儿伤暑，误用风药，致心神昏闷，烦躁不安，甚则搐搦。

漂白术五钱 白茯苓五钱 洁猪苓五钱
宣泽泻五钱 青化桂二钱 片黄芩五钱 正川

连三钱 镜辰砂二钱 炙甘草五钱

上为细末，炼蜜为丸，如芡实大。每服二三丸，量儿大小加减，麦冬汤化服；或十中取一，煎取亦可。

疟疾

《经》曰：夏伤于暑，秋必痲疟。其证初起，呵欠顿闷，发热口渴，面带黄白，头额有汗，一哭汗出，其热渐退二三分，不久复热如故，喉内痰鸣，一哭即呕，呕则痰出。每日如此者，即疟证也。

按：《内经》谓十二经皆有疟，究其所因，而大要不离乎少阳胆经。夫疟之不离乎少阳，犹咳嗽之不离乎肺也。盖凡寒热往来，总为少阳所主。早能和解表里，分理阴阳，则疟邪霍然而散。由其误认惊风，轻施镇坠，以致正邪激搏，荣卫迟留；阳欲入里，阴内阻之；阴欲出表，阳外遏之；少阳欲升不得升，太阴欲降不能降，乃致神情愤乱，临疟留搐。宜清脾饮解之，其搐自止。

[人方]

清脾饮 治小儿热疟作搐，不必治搐，惟治其疟。

杭青皮一钱 制半夏一钱 枯黄芩一钱
草果仁五分 白云苓一钱 北柴胡一钱 真陈皮一钱 漂白术一钱 川厚朴一钱 炙甘草五分
生姜三片、大枣三枚，水煎，热服。

痢疾

《经》曰：饮食不节，起居不时，阴受之则入五脏，下为飧泄，久为肠澼。其证初起，两眉皱而多啼，由腹痛也；烦躁不安，由里急后重也；数至圊而不能便，或赤白相兼，或单红单白，是其候也。

按：此证虽曰内伤饮食，莫不由于外感而发也。有至妙之治，人所不知，但以人参败毒散升散之，其病即减。设有食饮停滞，轻则消导之，重则疏通之，去其积垢，无不愈者。昧者不察，反投

① 类搐十条：原脱，据目录补。

② 音务：“瞀”作人事昏闷解，当音“貌(mào)”。

诃、蔻止涩之，乃致积毒内郁，腹痛里急，欲圉不能。此通因通用之证，而反通因塞用，遂尔神昏扰扰者有之矣。急用沆瀣丹、三仙丹二药同服，疏通之后，其病自去。

[人方]

集成沆瀣丹 方见二卷胎病论。

集成三仙丹 治小儿纵口饮啖，食物过多，有形之物，填塞肠胃之间，不能转运传送，脾气抑郁，所以发热不退，眼闭难开，人事昏沉，四肢摊软，俨然虚极之象。古人谓大实有羸状，即此证也。昧者以为虚证而峻补之，或疑为惊风而镇坠之，百无一救。速以此丸同沆瀣丹同服，待其下后，人事即清。予救治既多，剖心相告，痢疾误用涩药，闭其湿热，比食物有形之塞，殆有甚焉，速宜下之，不下即死。

五灵脂一钱 南木香五钱 巴豆仁四十粒

上将灵脂、木香研为细末，听用。以巴豆剥去壳，取净肉四十粒，去其肉上嫩皮，纸包水湿，入慢火中煨熟，取起，另以绵纸包之，缓缓捶去其油，纸湿则另换，以成白粉为度，谓之巴霜。与前二味和匀，醋打而糊为丸，绿豆大，以朱砂为衣，晒干收贮。每服五丸，或七丸、九丸，量儿大小加减。合沆瀣丹二三丸同研烂，茶清调下。待其下后，其病立愈，此起回生之药，勿以常方视之。

咳 嗽

《经》曰：咳嗽上气，厥在胸中，过在手阳明太阴。其证初起，面赤唇红，气粗发热，咳来痰鸣，或眼胞微浮，额上汗出。此外感风寒，急宜疏解。

按：咳嗽致搐，其证尝少。盖外感以咳嗽为轻，内伤以咳嗽为重。大凡春温夏热，秋燥冬寒，四时正病与乎时行疫疠，即至重至危之候，但有咳嗽，便是生机，盖外感一传于^①六经，断不致死，故谓外感以咳嗽为轻。至于酒色狂且^②之辈，平素嗜欲不节，耗费过伤，但逢咳嗽，即为可虑。倘治不如法，则虚劳肺痿，跂足而待，故谓内伤以咳嗽为重。婴儿知识未开，内伤何有？所有咳嗽，无非寒热二者而已矣。寒固伤肺，热亦伤

肺，医者能的辨其寒热，对证用方，效无不捷；其如不识阴阳，罔分寒热，应辛散者反凉泻，应滋润者反用升浮，乃致寒者愈寒，燥者愈燥，欲不声音不转，眼翻手搐，其可得乎？治宜集成金粟丹。

[人方]

集成金粟丹 此丸专能疏风化痰，清火降气，并治咳嗽上气，喘急不定，嗽声不转，眼翻手搐。凡诸家截风定搐之方，皆不及此方之圣。倘前医用药不当，误而致搐，昏沉不醒，即以全身灯火醒之，用此丸一服即痊。

九制牛胆南星二两 明天麻一两，姜汁炒
节白附一两，同上 净全蝎拣去尾足，滚汤泡净，去其盐泥，晒干，一两，炒 明乳香去油净，一两 代赭石火煨红，好醋淬之，煨七次，淬七次，研细末，水飞，晒干，一两 直僵蚕炒去丝，一两 赤金箔五十张
真麝香三分 梅花片三分

共为细末，炼蜜为丸，皂角子大，贴以金箔。每用一丸，姜汤化服。此方比抱龙、金液、保命、至宝、定命等方功倍十百，惟虚寒之痰，无根之气，绝脱之证，不可用之，以其降令重也。

制南星法 用生南星半斤，研极细末，盛于碗内，取牛胆一枚，倾出胆汁于碗内，将南星末和匀，仍复装人胆皮之内，悬有风无日之处，俟其阴干。有胆之时，将前胆剖破，取出南星研末，仍以胆汁和匀，装入悬之，能装过九胆，诚为至宝。任彼真正牛黄，莫能及此，且今之牛黄，切无真者。若市肆胆星，一胆而已，不可用。

丹 毒

《千金》曰：丹毒一名天火，皆风热恶毒所为，入腹则杀人。其证由心火炽盛，热与血搏，或起于手足，或发于头面胸背，游移于上下，其热如火，赤如丹砂，形如锦纹，其痛非常。凡自胸腹而散于四肢者，易治；自四肢而入腹者，难治。

按：丹毒虽曰风热，而由胎毒之发者十之八

① 干：原作“手”，形误，据文意改。

② 狂且（jū 居）：举止轻狂的人。《诗·郑风·山有扶苏》：“有见子都，乃见狂且。”毛传：“狂，狂人也；且，辞也。”

九，小儿最多，方脉无此。世有丹毒伤生而不知者，盖此毒每发于隐密之处，倘父母不觉，遂致伤儿。大凡小儿头面、四肢、胸背、肋腑，忽有红晕一点，渐次散开，色如锦纹，外带黄色，即是火丹。速宜砭去恶血，内服沆瀣丹，庶不致内攻作搐。倘医者不知针砭，妄用搽敷，逼毒入内，必致作搐而死。每见丹毒之祸儿者，比比矣。

[人方]

集成沆瀣丹 方见二卷胎病论。

磁锋砭法 法见四卷丹毒证治。

疮 痍

《经》曰：诸痛痒疮疡，皆属心火^①。按疮疖疥癣，小儿独多。由胎毒淫火使然也。治之者，宜清热解毒，使之外出可也。倘医者视为泛常，不先内托解毒，误用砒、硫毒药搽之，逼毒内入，以致疮忽白平，其腹胀便闭，身无血色，目闭不开，手足动摇，此毒气内攻也。

此条与方脉之发背痈疽，偶伤风湿，而手足搐搦，角弓反张者，大不相侔。盖彼因误伤风湿而病痉，此因误用搽敷而致搐。病因不同，治宜各别。速用雄黄解毒丸微下之，疮出则吉，疮不出加喘者死。

[人方]

雄黄解毒丸 治疮疡毒气内攻，腹胀便闭，身无血色，目闭不开；并能解一切疮疥之毒，更可下痰追虫打积。

明雄黄一钱 川郁金二钱 巴豆霜一钱

上为细末，醋打米糊为丸，绿豆大。每服三五丸，白汤送下，以利为度。

痘 疮

痘禀先天胎元之毒，遇时行而即发。其证初起，两眼含泪，珠如水晶，鼻气出粗，睡中惊惕，两耳纹现，恶热不恶寒，痘证也。

按：初起发热三四日间，应与疏通腠理，微解表邪，使毒气易出；若不行疏散，以致腠理固闭，热盛神昏而搐矣。此常候也。先宜人参败毒散升散之，次用导赤散加朱砂，以制其猖獗。痘出则吉，屡搐者凶。收靥后作搐，此痘毒倒陷，雄

黄解毒丸紫草汤下。痘复出者吉，搐不止者凶。五六卷痘疹门论证最详，宜考。

[人方]

人参败毒散 治四时感冒，并痘疮升散之用。

川羌活七分 川独活五分 北柴胡五分
信前胡四分 正川芎五分 白云苓五分 真枳壳五分
芽桔梗五分 上拣参三分 炙甘草四分
姜一片、枣一枚，水煎，热服。

导赤散 此清心经之热，从小便而出。

大生地三钱^② 川木通二钱 生甘草一钱

上作一剂，竹叶七片为引，水煎，临服加朱砂末一分调服。

雄黄解毒丸 方见先条疮疡。

[附案] 濠阳文庠立天张君，有子三岁，于今春布种神痘，一夕作搐十数次。痘师某者，坐守其家，莫能得定。次早微明，张君来寓叩门，因诉其作搐之由。予念故人之子，往视之，见其昏迷不醒，手足搐掣，各处艾火疤无数，问所服药，一派凉泻，予知其误治。乃以全灯火醒之，即能开声，因用人参败毒散令其母子同服。一剂而搐止，痘出，可见理之未明，毫厘千里。盖痘麻初起，全赖阳和升生之气，故发热本为正候，由其不与疏通腠理，毒郁不伸，乃致作搐。此时正宜升散，助其生机，顾乃反用艾火堵截之，用凉药镇坠之，欲其搐止，其可得乎？是幼科惊风之说，皆此辈酿成之祸，于患者何有焉？

霍 乱

《经》曰：足太阴厥气上逆则霍乱。其先伤于食，后感风寒，邪正相争，心腹绞痛，有上吐下泻者；有上不得吐，下不得泻者，所以烦躁闷乱，其证最急，速宜盐汤探吐之，俟其吐泻之后，乃用藿香正气散分理其阴阳可也。但见喘而搐者，不治。

按：此乃干霍乱也，俗名绞肠痧，由其上不

① 诸痛痒疮疡，皆属心火：《素问·至真要大论》作“诸痛痒疮，皆属于心”

② 三钱：光绪本作“钱”。

得吐，下不得泻，所以神情昏乱。若上既能吐，下既能泻，则宿食痰饮俱去，安有昏乱之下场；若口大吐大泻之后，而见昏愤，此即脱证之例，岂作搐之谓耶？看书若止随文解义，执一不化，皓首无成，然此犹为中人言之也。至有全不知书，道听途说，讹讹相指，以致于诬民惑世者，此类医中尽多。昔人谓巫者对本宣科，教风扫地，予谓巫者犹能对本宣科，而医中之不肖者，即欲宣科，更苦于无本可对。然则医风之扫地，不殆有甚乎！

[人方]

盐汤探吐法 法见二卷霍乱证治。

藿香正气散 治内伤脾胃，外感风寒，吐泻霍乱等证。

藿香梗 家苏叶 大腹皮 真广皮 芽桔梗 白云苓 法半夏 六神曲 香白芷 以上各一钱 川厚朴 炙甘草 各五分

上作一剂，生姜三片，大枣三枚，水煎

客 忤

小儿客忤，由儿真元不足，神气未充，故外邪客气得以乘之。《经》曰：邪之所凑，其正必虚。不治其虚，安问其余？忤者，谓外来人畜之气，忤触其儿之正气也。或因生人远来，或因六畜暴至，或抱儿戏骑牛马，或父母骑马远归，未及熏衣，即抱其儿，则马汗不正之气，从鼻而入。《经》曰：五气入鼻，藏于心肺。则正气受忤，此外因之客忤也。其证口吐青黄白沫，面色变异，喘急腹痛，反侧不安，手足瘰疬。第此证神不昏乱为异耳。治宜涂凶法、搐鼻法、内服摄生饮。

复有内因客忤，或儿平日所喜者，乃戏而夺之，平日所畏者，乃戏而恐之。凡亲爱之人，喜食之果，玩弄之物，心之所系，口不能言，一时不得，遂逆其心志。其候昏喜睡，寤不惺惺，不思乳食，即其证也。宜先顺其心意，内服沉香安神丸并惺惺散。

[人方]

涂凶法 专治客忤等证。

灶心土一钱 明雄黄五分 真麝香半分

共为细末，枣肉和匀，捏作一饼子，照凶门

宽窄为样，以饼贴凶上，取艾绒作豆大一粒，灸三炷即止。

搐鼻法 治伤风伤寒，头目不清，并治客忤。

正川芎 藿香叶 鲜藜芦各三钱 玄胡索粉丹皮 镜辰砂飞，各二钱

共为极细末，以少许吹鼻中，得嚏则邪气出矣。

摄生饮 治一切卒中，大小科同。

制南星 南木香 法半夏各一钱半 北细辛 漂苍术 石菖蒲 炙甘草各一钱

上作一剂，生姜三片，水煎，热服。

沉香安神丸 治内因客忤。

官拣参一钱 漂白术 真广皮 陈枳壳 芽桔梗 青礞石煨，各五钱 炙甘草 上沉香各一钱 镜辰砂飞，一钱 真川连一钱五分

共为细末，蜜丸，芡实大，每一二丸，麦冬汤下。

惺惺散 方见二卷乳子伤寒证治。

中 恶

此证比之客忤为更甚。盖客忤无非外来人畜不正之气，中恶则中恶毒之气。如老枢腐尸，淫祠古树，冷庙枯井，败屋阴沟，皆有恶毒之气存焉。小儿触之，从鼻而入，肺先受之，闭其清道，填塞胸中，忽然而倒，四肢厥逆，两手握拳，上气喘急者是也。

复有中恶毒之物者，亦谓之中恶。如菌蕈河豚，瘟牛疫马，自死六畜，并水鸡虾蚌之类，自口而入，则肠胃受之，故心腹刺痛，腹皮青黑，闷乱欲死。前后二证，俱宜霹雳散搐其鼻，令其喷嚏之后，毒气已出，然后用药。前证中毒气死者，用返魂汤；此中毒物死者，用雄黄解毒丸下去之。

[人方]

霹雳散 治中恶卒死，并一切卒暴之证。

猪牙皂三分 北细辛五分 大川芎五分 香白芷五分 踯躅花半分 明雄黄二分 真麝香半分

上为极细末，每用少许，以灯芯三寸长，蘸药点鼻孔内，得喷嚏为验。

返魂汤 治中恶卒死，宜此主之，即仲景之麻黄汤也。因其气闭塞肺窍，以此开通之。

净麻黄去节，二钱 光杏仁去皮，七个 炙甘草一钱

葱白三寸，水一盞，煎半盞，分数次服。

雄黄解毒丸 方见二卷类搐疮痈。

非搐二条^①

一曰非搐，即幼科之慢惊风、慢脾风者是也。

按：幼科有言曰，急惊传慢惊，慢惊成慢脾。慢脾者，纯阴之证也。然慢惊亦有虚热，尝多便秘痰壅气塞，便误认为实热。妄用巴、黄，以下痰行便；或妄投脑、麝，以通窍凉脏。致使阴气愈张，阳气愈弱，幸不死而成此证。又有一名虚风，因吐泻日久，风邪入肠，乃大便不禁，面色虚黄，脾气已脱，真元已亏，继此发热，即是慢脾。此不必皆由急惊传至，男子以泻得之为重，女子以吐得之为重。其候面青舌短，头低眼合，吐舌咬牙，声音沉小，睡中摇头，四肢微搐，冷而不收；身则有冷有热，痰涎凝滞，神志昏迷，沉沉喜睡。逐风则无风可逐，疗惊则无惊可疗，乃至重之候，十难救一二也。治法大要：生胃养脾，回阳益志，镇心定魄，化痰顺气。若眼半开半合，手足不冷，二便涩滞，此尚有阳证，须湿和化痰理气，不可即用回阳，然亦不可因阳证而用清凉之药。此仅虚火往来，会成如阳证耳。在幼科所论者如此。

予^②见此等辩论，尾尾其辞，自相矛盾，乖误多端，惟有拊膝长嘘而已。孰料幼科谄劣，一至此哉！既知慢脾为纯阴之证，又误以慢惊之虚热作实热，误下痰，误通窍，乃致变为慢脾。又有因吐泻日久，风入肠胃，大便不禁，面色虚黄，脾气已脱，真元已亏，继此发热，即是慢脾。如此之候即应急救真元，雄持竭绝，何得以眼之半开半合，手足不冷，二便涩滞，为尚有阳证，不可即用回阳？吁！此浅近之理，犹且未明，而尚欲立言传世乎！盖眼之半开半合，名为昏睡露睛。此脾胃两伤，败极之证，安得目为有余？手足为诸阳之本，四时皆宜温和。今手足不冷，犹幸有一线

微阳，牵引接续，尚未至于厥逆，岂可谓之阳证？二便涩滞，由其气血伤败，大肠枯焦，无以滋荣传送，又岂里实便秘之比哉？此等之证，治之得法，尚可挽回，而乃称为阳证，为之顺气化痰。岂眼之半开半合，手足不冷，二便涩滞，果为阳热有余耶？抑由痰凝气滞耶？不然，化痰顺气，将焉用之？呜呼，幼科浅陋，莫可挽救！凡小儿有热，不辨表热里热，虚热实热，阳浮作热，阴极发躁，一概称为阳火。今慢脾之热，无非纯阴之证，真阳被逼，不能存贮，浮越肌表，散温无归。亡在顷刻，即急为收摄敛纳，犹虑不及，而反谓之阳证，必欲其口鼻无气，两眼不开，四肢冰雪，二便长流，始可谓之阴证乎？立言者见地如斯，继述者自可知矣。予故于此等之证，以非搐名之，使知一意挽救，不用猜度，且亦不须细辨。请以幼科夏禹铸之言，以明斯证之误，亦可见予言之不虚也。

夏禹铸曰：世人动曰慢惊，予独曰慢证。盖此证多成于大病之后，庸工一见病愈，遂不防守去路，或初误汗误下，吐泻久而脾胃虚极，故成慢证。慢字缓字，虽对急字而言，然所以成此证者，亦由于父母怠慢之故。或有汗多不止者听之，吐泻不止者听之，以致汗多亡阳，吐久亡胃，泻久绝脾，成难起之证，故曰慢证。慢证何惊之有，以慢证而云惊，皆属庸医见儿眼翻，手搐握拳，形状似惊，故以惊名之，一作惊治，或推或拿或火，是犹儿已下井，而复落之以石也。慢证者，脾虚也，眼皮属脾，脾败故眼皮不能紧合，面睡则露睛，虚则脾失元气，故两目无神而漂泛；脾败则枯涎无统，故凝滞咽喉而有牵锯之声；手足为脾胃所司，脾胃败，故四肢厥冷；虚必生寒，寒则大便泻青而小便清利。便知为慢脾之候，若疗惊则无惊可疗，祛风则无风可祛，除痰则无痰可除，解热则无热可解，惟脾间枯痰虚热往来耳。治此或以六君子汤加炮姜，或理中汤加附子。

此夏氏之见，超乎流俗，申明慢惊慢脾，一皆竭绝之证，而疗惊祛风、除痰解热之治，毫不

① 非搐二条：原脱，据目录补。

② 予，原脱，据光绪本补。

可用,先得我心之所同然者。今以夏氏所云吐泻脾败之证,列之于前,复以景岳所云大惊卒恐次之,归于非搐条下,以见此等之证,总非风搐,庶不乞灵颇凶,枉害无辜也。以上治法,悉依夏氏、张氏原方,予毋容复赘。

吐 泻

《经》曰:少阳所至为涌呕^①。又曰:春伤于风,夏生飧泄。其证先伤乳食,后感风邪,乃致脾胃受伤,吐泻不止,渐至遍身四肢口鼻俱冷,手足微掣,昏睡露睛。盖小儿全赖乳食以为命,吐多则乳食不入,泻多则乳食不藏,吐则伤气,泻则伤血,乳食既绝,气血复伤,速救真元,以免竭脱。

[人方]

六君子汤 治小儿吐泻之后,脾胃大伤;或久病之后,不思乳食;一切久病,中气虚寒,并皆治之。

官拣参一钱 漂白术二钱 白云苓一钱五分
法半夏五分 真广皮五分 炙甘草一钱

四肢厥冷加炮姜,甚者加附子五分,手足搐掣加青化桂七分、钩藤一钱。

上作一剂,煨姜三片,红枣三枚,早米一撮,水煎,温服。

理中汤 方见二卷乳子伤寒证治。

大惊卒恐 幼科以此为急惊,故详辨明之。

张景岳曰:小儿忽被大惊,最伤心胆之气。《内经·口问篇》曰:大惊卒恐,则气血分离,阴阳破散,经络厥绝,脉道不通,阴阳相逆,经脉空虚,血气不次,乃失其常。此《内经》概言受惊之病有如此,矧小儿气血,尤非大人之比。若受大惊卒恐,则其神气失散,愤乱不堪,尚何实邪之有?斯时也,收复正气,犹恐不暇,顾可复为清散耶!即加朱砂、琥珀之类,不过取其镇坠之意,亦非救本之法。今幼科诸书,皆以大惊之证,例作急惊,误亦甚矣。不知急惊由于风热,慢惊由于脾肾之虚,皆不必由惊而得。余之于言万语辟除惊风,只消景岳二十三字便以道尽。后贤若肯于此数语体认,便不必予之琐琐^②于斯也。而此以大惊致困者,

本乎心胆受伤,神气陡离之病,当以收复神气为主。宜秘旨安神丸、团参散、独参汤之类,加金银等物煎服之。

[人方]

秘旨安神丸 原治心血虚而睡中惊惕,并治大惊卒恐。

官拣参 净枣仁 白茯神 法半夏以上各一钱 大当归 杭白芍 小橘红各七分 北五味七粒 炙甘草五分

上为细末,炼蜜为丸,如芡实大,每服一丸,生姜汤化下。

团参散 治心虚血热,自汗盗汗,并治大惊卒恐。

官拣参 白当归等分

上为细末,用豮猪心一个,切作三片,每以药末一钱,猪心一片,煎汤调服。

独参汤 治气虚气脱,神散魂离,以此亟救元阳,神草^③还丹之名,诚不愧也。

官拣参不拘多少。同炒米、煨姜、红枣浓煎汤,徐徐服之,实有起死回生之力。

或曰,伤寒病痉与非搐二条,不可用惊风之治,已闻命矣。而类搐十条,既为火热,何以不用惊风门中截风定搐,凉泻镇坠之法治之,此何意也?曰,暑、疳、嗽、痢、痘、霍乱、丹疮,病虽不一,而搐由病致,第寻其源,治其病而搐自止。若不去病,而用截风定搐,凉泻镇坠之治,仍抑遏其病邪,非但搐不能止,必致变生他证。医者复不察其本病未去,疑为惊风证重,药不去病,而用毒劣劫夺之者,每见治惊风,愈治愈危,乃至不救者,皆此弊也。曰由谈惊风,而得治病求源之要,诚至论也。请笔之以为来学式。

已上误搐、类搐、非搐证,共一十四条,即幼科之急惊、慢惊、慢脾者,尽止于此,业已条分缕晰,逐款逐条注明矣。临治者,当知各证之病源

① 少阳所至为涌呕:《素问·六元正纪大论》作,“少阳所至为喉痹,耳鸣呕涌。”

② 琐琐:卑微,平庸。《尔雅·释训》:“琐琐,小也。”郭璞注:“才器细陋。”此为作者自谦之辞。

③ 神草:指人参。“神”,原脱,据光绪本补。

有别，而治疗之攻补自殊，不得复以急惊、慢惊、慢脾混同立论，而以截风定搐之死法统治之。从前未经剖露，犹谓陷于不知，今已证治判然，惟祈后贤留心讨论，神而明之。医称仁，于是乎不相远矣。

附小儿时疫证治

吴又可曰：凡小儿感冒风寒，疰痢等证，人所易知，一染时疫，人所难窥，所以耽误者良多。盖幼科详于痘疹、吐泻、惊疳，并诸杂证，在伤寒时疫，甚略之，一也。古人称幼稚为哑科，盖不能尽罄所苦以告师，师又安能悉夫问切之义，所以但知其身热，不知其头疼身痛；但知其不思乳食，心胸膨胀，疑其内伤乳食，安知其疫邪传胃也；但见呕吐恶心，口渴下利，以小儿吐泻为常事，又安知其协热下利也，又安何暇致思为时疫，二也。小儿赋质娇怯，筋骨柔脆，一染时疫，延捱失治，即便两目上吊，不时惊搐，肢体发痉，十指勾曲，甚则角弓反张。必延幼科，正合渠^①平日学习见闻之证，因多误认为慢惊风，遂投抱龙丸、安神丸，竭尽惊风之剂，转治转剧。因见不啼不语，又将神门、眉心乱灸，艾火虽微，内攻甚急，两阳相搏，如火添油，死者不可胜计，深为痛悃！今凡遇地方疫毒流行，大人可染，小儿独不可染耶？但所受之邪虽一，因其气血未足，筋骨柔脆，故所现之证为异耳。务宜求邪以治，故用药与大人仿佛。凡五六岁以上者，药当减半，一、二、三、四岁者，四分之一可也。又肠胃柔脆，少有差误。为祸更速，临证尤宜加慎。

[人方]

太极丸 凡疫病流行之时，小儿作热，即是时疫。乍有眼目上窜，角弓反张，手足搐掣，不可误认惊风，但以时疫，治之自愈。

天竺黄五钱 胆南星五钱 酒大黄二钱
直僵蚕三钱 真麝香二分 梅花片二分

共为细末，端午日午时修合，炼蜜为丸，如芡实大，朱砂为衣，凡遇疫证，姜汤化服一丸，神效。

痲疾证治

钱仲阳曰：小儿发痲，因气血未充，神气未实，或为风邪所伤，或为惊怪所触，亦有因妊娠时七情惊怖所致。若眼直目牵，口噤流涎，肚膨发搐，项背反张，腰脊强劲，形如死状，终日不醒，则为痲矣。

按：仲阳之说，亦明知有痲病，而谓终日不醒者为痲，不知痲病为三阳表证。据幼科所称惊痲，为心肝脾肺之里证。今反以表病腑病为重，里病脏病为轻；经脉行于皮肤肌肉者为重，经脉行于内脏贯膈者为轻；邪伤传导之腑为重，邪伤神明之脏为轻，颠倒背谬，令人不解。仲阳尚为此言，又安保后人之不讹传也！

万密斋曰：痲者，卒然而倒，四肢强直，目闭，或眼珠翻上不转，口噤，或有咬其舌者，口中涎出，或无涎者，面色青或白，面色或青或白，后贤仔细着眼。或作六畜声，其状不一，乃小儿之恶证也。昏晕一时，即醒如常矣。其发也，或以旬日计，或以月计，或以岁计。古人有三痲^②五痲^③之名，证治太多，似无一定之说，故后学不知其所从也。凡治痲之法，幼科所载，其方甚多，而无可取者，惟予家秘新方，名断痲丸，诚治痲之神方也。

予按：密斋之说，不为无见，乃私心窃喜，赖有斯人为之砥柱。及考其断痲之方，则皆寒凉攻伐，镇坠毒劣之药，予又以为不尽然焉。夫痲者痲疾也，非暴病之谓，亦由于初病时，误作惊治，轻施镇坠，以致蔽固其邪，不能外散，所以留连于膈膜之间，一遇风寒冷饮，引动其痰，倏然而起，堵塞脾之大络，绝其升降之隧，致阴阳不相顺接，故卒然而倒。病至于此，其真元之败，气血之伤，了然在望，挽之不能，犹认作此中之邪，无异铁石，非攻坚破垒，不足胜其冥顽。呜呼！以

① 渠：代词，表示第三人称，相当于“他”《集韵·鱼韵》：“渠，吴人称呼彼，通作渠。”

② 三痲：痰痲、火痲、惊痲之谓也。

③ 五痲：马、牛、猪、羊、鸡五痲之谓也。

娇嫩亏歉之体，而犹人井下石，岂司命慈幼之心哉！因录原方以正其惑。

断痢丸 此方重坠、寒凉毒劣、用之增困。

川黄连 青礞石 石菖蒲 辰朱砂 蚌珍珠
铁华粉 胆南星 白甘遂 上沉香 白茯苓

别以人参一钱、白术三钱，煎汤煮糊为丸，猪心汤下。

通心丸 本非心病，何用通心，伐及无辜，未可为训。

辰朱砂 马牙硝 明雄黄 真麝香 白附子
陈枳壳 正川芎 白茯苓 官拣参 川黄连
金银箔

蜜丸，麦冬汤下。

此即所谓断痢丸也，予谓此等之见，似未离乎幼科习气。夫病至于痢，非禀于先天不足，即由于攻伐过伤，每见痢儿，无不肌肥而白，神慢气怯，即万氏亦谓面色或青或白，岂有青白之儿，能任攻伐者乎？只因中气素弱，脾不运化，则乳食精微，不化荣卫而化为痰，偶值寒凝，即倏然而发。岂必心窍有痰而后发哉？若果心窍有痰，则已懵然一物，何以发过清明如故？可知非痰迷心窍之证，误作痰迷心窍之治，愈攻愈败，愈发愈动，不至于废弃不止也。有识者补救尚虞不暇，犹敢以礞石、朱砂、珍珠、铁粉之重坠，伤其心气，以甘遂大毒之物，损其心血，更加黄连之苦寒败胃，虽有一钱之参，如红炉点雪。后方朱砂、牙硝、雄黄、金箔之类，亦犹是也。原其意，不过谓重坠可以镇心，苦寒可以泻火，毒劣可以攻痰。此等治痢，无异郝王伐秦救赵，而周赵卒为秦井，虽理或有说，而势所不能也。故予之治痢，从不用治痢之方，而十全其十。此等之证，非用从治之法，莫能成功。其如幼科诸君，枋榆自足，高远厌闻，惟知见证治证，不知古哲有见痰体治痰，见血休治血，有汗勿止汗，逢热莫退热，喘生毋降气，精遗勿涩泄之训。此盖从治之法，而幼科视为泛言，寄司命之责者，固如是乎！有见者毫不治痰而痰自不生，毫不治痢而痢自不作，此其所以为神也。

[人方]

消风丸 凡治小儿诸般痢证，先服此丸七服。此非治痢之药，用以疏散外感，开通经络，庶后药得以流通故耳。

南薄荷 川羌活 川独活 北防风 明天麻 荆芥穗 正川芎 北细辛 以上俱各一钱
胆南星二钱

上为细末，炼蜜为丸，重一钱一颗，每日一丸，薄荷、苏叶煎汤化服，服完七丸，方服后药。

集成定痢丸 治小儿痢证。从前攻伐太过，致中气虚衰，脾不运化，津液为痰，偶然有触，则昏晕卒倒，良久方苏。此不可见证治证。盖病源深固，但可徐图，惟以健脾补中为主，久服痰自不生，痢自不作矣，偶系年深日久者，与河车八味丸间服，无不愈者。

官拣参一两，切片、焙干 漂白术一两五钱，切片，土炒 白云苓一两，切片，姜汁蒸过，晒干 真广皮一两，酒炒 法半夏一两 石菖蒲五钱，取九节者，切片 白当归一两，酒洗，晒、切 青化桂五钱，去皮，得桂不用 杭白芍一两，酒炒 白蔻仁一两，酒炒 漂苍术一两，用黑芝麻拌炒 南木香五钱，忌火 真龙齿一两，火煨，醋淬，研末，水飞过，晒干，取五钱 赤金箔三十张 镜面砂三钱，研末，水飞，晒干听用

上药各依分两制过，合为一处，焙干，研细末筛过，炼蜜为丸，龙眼核大，以朱砂为衣，贴以多箔，晒干，磁瓶收贮。每日早、午、晚各服一丸，姜汤化服。痢证未久者，服此；倘年深日久者，早服河车八味丸，午晚服此，无力备参者，不用亦可。

河车八味丸 治小儿痢证，年深日远，肝肾已亏，脾肺不足，心血耗散，证候不时举发。此证总归于虚，不可以为有余而攻逐之，致成不救。但以此丸早服，以救肝肾，前定痢丸午、晚服，以宁心健脾生肺，则万举万全，真神治也。

紫河车一具，头生男者，用白矾煎汤揉洗极净，用姜汁同酒煮烂 大地黄三两，姜汁、砂仁同酒煮烂 净枣皮一两，炒干 粉丹皮五钱，酒炒 宣泽泻一钱，盐水炒干 嫩鹿茸二两，切片，炒干 白云苓一两五钱，乳汁蒸晒 怀山药一两五钱，酒炒 川熟附七钱五分，切，焙干燥 青化桂七钱五分，去粗皮，

研 北五味一两，去梗，炒干 大麦冬一两^①，去心，糯米拌炒

上药依法炮制，和为一处，焙极干，研为细末，炼蜜为丸，龙眼核大。每早一丸，用淡盐汤化服，以饮食压之，午及临卧各用前定痢丸一服。

[幼科预宜修制应用丸药七方]

消风丸 凡疏通腠理，清解表邪，启发皮毛，流利经络，病之初起者，用之。

方见二卷痢疾证治。

集成金粟丹 凡开关通窍，下气利痰，醒昏定痉，一切危急者用之。

方见二卷类搐咳嗽。

集成沆瀣音充械。丹 凡导滞清热，降火利膈，解胎毒，去积热，通利二便用之。

方见二卷胎病论。

泻膏丸 凡退热平肝，清表里，定痉搐，解烦退热，表里两急者用之。

方见四卷啼哭证治。

理中丸 凡脾虚中寒，面青腹痛，寒呕寒泻，四肢厥冷，一切虚寒者用之。

方见二卷乳于伤寒之理中汤，加增分两，炒研蜜丸，即理中丸。

三仙丹 凡饮食过多，有形之物填塞中焦，及痢疾大便不通，一切宜攻下者用之。

方见二卷类搐痢疾。

太极丸 凡遇年岁疫疠流行，小儿发热昏沉，甚则作搐者，时疫也，宜用此。

方见二卷小儿时疫证治。

已上七方皆宜预为修制，以备急需。凡古方截风定搐之药，无所用之，不必留意。

乳子伤寒证治

幼科谓小儿八岁以前无伤寒，不知此语出于何经。夫寒风暑湿燥火，为六气政令，乃阴阳代谢之机，岂伤人之物？只因人之脏气不足者，各从其类而禽受之，因其偏受而致病，所以谓六淫之邪，其来自天，决无择人而人之理。今谓小儿八岁以前无伤寒，不知寒邪不伤八岁以前之儿乎？抑八岁以前之儿不受寒邪之伤乎？若谓

八岁以前天癸未足，则八岁以后天癸仍未足，则应云十六岁以前无伤寒，又何独以八岁为言哉？夫癸肾内藏真阳，与壬膀为表里，今癸水真阳未足，则壬水清寒，故寒邪之来，各从其类，竟趋太阳寒水之经，以寒召寒，诚莫能御，所以小儿伤寒为最多。今谓其无伤寒，不几令小儿之病伤寒者，束手待毙，皆死非命乎？非小儿无伤寒，因其荣血未充，易于生热，治之不当，即变而为痉。幼科指为惊风者，即此是也。然小儿伤寒，贵于急治，但不宜发表，由其肌肤薄，腠理疏，恐致汗多亡阳。若能于初起之时，即为解肌，祛其表邪从外而出，则必无变痉之虞矣。

或曰，伤寒同一病耳，而乳子与小儿治各有异，何也？曰，乳于筋骨柔脆，不附伤寒，初入太阳，即入事昏沉，浑身壮热，筋脉牵强。医不详辨，误认惊风，其祸立至，所以乳于伤寒，贵于急治，故辨证不繁，用方宜简。若迁延时日，则无力附之矣。是以与小儿之传经论治者，缓急不同。

其证初起，男体重面黄而带惨色，女面赤而带惨色，喘急恶寒，口中气热，呵欠顿闷，项急者是也。

如恶风寒，必偎藏其身于母怀者，是藏头伏面，此谓表证。可与解肌，桂枝防风汤。

如恶热，出头露而，扬手掷足，烦渴便秘，掀衣气粗，是为里证。略疏通之，小柴胡汤加大黄，中病即止。

如头额冷，手足冷，口中气冷，面色暗淡，大便泻青，此为阴证里虚，当救其里，理中汤。

如大热大渴自汗，此表里实热，宜和解，柴胡白虎汤清之。

又有先伤风寒，后伤饮食；或先停饮食，后感风寒，名夹食伤寒。其证壮热头痛，暖气腹胀，大便酸臭，留连不解，大柴胡汤下之；体素怯者，惺惺散。

[人方]

桂枝防风汤 治半周一岁以至三五岁幼儿，伤寒初起，恶寒发热，体重面黄，或面白喘急，口中气热，呵欠顿闷，速以此方解散肌肉之

^① 一两，光绪本作“二两”。

邪。此方有汗能止，无汗能发，不致过汗亡阳，为幼科解表之第一方。

嫩桂枝一钱五分 杭白芍二钱 北防风一钱五分 老生姜一钱 大红枣五枚 炙甘草一钱

有痰加芥子一钱；有呕吐加陈皮、半夏各一钱；热多加柴胡一钱；胸紧气急加枳壳、桔梗各一钱。

上作一剂，水煎，热服。

小柴胡汤加大黄 治小儿里热恶热，出头露面，扬手掷足，烦渴燥粪，掀衣气粗，微利之。

官拣参七分 北柴胡一钱五分 片黄芩一钱 法半夏一钱 炙甘草五分 锦庄黄一钱

生姜三片，红枣三枚为引，水煎，热服。

理中汤 治阴证里虚，头额冷，手足冷，口中气冷，面色暗淡，大便泄青。

官拣参一钱 漂白术二钱 炮姜炭一钱五分 炙甘草一钱

大枣三枚为引，水煎浓，凉冷服。

柴胡白虎汤 治表里皆热，大热大渴自汗。

官拣参一钱 熟石膏二钱 净知母一钱 北柴胡一钱 炙甘草一钱

合一剂，用早粳米一撮为引，水煎，热服。

大柴胡汤 治夹食伤寒，其证壮热头痛，噎气腹胀，大便酸臭，延绵不解。

北柴胡一钱五分 锦庄黄一钱 法半夏一钱 赤芍药一钱 小枳实一钱二分

生姜三片，大枣一枚为引，水煎，热服。

惺惺散 治小儿真元不足，气血怯弱，内伤外感，热不能受。

官拣参一钱 漂白术一钱五分 白云苓一钱 白芍药一钱 芽桔梗一钱 天花粉一钱，酒炒 北细辛五分 正川芎一钱 北防风一钱

生姜三片，红枣三枚为引，水煎，热服。

小儿伤寒类治 出程凤雏《慈幼筏》

帝曰：人伤于寒而传为热，何也？岐伯曰：夫寒盛则生热也。帝曰：今夫热病者，皆伤寒之类也。小儿八岁以后，气血充足，经脉完固，伤寒与大人同治，仍自表达里，先皮毛，次肌肉，次筋骨肠胃，丝毫不爽。其始也，先从太阳寒水一经，有

恶风恶寒，头痛脊强等证。寒郁皮毛，是为在表，脉浮紧无汗为伤寒，麻黄汤发之，得汗而解；脉浮缓有汗为伤风，以桂枝汤散之，汗止而解。

疏：太阳经在最外一层，故邪入皮毛，即先伤之。皮毛不能传变，由太阳之络脉传入本经，而后内入诸经也。邪客皮毛，即玄府汗孔也。闭。人身脏腑之气，无刻不与外气通，通故和畅，玄府闭则内气不能发泄而生热，非风寒能变热也。此时但发其皮毛。玄府开而邪随汗散矣。麻黄、桂枝汗皮毛之方，非解中之药也。若表不解，热积而日甚，从本经反而之内，及各经之并荣俞合交会之处，则热传于他经，而各经并见矣。经脉所出为井，所溜为荣，所注为俞，所入为合，十二经脉，莫不皆然。

太阳既罢，无头痛恶寒，脉又不浮，为表证罢而在中，乃阳明少阳之间。脉不浮不沉，而在乎肌肉之间，皮毛之下。脉有二焉：若微洪而长，阳明脉也，外证鼻干不眠，用葛根解肌，脉弦而数，少阳脉也，外证胁痛耳聋，口苦，寒热往来，以小柴胡汤和之。盖阳明少阳，不从标本，从乎中治，若有一毫恶寒，邪尚在表，虽入中，还当兼散邪。

疏：肌肉不能传变，肌肉之中皆经络也。经络谓之中，里则脏腑，表则皮毛。脏腑之气血，惟经络传达；外邪之壅热，亦惟经络传变。故阳明少阳，皆从中治。中者，经病也，非胃与胆病也。阳明属胃，少阳属胆，皆外之经络受病，非内之胃与胆病也。经病用和解，和解亦必由汗散，然非开发皮毛之法矣。盖邪初客表，经中阴津受伤，但启其毛窍而汗自通，及热传中经，血液燔灼，窍虽启，而汗为热隔不能外达。庸工不知，尚用风热之药，以发其表，益助热而耗阴，汗源干涸，究竟不得汗而毙者多矣。仲景和解只清解热邪，而津液自存，阴汗既充，涌出肌表，而外邪自然涣散。此养汗以开玄府，与开玄府而出汗者，迥乎不同也。

邪在阳明则解肌，邪在少阳则和解。然病犹未退，既为传里实热，脉不浮而沉，按之筋骨之间，所谓阳明胃府病也，与经病不同。阳明经病已罢，至此传入胸中之胃府矣。若脉沉实有力，外证不

恶风寒而反恶热，谵语大渴，六七日不大便，皆肠胃燥实致之。轻则大柴胡汤，重则三承气，大便通而热愈矣。

疏：热邪入里，驱出为难，故就大便通泄，从其近也，得汗而邪从汗解，非汗为害，而欲驱之也；便矢而邪从矢出，非矢为难，而欲攻之也。矢与屎同。医不察此，但知消克泻下之法，始终禁绝饮食，求一便矢为能事，殊可笑矣！

寒邪直入三阴之经，名曰直中。乃三阳主气衰，无热拒寒热也。故初起即手足厥冷，或战栗踈卧不渴，或腹痛呕吐泄泻，或口吐涎沫，面如刀刮，不发热而脉沉迟无力。此不从阳经传入同治之例，更当看外证何如。轻则理中汤，重则姜附汤、四逆汤治之。

疏：伤寒者，由皮毛经络而后入脏腑。初虽恶寒发热，而终为热证，其入必素有火者；直中脏腑，始恶寒而并无发热等证，其入必素无火者。一则发表攻里，一则温中散寒，两途判然明白。

证有反常者，如发热面赤烦躁，揭去衣被，饮冷脉大，非阳证乎？然投凉药而死者，何也？内有伏阴也。切其脉，不论浮沉大小，必指下无力，按之筋骨之间皆然，甚者服一切茶汤及药皆吐，此阴盛格阳，乃白通汤加人尿猪胆汁证。仲景将传经、直中并论，正谓有阴证似阳，阳证似阴耳。如太阳证头痛发热，当脉浮面反沉，又似少阴矣，故用麻黄附子细辛汤；少阴证脉沉，应无热而反发热，又似太阳矣，须用甘草干姜附子汤。阴证四肢厥逆，而阳证亦有厥逆，此四逆汤与四逆散不同也；阴证下利，阳证亦有漏底，此理中汤与黄龙汤不同也。

伤寒总括五法

一曰发表。其证脉浮发热，身痛恶寒，脊项强，气喘咳嗽，头痛，四肢拘急，目舌和，脉不沉，口不渴，大小便如常。方主麻黄、桂枝、青龙之属。

一曰解肌。脉尺寸俱长，目痛鼻干，漱水不欲咽。方主葛根汤、升麻葛根之属。

一曰和解。脉不浮不沉，往来寒热，呕吐胁

痛，胸前胀满，耳聋，头汗盗汗，目眩口苦。方主小柴胡、大柴胡之属。

一曰攻里。脉至沉而有力，潮热恶热，腹痛下利转失气，手足心腑下有汗出，咽干齿燥，目不明，谵语发狂，小腹满，下利清黄水，不得眠，小便多，自汗；外证头痛发热俱罢。方主白虎、小承气、六一、顺气之属。

一曰救里。脉沉无力，下利清谷，小便清长，四肢厥冷，呕吐清水涎沫，背恶寒，踈卧多眠，囊缩，爪甲青，吐蛔，干呕舌卷，手足拘急，身体痛如被杖。方主理中、四逆、真武、白通之类。

[人方]

麻黄汤 治太阳经寒伤荣，发热无汗恶寒。

净麻黄 嫩桂枝 光杏仁 炙甘草等分

水煎，热服，得汗而解。

桂枝汤 治太阳经风伤卫，发热自汗恶风。

嫩桂枝一钱五分 杭白芍二钱 老生姜一钱

五分 大红枣五枚 炙甘草一钱

水煎，热服，仍得微汗，不可大汗。

大青龙汤 治太阳证见风脉。

净麻黄 熟石膏各三钱 嫩桂枝一钱 光

杏仁五枚 炙甘草四钱 老生姜一片 大红枣一枚

水煎，温服，惟恐汗多。

太阳证而见风脉，是有头痛身热，无汗恶寒，但脉不紧面缓，为伤寒兼中风之候，故合麻黄、桂枝用之。风寒外盛，则入身之阳郁为内热，石膏所以加也。曰大青龙，言其行云致雨之速。然苟不善用，则亡阳之祸，变为筋惕肉瞤矣，可不慎哉！

小青龙汤 治表不解，心下有水气，干呕，或咳、或噎、或喘。

净麻黄 嫩桂枝 白芍药 制半夏以上各一钱二分 炙甘草 白干姜 北细辛各五分 北五味十二粒

水煎，温凉得所，徐服。

表不解者，头痛身热尚在也。渴时饮水过多，故心下有水气，咳、噎、喘者，水寒射肺也。有声无物曰干呕。此方麻、桂、草发表，夏、辛、姜散水气；芍药和阴血；五味收肺气。所谓青龙者，东

方木神，主发育万物之义。

惕慄散 方见前乳子伤寒证治。

葛根汤 治阳明胃经，目痛鼻干不眠。

粉干葛一钱五分 赤芍药 嫩桂枝 炙甘草各六分 净麻黄去节，一钱 鲜葱白三茎 老姜三片 大红枣一枚

净水煎，热服。

如恶寒加麻黄；恶风加桂枝；如正阳明腑病，不恶寒，有汗而渴，当用白虎汤。

升麻葛根汤 治邪在阳明经，无汗恶寒发热。

绿升麻 粉干葛 赤芍药 炙甘草

净水煎，热服。

此方疏表去寒，和血气，故为痘家之用。

小柴胡汤 治少阳胆经，耳聋，胁痛，寒热往来，口苦。

北柴胡三钱 官拣参 片黄芩 法半夏 炙甘草各一钱

姜一片，枣一枚为引，水煎服。

按：此经无出入路，不可汗下，止此汤和解之。如兼阳明证，本方加葛根、芍药；如尚有恶寒等证，用大柴胡汤。

太阳经，表之表也，行身之背；阳明经，表之里也，行身之前；少阳经，半表半里也，行乎两肋之旁。过此则少阴、太阴、厥阴俱入脏面为里。

大柴胡汤 治表证未除，里证又急，汗下兼行。

北柴胡一钱五分 片黄芩一钱 白芍药一钱 法半夏八分 锦庄黄七分 小枳实四分 老生姜三片 大红枣一枚

水煎，空心热服。

白虎汤 治身热大渴而有汗，脉洪大者；无渴者不宜。

熟石膏三钱 净知母二钱 炙甘草一钱 晚粳米一撮

净水浓煎，滚热服。

邪入于里，内有实热，故恶热。热越故有汗，里燥故有渴，邪盛故脉大，邪在阳明，故脉长。白虎者，西方金神也，名此者，欲秋金之令行，而火之炎息耳。此暑月热病，发热正方。石膏寒中之

药，淡而辛，能汗能利，必其人大汗而渴，齿燥，脉洪长可用；若无汗，脉虚而不洪长，或重按全无，虽壮热口渴，象白虎证，此脾胃气虚，元阳不足，误服必死。

调胃承气汤 治太阳阳明，不恶寒，反恶热，大便秘结而呕，日晡潮热。

锦庄黄三钱 白芒硝二钱 炙甘草一钱

生姜五片，水煎，热服。

大承气汤 治阳明太阴，谵语，五六日不大便，腹痛烦渴，并少阴舌干口燥，日晡发热，脉沉实者。

锦庄黄五钱 川厚朴二钱 小枳实二钱 白芒硝三钱

老生姜五片，用水煎，液热服。

小承气汤 治六七日不大便，腹胀满闷，病在太阴，无表证，汗后不恶寒，潮热狂言而喘者。

锦庄黄三钱 川厚朴二钱 小枳实二钱

净水煎浓，滚热服。

桃仁承气汤 治外证已解，小便急，大便黑，小便利，为瘀血证。

锦庄黄二钱五分 白芒硝一钱五分 嫩桂枝一钱 光桃仁十粒 炙甘草一钱

水煎。滚热空心服。

凡用三承气者，须以手按病人，自胸至小腹，果有硬处，手不可近，又看其舌之燥滑何如，然后分别当急下者，宜大承气汤；可少与者，宜小承气汤；宜微和胃气者，调胃承气汤。此以仲景圣法用之也。

小建中汤 治伤寒腹中急痛，阴阳相乖。

嫩桂枝一钱 白芍药二钱 炙甘草一钱

新饴糖五匙 老生姜五片 大红枣三枚

净水浓煎，半饥服。

阴证腹痛，不大便，桂枝芍药汤；腹痛甚，桂枝大黄汤；腹痛自利，小便清白，宜四逆、理中。

黄芪建中汤 治伤寒汗后身痛，脉迟弱者。

炙黄芪一钱五分 炒白芍二钱 青化桂一钱 炙甘草一钱 老生姜五片 大红枣五枚

煎好，入饴糖三匙，再煎一沸服。若微溏泄者，或呕者，皆不用。

汗多耗损阴气，不能荣养筋骨，故痛，阳虚

故脉迟，汗后故脉弱。此乃建立中气，使生长荣卫，通行津液，则表不虚，而身痛自愈。

理中汤 治太阴即病，自利不渴，寒多腹痛。

人参片二钱 漂白术三钱 炮干姜一钱 炙甘草一钱

净水浓煎，温凉徐服。

真武汤 治汗发过多，心下悸，头眩，身目，振振欲擗地者。

熟附片 白芍药 白云苓各二钱 漂白术一钱五分

老生姜二钱，净水浓煎，温凉得中服。

心亡津液，肾气欲上面凌心，故悸；汗多亡阳，虚邪内动，故眩暈欲擗地。真武者，北方之神，能司水火，不使蛟龙丰起陆者也。

白通汤 治少阴下利无脉。

熟附子三钱 白干姜一钱五分 鲜葱白三茎 净水浓煎，冷服。

少阴主禁固二便，寒邪居之，则失其权矣，故下利。葱白所以通阳气，姜、附所以散阴寒也。能散能通，差足尽少阴之职。服此汤利不止，复厥逆无脉，干呕面烦，即加童便半杯，猪胆汁五匙服之。脉微续者生；脉暴出者死。

麻黄附子细辛汤 治少阴病始得，发热脉沉。

净麻黄三钱 熟附片三钱 北细辛一钱

净水煎浓，温冷服。

病发于阴，当无热，有热者，太阴经表里相传之证也。少阴虚，则太阳邪由络直入，其不尽人者，留为表热，故用麻黄以发汗，辛、附以温中，中外互攻，面贼邪蓄服矣。

四逆散^① 治阳气亢极，血脉不能通，四肢厥逆，在臂胫之下。若阴证则上过乎肘，下过乎膝矣。

北柴胡 白芍药 小枳实 炙甘草等分

净水浓煎，滚热服。

阳邪传入于阴，里有结热，阳气不能伸于四末，故四逆而不温，用枳实所以破结气而除里热，用柴胡所以升发真阳而回四逆，甘草和不调之气，芍药收失位之阴。夫伤寒以阳为主，四逆

则有阴进之象，若用苦寒下之，必致阳益亏矣，故用此方。

甘草泻心汤 治呃逆，脉洪大，心火上奔，肺不得纳。

炙甘草二钱 正川连五分 法半夏一钱 片黄芩一钱 官拣参一钱 白干姜一钱 老生姜一钱 大红枣五枚

净水浓煎，对人参汤服。

胃寒呃逆，脉微细，干姜、半夏、丁香、柿蒂治之；若因失下，大便实者，小承汤治之。

玄参升麻汤 治发癍咽痛。

黑玄参一钱五分 绿升麻一钱 炙甘草一钱 净水浓煎，热服。

阳毒升麻汤 治赤癍狂言，吐脓血。

绿升麻一钱五分 真犀角一钱 鲜射干一钱 片黄芩一钱 官拣参一钱 炙甘草八分

净水浓煎，对人参汤热服。

阳证误温，当汗失汗，当下失下，或下早邪热入胃，或下迟热留胃中，皆致发斑。赤者二方可治，紫黑必死。

世有内伤发斑者，胃气虚极，一身之火浮游于外，宜补以降之，此证人多不识。

桃仁汤 治狐惑声哑。

光桃仁二十粒^② 槐花子二钱 陈艾叶一钱 大红枣三枚

净水煎极浓，空心热服。

狐惑者，失汗所致，食少胃空，虫咬其脏，则上唇生疮为惑；虫食其肛，则下唇生疮为狐。其候齿燥，声哑恶食，面目乍赤乍白乍黑，舌上白胎，唇黑，四肢沉重，喜眠，服此须臾^③，以黄连犀角汤^④清之。

黄连犀角汤 服桃仁汤，后服此。

真犀角三钱 正川连二钱 肥乌梅四个 南木香三分

净水浓煎，磨木香冲服。

① 散：原作“汤”，据《伤寒论》改。

② 粒：原脱，据光绪本补。

③ 臾：原作“更”，义不通，形误，据文意改。

④ 汤：原脱，据下文补。

雄黄锐散 治虫食肛狐惑证。

明雄黄 光桃仁 干苦参 正川连 青箱子

上等分，为末，艾汁和匀，如小指尖大，绵裹，纳人谷道中，日易之。

牛蒡根汤 治发汗不透，余毒在心包络，令蹇后昏沉，甚至手足搐搦，或寒或热。

牛蒡根 净麻黄 川牛膝 制南星各六钱
上为末，每服五分，好酒调下，日三服。

牡蛎泽泻汤 治前证腰以下浮肿者。

左牡蛎煨 宣泽泻 甜葶苈 天花粉等分
上为细末，每服一钱，米饮调下。

黄龙汤 治发热不退，或寒热往来。

北柴胡三钱 炒黄芩 赤芍药 炙甘草各二钱

生姜三片，红枣三枚为引，水煎，热服。

伤风证治

《经》曰：风为百病之长。清净则肉腠闭拒，虽有大风苛毒，勿之能害。否则天有八风，乘虚感袭。又曰：贼风虚邪，避之有时。贼风者，如立春日，肝木旺七十二日，西风为贼邪，金克木也；立夏日，心火旺七十二日，北风为贼邪，水克火也；立秋日起，肺金旺七十二日，南风为贼邪，火克金也；立冬日起，肾水旺七十二日，西南风为贼邪，土克水也；三、六、九、十二月，脾土每季旺一十八日，东风为贼邪，木克土也。此对冲之风，最能伤人，然中气足，腠理密者，始能无害。其所以受邪致病者，皆怯弱之体，故风邪得以乘之；或有不慎而感受者，顿然头痛鼻塞，呵欠喘急，身热脉浮者是也。盖肺主皮毛，风入皮毛，多为咳嗽，其指纹红紫而长，外感候也。复有伤风自利，腹胀而手足冷者，脾怯也，当与和脾而兼发散。有潮热多睡，气粗呕吐，乳食不消，大便黄白而嗽者，脾肺受寒，不能受纳而吐也。若伤风多泪，胁痛目肿而咳者，兼肝证也；舌苦面赤，汗流而嗽者，兼心证也；而黄唇肿，少食恶心，兼脾证也；面白眶肿，上气喘急，为肺本病；嗽而腰疼者，兼肾证也。

[人方]

人参败毒散 人参无力措办者，不用亦可。治小儿四时感冒，以及伤风咳嗽。凡咳嗽痰不应者，每日二服，不拘剂数，以痰豁为度。

官拣参五分 白桔梗 陈枳壳 正川芎 甘草 白云苓 川羌活 川独活 信前胡 北柴胡 北防风 荆芥穗各一钱

脾怯者，倍云苓加怀山、扁豆；脾肺寒者，倍云苓，加白术、怀山、藿梗；兼肝证，倍柴胡，加白芍，微加青皮；兼心证，倍独活，加连翘、木通；兼脾证，加六曲、山楂、麦芽；兼肺证，倍枳壳，加芥子；兼肾证，倍独活。

生姜一小片为引，水煎，热服，忌油。

伤暑证治

《经》曰：因于暑，汗，烦则喘满，静则多言，体若燔炭，汗出而散。又曰：气盛身寒，得之伤寒；气虚身热，得之伤暑。婴儿之患，夏秋为甚，盖火土旺于长夏，正当金水受伤。稚阳阴微，已失天和，加之暑热，阳气浮于外，生冷戕于中，夏失长养，则不能生金而病于暑。然有中暑而病者，有因暑而致病者，虽病有不同，而总由于暑。故其为病有阴阳二证：曰阴暑，曰阳暑。治由冰炭，不可不辨也。

阴暑者，因暑而受寒也。凡膏粱之儿，畏暑贪凉，不避寒气，又或居深堂广厦，或乍热乍寒之时，不谨衣被，以致寒邪袭于肌表。其证头痛无汗恶寒，身体拘急，四肢酸疼。此以暑月受寒，虽名阴暑，即伤寒也。治宜温散，五积散、清暑益气汤。不恶寒而发热者，入参白虎汤，热退后，用调元生脉散补之。

又有不慎口腹，过食生冷瓜果，凉茶冷水，以致寒凉伤脏，而为呕吐泻利腹痛等证，此亦因暑受寒，寒邪在内，治以温中为主加味五苓散；不应，理中汤。

阳暑者，藜藿之儿有之，常在烈日之中，坐于热地之上，澡浴寒润之内。其证发热头痛，烦躁，大渴大汗，脉洪滑，大便干结，小便赤痛者，白虎汤；脉虚，烦渴而少气者，人参白虎汤；若眩

晕者，生脉散；兼吐泻者，藿苓汤。

凡治暑证，最当辨其阴阳虚实。若外中热邪，内亦烦躁而热者，此表里俱热，方是阳证，治宜清补如前。

若脉虚无力，或为恶寒背寒，或为呕恶，或为腹痛泄泻，或四肢鼻尖微冷，或不喜凉茶冷水，或息促气短，无力以动之类，皆阳中之阴证也。凡见此类，但当专顾元气，四君子为主治，或理中汤加芍药。若虚寒甚者，则舍时令而从证，附、桂在所必用，切不可因暑热之名面执用寒凉解暑，则祸不可胜言矣。

[人方]

五积散 治阴暑受寒，头痛无汗恶寒，身体拘急，四肢酸疼，以此温散之。

香白芷 真广皮 川厚朴 牙桔梗 陈枳壳 正川芎 杭白芍 白云苓 漂白术 大当归 制半夏 漱桂枝 黑炮姜 炙甘草 生姜三片，大枣三枚，水煎服。

清暑益气汤 治伤暑烦热，自汗口渴，恶寒发热者。

官拣参六分 炙黄芪一钱 漂白术一钱 六神曲五分 宜泽泻五分 川黄柏五分 杭青皮五分 粉干葛一钱 北五味三分 炙甘草五分 生姜一片，大枣三枚为引，水煎，热服。

人参白虎汤 治中暑不恶寒而发热者。

官拣参^①一钱 熟石膏二钱 净知母 炙甘草各一钱 晚粳米五钱

口渴甚，加麦冬一钱、北五味五分。

水煎，热服。

调元生脉散 平肝木，益脾土，泻邪火，补元气，小儿要药。

官拣参一钱 炙黄芪二钱 大杭冬一钱 北五味三分 炙甘草一钱

生姜三片，大枣三枚，水煎，温服。

加味五苓散 治暑证之要药也。

漂白术二钱 白云苓二钱 结猪苓二钱 宜泽泻二钱 青化桂一钱 藿香梗一钱 宣木瓜一钱 西砂仁一钱

生姜一片，大枣一枚，灯芯十茎引，水煎，热服。

理中汤 治阴暑呕吐，泻利腹痛。

官拣参^②三钱^③ 漂白术三钱 黑炮姜一钱 五分 炙甘草二钱

大枣三枚引，水煎，温服。

白虎汤 治阳暑发热，头痛烦躁，大渴大汗，脉洪实，大便秘结，小便赤痛。

熟石膏三钱 净知母二钱 炙甘草一钱 晚粳米一两

水一碗，先煮米熟后，纳后三味，同煎，滚热服。

生脉散 固中气，清火热，保肺金。

官拣参二钱 大杭冬三钱 北五味七分 水煎极浓，温服。

藿苓汤 治阳暑脉虚，兼吐泻。

漂白术二钱 陈香藿一钱五分 白云苓二钱 结猪苓二钱 宜泽泻二钱 青化桂一钱 白扁豆一钱五分 川厚朴一钱 炙甘草五分

生姜一片，大枣一枚，灯芯十茎引，水煎服。

四君子汤 方见三卷疟疾证治。

理中汤加芍药 治伤暑腹痛泄泻。

即本方加炒白芍药一钱五分。

伤湿证治

《经》曰：诸湿肿满，皆属于脾。又曰：风雨则伤上，清湿则伤下。是湿之为病，有出于天气者，雨露是也；有出地气者，泥水是也；有出饮食者，酒浆生冷是也；有出人事者，汗衣卧湿，如小儿澡浴、粪秽、衣襟不干，皆是也。然所因虽异，悉由乎脾气之虚，而辨治之法，其要惟二：一曰湿热，一曰寒湿尽之矣。病而发热者，谓之湿热病；病而多寒者，谓之寒湿。湿热之治，宜清宜利，热去湿亦去也；寒湿之治，宜燥宜温，非温不能燥也。

湿热证，其证发热身痛，多烦渴，小便赤涩，大便秘结，脉见洪滑，方是热证，宜利宜清，柴苓

① 官拣参：原作“大官拣”，据本书药名常例改。

② 官拣参：原作“大官拣”，据本书药名常例改。

③ 三钱：光绪本作“一钱”。

汤、茵陈饮。如果湿热之甚，或元气壮而兼秘结不通者，方可推荡之，集成沆瀣丹。

寒湿证，惟胀满泄泻呕吐，皆寒湿之病也。凡小儿喜弄冷水，坐卧湿地，其证头痛身重，寒热往来，宜胃苓汤。如兼呕吐，加藿香、砂仁；如因中湿，浮肿者，胃苓汤合五皮汤^①如不效，必用温补，俟阳气渐复，则阴邪始退，如理中汤、八味丸，宜择用之。

凡脾虚多病湿，内因酒面停滞，嗜瓜果，喜生冷，烧炙甘肥，以致湿热壅溢而为病者，此内因也；复有坐卧湿地，雾露阴雨所客，澡浴为风所闭，涉水为湿所郁，于肌腠则发黄也，此湿由外生。可见内外所感，皆由脾气虚弱，而湿邪乘而袭之。中湿发黄者，茵陈五苓散；不效，六君子汤燥脾而黄自退。

[人方]

柴苓汤 治中湿恶热如疟。

官拣参一钱 北柴胡一钱五分 枯黄芩一钱
法半夏一钱 漂白术一钱 结猪苓一钱 宣
泽泻一钱 上青桂五分 白云苓一钱 炙甘草五
分

生姜三片，大枣三枚，水煎，热服。

茵陈饮 治中湿发黄作热，大小便涩。

茵陈蒿二钱 黑梔仁一钱五分 赤茯苓一钱
甜葶苈一钱 小枳实五分 生甘草五钱
灯芯十茎，水煎，食前服。

集成沆瀣丹 方见二卷胎病论。

胃苓汤 治中湿头重体重，往来寒热，和水土，调脾胃。

漂苍术二钱 炒厚朴一钱 广陈皮一钱
炒白术一钱 白云苓一钱 结猪苓一钱 宣泽
泻一钱 炙甘草五分 上青桂五分

生姜三片，水煎，食前服。

五皮汤 此方合胃苓汤，专治浮肿，神效。

生姜皮 大腹皮 茯苓皮 桑白皮 五加
皮以上各一钱

灯芯十茎，大枣三枚为引，水煎，空心服。

理中汤 方见二卷伤暑证治。

八味地黄汤 方见一卷保产论小产论。

茵陈五苓散 治中湿发黄。

茵陈蒿二钱 漂白术一钱 白云苓一钱五分
结猪苓一钱 宣泽泻一钱 青化桂五分 炙
甘草五分

生姜三片，大枣三枚为引，水煎服。

六君子汤 方见二卷非搐吐泻。

霍乱证治

《经》曰：足太阴厥气上逆则霍乱。又曰：不远热则热至，热至则身热，吐下霍乱。夫霍乱之起于仓卒，其证挥霍扰乱，无有宁止，故名霍乱。多因夹食伤寒，阴阳乖隔，上吐下泻，而烦躁闷乱者是也。盖人有三焦：上焦受纳水谷，主入而不主出；中焦腐化水谷，流行于五脏六腑；下焦分别水谷，主出而不主纳。故邪在上焦则吐；邪在下焦则泻；邪在中焦则上吐下泻。凡霍乱得吐泻，则邪气上下得出，斯无苦也，陈莖出尽，而吐泻自止。乃有上不得吐，下不得泻，为干霍乱，又名绞肠痧。其病因脾胃之邪无从而出，若加喘满作搐者，十不救一。其有上吐下泻者，当分寒热而治之，亦宜止其乳食，恐其增痰也。故霍乱饮米汤必死，以其助胃邪故也，宜藿香正气散。

有先泻后吐者，乃脾胃虚寒，故先泻白水而吐亦不多，口气缓而神色慢，额上有汗，六脉沉细，此为虚冷，宜温之，六君子汤；不愈，则理中汤加藿香、木瓜各一钱。

有先吐后泻者，乃脾胃有热，故喘促唇红，吐来面赤，渴饮水浆，脉洪而数，此为热也，宜和解之，五苓散加藿香。

其干霍乱上不得吐，下不得泻，最为危迫。速用盐汤探吐之，必待其吐出宿食积痰，然后用药。或以针刺十指甲边令血出；或刺膝弯，名委中穴。出血即解，后用藿香正气散。

[人方]

藿香正气散 治风邪伤胃，阴阳不和，上吐下泻。

紫苏叶一钱 大腹皮一钱 芽桔梗一钱

^① 五皮汤；原作“五皮散”，据卷四“肿满证治”改，下径改。

白云苓一钱 制半夏一钱五分 川厚朴一钱 真
广皮一钱 香白芷一钱 炙甘草一钱

生姜三片,大枣二枚,水煎,热服。

六君子汤 方见二卷非搐吐泻。

理中汤 方见二卷乳子伤寒证治。此加藿香、木瓜。

五苓散 方见二卷伤暑证治。此加藿香。

盐汤探^①吐法 其法以温水调食盐略咸,一大碗,令儿服之,良久,以指探其喉间则吐,一吐即松。

[霍乱简便方]

凡霍乱吐泻腹痛者,切忌热汤及米汤,犯之必死。必待其吐泻后一二时久,服药过后,俟其胃气稍回,渴止知饥,方可以稀粥与之。

凡霍乱呕吐,不能受纳药食危甚者,速以新汲水和百沸汤各一盞和匀,名阴阳汤,饮数日^②即定。

凡痰涎及宿食恶毒之物,阻塞中焦而令腹胀欲作霍乱者,即与盐汤,令其顿服,吐尽痰食即安。

霍乱吐泻,诸药不效,绿豆、胡椒各二十一粒,研细,水煎服,如口渴甚者,将二物研细,以新汲井水调^③服则安。

一方以六一散一二钱,浓姜汤调服,夏月更妙。盖六一散凉,姜汤热,亦寒因热用之意也。

干霍乱即绞肠痧。其症忽然心腹绞痛不可忍,上不得吐,下不得泻,痰壅腹胀,手足厥冷,六脉沉细或伏,死在须臾,真恶候也。急用食盐一两,生姜五钱,捣碎,同盐炒黑色,水一大碗,煎数沸,温服,良久。以指探喉中探吐之,或不吐即泻。绞肠痧亦有阴阳。阴痧腹痛手足冷,看其身上有红点,以灯火于红点上灼之;阳痧腹痛手足暖,以针刺其十指背近爪甲处一韭叶许,出血即安。仍先自两臂腋下其恶血,令聚指头,然后刺之。

凡发痧手足厥冷,腹痛,用温水一碗,令病人伏卧凳上,以手蘸水拍其两膝弯,名委中穴。看其有紫黑点现,以针刺出恶血即愈。脾脉、肝脉、肾脉,三阴之脉皆从此委中穴过。

又法,以香油拍两手曲池穴,即肘内弯处。以苎麻蘸油戛^④之,刮起紫疹,立刻即愈。脾脉、心脉、心包络脉,皆从此曲池而过,已上所为,亦疏散之意也。

① 探:原脱,据光绪本补。

② 日:校本同,据医理似当作“口”,存疑。

③ 调:原作“谓”,形近致误,据文意改。

④ 戛(jiǎ 类),刮平或削平。《天工开物·陶埴·砖》:“铁线弓戛平其面。”

幼幼集成卷之三

咳嗽证治

帝曰：肺之令人咳，何也？岐伯曰：五脏六腑皆令人咳，非独肺也。又曰：邪在肺，则病皮肤痛，寒热，上气喘，汗出，咳动肩背。夫肺为华盖，口鼻相通，息之出入，气之升降，必由之路，故专主气。《经》曰：形寒饮冷则伤肺。由儿衣太薄，及冷饮之类，伤于寒也。《经》曰：热伤肺。由儿衣太厚，爱养过温，伤于热也。又曰：皮毛者，肺之合。皮毛先受邪气，邪气得从其合，使气上而不下，逆而不收，充塞咽嗑，故令咳嗽也。

凡有声无痰谓之咳，肺气伤也；有痰无声谓之嗽，脾湿动也；有声有痰谓之咳嗽，初伤于肺，继动脾湿也。在小儿由风寒乳食不慎而致病者，尤多矣。《经》曰：五脏六腑皆令人咳。然必脏腑各受其邪而与之，要终不离乎肺也。但因痰而嗽者，痰为重，主治在脾；因咳而动痰者，咳为重，主治在肺。以时而言之，清晨咳者，属痰火；午前咳者，属胃火；午后咳者，属阴虚；黄昏咳者，火浮于肺；五更咳者，食积滞于三焦。肺实者，顿嗽抱首，而赤反食；肺虚者，气逆虚鸣，而白飧泄；肺热者，痰腥而稠，身热喘满，鼻干面红，手捏眉目；肺寒者，嗽多痰清，而白而喘，恶风多涕。故治者各因其虚实寒热而调之，斯无误矣。

因于寒者，则气壅喘促，声浊而无汗，鼻塞声重，宜参苏饮微汗之。

咳而气逆，喘嗽，面白有痰，此肺本经病，宜清肺饮；咳甚，葶苈丸微利之。

咳而喉中介介有声，面赤发热，心烦，或咽喉痛声哑者，此肺病兼见心证，宜清宁散；咽喉痛，沆瀣丹。

咳而面黄体倦，痰涎壅盛，或吐痰，或吐乳食。此肺病兼见脾证。大抵咳嗽属脾肺者居多，以肺主气，脾主痰故也，宜橘皮汤。

咳而面青发怒，痰涎壅盛而发搐者，盖因咳

嗽声不能转，所以瞪目直视，此肺病兼见肝证，宜集成金粟丹。

咳而面色暗黑，久咳而吐痰水，此肺病兼见肾证，宜六味地黄丸加麦冬、五味。

咳而声不出，口鼻出血者，此气逆血亦逆也。须顺气宁嗽为主，人参冬花膏。

咳而久不止，并无他证，乃肺虚也。只宜补脾为主，人参五味子汤。

咳而胸高骨起，其状如龟者，谓之龟胸，此肺热之极，阳火熏蒸面致也，清燥救肺汤。

咳面日久，胸前疼痛，口吐脓血腥臭者，此肺火壅盛，已成痈也，桔梗汤；治不如法，其证多死。

凡咳嗽痰涎壅塞，逆气冲并而作搐者，多难治，故头摇目上视及闭目呻吟，手足摆舞，肩息胸突，喉中痰鸣，口噤不乳，喘而手足冷，皆死证也。

[人方]

人参败毒散 此方辛平升散，为咳门第一神方，举世少有知者。凡有咳嗽，无论内饮食，外感风寒，夹湿夹毒；不拘男妇大小，胸紧气急，咽痛口苦，痰不相应，即用此方升散之。或感冒重者服此，其咳愈甚，不知者以为药不相符，弃而勿服，不知正是升散之力，佳兆也，再服之，渐次轻减，不拘剂数，只以痰应为度，声响痰出是其效也。枯燥之人，数剂之后，略加沙参、玉竹、当归、白芍、生地、麦冬之类，以滋其阴，无不愈者。再有叮咛：凡咳嗽初起，不可误用寒凉及滋阴之药，闭其肺窍，为害不小，俱以辛散为当着，俟痰应之后，渐加滋阴则得矣。

官拣参五七分，不用亦可 芽桔梗一钱二分
正川芎一钱 白云苓一钱 陈枳壳一钱 信前胡一钱
川羌活七分 川独活五钱 北柴胡一钱
南薄荷一钱 荆芥穗一钱 北防风一钱 净连翘一钱 炙甘草五钱

生姜一片为引，水煎，半饥服，每日二剂。

参苏饮 治四时感冒，头痛发热，咳嗽痰盛。此方不如前方，用之多不效，姑存之。

官拣参五分 白云苓一钱 陈枳壳一钱 法半夏一钱 信前胡一钱 芽桔梗一钱 老苏叶一钱 粉干葛一钱 真广皮一钱 炙甘草五分 生姜三片，葱白三寸，水煎，温服，取微汗。

清肺饮 治气逆而咳，面白有痰。

信前胡一钱 北柴胡七分 桑白皮五分 陈枳壳一钱 净知母一钱 川贝母一钱 南薄荷七分 白云苓一钱 白桔梗一钱 金井胶^①一钱 大麦冬一钱 荆芥穗一钱 炙甘草五分

水煎，热服，切忌油腻。

葶苈丸 治乳食冲脾，伤风咳嗽，面赤身热，痰多喘嗽。

甜葶苈去土，隔纸略炒 黑牵牛炒 汉防己炒 光杏仁去皮尖，炒黄色，另研

上药等分，为细末，入杏仁泥，和蒸枣肉为丸，绿豆大，每五七丸，姜汤化下，量儿大小加减。

此丸因乳食伤脾痰甚者，及壮实小儿可用之。苟不因乳食所伤，并怯弱者，本方去牵牛，易家苏子等分，炒研为丸，效。

清宁散 治心肺有热而令咳嗽，宜从小便利出。

桑白皮蜜炒 甜葶苈微炒 赤茯苓酒炒 车前子炒 炙甘草减半

上为细末。每服五分，生姜、大枣煎汤调服。

集成沉痾丹 方见二卷胎病论。

橘皮汤 治咳嗽痰甚呕吐。

法半夏一钱 白云苓一钱 真广皮一钱 旋复花一钱 北细辛五分 官拣参五分 芽桔梗五分 陈枳壳一钱 炙甘草五分

生姜三片，大枣一枚，水煎，徐服。

集成金粟丹 方见二卷类搐咳嗽。

六味地黄汤 方见二卷胎病论。

人参冬花膏 治气逆咳血，痰中见血。

官拣参 天门冬 麦门冬 款冬花 川贝母 桑白皮 金井胶 片枯苓 白当归以各一钱 北五味 炙甘草各五分

上为细末，炼蜜为丸，龙眼核大，每丸灯芯

汤下。

人参五味子汤 治久嗽脾虚，中气怯弱，面唇白，此神方也。

官拣参一钱 漂白术一钱五分 白云苓一钱 北五味五分 杭麦冬一钱 炙甘草八分 生姜三片，大枣三枚，水煎，温服。

清燥救肺汤 喻嘉言制。治诸气贲郁，诸痿喘呕，皆属肺之燥也。

鲜桑叶经霜者，得金气而柔润不凋，取之为君，用二钱 炙甘草和胃生肺，一钱 熟石膏禀清肃之气，极清肺热，用一钱二分 官拣参生胃之津，养肺之气，七分 胡麻仁炒、研，一钱 真阿胶八分 杭麦冬去心，一钱二分 北杏仁泡，去皮尖，炒黄，七分 枇杷叶一片，刷去毛，蜜涂，炙黄用

水一碗，煎六分，频频分二三次服。痰多加川贝母、瓜蒌；血虚加生地黄；热甚加犀角、羚羊角。

桔梗汤 治肺痈出脓血。

芽桔梗二钱 白当归一钱 川贝母一钱 瓜蒌皮一钱 汉防己一钱 光杏仁五分 陈枳壳一钱 薏苡仁二钱 生黄芪一钱 润玄参一钱

用芦茅嫩根三钱为引，加桑叶一钱，水煎，热服。

百啞嗽论附案

凡乳子百日内有痰嗽者，谓之百啞嗽。或出胎暴受风寒，或浴儿为风所袭，或解换襦裳，或出怀喂乳，而风寒得以乘之，此病由外来者；或乳汁过多，吞咽不及而呛者，或啼哭未定，以乳哺之，气逆而嗽者，此病由于内生者，皆能为嗽。第前汗下之剂，难于用之，以其胃气方生，不能胜药故也，故曰百啞嗽难医，然虽曰难医，正未尝曰不医，予之治此，未为不多，其用药之治，有案在后；复有不治之治，更为捷径，而又百治百愈，但须乳母听戒，治之无难。凡遇百啞嗽，先用荆防败毒二小剂，母子同服，服完止药。惟令乳母忌口，凡荤酒油腻、盐醋酸咸、姜椒辛辣、青菜面食之类，一概摈绝，惟用香茶白饭，少佐

① 金井胶，即阿胶。

橘片、橙片，以消其乳。虽儿嗽至重者，不过十日八日，得哺清乳，嗽自愈矣。倘不听戒，复不择医，徒然服药。有名无实，竟何益哉！

[附案] 濛阳明经^①高君作梅翁，与令弟云轩翁，同于甲寅五月举子。然皆膏粱之禀，胎元素弱，于七月间两儿同患百辟嗽，予谓云翁曰：公郎面白唇淡，白眼带青，嗽声连续，痰不相应。此肝风有余，肺气不足，虽有喘嗽，未可以常法治之，设投疏风清肺，适足益燥伤阴，不特嗽不能愈，而证必加重。云翁深以为是，乃投人参五味子汤，其应如响，四剂全瘳。计用人参二钱八分。作翁者，其体更弱，外候面白眼青，自汗多嗽，满头青筋，凶门宽大。因谓之曰：令侄正同此证，已服补脾保肺之剂愈矣；公郎中气更虚，速宜用参，始不费手，适有老嫗专挑马牙者，从内阻之；复有医者，从外阻之。力言不可用参，服参则不可治，且云未见百日之儿敢用参者。老嫗更囑其母曰，道翁丸药，切不可服，其中多有人参，服之为害不浅，其母闻之，以为诚然，于是视予药如砒毒矣。作翁因素艰嗣息，莫能张主于予言，似有阳是阴否之意。予见其迟疑不决，亦不敢强，姑听之。此医日一诊视，自七月下旬治起，直至十月初旬，作翁往府考贡，其病愈治愈危，竟至于奄奄一缕，而逆证丛生，无可救药。医束手乏策，老嫗缄口无言，皆绝迹不至矣。夫人辈无所倚仗，复恳于予。予叹曰：早听予言，何有今日。乃入诊视，见其面目如蓝，形体惟皮束骨，声哑无音，咳嗽气促，雨汗淋漓，四肢搐掣，逆证全具，毫无生机。因不忍释手，详为审视，惟两目神光尚存。予曰：生机或在是乎，遂以大参一枝，天圆五粒，蒸汤与服。初服小半，予为抱之，环步室中，审其呼吸之息气虽未减，而亦不见其增，即与服完，良久觉气稍顺。予喜曰：得之矣，遂用大参二钱，天圆肉七粒，蒸汤服之，竟获大效。是夜汗搐俱止，喘嗽略亦轻减。第苦于人小体弱，即二钱之参汤，亦须一夜方能服完。幸幸予此时行功习静，败载未曾设榻，终夕无眠，竟与抱之，昼夜不一释手，醒即予服，服后仍睡。数日之后，则鼾声如雷，睡眠极稳，呼吸极长。予知为气服神归之效。如此者十昼夜，诸证已愈八九，惟形色

未复，音声未亮。予曰：功程虽半，未敢暂停，参须倍之。于是每日大参四钱，天圆十四粒^②，如前调理，计前后二十昼夜，其用官拣参^③六两有零，始奏全绩。于是声音清亮，面色红融，肌肉复生，精神胜旧；今已长成，俨然美丈夫矣，而且聪明特达，经史皆通，他日翱翔，奚能限量！如此之证，如此之治，不特世人未见，医家未闻，即诸书亦所未载。半岁乳子，而用六两之参，起沉痾子万难之日，苟无定识者，未必有成。故待拜恳同道，但须认证真确，不必拘泥古方，神而明之，存乎人耳！

或问二证皆百辟嗽，何以前证用药，而后证独用参者，何也？曰：各有理焉。前证在七月间，正肺金旺时，为风邪冲并，但伤其中气，他脏无涉，故以四君子补脾，生脉散保肺，收其耗散之金，得返清肃之令，中气一回，应手而愈。后证自七月起至于十月，金已退气，正当水旺木相之时，由肾水无源，所以肝木失养，诚母病子伤，故面目俱青，手足搐掣，此非肝强，实肝败也，《内经》有善则不见，恶则见之之言，显然可证。在常俗之辈，见其搐掣，又必为之镇惊化痰，截风定搐矣，谁复为之固真元，维持竭绝哉？不知此等之证，阴阳两败，脏腑俱伤，苟非大力之品，莫可挽回。所以揆去杂药，独用人参之甘温，天圆之甘润，味极纯正，饲之儿喜，况人参之力，在阴益阴，在阳益阳，荣卫气血，精神意智，无不补者，而且昼夜不彻，则真元阴受其长养之功，乌得不效！又曰：初服即效，而必待三七之日，始奏全绩者何也？曰：克削过伤，枯燥已极，如旱苗焦壤，暴雨无裨，必淙淙润泽，始可盈科^④，至于三七之久，天地来复之机，业已三至，人身荣卫，已周一千五十度，升降有恒，神气已足，不药之庆，夫复何疑？此等之治，非谓世之婴儿，一有咳嗽，便当

① 明经：清代贡生之别称。

② 粒：原脱，据上文补。

③ 官拣参：原作“官拣”，据光绪本改。

④ 盈科：即满坑。《孟子·离心》：“流水之为物也，不盈科不行”赵岐注：“科，坎也。”

用参，第禀受先亏，胎元怯弱者，有不得不用之势。独惜前医偏执己见，即数分之参，断不肯用，孰知用至六两之多，始收全效。可见辨证不真，误人非浅，故笔此以为择医者劝。

[咳嗽简便方]

小儿咳嗽声不出者，紫苑微炒研末，杏仁去皮尖，研如泥，等分，炼蜜为丸，芡实大，每服一九，北五味七粒煎汤，化服。

肺实咳嗽痰喘，葶苈子隔纸炒为末，枣肉为丸，龙眼核大，每一丸，白汤化服。

咳嗽多痰，葶苈子隔纸炒，知母微炒各五钱，研末，沙糖为丸，芡实大，每服一九，白汤化下。

小儿喘嗽发热，自汗吐红，脉虚无力，人参切片焙干，天花粉切片酒炒，等分为末，每服五分，蜜汤调服，以瘥为度。

秋天肺燥，咳嗽无痰，北沙参一味，每服五钱，净水浓煎，热服。

小儿百日嗽，痰壅喘咳，用贝母五钱，淡姜汤润湿，饭上蒸过，甘草半生半炒二钱五分，研细末，沙糖为丸龙眼核大，每一丸，米饮化服。

热痰咳嗽，痰出稠浓，或喘喉痛，制南星、制半夏各三钱半，枯黄芩七钱，焙燥为末，沙糖为丸芡实大，每用一九，姜汤化服^①。

哮喘证治

《经》曰：犯贼风虚邪者，阳受之，阳受之则入六腑，入六腑则身热不得卧，上为喘呼。又曰：肺病者，喘咳逆气，肩背痛，汗出。夫喘者，恶候也。肺金清肃之令，不能下行，故上逆而为喘。经曰：诸气贲郁，皆属于肺。喘者，肺之贲郁也。

吼者，喉中如拽锯，若水鸡声者是也；喘者，气促而连属，不能以息肩者是也。故吼以声响言，喘以气息名。凡喉如水鸡声者为实，喉如鼾声者为虚，虽由于痰火内郁，风寒外束，而治之者不可不分虚实也。

有因外感而得者，必恶寒发热，而赤唇红，鼻息不利，清便自调，邪在表也，宜发欲之，五虎汤。

有因热而得者，必口燥咽干，大小便不利，宜葶苈丸微下之。

有因宿食而得者，必痰涎壅盛，喘息有声，先用山楂、神曲、麦芽各三钱，煎汤与服，消其食；次千缙汤。

素有哮喘之疾，遇天寒暄不时，犯则连绵不已，发过自愈，不须上方。于未发时，可预防之。有一发即能吐痰者，宜服补肾地黄丸，加五味、故脂，多服自愈；有发而不吐痰者，用痰喘方。

凡哮喘初发，宜服苏陈九宝汤。盖哮喘为顽痰闭塞，非麻黄不足以开其肺窍，放胆用之，百发百中。

或胸膈积热，心火凌肺，热痰壅盛，忽然大喘者，名马脾风。盖心为午火属马，言心肺有风热也。小儿此证最多，不急治，必死，用牛黄夺命散下之效。

凡大病久病之后，或久服寒凉克削之后，或久吐久泻之后，忽然气急，似喘非喘，气息短促，名为短气。短者断之基，气将脱也。速宜挽救，人参五味子汤效。

又有虚败之证，忽然张口大喘，人少出多，而气息往来无滞。此肾不纳气，浮散于外，大凶之兆，速投贞元饮；不效，理阴煎加人参、鹿茸或可挽救。

如汗出如油，发润而喘者，肺绝也；汗出如油，张口大喘者，命绝也；直视谵语而喘者，肝绝也。凡大病正气欲绝，无根脱气上冲，必大喘而绝矣。

[人方]

五虎汤 治寒邪入肺而作^①。盖^①为寒痰固结，非此方不能解散。

净麻黄七分 光杏仁一钱 陈细茶一钱 熟石膏一钱五分 炙甘草四分

净水煎，空心服。

葶苈丸 方见三卷咳嗽证治。

千缙汤 治痰闭脾窍，喘息有声。

法半夏二钱 大皂角五分 老生姜一钱 炙甘草一钱

^① 服，光绪本作“下”。

水煎服。

已上皆素无哮喘，而暴发者用。

补肾地黄丸 治先天不足，肝肾虚者通用。

熟地黄 怀山药 山萸肉各一两 嫩鹿茸
淮牛膝各二两 粉丹皮 白云苓 宣泽泻各
一两 北五味 补骨脂各一两

上为末，蜜丸，绿豆大，每服三线，淡盐汤空心下。

痰喘方 治哮喘无痰者。盖痰入于肺窍，不能出故也。

官拣参 制南星 制半夏 瓜蒌霜 香附
米 皂角灰 真广皮炒 萝卜子炒

等分，共为末，姜汗煮，神曲糊丸，麻子大，每服一钱，姜汤化下。

苏陈九宝汤 治风寒闭肺而作哮喘。

净麻黄 红云皮^① 南薄荷各五分 青化
桂去心 紫苏叶 桑白皮 大壅皮 光杏仁各
四分 炙甘草六分

生姜三片，水煎，临服加童便少许，冲服。

牛黄夺命散 治胸膈有痰，肺胀大喘。

黑牵牛半生半炒，取头末，五钱 锦庄黄酒润，
晒干 陈枳壳麸炒，各一两

上为细末，每服一钱五分，白汤调下，量儿大小加减，临服加蜜数匙，以气平为度。

人参五味子汤 方见三卷咳嗽证治。

贞元饮景岳新方。 治气短似喘，呼吸急促，提不能升，咽不能降，势甚垂危。常人但知为气急，其病在上，而不知元海无根，肝肾已败。此子午不交，气脱证也。

大熟地五钱 白当归三钱 炙甘草一钱

如兼呕恶，或恶寒者，加煨姜五片；气虚脉微至极者，速加人参；如肝肾阴虚，手足厥冷，加肉桂一钱。

理阴煎景岳新方。 治肾肝亏败，不能纳气，浮散作喘。

大熟地三钱 白当归二钱 炮姜炭一钱五分
炙甘草一钱

手足冷者，加熟附子一钱、青化桂一钱。

水二钟，煎七分，热服。

[哮喘简便方]

治痰气壅塞。雪梨汁一杯、生姜汁四分之一，蜂蜜半杯，薄荷细末一两，和匀器盛，重汤煮一时之久，任意与食，降痰如奔马。

化痰丸 丝瓜烧存性，为细末，枣肉为丸，如弹子大，每服一丸，姜汤化下。化痰最捷，兼能止嗽。

坠痰丸 治一切风痰湿痰，老痰痰火，胸痞满，气壅塞。黑牵牛四两炒，止取头末一两，大皂角去皮弦及子，酥炙黄四钱，生白矾三钱，共为细末，米糊丸，每服一钱，儿稍大者二钱，空心姜汤服，痰涎从大便出。久病之人，五日十日一服；病缓者半月一服。

治醋呛成吼。用甘草二两，去赤皮，每段切二寸长，两半劈开，用猪胆二枚，取汗浸甘草三日，取起，火上炙干为末，蜜丸绿豆大，每晚临卧服二钱，茶汤送，神效。

哮喘久不止，不拘老少，一服即止；并治小儿奶哮。石膏、半夏、瓜蒌仁、陈皮、麻黄^② 各一钱五分，枳实、杏仁各一钱，甘草七分，生姜五片，水煎热服。

清金丹 治一切吼疾，或痰成食，遇厚味即发者，尤妙。萝卜子蒸熟，晒干为末，猪牙皂烧存性，等分，共为细末，姜汁打而糊丸，绿豆大，每服一二十丸，姜汤送下。

诸疳证治

夫疳之为病。亦小儿恶候。十六岁以前，其病为疳；十六岁以上，其病为癆。皆真元怯弱，气血虚衰之所致也。究其病源，莫不由于脾胃。盖胃者，水谷之海也。水谷之精气为荣，悍气为卫，荣卫丰盈，灌溉诸脏，为入身充皮毛，肥腠理者，气也；润皮肤，美颜色者，血也。所以水谷素强者无病；水谷减少者病；水去谷亡则死矣。凡病疳而形不魁者，气衰也；色不华者，血弱也。气衰血弱，知其脾胃必伤。有因幼少乳食，肠胃未坚，食物太早，耗伤真气而成者；有因甘肥肆进，饮食

① 红云皮：即陈皮。

② 麻黄：原作“黄麻”，据光绪本乙转。

过餐，积滞日久，面黄肌削而成者；有因乳母寒热不调，或喜怒房劳之后，乳哺而成者；有二三岁后，谷肉果菜，恣其饮啖，因而停滞中焦，食久成积，积久成疳；复有因取积太过，耗损胃气，或因大病之后，吐泻痢疾，乳食减少，以致脾胃失养，二者虽所因不同，然皆总归于虚也。其证头皮光急，毛发焦稀，腮缩鼻干，口饒唇白，两眼昏烂，揉眉擦鼻，脊耸体黄，斗牙咬甲，焦渴自汗，尿白泻酸，肚胀肠鸣，癖结潮热，酷嗜瓜果、咸炭、水泥者，皆其候也。然治寒以温，治热以凉，此用药之常法。殊不知疳之为病，皆虚所致，即热者亦虚中之热，寒者亦虚中之寒，积者亦虚中之积。故治积不可骤攻，治寒不宜峻温，治热不可过凉。虽积为疳之母，而治疳必先于去积。然遇极虚者而迅攻之，则积未去而疳危矣。故壮者先去积而后扶胃气，衰者先扶胃气而后消之。书曰：壮人无积，虚则有之。可见虚为积之本，积反为虚之标也。如恶食滑泻，乳食直下，牙龈黑烂，头项软倒，四肢厥冷，下痢肿胀，而色如银，肚硬如石，肌肉青黑，肛门如筒，口吐黑血，吐利蛔虫，并为不治。

初病者，以集圣丸为主；久病者，但以肥儿丸，调之，以补为消可也。

凡疳之初起者，集圣丸为主方，其有五脏兼证，从权加减，不必多求方法。

[人方]

集圣丸 治冷热新久一切疳证，以此为主。

真芦荟酒蒸 五灵脂炒 夜明砂炒 真广皮酒炒 杭青皮醋炒 蓬莪术煨 使君肉炒 南木香屑 白当归炒 正川芎酒炒，以上俱各二钱 官拣参切，焙 正川连姜制 干蟾蜍酥炙，俱三钱 西砂仁酒炒，二钱

上为细末，用公猪胆一枚，取汁，将前末和匀，粟米糊丸，龙眼核大，每服二丸，米饮调下。

[各证加减法]

一 病有咬牙舒舌，舌上生疮，爱饮冷水，唇红面白，喜伏地卧，此心疳也。本方去莪术、砂仁、青皮、陈皮、川芎、木香六味，加生地、茯苓、胆星各二钱，朱砂、甘草各一钱。

一 面青，目生白膜，泄泻夹水或青色，此

肝疳也。本方去莪术、砂仁、陈皮、木香四味，加胆草、梔仁、防风、天麻、蝉蜕各二钱、青黛一钱五分。

一 爱食泥上冷物，饮食无度，身而俱黄，发稀作穗，头大项小，腹胀脚弱，间或泄泻，肌瘦，异凉夜热，不思乳食，此脾疳也。专用本方。

一 鼻下赤烂，手足枯细，口中腥臭，或作喘嗽，右腮晃白，此肺疳也。本方去莪术、砂仁、青皮、川芎、木香五味，加桑皮、桔梗、苏叶、阿胶、炙草各二钱；外用泽兰叶、铜绿、轻粉等分为末，贴烂处。

一 两耳内外生疮，脚如鹤膝，头缝不合，或齿缝臭烂，变成走马疳，此肾疳也。本方去莪术、砂仁、青皮、陈皮、木香、灵脂六味，加熟地、茯苓、山药、萸肉各三钱，丹皮、泽泻各二钱。

一 食积久而成疳，其证形瘦腹紧，时发潮热，羞见生人，见之则哭。本方去芦荟、灵脂二味，加人参、黄芪、白术、茯苓、半夏、枳实、厚朴、炙草、神曲、麦芽、鳖甲、三棱各二钱。

一 久泄不止，胃虚成疳，此疳泻也。本方去芦荟、莪术、青皮、灵脂四味，加诃子肉三钱、建莲肉三钱。

一 久痢不止，胃虚成疳，此疳泻也。本方去芦荟、莪术、灵脂三味，加白术、茯苓、肉蔻、诃子肉各二钱，加人参三钱。

一 疳久未已，胃虚成疳。此必有癖，谓之疳疔。本方去芦荟、灵脂二味，加黄芪、鳖甲、柴胡、半夏、神曲、三棱各二钱，倍人参三钱。

一 脑疳，皮毛光急，满头疮饼，脑热如火，发结如穗，遍身多汗，腮肿凶高，令儿眼痛，其病在肝。本方去莪术、砂仁、青皮、陈皮四^①味，加胆草、川芎、升麻、羌活、防风各二钱。

一 脊疳，虫食脊脊，发热黄瘦，积中生热，烦渴下痢，拍背如鼓鸣，脊骨如锯齿，或十指皆疮，频喘指甲，宜安虫丸。盖五疳或有停食成积，积久生虫；或如丝发、如马尾多出于头项背腹之间，虫色黄白赤者可治，青者难治也。安虫丸，即本方去莪术、砂仁、青皮、陈皮、当归、川芎六味，

① 四：原作“五”，据药味总数改。

加苦楝根白皮、贯众、茺萸、槟榔各二钱，名安虫丸。

一 蛔疳，皱眉多哭，呕吐清沫，腹中乍痛，痛时腹中结聚成块，摸之梗起，满肚青筋，唇口紫黑，肠头啮痒者，是也。蛔从口鼻出者难治，宜安虫丸。即上方。

一 丁奚疳，手足极细，项小骨高，尻削体瘦，腹大脐突，号叫胸陷者是也。集圣丸本方。

一 哺露疳，虚热往来，头骨分开，翻食吐虫，烦躁呕哕者是也。集圣丸本方。

一 无辜疳，因浣衣夜露，被无辜鸟落毛所污，小儿服之，身体发热，日渐黄瘦，脑后项边有核如弹丸，按之随动，软而不痛，其中有虫如米粉，宜刺破其核，以膏药贴之；内以本方去莪术、砂仁、灵脂三味，加黄芪、鳖甲、槟榔各二钱。

一 疳热，由于胃脾虚弱，阳浮于外，气不归元，只以补脾为主，使阳气收敛，热自退矣。用参苓白术散，多服为妙；或兼脾阴虚者，间服六味地黄丸。

一 疳渴，由胃气下陷，津液不生故也。宜补其胃，使清阳上升，津液渐生，渴自止矣，七味白术散。

一 走马疳，虫病也。齿属肾，肾主虚，才受热邪，直奔上焦。初起口臭，名曰臭息；次则齿黑，名曰崩砂，甚则龈烂，名曰溃槽；有血进出，名曰宣露；甚至齿皆脱落，名曰腐根；纵得全活，齿不复生。外证脑热肌瘦，手足如冰，寒热时有，滑泄肚痛，口臭干渴，齿龈破烂，爪甲黧黑，身多疮疥。痘疹之后，多有此证，不可救治，毒归于肾故也。初起者，清胃散；另有治法，在齿牙本门。

一 魅病，儿将周岁，母复有娠，儿饮其乳，谓之魅音枝乳。以成此证。或有母患别病，人饮其乳，以类母病者有之。盖母之血气若调，乳则长养精神，血气一病，乳则反为病根。母既妊娠，精华下荫，冲任之脉，不能上行，气则壅而为热，血则郁而为毒，小儿神气未全，易于感动。其候寒热时作，微微下利，毛发鬅鬢^①，意殊不悦甚，则面色痿黄，腹胀青筋，泻青多吐，日渐羸^②，竟成疳证。俗以孕在胎中，因儿饮乳，其魄识嫉而致儿病，故谓之胎妒，龙胆汤。

一 骨蒸之病，多起于胃，其始也邪火上冲而能啖，火消烁而善饥。盖胃为气血之海，气血不足，邪火杀谷，水之精气不足济之，渐成口秽烦躁，夜热朝凉，毛焦口渴，气促盗汗，形如骨立，谓之消瘵。若大便日十余行，肢瘦腹大，频食多饥，谓之食侏，此皆邪火为害，耗伤津液而致者，大肥儿丸。

参苓白术散^③ 治脾胃虚弱，饮食不进，或呕吐泻痢；及大病之后，补救脾胃，此方为神。

官拣参切，焙 漂白术土炒 白云苓乳蒸 怀山药炒，各一两五钱 芽桔梗焙 薏苡仁 建莲肉去心 炙甘草各一两

共为细末，每服一二钱，姜、枣汤调服。

六味地黄丸 方见二卷胎病论。

七味白术散 方见三卷泄泻证治。

清胃散 治走马牙疳。

雅黄连 白当归 绿升麻 怀生地 粉丹皮 白芷梢等分 北细辛减半 净水煎，滚热服。

龙胆汤 治小儿魅病。

草龙胆 钩藤钩 北柴胡 芽桔梗 赤芍药 正川芎 官拣参 白云苓各一钱 炙甘草五分

井水煎服。外以夜明砂，不拘多少，以红纱作一小袋盛之，系儿胸前。

大肥儿丸 治小儿脾胃虚弱，泄泻骨蒸。

官拣参切、焙 山楂肉炒 漂白术土炒 真广皮炒 蓬莪术炒 川厚朴姜制 六神曲^④炒 雅川连姜制 胡黄连炒 杭青皮醋炒 白云苓乳蒸 杭白芍酒炒 地骨皮酒炒 宣泽泻炒 肉豆蔻煨 尖槟榔 正川芎炒 北柴胡酒炒 使君肉炒 干蟾蜍煨 炙甘草各五钱 五谷虫一两

共为末，炼蜜为丸，弹子大，米饮化下。

加减肥儿丸 治一切久病成疳，总归虚处，不可以前法治之，只宜以此丸久服，以补为消，

① 鬅鬢：(zhēngníng 争宁)：头发乱貌。见《广韵·十三耕》。

② 羸：消瘦。《一切经音义》：“羸，羸也。”

③ 参苓白术散，此前原重出“入方”二字，据本书体例删。

④ 六神曲，原作“六丁曲”，据光绪本改。

无不愈者。

官拣参切，焙 嫩黄芪蜜炙 漂白术土炒
白云苓乳蒸 广陈皮酒炒 杭青皮醋炒 当归身
酒洗 大鳖甲醋炙 正川连姜制 南木香屑 使
君肉炒 干蟾蜍醋炙 炙甘草各等分

上等分，为细末，另以山药打糊丸，量儿大小加减。日日服之，以米汤调下，病愈药停。

[疳证简便方]

小儿疳积，肚大黄瘦骨立，头上疮痂，发如麦穗。用干蟾蜍三五只，去四足，以香油涂之，炙焦为末；蒸黑枣去核，取肉捣膏，和蟾末为丸，龙眼核大，每日三服，积垢自下。多服之，形容自变，其病如失。又方，买天浆虫四两，洗极净，晒干，微炒为末，加甘草细末五钱，米糊为丸，弹子大，每服一丸，米饮下。

小儿诸疳日久，身而生疮，烂成孔白，如大人杨梅疮样。用蒸糯米饭时，甑盖四边滴下气水，以碗盛取，扫疮上，数日即效；百药不验者，此方如神。

疳蚀口鼻。用粪蛆洗漂极净，晒干，微炒为末，褐衣烧灰减半，共研匀，频吹口内效。

小儿口疳破烂。入中白煨过，厚黄柏蜜炙焦，二味等分，少加冰片，共研末，以盐茶洗口后，以药搽之。

走马牙疳，及齿龈腐烂黑臭者。用尿壶内多年积垢，名人中白，煨红一两，儿茶五钱，黄柏、薄荷、青黛各一钱，冰片三分，共研细末，先以温水漱口，然后吹药于疳上，每日六七次。吹药之时，涎从外流者为吉；涎收向内者毒入里也，不治。

牙疳、鼻疳。人中白煨一钱五分，毛褐灰、枯白矾各一钱，为细末，湿者于搽，于者先以香油润湿，然后搽药。

急疳蚀烂口鼻欲死。海中紫贝子煨过，俗名南蛇牙齿，又名研螺，岭南称狗支螺者是也。炭火煨过为末，腊猪油调涂。

牙疳溃烂，穿唇破舌，并治口疮。胡黄连五分，胆矾、儿茶各一钱五分，共为细末，搽之。

呕吐证治

《经》曰：诸逆冲上，皆属于火；诸呕吐酸，皆属于热。又曰：寒气客于肠胃，厥逆上出，故痛而呕。夫呕吐者，阳明胃气下行则顺，今逆而上行，故作呕吐。其证有声有物谓之呕，有物无声谓之吐，有声无物谓之嘔，又曰干呕，久病见此者死。盖小儿呕吐，有寒有热有伤食，然寒吐热吐，未有不因子伤食者，其病总属于胃，复有溢乳、哕乳、呕哕、皆与呕吐相似，而不可以呕吐治之。更有寒热拒格^①之证，又有虫痛而吐者，皆当详其证而治之。凡治小儿呕吐，先宜节其乳食，节者，减少之谓也，凡呕吐多渴，不可与之茶水，水入复吐，终不能止，必强忍一二时久，而后以米汤与之，吐自止矣。

寒吐者，乳片不消，多吐而少出，而白眼慢，气缓神昏，额上汗出，脉息沉微，宜温中消食。轻者藿香正气散；不止，理中汤加藿香；又不止，参香散；再若不止，此阴盛格阳，谓之拒格，急以理中汤一剂，用公猪胆汁和童便少许，将药润湿，炒熟，煎服即止。此《内经》热因寒用之法也。盖阴寒太过，阳热之药，拒而不纳，故以猪胆、童便为乡导，其始则同，其终则异，下咽之后，阴体渐消，阳气乃发也。

热吐者，而赤唇红，吐次少而出物多，乳片已消，色黄，遍身发热而烦躁，夏月多此证。宜五苓散加藿香；不止，藿连汤；再不止，用理中汤煎熟，调六一散，冷服即止。此寒因热用也。

伤食吐者，眼胞浮肿，而色微黄，足冷，其热日轻夜重，或吐酸酸之气，或吐黄水，或吐青痰，其脉弦实而滑，此有宿食也。宜下去其积乃止，消积丸。

伤乳吐者，才乳即吐，或少停而吐。此因乳食无度，脾胃娇嫩，不能运化，此满则溢也，名溢乳。但宜节其乳，则吐自止。

哕乳者，时时吐乳而不多，似吐非吐，皆胃

^① 格：原作“隔”，据《灵枢·脉度》：“阳气太盛，则阴气弗能荣也，故曰格。”改。

虚所致也。宜参香散。

有乳多而吐出者，非真吐也；苟不知禁，即成真吐也。百日内小儿多有之。盖身小身软，必待乳母拥抱之，苟有倾侧，乳即溢出。此人事也，不须有治。

嗽吐者，儿有咳嗽，必待其嗽定，方可与乳；若嗽未定，以乳哺之，其气必逆，乳不消化而为痰，痰气壅塞，嗽不得转而吐乳。枳桔^①二陈汤。

小儿初生三日内吐乳者，用丁香三粒、陈皮五分、生姜三片，煎服自止；又不若煨姜汤更妙。此予用最多者，盖三四日内，总皆寒吐也。

初起吮乳，即当调治。如吮不已即成吐，吐不已即成呕，呕不已即成哕，至此胃气大虚，精神渐脱矣。若呕吐不已，日渐沉困，凶陷、凶肿、青筋大露者，并频吐不食，昏沉语塞，喘急大热，常吐腥臭者，皆死。

哕者，有声无物，最恶之候。凡久病之后而见此者，皆为不治。

予按：为医者临诊治病，贵能体贴病情，能用心法。大凡呕吐不纳药食者，最难治疗，盖药人即吐，安能有功？又切不可强灌，胃口愈吐愈翻，万不能止。予之治此颇多，先将姜汤和黄土作二泥丸，塞其两鼻，使之不闻药气，然后用对证之药煎好，斟出澄清，冷热得中，止服一口，即停之半时之久；再服一口，又停之良久；服二口，停之少顷，则任服不吐矣。斯时胃口已安，焉能得吐？愚人不知，明见其吐药不纳，偏以整杯、整碗强灌之，则一吐倾囊而出，又何药力之可恃乎？此等之法，不但幼科可用，即方脉亦当识此。倘临证不体病情，全无心法，即如呕吐一证，虽能识病，虽能用药，其如不纳何哉？

[人方]

藿香正气散 方见二卷类搐霍乱。

理中汤 方见二卷乳子伤寒证治。

参香散 治小儿胃虚作吐，诸药不止。

官拣参切，焙 上沉香锉末 公丁香研 藿香梗焙 南木香锉屑

上俱等分，共为细末，每服五七分，木瓜煎汤，调服。

五苓散 方见二卷伤暑证治，此加藿香。

藿连汤 治小儿热吐不止。

正雅连七分，姜汁炒 紫厚朴一钱，姜汁炒 藿香叶一钱

生姜三片，大枣二枚，水煎，热服。

六一散 方见三卷痢疾证治简便方。

消积丸 治食停胃口而作吐。

西砂仁十二个，酒炒 公丁香九粒 巴豆仁二粒，煨，捶去油 乌梅肉三个，蒸，去核，取净肉

共研细末，米糊为丸，绿豆大，每服三丸，白汤送。

枳桔二陈汤 治小儿胸膈有痰，咳嗽作吐。

陈枳壳一钱 芽桔梗一钱 白云苓一钱五分 法半夏一钱 真广皮一钱 炙甘草五分

生姜三片，大枣三枚，水煎，热服。

[呕吐简便方]

小儿呕吐，外证不热不渴，面白唇淡，神慢气怯，寒吐也。用生姜一大块，直切薄片，勿令折断，层层掺盐，以苎麻紧扎，外用草纸七层包之，水湿，慢火煨令熟，取起，去麻、纸，将姜捣烂，和早米，煎汤服，立止。

小儿卒呕不止。生姜取自然汁一盞，煎滚听用，蜂蜜四两，炼熟听用，每服用姜汁一匙，蜜二匙，白汤调服，每日五六次效。

小儿胃热呕吐，外证面赤烦躁，身热作渴，手足心热者，热吐也。黄连一钱姜汁炒，熟石膏一钱，共为细末，每服一钱，白汤调下，吐止，止后服。又方，用枇杷叶火上炙之，刷净毛，每用叶三片，煎汤热服，立止。

小儿干呕，极恶之证。用甘蔗取汁听用，生姜取汁听用，临服用蔗汁六匙，姜汁二匙，和匀，温热服，不用汤水调。

凡呕吐服药不纳者，内有蛔虫在膈间，蛔闻药气则动，动则药出而虫不出，但于呕吐药中，加入川椒十四粒，则不吐矣。盖蛔得椒则伏矣。

治小儿一切吐逆，不拘冷热及久吐诸药不效者。用硫黄五钱、水银一钱，同研至不见星，姜汁打，米糊为丸，小豆大。三岁者三丸，大人则三四十丸，以阴阳水送下。此二味加增分两，人阳

① 桔，原作“梗”，据“人方”中方名改。

城罐内封固，以炭火升炼之，即是灵砂，为仙家所用之物；最能升降阴阳，交济水火，乃扶危济困之神丹也。

泄泻证治

《经》曰：水谷之寒热，感则害人六腑。又曰：虚邪之中人也，留而不去，传舍于肠胃，多寒则肠鸣、飧泄，食不化；多热则溏出糜。夫泄泻之本，无不由于脾胃，盖胃为水谷之海。而脾主运化，使脾健胃和，则水谷腐化，而为气血，以行荣卫，若饮食失节，寒温不调，则水反为湿，谷反为滞，精华之气不能输化，以致合污下降，而泄泻作矣。

凡泄泻肠鸣腹不痛者，是湿，宜燥渗之；饮食人胃不住，或完谷不化者，是气虚，宜温补之；腹痛肠鸣泻水，痛一阵、泻一阵者，是火，宜清利之；时泻时止，或多或少，是痰积，宜豁之；腹痛甚而泻，泻后痛减者，为食积，宜消之，体实者，下之；如脾泄已久，大肠不禁者，宜涩之，元气下陷者，升提之。

泄泻有五：寒、热、虚、实、食积也。但宜分别所泻之色。凡暴注下迫，属火；水液澄清，属寒；老黄色属心、脾、肺实热，宜清解，淡黄色属虚热，宜调补；青色属寒，宜温；白色属脾虚，宜补；酱色属湿气，宜燥湿；溲酸气属伤食，宜消。

脾土虚寒作泻，所下白色，或谷食不化，或水液澄清，其候神疲，唇口舌俱白色，口气温热，宜理中汤，或六君子汤。

热证作泻，泻时暴注下迫，谓其出物多而迅速也，便黄溺赤，口气蒸手，烦渴少食，宜五苓散加梔仁。

有伤食及滞泻者，其候口噎酸气，吞酸腹胀，一痛即泻，一泻痛减，保和丸消之。

如食已消，痛已止，而犹泄泻不止者，乃脾失清升之气，气虚下陷，补中益气汤。

有风泻，泻而色青稠粘，乃肝木乘脾，宜六君子汤加防风、柴胡、白芍。

有湿泻，腹内肠鸣，肚不痛，身体重而泻水，或兼风者，水谷混杂，宜升阳除湿汤。

凡大泻作渴者，其病不论新久，皆用七味白术散生其津液；凡痢疾作渴亦然，盖白术散为渴泻之圣药。倘渴甚者，以之当茶水不时服之，不可再以汤水，兼之则不效矣。

久泻不止，多属虚寒，宜参苓白术散加肉豆蔻煨熟为丸，服之自止。

久泻未止，将成疳者，参苓白术散加肉豆蔻煨，倍加怀山药，共为末，每日服之，则泄泻自止，津液自生，不致成疳矣。

《经》曰：五虚者死：一脉细，二皮寒，三少气，四泄泻不止，五饮食不入。五虚悉具者死，能食者生。

凡泻不止精神好者，脾败也；吐泻而唇红者内热也。色若不退者死，面黑气喘者死。遗尿不禁者，肾气绝也。

[人方]

理中汤 方见二卷乳子伤寒证治。

六君子汤 方见二卷非搐吐泻。

五苓散 方见二卷伤暑证治，此加梔仁。

补中益气汤 方见一卷保产论小产论。

升阳除湿汤 治风湿作泻。

绿升麻一钱 北柴胡一钱 六神曲一钱 北防风一钱二分 宣泽泻一钱 结猪苓一钱 漂苍术一钱五分 真广皮五分 炙甘草五分

生姜三片，大枣三枚，水煎，热服。

若胃寒肠鸣，加益智仁，半夏各一钱。

七味白术散 治泄泻津液下降，烦躁大渴。

官拣参一钱 漂白术一钱 白云苓一钱 藿香叶一钱 南木香三分 粉干葛二钱 炙甘草五分

水煎，当茶饮。

此方治小儿阳明本虚，阴阳不和，吐泻而亡津液，烦渴口干。以参、术、甘草之甘温，补胃和中，木香、藿香辛温以助脾，茯苓甘淡，分阴阳，利水湿，葛根甘平，倍于众药，其气轻浮，鼓舞胃气，上行津液，又解肌热。治脾胃虚弱泄泻之圣药也；兼治久泻不止，口渴无度，并痢疾口渴。幼科之方，独推此为第一，后贤宜留意焉。

参苓白术散 方见三卷诸疳证治。

[泄泻简便方]

治水泻，或饮食过度，或饮冷水冒暑而发。用生姜捣烂三钱，陈细茶三钱，浓煎汤饮，立止。盖泄泻由脏腑阴阳不和，姜能和阴，茶能和阳，是以多效。体虚素薄^①者，加莲子去心二钱。

泄泻因伤湿而起，米谷不化，不思饮食，困弱无力。用白术土炒、白茯苓各三钱，水煎，食前服；腹痛者，加炒白芍一钱、炙甘草五分。

泄泻因子寒者，腹痛手足冷。用胡椒十四粒、生姜三钱、淡豆豉二钱，煎汤，热服。

泄泻腹痛奇方。用鸡蛋一枚，将小头打一小孔，入胡椒七粒在内，以纸封顶，纸包煨熟，酒送，更效，胡椒吞与不吞不拘。

脾虚久泻。用白术土炒、山药酒炒、莲肉去心蒸熟、砂仁酒炒各一两，共为细末，以白沙糖二两和匀，每服一二钱，米饮调下。

又方，用早米造饭锅巴，取四两研末，莲子去心蒸晒为末四两，白糖四两，共和匀，每服二三钱，白汤调下，每日三服。

集成止泻散 治久泻如神，此方经验最多。

用车前子以青盐水炒七次，秤过二两，白茯苓炒二两、山药炒二两、炙甘草六钱，共为细末，每服二三钱，炒米汤调，乌梅汤更好。真神方也。

伤食证治

《经》曰：饮食自倍，肠胃乃伤。东垣云：饮者，无形之气也；食者，有形之血也。由此推之，乳为血液，饮之类也；谷有糟粕，食之类也。乳之与食，原非同类，岂可不辨乎哉？

凡小儿饮食伤脾之证，非可一例而论；有寒伤、有热伤；有暂病、有久病；有虚证、有实证。但热者、暂者、实者，人皆易知；而寒者、久者、虚者，人多不识。如今之小儿，以生冷瓜果致伤胃气，而为腹痛泻痢者，人犹以为火热，而治以寒凉，是不识寒证也。有偶因停滞而为胀痛，人皆知其实也，然脾胃之素强者，即滞亦易化，惟其不能化者，则恒有胀满之证。又或有不食亦知饥，少食即作胀，或有无饥无饱，全不思食，或因病有伤胃气，久不思食，本非有余之证，时医遇此，无论有余不足，鲜有不用开胃消导之剂者，

是不知虚证也。盖脾胃原有运化之功用，今既不能化食，则运用之职，已失其权。而尚可专意克削，以益其困乎？！故凡欲治病，必先借胃气以为行药之主。若胃气强者，攻之则去，而疾常易愈，此以胃气强而药力易行也；胃气虚者，攻亦不去^②，此非药不去病，以胃气本弱，攻之则益弱，而药力愈不行，胃愈伤，病亦愈甚矣。若乃体质强弱，尤有不同。凡藜藿之儿，壮健之质，及新暴之病，自宜消伐，惟速去为善；如以弱质弱病，而不顾脾胃虚实，概施欲速攻治之法，则无有不危矣。

凡素喜冷食者，内必多热；喜熟食者，内必多寒。故内寒者不喜寒；内热者不喜热。然热者嗜寒，多生中寒；寒者喜热，多生内热。《内经》所谓久而增气，物化之常；气增而久，夭之由也。凡治病者，又当于素禀中察其嗜好偏胜之弊。

凡饮食致病，伤于热者，多为火证，而停滞者少；伤于寒者，多为停滞，而全非火证。大都饮食之伤，必因于寒物者居多，而温平者次之，热者又次之。盖热则易于腐化流通，所以停滞者少。

冯楚瞻曰：大凡小儿伤食，皆由胃气怯弱。今时之医，以平胃散为脾胃之准绳，孰知平胃者，胃中有高阜，则使平之，一平即止，不可过剂，过则平地反成坎矣。又不若枳实丸为胜，方为洁古老人所制。用枳实一两、白术二两，补多于消，先补而后清也。但此丸原为伤食者设，今若专以为补脾药，又误矣。夫枳实有推墙倒壁之功，用之不当，能无克削？即如山楂、神曲、麦芽，举世所常用者，然山楂能化肉积，凡多年母猪肉煮之不烂，但入山楂一撮，登时皮肉即糜；又产妇儿枕痛，以山楂煎服，儿枕立化，可见其破滞之功，岂可轻用！曲、麦者，以米饭在磁缸中，必借曲以酿酒，必借麴以成糖，脾胃在人身中非磁缸比，原有化食之功，今食不化，因其所司者病也，只补其运用之能，而食自化，何必用此消克药哉！

① 薄：原脱，据光绪本补。

② 去：原作“失”，据上文“攻之则去”改。

大凡小儿原气完固，脾素强者，多食不伤，过时不饥。若儿先因本气不足，脾胃素亏者，多食易伤，如攻伐一用，饮食虽消，而脾气复经此一番消伐，愈虚其虚；后日食复不化，犹谓前药已效，汤丸叠进，展转相害，羸瘦日增，良可悲矣！故医有贫贱之医，有富贵之医；膏粱子弟与藜藿不同，太平之发与疮痍自别。乡村里巷，顽夫壮士，暴有所伤，攻伐剂一投可愈；倘膏粱幼稚，禀受怯弱，娇养柔脆，一例施之，貽害不小矣。

楚瞻曰：人之脾胃虽能化食，实由于水火二气运用其间，非脾胃之所专能也。内火盛则脾胃燥，水盛则脾胃湿，皆不能健运，乃生诸病。如消渴证，火偏胜而水不能制；水肿证，水偏胜而火不能化，惟制其偏面使之平，则善矣。制者，非谓去水去火之意，人身水火本自均平，偏者病也。火偏多者，补水配火，不必去火；水偏多者，补火配水，不必去水。譬之天平，此重则彼轻，一边重者，只补足轻之一边，决不凿去马子，盖马子一定之数。今人见水利水，见火泻火，是凿马子者也。

小儿之病，伤食最多，故乳食停滞，中焦不化而成病者，必发热恶食，或噫气作酸，或恶闻食气，或欲吐不吐，或吐出酸水，或气短痞闷，或腹痛啼叫，此皆伤食之候也。便宜损之，损之者，谓姑止之，勿与食也，使其自运。《经》谓伤之轻者，损谷则愈矣。损之不减，则用胃苓丸以调之；调之不减，则用保和丸以导之；导之不去，则攻下之。轻则木香槟榔丸；重则消积丸。

伤食一证，最关利害，如迁延不治，则成积成癖；治之不当则成疳成癆。故小儿强壮者，脾胃素实，为其能食，父母纵之，以致太过，停留不化，此食伤脾胃，真伤食也，可用前法治之；如小儿之怯弱者，脾胃素虚，所食原少，或因略加，即停滞而不化，此乃脾虚不能消谷，转运迟耳，作伤食治则误矣，惟宜六君子汤，助其健运，多服自愈。

凡小儿脾胃实者，倘纵其口腹，不知节制，则饮食自倍，肠胃乃伤，而实者必致为虚矣。其体之虚怯者，能节其饮食，则肠胃不伤，谷气渐

长，而虚者终变为实矣。

凡伤食吐泻后，则其所伤之物俱去，只与和其胃气，或异功散，或六神丸。

[人方]

洁古枳实丸 治小儿伤食，脾不运化，以致面黄肚大。此方补多消少，诚为伤食运化之良方。

漂白术二两，黄土拌炒 小枳实一两，酒炒

胃虚不思饮食者，加藿香叶五钱焙、西砂仁五钱酒炒，名香砂枳实丸；小儿体质肥白有痰者，加真广皮五钱酒炒、法半夏五钱焙，名橘半枳实丸。

上药炒制，鲜荷叶包饭煨熟，去荷叶，将饭同前末捣匀，为丸极小，每一二钱，半饥白汤下。

胃苓丸 方见二卷伤湿证治。

保和丸 治饮食停滞，胸膈痞闷，腹胀等证。

六神曲炒 真广皮炒 法半夏 白云苓炒，各一两 京楂肉三两 净连翘炒 萝卜子炒，各五钱

共为细末，炼蜜为丸，每服一二钱，姜汤下。

木香槟榔丸 治伤食消之不去，以此下之。

黑牵牛炒，取头末，五钱 尖槟榔炒，五钱 锦庄黄五钱，酒蒸，晒干 南木香三钱 六神曲炒，一两

共为细末，姜汁打，米糊为丸，量儿大小加减用之。此方不峻厉，白汤送下。

消积丸 方见三卷呕吐证治。

六君子汤 方见二卷非搐吐泻。

异功散 专治脾胃虚弱，吐泻之后，大病之后，以此调理。

官拣参切 漂白术土炒 白云苓乳蒸 真广皮酒炒 炙甘草俱等分

生姜、大枣水煎服。共为末，姜枣汤调服亦可。

六神丸 与异功散主治同，实脾之功胜之。

官拣参切，焙 漂白术土炒 白云苓乳蒸 怀山药酒蒸^① 白扁豆炒 炙甘草等分

^① 酒蒸，原作“乳蒸”，据光绪本改。

共为末，炼蜜丸，弹子大，每服一丸，姜汤化下。

食积证治

《经》曰：新积痛可移者，易已也；积不痛，难已也。夫饮食之积，必用消导，消者，散其积也；导者，行其气也。脾虚不运，则气不流行，气不流行，则停滞而为积。或作泻病，或成癥痞，以致饮食减少，五脏无所资禀，血气日愈虚衰，因致危困者多矣。故必消而导之，轻则和解常剂，重必峻下汤丸。盖浊阴不降，则清阳不升；客垢不除，则真元不复。如戡定祸乱，然后可以致太平。若积因脾虚，不能健运药力者，或消补并行，或补多消少，或先补后消，洁古所谓养正而积自除。故前人破滞削坚之药，必假参、术赞助成功。《经》曰：无致邪，无失正，绝人长命。此之谓也。

夫食者，有形之物，伤之则宜损其谷，其次莫若消之，消之不去则攻之，此治初伤乳食之法也。倘治之不早，以致陈莖菹聚，乃成积也。其候面色黄白，或青黄，腹大或紧，食少腹痛，发则数日不止。而医者治积，不问平日所伤之物是寒是热，并不察儿之形气或虚或实，可攻不可攻，竟用偏寒偏热峻下之药，而犯虚虚之戒，其害岂胜言哉！如先伤热乳热食者，则为热积；伤冷乳冷食者，则为冷积；五谷之类为食积；禽畜之类为肉积；菜果之类为冷积，故用药宜分寒热。冷积应用消积丸，热积木香槟榔丸，仍用原伤之物，作汤送之，谓之溯源汤。

凡用攻下取积之药，必先补其胃气，如六君之类，预服数剂，扶其元神，然后下之，免伤胃气也。

如小儿体质素怯者，虽有积，必不宜下，当以补为消，六君子汤加莪术、木香共为细末，姜汁打神曲糊丸，每一二钱，米汤下，久服自消。今儿禀受怯弱者，有积皆当识此，攻积之药，慎勿轻用。

[人方]

消积丸 方见三卷呕吐证治。

木香槟榔丸 方见三卷伤食证治。

六君子汤 方见二卷非搐吐泻。此加莪术、木香。

[食积简便方]

消积丸 消食、消水、消气、消痞、消胀、消肿、消积，其功甚捷，惟久病虚羸者，不宜用。此比前消积丸力轻缓，不甚峻厉。

香附米酒炒，一两 五灵脂淘净，一两 黑牵牛炒，取头末，二两

共为细末，醋打，面糊丸，绿豆大，每服一二十丸，食远姜汤送下。

治伤冷食及难化之物。用生姜、紫苏煎浓汤，置浴盆内，令患者乘热坐汤内，以手揉其胸腹，以热汤淋之，气通即化矣。

又方，以生姜捣烂，紫苏捣烂，炒热存包，熨胸腹；如冷，再炒再熨，神效。

治伤食停积不消。用白酒曲即酿酒小曲，炒二两，老麦芽取净末一两，共为细末，每服二钱，白汤调下。治粽伤及糯米所伤，更妙。

治饮食停滞，饱闷不消。以糯米一升炒热，以布包之，分作二包，于脐腹上轮换熨之，助其脾转运也，立消。

因食肉停滞不消。用山楂子三十粒，捶碎，煎浓汤，饮之自化。

因食犬肉成积，不治则杀人。用山楂肉二十四粒，杏仁去皮尖二十四粒，煎浓汤，饮自化。

因食牛肉，腹胀不消。用干稻草一把，煎浓汤，滚热饮之，自消。

因面食腹胀。生姜捣汁，冲好酒，热服，即消。又方，以生萝卜取汁，温热服，神应。凡食面必用醋，断不作胀。

因食菱角，腹痛作胀。生姜捣取自然汁，以滚汤冲服，立消。

因食瓜果生冷太多，以致腹胀气急。用真化桂去粗皮，取肉，研细末，以饭捣和为丸，绿豆大，小儿每服五丸，稍长者十丸，水送，病愈药停。

凡小儿病，医认证不确，错用反药，或烦躁不宁，或呕泻不止，欲与解去其药。用黑豆一杯，甘草三钱，煎浓汤服之，自解。倘无黑豆，绿豆亦好。

发热证治

《经》曰：阳胜则热，阴胜则寒。重寒则热，重热则寒。寒伤形，热伤气。又曰：气实者，热也。小儿之病，多有发热，然幼科论证太繁，来学眩目，莫得其要。予谓小儿之证，惟宜明显简切，有裨于治疗足矣。今以小儿发热，分为四大证：一曰表热，一曰里热，一曰虚热，一曰实热，表里虚实既明，则大纲在手，然后逐证辨认，又岂能逃其冰鉴乎？

一 小儿无故发热，多由外感风寒。其证喜人怀抱，畏缩恶风寒，不欲露出头面，面带惨色，不渴，清便自调，吮乳口不热，或鼻塞流涕，或喷嚏，浑身拘急，此表热也。初起时，一汗可解，桂枝汤加柴胡、粉葛热服，取微汗效；若元气怯弱者，四君子汤加防风、柴胡、粉葛。

一 发热时喜露头面，仰身卧，扬手掷足，揭去衣被，渴欲饮水，吮乳不休者，口渴也，吮乳口热，小便赤，大便闭，此里热也。宜解利之，导赤散煎送泻青丸。

一 虚热者，多从大病之后，或温热或潮热，如潮汐有定期也，或渴，或不渴，大小便如常。宜补之，竹叶调元汤。

一 实热者，面赤腮燥，鼻孔干焦喜就冷，或合面卧，或仰面卧，露出手足，揭去衣被，大渴不休，大小便秘。宜微下，集成沆瀣丹。

以上四热为纲，其下杂证为目，有纲有目，而犹不能辨别者，未之有也。

伤风发热，其证自汗身热，呵欠，目赤多睡，恶风喘急。此因解换褙裳，受风所致。治宜解肌，柴葛桂枝汤；退热之后，略宜滋阴。

伤寒发热，其证无汗身热，呵欠顿闷，项急面赤，喘急恶寒，口中气热。此因脱换受寒所致。治宜惺惺散；热退后，微服沆瀣丹，以防内热。

既伤风寒，发热又兼吐泻者，不可发散，此脾胃虚怯也。但以五苓散煎送理中丸。

伤热发热，多在夏月，其证身热自汗，作渴昏睡，手足俱热。此因天气过热，而包裹过厚，受其热也。人参白虎汤以解其热；次以调元生脉散

补之。

伤暑发热，夏月有之，其证身热自汗，作渴昏睡，手足冷。此由高堂广厦，阴冷太过，中气受伤所致。先以调元生脉散补其气，次服四君子汤，以防吐泻。

心热者，浑身发热，面青自汗^①，心悸不宁，脉数烦躁，狂叫恍惚，此心热也。导赤散加黄连。

夜热者，夜间作热，旦则退去。此血虚也。六味地黄汤加龟板、当归、白芍敛纳阴气。

伤寒无汗，服表药而汗出，其热不退，又复下之，热仍不退，乃表里俱虚，气不归元，阳浮于外。此为虚热，不可误用寒凉，即当和其胃气，裨阳气收敛，其热自退。四君子汤加炮姜。

疳热者，形色黄瘦，食不长肌，骨蒸盗汗，泄泻无恒，肚大脚小。多起于大病之后，失子将息；又或伤饥食饱，脾气受伤。六君子汤加当归、白芍。

壮热者，一向热而不已。由气血壅实，五脏生热，郁蒸于内，则睡卧不安，精神恍惚；蒸发于外，则表里俱热，燥急喘粗，甚则搐搦。以导赤散煎汤送泻青丸；大小便秘者，集成沆瀣丹。

烦热者，躁扰不安，五心烦躁，四肢温壮，小便赤涩。此心经有热。宜导赤散加麦冬、梔仁。

积热者，面赤口疮，大小便黄赤。此表里俱实，或因内伤酒面，煎炒炙博；或误投峻补之药；或外因厚棉炉火，温暖过度，皆能生热。此人事所致，宜沆餐丹清解之。

虚热者，或汗下太过，津液枯焦，或大病之后，元气受伤，皆能生热。其证困倦少力，面色青白，虚汗自出，神慢气怯，四肢软弱，手足厥冷，此气虚发厥，血气发热，大虚证也。四君子汤加炮姜；甚则加附子。热退以平剂调之。

客热者，乍有乍无。热邪干心，则热形于额，故先起于头面，而后身热，恍惚多恐，闻声则惕。此正气虚而热邪胜，故邪正交争，发热无定，乍进乍退，如客之往来莫测也。导赤散先彻其邪；后以团参散护其正气。

血热者，每日巳午时发热，过夜则凉。此心

① 自汗，光绪本作“目汗”。

经血热也。轻则导赤散，重则四顺散。

[人方]

柴葛桂枝汤 治小儿伤风，自汗发热。

嫩桂枝一钱 杭白芍一钱五分 北柴胡一钱
粉干葛一钱 炙甘草八分 老生姜一钱 大红
枣五枚

净水浓煎，热服。

惺惺散 方见二卷乳子伤寒证治。

集成沆瀣丹 方见二卷胎病论。

五苓散 方见二卷伤暑证治。

理中汤 方见二卷乳子伤寒证治。

人参白虎汤 方见二卷伤暑证治。

调元生脉散 治夏月伤热发热，以此扶其
元气。

官拣参六分 炙黄芪一钱五分 杭麦冬一钱
北五味五分 炙甘草五分

生姜三片，大枣三枚，水煎温服。

四君子汤 方见三卷疟疾证治。

导赤散 方见四卷啼哭证治。

六味地黄汤 方见二卷胎病论。

六君子汤 方见二卷非搐吐泻。

泻青丸 方见四卷啼哭证治。

团参散 方见二卷非搐大惊卒恐。

四顺清凉散 方见四卷腹痛证治。

神奇外治法 九条^①

疏表法 小儿发热，不拘风寒食饮，时行痘疹，并宜用之。以葱一握，捣烂取汁，少加麻油在内和匀，指蘸葱油，摩运儿之五心、头面、项背诸处，每处摩擦十数下，运完，以厚衣裹之，蒙其头，略疏微汗，但不可令其大汗。此法最能疏通腠理，宣行经络，使邪气外出，不致久羁荣卫，面又不伤正气，诚良法也。

清里法 小儿发热至二三日，邪已入里，或乳食停滞，内成郁热。其候五心烦热，睡卧不宁，口渴多啼，胸满气急，面赤唇焦，大小便秘，此为内热。以鸡蛋一枚，去黄取清，以碗盛之，入麻油约与蛋清等，再加雄黄细末一钱，搅极匀，复以妇女乱发一团，蘸染蛋清，于小儿胃口拍之，寒天以火烘暖，不可冷用，自胸口拍至脐轮止，须

拍半时之久，仍以头发敷于胸口，以布扎之，一炷香久，取下不用，一切诸热，皆能退去。盖蛋清能滋阴退热，麻油、雄黄拔毒凉肌故也。此身有热者用之，倘身无热，惟啼哭焦烦，神志不安者，不必蛋清，专以麻油、雄黄，乱发拍之，仍敷胸口，即时安卧。此法多救危险之症，功难殚述。

解烦法 凡小儿实热之证，及麻疹毒盛热极。其候面赤口渴，五心烦热，啼哭焦扰，身热如火，上气喘急，扬手掷足。一时药不能及，用水粉一两，以鸡蛋清调匀，略稀，涂儿胸口及两手掌心，复以酿酒小曲十数枚，研烂，热酒和作二饼，贴两足心，布扎之。少顷，其热散于四肢，心内清凉，不复啼扰。

开闭法 凡小儿风痰闭塞，昏沉不醒，药不能入，甚至用艾火灸之亦不知痛者。盖因痰塞其脾之大络，截其阴阳升降之隧道也。原非死证，用生薑蒲、生艾叶、生姜、生葱各一握，共入石臼内，捣如泥，以麻油、好醋同前四味炒热，布包之，从头顶背胸四肢，乘热往下熨之。其痰一豁，倏然面醒。此方不特小儿，凡闭证皆效。

引痰法 凡小儿痰嗽，上气喘急，有升无降，喉中牵锯之声，须引而下行。用生白矾一两研末，少入面粉、米粉亦可，盖生矾见醋即化成水，入面粉取其胶粘故也，好醋和作二小饼，贴两足心，布包之。一宿，其痰自下。

暖痰法 凡小儿胸有寒痰，不时昏绝，醒则吐出，如绿豆粉，浓厚面带青色。此寒极之痰，前法皆不能化，惟以生附子一枚，生姜一两，同捣烂、炒热，布包，熨背心及胸前；熨完，将姜、附捻成一饼，贴于胸口，良久其痰自开。

纳气法 凡小儿虚脱大证，上气喘急，真气浮散，不得归元，诸药莫效。用吴茱萸五分、胡椒七粒、五倍于一钱，研极细末，酒和作饼，封肚脐，以带扎之，其气自顺。

通脉法 凡小儿忽尔手足厥冷，此盖表邪闭其经络，或风痰阻其荣卫，又或大病之后，阳不布散于四肢。速用生姜煨熟，捣汁半小杯，略入麻油调匀，以指蘸姜油摩儿手足，往下搓揉

^① 九条，原脱，据目录补。

搽，以通其经络，俟其热回，以纸拭去之。凡小儿指纹滞涩推之不动，急以此法推豁之，盖此法不论阴阳虚实，用之皆效。

定痛法 凡小儿胸中饱闷，脐腹疼痛，一时不能得药。用食盐一碗，锅内炒极热，布包之，向胸腹从上熨下。盖盐走血分，故能软坚，所以止痛，冷则又炒又熨，痛定乃止。男妇气痛，皆用此法。

已上九法，非古书所有，实予异授心传。经验既久，神应无方^①，笔之于书，以公世用。

治病端本澄源至要口诀^{二段}^②

凡临病家诊视小儿，无论病之轻重，证之顺逆，稍长者令其本身忌口，乳子即令乳母忌口，严禁荤酒油腻，酸咸辛辣，但可香茶白饭，稍用蜜饯糖食而已。盖乳房为胃经所主，饮食入胃，腐化精微而为荣血，贮于冲脉，冲脉载以上行，遂变赤为白而为乳汁，小儿赖此以为命，与乳母气候相关，吉凶共际。是以母食热，子受热，母食寒，子受寒；母食毒，子中毒。又惟荤酒油腻，甘肥凝滞之物为尤甚。故凡小儿有病，但得乳母忌口，即不药亦能自愈。不观穷乡僻壤，藜藿单寒之家，所育之子，肥实壮健而且少病，病亦易愈。人但云他人之子，何以易育？不知他家无甘肥凝腻，口腹清淡，所以病少而易育；自家乳母纵口饮啖，荤酒不忌，医虽用药得法，其如乳汁不清，胃口油滞，不能宣布药力，所以多病难医也。此至紧至要关头，医者不为切戒，其咎在医，至于平凡家，每多自误。凡乳子有病，其母子房劳食饮，寒暑喜怒，一毫不慎，惟责效于医之草根树皮，讵知刀头圭角，能胜其无情之相火，能制其有质之油腻耶？徒令医者劳心，病儿受苦，深可悲恻。复有妇人姑息之爱，切要提防。昔于一堂弟，年八岁，因病伤寒几死，得遇明者保全，稍能步履。医嘱严忌荤睡，予伯母^③而承诺，私以烂蹄花一碗与之，病人见肉，登时食尽，时予目睹其事。夜即变证，四肢厥冷，口吐白沫，喉内痰鸣，两目直视而绝。予伯与医者惊惶无措，莫测其由，因询曾食何物？伯母坚辞无有，微风不露；

予亦莫敢直言。医者无可下手，遂辞云。予取山楂肉，炒研细末，以浓姜汤调灌数次。盖山楂多服，最能通利，五更大泻数行，所下油腻胶滞之物，内有精肉犹存，人事倏清。伯见所下之物，始知食肉生变，痛誓其母，几至反目。幸予在侧开解之，令予调理，予为畅脾而安。此等暧昧，苟非予之目击，伯母必不直告，即至真死，彼亦不言，医者亦不知其何以变证而死。可见妇女误事，为祸如此其烈也。凡类此者，以天下之大，又岂特一人而已。故凡遇膏粱宦室，不可不谆切言之，以杜其姑息之害。

小儿在胎之时，冲脉运血以养之；及其产下，冲脉载血以乳之。乳为血化，所以儿之脾胃，独与此乳汁相吻合，其他则皆非所宜矣。凡小儿一周二岁，止可饮之以乳，切不可哺以谷食。盖谷食有形之物，坚硬难消，儿之脾气未强，不能运化，每多因食致病。倘乳少，必欲借谷食调养者，须以早米炒熟，磨粉，微入白糖，滚汤调服，不致停滞。至于肉食，尤为有害。凡小儿五岁之内，能忌肉食，终身无脾病，无奈愚妇愚夫，莫可理喻，见儿病稍愈，即以肉食饲之，谬云虚补不如实补；谓药补为虚，肉补为实。不知此语出于何经？妄诞无知，直堪唾骂！及其脾胃凝滞，儿病复作，始为仓惶懊悔，是谁之咎？故小儿病后，必不可妄用荤腥，只可素食调理，或一月半月，待其脾气已健，始可略与清汤，仍不得过用甘肥。盖甘肥之物，非但不能益儿，适足以致病。医者能知此意，治病必不掣肘；病家能依禁忌，断无反复之虞。此非摹拟之辞，实知之深，见之确，端本澄源，莫切乎此！予虽末学，临证有年，病家之弊，无不周知，故不得不剖心相告，庶后贤知所提备云。

痢疾证治

《经》曰：饮食不节，起居不时，阴受之则入

① 方；比拟。《广韵·阳韵》：“方，比也。”

② 二段：原脱，据目录补。

③ 覲(dì 敌)，见，相见。《尔雅·释诂上》：“覲，见也。”

五脏,填满闭塞,下为飧泄,久为肠澼。夫飧泄者,水谷不化也;肠澼者,下痢是也。小儿之病,伤食最多,内有宿食停积,更受外感,则成痢矣。古今方书,以其闭滞不利,或又谓之滞下。其证里急后重,或垢或血,或见五色,或多红紫,或痛或不痛,或呕或不呕,或为发热,或为恶寒。此证之阴阳虚实,最宜详审,庶不致误。仍当以脉证辨之:凡身热作渴,脉数有力而能食者,为热;身凉不渴,脉沉无力而不能食者,为寒。

初起腹中苦痛,里急后重者,为实,宜急下之,集成沆瀣丹、集成三仙丹二药同服,立应。

如兼外感者,必身有寒热,不可遽下。凡痢由外感而发者最多,急宜发散,若下之早,必致引邪入里,而为绵延之证。以仓廩汤^①疏解之。

因伤风而得之者,则纯下清血。盖风伤其阴络,致血不循经,所以血妄下,宜胃风汤。

赤白相兼者,心主血,因伤热得之,则心移热于小肠,故赤者从小肠来;肺主气,因伤热得之,则肺移热于大肠,故白者从大肠来,皆以芍药汤治之,调血则便脓愈,行气则后重除,此治痢之要法也。又法,以黄连阿胶丸加当归、木香治血痢,于血中行气;以胃苓丸加当归、白芍治白痢,于气中养血;有积者,治痢保和丸。

痢久不止,名休息痢。切不可止涩,和中丸最妙;后有集成至圣丹,专治久痢,百不失一。

有泄泻变痢者,有痢变泄泻者。先泻后变痢者,脾传肾也,为贼邪,难治;先痢后变泻者,肾传脾也,为微邪,易治。盖初泻变痢者,此气病传人血中,宜养血为主,加调气之药,不可误下,以伤胃气;初痢变泻者,血病传入气中,以调气为主,加养血之药,不可收涩,恐毒气留而不去,复成痢也。泻变痢者,加味四物汤;痢变泻者,加味四君子汤。

痢久不止,脾胃受伤,中气下陷则为脱肛;热毒上逆则食人便吐,不思乳食,谓之噤口;久痢阴伤,肾气虚败,则两膝红肿,谓之鹤膝。

脱肛者,胃气下陷,后重不除,努挣太过,故肠头脱出,宜养血调气,微加升提之品,则痢止肛自收矣,升麻汤;外用洗法、托法。

噤口者,乃胃虚逆气上冲而吐也,有不思饮

食,皆虚损也,宜参苓白术散,米汤调服。凡痢疾能食者吉,不能食者凶。

鹤膝者,两膝红肿,如鹤之膝。小儿痢后多有此证,乃肾虚之极,宜补肾地黄丸加牛膝、鹿茸。

痢疾腹胀,中气虚也,胃苓丸调之。倘因毒气未尽,庸流误服涩药而致腹胀者,为实也,不可作虚治,保和丸消导之。

痢疾不治证。痢见五色,五脏俱败;痢如烟尘水,如屋漏水;下痢久,肛门如竹筒,如鱼腥;久痢唇红舌胎^②,气促心烦,坐卧不安,大渴饮水,面容似朱者;皆死证也。

[人方]

集成沆瀣丹 方见二卷胎病论。

集成三仙丹 方见二卷类搐痢疾。

仓廩汤即人参败毒散加陈仓米。方见二卷伤风证治。

治伤风痢疾,及时行疫痢,大小相似者,宜先服此。即人参败毒散加陈仓米煎服,即名仓廩汤。喻嘉言以此方为治痢之圣药,无论新久,必用此药升散之,是得逆流挽舟之法也。予每用之,轻者,三四剂即愈矣,不必另方;重者,服药后外证悉去,惟腹痛、里急后重未除者,以沆瀣丹、三仙丹同服,推去积滞,无不愈者。盖仓廩汤治痢,与用四逆散治痢同意,后贤宜深究焉。

胃风汤 治风冷客于肠胃,泄下鲜血,及肠胃湿毒下如豆汁,或下瘀血。

官拣参一钱 漂白术一钱 白云苓一钱 白当归一钱 正川芎五分 杭白芍一钱 上桂心五分 陈粟米一撮

姜一片,枣一枚,水煎,湿服。

河间芍药汤 调血便脓愈,行气后重除,此方是也。

杭白芍一钱五分 大当归一钱 雅川连五分 实黄芩八分 锦庄黄五分 尖槟榔一钱 南木香三分 上桂心三分^③

① 仓廩汤:原作“仓廩散”,据本节“人方”改。

② 舌胎:各本同,疑为衍文。

③ 上桂心三分:原脱,据光绪本补。

净水浓煎，热服。

黄连阿胶丸 治血痢，于血中行气。

正雅连一钱 东阿胶二钱 白云苓一钱 当归身一钱 南木香一钱

共为细末，水丸，每一二钱，米饮下。

胃苓丸 方见二卷伤湿证治。治白痢，于气中养血，本方加当归、白芍、白术。

治痢保和丸 治痢疾积滞未尽，或在先原未得下，今已脾虚不可下者，宜服此。

广陈皮 法半夏 白云苓 陈枳壳 川厚朴 正雅连 京楂肉 六神曲 老麦芽以上诸味各一钱 南木香 尖槟榔 炙甘草各五分

共为细末，另以神曲煮糊为丸，每一二钱，米饮下。

和中丸 治休息痢及痞痢。

官拣参 炙甘草 当归身 正川芎 车前子 结猪苓 宜泽泻 六神曲 老麦芽 建莲肉以上各二钱 漂白术 白云苓 直广皮 杭白芍 南木香 炮姜炭 肉豆蔻各一钱

共为细末，酒煮而糊丸，每一二钱，米饮下。

加味四物汤 治先水泻而变痢者。

当归身 正川芎 杭白芍 怀生地 白云苓 正雅连 南木香等分

水煎，空心热服。

加味四君子汤 治先痢而变泻者。

官拣参^① 漂白术 白云苓 当归身 杭白芍 炙甘草各一钱

生姜二片，大枣三枚，水煎，湿服。

升麻汤 治虚痢脱肛，仍调气养血，微带升提。

绿升麻一钱五分 官拣参 漂白术 白云苓 荆^② 芥穗 真广皮 当归身 杭白芍 北防风以上各一钱 炙甘草五分 肥乌梅一粒

水煎。食后服。

脱肛洗药方

五倍子五钱 白芒硝一钱 荆芥穗一钱五分 煎汤熏洗，仍以五倍子研末敷之，方以软帛托入。

参苓白术散 方见三卷诸疳证治。

补肾地黄丸 方见三卷哮喘证治。此加虎

胫、牛膝、鹿茸。

胃苓丸 方见三卷伤湿证治。

保和丸 方见三卷伤食证治。

[痢疾简便方]

治痢疾，用干马齿苋煮烂，红痢以蜂蜜拌，白痢以沙糖拌，红白相兼，蜂蜜、沙糖各半拌食，一日二次，连汤服之，更妙。按马齿苋名五方草，其叶青、梗赤、根白、花黄、子黑五行俱备，所以寒、热、赤、白皆治。

六一散 此方取“天一生水，地六成之”之义，为北方壬癸之精。以其清暑毒、去湿热、分阴阳、利小便、泻丙火，从小水而出，故为治痢妙方。

白滑石研细末，以清水调飞，其重浊滓质不用，待其水清，去水，晒干，每滑石末六两，加甘草细末一两，研匀听用。

白痢用六一散七钱，干姜末七分；红痢用六一散七钱，红曲末七分，各用姜汁打，面糊丸，梧桐子大，每服一二钱，白汤下。

久痢不止。用红糖久痢不止用红糖、白糖、饴糖各三钱，甘草一钱，陈茶叶二钱，用煎熟，露一宿，次早温热服，神效。

噤口痢，不思饮食。以腊猪肉去肉取骨，锅内煎浓汤，徐徐服之，百发百中。

治赤白相兼。用山楂肉不拘多少，炒研为末，每服一二钱，红痢蜜拌，白痢红沙糖拌，红白相兼，蜜、沙糖各半拌匀，白汤调服空，空心下，更妙。此药不分虚实，不分久近，皆效，甚稳甚验。

集成至圣丹新出 治冷痢久泻，百方无验者，一服即痊。凡痢之初起，实热实积，易知而易治，惟虚人冷积致痢，医多不以为意。盖实热之证，外候有身热烦躁，唇焦口渴，肚疼窘迫，里急后重，舌上黄胎，六脉洪数，证候既急，治者亦急，轻则疏利之，重则寒下之，积去而和其阴阳，无不愈者。至于虚人冷积致痢，外无烦热躁扰，内无肚腹急痛，有赤白相兼，无里急后重，大便

① 官拣参，原作“大官拣”，据本书药名常例改。

② 荆，原脱，据光绪本补。

流利,小便清长,此由阴性迟缓,所以外证不急,遇此切不可姑息,俱以集成三仙丹下之,以去其^①积,倘不急下,必致养虎贻患。其积日久,渐次下坠,竟至大肠下口、直肠上口,交界之处有小曲折隐匿于此,为肠脏最深之处,药所不到之地。证则乍轻乍重,或愈或发,便则乍红乍白,或硬或溏,总无一定,任是神丹,分毫无济。盖此积不在腹内,而在大肠之下,诸药至此,性力已过,尽成糠秕,安能去此沉匿之积。所以冷痢有至三五年十数年不愈者,由此故也。古方用巴豆为丸下之者,第恐久病神虚,未敢轻用,今以至捷至稳鸦胆子一味治之。此物出闽省、云、贵,虽诸家本草^②未收,而药肆皆有。其形似益智子而小,外壳苍褐色,内肉白而有油,其味至苦,用小铁睡轻敲其壳,壳破肉出,其大如米。敲碎者不用,专取全仁用之,三五岁儿,二十余粒,十余岁者,三十多粒,大人则四十九粒,取天圆肉包之,小儿一包三粒,大人一包七粒,紧包,空腹吞下,以饭食压之,使其下行,更借此天圆包裹,可以直至大肠之下也。此药并不峻厉,复不肚痛,俟大便行时,有白冻如鱼脑者,即冷积也。如白冻未见,过一二日再进一服,或微加数粒,此后不须再服。服药时忌荤、酒三日,戒鸭肉一月,从此除根,永不再发。倘次日肚中虚痛,用白芍一根、甘草一根,俱重三钱,纸包水湿,火内煨熟,取起捶烂,煎汤服之,立止。不忍隐秘,笔之于书,以公世用。

疟疾证治

《经》曰:疟疾皆生于风。又曰:夏伤于暑,秋必疟疾。夫风与暑阳邪也,寒与水阴邪也。然风为阳中之凉气,暑为热中之寒邪,各是四者而言,无非皆属乎寒,故俗号为脾寒,谓病邪客于肌肉之间,而脾应肉也。及疟之将发,必先手足厥冷,以脾主四肢也。《经》言暑者,言时气也;寒者,言病气也。虽邪气自浅而深,郁寒成热,然终不免寒为本,热为标耳。久而不解,纵实亦虚,非大补真气,大健脾胃,莫能瘳也。

疟必有寒有热,盖外邪伏于半表半里,正在

少阳所主之界,出与阳争,阴胜则寒;入与阴争,阳胜则热。即纯热无寒为温疟,纯寒无热为牝疟。要皆自少阳而造其极偏,故补偏救弊,亦必还返少阳之界,使阴阳协和,而后愈也。谓少阳而兼他经则有之,谓他经而不涉少阳,则不成其为疟矣。疟之不离乎少阳,如咳嗽之不离乎肺也。

凡小儿触冒风寒暑湿,客于皮肤,积于脏腑,邪正相攻,阴阳偏胜,发为寒热往来。阳不足则先寒后热,阴不足则先热后寒。寒多热少者,阴胜阳也;热多寒少者,阳胜阴也;阴阳互攻,则寒热相半。其初也,必内有痰食,致脏气不流,故发而为疟。

疟之止发有定期,其间有一日、间日、二三日者。此脏气有盛衰,邪之轻重不等也。发于夏至后处暑前者,三阳受病,伤之浅而暴也;发于处暑后冬至前者,三阴受病,伤之远而深也。发在子后午前,阳分受病,易愈;发在午后子前者,阴分受病,难愈。尤当以寒热多寡,禀受强弱而参之,则得矣。

疟疾之症,始而呵欠,继而足冷,而色青黄,身体拘急,战栗鼓颔^③,腰脊俱痛,寒去未已,内外皆热,头痛而渴,但欲饮水,呕恶烦满,而不嗜食者,皆其候也。由小儿脾胃素弱,邪气得以乘之,虽有寒热虚实之不同,然要不离乎脾胃。其证亦有五,乃风寒暑湿食也。治法之要,宜分初、中、末而治之。初则截之,谓邪气初中,正气未伤,略与疏解,则即之使去,不可养以为患也;中则和之,谓邪气渐入,正气渐伤,或于补中加截药,或于截中加补药,务适其中,以平为期;末用补法,谓邪久不去,正气已衰,当补其脾胃为主,使正气复强,则邪不攻自退矣。

一 风疟,因感风得之,恶风自汗,烦渴头疼。风,阳也,故先热后寒。初时宜发散,桂枝白术汤;不退,小柴胡汤加常山、槟榔、乌梅截之;久而不退,补中益气汤多服自愈。

① 其:“其”后原衍“其”字,据光绪本删。

② 草:原作“章”,形误,据文意改。

③ 颔:原作“项”,据光绪本改。

寒症，因感寒得之，无汗恶寒，挛急而惨。寒，阴也，故先寒后热。宜发散寒邪，养胃汤加桂心；不止，平胃散加槟榔、草果截之；久不止，六君子汤加姜、桂。

暑症，因伤暑得之。阴气独微，阳气独发，但热不寒，烦渴少睡，呕恶时见，肌肉消烁。宜解暑毒，柴胡白虎汤；不止，去石膏，加贝母、常山、槟榔截之；久不止，补中益气汤。

湿症，因冒袭雨湿，汗出澡浴，坐卧湿地得之。身体重痛，肢节烦疼，呕逆胀满，胃苓汤不退；平胃散加茯苓、槟榔、常山截之；久不止，参苓白术散。

食症，一名瘕症，由饮食不节，饥饱有伤然也。凡食啖生冷、鱼肉、油泔之物，以致中脘停痰，皆为食症。其候饥不欲食，食则中满，呕逆腹痛。宜去其食，四兽饮；不止，以二陈汤送红丸子；久不止，六君子汤加青皮、姜、桂。

有疳痢并作者。初用小柴胡加当归、白芍、槟榔以解表导滞；不已，六君子汤加桂枝。

疳后肿，此病根多，胃苓丸、五皮汤下；不消，六君子汤加姜、桂、砂仁；四肢冷者加附子。

疳后食少黄瘦，不长肌肉者，将欲成疳，但以平疳养脾丸调之，多服自愈。

有夜疳，此邪在血分，宜麻黄桂枝汤加地黄、红花；不止，以四物合小柴胡加升麻，提出阳分；用四君子汤加常山、乌梅、槟榔截之。

[人方]

桂枝白术汤 治感风而发热症。

嫩桂枝一钱 杭青皮一钱 真广皮一钱 正川芎五分 香白芷五分 法半夏一钱二分 白云苓一钱 漂白术六分 家苏叶七分 芽桔梗五分 尖槟榔五分

生姜三片，大枣三枚，水煎，于未发前二时服。

小柴胡汤 方见二卷乳子伤寒证治。

补中益气汤 方见一卷保产论小产论。

养胃汤 治感寒发症。

草果仁姜制，五分 藿香叶一钱五分 真广皮姜汁炒，一钱 上桂心一钱 炙甘草五分 生姜三片，乌榔一粒，水煎，热服。

平胃散 治寒症不止，以此截之。

漂苍术一钱二分 紫川朴一钱五分 真广皮一钱二分 炙甘草一钱 尖槟榔一钱 草果仁姜汁炒极熟，一钱

生姜三片，大枣三枚，水煎，清早空心服。

六君子汤 方见二卷非搐吐泻。

柴胡白虎汤 治伤暑发症，但热不寒。

官拣参一钱 北柴胡一钱二分 片黄芩一钱 法半夏一钱 熟石膏一钱五分 净知母一钱 炙甘草一钱 晚梗米一撮

生姜三片，大枣三枚，水煎，未发前服。

胃苓汤 方见二卷伤暑证治。

参苓白术散 方见三卷诸疳证治。

四兽饮 治食症，和胃消痰。

官拣参一钱 法半夏一钱二分 白茯苓二钱 真广皮一钱 漂白术一钱二分 老生姜一钱 大红枣一枚 肥乌梅三粒 炙甘草五分 净水浓煎，半饥服。

二陈汤^① 方见三卷呕吐证治。

红丸子 治食症食积，气滞腹胀。

京三棱 蓬莪术 杭青皮 真广皮 真胡椒 白干姜以上各三钱

共为细末，早米粉煮，糊为丸绿豆大，黄丹为衣，每服一二十丸，二陈汤煎送。

五皮汤 方见二卷伤湿证治。

平疳养脾丸 不问远年近日，此药不发不截，诚治疳之王道，又擅去疳之良能也。

官拣参切，焙 漂白术土炒 白茯苓乳蒸 真广皮酒炒 杭青皮醋炒 法半夏焙 漂苍术焙 紫川朴姜制 北柴胡酒炒 嫩黄芪蜜炙 结猪苓炒 宜泽泻炒 嫩桂枝焙 小常山焙 大鳖甲醋炙 白当归酒炒 正川芎酒炒 粉甘草炙 草果仁姜制

上药一十九味，俱等分，共为细末，酒煮，而糊丸，米粒大，每服一二钱，米饮下。有痞块者，加三棱、莪术；久疳体虚者，非此莫愈。

麻黄桂枝汤 治夜疳血分有邪，宜用此发

^① 二陈汤，按卷三“呕吐证治”入方中载“加味二陈汤”，而无本方，当以加味二陈汤去枳壳、桔梗。下“二陈汤”同。

散其血中风寒。

净麻黄^①一钱 柳桂枝一钱二分 片黄芩一钱
光桃仁十五粒^② 炙甘草一钱 大生地一钱
鲜红花五分

葱白一茎，水煎，热服。

四物汤合小柴胡汤 治夜疟，以此提出阳分。

大熟地二钱 大当归一钱五分 杭白芍一钱
正川芎一钱 官拣参五分 北柴胡一钱 片黄芩一钱
法半夏一钱 炙甘草五分 绿升麻

生姜三片，大枣三枚，水煎，热服。

加味四君子^③汤 治夜疟已出阳分，以此截之。

官拣参一钱 漂白术二钱 白云苓一钱五分
炙甘草一钱 小恒山一钱 尖槟榔一钱 肥乌梅三粒

生姜三片，大枣三枚，水煎，发日微明服。

[疟疾简便方]

小儿凡有疟疾，多有病气。须常烧檀速之香，以辟其邪，更常熏其衣襟等物，氛秽去，而邪易除矣。

凡疟药必露者，疟乃暑邪之因，露为肃杀之气。《性理大全》谓雾属阳，露属阴；雾生物，露杀物。则知暑邪逢露即解矣。

凡疟疾口渴，切不可饮冷水、冷茶，并生冷之物，犯之其病益甚，惟以姜汤，乘热饮之，此良法也。

凡疟疾热未全退，切不可令其饮食，必俟其热已退尽，方可食之；不然，终成癖积。

凡服止截之药，必须饿过发时；不发，方可吃粥；食早疟必再作，下次截药无灵矣。

清邪止疟方 李士材制。升麻、柴胡各二钱，提阳气上升，使远于阴而寒可止；黄芩、知母各一钱五，引阴气下降，使远于阳而热自己；生姜三钱，却邪归正；甘草五分，和其阴阳，二三剂自止。

四神酒 治久疟不止，一眼即止，永不再发。用常山一钱五分、槟榔一钱，丁香五分、乌梅一个，好酒大半碗，略煎，露一宿，发日空心冷服。

无痰不成疟，所以疟家多蓄痰涎溢饮。常山能破涎逐饮，故有截疟之功。然须有用于发散表邪之后，及提出阳分之时，则发无不中矣。凡服常山，切勿热服，须露一宿为妙；热服则吐，生用亦吐，与甘草同服亦吐。凡大虚之体，切宜斟酌，未可遽投。

小儿邪疟，其发无时，日期不定，乍早乍晚，或有或无者，名为邪疟。以麝香五厘，同好京墨同研，书“去邪辟魔”四字于额上，效。

小儿热疟不寒者，用穿山甲一两，红枣十个，同烧存性为末。每服一钱，发日五更，白汤调服。

小儿久疟不止，用大鳖甲小者不用。以醋炙枯研末。每一钱，或钱五，隔夜一服，清晨一服，将发时一服，无不断者。

疟来寒多热少，饮食不思，用良姜一两，麻油炒，炮姜一两，共为末。每二钱用猪胆汁调成膏，临发时，热酒调服；或用猪胆汁和丸如芡实大，每服七丸，酒送亦佳。胆属甲木，取其引入少阳也。

消渴证治

《经》曰：心移热于肺，传为膈消。又曰：二阳结，谓之消。夫消渴者，枯燥之病也。凡渴而多饮为上消，肺热也；多食善饥为中消，胃热也；渴而小便数，膏浊不禁为下消，肾热也。虽为火盛水衰之证，然由虚热者多，实热者少。若作有余治之，误之甚矣。

始而心肺消渴，脾胃消中，或肾虚消浊，传染日久，则肠胃合消，五脏干燥，精神倦怠，以致消瘦四肢，将为不起之候。初起治之得法，必不至是。

一 消渴，由心火动而消上，上消乎心，移热于肺，渴饮茶水，饮之又渴，各曰上消。小便最多，由其水不能停，所以饮水无厌。若饮一溲一

① 净麻黄：原作“净黄麻”，据光绪本乙转。

② 粒：原脱，据光绪本补。

③ 子：原脱，据光绪本补。

者，可治；饮一溲二者，不可治。宜莲花饮为主，次以生津四物汤滋其阴，庶几有济。

一 消肌，脾火动而消中，中消于脾，移热于胃，喜多食，食无足时，小便色黄，名曰中消。宜人参白虎清胃保中。

一 消浊，乃上消之传变。肺胃之热久不清，乃致动而消肾，移热于膀胱，小便浑浊，色如膏脂，名曰下消。宜加味地黄汤，滋其真阴，久服可愈。

已上汤证，初起者，宜用前法，倘日久不愈，津液枯焦，其渴愈甚，若仍用黄连、花粉苦寒之类，未有不致危殆者，惟七味白术散对证之药，放胆用之，非此不愈。

[人方]

莲花饮 治上消口渴，饮水不休。

白莲须 粉干葛 白云苓 大生地 以上各一钱
正雅连 天花粉 官拣参 北五味 净知母 炙甘草 淡竹叶 以上各五分

灯芯十茎，水煎，热服。

生津四物汤 治上消，已服莲花饮后，用此。

白归身 大生地 杭白芍 净知母 大麦冬 官拣参 以上各一钱
正川芎 正雅连 天花粉 川黄柏 炙甘草 以上各五分
肥乌梅一粒 灯芯十茎，水煎，热服。

人参白虎汤 治中消，消谷易饥，食无厌足。

官拣参一钱 熟石膏二钱 净知母一钱五分
炙甘草一钱

加晚粳米一两为引，水煎，以米熟为度，澄清热服。

加味地黄汤 治下消，小便浑浊，色如膏脂。

大怀地二钱 正怀山一钱五分 山茱肉一钱二分
宣泽泻六分 粉丹皮一钱 白云苓一钱二分
建莲肉七分 净知母五分 芡实米一钱 大麦冬一钱 北五味十四粒

净水浓煎，清晨空心服。

七味白术散 治小儿久病消渴，口干不止，惟此最神，放胆用之。

方见三卷泄泻证治。

[消渴简便方]

蚕茧汤 通治三消之证。

用蚕茧壳，或取丝绵结块者，取来煎汤，时时当茶饮，饮至二七，无不愈者。盖此物，与马同气，皆属午火，在人为少阴君火，善伏膀胱民火，引阴液上潮于口，而渴自止。昧者以为膀胱之火作祟，不知膀胱之火，不能收摄，已随小便而去，惟其不能上潮，所以津液不生而口作渴。不观仙家运用三昧真火，以心为君火，命门相火，膀胱民火，起火必自膀胱始，而后相火、君火，三火齐发。煅炼阴魔，真火熏蒸，甘露自降，何渴之有？

消渴日夜饮水无度，用猪肚一个，洗极净，入淡豆豉五钱在内，以线缝之，煮极烂，取汁饮之，肚亦可食。

又方，煮猪血清汤，不入油盐，多饮极效。此物善能滋阴降火，专走血分。脾气虚者，间日饮之，恐防作泄故也。

诸血证治

《经》曰：营者，水谷之精也，调和于五脏，洒陈于六腑，乃能入于脉也。生化于脾，总统于心，藏受于肝，宣布于肺，施泄于肾，濡润宣通，靡不由此。凡吐血者，荣卫之气逆也。盖心者，血之主；肺者，气之主。气主煦^①之，血主濡之，荣养百骸，溉灌筋脉，升降有常，自然顺适。或外干六淫，内伤饮食，气留不行，血雍不濡，是以热极涌泄，不无妄动之患；且气有余，便是火，火乘于血，得热妄行，上奔而为吐血也。故小儿吐血，因伤食者最多。盖阳明多气多血，若郁热内逼，必致荣血妄行，所以小儿吐血，属胃者十之七八。更有尚在襁褓而吐血者，多由重帷暖阁，火气熏逼，或过啖辛辣，流于乳房，儿饮之后，积温成热，热极上崩，或吐血，或衄血，或尿血，或便血者有之矣。若久嗽血者，是又脾虚所致，宜保肺滋阴。

肺朝百脉之气，肝统诸经之血。脾胃有伤，

① 煦：原作“嘘”，据《难经·二十二难》改。

荣卫虚损，故血失常道而妄行。倘气虚神倦，唇无红色者，切勿寒凉，宜四君子汤先救其脾，脾实血止矣。

血虚者，精神如旧，唇舌如常。以四物汤加参、术补气即所以生血也。

吐血者，胃中积热，火逼其血而妄行，故从口吐出。宜清其胃火，使血归经。盖血属阴，阴主降。凡血证从下出者，顺；从上出者，皆逆也。清胃散。

鼻血者，脾热传肺，虚火上炎，血行清道，故血从鼻出。宜加味四君子汤。

有咳嗽而吐血者，此心肾水火不升降，火炎无制，肺胃枯燥，宜滋阴降火汤，切不可作童子癆治。

有大便下血者，粪前见血者，为近血，盖血自大肠来也，黄连解毒汤；粪后见血者，为远血，从胃脘、小肠来也，清胃汤止之，久不止者，补中益气汤加胡连。

[人方]

四君子汤 方见三卷疟疾证治。

四物汤^① 方见三卷疟疾证治。此加人参、白术各一钱。

清胃汤 治吐血，并粪后血。

黑梔仁 怀生地 粉丹皮 大当归以上四味各一钱 雅川连五分

净水浓煎，滚热服。

加味四君汤 治脾传肺，血从鼻出。

官拣参一钱 漂白术一钱 白云苓一钱 粉甘草八分 芽桔梗一钱 大麦冬二钱 黑梔仁一钱 片黄芩一钱五分

灯芯十茎，竹叶七片，水煎，热服。

滋阴降火汤 治小儿咳嗽见血，升水降火。

大生地 当归身 杭白芍 净知母 建莲肉 润玄参 大杭冬以上七味各一钱 正雅连 天花粉 炙甘草以上三味各五分

净水浓煎，清晨空心服。

黄连解毒汤 治吐血，并便前下血。

正雅连五分 川黄柏一钱 小条芩一钱 黑梔仁一钱

灯芯十茎，水煎，滚热服。

补中益气汤 方见一卷保产论小产论。

[诸血简便方]

凡吐血、鼻血，低头掬损肺脏而吐血，以及上下一切血证，用百草霜扫下，研为细末，以糯米煎汤。大人每服三钱，小儿每服一钱，米饮调服，三服立愈。百草霜须乡间烧茅草锅底取之，烧柴炭者不用。

凡鼻血如注，顷刻流至数升，无药可解。急将患者头发解开，将发梢浸新水盆内，良久血即止；止后仍服凉血清火之药。至浸发亦不可太久，只问病者心内觉有凉气即止，久则凉冷人心，恐生别证。至神至奇，此可治稍大之儿，乳子无发可浸。

又方，治鼻血不止，用大蒜一枚，去皮，研如泥，作饼于如钱大。左鼻出，贴左足心；右鼻出，贴右足心；两鼻俱出，贴两足心。立时即止，即以温水洗去之。

又方，以乱发烧灰吹鼻；以线扎中手指根，左鼻出扎左，右鼻出扎右；以梔子烧灰，研末吹鼻内。

又方，治鼻血，以韭菜捣汁一杯，童便一杯，和匀，温暖服之，血散火降，立时即止。盖韭菜散血，童便降火故也。

大便泻血，用乱油发、鸡冠花、侧柏叶俱烧灰，三味等分，研极细末，每服一钱，水酒调服。

又方，用霜后干丝瓜，烧灰存性，研为细末，每服一钱，酒调空心服。

下血，危笃不可救者，用干丝瓜一条，烧灰存性，研末听用；槐花烧灰存性，研末听用。每服以丝瓜末一钱，槐花末五分，共研匀，米饮调，空心服。

小儿小便血淋，用鸡屎尖白如粉者，炒极焦，研末，每五分，酒调空心服。

小儿尿血，乌梅烧灰存性，研为细末，每次一钱，米饮调下。

^① 四物汤：按卷三“疟疾证治”人方中载“四物汤合小柴胡汤”，而无本方，当去后六味为本方。下“四物汤”同。

幼幼集成卷之四

肿满证治

《经》曰：肤胀者，寒气客于皮肤之间，腹大，身尽肿，皮厚按之坚而不起，腹色不变，此其候也。又曰：诸湿肿满，皆属于脾。又曰：水病下为跗肿大腹，上为喘呼，不得卧者，标本俱病。夫肿满之证，悉由脾胃之虚也。脾土喜燥而恶湿，因中气素弱，脾虚无火，故水湿得以乘之，而脾愈不运，则乳食凝而不化，停积于中而肿满作焉。治肿者，当以脾胃为本，而以浮肿为标，斯庶几矣。若以消伐克削为能事，未有不致危殆者。

治肿当分上下。《经》曰：而肿者风，足肿者湿。凡肿自上而起者，皆因于风，其治在肺，宜发散之，参苏饮合五皮汤。

肿自下而起者，因于肾虚水泛，或因于脾气受湿，宜渗利之。故仲景云：治湿不利小便，非其治也。宜五苓散加防己、槟榔。

一身尽肿者，或胎禀不足，卒冒风寒，或因疰痢脾虚，皆能作肿。轻者胃苓丸；重者加味胃苓丸，当与末条参考。

凡小儿之肿在表者，头痛身热，此风寒在表，宜微汗之，五苓散少加麻黄、葛根、苏叶、杏仁以发之；若身无热，五苓散加肉桂。膀胱气化，小便利而肿消矣。

阳水肿，身热，大便秘，小便赤涩，烦躁口渴，以五皮汤作煎，送沈瀝丹微下之；阴水肿，身不热，口不渴，身冷怯寒，二便自调，平胃散加白苓、草果、木香、藿香。

凡肿证先起于腹，而散于四肢者，可治；先起四肢，而后归于腹者，不可治。

若小儿元气本虚，复遇大病之后，而浑身浮肿，四肢冷，不渴，小便清长，大便滑泄，不思饮食，此阴寒之极，脾胃将绝。治肿之方俱不可用，惟以四君子汤加青化桂、炮姜、砂仁、白蔻，以救其脾胃，斯可矣。昧者但见其肿，不知元气之竭

绝，而犹消导利水，复以舟车、禹功暨大戟、芫花、甘遂夺之者，此杀人之事，慎之戒之。

[人方]

参苏饮 方见三卷咳嗽证治。

五皮汤 方见二卷伤湿证治。

五苓散^① 方见二卷伤暑证治。

胃苓丸 方见二卷伤湿证治。

加味胃苓丸 即胃苓丸本方加后药。

头面肿初起，略加麻黄；作喘，加桑白皮、杏仁；小便黄赤，加木通；身肿加五加皮；腹胀加砂仁、白蔻、丁香、枳壳；脚冷不温，加附子、上桂^②、防己。

平胃散 方见三卷疰疾证治。

加味四君子汤 治脾败胃伤，阴寒作肿，多服自消。

官拣参一钱 漂白术一钱 白云苓一钱五分
上青桂八分 黑炮姜一钱 西砂仁一钱 白豆蔻一钱 公丁香三分 炙甘草五分

大枣三枚，水煎，半饥温服，以愈为度。

[水肿简便方]

凡小儿患肿，切须忌盐，盐助水邪，服之愈甚。必待肿消之后，以盐煨过，少少用之。

治水肿从脚起，入腹则难治。用红饭豆五升，水煮极熟，取汤四五升，温浸两膝之下，冷则重暖；若已入腹，以红豆煮汤，日日服之，亦消。盖红豆之功，专于行湿利小便故也。

治脚肿，掘杉木根切断，而内色红者，为油杉，方可用，若切开白色者，不堪。以红根切碎，煎浓汤，将肿脚先熏后洗，一二次自消。又方，以红糟一大碗，加入生姜、生葱三味同煎汤，先熏后洗。

^① 五苓散：按卷二“伤暑证治”入方中载“加味五苓散”，而无本方，当是“加味五苓散”去藿香梗、西砂仁、官木瓜。下“五苓散”同此。

^② 上桂：光绪本作“上青桂”。

又治头面手足俱肿，用苦苧苳一两，隔纸炒熟，研细末，以大红枣蒸过，去核取肉，和前末，杵匀为丸，如小豆大^①，每服七粒，白汤下，日三服，五七日则小便多，肿自消也。忌咸酸生冷。

伤寒伤湿肿，以羌活切片，莱菔子二味等分，同炒香取起，拣去莱菔子不用，只以羌活为末，每服一钱，初日一服，二日二服，三日三服效。

肿证气喘，男妇大小，肿因积得，既取积而肿再作，小便不利。若再用利药，性寒而小便愈不通矣，医者至此束手。盖中下二焦不升降，为阴寒否隔，水遂凝而不通。用熟^②附子三钱、生姜二钱、沉香三分同煎浓汤，冷服。大人附子一两，生姜六钱，沉香磨浓汁，以附姜汤对服，不拘服数，以愈为度。

身面浮肿，坐卧不得，取向东桑枝烧灰淋汁，煮红豆数升，每饥即食之，不得别饮汤水。

水肿本于脾虚不能制水，水积妄行而为肿。当以参、术补脾为主，使脾气实则能健运，而水自行，切不可下。

胀满证治

《经》曰：足太阴虚则鼓胀。又曰：胃中寒则胀满。又曰：浊气在上，则生臌胀。夫胀满者，腹胀气满也。由于脾肺气虚，不能健运，所以作胀也。有虚胀、实胀、热胀、寒胀。大抵虚胀、冷胀十之七八，实胀、热胀十之二三。盖实热之证，人所易见，或因伤食，或因伤寒入里，所以易知而易治；虚冷之证，由中气虚衰，脾气不化而胀，所以难见而难医。若以虚冷之胀，而误以为实热之胀治之，其变不可胜言矣。

虚胀者，或因吐泻之后，或因服药攻下太过，致成腹胀者。宜温中调气，厚朴温中汤；若虚而兼寒者，加附、桂。

实胀者，腹中原有食积，或饮食过饱，固结于中。外证则胃口、胸前高胀，身热口渴，倦卧不语，腹痛微喘，目闭不开，俨然虚极之象。小儿此证最多而难识，味者不为详审，见其四肢不举，口闭不开，误以为慢惊，而用宁神导痰之药，干

中于死，无一活者。不知大实有羸状，即此是也。急宜下之，集成沆瀣丹、集成二仙丹同服。

热胀者，或伤寒热邪入里，大便秘结，小便短赤，浑身壮热，而赤烦躁，集成沆瀣丹。

寒胀者，由中气素寒，冷滞郁结，无身热口渴，面唇青，手足厥冷，气喘腹胀。先以塌气丸消之，后以异功散调其脾胃。

凡遍身疮疥，因淋洗涂搽，逼毒归内而腹胀者。轻则荆防败毒散升散之；重则集成沆瀣丹微利之。疮出胀消者吉；疮不出者凶。

《经》谓脏寒生胀满。盖脾为阴中之至阴，因脾湿有余，无阳不能施化，如土之久于雨水，则为泥矣，岂能生育万物？必待和风暖日，湿去阳生，自然生长也。凡此宜以辛热之药运用之可也。

《经》谓下之则胀已。此以湿热饮食有余，脾胃素实，形体气质壮实者言之也。若脾虚内寒，而气不能运精微以成胀满者，只宜以甘温补脾为主，少佐辛热以行壅滞之气，庶使脾土健旺，胀满运行，斯可愈矣。此《经》之所谓“塞因塞用”从治之法耳。医者不察乎此，惟执“下之胀已”，急于获效，病者喜行利药，以求通快，不知暂快一时，则真气愈伤，胀满愈甚，去死不远矣！

诸家治胀治肿，但知行气利水，克削并行，辄用猛剂下之。此速死之道。不知脾气虚极，而肿而胀。愈下愈虚，惟图目前之快，而阴损真元，祸不旋踵，后贤幸加意焉。

[人方]

厚朴温中汤 治胃寒心腹胀。

紫厚朴一钱五分 真广皮一钱 黑姜炭一钱
白云苓一钱 草薹仁五分 南木香五分 炙甘草五分

虚兼寒者，加熟附子五分，青化桂五分。

生姜三片，大枣三枚，水煎，半饥服。

塌气丸 治寒气郁结，肚腹虚胀。

胡椒仁一两 全蝎尾五钱，拣去钩子，洗净，^③干

① 豆大：原作“大豆”，词义不伦，据文意乙转。

② 熟：原作“熟”，形近致误，据光绪本改。

上以胡椒略去皮，取净一两，炒过，和蝎尾研末，面糊丸极小。每服一二钱，陈皮汤送下。

集成沆瀣丹 方见二卷胎病论。

集成三仙丹 方见二卷类搐痢疾。

异功散 方见三卷伤食证治。

荆防败毒散 治疮疥毒气内陷，肚腹作肿。

荆芥穗 北防风 净连翘 陈枳壳 绿升麻 南薄荷 川羌活 川独活 粉干葛 川木通 金银花 片黄芩 正川芎 黑梔仁 炙甘草 每味各一钱

上身肿，加葱三茎；下身肿，加灯芯十茎。

水煎服。

[腹胀简便方]

治气胀、水胀，用羯鸡粪干者一升，炒焦黄色，出火毒，研细末，以百沸汤三升淋汁，每服一盞，调木香、槟榔末各五分，此中满蛊毒胀有一无二之方也。

治食胀、气胀，用萝卜子一两，研细末，水调滤汁，用砂仁一两，以萝卜子汁浸一宿，炒干，又浸又炒，共七次，为末。每服一钱，米饮调下。

黄疸证治

《经》曰：身痛而色微黄，齿垢黄，爪甲上黄，黄疸也。又曰：溺黄赤安卧者，黄疸。已食如饥者，胃疸。夫黄疸之证，古人多言为湿热，及有五疸之分，皆未足以尽之。予谓黄之大要，亦惟有二：曰阳黄，曰阴黄。而寒热虚实，总括二者之中，无余义矣。

一 阳黄证，因湿多成热，热则生黄，此则所谓湿热证也。其证必身热烦渴，或躁扰不宁，或消谷善饥，或小便热痛，或大便秘结，其脉实而有力。此证不拘外感风湿，内伤饮食，皆能致之。但察儿之元气尚强，脾胃无损，而热湿果盛者，直宜清火邪，利小便，茵陈五苓散最稳，胃苓汤加茵陈亦佳；若大便秘结，热甚者，集成沆瀣丹。

一 阴黄证，全非湿热，而总由气血之败。盖气不生血，所以血败；血不华色，所以色败。凡病黄而绝无阳证、阳脉者，便是阴黄。或因大病

之后，或脾胃久亏，故脾土之色自现于外。其证喜静恶动，喜暗畏明，神思困倦，言语轻微，畏寒少食，四肢无力，或大便不实，小便如膏。此皆阳虚之候，与湿热发黄者反如冰炭，使非速救元气，大补脾胃，终无复元之理；且此证最多，而昧者不察，遂云黄疸同是湿热，而用茵陈、梔子清火利水，则无有不随药而毙者。即四君子、五君煎、温胃饮是其宜也。

凡小儿脾胃素弱，常有积滞，而色多带黄白，不可消积。惟宜集成肥儿丸服，使脾胃健，食自消，灌溉脏腑，流行荣卫，自然五色修明，何黄之有？

小儿黄病，昧者一概呼为湿热，无非除湿利水，清热退黄，除此之外，无别法矣。岂知湿热发黄者少，脾虚发黄者多。盖脾土强者，足以捍御湿热，必不生黄；惟其脾虚不运，所以湿热乘之；治此者，无非暂去湿热，茵陈五苓散亦佳；黄稍退，即速健脾，不得屡用消耗，而谓有是病用是药也。

若而目俱黄而带虚浮，唇白舌淡，口不渴，身不热，夜无烦热，小便不涩，不可认为湿热而分利之，速救脾胃。四君子、六君子是其宜也。

凡服分利之药，黄久不退，以致口淡心慌，四肢软弱，憎寒发热，小便带浊，皆虚甚。宜四君子煎送八味地黄丸。不可再行分利，以致脾败肾绝而死矣。

[人方]

茵陈五苓散 方见二卷伤湿证治。

胃苓汤加茵陈 方见二卷伤湿证治。此加茵陈一钱。

集成沆瀣丹 方见二卷胎病论。

四君子汤^① 方见三卷疟疾证治。

五君煎 治脾胃虚寒，呕吐泄泻而兼湿者。

官拣参一钱 漂白术二钱 白云苓二钱 炮姜炭一钱 炙甘草一钱

水一钟半，煎服。

^① 四君子汤：按卷二“疟疾证治”入方中载“加味四君子汤”，而无本方，当是“加味四君子汤”去小常山、尖槟榔、肥乌梅，下“四君子汤”同此。

温粳饮 治中寒嘔吐，吞酸泄泻，不思饮食。

官拣参一钱 漂白术二钱 白扁豆一钱 广陈皮五分 炮姜炭一钱 大当归一钱 炙甘草六分

水一钟，煎七分服。

集成肥儿丸 治小儿脾胃虚弱，饮食不消，肌肤瘦削，多服能令儿肥。此丸久经效验，比诸小肥儿丸功独胜。

建莲肉二两四钱，去心皮，炒 西砂仁六钱，汤炒 漂白术一两，土炒 官拣参一钱，切、焙 京楂肉四钱 杭白芍四钱，酒炒 广陈皮四钱，酒炒 法半夏四钱，炒 白云苓一两，乳汁煮透 止雅连二钱，姜制 苡仁米六钱，炒 六神曲六钱，炒 炙甘草二钱

共为细末，炼蜜为丸，弹子大 每早午晚各服一丸，米饮化下。

六君子汤 方见二卷非痛证治。

八味地黄丸 方见二卷胎病论。

[黄疸简便方]

小儿急黄，以丝瓜连皮带子，火烧存性，研末，每服一钱，米汤下，连进数服愈。

小儿黄如金色，因积滞凝于脾家。以糯稻草煎浓汤饮之，数次效。

治小儿黄疸如金，取山间薏苡仁根，洗极净，煎汤，服之自愈。

治湿热发黄，用生姜半斤，茵陈半斤，同捣烂，以布包之，时时周身擦之，其黄自退。

腹痛证治

帝曰：愿闻人之五脏卒痛，何气使然？岐伯对曰：经脉流行不止，环周不休，寒气入经而稽迟，泣而不行，客于脉外则血少，客于脉中则气不通，故卒然而痛。凡病心腹痛者，有上中下三焦之别。上焦者痛在膈上，此即胃脘痛也；中焦者痛在中脘，脾胃间病也；下焦者痛在脐下，肝肾病也。然有虚实之分，不可不辨。辨之之法，但察其可按者为虚，拒按者为实；久病者多虚，暴病者多实；得食稍减者为虚，胀满畏食者为

实；痛徐而缓，莫得其处者为虚，痛剧而紧，一按不移者为实，虚实既确，则治有准则。

夫腹痛之证，内邪正交攻，与脏气相击而自也。有冷有热，有虫痛，有食积。辨证无讹，而施治必效。

挟冷痛者，面色或青或白，冷甚者，面色晦淡，唇口爪甲皆青。此脾气虚寒之极，轻者当归散；重者烧脾散；有吐泻者，保童丸。

挟热痛者，面赤壮热，四肢烦，于是心热，自四顺清凉散加青皮、枳壳；大便秘者，木香槟榔丸；大便调者，芍药甘草汤。

食积痛者，口中气温，面黄唇白，目无精光，或白睛多，多眠恶食，大便酸臭，宜三棱丸甚者，消积丸。下后，六君汤调之。

虫痛者，面白唇红，六脉洪大，心腹疼痛，口中涎沫及清水出，腹内结聚成团，摸之梗起条。小儿脾胃虚者，最多此症。宜乌梅丸。

凡腹痛喜手按及热熨者，为虚为寒，速宜温补；如手不可按者，为实，速宜下之。

[人方]

当归散 治腹痛有寒无热。

大当归一钱五分 南木香五分 白化桂一钱 大拣参一钱 炙甘草五分

生姜三片，大枣三枚，水煎，温服。

烧脾散 治伤生冷果菜，停积中焦，心脾冷痛。

黑炮姜一钱 紫厚朴一钱 草薹仁五分 西砂仁一钱 六神曲一钱 老麦芽一钱 真广皮一钱 高良姜五分 炙甘草一钱

或丸、或散、或水煎，俱可。

保童丸 因伤风冷，食积肚疼，泄泻呕恶。

官拣参切、焙 漂白术土炒 紫厚朴姜炒 正广皮酒炒 白云苓炒^① 结猪苓焙 宣泽泻^② 藿香叶焙 公丁香捣 法半夏焙 白干姜^③ 青化桂去粗皮^④ 白薹仁炒 杭青皮姜炒 肉

① 唇：原作“面”，据光绪本改。

② 炒：据本书此药炮炙章例，当为“乳汁拌蒸”或“乳汁蒸晒”。

③ 皮：原脱，据光绪本补。

豆蔻一两 南木香二钱 炙甘草等分

共焙燥，为细末，神曲糊丸，弹子大，每服九，米饮化下。

四顺清凉散 治挟热腹痛，面赤壮热，四肢烦，手足心热。

杭白芍二钱 白当归一钱 锦庄黄一钱 炙甘草五分

净水煎，滚热服。

芍药甘草汤 此方无论寒热虚实，一切腹痛，服之神方。

白芍药一根，重三钱 粉甘草一根，重二钱

上二味俱要整的，用纸七重包之，水湿慢火煨熟，取起，杵烂，煎汤服，寒月略加肉桂数分更妙。

三棱丸 治食积胃脘痛、心腹痛、小腹痛、癖痛、虫痛。

京三棱煨 蓬莪术煨 半夏曲焙 小枳实麸炒 正川连姜炒 吴茱萸泡 正广皮酒炒 杭青皮醋炒 南木香屑 尖槟榔炒 川厚朴姜制 川楝肉炒 小茴香酒炒

共为末，神曲糊为丸，量儿大小加减，米饮调服。

木香槟榔丸 方见三卷伤食证治。

乌梅丸 治胃冷，虫痛攻心，呕吐，四肢冷。

官拣参 川黄柏 北细辛 青化桂 川熟附以上各六钱 川黄连五钱 正藜椒 大当归 黑姜炭以上各四钱 肥乌梅三十个，蒸，去核，取净肉，捣烂

共为细末，酒蒸乌梅肉，捣膏和药，少加炼蜜为丸，如芡实大，每服一丸，水送，每日二三服；以十分之一水煎服，亦可。

[腹痛简便方]

治一切胃痛、胸痛、腹痛、腰痛，疼如锥刺，不可忍者。花椒不拘多少，研为细末，和少面粉，醋和成饼，贴于痛处，上铺艾绒，用火灸之，疼立止。

一切腹痛，不问虚实寒热皆效。用小麦秆烧灰，地上出火毒，将布包之，滚水淋汁，一服立止。

一切疼痛，或寒或热，或积食，或积血，证莫

能辨，药不能施，有起死回生之妙。用生姜一斤，捣烂，略挤去汁，入锅内炒热，用布分作二包，先以一包熨痛处，冷即换热者，勿令间断，如姜已干，略加前汁拌之，又炒又熨，痛止乃已。

凡小儿腹痛，摸其肚有一块硬起者，虫痛也。不须服药，惟令大人以手擦揉其块处，久久搓之，半日许，其虫将死，皆从大便而出，痛立止。

小儿腹痛，啼哭不止，用南木香、明乳香、没药俱去油各五分，水煎，湿服。

小儿胎寒腹痛，啼哭吐乳，大便青色，身出冷汗。用姜黄一钱、南木香、乳香、没药俱去油各三钱，共为细末，蜜丸芡实大，每服一丸，姜汤调下。

小儿盘肠气痛，月内之儿多有之。其证腹内如蛙声，啼哭不止者是也。盖寒热不和，脏气不行。用梔仁五钱、附子三钱，同炒极枯，取起，拣去附子不用，单取梔仁，加入白芷一钱为末。每五分，小茴香汤下。

小儿腹痛，啼哭不止。用乳香一钱去油，灯花七枚，同为末，每二分，乳汁调服。

小儿虫痛，口吐涎沫。使君子取肉微炒为末，五更时，米饮调下。

小儿脾痛，一痛即死者，名为虫痛以^①痢。用干漆烧灰，白芫荇二味等分为末，每五分，米饮调下；证重者，每服一钱。

小儿盘肠腹痛，浓煎葱汤，浇洗儿腹；仍以葱捣烂，炒热作饼，贴脐上，良久屎出痛止。

癖积证治

《经》曰：新积痛可移者易已，积不痛难已也。又曰：胃之大络，名曰虚里，贯膈络肺，出于左乳下，其动应衣，脉宗气也。结而横，有积也。凡饮食之积，其渐积者，不过以饮食偶伤，必在肠胃之内，故可行可逐，治无难也。惟饱食无节，以渐留滞者，多成癖积，于左肋膈膜之外，此阳明宗气所出之道也。若饥饱无论，饮食叠进，以

^① 以：光绪本作“似”。

致阳明胃气有所逆，则阴寒之气得以乘之，而脾不及化，故余滞未消，并肠外汁沫，搏聚不散，渐成癥积矣。然其初起甚微，人多不觉，及其既久，则根深蒂固，而药饵难及。今西北小儿多有此疾，而尤于食面之乡为最。正以而性多滞，而留积于皮里膜外，所以不易治也。惟当以渐消磨，求法治之。幸毋孟浪欲速，妄行攻击，徒致胃气受伤，而积仍未及，以速其危也。

癖者，血膜裹水，侧癖肋旁，时时作痛，时发潮热，或寒热往来似疟，故疟家多有此证。凡疟疾发过之后，必令其热退极尽，方可饮食。若热未尽而饮食之，则中脘多蓄黄水，日久而成癖积。

小儿脏腑和平，脾胃壮实，则荣卫宣畅，津液流通，纵使多饮水浆，不能为病。惟脾胃不胜，乳哺失调，三焦不运，水饮停滞，冷气转^①之，结聚而成癖也。体素弱者，消癖丸；气壮实者，赭石挨癖丸。大约有癖之儿，虚者居多，攻下之药，非可常用，即不得已而用之，待其略减，用消癖丸缓缓消之，至为良法。

[人方]

消癖丸 治癖在肋下，面黄肌瘦，午后发热似疟。

官拣参切，焙 漂白术土炒 正广皮酒炒
白云苓乳蒸 杭青皮醋炒 川厚朴姜制 小枳实酒炒 法半夏焙 西砂仁酒炒 六神曲炒
陈麦芽炒，以上俱各二钱 九肋鳖炙，三钱 京三棱煨 蓬莪术煨 南木香以上各一钱 青化桂炮黑姜各一钱二分 正雅连姜汁炒，二钱

共为细末，早米粉糊为丸，每服一二钱，量儿大小加减，米饮下，以癖消药止。

赭石挨癖丸 治腹中癖块，或生寒热，或时作痛。小儿壮实，饮食素强者，方宜用之；脾胃素虚者，切不可服。惟以前消癖丸攻补兼施，久之自愈。

代赭石水煨，醋淬至酥，研末，水飞过用 杭青皮醋炒 蓬莪术煨 南木香锉屑 青化桂各三钱 巴豆霜去油极净，取霜，一钱 川大黄二^②钱

上为细末，醋煮而糊丸萝卜子大，每服五丸，淡姜汤送下。

[癖积简便方]

治癖积心腹内结如拳，及脐腹痛不可忍。用庄黄一两酒蒸、炮姜五钱、熟附子三钱、九肋鳖八钱，用好醋将鳖甲煮一时久，取起，酥炙黄色为度，共为细末，用三处年老米醋一升，熬至半升，和前末为丸，绿豆大，每服十丸，空心米汤下，取下积如鱼脑、败血、烂肉、青泥即愈。后用补脾调理。按此方药廉功大，比挨癖丸胜十倍，允称神妙。

小儿好食茶叶成癖。用鲜榧子一斤，空心，晌午、黄昏每服十四粒，吃完即愈。榧子，京果铺有卖。

小儿食积结痞块。用大红枣一斤，皮硝一两，同煮，以水干为度，晒干，每日食此枣，徐徐服之，自消。

小儿积久而成“鳖”，腹内有形，摇头掉尾，大者如杯，小者如钱，上侵入喉，下蚀入肛，或附肋脊，或隐肠腹。用生硫磺研极细末，每日老酒调服一钱，空心下，久服自化。硫磺颜色如初出鹅雏者，方可用；带青、带赤、带黑色者，皆不堪，此物最平稳，任多服无碍。

虫痛证治

《经》曰：肠中有虫瘦、蛟蛔^③，皆不可取以小针。又曰：饮食者，皆入于胃，胃中有热则虫动，虫动则胃缓，胃缓则涎出。夫虫痛者，蛔虫也。盖由小儿脾胃虚弱，多食甘肥生冷，留而为积，积化为虫，动则腹痛，发则肿聚一块，痛有来去，乍作乍止，呕恶吐涎，口出清水。久而不治，其虫长至一尺，则贯胃伤心杀人矣。外证而白唇红，六脉洪大，是其候也。凡腹内有虫，必口馋好甜，或喜食泥土、茶叶、火炭之类，宜攻去之，檳榔丸。

① 转(tuán 团)：集聚。《商君书·农战》：“凡治国者，惠民之散而不转也。”

② 二：光绪本作“一”。

③ 蛟蛔：此段文字见载于《灵枢·厥论》。《太素》杨上善注：“腹中长虫也。”

小儿虫痛，凡脾胃怯弱者，多有此证。其攻虫取积之法，却又未可常用，及取虫之后，速宜调补脾胃，或集成肥儿丸，或乌梅丸，或六君子汤，多服之，以杜虫之复生。

[人方]

槟榔丸 治小儿一切虫积，能杀诸虫。

小槟榔一两 南木香五钱 鹤虱子五钱 光贯仲五钱 广锡灰^①五钱，陈漆渣烧灰。正轻粉二钱 白雷丸二钱 巴豆霜一钱

以漆渣灰五钱，同众药研为细末，醋煮而糊丸，麻子大，每服二十丸，五更进，苦楝根皮煎汤下。

集成肥儿丸 方见四卷黄疸证治。

乌梅丸 方见四卷腹痛证治。

六君子汤 方见二卷非搐吐泻。

[下虫简便方]

凡小儿甘肥过度，或糖食甜物太多，乃致湿热久停而成积，积久生虫，时发腹痛，以手摸之，腹内有块，或一条梗起；外证而白唇红，六脉浮洪，其痛时作时止，痛止即能饮食者，虫痛无疑。又有腹痛，一痛即死者，亦是虫证。欲去此虫，无如苦楝根皮，诚天下打虫第一神方。其法于月初旬，虫头向上之时行之。先夜掘苦楝根，须取每年结子者，方是母树。其根浮于土而者有毒，不可用。专取土中者，洗净泥土，以刀刮其红皮，只取白皮四五钱，儿大者六七钱，切碎听用。次早以油煎鸡蛋，令儿嗅之，以引其虫头向上而求食；另于别室，以水一盏，浓煎苦楝皮汤一小杯，不可使儿闻其药气，一闻其气，虫即潜伏矣。俟药熟，以鸡蛋与儿食，即服药，半日不可饮食，俟虫下后方饮食之。服药后，儿似困顿，万万放心，虫下后，精神如旧，仍当急为健脾，庶虫不复生，永无患矣。

诸汗证治

《经》曰：阳之汗，以天地之雨名之。又曰：阳加于阴，谓之汗。又曰：心为汗，夫心之所藏，在内者为血，在外者为汗。盖汗乃心之液，而自汗之证，未有不由心肾两虚而得之者。然阴虚阳必

凑之，故发热而自汗；阳虚阴必凑之，故发厥而自汗，是皆阴阳偏胜所致也。

小儿脏腑娇嫩，肤腠未密，或重衣厚被，致内脏生热，热转于心，故心液不能自藏而额汗出也。额为心之位，宜收敛心气，团参汤。

大病后气血两虚，津液自汗，或潮热，或寒热，发过之后，身凉自汗，日久令人黄瘦，失治则变蒸疳。宜黄芪固真汤。

睡中汗出，醒来则止，此心虚盗汗，宜敛心气，养心血。用团参汤。

睡中遍身有汗，觉来久不干者，此食积盗汗，脾冷所致。益黄散。

脾虚泄泻，自汗后而遍身冷，有时遍泻则无汗，不泻则有汗，此为大虚之候，急当补脾，理中汤；待泻止，黄芪固真汤。

凡自汗上至胸，下至脐，此胃虚也，当补胃。四君子汤加黄芪。

肺虚自汗，而白唇白，六脉无力，盖因久嗽脾虚，故令自汗。四君子汤加麦冬、五味。

伤风自汗，宜实表，桂枝汤；伤寒汗出，白头至颈而止者，欲发黄也，茵陈汤。

如有实热在内，烦躁不止者，胃实也，宜集成沆瀣丹，微下之。

诸汗服药久不止者，用五倍于一个，研细末，醋和作一小饼，贴肚脐，以带扎之效。

[人方]

团参汤 收敛心气，固心血，能止自汗。

官拣参切，焙 当归身切，焙，各二钱

上二味分作二服，用豮猪心一个，切作二片，用前药二钱，猪心一片，水一钟，煎汤，空心服。

黄芪固真汤 治气虚自汗。

嫩黄芪一钱 官拣参五分 漂白术五分 当归身一钱 炙甘草各五分

天醋肉三枚，水煎服。

益黄散 治食积盗汗。

正广皮五钱 杭青皮四钱 诃子肉四钱 粉

① 广锡灰：即干漆灰，又作漆渣灰。《名医别录》：“去蛔虫。”

甘草四钱 公丁香二钱

共为末，大儿二钱，小者一钱。如感冒吐泻，加姜、枣同煎服。

理中汤 方见二卷乳子伤寒证治。

四君子汤 方见三卷疟疾证治。

桂枝汤 方见二卷伤寒总括五法。

茵陈蒿汤 治头汗至颈而还，将欲发黄。

茵陈蒿一钱五分 川黄柏一钱 黑梔仁一钱
灯芯十茎，水煎，滚热服。

[汗证简便方]

凡男妇小儿及产母一切虚证，偶然大汗，诸药莫能止者，盖由玄府大开，一时难闭，所以服药不能止。先将五倍子末醋调，作小饼子纳入脐中，以布扎之，然后以旧布蒲扇烧灰，多加糯米粉和匀，以夏布袋装之，自头至足，遍身轻扑之，使其粉入毛窍，玄府自闭，虚汗即止，神治也。

疝气证治

《经》曰：邪客于足厥阴之络，令人卒疝暴痛。又曰：病在小腹痛，不得大小便，病名曰疝，得之寒。故疝气者，寒邪结聚而成也。内则脐腹绞痛，外则卵丸肿大，专属肝经，与肾无涉。盖肝主怒，小儿性急，多叫哭而得之者，此气动于内，谓之气疝。应行气开郁，初宜柴苓汤升散之，次宜加减二陈汤，或木香内消丸。

如因久坐湿地得之者，此冷气入腹，谓之寒疝。宜温中散寒，加味当归散、茱萸内消丸。

有肿而不痛，由中湿气致，卵肿而无热，腹不痛。宜行湿消肿，加减守病丸。

小儿素有疝气，或一年半年发者，发则有形，外连辜丸，内贯小腹，肿硬一条如小杵，约长五六寸，大小便不通。当归木香汤。

小儿木肾，肿大不痛，连年不消者，不早治，便为终身痼疾。宜茱萸内消丸，加牵牛子半生半炒，取头末用，更灸脐旁章门穴，大效。取穴法，以本儿手掌第五指本节横纹，对脐中心，其中指头尽处是穴。

小儿湿地上坐，或有蚯蚓吹其卵，肿大而垂者，以盐汤浸洗之，盖盐能杀蚯蚓毒也。或以苍

术煎汤，加盐少许洗之效。

小儿阴囊生疮溃烂者，谓之脱囊。用紫苏叶研末敷之，以荷叶包之；或用生荷叶火烘令软，包之。虽囊丸露出，亦可治也。

小儿外肾臊臭，时复湿痒，柴胡龙胆汤；痒甚不可止者，胡椒煎汤洗之。

[人方]

柴苓汤 治少阳胆经有邪而病疝。

官拣参一钱 北柴胡一钱五分 枯黄芩一钱
法半夏一钱 漂白术一钱 白云苓一钱 结猪苓一钱 宣泽泻一钱 青化桂五分 炙甘草五分
生姜一片，大枣一枚，水煎，热服。

加味二陈汤 治性急多哭，卵肿，痛连小腹，谓之气疝。

正广皮 法半夏 白云苓 小茴香 正川芎以上各一钱 青化桂 炙甘草各五分
生姜三片，水煎，温服。

木香内消丸 治证如前。

南木香屑 京三棱煨 结猪苓炒 宣泽泻炒 川楝肉炒 正广皮酒炒 香附米酒炒，以上各七钱 杭青皮醋炒，二钱

共为末，酒煮，米糊为丸，每服一二钱，空心盐汤下。

加味当归散 治受寒湿之气，小腹绞痛，外肾红肿，并腹痛啼哭等证。

当归身一钱五分 吴茱萸三分 青化桂五分 正川芎五分 黑姜炭一钱 南木香五分 小茴香一钱 炙甘草五分

水煎，临服加盐七分，空心温服。

茱萸内消丸 治寒湿所袭，留伏作痛，癥疝偏坠。

吴茱萸醋浸一宿，焙干，炒过 青化桂去皮净枣皮蒸，去核，捣 元胡素醋炒 大茴香盐炒 化橘红炒 杭青皮醋炒，以上各一两 光桃仁炒 白蒺藜炒 南木香屑，以上各五钱

共为细末，酒煮，固糊丸，龙眼核大，每服一丸，淡盐汤送下。

加减守病丸 治卵肿不痛，此湿气也，又名木肾。

漂苍术盐炒 制南星炒 香白芷焙，以上各

一两 京楂肉炒 正川芎炒 广橘核炒 法半夏炒 六神曲炒 吴茱萸炒,以上各二钱五分

共为细末,酒煮面糊丸,龙眼核大,每服一丸,小茴香煎汤化下。

当归木香汤 治小儿久疝不愈。

京楂核 全当归 正川芎 川木通 小茴香 川楝肉 杭青皮 结猪苓 宣泽泻 以上各一钱 南木香 黑梔仁各五分

上用净水浓煎,空心热服。

龙胆汤 治小儿外肾臊臭,时复湿痒。

北柴胡一钱二分 宣泽泻一钱 车前子八分 川木通一钱 怀生地一钱 当归尾六分 龙胆草五分

水煎,空心服,以饮食压之。

[疝气简便方]

治小儿疝气肿痛。用荔枝核炒焦五钱,大茴香酒炒二钱五分,共为细末,每服一钱,温酒调下。

又方,不论小儿及男妇一切疝气,以及诸般气痛。用荔枝核四十九个炒焦,留白陈皮九钱,生硫黄四钱,共为末,盐水打而糊为丸,绿豆大;遇痛时,空心酒研送九丸,良久再进一服,不过三服,全安。

小儿肾肿硬痛。橄榄核、荔枝核、山楂核三件等分,俱烧过存性研末,每服一钱,空心小茴香汤送下。

小儿疝气痛。全蝎不拘多少,炒焦为末,每三分,小茴香煎酒送下。

小儿冷疝作痛,阴囊浮肿。川楝子去核五钱,吴茱萸二钱五分,炒研为末,酒打而糊为丸,小豆大,每服十丸,盐汤化下。

小儿疝久,阴囊坚硬如石,名为木肾。用瓜蒌皮带子二钱,萆拔二钱,生姜二钱,葱白二钱,酒煎,热服,被覆暖卧,取汗效。

啼哭证治

小儿初生,百日一周之内,神安意静,不妄笑多哭者易养。如日夜啼哭不止,为母者心诚求之,渴则饮之,饥则哺之,痛则摩之,痒则抓之,

其哭止者,中其意也;如哭不止,当以意度之。盖小儿初生,性多执拗,凡有亲狎之人,玩弄之物,一时不见,其心不悦而哭,谓之拗哭,急与之,勿使怒伤肝气致病也。假如又不止,请医视之。如大哭昼夜不止者,肝热也,泻青丸;如日夜啼哭,身热烦躁者,心热也,导赤散,俱用灯芯汤服。

[人方]

泻青丸 此肝经之主药。凡幼科中截风定搐之方,多用金石脑麝,无益有损。惟此方清心平肝,疏风凉血。凡小儿作热不退,将成风搐,或已成风搐,但服此丸,其应如响。方虽古方,人不知用。予昔游潭州遍师指授,始能用之。凡幼科中抱龙、保命、至宝、新安金药、苏合香丸一概不取,惟此丸为幼科截风定搐之第一神方也。

川羌活 正川芎 黑梔仁 龙胆草 全当归 北防风 以上俱各一两 锦庄黄五钱

上药合为一处,以火烘燥,研为细末,炼蜜为丸,青黛为衣,如大豆大。每服一二丸,清茶化下。

导赤散 治心经有热,一切烦啼不安,皆效。

怀生地二钱 川木通一钱五分 枯黄芩一钱 生粉草五分 淡竹叶十四片^①

灯芯十根,水煎热服。

夜啼证治

小儿夜啼有数证:有脏寒,有心热,有神不安,有拗哭。此中寒热不同,切宜详辨。

脏寒者,阴盛于夜,至夜则阴根发躁,寒甚腹痛,以手按其腹,则啼止,起手又啼;外证而青手冷,口不吮乳,夜啼不歇。加味当归散^②

心热烦啼者,而红舌赤,或舌胎白涩,无灯则啼稍息,见灯则啼愈甚。宜导赤散加麦冬、灯芯;甚则加川连、龙胆草。

神不安而啼者,睡中惊悸,抱母大哭,而色

^① 片:原脱,据光绪本补。

^② 加味当归散:原作“加减当归散”,据卷四“疝气证治”入方改。

紫黑，盖神虚惊悸。宜安神丸定其心志。有吐泻后及大病后夜啼，亦由心血不足，治同上。

凡夜啼见灯即止者，此为点灯习惯，乃为拗哭，实非病也，夜间切勿燃灯，任彼啼哭，二三夜自定。

[人方]

加味当归散^① 方见四卷疝气证治。

导赤散 方见四卷啼哭证治。

十味安神丸 治神虚惊惕，至夜则啼。

官拣参 白茯苓 大杭冬 怀山药 正龙齿煨，以上各二钱 镜面砂水飞 寒水石水飞 粉甘草以上各五分 梅花片一分 赤金箔十片

共为细末，炼蜜为丸，芡实大，每服一丸，灯芯汤下。

[夜啼简便方]

小儿心热而赤，夜多啼泣。朱砂五分，牛黄一分，共为末，每一二分，犀角磨汤调下。

又治同前证夜啼。青黛研筛过，每服二分，灯芯十茎，煎汤调服。

小儿一百二十日内夜啼。用蝉蜕四十九个，剪去前半截，用后半截，焙干燥研末，每服四分，钩藤汤下。

又方，用蝉蜕十四个，去翅足，焙干，入朱砂一分，共研末，蜜调涂母乳头上，令儿吮之，纳儿口中亦可。

小儿夜啼不论有余不足皆有效。用五倍子研末，口中津唾和作饼子，纳肚脐，以带扎之，效。

又方，以灶心土研末二钱，朱砂飞过一钱，麝香少许，共为末，蜜丸绿豆大，每服五丸，水调下。

二便证治

《经》曰：北方黑气，入通于肾，开窍于二阴。夫二阴者，前阴窍出小便，后阴窍出大便。又云：前阴主气，后阴主血。盖膀胱之津液，血所化也，由气而后能出；太阴之传送，气之运也，由血而后能润。此便溺之流通，见气血之依附，而人之所以为生者，以其有此出入关窍耳。清阳出上

窍，谓呼吸也；浊阴出下窍，谓大小二便也。倘一息不运，则机缄穷而死矣。故二便不通，加以腹胀气喘，呕哕烦躁者，不可治也。凡二便秘宜八正散，外用掩脐法，蜜导法，则前后俱通矣。

[人方]

八正散 治热聚下焦，二便不通。

淮木通 白滑石 黑梔仁 车前子 瞿麦穗 扁蓄^② 锦庄黄 白芒硝俱等分，看儿大小加减之

除大黄、芒硝在外，将六味水煎极熟，加入大黄，再煎十数沸，取起，斟出澄清，以芒硝冲服。

掩脐法 治中下二焦积热，大小便秘。

连须葱七茎不洗，生姜一大块，淡豆豉三钱，食盐二钱，同捣烂作一饼，铍子烘热，以帛扎定，良久气通，二便自利。

蜜导法 治二便不通，以此通其大便，则下焦气行而小便自通矣。

用冬蜜八两，炼至滴水成珠不散，入皂角细末二钱，和匀，稍冷，捻如小指大一条，外以葱涎涂上，轻轻插入谷道中，气通则便利矣。

[二便不通简便方]

大小便不通，经二三日危急者。以皂角灰研末，米汤调下一钱，立通。

又方，以蜂蜜一盞，皮硝一钱，白汤一盞，空心调下；另以皂角于桶内烧烟，令儿坐桶上熏之，即通。

又方，用草乌一个，削去皮，略以麝香擦上，抹以香油，轻插谷道内，名霹雳箭，至捷。

二便不通，百方不效，肚腹胀痛，咽喉窒塞，或痰壅气喘，水米不下，死在须臾，宜急救之。用甘遂五分，而包煨熟，取出为末，入麝香三厘，捣饭为丸，小儿服二分，大人五分，姜汤送下。

又方，以小竹筒抹以葱涎，插入谷道，以芒硝五钱研细，香油半盞，皂角末少许，令人口含，灌入谷道中，少时即通。

① 加味当归散，原脱“加味”二字，所卷四“疝气证治”入方补。

② 扁蓄：原脱，据光绪本补。

小便不利证治

《经》曰：膀胱者，州都之官，津液藏焉，气化则能出矣。又曰：膀胱不利为癃，不约不遗溺。又曰：肝有热则小便先赤。凡小便赤涩为热，小便自遗为寒。热者，火有余，水不足，治宜泻心火，滋肾水，加味导赤散；寒者，火不足，水有余，治宜温肾水，益心火，益智散。

小便不通，乃由脏气虚，受热壅滞，宣化不行，非塞非痛，但闭而不通，腹胀紧满。宜五苓散加车前、灯芯。

大病之后，气虚津液不足而小便闭者，不可利之，利则中气日虚，津液愈涸。宜人参散。

小儿患淋，小便淋漓作痛，不必分五种，然皆属于火热。宜清利之，海金沙散。

小儿久病气虚而淋病者，不可利小便。宜六味地黄丸，滋其化源。

小便自出而不禁者，谓之遗尿；睡中自出者，谓之尿床，此皆肾与膀胱虚寒也。益智散加附、桂、龙骨。

小儿初便黄赤，落地良久，凝如白膏者，谓之尿白。伤脾所致，久而成疳。胃苓丸，盐汤下。

小儿小便出时，色白浑浊，随尿而来，谓之白浊。此心经虚热。宜清心莲子饮。

[人方]

加味导赤散 治心热肝热，小便赤涩。

淮木通 怀生地 炙甘草 枯黄芩 黑栀仁 宜泽泻 净前子 北柴胡 以上各一钱

淡竹叶七片、灯芯十茎，水煎，空心热服。

益智散 治水有余，火不足而遗溺。

益智仁五钱，盐水炒 补骨脂三钱，盐水炒 白云苓五钱，酒炒

共为细末，每服一钱，盐汤调下。

五苓散 方见二卷伤暑证治。

人参散 治气虚津液不足，小便不通。

官拣参一钱 大麦冬二钱 川黄柏五分 炙甘草一钱

生姜三片，水煎服。

海金沙散 治小儿诸淋，皆属于热。

香附米酒炒 正川芎酒炒 赤茯苓酒炒，以

上各五钱 海金沙^① 白滑石水飞，各一两 陈枳壳炒 宣泽泻焙 陈石苇焙 尖槟榔炒，以上各二钱五分

共为细末，每服一钱，淡盐汤调下。

六味地黄丸 方见二卷胎病论。

胃苓丸 方见二卷伤湿证治。

清心莲子饮 专治白浊。

建莲子二钱 白云苓一钱五分 益智仁一钱 远志肉五分 大麦冬一钱 官拣参五分 石菖蒲五分 车前子五分 漂白术六分 宜泽泻四分 生甘草三分

灯芯十茎，水煎，空心服。

[小便简便方]

凡小便不通，服药无效。用商陆五钱研末，入麝香少许，先以旧夏布盖于脐上，将药放布上，待药气入腹，一时即通。

小便数日不通，遍身手足肿满，诸药不应者。用苏叶一斤，煎浓汤，入脚盆内，令患者坐盆上熏之，冷则又添热汤；外用炒盐熨脐上，及遍身肿处，良久便通，肿消而愈。

又方，用连须、葱白一斤，捣烂炒热，分作二处，各以布包，轮流热熨脐下，即退。

小便闭结不通，药不能效。用食盐一两，调温水服之，良久，以指入喉中探吐，一吐即通。盖上下窍不通，下窍闭也。

又方，以皂角研末，吹些微入鼻中，令其喷嚏，亦是上升之意。如水注闭其上窍，则下窍不通，稍升提之，即时通矣。

大便不通^② 证治

《经》曰：太阴司天，阴痹大便难，阴气不用，病在于肾。又曰：太阳之胜，隐曲不利，互引阴股。夫饮食之物，有入必有出也。苟大便不通，出入之机几乎息矣。急宜通之，使旧谷去而新谷得入。然有实闭、虚闭，最宜详审。如形实气实脉实又能食者，的有可下之证，则下之，如八正散、承气汤、木香槟榔丸之类，择而用之，中病即

① 海金沙，原脱，据方名补。

② 不通，原脱，据上条“小便不通”体例及文意补。

止,不可过也;而形虚气虚而兼食少者,虽有可下之证,宜缓不宜急,但用保和丸加枳实,微利之;如平素便难者,血不足也,宜润肠丸、蜜导法。

[人方]

八正散 方见四卷二便证治。

承气汤 方见二卷伤寒总括五法。

木香槟榔丸 方见三卷伤食证治。

保和丸 方见三卷伤食证治。

润肠丸 治老人、虚人、小儿、产妇大便闭结。

火麻仁去壳 光杏仁去皮 光桃仁去皮
当归尾酒润 陈枳壳以上各七钱五分 金井胶炒
萝卜子炒 家苏叶以上各三钱

共为细末,炼蜜为丸,每服一二钱,量人加减,白汤送下。

蜜导法 方见四卷二便证治。

头项凶证治^①

《经》曰:头痛耳鸣,九窍不利,肠胃之所生也。小儿头凶之证,多有脾胃而得。又头为六阳所会,七窍居焉,故小儿之头,四时宜凉,但见头热,即有病生,宜预所之。

解颅者,谓头缝开解而颅不合也。是由禀气不足,先天肾元大亏。肾主脑髓,肾亏则脑髓不足,故颅为之开解。然人无脑髓,犹树无根,不过千日,则成废人。其候多愁少喜,目白睛多,面白眇白色。若成于病后者,尤凶。宜久服地黄丸,外用封凶法。

凶肿者,凶门肿起也。脾主肌肉,若乳哺不常,饱饥无度,或寒或热,乘于脾家,致使脏腑不调,其气上冲,为之填胀,凶突而高,如物堆垛,毛发短黄,骨蒸自汗。然亦有寒气冲上而肿者,则牢靳坚硬;热气冲上而肿者,则柔软红色。然寒肿者十之一,热肿者十之九。更有因包裹严密,盖覆过厚,阳气不得外出,亦令赤肿,皆用封凶法。热肿者,泻青丸;寒肿者,参苏饮。

凶陷者,有因泄泻久而气血虚弱,不能上充髓脑,故下陷如枕。此乃胃虚脾弱之极,宜急扶

元气;若与枕骨同陷者,百无一救。此中有禀受父精不足,母血虚羸而陷者;有因久病而陷者。然枕陷尤甚于凶陷,二者皆肾元败绝之证也,俱参苓白术散,或八味地黄丸。

天柱骨倒。小儿有体肥容壮,不为瘦悴。孰知形体过肥,中气愈弱,是盛于外,而散于内也。忽然项软倾侧者,此肝经风热也。小柴胡加粉葛、当归、白芍。

有因久病之后,及泄泻日久,忽然颈项倾侧,名天柱骨倒。最为危候,速救真元。十全大补汤加鹿茸。

有小儿生下颈便软者,胎气不足也。由禀父之肾元虚败,峻补先天,其度几矣。补肾地黄丸,与六君子汤间服。

天柱骨倒之证,虽则三条,总系真阳大败之候,为小儿之恶证,保救真元,是其大要;外以生筋等药贴之,可也。

[人方]

六味地黄丸 方见二卷胎病论。

封凶法 治头缝不合,名曰解颅。

天南星不拘多少,以姜汁炒枯,研细末,醋调涂于绢帛上,烘热贴凶门上,以合为度。

泻青丸 方见四卷啼哭证治。

参苏饮 方见三卷咳嗽证治。

参苓白术散 方见三卷诸疳证治。

八味地黄丸 方见二卷胎病论。

小柴胡汤 方见二卷伤寒总括五法。此加粉葛、当归、白芍。

十全大补汤 方见一卷保产论小产论。

补肾地黄丸 方见三卷哮喘证治。

六君子汤 方见二卷非搐吐泻。

生筋散 治筋软无力,天柱骨倒。

木鳖子六个 蓖麻子六十个,并去壳

以药研如泥,先抱头起,以手摩其颈,令热,津唾调药,涂颈项。

又方,贴项软,生附子去皮二钱,生南星去皮脐二钱,共研末,姜汁调,摊贴患处。

① 治:原脱,据光绪本补。

[头项凶^① 简便方]

小儿解颅，或因病后忽然凶门宽大，头缝四破。此脑髓不充，大虚之候。用鹿茸、防风、白芨、柏子仁四味各五钱，共为末，乳汁调作饼，贴凶门上，一日一换，以合为度。

治小儿凶陷如坑，由久病真元不足，气血两虚，大凶之候。速宜十全大补汤加鹿茸、姜、枣煎服；外用狗头骨炙黄为末，鸡蛋清调敷之，效。

目病证治

《经》曰：诸脉者，皆属于目。又曰：东方青气，入通于肝，开窍于目。夫目虽为肝窍，而五脏俱备，神之所托。故白珠属肺，黑珠属肝，瞳人属肾，两角属心，上下眼胞属脾，五脏五色，各有所司。心主赤，赤甚者心实热也；赤微者心虚热也。肝主青，青甚者肝热也；淡青者肝虚也。脾主黄，黄甚者脾热也；淡黄者脾虚也。目无精光，及白睛多而黑睛少者，肝肾俱不足也。

目内赤色，心经积热上攻。宜泻丙火从小便而出，导赤散加黄连、防风。

目内黄者，脾热也。宜泻黄散；上下眼胞肿者，脾经风热，亦同上治。

目连札者，肝有风也。凡病或新或久，肝风入目，上下左右如风吹，儿不能任，故连札也。泻青丸。

目直视者，肝有热也。热气入目，障其筋脉，目之两角俱紧，不能转运，故直视也。泻青丸。

小儿初生目闭，此胎热也。内服生地黄汤；外用胆草煎汤洗目上，一日七次，恐延缠则损目。

小儿生下眼胞赤烂者，由产时拭洗不净，以致秽恶侵渍两目角，故两胞赤烂，至长不瘥。真金散。

小儿久嗽，其目两眶肿黑，如物伤损，白珠红赤如血，谓之血眼。内服泻白散，外用贴法。

小儿生下数月之内，目不见物，谓之雀目，由肝虚也。六味地黄丸，常以猪肝煮熟压药。

小儿热病，其目羞明喜暗者，风热也。宜疏散风热，清阳散火汤。

[人方]

导赤散 方见四卷啼哭证治。

泻黄散 治脾经积热，白珠生黄。

藿香梗一钱二分 黑梔仁一钱 熟石膏一钱
北防风一钱 炙甘草五分

净水煎，半饥服。

生地黄汤 治小儿胎热，初生眼闭不开。

怀生地一钱五分 赤芍药一钱 正川芎五分
大当归一钱 天花粉酒炒 炙甘草各五分

灯芯十茎，长流水煎，热服。

真金散 治小儿眼胞赤烂。

雅川连 川黄柏 大当归 赤芍药以上各
二钱 光杏仁去皮、尖，五分

上锉碎，以乳汁浸一宿，饭上蒸过，取浓汁点眼内。

泻白散 治小儿久嗽，两眼黑肿，白珠如血。

芽桔梗 炙甘草 广陈皮 桑白皮 地骨皮

五^②味等分，水煎热服。

贴药

大生地一两 大黑豆一两

二味用水同浸一夜，取起捣为膏，贴眼皮上，其血自散。血泪既出，肿黑即消。

六味地黄丸 方见二卷胎病论。

清阳散火汤 治小儿风热眼疾，羞明喜暗。
小条芩 荆芥穗 正川芎 北防风 净连翘
黑梔仁 当归尾 熟石膏以上各用一钱 川羌活 炙甘草各五分

灯芯十茎，水煎，食后服。

[目病^③ 简便方]

治目生胬肉，赤脉贯瞳，白膜遮睛，诸般云翳。用白丁香，即麻雀屎也。倒者为雌雀屎，不用；取竖立者，雄雀屎也，不拘多少，取来研末，水飞过，如飞朱砂样，渣滓不用，俟药渣底，倾去清水，晒干。每以些微同乳汗研化，点翳上，其翳

① 凶：原脱，据本节标题补。

② 五：原作“四”，据药味总数改。

③ 目病：原作“眼目”，据本节标题改。

自去，神方也。取麻雀屎，寺院中暨城楼上有。

赤眼肿痛，用朴硝一撮，以碗张^①豆腐一块，将硝防豆腐上，饭上蒸之，俟硝已化，去豆腐不用，取汁点眼自愈。

敷火眼及风热眼。生南星五钱、红饭豆五钱，共为末，取生姜自然汁，调作二饼，贴两太阳穴^②。又敷火眼痛极，用大红枣取肉五六枚，葱三四根，共捣如泥，作二小饼，闭目贴之，令其发散。盖眼无风寒，必不疼痛。以此疏散，立时见效。味者以为火眼必用凉药敷点，而用黄连、黄柏之类，不知抑通其火，邪不能外出，必变眼珠疼痛，久不痛愈，慎之。

治烂弦风眼，百药不治，此方最神。用鲜色铜绿三钱研细末，以生蜂蜜浓调涂粗碗内，要调略干，稀则少时流出矣；用艾烧烟，将碗覆艾烟上，熏之，须熏至铜绿焦黑为度，取起冷定，以乳汁调匀，饭上蒸过，搽眼皮上及烂弦处，百不失一。

治眼毛倒睫不起。用五倍子为细末，蜜调敷眼皮上，其睫自起。

又方，以无名异为末，纸卷作拈，点灯吹灭，闭目熏之，睫自起。

赤眼肿痛不消，以精猪肉切一片，如指甲大，以水洗净其血，贴于眼皮上，良久易一片，即消。

耳病证治

《经》曰：北方生寒，在脏为肾，在窍为耳。又曰：肾气通于耳，肾和则耳能闻五音矣。故耳本属肾，耳珠前属少阳胆经。小儿有因肾经气实，其热上冲于耳，遂使津液壅而为脓，或为清汁，亦有因沐浴水入耳中，灌为聋者。内服蔓荆子散，外用龙骨散搽之。

耳珠前后生疮，浸淫不愈者，名月蚀疮。俗谓以手指月，则令耳之前后生疮。皆用外治之法，黄柏散搽之。

若耳中忽作大痛，如有虫在内奔走，或出血水，或干痛不可忍者，用蛇蛻散。

有忽然气塞耳聋，此由风入于脑，停滞于手

太阳经，宜疏风清火，导赤散加防风，或通窍丸。

耳旁赤肿者，热毒也。若不急治，必成大痈，外用敷毒散，内服消毒饮。

[人方]

蔓荆子散 治小儿肾气上冲，灌为聾耳。

蔓荆子 粉干葛 赤芍药 信前胡 桑白皮 淮木通 怀生地 杭麦冬 赤茯苓以上俱各一钱 绿升麻 小甘草各五分

灯芯十茎，水煎服。

龙骨散 治小儿聾耳，流脓出汁，以此吹之。

正龙骨煨 明白矾煨 真铅丹炒，以上各三钱 胭脂胚一钱 当门子五厘

共为末，以绵展干耳内脓水，用小竹筒吹药入中。

黄柏散 治小儿耳珠前后生疮，浸淫不愈。

川黄柏 白枯矾 海螵蛸 白滑石 石龙骨

以上五味皆等分，共为末，疮湿用干搽条，疮干用猪油调搽。

蛇蛻散 治耳中痛不可忍，或出血水，或干痛。

蛇蛻，烧存性，为细末，鹅毛管吹入耳中，取蛇之善蛻，以解散郁火也。

导赤散 方见四卷啼哭证治。

通窍丸 治小儿耳忽暴聋。

雄磁石煨，一钱 真麝香五厘

共为细末，以枣研烂，和为一丸，如枣核大，绵裹塞耳中；又以生铁一小块，热酒泡过，含口内，须臾气即通矣。

敷毒散 治小儿耳旁赤肿热毒也。恐防作痈。

用绿豆粉不拘多少，以老醋调成膏，敷患处，干则易之。

消毒饮 治小儿耳旁赤肿，内服之药。

川羌活 北防风 片黄芩 净连翘 芽桔梗 官拣参 正川芎 当归尾 北柴胡以上俱

① 张：作动词用。《广雅》：“张，开也。”

② 穴：原无，据文意补。

各七分 小甘草四分

生姜一片,灯芯十茎,水煎服。

[耳病简便方]

治小儿无故耳聋。取龟尿滴入耳中,效。或以生麻油日滴三五次,数日即愈。

耳内肿痛,流脓出水。用虎耳草又名倒垂莲,捣取汁,多灌入耳中,常常用之。此治耳聋之妙药,略加枯矾更妙。

耳内脓水不干。用千层石榴花焙干为末,以小竹筒吹入耳内。

耳外生疮。用黄丹一钱,松香八分,轻粉一分,共为细末,香油调搽。

小儿耳后生疮为肾疔。以地骨皮研末,筛出嫩末,香油调搽,粗末煎水洗。

诸虫入耳。取猫尿滴入耳中,其虫自出;若用麻油滴之,则虫死难出。取猫尿法:以生姜擦其鼻,则尿自出。

一切恶虫入耳,用稻草烧灰淋汁,沥入耳中。其虫即死而出也。

鼻病证治

《经》曰:西方白气,入通于肺,开窍于鼻。又曰:五气入鼻,藏于心肺,有病而鼻为之不利也。盖鼻为肺之窍,鼻塞者,肺气不通于窍。然肺主皮毛,风寒外感,则肺气壅闭而鼻塞。川芎膏。

鼻涕者,肺为寒风所袭,而津液不收,则为鼻涕。细辛散疏之。

鼻鼾^①者,肺受风寒,久而不散,脓涕结聚不开,使不闻香臭,则鼾矣。万金膏。已上三证,皆宜疏利,俱用通气散。

鼻干者,心脾有热,上蒸于肺,故津液枯竭^②而干,当清热生津。导赤散加麦冬。

如病已极,鼻干而黑,窍张,长出冷气者,肺绝也。不治之证。

鼻渊者,流涕腥臭。此胆移热于脑,又然脑崩。宜用辛夷散。

凡小儿初生,三朝一七,忽然鼻塞,不能吮乳,不得呼吸者,因乳母夜卧之时,不知回避,鼻中出气吹儿囟门,或因洗水未避风寒,所以致儿

鼻塞。通关散。

鼻衄者,五脏积热所致。盖血随气行,得热而妄动,溢出于鼻。宜凉血降火,加减地黄汤;外用吹鼻散。

[人方]

川芎膏 治小儿外感风寒,肺气壅闭而鼻塞。

正川芎 北细辛 小藁本 香白芷 炙甘草
以上各三钱 梅花片一分 当门子一分 光杏仁去皮、尖,一钱

共为末,炼蜜为丸,龙眼核大,每服一丸,灯芯汤化服。

细辛散 治小儿风寒所袭,鼻流清涕。

官拣参 信前胡 北细辛 北防风 正川芎 炙甘草俱等分

共为末,每服一钱,姜、葱汤调服。

万金膏 治小儿风热侵肺,鼻鼾不闻香臭。

川羌活 正川芎 北细辛 淮木通 净麻黄 石菖蒲各一钱

共为末,每服一钱,以蜜和匀,姜汤化服。

丽泽通气散 治小儿鼻塞、鼻涕、鼻鼾。

川羌活 川独活 漂白术 北防风 绿升麻 荆芥穗 粉干葛 香白芷 正川芎 淮木通
以上各一钱 净麻黄 北细辛 炙甘草以上各五分

生姜三片,大枣三枚,水煎,食后服。

辛夷散 治小儿鼻流浊涕而腥臭。

辛夷仁五钱 苍耳子炒,二钱五分 香白芷一钱 薄荷叶 雅黄连各一钱

共晒干,为末,每服一钱,葱汤调下。

通关散 治乳子鼻塞,不能吮乳。

香附米 正川芎 荆芥穗 直僵蚕 北细辛 猪牙皂以上各五钱

共为细末,以葱白捣成膏,每用药末五钱,与葱膏和匀,摊软帛上。临卧烘热,贴儿囟门上,早晨取去。

(1) 鼻鼾(wōng 瓮):鼻道阻塞之病也。《龙龕手鑑·鼻部》:“鼾,鼻塞病也。”

(2) 竭:原作“渴”,据光绪本改。

加减地黄汤 治小儿鼻中出血。

怀生地二钱 片黄芩 黑梔仁 赤芍药
川郁金 白茅根各一钱
水煎，空心热服。

吹鼻散 治小儿鼻中出血。

黑梔仁炒 乱油发烧，存性，俱等分
共为极细末，以些微吹鼻中。

[鼻病简便方]

鼻疳破烂，用杏仁去皮、尖，捣碎，以纸包压去油，以成白粉为度。每杏仁粉二分，对真轻粉一钱，和匀吹患处。

鼻流浊涕不止，各曰鼻渊，乃风热在脑故也。用苍耳子炒、辛夷仁、白芷、薄荷等分，为细末。每用一钱，临卧葱汤调眼，不以数拘，以愈为度。

鼻中流臭黄水，名控脑沙。用紫贝子，俗名南蛇牙齿，粤人呼狗屋螺。取二三枚，火煨醋淬为末，纸包故地上去火毒。每服一钱，大人二钱，以丝瓜藤煎汤调药，空心服，以愈为度。

鼻被破伤，或擦落。急以猫儿头上毛剪碎，以口中津唾调敷之，自愈。

疳疮蚀鼻，破烂不堪。用五倍子烧灰存性，研末，以腊猪油和涂之。

口病^① 证治

《经》曰：中央黄色，人通于脾，开窍于口。又曰：脾气通于口，脾和口能知五味矣。故口者，脾之外候。凡鹅口者，口内白屑满舌，如鹅之口，此肺热而心脾为甚，故发于口也，内服沆瀣丹；外以保命散吹之。

口疮者，满口赤烂，此因胎禀本厚，养育过温，心脾积热，熏蒸于上，以成口疮，内服沆瀣丹；外以地鸡搗水搽疮上。地鸡即扁虫，人家砖下有之。

口糜者，满口生疮溃烂，乃膀胱移热于小肠，膈肠不便，上为口糜，以导赤散去小肠之热；五苓散去膀胱之热，当以二方合服。

口疮服凉药不效，乃肝脾之气不足，虚火泛上而无制。宜理中汤，收其浮游之火；外以上桂

末吹之。若吐泻后，口中生疮，亦是虚火，理中汤。味者以为口疮悉为实热，概用寒凉，必不救。

上腭有胀起如悬痈者，此名重腭。由脾胃挟热，气血不能收敛而成。用针刺去恶血，内服沆瀣丹，外以碧雪散吹之。

小儿两颐流涎，浸渍胸前者，此名滞颐。盖涎者脾之液，口为脾窍，脾胃虚寒，不能收敛津液，故涎从口出，而滞于颐，宜温脾丹。

小儿口频撮者，气不和也。盖唇应乎脾，气出于肺，脾虚不能生肺，故口频撮。异功散补脾生肺愈矣。

小儿口撮，而青多哭，此阴寒之至，肝脾虚冷，脐下痛也，理中汤温之。

小儿急欲吮乳而口不能吮者，心脾有热，舌不转运，泻黄散清之。

[人方]

集成沆瀣丹 方见二卷胎病论。

保命散 治小儿鹅口口疮。

箭头砂^② 枯白矾 明牙硝 三味俱五钱
共为细末，吹之。

导赤散 方见四卷啼哭证治。

五苓散 方见二卷伤暑证治。

理中汤 方见二卷乳子伤寒证治。

碧雪散 治小儿悬痈重腭。

茸蒲黄 洋青黛 白硼砂 明牙硝 生甘草

五味俱等分，共为细末，吹之。

温脾丹 治小儿脾冷流涎，浸渍颐间。

南木香 法半夏各五钱 黑炮姜 漂白术各二钱 广陈皮 杭青皮各一钱

共为末，炼蜜为丸，龙眼核大，每服一九，米饮下。

异功散 方见三卷伤食证治。

泻黄散 治小儿心脾有热，舌不转运，不能吮乳。

赤茯苓 片黄芩 川黄柏 川黄连 黑梔仁 宣泽泻 茵陈蒿各一钱

① 病：原作“疮”，据目录及文意改。

② 箭头砂：即朱砂之状如箭头者，为朱砂之上品。

灯芯十茎，水煎，热服。

[口病^① 简便方]

口疮破烂，并治咽喉喉痹、喉痹。用凤凰衣，即伏鸡子壳内皮也。微火焙黄，橄榄烧存性，儿茶三味俱等分，共为末，以一钱为则，加冰片五厘，口疮搽患处；喉病吹入内，即能进饮食。

口疮久不愈，虚火也。用生附子一个，切焙为末，醋和作饼，男左女右，贴脚心，引火下行自愈。

小儿口角生疮，名蒸口疮。以乱发烧灰存性，米饮调服，外即以此敷之。又方，蒸饭时收甑盖上流下气水，搽之即愈。

口唇肿黑，痒痛不可忍。先以磁锋砭去恶血，以古铜钱磨猪油涂之。

治走马牙疳及各类口疳。多年田野中白螺蛳壳研烂，少加儿茶，共为细末，吹患处，即愈。

治口疳疮及咽喉疼痛。用吴茱萸二两研末，少加面粉，醋调作二饼，贴于足心，以布扎之，过夜即愈。

舌病证治

《经》曰：南方生热，热生火，火生心，心主舌，在窍为舌。又曰：心气通于舌，心和则舌能知五味矣。夫舌为心之苗，胃之根，小儿多生舌病，以心脾之积热也。故有重舌、木舌、弄舌、舌胎等证，宜辨其虚实而治之。

重舌者，心脾有热。盖脾之络，出于舌下，有热则气血俱盛，附舌根下，忽重生一舌而短小。内服沉瀝丹；外以针刺去恶血，用蒲黄、黄柏末敷之。

木舌者，心脾积热之气上冲，故令舌肿，渐渐长大，塞满口中，若不急救，必致害人，内服沉瀝丹；外以针刺去恶血，以碧雪散，竹沥调匀，敷之。

弄舌者，脾脏虚热，令舌络紧，时时舔舌，妄人称为蛇丝惊者，是也。切勿以凉寒攻下治之，少与泻黄散服之；不效，四君子汤。或渴欲饮水，面无红赤色，此脾胃津液不足，不可误认为热，宜七味白术散。

面黄肌瘦，五心烦热而弄舌者，此疳证也。须从疳症门参考，宜集圣丸。

大病后精神困惫，饮食少思而弄舌者，凶候。盖气血两虚，精神将脱，速以十全大补汤挽救之。

舌上黑胎，其热已剧，急以薄荷煎汤洗之；如舌转红色者可治，凉膈散下之；洗不红者不治。

泄泻后，舌上白胎，此津液不荣，不能上潮于口，为虚热也，理中汤。

[人方]

集成沉瀝丹 方见二卷胎病论。

碧雪散 方见四卷口病证治。

泻黄散 方见四卷口病证治。

七味白术散 方见三卷泄泻证治。

集圣丸 方见三卷诸疳证治。

十全大补汤 方见一卷保产论小产论。

凉膈散 治心脾有热，舌上黑胎。

净连翘一钱 黑梔仁六分 锦大黄五分 薄荷叶一钱 片黄芩六分 白芒硝五分 生甘草四分

竹叶七片，灯芯十茎，水煎，临服加生蜜十匙对服。

[舌病简便方]

治重舌、木舌，肿满强硬，或疼不止，不能言语，宜用粗针线扎箸头上刺患处，甚者数十刺为妙。只针舌尖及舌两旁，舌中及舌下切不可针，犯之令出血不止。其刺出之血，以红色者毒轻，紫色者为重，黑色者最危。仍以蒲黄研末，擦舌上即消。

舌或胀大肿硬，即时气绝，名为囊舌。囊，衫入声。用皂矾不拘多少，新瓦上以火煨，变红色为度，放地上候冷，研细搽舌上，立愈。重舌、木舌皆效。蔽棺之饰^② 谓如囊之蔽于棺上也。

舌肿满不能出声，以梅花冰片研烂敷之，或以食盐、百草霜共为末，井水调敷，即效。

① 口病，原作“口疮”，据本节标题改。

② 饰，原作“筋”，形近致误，据文义改。

绊舌^①者，舌根下有筋一条，绊其舌尖，令舌短缩不能吮乳。细视之，明见舌根之下有筋如线，牵绊其舌。用针轻轻挑断之，挑时但挑此筋，不可误伤舌根，为祸不小。曾见愚妇以刀割断之，误伤舌根，流血不止而死。

舌断能重生，用活蟹一只，炙干为末，敷之。此方至神至验。

齿病^② 证治

《经》曰：天有列星，人有齿牙。又曰：手阳明之脉，入下齿中；足阳明之脉，入上齿中。故知上牙属胃，下牙属大肠，齿属肾。凡齿生迟者，肾气不足也。盖肾主骨，齿者骨之余，肾不足则髓亏，不能充乎齿，所以齿迟，宜地黄丸。

上下牙床肿者，此手足阳明实热也，凉膈散为君，加知母、石膏、升麻为佐，频频含咽。

重龈者，肾脏积热，附龈而肿痛也。以针刺去其血，用盐汤洗净，黄柏为末敷之。

小儿多食肥肉，齿牙臭烂不可近者，名为臭^③息。此胃膈实热也，内服沆瀣丹，外以荆沥和姜汁含漱。

牙疳者，初作臭气，次则齿牙黑，甚则龈肉烂而出血，名为宣^④露。此由肾热，其气直奔上焦，故以走马为喻，宜速治之；若上下唇破，鼻穿齿落者，名曰崩沙。气喘痰潮，饮食减少，则不可治。内服沆瀣丹；外以如圣散敷之。

梦中咬牙，风热也。由手足阳明二经积热生风，故令相击而有声也。必在^⑤梦中者，风属阳，动则风行于阳，静则风归于里也。宣风汤。

咬牙一证，惟痘疹见此为危候，余则皆无大害。亦有因病战栗鼓颌^⑥而斗牙者，治其本证，则自止矣。

牙齿落后不复生者，由于舌舔之故，其肉顽厚，用针刺去血^⑦，以鼠骨散搽之自生。

[人方]

六味地黄丸 方见二卷胎病论。

凉膈散 方见四卷舌病证治。

如圣散 治小儿走马疳，并崩沙宣露。

用妇人尿桶中白垢，刮下，瓦上煨至烟尽一

钱，铜绿二分，麝香半分，共为末，先以蜡树叶浸米泔水洗净，后搽此药。

宣风散 治小儿梦中咬牙。

尖槟榔五钱 广陈皮一两五钱 黑牵牛一两，炒，单取头末 炙甘草五钱

共为末，每服一二钱，蜜汤调，空心服。

鼠骨散 治小儿齿落不生。

用雄鼠一只，烂去皮，取骨炙枯，研细末，加麝香一分，擦刺处，良久，以姜汤漱之。

[齿病简便方]

牙龈溃烂，诸药不效者。用盐榄二三个，连皮带核，火中煨过存性，加冰片半分，搽之神效。

走马牙疳，臭烂出血。红枣三枚，去核，以明雄研末，填满枣内，新瓦盛之，火煨存性，研末搽之。

又方，凤凰衣，未见水者，焙黄，少加枯矾，共为细末，搽之。

咽喉证治

《经》曰：咽喉者，水谷之道也；喉咙者，气之所以上下者也。又曰：一阴一阳结，谓之喉痹。盖咽者胃管，主纳水谷而居后，喉者肺管，专主呼吸而居前，为一身之总要。若胸膈郁积热毒，致生风痰，壅滞不散，发于咽喉，病名虽多，无非热毒，速宜清解，缓则有难救之患。轻则甘桔汤，重则化毒汤。

如痘疮咽喉痛者，毒气上攻也，加减甘桔汤；喉中生疮，不能吮乳，化毒汤。

小儿为诸骨所哽，骨大难咽者。以鹅毛扫咽吐之；骨小者，用海上方治之。

[人方]

甘桔汤 治小儿胸膈积热，致生风痰而患

① 舌：原作“重”，据下文改。

② 病：原作“牙”，据目录改。

③ 原作“鼻”，形误，据光绪本改。

④ 宣：原作“宜”，形误，据光绪本改。

⑤ 在：原作“任”，据光绪本改。

⑥ 颌：原作“项”，形近刻误，据文意改。

⑦ 血：原作“其”，据《保赤存真》引此方改。

喉痹。

粉甘草四钱 芽桔梗四钱

以净水煎，细细咽之。

化毒汤 治小儿咽喉证危迫者。

芽桔梗 南薄荷各二钱 荆芥穗 炙甘草
各二钱五分 白芒硝一钱 山豆根一钱五分 马
牙硝 白硼砂各二钱五分 明雄黄 镜面砂各二
钱

共为细末，每服一钱，白汤调下，仍以此药
吹喉中。

海上方 治小儿诸骨所哽。

用金凤花根捣碎，以米醋浓煎，用有嘴瓶盛
之，口衔瓶嘴，仰而吸药吞之，其骨即下。吞药勿
令沾牙。又或以玉簪花根亦可，如上法煎咽。

[咽喉简便方]

治喉闭乳蛾。用鸡内金勿洗，阴干，烧过存
性，研末，以小竹筒吹入，即破而愈。鸡内金即鸡
膈胫内之黄皮也。

咽喉内生疮，鼻孔内亦烂，若作喉风治，立
死。用白霜梅一个，烧存性，枯矾一钱，穿山甲炙
枯一钱，共为细末，吹喉中，神效。

喉疮已破，疮口疼痛，难进乳食。用猪脑髓
蒸熟，姜醋调和，服之自愈。

咽中结核，不通水食，危困欲死。用百草霜，
以蜜和为丸，如芡实大，每一丸，白汤化开，灌
之；甚者，不过二次愈。

误吞针。用磁石研末，以黄蜡熔化，和丸如
豆大，吞下，针共丸药同从大便出。

误吞铜钱、金银、钗环之类。只以米糖多服
之，久之自出。

误吞铜钱。生慈菇捣汁多饮，自然消化；生
荸荠捣汁饮，更妙。

误吞竹木及鱼骨，哽咽不下，用象牙磨浓汁
调服；若吞铁钉子，以沙糖拌象牙末服。

治诸骨哽咽不下。用藏灵仙三钱煎汤，频咽
之，其骨即软如绵而下。

诸骨哽咽。用狗一只，倒吊取口涎，徐徐与
咽，即化。又或以狗涎半盏，沙糖半盏，调服立
消。

凡误吞金银铜铁之类。以盐榄烧灰研末，水

调下，其物自出，此方经验极多。

凡诸骨哽咽，谷树叶捣烂取汁服，其骨自软
而出。盖藏灵仙、谷树叶、楮实子皆能软骨故也。

龟胸龟背证治

龟胸者，胸高胀满，形如复掌，多因乳母多
服五辛酒面炙搏之类；或夏月热乳、宿乳与儿。
盖儿肺气最清，为诸脏华盖，日久痰滞则生风
热，肺受火邪，则胸骨胀起。麻疹之后，多有此
证。宜清肺降火，杏仁煎。

龟背，生下不能保护，以客风入于骨髓；或
儿坐早，劳伤气血；或咳嗽久，以致肺虚，而肾亦
无所生矣。肾主骨，风寒乘虚而入于骨髓，致精
血不能流通，故成龟背，宜松蕊丹；外以龟尿涂
法，此从前所论证治也。

予按：龟胸有治，龟背乃不治之证，前人证
治，犹有未善。虽曰客风入骨，坐早劳伤，咳嗽肺
虚，然未窥其病源，无非以现在者言之也。凡小
儿禀受真元足者，尝见其赤身裸体，当风露坐，
半周之后，坐以座栏，从未闻有客风入骨，坐早
劳伤，嗽久而病龟背之说。此证盖由禀父母精髓
不足，元阳亏损者多有之。不观小儿龟背正在命
门之间，渐次骨节浮露，其腰如弓，实因骨痿不
能支撑之故，岂风邪为患哉？此证百不一救，原
无治法，而前人强立松蕊丹，反用麻黄、大黄、独
活、防风一派攻伐之药，适足以速其殒也。若以
鄙见，但当以六味地黄丸加上桂、鹿茸，救其先
天，复以四君、六君之类扶其胃气，或可以十中
保一，除此之外，并无治法。若谓松蕊丹能治龟
背，吾不信也。

[人方]

杏仁煎 治小儿肺受热邪而患龟胸。

锦大黄好酒九蒸九晒 天门冬去心 真杏仁
去皮尖，取净仁 淮木通各一钱二分 桑白皮 甜
葶苈 熟石膏各八分

水煎，临卧时服，加增分两，以蜜为丸，徐服
更妙。

松蕊丹 治小儿龟背，姑存之，可也。

黄松花 陈枳壳 北防风 川独活以上各

一两 净麻黄 信前胡 川大黄 青化桂以上各五钱

为末，蜜丸，绿豆大，每服十丸，米饮下。

六味地黄丸 方见二卷胎病论。

四君子汤 方见三卷疟疾证治。

六君子汤 方见二卷非搐吐泻。

鹤膝证治

小儿鹤膝，因禀受肾虚，血气不充，以致肌肉瘦削，形如鹤膝，外色不变，膝内作痛，屈伸艰难，若焮肿色赤而作脓者为外因，可治；若肿硬色白不作脓者，是属本性，难治。属外因者，十全大补汤加苍术、黄柏、防己；属本性者，以六味地黄丸加鹿茸，补其精血，仍须调补脾胃，以助生化之源。

[人方]

十全大补汤 方见一卷保产论小产论。此加苍术、黄柏、防己。

六味地黄丸 方见二卷胎病论。此加上桂、鹿茸^①。

五软五硬证治^②

小儿生后，有五软五硬之证，乃胎元怯弱，禀受先天阳气不足，不耐寒暑，少为六淫所犯，便尔五软见焉。五软者，头项软、身体软、口软、肌肉软、手足软，是为五软。然头项软，肝肾病也，肝主筋，肾主骨，肝肾不足，故头项软而无力；手足软，脾胃病也，脾主四肢，脾胃不足，故手软而懒于抬，足软而慵于步也；身体软，阳衰髓怯，遍身羸弱，而不能强立；口软者，虚舌出口而懒于言；肌肉软者，肉少皮宽，肌体虚羸之象也。总之本于先天不足，宜地黄丸以补肝肾，而更所重者在胃，盖胃为五脏六腑之化源，宜补中益气，升举其脾气。倘得脾胃一旺，则脏气有所禀，诸软之证，其庶几矣。

五硬者，手硬、脚硬、腰硬、肉硬、颈硬也。仰头取气，难以动摇，气壅疼痛，连于胸膈，手心脚心，冰冷而硬，此阳气不荣四末也，为独阴无阳，

难治。若肚筋青急，乃木乘土位。俱宜六君子汤加姜、桂、升麻、柴胡以补脾平肝。若面青而小腹硬满者，不治。

[人方]

六味地黄丸 方见二卷胎病论。

补中益气汤 方见一卷保产论小产论。

六君子汤 方见二卷非搐吐泻。此加干姜、上桂、升麻、柴胡。

丹毒证治

小儿赤游丹毒，皆由心火内壅，热与血搏，或起于手足，或发于头面胸背，游移上下，其热如火，痛不可言，赤如丹砂，故名丹毒。凡自腹出四肢者，易治；自四肢入腹者，难治。治丹之法，先用辛凉解表，使毒渐消，方可搽敷。若先不解毒，遽用搽敷，必逼毒入腹，以致不救。小儿一岁以外者易治，未周者难治。治之得法，无论大小。予尝治百日内外火丹，从阴囊下起，按法治之，三日后阴囊蜕去一壳而愈。

小儿十种丹毒，如三日不治，攻入肠胃则不救。宜逐一辨认，依方治之，百不失一。

凡治丹毒，俱宜先服防风升麻汤，以解毒发表；次用磁锋针去其血，则毒随血散，至神至捷，百发百中。

[人方]

防风升麻汤 总治十种丹毒。

北防风 绿升麻 黑杏仁 大麦冬 荆芥穗 淮木通 粉干葛 南薄荷 润玄参 牛蒡子以上十味各一钱 粉甘草五分

灯芯十茎，水煎，热服。

便闭者加大黄利之。

磁锋砭法

用上清磁器，轻轻敲破，取其锋锐者一枚，将箸头劈破，横夹磁针，露锋于外，将线扎紧，以磁锋正对丹毒之处，另以箸一条，于磁锋箸上轻轻敲之，其血自出，多刺更妙。毒血出尽，立时见

① 此加上桂、鹿茸；原无，据本节正文补。

② 证治：原脱，据目录补。

功。

治丹若不砭去恶血，专用搽敷，十不救一。

[十种丹证]

一、飞灶丹，从头顶起肿，然后散开。先用葱白捣取自然汁，涂之效。

二、走灶丹，从头顶起红肿，痛苦异常。用红饭豆研末，和鸡蛋清调涂。

三、鬼火丹，从面部起红肿。用灶心土研为细末，鸡蛋清调涂。

四、天火丹，从背上起赤点。用桑白皮切碎，焙干为细末，羊油调涂。

五、天灶丹，从两臂赤肿、黄色起。用柳木烧炭研末，净水调涂。

六、水丹，先从两肋起赤肿。用多年锈铁磨浓汁，猪油调涂。

七、葫芦丹，先从脐下起。用尖槟榔切碎，焙干为末，米醋调涂。

八、野火丹，先从两脚起红肿。用乳香去油研末，以羊油调涂。

九、烟火丹，从脚背上起红肿。用猪槽下土研末，麻油调涂。

十、胡漏丹，从阴囊下起红肿。用门槛下干脚土研末，羊油调涂。

更有胎毒重者，遍体皆是。速用芸苔子^{即油菜子也}。秤过一两，酒一大壶，和研滤去渣，取酒复煎数沸，不拘时，温服一盞。

又方，芸苔菜^{即油菜也}。取菜叶捣烂敷之，随手即消。如无生菜，干者为末，水调敷。凡丹毒遍身，或连腰周匝，百方不能治者，惟此最神。

水痘露丹证治^①

水痘似正痘，外候面红唇赤，眼光如水，咳嗽喷嚏，涕唾稠粘，身热二三日而出，明净如水泡，形如小豆，皮薄，痂结中心，圆晕更少，易出易落，温之则痂难落而成烂疮。切忌姜椒辣物，并沐浴冷水，犯之则成姜疥水肿。自始至终，惟小麦汤为准。

小儿生后，百日内外，半岁已上，忽然眼胞红肿，而青黯色，夜间烦啼，脸如胭脂，此因伏热

在内，发之于外。初则满面如水痘，脚微红而不壮，出没无定，次至颈项，赤如丹砂，名为露丹，以三解散疏散之。

[人方]

小麦汤 治小儿水痘。

白滑石 地骨皮 生甘草各五分 官拣参 川大黄 净知母 川羌活各四分 葶苈子五分

小麦一十四粒引，水煎，热服。

三解散 治露丹。

官拣参 北防风 明天麻 川郁金 节白附 锦庄黄 枯黄芩 直僵蚕 北全蝎 陈枳壳 南薄荷 京赤芍 小甘草随宜加减 灯芯十茎，水煎，热服。

破伤风证治^②

小儿或因跌扑，或刀斧破伤，风邪暗袭，伤处发肿，谓之破伤风。速宜治之，不然则发痉矣。内服疏风活血散，外以紫金锭涂之。

[人方^③]

疏风活血散 治小儿破伤风，又痉未痉者皆治。

全当归 怀生地 赤芍药 北防风以上各一钱二分 鲜红花 大川芎 广苏木 炙甘草以上各六分

生姜三片，大枣一枚，水煎，热服。

紫金锭

山葱菇三两 五倍子三两 芽大戟一两五钱 明雄黄 镜面砂各一两 真磨香三钱

共为细末，糯米饮和药为锭，磨水涂之。

斑疹瘾疹证治^④

小儿斑与疹，宜别证候阴阳。其焮肿于外者，属少阳相火，谓之斑。其证发于面郁，或背

① 证治：原脱，据本书目录补。

② 治：原脱，据目录补。

③ 人方：原脱，据本书体例补。

④ 证治：原脱，据目录补。

部,或四肢,极其稠密,色如锦纹。红赤者,胃热也;紫黑者,胃烂也。宜消斑青黛饮。

其红点发于皮肤之内不出者,属少阴君火,谓之疹。其证发于胸腹手足,稀而少者,此由无根失守之火,聚于胸中,上蒸于肺,隐于皮肤而小疹,其状如蚊迹、蚤斑而非锦纹也。理中汤。

斑疹自吐泻者,慎勿止之,因其毒气从上下出,宜调中气。若吐泻后,遍身发热,斑如锦纹者,恐防热气乘虚入胃,其夏月多有此症,化斑汤。

瘾疹多属于脾,以其隐隐在皮肤之间,发而多痒,或不红者,俗人名之为风丹。加味羌活散。

[人方]

消斑青黛饮 治阳毒发斑。

正雅连 熟石膏 净知母 北柴胡 黑栀仁 润玄参 绿升麻 怀生地 片黄芩以上俱各一钱 官拣参 洋青黛 炙甘草各五分

生姜三片,豆豉二十一粒,水煎,热服。

化斑汤 即人参白虎汤,治阳明胃热发斑。

官拣参一钱 熟石膏四钱 净知母二钱 炙甘草一钱 淡竹叶二钱

梗米一撮,水煎,热服。

加味羌活散 治瘾疹作痒,世俗谓发风丹者是也。

川羌活 信前胡 芽桔梗 苏薄荷 陈枳壳 明天麻 香白芷 正川芎 净蝉蜕以上俱各一钱 官拣参 炙甘草各五分

生姜三片,水煎,热服。

搽药方

芸苔菜捣烂取汁,生铁锈、生大黄等分研末,以芸苔汁调涂之。

诸疮证治

《经》曰:诸瘾痒疮疡,皆属心火。世间疮痍疔疥,惟小儿最多。岂阳稚阳纯气,易与岁运火政相乘耶?抑不识不知,而寒温动定之乖其道耶?复有父母之遗毒,为儿终身之害者,可不有以治之乎?

小儿初生,遍身虫疥,与乎流水风疮,一皆

胎毒也。切勿外治,宜内服胡麻丸。倘误用搽洗,逼毒入腹,以致腹胀,危候也,急服解毒汤为佳。

凡头面遍体有疮,原未搽洗,而疮勿自平,更加痰喘气急者,切不可下,宜连翘丸解托之。

小儿未过周岁,无论一切疮疥,皆不宜擦洗,总以胡麻丸为主,至稳。

小儿生痈毒肿疔,皆气血凝而火热乘之。内服大补汤,外以紫金锭涂之。

颈上结核,肿胀发热者,内服胡麻丸,外以五倍子为末,圆水调敷,一日二易为妙。

[人方]

胡麻丸 治小儿风疮疥癣。

嫩苦参五钱 何首乌蒸 胡麻仁炒 蔓荆子炒 葳灵仙炒 荆芥穗焙 皂角刺炒,以上各三钱 石菖蒲炒 白菊花各二钱

上为细末,酒打米糊丸,每一二钱,量儿大小,竹叶煎汤调下。

解毒汤 治小儿疮疥,误用搽洗,逼毒入腹,以此托之。

润元参 净连翘 绿升麻 片黄芩 京赤芍 全当归 川羌活 荆芥温 淮木通以上各一钱 炙甘草五分

灯芯十茎,水煎,热服。

大便秘加酒大黄。

连翘丸 治小儿疮疥,毒陷入里,以此托之。

净连翘 桑白皮 白头翁 粉丹皮 北防风 川黄柏 青化桂 淡豆豉 海螵蛸 软秦艽 川独活以上各三钱

上为细末,炼蜜为丸,龙眼核大,每一丸,灯芯汤下。

大补汤 治小儿或生痈疽,出脓之后,或顽疮破烂,久不收口。凡一切溃痍,皆属不足,切不可再用寒凉。

官拣参一钱 嫩黄芪 正川芎 净连翘 香白芷 白云苓 大归身 漂白术 怀生地 赤芍药 炙甘草以上俱各① 一钱二分

每日一剂,生姜三片,大枣三枚,水煎,半饥服。

① 各,原脱,据光绪本补。

瘰疬证治

小儿瘰疬，由肝胆二经风热血燥而成，盖二经常多气少血。倘怒则肝火动而血热，肾阴虚则不生木而血燥，燥则筋病，累累然结若贯珠。其候多生于耳之前后，连及颐项，下至缺盆及胸破之侧，又谓之马刀。初起如豆粒，渐如梅李，或一粒或数粒，按之则动而微痛，不甚热，久之则日益以甚，或颈项强痛，或午后微热，或夜间口干，饮食少思，四肢倦怠，或坚而不溃，或溃而不合，皆由气血不足，往往变成疔瘡。此证本非外科，切忌刀针烂药取去其核。味者不识病源，误用烂药取核，不知肝胆二经内有相火，抑郁不伸而生瘰疬，为之益气养荣，疏筋散郁，犹恐不暇，何敢用刀针烂药，以致破烂不收，脓血交并耶？予目击其误治致死者，不可胜记。凡小儿患病，不可妄治，只宜内服单方，切忌取核，慎之戒之！

凡小儿颈项结核，或三五粒，十数粒，或痛或不痛，或热或不热。用墙根下凤尾草，梗如铁线而黑，叶似凤尾，本草内名石长生，即墙缝中所生小蕨其也。单取其根，水洗净，每用一两，以糯米浓酒一碗，瓦瓶浓煎，去渣服酒，每日一服，勿求速效。多则一月，少则二十日，其核全消，再不复发。此药气味平淡，更不苦寒，实为秘授，药贱而功弘，诚仙方也！

凡小儿耳之前后，忽有疮作核如杏核，大小不一，名马刀疮，为瘰疬之根。用桃树白皮，切三指大一块，刮去外皮，留内一层，贴疮上，以艾炷于桃皮上灸之，觉热痛即止，毋令伤皮，明日又灸，不数次而核消矣。

治小儿瘰疬未溃者，令内消，已破者，能收口，服此一月痊愈。用直僵蚕半斤，先用清水洗三次，去石灰净，晒干炒枯，另将晚米半斤炒熟，共研细末，米糊为丸，重一钱一颗，每日空心时，以夏枯草煎汤，儿大者二丸，小者一丸，研烂调服。常须以甘肥滋润之物滋泽之。

〔人方^①〕

紫霞膏 治瘰疬初起未成者，贴之自消；已成者，贴之自溃；已溃核存者，贴之自脱；并治诸

色顽疮，破烂不愈，疼痛不已者，俱皆神效。

用明净松香一斤，研末，鲜色铜绿二两，研末，以真麻油四两，入锅内先煎数沸，滴水中不散，方下松香熬化，次下铜绿，煎至白烟将尽，其膏已成，退火，倾入磁罐收之。凡用时，于热汤内顿熔，旋摊旋贴。

集成白玉丹 专治瘰疬破烂，多年不愈，连及胸腋。

《老子》曰：下士闻道，大笑之；不笑，不足以为道。此则世入闻方，大笑之；不笑，不足以为方。药则至贱不堪，功则神丹莫并。专治瘰疬破烂，连及胸破，臭秽难闻，三五载十数载不愈者，药到病起。用新出窑矿石灰一块，滴水化开成粉，用生润油调匀，干湿得中，先以花椒、葱煎汤，洗净其疮，以此涂之，不数日全愈，真奇事也。昔千道门一友，患瘰疬烂及胸破，十数载不愈。一愚人传此方，用之立应，后以治人，无不愈者，诚仙方也。

杨梅疮证附案^②

夫梅疮一证，以其肿突红烂，状如杨梅，故尔名之。西北人名天泡疮，东南则名锦花疮。盖小儿患此者，实由于父母胎毒传染而致也，然非寻常胎毒之可比。盖青楼艳质，柳巷妖姬，每多患此，而年少意兴，误堕术中。由泄精之后，毒气从精道乘虚直透命门，以灌冲脉，所以外而皮毛，内者筋骨，凡冲脉所到之处，无不受毒，此其为毒最深最恶。设初起之时，治不如法，去毒未净，而随至败坏，殒生者有之矣；或遗毒儿女，以致生而不育者有之矣。世人见此恶道，而不寒心知避者，愚亦甚矣！

小儿亦有不因遗毒而或。盖因偶伤湿热，即或患此，亦不过在皮肤肌肉之间而已。治之者，能知清热解毒除湿，自必全愈，无足虑也。

〔附案〕

予高友少处不慎，常发梅疮，治不如法，以

① 人方：原脱，据本书体例补。

② 附案：原脱，据本书目录补。

致毒气内伏，外虽愈而内成结毒。每夏月则手心多现紫疹，如鹅掌风样。及其生子，皆于月内二十七日，必发此毒。初从阴囊之下，红斑数点，似火丹之状；不数日，则延及遍体，皮肉溃烂，形类火烧。昼夜啼号，诸药莫救；延至半月，则精神竭脱而死。连生三子，有如一辙。友悔恨无及，力恳于予。予虽感其诚敬，而实不得其法，因静思熟计，恍然有得。盖此毒从泄精后乘虚透人命门，直灌冲脉，已为负隅之虎矣，而且盘踞多年，根深蒂固，何可动摇？倘剿捕不得其法，反致蹂躏疆场，损我民物。古人云：多算胜，少算不胜。苟非攻坚破垒，捣巢覆穴，不足绝其根株。因自制一方，名窜毒丸：以鲛鲤甲头尾、胸脊以及四足，各用鳞甲数片，取其穿山透穴，率领诸药直趋毒巢，则内而脏腑，外而经络，凡冲脉所行之地，无处不到，以之为君；用刺猬皮仍依上法，各取其刺，虽搜毒之功不如鲛鲤，而以毒攻毒，力则过之，故以为臣；用蝉蜕、蛇蜕，虽为解毒清热之需，实所以取其蜕脱之义，以之为佐；以芩、连、梔、柏清其雷龙之火；用皂角、土苓、槐花领毒外出，不使久留精窍，以之为使；复略加人参护其胃气，使之宣行药力，庶无溃乱壅遏之虞，以为四路救应。制而服之，诚所谓得心应手，针芥相投，药未尽而毒出，忽于左脚赚发一恶疮，皮肉紫黑，痛苦异常，号呼床第，一月方痊。嗣是手掌如故，所生子女，不特不发梅疮，而且毫无疥癣。可见病有万殊，理无二致。予素未谙外科，而能拔兹社鼠城狐之毒，恃此理也。倘无其理，而欲邀天下之幸，吾未能信。

小儿梅疮，最为恶候。倘发于一二月间，或半周之内，最难救治，以其毒禀先天，来路既远，方^①药难及，即日服数匙之药，杯水车薪，终难有济。昧者但以搽洗之法治之，适足以阻其出路，反致内攻不救。只当缓以图之，庶能保全。先以胡麻丸修制精细，每日服之，三七之后，内毒将尽，方用点药，不三日而疮尽愈矣。此法至神至捷，第不可用之太早，恐内毒未尽也。

[人方^②]

胡麻丸^③ 方见四卷诸疮证治。

梅疮点药

杏仁一两，热汤泡去皮，以绵纸包之，木槌缓缓捶去油，此物极难得干，必数十换纸，方得油净，以成白粉为度，谓之杏霜，每杏霜一钱，加人真轻粉八分，明雄一分，共研匀，先以槐花煎浓汤，将疮洗净，疮湿则以药干搽之，疮干则以公猪胆汁调搽，三日全愈，百发百中。此方不特治小儿梅疮，凡外科下疳疮、蜡烛疮，药到病除，久经效验。

[疮疥杂方]

凡半周一岁乳子，偶患疮疡，最忌外治。必先服解毒之药数剂，然后稍用外治，无不愈者。倘不先解毒而妄用搽敷，必致逼毒入内，反为大害，慎之！

治疥神方。大风子肉三钱、轻粉、明矾各五分，共为末，听用。先以腊猪油二两，入麻黄五钱，同人锅内熬之，以麻黄色黑为度，滤去渣，退火冷定，调前末搽之。

治癩^④痢白秃头疮方。用鸡蛋十个，去壳撑匀，入小锅，香油荡成一饼，乘热盖儿头上一时许，蛋冷取下，又将上而用油煎热，再覆头上，数次痊愈，妙不可言。

黄水头疮，即肥疮也，其疮黄水流下即沿生，渐至眉耳，不治则杀人。用黄连五钱，轻粉三钱，共为细末，麻油调成膏，涂粗碗内，须干湿得中，将碗覆转，下烧艾烟熏之，缓缓烧烟，熏至黑色为度，放地上出火毒，次加冰片三分，研匀，香油调搽，数次即愈。

一切无名肿毒，诸般火丹，热瘰湿疮。取阴地蚯蚓粪四两，皮硝二两，共研末，新汲井水浓调。厚敷患处，干则易之。

治热毒疮疥。用生石膏、生硫黄、陈细茶各二钱，共为末，以生腊油和药，捣匀搽之。

小儿诸般疔疮，生于而上及遍身，烂成孔白，俨如大人榔疮。于蒸糯饭时，甑蓬四边滴下

① 方：原作“力”，形近刻误，据光绪本改。

② 入方：原脱，据本书体例补。

③ 胡麻丸：原脱，据本节正论补。

④ 癩(shū鼠)：瘰疮。《正字通·疔部》：“瘰，瘰疮也。”

气水，以碗盛取，扫疮上，数日即愈。百方不效者，此法如神。

神治小儿热疮。用鸡蛋五枚，煮熟去白，专取蛋黄，再以乱发一团，如鸡子大，同入锅内，以炭火熬之，初甚干，次则发焦，乃有液出，久熬则液渐多，而黄发尽化而成液，以黄发尽为度，取起冷定，取涂疮上，即以苦参末糝^①之。此神方也。

神治小儿头上软疔，此疔愈而复发，至难除根。用枳壳一个，剥去穰，磨令口平，以面糊涂搽枳壳四围，安贴于疔上，于一边安一灯芯，以遍脓水，则脓自出，愈后枳壳自脱，更无痕迹。枳壳鲜者更妙，即臭橘子。树名铁篱笆，多刺而硬，人家园堦多植之以御宵人者。此方不独治软疔，凡久年顽疮、疔疮，不能收口，依法用之，无不愈者。

[汤火筒方]

凡汤火伤初起，即以食盐研末，用米醋调匀敷患处，频涂不绝，暂时虽痛，却能护肉不坏，然后用药敷贴。切不可用冷物塌，冷水洗，并凉药敷贴。予每见以冷水冲击者，使热气不得出，必

致内攻而不救，慎之！

凡汤火伤，闷乱不省人事，急以蜂蜜调汤灌之；若至重者，急以煮过好熟酒数十壶，入浴盆内，以患儿浸酒中。虽至重者，不死。

女儿火烧手，且𦘔𦘔^②至掌，即以酸醋升余浸之，出醋尚痛，少时痛止，不疮不脓不疤痕，奇方也。

神治汤火伤久经效验者，凡汤火伤烂，皮已脱去，惟有鲜肉，或臭烂不堪，诸药不治者，用猪毛一篮，以破锅炭火煨红，入猪毛在内煨之，少时猪毛消化而或黑液，取起冷定，略加大黄数钱，共研细末，再加冰片一分，研匀，香油、茶油、蜡烛油俱可调搽，至神至灵之方。

凡遭火药烧坏者，先以好酒洗净，次用鸡蛋黄熬油，听用，以大黄研末，鸡蛋油调搽即愈。

① 糝(sǎn 伞)：原作“渗”，据光绪本改。“糝”，散开，撒落之义。唐·李白《春感》：“榆荚钱生树，杨花玉糝街。”

② 𦘔𦘔(qínqín 侵侵)：渐进貌。宋·苏洵《审势》：“秦自孝公，其势固已𦘔𦘔焉日趋强大。”

幼幼集成卷之五

万氏麻疹

痘疹天元赋

痘本胎毒，俗口天疮。传染由于外感，轻重过于内伤。初起太阳，壬水克乎丙火；次归阳明，血水化为脓浆。所喜者红活鲜润，可畏者黑陷焦黄。势若燃眉，变如反掌。皮肤臭烂，血气虚耗。若救焚兮，徒薪何如焦额；似拯溺兮，落井不及蹇裳^①原乎一元肇化，二索^②成祥。欲火动而妄作，胎毒炽而流殃。啼声骤发，机毒深藏。命门养火，胞户收芒。待四时之疫疠，动五脏之皮囊。荣气逆于腠理，恶血发于膀胱。二火相煽，四大成疮。毒之轻者发则微，贵乎调养；毒之重者发则密，急于提防。至于运气推迁，有于胜复升降；时令乖异，无非寒热温凉。苟阴阳之逆理，为气候之反常。五行郁而灾见，九曜窒而变彰。疠气流行，无论郡邑乡党；恶毒传染，岂分黎庶侯王。此则不形于疹，贵在能制其亢。先事解散兮，十全八九；临时区处兮，止曰寻常。

大抵气运先岁，痘疹属阳。春夏为顺兮，乐其生长；秋冬为逆兮，恶其收藏。暴寒兮，恐邪毒之郁遏；暴热兮，虑腠理之开张。脓疱春而莫疗，黑陷夏以为殃。秋斑实恶，冬疹非祥。此逆四时之令，休夸三世之方。且如证候殊形，脏腑异状。肝主泪而水泡，肺主涕而脓浆。心斑红艳，脾疹赤黄。惟肾经之无证，惟变黑而可妨。所以观乎外候，因而辨其内脏。呵欠顿闷兮，肝木之因；咳嗽喷嚏兮，肺金之相。手足冷而昏睡兮，脾土困于中央；而目赤而惊悸兮，心火炎于膈上。耳聩^③属肾，温暖如常。二处烁热兮，下极火炎而必毙；四肢厥冷兮，中州土败而倾亡。

先分部位，次察灾祥。阳明布于而中，太阳行于头上。心肺居胸膈之要，肝胆主胁腋之旁。手足司于脾胃，腰背统于膀胱。泄泻者邪甚于下，呕吐者邪甚于上。气逆而腹痛隐隐，毒深而

腰痛皇皇。心热甚而搐搦，胃邪实而颠狂。鼻燥咽干，肺受火邪而液竭；尿硬溺涩，肾由火旺而精亡。气弱减食者，不任其毒；神强能食者，不失其常。

欲决重轻，但观发热。如占顺逆，须认其疮。毒甚兮身如炎火，热微兮体或清凉。若寒热之来往，定征兆之佳祥。数香施出兮，春回阳谷；一齐涌出兮，火烈昆岗。蚊迹蚤斑，刻期而归鬼籍；蛇皮蚕壳，引日而还泉乡。不喜朱红，更嫌灰白。最宜苍蜡，切忌紫黄。常要明润兮，恐薄嫩之易破；不宜干枯兮，防搔痒之难当。恶候如此，上工审详。而颊稀而磊落，清安可保；胸膈密而边串，凶吉难量。顶要尖圆，不宜平陷；浆宜饱满，切忌虚空。叶康^④颜色喜老而恶嫩，皮肤爱糙而怕光。焰起根窠，终防痒塌；丹浮皮肉，必主夭殇。头面预肿兮，三阳亢甚；手足厥冷兮，五脏摧伤。疮堆喉舌，毒缠颈项。咽喉痛而呼吸则难，饮食少而吞吐则呛。此天命之安排，岂人力之可仗。

烦躁闷乱兮，七神离散；谵语眩冒兮，五毒猖狂。鼓颌^⑤战栗兮肺败，咬牙口噤兮肾伤。渴不住兮焦膈，泻不止兮滑肠。失声兮咽烂，吼气兮腹胀。昼夜搔爬兮，将荣卫之外脱；乳食断绝兮，必胃气之受戕。肿忽消，毒归于里；色反黑，疗起于疮。食谷则呛兮，在婴儿之命促；饮水则喷兮，较医工之短长。

轻重反复，调理乖张。轻变重而可畏，重变轻而莫慌。风寒素慎，饮食如常。出入禁乎男女，

① 蹇裳，原作“宽裳”，据万氏《痘疹》改。蹇裳，揭脱衣裳。《楚辞·九章》：“蹇裳而濯足。”

② 二索，索，极也。二索即阴阳二极。

③ 聩，原作“聩(wēi委)”，不切医理，形近致误。聩，指髌骨和尾骨。《正字通·骨部》：“聩，尻骨也。尻，脊梁尽处。”从改。

④ 叶康，万氏《痘疹》无此二字。“叶”为“协”之古字，“叶康”即“协康”，协和康泰之义。

⑤ 颌，原作“项”，据光绪本改。

盖覆适其温凉。内无亡动，治不乖方。此则变轻之候，实为保命之良。若当犯乎禁忌，或误投乎丸汤。徒肆房室，不顺阴阳。外感不正之气，内伤不时之粮。平人且病，患者敢当。是以顺则逆而逆则险，宜乎轻变重而重则亡。

发自肺经，相连脾脏。气热味辛，燥金受克。形寒饮冷，华盖先伤。浩饮则水来侮土而成泄痢，过食则脾不运化而作痞胀。皮毛亏损，肌肉虚羸。起发迟而不胖壮，收靥缓而作脓疮。轻则延绵乎时日，重则泣送于郊邨。奈愚夫之不晓，致生命之夭亡。不信医而祷诸神鬼，枉杀牲而号呼穹苍。

药贵中病，医不执方。喜行温补者，动称乎文中；专用凉泻者，祖述乎仲阳。贵其因人而治，相时而行。正气为先，戒开门延寇；解毒为急，休视虎如狼。首尾不可汗下，法之固执；缓急各有权宜，治之经常。拘其绳墨者，如守株之待兔；惑于方书者，似多岐以亡羊。

且如红焮肿兮，凉血为上；灰白平陷兮，补气最良。出不快兮，责表实而发散可用；便或秘兮，贵里实而疏利何妨。毒不能速解，毒甚者，令微汗之散越；热不可尽除，热剧者，使小便之清长。三阴多寒兮，必投辛热；三阳多热兮，无过苦凉。安可恶寒而喜热，莫知贵阴而贱阳。

是故补气者参芪白术，养血者归芍地黄。发散表邪，轻葛根而重官桂；疏通里实，微枳壳而甚大黄。解毒兮苓连栀于，快斑兮荆防牛蒡。连翘药内之要领，甘草方中之君相。咽痛求诸甘桔，头痛^①取乎羌防。木通利其小水，人尿攻其黑疮。气逆兮青皮陈皮，胃寒兮丁香木香。泄泻无如苓术，呕吐莫若生姜。麦冬干葛而止渴，厚朴腹皮而消胀。望月砂退翳有准，穿山甲折毒无双。枳壳麦芽山楂子消宿食而克化，大黄干葛地骨皮解余热以清凉。咳嗽以枳桔又用杏仁，痢疾以黄连再同木香。苦参主乎热毒，溺白治其疳疮。用之合宜，工可称良。

其诸药物，各有主张。春夏桂枝而少服，秋冬苓连而莫尝。疮若干枯，白术非其所贵；色如红艳，黄芪岂可入方。里虚少食者勿投枳实，表虚多毒者休使生姜。汗自出兮，用干葛重虚其

表；溺本数兮，加木通再损其阳。泄泻酸臭兮，河蔻仁不宜轻用；呕吐清冷兮，连栀安得作汤。凡用苓连必资炒制，如加丁桂须假寒凉。应制伏而不诛无过，保和平而万寿无疆。

大势若平，余邪须讲。热毒流肝兮，双睛生翳；火邪入脾兮，四肢成疡。口内生疮兮，烂龈破舌；腹中作痢兮，腐胃败肠。皮肤嫩而洗浴太早，因以添热；脏腑虚而甘肥太过，遂致内伤。若中风寒，凝痰作嗽，如逢扫招，灌蚀归疮。

嗟夫！惟此证候，其苦非常。外缠皮肉，内连俯脏。改换形容，如蛇蜕皮龙蜕骨，淋漓脓血，若蚓在灰蟠在汤。轩岐置而未言，秦汉弃而无方。古无此证，或云起于建武；今有是疾，相传得于南阳。拘于日数者，不知轻重之责；执其偏见者，枉增虚实之防。本温再热，已寒又凉。徒自胶而必固，反致恶而见殃；泄骨髓之真诠，非其人而不授。宣肺腑之秘奥，牢记诵而莫忘。

痘疹西江月^②首

痘疹毒从何起？母胎火毒流传。生来秽物下喉咽，藏在命门里而。一旦天行时气，感令相火熬煎。毒从骨髓见皮间，彼此一般传染。

五脏各有形证，认时须要分明。往来寒热睡脾经，呵欠顿闷肝证。咳嗽喷嚏受肺，而红惊悸属心。惟肾清静忌邪侵，手足耳尻俱冷。

五脏各有一证，其间治法难同。肝为水泡肺为脓，大小疮形异种。脾证发为疹子，心经现作斑红。肾为黑陷病多凶，纵有灵丹何用。

痘疹要知顺逆，天时人事相随。大端阳火是根基，若遇阴寒不喜。春夏发而多吉，秋冬逆以何疑。如逢稠密必凶危，稀少方为平易。

治法而今不定，清凉温补分明。各持一见论纷纭，目曰予为神圣。解毒喜行凉泻，补中爱使辛温。不明时令与元神，枉自捕风捉影。

假令天时暄热，辛温助为灾殃。严凝凉解雪加霜，病者何如抵挡。壮实再行温补，虚羸又使寒凉。虚虚实实伐元阳，无异隔靴爬痒。

^① 痛：原作“肿”，据光绪本改。

^② 四十八，原作“四十九”，据目录及正文实数改。

看取时行疫疠，天时热气炎炎。精神肥健食能兼，解毒清凉甚便。若是风寒太甚，虚羸吐泻连绵。此宜温补法为先，又在医人活变。

痘疹要知轻重，吉凶顺逆精通。毒轻疮少顺家风，汤药不宜妄用。疮密毒重为逆，皮肤寸寸成脓。此般形证例多凶，仔细扶持休纵。

轻者三四次出，头面胸背稀疏。小便清利大便稠，饮食如常充足。重者遍身齐出，状如麻子麦麸。咽疼泄闷悠悠，饮食不思可恶。

多有先轻后重，只因触冒风寒。房劳不避秽腥干，食饮偏于冷暖。闲杂人带秽厌，诸般禽兽盘桓。庸工术浅误汤丸，反使痘疹变换。

重者变轻何以？常常和暖衣衾。房中谨密少人行，饮食随时添进。未见误投汤药，不曾妄啖酸腥。此为人事夺天灵，安可归于有命！

要识痘疮死证，无过五证分明。紫黑喘渴闷何宁，痒塌咬牙寒噤。灰白顶陷腹胀，皮嫩易破成坑。泄泻气促见鬼神，声哑头面足冷。

既识五般死证，其间吉病如何？疮头饱满作脓窠，任是推磨不破。四畔根盘红活，安眠静卧平和。光壮收靥不蹉跎，管取介疾勿药。

黑陷干枯肾败，咬牙寒战肝伤。失声喘气肺摧创，泄泻脾虚腹胀。痒塌闷乱心死，狂言见鬼神亡。皮嫩易破气无阳，便血阴崩模样。

首尾不可汗下，汗时腠理开张。风寒易入透斑疮，收靥不齐火旺。误下必犯脾胃，无事自取内伤。泄泻黑陷致倾亡，枉使神魂飘荡。

大抵痘疮未出，先须升葛参苏。如斯不出汗忙疏，红点见时药住。大便若还秘结，轻轻四顺相符。假饶自利伐无辜，定与阎罗掌簿。

调痘无过二法，补中解毒兼行。补中参术草芪苓，枳实山楂有应。解毒芩连梔柏，连翘枳实防荆。芎归养血妙如神，加减消详前定。

血气要分虚实，但于疮色推求。紫肿红焮血实由，四物内加解毒。灰白中陷气弱，四君子是良谟。略加解毒药相符，补气实脾无误。

但是痘疮初出，如逢热盛昏醒。解毒发散药先行，莫待临渴掘井。桔梗升麻干葛，连翘甘草黄芩。牛蒡梔子木通荆，蝉蜕防风作引。

若是如常潮热，只消干葛升麻。芩连甘草赤

芍加，牛蒡连翘无价。或用参苏饮子，青皮木香内加。煎来一服胜灵砂，痘见表疏才罢。

初热多生搔痒，急将导赤疏通。木通甘草与防风，生地黄连同用。再着辰砂调服，须臾救护朦胧。此方端的有神功，管取行之必中。

壮热不曾出现，大便秘结难通。颠狂唇裂眼珠红，此证凶危堪恻。急与芩连梔柏，大黄酒炒疏中。连翘牛蒡与木通，贯众射干俱用。

自此出而稠密，认他虚实调医。虚家泄泻色如灰，大补十全堪取。若是肿焮红绽，芩连梔柏芎归。翘蒡升葛桔甘奇，此个真机妙秘。

灰白不能起发，又加泄泻频频。温中妙药不宜停，急急扶危济困。当归黄芩芍药，甘草干姜人参。木香梔子及青陈，官桂丁香灵应。

毒甚常生咽痛，可怜饮食难尝。射干甘桔最相当，连翘升麻牛蒡。若是痘堆颈项，此名锁膈凄偏。一朝破烂命将亡，变作暗哑水呛。

起发状如蚕壳，干枯不见水浆。此名血竭毒归藏，不治必然命丧。当归地黄养血，参芪甘草温良。连翘牛蒡与木香，桔梗青皮发旺。

起发常将拈视，切防黑陷来攻。若然黑陷现其中，药点许多妙用。豌豆七粒烧过，乱发火煨和同。珍珠水浸胭脂红，针破搽之白肿。

药点反加黑陷，丧门吊客匆匆。百祥牛李与宣风，总是脱空卖弄。不如人猫鸡犬，四般屎煨和同。木香汤引妙无穷，妙法半文不用。

起发初生搔痒，比于痒塌争差。伤寒身痒表留邪，痘亦同兹休讶。治用疏风凉血，荆防翘蒡芎麻。地黄归葛蚊堪夸，竹叶木通无价。

大抵痘宜胀痛，最嫌虚痒相干。只因饮食湿邪攒，心火克而闷乱。外宜茵陈艾炬，内宜参术汤丸。若还痒止证方安，抓破面皮凶断。

何为正面怕痒，而含五脏精华。假如破损实堪嗟，气散魂飞魄罢。尤忌先伤正额，心经火带虚邪。几番试验不争差，寄语明人体察。

人相火位居正额，出现胖壮休先。果然额上痘蝉联，大抵凶而不远。喜是两颐口鼻，始终都在其间。任教稠密势弹绵，到底终无倾险。

起发成浆欲靥，忽然泄泻来攻。此时脾胃不宜空，变出百端可恻。多是内伤饮食，只求药有

神功。若还消肿泄淋脓，父母北郎泣送。

先用人参白朮，黄芪炙草煨姜，茯苓山药及木香，大荆煎来温养，不效次求豆蔻，木香芡实白朮。三番只有异功良，此实尽头酌量。

可取成浆欲痂，最防厌秽腥膻。大黄苍朮共烧焦，可解一切秽厌。内服调饮子，黄芪炙草人参。当归苍朮酒芩连，犯着荆防既变。

到得成浆痘熟，依时都要成痂。若还腐烂臭腥加，此是表虚堪讶。急进参芪归朮，荆防苍葛升麻。连翘牛蒡密蒙花，休得弄真成假。

若是痘疮熟烂，皮破脓血淋漓。内服归朮与参芪，牛蒡连翘官桂。外用多年败草，晒干研细成灰。铺开床席任施为，最解火邪毒气。

痘熟不能收较^①，反行破烂成疮。一时焦痛甚难当，请问如何发放？但取甘草滑石，辰州豆粉清凉。蜜调涂上便安康，此法不留书上。

有等痘疮纯正，缘何日久难收？请君仔细问根由，不可临时差谬。或是曾伤冷水，或因便秘结。一两般治法各推求，不枉青囊异授。

曾^②伤冷水，湿伤脾胃皆虚。脾应肌肉主中气，元怪血脉流注。可用参芪苍朮，青陈甘桔无拘。丁香官桂有方书，救里收表妙处。

如是大便秘结，三朝一七未通。此为热气内蒸烘，因此毒难开纵。内服归黄麻子，大黄略入相攻。再行胆导妙无穷，管取成痂去壅。

收后许多余证，医家须要分明。毒留肝脏目生疔，翳障瞳人隐隐。毒入肺脾痈肿，责归手足阳明。内伤外感要调停，免致多生怪病。

两目忽然肿痛，痘家毒入肝经。轻为浮翳掩瞳睛，重则终身废病。去翳菊花蝉蜕，蒙花蒺藜谷精。各为细末共和匀，汤煮猪肝作引。

痈毒发于肢节，常常脓血不干。不知调理早求安，废疾终身为患。内服千金托里，外涂太乙金丹。排脓长肉未为难，任是千金不换。

痘后不宜澡浴，痘疤皮嫩易伤。不知禁忌受寒凉，遍体热生痛僵。此因伤寒劳复，不宜官桂麻黄。只须九味羌活汤，次以补中调养。

痘后或伤饮食，致令腹痛非轻。不宜转下损脾经，消导方为对证。白朮人参枳实，黄芩大麦芽^③青陈。山楂白朮与砂仁，积化痛疼俱定。

痘烂不齐收靨，正面灌桶流脓。急防两目毒来攻，解毒清凉好用。酒炒芩连梔柏，连翘蝉蜕木通。升麻牛蒡苦参同，细研酒丸酒送。

大凡痘疮一证，名为百岁圣疮。如龙蛻骨换心肠，又似蝉蛻壳样。出现光壮收靨，落痂颜色相当。饮食寒暑顺阴阳，自此精神长旺。

痘疹^④ 顺险逆并五善七恶^⑤

顺证 气血冲和，痘毒宣畅，精神素健，食欲如常，不必施治。

险证 气血不舒，痘毒壅遏，或杂证搅扰，开落失期，速宜施治。

逆证 痘毒凝结，气血干枯，怪证丛生，病不对药，治之无功。

五善 一、饮食如常；二、大小便调；三、疮争红活，皮厚坚实；四、脉静身凉，手足温暖；五、声音清亮，动止安和。五者不能尽得，得一二亦自清吉。

七恶 一、烦躁闷乱，谵妄恍惚；二、呕吐泻利，饮食不能；三、黑陷焦枯，痒塌破烂；四、头面预肿，鼻煽肩抬，目张唇裂；五、喉舌溃烂，食入即呕，饮水则呛；六、寒颤咬牙，声嘶色黯；七、腹胀喘促，四肢厥冷。七者不必皆有，有一二亦自难为。

七恶之外，又有浑身血泡，心腹刺痛，伏陷不起，便溺皆血，寻衣撮空，是又卒死而不可救者。

痘疹总略歌凡一十一首，共一十五方

痘虽火毒肇胚胎，不遇天行不见灾。

郡邑若逢疵疠日，预施灵药解将来。

凡痘疹之证，皆由父母胎毒蓄于命门之中。

① 收较，光绪本，万氏《痘疹》并同此。疑明帝朱由检之讳，据文意当作痘疹“收敛”。

② 由：原作“出”，为避讳缺笔，据文意改。

③ 果是曾：原脱，据光绪本补。

④ 大麦：光绪本作“粗麦”。

⑤ 疹：原作“有”，据目录改。

⑥ 恶：“恶”下原有“之证”二字，据目录删。

命门者，下极丹田也，为人身生化之源。或遇冬温，阳气暴泄，入则感之，触动相火，至春夏生长之时即发，传染相似，是谓天行疫疠也。未出痘疹者，但觉冬温，宜先服解毒之药，如辰砂散、三豆汤、代天宣化丸之类，使毒气无倾伏留连之患。如脾胃素弱者，更宜调其胃气，间以四君子汤加陈皮、木香之属与之，使胃气和畅，荣卫流通，庶痘易出易靥也^①。

予按：代天宣化丸^②，即韩氏^③之五瘟丹也，苦寒克削，损胃败脾，纵能解疫疠之毒，未必能预解先天之毒，即使能之，亦只可行于藜藿稟实之儿。倘膏粱稟怯，不察妄投，吾恐毒未解而胃先损，痘未至而中已寒，预伐无辜，暗伤真气，及出痘时，反不能救，天枉相仍，咎将谁诿！盖藜藿稟实而毒轻，无俟于解；膏粱稟薄而毒重，势不能解。岂有先天之毒，深藏潜伏于命门之中，毫未发觉，而敢用此沉阴沍寒之品，预伐其生机，诚为危道，必不可行，即欲解之，又不若三豆汤之为得也。

欲知痘疹吉凶机，察色观形在细微。

年寿山根犹紧要，鲜明可喜黯青非。

痘疹未出之先，欲知吉凶轻重，但于面部推之。其色红黄明润者吉，青黑昏暗者凶。相书以山根管命官，年寿管疾厄，所以二处尤为紧要也。

汗下虽然谓不宜，刻舟求剑岂通医。

能分虚实知权变，可越乾坤造化维。

首尾不可汗下，诚痘科固执之言，然自其平证语之耳。若遇风寒外袭，应出不出，则汗剂仍不可少。如大便连日不通，烦闷狂躁，不与下之，宁不天人生命，是下剂之在所必用。但能消息虚实，与时权变，斯可谓之通医。

始终便溺自调嘉，便若艰难事可嗟。

腹胀喘呼多壅通，急行疏导免留邪。

此言可利则利者也。大抵痘疮始终小便清利，而大便滋润者为顺。若小便或秘，急宜利其小便，宜八正散；若大便秘结，速用通幽汤滋润之。

痘家脉证喜中和，徐疾由来不可过。

弦急浮洪为实候，微迟短涩属虚多。

夫人以胃气为主，脉亦当以胃气为主。脉有胃气，则气象中和，所谓弦不弦，石不石者是也。太过为实，不及不虚，最宜消息。

痘疹伤寒证一般，上工临证贵详端。

休将汗下轻相试，解表和中病自安。

痘疹发热与伤寒相似，但伤寒只见一经形证，若痘疹则五脏之证皆见。如呵欠顿闷，肝证也；乍冷乍热，手足稍冷，好睡，脾证也；而燥腮赤，咳嗽喷嚏，肺证也；惊悸不宁，心证也；尻凉耳凉，肾之平证也，若尻耳俱热，则邪伏肾经也。

痘疹虽然本属阳，往来微热始相当。

倘逢昼夜身如火，解毒须教小便长。

凡痘疹属阳，非热不成，故治痘不可尽除其热。如热太甚，毒未发尽，只宜解毒兼利小便，宜连翘升麻葛根汤。

食饮能多胃气充，自然荣卫两丰隆。

休言食少无他虑，但恐脾虚毒内攻。

痘疹始终能食者，其人脾胃素强，自然气血充实，易壮易靥。若一旦食减，即宜询问。或咽喉肿痛，宜甘桔汤；伤食者，橘皮汤；若非已上二证，因脾胃多弱，不能消食者，宜参苓白术散运用之。

最宜安静号平和，表里无邪心自清。

忽尔躁烦宜审谛，更防神爽欠分明。

痘疮以安静为贵，此表里无邪，不必服药。但有烦躁，必毒气壅并，表里不宁，宜审谛之。如搔爬不宁，疮痒也；心神不宁，里热也；呻吟不止，疮痛也。非折肱之手，莫能识其病情。已上治疗见后。

四时分治证须真，暑湿风寒各有因。

异气莫教轻触犯，灾危反复立缠身。

大凡治病之道，春夏养阳，秋冬养阴，故春病治在肝，夏病治在心，秋病治在肺，冬病治在肾，不可逆也。治痘之人，切须识此。如天有烈风暴雨，酷暑严寒，常要谨其帷幙，适其寒温，

① 靥也；原脱，据万氏《痘疹》补。

② 丸：原脱，据上文补。

③ 韩氏：指明代医家韩悉，“五瘟丹”见《韩氏医通·方廖无隐章第八》。

寒则盖覆欲厚，热则居处欲清。苟伤热则血气淖泽，疮易腐烂；偏寒则血气凝滞，疮难起发。若有触犯，轻则变重，卒生异证，是谓灾怪。如暴风连日，病见伤风之证，治以桂枝葛根汤；如寒威凛烈，病见伤寒之证，治以正气散；若酷暑熏蒸，病见热证，治以人参白虎汤；倘值久雨侵淫，有受湿之证，泄泻身重，治以胃苓汤。

治痘皆言在补脾，补中有害少人知。

虚虚实实体轻放，审症施方贵合宜。

凡痘疮始终以脾胃为本。若饮食如常，六腑充实，不须服药，若补其脾，反增烦躁，为害匪轻；倘不能食，常多泄泻，此气虚也，宜四君子汤助之可也。

[人方]

辰砂散 预解时行痘毒。

镜面砂一钱，研末，水飞 干丝瓜近蒂三寸，连皮带子，烧灰存性

上研末，蜜水调，分三次服。

三豆汤 预解痘毒，不损元气。

红饭豆一升 黑大豆一升 鲜绿豆一升
生甘草三两

上以三豆淘净，甘草切碎，入雪水八升，若无雪水，以长流水代之，同煮豆熟为度，去甘草，将豆晒干，又入原汤内，再浸再晒，汁尽为度，逐日取豆与儿食之，最解痘毒。

代天宣化丸即五瘟丹。 预解时行疫病，传染相似，并治痘毒。

人中黄属土，甲己之年为君 片黄芩属金，乙庚之年为君 川黄柏属水，丙辛之年为君 黑杏仁属木，丁壬之年为君 雅黄连属火，戊癸之年为君
鲜苦参佐 荆芥穗佐 北防风佐 净连翘佐
山豆根佐 牛蒡子佐 家苏叶佐

前五味，视年之所属者以为君，其余四味以为臣。为君者分两倍之，为臣者半之，为佐者如臣四分之三。冬至之日，修合为末，取雪水煮升麻汤，加竹沥在内，煮神曲糊为丸，龙眼核大，用辰砂、明雄黄^①为衣，每服一丸，竹叶汤下^②。

制人中黄法：取大甘草不拘多少，纳于新竹筒中，紧塞其口，放在粪缸中，浸七七日，取起，晒干听用。

八正散 治痘疹小便秘涩，宜清心火，利膀胱。

淮木通 白滑石 小甘草 净连翘 绿升麻 结猪苓 赤茯苓 陈瞿麦 淡竹叶以上各一钱。

灯芯十茎，水煎，热服。

通幽汤 治痘疹大便秘结，宜润肠凉血降火。

紫草茸 当归尾 怀生地 火麻仁 陈枳壳 酒大黄 尖槟榔 鲜红花 桃仁泥俱等分 生姜一片为引，水煎，热服。

连翘升麻葛根汤 治痘毒不能尽发，宜升托之。

净连翘 绿升麻 粉干葛 京赤芍 芽桔梗 洒黄芩 黑杏仁 淮木通 麦门冬 牛蒡子 白滑石 炙甘草
淡竹叶七片，灯芯十茎为引，水煎，热服。

加味甘桔汤 治痘疹不能饮食，由咽喉作痛。

大甘草 芽桔梗君 牛蒡子 鲜射干 绿升麻 荆芥穗

灯芯十茎，水煎，热服。

橘皮汤 治痘疹不能饮食，由伤食所致。

广陈皮 杭青皮 陈枳壳 南木香 生甘草 山楂肉 白云苓

麦芽一撮为引，水煎，空心服。

参苓白术散 治痘疹脾胃虚弱，不思饮食。

官拣参 漂白术 白云苓 粉甘草 京楂肉 真广皮 芽桔梗^③ 南木香

砂仁三粒为引，水煎，半饥服。

桂枝葛根汤 治痘疹初起，伤风咳嗽自汗。

柳杨桂 京赤芍 粉干葛 北防风 炙甘草

生姜三片，大枣三枚，水煎，热服，略暖盖覆。

正气散 治痘疹初起，因伤于寒，作热无

① 黄：原脱，据光绪本补。

② 下：此前光绪本有“化”字，义胜。

③ 梗：原作“桔”，涉上字致误。据本书药名常例改。

汗,头身痛,肢强。

漂白术 广陈皮 川厚朴 南木香 净麻黄
柳杨桂 炙甘草

生姜三片,大枣一枚,水煎,温服。

人参白虎汤 治痘疹初起,夏月伤暑,大热烦躁作渴。

官拣参 净知母 熟石膏 陈香薷 大麦冬
藿香叶 白扁豆 淡竹叶 炙甘草

粳米一撮为引,水煎,热服。

胃苓汤 治痘疹初起,伤湿泄泻身重。

漂苍术 广陈皮 紫厚朴 漂白术 白云苓
结猪苓 宣泽泻 嫩桂枝 炙甘草

灯芯十茎,水煎,热服。

四君子汤 治痘疹脾虚食少,更多泄泻。

官拣参 漂白术 白云苓 炙甘草

生姜三片,大枣三枚引,水煎服。

四物汤 治痘疹能食,大便秘,疮红肿。

白当归 正川芎 杭白芍 怀生地

生姜一片引,水煎,热服。

发热证治歌凡一十五首,共二十五方

痘疮初起身先热,轻重吉凶何以别。

热轻毒浅吉堪云,热重毒深凶可说。

凡发热乍进乍退与微热者,其痘必稀而轻,毒亦浅,不必服药;若蒸蒸作热,烦躁昏眩,其痘必密而重,毒亦深,宜发表解毒托里,加味葛根汤。

初逢热渴邪藏里,切忌冰瓜与冷水。

生津止渴是良图,小渴任之而已矣。

凡发热作渴,因痘毒内蒸,销其津液,故令口干而渴。微者频以炒米汤与之,切不可冷水、冻柿、柑、梨、西瓜、菱角之类,食之反伤胃气,亦不可以椒姜汤饮之,恐生疮毒而有他变。渴甚不止,宜解毒葛根汤。

如痘已出齐,或起发,或收靨而渴不止者,宜人参麦冬散。

如泄泻不止而作渴者,此脾胃虚弱,津液枯也,宜七味白术散。

腹痛刚逢发热时,毒攻于里报君知。

大肠秘结须攻下,莫待临危悔已迟。

书云:发热腹中痛,痘疮毒内攻。发多生不久,发少更防痈。可见痘疹腹痛,即是毒气内攻,便当托里化毒为上,不可逡巡以生他变。若饮食如常而腹痛者,宜化毒汤。

如大便秘结,烦躁作渴而腹痛者,宜三黄解毒汤;若泄泻而腹痛者,宜建中托里汤。

发热腰疼毒伏留,凡人逢此得优游。

人参败毒真奇绝,痛减疮稀病可瘳。

凡痘疹发热腰痛,其证最恶,速用人参败毒散托之。服药后痛止者吉,不止者凶。

初时发热多风搐,要识病源属肝木。

木能胜土又归心,风火相争脾不足。

凡痘疮发热有作搐者,因木邪盛而侮土,以导赤散加辰砂服之即止。此痘甚好,以搐搦发散于四肢故也。

如痘应出不出,而搐搦不止,宜泻青导赤散解之。服药后搐止,但心烦啼叫,用麦冬导赤散清之。

若痘已收靨,余热不退而作搐,此大虚之候,多不可救,但父母不忍坐视,强而治之,当以宁神汤合抱龙丸,倍加人参服之。轻者可愈。

热时吐泻相兼作,上下毒伸无郁遏。

三焦火盛热中求,日入须防脾胃弱。

凡痘疮发热,有呕吐者,有泄泻者,有吐泻兼作者,不可骤止,令毒上下得出。但痘疮现形,吐泻即止者,吉兆也。如久不止,先以理中汤和之;如仍不上,以豆蔻丸止之。服药后吐泻既止,更服调中汤,使脾气实,其痘易壮易靨也。

狂言躁扰疑逢鬼,神识昏迷热在里。

镇心解毒以平期,谵妄不休应不起。

凡痘疮发热,妄有所见而谵语者,或昏昏好睡,梦中呓语喃喃,或狂走,寻衣摸床,皆毒气内攻,神识^①不清所致也,急用镇心解毒之药,以辰砂导赤散主之。服药神情复旧者吉,不止则凶,不可治也。

浑身发热四肢寒,脾胃虚衰阴冷干。

益气补中应令暖,仍前疮盛急寻棺。

凡痘疮浑身宜热,独耳尻二处宜凉。所以痘

① 识:原作“室”,据光绪本改。

疹之证，头宜凉，手足宜温。若反冷者，此脾胃虚弱也。四肢脾胃所司，宜补中益气，扶其中气斯可矣。

发热熏蒸血妄行，不知何通血如倾。

但从鼻出方无忌，别道来时祸立萌。

人身之血，不可妄动，痘疹之火，熏烁于内，迫血妄行，随火而动，或从口出，或从大小便出，皆死证也。但从鼻出者，或有可救之机，宜玄参解毒汤清之；若烦躁闷乱，出血不止，此阳痘出血之证，多不可治。

晨昏发热汗无歇，口舌生疮唇破裂。

咽喉塞痛食难尝，方用黄连及甘桔。

凡痘未出而热不止，昼夜烦躁，口舌生疮，唇裂咽痛，此毒水熏蒸，其热甚急，治不宜缓。急以黄连解毒汤合甘桔汤治之；服药不效者，不治。

微微热汗吉之机，腠理疏通毒发稀。

但恐汗多阳气弱，调元固胃效无速。

凡痘疹发热自汗，此不必治。盖腠理疏通，毒气发越，无郁遏也。所以古人喻庖人蒸笼之法，但欲其松耳。如恐汗出太多，卫气反弱，痘疮不能成就，用调元汤以止之。

恶热憎寒且战兢，表虚邪正两相凌。

但将柴葛加官桂，升散余邪吉可称。

痘疹所忌者寒战，如发热之时，憎寒振振战动者，其人表气素虚，痘疹欲出不出，留连于肌肤之间，邪正交争。振战，火之象也，宜柴葛桂枝汤升散之。

发热绵绵不现形，其间凶吉费调停。

解肌托里须斟酌，施治详明内外宁。

凡痘发热三日便出者，常期也；如过四五日犹不出，热势绵绵无休歇者，吉凶之兆未可卜也。急与解肌托里，分内外治之，疏者吉，密者凶。

如劳苦之人，皮肤粗厚，腠理闭塞，及风寒外感，疮为外邪所遏，不易出者，此外因也，宜麻黄解毒汤；如因虚吐泻，毒气内陷而不出，及伤饮食，陈物菹莖肠胃之间，与毒合并，郁而不出者，此内因也，体虚者，以托里十补汤托之；体实者，以枳实导滞汤微利之。

发表之时少定方，古人专用葛根汤。

能通权变知增减，何必劳劳问短长。

时师治痘，方其发热，但知用葛根汤，一见红点，便禁而不用。此乃不知权变者也。如痘见热除，表里无邪，所以不可再用葛根汤；若痘已见，热甚不退，此毒深于内，尚恐葛根汤^①力小，不足胜任，宁可止而不饮耶！

解毒升麻汤最良，红斑虽见饮何妨。

时师胶柱无通变，一见红斑未敢尝。

凡痘发热，初用解毒之剂，详见各条之下，此不重赘，但附葛根汤加减之例于后，俾临证择用可也。

[入方]

加味葛根汤 治痘初热，毒气深重，大热眩晕。

绿升麻 粉干葛 京赤芍 炙甘草 荆芥穗 北柴胡 牛蒡子 白桔梗 净连翘 淮木通 北防风

如大便结加紫草、红花；作渴加麦冬、花粉；腹痛加酒大黄；或秘结亦用酒大黄解之。

水一碗，淡竹叶七片为引。

解毒葛根汤 治痘疹初热，口渴不止。

粉干葛 天花粉 绿升麻 杭麦冬 怀生地 酒黄芩 粉甘草 茅根汁

水煎众药熟，以茅根汁对服。

人参麦冬散 治痘已出，或收或靨，而渴不止。

官拣参 杭麦冬 粉干葛 漂白术 天花粉 酒黄芩 炙甘草

水煎，以竹沥，乳汁对服。

七味白术散 治痘因泄泻，津液不足而作渴者。

官拣参 白云苓 漂白术 南木香 藿香叶 炙甘草等分 粉干葛君

水煎，徐徐代茶饮。

化毒汤 治痘初起，饮食如常，别无他证而腹痛。

粉干葛 杭白芍 杭青皮 广木香 陈枳

① 汤：原无，据上文补。

壳 京楂肉 净连翘 炙甘草

水煎,热服。

三黄解毒汤 治痘初热,烦躁作渴,大便秘结腹痛。

酒黄芩 酒黄连 紫草茸 鲜红花 小枳实 淮木通 小槟榔 酒大黄
水煎,滚热服。

建中托里汤 治痘初热,因泄泻而腹痛。

官拣参 炙甘草 绿升麻 粉干葛 白云苓 陈枳壳 芽桔梗 小川芎 北柴胡 川独活

水煎,姜引,加竹沥对服,或五苓散加独活亦可。

导赤散 治痘初起,发热作搐。

大生地 淮木通 苏薄荷 北防风 炙甘草 镜辰砂另研

灯芯十茎引,水煎,以辰砂末调服。

泻青导赤散 治痘应出不出而作搐。

当归尾 淮木通 黑梔仁 川羌活 北防风 小川芎 酒黄连 生甘草

淡竹叶七片,灯芯十茎引,以竹沥对服。

麦冬导赤散 治搐搦后,心烦啼叫不宁。

淮木通 杭麦冬 黑梔仁 生甘草
灯芯引,水煎服。

宁神汤 治痘后作搐,至危之候。

石菖蒲 白茯神 黑梔仁 川雅连 淮木通 官拣参 炙甘草

灯芯十茎为引,水煎,人竹沥,人参汤对服。

抱龙丸 合前宁神汤,治痘后搐搦。

胆南星四钱 天竺^①黄五分 真牛黄三分 明雄黄五分 镜辰砂二分

共为末,甘草煎浓汤,煮而糊为丸,不用磨香,以痘疮忌磨故也。

理中汤 治痘已现形,而吐泻不止。

官拣参一钱 漂白术二钱 炙甘草一钱 绿升麻一钱

煨姜三片,大枣三枚,水煎服。

豆蔻丸 治痘出吐泻,服理中汤不止者。

南木香三钱 西砂仁二钱 石龙骨五钱 白枯矾七钱 肉豆蔻面包,煨,五钱 赤石脂煨过,

七钱五分 诃子肉净肉,五钱

共为末,米糊丸,如胡椒大。三岁儿十九,四岁以下二十九,陈米饮下。

调中汤 治吐泻既止,速调中气。

官拣参 炙黄芪 漂白术 杭白芍 南木香 广陈皮 炙甘草

大枣三枚为引,水煎服。

若三焦火盛者,又当甘凉之剂解之,不在此例。

辰砂导赤散 治痘毒内攻,神识不清,或谵妄狂感。

官拣参 正雅连 黑梔仁 漂白术 淮木通 大麦冬 辰朱砂另研

灯芯十茎,水煎,人竹沥,调辰朱砂末服之。

补中益气汤 治痘初热,四肢厥冷,中气弱也。

官拣参 炙黄芪 漂白术 广陈皮 当归身 青化桂 炙甘草

煨姜、大枣引,水煎服。服药后手足暖者生,逆冷不回者死。

玄参解毒汤 治痘初热,毒火熏蒸而见鼻血。

润玄参 枯黄芩 炒梔仁 芽桔梗 怀生地 粉干葛 荆芥穗 炙甘草

水煎,人茅根汁,加京墨磨浓调服。

黄建解毒合甘桔汤 治痘烦热不止,口舌生疮,咽喉痛。

酒黄连 酒黄芩 黑梔仁 熟石膏 芽桔梗 净连翘 南薄荷 荆芥穗 牛蒡子 生甘草

水煎,和竹沥服。

调元汤 治痘证自汗过多,卫气反伤,宜止之。

官拣参^① 炙黄芪 条黄芩 漂白术 杭白芍 杭麦冬 炙甘草

水煎服,如汗不止,加地骨皮、麻黄根,以猪心、肺煮汤,对前药服,更妙。

① 竺:原作“笠”,形误,据光绪本改。

② 官拣参:原作“大官拣”,据本书药名常例改。

柴葛桂枝汤 治痘将出而憎寒振战，此毒气留连于腠理间也。

北柴胡 粉干葛 川羌活 大拣参 北防风
嫩桂枝 牛蒡子 炙甘草
淡竹叶十片，水煎，热服。

麻黄解毒汤 治痘未形，发热不退，腠理闭塞，及风寒外遏不出。

陈麻黄去根节，用蜜酒炒黑 川羌活 绿升麻
荆芥穗 粉干葛 北防风 净蝉蜕 芽桔梗
牛蒡子 炙甘草
水煎。入烧过人尿同服。

托里十补汤 治痘因泄泻，毒气内陷而不出。

官拣参 炙黄芪 当归身 紫川朴 芽桔梗
青化桂 正川芎 北防风 香白芷 炙甘草

水煎，调牛蒡子末服。

枳实导滞汤 治痘因伤饮食，郁滞而不出。

小枳实 净连翘 法半夏 酒黄连 山楂肉
炙甘草 紫草茸 酒大黄
水煎，调槟榔末服。

升麻葛根汤 治痘证初热，将出未出，以此助其升生。

绿升麻 粉干葛 白芍药 炙甘草

口渴加天花粉、杭麦冬、丝茅根汁；腹痛加小枳实、淮木通、山楂肉；腰脚痛加^①漂苍术、川黄柏、川羌活、淮木通；头痛加小薰本、香白芷；楂榻加淮木通、水竹沥、苏薄荷、净连翘；泄泻加官拣参、漂白术、白云苓、怀山药；谵妄加石菖蒲、黑梔仁、淮木通、辰砂末；四肢冷加官拣参、炙黄芪、黑姜炭、青化桂；呕吐加漂白术、白云苓、法半夏、广陈皮；衄血加润玄参、黑梔仁、枯黄芩、茅根汁；咽痛加芽桔梗、牛蒡子、鲜射干；咳嗽加广陈皮、家苏叶、陈枳壳、信前胡；大便秘加怀山药、紫草茸、鲜红花、当归尾；多啼哭加淮木通、黑梔仁、正雅连、大麦冬；吐舌弄舌证并加正雅连、北防风、黑梔仁。已上皆用净水煎服，随证加味用之。

见形证治歌 凡一十八首，共一十八方

发热三朝痘出稀，方为毒浅吉之机。

先期痘甚浑无制，过此多因血气微。

凡痘发热三日而出，常期也。出而稀者，不须服药；如发热一二日即出者，此毒气太甚，冲击荣卫，一齐涌出，难以制服，大凶之象，必欲治之，不过消毒救里，使无陷伏耳，宜消毒快斑汤。

如过期四五六日始，此血气本虚，不能载毒使出，当补中托里发表，宜增损八物汤。

痘出迟迟有数般，皮肤闭塞属风寒。

里虚吐泻宜分治，痘壅三焦治却难。

凡痘出有常期。若应出不出，或外感风寒，六腑闭塞，不能即出，其证头眩身痛，发热无汗，喜盖覆偎倚怀中，此恶风寒之象也，当发散之，宜加味参苏饮；若曾经吐泻，里虚不能快出，宜加减调中汤。

如发热烦躁，狂妄大渴，唇燥舌裂，此毒气壅并，留而不泄，毒火郁于三焦，荣卫不行，上下不通而死矣。

应期不出事如何，发表诸方切忌讹。

腹胀便坚烦躁甚，消斑承气理沉痾。

凡痘疹应出不出，或外感风寒，内虚吐泻，治各不同。如前参苏饮、调中汤、败毒散、葛根汤之类，皆良法也；若热甚腹胀，气粗烦躁闷乱，大便秘结，此毒火内蓄，急以消斑承气汤解之。

痘出身凉吉可期，如逢炽热履明夷。

终朝渐密无空隙，怪证丛生必定疑。

痘疮之热，毒火为之，未出之先，毒火在内，故发热于外；既出之后，其毒发外，热当尽退，毒本轻而痘亦稀也。若痘既出，热仍不退，是毒积于中，未可为轻，急用解肌化斑汤^②升托之；服药后热渐退，方可言吉，更不退，其痘累累而出，痘空中，始虽稀而终朝渐密，最怕生出他证，或狂妄，或泄泻，或腹痛，或搔痒，或失声，或错喉干呕，或喘促黑陷，皆不可治。

出现先观面部中，其间凶吉最难通。

① 加：原脱，据光绪本补。下脱迳补。

② 汤：原脱，据光绪本补。

远唇夹颊方为吉，额上眉心未可逢。

人之面部，五脏精华皆见于此。故左颊属肝木，右颊属肺金，额属肾水，鼻属脾土；又正额太阳脉之所会，唇颊阳明脉之所经，两耳旁少阳脉之所过。痘为阳毒，故随阳位而见于面。但阳明胃与大肠，积陈受污，气血俱多，先于其部出疏者吉；若太阳则水火交战之位，少阳则木火相并之冲，若于其位出现者凶。不但出形忌于正额眉间，耳之前后，凡起灌收靛，但从此处先者，皆逆象也。

头为元首至称尊，更有咽喉闾辟门。

若使痘疮多出此，蒙头锁项受灾连^①。

《经》曰：头者，精明之府。五脏精华皆现于而，至尊至贵，不可凌犯者也；咽者，胃脘水谷之道路，主纳而不主出也；喉者，肺管呼吸之往来，主息之出入。人非此则水谷绝，呼吸废而死矣，故谓闾辟之门。痘疮最要头项稀少，如头面多者，谓之蒙头；咽喉多者，谓之锁项。蒙头则视听昏废，神明失居；锁项则内者不出，外者不入。正所谓神出则机息，气止则化绝，死之兆也。

头面胸前痘欲稀，四肢虽盛毒犹微。

浑身碎密多惆怅，疏解妆知发散机。

头而诸阳之会，胸前诸阳之聚，脏腑受气之区。陈氏曰：痘疹轻者，作三四次出，头面稀少，胸前无，以清阳之分不可浊乱；至于四肢，虽为阳之本，乃身之役使，卒伍卑贱之职，故不畏其多也。若遍身稠密琐碎，急为解毒，疏通荣卫，令气得其均，血得其活，一齐起发，庶无干枯黑痿之变，用疏毒快斑汤，随证加减而调之。

痘疮磊落不须防，丛聚相粘定见伤。

蚕壳蛇皮生不久，蚤斑蚊迹祸难量。

凡痘疮初出，须看相去远近。若相去三五寸一粒者，轻证也，一二寸者颇密，如二三成丛者，必密而重，其候多变痒塌。如蚕之壳，蛇之皮者，此气至而血不随也，当行气补血，宜祛风匀气散；如蚤之斑，蚊之迹者，此血至而气不随也，当凉血补气，宜参芪和气饮。

一出形来艳色娇，定知皮嫩气虚枵^②。

溶溶破损生难久，个个成浆喜气饶。

痘疮出形，如平日正色者吉。痘色带艳而

赤，其后多皮嫩易破，痒不可救。但见带艳，即防后日痒塌之变，早用疏风固表消毒之药，使血气充实，邪火渐退，正气不亏，光壮干收，如期不乱可也，宜固阳散火汤，解毒固表。

最怕头焦黯色封，又愁皮嫩水溶溶。

头焦变黑多归肾，皮嫩须防痒塌攻。

痘疮初出，所喜明润而鲜，坚实而厚。若头焦带黑，此毒在血分，不急治之，则变黑归肾而难救矣，宜凉血解毒汤，解散血中之邪。黯，音晦，青黑色也。

若皮嫩器^③薄，此毒在气分，不急治之，则痒塌而死，宜加味固阳散火汤。

痘疮切要解咽喉，喉痹咽疮毒火浮。

但恐一朝封管俞，锁喉声哑枉营谋。

凡痘疮未有咽喉不痛者，如烟窗之状，火焚于下，焰升于上，宜乎作痛，宜鼠粘子汤，外用一圣散吹之。

惟恐斑疮入眼中，青煎黄柏妙无穷。

但观眼内多红赤，急泻心肝免损瞳。

痘疮之毒，第一防眼，所以古人用护眼之法，其虑深矣，宜黄柏膏涂之。

若眼内有红筋紫缠，或眼肿闭，多生眵泪，急泻心肝之火，宜蝉花散清解之。

痘疮只出一般奇，斑疹相参最不宜。

消疹化疹宜急解，倘仍不解势倾危。

钱氏曰：痘只一样为善。若已现形，间有碎密如芥子者，此夹斑也；皮内鲜红成块，此夹疹也，皆毒火熏烁于内，故使斑疮夹出于外，急宜解毒，使斑疮消散，痘得独成，宜荆防解毒汤消散之。

痘标才见两三窠，爬搔浑身痒痒多。

此是火邪留腠理，急清风火证应瘥。

凡痘初出之时，遍身作痒，爬搔不止，此火

① 连(zhūn 译)，困顿。《封神演义》第四十七回，“……堪怜那一位穿红的道人遭连，吾心不忍！”

② 枵(xiāo 消)：空虚。《正字通·木部》：“枵，凡物虚耗曰枵。”

③ 器：通“枵”。枵薄，原指布类的丝缕稀疏而薄，此以形容皮肤嫩薄之状。清《说文假借义证》：“《文选·养生》：‘则器然思食’注：‘器然，饥意也。’‘器’当为‘枵’之假借。”

邪留于肌肉皮肤之间，不能即出故耳。与伤寒不出汗作痒同，非痒塌之例也，宜泻心肝火邪，其痒自除，宜清风去火化毒汤升散之。

口中腥臭气冲冲，邪毒炎蒸肺作痛。

泻火清金须急用，淹延七日祸相从。

凡痘初出，若口中之气腥臭冲人，此肺中邪火熬煎炎燥，故令腥臭出于口，急与清金泻火汤解之。倘淹延不治，至七日而死矣。《经》曰：肺绝者七日死。此证之变，或失声，或喘，或干呕，皆其候也。

皮中簇簇如寒粟，肉肿隆隆似热瘤。

如此岂能延日月，哀哉不久返瀛洲。

凡痘初出，欲其颗粒分明，皮肉柔润。若簇簇生于皮间，似风寒粟子之状，此痘变于反掌，不待起发即隐而不见，啼叫烦闷而死矣。或有正面、腰背、胸膈、手足肿硬成块，似丹瘤之状，此证俟起发之时，其处疮先黑陷，破烂不能成^①浆，干硬^②而死，皆为不治。

出形未定先涵水，起发之时便戴浆。

脓水未成收唇急，休夸妙术有青囊。

凡痘初出一点血，血化为水，水化为脓，脓成而毒解，此自然之序。若初出之时，半为水泡；或将起发，便戴白浆；或脓水未成，忽然收较，此毒火太甚，失其自然之序。不应至而至，谓之太过，不久倒陷入里而死，无有治矣。盖不应至而至，所谓早发还先萎也，比之应至不至者，因其气血不充，尚有补救，所谓人夺天功，此则不相侔矣。

鼻如灶突面烘烟，皮似涂朱或橘然。

唇舌咽喉痘丛聚，任教和缓莫回天。

凡痘疮之证，始终归重于太阴、阳明；手太阴肺、手阳明大肠、足太阴脾、足阳明胃者是也。盖鼻者肺之窍，贵于滋润，面黑燥如灶突之状，火刑金也；面者阳明经所聚，贵于鲜明，面黑而枯，精华散矣；皮者肺之合，欲其色红白如常，色若涂朱，火之象也，或如橘柚，火极如土则黄矣；咽喉，肺胃之管龠；唇吻，脾之窍也；舌者脾之络也，痘甚于此，其毒极矣，安可治哉。

[人方]

消毒快斑汤 治痘未期而出，毒气太甚。

芽桔梗 荆芥穗 北防风 京赤芍 炙黄芪
 牛蒡子 当归尾 润玄参 净连翘 信前
 胡 淮木通 天花粉 炙甘草
 水煎，热服。

增损八物汤 治痘过期而出，气血虚弱。

官拣参 漂白术 炙黄芪 白当归 正川
 芎 牛蒡子 荆芥穗 京赤芍 净连翘 北防
 风 芽桔梗 粉干葛 炙甘草
 水煎，不拘时热服。

加减参苏饮 治痘应出不出，由外感风寒，玄府闭塞。

官拣参 家苏叶 粉干葛 广陈皮 信前
 胡 香白芷 芽桔梗 陈枳壳 川羌活 北防
 风 炙甘草
 竹叶十片为引，水煎服。

加减调中汤 治因吐泻，内气痿弱，痘出不快。

官拣参 漂白术 炙黄芪 南木香 上薄
 桂 白云苓 法半夏 广陈皮 炙甘草
 生姜一片为引，水煎服。

消斑承气汤 治痘因毒火郁遏，应出不出，大便秘结，宜下之。

锦庄黄 陈枳壳 川厚朴 片黄芩 川黄
 柏 黑梔仁 净连翘 淮木通 炙甘草
 热甚者加芒硝、紫草。
 生姜三片引，水煎，滚热服。

解肌化斑汤 治痘出热仍不通，由毒气未尽也。

绿升麻 粉干葛 淮木通 牛蒡子 芽桔
 梗 天花粉 地骨皮 荆芥穗 片黄芩 川黄
 柏
 大便结加紫草茸。
 水煎，热服。

疏毒快斑汤 治痘出浑身琐碎稠密。

官拣参 北防风 荆芥穗 净连翘 牛蒡
 子 当归尾 芽桔梗 赤芍药 炙甘草
 热甚加酒黄芩、酒黄连、地骨皮；渴者加粉

① 成：原脱，据光绪本补。

② 硬：原作“较”，据万氏《痘疹》改。

干葛、天花粉、大麦冬；气虚加炙黄芪、南木香；便坚加紫草茸、陈枳壳；溺赤加车前子、淮木通；食少加漂白术、京楂肉、广陈皮；痒者加上薄桂、南薄荷；腹胀加川厚朴、大腹皮；喘咳加净知母、桑白皮；泄泻加上薄桂、诃子肉、黑姜炭；作痛加白芍药、酒黄芩。

俱灯芯引，水煎，热服。

祛风匀气饮 治痘出如蚕壳、如蛇皮，由气至而血不随也。

官拣参 正川芎 大当归 赤芍药 杭麦冬 北防风 杭青皮 荆芥穗 南木香 上薄桂 炙甘草

水煎，半饥服。

参芪和气饮 治痘出如蚤之斑、蚊之迹，由血至而气不随也。

官拣参 炙黄芪 净连翘 牛蒡子 酒黄芩 粉干葛 净蝉蜕 当归身 淮木通 芽桔梗 炙甘草

水煎服。服后气血均随者吉；如旧者凶。

固阳散火汤 治痘出色艳而赤，切防痒塌。

官拣参 炙黄芪 炙甘草 绿升麻 当归尾 北防风 怀生地 淮木通 荆芥穗

大枣三枚为引，水煎服。

凉血解毒汤 治痘出头焦带黑，血分有毒，防变黑陷。

京赤芍 当归尾 怀生地 淮木通 牛蒡子 净连翘 紫草茸 芽桔梗 鲜红花 山豆根 生甘草

水煎。入烧过人尿服。

加味^①固阳散火汤 方见前。此加漂白术、云茯苓，减去生地黄。

鼠粘子汤 治痘出咽喉作痛。

鲜射干 芽桔梗 净连翘 牛蒡子 生甘草

水煎，入竹沥和匀服。

一圣散

苦参不拘多少，切片略焙干，研为细末，每用一二分吹之，甚效。若不早治，咽呛烦躁，吸门肿塞，水入则呛，食入则呕，咽哑失声，救之迟矣。

黄柏膏 治出痘预护其眼，免致痘疮入目。

厚川柏一两 粉甘草二两

研为细末，用新绿豆五合，汲新水三碗，浸豆一昼夜，去豆，入红花一两煮之，其水约减二盏，又去红花，然后入前二末，慢火熬成膏。每用敷眼胞上下，厚涂之，则痘疮不入眼矣。

蝉花散 治痘出两目肿闭，多生眵泪，此非封眼之时，急治。

净蝉蜕 密蒙花 酒黄连 当归尾 淮木通 草龙胆 北柴胡 正川芎 黑梔仁 北防风 白豆蔻

淡竹叶十片为引，水煎，热服。

荆防解毒汤 治痘出夹斑夹疹。

官拣参 北防风 荆芥穗 枯黄芩 牛蒡子 净知母 川黄柏 生甘草 润玄参 绿升麻 熟石膏 净连翘

淡竹叶为引，水煎服。服此斑疹仍不消者，不治。

清风去火化毒汤 治痘初出，风热作痒，表未解也，非痒塌之谓。

北防风 绿升麻 杭白芍 柳桂枝 荆芥穗 粉干葛 牛蒡子

淡竹叶为引，水煎服。

清金泻火汤 治痘出口中腥臭之气冲人，谨防肺痈。

净知母 怀生地 枯黄芩 熟石膏 芽桔梗 黑梔仁 杭麦冬 紫苑茸 淮木通 天花粉 生甘草

鲜桑叶七片为引，水煎，竹沥对服。

起发证治歌 凡二十六首，共五十二方

起发由来无定期，庸常计日强猜疑。

不知毒气分深浅，妄执方书只补脾。

时俗医云：三日发热，三日出形，三日起发。此鄙论也。盖毒气有深浅，元气有厚薄，出之先后，壮亦因之，大抵不出五六日间。彼毒浅气厚者，其起发常易；毒深气薄者，至五六日始壮者有之，未可以常期准也。俗医见其起发之迟，不

① 加味：原脱，据本节正论补。

认毒之浅深,概谓正^①气不足,妄用补脾之剂,殊不知曾因吐泻不能食者,补脾以助长可也,若无吐泻能食,六根坚固,复用补药,不免党^②邪为害,非徒无益,而反害之。

起发如期贵适从,过犹不及类皆凶。

先期痘出充肤腠,过后斑疮腹里壅。

凡痘疮起发,只在六七日,谓之得中。盖自发热算起,正当六七日也。如未及期面骤发,此毒火太甚,荣卫气虚,直犯清道而出,谓之邪气太过。法当固表解毒,以防痒塌之变,宜黄芪芍药汤。

如过六七日不起发,此脏腑虚弱,毒留于中,壅塞不出,谓之正气不及。法当托里解毒,以防倒陷干黑之变,宜内托护心散。

出形已定视根窠,红活充肥气象和。

倘若青干兼紫黑,急宜解托勿蹉跎。

凡痘出现已尽,时当起发,仅视根窠,以决轻重。如形充满,色红润,此气血和畅,毒气发越,大吉之兆,不须服药;若形扁而塌,色枯而黑,此气血多乏^③,毒气壅遏不能起,急用解毒托里之药,用十宣散内托之。

痘出稀疏正得宜,如斯平顺不须医。

若然稠密休轻易,解毒常常虑险危。

凡痘出稀少,不须服药;若稠密,其毒必盛,防气血不足,越发不透,渐生变易,当服解毒托里散。服药之后,红活光壮,此气血内实,毒不能留,即止后服;如服后病势淹延,此邪气盛正气虚,不能成就,宜屡服之。如服此药当起不起,此必有变,不可治之,反取怨尤也。

郭郭充肥完且坚,色多苍蜡或红鲜。

如逢破损多露薄,纵有良方恐莫延。

凡痘郭郭充实,皮囊坚厚,以指擦之,坚实不破,其色苍蜡而红活,皆顺证出,不喜干燥淫湿;若疮虽红鲜,反干燥而不充肥,此火甚而血不足,宜轻清之剂退火凉血,用四物快斑汤。

凡疮充肥而带湿浮,此湿盛而气不足,宜利湿补气兼风药治之。盖风能胜湿故也,四君^④快斑汤。

如疮红活充肥,以指擦之随破,此名皮嫩易破,后必痒塌不可治,宜大补快斑汤。

如当起发,如浮囊空壳,如蚕之壳,麦之麸,皮中无水色者,此血气俱虚,用大补保命汤^⑤治之。服药后,若转而润泽,中涵水色者可治;否则塌痒闷乱,叫哭而死矣。

形色须教着意观,紫红实热白虚寒。

倘然错认分毫处,咫尺云泥祸害端。

凡痘疮起发,须谛观形色,以定轻重吉凶。如根窠红润,顶苍蜡色者上吉;根窠红,顶灰白色者次之;根窠赤,顶亦赤而滞艳者,此火胜,用解毒泻火汤清之。服药色退者生,不退者凶。

如纯白色者,作寒论,此血寒气虚也,虚则补之,十全大补汤加丁香、鹿茸,回其阳气;四肢冷者加附子。

如纯紫赤色者,作热论,此血热气实。实者泻之,黄连解毒汤加犀角之类,以平为期。服药疮色回^⑥者,十死一生。

四围起发陷居中,阳气亏衰尚未通。

若是中枯成黑子,此各亲痘类非同。

痘疮起发,其形不一。有紧小而充实者,俗呼珍珠痘,此痘易壮易靨;有粗大而饱满者,俗呼天痘,此痘早壮迟靨;有四围起中心落陷者,俗呼茱萸痘,此痘有吉凶,有轻重。稀者轻而吉,密者重而凶。盖因中气不足,时日未到,但四围起发,而中心尚是好肉,未得起发耳,时日既到,自然充括而成血浆。轻稀者不须治,重密者用解毒化斑汤。若先有水,忽然干枯黑陷,此名疔痘,不可与中气不足同例论。

中心微起四围干,不久焦枯变一般。

毒火熏蒸津液竭,开关启俞治应难。

凡痘有中心微起含水色,四畔干枯者,此毒火熏蒸,津液枯竭,急以疔痘之法治之。否则尽枯,又复烦躁,叫哭喘渴者不治。

① 正:原作“五”,据文意改。

② 党:僭祖,私助。《论语·卫灵公》:“子曰:君子矜而不争,群而不党。”何晏《集解》引孔安国注:“党,助也。君子虽众,不相私助。”

③ 乏:光绪本作“滞”,据下文“乏”更切医理。

④ 四君:原作“四物”,万氏《痘疹》作“四君”,据改。

⑤ 大补保命汤:原作“大补快斑汤”,据万氏《痘疹》改。

⑥ 回:光绪本作“同”。

痘疔只为火伤阴，济急无如砭与针。

解毒透肌兼发散，胭脂四圣效应深。

大抵痘之初出一点血，此一点属正气，被毒气冲击，随腠理而出现，其后毒与血化为水，水化为脓，脓成毒解。若毒太甚，熬煎阴血，其血干枯而变黑色，不得化水，反闭塞毒出之路，以致毒气陷伏不得出，此名倒陷。其人烦躁腹胀，喘满口渴，多不可救。故古方外以针刺破，吮出其血，或用灯火粹之，无非欲其开关启窗，而使毒气得出也，宜四圣珍珠散治之。用药后，其疮便回者吉；如不回，反添黑陷，死证也，不可妄治。内服之药，有用穿山甲烧人牙者，药既非解毒发表之药，又无托里快斑之能，愚者执而用之，适足误事。又不若四圣快斑散，屡多奇效，

密斋曰：钱氏用百祥丸、牛李膏，必其人大便秘结，烦躁作渴，故宜服之。若其人大便自调，身无大热，则必不可用。今改去百祥丸、牛李膏，以宣风快斑散代之。服此以通为度，通后疮回，以四君子汤徐调之。若或因泄泻，其疮由灰白而变黑陷，此名倒靨，宜木香快斑散治之。

予按：痘中坏证，惟黑陷最恶。凡见黑陷者，大便未必自调，身体未必不热，神情未必不扰攘，宣风快斑散或可治其轻者；若大便秘结，烦躁闷乱，大热口渴，舌上黄黑者，舍百祥无以挽回。盖黑陷凶危之证，非峻厉之方，不足以制其猖獗。今仍加入百祥丸及枣变百祥丸、无价散、胡荽酒并外治忍冬汤五方，以便临证酌用。万氏钱氏，两存可也。

黑陷疮为坏证先，此名恶候古今传。

若教出现浑身上，卢扁无功莫怨天。

凡黑陷用以前治法，其疮红活，依期光壮，吉兆也；倘服药如故，则不可治。若痘本稀，其中起发者多，略有数个黑陷，可治；假如稠密，又不起发、或灰白、或紫赤、或青干、又加黑陷者，治之无功。

灰白迟延顶复平，紫红焮肿候须明。

且将气血分虚实，莫弃圆机执一行。

凡痘疮喜红活充实，若不红活充实，虚也；红肿太过，实也。假如灰白色，当起不起，而顶平陷者，此气虚也。必问其人初起证候，如初因吐

泻，不能饮食，其后泻止而灰白顶平者，此正气虚弱，宜十全快斑汤^①以补之。

如泄泻一向不止，用异功快斑汤兼豆蔻丸；如服以上之药，泄泻仍甚，用附子理中汤以温其中。

若其人素日虚怯，而吐泻不止，此元气不足，用补元快斑汤；如误用解毒寒凉，及误饮冷水者，用调中快斑汤。

若灰白色又加痒塌、顶陷、腹胀，此不治之证，假如红焮紫肿，血热也，宜凉血快斑汤。

若其人素实，初起误服热药，以致红焮紫肿，宜三黄解毒汤清解之；若紫赤变黑，喘渴不宁者，不治。

起发犹如饧饼铺，皮肤光若水精壶。

其人能食方无虑，不食将为鲍肆枯。

凡痘疮稠密，要依次起发，红活尖者吉；一齐起发，遍身白色如饧饼形，头目浮肿，此恶候也。但看其人之食饮何如，若能食，大便坚，小便清，无他证，往往延至日久，浑身皮脱而愈，若不能食，后加吐泻、热渴、搔痒，必死之证。能食者，宜服解毒之药，用助脾快斑汤扶其中气。

起发之时未试浆，口唇疮色早焦黄。

如斯恶候无人识，慢自矜夸强立方。

口唇，脾之候也。脾司运化以养血气，所以痘疮不宜脾胃受伤。如初出起发之时，浆水未试，口唇疮色内带黄浆，此恶候也。时人不识，喜其成浆，便呼为吉，不知六七日间，其疮先靨，剥落一层而死矣。

疮头起发浆先白，不问何经皆是贼。

慢夸妙手有仙方，七日应为泉下客。

凡痘由红点而水泡，由水泡而脓泡，而结痂，有自然之序。初起发时，头带白浆，此疫病也，不可治。

发时磊落最堪夸，相串牵连事可嗟。

若又四围添小粟，定然搔痒证来加。

凡痘起发，颗粒分明，尖圆磊落者吉；若彼此牵连成一片者凶。如上分气血虚实，用解毒快斑汤治之。或本痘起发，或于根窠四畔又旋出小

① 十全快斑汤，原作“大补快斑汤”，据万氏《痘疹》改。

者，攢簇本疮，成丛似粟者，不待养浆，即加搔痒而死矣。

起发时常验四肢，发而不透或凶危。

此缘脾胃多虚弱，发散还须当补脾。

凡痘疮宜视手足何如。若手足循序起发，此脾胃素强，毒气得越，不必忧虑；若遍身俱起，手足起不透，此脾胃本弱也。盖脾胃主灌溉四肢，今既虚弱，不能行其津液，使毒得越，所以手足起发不齐，宜补脾快斑汤助长可也。

起发之时贵谨扶，调和何必问医巫。

暑寒食饮须当慎，后悔噬脐莫可图。

痘疮有轻变重者，犯禁，或误医药，或犯风寒；有重变轻者，反是。然轻重吉凶之变，存乎起发之时，调护不可纵弛也。或遇暴风骤雨，迅雷闪电，即当以密布帟幔，紧饰房户，以防客风怪气之侵。如失调护，为寒凉所郁，不能起发，宜正气快斑汤。

凡痘起发之时，遇久阴雨不能起发，宜平胃快斑汤以燥其湿。

凡痘当起发，遇天气暄热，俗人不知，谓痘欲温暖，盖覆太厚，以致毒火郁遏，不得发越，此壮火食气，反虚其气，宜白虎快斑汤。

凡痘当起发，误伤生冷，以致脾虚不能起者，用理中快斑汤。

凡痘疮起发，内伤饮食，腹中饱闷或痛，以致中气郁遏，不能起透者，宜宽中快斑汤。

自此常宜大便坚，如常调理保安然。

若逢泄泻无休歇，寒热须教仔细研。

痘疮自起发之后，大便要坚，虽三四日一次亦无事；小便常要清利，若见小便赤少，宜四苓新加汤。

或有忽然泄泻，宜分寒热治之。视其所泄之物，或焦黄酸臭，此内热也，或伤饮食，宜胃苓和中汤。

若泄出之物，清白澄冷，里寒也，用附子理中汤。方见前。如久泄不止，用理中汤吞送豆蔻丸。方见前。

其人能食素脾强，大便虽溏也不妨。

但用补中消导药，六君加味信良方。

其人能食，虽有泄泻不能为害，当用补中之

药，宜六君子汤固其中气。

起发预防头面肿，大头时气可兼医。

疮宜磊落色宜润，反此倾危命必随。

凡痘疮起发，有头面由渐面肿，此毒气发越，聚于三阳，欲作脓血，故皮肉焮肿。此虽正病，亦当解毒、护目、救咽喉而兼治之，宜清毒化斑汤。

若头面不肿，必疮本稀疏磊落，痘根轻浅，虽作脓血，却不占处，故宜不肿，不必治之。

若痘稠密，应肿不肿，此毒郁于内，不能起发，急服托里快斑汤。服药后疮起者，吉；不起者，凶。

至于肿时，又要观其皮色如何。磊落红活者，吉；模糊黑暗灰色者，多不可治。

亦有痘将^①起发，便头目先肿，此天行疫疠之气，名大头瘟者是也。急解其毒，宜苦参散。

面肿头浮眼不开，如斯恶候实堪哀。

未应开处偏开早，搔痒频加凶祸来。

痘疮起发，头面浮肿，有不闭目者，但观其痘之轻重疏密。若疏轻者，目虽不闭亦不妨；重密者，其目要闭，宜闭不闭者凶。盖眼封鼻塞，神气内固面不外驰，吉兆也。但遇封眼之时，必待其收靥之时面后渐开可也；若未及收靥，渐生搔痒，而肿消目开者，大凶。

痛痒原来有实虚，痒虚痛实载于书。

都来痛者终为吉，诸痒难言吉自如。

大凡诸痛为实，痒为虚。谓之实者，邪气实也；谓之虚者，正气虚也。盖痘疮始终气以载之，血以养之，气血充实，则禁固其毒，不得横行，所以紧实而为痛也。痛乃美事，不须服药。苟欲治之，宜凉血芍药汤。

疮痘作痒，邪气横行，泛滥皮肉，不任条约，侵螫是为痒也。盖痘疮惟回头作痒，容或有之，此否极泰来之兆。若发热及养浆时作痒，皆危证也。内宜托里解毒之药；外用熏洗之法，令无致子痒塌破陷可矣。仍要分虚实治之，若能食而大便秘者，此邪气内实，正气外虚，宜加味四圣解毒汤，外用洗法。

^① 将：光绪本作“浆”。

若有泄泻而作痒者，乃正气里虚，邪气外实，宜调元托里汤，外用熏法。

起发之时渴又临，火邪内迫热偏深。

急宜解毒生津液，休得俄延向外寻。

凡痘疮起发，身上作热，不可除其热。若不热则痘不发，如热太过，甚于常时，唇焦口燥，小便^①短少，不可不治，宜导赤解毒汤微解之。

若痘疮作渴，此是常事。盖由胃中津液不能滋养本元，内则炽于毒火，外则灌润于疮，故宜渴耳。凡一切瓜果生冷之物，不可与食，惟炒米汤饮之为宜。若渴太甚，看其人虚实而治。

若饮食如常，大便坚实而渴者，此内热也，宜生津地黄汤润之。

若泄泻而渴，此内虚津液不足，不能上潮于口，宜七味白太散滋之。

声哑无音更咬牙，憎寒躁扰乱纷哗。

错喉干呕多昏闷，形气俱伤最可嗟。

痘疮始终要声音清朗，人事安静，五脏坚实，饮食如常。若起发之时，忽然失声咬牙，寒战烦躁，昏迷呛水，错喉干呕，痰气喘急，泄泻不止，腹痛闷乱，俱皆凶证。古人云：痘出而声不变者，形病也；痘未出而声变者，气病也；痘出而声不出者，形气俱病。将欲治之，诚难为力，咳嗽而失声者，非此论。

痘儿呕哕不堪闻，不是寒邪是火焚。

妄进汤丸如拙匠，内伤脏腑匪妖氛。

凡痘疮干呕无物，或时常哕逆，此脏腑内伤，冲任之火，上犯清道，故为呕哕之恶声。《经》曰：弦败者，声必嘶；木陈者，叶必落；病败者，声必哕。针灸无功，汤药无效，此之谓也。若饮食而呕，当分寒热而治。

如曾伤冷物，受寒气，此寒呕也，宜二陈理中汤；如未伤冷物及寒气，此热呕也，宜二陈一连和之。

若饮食哽塞而呕哕者，咽中有疮，必作痛，闭塞而呕，宜加味鼠粘子汤，外用控涎散吹之。

浑身痘密精神耗，补泻无功烦复躁。

狂言啼哭见鬼神，脏腑败伤天命到。

凡痘稀少，自然易壮。密者切防气血亏损，起发不透，即是病之所在。如前法治之，虚则补

之，实则泻之，在气补气，在血补血，随机应变，每中权衡，不可执方以误人命。若补泻无功，反增沉重，或啼哭不止，日夜呻吟，烦躁闷乱，狂言妄语，如见鬼神，此脏腑伤败，神魂离散，复何为哉！

[人方]

黄芪芍药汤 治痘起发太快，毒火作祟。

官拣参 炙黄芪 生白芍 酒黄芩 净连翘
北防风 牛蒡子 芽桔梗 粉干葛 荆芥穗
炙甘草

淡竹叶十片为引，水煎服。

内托护心散 治痘起发太迟，正气不足。

官拣参 大当归 北防风 酒黄连 酒黄芩
酒黄柏 牛蒡子 荆芥穗 淮木通 青化桂
净蝉蜕 炙甘草

便秘加大黄、紫草。

水煎。入烧过人尿调服。

十宣内托散 治痘起发之时，形扁塌，色枯黑。

官拣参 炙黄芪 全当归 正川芎 芽桔梗
荆芥穗 牛蒡子 北防风 炙甘草

大便秘加酒大黄、紫草；小便涩加木通；渴加花粉、麦冬、葛根。

水煎。人烧过人尿同服。烧人尿，痘科之圣药也。

解毒托里散 治痘出过于稠密，防起发不透。

芽桔梗 牛蒡子 荆芥穗 鲜红花 北防风
当归尾 净蝉蜕 绿升麻 粉干葛 赤芍药
净连翘 炙甘草

水煎。入烧过人尿同服，令易壮易靨。

四物快斑汤 治痘疮干燥，形不充肥。

全当归 正川芎 京赤芍 怀生地 绿升麻
粉干葛 净连翘 鲜紫草 荆芥穗 牛蒡子

水煎。和烧过人尿服。

四君快斑汤 治痘虽充肥，而带淫湿。

官拣参 炙黄芪 白云苓 柳桂枝 荆芥

① 便：原作“皮”，据光绪改。

穗 香白芷 北防风 广陈皮 杭白芍 炙甘草
草

净水煎,热服。

大补保命汤^① 治痘起发,皮嫩易破,防痒塌。

官拣参 炙黄芪 全当归 大川芎 赤芍药^② 怀生地 牛蒡子 炙甘草 北防风 连翘壳 柳杨桂

水煎。入烧过人屎调服。服后色退者,生;不退者,死。

解毒泻火汤 治痘出根窠红赤,顶赤带艳。

酒黄芩 牛蒡子 当归梢 黑梔仁 净连翘 山豆根 生甘草 芽桔梗 绿升麻 粉干葛 地骨皮

水煎。

十全大补汤 治痘出纯白色,此血寒气虚也。

官拣参 漂白术 白云苓 怀生地 青化桂 当归身 大川芎 杭白芍 炙黄芪 公丁香 嫩鹿茸 炙甘草

煨姜三片,大枣三枚引,水煎服。

黄连解毒汤 治痘出纯紫赤色,血热气实也。

正雅连 川黄柏 枯黄芩 黑梔仁 怀生地 牛蒡子

灯芯十根为引,水煎,热服。

解毒化斑汤 治痘四围起发,中心陷下为起。

官拣参 炙黄芪 生甘草 当归梢 正川芎 牛蒡子 北防风 浮连翘 荆芥穗

冬月加上薄桂。

水煎。入烧过人屎服。

四圣珍珠散 治痘疔。

新豌豆 新绿豆各四十九粒,烧灰存性 油头发一握,烧灰 海蚌珠七粒,研末

上将四味研为细末,用胭脂取汁,和上四末调匀,以针挑破其疔,纳药于中,更以胭脂汁涂四围,其疮色回者吉,不回反添黑陷者死。

四圣快斑散 治痘疮黑陷,解毒托里。

淮木通 净连翘 生黄芪 鲜红花 鲜紫

草 炒麻黄 人中黄 镜辰砂另研 丝瓜连蒂,烧灰 烧过人屎俱等分

共为细末,白汤调服二三钱。

宣风快斑散 治黑陷而身无大热,大小便调者。

淮木通 陈枳壳 尖槟榔 川大黄 牵牛末 生甘草俱等分

水煎服,以大小便通利为度。

木香快斑散 治由灰白而变黑陷。

官拣参 南木香 炙黄芪 青化桂 杭青皮 诃子肉 炙甘草 当归身 漂白术 广陈皮

姜、枣引,水煎服,中病即止。不可多服,恐增热证。

百祥丸 治痘黑陷,大小便秘,烦躁闷乱,咽急舌黑。

红芽大戟不拘多少,水煮极软,去骨,日中晒干,复纳原汁中煮汁尽,焙干为末,水丸如粟米大,每一二十丸研,赤脂麻汤下。

枣变百祥丸 治证如前,方稍缓。

红芽大戟去骨,一两 青州大红枣三十个,去皮核

上用水一碗,以前二味同煮,水干为度,去大戟不用,将枣肉捣烂为丸。从少至多,木香汤下,以利为度。

无价散 治黑陷由疫毒而致。

用人、猫、猪、狗粪等分,于腊月内烧灰,磁瓶收贮。用时以砂糖水调服二三钱。

胡荽即芫荽也。酒 治痘疹倒陷不起。

胡荽四两切碎,以好酒入瓶内,先煎一二沸,入胡荽在内,盖定勿煎,勿令泄气,放冷。每吸一口,微喷患者,从背至足,勿喷头而。病人常令闻此胡荽气。

外浴忍冬汤 治痘疮倒陷,黑陷不起。

忍冬藤,俗名金银花是也。春冬用枝,夏用枝叶,锉碎,以长流水一大釜,煎七分,将三分之

① 大补保命汤:原作“大补快斑汤”,与下文重出,据万氏《痘疹》改。

② 赤芍药:此下万氏《痘疹》有“荆芥穗”。

一置浴盆内，以手试之，温热得中。先服宜用汤药，然后浴洗，渐渐添汤，以痘起光壮为度，不拘次数。

予按：忍冬汤，治痘焦枯倒陷不起，诚为良法，第严寒时令，深为可虑。予尝见寒月当风浴洗，痘未起而作搐死者矣。盖伤于寒也，愚意必于帐中卷去被褥，用小盆盛汤，抱儿入帐中，垂帐以洗，则暖气熏蒸，断不致受寒生变。此法有益无损，不可不知。

十全快斑汤^① 治痘起发，由吐泻不能饮食而灰白。

官拣参 炙黄芪 漂白术 炙甘草 杭白芍
全当归 正川芎 南木香 上薄桂 广陈皮
藿香叶

大枣三枚为引，水煎，半饥服。

异功快斑汤 治痘证久泻不止。

官拣参 炙黄芪 炙甘草 漂白术 南木香
全当归 青化桂 广陈皮 公丁香 白云苓
诃子肉

大枣三枚为引，水煎，半饥服。

豆蔻丸 治证同前，服异功不愈者。

肉豆蔻煨 南木香煨 西砂仁炒 石龙骨煨
诃子肉煨 赤石脂煨，以上各五钱 白枯矾七钱五分

共为末，面糊为丸胡椒大，每服十五丸，米饮化下。

附子理中汤 治痘证中寒泄泻，粪色青白。

官拣参 漂白术 黑炮姜 熟川附 炙甘草

量儿大小加减分两，水煎，温凉服。

补元快斑汤 治痘儿脾胃元气素弱，而吐泻不止。

官拣参 炙黄芪 漂白术 全当归 炙甘草
当归土拌炒

姜、枣引，水煎服。

调中快斑汤 治痘疹误服寒凉及冷水，以致泄泻。

官拣参 漂白术 白云苓 法半夏 炙甘草
青化桂 南木香 广陈皮 漂苍术 川厚朴
藿香叶

生姜三片引，水煎服。

凉血快斑汤 治痘疹红焮紫肿，血热故也。

净连翘 当归尾 怀生地 鲜红花 绿升麻
牛蒡子 生甘草

大便秘加紫草，甚者加大黄；小便秘加木通。

灯芯十茎为引，水煎，热服。

三黄解毒汤 治痘初起，误服热药，以致红焮紫肿。

酒黄芩 酒黄连 酒川柏 淮木通 生甘草
黑梔仁 绿升麻 净连翘 牛蒡子
淡竹叶为引，水煎，热服。

助脾快斑汤 治痘稠密，一齐起发，形如饧饼。

广陈皮 山楂肉 荆芥穗 牛蒡子 南木香
杭青皮 陈枳壳 淮木通 炙甘草

水煎，服一二剂，不宜多。

补脾快斑汤 治痘疹手足起发不齐。

官拣参 炙黄芪 北防风 汉防己 榔杨桂
炙甘草

水煎服。

若手足痘见而复隐，起而复塌，此本根已拔，枝叶先萎之象，必死不治。

正气快斑汤 治痘犯暴风疾雨，寒凉所郁，不能起发。

川羌活 漂苍术 北防风 芽桔梗 当归身
粉干葛 香白芷 正川芎 炙甘草

冬月加上薄桂。

生姜为引，水煎服。

平胃快斑汤 治痘值天时长雨，湿滞不能起发。

漂苍术 广陈皮 川厚朴 川羌活 北防风
上薄桂 结猪苓 白云苓 炙甘草

净水煎，半饥热服。

白虎快斑汤 治痘值炎天暑月，误用盖覆，以致毒火郁遏，闭其腠理，不能起发。

① 十全快斑汤，原作“大补快斑汤”，据万氏《痘疹》改。

官拣参^① 熟石膏 大麦冬 粉干葛 绿升麻 淡竹叶 生甘草

昏迷者加辰砂末；小便赤者加木通；大便坚者加生石膏。

粳米一撮为引，以米熟为度，热服。

理中快斑汤 治痘误伤生冷，寒凝不能起发。

官拣参 漂白术 白云苓 青化桂 黑姜炭 南木香 炙甘草

呕加半夏；泄泻加怀山。

生姜三片、大枣三枚引，水煎服。

宽中快斑汤 治痘误伤饮食，中气抑遏，不能起发。

广陈皮 法半夏 漂白术 陈枳壳 六神曲 山楂肉 西砂仁 正雅连 南木香 川紫朴 杭青皮 净连翘 炙甘草

生姜一片为引，水煎，热服。

四苓新加汤 治痘已起发，小便赤少。

结猪苓 宜泽泻 赤茯苓 淮木通 白滑石 净连翘 甘草梢

灯芯、淡竹叶为引，水煎服。

胃苓和中汤 治痘已起发，忽变泄泻，或伤饮食。

结猪苓 宜泽泻 漂白术 白云苓 广陈皮 诃子肉 炙甘草 川黄连 南木香 绿升麻 藿香叶

粳米一撮为引，水煎服。

六君子汤 治痘起发，能食而泄泻，虽无害，亦宜调其中气。

官拣参 漂白术 白云苓 广陈皮 法半夏 炙甘草 炙黄芪 六神曲 南木香 绿升麻 西砂仁

生姜、大枣为引，水煎服。

清毒化斑汤 治痘疮起发，头面作肿。

芽桔梗 牛蒡子 净连翘 北防风 紫草茸 绿升麻 净蝉蜕 密蒙花 龙胆草 入中黄

水煎，食后服。

托里快斑汤 治痘稠密，头面应肿不肿。

川羌活 北防风 芽桔梗 牛蒡子 绿升

麻 荆芥穗 净连翘 粉干葛 当归梢 上薄荷 炙甘草

竹叶十片为引，水煎服。

苦参散 治痘疮初壮，头面未应肿而肿，天行瘟疫也。

川羌活 北防风 牛蒡子 芽桔梗 净连翘 酒黄芩 荆芥穗 人中黄 嫩苦参

水煎，入竹沥、姜汁调匀，徐徐服。

四圣解毒汤 治痘疮作痒，能食而大便秘。

紫草茸 淮木通 陈^② 枳壳 炙黄芪 柳桂枝 锦大黄酒炒

水煎，空心热服。

洗法 治痘疮作痒。

绿升麻 漂苍术 全麻黄 槐树枝 柳树枝

煎浓汤，乘热拭之。

调元托里汤 治痘疮作痒而兼泄泻。

官拣参 炙黄芪 炙甘草 南木香 广陈皮 诃子肉 嫩柳桂 北防风 川羌活 赤芍药 荆芥穗

生姜为引，水煎服。

熏法 治痘疮作痒，泄泻内虚者。

茵陈蒿 蕲艾叶

二味烧烟熏之。如用上二法而痒止者，吉；反甚者，凶，不治。

导赤解毒汤 治痘起发时，身热太甚，唇焦口渴。

淮木通 北防风 大麦冬 净连翘 地骨皮 绿升麻 白芍药 粉干葛 怀生地 天花粉 炙甘草

灯芯十根为引，水煎服。

生津地黄汤 治痘起发，大便坚实面渴。

怀生地 大麦冬 净知母 天花粉 炙甘草

竹叶十片为引，水煎，热服。

七味白术散 治痘起发，泄泻而渴。

① 官拣参，原作“大官拣”，据本书药名常例改。下同径改。

② 陈，原作“烂”，据光绪本改。

官拣参 漂白术 南木香 藿香叶 白云
 苓 粉干葛 炙甘草
 生姜、大枣为引，水煎服。

二陈理中汤 治痘曾伤冷物，受寒气而呕
 者。

官拣参 漂白术 广陈皮 法半夏 炙甘
 草
 生姜三片为引，水煎服。

二陈一连汤 治未伤冷物、寒气而呕者，热
 也。

广陈皮 法半夏 白云苓 酒川连 炙甘

竹茹、生姜为引，水煎，热服。

加味鼠粘子汤 治咽喉中生疮，闭塞而呕
 者。

芽桔梗 牛蒡子 新射干 北防风 山豆
 根 广陈皮 荆芥穗 净连翘 炙甘草
 水煎，热服。

控涎散 吹咽中生疮。

辰砂五分 明雄黄三分 儿茶五分 川黄
 柏五分
 共为末，吹喉中。

幼幼集成卷之六

万氏麻痘

成实证治歌凡二十^①首，共二十二^②方

起发之时渐作脓，毒随脓化语无凶。

或成空壳兼清水，毒气留连虑晚攻。

凡痘疮自起发之后，血化为水，水化为脓，至此脓已成，毒已化矣，饮食如常，不亦吉乎！若当起发，壳中出清水，此气至而血不随也，治之当益其荣，宜四物化毒汤。

或内含清水，平塌不起，此血至而气不随也，当益其卫，宜保元化毒汤。

或窠囊浮肿，中含清水，如水泡之状，此气血俱虚，不能制毒，反为毒逼，渐变痒塌，治之当托其毒，固其荣卫，使无痒塌，以十全化毒汤主之。

亦有饮食如常，六腑充实，若见空壳清水之证，虽能收敛，未免发为痈毒，不可不早治之。

脓成毒化笑颜开，犹虑形生变证来。

莫谓清安无个事，风云不测霎时灾。

痘疮至成脓疱，此收功之时，手足常要和暖，过热过寒者，变也；人事常要安静，烦躁闷乱者，变也；六腑常要充实，忽吐利者，变也；声音常要响亮，忽暗哑者，变也；饮食要渐进，忽不食反作渴者，变也；色要苍蜡，形要饱满，忽灰白平塌者，变也；疮要安和，忽痒痛者，变也。或触风寒，或犯禁忌，或伤食，或误服汤丸，医者当详察其所因而治之。

四肢温暖始相宜，寒热乖常势渐离。

补泻无偏能谨慎，折肱端的信良医。

凡痘疮手足常要和暖，不宜太热太寒，寒热太甚，则水火偏胜而残矣。假如病人六腑闭结，狂妄烦躁，口干作渴，其脉洪数沉紧者，实也，手足热，本病也。若手足冷，阳极似阴，谓之阳厥，下之勿疑，宜承气化毒汤。

若曾经吐泻，其脉沉细微弱者，虚也，手足

冷，本病也。若手足热，乃阴极似阳，谓之阴躁，宜补之，回阳化毒汤温之。

养浆安静吉堪夸，战惕鸣牙祸必加。

痛痒躁烦双足冷，纵教仙手枉嗟咩。

凡痘疮已成浆，或寒战，或咬牙，单见一证者可治。盖寒战因疮出太甚，表虚而振振摇动者有之，宜养卫化毒汤。

若咬牙者，必肝火甚，其牙相戛而鸣也，宜清神化毒汤凉解之。

若寒战咬牙并作者，此阳脱神丧，不可治矣。若因疮痛由脓血绷急而胀痛者，宜导神化毒汤。

若吐利而手足冷者，宜回阳化毒汤；方见前。更兼寒战咬牙，闷乱烦躁痒塌者，不治。

有脓有血毒归疮，端的其人正气强。

莫遇中虚生吐泻，功亏一篑费消详。

凡痘疮成浆之时，不宜吐泻。如吐而无物，恶证也，因冲任之火上冲于胃，直犯清道面逆出之，为不治；若吐而有物者，用养胃化毒汤和之。

凡泄泻视其所出之物何如：若色黄面臭，小便黄赤，热也，宜香连化毒汤；若泻出之物，清冷不臭，小便清长，舌上无苔，寒也，宜理中化毒汤。

如泻久不止，不论冷热，皆宜止之，通用理中化毒汤吞豆蔻丸。方见前。

若吐泻不止，手足厥冷，此脾胃之气将绝，急宜附子化毒汤。

其有无时溇泄，手足和暖，饮食如常，虽治之不止，亦可言无事也。

身外诸疮脓血成，咽喉自此贵宁清。

反加呛水声音哑，咽烂喉穿鬼伴行。

凡痘疮初出，失于调解，以致毒火熏蒸，喉舌生疮，又失于解毒，其疮稠密，然外疮未熟。至

① 二十；原作“二十一”，据正文实际数目改。

② 二十二；原作“二十三”，据“入方”载方数改。

于养水之时，则先熟者又先腐矣，所以咽喉宜渐和平。声音清亮，饮食不难，此吉兆也；若当此时，饮水则呛，食谷则哕，甚者失声，此内疮糜烂，舌上成坑，咽门腐烂，肺管壅塞，以致呼吸皆废，饮食卒绝而死矣。亦有先本无疮，因误食辛热之物，或误投辛热之药，其后旋生是证者，可急用甘桔化毒汤。服药后病退者，吉；不退者，凶。

或咽门无疮而暴暗者，此少阴之血不荣于舌也，宜养心化毒汤。

若有声而不清，此火毒乘于肺也，宜泻白化毒汤。中病即止，不中勿治。

陷起平尖脚润红，窠囊饱满蜡浆充。

自然气色咸如式，略见差池便不同。

凡痘养浆之时，若平日中陷者尽起，顶平者尽尖，根脚红活，窠囊饱满，其色苍蜡，气如蒸豆，自然安吉。盖灰白虽为脓之正色，亦由气之不足，宜大补化毒汤。若因泄泻而灰白者，宜固本化毒汤。

若其气腥臭，此有温热，宜解其标，用解肌化毒汤；外以益元散薄敷疮上，勿令至于溃烂可也。

正值成浆忽痒搔，用心调护莫辞劳。

不分干湿皆凶候，肥食神清福自高。

凡痘至成浆，切防搔痒抓破，以泄其气。俗云抓破出血者吉，不出血者凶。殊不知起发之时，其疮未熟而内是血，抓破宜出血；若养浆之时，其疮已熟而内是脓，抓破有血无血，何足以定吉凶？大抵不宜作痒，如作痒而人清爽，自知其误抓破，或言其痒，欲人拊之者吉；若痒而闷乱烦躁，语之不听，禁之不止，摇头扭项，手足舞乱者，凶也。如其人清爽，搔痒不住者，当视其形体虚实。未曾吐泻者，宜四圣化毒汤；如元气素弱而有吐泻，宜参归化毒汤。

又要看其抓破处，复灌成疮则吉；破而不灌，皮肉焦黑者，不可治也。

正面将脓早破伤，依然肿灌复成疮。

莫嗟败面留残喘，肿若消时愈断肠。

凡视痘疮以正面为主，盖五脏精华，皆聚于面。如他处疮痘破损，正而完全，可言无事；若正

面成片破损，别处虽完全，亦何益哉！若破处复得肿灌成疮，脓血淋漓，却又无事，面虽败，穿鼻破唇，但留残喘耳，岂不愈于死耶？若破处不灌不肿，或肿而又消，烦躁闷乱，此毒气倒陷，决不可治矣。

眉心鼻准耳轮边，唇口诸疮贵活鲜。

但有焦枯兼黑靨，慢求医卜命难全。

凡痘欲成脓之时，眉心、鼻准、耳轮、两颊若先有焦枯黑靨，此名倒陷，医之不能，祷之无效，凶矣哉！

正待行浆浆濯濯^①，惟愁干塌成空壳。

倒陷由来证本乖，劳君着意毋偏驳。

凡痘自出现面起发，自起发面至养浆之时，便要成浆。如当养浆而反不成浆，依旧平塌，与未起发相似；或起发内有空虚，干枯无水者，名倒伏。谓之倒者，脓根在里也；谓之伏者，毒伏而不出也；谓之陷者，毒出而复入也。此等之时，人事清爽，饮食如常，别^②而治之；小便大便秘结，壮热烦渴，宜下之以承气化毒汤。若吐泻频数，六脉虚弱，宜温之以回阳化毒汤。方见前。若人事昏闷，寒战咬牙，足冷，腹胀喘促者死。

额上浑如沸水浇，溶溶破烂气残凋。

渐延两颊多亏损，泄尽元阳魂魄飘。

凡痘起发养浆，额上似沸汤所浇之象，溶溶易破，不成颗粒，大片损烂，此因失下之过。毒火熏蒸，渐延两颊，破损水出而干，似靨非靨，则阳脱阴留，徒增烦闷，呻吟面死矣。

疮头有孔出脓腥，结聚成堆堆屎形。

此个未闻人救得，徒教医祷恐无灵。

凡痘最要皮囊坚厚，包裹完全。疮头有孔，脓水淋漓漏出，堆聚干结，其色灰白，如天泡疮及癩疮之形，或清水非脓，无事自破，水出于黑，未有能治者矣。

虽然痘密粘床久，疮好皮坚无败朽。

如逢擦破更焦枯，任彼天人应费手。

凡痘稠密，最难为臂膊、腰臀之间，其处久

^① 濯濯：肥泽貌。《篇海类编·地理类·水部》：“濯濯，光泽貌。”

^② 别：此前光绪本有“当”字。

着床席，辗转挨磨，若非坚厚，鲜有不破者。但破须要肿灌，若焦干黧黑，如火烧汤泼之状，必死。又见其人手足破烂成片而不灌者，亦死。

略见浆脓起发时，休教人物往来驰。

邪风秽气相侵触，变乱无常悔却迟。

凡痘疮起发之后，渐渐养浆，即当谨饰房户，禁止人物内者休出，外者休入，谨防秽厌触犯。其疮轻者，作痛作痒，变而为重；重者，痒塌抓破，烦闷而死矣。故房户内外，常须烧苍术、大黄，以避不正之气，但二味气味恶劣，不可使痘儿闻之，更不可焚烧诸香，盖有能助火透入关节，所以禁之。其诸秽厌，房事最毒，酒次之，五辛又次之，死尸之气，烈于粪秽，狐狸之气，甚于犬羊。烈风暴雨，亦能为害，饮食之偏寒偏热者，勿恣于口；天气太热，则薄其衣裳，常令凉爽，太寒则温其盖覆，常令温暖，皆稠理切要之法，不可不知。凡用僧道洒水涤秽与医家用药，必用老诚之人，既能清心寡欲，而且经验复多，自能司人之命。凡被房事、生产、月经所厌，以大枣烧烟解之；被酒所厌，以葛根、茵陈烧烟解之；五辛所厌，烧生姜烟解之；被死尸、疫疠所^①厌，以苍术、大黄烧^②烟解之；狐狸、犬、羊所^③厌，烧枫树球烟解之；凡遇风雨，须烧枫树球以避湿气。

脓血淋漓心脏虚，舍空神乱若邪居

睡中妄语难苏省，养血安神病自除。

凡痘稠密，成浆之时，或昏昏而睡，呼之不醒，口中喃喃妄语，如被邪祟之状。时人不知，多生惊怪。殊不知此由脓血出多，心脏空虚，神无所依而然，当养血安神，病当自退，宜宁神化毒汤与安神丸相间服之。

疮成腹痛果何因，便秘肠中火燥津。

又恐误伤生冷食，消详补泻贵情真。

痘出之初腹痛，乃为毒气；疮成无脓而腹痛，未可以为毒也，当审其人便解饮食何如耳。倘^④若未得大便，此燥屎在里而痛，宜大黄化毒汤微利之，不可拘于首尾不可下之说，坐以待变也。

若因误伤生冷，或饮冷而痛，宜温中化毒汤暖之效。

疮毒无邪证适中，忽然腹胀气庞鸿。

此因食欲多生变，消导天然不用攻。

凡痘顺正，表里无邪，脓血已成，可无苦矣。忽然腹胀气喘，色变而烦闷者，必伤食得之也。何以知之？以其疮正故也，宜消导之，用助脾化毒汤。

脓成尽说毒将升，谁料其间未足凭。

饱满坚牢诚可爱，塌平淫湿最堪憎。

世俗之见，但知痘疮已过一七，发起作脓，便言无事。不知脓成之时，尚未可凭信。若郭郭坚厚，脓浆饱满，言其无事，信矣；若平塌不饱满，淫湿不坚厚，莫言无事。至于十二三日之后，尚有变异，延绵日久，而有死者矣。

险逆诸疮且勿云，聊将顺证语诸君。

缘何业已成浆日，尚有凶危不可堪。

凡痘分三等：有顺、有险、有逆。顺者不须治；险者治之吉；逆者无可治。今除险逆不必论，然顺者亦有成浆之日，反变为险逆者，此何故也？盖有失稠理，触犯禁忌，误服汤丸，恃其轻少而不稠护，故令轻者变重，此人事之害也。又有只出一二粒而殒命者，疠气使然也，岂人能逆料者哉？

[人方]

四物化毒汤 治痘已起发，气至而血不至，壳中出清水。

全当归 正川芎 怀生地 白芍药 大麦冬 牛蒡子 淮木通 生甘草等分 上薄桂减半

灯芯为引，水煎，热服。

保元化毒汤 治痘血至而气不至，内涵水色，平塌不起。

官拣参 炙黄芪 全当归 正川芎 荆芥穗 上薄桂 牛蒡子 北防风 赤芍药 炙甘草

梗米一撮为引，水煎服。

十全化毒汤 治血气俱虚，窠囊浮肿，中涵

① 所：原脱，校本同，据上文文意补。

② 烧：原脱，据光绪本及上文文意补。

③ 所：原脱，校本同，据上文文意补。

④ 倘：原作“向”，据光绪本改。

清水如水泡。

官拣参 漂白术 白云苓 炙甘草 正川芎 当归身 白芍药 怀熟地 炙黄芪 上薄荷 牛蒡子 粉干葛

生姜、大枣为引，水煎，温服。

承气化毒汤 治痘阳极似阴，手足厥冷。

小枳实 紫厚朴 川大黄酒炒 尖槟榔 生甘草

生姜三片为引，水煎，滚热服。

回阳化毒汤 治痘阴极发躁，手足大热。

官拣参 青化桂 漂白术 白云苓 川附片 炙甘草

大枣为引，水煎，温服。

养卫化毒汤 治痘出太甚，表虚面振战。

官拣参 炙黄芪 柳桂枝 当归身 炙甘草

生姜三片、大枣三枚引，水煎服。

清神化毒汤 治肝火太甚而咬牙。

绿升麻 怀生地 杭麦冬 淮木通 北防风 炙甘草

灯芯十茎为引，水煎服。

导神化毒汤 治痘疮太甚，脓血稠急而痛，以致咬牙。

淮木通 杭拣冬^① 黑梔仁 炙甘草 炒枣仁 镜辰砂研

灯芯十茎为引，水煎，热服。

养胃化毒汤 治成浆时呕吐而有物，胃虚也。

漂白术 广陈皮 白云苓 西砂仁 姜炒连

生姜一片为引，水煎服。

香连化毒汤 治泄泻色黄面臭，热也。

南木香 炒黄连 结猪苓 漂白术 炙甘草

灯芯十根为引，水煎。

理中化毒汤 治泄泻所出之物，清冷不臭，寒也。

官拣参 炙甘草 漂白术 白云苓 黑炮姜

大枣三枚为引，水煎服。

豆蔻丸^② 方见五卷起发证歌。

附子化毒汤 治吐泻不止，手足厥冷，脾胃将绝也。

熟川附 官拣参 漂白术 炙黄芪 炮姜炭 炙甘草

炒米一撮、大枣一枚引，水煎，温冷服。

甘桔化毒汤 治误食辛热之物，或误服热药，以致咽喉破烂。

大粉草 芽桔梗 鲜射干 净连翘 牛蒡子

水煎，入竹沥和服。

养心化毒汤 治咽中无疮而暴者暗。

大当归 怀生地 大麦冬 绿升麻 天花粉 川黄柏 漂白术 荆芥穗

生姜一片引，水煎服。

益元散

白滑石一两，研细，水飞 粉甘草五钱

共为细末，蜜水调敷，疮焦痛，胭脂浸汁调敷。

四圣化毒汤 治成浆之时，忽然搔痒，无吐泻者。

淮木通 当归尾 赤芍药 北防风 柳杨桂

净水煎服。

参归化毒汤 治元气素弱，又兼吐泻而作痒。

官拣参 大当归 炙黄芪 赤芍药 桂枝梢 漂白术 炙甘草

水煎服。已上二证，俱用熏、洗法，熏、洗二方俱见前。

宁神化毒汤 治成浆后脓血去多，心虚神所主，口中呓语。

官拣参 当归身 怀生地 大麦冬 淮木通 石菖蒲 赤芍药 黑梔仁

灯芯引，水煎服。

安神丸 治证如前。

炒川连一钱 当归身一钱五分 白茯神一钱

① 杭拣冬，光绪本、万氏《痘疹》并作“麦冬”。

② 豆蔻丸，原脱，据本节正论补。

炙甘草五分 远志肉一钱 石菖蒲一钱 炒枣仁五分

共为末，猪心血捣匀为丸，如芡实大，辰砂为衣，每二三丸，灯芯汤下。

大黄化毒汤 治浆成，大便秘结而腹痛，内有燥粪。

绿升麻 当归身 怀生地 火麻仁 光桃仁 鲜红花 陈枳壳 锦大黄 尖槟榔 生姜为引，水煎，空心热服。

温中化毒汤 治误伤生冷、冷水而腹痛。

官拣参 公丁香 南木香 漂白术 青桂心 炙甘草 炒白芍 西砂仁 小枳实 广陈皮 炮姜炭

大枣、生姜引，水煎服。

助脾化毒汤 治饮食过伤，抑遏脾气，所以腹胀而喘。

广陈皮 法半夏 川厚朴 陈枳壳 家苏子 萝卜子 尖槟榔 生姜为引，水煎服。

收靨证治歌 凡一十五首，共一十七^①方

收靨难拘日数文，但凭稀密实虚分。

缓收循序多坚稳，太急须防余毒熏。

痘疮收靨，不可以日数拘也。大抵痘稀元气实者，易出易靨；痘密元气虚者，难出难靨。只要循序缓收，倘收太急，乃毒熬煎，血气枯焦，非正收也，必发痲毒怪证，甚则丧躯，微则残形矣。

人中上下别阴阳，收靨先于此处良。

若是足颊先靨黑，多凶少吉早提防。

人中者，督任二脉交会之衢。痘疹先从此处出壮收靨，为阴阳和畅；若于额颊手足心先靨，乃邪气攻心，莫救。

收靨从来贵整齐，臭腥烦烂便跷蹊。

其间顺逆宜详审，慎勿遽巡当局迷。

痘疮收靨，贵于整齐，干如螺靨者，上也；顶破脓出，结如鸡屎者，次也；破烂无痂者，下也。凡遇此等收靨，便须询察曾犯何逆？如血气本实，误投补药，以邪得补反馈正气，如火烁烂，宜天水散解之，则邪火退而收靨齐矣。

如初饮冷水，浸淫脾胃，以致收靨不齐，以

除湿汤渗之，则内渗其湿，外燥其表，令好收靨。

若头面溃烂，其气腥臭，及遍身手足和皮脱去，宜分顺逆。果脓成毒化，饮食如常，更无他苦者，顺也；脓水未成，是名倒靨，未可量。

痘到收时脓自干，封藏收敛壳团圆^②。

莫教腐烂和皮脱，此个还将倒陷看。

痘疮成脓之后，结为螺靨，此毒从外解；若不能结痂，反成腐烂，和皮脱去，此倒陷毒气入内也。

但逢倒陷毒深潜，复肿翻生始不嫌。

头面肿消空未补，剥肤灾近易前占。

凡痘倒陷，系中气不足，急用温中托里汤托之。服药后，破者复加肿灌，无痘处又复出一层，谓之补空，俗云翻生痘是也。此正气不亏，邪气不留，虽过期延日，不为害也。如头而不肿，空处不补，即《易》所谓剥以肤，切近灾矣，安可为哉！

靨时自利忽然侵，顺逆中间仔细寻。

脓血痂皮为顺候，不分水谷定归阴。

收靨之时，忽然泻痢，若脓血痂皮之物，此脾强肾弱为顺候，痲尽自愈，不可强治。若不分水谷，此肾强脾弱为逆候，用炒米汤送豆蔻丸，痲止则吉，不止则凶。豆蔻丸。方见前。

过期不靨事跷蹊，臭烂浑身靨不齐。

粘席粘衣何所治，白龙散草指群迷。

凡痘成脓之后，过期不靨，浑身溃烂，以致粘席粘衣，用白龙散、败草散衬贴铺床最佳。

收靨迟延须治急，劳君察证毋拘执。

纵意速师徒自伤，临危施济终难及。

凡痘当靨不靨，须要详审，不可忽略。如冬寒之时，盖覆少薄，被寒风郁遏不能靨者，宜桂枝解毒汤疏解之。

如夏月衣被太厚，热气熏蒸不能靨者，宜去其衣被，少令清凉，用甘露解毒汤清之。

倘一向大便秘结，里热太甚，不能靨者，宜当归解毒汤微利之；胆导法尤妙。

如泄泻气虚不能靨者，此只收靨不齐，俗呼坐浆干也，不须妄治。如元气素弱，以致难靨，宜

① 七：原作“六”，据“入方”所载方数改。

② 团(luán 栾)，圆。《集韵·桓韵》：“团，圆也。”

参归化毒汤解之。

脓水将干结靨时，休教愚昧失支持。

不知禁忌多翻变，却是为山一箸儿。

世俗于痘收靨之时，即杀鸡食之，或姜、椒之类，谓其和暖。殊不知鸡属巽，能动风，辛能助火。脾胃强者无害，弱者反助火邪，以致发痈伤胃，口舌生疮，则至坏病者有之矣。又或宜温而过热，宜凉而过寒，皆为犯禁，亦能生变，切宜慎之！

一向浑身凉且和，靨时忽热事如何。

微微发热干脓水，太甚焦枯病转多。

痘疮始终要有微热，不可尽去。若收靨之时，反大热作渴烦躁，此毒在内，更防陷伏，急用生津凉血葛根汤以清之。

破疮复灌依然料，及至收成功愈慢。

淋漓脓血苦难当，大补汤丸君莫惮。

凡痘疮犯着皮嫩易破，本不治之证，但破损之后，重复肿灌，此正气尚强，毒不能入而发于外，亦当依期收靨。设不能靨，乃正气被邪气剥削，虽能逐邪出外，不能逼邪成痂也，急宜大补汤温之，不可因循，反生灾变。

数个顽疮不肯收，犯时鲜血却长流。

如逢此证休轻易，破膜伤筋命必休。

痘疮破损，灌肿作痛，不能干水，一名疳蚀^①疮，一名阳疮。犯着即出血不止，乃难治之证，内服大补汤，方见前。外以绵茧散敷之。若逡巡不治，以致灌伤筋骨，穿膜破空，天人生命者多矣。

灌疮满面血脓多，败面伤睛奈若何！

却在良医施妙手，调和中外起沉痾。

如而疮破烂，反复肿灌，脓血浸淫，却防坏眼残形，宜升麻解毒汤清之。

痘疮抓破状多般，出血成坑水更干。

搔痒焦疼微小事，伤筋溃肉使形残。

其痘疮抓破之证非一：有破而出血者，阳疮也，宜当归凉血散解之；有破而无水便干枯者，此陷伏也，要疮复灌，肉复肿者为佳，内服托里回生散；有破而成坑者，此内陷也，内服托里回生散，外用白龙散方见后。敷之，若不详审已上三症治之，微则残形，甚则伤命。

收靨依期更着痂，或时战栗或言邪。

三元^②正气将回复，不必巫^③医不必嗟。

凡痘欲收靨之时，痂皮圆静，但时或战栗，语言妄谈，此为正气将复，不能自持，不必忧疑，须臾自定。

[人方]

天水散 治痘误投补药，反馈正气而不收靨。

白滑石水飞，一两 粉甘草细末，五钱
共研匀，蜜水调，以鹅毛蘸药拂拭疮上。

除湿汤 治脾胃受湿，收靨不齐。

川羌活 漂苍术 北防风 淮木通 结猪
苓 宜泽泻 漂白术 赤芍药 上薄桂
净水煎服。

温中托里汤 治痘疮尚未收靨，忽然倒陷，中气虚也。

官拣参 炙黄芪 炙甘草 牛蒡子 当归
身 净连翘 上薄桂 杭青皮 南木香
大枣三枚为引，水煎服。

豆蔻丸^④ 方见五卷起发证治歌。

白龙散 治痘疮浑身破烂，不能怀抱者。

用干牛屎烧灰，取中间白者研末筛过，敷烂处。

败草散 治证如前。

用茅屋上烂茅草烧灰，研细筛过，铺于席上，任其辗转。此草多受霜露，功能解毒故也。

桂枝解毒汤 治痘为风寒郁遏，不能收靨。

上薄桂 赤芍药 牛蒡子 北防风 净蝉
蛻

生姜、大枣引，水煎服。

甘露解毒汤 治夏月天令炎热，暑气熏蒸，不能收靨。

结猪苓 宜泽泻 大麦冬 淮木通 小条

① 疳蚀：原作“疳蚀”，据万氏《痘疹》改。

② 三元：孙思邈云：“头、足、腹为三元也。”（见《千金要方》）。又从上“出血”、“无浆”、“内陷”三症分析，似指气、血、津液三元。

③ 巫：光绪本作“延”。

④ 豆蔻丸：原脱，据万氏《痘疹》补。

芩 地骨皮 上薄桂 净连翘 炙甘草
水煎,热服。

当归解毒汤 治里热太甚,大便秘结,不能收。

怀生地 大当归 火麻仁 陈枳壳 净连翘 酒大黄 紫草茸
净水煎,空心滚热服。

胆导法 治大便结燥,血不润肠,以此逼之,不损元气。

用大猪胆一个,以小竹管插入胆内,以线扎定,吹气令满,另以线打活结,收住其气,以竹插入谷道内,解去活结,捏其胆,令胆汁射入肠中,直待气透,然后去胆,便即逼矣。

参归化毒汤 治元气虚弱,疮不收靨^①。

官拣参 炙黄芪 当归身 牛蒡子 炙甘草
水煎服。

世人不知此等关系,视若泛常,不早求治,待毙而已。悲夫!

生津凉血葛根汤 治收靨忽然大热烦渴,此里有毒也。

粉干葛 天花粉 地骨皮 当归梢 淮木通 净连翘 牛蒡子 酒黄芩 北柴胡 淡竹叶 大拣参 炙甘草
水煎,热服。

太补汤 治痘破烂复灌,元气伤残,不能收靨。

官拣参 炙黄芪 当归身 净连翘 上薄桂 牛蒡子 炙甘草
大枣为引,水煎服。

绵茧散 治痘疮破烂,水不能干,犯之血出。

用出了蚕蛾绵茧,不拘多少,以白生矾捶碎,纳入茧内,炭火煨之,待矾汁干,研末,干搽疮上即安。

升麻解毒汤 治固疮破烂复灌,脓血不干。

绿升麻 香白芷 酒黄芩 净连翘 净蝉蜕 淮木通 牛蒡子 密蒙花 白蒺藜 荆芥穗 北防风 大当归 炙甘草
灯芯为引,水煎,热服。

当归活血饮 治痘疮抓破而出血者。

当归尾 鲜红花 酒黄芩 净连翘 炙黄芪 官拣参 地骨皮 牛蒡子 生甘草
灯芯为引,水煎,热服。

托里回生散 治痘疮破而无水,即便干枯者。

炙黄芪 大当归 净连翘 上薄桂 牛蒡子 炙甘草
水煎。入烧过人尿调服。

落痂证治^③ 歌凡五首,共三方

痂皮应落偏迟落,但恐斯时还作恶。

补脾实表有奇功,未可逡巡轻弃药。

收靨之后,痂壳自残,若粘着皮肉不脱,乃表虚也。尤当禁忌,不可因循,恐生他变,宜调元固本汤治之。

收靨之时不落痂,昏昏喜睡莫咨嗟。

只因脾胃多虚弱,调治专从戊己佳。

此证乃脾胃虚而好睡也。胃属戊土,脾属己土,宜健脾开胃,调元清神汤醒之。

落痂之后察疮痕,平整红鲜日渐安,

若是凸凹兼黑黯,好将敷药补形完。

其疮落痂之后,痂痕平整红活者吉,若痂^②肉凸起,或凹陷紫黑,吉凶未可知也,用灭痕散敷之。

疮痂自落何劳急,将指须防邪气表。

他年终作血风痒,此际浸淫空涕泣,

痂落依期不必忧,缘何头足更迟留。

阴阳孤独如螺寡,安得同时取次收。

凡阳生者,以阴成之;阴生者,以阳成之。《经》曰:孤阳不生,孤阴不成。其疮收靨,自人中平分上下。发际以上,阳之阳也,谓之孤阳;足膝以下,阴之阴也,谓之孤阴。所以疮之收靨,至此二处,每每迟留,不能便干,不可服药,听其自然则吉。

① 治元气虚弱、疹不收靨;此九字原脱,据万氏《痘疹》补。

② 治:原脱,据目录补。

③ 据:此下原有“音益”二字注文,系误释,故删。

[人方]

调元固本汤 治痘痂粘肉不脱。

官拣参 炙黄芪 当归身 净蝉蜕 炙甘草
草

生姜、大枣引，水煎服。

调元清神汤 治痘痂粘肉不脱，而昏沉好睡。

官拣参 炙黄芪 大当归 杭麦冬 广陈皮
炒枣仁 炒川连 炙甘草

大枣为引，水煎服。

灭痕散 治痂落，痂肉凸凹紫黑。

密陀僧^① 研为细末，以乳汁调搽疮疤；如无乳汁，蜜调亦可。若此药搽上，凸凹者自平；紫黑者自退，应效者吉，不应效者凶。

痘后余毒证治歌 凡三十一首，共四十五^② 方

借问何为痘后痛？只因平塌少成脓。

毒邪蕴聚难消散，透节寻关出要冲。

凡痘初出一点血，由血而化至脓，脓成而毒解矣。若出形之后，应起发不起发，应成脓不成脓，一片空壳，状如蛇皮；或平塌破损，都无脓水，本为死证。缘其人脾胃素强，又能饮食，亦可以引日收效。只是毒邪蕴蓄于里，必寻出路于关节之间而为痈肿。但发一二处可治；若流注于手足，发之不止，肿溃不愈，久而死矣。

痈痛先要明经络，解毒调元兼里托。

决脓去毒急旋功，莫待残形变为恶。

凡痈之发，先看何经络，分气血多少而治之；次看人之虚实，以解毒托里为先，不可乱施敷药，以致毒不得出，内伤^③ 筋骨而成坏证。如肿而未成脓者，用必胜膏贴之；已成脓者，将铍针决破其脓，以生肌散敷之。若肿毒而元气素弱者，以十六味流气饮流逼之；若气血虚而泄泻者，加附子以温之；若元气素强者，用连翘解毒汤主之；如痈毒日久，脓血去多者，以十全大补汤扶元解毒。

恶证无如痘后丹，皮肤蕴火毒相干。

看他所发归何部？心肾之经治亦难。

赤火丹瘤，恶候也，流移红肿，其痛手不可近。痘疮之后，有发丹瘤者，因蓄火太甚，不能发

泄，郁于肌肉之间，故发而为丹。从头上起，过心即死；从足下起，过肾即死。内服玄参化毒汤解之，外用磁锋砭法。

瘰疹何为痘后呈？肌肤蕴毒未全清。

若教发尽无停滞，免得重重怪证生。

瘰者，皮肤间隐隐成疙瘩也，俗人谓之风丹；疹者，皮肤点点状如蚊蚤咬迹也。痘后发瘰疹，因毒火未发尽，藏于皮肤之间，或搔痒因抓而成，或因受风火相搏而成，皆吉兆也。正欲其发泄，无使停留以变他证；如发太甚，内服防风败毒散，外以益元散拭之。益元散，方见前。

痘已收成属不干，或时出血病难安。

从前毒气藏肌表，蚀^④ 肉伤肌不忍看。

此与前顽疮不收相同。凡觉痘疮当靨不靨，即防此证，当内服大补汤，外以绵茧散敷之。绵茧散，方见前。

翳膜为何眼内攒？怪他热毒壅于肝。

还睛去翳多奇术，点洗徒度招弄端。

小儿出痘之时，即用黄柏膏和胭脂涂眼，防斑疮入眼也。但斑疮入眼，本不在初，多在收靨之时，或满面破烂，重复肿溃，脓血胶固，毒火郁蒸在内，其斑疮入眼；或痘^⑤ 出已甚，成就迟缓，医用辛热之药发之，亦令斑疮入眼；又或收靨之时，喜啖辛热，谓之干浆，以败二火相煽，亦令斑疮入眼。但在白珠上不必治，久而自去，惟在黑轮上者，或掩蔽瞳人，急用密蒙花散治之。

两目今朝乍畏明，肝虚邪火暗伤睛。

凉肝养血功无比，解使双眸炯炯清。

凡痘后双目见明不开，暗则开者，谓之羞明，宜凉肝明目散治之。若向暗处亦不开者，却防^⑥ 目中有疮，当如上法治之。

收后缘何便下红？多由倒陷毒归中。

利完脓血应须愈，强治翻为聚怨丛。

脓血痂皮一路来，任他自止莫疑猜。

① 僧：原作“参”，音近致误，据光绪本改。

② 四十五，原作“四十六”，据人方之数改。

③ 伤：原作“炎”，据光绪本、万氏《痘疹》改。

④ 蚀：原作“蚀”，据万氏《痘疹》改。下误逐改。

⑤ 痘：光绪本作“疮”，万氏《痘疹》同本书。

⑥ 防：原作“妨”，据光绪本、万氏《痘疹》改。

和中清热施残着，劫涩轻投病转乖。

痘后忽利脓血，待其自止，然后用和中清热之剂，不可便用止涩。但痢势甚者，宜黄连解毒汤清解之。脓血尽后，宜和中汤。

痘证从前无倒陷，缘何脓血利无时？

大肠郁火多潜毒，解毒通肠贵早施。

痘无倒陷之证，却有脓血之痢。由于平日食煎炒，素有积热，今因痘后气血虚，不能胜积，故痢脓血也，此名滞下，必然肠鸣作痛，里急后重。或因痘出之后，饮食太多，水停作泄，热毒乘虚入里，便下脓血，此名肠垢，宜调胃承气汤以彻其毒，次用黄芩汤调其阴阳。

最怕收成呕哕频，咽疼胃弱毒潜淫^①

错喉呛水宜施治，干哕无声鬼作邻。

有声有物谓之呕，有物无声谓之吐，有声无物谓之哕，食谷即吐谓之错喉，饮水而喷谓之呛水。今痘后凡有此等，由热毒壅塞胃口，故令呕吐；咽门涩塞，故令错喉、呛水也。惟干呕乃胃疮腐烂，不能纳谷，故时时张口，似吐不吐，乃不治证；亦有咽喉作痛而呕吐失声者，乃咽喉腐烂，亦不可治。惟但呕吐，陈皮竹茹汤；咽喉痛，甘桔汤。

身已清安热不除，或因毒甚或元虚。

调元解毒分投用，寒热分明效自如。

痘既收靨，则毒解而热当除矣。如热一向不已，非毒气之余烈，必元气之素虚，惟以脉辨之。如脉数形勇，烦躁而热，此邪气实也，宜知母解毒汤；如脉迟形怯，热而喜睡，此正气虚也，宜黄芩调元汤。

收后浑身一向温，乍然发热细评论。

内伤外感须分治，此个真机妙法门。

痘靨之后，一向温暖和平，并无余热，今忽发热，不可以余毒未解、正气之虚同论，必因外感风寒。其证头目昏痛，恶寒脉浮，宜桂枝汤。

或因内伤饮食，其证肚腹饱闷，不喜饮食，其脉弦滑，以补中益气汤加消导药而运用之。

食饮如常腹里疼，盖由脾弱化难能。

看他虚实行消导，方显明良三折肱。

收靨之后，忽然腹疼，或呕或泄，不思饮食，此伤食之证。虚则用上补中益气汤治之。如无

吐利、腹痛、气急，宜丁香脾积丸下之。若腹满而痛，烦闷不宁，此毒火入中，急用雄黄解毒丸利之。不然，渐加喘急，手足厥冷，则难治矣。

收后缘何食不思？偶然伤食少人知。

补脾消导为良法，强忍成疴悔是迟。

一向能食，收后反不能食，闻食气即呕逆，此必食伤甚，可以脾积丸治之；微则以保和丸调之。若隐忍不急求治，久则消瘦，渐成疴痲矣。

寒热缠身似疟侵，不分早晚应期临。

只缘脾胃多虚弱，补气升阳贵酌斟。

此因痘后气血两伤，阴虚则内热，阳虚则外寒，乍寒乍热，俨然疟疾，切不可以为疟治，但以补中益气汤升举之，其病自愈。

收后浑身手足寒，好将气血作虚看。

六经脉细如将脱，急早回阳病自安。

凡痘收靨之后，手足厥冷，六脉沉细，元气大虚，急用调元生脉散以温之。稍用寒凉，必取败亡也。

强打精神睡思昏，终朝何事不惺惺。

此因毒解神虚倦，气血和平体自宁。

收靨而好睡，乃毒解神虚，此常事也，不必调治。有等苟且之流，欺人不知而取利，庸下之徒，妄用汤丸，而致祸者，戒之戒之！

睡思沉沉不识人，恍惚中酒妄言频。

只因热伏心包络，保护心君妙入神。

凡收后昏睡，连日不醒，口中妄语，或有醒时，亦似醉人，每多错语，此热邪攻心，心君不肯受邪，传于包络，宜导赤解毒汤清之；或用安神丸亦佳。

收靨之余搐搦紫，贵其火毒未全清。

清心散火风应退，发作无休命必频。

痘出发热作搐，此常候也。若收靨之后反发搐者，乃疮发未透，毒火内侵故也。然此候发于收靨之余，血气已衰，治之甚难，宜清神散火汤。如药对病者可治；若连发不已，死证也。

身已康宁手足挛，分明血少败斯愆^②。

① 潜淫(yin 因)：潜藏停留也。《说文·水部》：“淫，没也。”

② 愆(qiān 谦)：过也。《玉篇》：“愆，过也。”

补脾养血诚仙诀，不遇知音莫浪传。

凡痘后手足忽然变拘，不能屈伸转运，乃血少不能养筋，又或外被风寒水湿以致然耳。不可用发散并疏风之药，以耗其血，只宜当归桂枝汤补脾养血，则手足自和。

痘后还愁咳嗽多，总由毒火肺中磨。

清金降火兼调气，肩息胸高若命何！

痘疹之后，惟肺受伤，至于收靨毒解，宜乎宁矣。若反咳嗽喘急，乃毒火流入肺中也，当清金降火，宜宁肺汤保肺解毒。服药嗽不止，胸高龟壳肩息者不治。

忽尔浑身肿胀形，或风或水食偏停。

肿因肺受宜清表，胀属脾家利解宁。

痘收之后，或面目浮，四肢肿，此属于肺。因表虚而受风寒，仍宜汗解，用加味五皮汤。

若腹胀如鼓，眼胞微肿，此属于脾。由脾胃虚，饮水过多，蓄湿于内，所食过多，积热于中，仍宜利解，宜厚朴汤；倘属虚胀，不可妄攻，但宜莱菔子丸。

小便宜清偶涩迟，膀胱蓄热少人知。

不将导赤为良法，只恐迂延有变时。

凡痘疹，小便始终宜清。若收后不利，此热积膀胱，宜加减导赤散以清其心。

便贵滋荣乍觉难，谁知肠胃液津干。

润肠胆导宜兼用，纵有余邪便后安。

凡大便始终须宜润泽，一二日一次为佳。若至于收靨后而大便秘结，乃痘出太多，血枯气不润肠，宜润肠丸兼胆导法。胆导法，方见前。

腠理疏通雨汗倾，卫虚荣弱两无情。

建中自汗阳偏胜，盗汗归黄六味平。

《经》曰：卫气者，所以温肌肉，充皮毛，肥腠理，司开阖也。痘疮之后，卫气受伤，故收靨之后，卫弱而汗出也。醒时常出为自汗，宜建中汤；睡着而出者为盗汗，当归六黄汤。

血在身中本自宁，火邪迫血血逆经。

鼻中细出堪调治，便尿中来命不停。

痘收靨后，忽见血证，大为危候。盖鼻血出于肺，吐血出于胃，溺血出于小肠，便血出于大肠，皆由毒入于内，迫血妄行，急宜凉血地黄汤止之。服药后而不止者，不治。

忽吐蛔虫证已非，要知内热又常饥。

但闻食臭虫斯出，呕吐心烦虫作威。

伤寒吐蛔，责之胃寒；痘证吐蛔，责之里热。由热毒佛郁于里，又不能食，虫无所养，但闻食臭即涌出者，宜黄连止蛔汤。

炎炎胃火成疳蚀，辛热频食阳毒炽。

牙齦臭烂怕穿腮，药有神功休论值。

凡痘后牙龈生疮，时时出血，谓之牙宣；呼吸息臭，谓之息露。此走马牙疳也，由热在阳明、少阳，宜内服洗心散，外以蚕蜕散敷之。

如舌上生疮，赤者谓之赤口疮，此热在心脾二经，内服洗心散，外用阴阳散敷之。

其疮白者，名白口疮，又名鹅口疮，此热在心脾二经，亦服洗心散，外以朱矾散敷之。

食饮缘何不发肌，多因气血两相亏。

和平丸散常宜服，偏热偏寒愈见离。

凡儿素常肌肥，痘后羸瘦，虽能饮食，而不为脱肤，乃气血虚故也。治之须兼阴阳，不可偏胜。偏阳则伤血，偏阴则伤气，愈见乖离矣。阴日^①宜服参苓白术散，阳日^②服当归益荣丸。

痘后分明皮肉娇，切宜保护在昏朝。

风寒暑湿常宜避，洗拭痒抓祸莫饶。

痘后中虚食易伤，辛香生冷莫轻尝。

若贪口腹浑无忌，犯却中和变内伤。

此二条言收后调理之法。在外也，皮肤薄嫩，易于感冒，若不避风寒暑湿，流洗搔掐，则至于痈肿者有之，生疮癣者有之；在内也，肠胃并弱，难于克化，若不分生熟软硬，寒热凉湿，任意食之，则成胀满者有之，至于泻痢者亦有之，可不慎欤。

[人方]

必胜膏 治痘痈初肿而未脓者。

马齿苋取汁 公猪肪熬油 好冬蜜

三味等分，同入砂锅内熬成膏，厚涂肿上。

生肌散 治痘痈已成脓，破烂不能收口。

① 阴日，以天干计日则乙、丁、己、癸日等为阴日；农历则以偶数之日为阴日。此宜从后者。

② 阳日，以天干之计日则甲、丙、戊、庚日等为阳日；农历则以奇数之日为阳日。宜从后者。

香白芷一钱 赤石脂五分 浙贝母二钱
赤石脂一钱 新白芨一钱
共为极细末，敷之。

十六味流气饮 治痘痲肿痛，元气素虚者。
官拣参 大川芎 当归身 赤芍药 北防
风 南木香 炙黄芪 上薄桂 香白芷 芽桔
梗 尖槟榔 川厚朴 台乌药 紫草茸 陈枳
壳 炙甘草

气血虚而泻利者，加熟附子；大便秘结者，
加酒蒸大黄。

净水煎，半饥服。

连翘解毒汤 治痘痲肿痛，能食而元气强
者。

净连翘 香白芷 大川芎 当归尾 赤芍
药 牛蒡子 穿山甲 炙甘草
净水煎服。

属太阳经者，本方加川羌活、汉防己；属阳
明经者，本方加绿升麻、粉干葛；属少阳经者，本
方加北柴胡、枯黄芩；属太阴经者，本方加青化
桂、北防风；属少阴经者，本方加川黄连、淮木
通；属厥阴经者，本方加北柴胡、杭青皮。

予按：但云六经加味，而不指明处所，未免
阙略。今分晰之，以便治疗。太阳经所属：项、背、
腰、臀、足外膝、足腓；阳胆经所属：额、眉眶、
而、胸、两乳、牙龈；少阳经所属：左右头角、耳
前、左右两胁腋；太阴经所属：中腕、四肢、两足
肘；少阴经所属：脐腹、手足心、手足内膝、足
跟；厥阴经所属：头顶、小腹、男妇阴器。

十全大补汤 治痘痲破烂，脓血去多，速救
元气。

官拣参 正川芎 当归身 赤芍药 怀熟
地 白云苓 炙黄芪 青化桂 香白芷 金银
花 净连翘 炙甘草

生姜、大枣为引，水煎服。仍照以前加入引
经药。

凡见痲毒，以上法治之，不可因循，恐成大
患，微则残形，甚则殒命。

玄参解毒汤 总治痘后余毒，十种火丹。
润玄参 当归尾 怀生地 鲜红花 净连
翘 地骨皮 熟石膏 赤芍药 北防风 淮木

通 荆芥穗
淡竹叶十片为引，水煎，热服。

磁锋砭法 法见四卷丹毒证治。

防风败毒散 治痘后身发瘾疹，出而过多
者。

北防风 赤芍药 绿升麻 粉干葛 生甘
草
水煎，灯芯引，热服。

大补汤 治痘靨而不干，犯之出血。
官拣参 炙黄芪 当归身 净连翘 上薄
桂 牛蒡子 正川芎 杭白芍 香白芷 炙甘
草

大枣三枚为引，水煎服。

密蒙花散 治斑疮入眼，翳障瞳人。

密蒙花酒洗，五钱 谷精草五钱 净蝉蛻去
翅足，洗晒干，五钱五分 望月砂炒，一钱

共为细末，用豮猪肝一两，竹刀剖开，每用
末药一钱，擦在肝内，水煮肝熟，饮汁食肝，神
效。不可轻用点洗之药，反成废弃。

凉肝明目散 治痘后双目羞明怕日。
当归身 草龙胆 北柴胡 正川芎 北防
风 密蒙花 酒黄连
用豮猪肝煎汤，煮药服之。

黄连解毒汤 治痘后患痢，其热甚者。
酒黄连 酒黄芩 陈枳壳 当归尾 酒大
黄 生甘草
水煎，滚热服。

和中汤 治痘后患痢，脓血既清，以此和
之。

官拣参 大当归 陈枳壳 淮木通 炙甘
草
姜、枣引，水煎，温服。

调胃承气汤 治痘后热毒作痢，腹痛，里急
后重。

陈枳壳 锦庄黄 尖槟榔 生甘草
生姜三大片为引，水煎，滚热服。

黄芩汤 治痘后痢，已经下后，以此调其阴
阳。

酒条芩 酒黄连 当归身 大川芎 淮木
通 南木香 赤芍药 炙甘草

久不止加绿升麻；腹痛加酒大黄。

水煎服。

陈皮竹茹汤 治痘后呕吐，有声有物。

雅黄连用吴茱萸同炒，去茱萸，用连 正广皮
白云苓君

竹茹一丸为引，水煎，热服。

甘桔汤 治痘后余毒不消，咽喉塞痛。

芽桔梗君 大甘草君 牛蒡子臣

灯芯为引，水煎服。

知母解毒汤 治痘后余邪作热。

净知母 怀生地 熟石膏 地骨皮 酒黄
芩 牛蒡子 绿升麻 天花粉 生甘草

淡竹叶为引，水煎，热服。

黄芩调元汤 治痘后元气怯弱，虚热身倦。

官拣参 酒炒芩 大麦冬 当归身 炙甘
草

生姜、大枣为引，水煎服。

桂枝解肌汤 治痘后热已尽除，忽因外感
作热。

柳杨桂 赤芍药 片黄芩 官拣参 粉干
葛 北柴胡 炙甘草

生姜、大枣、竹叶为引，水煎服。

补中益气汤 治痘后久已无热，因伤食发
热。

官拣参 炙甘草 漂白术 广陈皮 小枳
实 杭青皮 南木香 六神曲 老麦芽 炙黄
芪

生姜、大枣为引，水煎服。

丁香脾积丸 治痘后伤食，腹痛气急。

京三棱去毛，醋浸，煨熟 蓬莪术去皮，如上制
公丁香 南木香以上各五钱 杭青皮去穗 肥
乌梅连核烧，存性 猪牙皂烧，存性，以上各三钱
巴豆仁四十九粒，煨，搽去油极净

共为细末，醋煮面糊为丸，如绿豆大，每^①
三丸或五丸、七丸，量儿大小，白汤送。

雄黄解毒丸 治痘后伤食，腹满而痛，烦闷
不宁。

明雄黄一钱，另研 川郁金三钱 巴豆霜一
钱

共为末，米糊丸，绿豆大，小茴香煎汤，下三

五丸。

保和丸 治痘后一向能食，今不思食，闻食
气即呕。

官拣参切、焙 漂白术各三钱 白云苓一钱
五分 炙甘草 山楂肉 老麦芽 六神曲各一
钱

共为细末，米糊丸极小，每服一二钱，米饮
服。

补中益气汤 治痘后脾虚，寒热似疟，非真
疟也。

官拣参 漂白术 北柴胡 绿升麻 广陈
皮 上薄桂 当归身 南木香 炙甘草

虚甚者，加熟附子。

生姜、大枣为引，水煎服。

调元生脉散 治痘后手足冷，脉沉细，虚极
之征。

官拣参 炙黄芪 炒白术 全当归 大麦
冬 北五味 青化桂

虚冷甚，加熟附片。

生姜、大枣为引，水煎服。

导赤解毒汤 治痘后神昏妄语，余热未除
也。

淮木通 怀生地 大麦冬 白茯苓 黑栀
仁 上拣参 石菖蒲 炙甘草

灯芯为引，水煎服。

安神丸 治证同前。

真吐黄^②五分 正雅连炒，三钱 当归身
黑栀仁各二钱五分

共为细末，以猪心血和匀为丸，如绿豆大，
朱砂为衣，每五七丸，灯芯汤下。

清神散火汤 治痘后毒邪未尽，忽然作搐。

淮木通 润玄参 大麦冬 正川连 大当
归 官拣参 白茯苓 炙甘草

大便秘者，微加酒大黄；自利者，倍人参。

水煎，去渣，以辰砂末调服。

当归桂枝汤 治痘后血少，手足拘挛，不能
转运。

① 每，此后光绪本有“服”字。

② 真吐黄，即牛黄。

官拣参 当归身 正川芎 白芍药 炙黄
芪 漂苍术 川黄柏 炙甘草

气虚肢冷加附片,感冒风寒以致筋骨痛加羌活、防风;血气大虚者,加鹿茸、虎胫、淮牛膝。姜、枣为引,水煎,微加好酒一杯对服。

宁肺汤 治痘后邪火未退,侵扰肺脏,致令咳嗽。

净知母 牛蒡子 北沙参 怀生地 地骨皮 大麦冬 熟石膏 生阿胶 信前胡 杭白芍 炙甘草

新桑叶七片、枇杷叶一片引,水煎,入竹沥对服。

加味五皮汤 治痘后而目浮肿,四肢肿。

川羌活 五加皮 漂苍术 桑白皮 上薄桂 北防风 淮木遏 汉防己 结猪苓 炙甘草 生姜皮

灯芯为引,水煎,热服。

厚朴汤 治痘后腹胀如鼓,眼胞肿,由水湿饮食所致。

漂苍术 川厚朴 广陈皮 结猪苓 大腹皮 茯苓皮

因于食者,加六神曲、山楂肉、京三棱、蓬莪术、小枳实。

生姜、大枣为引,水煎,热服。

莱菔子丸 治痘后虚胀,面唇白,四肢冷者。

莱菔子炒,五钱,另研 漂白术土炒,二钱 洋胡椒厚朴煎汤浸过,晒干用,二钱

共为末,蜜丸,每一钱,陈皮汤下。

加减导赤散 治痘后余热,郁积膀胱,小便赤涩。

淮木遏 车前子 瞿麦穗 白滑石 赤茯苓 黑梔仁 淡竹叶

灯芯为引,水煎,热服。

润肠丸 治痘后大便秘结,血枯气弱也。

当归尾 怀生地 火麻仁 光桃仁

莱菔子为引,水煎,热服。

建中汤 治痘后阳虚自汗,醒眼而出者。

柳杨桂 白芍药 当归身 炙黄芪 炙甘

草 生姜、大枣为引,水煎,热服。

当归六黄汤 治痘后阴虚盗汗,睡着而出者。

当归身 怀生地 怀熟地 炙黄芪 片黄芩 酒黄连 酒黄柏

小麦一撮为引,水煎,热服。

凉血地黄汤 治痘后毒火流行,伤阴动血。真雅连 当归尾 怀生地 黑元参 炒梔仁 生甘草

鼻血加丝茅根、新桑叶;吐血加熟石膏、净知母、乳童便、香附米;尿血加淮木遏、白滑石;便血加北秦艽、槐角子、荆芥穗;不止加蒲黄茸、生藕节、侧柏叶。

莲蓬壳烧灰为引,水煎服。

黄连止痢汤 治痘后吐痢,此即仲景乌梅丸之变制。

官拣参 漂白术 川附片 川黄连 川黄柏 肥乌梅 真黎椒

净水浓煎,人参汤对服。

洗心散 治痘后走马牙疳,并赤口疮、白口疮。

川黄连 当归尾 怀生地 锦庄黄 淮木遏 南薄荷 净连翘 牛蒡子 生甘草 灯芯十根为引,水煎,热服。

蚕蜕散 治痘后走马牙疳,以此吹之。

蚕蜕纸烧灰,一钱 枯白矾二钱 人中白取久年者,火煨,二钱 五倍子二钱

共为末,洗净败血,以此药搽之。

阴阳散 治痘后赤口疮。

正川连二钱 黑炮姜一钱

共炒,研细末,用茶洗净败血,以此药敷之。

朱矾散 治痘后白口疮。

镜辰砂二钱 枯白矾一钱

共研为末,茶^①洗口疮,以此敷之。

参苓白术散 治痘后饮食不为肌肤。

官拣参二钱 漂白术三钱 白云苓二钱 真广皮二钱 怀山药一钱五分 南木香一钱 六神曲一钱 杭青皮一钱

① 茶;万氏《痘疹》作“鹅涎”。

共为末，米饮调服一钱，阴日服此。

当归益荣丸 治证同前。

当归身 正川芎以上俱二钱 正川连姜汁炒，一钱五分 真芦荟二钱二分，蒸熔 使君肉一钱二分

共为末，蜜丸，米饮下，阳日服此。

妇女痘疹证治歌 凡一十二首^①，共一十四方

女人痘疹最难医，阴质从来血易亏。

待得疹疮将发日，只愁天癸有常期。

《正理论》云：婴儿女子，益以滋甚。以女人阴质，血常不足。痘疹始终以气血为主，一或不足，则变生焉。故女子十四岁已后，有出痘疹者，常恐天癸之行，血走气虚，每成伏陷。

发热经行非正时，火邪迫血血奔驰。

急须凉血停为美，莫待中虚悔却迟。

痘疹发热，经水妄行，却非天癸之期，此毒火内蕴，扰乱血海，迫经妄行，月事不以时下，宜玄参地黄汤，或四物合黄连解毒汤，以凉血为主，必欲其止。如久不止，中气虚弱，致生陷伏者有之。

发热时逢经水行，毒邪已解污方清。

过期不止须当虑，补气温经热自平。

发热之时，经水适逢其期，此积污得去，毒亦轻解，不须治之。若过四五日尚不止，以热邪乘血室之虚，迫血妄行，宜先服小柴胡加生地黄汤以清血室之热，后用十全大补汤以补气血之虚，令其出匀，易壮易靛。

适逢发热经斯断，血室空虚怕烦懣。

若然谵妄神不清，热入子宫医莫缓。

发热时经水适断，宜早服柴胡四物汤，以防血室空虚，毒邪乘虚而入，致生他疾。若已憎寒壮热，神识不清，妄诞见闻，言语错乱，此为热入血室，宜四物汤合导赤散，与安神丸相间服之。

女子居经日已除^②，岂堪痘疹证来加。

却愁血海停污垢，犹虑胞门陷毒邪。

女子经闭，谓之居经，满而不泻，病在心脾。《经》曰：二阳之病发心脾，女子不月。痘疹之毒发于心，又以脾为主，心脾先病，血室不行，冲任之间已多积垢，一旦痘疹之火，郁于命门、胞户

之中，当出不出，毒邪留伏，致生乖戾者有之。故发热之初，即当涤除停垢，以桃仁承气汤主之，后以四物汤合匀气散调理之。

崩漏多时血已枯，泻而不满有余无。

岂堪当此天行病，济弱扶倾在呼吸。

女子一向崩漏未止，气血已虚。若当天行痘疹，必不能任其毒，惟宜大补气血为主，十全大补汤。痘出灰白平陷，难发难靛者，更加熟附一二钱。

起发成浆忽动经，气随血散岂能停。

食多胃足无他虑，不食须防陷伏形。

痘既出现以后，最宜表里俱实，饮食能多。若当起发胞浆之时，天癸忽动，人但知恐被秽气触犯正气，不知自身之血，不足为厌。但血出而气亦虚，毒邪乘虚陷入子里，惟元气素壮能食者，必无是变。如气虚食少之人，未有不成陷伏者，宜十全大补汤主之，虚甚者加熟附、鹿茸。

经行暴哑毒邪侵，血出津枯乍失音。

养血通心言语出，一朝声价值千金。

女子出痘，经水忽行，暴哑不能言。盖心主血，舌乃心之苗，血去则心虚，心虚则少阴之脉不能上荣于舌，故卒失音不语。先以当归养心汤养其心血，利其心窍，自然能言，以十全大补汤^③调之。

起发经行证已乖，内虚伏陷早安排。

药灵中病终须吉，证逆违师事不谐。

月事大行，其疮不起发、不光壮、不饱满、不红活、顶平陷、灰白色，或青干黑陷，此里虚之候，痘复陷入也，宜十全大补汤与夺命散相间服之。其痘胖壮红绽，或痘空中，再出一番，乃大吉之兆；若加腹胀喘满，谵妄闷乱，寒颤咬牙，手足厥冷，必死也。

妊娠出痘有真传，惟有安胎法最先。

不可令胎轻触动，胎元触动命归泉。

孕妇出痘，始终以安胎为主，不可触动其

① 一十二：原作“一十一”，据正文实际首数改。

② 除：长久。唐·李中《旅夜闻笛》：“长笛起认家，秋凉夜漏除。”

③ 汤：原脱，据光绪本补。

胎。其初发热，以参苏饮发之；痘出现后，多服安胎饮为佳；起发收靥迟，十全大补汤去肉桂。

痘正丰时产正临，凡人得法有规箴。

涤除恶露休轻易，补益元神功效深。

孕妇出痘，正当盛时，忽临正产，只以大补气血为主，十全大补汤；若腹中微痛，此恶露未尽也，宜涤去之，生化汤。

产后如逢出痘疮，此时胎去免忧惶。

只凭补益收功效，莫犯寒凉生气伤。

妇人产后出痘，只以大补气血为主，十全大补汤，其白芍用好酒炒熟。不可妄用寒凉，以伤生发之气也。

[人方]

玄参地黄汤 治妇女痘疹作热，经水不依期而至，此妄动也。

怀生地 润玄参 粉丹皮 绿升麻 黑梔仁 炒蒲黄 生甘草

灯芯十茎^①，水煎，热服。

四物合黄连解毒汤 治证同前，火盛毒重者用此。

当归身 怀生地 杭白芍 正川芎 正雅连 川黄柏 条黄芩 黑梔仁

净水浓煎，热服。

小柴胡加生地黄汤 治妇女痘初作热，正值经期，若四五日不止，宜清血热。

官拣参 软柴胡 小条芩 法半夏 怀生地 炙甘草

生姜一片、大枣一枝，水煎，热服。

十全大补汤 治妇女痘疹发热，经行之后当补之，以免陷伏。

官拣参 漂白术 白云苓 当归身 正川芎 杭白芍 怀熟地 炙黄芪 青化桂 炙甘草

生姜一片、大枣一枝，水煎，温服。

柴胡四物汤 治妇女经血方净，适逢痘疹作热，宜升提。

官拣参 软柴胡 小条芩 当归身 正川芎 怀生地 杭白芍 地骨皮 杭麦冬 光知母 淡竹叶

生姜一片引，水煎，热服。

四物合导赤散 治妇女经后出痘，热入血室，神识不清，谵妄。

全当归 正川芎 杭白芍 怀生地 川木通 怀熟地 炙甘草

灯芯十根，水煎，热服。

安神丸 治证同前，与前方间服。

真川连 全当归 杭麦冬 白云苓 炙甘草 以上各五钱 镜辰砂一钱 梅花片二分半

共为细末，以豕猪心血捣和，少加炼蜜，杵千余下，为丸芡实大，每一丸，灯芯汤下。

桃仁承气汤 治妇女经闭日久，正值痘临，宜疏去垢秽，免留伏。

大桃仁二十个，去皮、尖，研泥 川庄黄二钱，酒润 鲜红花一钱 生甘草五分 桂枝尾五分

先煎大黄、桂枝、红花、甘草，汤成去滓，入桃仁泥化开，空心服。

四物合匀气散 治疏通经水之后，以此调其气血。

当归身 川芎芍 京赤芍 怀生地 南木香 京楂肉 炙甘草

水煎，不拘时服。

十全大补汤^② 方见前。

当归养心汤 治妇女痘疹，经行之后，忽然暴哑。

官拣参 大拣冬 绿升麻 全当归 怀生地 炙甘草

灯芯十二根为引，水煎，热服。

夺命丹 治痘方起发，正值经期，其血大下，以致陷伏，以此与十全大补汤间服之。

净麻黄蜜酒炒黑 绿升麻各三钱 山豆根 鲜红花 牛蒡子 净连翘各二钱五分 净蝉蜕 紫草茸 人中黄各三钱

共为细末，酒蜜和丸，芡实大，每二丸，薄荷叶煎汤化服。

参苏饮 治孕妇出痘，发热之初，以此疏通腠理。

官拣参 紫苏叶 芽桔梗 粉干葛 信前

① 十茎：此后光绪本有“为引”二字。

② 十全大补汤：本方已出，此未计方数。

胡 广陈皮 白云苓 陈枳壳 南木香 炙甘草
草

生姜一片、红枣一枚，水煎服。

安胎饮 治孕妇痘已出现，以此固其胎气。

官拣参 漂白术 实条苓 怀熟地 正川
芎 全当归 杭白芍 西砂仁 老苏叶 广陈
皮 炙甘草

生姜三片、红枣三枚，水煎，温服。

生化汤 治孕妇出痘，适逢正产，产后腹痛，恶露未尽。

当归身五钱 正川芎二钱 光桃仁二十粒^①
黑炮姜一钱 炙甘草一钱
净水浓煎服。

麻疹骨髓赋四段

麻虽胎毒，多带时行。气候寒温非令，男女传染而成。其发也，与痘相似；其变也，比痘匪轻。愚夫愚妇，每视为泛常；若死若生，总归于天命。不知毒起于胃，热流于心。始终之变，肾则无证；脏腑之伤，肺则尤甚。闭户何途，何若出门寻径；扬扬止沸，不如去火抽薪。

初时发热，俨似伤寒。目出泪而不止，鼻涕而不干。咳嗽太急，烦躁难安。以火照之，隐隐皮肤之下；以手抹之，亭亭肌肉之间。其形若疥，其色若丹。随出随没，乍隐乍现。根窠若肿兮，麻而兼癰；皮肤若赤兮，麻以夹斑。似锦而明兮，十有九吉；如煤而黑兮，百无一痊！

麻毒最重，治法不同。微汗常出，热势越而不留；清便自调，毒气行而无壅。腠理佛郁兮，叩当发散；肠胃秘结兮，急与疏通。苟视大而若细，恐变吉而为凶。故衄血不必忧，邪从衄解；利血不必止，毒以利松。所喜者身中清凉，可畏者咽中肿痛。饮水不休，法在生津养血；饮食若减，方须清胃和中。

又如出之太迟，发表为贵；出之过甚，解毒堪宜。毋伐天和，常视岁气。寒咸凛凛，毒势郁而不行；火热炎炎，邪气乘而作疔。或施温补，勿助其邪；若用寒凉，休犯其胃。制其过但取其平，诛其暴必欲其正。远寒远热，阴阳之胜负不齐；责实责虚，人禀之强弱或异。

麻疹既出，将息尤难。坐卧欲暖，饮食宜淡。风寒若袭兮，为肿为热；咸酸不禁兮，为咳为喘。异气纵感，变证宜参。便多脓血兮，仓廩血热；咳多涎沫兮，华盖易寒。口烂唇裂，心火未退；皮焦发槁，荣卫将枯。苟不详于临证，何以见其折肱。

麻疹^② 西江月 凡二十首

麻疹^③ 俗呼麻子，盖因火毒熏蒸。朱砂红点遍身形，发自胃经一定。切忌黑斑死证，最宜赤似朱樱。大^④ 都治法喜凉清，不许辛甘犯禁。

麻疹因何咳嗽？盖由肺胃相连。肺金被火苦熬煎，以致咳嗽气喘。治法清金降火，不宜误用香甜。蒸笼包子譬如然，只要气松火遍。

麻疹如何辨认？分明状似伤寒。此多咳嗽有红斑，喷嚏眼中水现。或见腹疼阵阵，或时吐泻相兼。疹麻吐泻不须嫌，正要毒除热减。

麻与痘疹异治，二家不可同方。痘宜温解疹宜凉，又要现形为上。若受风寒不出，其间凶吉难量。急宜发散保安腹，最怕神昏腹胀。

大凡麻痘未出，详看天令如何。假如日暖又风和，败毒荆防堪可。若是时行疫病，芩连消毒宜多。用心调理救沉痾，坐井观天莫学。

且论荆防败毒，真为发散仙方。荆防生地要相当，酒炒芩连二样。桔梗人参甘草，连翘牛蒡无双。玄参酒柏妙真良，竹叶升麻停当。

又有芩连消毒，散火解毒尤佳。芩连梔子及升麻，桔梗石膏多把。甘草人参知母，连翘牛蒡红花。引寻竹叶要多加，此个方儿无价。

发散仍前不出，令人真个忧疑。麻黄酒蜜炒如煤，梔柏芩连一例。更着大黄酒炒，连翘蒡子相宜。石膏蝉蜕最为奇，不效命难再立。

如见出时紫黑，此般自古多凶。急求人尿路朝东，火煨成灰取用。研碎酒调吞下，须臾黑变红。若还依旧黑朦胧，纵有神丹何用。

麻已现形发热，化斑汤用为先。石膏甘草及

① 粒，原脱，据光绪本补。

② 疹：原作“痘”，据万氏《痘疹》改。

③ 疹：原作“痘”，据万氏《痘疹》改。

④ 大：原作“人”，据光绪本及万氏《痘疹》改。

人参，桔梗连翘灵验。若是毒多热甚，芩连消毒真传。大肠秘结大黄添，务用微遍数遍。

麻疹类多咽痛，火邪熏烁无他。连翘甘桔要多加，牛蒡射干同下。外用十宣妙散，吹喉休要吁嗟。假如药后有争差，消毒芩连妙也。

麻疹再兼泻痢，预先用药调医。泻时减桂五苓宜，加上甘草滑石。如是痢兼赤白，香连丸子相随。大端痢止便为奇，不效令人疑忌。

麻咳声声气促，只消降火清金。赤苓栀子并黄芩，桔梗石膏灵应。知母人参地骨，瓜蒌杏子玄参。麦冬牛蒡妙如神，竹叶将来作引。

麻后切防四证，因循多致误人。遍身久热欠清宁，咳嗽连声牵引。牙齿疳生走马，痢下赤白难禁。各求方法贵精纯，始是医中绝品。

为甚身中壮热，只因余毒连绵。金花丸子用芩连，龙胆栀子堪煎。郁金雄黄解毒，灯芯地骨汤煎。若还脾弱热长延，集圣胃苓任选。

咳嗽频频不止，或因不忌酸咸。又加火毒肺家延，尤恐胸高气喘。体实兼行葶苈，神虚清肺为先。如斯调理保安痊，莫向风波弄险。

葶苈丸除肺热，杏仁防己为奇。牵牛葶苈枣相随，莱菔共研成剂。清肺神丹降气，盐汤煮焙陈皮。芩连甘草杏仁泥，苏子同丸甚美。

口齿生疮臭烂，此名走马凶疳。金花子丸好求安，外用除疳妙散。先取尿缸白垢，火烧白色如盐。更将五倍铜绿添，砒枣烧灰灵显。

赤痢下时鲜血，黄连柏叶槐花。枳壳荆芥穗同加，痢止血除方罢。白痢吴萸滑石，樗根枳壳升麻。乌梅取肉作丸佳，赤白香连可下。

四疾更防死证，临门休要殊差。儿多体热瘦如麻，咳嗽面青声哑。走马唇穿齿落，痢多噤口吁嗟。此般即是死冤家，任是神仙也怕。

麻疹证治歌凡二十四首，共三十二^①方

麻为胎毒发于心，胃腑相连热毒侵。

咳嗽鼻中清涕出，且观双目泪淋淋。

痘麻皆胎毒所为。毒者，火也。痘为少阳相火，阳道常饶，故痘大而焮肿；麻乃少阴君火，阴道常乏，故麻小而碎密。心旺则肺受之，故治麻当以肺为主。凡咳嗽者，火炎于肺也；鼻流清涕

者，以火烁金而液自流也；目中泪出，乃肺热移于肝也；凡手掐眉目鼻而者，肺热证也。

凡遇冬温最不祥，发多疫疠发疮疡。

若逢斑疹相传候，可用汤丸预解良。

春温夏热，秋燥冬寒，此四时之主气也。冬应寒而反温，阳先暴泄，火令早行，人感其气，至于来春必生疮疹；未出痘麻者，必感而发。虽曰胎毒，未有不由天行疠气，故一时传染，大小相似。但见麻疹之出，宜服代天宣化丸以预解之，可使毒彻，不为已甚也。

麻出须明岁气先，忽轻汗下致颠连。

察人虚实施方法，暗损天和寿不坚。

麻初发热，与伤寒相似，但麻疹则而颊赤，咳嗽喷嚏，鼻涕流，目中泪出，呵欠喜睡，或吐泻，或手掐眉目鼻面，宜升麻葛根汤，不可作伤寒妄用汗下也。汗之则增其热，为衄血，为咳血，为口疮咽痛，为目赤痛，为烦躁，为大小便不通；下之则虚其里，为滑泄，为滞下。《经》曰：必先岁气，毋伐天和。此之谓也。

麻喜清凉痘喜温，须知麻痘不同门。

麻苗痘实无人解，寒热宜分未可浑。

麻喜清凉，痘喜温暖，此法人皆知之。然麻疹初发，亦宜和暖则易出，所以发苗之初，只要发出得尽，则毒斯解也。若痘必苗而秀，秀而实，毒斯解也。然成实之时，或太温热，则反溃烂不收，是痘后亦宜清凉，故治痘麻无过热，无过寒，温凉得宜，阴阳自和，是为得之。

麻毒从来不可留，出完毒解便无忧。

腹中胀痛邪犹伏，喘促昏迷命必休。

麻疹只怕不能得出，若出尽，毒便解矣。凡麻疹发热之时，当审时令寒暄，以药发之。如时令大寒，以桂枝葛根汤发之；大热，以升麻葛根汤合人参白虎汤发之；不寒不热，以荆防毒散发之；如兼疫疠时行，以人参败毒散发之，外以胡荽酒，用苈麻蘸酒遍身戛之，务令亟出。若发而不出，反加腹中胀痛，气上喘促，昏闷谵妄者，死证也。

过期不出势淹延，毒伏身中未得宣。

^① 三十二，原作“二十九”，据入方所载方数改。

急用透肌体怠玩，岂堪脏腑受熬煎。

发热六七日已后，明是麻证，却不见出。此皮肤坚厚，腠理闭塞，又或为风寒袭之，曾有吐泻，乃伏也，急用发表之剂，麻黄汤去杏仁，加蝉蜕、升麻，外以胡荽酒散麻刮之。如一向未更衣者，毒甚于里，伏而不出，凉膈散加牛蒡子发而解之。再不出者，死证也。更衣谓大便也。

肺为华盖脏称娇，毒火炎蒸津液消。

喘嗽连声痰唾少，急须清润救枯焦。

麻疹初发热时，未见出现。咳嗽百十声不已，上气喘急，而浮目胞肿，时卧时起，此火毒内蒸，肺叶焦举，宜甘桔汤加石膏、知母、牛蒡主之。

火热熏蒸汗不停，毒邪并迫血逆经。

汗多卫表邪从解，血去荣中毒少宁。

麻疹发热自汗，或鼻血出，不须止之，亦发散之义。故汗者毒从汗散，衄者毒从衄解。但不可太过，如汗太多，人参白虎汤合黄连解毒汤清之；衄太甚，玄参地黄汤凉之。

发热乍然生吐泻，由他频出不须怡。

肠胃停污自此清，胞胎之毒全消化。

麻疹发热吐泻，纯是热证，不可作寒论，乃火邪内迫。毒在上焦则吐，毒在下焦则泻，毒在中焦则吐泻并作。单泻，黄芩汤；吐而兼泻，黄芩加半夏汤；自利，里急后重，黄连解毒汤合天水散。

毒火熏蒸气上腾，咽喉自此痛烦^①增。

从来麻痘多斯证，解毒清咽效自能。

麻痘咽痛，本为常候，乃火毒熏蒸而痛也，勿与喉痹同论，妄用针刺。盖喉痹之证，内作痈肿，故宜以针决去恶血；麻痘只是咽干作痛，宜甘桔汤，或鼠粘子汤，细细咽之，自愈。

麻毒如焚饮水饶，炎邪未许一杯烧。

咽喉急燥心家热，津液频枯胃腕焦。

麻疹渴喜饮水，纯是火邪，肺焦胃干，心火内亢故也。初发热作渴，升麻葛根汤方见前。加天花粉、麦门冬；渴甚，人参白虎汤合黄连解毒汤。方见前。

一齐涌出莫惊惶，顷刻浑身朱锦妆。

似痘出时还又没，如斑红处却成疮。

痘疹贵三四次出，谓出匀；麻疹贵一齐涌出，谓出尽。麻疹只要得出便轻减，以火照之，遍身如涂朱之状，此将出之兆。出形细密，与痘疹密者相似。但麻疹粒粒成疮，非若斑之皮红成片，如蚁咬之迹也。

痘疮赤艳痒来攻，麻见红鲜毒得松，

白色血虚犹可疗，黑斑恶证莫相逢。

痘麻之色，不可同论。大抵痘怕太红，皮嫩易破，必生瘙痒；麻喜通红，麻发于心，红者，火之正色。若麻色淡白，心血不足，宜养血化斑汤主之。色太红艳，或微紫，或出太甚，并宜大青汤。黑者，死证也。

麻之出没合阴阳，出以温和没以凉。

连出不收阳气盛，迟迟间出是阳强。

麻疹出没当以六时为准。假如子后出，午时即收，午后出，子时即收，乃阳生阴成，阴生阳成，造化自然之数。凡此旋出旋收者轻。若一出连绵三四日不收，乃阳毒太甚，大青汤方见前。解之，逡巡不出，乃风寒外束，皮肤闭塞，宜荆防败毒散。方见前。

麻出浑身似火烧，毒邪壅甚急难消。

解肌只许皮肤暖，救里还期便溺调。

麻疹欲出，则遍身发热，或烦躁，或头眩，或身拘急；及既出，则身即清凉，诸病悉解，此一层麻疹随收矣。如麻既出，热甚不减，此毒壅遏，宜大青汤方见前。以解其表；小便涩，大连翘汤以解其里；大便秘，凉膈散方见前。加牛蒡子。

麻疮出尽得安和，毒未清时奈若何。

怫怫^②热烦邪尚炽，频频呕泻毒犹多。

凡麻疹只要出得尽，则毒邪解散，正气和平。如怫怫发热，烦闷不宁，如蛇在灰，如蚓在尘之状，或呕吐，或泄泻，此毒邪壅遏，尚未出尽。烦热，黄连解毒汤；呕泻，黄连橘皮汤，二者并外用胡荽酒，以苎麻蘸酒戛之。方法见前。待麻出尽，则烦热自除，呕泻自止矣。

麻毒流殃为伏邪，几经恶候致嗟呀。

① 烦：光绪本作“频”。

② 怫怫(fufu 服服)，原作“拂拂”，据光绪本改。“拂”，《玉禽》，“意不舒治也。”拂拂，郁闭不扬貌。

虽然疫病由天降，也是因循人事差。

麻疹欲出未出之时，即当早为发散，以解其毒，庶无余灾。若不预解使之尽出，以致毒蓄于中，麻后必为壮热，日久枯痒，或成搐搦，或为痢疾，或咳血喘促，或作疳蠹^①而死。此虽一时疫病之染，未有不由人事之未尽。

麻后留连热不除，蒸蒸烙手发毛疏。

肉消骨立成疳瘦，幸有良工药可茹。

麻疹收后，身有微热，此虚热也，不须施治，待气血和畅，自然清凉。若热太甚，或日久不减，以柴胡麦冬散清之；如发枯毛竖，肉消骨立，渐渐羸瘦，柴胡四物汤主之。

发热无休神渐昏，忽然瘵痲乍惊魂。

莫将疫病同调治，退热凉心命可存。

麻后热不除，忽作搐搦，不可称为惊风，而用风药。宜导赤散加人参、麦冬煎汤送安神丸。方见妇女痘疹证治歌。小便清者，可治；短少者，不可治。

麻毒流殃走马疳，牙龈黑烂药空舍。

穿喉漏颊声音哑，早赋归教疾似骤。

凡麻后牙龈黑烂，肉腐血出，息臭冲人，曰走马疳，马鸣散主之。若面颊浮肿，环口青黑，颊漏齿脱，唇崩鼻坏者，死证也，宜从卷四齿牙证治参考。

麻后泄泻名痲痢^②，昼夜无停真可异。

勿轻动涩固霸功，噤口毒深凶莫避。

麻后泄痢，日久不已，曰休息痢，不可妄用涩剂，以图霸功，宜黄芩汤合六一散，煎送香连丸。若呕吐不能食，谓之噤口。更加肠滑不止，或下鲜血，或如烟尘水者，死证也。

炎炎胃火金遭迫，咳嗽百声痰阻隔。

胸高肩息目虚浮，摆手摇头来下客。

麻疹收后微咳，此肺气未平，不须调治。若咳转甚而喘气上逆，发则连绵不已，此肺中伏火，宜人参清膈散主之；身热，门冬清肺汤主之。若咳久不止，面浮目胞肿，胸高而喘，息则耸肩，血自口鼻出，面色或青或赤，鼻燥昏闷，摇头摆手者，死证也。

麻收禁忌切须防，盐醋鸡鱼慎勿尝。

欲莫从心终是福，物多爽口定为殃。

麻后遏禁鸡鱼炙燔盐醋之类，须过七七之后方可食之，惟宜食淡，不可纵口，以遗后患也。

麻收无恙将平复，饮食如常未纵欲。

心胸绞痛勿倾亡，疫病侵袭名中毒。

曾见痘麻收后，动止出入饮食如常，忽然心胸绞痛而死者，还是元气怯弱，疫病之毒乘之，正不能胜，邪伏于中，外若无病，内已亏损，故一中而死，谓之中恶。

婴稚初离胎谷中，遍身斑駁似殊红。

胎中热毒于今现，莫作时行麻疹攻。

凡小儿初生未满月者，遍身红点，俗呼奶麻子是也。此胎中受热，故生下即发，现于皮肤，不可作时行麻毒论治，妄用汤剂。盖脏腑娇嫩，不能胜汤丸也。宜溯源解毒汤与乳母食之。

[人方]

代天宣化丸^③ 方见五卷痘疹总略歌。

升麻葛根汤^④ 方见五卷发热证治歌。

桂枝葛根汤 治严寒时令，麻毒难出，以此发之。

柳杨桂 粉干葛 赤芍药 绿升麻 北防风 炙甘草

生姜三片、淡豆豉一钱为引，水煎服。

升麻葛根合人参白虎汤 治炎天暑月，毒为热隔，以此凉解之。

绿升麻 粉干葛 白芍药 炙甘草 净知母 熟石膏 上拣参

糯米一撮，水煎服。

荆防败毒散 治天时不寒不热，以此平解之。

上拣参 北柴胡 正川芎 芽桔梗 荆芥穗 白云苓 陈枳壳 信前胡 川羌活 川独活 北防风 炙甘草

薄荷五片为引，水煎，热服。

① 蠹：(ni 匿)原作“愚”，形近致误。蠹：《玉篇》，“小虫也。”

② 痲(xiu 休)痢，《玉篇·疒部》，“痲，痲息，下痢病也。”痲痢：即休息痢。

③ 代天宣化丸：原脱，据“麻疹证治歌”补。

④ 升麻葛根汤：原脱，据“麻疹证治歌”补。

人参败毒散 时逢疫疔流行,适值麻疹,以此凉解之。

官拣参 川羌活 川独活 信前胡 北柴胡
川芎 芍药 白云苓 陈枳壳 芽桔梗 炙甘草

生姜三片,水煎服。

胡荽俗名羌荽。**酒** 治麻疹不出,以此发之。

胡荽四两切碎,先以好酒二杯,壶内煎滚,方入胡荽在内,盖定勿煎,勿令泄气,以苈麻蘸酒,遍身戛之,使麻易出,真神法也。

麻黄汤 治麻疹六七日,应出不出,或风寒闭塞。

净麻黄 熟石膏 净蝉蜕 绿升麻 炙甘草

葱白三寸为引,水煎服。

凉膈散 治麻毒深重,里气不通,而应出不出。

锦壮黄 白芒硝 净连翘 黑梔仁 南薄荷
淡竹叶 甘草梢

水煎,去渣,加生蜜三匙和服。

甘桔汤 治麻疹胃火炎肺金,咳嗽而浮,应出不出。

生甘草 芽桔梗 熟石膏 净知母 牛蒡子

生薄荷叶五片为引,水煎服。

人参白虎合黄连解毒汤 治麻疹自汗太过,恐防卫弱,以此止之。

官拣参 净知母 熟石膏 生甘草 正雅连
川黄柏 片黄芩 黑梔仁

糯米一撮为引,水煎,热服。

玄参地黄汤 治麻疹衄血太过,恐防伤阴。

润玄参 怀生地 粉丹皮 黑梔仁 绿升麻
杭白芍 生蒲黄 生甘草

茅根即丝茅根也。七茎为引,水煎,热服。

黄芩汤 治麻疹发热自利。

枯黄芩 白芍药 炙甘草

大红枣一枚为引,水煎,热服。

黄芩加半夏汤 治麻疹发热吐泻。

即黄芩汤加半夏、生姜。

黄连解毒合天水散 治麻疹自利,里急后

重,欲作痢也。

正雅连 川黄柏 枯黄芩 黑梔仁 飞滑石 炙甘草

净水浓煎,空心滚热服。

甘桔汤 治麻疹咽喉疼痛,饮食艰难。

生甘草君 芽桔梗臣 牛蒡子使

灯芯十茎为引,水煎服。

鼠粘子汤 治证同前。稍重者用此。

鼠粘子炒 绿升麻 鲜射干 生甘草

灯芯为引,水煎,热服。

养血化斑汤 治麻疹色淡白,心血不足。

官拣参 当归身 怀生地 鲜红花 净蝉

蜕

生姜、大枣引,水煎服。

大青汤 治麻疹色太红,或微紫,或出太甚。

鲜大青 润玄参 怀生地 熟石膏 净知母
川木通 地骨皮 荆芥穗 生甘草

淡竹叶十二片为引,水煎,热服。

大连翘汤 治麻疹既出,热盛不减,小便短涩。

净连翘 北防风 瞿麦穗 荆芥尾 淮木通
车前子 当归尾 北柴胡 净蝉蜕 赤芍

桔黄芩 白滑石 黑梔仁 紫草茸

灯芯十茎为引,水煎,热服。

黄连解毒汤 治麻疹出后,仍发热烦躁,麻出未尽也。

川雅连 川黄柏 黑梔仁 枯黄芩

净水煎,滚热服。

柴胡橘皮汤 治麻疹热邪未尽,麻未出完而兼吐泻。

官拣参 软柴胡 广陈皮 枯黄芩 法半夏
白云苓

竹茹一团、生姜一片为引,水煎,热服。

柴胡麦冬散 治麻疹收后,大热不退,毒未出尽也。

官拣参 软柴胡 北沙参 大拣冬 润玄参
草龙胆 炙甘草

灯芯一团为引,水煎,热服。

柴胡四物汤 治麻疹收后,发热不退,毛焦

肉削。

官拣参 北柴胡 枯黄芩 当归身 正川芎
怀生地 杭白芍 地骨皮 杭拣冬 净知母
淡竹叶

桑叶三片为引,水煎服。

导赤散 治麻后热不除而作搐。

怀生地 淮木通 麦门冬 生甘草

淡竹叶七片为引,水煎,送安神丸。

安神丸^① 方见六卷妇女痘疹证治歌。

马鸣散 治麻后牙龈溃烂,臭气冲人。

马鸣蛻即蚕蛻也。火烧过,存性,二钱五分 人中白即尿桶垢。刮取,火煨如盐,五钱 五倍子二钱
白明矾二钱,将矾打成块,装入五倍子内,火煨,以矾枯为度。

共为极细末,以米泔水洗口^②,然后敷此。

黄汤合天水散 治麻后患痢,日人不已,仍宜清解。

枯黄芩 杭白芍 白滑石 粉甘草

大枣二枚为引,水煎熟,去滓,送后香连丸。

香连丸 治证间前。

真雅连一两,以茱萸五钱同炒,去吴茱萸不用
南木香五钱,锉细末 广陈皮五钱 建莲子去心、皮,二钱五分

共为细末,醋打神曲糊丸,如绿豆大,每服一钱。

人参清膈散 治麻后咳嗽日久,连绵不已。

官拣参 北柴胡 当归身 杭白芍 净知母
鲜桑叶 漂白术 白云苓 炙黄芪 地骨皮
枯黄芩 白滑石 熟石膏 生甘草
生姜一片为引,水煎服。

门冬清肺汤 治麻后咳嗽不已,身热而烦。

天门冬 麦门冬 净知母 鲜桑叶 怀生地
枯黄芩 地骨皮 倍前胡 北沙参 炙甘草

灯芯为引,水煎服^③。

溯源解毒汤 治乳子出胎后,遍身奶麻。

大当归 怀生地 正川芎 杭白芍 北沙参
正川连 广陈皮 上拣参 淮木通 净连翘
生甘草

水煎,乳母服之,不可令儿服。

① 安神丸,原脱,据“麻疹证治歌”补。

② 口,原作“日”,形近致误,据文意改。

③ 灯芯引,水煎服;原脱,据光绪本补。

跋

岭南罗浮修士陈公，天生灵敏，学躬枢要，于河洛畴范，天人理数之际，确有心得。其网罗百氏，淹贯群言，则自宋五子书及《参同契》以下，皆能折衷而论定之。尝因侍尘座，进质《易》义，剖析详明，发挥晓畅，觉先圣微旨，后人疑团，不无了然。心口之间，就教日久，乃悔向之仅羨公为高旷玄妙者，殆浅之乎视公也。公于医事，颇尝究心，所经治全活无算。近以幼科惊风法门传习贻害，将以扫除而廓清之，著为《幼幼集成》，凡六卷，计数十万言，凡例十有二，论辨证、治治案，及痘麻正变总赋、杂歌，共百数十条。盖自胎禀护持，迄于甫生稍长，诸凡病因、治要，罔不备于册，可谓无义不周，无隐不到矣。又其言明白显易，虽山农野老，皆得习其读而用之，将以消造化夭折之憾，全天地生物之心。是书之行，良非小补。而公之天根净澈，学识周通，其所以取精而用弘者，亦此窥见一端云。

庐陵后学刘勳谨识于幼幼集成六卷之末

幼科释谜

清·沈金鳌 辑

刘耀 校注

校注说明

《幼科释谜》为儿科专书，乃《沈氏尊生书》七种之一，清·沈金鳌辑著。金鳌（1717—1774年？）字芊绿，号汲门，又号再平，晚号尊生老人，滑代江苏无锡县人，廩贡生，早岁习儒，博通经史，兼工诗文、医卜之术。年近四十，屡试京兆不售，叹曰：“昔人云‘不为良相，当为良医’，余将以技济人也。”沈氏曾得名医孙庆曾之传，凡男、妇、大、小，为脉为证，皆得之亲授，自中年始，益肆力于《灵》《素》诸书，历四十年不辍，故深明医理，治病无不奏效。著有丛书《沈氏尊生书》七十二卷，包括《脉象统类》、《诸脉主病诗》、《杂病源流犀烛》、《伤寒论纲目》、《妇科玉尺》、《幼科释谜》、《要药分剂》等七种，成书于乾隆三十九（1774）年。

本书共六卷，前四卷，首先有总论，叙述了儿科诊断大法，后列举儿科二十四门症候，各著四言韵语一首，探源析流，阐明义理，简括扼要，极便记诵，每症并各附前人议论，以相发明，选择精当，皆可取法。末二卷，则搜集应用诸方剂，共381首，以备检查选用。

本书辑撰过程中，博征旁引，涉及到四十个医学人物的近五十部医书，里似宠杂，但“是书删繁就简，卷帙无多，实足发明病旨，遵守斯法，已大概无误，若更神而明之，则存乎其人矣。”故是书非前代文献照撮，而是根据临床实际和自己的经验进行了选择，其议简明中肯，选方平正允妥，具有较高的临床实用价值。书中所引部分医家的著作，现已亡佚，为后世文献研究，提供了珍贵的资料，故是书亦具有较高的文献学价值。

本书自乾隆三十九年刊行问世后，受到后世医家的推重，曾多次翻刻，流传甚广，除单行本外，尚有《沈氏尊生书》、《妇婴三书》两种丛书本。由于本书成书距今不远，各种版本间，差异较小，且引文宠杂，故本次校勘采用底本为北京聚魁堂刻本（简称聚魁堂本）。主校本为滑同治十三年崇文书局刻本（简称崇文书局本）。参校本为滑同治元年醉六堂藏本（简称醉六堂本）。旁校本为《小儿药证直诀》（简称《直诀》）、《证治准绳·幼科》（简称《准绳》）、《保婴撮要》、《永类铃方·全婴门》（简称《全婴门》）、《仁斋直指小儿方论》（简称《仁斋直指》）、《医学入门》（简称《入门》）、《太平圣惠方》（简称《圣惠方》）、《临证指南医案·幼科要略》（简称《幼科要略》）、《千金要方》（简称《千金》）、《诸病源候论》（简称《病源》）、《三因极一病证方论》（简称《三因》）、《医学正传》（简称《正传》）、《幼幼新书》（简称《新书》）、《活幼口议》（简称《口议》）、《古今医鉴》（简称《医鉴》）等近三十部医书。

对本书中的问题处理方法为：①凡底本中明显错字、别字予以径改。②若显系底本脱误衍倒者，出校注明据补、据改、据删之版本、书名或理由。③方药选引，或行文顺序不同者，除第一次出现外，后不出注。④本书注释仅限于冷僻字词，不作句释和医理发挥。难字僻字，注音采用汉字拼音加直音法。重见者不复注。⑤对原书所引医学人物，仅作简要说明。

由于点校者水平有限，疏漏之处不无有之，祈望专家学者示教。

校注者

一九九七年元月

自序

余性素拘，凡所著述，皆言其所明，弗明者弗敢言也。夫明非不喻其理之谓，谓必得所传授，亲习其事，有以证其理之不差，而后晓然于心者，亦晓然于手与目，斯之谓明也。如是言之，则皆确凿可据，非浮光掠影之谈，非臆测传会之语耳。余于医传自孙庆曾^①先生，凡男妇大小，为脉为症，皆得之亲受，故试之诊视，罔弗取效。前著《伤寒纲目》、《杂病源流》、《妇科玉尺》，皆晓然于心与手目，一一笔之于书者也。幼科中独痘疮一症，其旨微，其候险，其变化百出，尤必临症指示，而后能悉其精微，知其蕴奥。孙先生与前辈叶天士同出一门，固精于痘，而余于受业时，非专属行医，弗获相随痘家，亲聆教诲，故独于痘，弗敢言也。虽古痘医，首推钱仲阳、陈文中，后如曾氏、万氏、汤氏、魏氏，皆接两家宗派，而翟氏、聂氏，尤能阐明钱、陈底蕴，其书具在，未尝不深切究明，晓然于理之所在。然未得临症指示，所谓晓然于心，未能晓然于手与目也，既不能晓然于手与目，其敢自谓已明，而妄有言乎？故辑《幼科释谜》六卷，共分二十四门。独阙痘症，非竟阙也，庸有待也。孙先生虽已捐世，或得一精其业者，受其传焉，则阙者未尝不可补矣。《释谜》既成，因书其故以冠于首。

时乾隆三十九年甲午十二月上瀚无锡沈金鳌芋蟠氏自书

^① 孙庆曾：孙从添，字庆曾，号石芝，清代江苏常熟县人，徙居吴县蕲溪，精医，著《石芝医话》刊载于《吴医汇讲》，乾隆丁亥卒，时年七十六岁。

凡 例

… 是书独阙痘症,已详明自序中。其余共分二十四门,虽症变多端,或有不尽于此者,更当临症消息,然大段备具,已足该幼稚科纲领。

一 二十四门症候,各著四言韵语,阐明义理,不列散文者,便诵习也。但韵语中,探源析流,义尚简括,阅者当求意旨之所在,勿以为略而短之。

一 韵语后,各采前人议论,以相发明,要皆择其至精至当,归于一是,足为幼医科律者,故书中所登,无错杂,无重叠,无支离,无牵扯。

一 是书删繁就简,虽卷帙无多,实足发明病旨,遵守斯法,已大概无误,若更神而明之,则存乎其人矣。

一 芽儿脏气未全,不胜药力,周岁内,非重症,勿轻易投药,须酌法治之。即两三年内,形气毕竟嫩弱,用药亦不可太猛,峻攻骤补,反受药累。

一 儿病多由食积,固是要语,医家不可不知,然亦有禀受薄弱,或病后虚怯,其所生病,有全无食积者,不得以此语横亘心中,仍为消导,即或有之,亦当扶正而使积自消,消息甚微,当意会毋执。

一 古人治幼稚儿,或专攻,或专补,或专凉,或专热,皆有偏处,是书宗旨一以中和当病为归,不敢偏于攻补凉热。

一 病家怕惊不怕泻,医家怕泻不怕惊,要知惊泻俱为重候,在病家罔知病症,固无足怪,医家既怕泻,又安得不怕惊耶?若存不怕之念,恐有轻心妄治以致害者,不可不慎思之也。

一 古人制幼方,必使药品与幼儿相得,本与大方有别,医者固不可执古方以治今病,亦不可妄作方剂,有背古人之意,此旨亦至微,明者自领之。

一 婴儿两三年内,全属天真,痛痒不能自达,其时脉虽不可凭,而观色察形,或视三关指纹,医者反得依据。有一种娇养小儿,至四五岁、六七岁,知识略开,便生诈伪,不饥为饥,不渴为渴,不痒为痒,不疼为疼,父母溺爱不知,谆谆告医,医若不察,便尔多误,此又当观色于色之外,察形于形之表,以辨其情伪者也,切勿为他瞒过。

目 录

卷 一

总论	(703)
察色	(703)
听声	(703)
脉法	(704)
脉应杂病	(704)
看虎口三关法	(704)
小儿指形图	(705)
初生诸病	(706)
胎惊胎痫胎风胎黄	(706)
胎寒胎热	(707)
撮口	(707)
鹅口一名噤口风,又名雪口	(707)
脐风脐湿肿脐疮脐突	(708)
惊风	(708)
惊搐由脏翻	(708)
惊搐痫痉不同	(709)
伤风伤食发搐	(709)
惊风先见之症	(709)
惊搐有声无声	(709)
急惊风	(709)
慢惊风	(711)
慢脾风	(712)
天吊内吊附内	(712)
急慢惊诸恶候	(713)
惊风诸变症惊瘫鹤膝摇头	(713)
诸惊不治症	(714)

卷 二

痫症	(715)
痫症之分	(715)
阴阳二痫	(715)
风惊食三痫	(716)
五脏痫	(716)
痫症治法	(716)
诸痫不治症	(716)
痉必拘挛	(716)

疳积	(716)
疳病原由症治	(717)
五脏疳	(718)
无辜疳	(718)
疳病二十四候	(718)
丁奚哺露	(718)
疳病名目	(719)
五疳出虫法	(719)
走马疳	(719)
疳病不治症	(719)
发热烦躁	(719)
五脏热	(719)
热有虚实表里	(720)
热辨温壮烦	(720)
热分惊积	(720)
热有昼夜久暂之分	(720)
寒热并作	(720)
骨蒸热潮热余热	(721)
烦躁原由症治	(721)
伤寒	(721)
伤寒原由症治	(722)
麻疹	(723)
麻疹原由症治	(723)
疟疾寒热往来附	(725)
疟疾原由症治	(725)
寒热往来	(726)

卷 三

黄疸	(727)
疸病原由症治	(727)
疸分阴阳	(727)
水肿诸肿胀附	(727)
水肿原由症治	(728)
腹痛腹胀	(729)
腹痛原由症治	(729)
盘肠内吊痛	(729)
锁肚痛	(729)

- | | | | |
|-------------------|-------|------------------|-------|
| 腹胀原由症治····· | (730) | 啼突····· | (741) |
| 腹胀有虚实····· | (730) | 啼哭原由症治····· | (742) |
| 痞结积癖····· | (730) | 汗····· | (742) |
| 痞结原由症治····· | (730) | 自汗症治····· | (742) |
| 积癖原由症治····· | (731) | 盗汗症治····· | (742) |
| 诸积分辨····· | (731) | 耳目鼻口舌齿咽喉····· | (743) |
| 积痛····· | (731) | 耳病原由症治····· | (743) |
| 积病有治有不治····· | (731) | 目病原由症治····· | (743) |
| 痰癖原由症治····· | (732) | 鼻病原由症治····· | (744) |
| 食积····· | (732) | 口病原由症治····· | (744) |
| 食积原由症治····· | (732) | 舌病原由症治····· | (744) |
| 食积痢····· | (733) | 齿病原由症治····· | (744) |
| 食积吐泻····· | (733) | 咽喉病原由症治····· | (744) |
| 吐泻····· | (733) | 大小二便····· | (745) |
| 吐泻原由症治····· | (733) | 大便不通原由症治····· | (745) |
| 四时吐泻治分表里····· | (734) | 小便不通有阴闭阳闭癃闭····· | (745) |
| 吐泻心腹痛····· | (734) | 诸淋皆由肾虚····· | (745) |
| 单吐吐病原由症治····· | (735) | 遗尿有寒热异因····· | (745) |
| 单泻泻病原由症治····· | (735) | 尿白····· | (746) |
| 痢疾····· | (736) | 阴肿癩疔····· | (746) |
| 赤白痢原由症治····· | (736) | 尿血····· | (746) |
| 卷 四 | | | |
| 感冒····· | (738) | 脱肛肛痒····· | (746) |
| 四时感冒症治····· | (738) | 肛病原由症治····· | (746) |
| 春温风温夏热秋燥冬寒症治····· | (738) | 丹毒····· | (746) |
| 痰涎····· | (739) | 胎毒发丹····· | (747) |
| 痰涎原由症治····· | (739) | 一切丹原由症治····· | (747) |
| 五脏传变皆痰····· | (739) | 五色丹····· | (748) |
| 咳嗽哮喘····· | (740) | 辨小儿欲发丹毒候····· | (748) |
| 咳嗽原由症治····· | (740) | 卷 五 | |
| 百日内嗽····· | (741) | 诸病应用方····· | (749) |
| 哮喘原由症治····· | (741) | 卷 六 | |
| 马脾风····· | (741) | 诸病应用方····· | (762) |

幼科释谜卷一

总论

运合阴阳,胚胎在腹,五行相参,乃成孕育,逐月成形,男女攸属,九窍既分,肢体随畜,脏区以五,腑部以六,内生筋骨,外绷肌肉,至于经脉,无不联属,至于毛发,无不攒簇,气遗于母,呼吸盈缩,母息是同,如璞孕玉,母热热慢,母寒寒促,母怒脉兴,母惊阴触,母思气拘,母忧神局,凡此诸因,皆能停毒,面毒之停,更甚淫欲,毒停先天,后天斯酷。古人胎教,所由谆勸,十月涵濡,胎元具足,一旦临盆,蒂脱瓜熟,此后哺乳,更须周笃,易虚易实,疾病惟速,疾痛莫知,痾痒谁告,如哑不言,如谜难卜,保赤维艰,常忧手束,遗考方书,广搜秘录,识取其精,论采其卓,爰辑斯编,释谜标牒,既分门类,更详款目,欲幼幼者,当为三复。

察色

钱乙曰:儿医号为哑科,脉来趺疾难凭,故以察色为要,形色若不相应,然后听声切脉^①。如面上症,左腮为肝,右腮为肺,额上为心,鼻为脾,颞为肾,赤者热也,黄者积也,白者寒也,青黑者痛也^②,随症治之。又如目内症,赤者心热,导赤散;淡红者心虚热,生犀散;青者肝热,泻青丸;浅淡者补之;黄者脾热,泻黄散;无精光者肾虚,地黄丸;若见面目浮肿,主久咳嗽,乃脾受疳积也。又如唇上症,白主吐涎,呕逆,吐白,便血;红主渴饮烦躁,若久咳泻,唇红者,是虚症也,勿用凉药;黄主脾受积,后发肿紫色及吐涎;主虫痛,不吐涎,是积痛;唇口四畔黄如橘,主口臭,乃脾之积热也;青主血虚脾寒,为冷所乘,盖唇主脾土,木来克土,知脾弱不能食也。又如舌上症,凡小儿舌干、舌白、舌燥、舌胎、舌黄、舌赤肿,皆主大便不通,或遗利必赤色焦黄。如舌裂、舌上芒刺、舌上出血,皆热极,阳毒也。舌上生

疮,心脾有热;舌卷主惊,久患泻利;舌黑而润,不可认为热,盖久病上焦虚热故也。久泻利舌黑者,必死。

李仲南曰:面上青色,为惊积不散,欲发风候;红赤色,为热,为痰积壅盛,惊悸烦躁;增进黄色,亦为热,为食积症伤,欲作疳候,或作痞癖;若神思昏沉,其候潮热气粗困倦,或呕哕,或泻痢;白色为寒,为肺气不利,大肠滑泄,欲作吐利;黑色为痛所传,不烦,症变^③即为逆候,荣卫失序,为疾危恶。虞抟《面上形症歌》曰:痢疾眉头皱,惊风面颊红,渴来唇带赤,毒热眼朦胧,山根若见脉痕^④青,此病明知两度惊,赤黑困疲时吐泻,色红啼夜不曾停,青脉生于左太阳,须惊一度见推详,赤是伤寒微燥热,黑青知是乳多伤,右边青脉不须多,有则频惊待^⑤奈何,红赤为风抽眼目,黑青三日见阎罗。

李梈曰:小儿诸病,但见两眼无精光,黑暗无运转,目睫无芒锋,如鱼猫眼状,或两眼闭而黑暗朦胧^⑥者死。或外若昏困,而神藏于内不脱者生,黑珠满轮,睛明者少病,眼白多,睛珠或黄或小者,禀弱多病。

听声

危亦林曰:睡中惊啼声浮者易治,声沉不响者难痊,或声如鹑中弹者不治。

李梈曰:声轻者,气也,弱也;重浊者,痛也,风也;高喊者,热欲狂也;声急者,神惊也;声塞者,痰也;声战者,寒也;声噎者,气不顺也;喘

① 儿医号为哑科……然后听声切脉,此三十字为沈氏语,非钱乙原文。

② 黄者积也……青黑者痛也,钱氏《直诀》无此十二字,为《准绳》引文。

③ 症变:《全婴门》作“变证”。

④ 痕:《正传》作“横”。

⑤ 待:《正传》作“怎”。

⑥ 朦胧:《人门》作“朦昧”。

者,气促也;喷嚏者,伤风也;惊哭身沉不响者,重也;声浊沉静者,疳积也;如生来不大啼哭,声啾啾者,必夭也。火之大发,忽狂惊叫,乃火盛气虚,必死。夜半发者,多有口疮,宜看之。直声往来而无泪者,痛也;连声不绝而多泪者,惊也;噤煎声烦躁者,难愈;躁促声音者,感寒也。

李仲南曰:小儿有疾,既见于色,必应于声,其声不一,必细审之。有重实声者,歌曰:重实声雄体热为,三焦气壅在心脾,伤风咳嗽咽喉痛,结涩肠中粪出迟。有悲焦声者,歌曰:声悲焦有燥,恐怖欲生风,重浊声沉静,疳攻必耳聋。有啼哭声者,歌曰:但哭无啼只有惊,多啼不哭痛分明,声轻颤嘎风痲痲,速缓声频吐泻成。有噤煎声者,歌曰:噤煎烦躁病难安,躁促声音为感寒,语短气微尿主涩,长迟声蛔痢多般。有迟缓声者,歌曰:语^①短声迟缓,肠鸣泄泻频,嘎声多不响,风热肺虚因。

脉法

钱乙曰:候儿脉^②,当以大指按三部,一息六七至为平和,八九至为发热,五至为内寒。诀曰:小儿脉紧风痲候,沉缓食伤多呕吐,弦急因知气不和,急促急惊神不守,冷则沉细风则浮,牢实大便应秘久,腹痛之候紧而弦,脉乱不治安可救,变蒸之时脉必乱,不治自然无过谬,单细疳痲洪有虫,大小不匀为悲候,脉沉面迟有潮热,此必胃寒来内寇,泻痢脉大不可医,仔细酌量宜审究。

王肯堂曰:张云岐云,未及五岁不能视听者,不可别脉,五岁以上,方可以脉别浮沉迟数,按前钱氏论,则不拘五岁上下也。《水镜诀》又云,三岁以内看虎口三关,若三岁以下,更用一指按高骨,乃分三关,定其息数,呼吸八至为平脉,九至不安,十至危困;四岁以下,用一指袞转寻三部,以关为准,七八岁移指少许,九岁次第依三关部取,十一二岁后,依大方脉部位诊视,按此又与前二说不同,医者临时参酌用之可耳。

脉应杂病

王肯堂曰:诸脉数为热属腑,诸迟脉为冷属

脏。阳数脉,主吐逆,不吐必发热;阴微脉,主泄泻,不泻必盗汗;沉数脉,寒热,寒多热少,亦主骨蒸热;紧数脉,寒热,热多寒少,又主骨蒸,急则惊痲;沉紧脉,心腹痛,短数同,亦主咳嗽;沉细脉,乳食不化,亦主腹痛下痢;沉伏脉,为积聚,亦主霍乱;微缓脉,乳不化泄泻,沉缓亦同;微涩脉,瘕疝筋挛;微急脉,寒热唾血;浮滑脉,宿食不消,亦主咳嗽;浮紧脉,疳气耳聋;浮洪^③脉,头疼身热;紧滑脉,吐血恶心;心脉急数,惊痲,否则疳淋;肝脉急,癩痲风痲,痰涎流液;肺脉浮实,鼻塞,并大小便不通;关脉紧滑,主蛔虫,尺脉沉同;尺脉微细,溏泄冷利,乳食不化;尺脉微涩,便血,否必盗汗;脉入鱼际^④,主遗尿。

看虎口三关法

滑伯仁曰:小儿三岁以内,看男左女右虎口三节,曰三关。纹色紫热,红伤寒,青惊风,白疳病,黄色淡红,乃平常小恙,其筋纹宜藏,不宜暴露。若黑色,则为危险,再脉纹见下截风关为轻,中截气关为重,上截命关为尤重,直透三关为大危。

按:从前言看三关,法虽大同小异,总不如滑氏之直截明简。

王肯堂曰:《全幼心鉴》十三种脉纹云,流珠只一点红色;环珠差大;长珠圆长;以上非谓圆子,总皆红脉贯气如此。来蛇即是长珠散出,一头大一头尖;去蛇亦如此,分上下向,故曰来去,角弓反^⑤张向里为顺,向外为逆;枪形直上,鱼骨分开;水字即三脉并形;针形即过^⑥一二粒米许;射甲命脉向外;透指命脉向里;虽然余尝治之,亦有不专执其形脉而投剂者,盖但有是症,即投是药,而亦多验。流珠形,主饮食所伤,内热欲吐,或肠鸣自利,烦躁啼哭,用助胃膏;环珠

① 语:原作“促”,据《全婴门》改。

② 候儿脉:此下文字与《直诀》有异,与《准绳》同。

③ 洪:《准绳》作“弦”。


④ 脉入鱼际:《准绳》作:“脉过寸口入鱼际”。

⑤ 反:原作“长”,据《准绳》改。

⑥ 即过:《准绳》后有“关”字。


形,主脾虚停食,胸膈胀满,烦渴发热,五味异功散加山楂、枳实;长珠形,主脾伤饮食腹痛,寒热不食,大安丸、异功散;来蛇形,主脾胃湿热,中脘不利,干呕不食,此痞邪内作,四味肥儿丸^①;去蛇形,主脾虚,食积吐泻,烦渴气短,喘急不食,困极,七味白术散;弓反里形,主感寒惊悸,哽气出气,四肢稍冷,倦怠,小便赤,咳嗽吐涎,惺惺散;弓反外形,主痰热,心神恍惚,夹惊夹食,风痲痰盛,天麻防风丸;枪形,主风热,生痰惊,抱龙丸;鱼骨形,主惊痰发热,抱龙丸、抑青丸;水字形,主惊风,食积,胸膈烦躁,顿闷少食,或夜啼痰盛,口噤搐搦,大安丸;针形,主心肝热极生风,惊悸顿闷困倦,痰盛搐搦,抱龙丸;射指形,主惊风痰食聚膈,牛黄清心丸;射甲形,主惊风,及一切木克土之败症,六君子汤加木香、钩藤钩、官桂,未应,即加附子。

小儿指形图(十五幅)



左三关

右三关



流珠形

长珠形



环珠形



来蛇形



去蛇形



弓反外形




弓反里形




枪形

^① 四味肥儿丸:《准绳》作“先用四味肥儿丸治痞,后用四君子汤补脾”。



鱼有形

针形



水字形

透关射指形



透关射甲形

初生诸病

婴儿坠地，一声啞啞，形体虽具，犹是血茄，肌肤脆嫩，骨肉么么，如水中泡，如树上葩，八风

之贼，六淫之邪，岂能速害，从外而加，由在母腹，感受淫汗，或伤冷热，或被惊哗，烹炮燔炙，酒醴粉奢，乱气狡僨，阴血周遮，酿灾蕴毒，胎害婴芽，降生之后，调护多差，棚包恐吓，乳哺擎叉，致令疾作，一一堪嗟，胎黄撮口，惊痫搐拿，脐风锁肚，逼肖饥鸦。凡兹种种，难与搔爬，坐视其毙，谁之咎耶，昔黄帝言，悯彼啞啞，吾不能察，幼小如麻，善为调理，别是一家，诚哉斯语，千古堪嘉，敢告医士，存心勿遐。

胎惊胎痫胎风胎黄

锁乙曰：百日内发搐，真者不过两三次必死，假者频发不为重；真者内生惊痫，假者外伤风冷。盖血气未实，不能胜任，乃发搐也。欲知假者，口中气出热，治之可发散，大青膏主之。

王汝言曰：小儿未满月，惊搐似中风，欲死者，用辰砂以新汲水浓磨汁，涂五心，最效。

曾氏曰：胎痫者，困未产前，腹中被惊，或母食酸咸过多，或为七情所汨，致伤胎气，儿生百日内有者是也。发时，心不宁，面微黄，气逆痰作，目上视，身反张，啼声不出，先用参苏饮，次用琥珀抱龙丸，轻者可愈，重者难全。

李梃曰：胎惊痫风者，乃孕妇嗜欲，愤怒惊扑，或伤风邪，儿初生下，即呕吐搐掣。口眼喎斜，声啼气短，腮缩凶开，或颊赤，或面青，噤口咬牙，眼合涎潮，筋骨拘挛，身腰强直，脐腹肿起，与噤口撮口同症。视其眉间气色，红赤者生，青黑者死，辰砂膏最妙。

王肯堂曰：胎惊者，初生月内，壮热吐衄，心神不宁，手足抽掣，身体强直，眼目反张，是胎惊。皆由妊妇调摄乖常，饮酒嗜欲，愤怒惊扑，母有所触，胎必感之，或外挟风邪，有伤于胎，故子乘母气，生下即病也。其候月内壮热，眼翻握拳，噤口咬牙，强直涎潮，呕吐搐掣，惊啼，腮缩凶开，或颊赤，或面青，但胎惊眼合，不可误作慢脾，妄用温药，其有搭眼噤口之类，亦此一种之所发也。虎口指纹曲入里者可治，反出外者不治，先宜解散风邪，利惊化痰开气，及贴凶法，甚则以朱银丸利之。若面青拳搐，保命丹，钩藤散，全蝎散之类。大抵芽儿脏腑脆弱，不可辄用铅粉

镇坠之剂，如遇此候，急用猪乳细磨牛黄麝香各少许调，抹入口中，仍服导赤散以泻肝之子，即愈矣。胎风者，小儿初生，其身有如汤泼火伤者，此皆乳母过食膏粱所致。其母宜服清胃散，及逍遥散，以清气血，儿亦时饮数滴；有身无皮肤而不嫩赤者，由产母脾气不足也，粳米粉敷之；嫩赤发热者，产母胃火炽也，石膏敷之。经谓脾主肌肉，肺主皮毛，故知病脾肺也。未满月而撮口握拳，腰软如随者，此肝肾之中邪胜正弱也^①，三日内必不治，如男指向里，女指向外，尚可治，宜全蝎散，钩藤散，眉红者不可治。胎黄者，小儿生下，遍身面目皆黄，状如金色，壮热，大便不通，小便如梔汁，乳食不思，啼哭不止，此胎黄之候。皆因母受湿热而传于胎也，凡有此症，母子皆宜服地黄汤、地黄饮子。有生下百日，及半周，不因病后身微黄者，胃热也。若自生而身黄者，胎疸也。《经》云诸疸皆热，色深黄者是也，犀角散；若淡黄兼白者，胃怯也，白术散。

胎寒胎热

虞抟曰：何谓胎寒？芽儿百日内，觉口冷腹痛，身起寒栗，时发战栗，曲足握拳，日夜啼哭不已，或口噤不开，名曰胎寒。其症在胎时，母因腹痛而致，亦有产妇喜啖甘肥生冷，或胎前外感风寒暑湿，治以凉药，内伤胎气，则生后昏昏多睡，间或嘔乳泻白，不早治，必成慢惊，慢脾风，宜冲和饮合当归散加煨姜微泄，次用匀气散调补，次参苓白术散养胃，白芍药汤去寒湿。何谓胎热？儿在胎中，母多惊恐，或食热毒物，生后旬日间，儿多虚痰，气急喘满，眼闭目赤，目胞浮肿，神困呵欠，吸吸作声，遗身壮热，小便赤，大便秘，时惊烦，由胎中受热，或误服温剂，致令热畜于内，熏蒸胎气，故有此症。不早治，则鹅口、重舌、木舌、赤、紫、丹瘤，自此而生，母宜先服木通散，亦与儿服，次以四圣散温洗儿两目，目开，进地黄膏、天竺黄散、当归散、牛蒡汤，亦同母服。凡有胎疾，当先令母服药，使药过乳，渐次解之，百无一失。如以凉药攻之，必生他病，乳母尤必忌口。

撮口

孙思邈曰：小儿初出腹，筋骨未敛，肌肉未成，血凝乃坚成肌肉耳。其血沮败，不成肌肉，则使面目绕鼻口左右悉黄，而啼闭口，撮口撮面，口中干燥，四肢不能伸缩者，皆是血脉不敛，此多不育，宜龙胆汤。

李仲南曰：外症，舌强唇青，撮口撮面，面目黄赤，气息喘急，啼声不出，饮乳有妨。若口出白沫，而四肢冷者，不可救疗。其或肚胀筋青，吊肠卵疝，内气引痛，皆肠胃郁结不通致之，治法贵疏利，宜辰砂膏，初生七日后，此症可免。

鹅口一名噤口风，又名雪口。

巢元方曰：儿初生，口里白屑满舌上^②，如鹅之口，故名。由在胎时受谷气盛，心脾热气熏发于口。治法，用发缠指头，蘸并花水揩拭之，睡时。黄丹煨，出火气，掺舌上；如用此法不效，敷保命散。

李梴曰：噤口风者眼闭，啼声清少^③，舌上聚肉如粟米状，吮乳不得，口吐血沫，二便皆通^④，此胎中热毒流于心脾也，此症亦初生七八日内患之。

按：鹅口疮，用硼砂细研敷之，立效。

王肯堂曰：茅先生论，儿喉中壅一块肉瘤闭却，为喉痹。身大热，舌硬不转，为木舌。口开^⑤，满口黄如膏，名鹅口。三症皆热甚生风，风壅热毒至此，为实热，先用三解牛黄散，微与通利，次用天竺黄散，共牛黄膏与服。如喉响似锯，及眼直视，面青黑，不乳食者，死。

① 正弱也，《准绳》作“正弱所致也”。

② 口里白屑满舌上，巢氏《病源》作“口里白屑起乃至舌上生疮”。此下引文见载《准绳》。

③ 清少：原作“渐少”，据《入门》改。

④ 皆通：疑作“不通”或“不利”。

⑤ 口开：原作“口闭”，据《准绳》改。

脐风脐湿肿脐疮脐突

孙思邈曰：脐风者^①，断脐之后，被水湿风冷所乘，风湿之气入于脐，而流入心脾，遂令肚腹胀满，脐肿，身体重著，四肢柔直，日夜多啼，不能食乳，甚则发为惊搐。若脐边青黑，撮口不开，是为内搐，不治，爪甲黑者即死。

朱震亨曰：初生七日内，见撮口、撮口、脐风三症者危，百日内见此症，手足踈者，亦不治。

曾氏曰：如禀赋充实，发热有痰，惊搐，投黑白饮，温蜜汤，空心调下，微泄似茶褐色二三行，进白芍药汤加姜枣，常用此法，亦妙。

脐突一症，又非脐风，此亦因初生洗浴，系脐不紧，秽水浸入于内，产后旬日外，脐忽光浮如吹，捻动微响，间或惊悸作啼。治用白芍药汤加苡仁，次以外消散涂贴，自然平复。

陈无择曰：小儿初生一七日内，忽患脐风撮口，百无一效^②，坐视其死，良可悯也。有一法世罕知者，凡患此症，看儿齿龈上有小泡子如粟米，以温水蘸熟帛裹指，轻轻擦破，即开口便安，不药神效。

李梴曰：断脐后，为风湿所乘，或尿湿绷裙，遂成脐风。面赤喘急，啼声不出，其症脐肿凸，腹胀满，日夜多啼，不能乳，甚则发搐。撮口撮口，宜调气益黄散，甚者金乌散或宣风散。亦有热在胸堂，伸引努气，亦令脐肿发风，千金龙胆汤。

钱乙曰：脐湿肿者，断脐后为水湿所伤，或入风冷，致令四肢不和，脐肿多啼，不能乳哺，宜柏墨散、五通膏。

滑伯仁曰：婴儿脐中肿湿，经久不瘳，若至百日，即死，宜速治之，用枯矾龙骨为末，入麝少许，拭脐干掺之，须避风。

巢元方曰：脐疮者，水入脐中，或受尿湿，肿烂成疮，或解脱为风所袭，入于经络，则成风痲，若脐肿不干，久则发搐，宜金黄散。

王汉东曰：断脐作疮，枯矾、龙骨煨，当归末皆可掺，或油调敷之。

李仲南曰：脐突者，芽儿有热在胸堂，则频频伸引，呃呃作声，努胀其气，抑入根本之中，所以脐突肿赤，虚大可畏。无识之人，将谓断脐不

利而使然者，非也，此由胎中母多惊悸，或恣食热毒之物所致。宜对症与药，其热自散，其脐归本，不必敷药，恐反为害。

惊风

小儿之病，最重惟惊，惊必发搐，惊必窜睛，惊必牙紧，惊必面青，惊必鱼口，惊必弓形，心经热积，肝部风生，肝风心火，二脏交争，血乱气壅，痰涎与并，百脉凝滞，关窍不灵，或急或慢，随其所撻，急由阳盛，慢属阴凝，急缘实病，慢自虚成，急惊之症，暴疾难名，种种恶候，一一并呈，迨其发定，了了神清，揆厥所原，调护失情，昼抱当风，夜卧厚衾，多食辛辣，偶触肢钗，跌扑嚷叫，人物雷霆，凡诸惊恐，动魄乱经，一旦疾作，诘比寻恒，慢惊之症，睡卧靡宁，乍发乍静，神思昏瞑，大抵久病，逐渐势增，吐泻疴痢，消耗匪轻，脾虚胃弱，阳常不升，虚邪火旺，肝木来乘，淹延困顿，遂致命倾，有慢脾风，症更堪憎。慢惊之后，虚极难胜，病全归脾，故慢脾称，脾家痰饮，凝聚胸膈，脾家虚热，来往相仍，脾困气乏，肢冷目瞪，频呕腥臭，微搐焦声，无风可逐，无惊可平，十不救一，魂魄归冥，又有天吊，状若崇凭，头目仰视，身热不停，爪青肢厥，是真病情，邪热毒气，壅遏心精，颇难调治，医药速营，诸惊疾发，诊视察听，表里虚实，尤贵详明，惊风之属，痲痉易醒，更多兼症，一一细评，毋轻心掉，毋躐等行，方治无误，医始称能。

惊搐由脏腑

钱乙曰：因潮热发搐在寅卯辰时者，此脾用事之时也^②，身体壮热，目上视，手足动摇，口内生热涎，项颈强急，此肝旺也，当补肾治肝，补肾地黄丸，治肝泻青丸。因潮热发搐在巳午未时

① 脐风者：此下引文《千金》无，见载于朱丹溪《幼科全书》。

② 效：《三因》作“活”。

③ 者，此脾用事之时也：《直诀》无此八字。以下心、脾、肾用事之语同。

者,此心用事之时也,心惕,目上视,白睛赤色,牙关紧急,口内涎生,手足动摇,此心旺也,当补肝治心,补肝地黄丸,治心导赤散、凉惊丸。因潮热发搐在申酉戌时者,此肺用事之时也,不甚搐而喘,目微斜视,身热如火,睡露睛,手足冷,大便淡黄水,此肺旺也,当补脾治肝治心,补脾益黄散,治肝泻青丸,治心导赤散。因潮热发搐在亥子丑时者,此肾用事之时也,不甚搐而卧不稳,身体温,目睛紧,斜视,喉中有痰,大便银褐色,乳食不消,多睡不省,此肾旺也,当补脾治心,补脾益黄散,治心导赤散、凉惊丸。

惊搐痲瘥不同

娄全善曰:惊搐一也,而有晨夕之分,表里之异,身热力大者为急惊,身冷力小者为慢惊;仆地作声,醒时吐沫者,为痲;头目仰视者为天吊,角弓反张者为瘥;各不同也。

伤风伤食发搐

钱乙曰:伤风搐者,因伤风得之,口中热气出,呵欠顿闷,手足动摇,当发散,大青膏,小儿生来怯弱者,多此病也。伤食搐者,因伤食后得之,身温,多睡多睡,或吐不思乳食而发搐,当先定搐,如羌活防风煎汤下泻青丸,搐退,白饼子下之,后服安神丸。

惊风先见之症

危亦林曰:惊者,虚惕怔忡,气怯神散,痰涎来去,其泻必青,积渐面生风也。

杨士瀛曰:惊邪入心,则面红脸赤,惕惕夜啼;入肝^①则面目俱青,眼睛凝视;入肾则面黑恶叫,咬^②乳咬牙;入肺则面淡白,喘息气乏;入脾则面淡黄,呕吐不食。凡乳儿欲发惊风者,先神志不定,恍惚惧入,扎眼上视,左顾右盼,伸手握拳,闷郁努气,情态不如寻常,皆惊风先症也。

钱乙曰:咬牙甚者发惊;目直视,面色青,身反折^③者生惊。呵欠面青者惊风;呵欠面黄者脾虚惊;目赤兼青者发搐^④;肝脏实热,手寻衣领,乱捻物,目直视者,必发惊;肝有风,目连扎,不搐,有热则目直视,亦不搐,得心热者则搐;肝主

风,风动而上行头目,目属肝,风入于目,上下左右,如风吹不定,儿不任,故目连扎也,若热入于目,牵其筋脉,两眦皆系,不能转动,故目直视也。若得心热则搐,其子母俱有实热,风火相搏故也。

虞抟曰:王氏云,木能胜土,热动心忡而生惊也。

惊搐有声无声

钱乙曰:惊痲发搐,男发搐,目左视无声,右视有声;女发搐,目右视无声,左视有声,相胜故也,男反右视,女反左视,亦皆有声。

李杲^⑤:男为木,故左视木位无声,右视金位,相击则有声;女为金,故右视金位无声,左视木位相击亦有声。

急惊风

钱乙曰:急惊本因热生于心,身热面赤引饮,口中热气出,二便黄赤,剧则发搐。盖热盛则生风属肝,此阴盛阳虚也,利惊丸主之,以除热痰,不可用巴豆及温药大下之,恐搐虚,热不消也。小儿热痰客于心胃,因闻大声非常,则动而惊搐矣,若热极虽不闻声及惊,亦自发搐。

张元素曰:急惊者,阳症也,俱腑受病,热痰客于心肺,是少阳相火旺。《经》云,热则生风。因闻人声^⑥而作,若谓东方震卦,得火气而发搐,火本不动,焰得风而动,当用利惊丸、导赤散、泻青丸,搐止,宜服安神丸。

危亦林曰:惊风形症不明,若言阴症,则浑身又温,若作阳症,则又不大搐,乃阴阳不和,宜用防风温胆汤下大惊丸、小惊丸。

杨士瀛曰:急惊先当定搐,搐由风也,风由热也,搐已定,方可下热退惊,热若不退,惊亦不

① 入肝:《仁斋直指》前有“惊邪”,二字。

② 咬:《仁斋直指》作“啮”。

③ 身反折:《直诀》后有“强直”二字。

④ 发搐:《直诀》前有“欲”字。

⑤ 李杲曰:此段文字《准绳·幼科》出处为“洁古”。待考。

⑥ 声:《洁古家珍》作“大声”。

散。急惊，截风定搐为要，风搐既定，次与下热，热去则无风，风散则不搐。

朱震亨曰：老医常言小儿惊搐，多是热症，若先使用惊风药，若白附子、全蝎、姜蚕、川乌之类，便成坏证。后有医幼科者，只用导赤散加地黄、防风进三服，导去心经邪热，其搐便止，次服宁神膏，神效。

曾氏曰：急惊之论，前代书所不载，惟曰阳痫。大概失所爱护，或抱于当风，或近于热地，昼则食多辛辣，夜则衾盖太厚，郁蒸邪热，积于心，传于肝，再受人物惊触，或跌扑叫呼，雷声鼓乐，鸡鸣犬吠，一切所惊。未发之时，夜卧不稳，睡中或哭或笑，啮^①牙咬乳，鼻额有汗，气促^②痰喘，忽尔闷绝，目直上视，牙关紧急，口噤不开，手足搐掣，此热甚而然。况兼面红脉数可辨，盖心有热而肝有风，二脏乃阳中之阳，心火也，肝风也，风火阳物也，风主乎动，火得风则烟焰起，此五行之造化。二阳相鼓，风火相搏，肝藏魂，心藏神，热则神魂易动，故发惊也。心主乎神，独不受触，遇有惊则发热，热极生风，故能成搐，名曰急惊。治之之法，先发表，次通心气，疏涤肝经，安魂退热，惊风既除，与之去痰，免成痴疾，但不可用大寒惊药。

李仲南曰：大要急惊用药，有次第，有轻重，开关以后，且与截风定搐。风搐既定，却下痰热，理为至当。若患在痰热，未有惊风，只可退热化痰，不可妄投惊风药，盖药中多用寒凉，恐引痰热入经络。凡病在热不可妄治痰，止当解表，病在惊不可妄治风，盖惊由痰热，只可退热化痰，而惊自止。病在痰不可便治惊，急须退热化痰，病在风不可便治搐，盖风由惊作，只可利惊化痰，其风自散，若惊亦有搐，须用截风散，至妙之道，若治惊而痰不化，热亦不退，惊安得自止，化其痰，热若不退，风亦不散，痰安得去？是知不治之治，所以治之也。急惊初传，风搐得定，而痰热一泄，又须急与和胃定心之剂，若搐定而痰热无多，则但用轻药消痰除热可也，然急惊虽当下，切不可用过寒凉，致成慢惊，且如只下痰热，不必太骤，但斟酌处，只用大黄一味足矣，且急惊症，原在于去肝风，降心火，《幼幼书》以为至要

之说也。

薛己曰：急惊之候，牙关紧急，壮热涎涌，窜视反张，搐搦颤动，口中气热，颊赤唇红，脉浮洪数者，此肝经血虚，火动生风。盖风生则阴血愈散，阴火愈炽，火动则肺金愈亏，肝木愈旺，宜滋肝血养脾气。

王肯堂曰：急惊由内挟实热，外感风邪，心家受热积惊，肝家生风发搐，肝风心火，二脏交争，风气壅盛，无可发泄，故暴烈也。又有搐搦反张斜视，而牙关不紧，口无痰涎而气热，未可直指为惊风，恐是伤风、伤寒、夹食、夹惊、疹痘等症，此即钱氏假搐之说，又各依本症施治。又急惊搐搦，不可把捉，但扶持之，否则风痰逆入经络，遂使手足拘挛，或成废疾。小儿急慢惊风，古谓阴阳病，急者属阳，阳盛而阴亏，慢者属阴，阴盛而阳亏，阳动而躁疾，阴静而迟缓，皆因脏腑虚而得之。虚能发热，热则生风，是以风生于肝，痰生于脾，惊出于心，热发于肝，而心亦热，以惊、风、痰、热，合为四症。搐、搦、掣、颤、反、引、窜、视，为八候。凡眨眼摇头，张口出舌，唇红脸赤，面服唇青，及泻皆青，发际印堂青筋，三关纹口纹红紫或青者，皆惊风候也，大抵肝风心火，二者交争，必挟心热而后发始于搐。故热必论虚实，症先分顺逆，治则有后先。盖实热为急惊，虚热为慢惊，慢惊当无热，其发热者虚也；急惊属阳，用药以寒，慢惊属阴，用药以温，然又必明浅深轻重进退疾徐之机，故曰热必论虚实。男搐左视左，女搐右视右；男眼上窜，女眼下窜；男握拇指出外，女握拇指入里；男引手挽左直右曲，女引手挽右直左曲；凡此皆顺，反之则逆。亦有先搐左而后双搐者，但搐则无声，搐逆则有声，其指纹弯弓入里者顺，反外者逆，出入相当者难痊，故曰症必分顺逆。阳病阴脉，阴病阳脉，亦为反，热甚生痰，痰甚生惊，惊甚生风，风甚发搐，治搐先于截风，治风先于利惊，治惊先于豁痰，治痰先于解热，其若四症俱有，又当兼施并理，一或有遗，必生他症，故曰治有先后。纲领如此。

① 啮：原作“咬”，据《活幼心书》改。

② 促：原作“喘”，据《活幼心书》改。

若分三者言之,暴烈者为急惊,沉重者为慢惊;至重者肝风,木之克脾土,为慢脾风。丹溪云,忽惊用降火下痰丸,养血药作汤下之,慢惊当补脾,兼用朱砂安神丸,清米汤下,更于血药中求之,如四物、四君、东垣黄芪益黄散之类,世以一药通治甚妄。薛氏于急慢惊痫之外,又出惊风一症,其候虚惕,怔忡,气怯,神散,痰涎来去,泄泻色青,盖惊之轻而虚者也。若惊入心,则面赤夜啼,用梔子清肝汤加黄连;若入肝则而青眼窜,用柴胡清肝汤;若入脾,则面黄呕吐,虚汗嗜卧,用六君子汤加柴胡、山梔;若入肺,则面白喘急,用异功散加柴胡、桔梗;若入肾,则面黑啮乳咬牙,用六味地黄丸。

叶桂曰:小儿仓猝骤然惊搐,古曰阳痫,从热症治,古入用凉膈散为主方,按急惊属阳热病,用凉膈以清膈间无形之热,膈上邪热,逼近膻中,络闭则危殆矣。此宣通乃一定之法,然必询病因察时候治之。幼科以痰、热、风、惊四治,犹可说也。吾乡有专科,立方钩藤、连翘、木通、薄荷、前胡、枳壳、桔梗加入表散消食,多不效验。惊为七情,内应乎肝,肝病发惊骇,木强火炽,其病动不能静,且火内寄肝胆,火病来必迅速,后世龙荟芩连,必加冰麝硝黄,取其苦寒直降,咸苦走下,辛香逼里窍之闭也,如牛黄丸、至宝丹、紫雪皆可选用,凡热邪塞窍,神速昏愆者仿此。钩藤、丹皮之属,仅泄少阳胆热,与急惊暴热内闭之症,无益。若火热劫烁血液,苦寒咸寒,不中与也,宜犀角地黄汤之属。方书有镇坠金石之药,有攻风劫痰之药,虽非常用,要不可不考。惊与厥,皆逆乱之象,仲景云,蛔厥都从惊恐得之。凡吐蛔腹痛呕恶,明是肝木犯胃,幼医乱治,束手告毙,余宗仲景法,每效。

慢惊风

钱乙曰:慢惊,因大病后,或吐泻,或只吐不泻,变成脾胃虚损,遍身冷,口鼻气出亦冷,手足时瘈瘲,昏睡露睛,此无阳也,宜瓜蒌汤主之。

张元素曰:慢惊者,阴症也,俱脏受病。

曾氏曰:治慢惊者,考之古书,亦无所据,惟载阴痫而已。盖慢惊属阴,阴主静而搐缓,故曰

慢,其候皆因外感风寒,内作吐泻,或得于大病之后,或传误转之后^①,目慢神昏,手足偏动,口角流涎,身微温,服上视,或斜转,或两手握拳而搐,或兼两足动掣,各辨男左女右搐者为顺,反此为逆,口气冷缓,或凶门陷,此虚极^②也;脉沉无力,睡则扬睛,谓两目半开半合,此真阳衰耗,而阴邪独盛,阴盛生寒,寒为水化,水生肝木,木为风化,木克脾土,胃为脾之腑,故胃中有风,痲痲渐生,其痲痲状,两肩微耸,两手垂下,时复动摇不已者,名曰慢惊,宜以青州白丸子,苏合丸入姜汁杵匀,米饮调下,虚极者,加金液丹。

虞抟曰:慢惊者,因吐泻日久,中气大虚而得,盖脾虚则生风,风盛则筋急,宜用温白丸。

按:脾虚则生风者,非风自脾生,以脾虚则肝木必强,乃风生于肝也,故风盛则筋急,以肝主筋故耳,观温白丸中姜蚕、全蝎、白附、天麻等,皆治肝药可见。

李梈曰:阴症慢惊,自阳症急惊传来,才经吐泻,便是慢惊,男子以泻得之为重,女子以吐得之为重。慢惊因吐泻得者,宜醒脾散^③,加味术附汤;虚风痰多者,宜八仙散;慢惊纯阴症,宜乌蝎散,或阳症尚在,宜蝉蝎散;若有急惊方传慢候,而尚有阳症,八候尚在,不必回阳,但与截风调胃,用蝉蝎散、醒脾散;若手足冰冷,方可回阳,用硫黄、附子。泻滑青者,宜防慢惊,盖泻青色乃夹惊,木克土也。

李杲曰:小儿慢惊,或吐利不止,变成虚风搐搦者,非风也,胃气欲绝也,用来复丹五粒研碎,米饮调下,即效。

史演山曰:慢惊之候,盖由急惊过用寒凉,或转太骤,传变成之;又有吐利不止而成者;有气虚暴吐泻而成者;有夏月脾胃伏热,大吐泻,当解暑热,不可专曰固阳;有脏虚消泻成者;有得之久嗽作痛者;有得之发痛不已者;有得之虫积冲心者;惟吐泻积痢成虚致之,则症变甚速。凡才经吐泻,便是慢惊,须用温中扶里;或搐来

① 后:原作“候”,据《活幼心书》改。

② 极:原作“热”,据《活幼心书》改。

③ 宜醒脾散:《入门》作“理中汤加木香,或五苓散;脾困不食者,醒脾散”。

紧急，乃慢惊初传，尚有阳症，不可误作急惊。世言搐慢为慢惊，非也。若泥此，往往指慢脾为慢惊矣。凡慢惊，男子以泻得之为重，女子以吐得之为重。又吐有五症，泻有五症，各明所因主治，古云，病家怕惊不怕泻，医家怕泻不怕惊，如因泄泻不止，且先治泻，若更治风，则惊风愈甚。如因他症，则当循原施治也。其慢惊候，若从急惊传来只可截风调胃，均平阴阳，不可全用阳药，使阳归阳，复作急惊之症。

张涣曰^①：急惊以关窍不通，略用冰麝开通，定其搐搦尚可，慢惊阴重阳亏，诸经已虚，不宜开通^②，又凉其脏，宜作慢脾风，致不易疗。

闻人规曰：慢惊危急，如眼睛昏定，定面砭，虽砭，不左右顾，或凝视，四肢厥冷，汗出如流，口面黧暗，指甲黑，四体垂伸^③，至重。慢惊证，眼半开半合，似睡不睡是也，其脉或浮或沉，身或热或凉，或吐或泻，或不吐不泻，或食乳，或阻乳，名半阴半阳合病，即如伤寒半表半里也。

叶桂曰：慢惊古称阴痫，其治法，急培脾胃，理中汤为主方。有痰呕吐，用南星、白附子、六君子汤；声音不出，开窍，加竹沥、姜汁、菖蒲根、郁金之属。是病，皆他病致变，其因非一，有过饥禁食气伤，有峻药强灌伤胃，有暴吐暴泻脾胃两败，其症面青眇白，身无热，虽热不甚，短气骨软，昏倦如寐，皆温补治之。惟呕逆不受乳食，温补反佐姜连，连理汤、钱氏益黄散、钱氏异功散。

慢脾风

杨士瀛曰：慢脾风，由慢惊后吐泻损脾，病传已极，总归虚处，惟脾所受，故曰脾风。风无可逐，惊无可疗，但脾间痰涎凝滞，虚热往来，其眼合者，乃脾困气乏神迷也。若见眼合，便是脾风。慢惊眼在半开半合之间，乃知阴气所盛，传入脏间，阳气已亏，脾经属阴，次第入脾，故言慢脾风候也。慢惊其眼半开半合，则当预作慢脾风调理。慢脾风之候，面青额汗，舌短头低，眼合不开，睡中摇头吐舌，频呕腥臭，噤口咬牙，手足微搐而不收，或身冷，或身温而四肢冷，其脉沉微，阴气极盛，胃气极虚，十救一二。盖由慢惊风传变，宜黑附汤救之，又生附四君子汤，蝎附散皆

可。慢脾风用药，乃不得已也，其危如灯无油，渐见昏灭，钱氏用金液丹与青州白丸子各半研匀，米饮薄荷汤下一钱或钱半，此截风回阳也。

张云岐曰：小儿头虽热，眼珠青白而足冷；头虽热，或腹胀面足冷；头虽热，或泄泻面足冷；头虽热，或呕吐而足冷；头虽热，或渴面足冷；已上五症作搐者，名曰慢脾风，速与补脾益真汤加全蝎一枚，或全蝎观音散。

谭殊圣曰^④：慢脾风，又名虚风，小儿或吐或泻后，面色虚黄，因虚发热，才见摇头斜视，昏困额汗，身亦粘汗，声沉小面焦，即是脾风之症，不必定因急慢惊传次面至。慢脾，惟吐与泻积与痢传入，其症变至速，虚更速也，治必循次平和，无令速愈之理，调脾养胃，不可过剂也。

按：汤氏^⑤法，凡因吐泻成虚风慢脾者，先用夺命散、青州白丸子末，煎如稀糊，入蜜调，控下涎后，服醒脾散。

天吊内吊附内

李梃曰：小儿瘦痲不定，翻眼戴睛，状若神祟，头目仰视，手足抽掣，如鱼之上钩，故曰天钩，甚者爪甲亦青。此由乳母过食热毒，心肺生热，加以外感风邪所致，宜用九龙控涎散、钩藤散，热胜则保命丹，痰盛则抱龙丸，又有惊风内钩之症，腹痛多啼，面青唇黑，伛偻反张，外肾肿，尿如米泔，眼有红筋血点，乃寒气壅结也，宜钩藤膏。

阎孝忠曰^⑥：天吊，亦惊风症也，但天吊发时，头目必仰视，惊风则无此症状。

张涣曰：小儿心膈壅滞邪热，痰涎蕴积，不

① 张涣曰：张涣，宋代医家，著有《小儿医方妙选》，今佚。此后文字亦见于《准绳》。

② 开通：《准绳》作“通关”。

③ 垂：(duò)下垂。

④ 谭殊圣曰：谭殊圣，宋代医工，著有《谭氏殊圣》，今佚。此下文字亦见于《准绳》。

⑤ 汤氏：指宋代医家汤民望，著《婴孩妙诀论》三卷，今佚。

⑥ 阎孝忠曰：此下文字《阎氏小儿方论》无，可见于《准绳》。

得宣通，或乳母饮酒食肉，烦毒之流入乳中，令儿宿滞不消，邪热毒气，乘于心神，致使惊悸，眼目翻腾，壮热不休，瘈瘲，病名犬钩，甚者爪甲皆青，状如神祟，宜一字散、牛黄散。

薛己曰：内钩者，腹痛多喘，唇黑囊肿，伛偻反张，眼尾赤，此胎中受风及外惊所致。若内脏抽掣作痛，狂叫，或泄泻缩脚，内症一作，外症亦然，极难调理。内症服聚宝丹；外症服钩藤饮，进乳食者可治，若因乳母厚味，宜加味清胃汤，若因乳母郁怒积热，加味逍遥散加漏芦。

急慢惊诸恶候

曾氏曰：急惊天吊之后，有变作潮热似疟者，手足逆冷，盖因病愈时，不善将护，风邪乘虚而入经络所致。此症所用药品，可间使苦寒之味，务在消阳盛之火，肺金得胜，肝木自平，面风邪亦散，斯为良法。

阎孝忠曰：惊风或泄泻等症，有烦渴者，皆津液内耗也，不问阴阳，宜钱氏白术散，使满意取足饮之，愈多愈好。

薛己曰：诸惊有目睛瞬动者，盖目者，肝之窍，肝胆属风木二经，兼为相火，肝藏血，血不足则风火内生，故目瞬动，宜用四物汤益其血，柴胡、山梔清其肝，阴血内荣，则虚风自息矣。有唇口蠕动者，唇为脾之华，口乃脾之窍，又阳明之脉，环唇口面交入中，是以脾胃虚者，多有此症，不独病后而已，夫脾主涎，脾虚不能收摄，多兼流涎，或误认为痰面祛逐之则津液易枯，不能滋养筋脉，遂致四肢抽搐，病势愈甚，原其治法，与慢脾风相同，当大补脾胃，加升柴，切勿用青皮、龙胆之类。有忽然惊搐目直者，皆肝之风热也，若肝虚生风则目连扎而不搐，及多欠咬牙，若肝经风实，则目直大叫，呵欠项急顿闷，若肝经有热，则目直视不搐，得心热则搐，气热则外生，气温则内生，其症手寻衣领，及乱捻物，宜泻青丸，壮热喘闷，宜泻白散。有睡中惊动者，由心肾不足也，盖心主血与神，肝藏血与魂，肺主气与魄，肾主精与恐，小儿脏腑脆弱，易于惊恐，恐则气下，惊则心无所依，神无所归，且入之神气，寤则行于目，寐则栖于肾，今心肾既虚，则不能宁摄

精神，故睡中惊动，治宜清心安神，用茯苓补心汤加茯神、枣仁、五味，亦有惊吓而作者，因击动其肝，故魂不安也。治宜镇惊定魄，用安神镇惊丸。有惊后目微动咬牙者，皆病后亡津液，不能荣其筋脉也，亦有肝经虚热面生风者，当审其气血有余不足而治之。有惊泄者，肝属木，盛则必传克于脾，脾土既衰，则乳食不化，水道不调，故泄泻色青，或兼发搐者，盖青乃肝之色，搐乃肝之症也。亦有因乳母脾虚受惊，及怒动肝火而致者，法当平肝补脾，若用峻攻之药，脾气益虚，肝邪弥甚，甚至抽搐反张者，亦肝火炽盛，中州亏损之变症也，凡见惊症，即宜用四君、六君、异功等方，加白附子定风，柴胡平肝引经以杜渐，则必不至泻搐而自安矣，今已见泻吐惊搐，尚不知补脾平肝，以保命丹、抱龙丸、镇惊丸等治之，其亦去生远矣。

惊风诸变症 惊瘫鹤膝摇头

曾氏曰：肝属木，其动则应风，病则主惊骇，诸热引肝风，风生痰，痰作搐。小儿惊风之际，手足动掣，当听其自定，然后疗之，免生异症。或父母见病势可畏，从而按伏之，岂知筋者肝之合也，临发病时，若按束其手足，则筋不舒伸，遂至经络为风所闭，致成惊瘫鹤膝，变为废人。凡小儿心悸不常，及遍身肿痛，或手足不随，此为惊瘫候也。若治之稍迟，至臂腕膝胫骨节之间，流结顽核，或膝大面胫肉消，胫骨露，如鹤膝之状，或为痈为疔，此名鹤膝候也。并宜发汗为先，使腠理开通，则风热可除，有湿亦去，用百解散和五苓散料，倍加麻黄加姜葱煎服，微汗为度，次用防己汤、独活汤加桑寄生，或黑虎丹作少丸子间服，使风不生而痰不作，则易愈。若为痈为疔疼重者，用黑牵牛半生半炒研，煎无灰酒调下五苓散，以除流注之寒湿，则肿毒自消。如入腑闭而不通，是风热内蕴，其右腮红紫，及右手三部脉浮而滑实，宜五和汤或当归散，其加减尤在临机，若泥一方，非良医也，前症更宜间服排风汤。

薛己曰：鹤膝风者，其腿渐细，其膝愈粗，状如鹤之膝，是以名之。此因肾经不足，外邪乘之，初则膝内作痛，外色不变，伸屈艰难，若一二月

间，嫩肿色赤而作脓者，可治。肿硬色白而不作脓者，难治。初起以大防风汤为主，而佐以益气养荣汤，乃为正治。

娄全善曰：肝风摇头者，乃肝血液盛，外有风热乘之，故相引动摇而不定也。

王肯堂曰：犹忆少时闻友人孙彭山云，尝见一小儿患惊搐，延医治之，诸症悉退，独头摇不止，后一老医，于常服药中，加入紫河车草，即时愈。按此草，《神农本草经》名蚤休，唐本名金线重楼，钱氏方名白甘遂。主治惊痫摇头弄舌，乃本经正文，古人谓遵白文^①疗病多效，不虚也。

诸惊不治症

龚信曰：眼睛翻转，口中出血，两足摆跳，肚腹摇动，摸体寻衣，神昏气促，喷药不下，通关不嚏，心中热^②，忽大叫者，皆急惊不治之症也。四肢厥冷，吐泻咳嗽，面黯神惨，胃脘鸦声，两胁动气，口生白疮，发直摇头，眼睛不转，涎鸣喘噎^③，项软，二便不禁，手足一边牵引，皆慢惊不治之症也。

罗谦甫曰：患慢惊者，若似搐而不甚搐，似睡而精神散漫，四肢与口中气皆冷，睡中露睛或胃痛而啼哭如鸦声，此症已危，盖脾胃虚损故也。

杨士瀛曰：慢惊欲绝之候，虚痰上攻，咽喉引气，呼吸粗大，脉来浮数，是谓阴盛强阳。错认以为阳气已复，与药下痰，痰随药下，气随痰绝，殊不知覆灯将绝之时，虽不下药亦无生意矣。

慢脾风，身冷粘汗，直卧如尸，喘嗽头软，背直口噤头摇，二便不禁，唇缩气粗，痰如牵锯之声者，不治。慢脾风，若一脏绝，即不可下药，如眼无光，指甲黑，四肢垂弹，五体俱冷，并不须下药。

滑伯仁曰：诸惊搐而不休，休而再搐，惊叫发搐，汗出足冷，痰满胸喉，口开目直者，皆不治。

① 文：《准绳》作“字”。

② 热：《医鉴》作“热痛”。

③ 噎：《医鉴》作“噎”。

幼科释谜卷二

痲 瘛

仆地作声，醒吐涎涎，异于惊病，命之曰痲。小儿恶候，痲其一焉，所以然者，气骨不坚，脏腑尚弱，血脉未全，乳哺失节，客气相干，惟风惊食，乃痲之原，风属外感，惊属内缘，不内不外，食所是专，盖此三因，三痲各缠，别其经络，脾与心肝。然古痲症，称有五端，五脏配合，六畜殊看，一曰马痲，马叫连连，此其所属，心火熬煎；二曰羊痲，羊叫绵绵，此其所属，肝风作愆；三曰鸡痲，鸡鸣关关，此其所属，肺部邪干；四曰猪痲，猪叫漫漫，此其所属，右肾病传；五曰牛痲，牛吼哞哞，此其所属，脾土湿溼。应声而发，俱各仆颠，心则面赤，吐舌舌尖，肝则面青，手足掣挛，肾则面黑，体直尸眠，肺则面白，惊跳头旋，脾则面黄，四肢缓瘫，古人分辨，若是斑斑，然诸痲症，莫不有痰，咽喉梗塞，声出多般，致疾之由，惊食风寒，血滞心窍，邪犯心官，随声所发，轻重断联，虽似六畜，诂竟确然，奚分五脏，附会戈戈，专通心主，血脉调宣，豁痰顺气，治法真途，医者识此，慎毋改迁，痲为心病，瘛乃肝癩，风邪所袭，太阳最先，肝风内煽，相与招延，内外风合，强直难扳，角弓反张，发则如弦，不搐不搦，目惟上观，有刚有柔，悉心以探，大约气虚，病根内拴，兼痰挟火，病势难安，治瘛之法，其旨甚元，摇头噤口，相类为缘，乘脾合胆，区别其间。

痲瘛之分

张元素曰：身软时醒者为痲，身反张，强直如弓，不时醒者为瘛，十无一生。瘛与痲，亦惊风之属。

陈藏器曰^①：惊痲，即急惊之症，但惊痲发时，仆地作声，醒时吐涎沫，急慢惊，俱不作声，不吐沫也。

杨上瀛曰：瘛者，手足冰冷，痲者，举身强直，瘛痲本一病，当以阳刚阴柔别之，刚者无汗，柔者有汗，其症肢体强直，腰身反张，甚于风痲，大抵不治。痲者，卒然晕倒，目瞪流涎，神气郁勃，四肢搐搦，沉默昏愆，似死似生，其声恶叫，过后惺惺，治法惟以惊风食三种，阴阳二症，别而治之。如惊痲者，恐怖积惊面发，啼叫恍惚，宜定魄丸、沉香天麻汤。风痲者，风邪外袭，先屈手指，如数物乃发，宜追风祛痰丸。食痲者，乳食时遇惊停积，或成癖，或大便酸臭，宜紫霜丸。始也身热，抽搐啼叫，是为阳痲，易治，宜龙脑安神丸。始也身无热，手足清冷，不抽搐，不啼叫，是为阴痲，难治，宜引神归舍丹。因急惊成痲，宜三痲丹。因慢惊成痲，宜来复丹，取利。胎中受惊成痲，宜烧丹丸。痲病方萌，耳后高骨间，必有青纹纷纷如线，见之，急用爪破，须令血出啼叫，尤得气通，更易效也。

薛己曰：钱云，角弓反张者，由风邪客太阳经也，足太阳主周身之气，其脉起于目内眦而行，肝属木主风，所以风邪易侵也。夫小儿皮肤未密，外邪易伤，肝为相火，其怒易发，若身反张强直，发热不搐者，风传太阳也，宜人参羌活汤。丹溪云，瘛比痲为虚，宜带补，多是气虚有火兼痰，用人参、竹沥治之，不用兼风之药。此论实发前人所未发，前辈虽云十无一生，盖未尝有此法施于人也。

阴阳二痲

史演山曰：阳痲者，因感惊风三次发搐，不为去风下痰则再发，曰三次者，或一月，或一季，一发惊搐，必经过三度，故曰三次，非一日三次也。所谓惊风三发即为痲者是也，其候身热自汗目上视，嚼沫咬牙，手足掣搐，面红紫，脉皆浮

^① 陈藏器曰：陈藏器，唐代本草学家，著有《本草拾遗》，今佚。此下文字亦见于《准绳》。

数,以百解散加五和汤疏解,下痰用水晶丹、半夏丸。阴痫者,因慢惊后去痰不尽,痰入心包而得,四肢逆冷,吐舌摇头,嚼沫,牙关紧闭,不甚惊搐,作啼,面色或白或青,脉沉微,治以固真汤调宽气饮和解。

王汝言曰:痫,小儿之恶候也。盖小儿血脉不敛,气骨不聚,为风邪所触,为乳哺失节,停结癖积而得之。其候神气怫郁,瞪目直视,面目牵引,口噤流涎,肚腹膨胀,手足掣搐,似死似生,或声或哑,或项背反张,或腰脊强直。但四体柔弱,发而时醒者为痫,若一身强硬,终日不醒者,则为痉症,不可不辨。

风惊食三病

王肯堂曰:《全婴方》云,风痛因将养失度,血气不和,或厚衣汗出,腠理开舒,风邪入之,其病在肝,肝主风,其症目赤面青发搐,宜琥珀散、驱风膏、大青膏。有热,四顺饮,退后与利惊丸下其痰涎。惊痛因血气盛实,脏腑生热,或惊怖大啼,精神伤动,外邪入之,其病在心,心主惊,其症忽然叫声发搐,宜琥珀散、镇心丸。有热,四顺饮、利惊丸下之,不生别病。食痫其病在脾,脾纳食,其症暖吐馊气,即发搐,此症或大便酸臭,紫丸子下之。以上三症,大同小异,并属阳也,各目睛翻斜,手足潮搐,或作猪声,发过即瘥,皆十生一死。

五脏病

薛己曰:面赤目瞪,吐舌嗜舌,心烦气短,其声如羊,曰心痛;面青唇青,两眼上窜^①,手足挛掣,反折,其声如犬,曰肝病;面黑目振,吐沫,形如尸,其声如猪,曰肾病;面如枯骨,目白反视,惊跳反折,摇头吐沫,其声如鸡,曰肺病;面痿黄,目直腹满,四肢不收,自利,其声如牛,曰脾病。五痛通用五色丸为主,参以各经之药。

王肯堂曰:按《千金》叙六畜痛,无五脏之分,钱氏始分之,面无马痫。曾氏谓初发作羊犬声者,咽喉为风痰所梗,声自如此,其理甚明,言六畜者,强名之耳。故丹溪谓于经既无所据,面治法亦未有五者之分,所以不必分五也。

痫症治法

刘完素曰:大抵血滞心窍,邪气在心,积惊成痫,通行心经,调平血脉,顺气豁痰,乃其要也。假如小儿有热有痰,不欲乳哺,眠睡不安,常常惊悸,此皆发痫之渐,即以紫霜丸导之,时间量与此丸,减其盛气,则无惊风痫钓之患。诸痫发不能言者,盖咽喉为气之道路,风伤其气,以掩声音道路之门,抑亦血滞于心,心窍不通所致耳,南星炮为末,猪胆汁调和少许啖之,极效。若钱氏五痫丸、南星散,以菖蒲汤调下,治痫之要药也。

诸病不治症

钱乙曰:五痫重^②者死,病后甚者亦死。

娄全善曰^③:小儿痛病,目直无声,目睹不转,眼生白障,唇黑眼慢,瞳人瞬动,目间青黑,面青指黑,口出涎沫如白脓,口噤肚胀不乳,喉如牵锯之声,多睡不乳,身热下血不乳,身体痿软不醒,腹内虚鸣,痞逆而痛,吐利不止,汗出壮热不休,卧久不寝,身体反张,大入脊下容一手,小儿脊下容一指,并不治。

痉必拘挛

张涣曰:小儿痉病,所受肝风,怯弱,致筋脉挛缩,两手拳,伸展无力,是名拘挛,宜薏苡丹。

疳积

古称儿病,惊疳最大,惊得心肝,疳得脾胃,脏腑因由,各不相蔽。童稚之时,病则为疳,弱冠后面后,病成癆瘵,同出异名,惟年齿计,元气亏伤,气血虚惫,其原则一,非有他疴,曰惟小儿,脏腑娇脆,饱固易伤,饥亦为害,热则熏蒸,冷则凝滞,故疳之来,必有伊始,或幼阙乳,耗伤形

① 窜:《保婴撮要》作“视”。

② 重:原作“甚”,据《直诀》改。

③ 娄全善曰:娄全善,明代医家,著有《医学纲目》。此下文字亦见于《准绳》。

气,此疳之根,积渐生蒂。或两三岁,乳食无制,此疳由脾,过饱反瘁,或喜生冷,甘肥粘腻,此疳由积,肠胃气闭。或母自养,一切无忌,喜怒淫劳,即与乳吮,此疳由母,传气为戾。或因病余,妄行转泄,胃枯液亡,虚热渐炽,此疳由医,冒昧错治。大抵疳病,缘此等弊。然而古人,五脏分隶,各有症形,各有方剂,肝心肾脾,脾总多累,二十四候,更宜体会,《庄氏家传》,最为详备,总之疳候,必先贪嗜,盐酸炭米,好吃泥块,口渴且馋,形体憔悴,潮热肠鸣,而黄便秘,渐渐腹胀,牙干目眯,揉鼻捋眉,脊高项细,甚至缩腮,头皮光异,肚大筋青,发焦毛萃,龈烂腿枯,周身疥癩,种种恶候,诎必齐逮,约略形神,实惟危殆,为语病家,毋徒嗟喟,失治于前,今亦无奈。

疳病原由症治

钱乙曰:大抵疳病,当辨寒热肥瘦。其初病者为肥热疳,久病者为瘦冷疳,冷热交作者为冷热疳,当分治之^①。诸疳皆当补其母,假令日中发潮热,是心虚热也,肝为心母,法当先补肝母,肝实而后泻心,心得母气。则内平而潮热自愈矣。

危亦林曰:疳者干也,瘦瘁少血也,皆由气血虚惫,脏腑受伤,故有五疳。外有螭疳、脊疳、脑疳、干疳、疳渴、疳泻、疳痢、疳肿、疳疮、疳劳、无辜疳、丁翼、哺露,治之各有方,其病多因乳哺失常,肥甘不节,肠胃积滞而得之。惟肾疳害人最通,盖肾虚受邪,疳奔上焦,故以走马为喻,初作口臭,次传齿黑龈烂,热血迸出,甚则齿脱,宜急治之,才得全活,然齿不复生矣。

张元素曰:疳者,小儿受癖,或久吐泻,医者妄投转过之药,小儿易为虚实,致令胃虚而亡津液,内发虚热,外消肌肉。一脏虚则诸脏皆弱,其病目胞肿,腹胀利色无常,渐加瘦瘁,久不痊可,是肠胃有风,宜宣风散导之,后则各依本脏补其母。

《圣惠方》曰:凡小儿疳在内,眼涩腹胀,利色无常,或如泔淀,日渐羸瘦,此候可疗。若鼻下赤烂,自揉鼻,头上有疮,生痴痛痒,渐渐流引,远子两耳,时时目赤,头发稀疏,脑皮光紧,头大

项细,肌体瘦羸,亦可治也。若唇口被蚀,齿龈五色,或尽峭黑,舌下有白疮,上腭有窍子,口中时有臭气,齿龈渐染欲烂,亦可治也,若下郁开张,有时赤烂,痒不可忍,下利无常,亦可治也。若疳蚀脊膂,十指皆痒,自咬指甲,头发作穗,脊骨如锯,有时腹胀,有时下痢,若急治之,无不瘥也。惟五疳有绝候,皆不可治,一衬着脚中指底不觉疼;二抱着手足垂弹无力;三病未退通身不暖;四脏腑泻青涎及沫不止;五项筋舒展无力;如此之候,皆不可治也。

初虞世曰^②:有热疳,有冷疳,有冷热疳,此其要也。热疳者,病多在外,鼻下赤烂,头痒^③湿痒,五心烦热,掀衣气粗,渴引冷水,烦躁卧地,肚热脚冷,潮热往来,皆热疳也。冷疳者病多在内,利色无常,其沫青白,肢体软弱,目肿面黧;又一症躁渴卧地,似有热状,惟饮食不进,滑泄无已,亦冷疳也。其有泻多脓血,日加瘦弱,此则谓之冷热疳。大抵疳之受病,皆虚使然,热者虚中之热,冷者虚中之冷,治热不可妄表过凉,治冷不可峻温骤补。故曰小儿易为虚实,脾虚不受寒温,眼寒则生冷,眼温则生热,当识此勿误。

曾氏曰:大抵疳之为病,皆因过餐饮食,于脾家一脏,有积不治,传之余脏,而成五疳之疾。若脾家病去,则余脏皆安,苟失其治,日久必有传变。脾家病,宜沉香槟榔丸、乌犀丸,更察虚实疗之;有虫者,使君子丸;心腹痛,吐清水,虫自下者,二圣丸。诸疳症,皆宜用五疳保童丸、万应丸,常服化积治疳,仍各投本脏调理之剂。宁心,茯神汤;调肝,芪归汤;调脾,参苓白术散;补肺,补肺散;补肾,调元散;庶各得其宜,前症不致再作。

叶桂曰:幼儿断乳纳食,值夏月脾胃主气,易于肚膨泄泻,头及手足心热,形体日瘦,或烦渴善食,渐成五疳积聚。当审体之强弱,病之新

^① 冷热交作者为冷热疳,当分治之:《直诀》无此十三字。

^② 初虞世曰:初虞世,宋代医家,著有《养生必用书》,《遵生要诀》,今佚。此下文字亦见于《准绳》。

^③ 痒:《准绳》作“疮”。

久。有余者当疏胃清热，食入粪色白，或不化，当健脾佐消导清热。若湿热内郁，虫积腹痛，导滞驱虫，微下之，缓调，用肥儿丸之属。稚年五疳，犹大方五癆，虽方书有五脏之分，是症夏令为多，固从脾胃。盖小儿乳食杂进，运化不及，初断乳后，果腥杂进，气伤滞聚，致热蒸于里，肌肉消瘦，腹大肢细，名曰丁奚。或善食，或不嗜食，或渴饮无度，或便泻白色，久延不已，多致凶危，宜忌食生冷睡肥凝滞。治法初用清热和中分利，次则疏补化运。一定之理。

五脏疳

钱乙曰：肝疳亦名风疳，白膜遮睛，亦名筋疳，泻血而瘦。心疳亦名惊疳，面黄颊赤，身壮热。脾疳亦名食疳，面黄腹大，食泥土，又名肥疳，身瘦虚黄，干面有疮，其候不一，今略举之，目涩或生白膜，唇赤，身干黄或黑，喜卧冷地，或食泥土，身有疮疥，泻青白黄沫水，利色变易，腹满，发鬓作穗，头大项细，极瘦，饮水。肺疳亦名气疳，气喘，口鼻生疮。肾疳亦名急疳，极瘦疮疥，亦名骨疳，喜卧冷地。

曾氏曰：肝疳生眵，发际左脸多青，或白睛微黄，泻利夹水，或如苔色。心疳咬牙舒舌，爱饮冷水，喜伏眠于地。脾疳爱食冷物，引饮无度，身面俱黄，发稀作穗，头大项小，腹胀脚弱或泻，肌瘦目慢，尽凉夜热，不思乳食。肺疳鼻下赤烂，手足枯细，口腥，右腮皤白。肾疳两耳内外生疮，脚如鹤膝，头缝不合，或未能行，牙齿生迟，其缝臭烂，传作走马疳之类。

王汉东曰：凡治疳不必细分五疳。但虚则补之，热则清之，冷则温之，吐则治吐，利则治利，积则治积，虫则治虫，不出集圣丸一方加减用之，屡试屡效。

无辜疳

《圣惠方》曰：小儿无辜疳，脑后有核如弹丸，捏之皮^①下转是也，若不速去，当损其命。此核初生软而痛，中有虫如米粉，得热气渐长大，大则筋结定，定即虫随血气流散。所有停畜，子母相生侵蚀脏腑，肌肉作疮，或大便泄脓血，致

渐黄瘦，头大发直，手足细弱，从兹夭折。

王汉东曰：小儿无辜疳者，盖是饥饱劳役，风惊暑积，八邪^②所伤，久渐黄瘦，吃食不长肌肉，夜间多哭，身上或发微热，多渴，不知饥饱，或生疮癣是也。

疳病二十四候

《庄氏家传》曰：第一候，泻脓血，日渐瘦，是冷热疳；第二候，脚细肚高，胸前骨生，爱吃泥土酸咸，日久通身黄，时时吐逆下利，腹内疼痛，是脾疳；第三候，鼻下赤烂，爱揉眼兼血痢，是肺疳，乃因吃热物，或病乳所伤心肺，加之咳嗽，更服凉冷药过多，便上热下冷，渐渐昏沉，日夜烦哭；第四候，皮虚皱，面无颜色，身上燥痒，心烦；第五候，毛发稀疏，鼻内生疮，是肺疳；第六候，头生疮，发稀焦，是肝疳；第七候，牙变黄赤不定，是肾疳；第八候，发焦干，鼻下生疮，是肺疳；第九候，咬指甲，毛发作穗，四肢沉重，是心疳；第十候，齿虫蚀，肚上筋生，是骨槽疳；第十一候，肚逆腹胀，是胃疳，又名奶疳；第十二候，牙龈臭烂，面无颜色，不思食，是脾疳，又名口疳；第十三候，爱合面卧，多睡如醉，腹胀气急，因曾吃生肉，腹内有虫，是心脾疳；第十四候，鼻内干燥疼痛，口中臭气，牙极有鲜红血，是肝肺疳；第十五候，脚细肚高并青筋，是脾疳；第十六候，非时生疮，爱吃冷水，是热疳；第十七候，皮肤上生粟子，粪中米出，是脾冷疳；第十八候，气满腹胀，及口干，是心胃疳；第十九候，爱吃生米面炭砖瓦，是脾胃疳；第二十候，揉鼻揩眼，咬指甲，爱饮水，是肝渴疳；第二十一候，多寒热，爱卧不起，是骨热疳；第二十二候，爱饮水，目不开，是肝疳；第二十三候，肌体或热或凉，发渴无时，是急疳；第二十四候，牙根黑，唇懒开，开则赤，是心疳积热。

丁奚哺露

李梴曰：丁奚者，腹大颈细黄瘦是也。丁者，

① 皮：原作“反”，据《圣惠方》改。

② 八邪：原作“入邪”，据《新书》改。

手足与项极小伶仃也；奚者，腹大也，甚者尻高肉削，脐突胸满^①，或生谷症，爱吃生米土炭等物，宜十全丹、布袋丸。哺露者，虚热往来，头骨分解，反食吐虫，烦渴呕哕，骨瘦岐嶒露形。盖丁奚哺露，皆因脾胃久虚，形体瘦削，亦由胎禀所成，尽皆无辜种类，并难治，大体相似，宜十全丹、布袋丸。

疳病名目

史演山曰：积是疳之母，所以有积不治，乃成疳候。又有治积不下，其积存而脏虚，成疳尤重。大抵小儿泄泻无时，作渴虚热，烦躁下利，肿满喘急，皆疳候虚症。古云，疳虚用补，是知疳之为疾，不可更利动脏腑。发作之初，名曰疳气；肚大胀急，名曰疳^②虚；泻利频并，名曰疳积；五心烦热，名曰疳热；毛焦发穗，肚大筋青，好吃异物，名曰疳极；热发往来，形体枯槁，面无神采，名曰疳癆；手足细小，项长骨露，尻臀无肉，腹胀脐突，名曰丁奚；食加呕哕，头骨分开，作渴引饮，虫从口出，名曰哺露；总皆疳候。

五疳出虫法

《圣惠方》曰：五疳久而不瘥，则腹内必有虫，肌体黄瘦，下利不止，宜服药出之；用《圣惠》干蟾丸，则疳气渐退。其虫状如丝发，或如马尾，多出于腹背及头项上。若虫色黄白赤者可治，青色者，不可疗也。又有积疳虫，虫蚀脊膂，身热羸瘦黄色，积中生热，烦渴下利，拍背如鼓鸣，脊骨如锯齿，或十指皆疮，颊咬爪甲是也，宜《圣惠》金蟾散。

走马疳

王好古曰：走马疳，疳蚀之极也，乃五脏蒸热上攻，甚即偏沿作崩沙候。牙边肉肿烂，口内气臭，身微潮热，吃食不得，牙缝出鲜血，常动摇似欲脱，肉烂自漏落。治之先以淡盐汤洗口，即下紫金散掺之；日三次，揩杀牙边肉内虫，如大段甚，即下秋霜散掺之，然后以天竺黄散，夹地黄膏调理即安；如不退，先落齿一两三个，即死不治，相次而光发，腮漏见骨而殁。

按：曾氏治法，先去积热，用当归散合三棱散，加姜枣煎服，次投芦荟丸、玉露饮，及以盐温水灌漱，或以软鸡翎蘸盐水拂洗拭干，以蜜陀僧散敷之，若经久不愈，传于唇之上下，成崩沙症，腮穿齿落而死。

疳病不治症

危亦林曰：如疳癆疳泻，面槁色夭，齿张骨露，腹硬不食，皆疳之症也。

李梴曰：肝疳目带青，左肋下硬，多吐沫，眼头黑者，不治；心疳，耳边有青脉，舌上有焦点者，不治；脾疳肚大青筋，唇口无血色，人中平，下利不止者，不治；肺疳嗽逆气急，泻白水，身上黑斑者，不治；肾疳要吃咸酸，饮水不住，小便如粉汁，齿黑有疮，内出耳干脑焦，不治；疳渴饮水不止，舌黑者死，疳癆气促者死，疳泻咳痢逆脱肛者，不治。

发热烦躁

病有轻重，无不热熯，热不一端，内外久暴，阴虚内烧，阳盛外燥，病久骨蒸，病暴液耗，惊食风寒，疳痰癯瘵，皆令发热，昏迷颠倒，各有兼症，均宜详校，而此诸热，五脏分搅，额赤咬牙，掌中若燎，渴饮或呕，心热可料，左颊先赤，便难筋掉，多怒多惊，肝热如告，鼻赤嗜卧，肢体惰傲，遇夜益甚，脾热堪道，喘嗽气粗，右颊红冒，手掐眉目，肺热宜悼，足不喜覆，颊赤声噪，骨酥如虫，肾热与较，更参虚实，理无或拗，热必发烦，热必发躁，症异腹同，俱非易疗，如何谓烦，火入肺窍，如何谓躁，火入肾筋，其火维何，心君独耀，金燔水涸，病日以兢，噤煎不安，心经热闹，噤啞不定，心经风铍，皆足生惊，急慢天钧，发热烦躁，往往齐到，寻源溯流，全凭性巧，对症立方，病极是扫。

五脏热

钱乙曰：而上左腮为肝，右腮肺，额上为心。

① 满：《入门》作“陷”。

② 疳：原作“肝”，据《口议》改。

鼻为脾，额为肾，赤色者热也，随症治之。身热不饮水者，热在外，身热饮水者，热在内也。小儿热病，六一散妙药也，寒水石散亦佳。凡热症疏利后，或和解后，无虚症，勿温补，热必随生也，诸热通用小儿清心丸。

李梴曰：肝热手寻衣领，乱捻物，泻青丸；壮热饮水喘闷，泻白散；心热视其睡，口中气温，或合面睡，及上窜咬牙，导赤散；脾热目黄肚大，怠惰嗜卧，身热饮水，四肢不收，泻黄散；肺热手掐眉目鼻而，甘桔汤；肾热两足不喜衣履，地黄丸。

薛己曰：肝热者，左颊先赤，便难筋急，多怒多惊，四肢困偏，寅卯时益甚，泻青丸、柴胡饮子。心热者额上先赤，心烦心痛，掌中热而哆，或壮热饮水，巳午时益甚，导赤散、泻心汤。脾热者，鼻上先赤，其热在肌肉，遇夜益甚，泻黄散，肺热者，右颊先赤，日西热甚，轻则泻白散，重则地骨皮散。肾热者，额下先赤，两足热甚，骨酥酥如虫蚀，热盛不能起于床，夜间益盛，滋肾丸。

热有虚实表里

谭殊圣曰：虚热者，因病后发热无时，一日三五次者，此客热乘虚而作，其必气血未匀，四体羸弱，治宜调气补虚，其热自退，宜白术散，或未退，人参犀角散。

薛己曰：虚则喜热恶寒，乍凉乍温，佛郁惊惕，上盛下泄，屈体而卧，睡而露睛，闹色青白，恍惚神缓，嘘气软弱，手足指冷，宜惺惺散；实则仰体面卧，睡不露睛，而赤气粗，口热燥渴，二便难，烦啼暴叫，手足指热，宜四顺清凉饮加柴胡；壮热恶风寒，为元气不充，表之虚热也，壮热不恶风寒，为外邪所客，表之实热也，壮热欲饮汤，为津液短少，里之虚热也，壮热饮水，为内火燔烁，里之实热也，热而二便调和，风邪蕴结于里而发者，此表热，惺温散加麻黄汗之，热而颊赤作渴，睡眠不安，四肢惊掣者，此里热，四顺清凉饮。

热辨温壮烦

王肯堂曰：温热与壮热，相类而异，一向热不止，由气血壅实，五脏生热，蒸熨于内，则眠卧

不安，精神恍惚，熏发于外，则表里俱热，烦躁喘粗，甚则发惊痫也，轻则火府丹、金莲饮子^①，重则梔子仁汤。若但温温然不甚盛，是温热也；大便臭而黄者，此腹内有伏热也，四顺饮子；粪白而酸臭，则挟宿食不消也，紫霜丸，轻者少服，重者多服，节哺乳，当取微利；至五心热盛，烦躁不安，手足时欲露出，小便赤涩，谓之烦热，七宝散；若唇深红，饮水不止，竹叶石膏汤。

热分惊积

阎孝忠曰：惊热者，遍身发热，或热而不甚，而青自汗，睡梦虚惊，颠叫恍惚。有因惊而生热者，有因热而生惊者，钱氏导赤散、凉惊丸，皆其治也。

曾氏曰：积热者，腹中有癖而发热也，必眼胞浮肿，而黄足冷，发热，从头至肚愈甚，或闻饮食之气怒心，及肠疼呕吐，治同伤积。

热有昼夜久暂之分

万全曰：按郑氏《全婴方》所云，血热者，巳午发热，夜则凉，指小儿血盛实而言也。盖谓巳午者，心火用事之时也，心主血，血气行至巳午则阳气盛，阳气与正气相搏，故至期而发热，非其时者，非血热也，宜龙胆丸、地黄膏之类。海藏云，夜热属阴，四潮饮之类，此言血热在夜也。《脉经》云，小儿有宿食，尝暮发热，明日复止，此言宿食夜热也。积热者，久热也，疳热亦久，但兼面黄吃炭土，鼻下烂也。《三因》云小儿积热者，表里俱热，偏身皆热，颊赤口干，小便赤，大便焦黄。先以四顺饮利动脏腑，则热去，既去复热者，内热已解，而表热未解也，当用惺惺散，表热乃去，表热去后，又发热者，此表里俱虚，气不归元，而阳浮于外，所以发热，非热极也，只用六神散入梗米煎，和其胃气，则阳收归内，身体便凉。重者用银白散，暂时发热者，或由感冒而得也。

寒热并作

脾己曰：阳虚则外寒，阴虚则内热；阳盛则

^① 金莲饮子，《准绳》作“地黄煎”。

外热，阴盛则内寒；寒热往来，此乃阴阳相胜也。夫阴气并于阴，则发寒，阳气并于阳，则发热。寸口脉微为阳不足，阴气上入阳中则恶寒；尺脉弱为阴不足，阳气下入阴中则发热；阳不足则先寒后热，阴不足则先热后寒，阴阳不归其分，则寒热交争也；又上盛则发热，下盛则发寒，阳胜则乍热，阴胜则乍寒，阴阳相胜，虚实不调，故邪气更作，而寒热往来，或乍寒乍热也。少阳胆者，肝之腑，界于表里之间，阴阳之气易乘，故寒热多主肝胆经症，以小柴胡汤加减治之。若只见寒热，起眉如常，久而不愈，及大病后元气未复，悉属阴虚生热，阳虚生寒，宜八珍汤，甚者十全大补汤。有宿食为病，亦令寒热，保和丸，食积既清，而寒热尚作者，肝邪乘脾，所胜侮所不胜也，异功散加柴胡、山栀。

张涣曰：寒热症，有头疼汗出者，有呕吐不食者，有憎寒而反饮水者，有壮热而反饮汤者，有筋骨疼痛者，有因食积，寒而腹中痛，热而腹中鸣者。

按：此寒热并作，乃自为一症，故有一日两三度发，或五六度发者，非如疟之休止有时也，其疟症寒热，另详疟门。

骨蒸热 潮热 余热

曾氏曰：骨蒸热者，身体虚羸，遇晚而发，有热无寒，醒时渴汗方止，此乃疳病之余毒，传作骨蒸，或腹内有癖块，有时微痛，用化癖丸，先治脾虚宿滞，次以柴胡饮为治，仍忌鸡酒羊而毒物。

按：汤氏治骨蒸热，用生犀散、地骨皮散、七宝散、金莲饮子，殊为妥协，存参。

有小儿热症，用表里药后，其热俱退，既乃复热者，为余热也，推其原，乃表里俱虚，而阳浮于外，阴伏于内，所以又发热，宜用温平药和其里，则体热自除，钱氏白术散去木香加扁豆水煎，及黄芪六一汤、安神散，自然平复。

龚信曰：热有作止，每日应时而发，谓之潮热，如潮信之不失其期也。钱氏云，假如潮热，是一脏实，一脏虚，而内发虚热也，法当补母而泻本脏，则愈。且如日中发潮热者，心虚也，脉为心

之母，则宜先补肝，肝实而后泻心，心得母气，则内平而潮热愈也。医见潮热，妄谓其实，乃以硝黄诸冷药下之，下既多矣，不能禁约，而津液内竭，纵取一时之瘥，鲜不成疳病而身瘦也。曾氏法遇潮热症，先以百解散发表，次以当归散治之。脉实者，以大柴胡下之，虚浮数者，以百解散微汗之，若潮热而呕者，小柴胡和解之。

王肯堂曰：余热者，谓寒邪未尽，传经之遗热也。仁斋曰，伤寒汗下后而热又来，乃表里俱虚，气不归元，阳浮于外，不可再用凉药，盖热去则寒起，古人戒之，法当和胃，使阳气收敛，其热自止，宜参苓白术散。

烦躁原由症治

薛己曰：仲景云，火入肺则烦，入肾则躁。夫心者，君火也，火旺则金燔水亏，而火独存，故肺肾合而为躁也。《活人》云，但烦热者，虚烦也，诸虚烦热，与伤寒相似，但不恶寒，鼻不疼，故知非伤寒也；头不疼，脉不紧，故知非里寒也；不可发汗攻下，当与竹叶汤，兼呕，橘皮汤。又心虚则先烦而后渴，翕翕发热，其脉浮紧而大是也。盖烦者，心中烦扰为内热，故属阳；躁者，肢体躁动，或裸身^①为外热，故属阴。外热者，无根之火也，是以为虚。在小儿当辨其感煎不安，是烦；感啜不定，是躁；感煎者，心经有热，精神恍惚，烦满生惊；感啜者，心经有风，烦躁惊搐也。热甚者，黄连解毒汤；轻者，导赤散；风热者，至宝丹；脉数而实，便闭者，神芎丸；此皆实热之治法也。若烦而头痛短气，口干咽燥，不渴者，虚也，四君加芎、归；烦不得眠，酸枣仁汤；面戴阳，目内赤，六脉洪大，按之全无者，血虚发躁，当归补血汤；若躁而裸体，欲入井中，脉沉细或浮大，按之如无者，此皆阴盛发躁，宜参附汤，有面生之功也。

伤寒

汉张仲景，创论伤寒，六经分治，阴阳并观，传变不一，贵探其原，表则易治，里岂易痊？三阳

^① 裸身：《保婴撮要》后有“欲入井中”。

为表，里症常兼，三阴为里，表症亦繁，病机叠出，不一其端，合并两感，欲辨难言，汗吐下法，不误则安，男妇大小，大概皆然，然而小儿，还须另看，脏腑娇嫩，六气未完，外邪易犯，乳食多愆，一旦病至，身热如煎，头疼骨痛，合眼赤颧，或汗无汗，发渴咽干，种种形症，病则相牵，谓为伤寒，宁曰否焉，然而幼稚，杂病多般，惊疳痰食，痘疹烦冤，总皆发热，躁扰相干，设若误认，时日迁延，如大人法，治之必偏，百十三方，立毙下咽，如是死者，良属可怜，如是死者，医罪曷宽，审音察色，详辨为先，内伤外感，务究其根，脉或罔据，三关细研，毋俾病势，变幻缠绵，再参疫病，夏热春温，中风中温，暑喝弥漫，认病毋错，方治求全，庶几是儿，寿保彭篴。

伤寒原由症治

张元素曰：凡小儿伤寒表症，有恶风恶寒者，当发表。如气盛能食，不大便，无表症者，可攻里。春主温，属木，身温当发汗；夏主长，属火，身热而烦躁，合大发散；长夏主化，属土，四季月同，当调其饮食；秋主收，属金，身凉内温，合微下；冬主藏，属水，身热而恶寒，是热在外而寒在内，身凉而恶热，是热在内而寒在外，热在内者，调胃承气汤，寒在内者，调中汤丸。凡小儿伤寒，宜依四时阴阳升降、顺逆、刚柔而施治。气升浮则发之，收藏则下之。有汗发热恶风，脉浮缓者，风伤卫，桂枝汤；无汗发热恶寒，不当风而自憎寒，脉浮紧者，寒伤荣，麻黄汤；有汗发热恶风，脉浮紧，无汗发热恶寒，脉浮缓，谓之荣卫俱伤，桂枝麻黄各半汤。无汗发热，不恶风寒，脉沉洪者，可下之，更详其厥与不厥，量寒热浅深而治之。有汗四肢厥，脉沉微者，名阴厥，四逆汤；无汗四肢厥，脉沉微者，名阳厥，大承气汤。如四肢不厥，身热内外皆阳，不动三焦，宜凉药三五服下之。黄芩甘草汤、黄芩白术汤、黄芩苍术汤、黄芩栀子汤、连翘饮子、小柴胡汤、八正散、凉膈散、白虎汤、五黄散，此上中下三焦药，宜选用。中暑脉虚，背寒恶，自汗而渴者，白虎汤。身凉，脉紧，热在内者，急下之，口燥咽干，不大便是也。无汗，身大热者，可发汗，升麻汤、大青膏、天

麻膏；有汗，身大热者，惺惺散、桂枝汤、解肌汤、小柴胡汤、白术防风汤，可选用。发汗者，量四时暄暑燥湿风寒，各宜春凉夏寒秋湿冬热而发之，如身表无大热，而小便不利，是有湿热结膀胱，仍用胜湿药，白术、白茯苓之类，以利小便，则其热自退。伤寒咳嗽，吐清水，哽气，长出气，是肺不足也，阿胶散；而白如枯骨者，死不治。身热咳嗽吐痰者，楸银丸；若有表症，恶风寒而嗽者，惺惺散，加减鼠粘子汤。身大热，吐逆不止者，茯苓半夏汤；大吐者，当下之，清积丸。潮热有时，胸满短气呕吐者，桃奴丸。

张云岐曰：小儿有寒邪，及瘟气时疫疮疹，身疼头痛，壮热多眠不语，潮热烦渴，痰实咳嗽，人参羌活汤。时气头昏体热，七宝散，小儿同乳母服，大人亦可用。小儿表伤寒，则皮肤闭而为热，盛即生风，欲为惊搐，血气未实，不能胜邪，故发搐也，大小便依度，口中气热，当发之，宜大青膏。肺盛复有风冷，则胸满短气，气急喘嗽，上气，当先散肺，泻白散；后发散，大青膏。若止伤寒，则不胸满。设令小儿卒暴身壮热，恶寒，四肢冷，或耳尻冷，鼻气热，为斑疹也。与伤寒表症相似，此胎气始发，自内之外，若与伤寒表症同治者，误也，当作斑疹治之。

王好古曰：小儿伤寒时气，风热痰壅咳嗽，及气不和者，四君子汤加细辛、瓜蒌、桔梗、薄荷、生姜，或加防风、川芎，内有寒，或遇天寒欲发散者，则去瓜蒌，虚汗夜啼，加麦冬。

杨士瀛曰：小儿头额痛，身体发热，大便黄赤，腹中有热，四顺散、连翘饮、三黄丸。身体潮热，头目昏痛，心神烦躁，小便赤，大便秘，此热剧也，调胃承气汤。头额身体温热，大便白而酸臭者，胃中有食积也，双圣丸。

虞抟曰：小儿伤风，食睡，口中气热，呵欠烦闷，当发散，大青膏，表症也。寻常风壅发热，鼻涕痰嗽，烦渴，惺惺散。有风热，里热，口中气热，大小便秘赤，饮水不止，有下症者，大黄丸。大热饮水不止，而善食者，可微下，如清便自调，不可下也，恐外热逐于内，而变结胸危症。

张兼善曰：小儿伤风兼脏者，兼心则惊悸；兼肺则闷乱，喘息哽气，长出气，咳嗽；兼肾则畏

明。各随补母脏，虚见故也。如伤风手足冷，脾脏怯也，当先和脾，益黄散，而后发散，大青膏，未瘥，调中丸。有下症，大黄丸，后服湿惊丸。伤风腹胀，亦脾脏虚也，当补肺，必不喘，后发散，仍补脾也，去胀，塌气丸发散，大青膏。伤风吐泻，白术散，夹惊伤寒，热极生风，薄荷散。

庞安常曰：小儿伤寒自汗，当补虚，和阴阳，小建中汤减桂加黄芪、人参、地黄。

吴绶^①曰：小儿伤寒，六经治例皆同，但有胎热、惊热、血热、客热、寒热、潮热、痰热、食热、变蒸热、伤风热、痘疹热，一皆发作，状似伤寒，要在明辨之耳。况肌体嫩弱，血气未定，脉法不同，药剂轻小之别，故略具节要于后。凡小儿病，详察而色为先，伤寒尤宜加意，凡食热伤乳则吐，奶瓣不消，口中醋气，伤食则心下满硬，暖气作酸，恶食，右手气口脉盛，手心热，手背不热，肚背先热，以此别之。凡治小儿伤寒，发热，必以六君子汤为主，或加神曲，麦芽、山楂、砂仁、香附之类。内实者，加枳实，青皮，热不解者，加柴胡、黄连、黄芩之类。如无热，香砂保和丸。

凡变蒸发热，长气血也。夫变者，气上；蒸者，体热也。轻者发热虚惊，耳冷微汗，唇中有白泡如珠子是也，三日而愈；重者寒热脉乱，腹痛啼叫，不食，凡乳食即吐，五日愈也。凡伤寒发热，则贪睡眼涩，呵欠烦闷，鼻塞喷嚏，或流清涕，口中气热，咳嗽声重，或自汗怕风，人参羌活散，其余治例，宜同伤寒表症例也，要在详辨而治之耳。凡伤寒则怕寒，拘急，发热翕翕然，在表，昼夜不止，直待汗出方解。钱氏曰，男子则而黄体重，女子则而赤喘急憎寒，口中气热，呵欠烦闷项急也。大抵伤寒则手背热，手心不热，左手人迎脉紧盛也，其余六经治法，同大人伤寒，但药宜轻小耳。亦有夹惊夹食伤寒，要在详审。凡痘疹发热，钱氏曰，腮赤多躁，喷嚏眼涩，呵欠烦闷，时发惊悸，身重发热，耳尖鼻尖手足稍冷，乍凉乍热，睡中惊惶，起卧不安，乃其候也，切不可认作伤寒，发汗，盖覆取汗，则大误，须仔细辨之。

按：小儿伤寒，虽云六经治例，与大人无异，然毕竟有别，小儿多一切杂症，如前辈所云，固当一一分辨

施治。即真属伤寒，而小儿必夹惊夹食之症为多，故即用六经分治之剂，其中必兼去惊消食之品，方可奏功。至小儿伤寒形症，亦属有定，如头痛，体重，鼻塞流涕，喘息，颊赤眼涩，或眼赤黄，口干，咳嗽，喷嚏，或口鼻出水，山根青色，身上寒毛起，或畏人，或恶寒，两手脉必洪数。凡此等症，皆属伤寒之候，必明辨之，方不与一切之症相混，而可以伤寒之治为治，而即此等症，亦不必悉具，随见数症便是。如吴氏详列诸症，本与伤寒无涉，今特录之者，所以别于伤寒，欲医者知一切诸症之各有形症，便当各随症治，而可不混于伤寒也。

麻 疹

麻疹浮小，而有头粒，非如发斑，成片一色，方其初起，必先发热，都似伤寒，而有分别，鼻流清涕，咳嗽嚏泄，眼胞微肿，泪汪盈睫，或呕或利，红及腮颊，此麻疹候，汗下不必，按此诸症，乃为肺疾，亦属天行，传染而得，身热之后，其出最捷，一拥而来，六时渐没，其没贵迟，期阿三日，热清毒退，乃为上吉，亦有出迟，三日始灭，亦有没早，顷刻无迹，皆由热毒，肤厚面合，恐生他变，至不可测，及其既退，调护宜密，切顺忌口，风寒莫及，疹后变生，最易咳逆，毒流肺窍，气喘吸吸，或成癆瘵，骨蒸羸怯，毒淫脾肾，渐至骨立，或颊泻利，青黄夹杂，毒流肠胃，气虚难接，或口生疮，牙龈烂黑，毒深入肝，奄奄命绝，此四大症，疹后易涉，慎勿轻视，致令危急，按症寻求，治之以法。

麻疹原由症治

钱乙曰：麻疹形症亦同，有如发风疹疙瘩，拥起如云头，色赤成斑，随见随没者；有如粟米头糠，三番俱见而不没，至三日后方收渐没者，然皆谓麻疹。其于欲出未出之际，当用发表药发之，则易出易愈也。有发热至十余日始见者，大抵主在发散肺经之热毒，始事也，调理补养病后之元气，终事也；其或兼风兼痰兼食，随宜加对症药。

万全曰：疹小而碎，少阴心火也，心肺位乎

^① 吴绶：明代医家，著有《伤寒蕴要全书》。

上,心火旺则肺受之,治疹专以肺为主。观咳嗽者,火炎则肺叶焦举也,鼻流清涕者,鼻为肺窍,以火烁金而液自流也,目中泪出者,肺热则移于肝,肝之窍在目也,或手掐眉目唇鼻及而者,肺热症也。疹子只怕不能得出,若出尽则毒便解,故治疹者,发热时,当察时令寒暄,以药发之。如时大寒,以桂枝葛根汤发之;大热,以升麻葛根汤合人参白虎汤发之;不寒不热,以荆防败毒散发之;如兼疫疠时行之气,则以人参败毒散发之。

闻人规曰:麻疹初出,全类伤寒,发热咳嗽,鼻塞面肿,涕唾稠粘,全是肺经之症。有未传泄利者,有一起即兼泄利者,肺与大肠相表里,表里俱病也。惟不可触冒风寒,及于正蒸热时啖食,能变轻为重,不可不慎。

朱震亨曰:斑疹毒之病,是肺胃热毒,熏发于皮肤,状如蚊蚤所咬也。

李梃曰:疹者,如粟米,微红,隐隐皮肤不出,作痒,全无痛处。麻子最小,隐隐如麻子,顶平软不碍指,即有清水,痘多挟疹同出,麻亦多挟疹同出,故曰痘疹、麻疹。麻疹以升麻葛根汤加葱白、紫苏,乃麻疹初起之神方,或苏葛汤亦佳,或以加味败毒散发之,汗后身凉,红痕自灭,麻不出而喘者死,变成黑斑者死,麻疹后,余毒内攻,循衣摸床,谵语神昏者死。

史演山曰:疹喜清凉,痘喜温暖,人皆知之,然疹子初出,亦须和暖,则易出,所以发苗之初只要发出得尽,则其毒便解,大抵疹欲出已出之际,虽寒,勿用桂枝,虽虚,勿用参术,虽呕而有痰,勿用半夏、南星。

王肯堂曰:发热六七日,知是疹子,却不见出,此皮肤坚厚,腠理闭密,又或为风寒袭之,曾有吐利,乃伏也,急用托里发表之剂,麻黄汤调柏墨散发之,外用胡荽酒麻蘸遇身刮之。疹子发热,或自汗,或鼻衄者,不须止之,亦发散之义。疹子发热吐利,乃火邪内逼,纯是热症,不可作寒论;上焦多吐,黄芩汤加茅根、芦根、枇杷叶;下焦多利,黄芩汤送香连丸;中焦吐利俱多,黄芩汤多加茅根、芦根,调六一散;滞下,加味黄芩汤调六一散。疹出之时,咽喉肿痛,乃毒火上熏,

勿作喉痹治,甘桔汤加元参、牛蒡、连翘、或射干、鼠粘子汤。疹色喜遍红,若淡白者,心血不足,养血化斑汤;色太红,或紫殷者,血热也,或出太暴者,并宜大青汤;黑者死。疹既出,热盛不减,此毒壅遏,大青汤解其表;便涩者,黄连解毒汤合白虎汤解其里;大便不通,四顺清凉饮;疹后热不除,忽发搐,不可与急惊同论,用导赤散加人参、麦冬送安神丸。大热未退,不可与食,与伤寒同。

龚信曰:当以葱白汤饮之,其麻自出,如渴,只宜葱白汤以滋其渴,使毛窍中常微润可也,过三日不没者,内有实热,犀角地黄汤解之。

翁仲仁曰:麻疹与痘疮,始似终殊,原同症异。痘疮发于五脏,麻疹出于六腑,然麻疹一症,先动阳分,而后归于阴经,故标属阴,而本属阳。其热也,气与血分相搏,故血多虚耗。其治也,先发散行气,而后滋阴补血,凡动气燥悍之药,皆不可下也。

按:翁氏此说,已举麻疹之原由症治,包括详尽,名论也。

凡看麻疹之法,多于耳后顶上腰眼先见,其颗^①大而长,其形小而匀净。既出,色紫红干燥暗晦,乃火盛毒炽,宜六一散解之,四物汤换生地加柴、芩、翘、葛、牛蒡、红花等,滋阴凉血,而热似除。所谓养阴退阳之义也,如疹出,见风早没,不清爽者,宜消毒饮,加发散之药,虽不复出,亦寻愈矣。

叶桂曰:疹属阳腑经邪,初起必从表治。症见头痛喘咳,气粗呕逆,一二日即发者轻,三五日者重,阳病七日后,隐伏不透,邪反内攻,喘不止,必腹痛胀秘闷危矣。治宜苦辛清热,凉膈去硝黄。方书谓足阳明胃疹,如云密布,或大颗如痘,但无根盘;又谓手太阴肺疹,但有点粒,无片片者,用辛散解肌。冬月无汗,壮热喘急,用麻杏,如花盖散、三拗汤。夏月无汗,用辛凉解肌,葛根、前胡、薄荷、防风、香菇、牛蒡、枳壳、桔梗、木通之属。古人以表邪口渴,即加葛根,以其升胃津,热甚烦渴,用石膏辛凉解肌,无汗忌用。连

^① 颗:崇文书局本作“顶”。

翘辛凉，翘出众草，能升能清，最利幼科。治小儿六经诸热。疹宜通泄，泄泻为顺，下痢五色者亦无妨，惟二便不利，最多凶症，治法大忌止泻。痧本六气客邪，风寒暑湿，必从火化，痧既外发，世人皆云邪透，孰谓出没之际，升必有降，胜必有复。常有痧外发，身热不除，致咽哑龈腐，喘急腹胀，下痢不食，烦躁昏沉，竟以告毙者。皆属里症不清致变，须分三焦受邪孰多，或兼别病累猝，须细体认。上焦药用辛凉，中焦苦辛寒，下焦咸寒。春令发痧从风湿，夏季从暑风，暑必兼湿，秋令从热燥气，冬月从风寒。痧疔湿盛热蒸，口舌喘喘疔蚀，若不速治，有穿腮破颊，咽闭喘促，告毙矣。治之宜早，外治另用专方，若汤药方法，必轻淡能解上病，或清散亦可。痧痢乃热毒内陷，与伤寒协热邪尽则痢止同法，忌升提，忌补涩，轻则分利宣遍，重则宜用苦寒解毒。

按：方书名麻疹者，北人单谓之疹，吴人谓之痧子，浙人谓之疔子，名各不同，其实则一也。痧疹虽由脾胃间毒，毕竟是肺经所发之疾，故方书言手太阴肺疹，但有点粒无片片者。今时所患，皆是点粒分明者也。至方书言足阳明胃疹，如云密布，恐是斑毒，故一片如云密布，且斑毒之发，亦由阳明郁热毒蒸所致。痧不发于胃，而专发于肺也，即使痧毒内陷，或亦入胃入脾入肝入肾，各有变症，然此是痧发不透后，其毒转注之脏腑经络，非初发之经也。方书谓胃疹者，古人每斑疹二字连用，其谓胃疹，当即是斑，其谓肺疹，乃是痧子，即麻疹也。叶氏以痧宜通泄，泄泻为顺云云。夫痧固宜通泄，然大泄痢，又恐毒之下注者未尽，而毒之外发者，复因下泄而多阻滞，以致毒陷益深，泻痢愈不止，正气遂日益虚，此际正难措手。然叶氏忌升提忌补涩二语，又为痧痢金科玉律，切不可犯，则于此而斟酌求治，惟以解毒为主，兼散肠间郁积，而肺大肠表里，肠间之郁积清，肺经之毒自解，却不可犯胃气以绝生气。

疟疾寒热往来附

夏伤于暑，秋必痎疟，又云疟病，必由风着，《内经》之言，宜为细度，夏月盛暑，腠理开发，汗出当风，浴后磅礴，卫气不守，邪气内薄，舍于膜原，应时而剧，暑日得风，根因是托，然而小儿，多由食搏，脾弱胃衰，乳食停积，诸邪悉附，与正

相角，壅遏阴阳，二气交错，阴盛阳虚，先寒而栗，阳胜阴虚，先热如烙，邪与卫并，故日挥霍，邪深入里，故间日作，疟必有痰，停滞胸膈，疟必有湿，酸疼手脚，瘧牝温寒，鬼瘧名各，为症不同，而可约略，冷起毫毛，伸欠萧索，战栗鼓颌，头痛如凿，及其热时，内外火铄，渴欲引饮，身疼筋缚，或先寒侵，或先热灼，阴阳偏胜，如酬如酢，故以往来，寒热如约，丹溪有言，最为精确，无汗发汗，散邪为主，有汗止汗，固正宜速，务期邪尽，阴阳和协，无奈世医，不知用药，小柴胡汤，以为定法，不知前贤，再四叮嘱，早服柴胡，淹缠难却，邪由外散，正无内削，用和阴阳，才可下噤，莫慢轻疏，切宜斟酌，久疟不愈，疟母内托，胸肋之间，可按可摸，治应消散，毋俾正弱。

疟疾原由症治

曾氏曰：《内经·疟论》云，夏伤于暑，秋必痎疟。谓腠理开而汗出遇风，或得于燥浴，水气舍于皮肤间，因卫气不守，邪气并居。其疾始作，伸欠寒栗，腰背俱痛，骨节烦疼，寒生则内外皆热，头疼而渴；乃阴阳二气交争，虚实更作而然。阴气独盛，则阳虚，故先寒战栗，腰背头项骨节皆痛。阳气独胜，则阴虚，故先热，发时不嗜食，喜呕，头疼腰痛，小便不利。阴盛阳虚，则内外皆寒，阳盛阴虚，则内外皆热。此外感六淫，或内伤七情，蕴积痰饮，病气与卫气并居，故病日作。卫气昼行于阳，夜行于阴，得阳而外出，得阴而内薄。五脏病气深入不能与卫气俱出，则间日而作，当卫气所至，病气所在，则发。在阳则热，在阴则寒，俟阴阳各衰，卫气与病气相离，则病体。阴阳相搏，卫气与病气相集，则复作。各随其卫气之所在，与所中邪气相合而然也。先寒后热者，先伤寒而后伤风，名寒疟；先热后寒者，先伤风而后伤寒，名温疟；但热不寒者，名瘧疟；身重寒热，骨节痛，腹胀满，自汗善呕，名湿疟；但寒不热者，名牝疟。其病不一，故治当随其阴阳虚实，汗吐下温，对症旋治，以平为期。然必因正气虚，感受邪气，留而不去，其病为实，自表传里，先汗后下，古今不易，故治疟必顺先表，用百解散加姜、葱，次小柴胡加桂枝、姜、枣，以和解表

里之邪，自然作效；若表里实，用当归散、五和汤、乌犀丸下之，匀气散止补，后以藿香饮加草果、良姜、姜、枣，正胃气，去寒邪，则自平复。如表解后，寒热往来，以二仙饮截之，寒热既除，用平胃散盐汤空心调服，湿骨健脾，则外邪自清。此为明论，有寒多热少，经久不愈，致脾胃弱，饮食少，神色变，二姜丸及清脾汤为治。

娄全善曰：治小儿疟疾，多与大人同法，以出汗为瘥，宜桂枝、柴胡^①、参、苓辈，其病食、病痰，以意消息之，小儿多由食积得之，必兼消药为先也。

叶桂曰：疟因暑发居多，方书虽有痰食寒热瘴疠之互异，幼稚之疟，都因脾胃受病，然气怯神弱，初病惊痛厥逆为多，在夏秋之时，断不可认为惊痫。大方疟症，顺分十二经，与咳症相等，若幼医庸俗，但以小柴胡去参，或香茹、葛根之属，不知柴胡动肝阴，葛根竭胃汁，致变屡矣。幼科纯阳，暑为热气，症必热多烦渴，邪自肺受者，桂枝白虎汤，二进必愈。其有冷食不运，有足太阴脾病见症，初用正气，或用辛温如草果、生姜、半夏之属，方书谓草果治太阴独胜之寒，知母治阳明独胜之热。疟久色夺，唇白汗多，痿弱，必用四兽饮。阴虚内热，必用鳖甲、首乌、知母，便渐瘳者，忌用。久疟营伤寒胜，如桂、姜。拟初中末疟门用药于下：如初病暑风湿热疟药，兼脘痞闷，用桔梗、枳壳、杏仁、厚朴、二味喘最宜瓜蒌皮、山栀、香豉。头痛宜辛凉轻剂，连翘、薄荷、赤芍、羚羊角、蔓荆子、清石。此方淡渗清上重则用石膏，口渴用花粉，烦渴用竹叶石膏汤，热甚则用芩、连、山栀。夏季身痛属湿，羌、防辛温宜忌，宜用木防己、蚕沙。暑热邪伤，初在气分，日久不解，渐入血分，反渴，不多饮，唇舌绛赤，芩连膏，如不应，必用血药，凉佐清气热，一味足矣，轻则用丹皮汗多忌、青蒿、犀角、竹叶心、元参、鲜生地、细生地、木通亦能发汗、淡竹叶。若热久痞结，泻心汤选用。又夏月热久入血，最多蓄血一症，谵语昏狂，看法以小便清长者，大便必黑为是，桃仁承气汤为要药。幼稚疟久，固肿腹膨，泄泻不欲食，或跗肿，必用东垣益气以升阳。倘脾阳消惫，前方不应，用理中汤或钱氏益黄散、得效

二三日，须投五苓散，一二日，再与异功，参苓白术散之类，必全好。徐忠可注《金匱》有云，幼儿未进谷食者，患疟久不止，用冰糖浓汤，余试果验。疟多用乌梅，以酸泄木安土之意，用常山、草果，乃劫其太阴之药，以常山极走，使二邪不相并之谓，用人参、生姜日露姜饮，一以固元，一以散邪，取通神明去秽恶之气。总之久疟气已馁，凡壮胆气，皆可止疟，未必真有疟鬼，又疟邪既久，深入血分，或结疟母，鳖甲煎丸，设用煎方，活血通络可矣。

寒热往来

巢元方曰：风邪外客于皮肤，而痰饮内渍于脏腑，致令血气不和，阴阳更相乘克，阳胜则热，阴胜则寒，阴阳之气，为邪所乘，邪正相干，阴阳交争，时发时止，则寒热更相往来也。

吴绶曰：凡寒热往来，是无定期者，其有定期，疟也。全生云，若其人翕翕如热，渐渐如寒，无有时度，支节如解，手足酸疼，头目昏晕，此由营卫虚弱，外为风邪相乘，搏于阳则发热，搏于阴则发寒，久不治或癆，宜荆芥散。又曰，如苦寒热如疟，不以时度，肠满膨脝，起则头晕，大便不通，或时腹痛，胸膈痞闷，此由宿谷停留不化，结于肠间，气道不舒，阴阳交乱，宜备急丸。若止见寒热，起居如常，久而不愈，乃大病后元气未复，悉属阴虚生热，阳虚生寒，宜八珍汤。食积为病，亦令寒热，保和丸消之，兼呕吐泄泻，六君子汤，厥冷饮热，人参理中丸，作渴不止，七味白术散。食积消而寒热尚作者，肝邪乘脾也，异功散加梔、柴，然此皆非疟症也，切不可混。庞安常曰，小儿食积，寒热如疟，渴泻气急，要合地卧，此候当先取下积，只用平胃散，次常服进食丸。

^① 柴胡，《准绳》引娄氏语，其后有“麻黄”。

幼科释谜卷三

黄 疸

脾土色黄，病则成疸，其病缘何，先因虚损，复感湿热，风寒外捷，停郁腠理，浸淫肢腕，风热蒸蒸，外熏色变，此其大凡，脉必濡缓，伤寒无汗，瘀热不散，身必发黄，尿涩腹满，暑邪挟湿，经络俱焯，沦肤浹髓，脏气莫展，黄如橘色，筋骨痿软，或由痞泻，肌肉消刻，肚大筋青，皮黄发卷，胎疸之疾，得于初产，生下即黄，遇身垢染，原虽不同，阴阳必辨，阳黄体热，二便鞭短，脾与心搏，胸膈必滞，先利小便，下法莫还，阴黄肢冷，清便滋滋，大便清黄，腹痛而喘，面目爪齿，黄色暗惨，脾虚失制，肾水胀衍，约此二端，疸病斯显，再详兼症，身疼体懒，强直其膊，枯涩其眼，溺如屋漏，浮肿若茧，或渴或呕，或寒或暖，按症求之，有此款款，淡黄兼白，乃胃怯懦，或胃不和，其病稍浅。

疸病原由症治

钱乙曰：诸黄皆相似，如身皮目皆黄者，黄病也。身痛膊背强，大小便涩，一身尽黄，而目指爪皆黄，小便如屋尘色，着物皆黄，渴者难治，此黄疸也。二^①症多患于大病后。别有一症，不因病后身微黄者，胃热也，大人亦同。又有面黄腹大，食土而渴者，脾痞也。又有自生而身黄者，胎疸也。古书云，诸疸皆热也，深黄者是也。若淡黄兼白者胃怯，胃不和也。《难知》云：色如熏黄，乃湿病也，则一身尽痛。若色如橘于黄者，黄病也，身不痛。有干黄者，燥也。小便自利，四肢不沉重，渴而引饮，宜梔子柏皮汤。有湿黄者，脾也，小便不利，四肢沉重，似渴不欲饮，宜茵陈汤，如大便自利而黄者，茵陈梔子黄连三物汤，或往来寒热，一身尽黄者，小柴胡加梔子汤。

曾氏曰：黄病不可一概论，标本不同，症治亦异，乃脾胃气虚，感受湿热，郁于腠理，淫于皮

肤，蕴积成黄，熏发于外，故有是症，或脾胃虚弱，内因症癖，攻之而成。然痞泻亦主皮黄，肚大发直筋青，肌肉消瘦，外无色泽，身必发黄，治法，感湿热者，以吹咀五苓散加麻黄、姜，汗之即愈，或茵陈蒿汤调下五苓散亦可。若得于痞癖者，形如黄土，宜蘸脾，或化癖丸。

罗谦甫曰：予治一小儿，季夏身体蒸热，胸膈烦满，皮肤如橘黄，眼白亦黄，筋骨瘦^②弱，不能行立，此由热加以湿，而蒸搏于经络，入于骨髓，使脏气不平^③，故脾遂乘心，湿热相合而成以疾也，盖心火实，则身体蒸热，胸膈烦满，脾湿胜，则皮肤如橘色，有余之气，必乘己所胜而侮所不胜，是肾肝受邪，而盘骨痿弱，不能行立，《内经》言，脾热者，色黄而肉蠕动，又言湿热成痿是也。所谓子能令母实，实则泻其子也，盖脾土退其本位，肾水得复，心火自平矣，加减泻黄散。

疸分阴阳

张元素曰：阳黄者，大小便赤涩身热，是脾土与心火相搏，为阳病，法当先利小便，后下大便。阴黄者，清便自调，而目及身黄，四肢冷，是脾虚不能制肾水，宜益黄散，下使君子丸。

水肿^{诸肿胀附}

少阴肾水，太阴肺金，金本生水，水融两阴，肾邪相传，膀胱是侵，逆于脾土，反被水沉，脾虚失制，随水所淫，脾既受克，不能生心，水激心火，与肺相临，肺又受害，化原失凭，以致水溢，肾邪纵横，脾易受湿，水乃与并，脾主四肢，流走驷驷，渗于脉络，皮肤是寻，血亦化水，停积日

① 二：原作“其”，据《直诀》改。

② 瘦：《宝鉴》作“痿”。

③ 平，原作“生”，据《宝鉴》改。

深,乃作水肿,腹饱筋青,手足面目,悉属水停,或气喘逆,或口呻吟,或发烦渴,或寒热乘,或小便秘,溺出如针,胸满肋胀,减食失音,青平脐凸,命乃将倾。须洁净府,亦开鬼门,去菟陈莖,《内经》是箴。当须识此,急早治,根由症状,仔细详明,嗟嗟水肿,病岂寻恒,时俗谬妄,河白是称,遇考方书,古无此名。

水肿原由症治

曾氏曰:原肿病之由,标本之疾。肾主元气,天一之水生焉,肺主冲化,地四之金属焉,肾为木而肺为标,皆至阴以积水。其为病也,肾者,胃之关键,关键不利,则枢机不转,水乃不行,渗于脉络皮肤,而为浮肿,当推究内外所因为治,儿大者,凭脉以明虚实。古方有十种论症,短气不得卧,为心水;两肋紧痛,为肝水;大便鸭溏,为肺水;四肢苦重,为脾水;腰痛足冷,为肾水;口苦喘干,为胆水;乍虚乍实,为大肠水;腹急肢瘦,为膀胱水;小便闭涩,为胃水;少腹急满,为小肠水。然脉浮为风为虚,沉伏为水病,沉则脉络虚,伏则小便难,即为正水。脾脉虚大,多作脾肿,因循不治,乃成水肿。盖脾属土,喜燥面恶湿,常感温气,温又喜伤脾,血化为水,土致不能制水,则停畜不行,留滞皮肤,故作浮肿。初得病时,见眼胞早晨浮突,午后稍消,急以羌活散疏解,次醒脾散,及间投南星腹皮散,其脾冷困,则燥以草果,缩砂之类。然此症夏秋冬治之颠易,惟春不然,盖四时之水无如春水泛溢,兼肝木旺而脾土受克,不能受水,所以难疗,须徐徐调理取效。若脾热而困,人投燥热药,虽火^①能生土,亦可胜水,奈燥^②之太过,土不胜火,则热愈盛而不食,发热烦渴,又进燥剂,由此面目转浮,致脾败,手足背肿,脐凸,皆脾之外候,有未经发表,通用下药,一泻肿消,乃曰泻之力,不知脾愈泻而愈虚,不旬月,其肿如初。此世人但知泻肿为最,不求十补面一泻之论,法当随四时用药解表,通利小便,春以七宝丹加麻黄、桂枝、赤苓、姜、葱。夏以五苓散加麻黄、苡仁、车前子、姜、葱。秋以清肺饮加羌活、细辛、商陆、姜。冬以冲和饮加白术、生川乌、赤小豆、姜、葱,次投滋润

救脾道水汤剂渗泄之,乃为良法,更以香陆胃苓丸顿服,自安。

有初中便觉痰嗽气喘,小水不通,正属肺肾所主,先服解表散,次投三白散。凡得此病,非一朝一夕之故,不可求速效,以致虚脱。如愈后,再感外风,满面虚浮,用排风散和解,仍服救脾汤剂,免致反复。刘氏曰,治肿非易,补养尤难,忌食物切须详审,有久不消者,下浚川丸即效。

史演山曰:肿胀二症,此由虚中有积,久患失治,日渐传变,症候多端,随轻重,察盛衰,审表里以主治,先固其本,后治其标,斯无患矣。受湿肿,食毒气肿,伤寒虚气入腹肿,泻痢虚气入腹肿,此四种所患病不相同,皆由虚得之。受湿,谓脾胃受湿冷,久不克化,气浮,四肢头面皆肿;食毒气肿,由脾胃伤冷积,毒气停留胃脘,致气入腹,蛊胀肿急;伤寒由下之太早,乘虚入腹作肿;泻痢久,脾气亦虚,是以致肿。以上宜平调胃气,补脏充实,方可去肿,先服四味理中汤减半干姜加白术、桑皮,伤寒虚肿,加枳实,作喘加淡豉,泻痢虚胀,宜正气调胃,胃气既壮,救生丹利之,肿即退,再用观音散调补脏腑,即平复矣。

王履曰:气虚肿,亦名气虚。血虚肿,亦名血虚。小儿所患肿胀一门,最为要急,前人少有究竟。然肿胀之作,皆由荣卫不顺,脏腑怯弱,壅滞三焦,流注百脉,表里俱虚,邪正相乱,以致四肢浮盛,肚腹膨满。多由食毒得之,饮食得之,癯伤得之,饥饱得之,积久不化,故成斯病。病由虚得,或妄乱遍下,因虚致虚,根不得去,疾加益甚,是谓坏症危症。先投荣卫饮子,次服分气饮子以散滞,斯病去矣。

叶桂曰:夏季湿热郁蒸,脾胃气弱,水谷之气不运,湿^③着内蕴为热,渐至浮肿腹胀,小水不利,治之非法,水湿久积,逆行犯肺,必生咳嗽喘促,甚则坐不得卧,俯不能仰,危期速矣。大凡喘必生胀,胀必生喘,方书以先喘后胀者治在肺,先胀后喘者治在脾,亦定论也。《金匱》有风

① 火:原作“不”据《活幼心书》改。

② 燥:原作“杀”,据《活幼心书》改。

③ 湿:《幼科要略》作“温”。

水、皮水、石水、正水、黄汗，以分表里之治；河间有三焦分消；子和有磨积逐水，皆有奥义。学者不可不潜心体认，难以概述。阅近代世俗论水湿喘胀之症，以《内经》开鬼门取汗为表治，分利小便洁净府为里治。经旨《病能篇》谓诸湿肿满，皆属于脾。以健脾燥湿为稳治，治之不效，技穷束手矣。不知凡病皆本乎阴阳，通表利小便，乃宣经气利腑气，是阳病治法。暖水脏，温脾肾，补后方以驱水，是阴病治法。治肺以轻开上，治脾必佐温通。若阴阳表里乖违，脏真日漓，阴阳不运，亦必作胀，治以通阳，乃可奏绩，如《局方》禹余粮丸。甚至三焦交阻，必用分消，肠胃窒塞，必用下夺，然不得与伤寒实热同例，擅投硝、黄、枳、朴，扰动阴血。若太阴脾脏饮湿阻气，温之补之不应，欲用下法，少少甘遂为丸可也。其治实证，选用方法，备采葶苈大枣汤、牡蛎泽泻散、甘遂半夏汤、子和桂苓汤、中满分消饮、五子五皮汤、茯苓防己汤、小青龙汤、木防己汤、泻白散、五苓散、控涎丹、禹功丸、大顺散、越婢汤。徐姓小儿，单胀数月，服肥儿丸、万安丸、磨积丹、绿矾丸、鸡肫药，俱不效，余谓气分不效，宜治血络，所谓络瘀则胀也，用归须、桃仁、延胡、山甲、虻螂、腹虫、灵脂、山楂之类为丸，十日全愈。

腹痛腹胀

腹痛腹胀，病属中宫，脏气相击，邪正交攻，挟寒挟热，症见不同，曰食曰积，壅滞于胸，有虚有实，其故难穷，二病之因，各以类从，先详腹痛，势若攻冲，脾虚气冷，胃虚呕怵，虚热面黄，实热面红，食积便臭，壅积沫融，肝木乘脾，两胁恹恹，寒水侮土，泻利重重，脾气下陷，重坠如钟，脾来克肾，少腹如春，盘肠内吊，腰曲犹弓，啼干唇黑，由于肝风，亦有锁肚，硬如石碯，撮口而青，初生屯蒙，此二症者，患之实凶，以上种种，务通其中，次详腹胀，痞气填衷，闷乱喘满，下则空伺，不喘虚痞，误下疲羸，土虚及肺，金气销溶，目胞腮肿，内及喉咙，或缘病后，胀细朦朧，或缘痰食，膈满肚壅叶平声，或缘热结，壮热若烘，或缘寒积，肢冷涎泛，丁奚哺露，无辜病

丛，头小腹大，黄瘦其躬，乃胀之重，病气日充，审其根原，毋俾病隆，为补为泻，当可病松，莫作等闲，用拯幼童。

腹痛原由症治

钱乙曰：小儿积痛、食痛、虚痛、虫痛，大同小异，惟虫痛当口淡而沫自出，治之随其症用药。虫与痛相似，小儿本怯，故胃虚冷，则虫动而心痛，与痛略相似，但目不斜，手不搐也，宜安虫散。又有胃受极寒极热，亦令虫病，或微痛，或不痛，剧然吐虫，法当安虫为主，若因治虫，反伤胃气，固不可，因寒而动者，理中汤加乌梅、川椒，因热而动者，五苓散加乌梅。

曾氏曰：虫痛，小儿多有之，其症心腹痛，叫哭，倒身扑手，呕吐清水涎沫，固青黄，时作时止，口唇紫黑色者，是蛔厥也，宜安虫散，安虫丸。

谭殊圣曰：小儿腹痛，多因邪正交攻，与脏气相击而作，桔梗枳壳汤加青皮、陈皮、木香、当归为妙。挟热而痛，必而赤壮热，四肢烦，手足心热，四顺清凉饮加青皮、枳壳。挟冷而痛者，必面色或白或青，手足冷，七气汤加桂，调苏合丸，冷甚变症，则固黯，唇口俱黑，爪甲皆青矣。若内吊痛，则钩藤散。其余则芍药甘草汤，皆要药也。

盘肠内吊痛

娄全善曰：曲腰干哭无泪者，为盘肠内吊痛。面皤白，不思食，为胃冷痛。面赤唇焦便黄，为热痛。面黄白大便酸臭，为积痛。口痰而沫自出，为虫痛。然皆不如内吊之甚也。

吴暖曰：小儿腹痛，曲腰干啼，面青白，唇黑肢冷，大便色青不实，名盘肠吊痛。急煎葱汤淋洗其腹，揉葱白熨脐腹间，良久，尿自出，其痛立止，续用乳香散。

锁肚痛

曾氏曰：有锁肚痛者，婴儿一月后，忽乳不下咽，肚硬如石，赤如朱，撮口而哭，而青唇黑，手足口气俱冷是也，始因断脐带不紧，为冷风所乘，症甚危急，以白芍药汤，乌梅散投之，久则难

治,更参考脐风症。

腹胀原由症治

钱乙曰:腹胀由脾胃气虚攻作也。实者,闷乱喘满,可下之,用紫霜丸。不喘者,虚也,不可下,误下则脾虚,气上附肺而行,肺与脾子母皆虚,肺主目胞腮之类,脾主四肢,母气虚甚,即目胞腮肿,四肢黄色,宜塌气丸渐消之,未愈,渐加丸数,不可以丁香、木香、橘皮、豆蔻大温散药治之。何以然?脾虚气未出,故虽腹胀而不喘,可以温散药治之,使上下分消其气,则愈。若气已出,附肺而行,即脾胃内弱,每生虚气,入于四肢面目矣,小儿易为虚实,脾虚则不受寒温,服寒则生冷,服温则生热,当识此勿误也。胃久虚热,多生痘病,或引饮不止,脾虚不能胜肾,随肺气上行于四肢面目,肿若水状,肾气漫淫于肺,即大喘也,宜塌气丸,病愈,而未红者,虚衰未复故也。治小儿虚腹胀,先服塌气丸,不愈,腹中有食积结粪,小便黄,时微喘,脉伏面实,时饮水,能食者下之,盖脾初虚而后有积,所治宜先补脾,然后下之,后又补脾,即愈也,不可补肺,恐生虚喘。

张云岐:小儿热结于内,腹胀壮热,大便赤黄,躁闷烦乱者,宜用泻青丸。

腹服有虚实

张元素曰:凡久病吐泻后,虚则脉微细,若色淡黄,目胞腮虚肿,手足冷,先塌气丸,后异功散、和中丸、益黄散、四君之类,用诸温药养其^①气,实则脉洪实,不因吐泻痢下后,腹胀面喘急闷乱,更有热有痰有食而腹胀者,白饼子、大黄丸,解毒丸下之,兼须认二便,如都不通,先利小便。

李杲曰:大约寒胀多,热胀少,皆主于脾。

庞安常曰:东垣治胀,不犯上下二焦,用《素问》中满者,泻之于内之法。实者分气消积,虚者升阳滋血,治者当师其愈而活用之,不可排击,宜中满分消丸、消痞丸、丹腹胀方、升阳滋血汤。

痞结积癖

痞义为闭,结则实哉,始由痰饮,热蕴如煨,专留腹肋,似盆似杯,营卫气塞,不能往来,非心下痞,易于宜开,故时胀满,按则哭哀,饮食减少,寒热相催,原其所由,脾脏虚羸,久必土败,变难预推,当须养正,勿但结摧,然痞虽结,未成硬胚,积且致癖,坚实难追,积因乳哺,节度多乖,臌滞生冷,停聚难裁,风寒外袭,湿热中怀,老痰坚结,或系血瘀,皆能成积,腹内为灾,始同鸡卵,逐渐如胎,腹胀且痛,足冷面灰,亦由脾病,虚实兼该,实则宜攻,虚则宜培,未可概论,未可狐猜,汉东王氏,论积最佳,可治不治,分辨无差,虚中之积,症更难谐,因惊伤食,吐泻与偕,其脾愈弱,其病难排,取转不着,积反隐埋,惊痞之候,最易根莖,婴儿乳积,面色莓苔,口疮吐衄,腹中块垒,皆由乳后,偏卧不回,乳滞肋下,结块而溃,痞癖一症,更属奇核,蕴结在腹,或块如梅,时常叫痛,骨瘦如柴,左肋下痛,痞气为媒,右肋下痛,癖气相偃,俗名龟痞,左右肋叉,此亦脾病,冷气沉疆,致成是疾,寒热侵骸,至于伤暑,秋必病阨,寒热来往,脾胃气衰,血膜包水,痞癖如蛙,古入成法,可摩可楷,详核方治,慎保婴孩。

痞结腹由症治

薛己曰:痞结既久,饮食减少,脾气必虚,久面不愈,必先以固胃气为主,使养正则积自除。若欲直攻其结,不惟不能善消抑,亦损其脾土,脾土既亏,必变症百出,当详参各类以治之。

陈藏器曰:痞者壅也,热气蕴于胸膈之间,留饮聚于腹肋之内,于是营卫不能流行,脏腑不能宜通,由胀满而致痞结,势使然耳,此热实之症也。时或发为壮热,宜《圣惠》破结散^②,此方治小儿痞结,虽服汤药时,暂得利而滞实不消,心下坚胀,按之即哭,内不伏热并成,宜利大便,

① 其:《洁古家珍》作“真”。

② 破结散:《准绳》作“甘遂散”。

破结散气。

积癖原由症治

李仲南曰：积症有伤乳伤食面身体热者，惟肚热为甚耳，夜间有热者，伤积之明验也。

钱乙曰：小儿病癖，由乳食不消，伏在腹中，乍凉乍热，饮水不止，或喘面嗽，与潮食相类，若不早治，必成癆^①疳，寒热饮水，肋下有形硬痛，法当用药渐消渐磨之，以其有癥癖，故令儿不食，脾胃虚而发热，故引饮也。

曾氏曰：婴孩积癥，皆乳哺不节，过餐生冷坚硬之物，脾胃不能克化，积停中脘。外为风寒所袭，或夜卧失盖，致头疼面黄身热，眼胞微肿，腹痛膨胀，足冷肚热，喜睡神昏，饮食不思，或呕或哕，口噫酸气，大便溲臭，此为陈积所伤。如觉一二日，先用百伤饮发表，次当归散荡动积滞，方下乌犀丸、六圣丸，重与宽利，后用匀气散调补。

陈无择曰：小儿五积，为脏气不行，畜积一处不动，故曰积。如伏梁、息贲、奔豚、痞气、肥气是也。六聚，谓六腑之气留聚也，腑属阳，阳气流转不停，故其聚不定一处，发面腹痛。积聚之候，皆面黄瘦劣，噤啞不生肌肉，发立，或肌体浮肿，腹急多困，多为水气。凡虚中有积者，因伤食面泻，又吐，如此渐处，其病未差，故曰虚积也，又虚中之积，有积面频频取转，却取转不着，致其积尚伏，故亦曰虚中积，若惊积取下，则尿青，食积，尿成块子。凡疳中虚积者，因疳病转泻，虚而疳不退，故虚中尔，所取下粪里白色也。

龚信曰：癖块者，僻于两肋，痞结者，痞于中脘，皆乳哺失节，饮食停滞，邪气相搏而成也。

诸积分辨

王肯堂曰：乳积者，其候但是吐下乳来，有酸臭气，因啼叫未已，遽与乳吃，停滞不化面得，兼而青黄，发热作渴，多睡口疮，渐渐黄瘦，腹内结块不散，茅先生用丁香散开胃后，用牛黄丸取下乳积，后用匀气散，常服健脾散，即愈。食积者，肚硬面热，或泻或呕，因饮食过饱，饱后即睡而得，茅先生用牛黄丸取积，后用匀气散调理，

常服万灵丸即愈。气积者，面色黄白，不进食，腹痛啼叫，利如蟹渤，此因营卫不和，日久面得，茅先生用万灵丸、匀气散、醒脾散相夹调理。惊积者，时时泄清水如米泔，是受伤而复有积，烦闷啾唧，常以生嗔，先解散，用百解散，后理积，乌犀丸、三棱散、醒脾散，宁惊化积，壮气和胃，仍节冷乳，自愈。热积者，大便不通，风毒疮疖，喉闭炸腮，咽中涎响，茅先生用夺命散吐下热涎，后用匀气散，醒脾散调理，常服镇心丸、天竺黄散，愈。

积痛

钱乙曰：积痛，口中气温，面色黄白，目无睛光，或白睛多，及多睡畏食，或大便酸臭者，当磨积而通自除，宜下积丸，甚者白饼子下之，后和胃气，用白术散。又有食积肚痛，有热者，芍药甘草汤，加葛根；吐者，加生姜、半夏，或加枳实，亦效。其有积面潮热寒热，心腹胀满痛者，良方妙香丸。

李杲曰：凡小儿失乳，以食饲之，未有食肠，不能克化，致成食积，腹胀而痛，利色无常，日久瘦弱。

按：有寒积腹痛者，由日渐受寒，兼吃冷物凉饮，寒邪结于脾经，遂致作痛。始犹数日一发，继则一二日发，或日日发，发则面青白，吐清水，喜人手按，或将物抵住，方得稍可，宜用棉子仁八两炒令烟尽，加入枳壳炒，乌药炒各一两，木香生研五钱，神曲糊丸，空心淡姜汤下，数日当下白物，渐愈。

积病有治有不治

王汉东曰：小儿积病，可医者九：面上虚肿是积，积者，脾之所系，脾主身之肌肉，故应于面，故知是脾积，其脾系土，土无正形，故早晚浮肿不定，多则早浮，其睡则脾不磨，上面作肿，若病后此症，则是虚中积，宜用调^②脾消积行气等药；又面合地卧是积，何以合地？其受积在脾，是冷积，何以知之？其脾好土，故知在脾，其冷者属

① 癆，《直诀》无此字。

② 调，原作“补”，据《新书》改。

阴,故知伤冷硬物得之,宜下热药耳;又腹胀是积,其积在肺,何以知之?其肺主于气,才受积,其气便冷,腹胀满,气急,故知在肺,如腹胀,先宜调气,后用转,转后更宜调气;又小便如油是积,其积在小肠,何以知之?积受于脾,脾当传心,心不受触,则入小肠,小肠是心之腑,故知在小肠,则节^①其水道,小便如米泔油相似也;又发黄是积,是积气伤心,心主血脉,润遍身毛发,被积气所干,则发黄,故知是积伤心,宜下空心散,及取积药,此人必时复发热也;又赤白痢是积,其积在肺,受传大肠,及有外伤冷^②而得,何以知之?肺主金,色白,后赤则是外邪,故知肺传大肠,则为赤痢也,宜取后调气;又两眼黄赤睛青是积在肝,何以知之?肝主木,色青,却被气所干即黄赤,睛青者,眼属肝,若受积,故令睛青,是肝受积,若传胆,必口苦不要吃物,宜凉药退之;又遍身虚肿是积,其积不在脏,只在腑,何以知之?为其积曾取后,被药发动,即不在脏,故出皮肤之间为肿也,只宜下取虚中积,药后补之;又多泻白粪是积,是受冷,积在脾,何以知之?脾主化,受冷积在脾,冷滑而泻白屎,故知在脾,宜先转,后热药补之。以上皆可治者也。积病不可治者六:喘急是肺积,肺主气,喘急则肺绝,当而白全无血色,故不可医;又面黑是肾积,盖而黑者,肾绝也,当不辨好恶,眼直无光,只一日而死;又吐热气是荣积,其不可医者,是血绝也,血主于心,心不能管,故出热气不止耳;又手脚心生疮,是卫积,卫者,气也,胃气不生,故手足生疮,若卫绝,则气不回,只半日死也;又恶心吐干呕,是胃绝,何以不医?胃主化食,热则恶吐,故不治,当食乳不化,不食,亦干呕吐,面色青黄无血色也;又泻久住了又泻,是积咬脾烂,何以知其脾烂?当泻白粪而食不消,住了却放粪赤黑而死,故知脾烂。以上皆不可治者也。

疝癖原由症治

庞安常曰:癖者,血膜包水,侧僻于胁旁,时时作痛也,惟癖为能发热,为能生寒热,故疝家中脘,多畜黄水,口久而腹结癖,寒热不已。有是疾者,由乳哺失调,三焦关格,以致水饮停滞肠

胃,如冷气搏之,则结聚成癖,轻者积滞木香丸,重者取癖丸。

王肯堂曰:茅先生论,儿生五月至七岁,有结癖在腹,成块如梅核大,来去,或似卵大,常叫痛者,左胁下名疝气,右胁下名癖气,用蓬莪术散夹健脾饮服即愈。如面黑,目直视,泻黑血,口鼻手足冷,不进食者死。

食 积

太阴脾脏,奠安一身,论其职掌,化宿消陈,滋荣脏腑,灌液布津,上承胃纳,表里相循,下输大肠,传达频频,土为物母,乃见其真,本脏气虚,虚则寒因,虚寒相搏,或又湿屯,水谷所入,莫与磨磷,久则成积,腹痛胀膜,吞酸呕吐,昏冒其神,夜必发热,肚热眉颧,当须识此,食积是论,若有外感,益觉遑迤,夹食伤寒,寒热吟呻,先消其食,发汗溱溱,寒热自止,宁至经旬,脾肾虚败,泻必侵晨,脾胃实热,渴咽燥唇,此皆食积,脾病灾亲,或则伤饱,脾气不伸,积留日久,溃败濡沦,变成食利,脓积维均,微痛微胀,肚腹内埋,法从积滞,调理是遵,夫然后愈,病得回春。

按:小儿之病,多由乳食未化,即或六淫相干成疾,亦必兼宿食,故另出食积一门,不混于积癖条内。

食积原由症治

王履曰:仲景云,寸口脉浮而大,按之反涩,故知有宿食,下之宜大承气汤。然同一发热,而伤食者惟肚腹之热为甚,且粪极酸臭,夜间潮热,尤伤食之明验也。小儿宿食不消者,胃纳水谷而脾化之,儿初不知搏节,胃之所纳,脾气不足以胜之,故不消也。钱氏论食不消,由脾胃冷,当补脾,益黄散主之是也。

初虞世曰:小儿食积者,因脾胃虚冷,乳食不化,久而或积,其症至夜发热,天明复凉,腹痛膨胀,呕吐吞酸,足冷肚热,喜睡神昏,大便酸臭

① 节:原作“积”,据《新书》改。

② 冷:原脱,据《新书》补。

是也。有前症而兼寒热者，名曰食积寒热，若食在胃之上口者，吐之；在胃之下口者，消之；腹痛痞胀，按之益痛者，下之，下后仍痛，按之则止者，补之；夹食伤寒者，先散之，用参苏饮；热甚便秘者，先利之，大柴胡汤；如无外感，只伤食，不至于甚，保和丸调之。盖脾为至阴之脏，故凡脾病者，至夜必热，热而兼寒，则又见所胜者侮所不胜者矣。食未消者消之，则寒热自止，既消者补之则寒热自痊。若手足并冷，喜热饮食，此中州虚寒也，皆温之。大便欲去不去，脾气下陷也，宜升之。若夜间或清晨泄泻者，脾肾俱虚也，四神丸。手足热，作渴饮水者，脾胃实热也，泻黄散。手足虽热，不渴大便不实者，白术散，仍参腹痛腹胀积痛积滞治之。

食积痢

闻人规曰：有食饱伤脾，脾气稍虚，物难消化，留而成积，积败为痢，肚腹微痛，先调胃气，次理积，却止痢，则病根自除，和中散理虚养胃，三棱散、乌犀丸助脾化积，沉香槟榔丸、守中汤进食止痢。

食积吐泻

张涣曰：吐乳泻黄，是伤热乳，吐乳泻青，是伤冷乳，皆当下之，此迎而夺之法也。不若伤热者，用五苓散以导其逆，伤冷者，用理中汤以温其中，自然平复也。脾经积滞未除，再为饮食所伤，不吐则泻，不泻则吐，宜以三棱散化积，守胃散和中。

按：痢与吐泻各有专门，二条列于此者，以专由食积也。

吐 泻

吐病伤胃，泻病伤脾，吐上焦郁，泻下焦衰，脏腑部分，各不相移，论吐之原，病非一机，或由胃虚，睡必露眦，或由胃冷，其脉沉微，或由胃热，凉饮是怡，或胃虚热，渴而溺稀，或胃有积，肚热面薰，或胃有痰，嗽逆声嘶，挟惊挟毒，吐亦相随，和中助胃，止吐之基，论泻之原，五脏兼

推，脾受木克，面黄神疲，脾为水侮，洞泄如筛，心脾气虚，泻黄多噫，肺脾气拂，沫出多啼，脾气虚寒，冷及四肢，脾家积热，心烦口糜，脾为湿滞，浮肿脉迟，脾气下陷，腹坠如遗，脾中虚痞，胀满难支，清神益气，止泻应施，吐泻交作，霍乱维危，或心先痛，吐难自持，或腹先痛，泻必淋漓，中焦闭隔，上下气窒，挥霍撩乱，方书慎之，曰搅肠痧，俗名甚奇，开通疏利，乃是正治，吐泻之故，调护多非，儿生幼稚，六气尚亏，乳食不节，外感侵欺，清浊相干，蕴作创痍，先泻后吐，由虚冷兮，先吐后泻，其实热治，详其轻重，审厥参差，维吐之属，呕则类齐，维泻之属，痢则同归，其分别处，未可或迷，再参岁气，更辨四时，勿轻心掉，才可言医。

吐泻原由症治

虞抟曰：小儿吐泻泄黄，伤热乳也，吐泻泄青，伤冷乳也，皆用白饼子，下后伤热乳者，玉露散，伤冷乳者，益黄散。

玉汝言曰：小儿吐泻并作，即名霍乱。有心痛而先吐者，有腹痛而先泻者，莫不由中焦而作。上焦主纳而不出，中焦主腐化水谷而生荣卫，灌溉百骸，下焦分别水谷，主出而不纳。脾居中州，胃为水谷之海，乳哺入胃，脾能克化，然后水谷传变得宜，岂有吐泻之患！凡小儿吐泻，皆因六气未完，六淫易侵，兼以调护失宜，乳食有节，遂使脾胃虚弱，清浊相干，蕴作而然。有先泻而吐者，乃脾胃虚冷，其候先泻白水，吐亦不多，且气缓而神色慢，额前有汗，六脉沉濡，此为冷也。有先吐而后泻者，乃脾胃有热，气促唇红，吐来而赤，脉洪而数，渴饮水浆，此为热也。冷热宜辨。

娄全善曰：吐泻昏睡露睛者，胃虚热也，钱氏白术散，吐泻昏睡不露睛者，胃实热也，钱氏玉露散。

张兼善^①曰：初生吐泻，大便色白，停乳也，紫霜丸，下后用香橘饼。初生月内吐泻，宜朱砂丸，如吐骤，或泻完谷者，伤风甚也，凡伤风多作

^① 张兼善：明代医家，著有《伤寒发明》二卷。

吐泻者，风木好侵脾土故也，宜大青膏。

王履曰：婴儿暑月吐泻身热，宜玉露散，或益元散，寒月吐泻身冷，宜益黄散。

钱乙曰：吐泻久，将成慢惊风，宜和胃丸、双金丸。一五岁儿吐泻，壮热，不思乳饮，钱见曰，此见目中黑睛少而白睛多，面色皤白，必多病。夫而色皤白者，神怯也，黑睛少者，肾虚也，黑睛属水，本怯而虚，故多病也。纵长成，必肌肤不壮，不耐寒暑，易虚易实，脾胃亦弱，更不可纵恣酒色。若不保养，不过壮年也，而上常无精神光泽者，如妇人之失血也。今吐利有食壮热者，伤食也，又虚怯不可下，下之虚入肺则嗽，入心则惊，入脾则泻不止，入肾则益虚，但以消积磨化之，为微有食积也。

薛己曰：小儿吐泻，手足指冷者，脾气虚寒也，异功散加木香。泻而腹中重坠者，脾气下陷也，补中益气汤。用克滞药而腹中窄狭者，脾家虚痞也，六君子汤。面黄泻青者，脾虚而肝乘之也，六君加升、柴、木香。多噫泻黄者，六君加炮姜、升麻，生下半月内吐者，只调其母，儿不胜药也。

四时吐泻治分表里

钱乙曰：春冬之治宜从表。如伤寒吐泻身温，乍凉乍热，睡多气粗，大便青白，呕吐，乳下不消，时咳嗽，更有五脏兼现症，当煎入脏君臣药，先服大青膏，后服益黄散，如先曾下，或无下症，慎不可下，此乃脾肺受寒也。若伤风吐泻，身热多睡，能食乳，饮水不止，吐痰，大便黄水，此为胃虚热渴吐泻也，当生胃中津液，以止其渴，白术散，后用发散，大青膏；伤风吐泻，身凉吐沫，泻青白，闷乱不渴，硬气，长出气，睡露睛，此伤风荏苒轻怯，因或吐泻，专先补脾，益黄散，后用发散，大青膏。此伤风二症，多病于春冬也。夏秋之治宜从里，儿生三日内壮热，不思乳食，大便乳食不消，或白色，是伤食^①，当下之，白饼子，并和胃，益黄散，儿生三日至十日，吐泻身温凉，不思乳食，大便青白，乳食不消，上实下虚也，更有五脏兼见症：肺则睡露睛，喘气；心则惊悸饮水；脾则困倦多睡；肝则呵欠烦闷，肾则不

语畏明。当视其兼脏症，先泻其所实而补其虚。如脾虚，益黄散主之，此二症多病于夏秋也。再如五月夏至后吐泻，身壮热者，此热也，盖小儿脏腑，十分中九分热也，或因伤热，乳食不消，泻深黄色，玉露饮。六月大暑后吐泻，身大温而似热，脏腑中六分热四分冷也，吐呕，乳食不消，泻黄白色，似渴，或乳或不乳，食前少服益黄散，食后多服玉露饮。立秋后吐泻身温，脏腑中三分热七分冷也，不能食乳，多似睡，闷乱，哽气，长出气，睡露睛，唇白多唾，欲大便，不渴，食前多服益黄散，食后少服睡露饮。八月秋分后吐泻身冷，无阳也，不能食乳，干呕，泻青褐水，当补脾，益黄散，不可下也。凡治小儿吐泻，大法，五月内九分下而一分补，八月内，九分补而一分下，切勿混治。

万全曰：小儿盛暑吐泻，邪热在下焦则泻，在上焦则吐，亡津必渴，用玉露散，虽吐时时与啜之，过三日必愈，如身热脉大溺黄，五苓、益元各半，汤调温服，如身凉脉细，尿清，早晨益黄散，后玉露散，如过四五日困弱，异功散，或用和中散。

曾氏曰：小儿盛夏初秋，遇夜乘风^②，渴而饮水，过食生冷，攻击肠胃，遂乃暴吐暴泻，传作手足俱痹，筋挛而痛，痛则神志不宁，若以惊症治之，误矣。

张元素曰：如有风而泻，用防风、羌活，谓吐泻兼肝病，风搐拘急。如有热而泻，用大黄、黄连，谓吐泻兼心病，身热也。有寒而泻，用附子，谓吐泻兼肾病，身冷，或足胫寒而逆也。有湿而泻，用白术、茯苓，谓吐泻兼本脏脾病，多睡体重昏倦也。有肺病而泻，用白芍、桂心，定喘麦冬、人参，甚者用槟榔，大便不通加大黄，谓吐泻兼肺病，咳嗽也。

吐泻心腹痛

《圣惠方》曰：小儿冷热不调，乳哺不节，使阴阳清浊之气相干，而变乱肠胃间，则成霍乱而

① 伤食：原作“伤寒”，据《直诀》改。

② 风：原作“凉”，据《活幼心书》改。

心腹痛者,冷热气与正气相击,或上攻心,下攻腹,故痛。

单吐吐病原由症治

巢元方曰:毒气吐者,春夏以汤与儿,肠胃脆弱,不胜药势,逆吐下不止,药熏脏腑,烦懊顿乏,为中毒气吐下,《千金》藿香汤。

曾氏曰:论吐之原,难以枚举,有冷吐、热吐、积吐、伤风嗽吐、伤乳吐,吐则同而症则异。冷吐者,乳片不消,多吐而少出,脉沉微,面白眼慢,气缓神昏,额汗,此因风寒入胃,或食生冷,或伤宿乳,胃虚不纳而出,宜当归散加煨姜、陈皮,或间投冲和饮、理中汤,不效,参香饮。热吐者,面赤唇红,吐次少而出多,乳片消,而色黄,遍体热甚,或因暑气在胃,或食热物,精神不慢,而多烦躁,此热吐也,宜大顺饮、香茹饮,误服热药,先投绿豆饮解之,次止吐药。积吐者,眼胞浮,面微黄,足冷肚热,日轻夜重,儿大者,脉沉缓,此宿冷滞脾,故吐黄酸水,或有清痰,脉实而渴,为食积所伤,吐酸洩气,或宿食并出,儿小者,观乳不化是也,先五苓散和解,次乌犀丸,最小者三棱散。伤风嗽吐者,热生风,风生痰,痰结胸中,肺气不顺,连嗽不止,和痰吐出,此为嗽吐痰壅而作,乃为实证,先投清肺饮、小柴胡汤,若嗽久肺虚,土不生金,面白唇燥,干嗽干呕而无痰,可温补为主,茯苓厚朴汤、惺惺散。伤乳吐者,才乳哺后即吐,或少停而吐,此因乳饮无度,脾弱不运故也,三棱散,此外又有风痰吐,乃是伤寒不解,吐乳夹痰,若多时,必要生风,青州白丸子、半夏散。挟惊吐,张涣三香丹。疳积吐,《本事方》,凡霍乱吐不止者,伏龙肝细末二钱,白扁豆炒煎汤调下,立止,若扁豆嫩苗更好。

钱乙曰:小儿经年吐乳,眼慢糞秽,有筋膜者,乃父母交感时吃乳所致,名曰交精吐奶,宜益黄散、五疳保童丸。

谭殊圣曰:小儿惊膈吐还频,日夜连连不暂停,绿水槐黄泔涎汁,和虫乳食一时喷,丁香研共生犀服,五胆牛黄主有动,若有得逢如此药,直饶危困却还魂。此名归命丹。

单泻泻病原由症治

巢元方曰:小儿暴泻^①者,由肠胃虚,卒为冷热之气所伤而成,热则色黄赤,冷则色青白,若冷热相交,则变为赤白滞病也,宜龙骨散。小儿久泻者,大法补虚消积,宜华佗久利神验方。

张元素曰:乳食不消,初病,忽然气出冷,四肢亦冷,面白无光泽,精神不定,乃胃气不和,可以大温药治之,使君子丸、益黄散。若病泄泻日久不瘥,乳食不化,是脾胃有风冷,先服益黄散二帖,后用宜风散导之,再大补胃。

曾氏曰:论泻之原,有冷泻、热泻、伤食泻、水泻、积泻、惊泻、风泻、脏寒泻、疳积腹泻,种种不同。冷泻多是白水,泻密而出少,腹痛而鸣,眉皱目慢,面带白色,额有汗,冲和饮、当归散、参苓白术散。热泻者,大便黄色,如筒吊水,泻过即止,半日复然,心烦口渴,小便黄少,乳食必粗,先用五苓散,或大顺饮,次钱氏白术散,香茹散。伤食泻者,乃脾胃素弱,复伤生冷,故大便不聚而泻,或因母餐生冷肥腻,亦能作泻,面唇俱白,泻稀而少,或如败卵臭,身形黄瘦,宜固脾和中散、醒脾散。水泻者,即洞泄,乃阴阳不顺,水谷不分,泻黄水而小便少,次多无度,夏秋之际,昼则解衣取凉,夜则失盖感冷,冷热相激,清浊混乱,或因母热与乳,令儿脾胃不和,水谷交杂而下,宜五苓散,加苡仁、车前、半夏,分正阴阳,或白术散、六和汤。积泻者,脾气虚弱,乳食入胃不消,久又伤冷食,传之大肠,遂或泄泻,诸药无效,盖以积在脾胃未除,何由得愈,先三棱散除积,次沉香槟榔丸、参苓白术散,再和中散。惊泻者,粪青如苔,稠粘如胶,不可便止,但镇心抑肝,和脾胃,消乳食,先五苓散,次三棱散。风泻者,慢惊大病后有之,粪稀,黄褐色,或夹食而下,因脾虚所致,或夹黑褐色者,属脾虚而肾水乘之也,若久则惊搐,先五苓散加苡仁以疏肾水,次泻黄散以去脾风,再参苓白术散以补脾气。脏寒泻者,粪青不稀不稠,或下清水,未泻腹痛而鸣,啼哭方泻,生三五月内有此,周岁则无,

① 暴泻:《病源》作“卒利”。

因断脐^①风冷外逼而成，先冲和饮加葱白，次当归散加煨姜，及匀气散，理中汤。疳积腹胀者，而黄肚胀脚弱，头大项小，发稀而竖，肌瘦不食，朝凉夜热腹有癥瘕，泻无定色，恶臭，自泻自止，先三棱散加陈皮，次乌犀丸、芦荟丸、快肠汤。凡泻病色，青甚而淡黄夹白，寒多热少，此阴邪胜阳，宜守中汤、胃苓汤扶表救里，方进当归散加陈皮、紫苏、生姜、糯米，寒甚者，理中汤加附子、姜、枣，次南星腹皮饮。若泻泄色青淡，有沫，黄稠，热多寒少，亦致黄瘦烦躁，宜五苓加苡仁、车前、生姜，解散余邪，仍用茵陈山栀汤送五苓散，退黄色，或万安饮、四神丸。

按：疳积腹胀，腹者胀也，其症必目胞肿，腹胀，喜饮水，利色无常，日见消瘦。

痢疾

东垣有言，凡发痢疾，白则伤气，赤则伤血，赤白相兼，气血都佛。东垣此言，千古无匹，请申论之，昭昭若揭，惟肺主气，气伤肺通，白由肺来，暑湿所折，惟心主血，血伤心热，赤自心来，暑湿是结，至若病黄，乃脾胃泄，暑湿伤土，饮食无节，黄中白垢，肺脾气郁，黄中赤秽，心脾气夺，五脏俱伤，五色痢溢，治必求本，审之贵悉，因热因寒，斯言恍惚，病必腹痛，后重里急，乃气不宣，津液凝涩，每一滞行，肠痛如刮，大肠既瘀，小肠亦窒，阴阳不分，虚实更叠，《内经》之言，其因不一，春伤于风，夏生飧泄，少阳在泉，火淫如蒸，民病注泻，赤白俱出，此皆病因，非病从发，至于噤口，至于体息，痢至于此，多死少活，审脉察症，毋少轻忽，方药所投，庶保无失。

赤白痢原由症治

巢元方曰：小儿痢如膏血者，名赤痢，肠气虚极，肠间脂与血俱下也。蛊毒痢者，寒暑不调，小儿解脱，为毒疔之气所伤，邪与气血相搏，毒蕴肠胃，值大肠气虚，则其病状，血瘀如鸡肝，此毒气甚热，状如中蛊，故名。脾毒痢歌云，脾间有毒号纯阳，本为医人热药伤，致使大肠多结涩，多饶滴血在枯肠，如风腹闭难开眼，身热头温脚

转凉，舌赤胸高为此候，多啼喘急更如狂，先须解热并开胃，便是明医用药良。此脾受热积，失治，则毒伏，治先凉脾，次去积。若胸骨忽高，更加喘急，不治，宜金华散、香连丸。风毒痢歌云，八痢之中风转难，形如青草汁多般，毒风豆汁添邪热，胃败鸡肝片片全，加赤不须先下积，闭脾绝食不堪看，若归白痢还须下，脏腑频温得本源。

《圣惠方》曰：小儿血病者，由热毒折于血，血入大肠也，血随气循环经络，通行脏腑，常无停滞，若为毒热所乘，遇肠虚血渗入肠，则或血痢。小儿肠热，则痢下鲜血，如肠风一般。小儿脓血痢者，由热毒在脏，血得热则流，渗入大肠，与肠间津液相搏，积热蕴结，血化为脓，腹虚则泄，故成脓血痢。有渴病兼症者，小儿利兼渴候，此是水谷痢，津液枯竭^②，脏腑虚燥，则引饮，若小便快者，利断渴则止，小便涩者，水不行于小肠，渗入肠胃，渴亦不止，利亦不断，凡如此者，皆身体浮肿，脾气弱，不能克水故也，亦必眼痛生障，小儿上焦本热，今又利，下焦虚，上焦热气转盛，热气熏肝故也，先醒脾散、匀气散，调一二日，后用调中饮，自愈。有病后羸瘦，小儿肠胃虚弱，受风冷，或挟疳气，则下痢，痢断后，肠胃尚虚，谷气犹少，不能荣血气，故羸瘦，桔梗丸。痢后浮肿，歌曰：冷痢日久失医治，遍身浮肿却如吹，脉洪是气化为水，沉实还因积有之，顺气肿消为上法，气平两日定多尿，莫教食饱还忧滞，此疾先因积损脾。用止渴圣效散。小儿赤白久痢不止，腹痛瘦弱，不思饮食，宜黄连散、肉豆蔻散。

曾氏曰：赤白之痢，世人无不曰赤为阳为热，白为阴为冷，或曰无积不或痢。至于调治，若冷热药更进，或单投去积药，必难效。盖风木克胃土，不为暴下，则成痢疾，赤白交杂，为阴阳不分，法当分正阴阳，若既分，仍赤白同下，则专究所因。若先白后赤，乃内伤生冷，失于盖复，又元气感于暑热，宜先救里，次解暑毒。若先赤后白，

① 断脐：《活幼心书》作“断脐带短”。

② 竭：原作“渴”，据《圣惠方》改。

乃先伤热而后感冷,先宜解热,后治痢。有夹热痢者,则纯下鲜血,此风能动血,宜冷服黄连香茹散,及当归散加醋炒蒸柏叶。有夹冷痢者,则下纯白冻,或白上有粉红色,或似猪肝瘀血,皆为阴症,盖血得寒则凝也,先五苓散加守中汤,次固真汤。倘不辨虚实冷热妄治,必脾胃愈虚,或成噤口。又有里急为阳,后重为阴,未圊前腹痛为急,已圊后腹痛为后重。里急大肠涩也,先大须饮加宽气散,利解宽肠丸;后重为气虚,五苓散加人参送香连丸;若二症俱作,双金饮。然泻痢二字,自是两症,粪夹水,来多而顺者,曰泻;带血纯白冻,来三五点而疼者,曰痢;轻重阴阳,于此而分,斯为治法。有脓血交杂,经久不止,日轻夜重,或日夜频数,食减痛多,并用万金散、神效散。有五色痢者,乃因五脏蕴热,荣卫不调,五谷不化,熏腐脏腑,神气昏沉,日久不散,此候已危,最苦是腹中利痛,儿小者无治法,盖五色者,乃五脏之色,皆见于外,儿大者,可用《局方》三神丸,或小来复丹,煎五苓散送下,或可疗。又有风痢,多是黄褐色,与痞泻颇同,但不臭为异,此风毒停滞于脾,泻黄散。若赤白同下不禁,小便少涩,痛热并作,唇裂眼赤,气促心烦,坐卧不安,狂渴饮水,谷道倾陷,饮食不进者,难治。

薛己曰:海藏用四君芎归治虚弱之痢,四君干姜治虚寒之病。愚尝治手足指热饮冷者,为实热,用香连丸;手足指冷饮热者,为虚寒,用异功散,送香连丸;若兼体重肢痛,湿热伤脾也,升阳益胃汤;小便不利,阴阳不分也,五苓散;若湿热退而久痢不止者,脾气下陷也,补中益气汤倍升、柴;泻痢兼呕,或腹痛,脾胃虚寒也,异功散,加木香、炮姜;或变为疟者,肝克脾也,六君加升、柴、钩藤;若积去仍痢,脾气虚也,四君送香连丸;若因母膏粱六淫七情,致儿为患者,当兼治其母。

叶桂曰:脓血痢,痠痛后重,初用宜通驱热,如芩、连、大黄,必加甘草缓之,非如伤寒尿坚,须用芒硝咸以在软坚直走,破泄至阴,此不过苦能胜湿,寒以逐热,足可却病。噤口痢都因热升浊攻,必用大苦,如芩连,石莲清热,人参辅胃益气,热气一开,即能进食,药宜频频进二三口。小儿休息久痢,变为粪后下血,最难速愈,有因气弱下陷,补中益气;虚寒若饮食不化,益黄散;湿热未净,气分延虚,清暑益气汤;胃强善食者,苦寒清热,更节饮食,须善调经月。久泻久痢,必伤肾,肾司二便也,必肛门后坠,与初病湿热里急下重不同,治以摄阴液;或佐疏补,久则纯与摄纳。

幼科释谜卷四

感 冒

感者触也，冒其罩乎，触则必犯，犯则内趋，罩则必蒙，蒙则里瘀，当其感冒，浅在肌肤，表之则散，发之则祛，病斯痊矣，宁至盘纤，若不早治，由外内徂，侵经及络，脏腑壅沮，潜骨沦髓，邪毒固结，变成大病，难以骤驱，而至于危，而至于殁，伊谁之过，能无憾欤，感冒之邪，惟风最初，风行迅速，飘忽吹嘘，当风行止，便入身驱，由风挟寒，风寒是区，乃风之寒，非风寒俱，故异伤寒，六经遍逾^①，脉兼浮紧，其候吁喁，由风挟热，风热是呼，乃风及热，非风热殊，故异中热，暑喝猝痛，脉兼浮数，其候齟齬，感冒之原，由卫气虚，元府不闭，腠理常疏，虚邪贼风，卫阳受撼，惟肺主气，首先犯诸，心火相合，肝风并煦，以渐而入，因风疾驰，避风避箭，载在方书，正风且然，况戾风剽，感冒之症，未可尽拘，头疼身热，轻则或无，必恶风寒，肢体不舒，鼻流清涕，堵塞气粗，咳喘声重，涎沫有余，咽干口闭，自汗沾濡，此外因也，当用表除，素有痰热，窠囊若墟，太阳阳明，二经是居，风邪易入，招引而孚，风乘火势，火煽风枢，互相鼓动，病盛膈膈，此内因也，当用爬梳，感冒之治，四时难诬，春夏辛凉，升麻柴胡，荆防羌葛，取效须臾，秋冬辛温，桂枳参苏，二胡二活，其要也夫，内治甘苦，升散同符，冲和通圣，二方是图，临时消息，以意蓄畬，庶几疾疾，如草加锄，所触斯解，所罩亦纾。

四时感冒症治

钱乙曰：昏睡^②，口中气热，呵欠，烦闷者，伤风症也。头目疼痛，而畏人畏寒者，伤寒症也。

张元素曰：小儿外感风寒，拘急，呵欠，皮毛涩，口中气热者，当发散，秋冬用温热，春夏用凉寒。

谭殊圣曰：小儿头疼体痛，鼻塞流涕，咳嗽

喷嚏，颊赤眼涩，山根青色，皆伤风寒也，宜大青膏。

初虞世曰：感冒风寒，通用人参羌活汤，惺惺散、参苏饮。

万全曰：有风热兼伤者，或先伤风而后受热，或先受热而后伤风，一时齐发，贵审轻重而治之，宜桔梗汤、热郁汤。若久不愈，此儿必虚，不得仍用表散。

李梴曰：伤风则涕流鼻塞声重，伤风症，属肺者多，宜辛温辛凉散之。戴氏曰：新咳嗽鼻塞声重是也，有汗而恶风，此真感风症也。

春温 风温 夏热 秋燥 冬寒症治

王履曰：小儿春日温病，未满三日，先用惺惺散二帖；后四五日不解，烦渴呕吐，白术散，自汗口燥，用制白虎汤；六七日，大便燥结，四顺饮子下之，心腹大实大满，牛黄通肠丸下之；初起，疑是疮疹，只用葛根升麻汤解肌。

叶桂曰：春温，伏气症也。昔入以冬寒内伏，藏于少阴，入春发于少阳，以春木内应肝胆也，寒邪深伏，已经化热，昔入以黄芩汤为主方，苦寒直清里热，热伏于阴，苦味坚阴，乃正治也。知涩邪忌散，不与暴感同法，若因外邪先受，引动在里，伏热，必先辛凉以解新邪，继进苦寒，以清里热，况热乃无形之气，幼医用消滞攻治有形，胃汁先涸，阴液劫尽者多矣，拟春温备用方，黄芩汤、凉膈散、清心凉膈散。若新邪引动伏邪，葱豉汤。春温，为冬季伏邪，幼科亦有之，治从大方，然暴感为多，如头痛恶寒发热，喘促鼻塞，身重，脉浮无汗，原可表散，春令温舒，辛温宜少用，阳经表药，最忌混乱，至若身热咳嗽有痰之症，只宜肺药辛解，泻白散加前胡、牛蒡、薄荷之属，消食药，只宜一二味。风温，乃肺先受邪，遂

① 逾：崇文书局本、醉六堂本皆作“掄”。

② 昏睡：原作“昏睡”，据《直诀》改。

逆传心包,治在上焦,不与清胃攻下同法,幼科不明手经之病,多致危殆,若寒痰阻闭,亦有喘急胸高,不可与前法,用三白吐之。春季温暖,风湿极多,温变热最速,若发散风寒消食,劫伤津液,变症尤速,拟风温备用方,凉膈散、清心凉膈散、泻白散、白虎汤、至宝丹、清心牛黄丸、喻氏清燥救肺汤。先夏至为病温,后夏至为病热,热者,暑热也,暑必兼湿,暑伤气分,湿亦伤气,汗则耗气伤阳,胃汁大受劫烁,病变由此甚多。张凤达云,暑病首用辛凉,继用甘寒,再用酸泄收敛,不必用下,可称要言不烦。夏令受热,昏迷若惊,此为暑厥,即热气闭塞孔窍所致,其邪入络与中络同法,牛黄丸、至宝丹,芳香利窍可效,苏后用清凉血分,如连翘心、竹叶心、元参、细生地、鲜生地、二冬之属,此症初起,大忌风药,初病暑热伤气,竹叶石膏汤,或清肺轻剂,大凡热深厥深,四肢逆冷,但看面垢齿燥,二便不通,或泻不爽为是,大忌误认伤寒。秋深初凉,稚年发热咳嗽,与春月风湿相似,而温自上受,燥自上伤,理亦相等,均是肺气受病,世人误认暴感风寒,混投三阳发散,津劫燥甚,喘急告危,若果暴凉外束,身热痰嗽,只宜葱豉汤,或苏梗、前胡、杏仁、枳桔之属,仅一二帖亦可,更有粗工,亦知热病,与泻白散加芩连之属,不知愈苦助燥,必增他变,当以辛凉甘润之方,气燥自平而愈,慎勿用苦燥劫烁胃液。秋燥一症,气分先受,治肺为急,若延数十日,病必入血分,又非轻浮肺药可治,须审体症端。深秋入冬,暴冷折阳,外感发热,头疼身痛,呕恶,必从太阳,若渴能饮水者,里热见症,即非纯以表散,伤寒每以风伤卫,用桂枝法,寒伤营用麻黄法,小儿肌疏易汗,难任麻桂辛湿,表邪太阳治法,轻则紫苏、防风一二味,身痛用羌活,然不过一剂,伤风症亦肺病为多,前、杏、枳、桔之属,辛胜即是汗药,葱豉汤乃通用要方,若肢冷寒战,呕吐自利,或身无热,即从中寒里症,三阴须分,但小儿太阴中寒最多,厥阴间有若冬令应寒,气候温暖,当藏反泄,即能病,名曰冬温,湿为欲热之渐,非寒症得汗即解,若涉表邪一二,里热必兼七八,是瘾疹丹痧,非徒风寒,或外受之邪,与里邪相薄,亦令郁于

经络,或饮醇厚味,里热炽烈,而卫气不与营气相和,或不正直入内侵,即有腹痛下痢诸症,其治法必以里症为主,稍兼清散,设用辛温,祸不旋踵,至于痧痘时病,须分四气也。

痰 涎

大人痰饮,小儿涎痰,痰由涎结,涎乃脾汁,脾运胃液,肢体皆咸,脾气不足,风热相兼,壅遏中脘,口沫淹淹,乃生壮热,惊搐渐添,脾热乘心,涎亦中含,心忡心悸,胸膈常闷,涎流口角,痰自喉探,或喘或嗽,皆痰之嫌,鸡声锯声,皆痰之占,凡属惊痫,痰必深潜,凡属痞积,痰又牢坚,疰必有痰,寒热难堪,眩亦多痰,痰火上炎,凡诸痰病,涎亦均沾,然痰与涎,津液所涵,实为元气,相附如絨,不图其本,痰涎是割,元虚而脱,难免僵僵,钱氏遗法,白术散拈,涎痰之治,此其大凡,勿求小效,心存二三。

痰涎原由症治

钱乙曰:余治朱监簿子,五岁,夜发热,晓如故,医以铁粉丸下涎,病益甚,至五日大引饮,余取白术散一两煎三升,任意饮,朱疑其泻,余曰,纵泻勿怪,但不可下耳,止泻治痰,清神退热,皆此药也,又煎三升,服尽得稍愈:^①三日、又服三升,不渴无涎,投阿胶散二服,安。

《圣惠方》曰:小儿多涎者,风热壅脾,积聚成涎,即乳食不下,涎沫结实,而生壮热,小儿多涎,亦由脾气不足,不能四布津液而成,若不治其本,补益中气,而徒去其痰涎,痰涎虽病液,亦元气所附,去之不已,遂成虚脱,每见惊搐壮热等症,医以下痰,小儿功效,屡下之而致夭亡者多矣,姑备方:半夏丸、牛蒡子散、谭氏金珠丸、白附丸。

五脏传变皆痰

李梴曰:五脏传变,皆痰为患,盖痰乃风苗,

^① 服尽得稍愈:原作“服稍尽,愈”,据崇文书局本、《百诀》改。

火静则伏于脾，风动则壅于肺，痰火交作，则为急惊，或成嗽痹；痰火结滞，则为痲钩，或为咳嗽；痰火来去，则为泻青；皆由脾湿而成，所以惊风忌纯用风药，当以养血药为使，古方保元汤加白芍，为慢惊美剂也。

脾肺母子也，二脏俱虚，则生涎涎，涎者，脾肺所出也，涎则流溢在于咽喉，如水鸡之声，喘嗽烦闷，宜抱龙丸，夺命散。

咳嗽哮喘

咳嗽哮喘，肺脏所招，为虚为实，有本有标，析而治之，理无或淆，咳则无痰，其声必高，嗽则无声，其痰若胶，声痰俱有，咳嗽名昭，大抵咳嗽，由伤肺杓，或风乘肺，头痛汗饶，或寒乘肺，肢冷酸痛，或热乘肺，而赤热潮，或火乘肺，涕唾血条，或燥乘肺，毛发如烧，惟嗽之痰，脾湿未消，更详时令，四序分鏢，秋冬多实，春夏虚劳，更分久暂，莫任歇歇，初时感冒，邪舍皮毛，淫淫习习，喉痒难搔，嗽久液耗，华盖难浇，声连气促，涎沫盈瓢，更参脏腑，仔细推敲，呕苦属胆，胁痛肝绕，小肠失气，喉梗心苗，长虫胃呕，吐乳脾嘈，大肠遗粪，喘息肺摇，膀胱遗溺，肾痛背壅，腹满面肿，此属三焦，须明种种，咳嗽堪标，哮喘相近，细核实通，哮喘专主痰，与气相擦，或嗜咸醋，膈腕煎熬，口开呷吸，口闭呀嗽，呀呷二音，乃合成哮喘，喘气促急，专主热燎，痰声喝喝，肚撮胸疝，抬肩张口，鼻扇气杰，俱为恶候，非可易调，故知肺病，不自一朝，金为火克，热被寒包，根因不一，辨析腹毫，肃清娇脏，永令坚牢。

咳嗽原由症治

钱乙曰：夫嗽者，肺感微寒，八九月肺气大旺，病嗽者必实，非久病也，其症而赤痰盛，或身热，宜葶苈丸下之，久者不可下也。十一二月嗽者，乃伤风嗽也，风从背脊第三椎肺俞穴入也，宜麻黄汤汗之；有热症面赤饮水涎热，咽喉不利者，宜兼甘桔汤；若五七日间身热痰感唾粘者，褊银丸下；有肺盛者，咳而且喘，面肿欲饮水，有不饮水者，其身即热，泻白散；若伤风嗽，五七日

无热症而但嗽者，亦可用葶苈丸，后用下痰药；有肺虚者，咳而哽气，时时常出气，喉中有声，此久病也，阿胶散补之；痰盛者，先实脾，后以褊银丸微下之，痰退，即补肺如上法。盖久嗽者，肺亡津液，故必用阿胶散，治嗽大法，盛则下之，久即补之，更量虚实，以意为增损。

《圣惠方》曰：小儿嗽而呀呷作声者，由胸膈痰多嗽动，其痰上搏于咽喉之间，痰与气相击，随嗽动息，呀呷有声，其咳嗽本体虽同，而于治疗则加消痰破饮之药，以此为异耳，宜圣惠射干散。

罗谦甫曰：小儿胸膈症，本由暑热所侵，未经发散，邪传心肺，变而为热，热生风，风生痰，痰实不化，因循日久，结为顽块，圆如豆粒，遂成痰母，推本其原，或啼哭未休，剧与乳食，或饲以酸咸，气郁不利，致令生痰，或风寒暑湿侵袭，或坠水中，水入口鼻，传之于肺，故痰母发动而风随之，风痰潮紧，气促而喘，乃成痲痰，急宜去风化痰，先以五苓散同宽气饮、宽热饮，稍用姜汁和匀，沸汤调服，次进知母汤、半夏丸治之。

张元素曰：嗽而两胁痛者，属肝经，小柴胡汤。嗽而呕苦者，属胆经，黄芩半夏生姜汤。嗽而喉中如梗者，属心经，甘桔汤。嗽而失气者，属小肠，芍药甘草汤。嗽而右胁痛者，属脾经，升麻汤。咳而呕长虫者，属胃经，乌梅丸。嗽而喘息吐血者，属肺经，麻黄汤。咳而遗尿者，属大肠，赤石脂汤。咳而腰背痛，甚则咳涎者，属肾经，麻黄附子细辛汤。咳而遗溺者，属膀胱，茯苓甘草汤。咳而腹满，不欲食，面肿，气虚者，属三焦，异功散。

营氏曰：脾虚亦能作嗽，当投补剂，壅脾散、茯苓厚朴汤，令肺气实，然后间与清肺饮，疏解肺经风寒，及藿香饮助脾养胃，亦救子益母之法也。有一症，咳嗽至极时，顿呕吐，乳食与痰俱出尽，方少定，此名风痰壅盛，肝木克脾土，用白附饮治之。

薛己曰：咳嗽流涕，外邪伤肺也，参苏饮。咳嗽而赤，心火刑肺也，人参平肺散。嗽而吐青绿水，肝木乘脾也，异功散加柴胡。嗽而吐痰乳，脾肺气伤也，六君加桔梗。嗽而吐脓痰，热蕴于肺

而成肺痈也，桔梗汤。凡风邪外伤，法当表散而实腠理，其用下药，非邪传于内，及胃有实热者，不宜轻用。面色白，脉短涩者，肺之本症也，易治，面色赤，脉洪数者，火刑金也，难治。

百日内嗽

曾氏曰：百日内婴儿，咳嗽痰壅，睡中不宁，亦因产后感风而得，不可过用表散，宜惺惺散、贝母汤。

王肯堂曰：此名乳嗽，实难调理，亦恶症也。当审虚实，实者散之，虚者补之。其症气粗痰盛，口疮眼热，发散后，可微利之，比金丸等主之，散其实也。其症呕吐惊悸，困倦自汗者，宜补肺散、益黄散、天麻散，补其虚也。大抵治惊嗽，琥珀散、天麻圆，乃要药也，用天麻、蝉退、姜蚕、人参、川芎、甘草、硼砂、胆星、天竺黄、白附子、雄黄、金箔末之，蜜丸芡于大^①，金箔为衣，薄荷汤下，此治百日内嗽不止，远胜诸药。

哮喘原由症治

张兼善曰：哮喘遇冬则发者，有二症，一由内外皆寒，须用东垣参苏温肺汤，一由寒包热，用越婢汤加半夏。

虞抟曰：喘促喉中如水鸡声者，曰哮；气促而连续不能以息者，谓之喘。

李梴曰：哮以声响言，喘以气息言。

按：哮症，古人专主痰，后人谓寒包热，治须表散。窃思之，大都幼稚多吃咸酸，渗透气腕，一遇风寒，便窒塞道路，气息喘促，故多发于冬初。必须淡饮食，行气化痰为主，禁凉剂，恐风邪难解也，禁热剂，恐痰火易升也，苏子、枳壳、青皮、桑皮、桔梗、半夏、前胡、杏仁、山栀，皆治哮必用之药。李士材谓先于八九月未寒时，用大承气下其热，至冬寒无热可包，此法颇好，曾试之，亦效。而又有食哮，宜清金丹；有水哮，宜水哮方；有风痰哮，宜千缙导痰汤；有年久哮，宜皂角丸，或青皮散。

钱乙曰：喘症有由肺盛，复有风冷者，胸满短气，气急喘嗽，上气，当先散肺，且发散风冷，散肺泻白散，风冷大青膏。有由肺脏怯弱者，其唇白色，当补肺，阿胶散。若闷乱气粗，喘促哽气者，难治，肺虚损故也。脾肺病久，则虚而唇白，脾者肺之母也，母子皆虚，不能相营，故曰怯，肺

主唇，唇白而泽者吉，白如枯骨者死。

阎孝忠曰：小儿喘病，甚于咳嗽，然有虚实冷热之分。实热者，清肺饮加五和汤加姜、葱，及泻肺汤。经云，喘息皆因气有余，盖肺主气也。虚冷者，补肺散、坎离汤，此肺虚感风，气不升降，致有是症，及用定喘饮常验，不拘冷热皆可服，痰涎失音，二圣散。

娄全善曰：喘急之症，有因暴惊触心者，有因寒邪壅盛者，有因风邪外客者，有因多食咸酸痰滞者，有因膏粱积热，熏灼清道者。然喘与气急，有轻重之别，喘则欲言不能，隘于胸臆；气急，但息短，心神迷闷耳。治法，因惊者，化痰定喘丸；寒伤肺气者，小青龙汤；风邪伤肺者，三拗汤加减；咸酸伤肺者，食生豆腐；热伤肺者，清肺饮；喉声如锯者，半夏丸。前症多因脾肺气虚，腠理不密，外邪所乘，真气虚而邪气实者为多。若已发则散邪为主，未发则补脾为主，设概攻其邪，则损真气，迨补其肺，则益其邪。

马脾风

初虞世曰：马脾风者，暴喘而兼胀满也，大小便鞭，宜急下之，用牛黄夺命散，后用白虎汤平之。马脾风，若患在百日内者，不治。

吴绶曰：有马脾风者，因寒邪入肺，寒郁为热，痰喘上气，肺胀胸膈，若不速治，立见危亡，宜用辰砂二钱半，甘遂一钱半，轻粉五分，共为末，每取一字，以温浆水少许，上滴香油一点，挑药在油花上，待沉下却去浆水，灌之，即名马脾风散，此方甚妙也。

啼哭

泪为肝液，哭乃肺声，风袭肝脏，内外风并，惟风煽热，乘于心经，火热通风，刑铄肺金，金木相击，悲哭声惊，或日或夜，阴阳互争，亦因母怒，乳哺热生，热移肝脏，肝火莫平，乃多惊哭，其用弗宁，亦因母欲，孕时过淫，淫火炎炽，致令毒停，既生之后，有触哭应，亦因母冷，孕时寒

^① 芡子大，《准绳》作“如鸡头大”。

凝，邪气入胞，儿与之迎，生后邪郁，儿腹膨脝，正气相搏，褰张啼倾，亦因父气，肾弱亏精，儿禀之产，肾阴不荣，虚火炎上，忽作啼鸣，丹溪论此，必致归冥，然则啼哭，病因匪轻，或寒或热，或吓或撻，或胸腹痛，或触神灵，务观其势，各究其情，勿云常事，任彼涕淋。

啼哭原由症治

巢元方曰：小儿有褰啼者，在胎时其母伤于风冷，邪气入胞，伤儿^①脏腑，故儿生之后，邪犹在儿腹内，邪动与正气搏则腹痛，故儿褰张蹙气而啼也，钩藤膏。

钱乙曰：小儿惊啼者，谓睡梦中忽然啼而惊觉，邪热乘心也，安神丸。寒夜啼者，脾脏寒冷，当夜阴盛之时相感，故痛而啼也，钱氏当归丸。热夜啼者，腹热痛，夜啼面赤，唇焦便赤，用人参汤下三黄丸。

张涣曰：婴儿在胎之时，其母将养一切不如法，及取凉饮冷食过度，冷气入儿肠胃，使胎气不强，致生下羸弱多病，俯仰多啼，名曰褰啼，宜养脏汤。

王履曰：小儿夜啼有四症，一曰寒，二曰热，三曰口疮重舌，四曰客忤。寒则腹痛而啼，而青白，口有冷气，手足腹俱冷，曲腰而啼，宜六神散、益黄散。热则心躁而啼，而赤，小便赤，口中热，腹暖，或有汗，仰身而啼，或上半夜仰身有汗而啼，面赤身热者，必痰热也，到晓方息，宜导赤散加黄芩。口疮重舌，则吮乳不得，口到乳上即啼，身额皆微热，急取灯照之，依口疮重舌为治。客忤者，或见非常之物，与未识之人，或经神庙佛寺，与鬼神气相忤而啼，有日啼惊，夜必黄昏前后尤甚者，钱氏安神丸。

庞安常曰：小儿夜啼，作心经有热有虚治之，灯心散、黄连饮、蝉花散。月内夜啼惊搐者，乃胎中受惊所致，镇惊散。有痰者，抱龙丸。

李梴曰：初生月内多啼者，凡胎热，胎毒，胎惊，皆从此而散，且无奇疾。

按：李氏此说，甚是，故凡儿啼，只宜轻手扶抱，任其自哭自止，切不可勉强住，或令吮乳止之，若无他病，亦不必服药，以上诸家方治，亦为有他病者备用，非

谓夜啼必服药也。

汗

汗为心液，心阳固留，在内为血，发外汗流，伤于客感，濇濇汗浮，发汗而汗，邪随汗休，必以汗愈，去病之由，汗而为病，病从汗搜，自汗盗汗，二者是求，阴虚阳凑，发热汗稠，阳虚阴乘，发厥汗澹，心肾俱弱，自汗堪优，腠疏肤嫩，邪热内讎，热搏心主，液不内兜，睡中汗出，其醒则否，或伤冷热，阴阳相勾，津液走泄，肌体遍周，此皆盗汗，惟虚是谋，饮食饥饱，胃汗外投，惊而夺精，心汗浏浏，持重远行，肾汗悠悠，疾走恐惧，肝胆汗游，力作劳苦，脾汗颼颼，经言脏腑，各不相侔，总之汗病，日久体柔，骨蒸疔瘵，惊痫筋抽，黄瘦疲弱，汗冷如揉，凡诸变症，悉皆可愁，他如阳脱，其汗在头，心空之汗，当心逗留，命绝之汗，如珠如油，各从病决，医法方优。

自汗症治

钱乙曰：六阳虚汗，上至头，下至项^②，不过胸也，不须治之。

曾氏曰：小儿脾虚，自汗，多出额上，沾粘人手，速救胃气，沉香饮。脾虚泻自汗，遗身冷而出有时，遇泻则无，泻过即有此候，大虚急当补肺，益黄散，参苓白术散。肺虚自汗，右脸色多皓白，肺脉按之无力，盖久因咳嗽连声不已，痰滞不活，乃肺经虚气上壅，致令汗出，宜补肺散，及经馨香饮调脾，此又益母救子之义也。慢惊自汗，遍体俱有，其冷如冰，此症已危，金液丹、固真汤。实证自汗，外因感冒风邪发热，无问昏醒，浸淫汗出，当急救表解肌，百解散。胃怯汗，上至顶，下至脐，此胃虚，当补胃，益黄散。

盗汗症治

钱乙曰：小儿睡而自汗出者，肌肉虚也，止

① 儿，原作“于”，据《病源》改。

② 上至头，下至项，原作“上至项”，有脱误，据《直诀》改。

汗散,遍身汗出者,香瓜丸。

薛己曰:自汗属阳虚,盗汗属阴虚。盖阳为卫气,阴为营血,血之所主,心也,所藏肝也,热搏于心,故液不能内敛,而外泄于皮肤,人卧则静而为阴,觉则动而为阳,故曰自汗属阳,盗汗属阴也。多因心肾不交,水火不能既济,肾虚则闭藏之令失守,故有是症。因血虚内热,当归六黄汤;心经有热,导赤散;肝经虚热,六味丸;血脱盗汗,当归补血汤;肝胆风热,柴胡清肝汤。

耳目鼻口舌齿咽喉

人身九窍,取象于泰,眼耳与鼻,各两窍对,阴数为偶,三偶坤外,口及二便,各一窍系,阳数为奇,三奇乾内,外坤内乾,是为泰卦,天地生人,精微广大,然皆中正,非为诞怪,按卦核形,病从兹速,耳窍属肾,其病聋聩,或火或虚,肝邪同害,目为肝窍,病最难制,多半属火,兼由风戾,亦或内虚,间因寒滞,肿痛为轻,甚则障翳,泪出羞明,隐涩多蔽,鼻之发窍,专主于肺,肺金受邪,鼻塞而嚏,清涕常流,时或发嚏,鼻衄鼻疮,肺热莫泄叶去声,鼻渊鼻瘖,病兼脑治,唇口属脾,热甚则碎,口疮口糜,相连为害,齿本骨余,病来则闭,疳溃烂龈,肾脾肝急,舌乃心苗,掉弄舌碍,湿食胎生,火热黑缀,重舌木舌,皆属危殆,至若咽喉,呼吸气会,喉痹喘痹,喉鹅喉闭,种种恶症,最宜审谛,伤人性命,瞬息之际,泻火逐痰,乃其要剂,或渴或燥,肿痛相继,犹为轻候,清之便解,诸症在上,汇为一派,凡有病者,急治无怠,分经析症,勿俾败坏,若前后阴,下部是隶,别为疏论,聿分疆界。

耳病原由症治

巢元方曰:耳者,宗脉之所聚,肾气之所通,小儿肾脏盛而有热者,热气上冲于耳,津液壅结,即生脓汁,亦有因沐浴水入耳内,水湿停积,搏于血气,蕴结成热,亦令脓汁出,皆谓之聾耳,日久不瘥,即变成聋也,红蓝花散。

刘完素曰:耳者心肾之窍,肝胆之经也。心肾主内症,若其人精血不足也;肝胆主外症,若其人风热有余也。或聋聩,细辛膏,或虚鸣者,通

鸣散,禀赋虚也,总治六味地黄丸。或胀痛,菖附散,或脓痒者,菖乌散,邪气客也,总治柴胡清肝汤。若因肾肝疳热,六味丸、芦会丸并用。若因热积内热,四味肥儿丸。若因脾经郁热,加味归脾汤。若因肝经怒火,加味道遥散。若因乳食膏粱积热,加味清胃散。其药皆令乳母小儿同服,不可专于治外,不惟闭塞耳窍,且恐变生他症,延留日久,遂成终身聋聩。盖外治方,只可治腑症之轻者。若系肝经风热血燥元虚等症,必依前方论内,服各宜之药,或外治以收脓湿亦可。

目病原由症治

薛己曰:目者,白睛属肺,黑睛属肝,瞳人属肾,上下胞属脾,两眦属心,内眦又属膀胱,五脏五色,各有所司。心主赤,赤甚,心实热也,导赤散;赤微,心虚热也,生犀散。肝主青,青甚,肝热也,泻青丸;淡青,肝虚也,地黄丸。脾主黄,黄甚,脾热也,泻黄散;淡黄,脾虚也,异功散。目无精光,及白睛多,黑睛少者,肝肾俱不足也,地黄丸加鹿茸。昼明夜暗者,阳气衰弱也,冲和养胃汤。凡赤脉翳膜从上而下者,属足太阳,东垣选奇汤;从下而上者,属足阳明,《局方》流气饮。盖翳膜者,风热内蕴也,邪气未定,谓之热翳;邪气已定,谓之冰翳,而沉于内,邪气既深^①,谓之陷翳,宜用升发,佐以退翳药。上眼皮下出黑白翳者,属太阳寒水,从外至内者,属少阳风热;从下至上缘色者,属足阳明及肺肾合病也。疳眼者,因肝火湿热上冲,脾气有亏,不能上升清气,故生白翳,睫闭不开,眵泪如糊,久而脓流,遂至损目,宜益气聪明汤,茯苓泻湿汤,及四味肥儿丸。目闭不开者,因乳食失节,或过服寒凉,使阳气下陷,不能升举也,柴胡复生汤。若胃气亏损,眼睛少力而不能开,补中益气汤。暴赤肿痛,肝火炽盛也,龙胆泻肝汤。多泪羞明,心肝积热也,生犀散。风沿烂眼者,肠有积热也,清胃散。时时作痒者,脓溃生虫也,用点药紫苏膏。眼睫连扎者,肝经风热也,柴胡清肝汤。若生下目黄壮热,二便秘,不乳,面赤眼闭,在胎时,感母热毒也,

^① 深:原作“升”,据《保婴撮要》改。

儿服泻黄散，母服地黄丸。若肢体而目爪甲皆黄，小便如屋尘色者，难治。又有痘疹后余毒未尽，上侵于目者，肾肝虚也，滋阴肾气丸。前症皆当审治于母，兼调其儿。其外障，宜保命羚羊角散、龙胆饮子；其内障，宜泻肝黄连汤、《局方》菊睛丸。雀盲，宜复明散。通睛，宜汤氏牛黄丸。眼白多，宜山茱萸丸。

鼻病原由症治

《圣惠方》曰：肺气通于鼻，若肺为风冷所伤，冷随气乘于鼻，故流清涕，宜圣惠菊花散，盖津液涕唾，得热则干燥，得冷则流溢也。

张兼善曰：小儿肺脏雍滞，有积热上攻于脑，则全脑热，犀角升麻散，肺脏有热，津液干燥，亦令无涕，木通散，其鼻中瘖肉，宜千金方。

张涣曰：肺气通于鼻，气为阳，若气受风寒，停滞鼻间，则成鼻塞，气寒，津液不收，则多涕，若冷气久不散，脓涕结聚，使鼻不闻香臭，则成鼻渊，清肺膏，若挟热，则鼻干，皆能妨害乳食。

薛己曰：风邪客肺，鼻塞不利，宜消风散、辛夷膏。因惊，仆气散。血无所羁而鼻衄，异功散、杨氏地黄散加柴、梔。鼻色赤，脾胃实热也，泻黄散。微赤，脾经虚热也，异功散加升、柴。

口病原由症治

史演山曰：小儿口内白烂于舌上，口外糜溃于唇弦，疮少而大，不甚痛，常流清水，此脾胃虚热上蒸，内已先发而后形于外也，百解散以疏表，当归散以和胃气，理虚热，次投牛蒡汤或天竺黄散，地黄膏；外涂黄金散。有无故口鼻糜溃而不成疮，或服凉剂，或涂末药而不效者，此名元焦。故《脉诀》云，阴数脾热并口臭，是脾有虚热，上攻于口也，回阳散，儿大者，黑锡丹，参苓白术散，调元散；外以黄金散干掺溃处，先用蒸蜜水调点舌上，令自喘下，忌毒物。若疮生口角，是脾有积热，再有外风吹着，便觉折裂，微有清血，名燕窝疮，治法同前。总之口疮一症，形与名不同，故治法亦异，有发于未病前，有发于已病后，有不病而自发，大抵此疾，不拘肥瘦，血气盛，又将养过湿，或心脾有热，或客热在胃，熏通

上焦而成。此为实症，宜宣热拔毒，使无炎炽，则自愈也。

小儿偏风口噤，总由肝胆二经之症居多。盖噤者，筋急也，由风木太甚，乘脾以胜水逆，故筋燥而收敛劲切，或左或右，其因一也。若胃气虚，风邪所乘，其筋脉偏急者，属外因。若肝经风热乘脾，筋脉偏急者，属内因。若脾肺虚，外邪乘于腠理；或服金石药，耗损肝血；或吐泻液亡，不能养肝，致口眼歪斜；或半身不遂。诸症皆属肝血不足，肝火生风，宜滋肾水，六味丸，养肝血，六味丸，壮脾土，异功散加柴胡、钩藤。

舌病原由症治

初虞世曰：脾家微热，冷舌，络微紧，时时舒舌，微露即收，名弄舌，宜泻黄散，其欲饮水，脾胃液少也，勿用冷药。反下舌肿硬，渐粗大满口，名木舌，由风热盛也，不急治，即塞杀人，宜当归散、泻黄散、玉露饮，以消黄散擦舌上。有小舌附舌下近舌根处，名重舌，用苦竹沥浸黄柏末点舌上，不效，真蒲黄傅之，不过三次愈，内服当归连翘汤，外点绿袍散亦可。盖舌者心之苗，心热则生疮破裂，肝壅则血出如涌，脾闭则白胎如雪，总宜凉散上焦及心肝脾三经邪热，疏风化痰为主。

齿病原由症治

王汉东曰：肾主骨，齿者，骨之余也，小儿初生，肾气不足，则齿生迟缓。若肾经有热，上蒸于齿，亦能令齿肿，以肾为胃关，故肾热易移于胃也，其由脾胃实火，作渴，口舌生疮，齿龈，溃烂，焮痛连头而，或恶寒发热，宜清胃散。若因脾胃气虚，寒凉克伐，或虚热上行，口舌生疮，弄舌发热，或呕吐困倦，大便不实，流涎龈烂者，五味异功散。

咽喉病原由症治

谭殊圣曰：喘喉者，一身之总要，与胃气相接，呼吸之所从出也。凡小儿热毒蕴积于胸膈之间，壅滞不散，发为咽喉之病，如单蛾、双蛾、重舌、木舌、疔腮、悬痈，皆其属也。宜参《杂病源流》中

咽喉症法治之。大法先洗去口中舌上白胎，其次扫去风痰，然后依所见症治之。

薛己曰：小儿候痹，因膏粱积热，或禀赋有热，或乳母七情之火，饮食之毒，当分其邪畜表里，与症之轻重，经之所主而治之。若左腮色青赤，肝胆风热也，柴胡栀子散。右腮色赤，肺经热也，泻白散。额间色赤，心小肠热也，导赤散；兼青色，风热相搏也，加味逍遥散。鼻间色黄，脾胃热也，泻黄散；兼青，木乘土位也，加味道遥散；兼赤，心传土位也，柴胡栀子散。额间色赤，肾热也，地黄丸。凡此积热内蕴，二便不通，疏利之。风邪外客而发寒热，发散之。乳食膏粱积热，消胃散。阴虚，地黄丸。大概当用轻和之剂，以治其本，切不可用峻利之药，以伤真气。其或感风热，但肿痛咳嗽者，为轻症，宜甘桔汤、牛蒡汤、化毒汤、牛蒡子汤、《拔萃》桔梗汤。若至气塞不通，则非吹喉散，立效散不可。

大小二便

盖闻二便，均司于肾，元阳上蒸，肺脾符吻，脾腐水谷，大肠导引，大便通调，登圉勿窘，肺主化原，膀胱气酝，小便通调，无须坚忍，二便自利，惟肾无损，若夫闭涩，各有其本，伤暑伤寒，风热相等，惊痛客忤，疳疾可悯，类皆烦热，燥渴引饮，二便秘结，乃其兼症，原其所由，哺乳失准，酸或凝滞，甘甜食并，肠胃风壅，心胸癖梗，水谷不行，气脉如捆，三焦热焚，脏腑毒蕴，治之之法，疏导为稳，至于癃淋，阴茎诸疾，肠头痒痛，痈毒高坟，尿血肠红，一切宜审，二便病除，阴阳分畛。

大便不通原由症治

王肯堂曰：《百问》云，小儿大便秘，乃是肺家有热在里，流入大肠，以致秘结不通，乃实热也，当以四顺清凉饮加柴胡。热甚者，加山栀、黄芩流利之。其表里俱热者，面黄颊赤，唇燥口干，小便赤涩，大便焦黄，无汗者，先解表，宜柴胡散汗之。解后大便秘，或肚疼者，以清凉饮，大柴胡汤、承气汤皆可下之。积热者，神芎丸尤妙。

小便不通有阴闭阳闭癃闭

曾氏曰：小便不通，有阴阳二症。阴闭者，为冷湿乘虚入里，因而不通，以白芍药汤加南木香，及用炒盐熨脐四围。阳闭者，因暴热所通，涩而不通，又有癃闭，乃内脏气虚，受热壅滞，宜化不行，非涩非痛，但闭不通，腹胀紧满，宜木通散，玉露饮。

薛己曰：东垣云，小便不利，有在气在血之分。在气分者，病居上焦，必渴，肺中有伏热，水不能生，绝小便之源也，法当淡渗，能泄肺中之热，而滋水之化源。在血分者，病居下焦而不渴，热畜膀胱，是热涩其流，而溺不泄也，须用气味厚，阴中之阴药治之。

巢元方曰：诸淋症，皆肾虚所致，肾与膀胱为表里，至水下入小肠，通于胞，行于阴，而为洩，肾气通于阴，下流之道也。淋有五：曰膏淋，小便有脂肪似膏，浮在上，此肾虚不能制其肥液面下行也；曰冷淋，先战栗而后小便，此亦肾虚面下焦受冷，冷气入胞，与正气交争，故小便涩而战栗；曰热淋，下焦有热，热气传于肾，流入于胞，其溺黄多而涩，间有鲜血；曰血淋，热之根也，心主血，外行经络，内行脏腑，热盛则失其常道，心与小肠表里，故下流入胞，为血淋；曰石淋，肾主水，水结则化为石，肾为热所乘，遇小便则茎中痛，不得流利，痛引小腹，则沙石从小便出，甚至寒痛，令人昏闷，通身有汗而后醒也。并以《局方》五淋散，下龙脑鸡苏丸，自愈。

遗尿有寒热异因

刘完素曰：遗尿不禁者，为冷，肾主水，膀胱为津液之腑，肾与膀胱俱虚，而冷气乘之，故不能拘制其水，出而不禁，谓之遗尿，睡中自出者，名尿床，此皆肾与膀胱俱虚，而挟冷所致也，以鸡肠散主之。亦有热客于肾部，干于足厥阴之经，廷孔郁结根甚，而气血不能宣通，则痿痹而神无所用，故液渗入膀胱，而旋溺遗失，不能收禁也。

原 白

薛己曰：小便如泔，或良久变白，亦有脾虚食积，湿热下注者，先用茯苓散五七服，次用四味肥儿丸。

王肯堂曰：小便初出微赤，良久白浊者，乃热疳之邪也；初出黄白，久白浊者，乃冷疳之候也。冷者益黄散，热者牛黄丸，冷热兼者芦荟丸，纯下白浊者，厚朴丸。

阴肿癰疔

巢元方曰：诸筋会于阴器，邪客于厥阴，少阴之经，与冷气相搏，则阴囊肿痛而引缩。《经》中虽分四症，曰肠癰，气癰，水癰，卵癰。然小儿患此，若治之不早，则成痼疾。如腰曲腹痛，冷汗自出，而阴囊二于吊缩入腹，痛止方出，名曰内吊，用匀气散及金铃散。

曾氏曰：有阴茎全缩不见，有阴囊光肿不痛，此因肝肾气虚也，宜金铃散、匀气散，盖筋遇寒引缩，通热则弛张，故三因用法，以宽小肠气疏风为治，然小儿此症，多因坐阴冷之处，及感风湿而得，用当归散加槟榔、苍术、水姜前服。有外肾无故而肤囊肿大，不燥不痛，光亮如吹，此气虚所致，宜《三因》家韭子丸、匀气散。一症外肾肤囊赤肿通明，及女儿阴户肿胀，乃心热之所传，皆以木通散、导赤散为治，间有啼叫怒气闭击于下，结聚不散，加以水窠不行，以致阴肿核肿者，宜桃仁丸。小儿狐疝，气偏有大小，时时上下者，此名偏坠，以蜘蛛十四个炒焦，桂枝五钱，共为末，每服八分，日再，酒调下，蜜丸亦可，外傅黑散。

原 血

钱乙曰：溺血者盖心主血，与小肠相合，血之流行，周遍经络，循环脏腑，若热聚膀胱，血渗入脬，故小便血出也。

薛己曰：热入大肠，则大便下血，热入小肠，则小便出血，小儿多因胎中受^①热，或乳母六淫七情，厚味积热，或儿自食甘肥积热，或六淫外侵而成，小便出血者，实热，清心莲子饮，虚热，

六味地黄丸。

脱肛 肛痒

肺为华盖，表里大肠，大肠有户，肛门是张，肛即阳头，本属内藏，其气通流，来往轮将，肺如实热，肠结非常，肺如虚寒，肠出而长，虚寒实热，此其大纲，致脱之故，还宜细详，风木克土，脾胃是伤，暑湿风热，俱聚其方，清浊既混，洞泄莫当，久则肠虚，传送力耗，风冷所袭，肛脱为殃，他如久痢，努力是妨，禀赋怯弱，神气恍惚，皆能致脱，病非孔臧，又有肛痒，甘肥过尝，致生湿热，壅滞非良，湿热成毒，虫生蚀肛，其肛作痒，肠吊心忙，便血发热，神志悽惶，肌体骨立，遍身生疮，清胃涤热，抚脾是囊，内外兼治，乃其要方，蚀肛透内，此子必殇。

肛病原由症治

巢元方曰：肺与大肠为表里，肛者，大肠之门，肺实热，则闭结不通，肺虚寒，则肠头出露。有因痢久里急后重，努力肛开，为外风所吹，或伏暑作泻，肠滑不禁，或禀气怯弱，易于感冷，亦致大肠虚脱。凡小儿所患泻痢，皆因暑湿风热，乘脾胃虚而得，治法宜补脾温胃，使金得受母之益而气实，宜藿香饮，次则内投固肠之剂，健脾饮、养脏汤，外以伏龙肝散傅之，令其自收。

陈藏器曰：小儿肛痒，或嗜甘肥，大肠湿热壅滞，或湿毒生虫面蚀肛门。若因湿热壅滞，宜四味肥儿丸。大便秘者，清凉饮。虫蚀肛门，先用化蠶丸，后用四味肥儿丸，外以雄黄散纳肛门。若因病不食，虫无所养，而食脏食肛者，其齿龈无色，舌上尽白，四肢倦怠，其上唇内有疮，吐血如粟，心中懊恼，此虫在上食脏，若下唇有疮，此虫在下食肛，若食肛透内者不治。

丹 毒

丹毒多般，病原则一，总由心火，风毒搏击，

^① 受：原作“变”，据《保婴撮要》改。

主血者心，血为火道，阴滞于阳，血热郁逆，内而熏蒸，先蕴胸膈，外达皮肤，热而色赤，赤若丹涂，热若火炙，凡热有毒，毒则痛极，渐至坏烂，水流肌裂，入肾入腹，斯至于厄，亦有在胎，胎毒久积，迨至生后，感热发泄，亦有乳母，七情内迫，酒醴燔炮，恣情而食，毒从乳流，与儿相贼，亦有食多，脾弱难克，热蕴于中，肌表红色，亦有孕时，母受惊吓，惊邪伤胎，递相传袭，形发于外，向夜啼泣，眼胞微肿，面带青黑，种种诸丹，不能尽悉，治法大要，清火涤热，顷刻丹消，肌肤一抹。

胎毒发丹

史演山曰：胎毒发丹者，因胎毒内伏，或频浴热汤，或着烘衣，或服母饮食，七情内热，助邪为患，发于头面四肢，延及胸腹，色赤，游走不定。古人云，从四肢起入腹囊者，皆不治。当急令入随患处遍吮，毒血各聚一处，砭出之，急服活命饮，惟百日内忌砭，以其肌肉难任也。若发散太过，表虚热而赤不退者，用补中益气汤，加防风、白芷。寒凉过剂，胃气受伤，而热赤不退者，异功散加升、柴，或兼发搐等症，用四君加升、归、钩藤，若复用攻毒，必致不起。头额间患者，当砭之。

一切丹原由症治

巢元方曰：火丹候，往来如伤寒，赤着身而日渐大者是也。又云丹火候状，发赤，如火烧，须臾燥浆起，是也。

《圣惠方》曰：凡小儿一切丹，皆由风毒在于腠理，热毒搏于血，蒸发于外，其皮上热而赤，如丹涂状，故谓之丹。若又不歇，则肌肉坏烂，若毒气入腹，则杀入，合以一方同疗之，故号一切丹也，用升麻散。赤丹者，由风毒之重，故使赤也，初发肿起，大如连钱，小者如麻豆，肉上生粟如鸡冠，故亦谓之茱萸丹也，宜升麻膏。又云，有天火丹者，肉中有如丹赤色者，大者如手，剧者遍身赤痒，故名天火丹也。又云，天火丹，从背起赤点，用桑白皮末羊脂调涂，《千金》治天火丹病，初从脾间起，小儿未满百日，犯行路灶君，若热

流阴头，赤肿血出，方用伏龙肝末鸡子清调涂。又有鬼火丹者，发两臂，赤起如李子，戎盐散。有野火丹者，丹发赤斑，斑如梅子，满背腹，《千金》遗身皆赤者，名野火丹，雄黄戎盐各五钱为末，鸡子白调，频涂，以差为度。有家火丹者，初发着两颊两膀上，两腋下，古方治家火丹攻喉入腹，用硝石、凝水石，铜器内熬干，研服方寸七。有殃火丹者，初发两肋，及腋下腿上，用朴硝研末，每服五分，竹沥调下，更量儿大小加减。有神火丹者，丹发两膀，不过一日，便赤黑，醋调栀子仁末涂。有茨火丹者，丹发如灼，在肋下，正赤，初从额起，或从耳起，而多痛，赤小豆一合，硝石五钱，寒水石一分，为末，冷水调五分，日三服，量儿大小加减，冷水调涂，亦可。有朱田火丹者，先发于背，遍身一日一夜而成疮，蓝靛涂之，或未成疮，鸡子清调赤小豆末传，已成疮，赤豆末掺之。有天灶火丹者，发两膀里，尻间正赤，流至阴头，赤肿血出者是也，用赤豆、伏龙肝等分为末，鸡子白调涂，车前子末水调涂亦可。有废灶火丹者，从足趺起，正赤者是也，赤小豆一两，牛角二两，烧灰共末，鸡子白调涂。有尿灶火丹者，丹发膝上，从两股起，及脐间，走入阴头者是也，李树根半斤烧灰，取田中流水调涂。有赤流者，小儿身上，或一片片赤色如胭脂，及渐引，此名丹毒，俗谓之流火。若因热而得者赤色，因风而得者白色，皆肿而壮热也，先砭其恶血，内服升麻汤，毒未入腹者，可疗也。有蛇缠丹者，此丹匝腰则死，捣葛苕烂涂，或研葛苕子涂之。有蜘蛛丹者，满身病，用白矾，皂荚烧灰，猪槽下泥和涂之。有赤白游肿者，小儿肌肉虚，为风毒热气所乘，热毒搏于血气，则皮肤赤面肿起，其风随气行游不定，故名也。又云，游肿之状，为青黄赤白，无复定色，游走于皮肤之间，肉上微光是也，犀角散。凡丹入腹，生麻油涂之，服婴孺方。丹痛，捣竹茹汁及一升作一服，只一二服效。丹痒，捣韭菜汁入些盐与香油以手摩热，于丹上措之，立愈。

曾氏曰：赤火丹瘤，皆心火内热而发，赤如丹砂。心主血而火性热，血热相搏，阴滞于阳，即发丹毒。心虚寒则痒，心实热则痛，自腹生出四肢者易治，自四肢生入腹者难疗。先用百解散表

之，次以当归散，加连翘、荆芥水煎，与宣热拔毒，其次赤葛散，或初用化丹汤亦好。有身上发时，亦如前症，有甚燥痒，但见出浮遍体，神昏不悦，名阴湿毒症。婴孩生后，百日之内，半岁以上，忽两眼胞红晕微起，面青黯色，向夜烦啼，或脸如胭脂，此伏热在内；亦有脸不红者，始因居胎之时，母受重惊，惊邪伤胎，递相传袭，形发于外；初发时，散生满面，状如水豆，脚微红而不壮，出没体息无定，次到颈项，亦如朱砂，名曰惊丹。用四圣散，先洗其目，次百解散加五和汤同煎，与解惊热丹毒，当归散、牛蒡汤亦可。如惊丹发至胸乳间，微有痰喘作搐，急宜宣热拔毒，免至内流，为害不浅，五和汤加升麻、生地、灯心、生姜，则自消除，仍用前数药调治，不生他症。

吴绶曰：小儿丹毒，乃热毒之气根，与血相搏而风乘之，故赤肿，及游走遍身者，又名赤游风，入腹入肾，则杀人也。大抵丹毒，虽有多种，病源则一，有赤丹毒通身痒者，或女于十五六而脉未通者，多发丹疹，皆由血有风毒乘之，宜防已散。

五色丹

《圣惠方》曰：夫小儿五色丹者，由丹发而改变无常，或青黄赤黑白，皆风毒之热，有盛有衰，或冷或热，故发为五色丹也，宜用小柴胡汤，如法煎服，以渣傅丹上良。

辨小儿欲发丹毒候

王肯堂曰：初生儿畜伏胎热，欲发丹者，必先见于外，如在襁褓中，无故眼生厚眵，此丹毒欲发也，更微喘急，毒气已甚，上乘于肺也，才觉有此，急以水调龙脑饮子，或蓝根、犀角等，潜消其毒，如津身已有赤处，即更以芸苔等外挂其锋，消息而次第治之。

凡儿病诸丹肿，其势虽盛，切不可通用大黄、芒硝辈大下之，恐毒乘虚入里也，但用性平解毒托里药。小儿丹发，若预度其势，必展引至咽喉腹心阴尻诸虚处，可先涂药以护之，仍砭其引头所向，微出恶血以泄其毒。丹毒，宜食海蜇鲫鱼，然不可过。

幼科释谜卷五

诸病应用方

导赤散 此方泻丙小肠火。

生地 木通 甘草等分 加竹叶,一方不用甘草,用黄芩。

钱氏生犀散 此方治心经虚热。

犀角二钱 地骨皮 赤芍 柴胡根 葛根各一两 炙草五钱

每末一钱,煎服。

四圣散 治婴孩胎受热毒,或生下两目不开。

灯心 黄连 秦皮 木贼 枣子各半两

每吹咀二钱,煎服。

地黄膏

郁金 皂荚水煮干切焙 豆粉各五钱 炙草一分 马牙硝一钱

生地汁、蜜兑煎成膏,和丸水含化,婴儿磨浓汁,以鹅翎扫入口内。

张涣保命散 治婴儿胎毒,致生鹅口。

白矾 朱砂各二钱半 马牙硝五钱

研极细,每服一字,水调涂舌上,先拭净儿舌。

龙胆汤 治胎惊月内气盛发热,脐风撮口壮热。

龙胆草 钩藤 柴胡 黄芩 桔梗 赤芍 茯苓 炙草各五钱 蛭螂二个,去翅足炙 大黄一分,纸裹煨

为细末,食前调服,或加防风,麦冬,以去心热亦可。

辰砂膏

辰砂三钱 硼砂 牙硝各钱半 元明粉二钱 全蝎 真珠末各一钱 麝一字

为末,和枣肉,好绢包起,自然成膏,每一豆许,治诸惊,金银薄荷汤下;潮热,甘草汤下,月内婴儿,乳汁调涂奶上,令吮下。

宣风散 治断脐后外伤风湿,唇青口撮,多啼不乳,口出白沫。

全蝎二十一个,去头尾,涂酒炙 麝香少许,另研

每细末半字,金银或麦冬汤调服。

黑白饮 治脐风气实者;及急惊壮热发搐。

黑牵牛 白牵牛俱半生半炒 生大黄 陈皮去白 槟榔各五钱 炙草三钱 元明粉二钱

每末五分至一钱,空心温蜜汤调服,此药新合最妙,久则效迟。

钱氏柏墨散

黄柏 釜下墨 乱发灰等分

每末少许傅之。

钱氏泻心汤 此方泻丁心实邪,实则泻其子。

黄连一两

每末二分、五分至一钱,临卧温水调服。

张涣金黄散 治脐疮不瘥,风气传于经络,变为痈疾。

黄连二钱半 胡粉 煨龙骨各一钱

各另研,再合研,每少许,敷脐中,时时用。

朴消散 治脐突,或痛或不痛,及感湿热,阴囊肿。

大黄 牡蛎各五钱 朴硝二钱

每末一钱或二钱,用田螺一枚,洗净浸一宿,水调涂。

木通散

木通 扁蓄各五钱 大黄 甘草梢 赤苓各三钱 瞿麦 滑石 山梔 黄芩 车前子各二钱半

加灯心三茎,薄荷少许。

钱氏泻青丸

当归焙 龙胆焙 川芎 山梔 羌活 煨大黄 防风等分

蜜丸,竹叶汤下。

丹溪金乌散 治脐风,一名定命散,一名麝

香散。

蜈蚣半条，酒浸炙 川乌尖三个 麝少许
每末半字，金银汤下。

五通膏 治脐风撮口。

生地 生姜 葱白 莱菔子 田螺肉
捣烂涂脐四围，一指厚，抱住泄屁而愈。

六神散 治腹冷痛夜啼。

茯苓 扁豆各二两 人参 白术 山药各
一两 炙草七钱

每末一钱，姜枣煎。

汤氏钩藤散 一名钩藤饮

人参 犀角各五分 全蝎 天麻各二分 甘
草一分 钩藤一钱

千金龙胆汤

煨大黄二钱 龙胆草 赤苓 甘草 黄芩
各钱半

调气益黄散 治噤口撮口脐风。

蜈蚣一条，酒炙 蝎梢四个 姜蚕七个 瞿
麦五分

每末一字，吹鼻中取嚏，啼哭可治，仍用薄
荷汤调一字服之。

大青膏

天麻末一分 生白附子钱半 蝎尾去毒生末
乌梢蛇肉酒浸焙研，各五分 青黛一钱 朱砂末
天竺黄末各三分

蜜和成膏，每半皂子许至一皂子许，月中儿
粳米大，同牛黄膏用薄荷汤化一处服之，五岁上
同甘露散服之。

惺惺散 此方除风热，及伤寒时气疮疹发
热。

茯苓 细辛 桔梗 花粉 人参 炙甘草
白术 川芎等分

每末一钱，加姜一片，薄荷三叶，同煎。汤氏
方，细辛减半，余俱等分。

独活汤 治胎惊，发散风邪。

独活 羌活各二钱 槟榔 天麻 麻黄去
节 炙甘草各一钱

共为细末，每半钱，水煎，于内加南星末，蜜
调可贴囟门。

夺命散 此方治天吊，脐风，客忤卒死，撮

口鹅口，木舌喉痹，疳腮风壅吐涎，后依症调理。

铜青 朱砂各二钱 膩粉半钱 麝香少许

蝎尾十四个，去针

每末五分，薄荷汤调下。

钱氏凉惊丸

龙胆草 防风 青黛各三钱 钩藤钩二钱
黄连五钱 牛黄 麝香 龙脑各一字

面糊丸粟米大，每三五丸，金银汤下。

演山截风丹

全蝎去毒炒 姜蚕炒 白附子炮 南星炮
天麻各二钱半 朱砂一钱 蜈蚣一条，酒炙 麝
香一字

蜜丸，每三丸，金银薄荷汤化下。

利惊丸 此方治急惊，痰热潮搐。

轻粉 青黛各一钱 牵牛末五钱 天竺黄二
钱

蜜丸小豆大，薄荷汤化下。

全蝎散

全蝎二十四个，薄荷叶包炙 姜蚕五钱，炒去丝
嘴，薄荷叶包炙 南星一两 生姜一两 鲜薄荷二
两

同捣作饼，晒干，如急惊不用南星，加煨大
黄一两，若慢惊不用大黄，加制南星、炮白附子
各三钱，防风、天麻、炙甘草、水飞朱砂、川芎各
五钱，共为末。一岁儿服一字，二岁儿服半钱，薄
荷汤下，量大小岁数加减。身热发搐，煎火府散
调；慢惊吐泻发搐，生姜汤；急惊搐，煎火府散加
大黄汤。

火府散 治面赤咬牙，唇口干燥，小便赤
围，一切虚实邪热。

生地 木通各一两 黄芩 炙甘草各半两
每咬咀二钱，不拘时，水煎温服。

直指银白散 助胃驱风，呕吐作慢惊候者
通用。

莲肉 扁豆 茯苓各一分 人参 白附子
天麻 全蝎 木香 藿香 炙草各半分 炒
陈米三钱

每末一钱，加姜一薄片，冬瓜子七粒同煎，
一方加白术一分。

地黄丸

生地八两 山萸 山药四两 丹皮 泽泻
茯苓各三两

蜜丸，本方加防风，羌活各二两，名加味地黄丸。

安神丸 治小儿惊悸，热渴心闷，脉实，面红颊赤口燥。

麦冬 牙硝 茯苓 山药 寒水石各五钱
朱砂一两 甘草六钱 冰片一字

炼蜜丸如鸡头大，每半丸砂糖调。以上二方，甘寒泻火之剂，血气虚而急惊者宜之。

曾氏百解散 此方主和解百病，虚慢阴症不宜。

葛根二两半 升麻 赤芍各二两 黄芩一两
麻黄七钱半 薄桂二钱半 甘草一两半

每粗末二钱，加姜葱煎，不拘时湿服，风热盛加薄荷。

牛蒡汤 主伤风，发热烦躁，鼻塞气喘，痰嗽惊啼，及诸疮，赤紫丹毒，喉喉肿痛。

炒牛蒡子三两 大黄两半 防风 薄荷各一两
荆芥四两 甘草一两一钱半

每吹咀二钱，不拘时煎服。

半夏丸 治痰症神效，若惊搦后风涎潮作，服之神效。

生半夏二两 赤苓 枳壳各一两 风化朴硝二钱半

姜汁糊丸，每三十丸，食后姜汤下，量儿大小加至五十丸。

宽气饮 主通利关节，胸膈痞结，消痰逐水，进食，及治蓄气面成搐，传变急慢惊风，气逆，精神昏倦。

枳壳 枳实各一两 人参 炙甘草各五钱

每末五分至一钱，汤调下，惊风作搐姜汁调，热甚者，人宽热饮，薄荷蜜汤调下，或麦冬汤。

五和汤 此方主宣利脏腑积滞，调利荣卫。

当归 赤苓各半两 炙甘草 大黄 枳壳各七钱半

每粗末二钱煎，不拘时服。

茯神汤 此方治心气不足，虚面惊悸，日常频哭，及生下羸瘦多惊，宜子母同服。

茯神一两 人参 当归各半两 炙草二钱
每吹咀二钱煎，有热微烦躁加麦冬。

郑氏比金圆 治急惊，壮热喘粗痰嗽，二便不利。

轻粉 滑石各钱半 南星一钱二分 青黛五分

糊丸小豆大，一岁二丸，薄荷汤下。急惊头热，足冷面青，口噤痰壅加一丸，桃皮汤下，名桃符丸。去青黛，加蝎梢五分，名小青丸。

曾氏五苓散 解伤寒湿暑霍乱，分阴阳，理烦渴。

泽泻二两半 茯苓 猪苓 白术各一两半
肉桂七钱半

每一钱汤下。

镇心丸 此方凉心经，治惊热痰盛，及痫病。

甜硝 人参各一两 炙草 寒水石各一两半
山药 茯苓各二两 朱砂一两 冰片 麝香各一钱

蜜丸，鸡头大，每半丸，湿水下，至一二丸

安神镇惊丸 惊退后，安心神，养气血，和平预防之剂也。

天竺黄 人参 茯神 南星各五钱 枣仁
麦冬 当归 生地 赤芍各三钱 黄连 薄荷 木通 山梔 朱砂 西牛黄 煅龙骨各二钱 青黛一钱

蜜丸绿豆大，每三五丸，量儿大小加减，姜汤下。

瓜蒌汤 慢惊，脉有力，湿痰聚于胸中。风火蕴结者服。

瓜蒌二钱 白甘遂末一钱

青州白丸子 此方治小儿惊风，大人诸风。

半夏七两 南星三两 白附子二两 川乌五钱，去皮脐

四味皆用生者研细，以生绢袋盛，井水摆出，未出者，更以手揉。有渣再研，再摆令尽，磁盆内连水日晒夜露，晓去旧水，另用井水搅，又晒露，如此法，春五日，夏三日，秋七日，冬十日，去水晒干如五片，研细，糯米粥丸，绿豆大每三五丸，薄荷汤下，瘫风，酒下，皆不拘时。

醒脾散 此方昏困者宜之。

白术 人参 甘草 全蝎 橘红 茯苓各五钱 半夏 木香各一分 白附子四个,炮 炮南星二枚 莲肉一钱

每末一钱,加姜枣煎,渐服,若顿服,必吐。

人参羌活散 治初作急惊,散风邪,除风热,疹痘未发亦可。

人参 羌活 独活 柴胡 川芎 白茯苓 甘草各一两 前胡 桔梗 天麻 地骨皮各五钱 枳壳一两二钱

每吹咀一钱,加姜一片,薄荷三叶,枣半个煎。

郑氏驱风膏 治肝风筋脉拘急,面红目青眼上,惊搐胎风。

辰砂 蝎尾 当归 山梔 川芎 龙胆草 羌活 防风 大黄 甘草各一钱 麝香一字

炼砂糖丸芥子大,三岁三丸,薄荷、竹叶、蜜汤化下。

冲和饮 此方治感冒风寒,头痛发热,肩背拘急,恶心呕吐,腹痛膨胀,兼寒湿相搏,四肢拘急,冷气侵袭,腰足疼痛。

苍术一两 人参 前胡 桔梗五钱 枳壳 麻黄 陈皮各三钱 川芎 白芷 半夏 当归 薄荷 白芍药 赤苓各钱半 干姜 厚朴各二钱 炙草七钱半

每粗末二钱,加姜二葱一煎服,伤冷恶心呕吐,加炮姜。寒疝加小茴、吴萸。

七宝散 治风寒时气,头昏体热,咳嗽及脾胃肺不和,口腥,牙缝鲜血,兼调理诸病。

紫苏 香附各三两 甘草 陈皮 桔梗各二钱半 川芎 白芷各一两

每粗末二钱。加姜二片煎,痰嗽加半夏,口腥气,少加盐,此方品味,不湿不燥,甚佳。

固真汤 主吐泻痢后,胃虚脾慢,四肢口鼻气冷,沉困不省人事。

人参 附子 茯苓 白术各二钱半 山药 黄芪 肉桂 甘草各二钱

每粗末三钱,加姜三枣一煎。

聚宝丹 专治慢惊。

人参 茯苓 琥珀 天麻 全蝎 白附子

姜蚕 防风 胆星 乌蛇肉酒炙,各一钱 朱砂五分 麝香少许

蜜丸桐子大,每二丸菖蒲汤下。

南星散 治慢惊,驱风豁痰。

南星八九钱,重者一个,摆地坑深尺许,用炭五斤,烧通红,醋一碗,洒坑中,即投南星,以火炭密盖,又用盆覆,时许取出,研为末,入琥珀、全蝎各一钱,每二字,生姜防风汤下。

参苏饮 解惊风烦闷,痰热作搐,咳嗽气逆,脾胃不和。

人参 紫苏 前胡 葛根 半夏 赤苓各七钱半 枳壳 陈皮 桔梗 甘草各五钱

每粗末二钱。加姜一片煎,一方去人参,加川芎。

金液丹

舶上硫黄十两,研细,盛磁器八分,水和赤石脂封缝,盐泥固济,晒干,地上埋一小罐,盛水满,安瓷盒在上,又以盐泥固济,以炭火煨三日三夜,候冷取出,用柳木梔,乳钵内研极细,每用一钱至二钱,量儿大小,加增姜汤送下。

异功散

人参 茯苓 白术 甘草 橘红 木香各等分

每末三字,加姜枣煎,一方无木香。

本事保命丹 治急慢惊风,四肢逆冷,眼直口噤,涎流不止。

虎睛一对,瓦上炙干 朱砂五钱 全蝎 麝香各五分 蜈蚣二条,去头尾 天麻一分

蜜丸豆大,瓷罐贮之,又入冰麝窖定,急惊,薄荷蜜汤下,慢惊,薄荷汤下,各三丸。

温惊丸

胆星四两 朱砂一钱半 天竺黄一两 坯子胭脂五分 冰片五分 牛胆汁

丸芥子大,每服一丸,小者半丸,沙糖水下。

抱龙丸 此治伤寒瘟疫,身热昏睡,气粗,风热痰实壅嗽,惊风潮搦,及蛊毒中暑壮热,儿宜常服。

胆星四两 天竺黄一两 雄黄水飞 朱砂研,各半两 麝香一钱

甘草膏丸皂荚子大,温水化下,百日儿一

丸,分三四服,五岁儿一二丸,大人三五丸。

黄芪益黄散 此方治胃中风热。

黄芪二钱 人参 甘草半生半炙 陈皮各一钱 白芍七分 茯苓四分 黄连少许

水二盏,煎五六沸。

天麻散 治急慢惊风,及大人中风涎盛,半身不遂。

半夏七钱 天麻二钱半 炙草 茯苓 白术各三钱

用水一盏,人姜三钱,同煮干,焙为细末,每钱半,姜枣汤下。

本事褊银圆 此方治小儿急慢惊风积瘤。

青黛三钱 水银一皂角子大 黑铅锡炒砂子 寒食曲 黄明胶炒焦为末,各二钱 轻粉豆许大 炒雄黄 粉霜 朱砂各一两 巴霜二十粒 麝香少许

水丸麻子大,捏褊晒干,瓷器盛,一岁一丸,随意加减,枣汤送下,不得化破。

神芎丸 治风热壅滞,头目昏眩,口舌生疮,牙齿疳蚀,或疮疥咬牙惊惕,烦躁作渴,或大便涩滞,或积热腹满,惊风潮搐等症。

生大黄 黄芩各二两 生牵牛末一两 滑石四两 黄连 薄荷叶 川芎各五钱

水糊丸梧子大,每三四丸湿水下。

雄黄散 治暴中急慢惊风,驹胎,痰涎满口,及雨侵汗闭不通,或凉或热,坐卧生烦。

雄黄二钱半 白药去黑皮 川乌头炮去皮脐 草乌头炮去皮脐 天麻 川芎各五钱

为末,惊风痰壅,每服三分,加至一钱,姜汁调茶清下,欲汗,姜葱薄荷汤下。

茯苓补心汤 此方治心气不足,喜悲愁怒 衄血面黄,五心烦热,晒喉间痛,舌本作强。

茯苓四钱 桂心 甘草各三钱 人参 麦冬 紫石英各一钱 枣二枚

钱氏五色丸

朱砂五钱 水银一分 雄黄一两,炒 黑铅三两,同水银炒 真珠末一两

蜜丸麻子大,每三四丸,金银薄荷汤下。

牛黄丸 此方治小儿惊痛迷闷,抽掣涎潮。

胆星 全蝎 蝉壳各二钱半 防风 牛黄

白附子生 姜蚕 天麻各钱半 麝香五分

枣肉丸绿豆大,每三五丸,荆芥姜汤下。

宽气饮 治小儿风痰壅满,风伤于气,不能言语。

枳壳一两 人参五钱 天麻 姜蚕 羌活 炙草各三钱

每粗末二钱,加姜三煎。

钩藤饮 此方治天钩潮热。

钩藤 人参 犀角各五钱 全蝎去毒 天麻各二分 甘草半分

每末一钱煎。

天麻圆 治小儿食痛有痰。

南星二钱 天麻 白附子 牙硝 五灵脂 全蝎各一钱 轻粉五分 巴霜二钱半

稀糊丸如麻子大,每十丸,薄荷汤或姜汤下。

罗氏牛黄丸 治因惊中风五痛,天钩客忤,潮涎灌壅,治一切惊风。

白花蛇肉 全蝎 白附子 生川乌一枚半 两者 天麻 薄荷各五钱

以上六味,先为细末,另入

雄黄五两 朱砂三钱 脑子五钱 牛黄三钱 麝香一钱

以上诸药共合和匀,另用麻黄二两,去根、酒一升煎至一盏,渣去尽,将酒熬药得所,勿至焦赤,众手疾丸芡子大,密器藏之,每丸作五服,金银薄荷汤下,大能发散惊邪。

断痛丹 治痛后复作,连绵不除,服之有验。

黄芪蜜炙 钩藤 细辛 炙草各五钱 蛇壳三寸,酒炙 蝉壳四个 牛黄一钱

枣肉丸麻子大,每数丸参汤下,量儿大小加减。

一字散 此方大能醒风,爽精神。

南星五钱,微炮 蝉壳微炒 全蝎 姜蚕各一分

为细末,人荞麦面一分,用醋石榴壳一枚,内诸药,盐泥封固于灶中,慢火上烧之,泥燥为度,取研,每服一字,酒下。

牛黄散 此方清心截风,大有奇效。

牛黄五钱 天竺黄 朱砂 麝香 钩藤钩
蝎梢去毒,各一钱
每末一字,水下。

密陀僧散 治惊气人心络不能语者,昔有
为大蛇及狼所惊者,皆以此安。

密陀密陀僧研细末,茶清调服一钱。

三白散

治小儿盘肠气钩。先服此药,后服钩藤
膏。

炒白牵牛一两 白术 桑白皮 陈皮 木
通各三钱

每末五分,姜汤下。

蕙苡丹 此方主小儿所受肝气怯弱,致筋
脉挛缩,两手伸屈无力。

苡仁汤浸,去皮 当归 秦艽 防风 枣仁
羌活等分

蜜丸芡子大,每服一丸至二丸,麝香荆芥汤
下,不拘时。

圣惠当归散 主儿在母胎,母脏腑有积冷,
为风邪所束,生后肾气不足,气血未荣,故脚指
拳缩不展。

当归 麻黄各五钱 羌活 枣仁 杜仲炒
人参 桂心各二钱半

每末一钱,水一小盏,加姜少许,煎五分,量
儿大小,乳前分减服。

大防风汤 治惊瘫鹤膝,肿痛不消,或溃而
不敛。

炮附子 牛膝各一钱 白术 羌活 人参
防风各二钱 杜仲 川芎 肉桂 黄芪 熟
地 白芍各钱半 甘草九分

每粗末三五钱煎,量儿大小用之。

防己散 此方治感冒风湿之气,失于解表,
流注两足疼痛,至两膝浮肿,不能屈伸,传成瘫
痿。

防己 麻黄 薄桂各半两 赤芍 赤茯苓
苍术各一两 炙草七钱半

每咬咀二钱,加姜二片,葱一根,或入姜、薤
白煎,空心热服。

黑虎丹 此方治诸般风症。

生草乌一两 生川乌 甘草各七钱半 麻黄

甘松 熟地 藿香叶 白芷 油烟墨烧存性
牙皂 川芎 当归 生南星 首乌 姜蚕 赤
小豆 羌活 白胶香 木鳖子去油,各半两糯米
糊丸麻子大,每三十丸至五七丸,淡姜汤下。

八正散 治蕴热,咽干口渴,大渴引饮,心
忡面热,烦躁不宁,目赤睛疼,小便赤闭,热淋血
淋,咽舌疮。

车前子 煨大黄 瞿麦 山梔 滑石 扁
蓄 木通 炙草等分

每末二三钱煎。

梔子仁散 治小便不通,脐腹胀闷,心神烦
热。

山梔五枚 茅根 冬葵子各五钱 炙草二钱
每末一钱,水煎。

局方五淋散

山梔去壳 赤苓 赤芍 当归 黄芩 生
甘草 车前子 灯心 木通 滑石 冬葵子
淡竹叶 葶苈

加葱白,水煎,入车前草汁调五苓散,食前
服。

五淋散 治膀胱有热,水道不通,淋漓不
出,热拂便血。

赤苓六钱 当归 生草各五钱 赤芍 山梔
各二钱

每咬咀二钱煎。

木通散 治肝心热,惊悸,能泻肝风,降心
火,利惊热。

羌活 山梔各二钱 煨大黄 木通 赤苓
甘草各一钱 紫苏叶二分

清心莲子饮 治小儿上盛下虚,心火炎上,
口苦咽干烦渴,微热,小便赤涩,或欲成淋。

黄芩 车前子 炙甘草 麦冬 地骨皮各
五钱 蜜炙黄芪 茯苓 石莲子 人参各七钱半
每粗末五钱,食前煎服,发热加柴胡、薄荷。

鸡肠散

鸡肠一具,烧存性,男用雌,女用雄 牡蛎 茯
苓 桑螺蛳炙,各五钱 肉桂 龙骨各二钱半

每用末一钱,仍以鸡肫一具,烧存性,研末
和酒调,食前服。

君朴丸 此治小儿小便白浊,久则黄瘦,不

长肌肉。

使君子肉去壳 厚朴 黄连各一两 木香三钱

蒸饼糊丸，每一二十丸米汤下。

茯苓散 此方治乳食伤脾，或心经伏热，小便白浊。

三棱煨 莪术煨 砂仁 赤苓各半两 青皮 陈皮 滑石 甘草各钱半

每末一钱，灯心汤下。

三棱散 治小儿尿白，久则成疳，宜补脾消食化积。

三棱 莪术各一两 益智仁 甘草 神曲 麦芽 橘皮各五钱

每末一钱，汤下。

当归散 此方治小儿癩疔。

牵牛微炒取仁 辣桂各半两 当归 大黄各二钱半 全蝎一钱半 桃仁二钱半

每粗末三钱，入蜜一匙，煎，食前服，以利为度。

白芍药汤 此方治冷疝腹痛，及误汗误下，即伤寒坏症是也，并宜先服，次投对症之剂。

白芍一两半 泽泻七钱半 炙草二钱 薄桂一钱半

每呷咀二钱，煎，空心服，误汗误下，加人参、南木香各二钱，脐下痛，加姜三片，盐少许，或加钩藤亦可。

金铃散 治疝气腹痛，服诸药愈而复作，宜此。

金铃子肉六钱 三棱 莪术 青皮 陈皮各二钱半 赤苓 茴香各五钱 南木香二钱 炙甘草四钱 槟榔 枳壳 钩藤各三钱

每末五分至一钱，茴香汤下。

乌梅散 治腹痛初生婴孩脐下冷痛疝气等疾。

乌梅肉 粉草 延胡索各五钱 乳香 没药 钩藤各二钱五分

每呷咀二钱煎，治腹痛。

匀气散 主调补通利后，及冷疝腹痛，气滞不和。

桔梗二两 陈皮一两 砂仁 茴香各五钱

炮姜二钱半 炙草四钱

每末五分至一钱，沸汤下。诸疝腹痛，烧盐汤下。

桃仁丸

桃仁三钱 桂枝 牵牛头末 蒺藜 丹皮各二钱

蜜丸黍米大，青皮木香葱汤下。

黑散 治小儿狐疝，气偏有大小，时时上下者，即偏坠。

黄连 黄芩 大黄 黄柏各二钱

同烧存性研细，雄猪胆汁蜜调傅。

梔子清肝散 此治三焦，及足少阳经风热，发热，耳内痒，或出水，疼痛生疮，或胸肋间痛，往来寒热。

柴胡 梔子 丹皮各一钱 茯苓 牛蒡子 川芎 白芍 当归各七分 甘草三分

柴胡清肝散 治肝胆三焦风热怒火，乍寒乍热，往来寒热，发热，或头发疮热等症。

柴胡一钱半 黄芩 人参 川芎各一钱 山梔二钱 连翘 甘草各五分 桔梗八分

柴胡饮子 此方主解肌热，蒸热，积热，汗后余热，脉洪实弦数，大便坚实。

黄芩七分 甘草四分 大黄八分 白芍六分 柴胡 人参各五分 当归一钱

龙脑饮子 此泻脾经热，可代泻黄散，治小儿蕴热，咽喉肿痛，眼赤口疮，心烦鼻衄，咽干多渴，睡不宁，及除痰热咳嗽，中暑烦躁，一切风壅。

炙草四两 山梔三两 藿香叶五钱 石膏一两 砂仁 瓜蒌各七钱半

每末一钱，蜜水调服，伤寒余毒潮热虚汗，加竹叶。

三解牛黄散 此方治实热，潮热。

姜蚕 全蝎 防风 白附子 桔梗 大黄 炙草 茯苓 黄芩 人参 郁金等分

每细末五分至一钱，量儿大小加减，薄荷蜜汤调下。

滋肾丸 此方专治肾热。

酒黄柏三钱 知母二钱 肉桂五分

熟水丸梧子大，每二十至三十丸，百沸汤

下。

当归补血汤 治肌热躁热，目赤面红，烦渴，昼夜不息，脉洪大而虚，重按全无，此血虚也，服白虎汤必死。

黄芪三钱 当归一钱

羌活散 治伤风时气，头痛发热，身体烦疼，痰壅咳嗽，失音，鼻塞声重，及解时行下痢赤白。

人参 羌活 赤苓 柴胡 前胡 川芎
独活 桔梗 枳壳 苍术 甘草各等分

每粗末二钱，加姜二片，薄荷三叶，煎，发散风邪加葱白，痢症加姜，仓米。

四顺清凉饮 治小儿血脉壅实，脏腑畜热，颊赤口渴，五心烦热，睡不安，惊搐，及因乳哺不时，寒温失度，令儿气血不顺，肠胃不调，大小便涩，欲发惊痫，或风热结核，头面生疮，目赤咽痛，疮疹余毒，一切壅滞，挟热，泄泻不止，加煨木香、大黄，小便不通，加灯心、木通。

赤芍 当归 大黄 甘草各等分

三岁用二钱，末加薄荷二叶，煎八九沸。

补中益气汤 治中气虚，体疲食少，或发热烦渴。

人参 黄芪各八分 白术 甘草 陈皮各五分 升麻 柴胡各二分 当归三分

宽热饮

枳壳一两，同巴豆去心膜十五粒，同炒，去巴豆
大黄一两 甘草七钱半 元明粉二钱半

每细末五分至一钱，儿小者，用一字，姜蜜汤或薄荷汤调下。

白虎汤 治伤寒吐下后，邪热不解，热结在里，表里俱热，恶风渴燥而烦，及中暑汗出，恶寒热渴。

知母三两 炙草一两 石膏八两 糯米三合
每粗末二三钱煎，米熟为度。

参苓白术散 主脾胃虚不进食，少气多困，中满痞噎，呕吐气逆，此药不寒不热，性味和平，并可常服。

人参 茯苓 甘草 白术 扁豆子 山药
砂仁 苡仁 桔梗 莲肉各一两

每末五分至一钱，米汤或枣汤调下。

安神散 治吐泻后，心虚烦闷，触物易惊，气郁生涎，涎与气搏，睡不得宁，如热渴，加麦冬。

人参 茯苓 半夏 陈皮 枳实 炙草各五钱

每铤二钱，加姜枣竹茹煎。

火府丹 治小儿壮热。

生地 木通 黄芩 甘草

金莲饮子 治小儿蕴积壮热，眼赤口疮，心烦躁闷，咽干多渴，潮热不止。

防风 炙甘草 连翘 柴胡 山梔各半两
每末二钱，煎服。

牛黄膏 此方治壮热，咽喉涎响，不省人事，或左右手偏搐，或唇口眼鼻颤动，此热涎内畜，风邪外感也，宜急服之。

蝎尾四十九枚 巴霜一钱半 冰片半匙 朱砂二钱 郁金三钱 牛黄少许 麝香一匙

每末一匙，蜜水调下，量儿虚实用之。

梔子仁汤 治阳毒壮热，百节疼痛，下后热不退者。

梔子 赤芍 大青 知母各一两 酒黄芩
升麻 石膏各二两 柴胡一两半 甘草五钱
杏仁二两，炒

每三钱，加姜三片煎。

人参生犀散 此方治小儿骨蒸肌瘦，颊赤口干，日晡潮热盗汗，五心烦躁，四肢困倦，及大病后余毒不解，或伤寒后食羊肉体热，不思食。

犀角 地骨皮 秦艽 麦冬 枳壳 大黄
柴胡 桑皮 赤芍 赤苓 黄芪 人参 鳖甲

每粗末二钱。加乌梅半个，煎，不拘时服。

调胃承气汤 治伤寒阳明症，不恶寒，反恶热，口渴便秘，谵语，腹满，中焦燥实，及伤寒吐后腹胀满者。

大黄 芒硝各一两 炙草五钱
每末一钱，煎，少少湿服。

桂枝汤 治太阳中风，阳浮阴弱，发热头痛，自汗，鼻鸣干呕，恶风恶寒，及阳明脉迟，汗出多，微恶寒。

桂枝 白芍 生姜 甘草 大枣

热服，温覆微汗。

麻黄汤 治太阳邪在表，发热，头身腰骨节痛，项背强，恶寒恶风，无汗而喘，脉浮而紧，亦治哮喘。

麻黄 桂枝 杏仁 甘草

三拗汤 治感冒风寒，咳嗽鼻塞。

麻黄 杏仁 甘草

桂枝麻黄各半汤 治太阳症如疟状，热多寒少。

桂枝 白芍 生姜 甘草 大枣 麻黄 杏仁

小建中汤

桂枝 白芍 生姜 甘草 大枣 饴糖

大承气汤 治阳邪入里。胃实，不大便，发热谵语自汗，不恶寒，痞满燥实，杂病三焦大热，脉沉实者。

大黄 芒硝 厚朴 枳实

大青龙汤 治太阳中风，脉浮紧，身疼发热，恶寒，无汗烦躁，又脉浮数，身重不痛，乍有轻时，无少阴症者。

麻黄 桂枝 甘草 杏仁 石膏 生姜 大枣

小青龙汤 治伤寒不解，心下有水气，发热，干呕而咳，噎，喘，渴，利，小便不利少腹满，短气不得卧。

麻黄 桂枝 白芍 细辛 甘草 五味子 干姜 半夏

麻黄附子细辛汤 此治少阴症始得之，反发热，脉沉者。

麻黄 附子 细辛

四逆汤 治三阴伤寒，里寒外热，四肢逆冷，脉微细。

附子 干姜 甘草

冷服。

升麻葛根汤 治阳明伤寒中风，头痛发热，恶寒无汗，口渴目痛，鼻干不卧，及阳明发斑欲出不出。

升麻三钱 葛根 白芍各二钱 甘草一钱 加姜。

解肌汤 此方治伤寒温病。

葛根 麻黄 黄芩 大枣 芍药 甘草

地骨皮饮 治小儿骨蒸，潮热往来，心膈烦悸，及伤寒后，气未解

地骨皮 柴胡各二两 知母 炙草 鳖甲 黄芩 人参各二钱半 赤苓五钱

每岁用末二钱，加姜梅各一片煎。

地骨皮散 治虚热潮作，亦治伤寒壮热，及余热。

知母 炙草 半夏 银柴胡 人参 地骨皮 赤苓各等分

每末二钱，加姜三片，煎。量儿大小加减，惊热加蝉退、天麻、黄芩。若加秦艽，名秦艽饮子。

玉露饮 治烦躁颊赤，咽干不卧，身热头痛，兼中暑发渴昏闷，小便秘，惊气入肾，梦中咬牙。

寒水石 石膏各一两 甘草三钱

每末五分至一钱，温水下。

万安饮 主不拘表里症，能宣通气血，疏解风寒，宁心化痰去烦理热并可常服。

人参 当归 生大黄 柴胡 枳壳 半夏 白芍 防风 黄芩 甘草各一两 滑石末六两

每末二钱，加姜煎，此方药品之外，惟可加枳壳、半夏。

黄连解毒汤 治时疾，三日汗已解，烦闷口呕口燥发热。

黄连三钱，炒 黄柏五钱，炒 栀子四枚 黄芩二钱，炒

每二三钱煎，亦治热痢。

至宝丹 此方治惊痛心热，卒中客忤，烦躁，风涎搐搦，及伤寒狂语，伏热呕吐。

生犀角 生玳瑁 琥珀 朱砂 雄黄各一两 金箔五十片，半为衣 银箔五十片 冰片一匙

麝香一钱 牛黄五钱 安息香一两半，为末，酒淘去砂取一两，酒煎成膏

上各研，再和研匀，入安息膏，如干，量入熟蜜，丸桐子大，每一二丸，参汤下，量大小加减。

酸枣仁汤

枣仁 甘草 生地 山梔 麦冬 当归身 人参等分

加灯心，不拘时服。

四物汤 治血虚，发热烦躁，或晡热作渴，头目不清。

当归 熟地各二钱 白芍 川芎各一钱

香瓜丸

大黄瓜一枚 胡黄连 煨大黄 柴胡 鳖甲 黄柏 黄连 芦荟 青皮等分

诸药为末，将黄瓜去顶，内入至满，盖口，竹钉钉住，煨熟，将瓜药同研糊丸，每二三丸，食后新水下，大者五七丸，不及十丸。

十全大补汤 治诸虚不足，自汗不食，时发潮热。

白术 茯苓 当归 人参 川芎 黄芪 白芍 肉桂 熟地 炒甘草各等分

当归六黄汤 此方治血虚盗汗，内热晡热者。

当归 熟地 生地 黄芩 黄柏 黄连 黄芪

升麻汤

升麻 黄芪 人参各一两 熟地五钱 天竺黄 牡砺各五钱

每末五分至一钱，竹叶汤调下，治小儿肌热盗汗。

凉膈散 治小儿一切脏腑积热症。

大黄 朴硝 炙甘草各一两 连翘二两 山栀 黄芩 薄荷各半两

每末二钱，加竹叶七片，蜜少许，煎温服，大小加减。

仙方活命饮 此解毒回生起死妙剂。

金银花 橘皮各三钱 穿山甲 角刺 防风 没药 乳香 白芷 当归各一钱 贝母 花粉 甘草节各八分

每粗末五钱，酒煎，婴儿一两，母子同服，或为细末酒调服亦可。毒在表者，加麻黄散；毒在内者，加大黄下之，临时制宜。

化丹汤 此方解利丹毒，遍身燥痒，发热烦啼。

独活 射干 麻黄 甘草 青木香 黄芩 薄荷各五钱 石膏末

每二钱煎。

升麻散 治小儿一切丹，遍身壮热烦渴。

升麻 黄芩 大黄 朴硝各一分 麦冬 葛根各三分

每粗末一钱，煎。

升麻膏 升麻 大黄 护火草 蛇衔草 山栀 寒水石 芒硝 蓝叶 生地 芭蕉根 羚羊角 梧桐皮各半两

腊猪油一斤，慢火熬一食久，乘热滤去渣，入竹沥候冷成膏，每以枣大，竹沥化服，并涂患处。

戎盐散

戎盐一两 附子一枚 雄黄半两

每末少许，雄鸡血调涂。

婴童方 主丹毒入腹，及下至卵者不治方。

麻黄 升麻各三分 硝石四分

每末方寸匕，井花水服，日三，一方加大黄。

天竺黄散 治上焦风热，口鼻生疮，目赤肿，咽膈不利，涎壅气滞，惊搐烦闷，神思昏迷。

天竺黄 郁金 茯神 甘草各五钱 硼砂 牙硝 白芷 川芎 姜蚕 枳壳各二钱半

朱砂二钱 麝香一字 蝉壳十五个

每末五分至一钱，薄荷汤下。

清胃散 治胃热牙疼，饮冷作渴，口舌疮，唇口肿痛连头而，吐舌流涎，若服克伐药，有此等症者，五味异功散。

升麻五分 生地四分 黄连 丹皮各三分 归梢四分

婴儿母亦服。

人参平肺散 此方治心火克肺金，传为肺痈，咳嗽喘呕，痰涎壅盛，胸膈痞满，咽嗝不利。

人参 陈皮 甘草 地骨皮 茯苓各一钱 知母七分 五味子 青皮 天冬各四分 桑皮一钱半

每粗末二三钱煎。

钱氏益黄散 此方治脾胃虚寒，又名补脾散。

陈皮一两 青皮 诃子肉 炙甘草各五钱 丁香二钱

每末二钱，食前煎服。

钱氏泻黄散 治作渴饮冷，手足热，身发

黄，属胃经实热。

藿香叶七钱 山梔 石膏各五钱 甘草三两
防风四两

上锉，用蜜酒炒微黄为末，每一钱至二钱，煎温服，又名泻脾散。

平胃散 治脾胃不和，不思饮食，心腹胀痛，口苦短气恶心，噎气吞酸，面黄体瘦嗜卧，霍乱吐泻。

厚朴五两 陈皮 炙草各一两 苍术五钱
每末二钱，姜枣汤调服。

调中丸 此方治脾胃虚寒。

白术 人参 甘草各五分

健脾饮 主健脾胃，理呕吐，治泻利，及诸病后虚弱，有痰，恶心，腹微痛，饮食减，精神慢，并宜服。

厚朴 人参各一两 茯苓 半夏 肉豆蔻
益智仁 香附 良姜东壁土炒 诃子肉各二钱
半 炙草五钱

每粗末二钱，加姜二片，枣一枚煎。

藿香饮 主理虚化痰，及治脾胃不和，饮食少进。

人参 半夏 赤苓 炙甘草各一两 苍术
二两 陈皮 藿香各七钱半 厚朴两半

每咬咀二钱，加姜二枣一煎，空心服，或加烧盐少许。

健脾散

茯苓 人参各一两 厚朴二两 苍术四两
陈皮五两 甘草二两，半生半炙 草果六钱

每末一钱加姜枣煎，量大小加减，最能和养小儿胃气。

调中饮子 此方治小儿诸疾。

肉豆蔻 白术 人参 陈皮 诃子肉 茴香
炙草 砂仁各五钱 藿香叶 槟榔 桂心
各三钱

每末五分至一钱，加姜枣煎，量大小加减。

香茹饮 治夏秋脏腑冷热不调，饮食不节，吐痢腹痛，发热烦闷。

香茹三两 扁豆 厚朴各一两半 生草二两
每粗末二钱煎。

六和汤 治心脾不和，气不升降，霍乱吐泻

胸满咳嗽，冒暑伏热，烦闷成痢，中酒作渴，心逆畏食。

人参 砂仁 炙草 杏仁 半夏各一两
扁豆一斤 藿香 赤苓 木瓜各二两 香茹
厚朴各四两

每二钱，加姜二片，枣一枚煎，或加盐半字。

守胃散 治阴阳不和，吐泻不止，预防风症，常调脾胃。

人参 白术 山药 茯苓 南星 扁豆
甘草 葛根 藿香 防风 天麻各五钱

每二钱，加姜二片，冬瓜子仁五十粒打碎，煎，空心服，泻不止，加沉香、白豆蔻。

理中汤 主温脾暖胃，冷吐冷泻及胎气虚，中寒腹痛。

人参 白术各一两 甘草 干姜各二钱半
每末半钱或一钱，温汤，空心调服。

四君子汤 治小儿脾胃虚损，吐泻少食。

人参 白术 茯苓 炙草等分
每二钱。加姜枣煎。

六君子汤 治脾胃虚，吐泻不食，羸瘦，或肺痰嗽喘促，或肝虚惊搐，目眩自汗。

人参 茯苓 白术 炙草 半夏 陈皮

观音散 治小儿外感内伤，呕逆吐泻，渐羸瘦。

石莲肉 人参 神曲各三钱 茯苓二钱 炙草
木香 黄芪 扁豆 白术各一钱

每粗末二钱，加枣一枚，藿香三叶煎。

和中散 此方和胃，止吐泻，定烦渴，治腹痛。

人参 茯苓 白术 炙草 葛根 白扁豆
黄芪 藿香

每末三钱，加姜枣煎。

胃苓汤 治肠胃受湿，呕吐泄泻，若停食吐泻，小便短少，腹胀作痛，以此分利，再用六君调补脾胃。

白术 茯苓 泽泻 猪苓 厚朴 陈皮
甘草等分 桂少许

每二钱，加姜、灯心。

消积丸 治小儿吐泻，大便醋臭。

丁香九粒 砂仁十二粒 巴霜二钱 乌梅肉

二个

糊丸温水下。

肉豆蔻散 此方治小儿霍乱，吐泻腹痛。肉豆蔻 桂心各一分 人参 炙草各五钱
每粗末一钱。加姜少许，煎，随大小加减。**白术散** 此方治小儿呕吐，脉迟细有寒。白术 人参 半夏各二钱 茯苓 炙甘草
干姜各一钱

每末二钱，加姜枣煎。

参香饮 此方治胃虚作吐，投诸茹不止。人参一两 沉香 丁香 藿香 南木香各
二钱五分

每二钱，煎，入姜汁少许，三次服。

香茹散 治外伤风寒暑，内伤饮食，致吐
利，心腹痛，霍乱气逆，发热头痛，或转筋拘急，
呕哕肢冷。

香茹 茯苓 扁豆 厚朴各五钱

每二三钱煎，入酒半杯，冷服立效。

竹茹汤 治胃受邪热，心烦喜冷，呕吐不
止。

葛根七钱 半夏五钱 炙草三钱

每二三钱，入竹茹三分，煎，微冷服，加茯苓
三钱炒。**玉露饮**

寒水石五钱 生甘草一钱 石膏六钱

每末，三五分至一钱，食后温汤调服。此非
肾热相火大盛者，不宜服。**大顺饮** 治冒暑毒，烦渴吐泻，发热，腹痛，
神昏吐衄血，便血，溺黄少，口干汗多。细面二十两 生姜十六两 赤苓 甘草各五
钱

先捣或饼，晒干为末，每二钱，水调。

绿豆饮 主误服热茹毒，烦躁闷乱，或吐或
渴。

绿豆粉一两 黄连 葛根 甘草各五钱

每五分至一钱，煎汤调服。

益元散 治热吐，面赤气粗，小水少，伤暑
吐神昏尤妙。

滑石六钱 甘草一钱

每一钱至二钱

水调。

乌犀丸 主诸积滞夹惊夹风，吐逆醋馊气，
面黄肌瘦。

皂荚三寸，炙存性 硫黄 白姜各三钱半

陈皮 川乌各五钱 巴霜七十七粒

茯苓厚朴汤 此方主伤寒伤风，夹痰呕逆，
并吐泻后，喉涎牵响，饮食减少，脾胃气虚。茯苓 半夏各七钱半 炙草三钱 厚朴五钱
每咬咀二钱，加姜煎或加枣亦可。**防风温胆汤** 此方治惊风，消痰疏风顺气。半夏 枳壳 赤苓各五分 陈皮 防风各
二分半 人参二分 甘草一分半 姜一片 紫苏
二叶

煎水送大惊丸、小惊丸。

大惊丸 此方定惊安神，又治心热夜啼，一
名大安神丸。枣仁蚌粉炒 炙草各五钱 人参 赤苓 白
术 朱砂 麦冬 木香 代赭石醋煎，各二钱半
姜蚕 桔根各一钱二分半 全蝎三个 金银箔
各三片

蜜丸，薄荷汤下一二丸。

小惊丸 此方亦治惊风。郁金 皂角水浸煮 黄连 牙硝 木香
藿香 龙胆草各二钱半 全蝎三个糊丸，以雄黄、朱砂、麝香、金银箔为衣，薄
荷汤化下一二丸。**温白丸** 此方治慢惊风。姜蚕 白附子生 炒南星各一两 生天麻
五钱 全蝎一钱糊丸，绿豆皮、生姜、米饮下五七丸，至二三
十丸。**加味术附汤** 此方治吐泻后便成慢惊，或
因脏寒洞泄得者。泡附子 白术各一两 煨肉蔻二个 木香
炙草各五钱

每粗末二钱。加姜枣。

八仙散 此方治慢惊虚风。天麻 白附子 白花蛇肉 防风 半夏曲
南星 全蝎 冬瓜仁各二分半 川乌一分 姜
二片 枣一枚 薄荷二叶

乌蝎散 此方治慢惊纯阴症，吐泻不止。

白术 人参 茯苓 炙草 川乌 全蝎
南星 姜三片 枣二枚

蝉蝎散 此方治慢惊风阳症。

全蝎七个 蝉退二十一个 南星一个 甘草
分半

每粗末二钱，加姜三枣二煎。

黑附汤 此方治慢脾风危急者，灌下药，如手足暖而苏，即止勿灌。

炮附三钱半 木香钱半 白附子一钱 炙草
五分

分二帖，加姜三片，煎，以匙灌下。

生附四君子汤 此方治慢脾风，灌药，手足暖即止，助胃回阳。

人参 茯苓 白术 炙草 生附子各等分
每末二钱，加姜五片煎，以匙灌下。

蝎附散 此方治慢脾风，回阳豁痰。

炮附子二钱 炮南星 炮白附子 木香各
一钱 全蝎七个

或咀一钱，加姜五片煎。

补脾益真汤 此方治慢脾风。

丁香 木香 诃子皮 陈皮 厚朴 肉豆
蔻 草果 茯苓 人参 白术 桂枝 半夏
炮附子 炙草各二分 全蝎一枚

姜二片，枣一枚，灌服后，轻揉心下，以助药
令。

全蝎观音散 此方治吐泻后或慢惊风，亦
治慢脾风。

人参一钱 莲肉 神曲各三分 茯苓分半
白术 黄芪 木香 扁豆 甘草各二分 羌活
防风 天麻 全蝎各一分

定魄丸 此方治因惊发搐。

人参 琥珀 茯神 远志 朱砂 天麻
石菖蒲 天冬 枣仁 甘草
等分，朱砂为衣。

沉香天麻汤 此方治因惊或痛发搐，痰涎
壅塞，目多白睛，项背强急，喉中有声，神思如
痴。

羌活五分 独活四分 防风 天麻 半夏
炮附子各三分 沉香 益智 炮川乌各二分
姜梢 当归 甘草各一分半

姜三片煎，先灸两趺脉各七壮。

三痛丹 此方治急惊为痛。

蜈蚣一条 胆星二钱 全蝎 防风 白附
子 远志 芦荟 延胡索 朱砂各一钱 麝香
一字 金银箔各三片

糊丸，薄荷汤下，梧子大一丸。

十全丹 此方治丁奚哺露无辜坏症。

陈皮 青皮 莪术 川芎 白豆蔻 五灵
脂 槟榔 芦荟各五钱 使君子 木香 蛤蟆
灰各三钱

猪胆汁浸糕和丸，麻子大，米饮下二三十
丸。

布袋丸 此方治丁奚哺露无辜疳。

夜明砂 使君子 芫荽各二两 芦荟 人
参 白术 茯苓 甘草各五钱

蒸饼丸弹子大，每一丸，布袋盛，同精猪肉
二两煮，肉烂，提起药挂风处阴干，只用肉和汁
与儿吃，次日以煮服，药尽止。

小儿清心丸 此方治诸热，及惊热烦躁。

人参 茯神 防风 朱砂 柴胡各二钱
金箔三十片

蜜丸，每一丸，竹沥化下。

牛黄夺命散 此方治小儿脾胀胸满，喘粗
气急，两肋肩动，两鼻窍张，痰涎潮塞，闷乱喘
渴，死在旦夕者。

白丑 黑丑各取半生半熟头末，五钱 大黄一
两 槟榔二钱半 木香钱半 轻粉一字

每末一钱至二钱，蜜水调下，微利为度，一
名一捻金。

葱豉汤 此方主表散。

葱白 淡豆豉

清燥救肺汤 霜桑叶三钱 炒杏仁七分
麦冬一钱二分 石膏二钱五分 人参七分 阿胶
八分 胡麻仁 甘草各一钱 枇杷叶一片

食远服。

幼科释谜卷六

诸病应用方

千金藿香汤 此方治毒气吐下腹胀，逆害乳哺。

藿香一两 生姜三两 青竹茹 炙草各半两
每五六钱煎，热加升麻五钱。

殊圣归命丹 治小儿惊吐不止，并吐黄水及乳食，神效。

丁香 藿香各一分 生犀 牛黄各半钱
猪、鲫、狗、獾、熊胆各钱半

丸梧子大，一岁以下，用苦楝汤化下二丸，随儿大小加减。

半夏散 此方治小儿胃虚呕吐，水谷不化。

半夏一两 陈糯米三钱

加姜五片，枣一枚。

白附饮 治肝风克脾土，痰涎壅盛，和饮食吐出。

白附子 生南星 生半夏 生川乌 天麻
陈皮 南木香 全蝎 姜蚕 丁香各二钱

每粗末三钱。加姜三片，煎作五次，空心温服。

张涣三香丹 此方治挟惊，呕吐不止。

藿香叶 丁香各一两 半夏五钱

三味为末，次入

膩粉一分 冰片 麝香各一钱

姜汁糊丸黍米大，每十丸，人参薄荷汤下，量大小加减。

守中汤 治春夏相交，阴湿气重，中伤脾胃，致腹痛泄，利久不止，渐传手足浮肿，饮食少思。

桔梗 苍术各二两 炮姜四钱 炙草六钱

每末一钱，空心汤服，煎亦可。

香连丸 米饭丸，每一二十丸，米饮下。

姜炒黄连二两 煨木香五钱

四神丸 治脾胃虚，大便不实，饮食不思，

或泄利腹痛。

肉豆蔻 五味子各二两 补骨脂四两 吴
萸一两 红枣五六十枚 生姜六两

水二盅，煮干取枣肉丸，每五六十丸，白汤下。

龙骨散 此方治小儿暴利。

龙骨 炒黄连各一两 当归 枳壳各五钱

每粗末一钱，煎，随大小加减。

丁香散 治小儿赤白久痢，胃虚不食。渐羸。

丁香 厚朴 黄连 当归 白术 诃子肉
伏龙肝各五钱 木香一分 赤石脂一两

每末五分，米汤调下日三服，随大小加减。

宽肠丸 此方治痢后里急，大便反闭涩不通。

枳壳五钱 麻仁 木通 大黄半生半炒 槟
榔 大腹皮各二钱半

蜜丸，每三十丸至五十丸。枳壳、甘草汤下，一二岁蜜汤化下。

养脏汤 此主生津益气，温肠止痢。

人参 炙草各二钱半 白芍 白术各五钱
木香 肉桂各一钱 肉豆蔻 诃子肉 罌粟壳
各钱半

每呷咀二钱，加姜二枣一煎，空心温服。

双金饮 治赤白痢日夜频数，及久泄泻。

大罌粟壳一两，蜜水炒 大川芎五钱，醋炒
每末一钱至二钱，米汤下。

万金散 此方治水泻下痢久不瘥者。

生罌壳一两 甘草二两，半生半炙 陈皮二两
乌梅一两

每二钱，煎二三沸服。

神效散 治赤白痢日夜频数，食减腹痛，小便不利。

粟壳 白芷 乌梅各一两 乳香 川芎各五钱
每二钱，煎。

升阳益胃汤

黄芪二钱 半夏 人参 黄连 白术 炙草各一钱 独活 防风 白芍 羌活各五分 陈皮 茯苓 柴胡 泽泻各三分 姜枣各二

黄连散 治小儿痢渴烦热,吃水不知足。

炒黄连 牡蛎煨,各五钱 乌梅肉 炙甘草 诃子肉各一分

每末一二钱煎。

紫霜丸 治久积胸高羸瘦,赤白痢腹痛甚。

代赭石醋煨 杏仁霜 乳香 朱砂 木香各一钱 黄连一分 轻粉五分 麝香少许 巴霜十粒 肉豆蔻二个煨

糊丸,每七丸至十四丸米汤下。

桔梗丸 此方治小儿久痢羸瘦,食不消。

桔梗 神曲各一两 麦芽 乌梅肉 厚朴 人参 白术 赤石脂 黄芩 炙甘草 桂心 龙骨各五钱 黄连一两 黄雌鸡骨一具,去肉净,酒浸炙

蜜丸,每十五丸。

止渴圣效散 治小儿因吐利气虚,津液减耗生疳,烦渴饮水不休,面肿脚浮,腹大颈细,尿白,不吃食。

白芷半生半炒 葛根各二两 京墨二两,半生半煨 黄丹二两,半生半炒

每细末五分,倒流水调下。

七气汤 治七气所伤,痰涎结聚,心腹亦痛,不能饮食。

半夏五两 人参 辣桂各一两 甘草五钱 每末三钱,加姜五枣一煎。

蓬莪术散

蓬术 当归各一两 木香 人参 桂心各五钱 黑牵牛一分

糊丸黍米大,每十丸淡姜汤下,随儿大小加减。

使君子丸 治腹内诸虫作痛,口吐清水。

使君子肉 槟榔 榴根皮 大黄半生半炒,各七钱半

糊丸麻仁大,每服三回十丸。

二圣丸 此方治腹内虫,并消谷逐水,下气去风。

槟榔一两 巴霜十五粒

糊丸,每七十七丸,五更茶下投药,见虫下尽,即进稀粥。

芍药甘草汤 此方治出疹肚腹痛满,小便不通。

白芍一两 甘草二钱半

塌气丸

胡椒一两 蝎尾五钱,去毒

糊丸粟米大,每五七丸至一二十丸米饮下,一方有木香一钱,钱氏及洁古所用塌气丸,乃此二味,切不可误用,有牵牛者慎之。

五疳保童丸 此方治五种疳疾。

生五倍子 夜明砂 青黛 苦楝根皮 芦荟 熊胆 黄连 生龙胆草 干蟾皮去骨炙 麝香 芫荽仁 蝉退等分

米糊丸麻子大,一岁二十丸,米汤下二三服。

中满分消丸

黄连 枳实 厚朴各五钱 干姜 姜黄 猪苓 砂仁 泽泻 茯苓各三钱 陈皮 白术各一分 半夏四分 黄芩一两二钱 甘草一分

蒸饼丸黍米大,每三十丸。

丹腹胀方

葛根 苏梗 莱菔子 陈皮各二钱 甘草一钱

食减加白术。

升阳滋血汤 治婴儿腹胀,不大便,羸弱。

蝎梢二分 神曲三分 厚朴 当归各一钱 桃仁十粒 升麻三分

南星腹皮汤 主肿疾欲愈未愈之间,脾胃虚慢,气促痰喘,腹胀胸满,神困面色痿黄,小水不利。

南星一两 大腹皮 姜皮 陈皮 扁豆子 青皮 桑皮 甘草各五钱

香陆胃苓丸 治肿疾久不愈,大能实脾导水,多服取愈。

丁香 商陆 赤小豆 陈皮 炙草各二两 制苍术 泽泻各二两半 赤苓 猪苓去皮 白术各两半 肉桂一两 厚朴二两

糊丸每三十丸至七十丸,温汤下。

浚川丸 治水肿,单腹胀,气促气减,遍身

而浮。

大戟 芫花醋炒 沉香 檀香 木香 槟榔 莪术 大腹皮 桑皮各五钱 黑白牵牛生末,各一两 巴霜十五粒

糊丸麻子大,每十七丸,浓葱汤五更初空心下,去水未尽,停一日,减用十三丸,次减作九丸,再至七丸,症退即止,仍投南星腹皮散,如单腹胀甚,能饮食气壮者,加甘遂末,同丸,忌甘草,以相反也。

营卫饮子 治气血俱虚,营卫不顺,头面手足浮肿,喘急。

当归 熟地 人参 茯苓 川芎 白术 炙草 白芍 枳壳 炙黄芪 陈皮

分气饮子

五味子 桔梗 茯苓 炙草 陈皮 桑皮 草果 大腹皮 白术 枳壳 全当归 紫苏 半夏曲 苏子 生姜

宜兼服八味理中丸,以上宜救生丹通利。

大效神功救生丹 治气虚喘急,四肢肿,腹胀急,冲满肋肋,乍热乍寒,或泻或秘,由久停虚积,营卫不顺也,宜推去其恶毒之气。

雄黄 朱砂各一分 巴霜二十一粒 干姜二钱 醋一盏,煮巴、姜干,去姜,将巴出油,和雄、朱研匀,雪糕丸麻子大,一岁二丸,酒浸赤芍少许送下。

芪归汤 治儿禀赋弱,痘疮出不快,及肝虚目视不明。

蜜炙黄芪一两 酒当归 白芍 川芎各五钱 炙草三钱

每呷咀二钱煎。

庄氏芦荟丸 此方治小儿风疳,顺肝气,进饮食。

芦荟研一钱 龙胆草炒研,一两 皂角三钱 以水二升,捣汁去渣熬膏,入二末和丸,每三丸至五丸,薄荷汤下。

朱砂安神丸 治心疳怔忡,心中痞闷。

朱砂四匙 黄连 生地各五钱 生甘草二钱 半 兰香叶二钱,烧灰 铜青 轻粉各五分 共为末干敷上。

四味肥儿丸 治呕吐不食,腹胀成疳作泻,

或食积脾疳,目翳口疮龈烂,发热瘦怯,小便澄白,腹大筋青。

黄连炒 芫萸 神曲 麦芽各等分

水糊丸,每一二十丸,开水下。

补肺散 此方治久嗽,肺虚气促,有痰恶心。

阿胶一两半 茯苓 马兜铃 糯米各五钱 杏仁二十一粒 炙草四钱

每末二钱煎。

调元散 主元虚凶开,羸瘦腹大,并语迟、行迟、齿迟。

山药五钱 人参 茯苓 茯神 白术 白芍 熟地 当归 黄芪各二钱半 川芎 炙草各三钱 石膏六钱

每粗末二钱,入姜二枣一煎。

万应丸 治诸疳症,胃热,发作穗,痿黄,饮食不进。

五倍子 胡黄连 青皮 陈皮 黄柏 神曲 麦芽 三棱 莪术 芫萸 龙胆草 槟榔 川楝子肉 使君子等分

糊丸麻仁大,每三五七十丸,米汤下。

圣惠干蟾丸 此方治五疳,及惊风,出虫,定死生。

干蟾一枚 蛇蛻一钱 谷精草二两 胡黄连 瓜蒂 母丁香 牛黄 冰片 朱砂 雄黄 天竺黄 芦荟 麝香各一分 青黛五钱

糊丸,一二岁,以米泔化下五丸,服后桃柳枝汤浴儿,着青衣,疳虫当出衣上,及眉鬓旁,如细面,或如尘,毒黑者不治,黄白色易治,仍宜米饮下二丸,日三服,甚者半月内差。

圣惠金蟾散 治积疳虫虫蚀脊背,烦渴下利,拍背如鼓鸣。

干蟾一枚 夜明砂 桃白皮 橘白皮 地榆 黄柏 诃子肉 芫萸 百合 人参 大黄 黄连各三分 胡粉三钱 丁香三粒 槟榔一分 每五分饮下,日三服。

紫金散 此方治小儿走马疳。

蛇床子炒黑 黄丹 地龙炒黑,各五钱 青矾一分,煨

每一字,揩牙龈,日三次。

秋霜散 此方治小儿崩砂。

好砒半两 白矾四分

水一盞，煮砒干，入矾同煨为末，入麝、坯子各少许研匀，每一字，用鹅毛点拭牙龈上，日三四次。

钱氏金华散 此方治小儿一切湿疮癬疔。

黄柏 黄连各半两 黄丹一两，水飞 轻粉一钱 麝香一字

先研匀，水洗贴之。

化蠶丸 治诸疳生虫，不能啼哭，呕吐清水，肚腹胀痛，唇口紫黑，肠头湿蠶。

茺萸 芦荟 青黛 川芎 白芷梢 胡黄连 黄连 虾蟆灰

等分，猪胆汁浸糕糊丸，麻子大，每一二十丸，食后临卧杏仁汤下，其鼻常用熊胆煎汤笔蘸洗，俟煎药进数服，却用青黛、当归、赤小豆、瓜蒂、地榆、黄连、芦荟、雄黄为末，入鼻敛疮。

集圣丸 此方不热不寒，补不滞，消不耗，万稳万当。

芦荟 五灵脂 夜明砂 砂仁 橘红 木香 莪术 使君子肉各二钱 川芎 黄连 干蟾各三钱 当归 青皮各一钱半

雄猪胆汁和面糊丸，随大小米饮下，虚去莪术、青皮，加人参二钱、白术三钱；热去莪术、砂仁，加龙胆三钱；吐泻下痢，去莪术、青皮，加白术二钱，肉果、诃子各一钱；积痛去芎归，加三棱、小茴、川楝肉各二钱；疳加鳖甲三钱；渴去莪术、砂仁，加参术各二钱；虫去芎归，加茺萸钱半、川楝肉二钱。

柴胡散 此方治小儿疳热，四肢如柴，不能起止。

柴胡 葛根 知母 贝母 茯苓 茯神 炙草等分

每末一钱，加小麦煎。

大黃丸 治小儿胃气不调，不嗜食，不长肌肉。

大黃 地黄 茯苓 当归 柴胡 杏仁各三分 蜜丸麻子大，饮下五丸，日三。

保和丸 主饮食停滞，胸膈痞满，噯气吞酸，吐泻腹痛。

神曲 山楂 半夏 茯苓各一两 莱菔子 陈皮 连翘各五钱

粥丸，汤下三十丸。

甘遂破结散 甘遂二钱半，煨黄 青皮 黄芩 煨大黃各五钱

每末一钱，煎，随大小加减，得通利则止，以冷粥补之。

进食丸 治食积、发热、羸瘦，肚大筋青，疳积腹疼。

巴霜一钱二分 当归 朱砂 代赭石 枳壳 木香各五钱 麝少许

糊丸麻子大，一岁一丸饮下，更量虚实加减。

白饼子 治小儿腹中有癖，不食，但饮乳是也。

滑石 轻粉 半夏 南星各一钱 巴霜二十四粒

糯米饭丸麻子大，捏作饼，三岁以上三五饼，四岁以下一二饼，临卧葱白汤下。

六圣丸 治诸积，和胃，大能止气厚肠，消疳快膈。

莪术 黄连 陈皮 炮姜各五钱 木香二钱半

每末一钱，同巴霜三粒研，醋糊丸麻子大，每十五丸至三十五丸，五更姜汤下，利三五行，匀气止补。

水晶丹 治惊食虫积，腹胀烦啼，面黄食减，此非可轻用之剂。

南星 半夏各三钱 滑石四钱 轻粉五十贴 茺萸二百片 巴霜十五粒

糊丸麻子大，每十五丸三十五丸，五更葱白汁下，过三五行，匀气散调补，下风痰，姜汤下。

沉香槟榔丸 治诸积癖腹胀作疼，诸疳虫积。

沉香 槟榔 檀香 木香 三棱 丁香 神曲 莪术 麦芽 厚朴 使君子肉 苍术 青皮 砂仁 益智仁 香附 枳壳 良姜各五钱 炙草一两半

蜜丸芥子大，每一丸汤化，或二丸亦可。

良方坊香丸 治小儿虚中积，潮发寒热，心

腹胀满疼痛。

朱砂一两 牛黄 冰片 麝香各二钱半 金箔十四片 粉霜 膩粉各一钱 黄蜡二两 巴霜一百二十粒

取麝丸 此乃峻剂，非实积危甚，不可用。

甘遂炒 芫花炒 牵牛半生半炒 辣桂 蓬术 青皮 木香 桃仁 五灵脂各二钱 巴霜一钱

糊丸麻子大，每一二丸，蜜汤下，利后冷粥补仍和胃。

积滞木香丸 治吐乳泻乳，气酸臭，肚硬热渴，吐泻为食积，腹痛利黄为气积及疳癖。

木香 莪术 砂仁 青皮 朱砂 代赭石各二钱 丁香 巴霜各一钱

糊丸麻子大，每三丸，乳伤乳汁下，食伤米饮下。

钱氏白术散 此方助脾和胃，调中益气，良圣药也。

人参 白术 木香 茯苓 炒甘草 藿香叶各一两 葛根二两

粗末一二钱煎。

梔子柏皮汤 此方治伤寒身黄发热。

梔子八枚 黄柏一两 炙草五钱

每呷咀二钱煎。

化癖丸 治乳癖结块，久不消化，诸药罔效。

巴霜半两 膩粉 朱砂各一钱 鳧鷹粪二两半 雄雀粪 礞砂各一字

糯米饭丸黍米大。一岁儿二丸，空心皂荚子汤服，取下恶物为度。

大茵陈汤 治阳明瘀热在里发黄，小便秘，腹微满。

茵陈一两 大黄三钱半 梔子三枚本者

煎分三服，日三，当利下恶汁，黄从小便出。

加减泻黄散 此方主退脾土，复肾水，降火心。

黄连 茵陈各五分 黄柏 黄芩 山梔 茯苓各三分 泽泻二分

食后一服减半，待五日再服而良愈。

阿胶散

阿胶一两半 牛蒡子 炙草各二钱半 马兜铃五钱 杏仁七个 糯米一两

每末一二钱煎，杏仁本泻肺，非若人参、天麦冬之补也，当以意消息之，又名补肺散。

清肺饮 治肺受邪客热，嗽声不断，气促喘闷，痰壅，鼻塞流涕，失音，及疹毒痘疮，涎嗽咽痛烦渴。

柴胡二两 人参半两 杏仁 桔梗 赤芍 荆芥 枳壳 桑皮 五味子 熟半夏 麻黄各一两 旋复花五钱 甘草两半

每末二钱，人姜二葱一，或薄荷亦可。

解表散 主伤风感冷，喘嗽痰多，呕吐泻利惊悸。

麻黄 杏仁 赤苓各一两 川芎 防风 枳壳各一两五钱 甘草七钱半，半生半炙

每末二钱，加姜二葱白一煎，有热加薄荷叶。

钱氏葶苈丸 治乳食冲脾，伤风咳嗽，面赤痰盛，身热喘促。

甜葶苈隔纸炒 黑牵牛炒 杏仁研 汉防己各一两

枣肉丸麻子大，每三五七丸，淡姜汤下。量儿大小加减。

泻肺汤 治伤风后五心烦热，咳嗽喘促，唇红颊赤。

桑皮 地骨皮各一两 炙甘草三钱

每呷咀二钱，加梗米一百粒煎，日二。

黄芩半夏生薑汤 此方治胆腑咳，呕苦水若胆汁。

黄芩 生姜各一钱 炙草 白芍各六分 枣二枚 半夏一钱五分

甘桔汤 治心脏咳，喉中如梗，甚则喉肿喉痹。

甘草 桔梗各一钱

乌梅丸 治胃腑咳面呕，呕甚，长虫出。

乌梅三十个 细辛 附子 桂枝 人参 黄柏各六钱 干姜 黄连各一两 蜀椒 当归各四两

即用乌梅肉酒浸一宿，和饭粒捣丸，每十丸汤下。

茯苓甘草汤 治膀胱咳而遗溺。

茯苓二钱 桂枝二钱半 生姜五片 甘草一钱

琥珀散 治急慢惊涎潮昏冒，目睛惊搐，内钩腹痛。

辰砂一钱半 琥珀 牛黄 姜蚕 胆星 白附子 全蝎 代赭石 天麻 枳壳 乳香各一钱

每末一二分，白汤调下，此方兼治病症。

圣惠射干散 此方治小儿咳嗽，心胸痰壅，攻咽，作呀呷声。

射干 麻黄 紫苑 桂心各五钱 半夏一钱 炙草二钱

每末一钱煎，人蜜半匙。

桔梗汤 此方治小儿咳嗽呀呷，咽膈不利。

桔梗 半夏 苏叶 石膏 炙草各半两 皂荚一分，烧存性

每末一钱，加姜三片煎。

知母汤 治胸胎气喘，痰鸣发热，咳嗽恶风。

知母 甘草各半两 贝母 羌活 滑石 大黄 小麦各三钱 麻黄 苦葶苈 诃子肉各一钱半 薄荷二钱

每成咀二钱，加姜二片煎。

坎离汤 此方治虚喘，日轻夜重，食减神昏。

葶苈茄 石菖蒲各一钱 白术 茯苓 木香各二钱 炙草 半夏 紫苏子各四钱

每成咀二钱煎，不拘时服。

化痰定喘丸 治因惊发喘，逆触心肺，暴急张口，虚烦神困。

雄黄 朱砂各一钱 蝉退 全蝎 姜蚕 地龙 南星 白附子各二半 轻粉五分

糊丸麻子大，每三十丸，薄荷茶清下。

二圣散 治风痰壅闭，语音不出，气促喘闷，似搐非搐。

诃子肉十枚大者，半生半炙 大腹皮五钱，洗净焙

每粗末二钱煎。

定喘饮 治夹风痰喘气促，不拘冷热二症。

人参 麻黄 防己 诃子肉 半夏 甘草

各五钱

每二钱，加姜二片煎。

牛黄夺命散 治肺胀喘满，胸膈起急，两肋扇动，陷下作坑，两鼻窍张，闷乱嗽渴，声哑回不鸣，痰涎潮塞，俗云马脾风，若不治，死在旦夕。

白牵牛 黑牵牛各一两，半生半炒 川大黄 槟榔各一两

三岁儿每末二钱，冷浆水调下，涎多加膩粉少许。

泻白散 治肺热骨蒸自汗。

桑皮 地骨皮各一两 甘草五钱，炒

每末一二钱，加米百粒煎，一名泻脾散。

小柴胡汤 治伤寒温热病，疟疾，一切寒热往来，能和解。

柴胡半斤 人参 黄芩 炙草各三两 半夏二两半

每粗末三钱，加姜三枣一煎，小儿分二服，更量大小加减。

荆芥散

荆芥穗 人参 白术 黄芪 当归 白芍 桂各一两 柴胡二两 炙草五钱

每粗末五钱煎。

备愈丸

煨大黄 巴霜 葛根各等分

炼蜜丸，每绿豆大一丸，米饮下，壮盛小儿，或用一丸半，以大便快利为度。

清脾汤 治疟久不瘥者，脾胃虚弱，形容憔悴。

厚朴一两 乌梅 半夏 良姜 青皮各五钱 炙草三钱 草果仁二钱半

每成咀二钱，加姜二钱煎，未发疟，前并三服。

二姜丸 治疟疾经久不愈者。

白姜用巴豆九粒，同炒去豆 良姜东壁土炒，各一两

雄猪胆汁和水丸麻子大，朱砂为衣，热多温汤，早晨面北空心下，寒多早晨面南温酒下，寒热均热汤冷水下。

二仙饮 治诸疟不拘久近。

青蒿二两 桂枝五钱

每细末一钱，未发前冷酒调下，斩邪饮治暑症尤妙。本方加香菇二两，芽茶五钱，合研，名斩邪饮。

苏合香丸 治传尸骨蒸诸癆瘵，卒暴心痛，鬼魅疰疾，霍乱吐泻，赤白痢，小儿惊搐。

苏合香五钱，入安息膏内 安息香一两，另为末，酒半升，熬膏 丁香 青木香 白檀香 沉香 毕拔 香附 煨诃子肉 皂荚镑屑 朱砂各一两 薰陆香 冰片各五钱 麝香七钱半

用安息膏加炼蜜丸茱子大，空心沸汤下，小儿一丸，老人二三丸。

地黄膏

豆粉 郁金各半两 炙甘草一钱二分 马牙硝一钱

生地汁、蜜，对分熬膏，丸药每服两皂子大，热水含化，婴儿用鹅翎拭口内。

朱银丸 治胎风壮热痰盛，翻眼口噤，取下胎中蕴受之毒，亦治惊积。但量与。

水银蒸枣研如泥 白附子一钱半 全蝎 南星 朱砂各一钱 天浆子 芦荟 牛黄各五钱 铅霜五分，和水银煨 冰片一字 麝香少许 姜蚕七个炒，蜜丸。

沉香饮 治吐痢后神昏倦怠，食少不化，脾胃气虚，五心烦热，盗汗，自汗常出，或闻食恶心。

沉香 丁香 南木香 藿香叶各二钱半 陈皮 白术 半夏 茯苓 肉豆蔻各五钱 炙甘草三钱

每末五分至一钱，紫苏、木瓜汤调下，枣汤亦可。

八珍汤 治气血俱虚，阴火内热，或因克伐之剂，脾胃亏损，肌肉消瘦。

人参 茯苓 白术 甘草 川芎 当归 白芍 熟地

排风汤 治中风狂言失音，神昏，惊瘫鹤膝，及足疾才愈，偶感外风，满面遍体虚浮。

白鲜皮 白术 白芍 薄桂 防风 川芎 当归 杏仁 炙草各五钱 独活 麻黄 茯苓各七钱五分

每二钱。加姜二片煎。

龙脑鸡苏丸 治肺有郁热，咳衄下血，热淋消渴，口臭口苦。

薄荷叶一两六钱 生地六钱 麦冬四钱 蒲黄 阿胶 木通 银柴胡各二钱 甘草钱半 黄芪 人参各一钱

地黄汁熬膏加蜜丸，每二十丸，细嚼汤下，一方有黄连。

逍遥散 治血虚肝燥，骨蒸劳热，咳嗽潮热，往来寒热，口干便涩。

柴胡 酒当归 酒白芍 白术 茯苓各一钱 炙草五分

加姜、薄荷。

加味逍遥散 此方治肝脾血虚等症。

柴胡 当归 白芍 白术 茯苓 炙甘草各一钱

以上逍遥散，加丹皮、山栀各七分，为加味道遥散，其姜、薄荷，酌量加否。

三黄丸 治三焦积热，眼目赤肿，头顶肿痛，心膈烦躁，口疮，二便秘涩，五脏实热，或下鲜血，或疮疖。

黄连 黄芩 煨大黄

等分，炼蜜丸，每三十丸，汤下，量大小加减。

大柴胡汤 此方解利风热，痰嗽腹胀，及里症未解。

柴胡四两 黄芩 白芍各两半 大黄 半夏各七钱半 枳实七钱 甘草一两

每粗末二钱，加姜二片煎。

橘皮汤

橘皮一两半 炙草 竹茹各五钱 人参二钱半

每成咀五钱，加姜煎。

加味清凉饮 治热毒积毒在内，大便不通，而欲痛作渴，或患疮疡丹毒。

当归 赤芍 炙草 大黄各三分 牛蒡子 山栀各四分

固脾和中散 此方和胃，止吐泻，定烦渴，治腹痛。

人参 茯苓 白术 葛根 炙草 扁豆 藿香

等分，每末三钱，加姜枣煎。

黄连香茹饮 治中暑,热盛,口渴心烦,或下鲜血。

黄连 香茹 厚朴

黄芪六一汤 此方治诸虚不足,盗汗消渴。

黄芪六两 甘草一两

每末五钱煎,温服,亦可用汤调下三钱。

茯苓半夏汤 此方专治热痰壅盛为患。

半夏二钱 陈皮 茯苓 黄芩各一钱 甘草五分

加姜煎。

四苓散 治风寒湿邪不解,烦渴欲饮者。

猪苓 茯苓 白术 泽泻

每末三钱煎服。

快膈汤 主胸膈不快,饮食少,能顺气和中,消导宿滞。

人参 青皮 砂仁 乌药 良姜 炙甘草 香附各一两

每末一钱,加少盐酒煎。

万灵丸 此方主小儿诸积,依形症用之。

木香 黄连 莪术各一钱 橘皮 青皮各二钱 槟榔一钱半一枚

用巴豆一粒,醋煮杏仁二枚,灯火上煨,研烂,和醋糊丸,小绿豆大,每五七丸薄荷汤下。

东垣鼠粘子汤 治伤寒斑出,身表热急。

鼠粘子二钱 酒归身 炙草 柴胡 黄芩 连翘 黄芪各一钱 地骨皮二钱半

每吹咀二钱煎,服后慢与乳食。

小柴胡加梔子汤 此方主解利风热。

柴胡 黄芩 人参 半夏 甘草 山梔 加姜枣,热甚去半夏。

连翘饮 治一切热,伤寒热在外而不厥,少阳药也。

连翘 防风 山梔 甘草 等分,水煎。

解毒丸

寒水石研 石膏研,各一两 青黛五钱

蒸饼丸芡子大,食后新汲水下,或细嚼姜汤下,亦可,三岁儿半丸,随大小加减。

参附汤 治阳气虚寒,咬牙寒战,手足并冷,或吐泻不食。

人参 炮附子等分

桔梗枳壳汤 治腹胀便秘,烦躁作渴,或谵妄不安。

枳壳 桔梗各二两 甘草五钱 每三钱,加姜三片煎。

五痛丸 此方总治一切痛症。

白附子五钱 乌蛇肉 全蝎 半夏 南星 各二两 蜈蚣半条 姜蚕一两半 朱砂 雄黄 各钱半 麝香三分 皂角二两,打碎,用水半碗,浸透揉汁,入白矾二两,同煎干为度

姜汁糊丸小绿豆大,每二三十丸,白汤下,随大小加减。

家韭子丸 治膀胱虚寒,不能收摄,以致遗溺淋漓。

韭子 鹿茸 苁蓉 牛膝 熟地 菟丝子 归身 巴戟 杜仲 石斛 桂心 干姜酒糊丸。

人参理中丸 此方专治中焦病,或吐下多而腹痛满。

人参 白术 干姜 甘草

五黄散 此治内外俱大热之症,然太寒,非其症勿用。

黄连 黄芩 黄柏 梔子黄 大黄 每末一钱煎。

加味清胃汤 此方治胃热生痰,咳逆羸瘦。

升麻 当归 黄连 丹皮 生地 以上清胃汤,加茯苓、陈皮。

藿香饮

藿香 白术各一两 炙草 茯苓 生黄芪 各五钱

加姜、枣每五钱煎,幼儿三钱或二钱,随时酌用。

清凉饮 治热盛,小便赤涩,或膀胱热结。

柴胡 知母 生地 赤苓 防风梢 甘草 梢 当归 黄柏 龙胆草

宁神膏

人参半两 茯神二两 葛根 甘草 五味子 知母 花粉各三钱

另将生地浸一夜捣烂,绞取汁一碗,熬膏,入药末,至可丸,每二三十丸枣汤下。

天麻膏

生地二两 羌活一两半 当归一两二钱 牛膝 元参 杜仲 独活各七钱半 天麻一两
熬膏丸药,每三五丸汤下,或各咬咀,每三五钱煎服亦可。

白术防风汤 主伤寒太阳经症,汗多不止。

防风四钱 白术 黄芪各二钱

每粗末二钱煎。

桃奴丸

桃奴七个,另研 玳瑁一两,镑细末 安息香一两,去渣

上三味同熬或膏,入犀角末、朱砂各五钱、琥珀、雄黄各三钱、麝香、冰片、牛黄各二钱、炒桃仁十四个,安息膏丸芡子大,阴干,固藏静室,每半丸或一丸参汤下,大能辟恶去秽。

七味白术散 治中气虚弱,津液短少口渴,或因吐泻所致。

人参 白术 茯苓 炙甘草 藿香 木香 葛根各一钱

调中汤 治一切浮肿,但用此方,无不愈者。

茯苓 当归 白芍 陈皮各一钱 白术一钱半 又小名调中汤。

调中汤 治肠胃虚怯,冷气乘之,腹肋刺痛,洞泄不止。

良姜 酒洗当归 炒白芍 肉桂 川芎 炮附子各一两 人参 炙甘草各五钱

每咬咀,三钱煎。

热郁汤 此方治外感风热之症。

连翘 薄荷 黄芩 瓜蒌实 麦冬 甘草 郁金 竹叶

当归连翘汤 治小儿心脾有热,致生重舌。

归尾 连翘 白芷各三钱 煨大黄 甘草各一钱

每咬咀二钱,食前煎服。

绿袍散

薄荷净叶 荆芥穗各五钱 青黛 元明粉 硼砂各二钱半 百药煎 甘草各三钱

细研,每一字至五分,干点舌上,令自化,或新水入蜜,调点舌上。

黄金散 主解口内舌上疮毒,及痘后日生翳膜。

黄柏蜜涂晒十数次 甘草各一两

用末干点患处,或用麦冬汤调点。

清胃散 治胃经有热,口舌诸病,牙齿及龈肿痛。

升麻五分 生地四分 黄连 丹皮各三分 归尾四分

儿母俱服。

流气饮 此方治小儿风毒患眼。

蝉退 甘草 羌活 天麻 当归 防风 大黄 薄荷 赤芍 杏仁

等分,每五钱。

柴胡复生汤 治羞明泪多,脑顶沉重,睛珠痛连太阳。

蒿本 蔓荆子 川芎 白芷 羌活 独活各二分半 白芍 炙草 薄荷 桔梗各四分 苍术 茯苓 黄芩各五分 柴胡六分 五味子十二粒

每二钱煎。

本事方 治太阳寒水滔,翳膜遮睛。

防风 白蒺藜各一两 羌活一两半 甘菊三两

每末二钱,入盐少许,百沸汤点服。

冲和养胃汤 治内障初起,视觉微昏,空中有黑花,神水变淡绿色,次则视岐,神水变淡白色,久则不见,神水变纯白色。

柴胡七钱 人参 当归 炙草 干姜 升麻 葛根 白术 羌活各一两 防风五钱 黄芪一两半 茯苓三钱 白芍六钱 五味子二钱

每二钱煎服。

滋阴肾气丸 治神水宽大渐散,目昏,空中黑花,及内障。

熟地三两 归尾 丹皮 五味 山药 柴胡各五钱 茯苓 泽泻各二钱半 酒炒生地四两 蜜丸

朱砂为衣,每十丸滚汤下。

山茱萸丸 此方治眼白多,由于虚也。

山茱萸二两 熟地 丹皮 牛膝 茯苓 泽泻各一两 鹿茸五钱

蜜丸，每二十九。

汤氏牛黄丸 治小儿触打扑跌着头额，肝受惊风，成斗睛。

牛黄 白附子 肉桂 全蝎 川芎 石膏 各一钱 白芷 朱砂各二钱 藿香五钱 麝香一分

蜜丸芡子大，三岁儿已下，每一丸。薄荷汤下，斗睛即名通睛。

立效散 治婴儿咽喉痹痛，不能吞咽。

硼砂 冰片 雄黄 朴硝

等分，为细末，干渗。

吹喉散 治婴儿咽喉肿痛，气塞不通。

生甘草二钱半 朴硝一两 研细末，吹喉中。

牛蒡汤 主喉痛，伤风发热烦躁，鼻塞气喘，痰嗽惊啼。

牛蒡子三两 大黄两半 防风 薄荷各一两 荆芥四两 甘草一两一钱半

每二钱。

化毒汤 治风热上攻，咽喉肿痛，饮食不便。

桔梗五钱 薄荷 荆芥穗 甘草各二钱半 山豆根钱半 牙硝 硼砂 朴硝 雄黄 朱砂各二钱

每一字至五分，干点舌上，化下，或汤调，少与含咽亦可。

牛蒡子汤

牛蒡子炒 元参 升麻 桔梗炒 犀角 黄芩 木通 甘草等分

每二钱煎。

拔萃桔梗汤^① 治热肿喉痹。

桔梗 甘草 连翘 山梔 薄荷 黄芩各五分

每末一钱煎。

消风散 治胎热寒，及诸风上攻，头目昏痛，项背拘急，肢疼鼻塞，皮肤顽麻瘾疹，小儿虚风。

茯苓 川芎 荆芥穗 羌活 防风 藿香 姜蚕 蝉壳 炙草 厚朴 陈皮

等分，每末五分，茶清调下，加雄黄名雄风散。

张涣辛夷膏

辛夷叶一钱，焙干 细辛 木通 白芷 木香各半两 杏仁二钱，研

用羊髓、猪油各二两，同药慢火熬或膏，令黄色，放冷，入冰麝各一钱拌匀，每用少许点鼻中。

张涣清肺膏 此方治小儿齁鼻不闻香臭。

瓜蒂半两 附子一枚 赤小豆 细辛 甘草各一钱 冰片九分

蜜丸，绵裹塞鼻。

圣惠菊花散 治小儿脑户伤风冷，鼻多涕，精神昏闷。

甘菊 白术 细辛 茯苓 炙甘草 防风 人参各一两

每末一钱煎。

圣惠木通散 治小儿脑热，无涕，口干心躁，眠卧不安。

木通 麦冬 升麻各半两 知母 炙甘草 犀角 杏仁各钱半 梔子三枚

犀角升麻汤 治脑热肺壅鼻干病。

犀角三钱 升麻 牙硝 黄连各钱半 朱砂 牛黄 冰片各一分

每末五分，汤下。

千金方 治小儿鼻生息肉。

炼雄黄

日内大枣一枚许于鼻中，十日后，息肉自出，更不重发。

杨氏地黄散 治营中有热，肺壅鼻衄。

生地 赤芍 归身 川芎

等分，每二三钱煎，春夏入蒲黄汁，秋冬入车前子汁。

通鸣散 此方治小儿两耳聋鸣。

菖蒲 远志各一两 柴胡 麦冬 防风各五钱 细辛 甜葶苈各二钱半 磁石四钱 杏仁十四粒

每末五分，葱白汤调下。

细辛散 治小儿耳聋，或因脑热，或因水入，或因吹着。

① 拔萃桔梗汤：原脱，据崇文书局本补。

细辛 防风 大黄 黄芩各一两 蜡 川椒各五钱

细锉，以清麻油三合，熬药紫色，滤去渣，入蜡，候化为膏，每以大豆许点耳中，日三次。

菖乌散 治小儿耳自鸣，日夜不止。

菖蒲 炒乌头各四分

为末，绵裹内耳中，日二次。

菖附散 治小儿耳疼痛。

炮附子 菖蒲等分

为末，绵裹塞耳。

红蓝花散 治聾耳久不差。

红蓝花 黄柏各一两 乌鱼骨 黄芩各半两
雄黄四钱 麝香五分

绵搵药塞耳，日再。

加味归脾汤 此方治脾虚弱损，健忘惊悸等症。

人参 黄芪 茯神各二钱 甘草五分 木香四分 白术 远志 枣仁 当归 龙眼肉 丹皮 山梔各一钱

本方去丹皮、山梔即归脾汤。

半夏丸 治痰症，若惊搐后风涎潮作，服之神效。

生半夏二两 赤苓 枳壳各一两 风化朴硝二钱半

姜汁糯米粉丸，每三四十丸。

白附丸 通治咳嗽有痰，感冒发热，吐泻心神不安，神效。

南星二两 半夏 白附子 白矾各一两

姜汁糊丸，一岁儿七丸，薄荷汤下。

牛蒡子散 治小儿心脾热壅多涎。

牛蒡子 山梔 甘草 川硝 郁金各半两
枳壳二钱半

研细，入冰片五分，研匀，每五分，薄荷汤下，量儿大小加减。

谭氏金珠丸 治小儿惊悸怔忡，化痰涎，利胸膈烦热，止嗽。

南星 白矾 半夏各七钱 人参 山药各五钱 朱砂 腻粉各二钱

金箔十片，即为衣。薄荷汁同水打糊丸，绿豆大，每一丸，姜汤下，量加减。

张涣金朱丹 治小儿多涎，乳食不下，涎不流出者，乃名脾热多涎。

朱砂 半夏 胆星各一两 茯苓半两 石膏六钱 金箔二十片

姜汁和黍米大，每十丸参汤下。

小朱砂丸 治小儿眠睡多惊，能化风壅痰涎，安神。

朱砂一两 胆星 人参 茯苓 真珠 半夏各半两 冰片 麝香各少许

蒸饼丸黍米大，每四五丸，金银汤下。

黄连解毒汤 如暄热之时，以此辛寒之药解之。

黄连 黄芩 防风 荆芥穗 知母 石膏 酒黄柏 山梔 大青 元参 生甘草 桔梗 木通

麻黄汤

麻黄 升麻 牛蒡子 蝉退 甘草各一钱
烦渴加石膏末四钱。

桤叶散

桤即西河柳，青茂时采叶，晒干为末

每一二钱，茅根汤调下。

加味黄芩汤 若调服只用一钱，血痢加地榆二钱。

黄连 黄芩各一钱半 白芍三钱 甘草七分 滑石三钱

黄芩汤

黄芩 黄连 赤芍 生地 枳壳 当归梢 木通 甘草 人参

初加酒大黄。

养血化斑汤

归身 生地 红花 蝉衣 人参
各五分，加姜一片。

大青汤

大青 元参 石膏 生地 地骨皮 知母 木通 荆芥穗 甘草

等分，加淡竹叶十二片。

安神丸

黄连 龙胆草 当归 石菖蒲 茯神各一钱半 全蝎七个

附

未收儿科名著提要

郭君双 撰

一、儿科专著类

《小儿斑疹备急方论》 (宋)董汲著

董汲,字及之,山东东平人,北宋医家。幼患疮疹恶候,因得钱氏牛李膏而得安生,加之举业不仕又急于养亲,而习医就业。

此书是我国第一部斑疹专著,成书于公元1093年左右。全书一卷,由三部分内容组成:1. 总论:①指明疮疹病是一种儿科重危证,易与伤寒阴痛相混,若误用热药发之,可使之倒陷;误用攻下,则转生他病。而小儿脏腑娇嫩,易为伤动,应当慎重。②记述疮疹病主要临床表现,将发病分为几个阶段来进行治疗用药。指出疮疹有关禁忌注意事项。2. 药方:包括升麻散、紫草散、牛李膏、甘露饮、神仙紫雪、护目膏、胡荽酒等十七首疮疹主疗方剂。3. 序言:包括钱乙后序,友人孙准序及自序。这些序文是我们研究钱乙、董汲生平的重要资料。该书的学术成就,主要是继承并发展了钱乙对斑疹病的证治内容,包括斑疹特有病容,反对诊断不明的妄汗、妄温补、妄下的作法,均与小儿体质特点“易为伤动”相违,他记载的升麻散、钱氏牛李膏、胡荽酒等,为后世医家广为采用。另外,他还发展了仲景白虎汤的主治范围,用于痘疹、斑毒余热者,强调有是病用是药,不必拘泥。

该书版本主要见于两个方面:一种是作为附录内容,附在阎氏辑录的《小儿药证直决》书后一并刊行,如三卷本的版本系列中。一种是散在于类书引文中,如《幼幼新书》、《医方类聚》。

《幼幼新书》 (宋)刘昉撰辑

刘昉(公元1080~1150年间),字方明,广东潮安人,其父刘允为潮州府“八贤”之一,官梅州知权化州,有政绩。昉,宣和至绍兴年间直龙图阁学士,荆湖南路经略安抚史,故有“刘龙图”、“刘帅”之称谓。他在镇抚之闲暇,尤喜研方书,广泛收集朝野秘本、闾里验方、士大夫家藏方,囊括古今,终汇集成篇册,由其同僚李庚、楼璘等人,于绍兴二十年(公元1150年)为之刊

行。该书是我国南宋初期的一部大型儿科类书。全书四十卷,527门,收录宋以前儿科方书约计160余种。卷1~3主要介绍小儿调养、体质特点、修合用药、脏腑生理、病理、望面上证,手纹望诊、变蒸等,具有儿科总论的性质。卷4~38为儿科各论。书中介绍了新生儿疾病17种,内科杂病(麻、痘、惊、疳、吐、泻、淋)320种,外科病(疔、疮、痈、疽、丹、瘰疬)101种,五官眼病(鼻痈、口疮、聾耳、雀目)48种。在这些疾病门类下,辑引历代名医方论。卷39为意外伤害(骨梗、烫伤、虫咬、中毒、误吞异物)处理,卷40叙药与方书出处。体例严谨,合于即类求书的编纂特点。

该书学术贡献:1. 文献学价值:保留了宋以前大量亡佚古籍的内容。如《华佗九候》、《仙人水镜图诀》、《石壁经》、《颅凶经》、《惠眼观证》、《风髓经》等珍贵文献。对传世医书提供了早期传本的面貌,如《太平圣惠方》、《千金方》、《活人书》、《钱乙小儿药证直决》、《灵苑方》等,均具有整理研究的价值。2. 临床价值:①在诊断学方面,提出小儿望指纹与指甲望诊各家学说,记录小儿三关指纹有风、气、命说,又有气、风、命说,对于哑科之难,无疑是一种有益补充,丰富了辅助诊断的方法。②对于新生儿脐风治疗十分丰富。有庄氏烙脐法,丁时发灸脐法,张涣裹脐、封脐法,较为有效地预防脐风的发生。③对小儿内科杂病论述及治疗,体现了宋代儿科学发展水平。同时对麻疹、水痘、痘疮已有了明确鉴别诊断,病机上分表里、分脏腑。惊风病因多主热、痰、食,治疗用寒凉重镇之品。对于温病描述近于现代流感,如庄氏有“畏风、头昏痰嗽、鼻塞困闷”等临床描述,与后世温病学家所倡,温邪上受,首先犯肺的观点一致。又如伤暑病,所举《局方》、张涣方,均有“伤暑伏热、燥渴、呕吐、胸闷”主证,以香薷、藿香、云苓、竹叶之芳香化湿、淡渗之品组方,为后世专治暑病的研究,提供了借鉴。③眼科方面,流传于唐宋间《龙木论》一书,记载小儿青光眼证治,除眼无障翳不见物之外,尚兼有卧睡多惊,呕哕痰涎黄汁,渐渐失明的临床特点。又有睛高症,有无故眼球

外凸、有小儿风毒气所致目睛悬出症,辑者已注意到小儿眼科疑难症的重要。④方剂学方面,此书汇集众书,以病名为纲,详列诸书中之方治,全书载方万余首,堪称儿科大型方书,集宋以前儿科方剂大成者。后世方书《普济方》、《古今医统大全》、《幼科准绳》等多有此书内容的辑引,成为重要的方剂来源。在剂型方面变化多,突出小儿服药难的实际问题,婴幼儿,采用膏散涂乳头吮乳服。较大患儿,可用糖丸、烟熏剂、搐鼻剂、外洗剂、含漱剂、填齿剂、膏贴等多种剂型及用药途径。另外还配合灸法、推拿手法,针刀决割等方法,体现了丰富的治疗学特征。

该书所引内容横跨晋唐两宋,纵深及儿科疾病五百多门类,向人们充分展示了儿科学自奠基到形成专科这一历史发展过程,而这种过程是通过诸多具体的医学文献,使人们感受到当时浓重的儿科学术氛围。

《幼幼新书》版本主要二个系统:一是宋刊本系统,包括南本(南宋)、北本(金本)、宋本残卷(藏日本)、明人抄本、日抄本等。二是明刻本,明代医家陈履端删节本。近年二种系统均有影印及点校本问世。

《小儿痘疹方论》 (金)陈文中著

陈文中,字文秀,安徽宿县符离人。金亡归宋,官任和安郎判太医兼翰林良医,主要在江苏涟水一带行医,擅长治疗小儿痘疹,深受地方官吏及百姓的爱戴。著作有《小儿痘疹方论》、《小儿病源方论》。此书成书于公元1254年。

全书一卷,内容:一、论痘疹受病之由:胎儿期感受三秽液毒。二、论痘疹治法:先期分表里虚实,即按表实里虚、表虚里实辨证施治;后期依津液气血辨证施治。所及医方:十一味异功散(十一味木香散)、十二味异功散、七味人参白术汤、七味肉豆蔻散、六味人参麦门冬散、五味前胡枳壳汤、四味射干鼠粘子汤、桔梗甘草防风汤、十六味人参清膈散等。

此书在宋金元时期影响较深远,特别是朱丹溪、李东垣等医家的著作中有所论及。由于传本较少,有些方药是多位医家的经验方,不能尽

窥陈氏原著早期风貌,仅据薛氏校注本述其学术特征:1. 注意痘疹胎毒内因致病说。母体五脏六腑之秽液之毒,易成水疱疮,皮膜肌肉秽液之毒易成脓疱,二种混合秽液之毒易成痘疹疱。解释了痘疹的胎毒病理。2. 痘疹证治,应分辨表里虚实(疹痘形态),或表实里虚,或表虚里实,予以扶正驱邪。此外,结合陈氏《病源方论》反映的学术思想,注意固护元阳真气之说,在治疗痘疹方面亦有所体现,乃致后世医家多尚此说。

该书内容少,不便版刻发行,故为薛氏收录入《薛氏医案》中,校注附治验一并刊行。民国商务印书馆汇集《小儿病源方论》与此书合刊发行于世。

《仁斋直指小儿方论》 (宋)杨士瀛

杨士瀛,字登父,号仁斋,福建人。南宋福州地区名医。他精于伤寒脉法及内科、外科、儿科各科,尤精于儿科。推崇宋代医家陈文中治疗用温热药,反对泻下的观点。公元1260年编成《仁斋直指小儿方论》(又名《婴儿指南》)、《伤寒类证活人总括》,五年后又编成《仁斋直指方》大型综合性医书。

该书五卷,前二卷为初生儿撮口、脐风、变蒸、惊风急慢、中风(痉)等。卷三论痞、积、热证治。卷四论伤寒(寒症、虚寒、痰嗽、喘咳)、脾胃(吐泻、腹痛、肿胀、二便诸证)、丹毒、杂证(凶填、凶陷、解颅、眼病、耳病、龟胸、鹤节、疮癣等)。卷五论疮疹(方论、证候、坏疮恶证、灌药法等)。

本书侧重于儿科临床证治,以证类病,以病论方,文字简明,理、法、方、药层次清楚,有指示要旨的作用。

目前存世版本多为明人朱崇正补遗整理本,将历代名医方论,附录于相应病证之下。有日本抄本、朝鲜刊本,以及福建科技出版社点校排印本。

《田氏保婴集》 (元)杜思敬编纂

杜思敬(公元1234~1316年),号宝善老

人,元代医家。他汇集宋金元以来医家医论 18 种,节录其中切要者,汇编成《济生拔萃》。《田氏保婴集》为此丛书中之一种。原作者失考。

该书仅一卷,内容有:初生婴幼儿疾病,包括月里惊、赤、呕、发黄、不大便;时令病,包括春温、夏吐泻、秋泄、冬嗽;杂证,包括五脏病、口腔病(鹅口、木舌、重舌)、脓耳、鼻病、眉炼、客忤、暴喘等 22 种疾病。书中治疗方剂,主要来自钱乙《直诀》、《局方》、《斑疹萃英》、《卫生宝鉴》等医书。

此书在治疗上吸收一些针灸内容,如小儿慢惊风、马脾风、小儿疳瘦、龟胸、脱肛等疑难证,选用灸法治疗,有一定的临床特色。

该书版本主要是元刻本及后世据此翻刻、排印本。

《幼科类萃》

(明)王銮辑

王銮,字文融,明代浙江乌程人,医生世家。公元 1521 年王氏汇萃诸家之说,撰集成《幼科类萃》。

全书二十九卷,以病证各为门,计二十八门,涉方 300 首余。卷 1~3 总论胎禀、五脏虚实、虎口三关望诊,小儿初生疾病及证治。卷 4~20:内科杂病:惊、疳、积、疔、痢、吐泻、热病、伤寒、水肿、腹胀、小便不通等。卷 21~27:丹毒、黄疸、诸血症、汗、咽喉口齿病杂证等,卷 28~19:疹麻、痲疮。

该书类萃了儿科四大病种及常见多发病,论述辑引均具有简明而系统的特点,从病因病机到证治方法及方剂,选方平和,适应小儿用药特点,切用临证。由于该书汇萃历代名医名著约三十余种,所以论病严密系统而说服力强,展示了清晰的学术源流。宗易水派李东垣、张洁古、罗谦甫、王海藏为最多,病因推重陈言《三因》说,伤寒证治,多引用陶节庵、吴绶的观点。在辑引中,兼有自己的学术观点,不同于一般文献汇编,注重立论中正,指导临床。

此书版本,现存最早的为明代嘉靖刻本。其余有抄本、中医古籍出版社影印本、天津科技出版社增注点校本。

《保婴撮要》

(明)薛己著

薛己(公元 1486~1558 年),字新甫,号立斋,江苏吴县人,明代医学家。正德间任太医院院判院使,且与父薛铠以太医相绪,称著于世。一生好学勤奋,著作丰富,有外科六种:《外科发挥》、《外科心法》、《外科枢要》、《外科经验方》、《疡医机要》、《正体类要》。内科一种:《内科摘要》。儿科妇科各一种:《女科撮要》、《保婴撮要》。其他还有《本草约言》、《口齿类要》并行于世。此书约成书于 1556 年。

此书共四十二卷,卷 1~10 主要论及新生儿疾病、小儿内科、五官科疾病 90 余种,卷 11~16 为外科痈疡、疥、癣、跌打损伤等疾病 70 余种。卷 17~20 为痘疹方论。著述形式以病为纲,每病附治验病案多则。疾病分类详细,便于检用。

该书学术特点:1. 对小儿变蒸持肯定态度,并从小儿体质特点去认识这种现象,“有不热不惊、略无证候而暗蒸者,盖胎气壮实故也。”体质不同反应出证状有轻重之差异。2. 师古不泥、灵活变通。对钱氏益黄散主治证,从东垣的观点,适宜于寒水侮土的患者,故新增六君子汤加减主治脾土虚弱者。泻黄散则适用于胃经实热者,虚热者宜异功散。3. 重理论更重实践。全书论病结合验案,体现了薛氏精湛的医术。对手纹望诊附 13 则案例介绍,发搐病附 15 则案例,急惊附 12 则案例,解颅、凶陷附 7 则案例,显示了作者严谨的治学态度,而且在病案研究上具有重要的史料价值。4. 对儿外科疾病有十分全面的论述,指出此类疾病机理,主要是禀受胎毒或乳母膏粱厚味,七情阻络所致。故治疗中,要求乳母与患儿同时服药。其治疗以内治为主(内服药),兼以少量的针刀外治手术。5. 痘疹论述,主要引用陈文中痘疹方论的观点,慎用寒凉败毒之品,保护元气。6. 该书重视古代圣贤的医论,引录二十余种文献,如钱乙、张洁古、刘河间、朱丹溪、李东垣、陈文中、闻人规等医家医著的内容,均引录于每病证之首,有欠详明者,则按语于后,阐发己意。该书在明代是一部具有承

上启下作用的儿科专著。

此书的版本,主要是《薛氏医案》本,后世多有翻刻,流传较广。

《育婴秘诀》 (明)万全著

万全(公元1488~1578年),字密斋,祖籍江西南昌,后迁至湖北罗田,明代儿科医家。万全为万氏家族医学第三代传人,其学本于《素问》、《难经》、《脉经》、《本草》,博览众家之长,自著医书多种,有《万氏保命歌括》、《伤寒摘锦》、《万氏女科》、《育婴秘诀》、《片玉痘疹》、《万氏点点经》、《万氏幼科发挥》等。

《育婴秘诀》是万氏儿科系列著作中的早期作品,约成书于明代隆庆年间(公元1567~1572年)。全书四卷:卷一,预养、胎养、寿养、鞠养,主要论述新生儿卫生护理,婴幼儿早期教育及家传常备小儿药,脉法,心脏主病等。卷二至四,为疾病各论,包括胎疾、脐风、变蒸、急慢惊风、四时感冒、中湿、咳嗽、疳、霍乱等40余种疾病的治疗,后附万氏治验10则。

该书学术特点:1. 重视婴幼儿心理卫生教育及护养。提出“小儿肌肤未实,不可暖衣”,“小儿能言,必教之以正言,能食,则教之以恭敬,教以亲疏尊卑长幼之分;言语回答,教以诚实,勿使欺妄;教以数目,或教以方隅,教以岁月时日。”并认为如能做到,“不但无疾,而知识亦早”,与现代注意小儿早期智力开发与健康相合。2. 在小儿病理方面,提出疳证是脾常不足所致。3. 对小儿疾病原因的总体认识是:属胎毒者十之四,属食伤者十之五,外感者十之一二。这种估价与临病实际情况相近。4. 该书继承钱乙、李东垣、朱丹溪的儿科名方,同时能够灵活运用祖传抱龙丸、琥珀抱龙丸、肥儿丸等,治疗小儿常见伤风、痰嗽、疮疹发搐,脾胃虚弱、泄泻、疳瘦等疾病。总之此书是万氏儿科著作中的颇具代表性的儿科专著。

该书版本,主要是清代乾隆以后多种刊本、抄本和后世整理的《万斋医学全书》本。据《育婴秘诀》万通序,此书早于《幼科发挥》、《片玉新书》,而且“已流传于荆、襄、闽、洛、吴、越之间”,

所以注意该书早期刊本搜求,将有补于对万氏学术的深入研究。

《痘疹金镜录》 (明)翁仲仁著

翁仲仁,字嘉德,江西上饶人,明代儿科医家。主要擅长小儿痘疹的证治,著有《痘疹金镜录》、《痘疹精义》、《痘疹金镜赋》、《幼科痘疹玉髓金镜录》、《保赤心法》等。此书约成书于公元1579年。

全书分上、中、下三卷。上卷论痘疹总要、因期施治、论颜色轻重、论表里虚实寒热、辨痘疹赋六篇。中卷:验形察色,痘疹惊搐,灰白痒塌,善哑,干枯陷伏倒靥、烦躁、啼叫、夹斑、夹疹,余毒不止、痘疹(发热、报痘、起用、贯脓)三朝生死歌,金镜赋、节制赋等。下卷:贯珠攒簇怪病,疹形图16种,郁位图18种,各用良方11首,常用药性赋、虚证忌药等。

该书是明代治疗痘疹影响很大的儿科专著。1. 对痘疮机理的认识,提出“痘疮以元气为主,元气充实则毒易化,善治者惟保元气。这与早期医家陈文中保元气说相互发明。2. 对于痘疹各个时期的形态、颜色、顺逆、轻重、深浅均有详尽的观察,有歌诀、有图形,还有各期方治,便于学习使用。①“金镜赋”曰“痘毒未出先宜开和解之门,既出之后当塞走泄之路”,此为治痘基本大法。②“节制赋”曰“病深而药浅终无功,病浅而药深反增他剧,势缓而投急拂指乱其经,病剧须用劫药。”指明用药的尺度。3. 该书处方用药系统,理法详明。列述痘疹药性,虚证忌药,介绍备用良方11首,言简面证治明确,受到明清两代医家的欢迎。

此书版本约有三十余种,早期刻本为明代万历七年本,其余皆为清代各种刊本。由于此书影响较大,医家多有增注本刊行。1618年陆道充增补本,1785年许橡村的注释本等,对原书有所增订发挥。

《证治准绳·幼科》 (明)王肯堂辑

王肯堂(公元1549~1613年),字宇泰,明代金坛人,室号郁冈斋。万历十七年举进士,授

嘉庆年间(公元1788年)著有《温病条辨》七卷,《解儿难》即此书之卷六。

该卷设问23项议论:儿科总论(脏腑薄藩篱疏、易于传变)、俗传儿科为纯阳辨、儿科用药论、儿科风药禁、痘因质疑、湿痘或问、痘有寒热虚实四大纲论、小儿痘病痲病共有九大纲论,小儿易痘总论、痘病痲病总论、痘疾论、痘症总论、痘症禁表药论、泻白散不可妄用论等。

吴氏在该卷中引征古今文献,佐证自己对儿科临证中的见解。①对小儿纯阳之体认识,更为合理。认为“稚阳未充,稚阴未长”、“寒病不足在阳,温病不足在阴”,从生理病理上解说疾病成因。②对小儿易惊厥的议论甚为详备。发展了叶氏对痘病的认识,提出痘、痲、痲、厥的鉴别诊断,此类疾病发病机理,是“肌肤薄弱,脏腑嫩小,传变最速。”③对于痘证认识,最为中肯。认为病机为脾郁血虚,治疗有九法:疏解中毒、升降胃气、升陷下之脾阳、甘淡养胃、调和营卫、食后击攻、调其饮食、有虫用苦寒酸辛、善用丸药缓之脾胃。④儿科治疗用药,忌重用苦寒及风药过汗,治宜甘多酸少,以存阴退热;治咳慎用地骨皮、桑皮。这些议论,远远超出温病专著的范围,应做为儿科临证有独到见解的珍贵文献。

该书版本主要是《温病条辨》七卷刊本,近年有此卷的单行本问世。

《幼科心法要诀》 (清)吴谦编纂

吴谦,字六吉,安徽歙县人,清代医家,官太医院院判,乾隆初年奉旨与刘裕铎等纂修天下秘籍及传世良方,于公元1742年编纂成《御纂医宗金鉴》大型医学丛书,《幼科心法要诀》为其中的一种。

全书六卷(总卷50~55),总论一篇为四诊总括(察色、听声、审病、切脉、虎口三关部位脉纹形色)。论病二十九门为初生门上下(拭口、断脐、不啼、不乳、二便不通、肛门内合、脐风、鹅口、胎黄等)、惊风门、痲证门、痘证门、吐证门、泻证门、感冒门、瘟疫门、暑证门、霍乱门、痢疾门、疰疾门、咳嗽门、喘证门、痰证门、淋证门、头痛门、腹痛门、黄疸门、水肿门、腹胀门、发热门、

积滞门、癖疾门、汗证门、失血门、杂证门。每门下设总括一篇,其论病161种。

该书特色:1. 注意小儿易实易虚的体质特点,治疗脾肾二脏阴水,应攻补兼施,不能单纯应用温补药,方用实脾散温脾消肿,肾气丸温肾化水。2. 对佝偻病描写,“龟背坐早被风吹,伛偻背高状如龟”,即现代医学小儿营养代谢障碍,骨髓发育不良的佝偻病。3. 对喘证病因分析概括全面,作喘的成因有四种:火热作喘(肺热、胃热、肺肾阴虚),肺虚作喘(元气不足肺气虚),风寒喘急(肺虚、肺气郁闭)、痰饮喘急(脾虚、脾湿)、马脾风(邪闭肺经)。基本概括了儿科呼吸系统疾病,具有一定的指导意义。

此书是我国清代重要的儿科专著,是行医、学医必读的教科书。

本书版本,以乾隆武英殿刻本为主要流传本,同治以后全国各省皆有翻刻本发行。解放后,有人民卫生出版社据乾隆本排印本,或单行本。

《种痘心法要旨》 (清)吴谦编撰

此系《医宗金鉴》卷六十的内容,共分总论、选苗、蓄苗、天时、择日、调摄、禁忌、可种、不可种、水苗种法、五脏传递之理、旱苗种法、痘衣种法、痘浆种法、信苗、补种、自出、治法十八个部分。总论概述了人痘接种简史,认为宋真宗时,峨嵋山神人为丞相王旦之子种痘病愈,遂传于世。有感于种痘一科,皆口传心授、方书未载,致使至理良法况置无用之地,恐失其传,而纂集成书,永垂千古。重点介绍水苗种法、旱苗种法及种后的有关问题。种痘机理:痘毒由表入里,再由里至表,将五脏余毒一一解出。

此书是我国官方出版的正式种痘专书,内容完整,方法详细,措施合理,是我国具有免疫学意义的专著。

该书版本同《医宗金鉴》。

《儿科醒》

(清)芝屿樵客著

芝屿,字号失考。据序言,其为华阳山人之弟子,禀承师意著儿科书。据文中引录《医宗金鉴》一书,可认定该书成书约在嘉庆年间(约公元1813年),主要流行于闽粤一带。

全书十二卷,十二论。内容包括:总论、诊治法论、表论、里论、寒论、热论、虚论、实论、辨惊风之误论、不可饿论、治痘论、治疮论。

该书特点:1. 主张不妄投医药,应保护小儿稚阳之气。用药原则“宁易药,毋过剂;宁轻毋重,毋偏寒、毋偏热、毋过散、勿过攻。”2. 认为惊风证病机是“小儿形气未充,易生恐怖,一切闻所未闻者,皆能致病”,治宜收敛神气为要。3. 针对当地时弊“凡遇发热,一般禁绝饮食”,而提出“不可饿论”,否则是“先绝其胃气”,并以仲景桂枝汤啜热粥为据,言固护胃气之重要。4. 对痘疹病,提倡人痘接种,可以“去险履平,避危就安。”

该书具有力贬时弊,醒世骇俗的作用,故书曰《儿科醒》。

此书版本有嘉庆本、抄本、珍本医书集成排印本。

二、综合性医书儿科专卷**《诸病源候论·小儿杂病候》**

(隋)巢元方等撰

巢元方,隋代太医博士、太医令,奉诏编撰《诸病源候论》,约成书于公元610年。

全书五十卷,其中六卷(卷45~50)论及小儿杂病候,共257条,是我国现存记载儿科疾病最早的综合性的医书。它是后世儿科学的病理学、症候学基础。小儿杂病候,包括伤寒、温病、吐泻、淋注、宿食、积聚、惊痫、耳、目、口、鼻、皮肤丹毒、痈疡、疥、癣等疾病的病因机理及证候,涉及现代儿科学内、外、五官、新生儿疾病的范畴。

该书学术成就:1. 护养方面:①提出“数见风日,则血和气刚,肌肉硬密”,加强小儿户外活动,提高小儿耐风寒抗病能力的生理基础。②小

儿春夏禁用下法,其生理为“小儿脏腑之气软弱,易虚易实”,如果妄下,则“下焦必益虚,上焦生热,热则增痰,痰则成病”,认为它是小儿多惊痛之疾的病因之一。③婴幼儿在2岁以内,有微发热、微惊的变蒸生理现象,认为“变蒸者,以长血气也,变者上气,蒸者体热”,时间大约为五百七十六日,共有大小变蒸五次。2. 对发育迟缓性疾病的记载,提出应合不合的“解颅”、“齿久不生”、“头发不生”、“四五岁不能语”、“数岁不能行”五迟证的病因分析,认为“血气不足,髓不充强”,或“禀气不定,髓即不能充”,皆与肾有关,故后世对“五迟”的证治,多从肾治。3. 对多发病的论述:①惊痫的病因,提出血气不和、精神伤动、心神不定、气脉不定是小儿发痫的病理基础,而热病误治,或迁延失治是引发本病的直接原因。②小儿皮肤丹毒记载了53种,依据发丹的颜色、部位、形态而名称各异。其中有七种与今传本《颅凶经》相同,说明二书之间的内在联系。丹毒病理,认为“风热毒气客于腠理,热毒搏于血气,蒸发于外,其皮上热而赤,如丹之涂”。③遗尿的病理,认为“膀胱有冷,不能约于水”,“肾主水,肾气下通于阴”,冷则遗尿。这种认识至今指导现代临床治疗属下焦虚寒型的遗尿证。

总之,《诸病源候论》虽是综合性医书,但是其中儿科内容,对后世影响很大,广为唐、宋、元、明、清儿科专书所收景。

此书版本主要有二个系统:一是宋本,见载于日本东洋医学善本丛书。二是元刻本,包括明清以来多种刻本、人民卫生出版社影印本。

《备急千金要方·少小婴孺》(唐)孙思邈著

孙思邈(约公元581~682年),世称孙真人、孙处士,陕西耀县人,唐代医药学家。约公元652年撰成《备急千金要方》。

全书三十卷,其中有二卷(卷五上、下)论述少小婴孺病。书中论述,有初生儿疾病、惊、痫、忤、伤寒、咳嗽、癖结、胀满、痈疽、瘰疬、杂病共八个门类的方论及治疗。孙氏收录唐以前医学文献如《小品》、《肘后》、《病源》等书,并结合自

己的医疗经验,汇集成书。在此书之前的方书,或有论无方,或有方无论,或驳杂不便使用,而孙氏则方论并举、学用方便。

该书儿科成就:1. 指出乳母选择,直接影响小儿身心健康。他认为“乳母者,其血气为乳汁也。五情善恶,悉是血气所生,其乳儿者,皆宜慎于喜怒。”母怒乳儿,则“令喜惊,发气疝,上气癫狂”。母热乳儿,则“变黄不能食”,母吐则“虚羸”,母房室后,则“儿羸瘦,交胫不能行”等,应选择无“胡臭、瘰、瘰、气嗽”、“痴、癩、白秃、瘰疬”等疾病的健康乳母。体现了孙氏的优生优育思想。2. 新生儿疾病的证治方面,记载了鹅口、连舌、悬痈起胀、重舌、重颚等口腔疾患,采用外用搽洗、针刺等方法治疗,这些记载与现代医学认为新生儿唾液腺不发达,口腔干燥,容易发生霉菌及其他微生物感染,特别注意新生儿口腔卫生,具有一定的科学道理。3. 对疑难病的证治:① 魇病,是由古代胎教思想沿续而来的疾病。此病涉及到婴幼儿与母乳营养成分问题,认为“妇人先有小儿未能行,而母更有娠,使儿饮此乳,亦作魇病。”这种疾病的形成,既具有心理上的失落,又有母乳营养成分的丢失(供新胎儿生长),最终造成小儿营养不良综合症的发生。② 对惊、痫、搐的认识:惊乃痫之速发,搐即手足掣纵,皆痫之初候。痫的病名,按五脏分心、肝、脾、肺、肾痫,按发作声音分六畜为马、牛、羊、猪、犬、鸡痫。其证治采取针灸并用,针药并用。4. 在方剂学方面,少小婴孺论中,共载方 252 首,既有古方紫丸、黑散,又有孙氏龙胆汤为主治疗多种疾病的方剂应用,其他如五香连翘汤、牛黄丸、苦参汤等著名方剂,丰富了儿科方剂学内容。5. 在治疗学方面,孙氏阐述婴幼儿“逆针灸”的客观态度,并实施以具体的腧穴、主病、灸壮等,是研究小儿针灸学发展的重要文献。

该书版本主要有四个系统:一是真本《千金》,为日本发现的早期《千金》抄本,仅存一卷。二是宋本,主要是明人陆心源收藏的 20 卷残本。三是南宋本,包括元刻本、明刻本、日本江户医学影印本。四是道藏 93 卷本,以乔世宁刊本为代表。上述以南宋本最为完备,错误少,解放

后有人卫影印日本江户本发行。

《外台秘要方·小儿诸疾》(唐)王焘撰著

王焘(公元 690~756 年),陕西眉县人(一说西安),唐代医学家。其曾祖王珪为太宗朝重臣,官至礼部尚书。焘一生曾任房陵、彭城、郾郡太守,知弘文馆给事中判馆事。因远离宫禁台阁,而郾守外台,故汇集医方秘要之书曰《外台秘要方》。约于公元 752 年撰成。

全书四十卷,其中有二卷“小儿诸疾”(卷 35~36)86 门,论病 87 种,载医方 416 首。论述初生护养及疾病 14 门,常见儿科疾病惊、啼、中风、伤寒、咳逆、霍乱、吐、利、二便不遗等内科杂病,以及皮肤痈疡外科、五官病证计 72 门。文中论述采用类书辑引方式,儿科卷收录有《诸病源候论》、《肘后》、《小品》、《古今录验》、崔知悌骨蒸灸法、张文仲方、《千金》、《必效方》等六朝以来名家、名著的方论。遗过此书辑引,一览无余。

该书主要成就:1. 保留了唐以前儿科文献。便于读者遍检他书精华,具有工具书作用。2. 丰富了疑难病治疗方剂。在惊痫证治方面,于《千金》基础上,又引录《古今录验》钩藤汤、麻黄五痈汤治疗 25 种痈,具有通治方的意义。解颅、落齿不生为儿科五迟病,书中引用《小品》、范汪方,采用外用药物热熨方法,简便易行。在所引大量方剂中,多数为复方药味组成,明显地复杂于晋唐方书单味药方为主的状况,显示了方剂学发展在唐代一段轨迹。3. 对小儿意外伤害的记载,选用《小品方》误吞铁珠及针入小儿皮肤二首方治,利用磁石吸铁的原理,予以治愈,体现辑者思路的正确性。

由于该书是大型综合性医学类书,为后世所重视,而唐代儿科学发展,可借以代窥一斑。

该书版本主要有二个系统:一是宋刊本,陆心源丽宋楼本,后为日本东洋医学善本丛书收录。二是宋写本,明代医家程敬遗据此整理本,人民卫生出版社缩印本。

《太平圣惠方·小儿门》(宋)王怀隐等编纂

王怀隐,河南商丘人,北宋年间为朝廷尚药

奉御,后任翰林医官。公元977年奉诏与副使王祐、郑奇、陈昭遇四人,编纂《太平圣惠方》,历经十五年,于公元992年刊行问世。这是一部宋代最早的国家编纂的医学方书。

全书一百卷,儿科内容十二卷(卷82~93),252门类,论病240余种。包括新生儿护养疾病(口噤、鹅口、脐风等)、婴幼儿内科杂病(发热、伤寒、咳嗽、呕吐、黄疸、疟疾、霍乱、下利、惊痫、疳积、淋、疝等)、儿外科疾病(痈疽、丹毒、疮痍、烫伤等)、小儿五官病(舌重、耳聋、聾耳、雀目、青盲、鼻渊等)。

该书学术成就:对疾病认识主要是继承《病源》病因证候说,如对变蒸、护养、发热、呕吐、吐泻沿用此说,方剂上有所发展,较有特色者如:①对小儿痫证认识,有了“癫痫”病的明确记载,并认为此病机理是“风邪热毒,伤于手少阴,心为帝王,神之所舍,风热蕴积乘于心,故恍惚不安,荣卫气乱,阴阳相异”。发病内因是,胎儿期其母有所惊吓,惊气异居于儿所致。这些认识均具有开创性,对于癫痫研究具有一定的价值。②对眼科疾病的认识,初生胎赤目病,原因是

“初生洗目不净,令秽汁渍入”,这与现代医学认为新生儿睑缘炎来自于外环境感染是一致的。又如青盲,既有无痛青盲,又有青盲兼脑痛的记载,并有相应主治方剂。③对滞颐的认识,书中记载了“多涎”证病因,是“风热壅结于脾,积聚成涎”,强调此病的脾热病理,而后世方书又有“脾冷”之说,这二种认识完善了小儿滞颐的病理说。小儿三岁以前,腺体发达,素体湿胜者,多涎属正常生理,一旦涎沫结实,则生壮热,成为病理。素体瘦弱多热者,涎少,一旦涎多,则乳食不下,成为病理。因此,多涎即反应小儿体质特点,亦可反应一种疾病状态。④对小儿热病如疹、痘、斑的认识,总病机为“积热于脏腑,蒸郁热毒,散于四肢”。它们之间的区别为脏热生细疹,腑热生痘疮,胃热生斑。治疗原则为,初起疏利,已出不可疏转,已定宜利大小肠。

综合上说,该书是研究儿科疾病史,不容忽视的早期文献。

此书的版本主要有宋刊本残卷和多种抄本。解放后,人民卫生出版社据多种抄本、刊本配补而成完帙的排印本。